


Anut san bilalun  
foun



The New Testament in the Takia Language of Papua New Guinea

**Anut san bilaluy foun**  
**The New Testament in the Takia Language of Papua New Guinea**  
**Nupela Testamen long tokples Takia long Niugini**

Copyright © 1999 The Bible Society of Papua New Guinea

© Faith Comes by Hearing

Language: Takia

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-12-11

---

PDF generated using Haiola and XeLaTeX on 22 Feb 2024 from source files dated 31 Aug 2023  
757b3e4e-2023-5b45-893a-ee9294ddeb9d

## Contents

Matyu . . . . .	1
Mak . . . . .	55
Luk . . . . .	90
Jon . . . . .	142
Aposel . . . . .	182
Rom . . . . .	231
1 Korint . . . . .	257
2 Korint . . . . .	283
Galesia . . . . .	299
Efesus . . . . .	308
Filipai . . . . .	317
Kolosi . . . . .	323
1 Tesalonaika . . . . .	330
2 Tesalonaika . . . . .	335
1 Timoti . . . . .	338
2 Timoti . . . . .	344
Taitus . . . . .	349
Filemon . . . . .	352
Hibru . . . . .	354
Jems . . . . .	371
1 Pita . . . . .	377
2 Pita . . . . .	383
1 Jon . . . . .	387
2 Jon . . . . .	392
3 Jon . . . . .	393
Jud . . . . .	394
Revelesen . . . . .	396

## Matyu

### *Jesus anen tubun bagen*

#### *Luk 3:23-38*

<sup>1</sup> Yanak e irig ipalu den in Jesus Kristus san tubun bagen a. Jesus in Dawid lo ilasa ya, agod Dawid man in Abraham lo ilasa ya. <sup>2-5</sup> Abraham log ipalug Kin Dawid lo man, tubun bagen san yanak igo iri a: Abraham, Aisak, Jakob, Juda in tein muroun dida. Aria, Juda man Peres in Serah da tamadi, agod uraru an tinadi Tamar. Aria, Peres, Hesron, Ram, Aminadab, Nason, Salmon, Boas (Boas tinan Rahab), Obed (inanan tinan Rut), agod Jesi. Aria, Jesi man Kin Dawid taman.

<sup>6-11</sup> Dawid log ipalug saen Babilon san kin yu yabisag Jerusalem daon ipani dugo, Juda adi ikudai go Babilon na subanek tamolpein igo won diau go ante dumado na yan san saen lo man, tubun bagen sad yanak igo iri a: Dawid, Solomon (in tinan man, pein nek a imug Uraya inane ya), Rehoboam, Abijah, Asa, Jehosafat, Jehoram, Usia, Jotam, Ahas, Hese kaya, Manasei, Amon, Josaya, agod Jehoyakin in tein muroun dida.

<sup>12-16</sup> Aria, Juda adi Babilon na dumado yan san saen ibiseig ipalug, Jesus ilasa yan san saen lo man, tubun bagen sad yanak igo iri a: Jehoyakin, Sealtiel, Serubabel, Abiud, Eliakim, Asor, Sadok, Akim, Eliud, Eliasar, Matan, Jakob, agod Josef nek a Maria inane ama ya. Maria nek a Jesus igansi a, in tamol nek a Kristus tabol dama ya.

<sup>17</sup> Aria, Abraham log ipalug Dawid ilasa yan tubun 14 lo dar igile ya. Anteg, Dawid log ipalug Juda adi Babilon na dumado yan san saen lo, tubun 14 taida lo dar igile ya. Aria, anteg tubun 14 taida lo dar igile gug Kristus ilasag malan ipuk a.

### *Kristus ilasa ya*

#### *Luk 2:1-7*

<sup>18</sup> Aria, Jesus Kristus dugo ilasa amaiak san dal man igo ya. Maria tinan taman in Josef inane san njen dupani, ago yak man Josef pein an da gamugo dien dugo, Awan Urgun san dabai iganeg Maria luan anda yan tamolpein fidian dile dulon a. <sup>19</sup> Agog in iwon Josef man tamol itaot ago yan lo in pein an malak malak miai ipani man imoi, agog pasak nam pein an ibiseip isol yau o ilo sou ago igane ya. <sup>20</sup> Saen inisan ilo sou ago igane man, yen dugo Tubun ak san enel njenamin lo san na ilasag irupeig ibol, "Josef, Dawid nanun, Maria on iwo yak njen o ilo ta gidigheid na wa, fun dugo, nanuk Maria tinan lo man Awan Urgun san dabai lo ilasa la ya. <sup>21</sup> In nanuk tamol ak igansi wa, ago dop on yan Jesus ubol a, fun dugo, in inisan tamolpein inaned aupasek san ai wadan an lo patud ipasi wa." <sup>22</sup> Mel an fidian dilasa yan san fun man igo ya, wagam Anut ru fulalek profet ta awan lo ibol ilasa yan gamu nunon fo tusuda ya. <sup>23</sup> In ibol, "Pein baras ta kitek tamol ta da dutor man tia yak, tinan lo nanuk tamol ak ta ilasa wa. Ago dop yan Imanuel dubol a." (Yanak Imanuel fun man igo: "Anut id da tumado da.") <sup>24</sup> Agog saen Josef njen lo imasa man Tubun ak san enel awan irig, Maria iwon on inane san panu na diaug iwon on ida dumado se ya. <sup>25</sup> Ak man saen inane yau man kitek iwon on ida dien man tia ya, agog yang pein an nanuk tamol luan lo yan igansi a. Agog Josef nanuk an yan Jesus ibol a.

## 2

### *Manau tamol Jesus dile wo dupalu ya*

<sup>1</sup> Jesus Betlehem na ilasa, Betlehem man tan tubun Judea na yen da. Saen an lo Herod in kin imado se ya. Saen Jesus ilasa man manau tamol adi ad ilasa dak lo yak Jerusalem na dupalug gidigheid dusumiaen se ya, <sup>2</sup> "Nanuk a ilasa amaiak dugo mi ak i? In murnap Juda adi sad kin imado wa. Ilasa yan man malon a,

man dugo, inſan patui ad ilasa dak ate fun iganeg ided do mile ya, an lo maſ ubou an mile wo mupalu ya.”

<sup>3</sup> Saen kiſ Herod inſad nſeſeſ ago ilon man ilo sou ifini saian, ago dugo tamolpein Jerusalem na dam sisem ilo sou gidigheid diſane se ya. <sup>4</sup> Agog Herod pris gurman adi, agod kubiaen san girek maſau adi dida itumanai go isumianaig ibol, “Aben dugo amaiak lo Kristus ilasa wak i?” <sup>5</sup> Ago dugo dubol, “In aben Betlehem o Judea na amaiak ate ilasa wa. Man dugo, wagam ru fulalek san profet ta igireg ibol,

<sup>6</sup> ‘O Betlehem, tan Judea na, on Judea san gugoi gurman lulunad lo panu kawan ak on tia ya.

Man dugo, mitep on lo gurman ta ilasa wa.

Gurman an nſaisag tamolpein Isrel itirnai a.’ ”

<sup>7</sup> Murnag Herod pasak nam maſau tamol adi igiaig dupalug isumianai, “Saen dugon lo patui fun iganeg ided ak i?” <sup>8</sup> Agog Betlehem na idinaig diau o dugo ago ibol, “Aup nanuk an niſen o aban ale wo uyanan a. Saen ale dop ru ananep apalup, abol nalon dop, nai dam nſaup ubou an nſile wa.” <sup>9-10</sup> Saen kiſ san nſeſeſ dulon go itout man fun diganeg Betlehem na diau a. Ago dugo patui a ad ilasa dak lo dile yan, afon ilasa dag dile ya. Saen patui an dile man ilod uyanan geig go uyad isusa ya. Agog patui an imug naod na yaug, nanuk ab a lo yen dak ate gug, ab fufo ago ided dugo yen se ya. <sup>11</sup> Agog ab an ate dilasag diladug, nanuk tinan Maria da dumado dugo diliai man, ditakoksig ubou an dile ya. Ago gug melmel naod lak na lak na disini an, awad dupasi idug lou dupani a. Mel naon ibol gol, agod ubou san marasin ta yan an frankensens dubol dan, agod marasin ta yan an mirr dubol damaiak dupani a. <sup>12</sup> Agog dumul man Herod san na ta diau na ya, man dugo, inſad nſon lo Herod san na ta diau na wo Anut geg ipidinai a. Ago

yan lo dal senamo diſaneg sed naod na dumul diau a.

### *Disol go Egipta na diau a*

<sup>13</sup> Aria, saen dumul man Tubun ak san enel nſonamin lo Josef san na ilasag irupeſi, “Masa kisaek on pe nanuk tinan da unal pe tan Egipta na ante asol pe au a. Aup ante amado dop saen isudap nai amul o nabol dop amul. Man dugo, Herod nek nanuk an daon ipani wo aban ile da.” <sup>14</sup> Agog Josef imasa kisaek on go nanuk tinan da tidom lo inal go, ab dibiseig fun diganeg Egipta na diau a. <sup>15</sup> Diaug Egipta na dumado yau dugo Herod imat. Ago gug Egipta dibiseig Judea na dumul diau a. Nſeſeſ nek e ru fulalek san profet wagam ibol ago mi nunon ilasa ya. Tubun en ibol, “Egipta ilon lo nſaineg nanug nſuwagin go tan en ibiseig ilasa ya.”

<sup>16</sup> Saen Herod maſau tamol dirawi ago ilon man, tiſaen imumari geig a. Agog wagai tamol idinaig Betlehem na fidian mi lubanek diaup ante nanuk tamol ananar urarug isuda agog ananar urarug idu yan fidian dufu dumat o diau a. Man dugo, imug Herod maſau tamol an isumianaig ibol, “Nal dugon lo patui an fun iganeg ided se yak i?” Ago dugo in ru naon durupeig dubol, “Ananar uraru yau la ya.” <sup>17</sup> Dal an lo ulon tamol yan an Jeremaia wagam nſeſeſ a ibol ilasa yan nunon ilasa ya. In ibol,

<sup>18</sup> “Kilagun ta panu Ramah lo dulon a, tinan igane dugo tubun mi isasai se ya.

An man Rasel nanun muroun niſedi wo tinan yabi se ya.

Ilon diſane gug imoi, man dugo, inanen nanun muroun fidian dumat pasik a.”

### *In dumul ak man Nasaret na diau a*

<sup>19</sup> Aria saen Herod imat man, Tubun ak san enel Egipta na yaug nſonamin lo Josef san na ilasag irupeig ibol, <sup>20</sup> “Masap nanuk tinan da unal pe tan Isrel na ante au a. Man dugo, tamol in dufuni imat o digane yan man gubak mi dumat la ya.” <sup>21</sup> Agog

Josef imasag nanuk tinan da injal go tan Isrel na atna diau a. <sup>22</sup> Saen dumul diau man, Akilaus taman Herod aben injaneg kinj imado se yan Josef ago ilon a. An ninen o Josef irer an lo provins Judea ante imado wo man imoi a. Agog afon njon lo Anut ru kagin ipanig Jerusalem na ta yau na wo ibol a. Ago tag Jerusalem irinjanig Galili na yau a. <sup>23</sup> Agog yaug aben ta Nasaret dubol dak lo imado se ya. Ante afon ru ta wagam Anut san ulon tamol adi dubol an nunjon ilasa da ya. Njinej an igo ibol, “Tamolpein in tamol an ninen o Nasaret tamol dubol a.”

### 3

*Jon suguek tamol Jesus san dal ikubine da*

*Mak 1:1-8; Luk 3:1-18; Jon 1:19-28*

<sup>1</sup> Saen malak malak lo Jesus gamugo ilasa man, Jon suguek tamol dubol dan ipalug, Judea na tan kawan ak lo ru ifulale se ya. <sup>2</sup> In ru kuai te iganeg ibol, “An ilom ibileksa wa, man dugo, Anut san kagin panek an sumeik ipanad la ya.” <sup>3</sup> Profet Aisaia tamol an ninen o wagam mi igo ibol a,

“Tamol ta san kilagun tan kawan ak lo iwagin go ibol,  
Tubun en inanan dal akubunep itaot yen a.”

<sup>4</sup> Aria, Jon san biouj tinin fo idiri man kamel san fufulun nam igane ya. Agod san let luan na man makau san sunulon nam igane, agod san anan man sis tutubun agod nini\* sad dubei bulbal bulbal dineg ilasa damaiak mi ile dop yani da. <sup>5</sup> Saen injan urat fun iganep ru ifulale se man, tamolpein wei mi Jerusalem nag Judea ilon lo fidian, you Jordan yen dugo giranen na aben an fidian dupalug ru dulon se ya. <sup>6</sup> Agog saen injan ru dulon man aupasek digane na yan walal te dubol ilasa dugo, Jon you Jordan lo isuguai idu ya.

<sup>7</sup> Ak gug saen in tamol wei mi Farisi agod Sadyusi ago in isuguai o naon

na dupalug dilasa dugo yil a, agog ru dabai ipidinaig ibol, “An mot nanun moroun! Enti Anut san tinj saian mitep ilasa wan ninen o ru kagin ipanaj dugo asol dak i? <sup>8</sup> An kagin mok a ilom ibilisa dak iri panig yen dan mi agane ilasa wa. <sup>9</sup> An ansem ilom lo igo ta abol na wa, ‘Abraham man man tamama, an man o idaisuda ya.’ Man dugo, naj en njurupaian itaot da, Anut ilon ibol tap man, pat e dien den ka injiliaip ibilaip Abraham nanun muroun mok dilasa wa. <sup>10</sup> Pilagis ai dabin lo yen la ya. Ai fidian a nunod uyan uyan ta ifu na dan, Anut itarep yai lo yabi yaup inandai yau a.

<sup>11</sup> “Nai you lo mi an njusuguan da, ago dop tamolpein naod na an ilom ibilisa yan kuai isi wa. Ak man tamol a naj patug fo ipalu dan injan dabai naisag dabai irinjan geig a. Naj man tamol gidad a, amaiak ninen o injan sendal nisini san o yanag tia ya. Gug tamol en man Awan Urgun lo isuguan a, agod Urgun an san yai nam ifulanan pe ikok alasa wa. <sup>12</sup> In banin lo kon gilek lo idirai san biouj yabig imado da. Aben ate urat a igane wan ikubineg ante itur da. Uyan ak senamo idirai dop, metmet adi yabi yau o da. Ago dop kon anan ab lo itumani wa. Ak man metmet adi man yai lo isuware yau a. Agod tamol ta yai an igane imat san tia ya.”

*Jon Jesus isugui a*

*Mak 1:9-11; Luk 3:21-22*

<sup>13</sup> Aria saen ta Jesus Galili ibiseig you Jordan lo Jon isugui wo yau a.

<sup>14</sup> Ak man Jon ipadau go ibol, “Onse amaiak naj suguag a. Ata wo on njusuguo wo ubol go naisag na palu i?”

<sup>15</sup> Jesus ru naon irupeig ibol, “Gidad umoi dop ago ilasa wa. Id kagin itaot ak fidian tigane san an tigane itout o uyanan a.” Ago tag Jon awan mi iri a.

<sup>16</sup> Agog Jon Jesus isugui a. Nek saen a Jesus you ibiseig tan fo isuda man, kumaen panu san dalawan awan

\* 3:4: Kunjohob

pasek go yen dugo, Anut san Ur muluk onj idug, inj kabunan fufo imasi dugo ile ya. <sup>17</sup> Agog kumaen panu lo wagin ta inijen idug, igo ibol dugo ilonj, “En man naineg Nanug, naineg bubeg mok, inj ninen o naj ilog tubun mi uyanan da.”

#### 4

*Ur saian a Satan dubol dan Jesus bitinaek lo igane ya*

*Mak 1:12-13; Luk 4:1-13*

<sup>1</sup> Aria, Jon Jesus isugui itout man, Urgun inj Jesus iduduwig tan kawan ak lo yaup an lo Satan inj bitinaek lo igane wa. <sup>2</sup> Ante man Jesus sen ananj lo geg ipani a. Nal 40 ad tidom da ananj ta yani na ya, ak ninen o nal wadan ante man imatigen saian geig a. <sup>3</sup> Ago dugo ilo njanek san ur saiak an inisan na ilasag irupeig ibol, “Onj Anut Nanun tap, ubol dop pat en bret onj ibili wa.” <sup>4</sup> Ak man inj ru naon irupeig ibol, “Girek ta buk lo igo ibol, tamol bret lo mi ta kumaen imado na da, tia, ru a fidian Anut awan lo ilasa dan lo mi inj ka kumaen imado wa.”

<sup>5</sup> An itout go Satan injaneg Jerusalem na diaug, lak na tempel san nudun fufo igunig itur a. <sup>6</sup> Ago dugo irupeig, “Onj Anut Nanun tap sokalik udu, man dugo, girek ta buk lo igo ibol, ‘Inj inanan enjel irupidai dop kagin dupano wa.

Banid nam disawo wa, kabelan pat onj nie ifini banau.’ ”

<sup>7</sup> Ago dugo Jesus ibol, “Girek ta buk lo dam igo ibol, onj mel ta gane tap lo Tubun en onjane Anut an bitinaek lo ta gane na wa.”

<sup>8</sup> Agog afon Satan Jesus injaneg did lak na geig ak kabunan fufo igunig itur dugo tan en san abanj fidian, agod inaned girager dam, ikubiai pani a. <sup>9</sup> Agog irupeig ibol, “Onj takoksip ubou ag ule tap man, naj mel e ule den fidian njupano wa.”

<sup>10</sup> Ak man Jesus ru naon irupeig ibol, “O Satan sen lasa wau! Man dugo, girek ta buk lo igo ibol, ‘Onj Tubun en onjane Anut mi ubou an ule

wa. Insen mi ninen o bigabeg urat gane wa.’ ”

<sup>11</sup> Ago ibol dugo Satan ibiseig yau a. Agog enjel dudug kagin dupani a.

*Jesus inanan ru fulalek san urat fun igane ya*

*Mak 1:14-15; Luk 4:14-15*

<sup>12</sup> Aria, Jon dusebanig subanek ab lo digane ya. Saen Jesus nijen an ilonj man aben an ibiseig Galili na yau a. <sup>13</sup> Insinanen panu Nasaret ibiseig, yaug Kaperniam na imado ya. Taun an you tilianek ta, you uyanan ak man, yanan You Galili dubol dan, sinjiren na yen da. Distrik an gugoi uraru a yanad Sebulun agod Naftali amaiak sad tan. <sup>14</sup> Dal amaiak lo awak aban ta profet Aisaia ibol an nunon ilasa ya. Inj ibol,

<sup>15</sup> “Tan Sebulun agod tan Naftali, you tilianek sinjiren na yan, you Jordan aen ate, tan Galili gob wei mi ante dumado dan, tan an ninen o njabol da.

<sup>16</sup> Abanj an san tamolpein a tidom tubun lo dumado dan, lilaman tubun ak dile ya. Agod ensauta a maten san miriau lo dumado dan, ilalanj insad na ilasa ya.”

<sup>17</sup> Nek saen an lo Jesus fun iganeg ru ifulaleg ibol, “Ilom abilisa, man dugo, Anut san kagin panek man anjam na ipalu sumeik la ya.”

*Jesus inisan megeloum malmalan ak igiai a*

*Mak 1:16-20; Luk 5:1-11*

<sup>18</sup> Jesus You Galili gigin irig itor dugo tamol ta tein da yil a. Tamol an imug yanan Saimon, agod yanan ta dam Pita dubol da. Agod tein Andru. Uraru an iy njalanjal, ago yan lo inaned dob you lo dubal idu dugo, Jesus ipalu ya. <sup>19</sup> Agog irupidai, “Nai njieg abag ari gup tamol anjal san manau njipitenanan a.” <sup>20</sup> Agog dob dubal yen dugo njen aban diri kisaek onj a. <sup>21</sup> Jesus you aen gigin irig isuda yau man afon tamol ta tein da yil a, Jems Sebedi nanun agod tein bakanan ak yanan Jon,



uraru an wog fo tamad Sebedi da dob duwei se ya. An dam urarum igiai a. <sup>22</sup> Agog urarum wog fo dudu kisaek on go tamad dibiseig Jesus njen aban diri a.

*Jesus ru ifulale dugo tamolpein subam ifu ak ikubuniaia a*

*Luk 6:17-19*

<sup>23</sup> Aria Jesus aben Galili ilon lo fidian itiliani pasik go sad ubou ab ilon lo manau ipitejanai dugo, Anut inanen kagin panek an san bilalun dam malak malak ifulale se ya. Saen an lo tamolpein ilod lo subam naon funfun fidian agod njed banid ikikai an ikubuniaia idu se ya. <sup>24</sup> Ago tag njen in njen o ifurak yaug tan Siria ilon lo inisan yan tubun geig ilasa ya. Ago yan lo tamolpein fidian subam amad da yan dijal go san na dupalu ya. Tamolpein madai gidigheid tinid lo, agod subam naon funfun, tamolpein ur saiak saiak ilod lo yen dan, a saen wei mi kurbarib ifu dan, agod tamolpein njed banidi imat ak an fidian dusu dupalu ya, agog in ikubuniaia idu pasik a. <sup>25</sup> Agog tamolpein wei mi geig njen aban duri na ya. Galili na dipalug, provins a TenTaun\* dubol dan te, Jerusalem na, Judea na, agod aben you Jordan aen ate dam fidian in dile wo dupalu se ya.

## 5

*Jesus Anut san kagin panek an njen o ru ifulale ya*

*Luk 6:20-23*

<sup>1</sup> Aria, saen Jesus tamolpein dubuluwi dugo ago ile man, yaug did giranen na isuda yau a. Agog saen imasi an, inisan megeloum awan dulon o san na dupalu ya. <sup>2</sup> Agog awan isupanig fun iganeg ipitejanai a. Agog ibol,

<sup>3</sup> “Talpein enti nutun lo binawek njen katukan, an bar inaneg imado da.

Man dugo, Anut san kagin panek man inisan mok a.

<sup>4</sup> Talpein enti tan en lo tinan yabi dan, bar inaneg imado da.

Man dugo, Anut in ilon inane dop ilon pasa ibol a.

<sup>5</sup> Talpein enti mos kagin mi iri pani dan, bar inaneg imado da.

Man dugo, tan tilianek en san taman igo ilasa wa.

<sup>6</sup> Talpein enti tamolpein fidian kagin itaot digane san njen o yaes isofutani dan, bar inaneg imado da.

Man dugo, inisan mala nouk an idaisuda wa.

<sup>7</sup> Talpein enti aenta ilod imunanai dan, bar inaneg imado da.

Man dugo, Anut dam talpein an inanen ilo munanek ipani wa.

<sup>8</sup> Talpein enti ilon lo ikokan imado dan, bar inaneg imado da.

Man dugo, in Anut ile wa.

<sup>9</sup> Talpein enti maror ipidinaig itor dan, bar dijaneg dumado da.

Man dugo, in man Anut san nanun muroun mok ago dubol a.

<sup>10</sup> Talpein enti kagin itaot ak njen o muruan ile dan, bar inaneg imado da.

Man dugo, Anut san kagin panek man inisan a.

<sup>11</sup> “Tamolpein an naom dufute wak, muruan dupanan ak, agod an njenemi wo ru saiak saiak lo sewak digane wa. Man dugo, an naisag tamolpein ago yan njen o ago digane tap man, an bar ananeg amado da.

<sup>12</sup> Yousai lo amado dop ilom uyanan a, fun dugo, ananem naon kumaen panu lo yen den tubun geig a. Man dugo, nek muruan naon kisaek mi tamolpein profet adi imug dumado yan dupidinai se ya.

*An beig ilalan da igo won a*

*Mak 9:50; Luk 4:34-35*

<sup>13</sup> “Tan en lo man an nek ibol beig on a. Ak gug beig san gigen itout tap, aria dugo won tamol ta san gigen an iganep beig on ilasa da wak i? Beig an urat aman tia ya, an njen o tamolpein tan fo diabi yau dop fufo diau dumul pe duparfufari wa. <sup>14</sup> An

\* 4:25: Dekapolis



tan en lo ilalaŋ oŋ amado da. Panu ta did fufo yen dan tamolpein dimiani san tia ya. <sup>15</sup> Nek ago mi tamol ta lam ibanip sareg paen na ta igane na da. Tia, lam an ab ilon lo isuŋani dop ate ab ilon igane ilalaŋ da. <sup>16</sup> Nek dal kisaek an lo na agane dop tamolpein ilod lo aŋsam midiad\* an dile wa, an lo tamolpein aŋsam kagin uyan uyan an kuai tem dile wa. Ago dop iŋ aŋanem Tamam kumaen panu lo imado dan per dupani wa.

### *Jesus Moses san kubiaen dabai ipani a*

<sup>17</sup> “Kabelan Moses san kubiaen agod profet sad ru an ŋai ŋigane itout o ŋupalu abol banau. Ŋai mel uraru an ŋigane itout o ta ŋupalu na ya, tia, ŋai tinig lo iŋaned ru idaisuda wo ŋupalu ya. <sup>18</sup> Man dugo, ŋai rumok ŋurupaiaŋ da, gamu yaup tan keit da itout san saen idu dop, samun kitekan ta kubiaen ilon lo yen dan dupasi yaup itout san tia geig a. Tia, mel fidian kubiaen lo man nek ago yen yaup, nek ru fidian digire yan sad nuŋon ilasa wa. <sup>19</sup> Aria, talpein enti a kubiaen tusan ak ta ipilali dugo tamolpein aenta ago mi digane wo ipiteŋanai dan, talpein an kumaen panu lo yaŋan tia wa. Gug talpein enti a kubiaen fidian iri ipani dugo tamolpein aenta kubiaen an fidian diri wo ipiteŋanai dan, iŋ yaŋan kumaen panu na man tubun geig a. <sup>20</sup> Alon uyan a, man dugo, ŋai itaot ŋurupaiaŋ da, aŋ gidad maeg aganep aŋanem kagin itaot an, kubiaen girek maŋau adi, agod Fasidi adi dam, sad kagin itaot ak iriŋani wa. Tia tap, aŋ Anut san kagin panek lo aladu san man tia geig a.

### *Jesus tiŋae saian san ai wadan niŋen ipiteŋanai a*

<sup>21</sup> “Ru kubiaen a Anut aŋsam tubum bagem irupidaŋ an alon a. Ru an ibol, ‘Oŋ tamol ta funi imat na wa. Talpein ta tamol ifuni imat tap, isol yau san tia ya, tia, iŋ mok mitep Anut

san sumiaek lo itur a.’ <sup>22</sup> Ak man ŋai ŋurupaiaŋ da, aŋ aŋanem turam niŋemi wo ilom wananan dan, kagin an dam saian geig a. Man dugo, talpein enti a tein lo tiŋae saiak igane dan, iŋ dam Anut san sumiaek lo itur a. Agod talpein ta tein pilapil ru saian ak ipani tap, Juda sad kot malan te yak lo itur a. Agod talpein ta tein ipeip ‘oŋ niŋeo’ ibol tap, iŋ Ades san yai lo idu yau a. <sup>23</sup> Fun an niŋen o, saen oŋ Anut ilo uyan pani wo mel ta alta san yai fo mari san niŋen o sini palu dop, tei mel ta niŋen oŋ lo ilon saian an ilo sou tap, <sup>24</sup> oŋane ilo uyan san mel an alta naon na wabi idu dop, umul waup tei da bubem kisaek gup, umul palup oŋane mel an sinip marip Anut ilo uyan pani wa. <sup>25</sup> Saen oŋ kot ab naon na wau dop, tamol a iŋiliog kot lo wau o dan, dabai ganep ida niŋen an dal te mi akubune kisaek oŋ gup aup alasa wa. Kabelan kot lo alasa dop, tamol an tulek tamol† banin lo iginiop, iŋ oŋ ai katuk banid lo iganep, subanek ab lo dibilio waup, dusubano banau. <sup>26</sup> Ŋai rumok ŋurupaio da, oŋ nek ago mado yaup naon dugo dupano yan udad pasik a.

### *Jeit kagin san piteŋanek*

<sup>27</sup> “Aŋ ru kubiaen e dubol en alon a, ‘Oŋ jeit kagin ta gane na wa.’ <sup>28</sup> Ak man ŋai igo ŋurupaiaŋ da, tamol ta pein ta ilep niŋen o ilo masa lo malan isi tap, iŋ ilo sou lo da jeit kagin digane la ya. <sup>29</sup> Oŋ mala iganep kagin saiak lo udu tap, mala an fure ilasap biliau a. Gidad, an uyan a, an man oŋ tini san boi ta mi ideg yau a, kabelan oŋ tini fidian mi Ades lo idu banau. <sup>30</sup> Agod saen oŋ bani won ak boi iganep aupasek lo udu tap, an dam tutep biliau a. Gidad, an man oŋ tini san boi kisaek o lian bisei a, kabelan an iganep oŋ tini fidian mi Ades lo yau banau.

### *Jesus iwo kudi san maŋau ipidinai*

*Mat 19:9; Mak 10:11-12; Luk 16:18*

<sup>31</sup> “Ru kubiaen e dubol en dam alon a, ‘Tamol ta iwon pein ak ikudi wo

\* 5:16: Mididaŋ † 5:25: Jas

ilon ibol tap, nug banin diabi an itout san girek iwon pein ak an ipani wa.’  
<sup>32</sup> Ak man n̄ai igo n̄urupaian̄ da, tamol ta in̄san pein ikudi san fun man kisaek o lian a, pein an jeit kagin igane la ya, nek an mi a. Saen pein an jeit kagin ta igane na yak gug iwon ikudi tap, in̄ iganeg pein an jeit san pein ago ilasa ya. Man dugo, in̄san pein an tamol foun ak in̄ane tap man, da jeit digane wa. Ago dop tamol sen ta pein a iwon ikudi an in̄ane tap, in̄ dam pein an da jeit kagin digane ya.

*Jesus ru dabai panek san ipitejanai a*

<sup>33</sup> “Afon ru a Moses san kubiaen̄ tubud baged irupidai an an̄ alon̄ a, ‘Saen on̄sigane n̄in̄en̄ dabai pani wo dop, n̄in̄en̄ nuñon aman tia yak lo dabai pani wo ago ta gane na wa. Tia, on̄ane n̄in̄en̄ Anut malan lo uri uyanan an mi gane wa.’  
<sup>34</sup> Ak man n̄ai igo n̄urupaian̄ da, on̄ mel ta san yan̄an lo on̄sa ru dabai pani wo ta gane na wa. On̄ kumaen̄ panu yan̄an patep lo on̄ane ru dabai ta pani na wa, man dugo, aben ante Anut san badim yen da.  
<sup>35</sup> Agod tan san yan̄an patep lo on̄ane ru dabai ta pani na wa, man dugo, tan en man aben Anut san n̄ien ate yaes ibal da. Jerusalem san yan̄an patep lo ago gane wan n̄in̄en o umoi a, man dugo, aben an man Kin̄ tubun amaiak san panu malan te ya.  
<sup>36</sup> Taidam, on̄ kabuñ̄a dam san yan̄an patep lo on̄sa ru dabai ta pani na wa, man dugo, on̄ gumura roun ta ganep milkouk boi bilkas boi ilasa san tia ya.  
<sup>37</sup> Nek ‘awok’ ubol a, tia dop, ‘tia’ ubol a, an mi idaisuda ya. On̄ mel ta suguan taida gane tap, kagin an san fun man, ilo sou saiak a ilo lo yen damaiak lo ilasa ya.

*Jesus naon pani san man̄au ipidinai a*  
*Luk 6:29-30*

<sup>38</sup> “An̄ mel e kubiaen̄ ibol en alon̄ a, ‘Malak ta in̄ on̄ mala san a, agod luok ta in̄ on̄ luo san a, agodo naon pani wa.’  
<sup>39</sup> Ak man n̄ai igo n̄urupaian̄ da, on̄ tamol a saian an ta wabiani na wa. Tia, saen talpein ta kudan̄a won

ak igufte tap, n̄as ak dam bilisa dop dam igufte wa.  
<sup>40</sup> Agod saen muruan ta n̄in̄en o talpein ta kot lo in̄ilio waup ante tulek tamol irupaio, ‘on̄ane siot pani.’ Ago tap, siot mi ta pani na wa, tia, mel suguan taidam pani wa.  
<sup>41</sup> Agod saen yu san tamol ta in̄anen biouñ sinip kilomita kisaek wau wo isoduduno tap, sinip kilomita uraru wau pani wa.  
<sup>42</sup> Agod saen talpein ta mel an tia dop bunawi wo ibol tap, pani wa. Agod saen talpein ta on̄sa na gubun igane wo dop ta umoi na wa.

*Idsad ager bused tupidinai a*  
*Luk 6:27-28,32-36*

<sup>43</sup> “An̄ mel e kubiaen̄ ibol en alon̄ a, ‘On̄ane tura murou ilo pidinai a, ak gug on̄ane ager adi n̄in̄edi wo man siai gane wa.’  
<sup>44</sup> Ak man n̄ai igo n̄urupaian̄ da, an̄anem ager adi dam bubem apidinai a. Agod ensauta a muruan dupan̄an dan n̄in̄edi wo Anut san na agudani wa.  
<sup>45</sup> An lo dop an̄ man Tamam kumaen̄ panu lo imado dan in̄san nanun muroun mok ago amado wa. Man dugo, in̄sen mi in̄anen ad igane ilasa dugo tamol uyan, agod tamol saian ak sisem ilalan̄ ipidinai da, agod ui iganep tamol sad kagin itaot, agod a sad kagin ta itaot na yan, sad na isi wa.  
<sup>46</sup> Ak dugo, tamolpein a on̄ n̄ine wo ilod dupano dan mi ilo pidinai tap, Anut naon uyan ak ta ipano wak i? Tia geig a. Man dugo, moni takis n̄ilanj̄al tamol adi dam, kagin nek ago mi digane na ya.  
<sup>47</sup> Agod on̄ tura murou mi sad na adian ubol tap, on̄ kagin dugo uyan ak suguan taidam tamolpein aenta ta digane na yan gane di? Gob adi dam kagin nek ago mi digane na ya.  
<sup>48</sup> Amaiak n̄in̄en o nek ibol on̄ane Tama lak na yan itaotan igo won̄, on̄ dam itaota lasap mado wa.

## 6

*Jesus pani san man̄au ipidinai a*

<sup>1</sup> “Kagin gane wo uyan a, on̄ane kagin uyan uyan man tamolpein naod na gane dop lo dilio wo ago ta gane na wa. On̄ ago gane tap, Tama kumaen

panu lo imado dan naon ta ipano na wa.

<sup>2</sup> Fun an ninjen o, saen onj talpein enti mel aman tia yan mel ta pani wo ilo ibol tap, talpein ta imug mi dinip yaup dugo gane wo dan ninjen o tour ta iwi na wa. Tamol balek uraru san kagin diri dan man, ubou ab lo, agod dal te dam, tamolpein dil o kagin naok ago yak digane na ya. Nai rumok jurupaianj da, tamol naok an inaned naon idaisuda mi dijanane la ya. <sup>3</sup> Ak man saen onj tamol filiad tia yak mel ta pidinai tap, onjane bani nas an biabi a bani won ak nam gane dan ilonj o ta ulefuni na wa. <sup>4</sup> An lo dop mianuk lo mi onja binawek pidinai a. Ago dop lo onjane Tama kagin a mianuk lo mi gane yan ile dop, naon ipano wa.

*Jesus gudanek ninjen o ipitenjanai a  
Luk 11:2-4*

<sup>5</sup> “Agod saen onj gudani wo dop, tamol balek uraru san kagin diri dan, igo wonj ta gudani na wa. Inj ilod ibol dak ubou ab lo, agod dal titin gidigidad ate dam, dugudani wo dutur dop lo tamolpein diliai o digane da. Nai rumok geig jurupaianj da, inj naon nek an mi dijanane wa. <sup>6</sup> Ak man saen onj gudani wo dop onjane galun lo ladup, dalawan futani gup, mianuk lo mi Anut enti a sen imianig imado dan san na gudani wa. Ago dop Tama enti a mel ta mianuk lo yen ak gug, inj kuai te mi ile dan, naon ipano wa.

<sup>7</sup> “Agod saen anj agudani man, nek ibol gob adi igo njinenj kawan ak ta afuti na wa. Man dugo, insad njinenj wei mi dubol dan lo mi Anut kududon igure wak ago dubol a. <sup>8</sup> Nek ibol inj dugudani dak igo wonj ago ta agane na wa. Man ata wo? Gamugo onjane Tama sumiani dop mel a ninjen o umat pe sumiani wo dan inj ilonj la ya.

<sup>9</sup> Fun an ninjen o anj igo agudani wa. O Bai, onj did lo mado da.

Onjane yanja gun migane da.

<sup>10</sup> Onjane kagin panek idu ipalu wa.

Onjane awa mi muri mupani wa,

tan na nek ibol did lo digane dak ago mi a.

<sup>11</sup> Gamu nal en san ananj panama wa.

<sup>12</sup> Manjsama gubun onj lo migane yan pasi yau a,

nek ibol aenta sad gubun manj lo diganeg mupasi dak ago mi a.

<sup>13</sup> Manj kubianek lo madu san an lo ta giniamana wa.

Tia, Satan tuon lo patuma pasi wa.

<sup>14</sup> Man dugo, anj tamol ta sad aupasek apare idu tap, Tamam lak na yak anjsiganem aupasek dam ipare idu wa.

<sup>15</sup> Ak gug aenta sad aupasek ta apare idu na tap, Tamam anjsam aupasek dam ta ipare idu na wa.

*Jesus ananj geg pani san ninjen o  
manjau ipidinai a*

<sup>16</sup> “Saen onj gudanek san dabai njane wo ananj lo geg gane tap, nao san leil ta ganep saian na wa, nek ibol tamol balek uraru adi digane dak ago mi ta gane na wa. Inj naod diganep saian dop aenta dil dop dubol a, ‘inj ananj tia ditor da.’ Nai rumok jurupaianj da, inaned naon idaisuda mi dijanane la ya. <sup>17</sup> Ak man saen onj gudani wo ananj lo geg gane tap, usug pe nao kubune wo uyan a. <sup>18</sup> Ago dop aenta onj ananj lo geg gane yan ta dulonj na wa. Ago dop Tama mi ilio dop, inj mel mianuk lo ile dan, naon ipano wa.

*Filian kumaen panu lo dien da  
Luk 12:21,33-34; 11:34-36; 16:13*

<sup>19</sup> “Anj tan en lo filian tubun mok afuti wo urat maeg ta agane na wa. Fun dugo, ente man kadum diani wak, teirteir dam malad dusue wak, gumagam dam ab digilep diladup digam a. <sup>20</sup> Ak man kumaen panu lo mi filian afuti wa. Aben an ate kadum ta diani na wak, teirteir dam malad ta dusue na wak, agod gumagam dam ab digilep diladup ta digam na wa. <sup>21</sup> Man dugo, aben a onjane filia ate yen dan, nek aben an mi lo onjane ilo tini fidian dam antem yen a.

<sup>22</sup> “Onjane mala man tini san lila-man. Saen onjane mala uyan tap, tini fidian mi igane ilalanj a. <sup>23</sup> Ak man

saen onj mala saian tap, tini fidian geig an tidom tubun da awan isa wa. Aria, saen lilaman onj lo yan tidom tubun onj tap, tidom tubun an bilkas geig a.

<sup>24</sup> “Tamol ta gurman uraru mi nal kisaek lo mi awad yabi san tia ya. In ago igane wo igane tap, in kisaek o lian ninjen o imat dop, turan ile sisan a. Tia dop, kisaek o lian ilon ipani dop, turan patun ipani wa. Nek ago mi onj Anut moni da sisem uri san tia ya.

*Ilo ta muruan na wa*  
*Luk 12:22-31*

<sup>25</sup> “Nek an ninjen o nrupaian da, anjam madok ninjen o ilom ta muruan na wa. Mel ani wan ninjen o, mel aluk san agod biouj tinim san an ninjed wo ilom ta muruan na wa. Ak dugo, anaj an mel tusan dugo njutumi an mel tubun ak i? Aria, taida mi, biouj tinim san an mel tusan dugo tinimi mok an mel tubun ak i? <sup>26</sup> An ninjen o kusej eil, in anaj ta dupae na da, in anaj disinip anaj ab lo ta dutumani na da, ak man Tamami kumaen panu lo amaiak inaned anaj ipidina da. Ak dugo, Anut malan lo kusej mel tusan dugo an mel tubun geig ak i? <sup>27</sup> Ak dugo, an lulujam lo talpein ta ilon weiwei dan lo nal taidam ka imado wak i? <sup>28</sup> Agod an ata wo biouj direk san ninjed wo ilom muruan dak i? Garañ san kakak dugo wonj disa dak ilom isou a. Kakak an urat ta digane na dak, agod inaned biouj dam ta diwei na da. <sup>29</sup> Ak man naj nrupaian da, gidad Solomon damag sinjakaan ak dupani bo man, injan leil man kakak an san leil igo tia ya. <sup>30</sup> Aria, Anut garañ san kakak san leil iganep sinjakaan ago dilasa dop, gidad gamu kumaedi dumado gup gabulop yai lo diabiau o tap, o an tamol ilo rumok amam tusan a, ak dugo, an dam biouj tinim fo ta idiri na wak i? <sup>31</sup> Amaiak ninjen o ilom muruan pe ‘ata tani wak i?’ tia, ‘ata taluk ak i?’ tia, ‘ata tinid san biouj onj tidiri wak i?’ ago ta abol na wa. <sup>32</sup> Man dugo, gob adi mel an fidian abanjan

diabi dutor da. Agod anjanem Tamami lak na imado dan mel dugo ninjed wo amat dan in fidian ilon pasik a. <sup>33</sup> Gug imug mi man, injan kagin panek lo aladu san, agod injan kagin itaot an dam anane san ninjen o maeg agane wa. Ago agane tap, mel an fidian dam anane wa.

<sup>34</sup> “Ak ninjen o gabulo san ninjen o ilom ta muruan na wa, man dugo, gabulo man injan ninjen o mi ilon muruan a. Nal anen anen inaned muruan anen anen idaisuda la ya.

## 7

*Aenta bitinaek lo ta dirai na wa*  
*Luk 6:37-38,41-42*

<sup>1</sup> “Onj aenta biai dudu wo bitinaek lo ta dirai na wa. Onj ago ta gane na tap, Anut dam onj lo ago ta igane na wa. <sup>2</sup> Man dugo, dal kisaek nek a lo, aenta bitinaek lo dirai dan, ago mi Anut onj dam lo ago igane wa. Agod saen aenta sad madok bitinae ule man, tou dugo yan lo onj aenta pidina da, tou nek kisaek an mi lo Anut onjane madok dam ibitinae ile wa. <sup>3</sup> Dugo wonj go metmet samun ta tei malan lo ule gug onsigane mala lo ai lapan yen an ta kubiani na yak i? <sup>4</sup> En dugo wonj tei rupeip ubol, ‘Gane dop metmet samun a mala lo yan njupasi yau,’ dugo onsigane mala lo ai an nal fidian mi ago yen di? <sup>5</sup> Onj bale uraru ama ya, imug mi sigane mala lo ai lapan an pasi gup, lo aban ka ule uyanan dop lo tei malan lo metmet samun an pasi yau a.

<sup>6</sup> “Mel gun ak gown ta pidina na wa. Ago gane tap, gown an didan sap tini diburtiti kitiktik a. Nek ago mi onjane koksai bor naod na ta ubal na wa. Ago gane tap, bor njied nam duparfufari wa.

*Sumiaen, aban ule, dalawan tuti*  
*Luk 11:9-13*

<sup>7</sup> “Sumiaen dop Anut ipano wa, aban ule dop ule wa. Dalawan tuti dop ipasi pano wa. <sup>8</sup> Man dugo, talpein a isumiaen dan inane wa, talpein a iban ile dan ile wa, agod



talpein a iladu wo isumiaen dan, Anut dalawan ipasi pani wa.

<sup>9</sup> “Enti an lulanam lo nanun bret o isumiaen dop pat ipani wak i? <sup>10</sup> Tia dop, iy o isumiaen dop mot wagai ak ipani wak i? <sup>11</sup> Fun an ninen o gidad onj tamol saia bo man, nanu murou mel uyan uyan ak pidinai o ulonj a. An ninen o mel uyan uyan ak sapita taida dop onj Tama kumaen panu lo yan tamolpein a dusumiani dan ipidinai ak i? <sup>12</sup> Ak ninen o mel fidian lo kagin tamolpein aenta dukubiai pano wo ilo ibol dan, kagin nek an mi onj dam imug mi kubiai pidinai a. Ago agane tap, kagin naok naok nek a kubiaen lo ibol an, agod profet sad ru kubiaen durupaian an dam ibulumai a.

*Dalawan ipipiani aman*

*Luk 13:24*

<sup>13</sup> “Dalawan ipipiani\* aman an lo mi aladu wa. Man dugo, dalawan a pitinjek aben lo yau an man tubun geig a, agod san dal dam nek ago mi a, agod tamolpein a dalawan amaiak lo diladu dan man wei kasik a. <sup>14</sup> Ak man dal a kumaen aben lo yau dan man ta pasauman na ya, agod san dalawan ipipiani aman a. An ninen o tamolpein kisaek kisaek mi dal amaiak dile da.

*Ai ta nunjon an da*

*Luk 6:43-44; 13:25-27*

<sup>15</sup> “Profet sewak an ninedi wo kagin agane wa. Inj tinidi sipsip sunulon nam dubuluwi dop lo mos nam anjam na dupalu wa, ak man tinidi ilon lo man inj nek ibol goun kasik yai ided geig ak igo wonj a. <sup>16</sup> Injad urat nunjon digane ilasa dan te gup sad bunud lo ale alonj ak inj tamol naok ago ya. Ak dugo, ka tamolpein ai dudurun anda yak lo anjar nunjon dinjane wak i? Tia, nom lo fud nunjon dinjane wak i? Tia geig a. <sup>17</sup> Fun an ninen o saen ai ta uyan tap, san nunjon ifu ilasa man dam uyan mi a. Ak man saen ai ta saian tap, san nunjon dam saian a. <sup>18</sup> Ai uyan ak lo nunjon saian ak

ilasa san tia ya, agod ai saian ak lo nunjon uyan ak ilasa san dam tia ya. <sup>19</sup> Saen ai ta nunjon ta ifu uyan na tap, ai an ditare idup dubal yai fo isuda wa. <sup>20</sup> Nek dal an lo mi sad naok naok dugo sad kagin lo igane ilasa dan te, inj tamol naok dugo yan anj ale alonj a.

<sup>21</sup> “Tamolpein a naj durupaiaig pe ‘O Tubun ak, O Tubun ak’ igo dubol dan lulanad lo, aenta Anut san kagin panek lo diladu san tia ya. Tia, tamolpein nek a naisag Tamag kumaen panu na imado dan san ilon dugo yen dugo durid amaiak mi diladu wa.

<sup>22</sup> Nal an lo tamolpein wei mi durupaiaig pe dubol a, ‘O Tubun en, O Tubun en, man onj yanja lo profet ru mabol ilasa ya, onj yanja lo ur saiak saiak tamol ilod lo mukudai diau a, agod onj yanja lo dam urat dababai anda yan wei mi migane na yan ta ulonj na i?’

<sup>23</sup> Ak gug naj nurupidaip nabol a, ‘Nai nal fidian anj ta njalonj na ya. Anj kulob saiak saiak san tamolpein, abisawag pe sen alasa!’

*Ab bek ta san kankan milaen inj ab bek ta san kankan njjeo ak da*

*Luk 6:47-49*

<sup>24</sup> “Ak ninen o talpein a naisag ru ilonj pe awag kagin ipani dan, inj nek ibol manjau tamol ab yabi wo dugo bag san gib kuror mi yabig, pat nam bag fun isueg sakar ak igo wonj a.

<sup>25</sup> Agog saen ui tubun ak isi dugo, lom dam idug tim ifureg ab an ifuni bo man, ab an ibili idu san tia ya. Man dugo, ab an pat nam yabi an lo itur sakar a. <sup>26</sup> Ak man talpein ru e nabol den ilonj gug awag kagin ta ipani na dan, inj man nek ibol njjeo tamol igo ya, injanen ab yabi wo dugo gib ta yabi nag, lul fufo mi yabi ak igo wonj a. <sup>27</sup> Agod saen ui isig lom tubun ak idu dugo tim dam ifureg, ab an ibili idug iratitale yau a. Agod ab an san pitinjek man saian geig a.”

<sup>28</sup> Saen Jesus tamolpein sad na mel e fidian ibol se yen igane itout man, injan dal dugo lo manjau ipidinai man dileg maladi ifure idu ya. <sup>29</sup> Fun

\* [7:13: Ipinima](#)

dugo, in nek ibol in sad kubiaen san girek manau adi igo won manau ta ipidinai se na ya, tia, tamol tubun yan an anda yak on ipitenanai se ya.

## 8

### *Tamol ta tinin lepra yafutani a Mak 1:40-45; Luk 5:12-16*

<sup>1</sup> Saen Jesus did an fo idu dugo tamolpein wei mi njen aban diri se ya. <sup>2</sup> Ago dugo tamol ta tinin lepra yafutani an ipalug Jesus naon na turun isaluwig irupe, “O Tubun ak, on ilo ibol tap, nai kubuniag pe tinig ikok ilasa da wa.” <sup>3</sup> Agog Jesus banin iwateg isupurig ibol, “Ubol agom nai ilog ago yen da, ikok lasa.” Agog tamol an tinin ikok ilasa kisaek on a. <sup>4</sup> Ago dugo Jesus irupeig ibol, “Kagin gane, kulob ilasa yen njen o aenta ta rupidai na wa. Tia, itaot waup, tini Juda sad pris mi kubiaip ile dop, mudan a Moses san kubiaen lo ibol dan nanep Anut yai gane pani. An lo dop tamolpein dulon ak onane subam itout a.”

### *Rom yu gurman san ilo rumok Luk 7:1-10*

<sup>5</sup> Jesus Kaperniam na yaug saen iladu wo dugo Rom san yu gurman ta in san na ipalug binawek ipani wo imosiai a. <sup>6</sup> Ago dugo irupeig ibol, “O Tubun en, naisag urat tamol ta subam ifunig ab lo yen da. Njen banin imat dugo madai tubun kasik lo yen da.” <sup>7</sup> Agog ru naon irupeig ibol, “Nai npupalup nkubune wa.” <sup>8</sup> Ak gug yu gurman an ru naon irupeig ibol, “O Tubun en, on naisag ab lo ladu san man nai yanag tia ya. Ru mi ubol dop lo naisag urat tamol uyan isusa da wa. <sup>9</sup> Man dugo, nek onse ago mi, nai dam tamol aenta waged lo urat njigane da, agod naisag yu tamol adi paeg na dumado da. Saen nai yu tamol ta ‘wau’ nabol tap, in yau a. Tia, ta ‘palu’ nabol dop in ipalu wa. Tia, naisag biabi njilanal ta ‘igo gane’ nabol dop, in igane wa.” <sup>10</sup> Jesus ru an ilon man, irut saian geig a. Agog idansag tamolpein a njen aban diri se

yan irupidai, “Rumok geig nrurupaian da, tamol ta ilo rumok naok igo yak aman da Isrel ilon lo njile man tia ya. <sup>11</sup> Nai nrurupaian da, tamolpein wei mi ad ilasa dak ate, agod ad idiau dak ate dam dupalup Abraham, Aisak, agod Jakob dida dutumanip, Anut san kagin panek aben ante sisem dumasip, soubul san anan diani wa. <sup>12</sup> Ak man Anut in san kagin panek aben san tamolpein inal pe yabiaup patun fo dilasa dop tidom tubun lo mi dumado yau a. Aben ante man tamolpein tina digane dop madai lo luod dugurmi wa.” <sup>13</sup> Agog Jesus yu gurman an irupe, “Waup, nek ibol on ilo rumok ama da ago mi, nai dam nek ago mi njigane wa.” Saen Jesus ago ibol go itout man, biabi njilanal an uyan isusa kisaek on a.

### *Jesus tamolpein wei mi ikubuniaig uyan dilasa ya*

#### *Mak 1:29-34; Luk 4:38-41*

<sup>14</sup> Pita raon subam ifunig tinin dam wananan go, gadab fo insiganen ab lo diganeg yen se ya. Saen Jesus ab an lo iladu man, pein an yen dugo ile tag <sup>15</sup> banin iwateg pein an banin yabi a. Agog pein an tinin ibubarum kisaek on dugo subam an ibisei a. Agog imasa itur go anan ikubuneg Jesus kagin ipani a. <sup>16</sup> Aria, saen gurai isi dugo, tamolpein a tinid ur saian saian amad da yan dinjal dupalu ya. Ago dugo Jesus ru ta dabai anda yak lo ur saian an fidian ikudai diau a, agog tamolpein subam amad da yan dam ikubuniaig uyan dilasa pasik a. <sup>17</sup> Jesus kulob a igane yan lo awak aban ta profet Aisaia ibol an nunon ilasa ya, “In idsad muruan inal go inanen tinin nam idsad subam isini a.”

### *Jesus awan tiri san muruan*

#### *Luk 9:57-62*

<sup>18</sup> Saen Jesus tamolpein wei mok dubuluwi dugo yil an, inanen megeloum adi wog nam you aen ate diau wo irupidai a. <sup>19</sup> Agog kubiaen san girek manau ta sinjiren na ipalug irupe, “O Girek Manau, on dugon



te wau o dan, ηai dam ate tau a.”  
<sup>20</sup> Gug Jesus ru naon irupeig ibol, “Goun kasik inj wur amad da ya, anakanak dam wur amad da ya, gug Tamol Nanun ninjen o man aben ta ate kabunan igansip njon yabi san o man tia ya.”  
<sup>21</sup> Agog tamol ta inj nien aban iri an irupeig ibol, “O Tubun en, umoi dop ηaup, tamag ηisare gup.”  
<sup>22</sup> Ak man Jesus irupeig ibol, “Nieg aban uri wa. Tamolpein a ηtudi imat la yan bisawai dop injsiganed tubabun ka disiriai a.”

*Jesus inijen dugo beig tim da dutokubola*

*Mak 4:35-41; Luk 8:22-25*

<sup>23</sup> You lo dupalug Jesus imug wog lo isuda gug inanen megeloum murna disudag diyawai diau a.  
<sup>24</sup> Agog you titinjam dumado dugo tim tubun ak ifure ya. Ago dugo you tubun geig imasag wog ilon lo iladu bo man Jesus njon yabi se ya.  
<sup>25</sup> Agog diaug Jesus dufufunig dubol, “Tubun ak binawam, tadeg tau o sumeik da.”  
<sup>26</sup> Agog irupidaig ibol, “O anj tamol ilo rumok amam nanunan, ata wo arer dak i?” Agog imasa itur go tim tamun da ipidai man, tim ifure na yan itout dugo you malin idu geig a.  
<sup>27</sup> Saen injsan megeloum ago dile man malad ifure idu dugo sed nug dusumianig dubol, “En so tamol ta igo yak i? Gidad you tim da dumasa yak dubo man awan dulon a.”

*Jesus tamol uraru tinid ur saian saian anda yak ikubuniaia*

*Mak 5:1-20; Luk 8:26-39*

<sup>28</sup> Jesus wog nam you aen ate ipalu dugo aban ta Gadarin tamolpein dumado dak ate disasau a. Aben ante tamol uraru tinid ur saian saian anda yak mutou aben lo dumado se ya. Uraru an yaieded nunon a, an lo tamolpein ninjedi wo tubun mi direr dugo aben ante ta diau na da. Saen Jesus sumeik ipidinai man mutou dibiseig diaug naon na dilasa ya.  
<sup>29</sup> Ago dugo tubun mi disasai dugo duwagin go dubol, “O Anut Nanun, onj mel ta man lo i? Dag injsan saen mok gamugo ilasa wo dugo, man imug

madai tubun ak panama wo palu i?”  
<sup>30</sup> Aria, inj dumado dak ate kitekan asau man, bor malan tubun geig ak dunuaen se ya.  
<sup>31</sup> Agog ur saian saian an Jesus san na dumosaig dubol, “Gidad onj tamol uraru en ilod lo kudama tap, diramap maup bor malan tubun an tinid lo miladu wa.”  
<sup>32</sup> Agog inj irupidaig ibol, “Au.” An lo man, ur saiak saiak dilasag diaug bor tinid ilon lo diladu ya. Ago yan lo bor fidian dumasag, dumaspalug diaug damab aen te dudug you duluk go dumat pasik a.  
<sup>33</sup> Tamol bor kagin dupidinai dan disol go dumaspalu onj panu lo diaug mel ilasa yan ninjen o tamolpein durupidaig dulon a. Agod tamol a ur saiak saiak ditirni na yan mel dugo inj lo ilasa yan dam ninjen o dubol go dulon a.  
<sup>34</sup> An lo man, panu an san tamolpein fidian direr go Jesus dile wo dupalu ya. Saen dupalug dile man injaned aben ibisei wo dusumiani a.

## 9

*Jesus tamol njen banin ikikai ak ikubuneya*

*Mak 2:1-12; Luk 5:17-26*

<sup>1</sup> Jesus wog fo isudag you ituteg aen ate siganen taun lo yau a.  
<sup>2</sup> Ante tamol ta njen banin fidian ikikai aman ak kapal anda disinig Jesus san na dupalu ya. Agog saen Jesus injaned ilo rumok ile man, tamol an irupeig ibol, “O ηai nanug, se ilo wabisa; ηai onjane aupasek fidian ηusuas yau la ya.”  
<sup>3</sup> Ago dugo kubiaen san girek manjau aenta inj awan dulon man ilod lo mi dubol se, “Tamol an Anut lo ru kukok igane da.”

<sup>4</sup> Ak man Jesus inj kankan dugo digane se yan fidian ilonj pasik an lo irupidaig ibol, “Anj ata wo ilo saiak saiak ilom lo agane dak i?”  
<sup>5</sup> Ata mel pasauman ak i? Aria, ηai igo ηabol, “Onjane aupasek ηupasi yau wo?” Tia, ‘Masap kapal wabisap utor o?’  
<sup>6</sup> Gug kulob e ηigane en lo, ηai Tamol Nanun, tan en lo Anut wagen lo aupasek ka ηupasi yau amaiak alonj o ...” saen ago ibol man, tamol a

njen banin ikikai aman ak irupei, “On masa utur pe onane kapal njanep onsigane na wau.”<sup>7</sup> Agog tamol an imasa itur go siganen ab lo yau a.<sup>8</sup> Aria, saen tamolpein a Jesus dubuluwi an kulob ago dile man, dirut saian go Anut yanjan diabisa ya, man dugo, inisan dabai naok ago yan tamol ta ipanig, an lo tamol njen banin ikikai ak ikubune ya.

*Jesus Matyu iwagi a  
Mak 2:13-17; Luk 5:27-32*

<sup>9</sup> Jesus kitekan taida yaug ab ta, ate moni njanjal tamolpein sad na takis dijanane dak ate ilasa ya. Ate man takis njanjal tamol ta imasig imado dugo ile ya. Tamol an yanjan Matyu. Agog irupei, “Njeg aban uri.” Agog Matyu imasag njen aban iri a.

<sup>10</sup> Murnag saen Jesus Matyu san ab lo imasig imado dugo sisem ananj diani man, takis njanjal wei mok, agod tamolpein aenta wei mi a Farisi adi ninedi wo “aupasek tamol” dubol dan dam, dupalug dumasig Jesus inanen megeloum dida sisem ananj diani a.<sup>11</sup> Saen Farisi adi ago dile man Jesus san megeloum dusumianai, “En ata wo anjam girek manau takis njanjal, agod aupasek tamolpein dida sisem ananj diani dak i?”<sup>12</sup> Ak man Jesus insad sumiaen ago ilon man irupidaig ibol, “Tamolpein a uyadi ak dokta san na ta diau na da, tia, tamolpein subam anda yak mi diau da.”<sup>13</sup> Alasa aup girek en ilom isou uyan dop san fun alon mok a, ‘An ilo uyan apanag an ninen yai agane panag o ilog ta ibol na ya, tia, an aenta ilom imujanai o mi namat da.’ Man dugo, naj tamolpein a itaot adi dubol dak nigiaip dupalu san ninen o ta npalu na ya, tia, aupasek tamol adi mi nigiai o npalu ya.”

*Jon san megeloum ananj san geg  
ninen o dusumiaen a*

*Mak 2:18-22; Luk 5:33-39*

<sup>14</sup> Agog Jon san megeloum Jesus san na dupalug dusumiani, “Man agod Farisi dida nal kadi ananj lo

sema geg ipanama da, ago gug ata wo onsigane megeloum ananj lo geg ta digane na dak i?”<sup>15</sup> Agog Jesus irupidaig ibol, “Tamol ta iwon da sad nug njanek san saen an ilom isou a. Ak dugo, saen tamol an inanen turan muroun dida dumado dan, wali diganep lo ilo muruan amad da dumado wo ago digane wak i? Tia geig. Gug nal ta ipalu dan te man, nug njanek san tamol an naon atna tia wa, nal an lo gup wali digane dop ilo muruan lo ditata wa.

<sup>16</sup> “Tamol, yamel kilaken ta ikukuik\* na yan irasirep ate yamel wagam ak san mutunuk ta iwei na da. Man dugo, ago igane tap, yamel kilaken foun an yamel wagam an irae dop afon irasire dop daon ipani wa.”<sup>17</sup> Agod tamol dam wain foun ak bilelek sunulon wagam ak lo ta diwali na da. Man dugo, ago digane tap, wain foun an iganep bilelek sunulon wagam an ikafut yaup ipuk dop, wain ikulmaek pe tan fo idu dop, bilelek sunulon dam daon ipani wa. Fun an ninen o in wain foun ak bilelek sunulon foun ak lo mi diwali da, ago dop bilelek sunulon an in wain da sisem ka uyanan mi dien yau a.”

*Kubakan ta imat ak in pein ta  
subam anda yak da*

*Mak 5:21-43; Luk 8:40-56*

<sup>18</sup> Saen Jesus mel an sad na ibol ilasa dugo, gurman ta san na ipalug njen fun na turun isaluwig irupeig ibol, “Naineg nanug pein gamu na geig imat a, ak man on inisan na palup bani kabujan fufo gane tap man, kumaen ilasa da wa.”<sup>19</sup> Ago tag Jesus imasag inanen megeloum dida njen aban dirig diau a.

<sup>20</sup> Gug saen dal dirig diau man, pein ta subam anda imado se yan njen aban irig yau se ya. Pein an anajar 12 siganen dar tinin ilon lo yak ilasa se ya. Aria, in Jesus patun fo yaug sumeik man banin iwateg inisan kulos bitinen isupuri a.<sup>21</sup> Man dugo, in imug mi siganen ilo sou lo

\* **9:16:** Ikukup isuda

ago ibol, “Nai banig inanen kulos mi n̄usupuri tap, inanen dabai ikubuniag a.”<sup>22</sup> Saen inanen kulos isupuri man, Jesus idan̄sag ileg irupei, “O nanug pein, ilo wabisa, on̄sigane ilo rumok n̄ai lo yan ikubunio ya.” Ago ibol man pein an tinin nek saen ante mi uyan ilasa kisaek on̄ a.

<sup>23</sup> Saen Jesus gurman an san ab ate ilasa man, ilon lo iladu ya. Ante man tamol suduk duwi dugo, tamolpein ditata wo dutumani an, liliñan tubun mok diganeg dumado dugo yil a.<sup>24</sup> Agog irupidaig ibol, “Alasa au, man dugo, pein baras an ta imat na ya. Tia, in̄ n̄ion̄ yabi da.” Ago ibol man disel on̄ dugo kukok an digane se ya.<sup>25</sup> Ak man Jesus imug tumanek malan an ikudaig kuai te dilasa, agog pein baras an san galuñ lo iladug banin te yabi a. Saen yabi man pein baras an imasa ya.<sup>26</sup> Agog kulob e igane yen san n̄in̄en̄ an diñaneg aben tubun an san titin fidian lo dubol itiliani a.

### *Jesus tamol malad itau agod tamol awan itau ak dam ikubuniaia*

<sup>27</sup> Jesus aben an ibiseig yau dugo tamol uraru malad itau an n̄ien aban duri se ya. In̄ tubun mok disasai dugo duwagin se, “O Dawid Nanun, gidad ilo panama wo!”<sup>28</sup> Saen Jesus ab ta lo iladu man, tamol uraru malad itau an ate san na dilasa ya. Ago tag irupidaig ibol, “Ak dugo, n̄ai kulob e n̄igane san an ilom lo rumok ak i?” Go in̄ durupei, “Awo, O Tubun ak.”<sup>29</sup> Agog Jesus uraru an maladi isupuri dugo ibol, “An̄anem ilo rumok iri panim nek ago mi an̄ o ilasa wa.”<sup>30</sup> Agog maladi uyan ilasag aban̄ dile uyan a. Ak gug Jesus ru dabai nam ru kagin igo irupidai, “Kagin agane wa, talpein ta kulob e ilasa yen duloñ o ta arupidai na wa!”<sup>31</sup> Ak man dibiseig diaug n̄in̄en̄ an aben fidian distrik an ilon lo dubol ditiliani se ya.

<sup>32</sup> Saen Jesus in̄anem megeloum dida ab an dibisei man, tamol awan itau ak ta diñaneg san na dupalu ya, man dugo, tamol an ur saiak ilon lo imado na ya.<sup>33</sup> Jesus tamol an ilon

lo ur saiak an ikudi man, tamol an in̄in̄en̄ kisaek on̄ a. Agog tamolpein a dutumanig dumado dan kulob an dileg durut saian go dubol, “Mel tutubu naok ago yak imug mi Isrel na ta ilasa na ya.”<sup>34</sup> Ak man Farisi adi dubol, “Ur saiak sad gurman in̄anem tuon nam ur saiak tamol tinid ilon lo yak ikudai da.”

### *Urat tamolpein wei an tia ya*

<sup>35</sup> Jesus panu fidian agog taun fidian lo itilianig itor se ya. In̄anem ubou ab fidian ilod lo ipiten̄anai go aben gidigheid lo Anut san kagin panek an san bilaluñ uyanan ak n̄in̄en̄ o ibol ilasa se ya. Agod subam naok funfun an fidian dam ikubuniaia na ya.<sup>36</sup> Saen tumanek ile man, ilon lo tubun mok imuñanai a, man dugo, in̄anem malan lo goun kasik tamolpein an dirasisirai ak igo woñ a, agod tan fufo dudug dabai amad tia yak dien dak igo woñ a. Nek ibol sipsip sad muroun tia yak ago mi dumado se ya.<sup>37</sup> Agog Jesus in̄anem megeloum irupidaig ibol, “Anan̄ wei mi ibes pasik a, ak man sinek san tamol wei an tia ya.<sup>38</sup> Amaiak n̄in̄en̄ o an̄anem gadiñ lo man, an̄ sinek urat san muroun asumiani dop in̄ ka sinek san tamol wei mok in̄al pe idinaip, anan̄ dutumani wo, in̄anem abi lo diau a.”

## 10

### *Jesus in̄anem megeloum urat digane wo man̄au ipidinai a*

*Mak 3:13-19; 6:7-13; Luk 6:12-16; 9:1-6*

<sup>1</sup> Jesus in̄anem megeloum 12 an igiaig sin̄iren na dupalug dabai ipidinai a. Ago yan lo in̄ wagen lo ka ur saiak saiak tamolpein ilod lo dukudai diau a. Agod dam ka subam funfun dukubuniaia idu wa.<sup>2</sup> Aposel 12 an yan̄adi igo ya, imug an Saimon, tamol an yan̄an neinta Pita dubol dan, in̄ tein Andru da. Tinin te Jems in̄ Jon da Sebedi nanun muroun.<sup>3</sup> Filip, Bartolomiu, Tomas, Matyu tamolpein sad na moni takis isi dan, Jems Alfeus nanun, agod Tadaeus.

<sup>4</sup> Saimon neinta in Rom san yu tamol sad ager, agod Judas Iskeriot tamol an murnag Jesus ager tamol banid lo igane yau a.

<sup>5</sup> Jesus tamol 12 en idinaig ru dufule wo diau a. In igo digane wo irupidai a, “An tamolpein Juda tia yak sad tan lo ta au na wak, agod taun dugon Samaria sadi dam lo ta au na wa. <sup>6</sup> Tia, sipsip a dideg diau san dumado dan Isrel sad warou lo dilasa yan sad na mi au a. <sup>7</sup> Atiliani ator dop igo abol ilasa wa, ‘Anut san kagin panek ipalug sumeik la ya.’ <sup>8</sup> Subam ifu an akubuniai, dumat la yan afufunaip dumasa wa. A tinid lepra amad da yan akubuniaip tinid afon uyan ilasa da wa. Agop ur saiak saiak tamolpein ilod lo yan akudai diau a. An niasag dabai sen kawan anane amaiak ninen o, tamolpein dam moni tia kawan akubuniai a. <sup>9</sup> An moni dam ta asini na wa. Pat naon ibol gol boi ta silva boi ta kopa ago won ananem let lo iyuk dan ta asini na wa. <sup>10</sup> Au wo dop turen san badam ta asini na wak, madid san kulos taidam ta asini na wak, sendal dam ta anane na wak, agod makud dam ta anane na wa. Man dugo, a sad na urat agane wo dan anan lo dibinawan san man uyan a.

<sup>11</sup> “Agog saen panu ta boi, tia taun ta boi lo aladu wo dop asumianai a. Ago dop enti tamol uyan an dubol alon gup, aup, tamol an da amado na gup, abisei dap, au a. <sup>12-13</sup> Agog saen san ab lo aladu wo dop, bar maror san an tamolpein ab an lo dumado dan ninedi wo agudani gup, aladu wa. Saen tamolpein an ilo uyan lo digian tap, bar an in da dumado wa. Ak man saen in ta digian o uyan na tap, bar an apasi anane da wa. <sup>14</sup> Ak gug saen tamolpein aban an ate patud dupanan boi, tia, an sam ninen ta dulon na tap, niem fo gufgaf afuni idu gup, ab boi, tia, aben boi, an abiseip au a. <sup>15</sup> Nai ru en rumok geig jurupaian da, saen nal a lo Anut tamolpein ibitinae san ilasa dop, aben an san tamolpein muruan tubun geig ak ipidina ai. Agod

inaned wadan naon an taun Sodom in Gomora da sad wadan naon an irinani geig a. <sup>16</sup> Alon sinjakan, nek ibol sipsip in goun kasik lulanad lo dutor dak igo won, nai an ndinan pe tan en san tamolpein naod na au o da. Ago yak ninen o mot igo won aban ale wo uyanan a, gug ananem turen lo nek muluk on mos kagin lo mi ator a.

*Murnap muruan wei mi dilasa wa*  
*Mat 24:9-14; Mak 13:9-13; Luk 21:12-19*

<sup>17</sup> “Tamol ninedi wo kagin agane wo uyanan a, man dugo, tamol an dubahanan dop dinilian pe inaned tumanek lo dibitinan o dugunan a, agod Juda sad ubou ab lo rasau nam dufunan a. <sup>18</sup> Tamolpein an nai ninen o dibian dop dirian on dinilian pe tamol gorman in kin da naod na atur a. Ago yan lo in naod na, agod gob fidian naod na dam, ananem ilo rumok nai o kuai tem ka abol ilasa wa. <sup>19</sup> Aria, saen ager banid lo didiran dop, ru dugo abol man ninen o ilom ta muruan na wa, ru naok dugo yak arupidai an dam ninen o ilom ta saian na wa. Man dugo, saen nek an lo ru a arupidai an Anut san Urgan ipanan a. <sup>20</sup> Man dugo, ru a ubol dan onsa mi tia ya. Tia, onane Bai Anut anen Ur, in sen mi on awa lo in inen da. <sup>21</sup> Tein ta inanen tein ager banid lo iganep dufuni imat a. Taman ta dam nanun muroun lo ago igane wa. Nanuk dam tinan taman patun ipidinaip ai katuk banid lo idiraip dufu dumat a. <sup>22</sup> Agod tamolpein fidian nai ninen o an lo siai digane wa. Ak gug enti a muruan en fidian lo itur sakar on yaup inanen wadan idu dop, nai talpein an ninanep patun nupasi wa. <sup>23</sup> Saen panu ta ante muruan dupano tap, usol pe panu turan ate wau a. Nai rumok jurupaian da, an panu fidian Isrel ilon lo yan ate gamugo au itout dop, nai, Tamol Nanun, namul nupalu wa.

<sup>24</sup> “Nanuk manau inane wo dan, in san girek manau ta irinani na da. Agod urat tamol dam inanen tirnek ta irinani na da. <sup>25</sup> Nanuk a manau inane dan siganen girek manau igo won



ilasa tap, an idaisuda ya. Agod urat tamol siganen tirnek igo woŋ ilasa tap, an dam idaisuda ya. Ak dugo, ab muroun in Satan dubol dak ago tap man, sapta taida dop ab muroun an san gugoi lo uf ru dupidinai ak i?

*Tamol Anut mi niŋen o irer a*  
*Luk 12:2-9*

<sup>26</sup> “Amaiak niŋen o aŋ tamolpein naok ago yak niŋedi wo ta arer na wa. Man dugo, mel fidian gamu dufutanig dien dan murnap walal te dilasa wa, agod mel fidian gamu mi-anuk lo didiraig dien dan dam, murnap Anut iganep id fidian taloŋ a. <sup>27</sup> Ru tidom tubun lo ŋurupaian dan, ad lo abol ilasa wa. Agod ru dugo kisikisik lo aloŋ dan, ab fuŋ fufo atur pe awam tubun mi abol ilasa dop fidian duloŋ a. <sup>28</sup> Agod tamolpein a oŋ tini dufuni imat gug, oŋ ŋutu dufuni imat san ta idaisuda na yan niŋedi wo ta urer na wa. Tia, gidad enti a oŋ tini ŋutu sisem Ades lo daoŋ ka ipidinai san dabai aman da yan niŋen o mi urer a. <sup>29</sup> Ak dugo, kuseŋ uraru didaen san an sapita yak i? Nek toea kisaek o lian a. Ago bo man, oŋane Bai ilon ago ta yen na tap, kuseŋ an dumat pe tan na dudu san tia ya. <sup>30</sup> Nek gurma roun san sutek Anut ilon pasik a. <sup>31</sup> Amaiak niŋen o urer umoi. Anut malan lo oŋane naon lak na geig a, naon an kuseŋ wei mi sad naod iriŋani geig a.

<sup>32</sup> “Talpein ta tamol naod na in ŋaisag ago ibol tap, ŋai dam Tamag kumaen panu na yan naon na ŋatur pe ŋabol ak in ŋaisag a. <sup>33</sup> Ak man talpein ta tamol naod na in ŋaisag tia yak ago ibol tap, ŋai dam Tamag kumaen panu na yan naon na in ŋaisag tia yak ago ŋabol a.

*Jesus tan na ilasa yak san fun*  
*Luk 12:51-53; 14:26-27*

<sup>34</sup> Kabelan ŋai maror tan en lo ŋigane ilasa san ŋupalu yak ago ilom isou banau. Tia, ŋai muruan ale yau o aŋ lulunam lo ŋupalu ya. <sup>35</sup> Man dugo, ŋai ŋupalu san fun man igo ya,

‘nanuk dimasap tamadi lo siai digane wa,  
nek ago mi nanudi pein dimasap tinadi lo siai digane wa.  
Nek ago mi, nanuk pein dam dimasap iraodi lo siai digane wa.  
<sup>36</sup> Tamol san ager mok man, siganen gugoi ilon lo mi a.’

<sup>37</sup> Talpein ta tinan taman niŋedi wo tubun geig imat gug, ŋai o tubun mi ta imat na tap, talpein naok ago man in ŋaisag talpein ilasa san an ta idaisuda na ya. Agod talpein ta nanun muroun niŋedi wo tubun geig imat gug, ŋai o tubun mi ta imat na tap, talpein naok ago yan dam ŋaisag talpein ilasa wo ta idaisuda na ya. <sup>38</sup> Agod talpein siganen aigim fufo imat an isinip ŋieg aban ta iri na tap, in dam ŋaisag talpein ilasa san ta idaisuda na ya. <sup>39</sup> Talpein a siganen madok yabituan dan, madok mok a kumaen panu lo yan banin lo ideg yau a. Ak man talpein ta ŋai niŋeg o siganen madok tan san an banin lo ibisei yau tap, madok yen yau san an inane wa.

*Id aenta tibinawai tap, naon uyanan ak tiŋane wa*

*Mak 9:41*

<sup>40</sup> “Talpein enti uyan ipanaŋ tap, ŋai dam uyan ipanag da. Agod in a uyan ipanag dan, a idinag go ŋupalu yan dam uyan ipani da. <sup>41</sup> Talpein ta in profet ta ilon gug profet an uyan ipani tap, in profet sad urat naon inane wa. Nek ago mi, talpein ta in tamol itaot ak ta ilon gug, tamol an uyan ipani tap, in dam tamol itaot aman an san naon inane wa. <sup>42</sup> Agod talpein ta nanuk kititik lulunad lo nanuk kisaek o lian, in ŋaisag megeloum ago ilon go, talpein an you bubarum kitek an mi nanuk an ipani tap, ŋai rumok ŋurupaian da, kulob an san naon iriŋani san tia geig a.”

## 11

*Jesus in Jon suguek san da*  
*Luk 7:18-35*

<sup>1</sup> Saen Jesus inanen megeloum ru kagin irupidai itout man, in aben an ibiseig yau a. Yaug aben an san taun

gidigheid dien dan lo sad tamolpein ipitejanai dop Anut san ru ifulale wo itor se ya.

<sup>2</sup> Aria, saen Jon subanek ab lo imado se man, Kristus urat naok naok igane dan ilon, innsigane megeloum aenta idinaig ru disinig Jesus san na diau a. <sup>3</sup> Ru sinek tamol an Jesus san na dilasag Jon wagen lo ago dubol dusumiani, "Tamol a ipalu san ninen o man mala nouk mumado dan, on tamol nek amaiak i? Tia, man tamol sen ak ipalu san ninen o mala nouk mumado wak i?" <sup>4</sup> Jesus ilon go ru naon irupidai, "Amul aup mel dugo ale dugo, ru alon na yan dam Jon arupeip ilon a: <sup>5</sup> malad itau ak afon aban dile dugo, njed saian ak afon turen diabi dugo, a tinid lepra amad da yan tinid sirjaokan dilasa ya. Kududod itau ak ninen afon dulon dugo, a dumat ak kumaen dumasag dumado dugo, agod tamolpein mel amad tia yak bilalun uyanan ak nfulale pidinai dugo dulon da. <sup>6</sup> Agod talpein a nai o ilon ta saian na yan, in Anut san bar inane wa."

<sup>7</sup> Jon san megeloum dumul diau dugo, Jesus Jon ninen o tamolpein irupidai o fun iganeg igo ibol, "Saen an aben kawan talpein tia yak ate au an, an ata mel mok ale wo au ak i? Nag an tim ifurep war iwi yau imul dop ale wo au boi ak i? <sup>8</sup> Tia tap, ata wo au ak i? Nag an tamol ta tinin kulos naon lak na geig ak idiri amaiak ale wo au ak i? Tia, tamol a bioun naok ago yak didiri duman, in kin sad ab lo mi dumado da. <sup>9</sup> Ak ninen o ata mel mok ale wo au ak i? Nag profet ale wo boi i? Awo, agod nek amaiak ninen o nrupaian da, profet en man rumok in profet a, ak gug urat subanjan taidam da imado da, <sup>10</sup> tamol nek emaiak ninen o girek e Anut san ru lo digire idug yen den, igo ibol,

'Ule, naisag ru sinek tamol nidinip, on nao na imug mi yau a.

An lo man onsa dal ikubune wa.'

<sup>11</sup> Nai rumok nrupaian da, tamol a pein tinjaed lo dilasa yan lulunad lo

tamol ta kisaek Jon Suguek san irinani man tia ya. Ago bo man, tamol ta Anut san kagin panek aben ilon lo yan an aman tia yan, fidian aenta paed na imado dan, in Jon Suguek san an irinani a. <sup>12</sup> Saen Jon Suguek San kuai te ilasag yang saen gamu tumado den lo, Anut san kagin panek aben an sen wagai ikubiani na ya, agod tamol wagai san amaiak silei nam aben an dinane da. <sup>13</sup> Man dugo, profet adi agod Moses san Kubiaen dam profet ru lo dubol ilasag yang saen Jon ilasa yan lo inaned urat itout a. <sup>14</sup> Agod ninen e nrupaian en ilom lo rumok o ilom ago yen tap, profet Elaija Anut san buk lo in ipalu wak ru ago ibol an man nek Jon ama ya. <sup>15</sup> Tamol on kududo ama da tap, ru an ulon uyanan a.

<sup>16</sup> "Saen en san tamolpein in naok dugo won ak i? In nek ibol nanuk kititik daden aben na dumasig dumado dugo nanuk aenta igo dubol digiai da, <sup>17</sup> 'Man an atari wo dum muwi se ya, ak man an ta atari na ya. Agod maten san saen an san bar mabi se ya, gug an ilom saian dugo atata man tia ya.'

<sup>18</sup> Man dugo, Jon ipalug anan tubun ak ta yani na dugo, you sakar ak dam ta iluk na ya, an ninen o ago dubol, 'in ur saiak aman da ya.' <sup>19</sup> Ago dugo Tamol Nanun dam ipalug anan tubun mi yani dugo you sakar dam iluk da, an ninen o ago dubol, 'Ale wo, tamol en tunalek tamol, agod lukluk tamol, in man takis nilanjal agod aupasek adi dam sad turadi!' Ak man, kankan a milaen mok amaiak, inanen kagin naok naok an lo mi tamolpein malad lo man itaot geig an ago ikubiai pidinai a."

*Taun funfun a sad tamolpein ilod ta dibili na yan muruan dile wa*

*Luk 10:13-15*

<sup>20</sup> Agog Jesus taun ante innsan kulob tutubu yak wei mi igane se yan ibubunanai o fun igane ya, man dugo, taun an sad tamolpein ilod ta dibili na ya. Agog in igo ibol, <sup>21</sup> "O Korasin



san tamolpein, muruan tubun geig ale wa; O Betsaida san tamolpein, an dam muruan tubun geig ale wa. Man dugo, kulob girager a naj an lulunam lo njigane se amaiak, wagam geig taun Tair agod Saidon dam ante njigane wo tap, taun uraru an sad tamolpein ilod ibilsag, mugun san kulos didirig, yai san utut fo dumasig dumado ya.<sup>22</sup> Amaiak ninen o naj an njurupaian da, saen Anut san bitinaek san nal ipalu wan lo, urat naon Anut an ipanan an naon senamo geig a, agod muruan an Tair in Saidon da sad urat naon an irinani geig a.<sup>23</sup> Agod an Kaperniam tamolpein, sem yanam abisap timtaen lo isuda wak i? Tia mok, Anut insen injilian pe au adu dop tan ilon lo aben yanam Ades dubol dan lo idiran pe amado wa. Man dugo, kulob girager a naj lulunam lo njigane yan taun Sodom ante ago mi njigane yak man, gamu taun an yen dop na wa.<sup>24</sup> Amaiak ninen o naj an njurupaian da, saen Anut san bitinaek nal ipalu wan lo, muruan Anut ansam na igane ilasa wo duman, muruan a gubak mi Sodom san aben ante ilasa man irinani geig a.”

*An naj sinjireg na apalup yaes abal a Luk 10:21-22*

<sup>25</sup> Saen an lo Jesus ago ibol, “O Bai, on kumaen panu agod tan en dam sad Tubun ak, naj on ilo uyan njupano wo da, en ata wo? On melmel en minanaig an lo tamolpein a manau amada yan, agod tamol kankan milaen amada yak dam melmel en dulon san tia geig a. Ak gug tamolpein in nanuk kititik on dumado dan melmel en kubiai pidinaig dulon o uyanan a.<sup>26</sup> Awo, Bai, onane ilobol man nek ago ya, an ninen o ilo uyan ak lo on ago gane.

<sup>27</sup> “Melmel fidian man najnege Tamag in naj tuog lo idiri a. Tamol ta in Anut Nanun ta ilon na ya, nek Taman insen mi a. Agod tamol ta in naj Tamag ta ilon na ya, nek najseg mi, gug naj mi tia ya, tia, tamolpein

a najsag ilobol lo mi Tamag njukubiai pidinai o yan in dam ka dulon a.

<sup>28</sup> “An fidian urat dabai geig agane dugo ilom isali dan, agod muruan tubun mi asini dan, najsag na apalu dop, naj an tinim yaes ibal uyanan san njupanan a.<sup>29</sup> Najsag urat ananep paen na sem ibian adu dop, naj lo manau anane wa. Man dugo, najseg mi mos kagin lo njumado dugo maror njumado da. Ago dop an njutumi naj lo yaes ibal a.”<sup>30</sup> Man dugo, najsag urat man muruan an tia ya, agod muruan a njupanan dan dam pasauman a.

## 12

*Jesus man ubou nal yanam Sabat dubol dan san muroun Mak 2:23-28; Luk 6:1-5*

<sup>1</sup> Murnag Sabat nal\* lo Jesus kon abi lo itor se ya. Ago dugo insan megeloum dimatigen, amaiak ninen o in kon nunon aenta dufunig fun diganeg diani a.<sup>2</sup> In ago digane dugo Farisi adi dil a, ago tag Jesus durupeig ago dubol, “Ule, urat a Sabat nal lo tigane san ninen o idsad kubiaen ipadau amaiak, gamu onane megeloum adi urat an digane da.”

<sup>3</sup> Ago man Jesus ru naon irupidaig igo ibol, “Nag mel e Dawid igane yen ta asuti na ak i? In inanen turan muroun dida kadag† san saen lo anan o dumat go,<sup>4</sup> Dawid Anut san ab lo iladug, bret a Anut naon na didirig dien an isinig, inanen yu tamol adi dida diani a. Bret an tamolpein fidian lo geg a, nek Anut san pris mi diani wa.<sup>5</sup> Nag an ru a Moses san kubiaen lo yen dan ta asuti na i? Sabat nal lo pris adi tempel lo urat diganep, saen an lo kubiaen a Sabat nal ninen o ibol dan dipilali bo man, muruan amada tia ya.<sup>6</sup> Aria, naj njurupaian da, tamol ta an lulunam lo imado dan in tempel irinani geig a.<sup>7</sup> Anut san ru igo ibol, ‘An ilo uyan apanag san yai agane wan ilog ta ibol na da, tia, an aenta ilom imunanai o mi namat da.’ Aria, an ru an san fun mok alon uyan tap

\* **12:1:** Juda sad ubou nal yanam Sabat dubol dan man Sarare. † **12:3:** Pitol

man, an tamol e muruan amad tia yan ta abiai dudu na wa. <sup>8</sup> Man dugo, Tamol Nanun man inſen Sabat nal an san muroun.”

*Jesus tamol tuwon ikurnjak yau an ikubune ya*

*Mak 3:1-6; Luk 6:6-11*

<sup>9</sup> Jesus aben an ibiseig yaug, taun ta sinjiren na ilasag, inſad ubou ab lo iladu ya. <sup>10</sup> Tamol ta tuon ikikirig ikurnjak yau ak ante imado ya. Ago dugo tamol aenta dal aban dilep lo Jesus ru dupani san ninen o dusumianig igo dubol, “Ak dugo, idsad kubiaen an iliad funad dop subam tamol ta ka ubou nal lo tukubune wak i?”

<sup>11</sup> Ago tag Jesus irupidaig ibol, “En dugo, tamol ta an lulunam lo in sipsip kisaek aman da ya, ak man sipsip an ubou nal lo gib lo idiau a, an ninen o tamol an inanen sipsip ta irae isuda na wak i? Man tia ya. <sup>12</sup> Ubou nal lo sipsip tibinawi wo uyanan tap, sapta taida dop id ka ubou nal lo tamol ta tibinawi wak i?”

<sup>13</sup> Agog Jesus tamol a tuon ikurnjak an irupe, “Bani wate.” Ago man tamol an banin iwateg foun ikubune dag banin aenta igo mi uyan ilasa ya. <sup>14</sup> Ak man Farisi adi dumasag ubou ab dibiseig Jesus palan an dumari wo diaug dutumani a. Dal dugo man lo Jesus daon dupani san ninen o dinjen se ya.

*Jesus in urat tamol Anut ipiliani a*

<sup>15</sup> Ak man Jesus kagin dugo digane wo dan ilon, an ninen o aben an ibiseig yau. Ago dugo in tamolpein wei kasik iraug dadi diau se ya, ago dugo a subam amad da yan fidian ikubuniai a. <sup>16</sup> Nal an lo dam in ru kagin ipidinaig ibol, “An nai enti mok an ninen o tamolpein ta arupidai na wa.” <sup>17</sup> Kagin nek amaiak lo, awak aban ta profet Aisaia ibol an nunon ilasa ya. In ago ibol,

<sup>18</sup> “En man naisag urat tamol, naiseg mi npiliani a, naineg bubeg mok,

in ninen o ilog bulbal da.

Nai naisag Ur in lo njigane wa,

agod dop in tamolpein aben fidian lo dumado dan sad na bitinaek Anut san nag ipalu dan ninen o ibol ilasa wa.

<sup>19</sup> In maeg iganep lo ru ta ikubiai dop iwagin na wa.

Taun san dal lo inanen awan iwagin den ta dulon na wa.

<sup>20</sup> In war roun dabai an tia yak daon ta ipani na wa,

agod lun ided on dan ta igane imat na wa.

Ago igane yau on dop, nal wadan lo man, tan en san tamolpein kot ipidinai an lo,

kagin itaot an imug pe malan te ilasa wa.

<sup>21</sup> Agod tamolpein a tan titin fidian lo dumado dan inanen yan an ninen o tini ganei digane wa.”

*In dubol ak Jesus in Satan san dabai lo tamolpein ikubuniai se ya*

*Mak 3:20-30; Luk 11:14-23; 6:43-45*

<sup>22</sup> Saen an lo tamol ta in tinin lo ur saiak aman da yan Jesus sinjiren na dinane dupalu ya. Tamol an in kududon agod malan dam itau a. Jesus ikubineg uyan isusa ya, agog tamol awan itau an ru ibol dugo, malan dam ka aban ile ya. <sup>23</sup> An ninen o tamolpein fidian durut dugo ago dubol, “Dag tamol en man Dawid Nanun boi i?”

<sup>24</sup> Ak man saen Farisi adi njen an dulon man ago dubol, “Tia, ur sisaiak sad gurman yan Belsebul tabol damaiak, san dabai lo mi in ur sisaiak ikudai diau da.”

<sup>25</sup> Jesus inſad ilo sou ilon dugo irupidaig ibol, “Kin ta san kagin panek aben ilon lo man, inſan tamolpein sed itarpaleg malan ururu dilasap nug dufuni tap, kin an san ager inſan na yu dinane dupalup aben an daon dupani wo man pasauman geig a. Agod taun ta boi, tia, warou ta boi, san tamolpein tarpalek uraru dilasap nug dufuni tap, taun an, warou an dam, sed ipitinainai dop ririan sad kagin fidian itout yau a. <sup>26</sup> Amaiak ninen o Satan inſen mi sen ikudi yau tap, inſen lo yu yabisa da. Ago tap, en dugo won

pe inanen kagin panek aben an dabai yen yau ak i? <sup>27</sup> Taida mi, ηai Belsebul tuon lo ur sisaiak ηukudai diau dak an rumok tap, enti mok an muroumi ibinawaig ur sisaiak dukudai diau dak i? Fun amaiak niηen o an muroumi in sed mi, kubianek tamol on dilasap bitinaek lo didiran a. <sup>28</sup> Ak man ηai Anut san Urgun lo ur sisaiak ηukudai diau dak ago tap, an gidad alon uyan a, Anut san kagin panek an sinjirem na ipalu la ya.

<sup>29</sup> “Agod fon, en dugo won pe tamol ta tamol dababai geig ak san melmel isini wo san ab lo iladu wak i? Dal ta tia ya. In gidad imug mi tamol dababai an rasau nam isubani gup, in ka tamol an san ab lo iladup melmel isinip yau a.

<sup>30</sup> “Talpein enti in ηai ta iganurag na dan, in ηai patun ipanag da. Agod talpein a ηai da sisem anan mutumani san urat ta migane na dan, ηaisag urat iratitale da. <sup>31</sup> Amaiak niηen o ηurupaian da, aupasek fidian agod uf ru fidian dam a tamolpein digane dan, Anut aupasek an ka isuas yau pidinai a. Ak gug talpein in Awan Urgun niηen o uf ru igane tap, aupasek an Anut ta isuas yau na wa.

<sup>32</sup> An niηen o talpein ta in Tamol Nanun niηen o ru saiak ibol dan, Anut aupasek an ka isuas yau a. Ak gug talpein ta in Awan Urgun niηen o ru saiak ibol dan, saen e gamu yen den lo, agod saen foun ak a murnap ilasan wan lo dam, Anut talpein an san muruan ta isuas yau na wa.

<sup>33</sup> “Talpein ai uyan ak ipae tap, ai an san nuηon uyan ak inane wa. Gug talpein ai saian ak ipae tap, nuηon dam saian a. Man dugo, ai nuηon lo mi ule dop, ai naok dugo yan ka ule ulon a. <sup>34</sup> An mot wagai ak sad nanud muroudi! En dugo won an saian geig amado yan ru uyan ak ka abol ilasa wak i? Man tia geig a. Man ata wo? Kagin saian ak boi, uyan ak boi, tamol ilon inane fute yan inane awan lo ibol ilasa wa. <sup>35</sup> Tamol uyan ak in kagin uyan uyan ak tinin ilon lo itumanai an lo, kagin uyan

uyan ak mi inal dop an idirai dilasa wa. Ak man tamol saian ak in kagin saiak saiak tinin ilon lo itumanai an lo, kagin saian saian ak mi inal dop an idirai dilasa wa. <sup>36</sup> Nai ηurupaian da, Anut tamolpein fidian bitinaek lo idirai san nal lo, tamol Anut naon na itur dop, ru kitek a fidian in sinan awan kagin ta ipani na dugo lo gubak mi in inen se yan, niηen o in Anut naon na ru an naon ipani wa. <sup>37</sup> Man dugo, on sigane ru lo mi Anut on tamol uyan ak ibol a, agod on sigane ru lo mi on tamol saian ak ibol a.”

*Jesus kulob girager igane wo dusumiani a*

*Mak 8:11-12; Luk 11:29-32*

<sup>38</sup> Agog kubian san girek manau aenta, agod Farisi aenkadi dam Jesus durupe, “Girek manau, man iloma igo ya, on gidad kulob girager ta ganep an lo kob igo won on Anut san ak ago kubiai panama wa.”

<sup>39</sup> Ago gug Jesus in ru naon irupidaig ibol, “Nek ibol tamol ta tamol aenta iwodi niηedi wo ilon imasa dak igo won, tamolpein ensauta a kulob girager dile wo dusumianag dan man, anut sewak aenta niηedi wo dumat dak igo won, in aupasek tinadi a. An lo kulob girager ta ηigane panan dop ale san ago ta ηigane na wa, nek profet Jona san kulob girager amaiak mi a. <sup>40</sup> Jona in adian utol, tidom dam utol, in iy tubun ak tinan lo imado se ya, ago yak niηen o, nek ago mi Tamol Nanun dam, adian utol tidom utol tan ilon lo imado wa. <sup>41</sup> Ninive san tamolpein man an gamu saen en san tamolpein dida Anut san bitinaek nal lo sisem amasap, kot lo atur a. Ago dop Ninive adi an niηemi wo ru dubol ilasa dop boum dupan a. Man ata wo? Ninive adi Jona san ru ibol ilasa yan dulon go an lo ilod ibilisa ya; ak man tamol ta in Jona irinani geig an gamu imado da. <sup>42</sup> Kwin a saut lo ilasa yan man, an gamu saen en san tamolpein dida Anut san bitinaek nal lo sisem amasap, kot lo atur a. Ago dop kwin an an niηemi wo ru ibol ilasa dop boum ipan a. Man ata

wo? Kwin an in tan asau mok imado bo man, Solomon san kankan milaen amaiak ibol ilasa dop ilon o ipalu ya. Ago yak gug tamol ta dam in ente imado da, tamol an man Solomon irinjani geig a.

*Ur saiak fon imul yau da ya  
Luk 11:24-26*

<sup>43</sup> “Saen ur saiak ta tamol tinin lo yak dukudip ilasa yau man, aben igosan ak ate gidigheid ila iso wa. Ante aben ta yaes ibal san ile wo aban yabi wa, ak man aben an ta ile na wa. <sup>44</sup> Ago dop ilon lo ibol, ‘Nai gidad namul pe ab gubak mi ate numado amaiak lo nau a.’ In imasap yau ak man, ab an kawan di ilon dam diriani dugo bala dupani la yan ile wa. <sup>45</sup> Amaiak ninen o in imul yaup, ur saiadi geig ak 7 taidam inal a. Ur an kulob sisaiak digane san man in dirinjani geig a. In sisem ab an lo diladup dumado wa. Gubak mi tamol an san madok saian a, ak man gamu gup san madok saian geig a. Kagin nek amaiak tamolpein saiadi a gamu saen en lo dumado dan ilasa pidinai a.”

*Enti in Jesus tinan di tein muroun aki?  
Mak 3:31-35; Luk 9:19-21*

<sup>46</sup> Saen Jesus ab lo imado dugo tamolpein dida dininjen se man, insinan tinan in muroun dida dupalug kuai te dutur se ya. In Jesus da dukubiai o ilod ago yen a. <sup>47</sup> Tamol ta irupe, “Ulon, onane tina, tei murou dida akubiai o kuai te dititiano da.” <sup>48</sup> Ak man Jesus tamol an ru naon irupeig igo ibol, “Enti mok naisag tinag aki? Agod enti mok naisag teig ak i?” <sup>49</sup> Agog injanen megeloum banin nam ikubi-aig ibol, “Naisag tinag di teig muroug man nek en mi a. <sup>50</sup> Man ata wo, tamolpein ensauta a in nai Tamag kumaen panu lo yan ilon duri dupani dan, nek an mi naisag teig, lug di tinag muroug a.”

## 13

*Tamol ai patun tan fufo iratitale yak san ru fanan*

*Mak 4:1-9; Luk 8:4-8*

<sup>1</sup> Nal kisaek an lo mi Jesus ab ibi-seig you aen te yaug imasig imado se ya. <sup>2</sup> Ak man tamolpein wei kasik dutumanig Jesus dubuluwi a. Ago tag Jesus wog lo isudag wog an kitek isuk ilasa ya. Agog Jesus imasig imado dugo, tamolpein dutumani an lon na dutur se ya. <sup>3</sup> Ante man Jesus ru fanan lo mel wei kasik ninedi wo irupidai se ya. Ru ta ago irupidaig ibol, “Saen ta lo tamol ta ai patun isinig abi lo ipae wo yau. <sup>4</sup> Yaug sinanen abi lo man ai patun banin igane inawaig tan fufo iratitaleg idu se ya. Saen iratitale man, ai patun aenta dal fufo dudu dugo, anakanak dupalug diani itout a. <sup>5</sup> Agog ai patun aenta sagargar fufo dudu ya, tan ante man kuror an tia, ago man milaen tiag ai patun an balud isa ya, man dugo, tan mok an ta kuror na ya. <sup>6</sup> Ak man saen ad isuda man ai baludi an dukurnjak diau a. Ai an dam dabidi tan lo ta idiau geig na, an lo dugos diau kisaek on a. <sup>7</sup> Ai patun aenta ud saian an luluwad lo dudu ya, agog sisem disag diau dugo, ud saian an ai uyan ak yafutani an lo nunon ta igane na ya. <sup>8</sup> Ak man ai patun aenta tan uyan ak fufo dudu man nunodi digane ya, aenkadi patudi 100 dilasa, aenta 60, aenta 30. <sup>9</sup> Tamol on kududo ama da tap, ru an ulon uyanan a.”

*Jesus ru fanan ibol ak san fun  
Mak 4:10-12; Luk 8:9-10*

<sup>10</sup> Agog murnag megeloum Jesus san na dupalug dusumiani, “On ata wo saen tamolpein manau pitejanai o dop ru fanan lo ninjen dak i?” <sup>11</sup> Jesus ru naon irupidaig ibol, “Anut insan kagin panek aben san melmel imianuk an san manau ipanan a. Ak man in manau an ta ipidinai na ya. <sup>12</sup> Man dugo, talpein a manau anda yak man Anut in subanan taidam ipani dop an lo in manau idaisuda geig a. Ak man talpein a manau aman tia yan, ata



manjau kitekan inj lo yen dan, Anut manjau an inſan na ipasi injane wa.  
<sup>13</sup> Nai inſad na ru faſan lo njinjen dan san fun man igo ya.

‘Inj leil digane bo man, ilod ta itarpasi na da.

Kududod nam duloſ bo man, fun mok ta diſane na da.’

<sup>14</sup> Rumok, inj lo profet ru en Aisaia wagam ibol an nuſon ilasa ya:

‘Saen aſ ru aloſ man, ka aloſ oſ se ya, ak man san fun ta aſane na ya,

agod saen abaſ ale man, malami ka yau oſ se ya, ak man ilom ta itarpasi na ya.

<sup>15</sup> Man dugo, tamolpein en sad bubedi dabai geig dilasa ya, inj kududodi ta duloſ uyan na ya, agod maladi ikilakil pasi a.

Tia tap, maladi nam inj ka abaſ dile wak,

kududodi nam ka duloſ ak, agod ilodi nam manjau ka diſane wa.

Ago dop an lo ilod ibilisa dop dandap nſasag na dupalu dop njukubuniai a.’

<sup>16</sup> Ak man aſ malami bar diſane ya, man dugo, malami abaſ ka ile da, agod aſ kududomi dam bar diſane ya, man dugo, kududomi ka ilon da.

<sup>17</sup> Nai ru rumok ak njurupaian da, imug geig profet adi agod tamol itaot ak wei mi, mele gamu aſ ale den dile wo mok dumat se ya, ak man inj digane san tia ya. Agod ru e gamu aſ aloſ den duloſ o mok dumat se ya, ak man ta duloſ na ya.

### *Ru faſan an san fun*

*Mak 4:13-20; Luk 8:11-15*

<sup>18</sup> “Kududom agurep tamol ai patun tan fufo iratitale yak, san ru faſan san fun mok nſasafalale wo da.

<sup>19</sup> Ai patun dal te dudu man nek ibol tamolpein Anut san kagin panek aben san ru duloſ dugo san fun ta diſane na yak igo woſ a. An lo Satan ipalup ru a Anut tamolpein ilod lo ipaeg yen dan injanep ipasi yau a.

<sup>20</sup> Agod ai patun sagargar fufo dudu man, nek ibol tamolpein ru duloſ go

ilod rumok kisaek oſ go, ninen o ilod uyanan a. <sup>21</sup> Ak man inj dabidi man ta idiaug kuror na ya, ago yan lo sad ilo rumok an ilod lo ta yen milaen na ya. Saen Anut san ru ninen o muruan sad na ilasa boi, tia, kubianek ipalu tap, injaned ilo rumok dibisei kisaek oſ a.

<sup>22</sup> Aria, ai patun ud luluſad lo dudu man, nek ibol tamolpein ru rumok an duloſ pe ilod lo rumok kisaek oſ dak igo ya. Ak man inj tan en san madok ninen o ilo sou gidigheid mi digane da, agod inj melmel wei mi amad da wo dumat da, an lo kagin uraru an Anut san ru ilod lo yen dan yafutani da. Ak ninen o ru amaiak nuſon aman tia ya. <sup>23</sup> Aria, ai patun tan uyanan fufo dudu man, nek ibol tamolpein ru rumok an duloſ go san fun dam duloſ siſaokan ak igo ya. Talpein nek amaiak mi nuſod ifu mok a, aenta nuſod 100, aenkadi 60, aenta 30, nuſodi ago ifu yau a.”

### *Ud san ru faſan*

<sup>24</sup> Jesus afon ru faſan taida naod na irupidaig igo ibol a, “Anut san kagin panek aben man igo ya. Tamol ta siganen abi lo yaug kon kubulan ipae ya. <sup>25</sup> Agod tidom lo saen inſan urat tamol dien dugo, san ager tamol ipalug kon ipae yan luluſad lo ud marasin saiak anda yak dam ipae idug, isol go yau a. <sup>26</sup> Agog kon isag nuſon dam didilan te dilasa ya, ak man, ud an dam luluſad lo dida disa kisaek a. <sup>27</sup> Agog tamol an san urat tamol inſan na dilasag durupeig dubol, ‘Gurman, ai patun a oſ pae yan uyan a. En dugo woſ go ud dam dida disa kisaek ak i?’ <sup>28</sup> Inſad gurman an ru naon irupidaig ibol, ‘Nſasag ager tamol kulob an igane ya.’ Ago tag dusumiani, ‘Ak dugo, maup ud an mubilanai idu wo umat di?’ <sup>29</sup> Gug inj ibol, ‘Man tia, kabelan aup kon dam abilanai banau. <sup>30</sup> Amoi dop urarum ka disa diaup, nuſod tinane san saen ante gup, nſai urat tamol adi igo njurupidai a. Ud an tu kisaek kisaek atem imug mi atumanaip, yai fufo abibol dusudap dinani diau a. Ak gug

kon man atumanaip n̄aisag anañ ab lo adiri wa.' ”

*Ai patun kititikan kawan ak san ru fañan*

*Mak 4:30-32; Luk 13:18-19*

<sup>31</sup> Jesus ru fañan taidam naod na igo irupidai, “Anut san kagin panek man igo ya. Tamol ta ai yañan mastet dubol dan patun in̄aneg siganen abi lo yaug ipae ya. <sup>32</sup> Ai patun an sen kawan kititikan a, ak man saen isa yau dop ai tinan igo woñ ilasa wa. Agop raen dam idirip ibalsarer dop kusen̄ ka ate wur dufuni wa.”

*Yis san ru fañan*

*Luk 13:20-21; Mak 4:33-34*

<sup>33</sup> In̄ ru fañan taidam irupidaig ibol, “Anut san kagin panek man igo ya. Pein ta yis kabelan in̄aneg plawa tubun geig da itumanig ikubuli kisaek, agog yis an plawa ilon lo ifurak yaug in̄aneg plawa fidian mi ikafut isuda ya.”

<sup>34</sup> Jesus melmel an fidian niñedi wo ru fañan lo tamolpein dutumani an irupidai a. In̄ ru itaot ta irupidai se na ya. <sup>35</sup> In̄ ago igane yan lo awak aban ta profet ta ibol an nuñon ilasa ya.

“N̄ai awag isupani dop ru fañan lo mi n̄in̄in̄ a.

Melmel mianuk lo dien se yan, tan ilasag ipalug gamu en nek ago mi dien dan, niñedi wo n̄in̄in̄ dop tamolpein dulon̄ a.”

*Jesus ud san ru fañan ifulale ya*

<sup>36</sup> Saen Jesus tamolpein dutumani an ibisawaig ab ilon lo iladu man, in̄san megeloum san na dupalug ago dubol, “Ud a abi lo isa damaiak san fun ubol dop malon̄ a.” <sup>37</sup> Agog Jesus ru naon irupidaig igo ibol, “Tamol a in̄ ai patun uyan ipae yan, Tamol Nanun naon in̄ane ya. <sup>38</sup> Abi man, tan en naon in̄ane ya. Ai patun uyan man, tamolpein ensauta a Anut san kagin panek paen na dumado dan naod in̄ane ya. Agod ud saian an man, tamolpein ensauta a Satan nanun muroun amaiak naod in̄ane ya.

<sup>39</sup> Ager tamol enti ud ipae man Satan in̄sen, agod anañ tumanek san saen man, saen gamu lo tumadog ilag san wadan lo amaiak naon in̄ane ya. Agod urat tamol enti anañ dutumani an man, en̄el adi naod in̄ane ya. <sup>40</sup> Nek ibol ud saiak dutumani idup yai fo digansa inani yau dak igo woñ, saen gamu lo tumadog ilag san wadan lo nek ago mi ilasa wa. <sup>41</sup> Tamol Nanun mitep in̄san en̄el idiraip dudu wa. Agop in̄ mel fidian tamolpein idiri dop aupasek digane dan dibiai ak, agod tamolpein fidian a sad turen̄ saian an dam dibiaip, dutumani kisaek pe in̄san kagin panek aben patun fo diabibol dilasa wa. <sup>42</sup> Diabibol pe Ades san yai wananan geig an lo dudu wa. Aben ante man tamolpein tinan̄ digane dop madai lo luod dugurmi wa. <sup>43</sup> Agog Anut san tamolpein, in̄sad Bai san kagin panek aben lo man, ad ided dak ago woñ dided a. Tamol on̄ kududo ama da tap, ru an ulon̄ uyanan a.”

*Filian naod lak na geig mianuk lo yen dan san ru fañan*

<sup>44</sup> “Anut san kagin panek man igo ya. Tamol ta gib yabig mel naod lak na geig ak tan lo imianaig dien na ya. Agog tamol sen ak ta yaug walal ipanig afon ituanai da. Agog yousai lo yaug in̄san bioun̄ fidian moni in̄ane wo didaen̄ lo idiri yau a. Bioun̄ an san moni in̄aneg tan an muroun san na yaug tan an idad a.

<sup>45</sup> “Anut san kagin panek dam igo ya. Daden̄ tamol ta koksai sin̄aokan ak idad o aban̄ an ile se ya. <sup>46</sup> Nal ta, koksai sin̄aokan geig ak ile, ago tag yaug in̄san bioun̄ fidian didaen̄ lo idirig an lo moni in̄aneg ate koksai an idad a.

*Dob san ru fañan*

<sup>47</sup> “Afon Anut san kagin panek an dam ibol dob on̄ a. Iy n̄ilanañ dob ta beig lo dubal pe iy funfun diñane wa. <sup>48</sup> Saen dob an iy lo inawai man, lon̄ na dirae isuda wa. Agop iy naok naok atem sensen didiri wo dumasip dumado wa. Iy uyan ak senamo didiri



dugo saian ak dam senamo didiri wa. Agop uyan ak inaned kulgou lo ditane idu dop, saian ak diabi yau a. <sup>49</sup> Saen gamu tumado den san wadan ifutani dop nek ago mi ilasa wa. Enjel adi dudup tamolpein saiadi ak, uyadi ak da, sensen didirai idu wa. Agop saiadi ak diabibol diau dop <sup>50</sup> Ades san yai wananan geig ak inanai a. Aben ante man tamolpein tinan digane dop madai lo luod dugurmi wa.”

<sup>51</sup> “Ak dugo, an mel fidian en alon uyanan ak i?” Agog durupei, “Awo, malon a.” <sup>52</sup> Agog Jesus irupidaig ibol, “Amiak ninen o kubiaen san girek manau ensauta a Anut san kagin panek ninen o manau dinane yan man nek igo ya. Ab muroun ta filian aman da yak, in ka siganen biou lo mel ta foun ak, agod wagam ak dam, iragursip tamolpein malad lo kuai te idiri wa.”

*Profet inſan muroun luluſad lo yaſan tia ya*

*Mak 6:1-6; Luk 4:16-30*

<sup>53</sup> Saen Jesus ru faſan ininjen itout man aben an ibisei a. <sup>54</sup> Agog inſiganen panu mok lo yaug ubou ab lo manau ipitenanai se ya. Ak man Nasaret tamolpein saen inſan ru dulon man durut saian a. Agog dubol, “Tamol en dugon te manau inane yak i? Agod kulob dababai a igane idu dan san dabai dam dugon te inane yak i? <sup>55</sup> In man nek kapenta kawan amiak san nanun, tinan Maria, agod tein moroun Jems, Josef, Saimon agod Judas. <sup>56</sup> Agod lun moroun e dida tumado da! Amiak ninen o tamol en dugon te mel a fidian igane dan san dabai inane yak i?” <sup>57</sup> Fun an ninen o naod ikafut go patud dupani a. Ago gug Jesus irupidaig ibol, “Panu fidian lo tamolpein profet ta yaſan diabisa wa, nek inſiganen panu fun lo, agod inſiganen dar lo man tia ya.” <sup>58</sup> Nek an ninen o aben an lo kulob dabai anda wei mi ta igane na ya, man dugo, in ninen o ilodi ta rumok na ya.

## 14

*Jon suguek san dufuni imat a Mak 6:14-29; Luk 9:7-9*

<sup>1</sup> Saen an lo Herod, provins Galili agod Perea sad tirnek tamol imado se ya. In tamolpein sad ru Jesus ninen o dubol dugo ilon a. <sup>2</sup> Agog inanen urat tamol irupidaig ibol, “Tamol en man Jon suguek san. In maten aben lo yak imasa da ya, an lo man dabai tubun geig tinin ilon lo yen dugo lo urat igane da.” <sup>3-4</sup> Imug Herod in Herodias iwon igo inane ya, ak man pein an inſiganen tein Filip san iwon a. Ak ninen o Jon suguek san an ninen o Herod irupeig ibol, “On Herodias iwo igo won nane amiak ninen o kubiaen pilali a.” Fun an lo Herod inanen ai katuk irupidaig Jon diabig, dusubanig, subanek ab lo digane yau a. <sup>5</sup> Herod ifuni imat o igane se ya, ak man doup adi ninedi wo irer a. Man dugo, inſad ilo sou lo man Jon in profet ago dubol se ya.

<sup>6</sup> Ak man saen Herod tinan igansi ak san nal idu yan lo, Herodias nanun pein tamolpein ante yan naod na isaluwai ila iso se ya, an lo man Herod pein baras an ninen o ilon uyanan a. <sup>7</sup> An lo in ru dabai nam irupeig ata mel ninen o isumiani dop man, rumok geig ak mel an ka ipani san mi a. <sup>8</sup> Ago tag yaug tinan, dal dugo ipani wak o isumiani a. Agog imul go Herod irupei, “Gamu geig Jon suguek san an kabunan daeg lo ganep sini palup panag a!” <sup>9</sup> Kin Herod ilon muruan geig a, ak man ru dabai geig pein baras an Herod turan muroun naod na ipani an ninen o, inanen yu tamol irupidaig nek pein an ibol ago mi digane ya. <sup>10</sup> Ago tag inſan yu tamol diaug subanek ab lo Jon buron dutute ya. <sup>11</sup> Agog kabunan daeg lo disinig Herod san ab lo diaug pein baras an dupani a. Agog pein an afon inane isini yaug tinan ipani a. <sup>12</sup> Agog Jon san megeloum dupalug tinin dinane diaug disare ya. Agog diaug mel ilasa yan Jesus durupeig ilon a.

*Jesus tamol 5,000 ifutuwai a*  
*Mak 6:30-44; Luk 9:10-17; Jon 6:1-*

14

<sup>13</sup> Saen Jesus Jon san maten ilon man, wog fo isudag pasak nam aben ta yoitout yen dak ate yau a. Ak man saen aben a ate Jesus imug imado yak san tamolpein Jesus ibisawai an dulon man, inaned panu anen anen dibiseig, lon na diaug n'ied nam Jesus dirig diau se ya. <sup>14</sup> Saen Jesus wog ibiseig idu man, tamolpein malan tubun geig ak dititianig dumado dugo yil a. In ilon ipidinai an lo talpein a subam amad da yak lulunad lo yan ikubuniaid idu ya.

<sup>15</sup> Ad idu yau dugo in'san megeloum dupalug durupeig dubol, "Aben en yoitout a, agod ad dam idu yau da, amaiak ninen o on tamolpein dinaip panu na diaup, anan didad pe diani wa." <sup>16</sup> Agog Jesus ibol, "Gidad, aben en dibisei dumoi, ansem mi anan ta apidinaip diani wa."

<sup>17</sup> Ago gug in Jesus durupeig dubol, "Man etna bret faiv o lian a, agod iy dam uraru o lian a!"

<sup>18</sup> Agog in ibol, "Igo asini apalu wa." <sup>19</sup> Agog tamolpein dutumani an irupidai, "Ago gafurfur fo amasi." Agog bret faiv in iy uraru da yan isinig, malan keit lo isudag, bret iy da bar ipanig yafute idu se ya. Agog anan an megeloum ipidinaig diaug tamolpein dupidinai a. <sup>20</sup> Fidian diani man luadi ipuk a. Diani itout man megeloum diaug samsamun disini wo ditiliani se ya. Samsamun disini an sareg 12 tutubu yak digane inawai a. <sup>21</sup> Tamol mi faiv tausen anan an diani a, taida mi pein wei mi, nanud muroudi dida anan an dam diani a.

*Jesus you fufo itor a*

*Mak 6:45-52; Jon 6:15-21; Mak 6:53-56*

<sup>22</sup> Saen anan dianig itout man Jesus inanen megeloum wog fo dusudap aen ate imug diau wo irupidai a. Ago dugo in kitekan ka imado dugo, tamolpein siganed ab lo dumul diau wo irupidai a. <sup>23</sup> Saen tamolpein idinaig diau pasik man, in sen mi did

fo Taman san na igudani wo isuda ya. Agog saen ad idu yau man sen kisaek did fufo imado se ya. <sup>24</sup> Saen an lo wog man you titinjaem yen se ya. Agog tim ifure dugo you dam imasa man wog ifuni ila iso se ya, man dugo tim naon na yen se ya.

<sup>25</sup> Salso idug aban ipasti yau dugo, Jesus inanen megeloum sad na you fufo yau se ya. <sup>26</sup> Ak man saen inanen megeloum ago dile man direr dudug dubol, "An man tamol n'utun a!" Agog disasai dugo disuruwor se ya.

<sup>27</sup> Agog Jesus irupidai kisaek on go ibol, "Dabai anane! Naiseg o, asuruwor amoi!"

<sup>28</sup> Agog Pita ru naon irupeig ibol, "O Tubun en, onse mok tap, ubol dop n'ai dam you fufo onsa na n'upalu wa."

<sup>29</sup> Agog Jesus ibol, "Palu!" An lo man Pita imasag wog lo yak ilasag fun iganeg you fufo mi yau se ya. <sup>30</sup> Ak man malan yaug tim tubun ak ifure dugo ile man irer saian geig a. Agog fun iganeg you lo isarir idiau dugo iwagin, "Tubun en, binawag!"

<sup>31</sup> Jesus banin iwate kisaek on go yabi dugo isumiani, "On tamol ilo rumok ama kabelan, ata wo ilo weiwei aki?"

<sup>32</sup> Saen uraru an wog fo dusuda man, tim ifure yan itout kisaek on a. <sup>33</sup> Agog in'san megeloum turud disaluwig ubou an dile dugo dubol, "Rumok geig, on Anut Nanun mok a!"

<sup>34</sup> Saen you dututeg tan yanan Genesaret dubol dak ate disasau man dusuda ya. <sup>35</sup> Tamolpein ante Jesus naon dile da man, ru diganeg panu tan ante yan fidian sad na yau dugo, tamolpein subam amad da yak Jesus san na dijal dupalu wo dubol a. <sup>36</sup> Tamolpein subam ifu dan Jesus dusumiani dop in'san kulos bitinen an mi ka dusupuri wa. Ago dugo fidian a dusupuri an uyad isusa da ya.

## 15

*Juda gurman sad balek uraru san kagin*

*Mak 7:1-23*

<sup>1</sup> Agog Farisi in̄ kubiaen̄ san girek maṅau da Jerusalem dibiseig Jesus san na diaug dusumianig igo dubol, <sup>2</sup> “En ata wo on̄sa megeloum adi idsad tubud baged sad tamol kagin digansi an ta diri na dak i? In̄ banidi ta dufulani na gup anaṅ diani da.”

<sup>3</sup> Ago tag Jesus ru naon irupidaig igo ibol, “Ata wo aṅ siganem tamol kagin ari apani wo Anut san ru kubiaen̄ patum apani dak i? <sup>4</sup> Man dugo, wagam mi Anut ru kubiaen̄ en igansi, ‘On̄ane tina tama awad paen na mado dop kagin pidinai o uyan a.’ Agod Anut ru kubiaen̄ en taidam ibol, ‘Ta in̄ awan nam tinan taman saian ipidinai tap man, mater̄ ile wa.’ <sup>5</sup> Ak man aṅ abol, ‘Tamol ta taman boi, tinan boi, ka igo irupei, mel ta ate ṅai ka ṅibinawo san man, ṅai mel an Anut ṅupani san ṅien ṅupani la ya. O kabel, an niṅen o ṅai mel an ṅupanaṅ san tia ya. <sup>6</sup> Tamol an ago ibol tap, ru kubiaen̄ a in̄ tinan taman kagin ipidinai o ago ibol an man, nuṅon an tia ya.’ Ago man an̄anem tamol kagin ari apani dan lo Anut anen ru nuṅon tia agane ilasa da. <sup>7</sup> Aṅ balem rararu a! Profet ru a Aisaia gubak mi aṅ niṅemi wo ibol ilasa yan rumok geig a. In̄ igo ibol,

<sup>8</sup> “Tamolpein en awadi nam yan̄ag di-abisa da,  
ak man bubedi man asau geig yen da.

<sup>9</sup> In̄ sen kawan ṅai ubou amag dile da, man dugo, piteṅanek a tamolpein durupidai dan man nek tamol siganed ilo sou mi a.’ ”

<sup>10</sup> Agog Jesus tamolpein in̄san na dutumani wo igiai a. Dupalu dugo irupidaig ibol, “En alon̄ dop aṅane o uyanan a! <sup>11</sup> Anaṅ a tamol awan ilon lo iladu dan, ilon ta nun igane na da. Tia, mel a tamol awan lo ilasad amaiak ilon nun ipani da.”

<sup>12</sup> Agog in̄anen megeloum adi siṅiren na dupalug durupei, “Ak dugo, saen Farisi adi ṅiṅen̄ an dulon̄ man, on̄ niṅe wo ilod saian an ulon̄ aki?”

<sup>13</sup> Jesus Farisi adi niṅedi wo ru naon megeloum irupidaig igo ibol, “Ai fidian ṅai Tamag tan lo ta ipae na yan, ibilani yau a. <sup>14</sup> Abisawai, in̄ man unbek malad itapul ak igo ya. Aria, tamol ta malan itapul aman ak, turan ta dam malan itapul ak, dal ikubiai pani wo banin te yabi tap man, tamol uraru an dog lo diau dudu wa.”

<sup>15</sup> Ak man Pita irupeig ibol, “Ru mitilaen a rupidai an fun fulale dop malon̄ a.”

<sup>16</sup> Agog Jesus ibol, “Aṅ dam nag maṅau lo katuk am mi ak i? <sup>17</sup> Aṅ ta alon̄ o uyan na yak i? Mel a tamol awan lo iladu dan anaṅ mi a, agop tiṅaen lo dam iladup dibei san dal lo yaup tinin patun fo yak ate ilasa wa. <sup>18</sup> Ak man mel ta awan lo ilasa man senamo geig a, man dugo, an ṅutun lo ilasa da, agod mel amaiak mi tamol ilon nun ipani da. <sup>19</sup> Man ata wo? Kagin naok naok igo yan tamolpein sad ṅutud lo ilasa da: ilo sou saian ak san kagin, tamol ifuni imat dak, turan iwon ida dien dak, jeit kagin, gumagam kagin, supalek ru agod uf ru dam mi a. <sup>20</sup> Mel naok amaiak tamol nun ipani wa. Ak man tamol banin ta ifulani na gup anaṅ yani dan, nun ta ipani na wa.”

*Tan Kenan san pein ta Jesus o ilon rumok a*

*Mak 7:24-30*

<sup>21</sup> Agog Jesus aben an ibiseig gob adi sad tan ate yaug, Taia in̄ Saidon da sad distrik lo itilianig itor se ya. <sup>22</sup> Aria, gob pein ta tan Kenan dubol dan ate imado dan isusag awan tubun ak lo iwagin̄, “O Tubun ak, Dawid Nanun, ilo imuṅanag! Ur saian ta ṅai nanug pein itirni dugo muruan ipani geig da.”

<sup>23</sup> Ak man Jesus ru naon ta irupei na ya. Agog in̄san megeloum siṅiren na dupalug dubol, “On̄ pein an peip sen ilasa, man dugo, in̄ maṅ irama dugo mibinawi wo igiama da.”

<sup>24</sup> In̄ ru naon irupidai, “Anut ṅai Isrel san sipsip dideg diaud amaiak mi ṅibinawai o idinag a.”

<sup>25</sup> Ak man pein an sinjiren na ipalug turun isaluwig irupeï, “O Tubun ak, binawag!”

<sup>26</sup> In ru naon irupeig igo ibol, “Nai nanuk sad anan njanep gown diani wo nabi yau tap, an ta uyan na wa.”

<sup>27</sup> Pein an ibol, “Awo, Tubun en ru rumok ubol da. Ak gug gown dam inaned muroudi sad awad aban tan na idu man ka diani wa.” <sup>28</sup> Agog Jesus ru naon irupeig ibol, “O pein, onane ilo rumok an tubun geig a! Nek on ilo yen dak ago mi on lo ilasa wa.” Ago ibol dugo pein an nanun pein uyan isusa kisaek on a.

<sup>29</sup> Agog Jesus aben an ibiseig You Galili aen irig yau se ya. Agog yaug bubun ta fo isudag ante imasig imado ya. <sup>30</sup> Ago dugo tumanek malan tubun ak in san na dupalu se ya. Tamolpein nïed ikael ak, a malad itapul ak, a banid ikael ak, a awad itau ak, agod aenta dam wei mi dijal go dida dupalu se ya. Agog Jesus nïen fun na didiraig tinid ikubune dugo uyad isusa da ya. <sup>31</sup> An lo tamolpein dutumani an, saen tamolpein awad itau ak dijnjen dugo, a nïed ikael ak uyad isusa dugo, a nïed ikikai ak ditiliani ditor dugo, agod a malad itapul ak afon aban dile da dugo dil man, durut saian geig a. Ago dugo Isrel sad Anut yanjan diabisa ya.

*Jesus tamol 4,000 ifutuwai a*

*Mak 8:1-10*

<sup>32</sup> Agog Jesus in san megeloum san na dupalu wo igiai a. Dupalug irupidaig ibol, “Nai tamolpein malan tubun en ilog imunjanai da, man dugo, gamu nal utol yau la dugo in nai dida mumado ya, ak gug anan ta diani san etna tia ya. Ak man dimatigen dop nïdinaip diau man, ilog ta ibol na da, kabelan dal na yaes ifu dop malad itiliani banau.”

<sup>33</sup> Agog inanen megeloum durupeig dubol, “Man dugon te anan mile dop minanep lo tumanek tubun geig en ka mufutuwai ak i? Aben en yoitout a.”

<sup>34</sup> Jesus isumianai, “An bret sapita yak i?”

In dubol, “Bret seven dien da, agod iy kikitik kisaek kisaek a.”

<sup>35</sup> Agog in tamolpein tan na dumasi wo irupidai dugo <sup>36</sup> bret seven in iy da inaneg, Anut ilo uyan ipani gug yafuteg inanen megeloum ipidinaig, diaug tamolpein duwae pidinaï a. <sup>37</sup> Fidian anan an dianig luad ipuk. Diani itout go megeloum dumasag anan samsamun dutumanig sareg seven lo ditaneg awad isa ya. <sup>38</sup> Tamolpein ensauta a anan diani an sad sutek man tamol 4 tausen, agod pein nanuk man ta dusutai na ya. <sup>39</sup> Jesus tamolpein siganed panu anen anen atem diau wo irupidaig, wog lo megeloum dida dusudag, panu Magadan\* san tan tilianek lo diau a.

## 16

*Jesus kulob girager igane wo dududuwi a*

*Mak 8:11-13; Luk 12:54-56*

<sup>1</sup> Farisi adi Sadyusi dida Jesus san na dupalug dusubani wo bitinaek lo digane ya. In Anut san dabai nam kulob girager ta kob igo won igane dop dile wo dusumiani a. <sup>2</sup> In ru naon irupidaig igo ibol, “Saen ad idu yau dop an abol, ‘Gabulo dop malin ibalsi wa,’ man dugo, timtaen daran da. <sup>3</sup> Agod tidom lo mi dop abol, ‘Gamu ui isi wa,’ man dugo, timtaen daran an bilkas ak ituani a. An ka keit san leil akubiani ale uyanan mok a, ak man an kulob sensen a ansiganem saen lo dilasa la yan, sad fud mok akubiani ale san an ta idaisuda na ya. <sup>4</sup> Nek ibol tamol ta tamol aenta iwodi nïedi wo ilon imasa dak igo won, tamolpein ensauta a kulob girager dile wo dusumianag dan man, anut sewak aenta nïedi wo dumat dak igo won, in aupasek tinadi a. An lo kulob girager ta nïgane panan dop ale san ago ta nïgane na wa, nek Jona san kulob girager amaiak mi a.”

*Farisi in Sadyusi da sad yis*

*Mak 8:14-21*

\* 15:39: Magdala



<sup>5</sup> You tilianek dututeg you aen ate diaug disasau man, inanen megeloum bret ta disini na yan ilod isou a.

<sup>6</sup> Agog Jesus irupidai, “Kagin agane wa, Farisi in Sadyusi da sad yis an ninen o kagin agane wo uyanan a.”

<sup>7</sup> Agog fun diganeg ilod lo mi dininjen yau imul se ya. “Ago ibol man fun dugo i? Nag id bret ta tisini na, amaiak ninen o ago ibol boi.”

<sup>8</sup> Jesus dugo dubol se man ilon, ago tag isumianai, “O an tamol ilo rumok kabelan geig amam da ya, ata wo bret tia yan ninen o aninjen dak i?”

<sup>9</sup> An an ta alon uyan na di? Saen nai bret faiv nafuteg ate tamol faiv tausen nufutuwai an ilom inaoan ak i? Agod an sareg sapta awad agane inawai an dam ilom ta isou na i? <sup>10</sup> Tia, bret seven nam tamol 4 tausen nufutuwai, agod sareg sapita awad agane inawai an dam ilom inaoan ak i? <sup>11</sup> En dugo won go nai bret ninen o ta nininjen na yan, ta alon sinjaokan na yak i? Aria, afon kududom agurep kagin agane: Farisi in Sadyusi da sad yis ninen o sen alasa wa.” <sup>12</sup> Agog inanen megeloum dulon ak in yis bret ate digane dan ninen o ru kagin ta ipidinai se na ya. Tia, pitejanek a Farisi in Sadyusi da tamolpein durupidaid amaiak ninen o ru kagin ipidinai se ya.

*Pita Jesus in Kristus an kuai te ibol a*

*Mak 8:27-30; Luk 9:18-21*

<sup>13</sup> Saen Jesus inanen megeloum dida distrik a taun Sisaria Filipai sinjiren na yen dan te dilasa man, igo isumianai, “Tamol Nanun en enti mok ak i? Tamolpein in ninen o ru dugo dubol dak i?”

<sup>14</sup> Agog dubol, “Aenkadi on Jon suguek san ago dubol dugo, aenta on Elaija dubol dugo, aenta on dag Jeremaia boi, tia, on profet ta a wagam dumado na yan lulunad lo fon lasa boi ago dubol da.”

<sup>15</sup> Agog Jesus isumianai, “Ak man ansem mi nai enti mok abol di?”

<sup>16</sup> Agog Saimon Pita in san ru naon irupe, “On Kristus, on Anut ipiliano

ama ya, on Anut a kumaen imado dan Nanun mok a.”

<sup>17</sup> Jesus ru naon irupeig igo ibol, “Saimon, Jon nanun, on bar ama da, man dugo manau an tamol ta, ta ifulale dugo ulon na ya, tia, manau an itaot nai Tamag kumaen panu lo yan san na ilasa dugo ubol ilasa ya. <sup>18</sup> Agod nai nurupaio da, on Pita, yan san fun man pat. Pat tubun en fufo naisag midaen nusususe wa. Agod mateen san dabai an naineg midaen ibiai dudu san tia ya. <sup>19</sup> Nai Anut san kagin panek aben san ki nupano wa, agod ata mel tan en lo futani tap, kumaen panu na dam itau a, agod ata mel tan en lo pasi tap, kumaen panu na dam awan ipasi a.” <sup>20</sup> Agog Jesus inanen megeloum adi ru kubiaen dabai mok an ipidinai man, in sen mi Kristus, an ago ta dubol ilasa na wa.

*Jesus imat san nal sumeik ak ago irupidai a*

*Mak 8:31-9:1; Luk 9:22-27*

<sup>21</sup> Saen an lo yau man Jesus inanen megeloum adi kuai tem irupidai se ya, in Jerusalem na yaup ante dop Juda sad matu gurman adi, pris gurman adi, agod kubiaen san girek manau adi saian dupani dop madai wei mi ile na gup dufuni imat a. Agop murnap nal utol lo Anut ifufunip kumaen imasa da wa.

<sup>22</sup> Ago ibol go Pita Jesus yabig inane iga gigin na diaug san ru an ninen o igo ibol, “Tubun en, tia geig a, kulob ago on lo ta ilasa na wa!”

<sup>23</sup> Agog Jesus idansag irupe, “Satan, nai patug fo sen lasa! On nai naog dal fou da, man dugo, ilo sou uri dan man Anut san tia ya, an man tamol san mi a.”

<sup>24</sup> Agog Jesus inanen megeloum irupidaig ibol, “Talpein ta nai nieg aban iri wo imat tap, gidad in san mel an fidian ilon inaoan pe in siganen aigim isinip nieg aban mi iri wa. <sup>25</sup> Man ata wo? Talpein enti siganen madok kagin mi yabi sakar tap, inanen madok murna san an ibisei wa. Ak gug talpein enti nai ninjen o siganen madok kagin ibisei tap,

inſiganen madok mok an ile dop inane wa. <sup>26</sup> Talpein ta tan en san madok lo malan imug dop, an lo tan en san filian fidian an san muroun ilasa wak gug, n̄tun ideg yau tap, nuñon uyan ak dugo woñ igane ilasa wak i? Man tia geig a. Tia, mel dugo man, talpein ta Anut ipanip, an lo siganen n̄tun an idad inane dop daon ta ile na wak i? <sup>27</sup> Man dugo, Tamol Nanun mitep Taman san girager an lo ipalu dop, inanen enel adi dida dudu wa. Agop talpein fidian inaned urat dugo dugo digane na yan naon ipidinai a. <sup>28</sup> Rumok n̄rupaian da, tamolpein aenta igo dutur dan gamugo dumat dop, Tamol Nanun amaiak Kiñ igo woñ ipalu dop dile gup, murnap dumat a.”

## 17

### *Jesus tinin ibilisag ad oñ ided a Mak 9:2-13; Luk 9:28-36*

<sup>1</sup> Nal siks itout go, Jesus in Pita, Jems agod tein Jon da in̄al go imug did lak na geig ak fo disudag ate in̄sed mi dumado ya. <sup>2</sup> Agog ante Jesus tinin ibilisa dugo dile ya. In̄san naon man ad oñ ided se ya, agod san bioun tinin fo man ibilisag lilaman oñ milkouk geig ilasa ya. <sup>3</sup> Ago dugo Moses in̄ Elaija da megeloum naod na dilasag Jesus da diñin̄eñ dugo dil a.

<sup>4</sup> Agog Pita imasa kisaek oñ go Jesus irupeig ibol, “Tubun en, nek uyanan geig mañ ente mumado da! Oñ ilo ibol tap, lalai utol etna n̄abi wa, oñsa kisaek, Mosen san kisaek, agod Elaijah san kisaek dam n̄suse wa.”

<sup>5</sup> Saen in̄in̄eñ se man timtaen ta ided dak ipalug, ibuluwai dugo, n̄in̄eñ ta timtaen an ilon lo yak ibol, “En man n̄aineg Nanug mok, n̄aineg bubeg mok, in̄ n̄in̄en o n̄ai ilog tubun mi uyanan da. Awan alon!”

<sup>6</sup> Saen megeloum utol an n̄in̄eñ an dulon man, tubun mok direr go naodi tan fo ditakok dudug dumunamig dien se ya. <sup>7</sup> Ak man Jesus sad na ipalug isupuraig ibol, “Amasa, arer amoi.” <sup>8</sup> Saen dufotsa man, tamol ta

dile man tia ya, nek Jesus sen kisaek mi dile ya.

<sup>9</sup> Saen did dibiseig dudu se man, Jesus ru dabai anda irupidaig ibol, “Mel gamu ale yan n̄in̄en o aup tamolpein ta arupidai na wa, abol amoi dop Tamol Nanun mateñ aben lo Taman ipasi inane gup abol a.”

<sup>10</sup> Agog in̄anen megeloum utol dusumianig dubol, “En ata wo kubiaen san girek mañau, Elaija imug ipalu dop Kristus murna ilasa wak ago dubol dak i?”

<sup>11</sup> Jesus ru naon irupidai, “Rumok, Elaija imug ipalu dop mel fidian ikubuniaip uyad dususa da wa. <sup>12</sup> Ak man n̄ai n̄rupaian da, Elaija imug ipalu la ya. In̄ bo ilasa gug tamolpein in̄ ta dile dulon na ya. Ago dugo in̄siganed ilobol lo mi saian dupani se ya. Nek dal kisaek an lo mi in̄ Tamol Nanun dam saian dupani wa.”

<sup>13</sup> Agog in̄anen megeloum dulon ak Jesus Elaija mok n̄in̄en ta ibol na ya, tia, Jon suguek san amaiak n̄in̄en o ibol na ya.

### *Jesus nanuk ta ur saiak anda yak ikubune ya*

#### *Mak 9:14-29; Luk 9:37-43a*

<sup>14</sup> Saen dumul go tamolpein a dutu-manig dumado se yan sad na dupalu man, tamol ta Jesus san na ipalug naon na turun isaluwig ibol, <sup>15</sup> “O Tubun ak, n̄aineg nanug ilo imun̄ani! Saen wei mok kurbarib\* ifunig an lo madai tubun geig ile da. Saen aenta ilon in̄aon dop yai lo idu dak, saen aenta dam you lo idu da. <sup>16</sup> Ak n̄in̄en o on̄ane megeloum sad na n̄in̄ane n̄upalu yak man dukubune wo digane yak gug tia ya.”

<sup>17</sup> Jesus ru naon irupeig ibol, “An̄ saen en san tamolpein man ilo rumok amam tia ya, agod ilom gidigheid aman a. Nal sapta n̄ai an̄ da tumado wak i? Nal sapta muruan a apanag yau an n̄isini wak i? Nanuk an igo an̄ane apalu.” <sup>18</sup> Agog Jesus in̄ ur saian nanuk ilon lo yan ru dabai

\* 17:15: Lunalin

aman da nam ipei dugo, ur saian an nanuk ibiseig uyan isusa kisaek on a.

<sup>19</sup> Murna gug megeloum adi pasak nam Jesus san na dupalug dusumiani, “En ata wo maŋ ur saian an mukudi san tia yak i?”

<sup>20</sup> In ru naon igo irupidai, “Man dugo, aŋ ilo rumok kabelan mok amam da ya. Nai ru rumok nŋrupaian da, gidad onane ilo rumok nek ibol ai patun tusan igo woŋ tap, did en rupeip ubol, usuk onte wau, ago ubol dop yau a. Mel fidian on gane san tia yan ka gane wa.”†

*Jesus saen uraru inŋsan mateŋ niŋen o megeloum irupidai a*

*Mak 9:30-32; Luk 9:43b-45*

<sup>22</sup> Saen Jesus inanen megeloum adi dida Galili na turen diabi se man, irupidaig ibol, “Tamol Nanun in ager tamol banid lo digane yau o da. <sup>23</sup> Agop dufuni imat a. Murnap nal utol itout gup, Anut ifufunip kumaen imasa da wa.” Inanen megeloum ago dulon man, tubun mi ilod itau idu ya.

*Jesus tempel san takis idad a*

<sup>24</sup> Saen Jesus inanen megeloum dida Kaperniam na dupalu man, tempel san takis niŋaŋal dupalug Pita dusumiani, “Dugo, onane girek maŋau tempel san takis idad o dak i?”

<sup>25</sup> Pita ru naon igo irupidai, “Awo.”

Murnag Pita ab ilon lo ipalu dugo Jesus imug ininŋeŋ, “Saimon, tan en sad kiŋ, enti sad na takis moni diŋane dak i? Inŋsiganed nanud muroudi sad na, tia, tamolpein gol ak sad na, aria, onsa ilo sou dugo yak i?”

<sup>26</sup> Agog Pita ibol, “Tamol gol ak sad na ya.”

Ago ibol man Jesus irupeŋ, “Ago tap nanud muroudi sad na takis moni ta digane na da. <sup>27</sup> Ak man gidad ilodi ta tigane saian na wa. Ago yak niŋen o you lo waup oul ubal idu. Iy malmalan wane dan rae isudap, awan pasi dop moni ate yen dan nane. Moni an nek idaisuda ya, onse niŋe wo, agod nai nŋtug dam, ate tempel san takis udad a.”

## 18

*Enti Anut san kagin panek aben lo in malan te ya*

*Mak 9:33-37; Luk 9:46-48*

<sup>1</sup> Saen an lo megeloum adi Jesus san na dupalug dusumiani, “Enti Anut san kagin panek aben lo yan an malan te yak i?”

<sup>2</sup> Agog Jesus nanuk ta iwagig megeloum naod na igunig itur dugo <sup>3</sup> irupidaig ibol, “Nai rumok geig nŋrupaian da, aŋ gidad sem ibilanŋsap nanuk en igo woŋ alasa. Tia tap, Anut san kagin panek aben an lo aladu san tia geig a. <sup>4</sup> Amaiak niŋen o talpein enti sen yabi idup nanuk en igo woŋ ilasa dan, nek talpein amaiak Anut san kagin panek aben lo yan an malan te ya.

<sup>5</sup> “Talpein enti nai yanag lo nanuk igo yan inane wo iyunani tap, nai dam iniliag o iyunanag da. <sup>6</sup> Ak man nanuk ta nai o ilon rumok dan, talpein ta iganep aupasek lo idu tap, talpein an gidad kagin igane wa. Man dugo, pat tinan buron lo disisi idup beig lo dibal pe isarir o man bo, uyan mok a. Man ata wo? An tia tap, ai wadan nŋpani san man irinani geig a!

<sup>7</sup> “Tan en san tamolpein ensauta a mel ta lo ilo rumok adi aupasek lo dudu wo dududuwai dan, naon muruan tubun geig ak diŋane wa! Rumok, melmel ta tamolpein ilod diŋanep lo au dupas dan, dilasa san dal tufutani san tia ya. Ak man talpein enti ilo nane an igane ilasa dan, naon saian geig ak inane wa! <sup>8</sup> Amaiak niŋen o on bani boi, tia, nje boi, iganep aupasek lo udu tap, tutep wabi yau! Gidad nje bani tia man ago madok yen yau san lo ladu man ta saian na ya, man dugo, kabelan nje bani ama da yak ago diŋilio dop yai pempem ided dan lo dubulo wau banau. <sup>9</sup> Agod on mala iganep au upas tap, mala an bilanip biliau a. Gidad mala kisaek o lian da ago madok yen yau san lo ka ladu wa. Kabelan mala

† 17:20: Boi 21 Grik lo tia ya.

uraru mi dop diñjiliop Ades san yai lo dubulo wau banau.

*Sipsip ideg yau ak san ru fanan*

*Luk 15:3-7*

<sup>10</sup> “An gidad nanuk kititik anjanem leil lo yanjad tia yak ago ilom ta isou na wa. Man dugo, ñai ñurupaian da, inaned enel kumaen panu lo yan maladi pempem yau dop ñaineg Tamag kumaen panu lo imado dan naon dile da.\*

<sup>12</sup> “Anjanem ilo sou dugo yak i? Sipsip muroun inanen sipsip 100 dida ditiliani da, ak man kisaek man naon tia ya. Sipsip muroun an dugo igane wak i? In sipsip 99 an ibisawaip, did luan te gafurfur dianid dumado dop yaup kisaek an aban an ile wa. <sup>13</sup> Sipsip naon tia yan ile tap, 99 a dumado dan ninedi wo ilon ta tubun mi uyan na wa. Tia, kisaek a naon tiag fon inane imul da yan ninen o man ilon tubun geig uyanan a. <sup>14</sup> Nek dal kisaek an lo mi, anjanem Tamami kumaen panu na yan, nanuk kititik igo yan naod tiap dideg diau o ilon ago ta yen na da.”

*Tei ta on lo aupasek igane ya*

<sup>15</sup> “Saen Kris tei ta on lo aupasek igane tap, san na waup inisan aupasek an kibiai ile. Ak man nujom uraru mi nug lo aninon a. Aria, on awa ilon tap man, on onane tei da ilom kisaek da wa. <sup>16</sup> Ak man awa ta ilon na tap, tamol kisaek boi, uraru boi, unjal pe dida aup onane tei da aninon a. Dal an lo ru fidian a sisem abol dan, talpein nujod uraru an ka dibinawo wa. <sup>17</sup> Aria, in onane tei uraru an awad ta ilon na tap, muruan an gidad Kris midaen naod na abol ilasa wa. Aria, Kris midaen dam sad ru ta ilon na tap, tamol an gob igo won, tia, takis njalan tamol igo won, ago ale dop abiseip asau mi au.

<sup>18</sup> “Ñai ru rumok ñurupaian da, an mel ta tan na yak afutani tap, kumaen panu na dam itau a, agod mel ta tan en lo apasi tap, kumaen panu na dam ipasi panan a.

<sup>19</sup> “Agod afon ñurupaian da, saen an nujom uraru mel ta ninen o kabunam kisaek go agudani tap, ñai Tamag kumaen panu na yan mel an igane panan a. <sup>20</sup> Man dugo, aben ta ate talpein uraru boi, utol boi, ñai yanjad lo dutumani dan, ñai in dida mumado da.”

*Urat tamol ilo munanek aman tia yak san ru fanan*

<sup>21</sup> Agog Pita Jesus san na ipalug isumiani, “O Tubun ak, saen ñai teig ta ñaisag na mi aupasek igane tap, saen sapta mok inisan aupasek ñupare idu pani wak i? Dag sutek yaug 7 boi i?”

<sup>22</sup> Jesus irupe, “Saen 7 man tia ya, tia, ñai ñurupaio da, saen 70 an seven taida batep, nek ago yen yau a.

<sup>23</sup> “Amaiak ninen o Anut san kagin panek man igo ya. Kin ta gubun† funfun a inisan urat tamol tinidi lo dien dan ikubunep itout o ilon ibol se ya. <sup>24</sup> Saen insad pani naon inane san urat an fun igane dugo, urat tamol kisaek dijaneg san na dupalu ya. Kin san gubun tamol an tinin lo yen dan man ten milion kina ago ya. <sup>25</sup> Ak man urat tamol an inisan gubun an isopasi san ta idaisuda na ya. Ago tag kin inanen urat tamol aenta irupidaig ibol, ‘urat tamol an bigabeg on didaen lo agane dop, tamol ta idad a. Inanen iwon, nanun muroun, agod sad melmel fidian dam nek ago mi agane wa. An lo dop san naon an ñinanep ate inisan gubun ka ñusopasi wa.’

<sup>26</sup> “Urat tamol an kin naon na turun isoluwi idug ibol, ‘O Tubun ak, gidad bube panag dop onane gubun an fidian ñusopasi wa.’ <sup>27</sup> Agog kin ilon imunanig san gubun an isopasig iganeg yau a.

<sup>28</sup> “Agog urat tamol an ilasag yau man, tamol ta inisan urat kisaek gubak mi inisan na gubun igane yan ile ya. Tamol an san gubun man 10 kina. Ile go buron yabig iratitale dugo inisan gubun ipani wo irupe a.

\* **18:10:** Boi 11 Grik lo tia ya. † **18:23:** Pani



<sup>29</sup> “Urat tamol an inſan urat kisaek an naon na turun isoluwi idug irupeï, ‘Gidad bube panag dop oŋane gubun nupano wa.’

<sup>30</sup> “Ak man tamol an imoi go subanek ab lo ibili iladu ya. Ago imado dop san gubun an ikubune itout gup ilasa wo ago igane ya. <sup>31</sup> Saen inſan urat kisaek aenta ago dile man, ilod saian geig go kiŋ san na diaug mel fidian dile yan naon na dubol ilasa ya.

<sup>32</sup> “Agog kiŋ an urat tamol a kulob igane yan iwagig san na yau a. Yaug iladu man kiŋ ago irupeï, ‘Oŋ tamol saia geig a, oŋsa gubun man niŋen o bubeg nupano ya, man dugo, oŋ ŋai sumianag a. <sup>33</sup> Oŋ gidad oŋsa urat kisaek an bube pani wa, nek ŋai dam oŋ bubeg nupano ago mi a.’ <sup>34</sup> Kiŋ tiŋaen wananan geig a, ago yan lo urat tamol an dam subanek ab lo igane yau a. Ante man subanek ab san tirnek adi tinin malan dusue dop yaup, kiŋ san gubun isopasi gup ilasa da wa.

<sup>35</sup> “Aria, oŋ bube fidian lo tei a oŋ lo aupasek igane dan inſan aupasek ta pare idu na tap, man ŋai Tamag kumaen panu na yan inŋ kagin nek ago mi oŋ lo igane wa.”

## 19

*Jesus pein tamol nug dibisei dak niŋen o inŋeŋ a*

*Mak 10:1-12*

<sup>1</sup> Saen Jesus niŋeŋ en ibol itout man, distrik Galili ibiseig Judea na yau a. You Jordan ituteg Judea san aben titin ante iladug itilianig itor se ya. <sup>2</sup> Ago dugo tamolpein malan tubun ak niŋen aban diri dugo subam ad da yak ilod lo ikubuniaï se ya.

<sup>3</sup> Agog Farisi aenkadi san na dupalug diabi wo bitinaek diganeg dusumiani, “Idaned kubiaeŋ dugo ibol ak i? Mel ta niŋen o, tia, mel dugo dugo yak niŋen o, tamol ta inŋanen pein ka ibisei wak i?”

<sup>4</sup> Jesus ru naon irupidaig ibol, “Anŋ dag girek en ta asuti na ya, ‘Fun

lo mok Mel Niganag Tamol man tamol inŋ pein da idirai a,’ <sup>5</sup> agog ibol, ‘Fun an niŋen o tamol inŋ tinan taman ibisawaip iwon inŋanep nug dupini dupini wa, an lo dop uraru an kisaek mi dilasa wa.’ <sup>6</sup> An niŋen o inŋ uraru ago tia ya, inŋ kisaek a, man dugo, Anut inŋsen mi itumanai a. Ak niŋen o kabelan mel ta Anut itumanai an tamol itute banau.”

<sup>7</sup> Ago ibol tag Farisi dusumiani, “Agog ata wo kubiaeŋ Moses igire yan igo ibol ak i? Tamol ta iwon ikudi wo ilon ago yen tap, aria, girek ta igirep, iwon ipani gup ikudip yau a. Girek an nug banin diabi amaiak itute san girek.”

<sup>8</sup> Jesus ru naon igo irupidai, “Moses iwomi akudai san awok ipanaŋ a, man dugo, anŋ bubem dabai geig a. Ak man fun lo mok an san saen lo, kagin naok ago yak ta digane na ya. <sup>9</sup> Agod ru taida nŋurupaiaŋ da, tamol ta mel ta niŋen o iwon ikudi yau dop, pein foun ak inŋane tap, tamol an jeit kagin igane ya. Aria, iwon imug ak a jeit kagin igane yan mi ka ikudip yau a.”

<sup>10</sup> Inŋanen megeloum duloŋ go durupeï, “An ago pein tamol da lo ilasa tap, gidad nug diŋane dumoi.”

<sup>11</sup> Jesus ru naon irupidai, “Tamol nug niŋanek lo dumoi dan san piteŋanek man, fidian ilo uyan lo diŋane san tia ya, ak man nek a Anut dabai ipidinai damaiak mi kagin an ka diŋane wa. <sup>12</sup> Tamol pein ta dusu na duman, fun senamo senamo ya. Aenta man nabud patun amad tia, ago tinad tiŋaen lo dilasa ya. Aenta man tamol nabud dupasi da. Aria, aenta man, Anut san kagin panek aben dabai dupani san niŋen o pein ta dusu na da. Tamol ta piteŋanek en awok ka ipani tap, inŋane wan uyanan geig a.”

*Nanuk diŋal go dida Jesus san na dupalu ya*

*Mak 10:13-16; Luk 18:15-17*

<sup>13</sup> Agog tamolpein inŋiganed nanuk diŋal go Jesus banin kabuŋad fo iganep gadiŋ lo bar ipidinai san niŋen o inŋsan na dupalu se ya. Ak man

inanen megeloum adi tamolpein ru dabai nam dupudai a.

<sup>14</sup> Ago gug Jesus ibol, “Nanuk n̄aisag na dupalu wo dop eilafu wak, abituana-i amoi. Man dugo, Anut san kagin panek aben man nanuk igo yak sadi a.” <sup>15</sup> Agog banin kabun̄ad fufo iganeg aben an ibiseig yau a.

*Pinein damag filian anda yak Jesus isumiani a*

*Mak 10:17-31; Luk 18:18-30*

<sup>16</sup> Aria, pinein damag ta Jesus san na ipalug isumiani, “O girek man̄au, ata kulob uyan ak n̄igane dop lo madok pempem yen san an ka n̄inane wak i?”

<sup>17</sup> Jesus ru naon igo irupei, “Ata wo mel ta uyan an niñen o sumianag dak i? Nek Anut kisaek o lian an mi uyanan a. Madok uyan ak lo wau o ilo ibol tap, ru kubiaen̄ girek lo dien dan kagin pidinai a.”

<sup>18</sup> Agog isumiaen̄, “Ru kubiaen̄ dugomaiak i?”

Jesus ru naon irupei, “On̄ tamol ta funi imat na wak, jeit kagin ta gane na wak, ta ugam na wak, kot lo supalek ru ta ubol na wak, <sup>19</sup> tina tama awad paen na mado dop kagin pidinai o uyan ak, agod on̄se niñe wo umat dak ago mi aenta dam niñedi wo umat a.”

<sup>20</sup> Pinein an irupeig ibol, “Ru kubiaen̄ an fidian n̄uri n̄upani se ya. Ata mel taida niñen o katuk ag ak i?”

<sup>21</sup> Jesus irupei, “On̄ itaot mok lasa wo ilo yen tap, waup on̄sa mel an fidian didaen̄ lo ganep moni n̄ane wa. Aria, moni an n̄anep tamolpein mel ad tia yan pidinai a. Ago dop on̄ kumaen panu lo filiama da wa. Ago gane gup palup n̄ieg aban uri wa.”

<sup>22</sup> Saen pinein an ru ago ilon̄ man, ilon idug yau a, man dugo, in̄ tan en lo melmel wei kasik aman da ya.

<sup>23</sup> Agog Jesus inanen megeloum irupidaig ibol, “N̄ai rumok n̄abol da, tamol filian anda man Anut san kagin panek lo iladu san man muruan geig a. <sup>24</sup> N̄ai fon n̄urupaian̄ da, tamol filian anda yak Anut san kagin panek aben lo ka iladu an, rumok tap, aria, kamel

dam si guburan tusan ak lo yau san man pasauman geig a.”

<sup>25</sup> Saen inanen megeloum ago dulong man, malad ifure saian geig go dusumiani, “Mago tap, enti mok patu pasek ka in̄ane wak i?”

<sup>26</sup> Jesus malan ti ibol go yil dugo irupidai, “Tamolpein kulob ago man in̄ lo ta idaisuda na ya, ak gug Anut lo mel fidian man pasauman a.”

<sup>27</sup> Agog Pita ru naon ibol, “Ule, mel fidian mibiseig n̄ie aban muri se ya, an lo ata naon igo mok miñane wak i?”

<sup>28</sup> Jesus irupidai, “N̄ai rumok n̄urupaian̄ da, Anut mel fidian afon foun idirai dilasa san saen lo man, Tamol Nanun inanen badim girager anda yak fufo imasi wa. Ago dop an̄ enti n̄ieg aban ari apani na yan dam badim 12 ak fufo amasip Isrel san gugoi 12 an abitiniai a. <sup>29</sup> Agod talpein enti ab ibiseig, tia tein boi, lun boi, taman boi, tinan boi, nanun moroun boi, siganen tan boi, an n̄ai yan̄ag yabisa wo ibisei dop man, mel a ibisawai an san naon sutek yaup 100 irin̄ani wa. Taida mi, n̄ai madok pempem yen san an dam n̄upani wa. <sup>30</sup> Ak man talpein wei mi gamu in̄ sed malan te idirai dan, saen an lo man in̄ yan̄ad tia yak ago dilasa wa. Agod talpein wei mi in̄ gamu yan̄ad tia dumado dan, saen an lo malan te dilasa wa.

## 20

### *Wain abi san urat tamol adi*

<sup>1</sup> “Anut san kagin panek man igo ya. Salso idug abi san muroun imasag didaen̄ aben lo yaug urat tamol aenta ibiaip inanen wain abi ilon lo urat digane san. <sup>2</sup> In̄ urat tamol an dida urat naon dugo ipidinai an niñen o dukubiai se ya. Agog adian kiskisaek atem kina kiskisaek ipidinai o ago ibol a. Agog urat tamol an dulong go niñen̄ an awok dupanig idinaig inanen abi lo diau a.

<sup>3</sup> “Tidom lom, afon imasag didaen̄ aben ante yaug ilasag, tamol ta kawan dutur dugo yil a. <sup>4</sup> Ago dugo

irupidaig ibol, 'Anj dam njasag wain abi lo aup urat agane. Ago dop murnap anjanem urat naon dugo itaot atem njanan a.' Ago tag diau a. <sup>5</sup> Inj afon, adian lo agod guraian lo mi, nek ago igane ya. <sup>6</sup> Guraian mok, auwa kisaek imug mi ad idiau an lo, afon imasag yaug tamol taidam urat ad tia kawan dutur dugo yil a. Agog tamol an irupidaig ibol, 'Anj ata wo ad milaen kawan atur amado dugo urat ta agane na dak i?' <sup>7</sup> Inj abi muroun ru naon durupeig dubol, 'Tamol ta manj ibiama man tia ya.' Ago tag irupidai, 'Anj dam gamu njaineg wain abi lo au a.'

<sup>8</sup> "Aria, saen ad idiau dugo abi muroun injanen urat gurman irupeig ibol, 'Urat tamol giai dop sad urat naon anen anen atem udad a. Tamol a murna geig njajal an ate fun ganep, ipalup, yaup, imug ak ate itout a.' <sup>9</sup> Saen urat tamol a murna geig ibiai an dupalu man, anen anen atem kina kiskisaek urat san gurman ipidinai a. <sup>10</sup> An njinen o saen urat tamol a imug mi ibiai an dupalu man, inj moni subunan taidam dijanep wak ago ilo sou digane se ya, ak man inj dam nek kina kiskisaek mi dijanep ya. <sup>11</sup> Injaned kina dijanep gug, abi muroun njinen o fun diganep dunjurnur se ya. <sup>12</sup> Inj dubol, 'Tamol e murna geig biai an auwa kisaek o lian urat digane ya, ak man onj ago gane yan lo manj inj dida sisem mi milasa ya. Gug manj urat san muruan ad milaen manj mi misini se ya.'

<sup>13</sup> "Ak man abi muroun tamol ta lulunjad lo imado yan irupeig ibol, 'Turag, njai onj ta njiginio saian na da. Dugo, onj kina kisaek o lian lo urat gane wo awok ta ubol na yak i?' <sup>14</sup> Onjane urat naon njanep wau. Tamol a murna geig njajal an, urat naon a njupano yan, nek ago mi inj dam njupidinai o ilog yen a. <sup>15</sup> En dugo, njai siganep moni lo dugo njigane wo dan, ago ka ta njigane na wak i? Tia, njai siganep mel njuwae dan njinen o mala isi dak i?'

<sup>16</sup> "Nek ago mi, talpein murna yan

mitep imug dop, imug an murna wa."

*Jesus afon injanen materj sumeik ilasa dan njinen o ibol a*

*Mak 10:32-34; Luk 18:31-34*

<sup>17</sup> Jesus inj Jerusalem na yau se ya, saen an lo injanen megeloum 12 an injal go dida gigin na diaug, irupidaig ago ibol, <sup>18</sup> "Alonj uyan a, id Jerusalem na tau da. Ante man Tamol Nanun dijanep pris gurman agod kubiaen san girek manjau banid lo digane wa. Inj malak malak bitinaek lo digane gup imat a. <sup>19</sup> Ago dop Juda tia yak banid lo diganep lo kukok aman digane gup, rasau nam dufuni nap, aigim fo dubali wa. Ago digane wak man, nal utol itout gup, Anut ifufunip afon kumaen imasa da wa."

*Jems inj Jon da sad tinad san sumiaen*

*Mak 10:35-45*

<sup>20</sup> Agog Sebedi san nanun uraru amaiak tinadi da, Jesus naon na dupalu ya. Agog tinadi turun isaluwig mel ta ipani san njinen o Jesus isumiani a. <sup>21</sup> Jesus pein an isumiani, "Ata mel njinen o ilo ibol dak i?" Agog pein an naon irupej, "Ru ubol an lo njai nanug muroug e dumado den, murnap unjal pe onjane kagin panek aben lo, onjane badim fo sinjire na dumasip dumado wa. Neinta bani won ak lo dop, neinta njas ak lo gane wa."

<sup>22</sup> Agog Jesus, Jems inj Jon da irupidaig ibol, "Mel dugo mok njinen o asumianag dan ta alonj uyan na ya. Ak dugo, gab a njai lo njaluk san an, anj dam lo aluk anen idaisuda yak i?" Agog inj ru naon durupeig dubol, "Awo, manj idaisuda ya." <sup>23</sup> Jesus irupidai, "Rumok, anj njaineg gab an lo aluk a. Ak man sinjireg na amasip amado, ta banig won ak lo, ta banig njas ak lo, aben a yanjan anda amaiak njai njupananj san ta idaisuda na ya. Tia, njaineg Tamag injanen mi tamol ta aben an ipidinai san ipilianai la ya, amaiak njinen o aben uraru an injaned mi a."

<sup>24</sup> Saen injanen megeloum 10 dumado yan ago dulonj man, tamol uraru an njinedi wo tinjad saian geig a.

<sup>25</sup> Ak man Jesus igiaig san na dupalug

igo irupidai, “An alon ak, gob adi luluḡad lo inaned gurman sed idiraip lak na mok disuda dop tamolpein ditirnai o digane wa. Agod inaned tutubu yan tamolpein kawan ak didiraip tuod paed na dumado wa. <sup>26</sup> Ak gug an luluḡam lo kagin ago yak ta mok ilasa na wa. Tia, talpein ta an luluḡam lo yanḡak tubun ak inane wo ilon ibol tap, sen iganep ananem biabi nḡalaḡ on ilasa wa. <sup>27</sup> Agod talpein ta an luluḡam lo imug yau san ago ilon ibol tap, sen igane idup an fidian mi wagem lo bigabeg igo won ilasa wa. <sup>28</sup> Nek ibol Tamol Nanun inḡsen igo won, tamolpein aenta binawek urat dupani wo ta ipalu na ya, tia, aenta niḡedi wo binawek urat igane wo ipalu ya. Agod sen tinin fidian ibiseip an lo tamolpein wei mi siganen dar lo idad pe inḡal imul o dam ipalu ya.”

*Jesus tamol uraru maladi itau an ikubuniaia*

*Mak 10:46-52; Luk 18:35-43*

<sup>29</sup> Saen Jesus inanen megeloum dida Jeriko dibisei man, tamolpein malan tubun ak nḡien aban diri a. <sup>30</sup> Ante man tamol uraru maladi itau ak dal gigin na dumasig dumado ya. Saen Jesus irinḡanai o igane dugo dulon man diwagin, “O Tubun ak, Dawid Nanun, ilo imuḡanama!” <sup>31</sup> Agog tamolpein an dububuḡanaig durupidai, “Awam itaup atokabol pe amado!” Ago tag tamol uraru an nen maeg nam duwagin dugo disasai, “O Tubun ak, Dawid Nanun, ilo imuḡanama!” <sup>32</sup> Jesus awad ago ilon man, ipartuanig igiaig irupidai, “Dugo niḡdiran o ilom ibol di?” <sup>33</sup> Agog inḡ durupeig dubol, “O Tubun ak, man aban mile wo iloma ibol da.” <sup>34</sup> Agog Jesus tubun mok ilon imuḡanaig maladi isupuri dugo gamu nam uraru an aban dile ya. Agog nḡien aban dirig dutor se ya.

\* **21:5:** Saion san Nanun Pein an ru faḡan, inḡ fun man ‘Jerusalem san tamolpein’ † **21:9:** Wagam mok ru en ‘hosana’ san fun man ‘on patuma pasi’ igo ya, murnag fun afon ibileksag, nek ibol ‘per mupano’ ago ilasa ya.

## 21

*Jesus kin on Jerusalem na iladu ya*  
*Mak 11:1; Luk 19:28-40; Jon 12:12-*

19

<sup>1</sup> Jesus inanen megeloum dida Jerusalem sumeik dupani dugo, Did Oliv sinḡiren na panu ta yanḡan Betfage dubol dan ate dilasa ya. Ago man Jesus megeloum uraru panu an ilon lo diau o idinai a. <sup>2</sup> Inḡ ago irupidaig ibol, “An nuḡom urarum panu o tile dan ante au a. Aup donḡi ta dususeg itur dak ante ale wa, inḡ nanun da sisem dutur da. Urarum kam apasip anḡal pe nḡaisag na apalu. <sup>3</sup> Tamol ta ru aman da dop, an igo arupeia wa, ‘Tubun ak urat ipidinai a.’ Inḡ ago ilon dop, idinaip anḡal pe apalu salti wa.”

<sup>4</sup> Dal an lo man, awan aban ta profet ta ibol an nuḡon ilasa ya. Ru an igo ibol,

<sup>5</sup> “Ru en Saion san Nanun Pein\* naod na ubol ilasa wa.

Ale, ananem Kin gamu anḡsam na ipalu da.

Tamol mos aman ak igo won ipalu da, donḡi ta fufo na imasig imado da.

Donḡi an foun ak fo na imasig imado dugo ipalu da.”

<sup>6</sup> Agog megeloum uraru an diaug, Jesus ibol ak ago mi digane ya.

<sup>7</sup> Diaug, donḡi tinan inḡ nanun da diḡal go dupalu ya. Agog donḡi an patun fufo kulos duruwarig, Jesus fo isudag imasig imado dugo diau a. <sup>8</sup> Agog tamolpein malan tubun geig an inḡsiganed kulos milmilae ak dupasi dugo dal te duruwari se ya. Ago dugo aenkadi ai raen dututeg dal damag dupani dugo didiri se ya. <sup>9</sup> Tamolpein aenkadi, Jesus dida inug mi diau dugo, tamolpein aenta murna dupalu ya. Inḡ fidian mi igo dubol duwagin se ya,

“Hosana,† Dawid Nanun, per mupano da!

Tamol Anut yanḡan lo ipalu den bar inḡane ya!



Hosana lak na geig!”

<sup>10</sup> Saen Jesus Jerusalem na iladu man, tamolpein fidian ilod imasa dugo nug dusumiani se ya, “Tamol en enti ak i?” <sup>11</sup> Ago dugo tamolpein a ida turen diabi se yan ago dubol, “En Jesus, emaiak in profet, distrik Galili ilon lo panu ta Nasaret san ak ipalu ya.”

*Jesus tamol tempel san ar ilon lo didaen digane se yan ikudai a*

*Mak 11:15-19; Luk 19:45-48; Jon 2:13-22*

<sup>12</sup> Jesus tempel san ar ilon lo iladug, aben ante didaen tamol, agod a melmel ta didad dan dam fidian ikudaig patun fo dilasa ya. In sad tebol fufo na moni dubulisa se yan, iratitaleg yabibol idu dugo, tamol aenta muluk didaen lo didirai se yan sad kalik dam yabibol yau a. <sup>13</sup> In igo ipidai, “Anut san buk lo ru en digire ya, ‘Naineg ab man gudanek san ago dubol a,’ ak man an agane ilasag ‘gumagam adi sad mianuk ab’ igo agane da.”

<sup>14</sup> Jesus tempel lo imado dugo, malad itau agod njed saian ak dam san na dupalu se ya, ago man in ikubunia dugo tinid sijaokan dilasa se ya. <sup>15</sup> Ak man pris gurman adi agod kubiaen san girek manau dam in kulob girager igane se yan dile dugo, nanuk tempel san ar ilon lo yak igo duwagin, “Hosana Dawid Nanun, per mupano da!” Saen gurman adi ago dile man ilod saian dugo tinjaed wananan a.

<sup>16</sup> Ago tag Jesus dusumianig dubol, “Ru e dubol den ulon dak i?” Agog Jesus ru naon irupidai, “Awo, nalon da. Nag an ru en ta asuti na yak i?”

‘On nanuk kititik agod nanuk su ate dam pilianai dop, per panek awad lo ilasa wa.’ ”

<sup>17</sup> Agog in ibisawaig Jerusalem patun fo ilasag yaug tidom an lo Betani na njon yabi a.

*Jesus ibol dugo gurab ibun yau a*

*Mak 11:12-14; 20-24*

<sup>18</sup> Tidom lom mok Jesus imul go Jerusalem na yau, saen an lo dam in

anan o imat. <sup>19</sup> Malan yaug dal gigin na ai gurab ta itur dugo ile, ago man sinjiren na geig yau. Ak man nunon ta ile man tia ya. Roun kawan mi yen a. Ago tag in ai gurab an ago irupe, “On afon nujo ta ufu na wa. Tia geig a.” An lo man gurab an ibun yau kisaek on a.

<sup>20</sup> Inanen megeloum ago dile man durut geig dugo dubol, “En dugo won mok go gurab an ibun yau kisaek on ak i?” <sup>21</sup> Ago dugo Jesus ru naon igo irupidai, “Nai rumok mi njurupaian da, an ilom lo rumok dop, agod ilom uraru dam tia tap, an kulob e nai gurab lo njigane yak ago mi ka agane wa. An mi tia ya, tia, an did en arupe, on masap sokalik beig lo udu, ago dop mel a arupe an awam yabi wa. <sup>22</sup> Agod an ilom rumok aman da yak lo gudanek agane tap, mel fidian a ninedi wo gudanek agane dan ka anjane wa.”

*In Jesus dusumiani, “Enti ipiliano ya?”*

*Mak 11:27-33; Luk 20:1-8*

<sup>23</sup> Jesus tempel lo iladug tamolpein manau ipitenanai se ya. Ago dugo pris gurman adi agod Isrel san gurman adi dam dupalug naon na dilasag dusumiani, “On kob en agod dabai dam dugon te njaneg lo melmel en gane dak i? Enti mok dabai en ipanog ate urat en gane wo ibol ak i?”

<sup>24</sup> Agog Jesus ru naon igo irupidai, “Nai dam mel ta njaneg o njusumianan o da. Ago dop an imug njaisag sumianek an itaot arupaig tap, enti mok urat e njigane den san dabai ipanag ak ka njabol pe alon a. <sup>25</sup> Dugo ilom isou dak i? Jon san suguek man, dugon te kagin an njane yak i? An kumaen panu san mel, tia, tamol sad mi ak i?”

Agog insed nug lo igo dinjnen se ya. “En kumaen panu san mel, ago tabol tap, in igo ibol isumianad a, ‘En ata wo an in njaneg o ilom ta rumok na yak i?’ <sup>26</sup> Ak gug ‘En man tamol sad mel mi a,’ ago tabol tap, id o dugo ilasa wak i? Id tamolpein en ninedi wo tarer da, man dugo, insad ilo sou

lo man Jon mi in profet, ago dubol da.”<sup>27</sup> Ago yak ninen o Jesus ru naon durupeig dubol, “Man ta malon na ya.” An lo man Jesus irupidai, “Ago yak ninen o nai dam enti mok kob agod dabai ipanag an ta nurupaian na wa.”

*Nanuk uraru tamad da sad ru miti-laen*

<sup>28</sup> “An mel emaiak ninen o dugo won ilo sou agane di? Tamol ta nanun uraru a. In nanun matu ak san na yaug igo irupe, ‘Nanug, on gamu waup wain abi lo urat gane wa.’<sup>29</sup> Agog nanun ibol, ‘Nai namoi.’ Ak man murna gug ilon ibileksag abi lo yau a. <sup>30</sup> Agod taman an nanun bakan ak san na yaug, ru naon kisaek ago mi irupe a. Agog nanun an awan yabig ibol, ‘Awo Bai, nau o da.’ Ak gug in ta yau na ya. <sup>31</sup> Dugo ilom isou dak i? Nanuk uraru en, enti mok taman san ilobol iri aki?” Ago man in dubol, “Nanuk matu ama ya.” Agog Jesus ago irupidai, “Nai rumok nurupaian da. Takis nilanal, agod dal san pein adi, in an dirinanan go Anut san kagin panek aben lo diladu da, ak man an aladu wo amoi da. <sup>32</sup> Man ata wo? Jon imug an kagin itaot ak san dal ikubiaip ale wo, sam na ipalu ya. Ak man an ilom ta rumok na ya. Ak gug takis nilanal tamol, agod dal san pein adi dam, in ilod lo rumok a. Gidad an ago ale bo man, ilom lo ta rumok na, agod ilom dam ta ibileksa na ya.”

*Abi san kagin panek adi san ru fanan*

*Mak 12:1-12; Luk 20:9-19*

<sup>33</sup> Jesus tamol tutubu yak ago irupidai, “Kududom agure dop ru fanan taidam nurupaian o da. Tamol ta in wain san abi yabig ar ifou a. Abi an ilon lo wain patun dupartitale san gib yabi a. Agod ab a ate abi titianek dumado san dam abi ilon lo yabi a. Agog tamol ta abi an kagin dupani san urat digane wo ipilianaig, banid lo igane ya. Aria, saen abi taman in urat an fidian igane itout man, imasag panu asau ak ate yau a. <sup>34</sup> Aria, ai wain nunod ifu san saen sumeik ipani

dugo, in insan biabi nilanal idiraig inanen wain nunon disini wo diau a. <sup>35</sup> Ak man urat tamol a abi lo dumado dan dumasag, tamol a abi muroun idinaig diau an muruan dupidinai a. Ta dufunig, neinta dufuni imat dugo, kisaek pat nam dufuni imat a. <sup>36</sup> Murnag abi taman an urat tamol sen ak idiraig sad na diau a. In nunod kitek wei a, a gubak mi idiraig diau an dirinani a. Tamol abi lo urat digane yan dumasag urat tamol a diau an lo kulob gubak mi digane yak ago mi digane pidinai a. <sup>37</sup> Murna geig abi taman nanun mok idinig yau dugo ilo sou lo igo ibol, ‘Urat tamol an naineg nanug mok an awan diabi wa.’

<sup>38</sup> “Tamol abi lo urat digane dan, malad yaug nanun ipalu dugo dile. Ago man insed nug ru dupeig dubol, ‘Tamol en man taman san melmel fidian mi inane wo da. Ago yak ninen o id tufunip imat dop, inanen abi id tinane wa.’ <sup>39</sup> Ago dubol go diabig ar patun fo dubal idug dufunig imat a.

<sup>40</sup> “Ago yak ninen o an dugo won ilom isou dak i? Murnap, saen abi taman an ipalu wan lo, in tamol a abi lo urat digane na yan ninedi wo dugo mok igane wak i?”

<sup>41</sup> In ru naon igo durupe, “Abi taman in tamol saiadi an daon saian geig ak ipidinai a. Ago dop wain san abi an tamol sen ta ipidinaip kagin dupani wa. Urat tamol foudi an, wain nunon ifu san saen lo, san nunon dinanep dutumanip disini dop dupani wa.”

<sup>42</sup> Ago tag Jesus ago ibol isumianai, “Nag an ru e girek lo yen den ta asuti na i?”

‘Pat nek a ab bek tamol adi dumoi dan,  
nek amaiak ab tinin fidian yabi sakar da.

An Anut sen ago igane ya,  
agod id malad lo en man sinjakaan geig a.’

<sup>43</sup> “Amiaiak ninen o nai nurupaian da, Anut insan kagin panek aben an, an tuom lo ipasi yau a. An lo dop

tamolpein sen ak ta, in Anut san kagin panek aben an san nujon mok digane ilasa dan, kagin panek aben an in ipidinai a. <sup>44</sup> Talpein ta in pat en fo na yau idu dop man, sen ifuni ititale wa. Ak gug talpein ta pat en kabunan fufo idu dop, ifufari idu wa.”

<sup>45</sup> Saen pris tutubu agod Farisi adi, Jesus ru fanan a ibol se yan dulong man, in dulong uyanan ak Jesus inanen ru lo in isiai se ya. <sup>46</sup> Amaiak ninen o dal ta lo Jesus diabi wo maeg diganeg aban dile se ya. Ak man tamolpein malan tubun ak ninedi wo direr, man dugo, tamolpein an sad ilo sou lo man Jesus in profet, an ninen o in ta diabi na ya.

## 22

*Nug iwon nilanjal san ananj tubun ak san ru mitilaen*

*Luk 14:15-24*

<sup>1</sup> Agod afon, Jesus tamolpein an ru fanan lo irupidai a. <sup>2</sup> “Anut san kagin panek man igo ya. Kin ta innsinan nanun tamol ak o nug njanek san soubul yabi a. <sup>3</sup> In imug mi tamol adi a innsan nug iwon san ananj diani wan nal dugon lo dupalu wo irupidai. Aria, ananj nal idu dugo innsinan urat tamol idiraig tamol an dil o diau a. Ago yak man in dupalu wo dumoi a. <sup>4</sup> Agod afon in urat tamol sen ak idiraig diau wo dugo, igo irupidai, ‘Anj tamol a gubak mi njigai an sad na aup, igo arupidai a. Alon uyan, naj ananj njukubune la ya. Makau tubun ak agod makau nanud tinid bulbal ak dam mafu la ya, mel fidian mukubuneg dien da. Anj soubul en lo apalu wa.’

<sup>5</sup> “Urat tamol diaug tamol an ru durupidai a, ak man ru an dumoi go kagin ta dupani na yan lo, dufurak go gidigidad diau a. Ta innsinan abi lo yau dugo, ta yang innsinan bisnis urat igane se ya. <sup>6</sup> Aenta dumasag kin san urat tamol duburoug ru saian ak lo dububunanaig dufu dumat a. <sup>7</sup> An ninen o kin tinjaen tubun mi saian tag, innsinan yu tamol adi idiraig diaug, tamol a inanen urat tamol dufu dumat,

amaiak dufu dumat dugo sad panu dam dumarig inani yau a.

<sup>8</sup> “An itout go kin an innsan urat tamol ago irupidai, ‘Nug iwon nilanjal san ananj kubunek go yen da. Ak man tamol a naj imug njigai an, dupalu san in ta idaisuda na ya. <sup>9</sup> Ago yak ninen o amasap dal gigin fidian lo atur a, tamol fidian eil dop, agiaip nug nilanjal san ananj lo dupalu wo ago arupidai a.’ <sup>10</sup> In ago ibol dugo, inanen urat tamol dumasag, dal gigin fidian atem dutur dugo, tamolpein uyadi agod saiadi ak dam dil dugo dutumanai se ya. Agog ananj tubun an lo dupalu ya. An lo man ab a ate soubul diani san an awan isa geig a.

<sup>11</sup> “Tamolpein dumasig dumado dugo kin an yil o iladu ya. In iladug malan yau man, tamol ta nug nilanjal san kulos ta igane na yan ile ya. <sup>12</sup> Agog naon na isusag isumiani, ‘Turag, en dugog on nug njanek san kulos ta gane na gug ente sadu yak i?’ Agog tamol an ru ta ibol san tia ya.

<sup>13</sup> “Ago tag kin urat tamol adi sinjiren na dutur dan irupidaig ibol, ‘An njien banin afoup, anjanep abili patun fo ilasa dop, abanj tidom tubun ak lo imado wa. Aben ante man tamolpein tina digane dop madai lo luod dugurmi wa.’ <sup>14</sup> Man dugo, Anut in bo tamolpein wei kasik igiai da, ak gug tamolpein kisaek kisaek mi diladu san kob ipidinai a.”

*Kaisa san takis nilanjal*

*Mak 12:13-17; Luk 20:20-26*

<sup>15</sup> Agog Farisi adi diaug, Jesus san ninen lo dal dugo diabi san ninen o dutumanig dukubiai se ya. <sup>16</sup> In awad kisaek go, siganed megeloum aenkadi, Herod san tamol aenta didiraig, Jesus san na diau a. Tamol an Jesus durupeig dubol, “Girek manau, manj malon ak on ru rumok san tamol. On tamolpein Anut san dal an ninen o itaot mi pitejanai da. On tamol ta ninen o urer san tia ya. Tia, on ru kisaek an mi tamol fidian lo ubol yau da. Gidad yanad da yak, di yanad tia yak dam mi a. <sup>17</sup> An ninen

o oŋ ka mel en ninjen o rupaiama wa. Dugo, Kaisa takis moni tupani wan uyan ak i? Tia, saian ak i? Oŋ dugo ilo isou dak i?”

<sup>18</sup> Ago yak man Jesus inŋsad ilo sou saian an ilon dugo igo irupidaig ibol, “An balem rararu a, ata wo ŋai bitinaek lo aginiag o agane dak i? <sup>19</sup> An moni a lo takis adad o dan kisaek akubiai dop ŋile wa.” Ago tag in moni ta disinig san na dupalug dupani a. <sup>20</sup> Jesus ibol isumianai, “Miti-laen agod yanak e fufo digire yan enti san ak i?” <sup>21</sup> Agog in dubol, “Kaisa san.” An ninjen o irupidai, “Mel ta Kaisa san tap, Kaisa apani wa, agod mel ta Anut san tap, Anut apani wa.”

<sup>22</sup> Saen ru an dulon man durut saian geig a. Agog dibiseig diau a.

*Sadyusi Jesus diabi wo bitinaek digane ya*

*Mak 12:18-27; Luk 20:27-40*

<sup>23</sup> Nal kisaek an lo Sadyusi aenta Jesus san na dupalu ya. Tamol nek an pris gurman adi sad warou, in tamol dumat pe murnap fon kumaen dumasa da wan ninjen o ilodi ta rumok na da. Agog Jesus igo dubol dusumiani, <sup>24</sup> “Girek manau, Moses gubak mi igo ibol a. ‘Tamol ta in nanuk aman tiag imat tap, gidad tein imasap iwon ka inane dop, an lo tein imat la yak aben lo nanuk idiri ilasa wa.’ <sup>25</sup> Aria, gubak mi man tein muroun nuŋod 7 man lulanama lo dumado se ya. Matu ak pein inane imado nag imat, ak gug in nanuk aman tia ya. Ago yak ninjen o tein bakan ak imasag matu imat an san pein inane ya. <sup>26</sup> Tein bakan an dam tein san suos a inane, dumado yak man nanuk amad tiag tamol ak imat a. Tein muroun murna an dam nek ago mi, teidi sad suos an dinane yak man, nanuk amad tia dumado nag, dumat a. <sup>27</sup> Tein an fidian mi nanuk amad tia dumat gug pein an dam imat a. <sup>28</sup> An ninjen o oŋ ubol rupaiama wa. Saen tamolpein dumat pasik an afon kumaen dumasa tap, tamol an fidian ilod lo man, pein an enti iwon ak i? Oŋ ulon ak in fidian iwodi a.”

<sup>29</sup> Ak gug Jesus ru naon irupidaig igo ibol, “An afurfi saian a. Man ata wo? Anut san ru girek lo yen dan, agod Anut san dabai dam an ta alon uyan na ya. <sup>30</sup> Saen tamol dumat pe dumasap kumaen panu na dutor dan, pein ta dusu na da, agod ante tamol ta pein nien ta dupani na da. Tia, in kumaen panu san enel igo won dumado da. <sup>31</sup> Agod taida mi, tamol dumat ak fon kumaen dumasa da wan ninjen o kududom agure. Nag an ru a Anut irupaian an ta asuti na yak i? In igo ibol, <sup>32</sup> ‘Ŋai man Abraham san Anut, ŋai dam Aisak san Anut, agod ŋai dam Jakob san Anut.’ Anut man in tamol a mater lo dumado dan sad Anut tia ya. Tia, in man tamol kumaed dumado dak sadi a.”

<sup>33</sup> Saen tamolpein a Jesus dubuluwi dan inŋsan piteŋanek emaiak dulon man, in durut dugo ru an ninjen o nug lo dinjen ila iso se ya.

*Kubiaeŋ dugomaiak malan te yak i?*

*Mak 12:28-34; Luk 10:25-28*

<sup>34</sup> Saen Farisi, Jesus ru a ibol an lo Sadyusi awad yabituani an dulon man, naon na dutumani a. <sup>35</sup> Tamol ta in lulanad lo itur an, in kubiaeŋ san ulon tamol, amaiak ru a Jesus ibol an ipipi wo igo isumiani a. <sup>36</sup> “Girek manau, kubiaeŋ dugomaiak in malan te dugo, kubiaeŋ aenta irinanai geig ak i?” <sup>37</sup> An ninjen o Jesus ago irupe, “Oŋ gidad Tubun en onane Anut ninjen o umat a, oŋ bube fidian lo, oŋ nutu fidian lo, agod onane ilo sou fidian lo ago gane wa. <sup>38</sup> Kubiaeŋ en tubun a, agod in malan te geig a. <sup>39</sup> Kubiaeŋ turan en dam nek ago mi a. Nek onse nibe wo umat dak ago mi, tamolpein aenta dam ninedi wo umat a. <sup>40</sup> Kubiaeŋ uraru en malan te yen da, Moses san kubiaeŋ fidian, agod profet sad awak aban an dam, kubiaeŋ uraru en paed na diyuk dien da.”

*Kristus in enti nanun ak i?*

*Mak 12:35-37; Luk 20:41-44*



<sup>41</sup> Farisi adi dutumanig dumado dugo Jesus ibol go isumianai, <sup>42</sup> “An Kristus ninjen o dugo ilom isou di? Inj enti nanun ak i?” Ago man inj durupe, “En man Dawid nanun.” <sup>43</sup> Ago tag inj irupidai, “Aria, en dugo won go, Kristus ninjen o, Dawid injsen mi Awan Urgun san dabai lo mi injinjen dugo tamol an yañan man, Tubun ak ibol ak i? Inj go ibol,

<sup>44</sup> “Tubun en n̄aisag Tubun ak igo irupe,

“Onj n̄ai tuog won ak ate masip yaup,

murna gup n̄ai onsa ager adi n̄idiraip, onj n̄ie pae na dumado dop n̄ie nam partuanai a.” ’

<sup>45</sup> Amaiak ninjen o Dawid injsen mi inj Tubun ak ago ibol tap, en dugo won pe inj Dawid nanun ak i?” <sup>46</sup> Nal an log yau man, Jesus sumiaen subuñan taidam dusumiani wan ninjen o direr se ya.

## 23

*Jesus inj Farisi agod girek mañau adi sad kagin sisaiak an kuai tem igane ilasaya*

*Mak 12:38-39; Luk 11:43,46; 20:45-46*

<sup>1</sup> Nal an lo Jesus inanen megeloum, agod tamolpein a dubuluwi an dam irupidaig ibol, <sup>2</sup> “Kubiaen san girek mañau inj Farisi dida Moses naon diñane ya. <sup>3</sup> An ninjen o ata mel agane wo durupaian dan an kagin apani dop itaot mi agane wa. Ak gug kagin naok naok a digane damaiak an dam nek an ta ari apani na wa. Tia geig, man ata wo? Inj ru kagin wei mi dubol dak, gug injsed mi injsigned ru ta duri dupani na da. <sup>4</sup> Inj tu muruan ak dufou dugo, tamol yarod fo didirai da, ago yak gug injsed banid kurunjen nam kitek diabip tamol dubunawai dop disini wo man dumoi da. <sup>5</sup> Mel fidian inj digane duman, tamol dil o digane da. Awo, inj gudanek san ariy didiri dugo, bala milmilae ak dam kulos bitinjen fo na digane da. <sup>6</sup> Inj soubul lo kalik malan te yak ninjen

o dumat da, agod ubou ab lo dam nek ago mi a. <sup>7</sup> Inj panu titin̄ae mi tamol ‘adian’ dupidinai o ilod yen da, agod tamol inj nin̄edi wo ‘tamol tubun ak’ ago dubol an dam ninjen o dumat da. <sup>8</sup> Ak man, tamolpein aenta an gurman adi dubol ak ago ta digane na wa. Tia, tamol kisaek o lian man an̄sam gurman, agod an fidian man nug tein taon amado da. <sup>9</sup> Tan en lo talpein ta an tamami ak ago ta abol na wa. Man dugo, Tamol kisaek o lian inj an tamami, amaiak kumaen panu lo imado da. <sup>10</sup> Agod tamolpein aenta inj an girek mañau adi ak ago ta dubol na wa, man dugo, an girek mañau kisaek o lian am da ya, inj Kristus. <sup>11</sup> Tia, an lulunam lo man, enti inj malan te yan, an fidian sam urat tamol ago ilasap imado wa. <sup>12</sup> Tamol inj sen yañan yabisa dan, in̄san yañan an yau idu wa. Tamol inj sen yabi idu dan, yañak tubun ak in̄ane wa.

*Jesus saen 7 ru lo ibiai dudu ya*

*Mak 12:40; Luk 11:39-42,44,47-51; 20:47*

<sup>13</sup> “An kubiaen san girek mañau, Farisi dida man, muruan tubun geig ak ale wa. An tamol awam rararu amam mi a! Man ata wo? An tamolpein naod na Anut san kagin panek aben an san dalawan afutani da. Ansem ta aladu na da, ago dugo tamolpein a diladu wo dan, nek amaiak an sad dal afou da.\* <sup>14</sup> An kubiaen san girek mañau, Farisi dida man, muruan tubun geig ak ale wa. An tamol awam rararu amam mi a! Man ata wo? An pein suos sad ab agam da, agod gudanek milaen kasik, tamolpein dilian o agane da. Amaiak ninjen o naon a an̄ane wan nen tubun mi ilasa wa.

<sup>15</sup> “An kubiaen san girek mañau, Farisi dida man, muruan tubun geig ak ale wa. An tamol awam rararu amam mi a! Man ata wo? An wein̄ abi dak, agod tan na dam ator dak, tamol ta kisaek o lian aban̄ an ale dop, an lo aganep, Juda sad dal iri san tamol

\* **23:13:** Boi 14 Grik lo tia ya.

ago ilasa wa. Gug saen an tamol naok ago yak ale dop, nek ibol ansem Ades lo aup amado wak igo, in dam Ades lo yaup imado wan ninen o tubun geig irinanan a.

<sup>16</sup> “An malam itapul amami a, muruan tubun geig ak anane wa. An tamol malad itapul an ak dal akubiai pidinai dak gug ansem mi malam itapul an a. An igo abol da, ‘Tamol ta innsinan ru dabai ipani wo, tempel san yañan lo lak na geig ibol tap, innsan promis Anut ipani an man kawan a. Ak gug in tempel san gol ilon lo yen dan san yañan lo lak na geig ibol tap, gidad promis a ibol ak ago mi iri wa.’ <sup>17</sup> An mala tapul buraurau! Ata mel malan te yak i? Ak dugo, gol malan te yak i? Tia, tempel an san gol gun igane damaiak malan te yak i? <sup>18</sup> Taida mi an igo abol da, ‘Tamol ta innsinan ru dabai ipani wo, alta san yañan lo lak na geig ibol tap, innsan promis Anut ipani an man kawan a. Ak gug in lou panek a alta fufo yen dan san yañan lo lak na geig ibol tap, gidad promis a ibol ak ago mi iri wa.’ <sup>19</sup> An malam itapul amami a! Ata mel malan te yak i? Ak dugo, lou panek an malan te yak i? Tia, alta a lou panek an gun igane damaiak malan te yak i? <sup>20</sup> An ninen o tamol innsinan ru dabai ipani wo alta san yañan lo lak na geig ibol tap, melmel a alta fufo na dien dan lo dam sinan ru dabai ipani da. <sup>21</sup> Nek ago mi, tamol in tempel san yañan lo lak na geig ibol tap, in tempel agod In a ate imado dan sisem sad yañad lo dam lak na geig ibol da. <sup>22</sup> Agod tamol a sinan ru dabai ipani wo kumaen panu san yañan lo lak na geig ibol dan, Anut san badim lo, agod In a badim an fufo imasi dan lo dam, lak na geig ibol da.

<sup>23</sup> “An kubiaen san girek manau, Farisi dida man, muruan tubun geig ak ale wa. An tamol awam rararu amam mi a! Man ata wo? Abi san pinapan kititik wei mi abitig malan 10 dilasa ya, agog malan kisaek Anut apani a. Ak man an kubiaen san ru malan te yak, nek ibol kot lo atarpa-

sai uyanan dak, aenta ilom imunanan dak, agod ansignem ru aganuri dan, kagin naok naok ago yak ari san ninen o kagin ta apani na da. Kagin malan te yak agane wa, agod kubiaen san ru kagin kititik dam ta abisei na wa. <sup>24</sup> An gurman adi, an malam itapul ami a! An tuor fufo na gubudai akudai da, gug ta alon dugo kamel atunali da!

<sup>25</sup> “An kubiaen san girek manau, Farisi dida man, muruan tubun geig ak ale wa. An tamol awam rararu amam mi a! Man ata wo? An gab in daeg da, tinid patud fo yak mi afulani da, ak man ilodi nun tinan a. An ilo sek san kagin, agod ilo masa san kagin abituani san ta idaisuda na ya, kagin sisaik an an ida isuda geig a. <sup>26</sup> On Farisi, on mala itapul an a! On imug gab ilon fulani uyan a, ago gup tinin patun fufo na yak dam ikok aman ilasa wa.

<sup>27</sup> “An kubiaen san girek manau, Farisi dida man, muruan tubun geig ak ale wa. An tamol awam rararu amam mi a! Man ata wo? An bem milkouk ak nam mutou san ab diabi ak igo won a. Kuai te man mutou an san leil sijaokan mok a, ago gug ilon lo man tamol dumat ak sad tatu-madi, in melmel nun amad da yak wei mi dam dida awa nag dien da. <sup>28</sup> An dam nek ago mi amado da. Tamolpein malad lo ananem nao lalek man uyanan manon a, ak gug ilomi man, balek rararu san kagin in kubiaen pilalek kagin da awa nag yen da.

<sup>29</sup> “An kubiaen san girek manau, Farisi dida man, muruan tubun geig ak ale wa. An tamol awam rararu amam mi a! Man ata wo? An profet sad mutou san ab abi da, nek ago mi tamol uyadi ak sad mutou dam bala apani da. <sup>30</sup> Agod an igo abol, ‘Man tubum bagem sad saen lo mumado yak man, man in luad masap mibinawaip sisem profet ta mafu dumat na wa.’ <sup>31</sup> Ru amaiak lo an sem ibian adu da, man dugo, an kuai tem tamolpein akubiai pidinai dak ansem man, tamol ensauta a profet adi dufu

dumat na yan, amaiak sad nanud muroud mi a. <sup>32</sup> Amaiak niñen aup, kagin naok a tubum bagem digane se yan, ago mi aganep idaisuda wa. An lo dop kob a in ante dilasa yan an dam ante alasa wa!

<sup>33</sup> “O an mot adi, mot wagai ak sad nanud muroudi! En dugo won Anut an Ades lo au o irupaian an abiseip asol au ak i? <sup>34</sup> Fun amaiak niñen o nai profet adi ndinai dugo, manau tamol adi, agod girek manau adi, dupalu dugo an sam na dilasa da. Ago bo man an aenta afu dumat a, aenkadi aigim fo abalai a, aenkadi sinam ubou ab ilod lo asukutai a. Aenkadi akudaip taun an dibiseip taun sen ak lo diau a, kagin nek agom digane yau a. <sup>35</sup> Fun an niñen o, tamol uyadi fidian a tan en lo ager adi banid lo mater dile yan, kagin amaiak san ai wadan Anut an sem mi ipan an a. An man an sinam muruan mi a. An lo Abel imat ak san saen log ipalug kin Joas san saen lo, Sakarias in Berekaia nanun tempel san galun gun ak, alta da titinae mi tubum bagemi dufunig imat a, kagin an san ai wadan man an signanem muruan mi a. <sup>36</sup> Nai ru rumok ak nurupaian da, kagin sisaiak fidian en sad naon saian ak tamolpein gamu dumado den sad na ilasa wa.

*Jesus Jerusalem tamolpein niñedi wo ilon muruan a*  
*Luk 13:34-35*

<sup>37</sup> “O Jerusalem, Jerusalem, on profet ufu dumat na ya, on tamol a Anut idinaig on sa na dupalu na yan ufu wo pat ubal na ya! Saen sapta, nek ibol kurek tinan subarin roun paen na nanun ituana o dak ago mi, nai on sa nanu murou nutumanaip kagin nupidinai o, ilog tubun mi yen da. Ak gug an amoi a. <sup>38</sup> Ale, Anut an anem tempel ibisei la ya, an lo an anem ubou ab man kawan yen da. <sup>39</sup> Man dugo, nai igo nurupaian da, an fon nai ta aliag na wa. Tia, saen an abol, ‘Tamol e Tubun ak yan an lo ipalu den bar mupani da,’ an san saen lo mi afon nai aliag da wa.”

## 24

*Saen e lo tumado den itout san kob*  
*Mak 13:1-31; Luk 21:5-33*

<sup>1</sup> Jesus tempel ibiseig yau dugo, inanen megeloum tempel san ab funfun naodi dugo yak dukubiai ile wo san na dupalu ya. <sup>2</sup> Ak man in ru naon ago irupidai, “An mel en fidian mi ale yak i? Nai ru rumok ak nurupaian da, ente man pat ta kisaek o lian pat sen ak tinin fufo na ta yen na wa. Tia, murnap tamol adi dupalup tempel en fidian da on dupani wa, ago dop tempel san pat fidian dugufu-tutep diabibol tan na dudu wa.”

<sup>3</sup> Jesus Did Oliv fo imasi dugo inanen megeloum mianuk lo san na dupalug dubol, “On rupaiama wa, saen dugomaiak lo melmel en dilasa wak i? Mel dugomaiak imug ilasa dop, ate man malon ak, on umul palu o di? Agod saen gamu e tumado den itout o di?” <sup>4</sup> Jesus ru naon igo irupidai a, “An kagin agane, kabelan tamol ta an irawan banau. <sup>5</sup> Tamol wei mi dupalup nai yan ag dupatep dubol a, ‘Naiseg Kristus.’ Ago dop tamolpein wei kasik dirawai a. <sup>6</sup> An yu ager alon ak, agod ru tim yu ager sensen yau on an dam alon a. An kagin agane wa, kabelan amasa saian banau, man dugo, mel an ilasa wak, ak gug nal wadan san saen man gamugo da. <sup>7</sup> Tamol malan ta yu diabisa dop, tamol malan ta yu naon insad na digane imul a. Ago dop kin ta insan tamolpein dida yu diabisap, kin sen ak ta inanen tamolpein dida nug dufuni wa. Agod aben sensen lo man kadag tubun mi idu dop kanaurig tubun ak gidigheid dilasa wa. <sup>8</sup> Nek ibol pein nanuk igansi wo dop madai ile dak igo won, melmel en fidian man, madai a nal wadan ilasa san amaiak ilasa wo fun igane da.

<sup>9</sup> “Saen an lo gup an dinilian pe an anem ager sad tuod lo didiran dop madai tubun kasik dupan an a, agod dam dufunan amat a. Tamolpein tan titin fidian lo dumado dan an lo siai digane wa. En ata wo? Nai yan ag man

anjsam na yen la ya. <sup>10</sup> Nek saen an lo dop, tamolpein ilo rumok dubusei wa, ago dop teidi ager tuod lo didirai a. Nug lo ago digane dop siai dam digane wa. <sup>11</sup> Ago dop profet sewak adi dumasap tamolpein wei mi dirawai a. <sup>12</sup> Ago dop kagin si-saiak tubun mi ilasap ilod inane fute wa, an lo dop tamolpein wei kasik sad ilo panek kagin an kute ibol yaup ibubarum geig a. <sup>13</sup> Ak man, talpein enti inisan ilo rumok yabi sakar dop, yaup inanen kumaen tan en san itout gup man, Anut talpein an patun ipasi wa. <sup>14</sup> Agod naineg tamolpein bilalun uyanan Anut anen kagin panek ninen o dubol ilasap, tamolpein tan titin fidian lo yan dulon a. Ago dop naineg ru rumok tamolpein fidian malad lo walal te ilasap yen a. Ante gup, nal wadan ilasa wa.

<sup>15</sup> “Saen ilasa dop, mel ta tempel san aben gun ak lo duguni dop ale wa. Mel an gubak mi profet Daniel ninen o ibol a. Mel an Anut malan lo man iganan geig a, nek mel amaiak igane dop daon panek ilasa wa. (On ru e suti den ulon uyan o ta pasauman na yak man, maeg gane tap ka ulon ak boi.) <sup>16</sup> Nal an lo dop, tamolpein a Judea na dumado dan, dusol diaup did lulunad lo sed imianai a. <sup>17</sup> Talpein ab fufo na imado dan, imul idup inanen bioun isini wo ta iladu na wa, tia, itaot mi isol yau a. <sup>18</sup> Agod talpein abi lo imado dak dam, kulos madid san ak inane wo ta imul yau na wa. <sup>19</sup> O kabel, nal en san pein luam anda yak, agod an pein ananem nanuk su apidinai dan dam, nai ilog tubun mi imunanan da! Nal en man saian geig a. <sup>20</sup> An gidad agudani wa, man dugo, kabelan an madid san saen lo, tia, ubou nal lo asol au banau. <sup>21</sup> Man ata wo? Saen an lo dop muruan tubun geig ak ilasa wa. Muruan naok ago yak gubak mi ta ilasa na ya, saen tan en ilasag ipalug gamu en lo, mel igo yak ilasa man tia geig a, agod murna gup afon ta ilasa da na wa. <sup>22</sup> Anut saen en itutep katukan a, in ago ta igane na

tap man, tamolpein fidian mi dideg diau a. Ak man, saen an lo dop Anut tamolpein a ipilianai la yan ninedi wo ilon isou wa. Amaiak ninen o in saen an itutep katukan a. <sup>23</sup> Saen ante talpein ta irupaian a, ‘Ale, Kristus ebe ya!’ Tia, ta ibol, ‘In obo imado da!’ Ago dubol tap, an ilom ta rumok na wa. <sup>24</sup> Man dugo, kristus sewak, in profet sewak adi dida dilasa wa, ago dop in kulob girager tubun ak, agod mel naon senamo geig ak tamolpein malad lo dukubiaip dile wa. An lo dop in tamolpein a Anut ipilianai la yan dam dirawaip lo diau dudu wo ago maeg digane wa. Ago bo man dirawai san ta idaisuda na wa. <sup>25</sup> Ale, mel en gamugo ilasa dugo nai imug an ninen o kuai tem nrupaian la ya.

<sup>26</sup> “Amaiak ninen o talpein ta an durupaian pe dubol, ‘Ale, in onte aben kawan talpein tia yak ate imado da!’ In ago dubol tap, an ante ta au na wa. Nag igo dubol, ‘Ale, ab on san galun ilon lo mok imado da!’ An ilom ta rumok na wa. Tia geig a. <sup>27</sup> Man ata wo? Saen keit irafule dan, san lilaman aben o ad ilasa dak atep, aben o ad idiau dak ate yau dop, tamolpein fidian leil dupani wa. Nek ago mi, saen Tamol Nanun ipalu dan, kulob an san leil man naon kisaek a. <sup>28</sup> Tamol sisanun dugon te yen dak ate bog dupalup dutumani wa.

<sup>29</sup> “Saen muruan tubun en itout dop, ad ta ided uyan na wa. Saen an lo

‘adian tidom on ilasa wa,  
ago dop kalam dam ta ided na wa.

Ante patui keit dibiseip dudu wa,  
agod Anut mel dabai a keit lo yan fidian imiriranai a.’

<sup>30</sup> “Saen an lo dop, Tamol Nanun san kob keit lo kuai isi wa, an lo dop tan en san tamolpein fidian tinan aru digane wa. Ago dop in fidian Tamol Nanun keit lo timtaen titinaem kuai te ilasa dop, dabai agod girager tubun geig ak da ipalu dan, dile wa. <sup>31</sup> Ago dop enjel ta tour iwip Tamol Nanun inanen enjel adi idiraip dufurak diau a. Ante dop inanen tamolpein a ipilianai



an dutumanai a. Inj tim sukurun iwoiwo, agod tan tilianek fidian dam ante diŋal dupalu wa.

<sup>32</sup> “Anj gurab niŋen o ilo sou agane wa, inj maŋau ka ipanaŋ a. Saen iŋsan raen you aman da dop, roun foun ak ilasa wa. An lo ale alonj ak madid itout agod ad ilasa san saen sumeikan ipanaŋ da. <sup>33</sup> Amaiak niŋen o, anj murnap melmel fidian a dilasa dan ale dop, anj alonj ak Tamol Nanun ipalu wo dak, sumeik dalawan te itur da. <sup>34</sup> Nai rumok ŋurupaiaŋ da, warou gamu en san tamolpein gamugo itout yau dop melmel en fidian dilasa wa. <sup>35</sup> Rumok geig, keit inj tan da murnap itout a, ak gug ŋaisag ru man ta itout na wa.

*Nal mok ante mel en ilasa wan id fidian tiŋaonj a*

*Mak 13:32-37; Luk 17:26-30,34-36*

<sup>36</sup> “Ak gug talpein ta auwa dugo, agod nal dugon lo melmel en dilasa wan ta ilonj na wa. Kumaen panu san eŋel adi agod Nanun dam ta dulonj na ya. Bai sen mi ilonj a. <sup>37</sup> Kulob a Noa san saen lo digane yan, nek amaiak mi saen Tamol Nanun imul ipalu dop digane wa. <sup>38</sup> Saen lom tubun ak ta ilasa na dugo, inj anaŋ diani dugo, you dam duluk dugo, nug diŋane dugo, pein ŋiedi dupidinai dugo, yaug saen Noa wog tubun ak lo iladu ya. <sup>39</sup> Inj ilo girek amad tia dumado dugo, lom tubun ak ilasa saltik onj go tamolpein an fidian irianai diaug dumat pasik a. Nek ago mi, saen Tamol Nanun ipalu dop, tamolpein ta dulonj na dop kulob an inj lo ilasa saltik onj a. <sup>40</sup> Gidad tamol uraru abi lo dumado wa. Ago dop Anut tamol kisaek iŋane dop, kisaek ibiseip imado wa. <sup>41</sup> Pein uraru bret dukubune wo pat nam wit patun dibaltitale wa. Anut kisaek iŋane dop, turan ibiseip imado wa. <sup>42</sup> Amaiak niŋen o malam ipuk pe amado wa. Anj ta alonj na dak, nal dugomaiak lo aŋanem Tubun ak ipalu wa. <sup>43</sup> Anj mel en niŋen ilo sou agane wa. Ab taman inj saen dugon lo gumagam tamol tidom lo ab igilep ilon lo iladu wan ilonj tap, inj ŋionj ta

yabi na wa. Tia, tawaŋ igane uyanan pe gumugam isadu san dal ifou wa. <sup>44</sup> Ago yak niŋen o anj dam malam ipuk pe abanj ale wa. Man dugo, saen a Tamol Nanun ipalu san anj an ta akubiani na dop, saen nek an lo inj imul ipalu wa.

*Urat tamol uyan ak inj urat tamol saian ak da sad ru faŋan*

*Luk 12:41-48*

<sup>45</sup> “Amaiak niŋen o mel en niŋen o ilom isou wa. Ab taman ta iŋsan urat pinein a maŋau aman da yak, agod awan iri ipani dan, kob ipanig an lo inj iŋanen urat pinein aenta itirnai san, agod anaŋ diani san saen ante mi anaŋ ipidinai da. Ak dugo, anj luluŋam lo man, enti inj urat pinein naok ago yak i? <sup>46</sup> Saen ab muroun ipalup urat pinein an iŋsan urat igane uyanan dan ile tap, inj lo uyan a. <sup>47</sup> Nai rumok ŋurupaiaŋ da. Tamol tubun en iŋanen urat pinein emaiak kob ipanip, an lo iŋanen biouŋ fidian kagin ad igane wa. <sup>48</sup> Ak man urat pinein an tamol saian tap, ilon lo igo ibol, ‘Ŋaisag tamol tubun en ta ipalu kisaek onj na da.’ <sup>49</sup> An niŋen o fun iganep urat pinein aenta ifu isudap, lukluk tamol dida anaŋ diani dop, you sakar ak duluk o kagin naok ago igane wa. <sup>50</sup> Urat pinein an san gorman, nal dugon lo, agod auwa dam ta ilonj na dop ipalu wa. <sup>51</sup> An lo dop tamol tubun en ipalu saltik onj pe urat pinein an ibaltiti idu wa. Ago dop balek rararu san tamol luad te iganep dida dumado wa. Aben ante man tamolpein tinan digane dop madai lo luod dugurmi wa.

## 25

*Pein baras nuŋod 10 ak sad ru miti-laen*

<sup>1</sup> “Saen an lo, Anut san kagin panek man igo ya. Nug ŋanek san saen lo, pein baras 10 iŋsad lam dusulanaig duburoug diaug, ab a ate tamolpein dutumani dan te dilasa ya. Ante man kuai te dumasig tamol a iŋsan iwon iŋane wo ipalu dan dititianig

dumado se ya. <sup>2</sup> Pein baras nuñod 5 man kankan ad tia ya, ago dugo 5 aenta man kankan ad da ya. <sup>3</sup> Man dugo, pein baras kankan ad tia yak inşigned lam disinig dupalu yak gug, inş gurenş ided san subunşan taidam ta diñaneg dupalu na ya. <sup>4</sup> Ago man pein a kankan ad da yan gurenş ided san inşigned butol lo dililig lam da disinig dupalu ya. <sup>5</sup> Tamol a iwon inşane dan, inş ta ipalu kisaek onş na ya, amaiak niñen o pein fidian mi malad muruan dugo nşionş diabi se ya.

<sup>6</sup> “Ak man tidom luak talpein ta igo iwaginş dugo dulonş a, ‘Ale, tamol, pein inşane wo damaiak ipalu wo da! Amaiak niñen o apalup tau, dal te tile dop tiñanep ida tamul tupalu wa.’ <sup>7</sup> Ago man pein baras an fidian dumasag inşaned lam dukubine idu ya. <sup>8</sup> Agog pein kankan amad tia yan dumasag, pein kankan amad da yan igo durupidai, ‘Gidad anşam gurenş kitek apanama. Mañsama lam dumat o da.’

<sup>9</sup> “Ak gug pein kankan amad da yan ru naon durupidaig dubol, ‘Tia ya, gurenş e mabi den, id sisem niñed o ta idaisuda na ya. Gidad amul aup anşiganem gurenş foun ak didaenş aben lo adad a.’

<sup>10</sup> “An niñen o pein kankan ad tia yan gurenş didad o dumul go diau a. Inş diau dugo tamol a iwon pein inşane wan ipalu ya. Ante man pein a dititianig dumado se yan, dida nug niñanşal san ab an lo diladu dugo, tamol ante yan dalawan dufutani a.

<sup>11</sup> “Murnag pein baras aenta dupalug igo dubol, ‘O tamol tubun ak, palup mañ dalawan pasi panama!’

<sup>12</sup> “Ak man inş ru naon igo irupidai, ‘Ñai rumok nşrupaianş da, ñai anş ta nşalonş na ya.’

<sup>13</sup> “Amaiak niñen o malam ipuk pe amado wa. Man dugo, nal dugo, agod auwa dugon lo Tamol Nanun imul ipalu wan ta alonş na da.”

*Urat pinein moni diñane yak sad ru mitilaen*

*Luk 19:11-27*

<sup>14</sup> “Agod fon, murna dop Anut san kagin panek nek igo wa. Gurman

ta turenş yabi wo dak niñen o inşanen urat tamol igiaig dupalu ya. Agog naon na dilasa man inşanen melmel an kagin dupani san tuod lo yabitig ipidinai a. <sup>15</sup> Inşanen urat tamol kisaek kisaek inşad kagin, agod dabai dam, niñen o ilon isou dugo moni yabitig ipidinai a. Tamol ta 5,000 kina ipani dugo, ta 2,000 kina, ago dugo ta 1,000 kina ipani a. Inş ago igane itout go ibisawaig turenş yabig yau a. <sup>16</sup> Inş yau dugo, tamol 5,000 kina inşane yan yau kisaek onş go, moni subunşan taida an fufo igane wo didaenş urat igane se ya. Agog 5,000 kina subunşan taidam inşane ya. <sup>17</sup> Tamol a inş 2,000 kina inşane yan, inş dam nek ago mi iganeg 2,000 kina taidam inşane ya. <sup>18</sup> Ak gug tamol a 1,000 kina inşane yan, yaug tan gib yabig ilon lo moni an imianig yen a.

<sup>19</sup> “Saen milaen kasik yau la gug, gurman an imul ipalu ya. Saen ipalu man urat tamol an igiaig moni ipidinai amaiak niñen o, dida ru dukubuneg diñinşenş a. <sup>20</sup> Ago dugo tamol 5,000 kina inşane yan, 5,000 kina subunşan anda isinig ipalug igo ibol, ‘Ñaineg gurman, 5,000 kina e panag en ule, ñai didaenş urat nşiganeg onşane 5,000 kina subunşan taidam niñane ya.’

<sup>21</sup> “Inşanen tubun ak igo irupeı, ‘Onş urat tamol uyanan mok a, awag uri pani siñakaan, onşane urat dam kagin pani uyanan a. Onş melmel kititik e bani lo niñane emaiak kagin pidinai uyanan a, amaiak niñen o melmel tubun geig ak wei mi tirnai san nşupano wa. Palup, ñai da uyasusai tigane.’

<sup>22</sup> “Tamol 2,000 kina inşane yan dam ipalug ago ibol, ‘Ñaineg gurman, onş 2,000 kina panag a. Ule, ñai didaenş urat nşiganeg onşane 2,000 kina taidam niñane ya.’

<sup>23</sup> “Inşanen tubun ak igo irupeı, ‘Onş urat tamol uyanan mok a, awag uri pani siñakaan, onşane urat dam kagin pani uyanan a. Onş melmel kititik e bani lo niñane emaiak kagin pidinai uyanan a, amaiak niñen o melmel tubun geig ak wei mi tirnai

san nupano wa. Palup, nai da uyasusai tigane.’

<sup>24</sup> “Ak man tamol in 1,000 kina inane yan dam ipalug ago ibol, ‘Naineg gurman, nai nalon ak man on tamol silei a. On abi san urat tamol sad silali naon nane da. <sup>25</sup> Amaiak ninen o nai narer go, onane 1,000 kina nisini naug tan nisareg nimiani a. Ule, onane moni ebe ya, ka nane wa.’

<sup>26</sup> “Ak man inisan gurman ru naon igo irupe, ‘On urat tamol saia geig a. On yalis tina ya. On ulon ak, nai abi san urat tamol sad silali naon ninane da. <sup>27</sup> Fun an ninen o naineg moni an moni ab san urat tamol pani ak man, in ka urat ipani wa, an lo moni en san tim anda nane wa.’ <sup>28</sup> Agog gurman an inisan urat gurman irupeig ibol, ‘Aria, tamol an san na 1,000 kina nanep, tamol a 10,000 kina aman da yan pani wa. <sup>29</sup> Ata wo? Talpein enti in da yan, nai suguan taidam nupanip an lo in idaisuda wa. Ak man, enti in tinin lo tia agod, gidad in kitek da bo man, inisan melmel an banin lo dupasi itout a. <sup>30</sup> Urat tamol lou aman tia yan wabip ubal patun fo ilasap tidom tubun lo imado wa. Aben ante man tamolpein tina digane dop madai lo luod dugurmi wa.’

### *Tamol Nanun sipsip bilelek da itarpasai a*

<sup>31</sup> “Saen Tamol Nanun inanen girager aman da lo ipalu dop inanen enel adi fidian dida dupalu wa. Ante inanen kin san badim fo na imasip imado wa. <sup>32</sup> Ago dop in tan titin fidian sad tamolpein itumanai dop naon na dutur a. Ante dop in itarpasaip malan uraru lo idirai a, nek ibol titianek tamol sipsip sen idirai dop bilelek sen idirai dak ago mi a. <sup>33</sup> An lo dop in sipsip tuon won ak ate idiri dop, bilelek tuon nas ak ate idiri wa.

<sup>34</sup> “Agop Kin tamolpein a tuon won ak ate dumado dan, igo irupidai, ‘An naineg Bai san bar anane ya. Apalup kagin panek aben e Anut fun lo mok tan igane ilasa wo dugo ikubuneg yen den anane wa. <sup>35</sup> Enta wo? Gubak

mi nai kadag lo numado dugo anan apanag a. You o namat dugo you dam apanag a. Nai tamol gol ak gug an anjiliag go ansam ab lo tau a. <sup>36</sup> Nai kulos amag tia yak gug, kulos apanag a. Nai subam amag da yak gug, kagin apanag se ya. Nai subanek lo numado dugo, an bubeg abisa wo apalug aliag a.’

<sup>37</sup> “Agod tamolpein itaotan ak ru naon igo durupe, ‘O Tubun, saen dugon lo kadag ifuno dugo miliog, anan mupano yak i? Tia, saen dugon te you o umat dugo you mupano yak i? <sup>38</sup> Saen dugon te tamol gol ak on milio dugo minjilio ab lo tau ak i? Ago dugo saen dugon lo kulos ama tia dugo miliog kulos mupano yak i? <sup>39</sup> Saen dugon lo subam ifuno dugo milio boi, tia, subanek lo mado dugo maug milio yak i?’

<sup>40</sup> “Agop Kin ru naon igo irupidaip ibol, ‘Nai rumok nurupaian da, kulob dugo nai teig e yan an tia yen lo agane man, kulob ago agane yan, an nai lo dam ago agane ya.’

<sup>41</sup> “Agop in aenta tuon nas ak ate dumado dan igo irupidai, ‘An tamolpein Anut san misilane am da ya, abisawag sen alasap, yai o ta imat na dan lo au a. Yai an man Satan inanen enel adi dida lo idiraip diau o Anut ikubune pidinai lag yen da. <sup>42</sup> Man ata wo? Gubak mi kadag nai ifunag dugo anan ta apanag na ya. Nai you o namat dugo you ta apanag na ya. <sup>43</sup> Nai tamol gol ak gug, an anjiliag go ansam ab lo ta tau na ya. Nai kulos amag tia yak gug, an kulos ta apanag na ya. Nai subam amag da subanek lo numado dugo, aug ta aliag na ya.’

<sup>44</sup> “Agop in dam ru naon igo durupe, ‘O Tubun en, saen dugon lo kadag ifuno boi, tia, you o umat boi, tia, on tamol gol ak on boi, tia, on kulos ama tia, subam ama dag, subanek lo mado dugo milio gug, man kagin ta mupano na yak i?’

<sup>45</sup> Ante dop in ru naon irupidaip ibol, ‘Nai rumok nurupaian da, kulob dugo nai teig e yan an tia yak lo ta

agane na yan, nek kulob an n̄ai lo dam ta agane na ya.'

<sup>46</sup> Agop tamolpein an dibiseip di-aup ai wadan saian geig saen fidian yen dan lo diladup ante pem-pem mi dumado wa. Ak man tamolpein itaotan ak kumaen pempem san dijanep dumado wa."

## 26

*Gurman adi Jesus dufuni imat o awad kisaek a*

*Mak 14:1-2; Luk 22:1-2; Jon 11:45-53*

<sup>1</sup> Jesus ru mitilaen en fidian ibol itout go inanen megeloum irupidaig ibol, <sup>2</sup> "An̄ aloŋ ak, Pasova san ad nanek idu san man nal uraru mi yen da. An lo dop Tamol Nanun ager banid lo diganep aigim fo dubali wa."

<sup>3</sup> Saen an lo pris tutubu, agod Isrel san tamol gurman adi, pris gurman yaŋan Kaiafas dubol dak san ab lo dutumani a. <sup>4</sup> In̄ Jesus pasak nam dirawi nap diabip dufuni imat o dukubiai se ya. <sup>5</sup> Ak man in̄ dubol, "Id tumanek gun ak san nal lo kulob en ta tigane na wa, kabelan tamolpein luluŋad lo ager diabisa banau."

*Pein ta Jesus kabuŋan fo gureŋ iwali a*

*Mak 14:3-9; Jon 12:1-8*

<sup>6</sup> Jesus in̄ Betani panu na imado dugo, tamol ta yaŋan Saimon tinin gubak mi lepra aman da yak in̄san ab lo ida dumado ya. <sup>7</sup> Ago dugo pein ta gureŋ, butol ta pat siŋaokan ak nam digane yak, isinig san na ipalu ya. Butol an ilon lo gureŋ naon lak na geig ak awana ya. Jesus tebol siŋiren na imasi dugo pein an ipalug gureŋ an kabuŋan fufu na iwali a.

<sup>8</sup> Saen in̄anen megeloum ago dile man, tiŋaed saian go igo dubol pein an dusumiani, "Enta wo gureŋ kawan bidani dak i?" <sup>9</sup> Gidad tubuseip, didaen̄ lo tiganep moni naon tubun ak lo didad dop moni an tiŋanep tamol filiad tia yak ka tupidinai a."

<sup>10</sup> Jesus in̄sad n̄in̄en̄ an ilon̄ go igo ibol irupidai, "Enta wo pein en muruan apani dak i? In̄ man n̄ai n̄in̄eg o kulob siŋaokan geig ak igane ya.

<sup>11</sup> Saen fidian tamolpein filiad tia yak an̄ luluŋam lo dida amado wa, ak gug n̄ai man saen milaen an̄ da ta tumado na wa. <sup>12</sup> Pein in̄ n̄ai tinig fufu gureŋ iwali an, nek kagin an lo man in̄ n̄aisag sisanun mutou lo diginiag amaiak san dal ikubune da. <sup>13</sup> N̄ai ru rumok n̄urupaian̄ da. Tan dugon te bilaluŋ uyanan en dubol ilasa wan, ante dam kulob a pein en igane yan n̄in̄en̄ o dubol ilasap, lo pein en n̄in̄en̄ o ilo sou digane wa."

*Judas Jesus gurman adi tuod lo igane wo awad kisaek a*

*Mak 14:10-11; Luk 22:3-6*

<sup>14</sup> Saen an lo, nuŋod 12 amaiak luluŋad lo, tamol kisaek yaŋan Judas Iskeriot amaiak pris tutubu yak sad na yau a. <sup>15</sup> Ante in̄ igo ibol, "An̄ ata mel ta n̄ai apanag dop, n̄ai Jesus tuom lo n̄igane wak i?" Ago man moni silva 30 an dupani a. <sup>16</sup> Agog Judas imasag, Jesus tamol tutubu yak tuod lo igane wo, dal an aban̄ yabi se ya.

*Jesus megeloum dida soubul wadan diani a*

*Mak 14:12-26; Luk 22:7-23; Jon 13:21-30; 1Kor 11:23-25*

<sup>17</sup> Tumanek a yaŋan bret yis an tia yak san nal malan te yan lo, megeloum adi Jesus san na dupalug ago dubol, "On̄sa ilo lo, man̄ dugon te melmel mukubinep on̄ ate tumanek an san anan̄ wani wo rupaiama dak i?"

<sup>18</sup> Ago dugo in̄ ibol, "Aup Jerusalem na aladup tamol ta n̄ai n̄alon̄ ak naon na alasap, igo arupe, 'Girek man̄au igo ibol a. N̄aisag saen ipalug sumeik la ya. On̄sa ab lo n̄aineg megeloum dida tumanek anan̄ mani wo da.' "

<sup>19</sup> Ago tag megeloum ru kagin Jesus irupidai an dirig, anan̄ dukubune ya.

<sup>20</sup> Gurai idu dugo Jesus tebol siŋiren na imasig, nuŋod 12 an dida dumado ya. <sup>21</sup> In̄ anan̄ diani dugo igo ibol, "N̄ai rumok n̄urupaian̄ da. An̄ luluŋam



lo tamol kisaek, naj ager adi tuod lo iginiag naj a.”

<sup>22</sup> An lo na ilod muruan geig dugo, anen anen dusumianig dubol, “O Tubun ak, naj i?”

<sup>23</sup> Ago dugo inj ru naon irupidaig ibol, “Tamol nek a daeg lo naj da sisem banima musomini dan, nek amaiak naj ibilag pe ager banid lo njilasa wa. <sup>24</sup> Tamol Nanun ru a inj ninjen o buk lo digire yan nek ago mi inj lo ilasa wa. Ak gug tamol enti a Tamol Nanun iganep inanen ager adi sad tuod lo ilasa wan, rumok inj muruan tubun kasik ak ile wa! Gidad tinan ta igansi na yak man, an uyan a.”

<sup>25</sup> Agog Judas, tamol injen Jesus ager tuod lo igane yan, igo ibol isumiani, “Girek manau, ak naj i?” Jesus irupeig ibol, “Awo, nek onse ubol la ya.”

<sup>26</sup> Aria, inj anan diani dugo Jesus bret inaneg, Anut ilo uyan ru ipanig yafuteg, inanen megeloum adi ipidinai dugo ibol, “An ananep ani, en man najneg tinig.” <sup>27</sup> Agog inj gab wain anda yak inaneg, Anut ilo uyan ipanig, ipidinai dugo ibol, “An fidian gab en lo aluk a. <sup>28</sup> En man najisag dar kontrak san, tamolpein wei mi inaned aupasek isasi san tinig lo yak ilasa wa. <sup>29</sup> Naj njurupaian da, naj afon ai wain san nunon lo ta njaluk na wa, ago yaup nal ilasa dan te gup, afon Tamag san kagin panek aben lo fon an da sisem taluk a.”

<sup>30</sup> Inj bar diabi itout gug kuai te dilasag Did Oliv ate diau a.

*Jesus ibol, murnap Pita inj ninjen o itot a*

*Mak 14:27-31; Luk 22:31-34; Jon 13:36-38*

<sup>31</sup> Agog ante Jesus inj irupidaig ibol, “Gamu tidom nek en lo, an fidian mi naj ninjeg o ilom idup yaup abisawag a. Man dugo, Anut san girek lo ru igo ibol,

‘Nai titianek tamol njufuni wa, ago dop injan sipsip dusol pe gidigidad diau a.’

<sup>32</sup> Ak man Anut naj ifufunag pe fon njumasa gup, naj njirinanan pe imug mi Galili na naj a.”

<sup>33</sup> Pita ru naon igo irupei, “Gidad tamol fidian on ninje wo ilod idup dibisawo bo man, naj man tia ya.”

<sup>34</sup> Jesus ru naon igo ibol irupei, “Nai rumok njurupaio da, gamu tidom nek en lo kurek ta ibob na dop, saen utol on naj ninjeg o utot a.”

<sup>35</sup> Agog Pita irupei, “Gidad, naj on da tamat bo man, naj on ninje wo ta natot na wa, tia geig a!” Ago dugo megeloum fidian dam nek ago mi dubol se ya.

*Jesus abi Getsemani lo yang igudani a*

*Mak 14:32-42; Luk 22:39-46*

<sup>36</sup> Ago man Jesus inj dida, aben ta yanjan Getsemani dubol dan ate diau a. Ante Jesus megeloum irupidai, “An ente amasip amado dop, naj onte najup njugudani wo da.” <sup>37</sup> Agog inj Pita agod Sebedi nanun uraru dida injal go diau a. Saen an lo inj fun iganeg ilon ipapao dugo ilon dam muruan idu ya. <sup>38</sup> An lo igo irupidai, “Nai ilog tubun mi muruan idu dugo najamat o sumeik da. An gidad igo amado dop naj da sisem malad ipuk pe tumado wa.”

<sup>39</sup> Ago dugo inj kitek ipar yang, turun isoluwig, kabunan idug tan itutig, igo ibol imosiai, “O najneg Bai, idaisuda tap, gab en naj banig lo ka pasi yau a. Ak gug on naj ilog ta uri na wa, tia, onsigane ilo mi uri wa.”

<sup>40</sup> Agog inj inanen megeloum adi sad na ipalug, njon diabi dugo yil a. An lo inj Pita irupeig isumiani, “En dugo, an auwa kisaek naj da malad kumaen tumado san ta idaisuda na yak i? <sup>41</sup> An malam kumaen amado dop amosiai a, man dugo, kabelan bitinaek ta ipalup ilom inanep ari banau. Njutum lo man awag yabi wo ilom ibol da, gug tinimi man dabai an tia ya.”

<sup>42</sup> Inj afon imul yang imosiaig igo ibol, “O najneg Bai, gab en ta irinjanag na dop, gidad njaluk a. Onane ilo naj o an, ago ka ilasa wa.”

<sup>43</sup> Saen imul ipalu man njon diabi dugo yila, man dugo, maladi muruan geiga. <sup>44</sup> An lo afon ibisawaig imosiai o imul yau a. Gudanek naok gubak mi igane yan ago mi fon igane da ya.

<sup>45</sup> Imosiai itout go megeloum adi sad na ipalug igo irupidai, “An njon abi dugo yaes abal on dak i? Ale, naisag saen idu wo da, Tamol Nanun aupasek tamol tuod lo digane san saen idu la ya. <sup>46</sup> Amasap, tau. Ale, tamol a palan ag imari amaiak ipalu da!”

*Ager adi Jesus diabi a*

*Mak 14:43-50; Luk 22:47-53; Jon 18:3-12*

<sup>47</sup> Saen Jesus inijen se man, Judas ipalu ya. In megeloum 12 ak lulunad lo aben anda ya. In ipalu dugo tumanek malan tubun ak dida, sabiri agod tok dam duburoug naon na dilasa ya. Pris tutubu agod Israel sad gurman adi didinaig dupalu ya. <sup>48</sup> Imug palan niganag tamol a in tuod lo igane san man, kob ta ninen o irupidai, “Tamol a nai musuk nupani dop ale dan, nek an Jesus, an tamol amaiak abi wa.” <sup>49</sup> Aria, in Jesus san na ipalu kisaek on go ibol, “O girek manau, tidom uyan.” Ago ibol go musuk ipani a.

<sup>50</sup> Jesus ru naon igo irupe, “Turag, ilo yen dan ago gane.” Ago ibol go in Jesus sumeik dupanig diabi a. <sup>51</sup> Ago dugo tamol ta Jesus da dumado yan, in sinan sabiri igursig pris gurman an san urat pinein kududon aen ta ituteg tan na idu ya.

<sup>52</sup> Ak gug Jesus irupe, “Onane sabiri gane imul a. Man dugo, tamol fidian a sabiri duburoup lo wagai digane dan, sabiri lo nam daon dinane wa. <sup>53</sup> An dugo ilom isou di? Ak dugo, nai Tamag nusumiani dop, enel malan 12 agod suguan taidam wei kasik dida ipanag kisaek on o imoi ak i? <sup>54</sup> Ak man nai ago ngane tap, en dugo won ru a Anut san buk lo, kulob gamu e ilasa wo ibol en, nunon ilasa wak i?”

<sup>55</sup> Saen amaiak lo Jesus ager tamol an igo irupidai, “Enta wo an sabiri in

ai tok da asinig aliag pe abiag o apalu yak i? Ak dugo, nai wagai adi dida gabman mabi idu san gurman igo won an ago ilom isou di? Nal fidian nai tempel aben lo numasi dugo tamolpein nupitenanai se ya, ak gug nai ta abiag na ya. <sup>56</sup> Ak man melmel en fidian ilasa san fun man, ru gubak mi profet adi digire yan gamu en nunon ilasa ya.” Agog megeloum fidian mi Jesus dubuseig dusol go diau a.

*Juda adi Jesus kot lo digane ya*

*Mak 14:53-65; Luk 22:54-55,63-71; Jon 18:13-14,19-24*

<sup>57</sup> Tamol a Jesus diabi an, dinaneg pris gurman Kaiafas san ab lo diau a. Kubiaen san girek manau, agod pris tutubu dida imug mi diaug ab ante dutumanig Jesus dititianig dumado se ya. <sup>58</sup> Ak man Pita Jesus nien aban irig yau ak gug, in kitek asau mi imado ya. In pris gurman san ar lo iladug ai katuk adi dida dumado ya. In ata mel ta Jesus ninen o ilasa dop ile wo malan igane se ya.

<sup>59</sup> Pris tutubu, agod kaunsil fidian mi, tamol aenta digiaig sewak ru dubol dop, Jesus kagin saiak ta igane yak, ate dufunip imat san dal ta dile wo dukubiai se ya. <sup>60</sup> Ak man tamol wei mi sewak ru amad da yan naod na dilasa bo man, dal ta dile na ya. Ak gug murnag tamol uraru dupalug naod na dilasa ya, <sup>61</sup> in ago dubol, “Tamol en igo ibol a, ‘Nai dabai amag da yak lo Anut san tempel nurubep, nal utol lo mi foun ak nabisa wa.’”

<sup>62</sup> Ago man pris gurman imasag Jesus igo isumiani, “On ru naon ta ubol na wak i? Ru e on nje wo tamol emaiak dubol den dugo yak i?” <sup>63</sup> Ak man Jesus ru ta, ta ibol na ya, itokibol itur se ya.

Ago dugo pris gurman irupe, “Nai Anut kumaen imado dan san yan lo, on nurupaio dak an ninen o, itaot mi rupaiama wa. On Kristus, Anut Nanun i? Rupaiamap malon.”

<sup>64</sup> Ago man Jesus igo ibol irupe, “Awo, nek onse ubol la ya. Ak man nai an nurupaian da, murna gup Tamol

Nanun in Anut a dabai tubun geig anda yan tuon won ak ate imasi dop ale wa. Agod Tamol Nanun keit lo timtaen titinjaem kuai tem ipalu wa, mel amaiak dam ale wa.”

<sup>65</sup> Agog pris gurman, ru an ninen o imasa saian go, inſan ilo muruan an kuai te ikubiai dile wo inanen kullos irasireg igo ibol, “In Anut yanjan malan isue ya. Gidad, tamol taidam, tamol en san kagin ninen o dubol ilasa san id ta tigiai na wa. Man dugo, gamu geig inanen ru lo Anut yanjan malan isue yan ansemi alon a. <sup>66</sup> Anſam ilo sou lo, tamol en dugo tigane wak i?”

Ago tag in ru naon igo durupe, “In mel saian geig ak igane, ak ninen o ka imat on a.”

<sup>67</sup> Ago man in Jesus naon fo na dulusu dugo banid nam dufuni na ya, agod aenta in kudajan dugufute dugo igo dubol, <sup>68</sup> “Kristus, on gamu profet ru ubol a, tamol e ifuno den enti ak i?”

*Pita Jesus ninen o itot a*

*Mak 14:66-72; Luk 22:56-62; Jon 18:15-18,25-27*

<sup>69</sup> Aria, saen an lo Pita kot ab patun fo imasig imado dugo, urat pein ta siniren na ipalug igo ibol, “On dam Jesus Galili san tamol amaiak da amado ator se ya.”

<sup>70</sup> Ak gug Pita tamol an fidian malad lo itot go igo ibol, “Ru on ubol dan nai ta nalon na ya.”

<sup>71</sup> Murna gug yang ar san dalawan te imado dugo, urat pein sen ak ta ileg, ninen o tamolpein sumeik dumado yan fidian irupidai, “Tamol an in Jesus Nasaret san amaiak ida dumado dutor se ya.”

<sup>72</sup> Ago man fon Pita itot go ru sakar nam irupidai, “Rumok geig nai tamol an ta nalon na ya!”

<sup>73</sup> Kitekan taidag tamolpein a dutur na yan Pita san na diaug durupeig dubol, “Rumok geig, on inſad kisaek a. Onane ninen lo se kuai te ibulo lasa ya.”

<sup>74</sup> Agog fun iganeg sen imisilanig ibol, “Nai sewak niganeg tap Anut ka

imisilanag a! Nai tamol an ta nalon na ya!”

Saen ago ibol itout man, kurek ibob. <sup>75</sup> Ago dugo Pita in Jesus ru ibol an ilon isou a, “Saen kurek gamugo ibob dop, saen utol nai nineg o utot a.” Ago man in kuai te ilasag tinañ tubun mi igane se ya.

## 27

*Jesus dijaneg ida Pailat san na diau a*

*Mak 15:1; Luk 23:1-2; Jon 18:28-32*

<sup>1</sup> Salso idu dugo pris tutubu adi, agod Isrel tamolpein sad gurman adi, dal dugon lo Jesus dufunip imat o nug lo dukubiaig ilod kisaek dilasa ya. <sup>2</sup> Agog in Jesus rasau nam dusubanig dida diaug Rom san gurman Pailat tuon lo digane ya.

*Judas sen buron isuseg imat a Apo 1:18-19*

<sup>3</sup> Tamol Judas, nek emaiak Jesus ager adi tuod lo igane ya. In leil igane dugo Jesus pilapil ru lo diabi idug muruan lo digane ya. An lo man in ilon tubun mi geig imunani a, ago yan lo inanen aupasek ninen sen ipasi wo moni patun silva 30 dupani an isinig imul yang ipidinai a. <sup>4</sup> In igo ibol, “Nai au nſapas a. Nai tamol a tuom lo niganeg yan, in kulob saian ak ta igane man tia ya, ak gug an afunip imat o da.”

Ak man in dubol, “En man manſama mel tia ya, onane ilo saian mi a.”

<sup>5</sup> An lo man, Judas moni patun silva 30 dupani an, tempel san ar lo yabilbol idu dugo, aben an ibiseig yang sen buron isuseg imat a.

<sup>6</sup> Pris tutubu adi moni an dijaneg igo dubol, “Moni en man tamol dufuni imat ak san naon, an dar idad a. An lo id moni en tempel san moni da tutuman san ninen o idsad kubiaen ipadau a.” <sup>7</sup> Amaiak ninen o in awad dutumanig moni an urat dupani wo ilo sou digane ya. Ago man tamol bod niganag, inſan tan titin ta didad a, an lo dop ante in ka tamolpein gol ak sad sisanud disiriai a. <sup>8</sup> Ago yak ninen o, tan titin nek an yanjan man igo ya,

“Dar san tan” ago dubol a. Gamu en dam tamolpein in yanak nek an mi dubol da. <sup>9</sup> Saen pris tutubu adi in tan titin an yanak amaiak dupate man, ru ta profet Jeremaia ibol ilasa yan nunon ilasa ya. In igo ibol, “In moni patun 30 silva ak dijanane ya. An man in san dadeñ san naon. Isrel san tamol aenkadi, tamol an in didad san naon amaiak digansi a. <sup>10</sup> Moni an dijaneg, lo tamol bod niganag san tan titin didad a, nek ibol Tubun en ru kagin njai ipanag ak nek ago mi digane ya.”

*Jesus Pailat san sumiaek lo dugunig itur a*

*Mak 15:2; Luk 23:3-5,13-25; Jon 18:33–19:16*

<sup>11</sup> Jesus gabman gurman naon na dugunig itur dugo, ago isumiani, “On Juda sad kin ak i?”

Ago dugo Jesus ibol, “Awo, nek onse ubol la ya.”

<sup>12</sup> Ak gug saen pris tutubu adi agod Juda sad gurman adi in Jesus ru dupani man, in ru naon ta ibol man tia ya. <sup>13</sup> Ago yak ninen o Pailat irupeig isumiani, “On ru fidian dupano den kududo lo ta ulon na yak i?” <sup>14</sup> Ak man Jesus ru naon ta Pailat irupe man tia ya, gidad ru wei mi dupani bo man ru naon ta irupidai na ya. An ninen o Pailat irut go ilo sou wei mi igane se ya.

<sup>15</sup> Aria, anajar fidian, Pasova san saen lo, gabman gurman subanek tamol kisaek o lian yanjan dupate dop, ipasip kawan imado wa. Kagin nek an san nal idu ya. <sup>16</sup> Saen an lo man tamol ta yanjan Barabas in subanek lo imado ya. Tamol emaiak in man saian geig an tamolpein fidian mi dulon fufei a. <sup>17</sup> Amaiak ninen o saen tamolpein dutumani itout man, Pailat igo ibol isumianai, “En dugo won ilom isou di? Enti nubuseip ansam na imul o? Njai Barabas nubusei wo, tia, Jesus e Kristus dubol damaiak nubuseip imul o?” <sup>18</sup> Man dugo, in ilon uyan ak man, tamol an in mala sek lo Jesus dijaneg kot lo dupalu ya. <sup>19</sup> Mel taida mi, saen Pailat in tulek tamol

san kalik fo imasig imado dugo, in san pein san na ru igane ipalug igo ibol, “On mel ta tamol e itaot aman en ninen o ta gane na wa. Man ata wo? Gamu na njai njonamin ta lo nile dugo in ninen o madai wei mi ifunag na ya.”

<sup>20</sup> Ak gug pris tutubu agod Juda sad tamol gurman adi, tamolpein malan an ilod dijanane ya. In tamolpein an dududuwaig Pailat dusumianig Barabas ipasi pidinai dop, Jesus daon ipani wo ago dubol se ya.

<sup>21</sup> An ninen o Pailat fon ibol isumianai, “An tamol uraru en lulonad lo enti nupasi wo amat di?”

Ago man duwagin dugo igo dubol, “Nek Barabas mi a.”

<sup>22</sup> Agog Pailat ibol isumianai, “Ansam ilo sou lo, Jesus e Kristus dubol den ninen o njai dugo ngane wak i?”

Ago man fidian mi duwagin dugo dubol, “Aigim fo bali wa!”

<sup>23</sup> Gug in ibol, “Ata mel o? In ata mel saian ak igane yak i?”

Ago bo man in awad tubun mi duwagin go disasai, “Aigim fo bali wa!”

<sup>24</sup> Pailat in sen ikubiani man, in san ru ta idaisuda na dugo, ager tubun ak ilasa wo da. Amaiak ninen o in you injaneg, tamolpein malad lo banin ifulani a. Ago dugo in igo ibol, “Tamol en imat dop man njasag muruan tia ya. An man ansiganem mel mi a.”

<sup>25</sup> Agog tamolpein fidian ru naon durupeig igo dubol, “Ai wadan en man mansigama, agod nanum murouma dida lo, ka yen a!”

<sup>26</sup> Agog saen ante man in Barabas ibiseig sad na yau dugo, Jesus ipidinaig rasau nam dufuni a. Dufuni itout go Jesus aigim fo dibali wo yu tamol tuod lo igane yau a.

*Yu tamol adi Jesus kukok an digane ya*

*Mak 15:16-20; Jon 19:2-3*

<sup>27</sup> Agog gabman gurman san yu tamol adi, Jesus dijaneg gabman san ab lo diau a. Ante man in Pailat san yu tamol fidian mi dupalu wo



digiai a. Aria, dupalug naon na dutumani a. <sup>28</sup> Jesus tinin fo kulos dupasi dugo, yamel daran ak ta nam kiñ san kob igo woñ tinin dubuluwi a. <sup>29</sup> Ago dugo in kam dudurun aman da yak, kiñ san kitikat\* igo woñ ditiladeg, Jesus kabuñan fo na digane ya. Makud ta diñaneg tuon won ak ate diganeg kiñ igo woñ yabi a. Ago dugo naon na turud disoluwig, kukok an digane dugo igo dubol, “Per o, Juda sad Kiñ!” <sup>30</sup> Agog tinin fo dulusu se ya, ago dugo makud a banin lo yabi an diñaneg ate kabuñan te dufuni se ya. <sup>31</sup> Saen kukok an digane itout man, yamel daran tinin fo yan dupasi dugo, inñiganen kulos digane pani a. Agog aigim fo dubali wo diñaneg diau a.

### *Jesus aigim fo dubali a*

*Mak 15:21-32; Luk 23:26-43; Jon 19:17-27*

<sup>32</sup> In Jesus dida turen diabis diau dugo, yu tamol adi dal te tan Sairini san tamol ta, yanñan Saimon dubol dan dile ya. Agog Saimon an disodudunig Jesus san aigim isini a. <sup>33</sup> In diaug aben ta, yanñan Golgota dubol dak, ate dilasa ya. Yanñak an san fun igo ya, “Kabuñan tatu san aben.” <sup>34</sup> Aben ante dilasag, marasin gigen ta wain da dukubulig, Jesus iluk dop lo madai yabi idu wo dupani a, agog kitek iluk ak man ikubiani ile tag, ta iluk na ya. <sup>35</sup> Agog yu tamol adi Jesus aigim fo dubali la gug, inñsed nug ilon lo inñsan biouñ diabititi san niñen o satu lo dukok se ya. <sup>36</sup> Dukok itout man, dumasig dititianig dumado se ya. <sup>37</sup> Ru ate kot dupani amaiak ai lapan fo digireg, aigim kabuñan fufo na dubali a. Ru en san sutek lo man igo ya, “En Jesus, Juda sad Kiñ.” <sup>38</sup> Jesus giranen na man ager tamol gumagam digane na yak urarum aigim fo dubalai a. Ta tuon won ak ate dusuñani dugo, ta tuon ñas ak ate dusuñani a. <sup>39</sup> Tamolpein diau dumul dop niñen o ru kukok dubol dugo, kabuñad dukupari pani se ya.

<sup>40</sup> Ago dugo igo dubol se ya, “On tamol amaiak tempel subarip, nal utol lo mi foun wabisap guni wak ubol a, an niñen o on se ka patu pasi wa! On Anut Nanun mok tap, aigim biseip udu.”

<sup>41</sup> Nek ago mi pris tutubun adi, kubiaen san girek manñau adi, agod Juda sad gurman adi dam, in kukok an digane dugo igo dubol se ya, <sup>42</sup> “In tamol aenta patud ipasi na yak gug, inñsen patun ipasi san man tia ya. In Isrel sad Kiñ, an niñen o in aigim ibiseip idu dop, an lo na id ilod rumok a. <sup>43</sup> In Anut niñen o ilon rumok da, aria, Anut tamol en niñen o imat mok tap, gamu geig en Anut mi ka ibinawi wa. Ak gug Anut in o imat mok di? Man dugo, in ibol ak, ‘Ñai man Anut Nanun a.’” <sup>44</sup> Dal kisaek mi lo gumagam tamol uraru Jesus giranen na aigim fo dusuñanai an dam ru kukok wei mi tinin fo digane se ya.

### *Jesus imat a*

*Mak 15:33-41; Luk 23:44-49; Jon 19:28-30*

<sup>45</sup> Ad mitilaen 12 kilok an lo, tidom tubun tan an fidian yafutani geig go yaug 3 kilok gurai isi a. <sup>46</sup> Saen kitek 3 kilok sumeik ipani dugo, Jesus awan tubun mi iwagin dugo ibol, “Eli, Eli, lama sabaktani?” Ru en fun igo ya, “Ñaisag Anut, ñaisag Anut, ata wo ñai bisawag ak i?”

<sup>47</sup> Tamol aenta sumeikan dutur man dulon go dubol, “Tamol en man Elaija iwagi da.”

<sup>48</sup> Ago dugo yu tamol ta ririan mi imaspalug yaug, mel ta beig san titalin igo woñ ak inñaneg, wain gigen an lo isominig, den luon ate isueg, Jesus iluk o awan te igane ya. <sup>49</sup> Ak man aenta dubol, “Ale funi woñ dop, Elaija ipalup ibinawi dop tile wa.”

<sup>50</sup> Jesus afon awan tubun mi iwagin dugo, inñanen ur tinin lo yak ibiseig yau dugo imat a.

<sup>51</sup> Saen nek amaiak lo mi, yamel tubun tempel lo iyuk yen an, o lak na fun iganeg imasireig yaug tan na idug

\* 27:29: Katkat

uraru dilasa ya. Saen an tan isuruwor dugo pat tutubu yak sed igile yau se ya. <sup>52</sup> Ago dugo mutou san aben dam awad ikasap dugo, tamolpein gun ak wei mi gubak mi dumat la yan sad sisanudi fon kumaen dumasa ya. <sup>53</sup> In mutou dubusei a. Murnag saen Jesus imasa yan lo Jerusalem na diaug diladu dugo tamolpein wei mi dil a.

<sup>54</sup> Yu gurman inanen yu tamol dida Jesus dititianig dumado na yan, tan isuruwor dugo melmel dilasa yan ago dil man, tubun mi direr se ya. An ninen o yu gurman an ibol, "Rumok geig, en man Anut Nanun."

<sup>55</sup> Pein wei mi dumado na yan dam, asau mi dutur dugo leil digane se ya. Pein amaiak saen Jesus Galili ibiseig turen yabi dugo dubunawi wo njen aban diri se ya. <sup>56</sup> Lulanad lo pein kisaek ta man taun Magdala san Maria, agod turan man Maria sen ta, Jems in Joses da tinadi, agod ta man Sebedi nanun uraru amaiak tinadi.

*Jesus san sisanun pat san gib lo digane ya*

*Mak 15:42-47; Luk 23:50-56; Jon 19:38-42*

<sup>57</sup> Ad idiau o sumeik dugo, taun Arimatea san moni tamol ta yan an Josef ipalu ya. In dam Jesus san megeloum mi a. <sup>58</sup> In Pailat san na yaug Jesus san sisanun inane wo isumiani. Inanen yu tamol adi ru dabai anda yak ipidinaig diaug Jesus san sisanun dinaneg Josef dupani a. <sup>59</sup> Josef sisanun an isini yaug, yamel foun ikok aman geig ak nam ifou ya. <sup>60</sup> Agog in sinanen mutou foun ak lo igane ya. Mutou an man pat san gib, Josef in sen gubak mi tamol irupidai dugo diabi a. Agog Josef pat muruan tinan ak ta ibili ipalug mutou awan ate ibalfutani a. Agog aben an ibiseig yau a. <sup>61</sup> Taun Magdala san Maria, in Maria ta da mutou an fun na dumasig leil digane se ya.

*Yu tamol adi mutou dititiani a*

<sup>62</sup> Nal a Soubul Kubunek San dubol dan itout la gug, nal tinin te yak

lo, pris tutubu adi agod Farisi adi diaug Pailat naon na dutumani a.

<sup>63</sup> Agog igo dubol durupe, "O tamol tubu, ru ta sewak tamol en kumaen imado dugo ibol an man iloma isou da. In ibol, 'Nal utol itout la gup, fon kumaen numasa wa.'

<sup>64</sup> Amaiak ninen o, on gidad ubol dop yu tamol adi mutou fun na nal utol tawan diganep dumado wa. Kabelan inanen megeloum adi sisanun gumagam aman dinane dop, mutou lo imasa la yak ago dubol tamolpein durupidai banau. Ago dop man in sad ru sewak foun en, in sinanen ru sewak gubak mi ibol an irinani banau."

<sup>65</sup> An ninen o Pailat irupidai, "An yu tamol anjal dop, arupidaip mutou fun na tawan digane wo uyanan a. Mutou kagin apani dop dugo agane wo ilom ibol tap ago ka agane wa."

<sup>66</sup> Ago man diaug mutou dufutani wo uyanan a. Agog in gib awan san pat amaiak fo na kob ta digane ya. An lo tamol ta pat an ibili tap kob an malan issue wa. Ago dugo yu tamol didiraig mutou kagin dupanig dumado se ya.

## 28

*Jesus fon kumaen imasa ya*

*Mak 16:1-10; Luk 24:1-12; Jon 20:1-10*

<sup>1</sup> Aria, ubou san nal Sabat dubol dan\* itout go nal patun fo, ubou turan san nal malmalan,† tidom lom geig Maria Magdala san pein, in Maria turan da mutou dile wo diau a.

<sup>2</sup> Ago dugo kanaurig tubun ak ilasa ya. Man dugo, Tubun ak san enel ta in kumaen panu ibiseig idug, pat a mutou awan ifutani an ibilig fufo na imasig imado se ya. <sup>3</sup> Enel an san leil man ibol weil irakilawi dak san leil ago mi a, agod in san kulos milkouk kasik man ibol ais igo won a. <sup>4</sup> Ago man yu tamol adi, in ninen o durut direr se yan lo dusuruwor go tan fufo na dudug tamol dumat ak igo won dien se ya.

<sup>5</sup> Ago dugo enel pein uraru an igo irupidai, "An ta arer na wa. Nai nalon

\* 28:1: Sarere † 28:1: Sande

ak an uraru mi Jesus ale wo apalu ya, tamol nek a aigim fo dubali ama ya. <sup>6</sup> In ete ta yen na da, in imasa la ya, nek ibol imug irupaian ak ago mi a. Apalup yen ak aben ka ale wa. <sup>7</sup> Ago dop ririan aup inanen megeloum igo arupidai a. 'In mutou ibiseig imasa la ya. Ago man in imug mi Galili na yau dop an nien aban ari wa, an aben ante gup in ale wa.' Aria, bilalun nupanan o nupalu yan nrupaian itout a."

<sup>8</sup> Pein uraru an direr geig ak gug, in uyasusai tubun mi digane ya. Ago man in ririan mi mutou dubuseig dumaspalu on inisan megeloum durupidai o diau se ya. <sup>9</sup> Dal dirig diau dugo Jesus naod na ilasag ibol, "Tidom lom mi!" Agog pein an siniren na diaug nien diabig ubou an dile ya. <sup>10</sup> Ago dugo Jesus uraru an igo irupidai, "An ta arer na wa, an aup nai teig muroug arupidaip Galili na diau a. In aben ante gup nai diliag a."

### *Yu tamol adi sad ru*

<sup>11</sup> Pein uraru an turen diabi dugo, yu tamol adi mutou kagin dupani se yan, taun ilon lo diaug diladug melmel ilasa yan, ninen o pris tutubu yan durupidai a. <sup>12</sup> Amaiak ninen o pris tutubu yan in Juda sad gurman adi dida dutumani dugo nug lo dukubiaig an lo ru dufuni a. Agog moni patun silva an idaisuda mi yu tamol an dupidinai a. An lo awad dufutani wo ago digane ya. <sup>13</sup> Ago dugo in igo dubol durupidai, "An tamolpein igo arupidai a. 'Tidom lo man maen on dugo, inisan megeloum adi pasak nam dupalug sisanun an gumagam an digane ya.' <sup>14</sup> Agod gabman gurman ru en ilon tap, man ida ru ka mukubune wa, ago dop an muruan am tia wa." <sup>15</sup> Ak ninen o yu tamol adi, moni an dinane dugo, gurman adi dubol ak ago mi digane ya. An ninen o ru amaiak Juda adi lulunad lo ifurak yau a, an lo Juda adi ru nek an mi dubol dugo ipalug gamu da mi a.

*Ru kagin tubun geig ak Jesus id irupaiad a*

*Mak 16:14-18; Luk 24:36-49; Jon 20:19-23; Apo 1:6-8*

<sup>16</sup> Aria, megeloum nunod 11 an, Galili na diau wo turen diabig dutor nag, did ta gubak mi Jesus ninen o ibol an siniren na dilasa ya. <sup>17</sup> Ante saen in dile man, ubou an dile yak gug, aenta Jesus ninen o ilod uraru a. <sup>18</sup> Agog Jesus in sumeik mi ipalug igo irupidai, "Anut dabai fidian mi, kumaen panu san, agod tan en san dam, lo melmel fidian nitirnai o ipanag a. <sup>19</sup> Ago yak ninen o, an gidad aup an lo tamolpein a tan fidian lo dumado dan, naisag megeloum adirai dilasa wa. Ago dop an Bai yan an lo, Nannun yan an lo, Awan Urgan yan an lo afulanai a. <sup>20</sup> Ru kagin fidian nai an nrupaian amaiak in duri dupani uyanan o apitejanai a. Agod en ale, nai pempem mi an da tumado da, ago mi yaup saen en itout a."

## Mak

*Suguek san Jon Jesus san dal ikubune ya*

*Mat 3:1-12; Luk 3:1-18; Jon 1:19-20*

<sup>1</sup> Dal en bilalun uyanan Jesus Kristus Anut Nanun ninen o fun igane ya.

<sup>2</sup> Nek profet Aisaia wagam inanen buk lo igo igire,

“Ale. Naisag bilalun tamol njidinip, on nao na imug yau a.

Tamol an onane dal ikubune pano wa.”

<sup>3</sup> “Tamol ta san awan, tan kawan tamolpein an tia yak ate tubun mi iwagin dugo igo ibol:

‘An gidad Tubun en san dal akubune wa,

inanen dal turen yabi san akubune dop itaot mok ilasa wa.’”

<sup>4</sup> Agog Jon ipalug, tan kawan tamolpein an tia yak ate tamolpein isuguai dugo ilod dibilisap suguek dinane dop an lo inaned aupasek fidian Anut ipasi wan san ru man ifulale pidinai se ya. <sup>5</sup> Aria, tamolpein a fidian Judea provins lo dumado dan, agod Jerusalem tamolpein wei mi dam Jon san ru dulon o diaug in-san na dilasa ya. Ante man inaned aupasek fidian mi walal te dubol ilasag, Jon dida you Jordan lo dudug isuguai idu ya. <sup>6</sup> Aria, Jon in-san yamel man kamel fufulun lo duwei ak igane ya. Let man makau sunulon nam digane an luan te iyati a. Inanen anan man sis, agod garan san niniu mi yani se ya. In tamol kawan ak ago won itor se ya. <sup>7</sup> Inanen bilalun ru tamolpein naod na ibol ilasa man igo ya. “Mur-nap tamol ta nai patug fo ipalu wa, tamol an san dabai naisag irinani geig a. Nai man inanen sendal npasi san turug nusoluwip nitakoksi dop san kam nusupasi wo ta idaisuda na ya. <sup>8</sup> Nai an you lo mi nusuguan a. Ak gug tamol en man Awan Urgan lo isuguan a.”

*Jon Jesus isugui agod Satan ibitinae ya*

*Mat 3:13-17; Luk 3:21-22*

<sup>9</sup> Saen an lo Jesus panu yan-an Nasaret Galili distrik lo yan ibiseig, you Jordan ate Jon san na yau a. Atna Jon Jesus isugui a. <sup>10</sup> Nek saen a Jesus you ibiseig kuai te isuda man, kumaen panu san dalawan pasek go yen dugo, Anut san Ur muluk on idug, in kabunan fufo imasi dugo ile ya. <sup>11</sup> Agog kumaen panu lo wagin ta idug igo ibol dugo ilon, “On man naineg Nanug, naineg bubeg mok, on nige wo ilog tubun mi uyanan da.”

*Satan Jesus naon ikubiani a*

*Mat 4:1-11; Luk 4:1-13*

<sup>12</sup> Agog gamu nam Urgan iduduwig tan kawan ak lo yau a. <sup>13</sup> In aben ante nal kitek milaen mi, ad 40 tidom 40 sen imado dugo Satan ipalug, bitinaek lo igane ya. Aben ante mel kasik ak dam dumado na ya. Aria, Satan san bitinaek fidian itout go enel adi dupalug Jesus kagin dupani a.

*Jesus in-san megeloum malmalan ak igiai a*

*Mat 4:12-22; Luk 4:14-15; 5:1-11; Jon 1:35-42*

<sup>14</sup> Aria, kin Herod Jon yabig isubani dugug, Jesus yang Galili distrik lo ilasag, ante Anut san bilalun uyan ak walal te ibol ilasag tamolpein dulon se ya. <sup>15</sup> In igo ibol, “Nal ilasa la ya, Anut san kagin panek an san saen sumeik a. Man ninen o an ilom ibilisa dop bilalun uyan nrupaian dan ilom lo rumok a.”

<sup>16</sup> Jesus You Galili san aen gigin fo itor dugo tamol ta tein da yil a. Tamol an imug yan-an Saimon, in tein Andru da. Uraru an iy nalanal, ago yan lo inaned dob you lo dubal idu dugo, Jesus ipalu ya. <sup>17</sup> Agog irupidai, “Nai ngeg abag ari gup tamol anjal san nipitenanan a.” <sup>18</sup> Agog dob dubal yen dugo nien aban diri kisaek on a.

<sup>19</sup> Agog Jesus you aen gigin irig kitek isuda yau man, Jems Sebedi nanun an tein bakan ak Jon da yil a. Tamol uraru an wog fo iy dob



duwei se ya. <sup>20</sup> Agog Jesus uraru mi igiai kisaek on go tamadi Sebedi wog fo tamol ibiai an dida dumado dugo dibisawaig Jesus njen aban dirig diau a.

*Jesus tamol tinin lo ur saiak ikudig yau a*

*Luk 4:31-37*

<sup>21</sup> Agog diaug, panu tubun yanjan Kaperniam atna dilasa ya. Ubou nal, Sabat dubol dan lo, Jesus ubou ab ta lo iladug tamolpein ipitejanai o fun igane. <sup>22</sup> Ago dugo ru an dulon go durut saian. Man dugo, in nek ibol insigned kubaien san girek manau adi dupitejanai na yak on ago ta ipitejanai na ya. Tia, in tamol yanjan tubun anda yak on ago ipitejanai se ya. <sup>23</sup> Aria, Jesus ru ibol dugo, ubou ab an lo tamol ta ur saiak ta aman da yak dam ate imado ya. <sup>24</sup> In awan tubun mi iwagin go ibol, "Jesus, on Nasaret tamol, on manjsama na ata mel gane wo palu yak i? Nag on man daon panama wo palu i? Nai on nalon uyanan a, on Anut san gun tamol." <sup>25</sup> Ak man Jesus ru dabai nam igo irupei, "On awa itau. Tamol en biseip lasa wau!" <sup>26</sup> Agog an lo ur saiak an tamol an yabig, ikirnan isuruwor go in itarfuni a. Agog ur saiak an awan tubun mi isasai dugo ibiseig ilasa yau a.

<sup>27</sup> Man njen o tamolpein an fidian durut saian mok a, an lo insed nug lo dinjen se ya, agog igo dubol, "En so mel ta yak i? Nag pitejanek foun ak boi? Insan ru dabai tubun aman da ya. In ka ur sisaiak ru kagin ipidinai dop in awan dulon pe dilasa diau a."

<sup>28</sup> An lo njen Jesus njen o yan ririan ifufurak go panu fidian Galili distrik ilon lo yak ate yau a.

*Jesus tamolpein subam amad da yak ikubune idu ya*

*Mat 8:14-17; Luk 4:38-41*

<sup>29</sup> In ubou ab an dibiseig Jems Jon da dinjal go dida Saimon in Andru da sad ab lo diau a. <sup>30</sup> Pita raon subam ifunig tinin wananan go, gadab fo insiganen ab lo diganeg yen a. Man

ninen o pein an njen o Jesus durupeig ilon a. <sup>31</sup> Agog Jesus yaug, pein an banin yabig itur o ibinawi a. Gamu nam subam an ibiseig pein an imasa kisaek on go anan ikubune pidinai a.

<sup>32</sup> Gurai isig ad idiau dugo, tamolpein fidian subam amad da, agod a ur saian saian amad da yan dam, dinjal go dupalu ya. <sup>33</sup> Panu tubun an san tamolpein wei kasik ab san dalawan sinjiren na dutumanig dumado se ya. <sup>34</sup> Ago man Jesus tamolpein wei mi subam funfun amad da yan ikubuniai dugo ur saiak wei mi dam tinid lo ikudai diau a. Ak man in ur saiak adi njen o dinjen san njen o ipadau a, man ata wo, ur adi amaiak Jesus enti mok an dulon fufei a.

*Jesus aben tamolpein tia yak ate Anut lo igudani a*

*Luk 4:42-44*

<sup>35</sup> Tidom lom mok, saen ad gamugo ilasa dugo, Jesus imasag ab an ibiseig aben ta yoitout ak lo yau a. Ante man Anut njen o igudani se ya. <sup>36</sup> Ak gug Saimon in turan dida dumado yan, Jesus abanan dile wo njen aban dirig diau a. <sup>37</sup> Saen in dile man durupeig dubol, "Fidian mi on dilio wo abana diabi da."

<sup>38</sup> Ak man Jesus awad yabig ibol, "Id panu aenta sinjired na dien dan lo tau a. An lo ate dam nai ru ka njufulale pidinai a. Man ata wo, urat nek en njigane wo njilasa ya." <sup>39</sup> An lo man in Galili distrik ilon lo turen yabi se ya, sad ubou ab fidian lo ru ibol ilasa dugo ur sisaiak tamolpein tinidi lo yan dam ikudaig dilasa diau a.

*Tamol ta tinin lepra yafutani a*

*Mat 8:1-4; Luk 5:12-16*

<sup>40</sup> Nal ta man tamol ta tinin lepra yafutani an ipalug isumiani wo turun isoluwig irupei, "On ilo ibol tap, nai kubuniag pe tinig uyan ilasa da wa."

<sup>41</sup> Agog Jesus ilon tubun mi imunan tag banin iwateg yabig ibol, "Ubol agom nai ilog ago yen da, uya lasa."

<sup>42</sup> Agog lepra ibiseig yau dugo tamol an tinin uyan ilasa kisaek oŋ a.

<sup>43</sup> Agog Jesus tamol an ru dabai nam ru kagin irupei. In ririan idinig yau o niŋen o igo ibol. <sup>44</sup> “Kagin gane, kulob ilasa yen niŋen o aenta ta rupidai na wa. Tia, itaot waup, tini Juda sad pris mi kubiaip ile dop, mudan a Moses san kubiaen lo ibol an ŋanep Anut yai gane pani. An lo dop tamolpein duloŋ ak oŋane subam itout a.” <sup>45</sup> Gug tamol an yaug, mel en Jesus igane an niŋen o ibol itilani se ya, an lo ru an panu panu lo yau a. Man niŋen o Jesus in fon panu tutubu yak lo walal te iladu san tia ya. Amaiak niŋen o in aben tamolpein tia yak ante mi imado dugo tamolpein banen fidian lo yan inŋsan na dupalu se ya.

## 2

*Jesus tamol subam anda yak tinin iganeg uyan a*

*Mat 9:1-8; Luk 5:17-26*

<sup>1</sup> Nal wei tiag Jesus fon imul panu Kaperniam na ipalu ya. Agog tamolpein Jesus ante imado dan niŋen ru duloŋ a. <sup>2</sup> An lo tamolpein wei mi inŋsinan ab lo dupalug dutumani a. Ab an ilon lo nug dusupini dugo patun fo dam ab dalawan siŋiren na aben tia ya. Ago dugo Jesus Anut san ru ifulaleg duloŋ se ya. <sup>3</sup> Ago dugo tamol iwoiwo in tamol ta ŋien banin fidian itubabun ak kapal anda Jesus giranen na disinig dupalu wo digane ya. <sup>4</sup> Ak man tamolpein mi dal dufutani an lo in diau san dal tia geig a. Ago tag ab patun fo tet fo disidag diaug, ab aten lak na katik\* nam gubak mi digane an fo digansi a. Ago yen dugug mutunuk ta fuŋ fufo diganeg diabigigeg gug mutunuk an lo tamol kapal anda yan duyuweg, Jesus imado dugo naon na digane idu ya. <sup>5</sup> Agog saen Jesus inaned ilo rumok ile man tamol an irupeig ibol, “Ŋaineg nanug, ŋai oŋane aupasek fidian ŋusuas yau la ya.”

\* 2:4: Foi

<sup>6</sup> Aria, ate man kubiaen san girek maŋau aenta dumado ya. Inŋsan ru ibol en duloŋ go an lo ilod igo weiwei se ya. <sup>7</sup> “En ata wo ru naon ago ibol ak i? In Anut lo ru kukok igane da! Ak dugo, tamol ta in ka aupasek isasi yau ak i? Tia geig, kulob an Anut san mi a.”

<sup>8</sup> Gamu nam Jesus ilon lo, tamol an kankan dugoma digane se yan ilon uyanan a. Ago tag in igo irupidai, “An ata wo ilo wei igo agane dak i? <sup>9</sup> Dugomaiak pasauman ak i? Ŋai ŋabol, ‘Oŋane aupasek ŋupasi yau o?’ Tia, ŋabol, ‘Oŋ masap kapal ŋanep utor a?’ <sup>10</sup> Ak gug kulob e ŋiganep an lo ŋai, Tamol Nanun, tan en lo Anut wagen lo aupasek ka ŋupasi yau amaiak aloŋ o ...” ago ibol go tamol a ŋien banin tubabun aman irupei, <sup>11</sup> “Oŋ masa utur pe oŋane kapal ŋanep siŋane ab lo wau.” <sup>12</sup> Agog tamolpein malad lo man, tamol an imasa kisaek oŋ go san kapal yabisag isinig kuai te ilasa ya. An lo man in fidian durut saian mok dugo Anut yaŋan diabisa dugo dubol, “Maŋ kulob ta naok igo yak gubak mi mileu man tia geig a!”

*Jesus in Livai iwagi a*

*Mat 9:9-13; Luk 5:27-32*

<sup>13</sup> Murnag Jesus fon yaug you tilianek san loŋ na itor dugo tamolpein malan tubun mok dutumanig Jesus dubuluwig maŋau ipidina se ya. <sup>14</sup> Jesus you aen gigin irig isuda yaug ab ta, ate tamolpein sad na moni takis diŋane dak ate ilasa man, takis ŋilaŋal tamol ta imasig imado dugo ile ya. Tamol an yaŋan Livai, Alfeus nanun. Agog irupei, “Ŋieg aban uri.” Agog Livai imasa go ŋien aban iri a.

<sup>15</sup> Murnag saen Jesus Livai san ab lo imasig imado dugo sisem anan diani man, takis ŋilaŋal wei mok agod “aupasek tamol” wei mi dam, dupalug dumasig Jesus inanen megeloum dida anan diani a. Man dugo, tamolpein a ŋien aban diri se yan wei mok a. <sup>16</sup> Kubiaen san girek

manau adi lulunad lo ensauta a in dam Farisi adi amaiak mel en Jesus megeloum dida digane dan dile dugo in san megeloum adi igo dusumianai, “En ata wo tamol en takis nlanjal tamol adi agod aupasek tamolpein dida sisem anaj diani dak i?”

<sup>17</sup> Ak man Jesus insad sumianek ilon go irupidaig ibol, “Tamolpein a tinidi uyan an dokta san na ta diau na da, tia, tamolpein subam anda yak mi ago digane da. Nai tamolpein itaot adi ago dubol dak ngiaip dupalu san ninen o ta npalu na ya, tia, aupasek tamol anami ngiai o npalu ya.”

*Anaj lo geg digane an ninen o Jesus dusumiani a*

*Mat 9:14-17; Luk 5:33-39*

<sup>18</sup> Aria, nal ta lo suguek san Jon insan megeloum adi agod Farisi adi dam in anaj lo geg diganeg dumado se ya. Tamolpein ta Jesus san na dupalug dusumiaen, “Jon san megeloum agod Farisi adi dida nal kadi anaj lo sed geg ipidinai da, ago gug ata wo onsinane megeloum anaj lo geg ta digane na dak i?”

<sup>19</sup> Agog Jesus awad yabig igo ibol, “Tamol ta iwon da sad nug nane san saen an ilom isou a. Ak dugo, saen tamol an inanen turan muroun dida dumado dop, anaj lo geg digane wak i? Tia ya. Saen in dida dumado dan wali digane san tia geig a. <sup>20</sup> Gug nal ta ipalu dan te gup, Anut in nug nane san tamol an ipasi yau pidinai a, nal an lo man wali digane wa.”

<sup>21</sup> “Tamol ta yamel kilaken ta ikukuik na yan ta irasirep ate yamel wagam ak san mutunuk ta iwei na da. Man dugo, ago igane tap, yamel kilaken foun an yamel wagam an irae dop fon irasire dop daon ipani wa. <sup>22</sup> Agod tamol dam wain foun ak bilelek sunulon wagam ak lo ta diwali na da. Man dugo, ago digane tap, wain foun an iganep bilelek sunulon wagam an ikafut yaup ipuk dop, wain ikulmaek pe tan fo idu dop, bilelek sunulon dam daon ipani wa. Fun an ninen o in wain foun ak

bilelek sunulon foun ak lo mi diwali da.”

*Ubou nal san Tamol Tubun a*  
*Mat 12:1-8; Luk 6:1-5*

<sup>23</sup> Ubou nal ta lo Jesus kon san abi ilon lo itor se ya. Ago dugo in san megeloum in kon aenta dufunig fun diganeg diani se ya. <sup>24</sup> Gug Farisi adi dil tag Jesus durupei, “Ule, en ata wo kagin a Sabat nal lo tigane san ninen o idsad kubiaen ipadau amaiak gamu onane megeloum adi digane dak i?”

<sup>25</sup> Ago man Jesus insad awa biek ru naon irupidaig ibol, “Nag mel e Dawid igane yen ta asuti na i? Dawid in turan muroun dida kadag san saen lo dimatigen dugo anaj o katuk amadi a. <sup>26</sup> Mel en wagam mi saen Abiatar in pris gurman imado dugo ilasa ya. Aria, Dawid Anut san ab lo iladug, bret a Anut naon na didirig dien an inane yan a. Ak man bret an in lo geg a, nek Anut san pris in mi ka diani wa. Ago bo man in dam inanen yu tamol adi bret aenta iwae pidinaig diani a.”

<sup>27</sup> Agog Jesus fon irupidaig igo ibol, “Tamol in ubou nal san mel, ago Anut ta igane na ya, tia geig. Ubou nal man tamol san mel, nek ago mi igane ya. <sup>28</sup> Fun amaiak ninen o, Tamol Nanun man ubou nal an dam in san muroun a.”

### 3

*Sabat nal lo Jesus tamol ta banin saian ak ikubune ya*

*Mat 12:9-14; Luk 6:6-11*

<sup>1</sup> Nal sen ta lo Jesus ubou ab lo iladu ya. Tamol ta tuon ikurnjak yau ak ante imado ya. <sup>2</sup> Tamol aenta ate dumado dan in Jesus tinin fo ru digane wo dal aban dile se ya. An ninen o in maladi ti ibol dugo Jesus ata mel igane wo dak dile san tawan an digane se ya. In tamol e banin ikurnjak yau en Sabat nal lo ikubune tap, an ninen o boum dupani wa. <sup>3</sup> Aria, Jesus tamol e banin saian en irupei, “On masap, titinaem utur.”

<sup>4</sup> Agog Jesus tamol en isumianai, “Kubiaen dugo ibol ak i? Ubou nal lo,

id ka kagin uyan ak tigane wo? Tia, kagin saian ak tigane wak i? Patu pasek tupani wo? Tia, tufuni imat ak i?" Ago man in fidian tok dubol go dumado ya.

<sup>5</sup> Jesus yil ilubanai dugo ninedi wo tinjaen wananan idu dugo ilon tubun geig ipapao se ya, man dugo, in bubedi man dabai geig a. Agog Jesus tamol en irupeig ago ibol, "Onjane bani itaot wate." Agog in banin iwateg, uyan ilasa kisaek onj a. <sup>6</sup> Agog Farisi adi kuai te dilasag silei nam in kin Herod san warou adi dida sisem fun diganeg palan an dumari a. In dugo won Jesus daon dupani wak o nug lo dukubiai ila iso se ya.

*Tamolpein doup tubun Jesus san na diau a*

*Mat 12:15-16; Luk 6:17-19*

<sup>7-8</sup> Agog Jesus inanen megeloum dida dugursig you saltek san lon na dudu diau a. Ago dugo Galili tamolpein malan tubun Jesus njen aban fo diau a. Tamolpein tan titin wei mi kulob naok naok Jesus igane na yan ninen o dulon an lo insigned panu panu dibiseig in san na dupalu ya. Tan Judea adi wei mi dam dutumanig Jesus dirig diau a. Tamolpein malan tubun, Jerusalem na yak, Idumea provins lo yak, you Jordan aen ate yak, Taia in Saidon da sad lon na yan dam dususag dutumani a. <sup>9</sup> Agog Jesus in san megeloum adi irupidaig, in gidad wog ta dinanep, sumeikan dususep yen dop fo isuda wo ibol. Man dugo, tumanek tubun mok in dubuluwi se ya, kabelan in tinin dupini saian banau. <sup>10</sup> Man dugo, in imug mi tamolpein wei mi ikubuniaia a. An lo tamolpein a subam ad da yak fidian dususag dubuluwig Jesus tinin kitek diabi dile wo in lo dututou se ya. <sup>11</sup> Agod saen ur saiak saiak talpein tinid lo yan Jesus dile man, talpein an Jesus naon na turud dusoluwig awad tubun mi diwagin go dubol, "Onj Anut Nanun mok." <sup>12</sup> Ak gug Jesus in ru kagin dabai geig ipidinaig ago ibol, "An

nai enti mok an ninen o tamolpein ta arupidai na wa."

*Jesus megeloum 12 ipilianai a*

*Mat 10:1-4; Luk 6:12-16*

<sup>13</sup> Jesus tan bubun ta ate isidag, tamol adi dugomaiak in san dilasa wo ilon yen an igiaig dususag in san na dilasa ya. <sup>14-15</sup> Agog in tamol 12 ipilianaig, in dida megeloum adi igo won dumado dutor na ya. Murnap idiraip diau dop ru dufulale wa, agod in dam ur sisaiak tamolpein tinidi lo yan dukudaip diau san dabai amad da ya. <sup>16-19</sup> Aria, megeloum 12 e itarpasai en yanadi igo ya. Ta Saimon, in Jesus yan an foun ak Pita ipate. Ta Jems, in tein Jon da, nunod urarum Sebedi nanun muroun, uraru en Jesus yanadi foun ak Boargenes ipate ya, (yanak an fun man weil fufu tamol.) Ta Andru, ta Filip, ta Bartolomiu, ta Matyu, ta Tomas, ta Jems in Alfeus nanun, ta Tadeus, ta Saimon in ru wagai san tamol, agod Judas in man panu Keriot san tamol, emaiak murnag in Jesus ninen o palan imarig ager tamol banid lo igane ya.

*Jesus Beelsebub ida urat digane dak ago dubol a*

*Mat 12:22-32; Luk 11:14-23; 12:10*

<sup>20</sup> Aria, Jesus turan ta san ab lo iladu dugo tamolpein wei geig dupalug fon dutumani a. In inanen megeloum adi dida dusupinai se yan lo anan diani san tia geig a. <sup>21</sup> Saen Jesus muroun muroun in mel emaiak ninen o dulon man, dumasa saian go sad panu dibiseig Jesus diabi wo dupalu ya. Man ata wo? In dubol, "In burau ifuni da."

<sup>22</sup> Agod kubiaen san girek manau ensauta a Jerusalem na dupalu yan in dam igo ibol, "Tamol en tinin ilon lo man ur saiak Beelsebub anda ya. In ur sisaiak sad gurman inanen dabai nam ur saiak aenta tamolpein ilod lo yan ikudaig diau da."

<sup>23</sup> Ago tag Jesus igiaig in san na dupalug ru mitilaen funfun nam irupidai dulon se ya. "En dugo won pe Satan in ka sen ikudip yau ak i? An ago



igane san tia geig a! <sup>24</sup> Kiñ san kagin panek aben lo, inñsan tamolpein sed itarpalaip malan uraru dilasap nug dufuni tap, kiñ an san kagin panek aben an dabai itur san tia geig a. <sup>25</sup> Agod warou kisaek san tamolpein inñ tarpalek uraru dilasap nug dufuni tap man, warou an dam dabai itur san tia wa. <sup>26</sup> Agod Satan inñ sen yu iganep an lo inñ muroun muroun sed itarpalai tap, aria, inñ dabai itur san tia dop inñanen dabai itout a. <sup>27</sup> Ak man tamol ta inñ tamol dababai geig ak ta san melmel isini wo inñanen ab lo iladu san tia ya. Tia geig a. Inñ gidad imug mi tamol dababai an rasau nam isubani gup, inñ ka tamol an san ab lo iladup melmel isinip yau a.

<sup>28</sup> Nai rumok nñurupaianñ da, aupasek fidian agod nao futek ru fidian dam tamolpein digane dan Anut ka isuas yau a. <sup>29</sup> Ak gug talpein ta inñ Awan Urgan naon ifute tap, aupasek an Anut ta isuas yau na wa. Tia, inñanen aupasek emaiak pempem mi yen yau a.” <sup>30</sup> Jesus ago irupidai a, man ata wo, tamol amaiak imug mi inñ ninen o, “Tamol en ur saiak aman da yak,” ago dubol a.

#### *Jesus tinan agod tein muroun*

*Mat 12:46-50; Luk 8:19-21*

<sup>31</sup> Saen nek an lo Jesus sinan tinan inñ tein muroun dida dupalug kuai te dumado ya. Ago dugo tamol ta didinig ab ilon lo yaup Jesus kuai te ilasa wo irupeï a. <sup>32</sup> Ago dugo tamolpein wei kasik Jesus sinñiren na dumasig dubuluwig dumado se ya. Ago dugo aenta inñ durupeig dubol, “Ulonñ ak, onñane tina tei murou dam kuai te dutur da, onñ inñsad na wau o digio da.”

<sup>33</sup> Ak man Jesus awad yabig ibol, “Ensauta mok nñaisag tinag muroug, teig muroug ak i?” <sup>34</sup> Ago dugo malan yaug tamolpein giranñen na dumado dan yil go ibol, “Nñaisag tinag di teig muroug nek en mi a! <sup>35</sup> Tamolpein ensauta a nñai Tamag kumaen panu lo yan ilon duri dupani dan, nek anami nñaisag teig, lug di tinag muroug a.”

## 4

### *Anañ kubulan bilabal tamol san ru fañan*

*Mat 13:1-9; Luk 8:4-8*

<sup>1</sup> Murnag Jesus Galili san you tilianek ate yaug lonñ na imado dugo afon fun iganeg tamolpein ipiteñanai se ya. Agog tamolpein wei mi inñsan na dususag dutumani itilani a. Saen an lo doup tubun mok. Ago tag Jesus wog lo isudag imasig imado dugo tamolpein fidian dutumani man lonñ na ditur se ya. <sup>2</sup> Ante man Jesus ru fañan lo mel wei mi ninen o irupidai se ya. Ru ta ago irupidaig ibol, <sup>3</sup> “Alonñ. Saen ta lo tamol ta ai patun isinig abi lo ipae wo yau. <sup>4</sup> Yaug sinñanen abi lo man ai patun banin igane inawaig tan fufo iratitale se ya. Saen ratitale man, ai patun aenta dal fufo dudu ya, agog anakanak dupalug diani itout a. <sup>5</sup> Ai patun aenta tan pat anda yak fufo dudu, tan ate man kuror an tia, agog milaen tiag ai patun an balud isa, man dugo, tan an kuror an tia ya. <sup>6</sup> Ak man saen ad isuda man ai baludi an dukurñak diau a. Ai an dam dabidi tan lo ta idiau geig na, an lo dukurñak diau kisaek onñ a. <sup>7</sup> Ai patun aenta ud saian an lulunad lo dudu, agog sisem disag diau dugo ud saian an ai uyan ak yafutani an lo nunon ta igane na ya. <sup>8</sup> Ak man ai patun aenta tan uyan ak fufo dudu man nunod digane, kadi patudi 30 dilasa, aenta 60, aenta 100.” <sup>9</sup> Agog igo ibol, “Tamol onñ kududo ama da tap, ru an ulonñ uyanan a.”

### *Jesus ru fañan san fun ifulale ya*

*Mat 13:10-17; Luk 8:9-10*

<sup>10</sup> Saen Jesus sen kisaek imado dugo, inñanen megeloum 12 agod tamolpein aenta dida diaug, Jesus ru fañan ibol ilasa amaiak ninen o dusumiani a. <sup>11</sup> Agog igo ibol irupidai, “Anut san kagin panek an san melmel imianuk an fidian ipanañ a. An lo añ mel en fidian ilom itarpasi san ninen o alonñ uyanan a. Ak man tamolpein patun fo dumado dan, inñ bo ru fañan dulonñ ak gug, ru

an san fun mok ta duloŋ na ya. <sup>12</sup> An lo man,  
 ‘Inj bo malad pempem yau a, ak man  
 ilod ta itarpasi na wa,  
 agod kududod nam duloŋ bo  
 man, fun mok ta duloŋ na wa.  
 Tia dop, nag inj ilod ibilisa dop sed  
 itilianaip Anut inŋsad aupasek  
 isuas yau a.’ ”

*Ru faŋan an san fun*

*Mat 13:18-23; Luk 8:11-15*

<sup>13</sup> Agog Jesus irupidai, “Ak dugo, an ru faŋan en niŋen o ilom ta itarpasi na yak i? Ago tap, en dugo woŋ pe an ru faŋan aenta fidian dam aloŋ fufei wak i? <sup>14</sup> Tamol ai patun iratitale den, inj Anut san ru ipae da. <sup>15</sup> Tamolpein aenkadi man ai patun dal te yak ago ya. Ate Anut san ru dipae da. Saen ru an duloŋ ibol ak, Satan ipalup silei nam ru an ilod lo ipasi inŋane yau da. <sup>16</sup> Aenta man ibol ai patun tan sagar ak fo idu igo ya, nek anami ru duloŋ dop yousai amad da ilod lo rumok kisaek oŋ a. <sup>17</sup> Ak gug inj dabid tia yak niŋen o saen kitekan ka dutur gup, muruan ilasa boi, tia, dukudai dop madai diŋane boi, an lo dop ririan dibilanip dudu wa. Nek ago mi inŋsad ilo rumok itout yau a. <sup>18</sup> Aenta man ud lulunad lo idu ya. Enami ru duloŋ pe ilod lo rumok a. <sup>19</sup> Ak gug tan en san ilo weiwei, agod filian san mala bulbal di mel aenta sad ilo masa dam, disaurip itilanip ru an ipapao da. Ago dop ru an nuŋon ta ilasa na wa. <sup>20</sup> Aria, ai patun tan uyanan fufo idu man, tamolpein ru rumok an duloŋ pe san fun dam duloŋ siŋaokan a. Talpein an inj mok nuŋod ifu wa, aenta nuŋod 30, aenkadi 60, aenta 100, nuŋod ago ifu wa.”

*Lam san ru faŋan*

*Luk 8:16-18*

<sup>21</sup> Agog Jesus ru faŋan taidam igo ibol a. “Ak dugo, an lam asulani dop, ab ilon lo daeg paen na boi, tia, sareg paen na boi, aguni itur dak i? Tia geig a. Aben lak na yak ate asuŋani wa. <sup>22</sup> Man dugo Anut ilon igo ya, mel fidian gamu mianuk lo yen den,

murnap walal te ilasa wa. Agod mel ta dutuani an, nal idu dop ad lo ilasa wa. <sup>23</sup> Tamol oŋ kududo ama da tap, ru an uloŋ uyanan a.”

<sup>24</sup> Agog Jesus fon irupidaig igo ibol a. “An gidad ru e aloŋ den niŋen o kankan anane wo uyanan a. Man ata wo? Tou sapita an tamolpein aenta apidinai dan, tou nek ago yak nam Anut mel ipanan a, agod mel taidam itumani panan a. <sup>25</sup> Talpein ta melmel aenta da yan, Anut taidam ipani wa. Ak gug talpein ta inj melmel tia, mel kititik a aman da yan, an dam Anut inj banin lo ipasi yau a.”

*Ai patun isa dan san ru faŋan*

<sup>26</sup> Jesus fon igo ibol, “Anut san kagin panek man igo ya. Tamol ta anan patun tan lo iratitale ya. <sup>27</sup> Tidom ad, gidad tamol an yen boi, tia, imasap itor boi, ai patun an balun isap tubun ilasa wa, ak man dal dugo woŋ mel en ka ilasa man inj ta ilon na wa. <sup>28</sup> Tan sen mi iganep balun isap, roun iganep yau dop boban ilasap, rugun iganep, nuŋon ifu wa. <sup>29</sup> Ak man tamol en saen anan isulot idu yan ile man, bubarek inanep, yaup, anan inane wa. Ata wo, anan nane san nal idu ya.”

*Ai patun kititik aman kawan ak san ru faŋan*

*Mat 13:31-32,34; Luk 13:18-19*

<sup>30</sup> Fon igo ibol, “Anut san kagin panek niŋen o ata ru man ate tou nabiŋ aloŋ ak i? Ata lo ntuŋuŋanip nabol pe ilom itarpasi fufei wak i? <sup>31</sup> Tamol ta ai yan an mastet dubol dan patun inaneg siganen abi lo yaug ipae ya. Ai an san patun man kititik aman kawan, tan lo pae wa. <sup>32</sup> Ago bo man, saen paep isa den yaup ai tinan oŋ ilasa dop an lo ai aenta irinani a, agop raen dam idirip ibalsarer dop kusenŋ ka ate wur dufuni wa.”

<sup>33</sup> Jesus inj ru faŋan nek ago yak wei mi lo Anut san ru irupidaig duloŋ se ya. Ru sapita duloŋ go ilod itarpasi wo uyan an mi iri panim, nek ago ibol idu se ya. <sup>34</sup> Inj pempem tamolpein malad lo mi ru faŋan funfun

nam ibol ilasa na ya. Ak man saen inſan megeloum adi dida sed kisaek dumado dugo, ru faſan an fidian sad fun mok in kuai te ifulale idu dugo duloſ a.

*Jesus tim beig da irupidaig tok dubol a*

*Mat 8:23-27; Luk 8:22-25*

<sup>35</sup> Nal kisaek an lo gurai isi dugo, Jesus inanen megeloum adi irupidai, “Id wog nam you aen ate tau a.”

<sup>36</sup> Man niſen o megeloum adi doup dibisawaig, wog lo disuda ya. Saen Jesus in wog lo isuda man diſaneg ida diyawaig diau a. Wog aenta dam sisem diau se ya. <sup>37</sup> Agog tim tubun ak ifure ya. Ago dugo you tubun geig imasag ibalsinig wog ilon lo iladu se yan lo wog isarir o igane ya. <sup>38</sup> Ago gug Jesus man in wog taen te kalik iganeg yen padal a. Ago tag megeloum adi diaug dufufunig durupe, “Girek maſau, id tumayau o tator da. On ata wo idsed o ilo ta isou na dak i!”

<sup>39</sup> Agog Jesus imasag, tim tamun da ipidaig igo ibol, “Itout! Tokabol!” Agog tim ifure na yan itout dugo you malin idu geig a.

<sup>40</sup> Ago gug Jesus inſan megeloum adi irupidaig ibol, “An ata wo tubun mi arer dak i? Ak dugo, an nen gamugo ilo rumok amam da i?”

<sup>41</sup> Jesus ago ibol dubo man in dumasa saian dugo tubun kasik direr se ya. Ago dugo inſed nug duſumiani, “Tamol en enti mok i? Gidad tim tamun da dumasa yak dubo man awan duloſ a.”

## 5

*Jesus tamol ta ur sisaiak anda ikubune ya*

*Mat 8:28-34; Luk 8:26-39*

<sup>1</sup> Aria, in wog nam you aen ate diaug, Gerasin sad aban lo disasau a. <sup>2</sup> Saen Jesus wog an ibisei man, tamol ta mutou ibiseig ipalu ya. Tamol en ur saiak aman da ya. <sup>3</sup> In mutou funfun lo imado na ya. Tamol aenta

fon duſubani san, sein nam dam ta idaisuda geig na ya. <sup>4</sup> Saen wei mi banin ain didirig rasau sakar kasik ak nam niſen banin duſubani a. Gug saen fidian in rasau lubuſ an ain dam ituteg isubari idu ya. Tamol an inſan dabai san fun man senamo geig a, tamol diabi anen tia ya. <sup>5</sup> Nal fidian, tidom ad, mutou ilod lo, tan bubun fo dam isasai iwagin dugo pat luon anda yak nam tinin ititale na ya.

<sup>6</sup> Aria, tamol en asau mi Jesus ile man, imaspalug yaug san na ilasag naon na turun isoluwi a. <sup>7</sup> Agog awan tubun mi isasai dugo igo ibol, “Jesus, Anut lak na geig ak Nanun, on mel ta nai lo i? On ru lak na geig ak nam Anut malan lo rupeip ubol, madai tubun geig ta panag na wa.” <sup>8</sup> In Jesus ago isumiani a, man dugo, Jesus in imug mi ur an irupe la yak igo ya, “On ur saiak, tamol en biseip lasa wau!”

<sup>9</sup> Aria, agog Jesus ur saiak an isumiani, “On yaſa enti ak i?”

Agog in awan yabig igo ibol, “Nai yaſag Legen,\* man dugo, maſ wei kasik a.” <sup>10</sup> Agog in afon mi Jesus ilon inane on se, agop Jesus ikudai dop idiraip aben an ta dibisei na wo isumiani se ya.

<sup>11</sup> Aria, kitek asau tan bubun luan te man, bor malan tubun geig ak dunuaen se ya. <sup>12</sup> An niſen o ur si-saiak adi Jesus san na dumosaig ago dubol, “On kudamap bor an luluſad lo mau. Ulefunamap bor ilod lo ka miladu wa.” <sup>13</sup> An lo Jesus awok ibol tag, ur sisaiak adi dilasag diaug bor tinidi ilon lo diladu ya. Agog bor an fidian mi, sad sutek 2,000 igo yak, in dumasag damab aen te dumaspalu dudug you duluk go dumat pasik a.

<sup>14</sup> Tamol bor kagin dupidinai den disol go dumaspalu on diaug, mel ilasa yan niſen o tamolpein panu tubun ak lo yan, agod a gidigheid dumado dan, durupidaig duloſ a. An lo man tamolpein in mel dugo mok ilasa amaiak dile wo dupalu ya. <sup>15</sup> Saen

\* 5:9: Yaſag Legen fun man sawar tubun a.

Jesus san na dilasa man, tamol imug mi ur sisaiak anda yan dileg durut dugo direr saian geig a. Man ata wo, gamu tamol en idagom dugo kankan uyan uyan aman da, ago dugo yamel sen ipulaug imasig imado dugo dile ya. <sup>16</sup> Agod tamolpein a inſigned malad nam mel a ilasa dugo dile yan, in tamolpein dupalu yan mel dugo mok ilasa yan durupidaig dulon a. Ago dugo mel dugo ilasa yan tamol lo agod bor lo dam, durupidaig dulon a. <sup>17</sup> Man ninen o tamolpein an fidian awad dutumanig Jesus inaned aben ibiseip yau o ago dumosiai se ya.

<sup>18</sup> Saen Jesus wog lo isuda dugo tamol e Jesus ikubune yan ida diau o maeg iganeg isumiani se ya. <sup>19</sup> Gug Jesus awan ta yabi nag igo ibol irupe, “Onſigane murou sad na waup, Tubun en ilo muſanek sapita ipano, agod sapita ibinawo dam ubol idu dop dulon a.” <sup>20</sup> Ago tag tamol an yaug, distrik a yanſan TenTaun dubol dan ilon lo turen yabi on dugo, mel fidian Jesus in lo igane an tamolpein naod na ibol idu se ya. Ago dugo a fidian inanen ru dulon an durut saian geig a.

*Pein bakan ta imat agod pein ta subam anda ya*

*Mat 9:18-26; Luk 8:40-56*

<sup>21</sup> Aria, saen Jesus inanen megeloum adi dida tan an dibiseig, wog nam you aen ate afon diau a. Saen lon na disasau man, tamolpein wei mi dupalug dutumani dugo doup tubun ak Jesus dubuluwi a. Jesus in you sinjiren na imado se ya. <sup>22</sup> Ago dugo ubou ab ta san titianek tamol adi lulanad lo tamol ta yanſan Jairus in Jesus san na yau a. In Jesus ile tag naon na turun isoluwi a. <sup>23</sup> Ilo muſanek ru lo isumianig igo ibol, “Naineg nanug pein imat o da. On palu, bani in tinin fufo na ganep, afon uyan ilasa dop kumaen imado wa.” <sup>24</sup> An lo Jesus imasag in da diau a.

Diau on dugo tamolpein malan tubun an Jesus njen aban diri dugo Jesus dusupini se ya. <sup>25</sup> Aria, aben

ante man pein ta tinin ilon lo subam anda, nek nal milaen mi dar tinin lo ilasa se, ananar 12 ago imado se ya. <sup>26</sup> Inanen moni samun fidian dokta tinid fo ikukule yau pasik, gug subam an ta digane itout na ya. Tia, subam an yau tubun dugo madai tubun geig ifuni yau on se ya. <sup>27-28</sup> In imug mi ru Jesus ninen o lon dugo ilon igo isou, “Nai banig nek Jesus san kulos milaen ak nusupuri nile gup, tinig fon uyan ilasa wa.” Ago tag in tamolpein a Jesus diri an luad isag Jesus patun fo irig yaug san kulos bitin te yabi ile ya. <sup>29</sup> Ago dugo saen nek an lo mi inanen dar tinin ilon lo yan igos a. Ago dugo in ilon lo sen ikubiani ak Jesus inanen subam igane itout a.

<sup>30</sup> Ago dugo Jesus dam ilon lo sen ikubiani kisaek on ak dabai inanen tinin lo yan kuai te ilasa ya. Ago tag doup lulanad lo idanſag isumianaig ibol, “Enti niasag kulos isupuri ak i?”

<sup>31</sup> Saen inanen megeloum adi ru en dulon man, awan diabig igo dubol, “On ule yak, tamolpein wei mi on dusupino futano da, ago bo man on ka ubol ‘Enti nai ibiag ak i?’ ”

<sup>32</sup> Ak man Jesus naon idanſa idanla dugo talpein enti mok ile wo malan yau se ya. <sup>33</sup> Agog pein an, mel e in o ilasa yen lon on go Jesus san na ipalu ya. In irer dugo isuruwor se ya, ago dugo naon na turun isoluwig mel fidian ilasa yan kuai te irupe a. <sup>34</sup> Agog Jesus igo ibol irupe, “Nanug pein, onſigane ilo rumok iginiog uyan lasa ya. On ka ilo maror lo wau a, agod onane subam itout yau geig a.”

<sup>35</sup> Ago dugo Jesus ru an ibol yau on di imado dugo, tamol ta Jairus san ab lo yak ru diganeg Jairus san na yaug ago dubol durupe, “Onane nanu pein imat la ya. Gidad, girek manau aen ta utog na wa.”

<sup>36</sup> Ak gug Jesus inſad ru an patun ipanig, Jairus irupe, “On urer umoi. Nek ilo lo rumok mi wa.”

<sup>37</sup> Agog Jesus tamolpein fidian njen aban diri wan o imoi a, nek Pita, Jems agod in tein Jon, nunod utol anami in dida diau a. <sup>38</sup> Diaug, ubou



ab gurman san ab ate dilasa dugo Jesus malan yaug tamolpein tinaŋ muguruŋ tubun kasik diganeg dumado dugo yil a. <sup>39</sup> Saen ab ilon lo iladu man, irupidaig ibol, “An ata wo tinaŋ aru agane dugo liliŋan dam tubun geig agane dak i? Nanuk en ta imat na ya. Tia, in ŋioŋ mi yabi da.”

<sup>40</sup> Ago ibol man disel go kukok an digane ya.

Gug Jesus tamolpein fidian ab ilon lo yan ikudaig, patun fo dilasa diau dugo, nanuk an tinaŋ taman, agod megeloum a in da dumado yan, injal go dida galuŋ a nanuk yen dan lo diladu ya. <sup>41</sup> Jesus pein bakan an banin te yabig, Arameik ru lo igo ibol, “Talita koum!” Ru an fun man “Pein bakan ŋurupaio da, masa!” <sup>42</sup> Ago ibol dugo gamu nam nanuk pein an imasag itor. In pein bakan, inŋsan anaŋar 12 a. Aria, in kulob an dile man durut saian geig a. <sup>43</sup> Agog Jesus nanuk tinaŋ taman an kudod yabig irupidai, “Ru mel en niŋen o tamolpein aenta ta arupidai na wa!” Agog nanuk an anaŋ dupanip yani wo irupidai a.

## 6

*Profet ta yaŋan aman tia ya*

*Mat 13:53-58; Luk 4:16-30*

<sup>1</sup> Aria, Jesus in megeloum adi dida panu an dubuseig inŋsinan panu Nasaret na dumul diau a. <sup>2</sup> Ubou nal idu dugo Jesus siganed ubou ab lo iladug tamolpein naod na Anut san ru ifulale pidinai se ya. Tamolpein wei mi inŋsan ru duloŋ go durut saian a. Agog nug dusumiani ila iso dugo igo dubol se, “Aben dugon te mok tamol en mel en fidian inane yak i? Maŋau e in lo yen den dugon te inane yak i? Ale, kulob e banin nam igane na yen man tubun geig a! <sup>3</sup> Ak man tamol en taloŋ uyanan a, en ab bek tamol amaiak i? En Maria san nanun a. Inanen tein muroun man Jems, Joses, Judas agod Saimon. Inanen lun muroun id luluŋad lo dumado da.” An lo in Jesus saian dupani a.

<sup>4</sup> Gug Jesus igo ibol irupidai, “Profet ta tamolpein aenta sad malad lo yaŋan aman tia yak ago ta itor na da. Tia geig a. Ak gug nek inŋsinan panu lo, inŋsinan muroun muroun luluŋad lo, agod inŋsinan ab lo dam, atna mi in yaŋan aman tia ya.” <sup>5</sup> Man niŋen o Jesus ante kulob dabai anda yak ta igane san ta idaisuda na ya. Nek talpein kisaek kisaek subam amad da yak tinid fo banin iganeg ikubuniaia a. <sup>6</sup> Ago dugo in tamolpein ilo rumok amad tia yan niŋen o irut saian geig a.

*Jesus megeloum 12 idinaig panu panu diau a*

*Mat 10:5-15; Luk 9:1-6*

Agog Jesus inŋsinan panu ibiseig gidigheid yaug panu panu itor dugo tamolpein ipiteŋanai se ya. <sup>7</sup> Agog Jesus inanen megeloum 12 inŋsan na dupalu wo igiai a. Dususag Jesus tamol adi emaiak in wagen lo ur saiak adi tamolpein tinidi ilon lo yak dukudaip diau san dabai ipidinai a. Agog itarpasaig fun iganeg uraru uraru mi idinaig diau a.

<sup>8</sup> In gamugo diau dugo kududod yabig irupidaig in gidad turen yabek san biouŋ ta disini na wa, nek makud mi a. Ak man latamad tia, badam tia, moni inŋsad let lo dam tia, ago turen diabi wa. <sup>9</sup> In ka sendal ŋied fo didiri wa, ak man yamel taidam titired lo didiri san geg ipidinai a. <sup>10</sup> Agog in ibol irupidai, “An aben dugon te ab ta lo aladu wan, ate mi ab an san tamolpein dida amado yau nap panu an abisei wa. <sup>11</sup> Agod panu ta ate ta diŋiliaŋ uyan dop anŋsam ru dam duloŋ o dumoi tap, saen abisawai o dop, niemi apiltip san gufgaf panu an ate idu dop dile wa. An man kob ta murnap inaned ilo rumok tia yak san naon in mok diŋane wak igo ya.”

<sup>12</sup> Ru an ibol itout dugo megeloum adi nuŋod uraru urarum dufufurak go diau a. In panu panu ate tamolpein igo durupidai se ya. “An aŋanem saian an fidian patum apinip ilom ibilisa wa.” <sup>13</sup> Agod in ur sisaik tamolpein tinid lo yan wei mi

dukudaig diau se ya. Ago dugo guren kitek nam tamolpein wei mi subam amad da yan tinid fo dububunig lo dukubuniaia.

*Herod in Jon suguek san ifuni imat a*

*Mat 14:1-12; Luk 9:7-9*

<sup>14</sup> Kin Herod in melmel e Jesus san megeloum adi digane se yan ninen o ilon a. Man dugo, nal an lo man Jesus san yanak tamolpein malad lo tubun geig ilasa la ya. Ta dubol, “Suguek san Jon in tamolpein dumat la yak luluṅad lo fon imasag kumaen imado da, nek fun amaiak ninen o dabai fun-fun en tinin ilon lo urat digane da.”

<sup>15</sup> Gug aenta dubol, “En man Elaija.” Agod aenkadi dubol, “In man profet ta mi a, nek ibol profet adi wagam san igo mi a.”

<sup>16</sup> Ak man saen Herod in Jesus ata kulob igane idu se yan san ru ilon man igo ibol, “Jon man bo buron ṅitartig imat la yak gug fon kumaen imasa da ya.”

<sup>17</sup> In ago ibol a, man dugo, imug mi in yu tamol adi idinaig Jon diabi wo diau a. Nien banin dusubanig subanek ab lo digane ya. Man ata wo? Herod inanen tein Filip san iwon, yan Herodias, ilo uyan ipani san ninen o in Jon subanek ab lo igane ya. Imug mi Herod pein en inṣan tein banin na inaneṅ in da nug diṅane ya. <sup>18</sup> Gug Jon in Herod ru en irupeṅ, “Onṣigane tei san iwon da ator tap, on kubiaen ta uri pani na da.” <sup>19</sup> Amaiak ninen o Herodias tiṅaen saian go Jon lo siai iganeṅ imado na ya. In Jon ifuni imat o ilon tubun mi yen a, ak gug inṣen mi ago igane san ida ta isuda na ya. <sup>20</sup> Man dugo, Herod Jon ninen o tubun mi irer se ya. In ilon ak Jon in tamol itaot di gun a, an ninen o talpein ta Jon muruan ipani san ninen o iparfutani fufei na ya. Nal wei mi in Jon da diṅinṅ go Herod ilo uyan lo inanen ru ilon se ya. Ak gug ilon weiwei dugo ru fun ilon uyan san tia ya.

<sup>21</sup> Nal ta idu man dal ta Herodias idinaip Jon dufuni imat san an ilasa

ya. Nal a Herod san tinan gubak mi igansi an san saen ilasa ya, an lo Herod soubul igane ya. In ru iganeṅ inanen gabman gurman adi, yu tamol unbiek adi, agod tamol adi malan te yak Galili distrik lo yan, fidian dupalup anan diani wa.

<sup>22</sup> Aria, anan diani dugo Herodias nanun pein iladug naod na isuluwai se ya. Herod inanen turan dida dile dugo malad bulbal dugo ilod tubun mi uyan a. Man ninen o kin Herod nanuk pein an irupeṅ, “On mel dugon ninen o ilo ibol tap, on ka sumianag dop ṅai ṅupano wa.” <sup>23</sup> Agog ru lak na geig nam inanen ru dabai ipanig ibol, “On ata mel ninen o sumianag, gidad ṅaisag kagin panek aben ṅibitip wadan ṅupano san sumianag a, ṅai ka ṅupano mok a.”

<sup>24</sup> Agog pein baras an yaug, tinan isumiani, “ṅai ata mel ipanag o ṅusumiani wak i?”

Agog tinan awan yabig ibol, “Suguek san Jon san kabuṅan.”

<sup>25</sup> Agog pein baras an ririan yaug kin san na ilasag irupeṅ ibol, “ṅai ilog man on gamu nam ru ganep suguek san Jon inṣan kabuṅan daeg fo diganep disini dupalup dupanag a.”

<sup>26</sup> Herod ru an ilon go ilon muruan tubun mok a. Ak man ru lak na geig an gubak mi ibol ilasa la ya, agod inanen turan adi malad lo inṣan awak aban ipani an ninen o dam, awan ibilisa wo ilon ta yen na ya. <sup>27</sup> Ago tag in ririan yu tamol ta talpein ifuni imat san an idinig yaup suguek san Jon buron itartip isini ipalu wo ibol a. An lo yu tamol an yaug, subanek ab ilon lo Jon buron itartig, <sup>28</sup> kabuṅan daeg lo iganeṅ isini ipalug pein baras an ipani a. Agog in isini yaug tinan Herodias ipani a. <sup>29</sup> Saen Jon san megeloum adi mel en dulon man, dupalug tubabun diṅaneṅ disini diaug mutou lo digane ya.

*Jesus tamol 5,000 ifutuwai a*

*Mat 14:13-21; Luk 9:10-17; Jon 6:1-14*

<sup>30</sup> Aria, saen Jesus san megeloum adi turenj diabig itout go dumul diaug Jesus dida dutumanig kulob funfun digane, agod pitenanek a tamolpein durupidai an da, naon na dubol idu ya. <sup>31</sup> Ago dugo nal an lo man tamolpein wei geig Jesus megeloum adi dida sad na diau dumul onj dugo in dunuai anen tia ya. Man ninjen o Jesus in megeloum adi irupidai, "Id tumasap, aben ta tamolpein an tia yak ate taup, idsed kisaek dop kitek yaes tabal a."

<sup>32</sup> Ago ibol tag wog lo disidag, aben ta yoitout tamolpein an tia yak ate yaes dubal o diau a. <sup>33</sup> Ak man tamolpein panu fidian lo yan malad yaug dil dulonj, ago yan lo wei mi dumasag njied nam dumaspalu onj you dulubanig, dumug diau silatik onj go, lonj a Jesus inanen megeloum adi dida disasau wo yan ate dilasa ya. <sup>34</sup> Saen Jesus wog ibiseig lonj na idu man, doup malan tubun an afon yil a. Agog in ilon imunanai a, man ata wo, tamolpein an nek ibol sipsip titianek tamol amad tia yak igo wonj a. Ago tag imasig imado dugo mel wei mi ipitenanai se ya.

<sup>35</sup> Ru dulonj dugo yaug gurai isi dugo, in san megeloum adi san na dupalug ago dubol, "Aben en yoitout a, ad dam idu yau la ya. <sup>36</sup> Man ninjen o tamolpein en dinaip dufurak pe gidigheid diaup aben sinjired na yan san panu te ananj didad pe diani."

<sup>37</sup> Ak man Jesus awad yabig igo ibol, "Anj mel ta apidinaip diani."

Agog in dubol, "Manj tamolpein ago yak bret madad pe mufutai san ta idaisuda na ya. Manj fidian kalam 8 urat miganep\* moni idaisuda minjane gup, bret idaisuda mi madad a."

<sup>38</sup> Agog Jesus isumianai, "Anj bret sapita da yak i? Aup ale."

Agog diaug dileg dumul dupalug durupej, "Kafen, agod iy uraru a."

<sup>39</sup> Agog Jesus tamolpein an irupidai, "Anj sem ibitanj pe warou wei mi alasap gafurfur fo amasip amado."

<sup>40</sup> Ago tag in sed ibitaig doup kitek wei mi dilasa, aenta talpein 50, aenta 100, ago dumasig dumado se ya.

<sup>41</sup> Agog Jesus bret kafen agod iy uraru an inaneg, kumaen panu banen lo malan yabisag, ilo uyan ru Anut ipanig bret an yafute idug megeloum adi ipidinai a. Agog inanen megeloum dinaneg tamolpein duwae pidinai a. Nek ago mi iy uraru an igile kititik go megeloum ipidinaig diaug tamolpein dupidinai a. <sup>42</sup> Ago dugo in fidian mi bret an diani dugo fidian luad ipuk.

<sup>43</sup> Aria, dunuai itout gug, megeloum adi dumasag, ananj wadan ta diani na yan dutumanig, sareg 12 anua.

<sup>44</sup> Tamol a dunuai an dusutai man 5,000 a.

*Jesus in you aten fo itor a  
Mat 14:22-33; Jon 6:15-21*

<sup>45</sup> Aria, saen ananj dianig itout man, Jesus inanen megeloum adi gugurut ipidinaig, in wog lo disidap you aen ate panu yanjan Betsaida na dumug diau wo irupidai a. Ago dugo in sen man imadop, tamolpein an fidian idiraip dufurak in siganed na dumul diau wo, ago irupidai a. <sup>46</sup> Saen tamolpein idinaig diau pasik man, in sen mi did fo Taman san na igudani wo isuda ya. <sup>47</sup> Saen tidom idu man, wog an mayau na iyawai se ya, ago dugo Jesus in tan na sen kisaek imado ya.

<sup>48</sup> In malan yaug megeloum adi maeg diganeg dufulani dugo yaes ifu dugo yil a. Man dugo, tim tubun ifure dugo naod yabi se ya. Saen salso idu man, in you aten fufo sad na yau a. In irinjanai o ilon yen manonj a. <sup>49</sup> Ak man saen inanen megeloum adi Jesus you aten fufo itor dugo dile man, in tamol njutun ta dile ago dubol dugo disasai a. <sup>50</sup> Man dugo, in fidian Jesus ago dile an lo tubun mi direr dugo dusuruwor se ya. Ak man Jesus irupidaig ibol, "Dabai anane, en njaiseg, arer amoi!" <sup>51</sup> Agog yaug wog fo isudag dida dumado dugo tim ifure yan itout a. Megeloum adi ago dileg durut saian dugo ilod weiwei geig a.

\* 6:37: Grik sad moni lo man, 200 denari.

<sup>52</sup> Ata wo? Jesus enti mok an dulon uyanan an ninen o ilod itau a, in bret lo kulob igane an dile yak gug kulob an kankan Jesus ninen o ta ipidinai uyan na ya.

*Jesus Genesaret na subam adi wei mi ikubuniaia*

*Mat 14:34-36*

<sup>53</sup> Aria, saen Jesus megeloum adi dida you aen ate dupalu man, tan titin yanjan Genesaret dubol dan ate lon na disasau a. <sup>54</sup> In wog lo dudu dugo aben an san tamolpein malad yang ririan Jesus dile dulon a. <sup>55</sup> An ninen o dumasag dumasalu on gidigheid diau dugo ru duwae se ya. Agog tamolpein wei mi in talpein subam amad da yak kapal fo dien dan dusug aben dugon te Jesus imado den ate dijal diau se ya. <sup>56</sup> Ago dugo aben dugon te Jesus yang ilasa yan, taun tubun ak boi, tia panu tubun ak boi, tia, kititik ak boi, ate in subam adi kapal fo dusug didaen aben lo didiraisig dien se ya. An lo Jesus sumeik isusa dop dusumianip inanen yamel bitinen mi ka diabi dile wa. Agog talpein a diabi dile yan fidian mi, Jesus ikubuniaig uyad isusa ya.

## 7

*Mel ikokan, agod ta ikok na ya*

*Mat 15:1-9*

<sup>1</sup> Aria, saen Farisi adi, kubiaen san girek manau aenta dida Jerusalem na dupalu man, Jesus dulubanig, <sup>2</sup> Jesus san megeloum aenta, banid nun anda yak dida anan diani se yan dil a. Inaned tamol kagin igo ibol, in banid dufulanip ikok ilasa gup anan ka diani wa. <sup>3</sup> (Man dugo, inaned kagin igo ya. Farisi adi, agod Juda adi fidian mi dam, in imug mi banid dufulani gup anan diani wa. In ta dufulani na tap, in dida anan ta diani na wa. Dal an lo in tubud baged sad tamol kagin diri dupani na yan ago mi in dam duri da. <sup>4</sup> Agod saen didaen aben dibiseip siganed ab lo diau duman, in anan ta diani na wa, tia, in dusug pe tinid ikok gup anan diani wa. Tamol kagin aenta wei

kasik dam in kagin dupani da. Nek ibol gab fulanek, bod daeg fulanek, agod mel san kapen sensen bras nam digane yan, mel igo yan fidian ninedi wo tamol kagin yen da.)

<sup>5</sup> Aria, Farisi adi in kubiaen san girek manau adi dida awad dutumanig Jesus dusumiani, “En ata wo onane megeloum adi in tubud baged sad tamol kagin iri panim ago ta dutor dumado na dak i? Inaned banid ikok tia yak ate anan diani da.”

<sup>6</sup> Ago tag Jesus irupidaig ibol, “Aisaia in profet ru itaot mok an balek uraru adi ninemi wo ibol ilasa ya. Girek igire yan igo ya,

‘Tamolpein en awadi nam yanag dia-bisa da,  
ak man bubedi man asau geig naji lo yen da.

<sup>7</sup> In sen kawan naji ubou ag dile da, man dugo, pitenanek a tamolpein durupidai dan man nek tamol insiganed ilo sou mi a.’

<sup>8</sup> Ru kubiaen Anut gubak mi ipanan an, absukali dugo tamol kagin an mi abi dabai da.”

<sup>9</sup> Agog in fon irupidaig igo ibol, “An lulanam lo kagin igo yak yen da. An ru kubiaen Anut ibol an gigin na agansi, an lo ansiganem tamol kagin ari apani da. Agod an ilom lo kagin en uyanan geig ago abol da! <sup>10</sup> Gubak mi Moses igo ibol, ‘Onane tina tama awad paen na mado dop kagin pidinai o uyanan a.’ Agod, ‘Ta in awan nam tinan taman imisilanai tap man, dufuni imat a.’ <sup>11</sup> Ak man an abol, ‘Tamol ta taman boi, tinan boi, igo irupei, mel ta ate naji ka nbinawo san ninen o man Korban’ (ru an fun man, Anut mel an njen nupani la ya), ‘an ninen o man, o kabel, naji mel an nupanan san tia ya.’ <sup>12</sup> An lo tamol an fon binawek ta tinan taman ninedi wo igane pidinai san an ta adefuni na wa. <sup>13</sup> Dal emaiak lo, ananem tamol kagin tamolpein duri dupani wo abol den lo mi, an aganeg Anut san ru an nunon tia ya. Agod mel wei mi taidam naok nek ago yak agane da.”



*Jesus ata mel tamol ilon lo nun ipani wan ninjen o ibol ilasa ya*

*Mat 15:10-20*

<sup>14</sup> Agog Jesus in fon tamolpein fidian sinjiren na dupalu wo igiai a. Dupalug, ru ago ibol irupidai, “An fidian kududom agurep, ru en nabol dop, alon fufei wa. <sup>15-16</sup> Tamol ta mel kuai tep tinjaen lo yau dan nun ta ipani na da. Tia, mel tinjaen lop awan lo ilasa damaiak tamol ilon nun ipani da.”

<sup>17</sup> Jesus tamolpein tumanek an ibisawaig ab lo iladu man, inanen megeloum adi ru fanan en ninjen o dusumiani a. <sup>18</sup> Agog in isumianaig ibol, “Ak dugo, an dam an alon san tia i? An ta ale na yak, mel ta tamol tinin kuai fo yak, tamol ilon yaup iganep nun ilasa san tia yan alon ak i? <sup>19</sup> Man dugo, mel an buben lo ta yau na ya, tia, tinjaen lo yaug dubei san dal irig ilasag itout yau a.” (Jesus ru emaiak ibol an lo anan fidian nuaen san uyan ak ago ibol a.)

<sup>20</sup> Agog ibol on, “Mel a tamol ilon lo yen dugo kuai te dilasad amaiak tamol ilon nun ipani da. <sup>21</sup> Man ata wo? Mel naok naok emaiak tamol ilon lo dien den, in buben mok ilon lo yak kuai te dilasa da, kankan saiak, jeit kagin, gumagam kagin, tamol ifuni imat dak, turan iwon ida dien dak, <sup>22</sup> mala sek kagin, nun kagin, siai kagin, uf ru, se pitiano i kagin, agod burau kagin. <sup>23</sup> Mel saiadi emaiak fidian talpein ilon lo yak kuai te dilasa da, nek mel amaiak mi talpein an ilon nun ipani da.”

*Gob pein ta san ilo rumok*

*Mat 15:21-28*

<sup>24</sup> Ago gug Jesus imasag, aben an ibiseig, gob adi sad taun tubun ak uraru, Tair Saidon da sad lubanek lo yaug, ab ta lo isidag, ante kitekan yaes ibal a, ate tamolpein ta san turen dulon man imoi a. Ago bo man in mianuk lo imado san tia ya. <sup>25</sup> Pein ta inanen nanun pein ur saiak anda yak in ru tim Jesus ante imado dan ilon a. Ririan imasag Jesus san na ipalug, naon na turun isoluwi a. <sup>26</sup> Pein

en man Grik, agod distrik tubun ate imado dan Siria provins, agod titin ta dugon te tinan igansi an aben ta lon sinjiren na yanfan Fonesia dubol da. Aria, Jesus naon na turun isoluwig, Jesus in nanun pein tinin lo ur saiak ikudip yau wo ilo munjanek ru lo isumiani a.

<sup>27</sup> In pein an irupe i, “Umoi dop, nanuk ata diani wo dumat dan malamalan diani wa. Man nanuk adi sad anan minjanep gown adi diani wo sad na mabal tap, an ta uyan na wa.”

<sup>28</sup> Ak man pein an awan yabig igo ibol, “Awo, tamol Tubun en ubol mok da. Gug gown dam badim paen na dumado dop, nanuk sad awad aban idu man ka diani wa.”

<sup>29</sup> Ago tag Jesus ibol, “Ru en rupaiag ak ninjen o ka wau a. Ur saian an onane nanu pein tinin lo yak ibiseig yau la ya.”

<sup>30</sup> Agog in sinan ab lo yaug nanun pein gadab fo yen dugo ile, agod ur saiak dam ibiseig yau a.

*Jesus tamol ta kududon awan da itau ak ikubune ya*

<sup>31</sup> Aria, Jesus fon imasag, Tair lubanek ibiseig, isidag yaug, taun tubun ak yanfan Saidon ante ilasa ya. Agog aben an ibiseig, imul idug yaug “TenTaun”<sup>\*</sup> lubanek lo ilasag, You Galili sinjiren na isusa ya. <sup>32</sup> Ante man tamol ta kududon ipakuk agod balen muruan ak dinaneg Jesus san na dupalug, banin tamol an tinin fo igane wo dusumiani a.

<sup>33</sup> Agog Jesus tamol an inaneg, ida tamolpein malan tubun an dibisawaig gigin na nuod uraru diau a. Ante gug Jesus in sen banin kikoun tamol an kududon anenaim lo isousoug sen banin fo ilusug, ate tamol an balen yabi ile ya. <sup>34</sup> Agog Jesus naon yabisag malan lak na isida dugo yaes yabituanig gug tamol an irupe i, “Efata.” (Ru an fun man: upuk.) <sup>35</sup> Ago ibol go tamol an kududon uyan ilasag balen dam pasauman go ru ilon go ininjen uyanan se ya.

\* **7:31:** Dekapolis

<sup>36</sup> Jesus ru dabai anda nam mel a dile yan tamolpein aenta ta durupidai na wo ibol. Ak man urat wei kasik igane yan lo urat an san ru dam tubun mi diñinēñ ila iso se ya. <sup>37</sup> Ru an duloñ go durut saian geig a. In igo dubol, “Tamol en mel fidian igane man uyanan geig ak mi a. In iganeg tamol ta kududon ipakuk an ru ilon ak, agod tamol ta awan itau an ru ibol a.”

## 8

### *Jesus tamolpein 4,000 ifutuwai a* *Mat 15:32-39*

<sup>1</sup> Saen an lo tamolpein malan tubun mok fon Jesus san na dutumani a. Dumado dugo inaned anañ latamad diani pasik a. Ago tag, Jesus inanen megeloum adi dupalu wo igiai a. Agog dupalug dilasa dugo Jesus irupidai, <sup>2</sup> “Nai tumanek tubun en ilog imunanai da, man dugo, gamu nal utol yau la dugo in ñai da mumado na ya, ak gug anañ ta diani san etna tia ya. <sup>3</sup> Nai in ñidinaip dimatigen on inşigned na diau tap, dal na rei ifu dop malad itilani wa. Agod aenta dal asau geig dupalu ya.”

<sup>4</sup> Inanen megeloum adi awan diabig dubol, “Aben yoitout en lo tamol ta, ka dugot na bret idaisuda inañep lo tamolpein en ifutai ak i?”

<sup>5</sup> Agog Jesus isumianai, “An anañ bret sapita yen di?”

Agog dubol, “Bret seven mi a.”

<sup>6</sup> Agog Jesus tamolpein an tan na dumasi wo irupidai a. Agog in bret seven an inañeg, Anut ilo uyan ru ipanig, yafututeg, megeloum adi tamolpein duwae pidinai o ipidinai a. Agog diaug bret duwae ya. <sup>7</sup> Iy kititik kadi in dida dien a. An lo Jesus iy an inañeg, Anut ilo uyan ru ipanig, megeloum adi irupidaig iy en dam tamolpein duwae pidinai o diau a. <sup>8</sup> Aria, tamolpein anañ an dianig idaisuda geig a. Diani itout gug megeloum adi dumasag anañ samsamun dutumanig sareg seven lo ditaneg awad isa ya. <sup>9</sup> In tamol adi a dumado yan dusutai man 4,000

igo ya. Agog didinaig dumul diau a. <sup>10</sup> Agog Jesus megeloum adi dida wog lo disidag, Dalmanuta distrik ante diau a.

### *Jesus kulob girager ta igane wo* *dusumiani a* *Mat 16:1-4*

<sup>11</sup> Ante man Farisi adi dupalug Jesus dusumiani wo fun digane ya. In ilod man Jesus bitinaek lo digane wo ago yen se ya. Amaiak ninen o in kulob kumaen panu san ta kob igo won igane dop dile wo dusumiani a. <sup>12</sup> Jesus inşad ru an ilon go inşen nşutun ilon lo yaes yabituanig igo ibol, “Ata wo an tamolpein gamu e amado den kulob girager ta kob igo won ñigane dop ale wo ilom yen dak i? Nai ru rumok nşurupaian da, kob naok igo yan ñai ta nşupanan na wa.” <sup>13</sup> Agog in ibisawaig, megeloum adi dida fon wog lo disidag, diaug, tan aen ate dilasa ya.

### *Farisi adi in Herod da sad yis* *Mat 16:5-12*

<sup>14</sup> Aria, megeloum adi ilod inañ go bret ta disini na ya, wog lo man bret kisaek o lian yen a. <sup>15</sup> Jesus ru kagin ipidinaig ibol, “Kagin agane, Farisi sad yis, agod Herod san dam ninen o kagin agane uyanan a.”

<sup>16</sup> Megeloum adi ru an duloñ go inşed mi ru an san fun mok kuai dupani wo nug lo diñinēñ ila iso se ya. Agog dubol, “In ago ibol man fun, man bret amama tia ya.”

<sup>17</sup> Jesus megeloum adi dugo dubol se man ilon, ago tag isumianai, “Ata wo an bret amam tia yak ninen o nug lo akubiai dak i? Ak dugo, an nen ta ale alon na yak i? Ak dugo, an kankan amam tia i? <sup>18</sup> An malam da ya, ak gug an ta ale geig na da. Nek ago an kududom da ya, ak gug an ta alon geig na da. Mel en ilom inañ ak i? <sup>19</sup> Saen ñai bret kafenda nşafututeg tamol 5,000 nşufutuwai an, an sareg sapita lo anañ samukan atane yak i?”

In awan diabig dubol, “Sareg 12.”

20 “Agod saen naj bret seven nɔfufuteg tamol 4,000 nɔfufutuwai an, an sareg sapita lo anan samukan atane yak i?”

Agod dubol, “Seven.”

21 Agog in ibol, “An gamugo alon uyan dak i?”

*Jesus Betsaida na tamol malan itau ak ikubune ya*

22 Jesus in megeloum adi dida panu yan an Betsaida ante diaug dilasa ya. Ante tamolpein ta in tamol ta malan itau ak dinaneg dida Jesus san na dupalu ya. In Jesus banin nam tamol an tinin yabi ile wo dugudani a. 23 Agog Jesus in tamol an banin te yabig, ida panu an dibisei a. Agog Jesus tamol an malan fo ilusug banin tamol an tinin fo iganeg isumiani, “On gamu aban ka ule dak i?”

24 Agog tamol an malan yabisag ibol, “Awo, naj tamol neil da, ak man malag lo ai ditiliani dak igo mi a.”

25 Agog Jesus afon banin malan fo igane ya. An lo tamol an malan tubun mi ipuk go uyan isusag mel fidian ile fufei a. 26 Agog Jesus tamol an sinan ab lo yau o idinig irupe, “On itaot sigane ab lo wau, panu lo ta ladu na wa.”

*Jesus in Kristus an, Pita kuai te ibol a*

*Mat 16:13-20; Luk 9:18-21*

27 Agog Jesus in san megeloum adi dida panu an dibiseig dal dinaneg panu kititik taun Sisaria Filipai lubanek lo dien dan ate diau a. Dal te turen diabi dugo in san megeloum isumianai, “Tamol adi in naj enti mok ago dubol di?”

28 Agog in durupe, “Aenkadi on Suguek san Jon ago dubol dak, aenta on Elaija dubol dak, aenta on profet ta ago dubol da.”

29 In isumianai, “Ak man ansem naj enti mok ago abol di?”

Pita awan yabig ibol, “On Kristus.” 30 Agog Jesus ru kagin ipidinaig ibol, “Nai enti, aenta ta arupidaip dulon na wa.”

*Jesus imat san nal sumeik ak ago irupidai a*

*Mat 16:21-23; Luk 9:22*

31 Saen an lo Jesus fun iganeg inanen megeloum adi ipitenanai man, Tamol Nanun in mada wei mi ifuni wa, agod ubou san matu adi, pris gurman adi, agod kubiaen san girek manau adi in fidian Tamol Nanun patud dupani wa. Ago dop in dufuni imat a. Ak gug nal utol gup in fon imasap kumaen imado da wa.

32 Jesus ru an kuai te ibol irupidai a. Ago tag Pita inaneg ida gigin na diaug ru dabai nam Jesus ipei a.

33 Ak gug Jesus idansag Pita patun ipani dugo naon megeloum aenta ipidinai dugo Pita ipei ibol, “Satan, on patug fo lasa wau! Man dugo, on Anut san ilo girek ta uri pani na da, tia, on tamol adi sad ilo girek an mi uri pani da.”

*Idsiganed aigim tisinip Jesus njen aban tiri wa*

*Mat 16:24-28; Luk 9:23-27*

34 Agog Jesus tamolpein igiaig, in san megeloum adi dam kisaek mi dutumanig, igo ibol irupidai, “Talpein ta naj nieg aban iri wo ilon ibol duman, in gidad sen yabi idup in sinan aigim isinip nieg aban iri wa.

35 Man ata wo? Ta in sinan madok iganep uyan ilasa wo ilon ibol tap, in sinan madok mok an ideg yau a. Ak man ta in sinan madok naj ninen o, agod bilalun uyanan ak ninen o ibisei tap, inanen madok mok patun ipasi dop yen yau a. 36 Man dugo, talpein ta tan en san filian fidian mi inane dop, inanen naon man in sinan madok mok malan isue tap, en dugo won pe uyan ak i? 37 Ak dugo, in ata mel tan en san, inanen madok nunon ak inane imul san ka ipani wak i? Mel ta igo yak yen man tia geig a. 38 Tamolpein ensauta gamu dumado den aupasek agod kagin sisaiak san saen lo dumado da. Talpein ta saen en lo naisag ru ninen o miai ifuni tap, saen naineg enel gun agod Tamag san

girager da n̄palu dop, n̄ai nek ago mi talpein an nin̄en o miai ifunag a.”

## 9

<sup>1</sup> Agog in̄ ru ibateg igo ibol irupidai, “Rumok n̄rupaian̄ da, aenta ebo dutur den gamugo dumat dop, Anut san kagin panek an dabai aman da ipalu dop dile wa.”

*Jesus tinin ibilisag ilalan̄ a  
Mat 17:1-13; Luk 9:28-36*

<sup>2</sup> Aria, nal 6 yau la gug Jesus in̄ megeloum utol, Pita, Jems in̄ tein Jon ago in̄al go dida did tubun ak ta ate disida diaug sed dumado se ya. Ante dumado dugo Jesus in̄ malad lo tinin ibilisag ilalan̄ idu dugo dile ya. <sup>3</sup> Ago dugo in̄anen yamel isapudadeg milkouk nun̄on geig ilasa ya. Milkouk an talpein ta tan en lo yamel marasin nam ifulanip ago ilasa san tia yak ago ya. <sup>4</sup> Ago dugo malad lo dam Moses in̄ Elaija da dilasag, Jesus dida dutur go din̄in̄en se yan megeloum dil a.

<sup>5</sup> Agog Pita Jesus irupeig ibol, “Girek mañau, nek uyanan geig mañau dam e mumado da! On̄ ubol tap, lalai utol ente mabi wa, on̄ane kisaek, Moses anen kisaek, agod Elaija anen kisaek dam mususe wa.” <sup>6</sup> (In̄ fidian tubun mi direr dugo dusuruwor se yan lo, Pita ru dugo ibol an ta ilon̄ uyan na ya.)

<sup>7</sup> Agog timtaen\* ta idug yafutanai dugo awak ta timtaen an ilon̄ lo ilasag ago ibol, “En man n̄aineg Nanug, n̄ai bubeg mok a. Awan alon̄!”

<sup>8</sup> Ago dulon̄ dugo malad yau imul silatik on̄ dugo aban̄ dile itililani se yak gug tamol aenta ta dil na ya, nek Jesus mi sen kisaek sin̄ired na itur se ya.

<sup>9</sup> Saen Jesus megeloum dida did an dibiseig dumul dudu dugo, Jesus ru dabai anda ipidinai a. “An̄ aup mel e ale yan nin̄en o tamolpein aenta ta arupidai na wa. Amoi dop Tamol Nanun imat pe mutou lo fon imasap kumaen imado dop, saen an lo mel e ale yen ka abol ilasa wa.” <sup>10</sup> Ago tag

in̄ ru mel en nin̄en o in̄anen ilo girek lo dutueg yen a, ak man in̄sed nug lo din̄in̄en se ya. In̄ nug lo dusumiaen̄ ila iso, “Ru e mutou lo fon imasa wo ibol en fun mok dugo yak i?”

<sup>11</sup> Agog in̄ Jesus dusumianig igo dubol, “En ata wo kubiaen̄ san girek mañau adi in̄ Elaija imug ipalu gup ak ago dubol di?”

<sup>12</sup> Jesus awad yabig ibol, “En man ru rumok a, Elaija imug ipalup, mel fidian ikubuniaip imug dien ago mi dilasa wa. Ak man ata wo ru en digire yak i? Tamol Nanun tubun mi madai isini dop patud dupani wa. <sup>13</sup> Ak gug n̄ai n̄rupaian̄ da, Elaija ipalu la ya. Ago dugo in̄siganed ilobol lo saian dupani se ya, nek ibol girek ta in̄ nin̄en o ibol ak ago mi ilasa ya.”

*Jesus pinein ta ur saiak aman da yak ikubune ya*

*Mat 17:14-21; Luk 9:37-43a*

<sup>14</sup> Saen Jesus in̄ megeloum utol an dida dumul go megeloum aenta sad na dilasa man, tamolpein malan tubun ak dutumanig dumado dugo dil a. Ago dugo kubiaen̄ san girek mañau aenkadi megeloum adi dida ru lo nug diabi dugo dil a. <sup>15</sup> Agog tamolpein fidian saen Jesus dile man durut saian go ririan dumasalu on̄ Jesus san na dupalug ilo uyan lo duyun̄ani. <sup>16</sup> Agog Jesus tamolpein isumianai a, “An̄ kubiaek dugomaiak nug lo an̄in̄en̄ ila iso di?” <sup>17</sup> Agog doup an lulon̄ad lo tamol ta awan yabig igo ibol, “Girek mañau, n̄aineg nanug ur saiak anda yak on̄sa na n̄isini n̄palu ya. Man dugo, ur saian en iganeg awan itau a. <sup>18</sup> Aben tata lo itor dop, ur ifunip ibili idu dop, awan lo subalbal ilasap, luon igurmip tinin ikikaip ti ibol yen da. Man nin̄en o n̄ai on̄sa megeloum adi ur saiak an dukudi wo n̄usumianai, ago bo man in̄ digane san tia ya.”

<sup>19</sup> In̄ ru naon irupidaig igo ibol, “An̄ ilo rumok amam tia, nal sapta n̄ai an̄ da tumado wak i? Nal sapta muruan apanag dan n̄isinip yau ak i? Nanuk

\* 9:7: Kakao



an igo anjane apalu.”<sup>20</sup> Inj pinein an diñane dupalu ya. Saen ur saian inj Jesus ile man, silei nam pinein an ifunig itarfunig ibili yau idug, tan na idududuruk dugo itububuluk yau imul dugo subalbal awan lo ilasa se ya.

<sup>21</sup> Jesus pinein an taman isumiani, “Nal sapita kagin an inj tinin lo ilasa yak i?”

Taman awan yabig ibol, “Saen inj nanuk tusan lo mi kagin en iganeg ipalu ya. <sup>22</sup> Nal wei mi ur saiak en ifunig daon ipani dop yai lo, agod you lo ibili idup ifuni imat o igane se ya. Isop on idaisudap mel ta inj lo gane tap, ilo imunjanama dop binawama.”

<sup>23</sup> Agog Jesus taman irupe, “Ru e ‘Isop on idaisudap mel ta inj lo gane tap’ ubol en ata wo ago ubol ak i? Talpein ilo rumok aman da man, inj o mel fidian mi ka ilasa wa.”

<sup>24</sup> Ago dugo taman ririan iwagin go ibol, “Nai ilog lo rumok. Nai binawag dop niasag ilog yau imul dan nabi idu!”

<sup>25</sup> Saen Jesus tamolpein wei tinan dumasalu on dutumani se yan yil man, inj ur saiak an ru sakar nam ipeig igo ibol, “On ur saiak awa tau san agod kududo itau san, nai ru kubiaen nupano da, biseip sen lasa, fon umul tinin ilon lo ta ladu na wa.”

<sup>26</sup> Agog ur saiak an isasai saian dugo nanuk an tan fo itarfuni saian geig a, ago gug ibiseig yau a. Pinein an tan fo tubabun igo won yen, ago tag tamolpein wei mi dubol, “Inj imat mok a.” <sup>27</sup> Gug Jesus banin yabig irae dugo, pinein an imasag itur a.

<sup>28</sup> Saen Jesus ab lo iladu man, megeloum adi dida sed kisaek dumado dugo Jesus dusumiani, “En ata wo man ur saiak mukudi san ta idaisuda na yak i?”

<sup>29</sup> Inj ru naon irupidai, “Gudanek lo mi an ur saiak naok igo yak ka akudi wa.”

*Jesus saen uraru injan matej ninjen o megeloum irupidai a*

*Mat 17:22-23; Luk 9:43b-45*

<sup>30</sup> Aria, Jesus injanen megeloum adi dida aben an dibiseig, turenj diabig

diaug distrik Galili titinjaem diau se. Saen ante diau man Jesus tamolpein aenta dulong o man imoi a. <sup>31</sup> Ata wo? Inanen megeloum adi ipitenjanai se ya. Agog irupidai, “Tamol Nanun injanen ager adi sad banid lo digane wa. Inj dufuni imat, agop nal utol yau gup, afon imasa da wa.” <sup>32</sup> Ak man megeloum adi ru an san fun ta dulong uyan na ya. Taida mi, inj Jesus dusumiani wo direr se ya.

*Enti inj talpein malan te ya*

*Mat 18:1-5; Luk 9:46-48*

<sup>33</sup> Inj Kaperniam na dilasa ya. Saen inj ab ilon lo dumado dugo, Jesus isumianai, “Dal na ansem ata mel ninen o nug lo akubiai yau imul se yak i?” <sup>34</sup> Ak man inj dutokubol dumado se ya. Man ata wo? Inj dal na diau dugo inj sed lulunad lo enti inj tubun geig ak ninen o dukubiai yau imul se ya.

<sup>35</sup> Ago tag Jesus imasi dugo, megeloum 12 an dupalu wo igiai a. Saen naon na dupalu man irupidai, “Talpein ta inj yanjan tubun ilasa wo ilon ibol tap, inj gidad sen igane murna yau a, agod dam inj gidad tamolpein fidian sad biabi njalan ilasa wa.”

<sup>36</sup> Agog inj nanuk nanun ta injaneg, megeloum adi lulunad lo igunig itur a. Agog banin nam yabig ikubiaig igo irupidai, <sup>37</sup> “Talpein enti nanuk igo yak ta nai yanjan lo injanep iyunani tap, nai dam injiliag go iyunanag da. Agod talpein enti nai injiliag duman, nai mi tia ya, tia, Enti nai idinag go njupalu yan dam injaneg iyunani da.”

*Tamol ta id ninjed o ager ta imado na dan, id turad a*

*Luk 9:49-50*

<sup>38</sup> Jon Jesus irupeig ibol, “Girek manau, tamol ta inj on yanjan ibol dugo ate ur sisaiak ikudai se dugo mile ya. Ago tag man inj kulob ago igane yau o mupadau a, man dugo, inj id lo tia ya.”

<sup>39</sup> Jesus irupe, “An inj abituani amoi. Man ata wo? Talpein enti nai yanjan lo kulob dababai anda yak ta igane man, inj ririan ru saian nai

nineg o ibol ilasa san tia ya. <sup>40</sup> Man dugo, talpein enti in id o ager ta imado na dan man id turad a. <sup>41</sup> An lo n̄ai n̄urupaian da, talpein enti in, an Kristus san ak ninen o you kitek gab lo iganeg aluk o ipanañ dan, in̄anen naon ibisei san tia geig a.”

*Mel ta tamolpein aupasek digane wo iduduwai san ru*  
Mat 18:6-9; Luk 17:1-2

<sup>42</sup> “Agod talpein ta nanuk igo yak n̄ai o ilon rumok dak ta iganep aupasek lo idu tap, talpein an gidad kagin igane wa. Man dugo, pat tinan buron lo disisi idup beig lo dibal pe isarir yau man bo uyan mok a. Man ata wo, an tia tap, ai wadan n̄ai in n̄upani wan irin̄ani geig a. <sup>43-44</sup> Ulonj. On̄ bani turan aupasek lo udu san iginio tap, tutep ubal yau! Ago dop on̄ bani tia madok kumaen yen san lo ladu wo tap, an ta saian na ya. Man dugo, kabelan bani uraru mi din̄iliop Ades lo yai pempem ided dan lo dubulo wau banau. <sup>45-46</sup> Agod on̄ n̄ie turan aupasek lo udu san iginio tap, tutep ubal yau! On̄ gidad n̄ie tia madok kumaen yen san lo ladu wo tap, an ta saian na ya. Man dugo, kabelan n̄ie uraru mi din̄iliop Ades lo dubulo wau banau. <sup>47</sup> Agod on̄ mala turan iginio au upas tap, mala an bilanip biliau a. Mala kisaek ama da madok kumaen yen san lo ka ladu wa. Kabelan mala uraru mi din̄iliop Ades san yai lo dubulo wau banau. <sup>48</sup> Aben ante man,

‘in̄sad kadum ta dumat na wa,  
agod yai imat san tia geig a.’

<sup>49</sup> Nek ibol saen Anut yai digane pani man beig dam alta fufo digane yak igo wonj, Anut tamolpein fidian yai tinid fufo igane wa.

<sup>50</sup> Beig man biabi uyanan anda ya. Ak gug beig san gigen itout tap, aria dugo wonj tamol ta san gigen an iganep beig on̄ ilasa da wak i? Amaiak ninen o an̄ n̄ugnug lo beig amam da ya, agod nug lo maror amam da amado wa.”

## 10

*Nug n̄anek dututep itout san ru*  
Mat 19:1-12; Luk 16:18

<sup>1</sup> Go Jesus imasag, panu Kaperniam ibiseig, you Jordan ituteg, titin ta Judea distrik a you an aen ate yen dan lo yau a. Ante tamolpein wei mi fon in̄san na dutumani a. Agod Jesus in̄ fon in̄sinan kagin iri panim ipiten̄anai se ya.

<sup>2</sup> Ago dugo Farisi aenta dususag dusbani wo igo dusumiani, “Idaned kubiaen dugo ibol ak i? Mel ta ninen o tamol ta in̄san pein ka ibisei ak i?” <sup>3</sup> In̄ awad yabi, “Ru kubiaen dugomaiak Moses ipanañ ak i?”

<sup>4</sup> In̄ dubol, “Moses uyan ipani a, tamol ta iwon ikudi wo tap, nug banin diabi amaiak itute san girek ta igirep, iwon ipani gup ikudi yau a.”

<sup>5</sup> Agog Jesus ru naon igo irupidai, “An̄ bubem pat on̄ an ninen o Moses ru kubiaen en igire panañ a. <sup>6</sup> Ak gug fun mok lo Anut man ‘tamol in̄ pein da idirai a. <sup>7</sup> Fun an ninen o tamol in̄ tinan taman ibisawaip iwon in̄anep nug dupini dupini wa, <sup>8</sup> an lo dop uraru an kisaek mi dilasa wa.’ Amaiak ninen o in̄ uraru ago tia ya, in̄ man kisaek a, man dugo Anut in̄sen mi itumanai a. <sup>9</sup> Ak ninen o kabelan melmel a Anut itumanai an tamol ta itute banau.”

<sup>10</sup> Saen megeloum adi Jesus dida ab ilon lo dumado man, ru en ninen o Jesus dusumiani a. <sup>11</sup> In̄ ru naon igo irupidai a, “Tamol ta iwon ikudi yau dop pein sen ak in̄ane tap, iwon imug ak malan lo man tamol en pein foun an da jeit digane da. <sup>12</sup> Agod pein dam iwon tamol ikudi yau dop tamol sen ta in̄ane tap, pein en dam in̄ jeit kagin igane da.”

*Jesus in̄ nanuk in̄jal a*  
Mat 19:13-15; Luk 18:15-17

<sup>13</sup> Nal tag tamolpein in̄siganed nanuk kititik din̄jal go Jesus san na dupalug an lo banin nam ibiai ile wa. Ak man in̄anen megeloum adi dipidai se ya. <sup>14</sup> Saen Jesus yil man tin̄aen saian go igo irupidai, “Nanuk

adi n̄aisag na dupalu wo dop eilafu wa, akudai amoi. Man dugo, Anut san kagin panek aben man nanuk ago yak sadi a. <sup>15</sup> N̄ai rumok nuṅon n̄urupaian da. Talpein enti nanuk igo woṅ Anut san kagin panek in̄ane tap, in̄ Anut san kagin panek aben ilon lo ka iladu wa. Ak gug in̄ nanuk oṅ ilasa wo imoi tap, iladu san tia geig a.” <sup>16</sup> Agog in̄ nanuk adi in̄al go ilataig, banin kabuṅad fo iganeg bar ipidinai a.

*Pinein damag filian anda yak Jesus isumiani a*

*Mat 19:16-30; Luk 18:18-30*

<sup>17</sup> Jesus turen̄ yabi wo dugo, pinein damag ta imaspalu oṅ in̄san na ipalug naon na turun isoluwig isumiani, “Girek maṅau oṅ uya mok a, ata kubol n̄igane dop lo madok pempem yen yau san ka n̄in̄ane wak i?”

<sup>18</sup> Jesus ru naon ibol, “Oṅ ata wo n̄ai uyag ak ubol di? Anut sen kisaek mi uyan aman a. <sup>19</sup> Oṅ Anut san kubiaen fidian ulon̄ pasi a: oṅ ta funi imat umoi, jeit kagin umoi, ugam umoi, supalek ru ubol umoi, talpein ta rawip lo san melmel uṅal umoi, agod oṅ tina tama awad uri pani wa.”

<sup>20</sup> In̄ ibol, “Girek maṅau, n̄ai nanuk log ipalug gamu en kubiaen an fidian n̄iri n̄upani na ya.”

<sup>21</sup> Jesus tamol an malan ti ibol ile dugo buben tubun mi ipani a. Ago dugo ru en irupei a, “Oṅ mel taida niṅen o mi katuka mado da. Umul waup, melmel a oṅ da yan udad pe moni n̄anep, tamolpein mel ad tia ak wae pidinai a. Ago dop kumaen panu lo filia senamo geig ilasap yen a. Ago gup palup n̄ieg aban uri wa.”

<sup>22</sup> Tamol an ru an ilon̄ dugo ilon idug ilon ipapaog ibiseig yau a. Man dugo, in̄ tamol filian tubun anda ya.

<sup>23</sup> Agog Jesus idansag malan yaug megeloum adi yil dugo irupidai, “Tamolpein ensauta a filian tubun amad da yan, Anut san kagin panek aben ilon lo diladu san muruan kasik a!”

<sup>24</sup> In̄anen megeloum adi ru an dulon̄ go durut saian a. Ak gug Jesus fon ibol, “O nanug muroug, talpein Anut

san kagin panek aben lo isadu san man muruan geig a! <sup>25</sup> Tamol filian anda yak Anut san kagin panek aben lo ka iladu wak, an rumok tap, aria kamel ta si gubaran lo yau san man pasauman geig a.”

<sup>26</sup> Ru an dulon̄ go nen durut saian a. Ago tag in̄sed nug ilon lo diṅin̄en se ya, “Mago tap, enti mok patu pasek ka in̄ane wak i?”

<sup>27</sup> Jesus malan ti ibol go yil dugo irupidai, “Tamolpein mel en digane san ta idaisuda na ya, ak gug Anut lo mel ago man ta muruan na ya, ata wo, in̄ lo mel fidian man pasauman a.”

<sup>28</sup> Agog Pita ibol irupei, “Ule maṅ oṅ n̄ie aban muri wo mel fidian mibi-sei a!”

<sup>29</sup> Agog Jesus igo ibol, “N̄ai ru rumok n̄urupaian da, talpein enti ab ibiseig, tia tein boi, tia lun boi, tia taman boi, tia tinan boi, tia nanun muroun boi, tia siganen tan boi, an n̄ai yan̄ag yabisa wo ibisei dop man, <sup>30</sup> tan en lo Anut naon uyanan geig ipani wa. Gidad talpein an malan lo melmel a ibisawai an siṅaokan geig, in̄anen naon san melmel man nal 100 irin̄ani wa. An lo naon ago yak in̄ane wa. An man ab, tein taon, lun, tinan, taman, nanuk adi, abi dam fidian foun ak wei di wei mok in̄ane wa. Ago gug dida madai di muruan funfun dam in̄ane wa. Agod murnap mel fidian foun dilasa san saen lo man, in̄ kumaen pempem mi yen san an dam in̄ane wa. <sup>31</sup> Ak man talpein wei mi gamu in̄ malan te dan nal an lo man talpein kawan ak ago dilasa wa. Agod talpein wei mi in̄ tamol kawan igo dumado dan nal an lo malan te dilasa wa.”

*Jesus imat pe imasa da wak fon ipiteṅanai da*

*Mat 20:17-19; Luk 18:31-34*

<sup>32</sup> Aria, Jesus in̄anen megeloum adi dida Jerusalem dal diṅaneg, diau dugo Jesus imug yau se ya. In̄ ilon Jerusalem na diau wo ago yen an niṅen o megeloum adi durut saian geig a, agod tamolpein a n̄ien

aban diri dan in dida Jerusalem na diau san ninen o tubun mi direr se ya. Saen an lo Jesus fon inanen megeloum adi injal go gigin na diaug in mel dugo in lo ilasa wan ninen o irupidai a. <sup>33</sup> In ibol, "Aloŋ uyanan, id Jerusalem na tau da. Ante man Tamol Nanun dijanep pris gurman adi agod kubiaen san girek manau adi banid lo digane wa. In imat san ru ago duguni wa. Ago dop Juda tia yak sad banid lo digane dop lo <sup>34</sup> kukok aman diganep, dusulanip, lubum nam dufunip murna gup dufuni imat a. Ago digane wak man nal utol gup fon imasa dap kumaen imado da wa."

*Jems in Jon da sad sumiaen*

*Mat 20:20-28*

<sup>35</sup> Agog Sebedi nanun uraru an, Jems in Jon da, in dususag Jesus dusumianig igo dubol, "Girek manau, man iloma man, mel ninen dugo musumiano wo dak ago ka gane panama wa."

<sup>36</sup> Ago tag Jesus isumianai, "Ata mel nai njigane panan o ilom ibol di?"

<sup>37</sup> Agog in durupei, "Ru gunip, onane girager san saen idu dop, man onane badim fo on sinjire na mumado wa, kisaek on bani won ak lo dop, kisaek on bani nas ak lo wa."

<sup>38</sup> Ak man Jesus awad yabig irupidai, "Ata mel ninen o asumianag dan ninen o anjaon da. Ak dugo, gab a lo nai njaluk amaiak lo aluk o an idaisuda yak i? Tia, suguek a nai ituanag amaiak dam an ituanan dop man, an idaisuda yak i?"

<sup>39</sup> In ru naon durupei, "Awo, man idaisuda ya."

Agog Jesus irupidai, "Rumok, gab a lo nai njaluk amaiak lo an aluk a, agod suguek a nai ituanag amaiak dam an ituanan a. <sup>40</sup> Ak man an nai sinjireg na amado wa, ta banig won ak lo dop, ta banig nas ak lo, aben uraru amaiak naiseg mi njupanan san ta idaisuda na ya. Tia, naisag Tamag in sen mi tamol ta aben an ipidinai san ninen o ipilianai la ya, amaiak ninen o aben uraru an insadi mi a."

<sup>41</sup> Saen inanen megeloum 10 aenkadi mel an duloŋ man, Jems in Jon da ninedi wo tinjaed saian a. <sup>42</sup> Ago tag Jesus megeloum igiaig in san na dupalu ya. Dutumani dugo ibol, "An aloŋ ak gob adi luluŋad lo tamol a in sed gurman dubol dan, sad dabai tamolpein a paed na dumado dan dukubiai pidinai da. Ago dugo in luluŋad lo tamol a yanad ad da yan diganep tamolpein kawan ak inaned tuod paen na dumado wa. <sup>43</sup> Ak gug an luluŋam lo kagin ago yak ta ilasa na wa. Talpein ta an luluŋam lo in yan tubun ak inane wo ilon ibol tap, sen iganep ananem biabi njalan on ilasa wa. <sup>44</sup> Agod talpein ta an luluŋam lo in imug yau wo ilon ibol tap, sen igane idup an fidian ananem bigabeg urat igane panan san ilasa wa. <sup>45</sup> Nek dal kisaek an lo Tamol Nanun in sen mi, aenta in o binawek urat dupani wo ta ipalu na ya, tia, aenta ninedi wo binawek urat ipidinai o ipalu ya, agod dam sen ibiseip an lo tamolpein wei mi injal san ninen o ipalu ya."

*Jesus Bartimeus malan yafute ya*

*Mat 20:29-34; Luk 18:35-43*

<sup>46</sup> Aria, Jesus in megeloum adi dida turen diabig Jeriko na dilasa. Saen in tamolpein malan tubun ak dida taun an dibisei man, tamol ta yan Bar-timeus (an man Timeus san nanun) dal giran na imasig moni dupani wo iwagin se ya. In man tamol malan itau a. <sup>47</sup> Saen in Jesus Nasaret san tamol dal ante ipalu dan ago ilon man, awan tubun mi iwagin go ibol, "Jesus, Dawid Nanun, ilo imunanag!"

<sup>48</sup> Tamolpein wei mi dububunanig, dubol, "Awa itaup tokubol mado!" Ak man in nen tubun mi isasai, "Dawid Nanun, ilo imunanag!"

<sup>49</sup> Jesus yau on dugo wagin an ilon tag, itur dugo tamolpein dubuluwi an irupidai, "An awagi."

Ago tag in tamol malan itau an duwagig dubol, "Ilo wabisap, masa, in igio da." <sup>50</sup> Man ninen o in ririan



san yamel madid san ak iragali ibal go imasag, Jesus san na ipalu ya.

<sup>51</sup> Jesus isumiani, “On̄ ata mel n̄ai on̄ o n̄igane wo ilo ibol di?”

Agog mala itau tamol an ru naon irupeï, “Tubun en, n̄ai aban̄ n̄ile wo n̄amat da.”

<sup>52</sup> Agog Jesus irupeig ibol, “Wau. On̄ane ilo rumok iginiog uya isusa ya.” Gamu nam malan uyan ilasag aban̄ ile kisaek on̄ a. Agog dal im Jesus n̄ien aban̄ irig yau a.

## 11

### *Jesus Kin̄ on̄ Jerusalem na iladu ya*

*Mat 21:1-11; Luk 19:28-40; Jon 12:12-19*

<sup>1</sup> Jesus in̄san megeloum dida Jerusalem sumeik dupanig, Did Oliv sin̄iren na panu uraru ta yan̄ad Betfage in̄ Betani da dubol dan ate disusa ya. Ago man Jesus in̄anen megeloum uraru ta idinaig <sup>2</sup> irupidaig ibol, “An̄ urarum panu o malad yaug tile dan ate au. Aup aladu dop don̄ki foun ak ta dususeg imado dak ale wa. Don̄ki an fufu talpein ta imasi man tia ya. Kam apasip an̄anep n̄aisag na apalu wa. <sup>3</sup> Tamol ta irupaian, ‘An̄ ata wo ago agane dak i?’ ago ibol tap, an̄ igo arupeï wa, ‘Don̄ki en Tubun ak ibunawi san urat aman da ya. Milaen tiap in̄ ririan fon iganep imul ipalu wa.’”

<sup>4</sup> Aria, megeloum uraru an diaug, don̄ki foun ak ab san dalawan ate dususeg kuai te dal na itur dugo dile ya. Agog kam dusopasi a. <sup>5</sup> Ago dugo tamol aenta sumeik dutur an igo dusumianai, “Ata wo an̄ don̄ki an kam apasi di?” <sup>6</sup> Agog uraru an ru Jesus ibol ago mi durupidai a. Ago tag tamol an dilfu dugo don̄ki din̄aneg dida diau a. <sup>7</sup> Diaug, Jesus san na dilasag, in̄sad yamel milaen ak diragalig, don̄ki patun fufu duruwari a. An itout go Jesus fufu imasig dida diau a. <sup>8</sup> Agog tamolpein wei kasik in̄siganed yamel milae milae yak diragali dugo dal te na duruwari se ya. Ago dugo aenkadi garan̄ lo ai

raen dututeg dal te na bala didiri se ya. <sup>9</sup> Tamolpein aenkadi, Jesus dida imug mi diau dugo, tamolpein aenta murna dupalu se ya, in̄ fidian mi igo dubol duwagin̄ se na ya,

“Hosana!

Tamol e Tubun ak yan̄an lo ipalu den, Anut san bar in̄ane ya!

<sup>10</sup> Man̄ tubuma bage ma Dawid san kagin panek gamu ipalu dan, bar in̄ane wa!

Aben lak na geig an lo per dupano wa!”

<sup>11</sup> Agog Jesus Jerusalem na iladug yaug, tempel san sep lo iladu ya. Agog aban̄ ile itilanig mel ante dien dan fidian yil se ya. Gurai idu la yan nin̄en o tempel lubanek ibiseig kuai te ilasag megeloum adi dida dumul go Betani na diau a.

### *Jesus ai gurab imisilani a*

*Mat 21:18-19*

<sup>12</sup> Dien go tidom lom saen Betani dibisei man, Jesus imatigen. <sup>13</sup> Agog malan yaug, asau mi ai gurab ta ile ya. Gurab an roun mutunol tinan. Ago tag yaug sumeik go nun̄on aban̄ an ile, ak man nun̄on an tia, roun kawan mi a. Man dugo, nun̄on ifu san nal gamugo da. <sup>14</sup> Ago tag Jesus ai an ipeig ibol, “Talpein ta on̄ nun̄o fon ta yani na wa.” Jesus ago ibol dugo megeloum adi awan dulon̄ a.

### *Jesus tamol tempel san ar ilon lo didaen̄ digane se yan ikudai a*

*Mat 21:12-17; Luk 19:45-48; Jon 2:13-22*

<sup>15</sup> Jesus imul Jerusalem na yaug, tempel san sep ilon lo iladug, aben ante daden̄ tamol adi, agod a melmel moni nam didad se yan dam fidian ikudaig kuai te dilasa ya. In̄sad tebol fufu moni dubulsa se yan, iratitalaig yabibol idu dugo, tamol aenta muluk didad se yan sad kalik dam iratitale idu ya. <sup>16</sup> Agog tamolpein tempel san tom ilon lo melmel disini diau wo man nin̄en o ipadau a. <sup>17</sup> Agog ipiten̄anaig kududod yabig igo ibol, “Ru e Anut san buk lo digire man, ‘N̄aisag ab en gudanek san ago dubol a,

ante man tan fidian san tamolpein ka dugudani wa.  
Ak man an agane ilasag 'gumagam adi sad mianuk ab' igo yen da."

<sup>18</sup> Pris gurman adi agod kubiaen san girek manau adi ru an dulon a. Ago tag dal ta ate Jesus daon dupani san ninen o aban diabi se ya. In itaot dufuni imat san tia ya, man dugo, in ninen o direr. In dulon ak tamolpein malan tubun inisan pitejanek dulon dugo an ninen o fidian durut saian a.

<sup>19</sup> Aria, saen ad idu yau man Jesus inanen megeloum adi dida Jerusalem dibiseig diau a.

*Ai gurab a Jesus imisilani an ibun a  
Mat 21:20-22*

<sup>20</sup> Dien go tidom lom mi fon turen diabi dugo ai gurab a nor Jesus ipei funi an dile ya. Ai an dabin ateg yaug ulun na man ibun idu ya. <sup>21</sup> Pita ru a Jesus nor ibol an ilon isoug irupei, "Tubun en, ule. Ai gurab on misilani an ibun idu ya!"

<sup>22</sup> Jesus ru naon irupidaig igo ibol, "An Anut lo ilo rumok amam da amado wa. <sup>23</sup> Nai rumok nurupaian da, talpein ta in ka did en igo irupei, 'On masap, se ibulo beig lo waup udu.' Ago dop ilon ta uraru na dop, ru a ibol an nunon ilasa wak ago ilon lo rumok nunon tap, ibol ago mi inisan na ka ago ilasa wa. <sup>24</sup> Amaiak ninen o nai nurupaian da, on gudanek lo mel ta wo Anut sumiani dop, in mel an ipano la yak igo won ago ilo lo rumok a. Ago gane tap, mel an on da wa. <sup>25-26</sup> Agod saen on utur on Anut gudan dan man, talpein ta ida ru ama da tap, malmalan ilo lo saian an sasi pani wa. Agop onane Tama kumaen panu lo yan in dam onane saian an isasi pano wa."

*In Jesus dusumiani, Enti kob ipano ya?*

*Mat 21:23-27; Luk 20:1-8*

<sup>27</sup> Agog fon Jerusalem na dilasag, Jesus tempel san tom ilon lo yaug itor dugo, pris gurman, kubiaen san girek manau adi, agod tamol tutubu yak adi

inisan na dupalu ya. <sup>28</sup> Agog dusumiani, "On kob en dabai da dugon te naneg lo mel en gane dak i? Enti mok dabai en ipanog ate urat en gane wo ibol ak i?"

<sup>29</sup> Jesus awad yabig igo ibol, "Nai dam mel ta ninen o an nsumianan o da. Ago dop an imug naisag sumianek an itaot arupaiaig tap, enti mok in urat e niganen den san dabai ipanag an ka nabol pe alon a. <sup>30</sup> En dugo ilom isou di? Jon san suguek man, kagin an dugon te inane yak i? An kumaen panu san mel, tia, an tamol sad mi ak i? Abol nalon!"

<sup>31</sup> Agog in sed nugnug lo igo dininen se ya. "En man kumaen panu san mel, ago tabol tap, in igo ibol isumianad a, 'En ata wo an in ninen o ilom ta rumok na i?' <sup>32</sup> Ak gug 'En man tamol sad mel mi a,' ago tabol tap, id o dugo ilasa wak i?" (Tamol tutubu emaiak tamolpein kawan ak ninedi wo tarer na ya, ata wo, tamolpein kawan ak sad ilo sou lo man, Jon mi in profet.)

<sup>33</sup> Man ninen o in igo dubol durupei, "Man ta malon na ya."

Ago tag Jesus ibol, "Ago yak ninen o nai dam enti dabai en ipanag go ate urat e niganen den ta nurupaian na wa."

## 12

*Abi san kagin panek adi sad ru fajan*

*Mat 21:33-46; Luk 20:9-19*

<sup>1</sup> Kubiaek an itout gug, Jesus ru fajan lo kubiaen tamol adi naod na igo ibol ilasa, "Tamol ta in ai wain san abi yabig ar ifou ya. Abi an ilon lo wain patun dupartitale dop dupipi san gib yabi a. Agod in ab dam abi ilon lo yabi a. Agog in tamol ta abi an kagin dupani san ipilianaig, abi an banid lo idiri a. Aria, saen abi taman in urat an fidian igane itout man, imasag tan asau ak ate yau a. <sup>2</sup> Saen ai wain nunon ifu san nal idu man, in inanen biabi nilanal ta idinin inanen wain nunon aenta isini ipalu wo yau a. <sup>3</sup> Ak man urat tamol a abi lo dumado dan dumasag, tamol an

diabig dufunig digane imul go banin kawan yau a. <sup>4</sup>Ago tag abi taman fon urat pinein sen ta idinig yau a. Ak man dumasag kabunan ate dufunig tinin malan dusue saian a. <sup>5</sup>Aria, urat pinein sen ta idinig yau a. Agog dufuni imat a. Nek ago mi, in urat pinein aenkadi wei mi idinaig diau a. Gug abi kagin panek adi aenta dufu dugo aenkadi dufu dumat a.

<sup>6</sup>“Ago igane yaug tamol an talpein kisaek o lian idinip yau san imado. Agod talpein an inşiganen nanun mok ninen o tubun mi imat da. Wadan lo nanun en idinig yau a, man dugo, abi taman ilo sou igane man, ‘In naineğ nanuk awan kagin dupani wa.’

<sup>7</sup>“Ak man tamol abi lo urat digane dan, inşed nug lo igo dubol, ‘Tamol e ipalu yen man taman san melmel fidian mi inşane wo da. Ago yak ninen o id tufunip imat dop, inşan abi id tinane wa.’ <sup>8</sup>Ago dubol go dumasag diabig dufunig imat go tubabun dubal go ar patun fo ilasa ya.

<sup>9</sup>“Aria, abi taman dugo igane wak i? In abi lo yaup abi kagin panek adi daon ipidinaip abi an banid na ipasip urat tamol senamo yak banid lo igane wa. <sup>10</sup>Nag an ru e girek lo yen den ta asuti na i?

‘Pat nek a ab bek tamol adi dumoi dan,  
nek amaiak ab tinin fidian yabi sakar da.

<sup>11</sup>Anut sen ago igane ya,  
agod id malad lo en man sinşakan geig a.’”

<sup>12</sup>Agog tamol tutubu yan an dal ta Jesus diabi san maeg diganeg aban dile se ya. Man dugo, in dulon ak Jesus inşanen ru lo in isiai se ya. Ak man ta dusbani na ya, ata wo, tamolpein malan tubun dutumani an ninedi wo direr, ago yak ninen o Jesus dibiseig diau a.

*Kaisa san takis nılajal*

*Mat 22:15-22; Luk 20:20-26*

<sup>13</sup>Agog tamol tutubui adi in Farisi aenta agod Herod san tamol aenta dam didinaig, Jesus san na diau a. In Jesus dibitinae dop şiganen ru lo

diabi wo ilod yen ak atem diau a. <sup>14</sup>Aria, in Jesus san na dilasag durupei, “Girek maşau, maş malon ak on ru rumok san tamol. On tamol senamo yak on nıne wo ilod isou dan ninen o ta urer na da. Man dugo, gidad yanad amad da yak, tia yak dam, ninedi wo on ilo ta weiwei na da. Fun an lo on tamolpein Anut san dal an ninen o ru rumok nam itaot mi piteşanai da. Id Kaisa takis moni tupani wan uyan ak i? Tia, saian ak i? Idsad kubiaen mel en ninen o dugo ibol dan ubol malon. <sup>15</sup>Id ka tadad ak i? Tia, tia yak i? Itaot rupaiama.”

Ak man Jesus tamol adi an balek rararu san kagin lo dubol an ilon uyanan a. An ninen o in isumianaig ibol, “An ata wo bitinaek lo aginiag dak i? An moni ta asini apalup nıle.”

<sup>16</sup>Agog moni ta disinig san na dupalug dupani a. Agog isumianai, “Mıtılaen e fufo yanak digire yen enti san ak i?”

Agog awan diabig dubol, “Kaisa san.”

<sup>17</sup>Ago tag Jesus ibol irupidai, “An ninen o an mel ta Kaisa san tap, Kaisa apani wa, agod mel ta Anut san tap, Anut apani wa.”

Ru an dulon go durut saian geig a.

*Sadyusi adi Jesus diabi wo bitinaek lo digane ya*

*Mat 22:23-33; Luk 20:27-40*

<sup>18</sup>Agog Sadyusi adi maten lo kumaen masa san tia ago ilod isou dan sumiaen kisaek da Jesus san na dupalu ya. <sup>19</sup>“Girek maşau, Moses gubak mi id o igo igire ya. Tamol ta in nanuk aman tia yak imat go pein ak ibiseig imado tap, gidad tein imasap iwon ka inşanep an lo tein imat la yan wagen lo nanuk idirai dilasa wa.

<sup>20</sup>Aria, gubak mi man tein muroun nuşod 7 maş luluşama lo dumado ya. Matu ak pein inşaneg imado nag imat, ak gug in nanuk aman tia ya. <sup>21</sup>Ago yak ninen o tein imasag matu imat an san pein inşane ya. Tein bakan ak dam nanuk aman tia agog imat a, tein fon taidam in dam nek ago mi, <sup>22</sup>nek ago mi yaug nuşod 7 ante itout a. Tamol

an fidian nanuk amad tia ya. Wadan lo man pein an dam imat a. <sup>23</sup> Saen tamolpein dumat la yan fon kumaen dumasa tap, tamol an ilod lo pein an enti mok iwon ak i? Onj ulonj ak in fidian iwodi a.”

<sup>24</sup> Agog Jesus awad yabig ibol, “An afurfi saian geig a. Man ata wo? Anut san ru girek lo yen agod Anut san dabai dam anj ta alonj uyan na ya. <sup>25</sup> Saen tamol dumat pe dumasap kumaen panu na diau dop, pein ta dusu na wa, agod ante tamol man pein njed ta dupani na da. Tia, in kumaen panu san enjel igo wonj dumado wa. <sup>26</sup> Agod taida mi, tamol dumat ak fon kumaen dumasa wan ninjen o an kududom agure. Nag anj ru a Anut irupaianj an ta asuti na yak i? Inj igo ibol, ‘Nai man Abraham san Anut, naj dam Aisak san Anut, agod naj dam Jakob san Anut.’ <sup>27</sup> Anut man inj tamol dumat ak sad Anut tia ya. Tia, in man tamol kumaed dumado dak sadi a. Rumok nunjon, anj afurfi saian geig a!”

*Kubiaenj dugomaiak malan te yak i?*

*Mat 22:34-40; Luk 10:25-28*

<sup>28</sup> Kubiaenj san girek manjau ta ipalug Jesus Sadyusi dida ru lo nug diabi yau imul dugo ilonj a. Ru naon sinjakaan Jesus irupidai an ilonj tag, inj dam Jesus isumianig ibol, “Kubiaenj dugomaiak malan te yak i?”

<sup>29</sup> Jesus awan yabig igo ibol, “Kubiaenj malan te yak nek en: ‘O Isrel adi, kududom agure wa. Idsad Anut man Tubun en kisaek o lian a. <sup>30</sup> Tubun en onjane Anut ninjen o umat a, onjane bube fidian lo, onjane njutu fidian lo, onjane ilo sou fidian lo, agod onjane dabai fidian lo ago gane wa.’ <sup>31</sup> Kubiaenj turan man igo ya. ‘Onj nek ibol onjse ninje wo umat dak ago mi tamolpein aenta dam ninjedi wo umat a.’ Kubiaenj ta inj kubiaenj uraru en irinjanai man tia ya.”

<sup>32</sup> Agog kubiaenj tamol an igo ibol, “Girek manjau, onj ubol uyanan ak, Anut inj kisaek o lian, agod inj sen kisaek mi imado da, tubud taida man tia ya, ru an rumok nunjon. <sup>33</sup> Agod

talpein ta inj buben fidian lo, injanen ilo sou fidian lo, injanen dabai fidian lo yak Anut ninjen o imat, agod injanen tamolpein aenta nek ibol injen ninjen o imat dak onj, ago mi ninjedi wo imat a. Kagin naok ago yak, yai niganag mudan Anut ipani san fidian mi irinjanai geig a.”

<sup>34</sup> Saen Jesus tamol an ru naon manjau anda ipani an ile ilonj man, inj tamol an irupej, “Onj Anut san kagin panek ate asau mi ta mado na da.” Ru an itout go Jesus san ager adi sumiaek taida dusumiani wo fidian direr a.

*Kristus inj enti nanun ak i?*

*Mat 22:41-46; Luk 20:41-44*

<sup>35</sup> Jesus tempel san tumanek aben ilon lo tamolpein ipitenjanai dugo sumianek ta ipidinai a. “En dugo wonj go kubiaenj san girek manjau adi, Kristus inj Dawid nanun an dubol na yak i? <sup>36</sup> Dawid injen mi, Awan Urgun iduduwi dugo igo ibol:

‘Tubun en njaisag Tubun ak igo irupej, “Onj naj tuog won ak ate masip mado,

murna gup naj onsa ager adi njidiraip, onj nie pae na dumado dop nie nam partuanai a.”’

<sup>37</sup> Amaiak ninjen o Dawid injen mi tamol an Tubun ak ibol tap, en dugo wonj pe inj Dawid nanun ak i?”

Tamolpein malan tubun ante dumado dan injan ru dulonj dugo ilod bulbal se ya.

*Kubiaenj san girek manjau inj kagin saiak digane na ya*

*Mat 23:1-36; Luk 20:45-47*

<sup>38</sup> Jesus pitenjanek ipidinai dugo irupidai, “Kubiaenj san girek manjau adi ninjedi wo kagin agane wa. Inj kulos milae milae sinjakaan ak didirip diaup didaen aben lo dutor dop aenkadi ilo uyan ru dupidinai o ago ilod yen da. <sup>39</sup> Agod ubou ab lo kalik malan te tamol tutubu ate dumasi dan inj ate dumado da. Agod soubul lo dam nek ago mi digane dop, tamolpein inj kagin dupidinai o ago digane da. Inj se pitianoj kagin naok naok igo yan ninjen o tubun mi dumat



da. <sup>40</sup> In pein suos sad ab digam da. Agod gudanek milae milae kasik digane da, ak man an sen kawan digane da, man dugo, tamolpein dil o ilod yen da. Tamol naok ago man Anut san bitinaek nal lo naon saian geig a diñane wan tamolpein aenta sad naon irinani geig a.”

*Pein suos san lou panek tusan*

*Luk 21:1-4*

<sup>41</sup> Aria, tempel san tom ilon lo aben titin ta yen dugo ate moni san kunup yen a. Ate Jesus kunup an kitek sinjiren na imasig imado dugo tamolpein wei mi dupalu dop moni kunup lo dubal dugo yil se ya. A filiad amad da yan wei mi moni tubun mi dubal se ya. <sup>42</sup> Agog pein suos filian aman tia yan in dam ipalug pat bras uraru o lian an kunup lo ibal a. Naon man tusan a.

<sup>43</sup> Jesus inanen megeloum igiaig san na dupalug irupidaig ibol, “Nai rumok nurupaian da. Moni e pein suos filian aman tia kunup lo ibal en, tamolpein fidian sad moni dubal an irinani geig a. <sup>44</sup> Man dugo, aenkadi inaned filiad tubun ak lo moni samun diñaneg dubal a. Ak gug pein filian aman tia yan mel fidian lo katuk aman bo man, moni sapita in da yan fidian mi ibal a. An lo sen aben ipitig itout a.”

## 13

*Jesus tempel daon dupani wak ninen o ibola*

*Mat 24:1-2; Luk 21:5-6*

<sup>1</sup> Saen Jesus tempel ibisei wo dugo megeloum ta igo ibol, “Girek manau, ule, tempel san pat tintinan nunon a, inñan naon man sinjakaan geig a!”

<sup>2</sup> Ak man in ru naon igo irupidai, “An ab tintinan en eil ak i? Nai ru rumok nurupaian da, ente man pat ta kisaek sen ta tinin fufo ta yen na wa. Tia, fidian mi tamol adi dugufututep diabibol tan na dudu wa.”

*Nal wadan ilasa san kob funfun*

*Mat 10:17-22; 24:3-14; Luk 21:7-19*

<sup>3</sup> Jesus Did Oliv fo imasig imado se ya. Did a ate imado yan did tempel fufo itur dan san turan, titiñem tan ikilokan ak yen da. Agog Pita, Jems, Jon di Andru da ago mianuk lo san na dupalug dusumianig igo dubol. <sup>4</sup> “On rupaiama, saen dugomaiak lo melmel en dilasa wak i? Kob dugomaiak imug mi ilasa dop ate man malon ak, melmel en fidian dilasa wak i?”

<sup>5</sup> Agog Jesus awa biek ru igo irupidai a. “An kagin agane wa, kabelan tamol ta an irawan banau. <sup>6</sup> Tamol wei mi dupalup nai yanag dupatep dubola, ‘Nai nek emaiak Kristus.’ Ago dop tamolpein wei kasik dirawai a. <sup>7</sup> An yu ager alon ak, agod san ru tim dam alon a. Ago dop kagin agane wa, kabelan amasa saian banau, man dugo, mel en man ka ilasa wak, gug nal wadan san saen man gamugoda. <sup>8</sup> Tamol malan ta lo yu diabisap, tamol malan ta lo yu ager digane wa. Ago dop kin ta inñan tamolpein dida yu diabisap, kin sen ta inñan tamolpein dida nug dufuni wa. Agod aben sensen lo man kadag\* tubun mi idu dop kanaurig tubun ak gidigidad dilasa wa. Nek ibol pein nanuk igansi wo dop madai ile dak igo won, melmel en fidian man, madai a nal wadan ilasa san amaiak ilasa wo fun igane da.”

<sup>9</sup> “An gidad tawan aganep amado wa. In an dibian pe anñiganem panu lo ager adi banid lo didiran pe kot lo atur a. Juda adi sad ubou ab gidigidad dien dan lo an tinimi dugufutute wa. An nai naog anñanep kin adi agod gabman gurman adi naod na atur a, an nai nineg o abol dop du lon a. <sup>10</sup> Agod naineg bilalun uyanan en imug tamolpein warou adi tan tilianek fidian lo dubol ilasa dop du lon a. <sup>11</sup> Saen in an dibian pe kot lo dida au dop, ru dugomaiak abol ak ninen o ilom ta weiwei na wa. Tia, nek ru dugo Anut saen an lo ipano an mi arupidai a, man dugo, ansem ta abol na da, tia, Awan Urgan in awam

\* 13:8: Futol

lo ibol ilasa da.

<sup>12</sup>“Tein ta in tein san ager adi banid lo iganep dufuni imat a. Taman ta dam nanun muroun sad ager banid lo idiraip daon dupidinai a. Nanuk dumasap tinad tamad lo siai diganep ager banid lo didiraip dufu dumat a. <sup>13</sup>Tan en san tamolpein fidian an lo siai digane wa, en ata wo, n̄ai yanag man an̄sam na yen la ya. Ak man, talpein in̄anen ilo rumok yabi sakar yaup, saen in̄anen kumaen tan en lo itout ak ate dop, Anut talpein an patun ipasi wa.

*Murnap mel ta saian geig ak ilasa wa*

*Mat 24:15-28; Luk 21:20-24*

<sup>14</sup>“Saen ilasa dop, mel ta tempel san aben gun ak lo dugunip, mel an ate itur san tia yak ate itur dop ale wa. Mel an gubak mi profet Daniel nin̄en o ibol a. Mel an Anut malan lo man iganan geig a, nek mel amaiak igane dop daon panek ilasa wa. (On ru e suti den ulon uyan o ta pasauman na yak man, maeg gane tap ka ulon ak boi.) Nal an lo dop, tamolpein a Judea na dumado dan, dusol diaup did lulanad lo sed imianai a. <sup>15</sup>Talpein ab fufo na imado dan, imul idup ab lo in̄anen bioun isini wo ta iladu na wa, tia, itaot mi isol yau a. <sup>16</sup>Agod talpein abi lo imado dak dam, gidad imug mi yamel madid san ak in̄ane wo ta imul yau na wa. <sup>17</sup>O kabel, nal en san pein adi an luam am da, agod an pein an̄sam nanuk su apidinai dan dam, n̄ai ilog tubun mi imunan̄an da! Nal en man saian geig a. <sup>18</sup>An gidad agudani dop, mel en madid san saen lo ta ilasa na wa. <sup>19</sup>Man ata wo? Saen an lo dop muruan tubun geig ak ilasa wa. Muruan naok ago yak gubak mi ta ilasa na ya, saen tan en ilasag ipalug gamu en lo, mel igo yak ilasa man tia geig a, agod murnap fon ta ilasa da na wa. <sup>20</sup>Anut saen en itutep katukan a, in̄ ago ta igane na tap man, tamolpein fidian mi dideg diau a. Ak man, saen an lo dop Anut tamolpein a ipilianai la yan nin̄edi wo ilon isou wa. Amaiak nin̄en o in̄

saen an itutep katukan a. <sup>21</sup>Nal en lo talpein ta an irupaian pe ibol, ‘Ale, Kristus ente imado da!’ tia, ‘In̄ onte imado da!’ ago ibol dop, an̄ ilom ta rumok na wa. <sup>22</sup>Man dugo, kristus sewak ak in̄ profet sewak adi dida dilasa wa, ago dop in̄ kulob girager ak, agod mel naon senamo geig ak tamolpein malad lo dukubiaip dile wa. An lo dop idaisuda tap, in̄ tamolpein a Anut ipilianai la yan dirawaip lo diau dudu wo ago maeg digane wa. <sup>23</sup>Amaiak nin̄en o an̄ tawan̄ aganep amado wa. Mel en gamugo ilasa dugo n̄ai imug mi mel emaiak nin̄en o kuai tem n̄urupaian la ya.”

*Murnap Tamol Nanun tan na imul ipalu wa*

*Mat 24:29-31; Luk 21:25-28*

<sup>24</sup>“Saen en san muruan tubun ak itout la gup,

‘ad ta ided uyan na wa, an lo dop adian tidom on̄ ilasa dop kalam ta ided na wa.

<sup>25</sup>Ante dop patui keit dibiseip dudu wa, agod Anut in̄ mel dababai keit lo yak imiriranai a.’”

<sup>26</sup>“Saen an lo dop, tamolpein in̄ Tamol Nanun keit san timtaen fufo na itur dop dabai agod girager tubun geig aman da yak lo ipalu dak dile wa. <sup>27</sup>Ago dop Tamol Nanun in̄anen en̄el adi idiraip dufufurak diau a. Ante dop in̄anen tamolpein kob ipidinai an dutumanai a. In̄ tim sukurun iwoiwo an lo nap diñal dupalu wa, ago mi yaup tan gigin itout ak ate wa.”

*Ai gurab san ru fan̄an*

*Mat 24:32-35; Luk 21:29-33*

<sup>28</sup>“An̄ ai gurab lo ilo sou agane wa, in̄ man̄au ka ipan̄an a. Saen in̄san raen you aman da, agod roun foun ilasa dop, an̄ alon̄ ak madid itout go ad ilasa san saen sumeik ipani da. <sup>29</sup>Amaiak nin̄en o, an̄ murnap melmel fidian e dilasa den, ale dop, an̄ alon̄ ak Tamol Nanun in̄ ipalug sumeik, dalawan ante itur da. <sup>30</sup>N̄ai rumok n̄urupaian da. Warou gamu en san tamolpein gamugo itout yau dop melmel en fidian dilasa wa. <sup>31</sup>Keit

in tan da in murnap itout a, ak gug njasag ru man ta itout na wa.”

*Nal mok mel en ilasa wan id fidian ninjen o tiŋaon a*

*Mat 24:36-44*

<sup>32</sup> “Ak gug talpein ta melmel an ninedi wo nal dugo di auwa dugo dam dilasa san o ta ilon na ya. Kumaen panu san enel adi ta dulon na yak, agod Nanun sen dam ta ilon na ya. Bai inŋsen mi ilon a. <sup>33</sup> Amaiak ninjen o an tawan agane wa. An malam ipuk on amado wa. An ta alon na yak nal dugo lo ananem Tubun ak ipalu wa. <sup>34</sup> En man igo ya. Tamol ta in tan asau ak ate yau o dugo inanen urat biabi urat pinein banid lo iganep, anen anen inŋsiganed urat ipidinai a. Ago dop dalawan titianek tamol irupe, ‘On ŋai ŋamul ŋupalu san ninjen o tawan ganep mado wa.’

<sup>35</sup> “Amaiak ninjen o an tawan aganep amado wa, man dugo, nal mok lo ab taman imul ipalu wak an ta alon na ya. Gurai lo boi, tidom tubun lo boi, kurek ibob san saen lo boi, tidom lom mi boi, an anjaon da. <sup>36</sup> In ririan imul ipalu dop, an kabelan njon abip amado dop ilian banau. <sup>37</sup> Ru e ŋai nŋrupaian den, ru kisaek mi tamolpein fidian nŋrupidai da: ‘Tawan ganep amado!’ ”

## 14

*Gurman adi Jesus dufuni imat o awad dutumani a*

*Mat 26:1-5; Luk 22:1-2; Jon 11:45-53*

<sup>1</sup> Tumanek tubun ak yanjan Pasova dubol dan san saen idu san, nal uraru o lian yen da. An itout gup, tumanek aenta yanjan Bret Yis Aman Tia ak San Soubul dubol dan ilasa wa. Pris gurman adi agod kubiaen san girek manau adi in dal ta pasak nam ate Jesus diabip dufuni imat san ninjen o aban diabi se ya. <sup>2</sup> Agog dubol, “Soubul nal tutubu e ilasa den lo ta tigane na wa, kabelan tamolpein dile dop dumasap ager diganep aben daon dupani banau.”

*Pein ta Betani na guren Jesus kabujan fufo ikulmaek a*

*Mat 26:6-13; Jon 12:1-8*

<sup>3</sup> Jesus in Betani panu na imado dugo, tamol ta yanjan Saimon tinin lepra aman da yak san ab lo ida dumado se ya. In tebol giranen na imasig imado dugo inuai se ya. Ago dugo pein ta in guren, pat butol alabasta nam digane yan sinjaokan ak, isinig san na ipalu ya. Butol an ilon lo guren naon lak na geig ak, yanjan nard dubol dan, awan isa. Aria, Jesus anan yani dugo pein an ilasag, butol buron ibalsinig guren an kabujan fufo na iwali idu ya.

<sup>4</sup> Saen aenta ate dumado yan mel ago dile man, tiŋaed saian go nug lo dubol ila iso se, “En ata wo on guren kawan bidani dak i? <sup>5</sup> Gidad tubuseip, tamol didad pe moni tubun mi lo tiŋane wa. Tamol ta ananjar kisaek urat igane dak san naon, moni nek ago yak ka tiŋane wa. Ago dop tamol filiad tia yak ka tupidinai a.” Agog ru dabai nam pein an dupei a.

<sup>6</sup> Ak man Jesus ibol irupidai, “An pein en abisei! En ata wo muruan apani dak i? In man ŋai ninjen o kulob sinjaokan geig ak igane ya. <sup>7</sup> Saen fidian tamolpein filiad tia yak dida amado da, agod an ka ananem ilobol lo abinawai a, ak gug ŋai man saen milaen an da ta tumado na wa. <sup>8</sup> In mel kabelan igane wo idaisuda yan ago igane ya. In ŋai tinig fufo guren iwali an lo man, in njasag sisanug mutou lo digane wak san dal ikubune ya. <sup>9</sup> Nai ru rumok nŋrupaian da. Tan dugon te bilalun uyanan en dubol ilasa wan, ante dam kulob e pein emaiak igane yen ninjen o dubol ilasap, lo pein en ninjen o ilo sou digane wa.”

*Judas Jesus ager adi banid lo igane san promis ipidinai a*

*Mat 26:14-16; Luk 22:3-6*

<sup>10</sup> Agog Jesus san megeloum 12 an ilon lo tamol kisaek, yanjan Judas Iskeriot, imasag pris gurman adi sad na yaug, Jesus ager adi banid lo igane

wo ilon ago ibol dan irupidai a. <sup>11</sup> Ru an duloŋ go ilod uyanan a, ago tag in moni dupani wo ru dufuni a. Amaiak niŋen o nal an log ipalu, dal uyan ak ta ilep ate Jesus banid lo igane san niŋen o abanŋ yabi se ya.

*Jesus saen wadan megeloum dida ananŋ diani a*

*Mat 26:17-25; Luk 22:7-14,21-23; Jon 13:21-30*

<sup>12</sup> Bret yis aman tia yak san soubul gun, inŋsan nal malmalan lo, megeloum adi Jesus san na dupalu ya. Nal an san saen lo man Isrel adi Pasova san sipsip nanun dufu dumat san a. Megeloum Jesus san na dilasag dusumianig dubol, “Onŋsa ilo lo, dugon te maup melmel mukubinep oŋ ate Pasova san ananŋ wani wo ubol dak i?”

<sup>13</sup> An lo Jesus megeloum nuŋod uraru itarpasaig igo irupidai, “Anŋ aup taun tubun ak lo aladu wa. Ante man tamol ta you kapen anda isini ipalu dop ilianŋ a. Ago dop niŋen aban ari wa. <sup>14</sup> Ab dugon te iladu wan, anŋ dam ilon lo asudap, ab taman igo abol arupeŋ, ‘Girek Manŋau igo isumi-aenŋ a, galuŋ dugomaiak lo, ate niŋane megeloum dida Pasova ananŋ mani wak i?’ <sup>15</sup> Agop galuŋ tubun a ab fufo yen dan, agod ilon lo mel fidian dukubune lag idaisuda yen dan ikubiai pananŋ a. Ante idsad ananŋ akubune wa.”

<sup>16</sup> Megeloum uraru an dal diabig taun tubun ak lo diau a. Ante mel fidian Jesus ibol ago mi dile ya, agod Pasova san ananŋ dukubune ya.

<sup>17</sup> Gurai idu dugo Jesus inŋanen megeloum 12 dida dupalu ya. <sup>18</sup> Saen inŋ sisem tebol giranŋen na dumasig ananŋ diani dugo, Jesus igo ibol, “Niŋai rumok niŋurupaianŋ da, tamol ta ete niŋai da ananŋ tani tumado den, inŋ niŋai ager adi banid lo iginiag niŋau a.”

<sup>19</sup> Ru an duloŋ go ilod muruan idu ya. Agod inŋsed kisaek kisaek Jesus dusumianig dubol se, “Dugo niŋai tia i?” Ago ago dubol yau se ya.

<sup>20</sup> Jesus ru naon ibol, “Tamol en man megeloum 12 luluŋam lo imado

da. Tamol nek a bret inŋanep daeg san tuor lo niŋai da sisem banima idu dan, nek amaiak niŋai ibilag pe ager banid lo niŋau a. <sup>21</sup> Tamol Nanun inŋ nek ibol ru buk lo inŋ niŋen o digire an, nek ago mi yau da. Ak gug tamol enti a Tamol Nanun inŋanep inŋanen ager adi sad tuod lo yau an, rumok inŋ muruan tubun kasik ak ile wa! An lo gidad tamol an san tinan ta igansi na tap, an inŋ o uyanan mok a.”

*Jesus inŋ bret agod wain da inŋanep megeloum ipidinaŋ a*

*Mat 26:26-30; Luk 22:14-20; 1Kor 11:23-25*

<sup>22</sup> Aria, inŋ ananŋ diani dugo Jesus bret inŋanep, Anut ilo uyan ru ipanig yafuteg, inŋanen megeloum ipidinaŋ dugo ibol, “Anŋ anane, en man niŋaisag tinig.”

<sup>23</sup> Agod wain gab inŋanep, Anut ilo uyan ipanig, iwae pidinaŋ, inŋ fidian lo duluk a. <sup>24</sup> Agod inŋ irupidaig ibol, “En man kontrak san dar, tamolpein wei mi sad aupasek isuas o niŋuwali idu wa. <sup>25</sup> Niŋai rumok niŋurupaianŋ da, niŋai fon ai wain san nuŋon lo ta niŋaluk na wa, ago yaup nal amaiak ante niŋai fon anŋ da Anut san kagin panek aben lo taluk la gup ilasa wa.”

<sup>26</sup> Agod inŋ Isrel san bar ta diabig itout go galuŋ an dibiseig Did Oliv fo na disuda diau a.

*Jesus Pita inŋ niŋen o itot ak ago ibol a*

*Mat 26:31-35; Luk 22:31-34; Jon 13:36-38*

<sup>27</sup> Diau dugo Jesus inŋanen megeloum adi ru igo irupidai, “Gamutidom nek en lo, anŋ fidian mi niŋai niŋeg o ilom idu yaup abisawag a. Man dugo, Anut san girek lo ru igo ibol, ‘Niŋai titianek tamol niŋufuni wa, agod inŋsan sipsip adi dusol gidigidad diau a.’

<sup>28</sup> Ak man Anut niŋai ibiagsap fon niŋumasa la gup, niŋai anŋ naom na imug mi Galili na niŋau a.”

<sup>29</sup> Pita irupeig ibol, “Tamol fidian inŋ bo oŋ niŋe wo ilod idup dubusawo wak gug, niŋai man tia wa!”



<sup>30</sup> Jesus awan yabig ibol, “Njai rumok n̄urupaio da, gamu tidom nek en lo kurek saen uraru gamugo ibob dop, nal utol oñ n̄ai utot a.”

<sup>31</sup> Ak man Pita ru dabai ak nam irupeï, “Gidad, n̄ai oñ da tamat bo man, n̄ai oñ niñe wo ta n̄atot na wa, tia geig a!” Ago dugo megeloum fidian mi nek ago mi dubol se ya.

### *Jesus Getsemani na igudani a*

*Mat 26:36-46; Luk 22:39-46*

<sup>32</sup> Ago man Jesus in̄ dida, aben ta yan̄an Getsemani dubol dan ate diau a. Ante in̄ megeloum adi irupidai, “An̄ ente amasip amado dop, n̄ai titin onte n̄aup gudanek n̄igane wo da.”

<sup>33</sup> Agog in̄ Pita, Jems agod Jon dida in̄al go diau a. Saen an lo in̄ fun iganeg ilon ipapao\* dugo ilon dam muruan idu se ya. <sup>34</sup> An lo igo irupidai, “Njai ilog tubun mi muruan dugo n̄amat o sumeik da. An̄ gidad ete n̄ai da malad ipuk pe tumado wa.”

<sup>35</sup> Ago dugo in̄ ipar kitek ilag, sen ibilig tan fo idug yen dugo Anut igudani man, isop Anut ilon tap, nal en san muruan ka ipasi pani wa. <sup>36</sup> In̄ igo ibol, “Bai, n̄ai Tamag, oñ mel fidian ka gane wo idaisuda ya. Oñ gab en n̄ai banig lo ka pasi wa. Ak gug oñ n̄aisag ilog ta uri na wa, tia, oñ man oñsina ilo mi uri wa.”

<sup>37</sup> Agog in̄ in̄anen megeloum adi sad na ipalug, malan yaug dien dugo yil a. An lo in̄ Pita irupeig isumiani, “Saimon, en dugo, oñ n̄ion wabi di? Oñ auwa kisaek n̄ai da malad ipuk pe tumado san ta idaisuda na yak i?”

<sup>38</sup> Oñ mala ipuk dop mosiai a, man dugo, kabelan mel ta ikubiano san ipalup ilio banau. Rumok, ilo ibol dak gug tini dabai ama tia ya.”

<sup>39</sup> In̄ saen uraru imul yaug ago mi imosiai a. <sup>40</sup> Saen imul ipalu man n̄ion diabi dugo yil da ya, man dugo, malad muruan geig a. In̄ ata ru durupeï san ta dulon na ya.

<sup>41</sup> Saen utol imosiai itout gug, megeloum adi fon sad na ipalug igo irupidai, “An̄ n̄ion abi dugo yaes abal

you dak i? An nek a! Ale, n̄aisag saen idu wo da, Tamol Nanun aupasek tamol adi tuod lo digane san saen idu la ya. <sup>42</sup> Amasap, tau o da. Ale, tamol enti a n̄ai ager tuod lo isodudunag san man sumeik ipanad la ya!”

### *Ager tamol adi Jesus diabi a*

*Mat 26:47-56; Luk 22:47-53; Jon 18:3-12*

<sup>43</sup> Jesus in̄in̄en go imado dugo Judas ipalu ya. In̄ megeloum nuñod 12 ak lulunad lo mi aben aman da ya. In̄ ipalu dugo ida tumanek malan tubun ak in̄ sabiri agod tok dam duburoung naon na dilasa ya. Pris tutubu yak, kubiaen̄ san girek man̄au adi, agod Isrel adi sad tamol gurman didinaig dupalu ya. <sup>44</sup> Imug mi palan̄ niganag tamol a in̄ tuod lo igane san man, kob ta dam niñen o igo irupidai, “Tamol a n̄ai musuk n̄upani dop ale wan, nek an Jesus, an̄ tamol amaiak abip yu tamol adi dulubanip diñanep dida diau a.”

<sup>45</sup> Aria, in̄ Jesus san na ipalu kisaek oñ go ibol, “O girek man̄au” Ago ibol go musuk ipani a. <sup>46</sup> Agog in̄ Jesus duparsikawig diabig dusebani a. <sup>47</sup> An lo man tamol ta in̄ Jesus sin̄iren na itur an, sinan sabiri igursi go pris gurman san urat pinein ifunig, kududon ituteg idu ya.

<sup>48</sup> Jesus in̄anen ager adi irupidaig ibol, “En ata wo an̄ sabiri in̄ ai tok da asinig aliag pe abiag o apalu yak i? Ak dugo, n̄ai man wagai adi gabman mabi idu san gurman igo won̄ ago ilom isou di? Nal fidian n̄ai tempel aben lo n̄umasi dugo n̄upiten̄anai se ya, ak gug an̄ n̄ai ta abiag na ya. <sup>49</sup> Ak man melmel en fidian ilasa san fun man, ru gubak mi Anut san buk lo digire yan gamu en nuñon ilasa wa.”

<sup>50</sup> Agog megeloum adi fidian mi Jesus dubuseig dusol go diau a.

<sup>51</sup> Pinein ta, tinin yamel ta itabug oñ, Jesus n̄ien aban iri se ya. Saen Jesus san ager adi pinein en dile man, diabi wo duparsikawi a. In̄san yamel diabi a, gug in̄ yamel iragalig, banid

\* **14:33:** Ilon itau

lo ikisaluk ilasag, <sup>52</sup> yamel banid lo ibiseig taen kawan isol go yau a.

*Jesus pris gurman naon na ru lo itur a*

*Mat 26:57-68; Luk 22:54-55,63-71; Jon 18:13-14,19-24*

<sup>53</sup> Tamol adi Jesus diabi an, dijaneg pris gurman san ab lo diau a. Ante man kubiaen san girek manau adi, pris tutubui adi agod Isrel san gurman adi dutumani lag malan digane se ya. <sup>54</sup> Ak man Pita in Jesus nien aban irig diau ak gug, in kitek asau mi imado ya. In pris gurman san ar lo iladug ai katuk adi dida dumado ya. Tidom an madid ninen o yai lo tinid isue dugo dumado se ya.

<sup>55</sup> Pris tutubui adi, agod kaunsil fidian mi, tamol aenta digiaig sewak ru dubol dop, Jesus kagin saiak ta igane yak tap, ate dufunip imat san dal ta dile wo dukubiai na ya. <sup>56</sup> Ak man tamol wei mi sewak ru amad da yan naod na dilasa bo man, dal ta dile man tia ya, man dugo, ru ta naon kisaek dubol ilasa man tia ya.

<sup>57</sup> Agog tamol aenta dutur man Jesus tinin lo dusupaleg igo dubol, <sup>58</sup> "Man ru igo ibol dugo malon a. 'Nai tempel e tamol banid nam dususe yen njurubep, nal utol lo mi foun ak njabisa wa, an man tamol banid nam ta dususe na ya.' " <sup>59</sup> Gug dal sensen lo dam ru an dubol se ya, ru naon kisaek tia ya.

<sup>60</sup> Ago dugo pris gurman in naod na itur dugo igo ibol Jesus isumiani, "On ru naon ta ubol san tia yak i? Ru e on nje wo tamol emaiak dubol den dugo yak i?" <sup>61</sup> Ak man Jesus ru ta ibol man tia ya, itokubol itur se ya.

Agog pris gurman fon Jesus isumiani, "Dugo, on Kristus, Anut Nanun i?"

<sup>62</sup> Ago man Jesus igo ibol irupe, "Awo, nai mi Kristus. An murna gup Tamol Nanun in Dabai Tubun Geig ak san banin won ak ate imasi dop ale wa. Agod Tamol Nanun keit san timtaen fufo na imado dop ipalu wa, mel amaiak dam ale wa."

<sup>63</sup> Agog pris gurman, ru an ninen o imasa saian go inanen kulos irasireg igo ibol, "Gidad, tamol taidam, tamol en san kagin ninen o dubol ilasa san id ta tigi ai na wa. <sup>64</sup> Man dugo, gamu geig inanen ru lo Anut yan an irube idu yan ansem alon a. Ansam ilo sou lo, dugo won id tamol en ninen o tiganewak i?"

In fidian dubol ak, tamol en mel saian geig ak igane, an ninen o ka imat on a. <sup>65</sup> Ago man in Jesus naon fo na dulusu se ya. Aenta Jesus yamel nam malan dufoug banid nam dufuni dugo naon dugufute on dugo igo dubol se, "Profet ru ubol ilasa!" Ago dugo yu tamol adi tinin dusue ditare se ya.

*Pita Jesus ninen o itot a*

*Mat 26:69-75; Luk 22:56-62; Jon 18:15-18,25-27*

<sup>66</sup> Aria, Pita in ab patun fo ar ilon lo imado dugo, pris gurman san urat pein ta sinjiren na ipalu ya. <sup>67</sup> Saen Pita yai giranen na tinin isue dugo ile man, malan ti ibol go irupe, "On dam Nasaret tamol amaiak ida amado na ya."

<sup>68</sup> Ago dugo Pita ru a pein ibol an ninen o itot go igo ibol, "Ru on ubol dan nai ta nalon na ya, nai mel en ninen o njanon geig a." Ago ibol go yang ar san dalawan te imado.

<sup>69</sup> Murna gug dalawan te imado dugo, urat pein an fon ileg ninen o tamolpein sumeik dumado yan fidian irupidai, "Tamol en in lulanad lo imado se ya." <sup>70</sup> Pita fon itot a.

Saen kitekan go tamol adi sumeik dutur an Pita durupeig dubol, "Rumok geig, on in lulanad lo mado da, man ata wo, on Galili tamol."

<sup>71</sup> Agog Pita in Anut misilane ru ka ipani wan ninen o ru naok ago yan lo, fun iganeg sen imisilanig igo ibol, "Nai tamol en ninen o abol den ta nalon na ya."

<sup>72</sup> In ru ibol itout dugo, kurek saen uraru ibob kisaek on a. Ago dugo Pita in Jesus ru ibol an ilon isou a, "Kurek gamugo saen uraru ibob dop, saen utol nai ta ulon na yak ubol a." Ago

man in ilon ipapaog tinañ tubun mi igane se ya.

## 15

*Jesus diñaneg, Pailat san na diau a*  
*Mat 27:1-2,11-14; Luk 23:1-5; Jon*  
*18:28-38*

<sup>1</sup> Salso idu dugo pris tutubui adi, Isrel tamolpein sad gurman adi, kubiaen san girek mañau adi, agod inaned Sanhedrin kaunsil fidian mi mel dugomaiak digane wo awad kisaek a. Agog Jesus banin dusb-anig, diñaneg, diaug Pailat banin lo digane ya.

<sup>2</sup> Pailat Jesus isumiani, “Onñ Juda sad kin ak i?”

Jesus ru naon irupeï, “Awo, onñ nek ubol a.”

<sup>3</sup> Agog pris gurman adi ru wei kasik Jesus tinin dusupaleg dubol se ya.

<sup>4</sup> Amaiak niñen o Pailat irupeig isumiani, “Ulonñ, inñ ru sapita wei mi dupano da. Ak dugo, onñ ru naon ta ubol san tia yak i?”

<sup>5</sup> Ak man Jesus ru naon ta Pailat irupeï man tia ya, an niñen o Pailat ilo sou wei mi igane se ya.

*Pailat Jesus aigim fo dibali wo ibol a*

*Mat 27:15-26; Luk 23:13-25; Jon*  
*18:39-19:16*

<sup>6</sup> Aria, anañar fidian, tumanek gun an san saen lo mi, inaned tamol kagin igo ya. Gabman san tamol malan te yak, subanek tamol kisaek o lian amaiak tamolpein yañan dupate dop, ipasip kawan imado wa. <sup>7</sup> Saen an lo man tamol ta yañan Barabas inñ wagai tamol aenta dida subanek lo dumado ya. Wagai tamol emaiak Rom gabman malan dusue wo dumasag ager diganeg tamol aenta dufu dumat a. <sup>8</sup> Aria, tamolpein dutumanig dutur den Pailat san na duparsikawig dusumiani man, kagin a gubak mi iri na yan gamu en dam iri wa.

<sup>9</sup> Agog Pailat doup tubun adi isumianaig ibol, “Anñ ilom dugo ibol di? Juda sad kinñ nñubuseip anñsam na imul o?” <sup>10</sup> Inñ ilonñ uyan ak

man, tamol adi an inñ turak susai lo mi Jesus diñaneg kot lo dupalu ya. <sup>11</sup> Ak gug pris tutubui adi tamolpein dududuwai dugo ilod diabisa dop, inñ Pailat duwaginñ pe Barabas ipasi wo dubol a.

<sup>12</sup> Agog Pailat ibol isumianai, “Ago yak niñen o anñsam ilo sou lo, Jesus e anñ Kristus abol den niñen o nñai dugo nñigane wak i?”

<sup>13</sup> Agog inñ disasai, “Aigim fo bali wa!”

<sup>14</sup> Pailat isumianai da, “An ata mel o? Inñ ata mel saian ak igane yak i?”

Ak man inñ awad tubun mi geig disasai, “Aigim fo bali wa!”

<sup>15</sup> Man niñen o Pailat doup tubun an ilo uyan ipidinai o ilon ago ibol ak niñen o, inñ Barabas inñsad na ipasi a. Agog ru iganeg Jesus diabig rasau nam dufuni a. Dufunig itout go inñanen yu tamol adi banid lo aigim fo dibali wo igane ya.

*Yu tamol adi Jesus kukok aman digane ya*

*Mat 27:27-31; Jon 19:2-3*

<sup>16</sup> Agog gabman malan te yan san yu tamol adi, Jesus diñaneg gabman san ab lo diau a. Ante man inñ Pailat san yu sawar fidian mi dupalu wo digiai a. Dupalug Jesus san na dutumanig dubuluwi a. <sup>17</sup> Inñ yamel daran ak ta tinin fo na ditabug pani a. Ago dugo inñ kam dudurun aman da yak, kinñ san kitikat igo wonñ ditiladeg, Jesus kabuñan fo na disisi idu ya. <sup>18</sup> Agog inñ kukok aman digane dugo igo dubol, “Per o, Juda sad Kinñ!” <sup>19</sup> Agog tinin fo dulusu se ya, ago dugo makud diñaneg ate kabuñan te dufuni idu se ya. Ago dugo naon na turud disoluwig, yañan diabisa dugo kukok aman digane se ya. <sup>20</sup> Saen kukok aman digane itout man, yamel dupasig tinin fo inñsiganen kulos digane pani a. Agog aigim fo dibali wo diñaneg diau a.

*Jesus aigim fo dibali a*

*Mat 27:32-44; Luk 23:26-43; Jon*  
*19:17-27*

<sup>21</sup> Jesus diñaneg turenj diabig diau dugo, yu tamol adi dal na taun Sairini san tamol, yañan Saimon, dile ya. Inj man Aleksanda inj Rufus da sad tamad, abañ lubanek ibiseig dal Jerusalem na yau ante Jesus irinani wo itor dugo, yu tamol adi dile ya. Inj disodudunig Jesus san aigim isini a. <sup>22</sup> Inj diaug aben ta lo dilasa, yañan Golgota. Yanak an fun igo ya, “Kabunak tatu san aben.” <sup>23</sup> Aben ante dilasag, marasin yañan mirr dubol dan wain da dukubulig Jesus iluk o dupani a, ak gug inj ta iluk na ya. <sup>24</sup> Agog inj Jesus aigim fo dibali a. Inj dibali itout go inşed nug ilon lo inşan kulos dibititip anen anen kulos diñane wo ate satu dukok se ya.

<sup>25</sup> Ad mitilaen 9 kilok, saen an lo Jesus aigim fo dibali a. <sup>26</sup> Ru ate kot dupani an, aigim fufo na dubali a. Ru en san sutek man, En Juda sad Kinj. <sup>27-28</sup> Agog Jesus giranjen na man, gumagam tamol wagai amad da yak nuñod uraru inj dam aigim fo dubal-aig dusanai a. Inşad aigim man turan tuon won ak ate dugo, turan tuon ñas ak ate duguni a. <sup>29</sup> Inanen ager adi diau dumul dugo nao futek ru wei mi tinin fo dubal dugo, kabunad dukupari pani na ya. Inj dubol a, “On man tamol amaiak tempel ratitale idup, fon ad utol lo wabisa wo ubol a! <sup>30</sup> Aria, se patu ipaso wa, gamu en aigim biseip tan na udu wa!”

<sup>31</sup> Nek ago mi pris tutubui adi, kubiaen san girek manau adi dam, sed luluñad lo kukok an digane se ya. Inj dubol se, “Inj tamol aenta patud ipasi na yak gug, sen patun ipasi san man tia ya! <sup>32</sup> En man Kristus, Isrel sad Kinj. An ninjen o inj aigim ibiseip idu dop, an lo id tile dop ka ilod lo rumok a.” Dal kisaek mi lo tamol uraru a Jesus dida aigim fo dusanai an dam nao futek ru wei mi tinin fo dukul-maek se ya.

### *Jesus imat a*

*Mat 27:45-56; Luk 23:44-49; Jon 19:28-30*

<sup>33</sup> Ad mitilaen 12 kilok an lo, tidom tubun tan yafutani geig go yaug 3

kilok gurai isi a. <sup>34</sup> Saen kitek 3 kilok sumeik ipani dugo, Jesus awan tubun mi iwagin dugo ibol, “Eli, Eli, lama sabaktani?” Ru en fun igo ya, “Ñaisag Anut, ñaisag Anut, en ata wo ñai bi-sawag ak i?”

<sup>35</sup> Tamol aenta sumeikan dutur dan, ru en dulon go ago dubol, “Alon, tamol en man Elaija iwagi da.”

<sup>36</sup> Ago dugo yu tamol ta inj imaspalu yau silatik on go, mel ta beig san titalinj igo won ak inaneg, wain gigen an lo isominig, dumadum ate ifoug, Jesus awan te isou isudag iluk o iwate ya. Agog inj ibol, “Amoi dop id tile gup, nap Elaija ipalup aigim lo ipasip idu wo ipalu wak boi, nap tia boi.”

<sup>37</sup> Agog Jesus awan tubun mi iwagin go yaes ibal itout go imat a.

<sup>38</sup> Saen nek amaiak lo mi, yamel tubun ak tempel lo iyuk yen an, o lak na fun iganeg imasireg yaug tan na idu ya, agog uraru dilasa ya. <sup>39</sup> Saen yu tamol sad gurman Jesus naon na itur an, Jesus waginj dugo ilon, agod dal dugomaiak lo imat man, inj ibol, “Rumok geig, en man Anut Nanun!”

<sup>40</sup> Pein adi aenta ate dumado se yan, asau mi dutur dugo leil digane ya. Luluñad lo pein kisaek ta man taun Magdala san Maria, agod ta man Maria, Jems a bakan ak dubol dan inj Joses da tinadi, agod Salome. <sup>41</sup> Pein adi an saen Jesus Galili ilon lo turenj yabi dugo dubunawi wo ñien aban diri na ya. Pein aenta wei mi dam inj Jesus dida Jerusalem na dupalu yan luad disa dugo leil digane se ya.

### *Jesus san tubabun pat gubaran lo digane ya*

*Mat 27:57-61; Luk 23:50-56; Jon 19:38-42*

<sup>42</sup> Nal amaiak man yañan Kubunek Nal dubol da. (Nal tinin te ubou san nal.) Amaiak ninjen o saen gurai idu dugo, <sup>43</sup> Josef Arimatea san tamol, inj man Juda sad Sanhedrin kaunsil luluñad lo tamol kisaek a, agod inj dam Anut san kagin panek ilasa wo malan igane se ya. Inşen ilon yabisag Pailat san na yaug Jesus san tubabun ipani wo isumiani a. <sup>44</sup> Saen Pailat Jesus



imat la yan ilonj man, irut saian. Yu tamol sad gurman ipalu wo iwagi a. In ilasa dugo Pailat isumiani, “Dugo, Jesus imat la yak i? Tia, gamugo di?”<sup>45</sup> Yu tamol gurman an Jesus imat la yan irupei a. Ago yak ninjen o Pailat Josef Jesus san tubabun ipani a.<sup>46</sup> Josef yang yamel ikokan foun geig ak idad a, agog yang Jesus san sisanun aigim fo ipasig, yamel an ate ibuluwig, isinig yau a. Agog mutou foun ak lo igane ya. Mutou an man pat san gib, gubak mi pat lo diabi a. Aria, Jesus san sisanun pat gib an ilon lo yen dugo, Josef pat muruan tinan ak ta ibili ipalug mutou awan ate ibalfutani a.<sup>47</sup> Ago dugo Maria, Magdala pein, agod Maria ta Joses tinan, nunod urarum Jesus dugon te digansig yen den leil dupani a.

## 16

### *Jesus fon kumaen imasa da ya*

*Mat 28:1-8; Luk 24:1-12; Jon 20:1-10*

<sup>1-2</sup> Aria, ubou nal Sabat dubol dan itout go nal murna, ubou turan san nal malmalan ak, san salso sumeik idu se ya. Saen an lo taun Magdala san Maria, Maria ta in Jems tinan, agod Salome, in marasin uyan ak ate sisanun tinid dububuni wan dijane diaug ate Jesus san sisanun dububuni wo mutou fun na diau a.<sup>3</sup> Turen diabi dugo in nug dusumiani, “Enti mok pat tubun a mutou awan te yan ibilip yau panad ak i?”

<sup>4</sup> Mutou fun na dilasag malad dia-bisa man, pat tubun an dubulig yang, gigin na yen dugo dile ya.<sup>5</sup> Saen pat gubaran ilon lo diladu man, malad yang pinein ta yamel milkouk di milaen ak igane yan dile ya. In pat gubaran titin won ak lo imasig imado se ya. Dile man durut go direr saian geig a.

<sup>6</sup> Agog in irupidai, “An arut arer amoi. An Jesus Nasaret san tamol aigim fo dibali amaiak abanan abi da. In kumaen imasa ya! In ete man tia ya. Apalup, aben e diganeg yen en ale.<sup>7</sup> Ago yak ninjen o amul aup,

inanan megeloum adi, Pita dida, bilalun en arupidai a, ‘In imug mi Galili na yau dop an apalu wa. Onte gup ale wa, nek ibol in sen gubak mi irupidai ak ago ya.’ ”

<sup>8</sup> Agog pein utol an dusuruwor dugo ilod ibarkikaruk saian geig a. An ninjen o pat gubaran dibiseig kuai te dilasag dusol go diau a. In ru ta tamolpein aenta lo mel an ninjen o ta dubol ilasa na ya, man dugo, in direr geig a.

### *Magdala san Maria Jesus ile ya*

*Mat 28:9-10; Jon 20:11-18*

<sup>9</sup> Aria, Jesus imasa yak san nal man, ubou turan san nal malmalan ama ya. Saen an lo in imug mi Magdala san pein Maria, naon na kuai isi dugo ile ya. Wagam mi Jesus ur sisaik 7 pein an tinin lo ikudaig diau ak ama ya.<sup>10</sup> Pein an yang, tamolpein a gubak mi Jesus dida turen diabi na yan, ilod ipapao dugo ditata on se yan insad na ilasag mel dugo ilasa yan ninjen o irupidai a.<sup>11</sup> Ak gug saen Jesus kumaen imado dugo Maria ile man, ru ibol an ninjen o ilod rumok man tia ya.

### *Megeloum uraru dal te Jesus dile ya*

*Luk 24:13-35*

<sup>12</sup> Murnag tamol uraru gubak mi Jesus njen aban diri na yan, Jerusalem lubanek ilon lo turen diabi se ya. Dal im diau dugo, Jesus naod na ilasa man naon tinin sen geig, agog dida diau se ya.<sup>13</sup> Tamol uraru emaiak dumul diaug aenta durupidai a, ak gug in tamol uraru an dam ilod lo ta rumok na ya.

### *Jesus megeloum murnap ata digane wak ninjen o irupidai a*

*Mat 28:16-20; Luk 24:13-53; Jon 20:19-23; Apo 1:6-8*

<sup>14</sup> Murna gug saen megeloum 11 anan dunuai man, Jesus kuai isi dugo dile ya. Jesus ipidai a, man dugo, in ilo rumok amad tia ya, agod ilod dabai geig ak on in tamolpein a Jesus kumaen imasa gug dile yan, insad ru ilod lo rumok an ninjen o dumoi a.

<sup>15</sup> Jesus irupidai, “Anj amasap, tan fidian lo ator dop, tamolpein fidian mi ante dumado dan bilaluḡ uyanan en afulalep duloḡ a. <sup>16</sup> Ensauta a ilod lo rumok pe suguek diḡane dan patu pasek diḡane wa. Ak gug ensauta a ilod ta rumok na yan kot lo diau dudup dideg diau a. <sup>17</sup> Agod kulob naok igo yan man, tamolpein a ḡai o ilod rumok dan dida diau a. Inḡ ḡai yanḡag lo ur sisaiak adi dukudaip diau ak, inḡ muroun ru sensen ak diḡanep ate diḡiḡeḡ a. <sup>18</sup> Inḡsed banid nam mot wagai ak duburou a. Inḡ marasin saiak ta tamol ifuni imat san ka duluk a, gug ta dumat na wa. Agod inḡaned banid subam adi tinid fo diḡanep uyadi da wa.”

*Jesus kumaen panu na isuda yau a  
Luk 24:50-53; Apo 1:9-11*

<sup>19</sup> Tubun ak Jesus ru an fidian irupidai itout man, Anut inḡ inḡaneg isuda yaug kumaen panu na ilasa ya. Ante man inḡ Anut san aben malan te banin won ak lo imasig imado da. <sup>20</sup> Agog inḡanen megeloum adi dufurak go, gidigheid diaug inḡanen ru dubol ilasa na ya. Agod Tubun en inḡsen inḡ dida urat digane se ya, ago dugo kulob funfun kob aman da idiri dilasa yan lo tamolpein dile man, inḡanen ru man ru rumok a.

## Luk

### *Luk girek en Tiofilas san na igane yau a*

<sup>1</sup> O tamol tubun en Tiofilas, tamol wei mi melmel a maŋ luluŋama lo nuŋon dilasa yan niŋedi wo digire la ya. <sup>2</sup> Melmel nek an, tamolpein a sed malad lo dil an durupaia mag malon a. Tamolpein en gubak mi ru en kagin dupani uyan se ya, agod ru dugo durupaia na yan, ru nek an mi migire idu ya. <sup>3</sup> Naisag mi melmel an fidian, fun lo dilasag ipalu yan nupupi nile ya. An niŋen o niasag ilo sou lo mel en uyanan a, nai gamu mel en fidian tet mi ka nigire pano wa. <sup>4</sup> An lo dop melmel a dipitenano yan sad fudi mok on ulon siŋaokan a, agod mel amaiak fidian rumok an dam ulon a.

### *Jon ilasa wak niŋen eŋel ta Sakaraia irupeia*

<sup>5</sup> Saen Herod in Judea provins sad kin imado dugo, pris ta dam imado se ya, yan Sakaraia. In pris biatitek luluŋad lo a yan Abaija dubol dan san tamol ta. In Aron san gugoi lo ilasa ya, iwon Elisabet dam in Aron san dar lo ilasa ya. <sup>6</sup> Tamol an iwon da Anut malan lo itaot a, ago dugo in Tubun ak san kubiaen agod ru kagin an fidian duri dupani se ya, agod talpein ta inaned kagin an niŋen o ru ta ibol san tia ya. <sup>7</sup> Ak man in nanuk amad tia ya. Man dugo, Elisabet in pein niganig, taida mi, uraru an mel saiak digane la ya.

<sup>8</sup> Biatitek a lo, saen tamol dumado se yan tempel lo urat disini dugo, Sakaraia dida urat digane se ya. Nal ta lo in Anut naon na pris urat igane se ya. <sup>9</sup> Aria, pris sad kagin lo, inanen urat kisaek adi dipiliani a. An lo in Anut san tempel lo iladup, ante alta san yai fo yaikas mumalum iwen siŋaokan dan igane wo, kob dupani a. <sup>10</sup> Aria, yaikas an igane san saen ilasa dugo, tempel lo iladug ago igane

se ya, ago dugo tempel patun fo tamolpein a ubou dile wo dutumani an gadin digane se ya.

<sup>11</sup> Saen nek an lo Tubun en san eŋel Sakaraia naon na ilasag, yaikas mumalum iwen dak san alta giranen won ak lo itur a. <sup>12</sup> Saen Sakaraia eŋel an ile man, irut saian geig go irer a. <sup>13</sup> Ak man eŋel an irupeig ibol, “Sakaraia, on urer umoi. Anut onsa gudanek ilon la ya. On iwo Elisabet nanuk tamol ak ta igansi wa, ago dop yan Jon ubol a. <sup>14</sup> In on ilo bulbal ipano dop on ilo uyanan geig a. Agod tamolpein wei kasik in ilasa yan niŋen o yousai digane wa. <sup>15</sup> Man dugo, in Tubun en malan lo tamol tubun ak imado wa. In wain, ayu naon sensen ak dam ta iluk na wa. Agod saen tinan igansi man, in Awan Urgun inane tinin inane futepe pempepe ago imado wa. <sup>16</sup> In Isrel luluŋad lo tamolpein wei kasik in jilaip, dida fon dumul pe insad Tubun ak Anut san na diau a. <sup>17</sup> In Tubun ak naon na imug pe dal ikubune wa. Elaija san ur lo, agod Elaija san dabai lo dam ago igane wa. In idiraip nanuk tamad dida ilod ibilisap, nug niŋen o dumat a, agod tamol silei ak ilod ibilisap, tamolpein itaot ak sad kankan milaen ak dinane wa. An lo dop insan urat an lo in tamolpein ikubuniaip, Tubun ak ipalu wo malad diganep dumado wa.”

<sup>18</sup> Ago tag Sakaraia eŋel an isumiani, “Nai iwog da mel saiak migane ya. Dugo won pe ru ubol an nuŋon nalon ak i?”

<sup>19</sup> Agog eŋel an ru naon irupeig ibol, “Nai Gabriel. Nai Anut naon na natur da. Anut sen nai idinag go, ru uyanan en nurupaio wo nupalu ya. <sup>20</sup> Ak man on niasag ru en ilo lo ta rumok na yak niŋen on awa itaup mado wa. Ago mado yaup ru an nuŋon ilasagup, awa ipuk pe, nje wa. Naineg ru inanen saen fo mi nuŋon ilasa wa.”

<sup>21</sup> Ago dugo tamolpein a kuai te Sakaraia dititianig dumado dan, ilo sou wei kasik digane dugo dubol, “Ata mel mok igane dugo saen milaen

kasik imado di?" <sup>22</sup> Murnag tempel lo kuai te ilasa man, tamolpein ru irupidai san tia ya. Ago tag in dulon ak, Sakaraia tempel lo malan n̄tun ile yan lo, in̄in̄en san tia yak nin̄en o, banin nam toutou igane se ya.

<sup>23</sup> Aria, in̄ urat isini san saen itout go in̄siganen ab lo imul yau a. <sup>24</sup> Murnag iwon Elisabet luan anda ya. An nin̄en o kalam 5 ab lo imianuk imado se ya. <sup>25</sup> Ago dugo ibol, "Tubun en mel en igane panag a. Gamu in̄ ilon ipanag a, agod n̄aisag miai tamolpein naod na ipasi yau a."

### *Jesus ilasa san nin̄en o eñel ta Maria irupeia*

<sup>26</sup> Elisabet luan andag kalam 6 yau dugo, Anut eñel Gebriel idinig, Galili provins lo taun ta yan̄an Nasaret, atna yau. <sup>27</sup> In̄ pein baras itaot ak ta san na yau a. Pein an yan̄an Maria. King Dawid malan kubulan ta yan̄an Josef dubol dan n̄ien dupani a. <sup>28</sup> Gebriel in̄san na yaug ibol, "Ilo uyan dop mado. Anut ipitiano dak, in̄ ilon ipano dak, in̄ on̄ da amado da."

<sup>29</sup> Maria ru an ilon go ilon weiwei dugo ilon lo ibol, "Ilo uyan ru naok ago yan fun dugo mok ak i?" <sup>30</sup> Ago tag eñel irupeig ibol, "Maria, on̄ urer umoi. Anut on̄ o ilon uyan da. <sup>31</sup> On̄ lua ama dap, nanuk tamol ak gansip yan̄an Jesus ubol a. <sup>32</sup> In̄ tamol tubun ak imado dop, Anut lak na geig an Nanun dubol a. Agop, Anut iganep in̄ kin̄ ilasap, tubun bagen Dawid imado yak ago mi imado wa. <sup>33</sup> In̄ Isrel tamolpein pempem mi itirnaip imado wa. In̄san kagin panek wadan an itout san tia ya."

<sup>34</sup> Ago tag Maria eñel isumianig ibol, "N̄ai tamol da gamugo mator da, an lo mel an dugo won̄ ilasa wak i?" <sup>35</sup> Eñel an ru naon irupeia, "Awan Urgun on̄ lo idup, Anut lak na yan san dabai on̄ ituano wa. An nin̄en o nanuk a mitep gansi wan gun a, agod tamolpein in̄ Anut Nanun dubol a. <sup>36</sup> Ulon. On̄ nibi Elisabet pein saiak bo man, in̄ dam luan anda ya. Imug in̄ niganig dubol na ya. Gug

gamu in̄ luan andad kalam 6 ibisei la ya. <sup>37</sup> Man dugo, Anut in̄ lo man mel fidian pasauman a, ta muruan man tia ya."

<sup>38</sup> Ago tag Maria ru naon irupeia, "N̄ai Tubun en san urat pein mi a. Ago yak nin̄en o ubol dan ago n̄ai lo ka ilasa wa." Agog eñel an Maria ibiseig yau a.

### *Maria Elisabet ile wo yau a*

<sup>39</sup> Saen an lo, Maria bioun ikubuneg, Judea Provins lo panu ta tan bubun titinae ak ate ririan yau a. <sup>40</sup> Yaug, Sakaraia san ab ilon lo iladug, Elisabet ilo uyan ru irupeia. <sup>41</sup> Saen Elisabet Maria san ilo uyan ru ilon man, in̄anen nanuk tin̄aen lo isokalik a, ago dugo Urgun ilon in̄anefuteg, <sup>42</sup> awan tubun mi ibol, "On̄ pein fidian lulun̄ad lo Anut san bar n̄aneg mado da. Nanuk a on̄ gansi wan in̄ dam Anut san bar in̄aneg imado da! <sup>43</sup> N̄aineg Tamol Tubun ak tinan ilon ipanag go, n̄ai iliag o ipalu ya. Ata wo bar an ipanag ak i? <sup>44</sup> Ulon, saen on̄ n̄ai rupaig man tin̄aeg lo nanuk youn anda isokalik a. <sup>45</sup> On̄ bar ama da mado da, man dugo, mel a Tubun en irupaio yan nun̄on ilasa wan ilo lo rumok go awan wabi a."

### *Maria san bar*

<sup>46</sup> Agog Maria ibol:

"N̄ai n̄utug Anut yan̄an yabisa da, <sup>47</sup> agod n̄aineg ur Anut enti patug ipasi wan lo youn isa da.

<sup>48</sup> Man dugo, n̄ai pein kawan, yan̄ag tia ya. Gug in̄ n̄ai o ilon isou a. Gamu en, agod nal murnai san fidian, tamolpein fidian n̄ai nin̄eg o ago dubol a, 'Pein en bar in̄aneg imado da.'

<sup>49</sup> Man dugo, Enti a dabai fidian anda yan, mel tubun geig ak n̄ai o igane ya.

Rumok, in̄ yan̄an gun a.

<sup>50</sup> In̄anen ilo mun̄anek, tamolpein en-sauta a in̄ o direr dan ituanai da,



- tamolpein e gamu dumado den ituanai da, agod malad kubulan a murnap dilasa wan dam mi a.
- 51 Inj tuon nam kulob dabdabai ak idiri dugo teil a,  
Tamol sed bubed lo tutubu dubol dugo yanjad diabisa dan irubai diau a.
- 52 Kinj dabdabai an ibiai dudu dugo, tamolpein a yanjad tia yan ibiaisa ya.
- 53 A dumatigen dan melmel uyan uyan ak nam ifutuwaig inj luad ipuk a.  
Ago dugo a filiad anda yan idinaig sen dilasag banid kawan diau a.
- 54 Injanen urat tamol Isrel ibinawai a, injanen ilo mujanek ikubiai pidinai an ilon ta injaon na ya.
- 55 Tia, ilo mujanek an inj Abraham injanen malan kubulan dadi pempem ikubiaip dile dop na wa,  
nek ibol tubud baged wagam irupidai ak ago mi a.”
- 56 Aria, Maria Elisabet da kalam utol dumado gug, fon imul go sen naon na yau a.

### *Elisabet Jon igansi a*

- 57 Elisabet nanuk igansi san nal idaisudag, nanuk tamol ak igansi a.
- 58 Tubun en Elisabet ilon imujanani an muroun muroun dulon go inj dam youdi isa se ya.
- 59 Nanuk igansig nal 8 yau dugo, nanuk tinin sunulon dutute wo, taman waian diganep Sakaraia dubol o dupalu ya. 60 Ak man tinan imoigru igo ibol, “Tia, yanjan Jon tabol a.”
- 61 Agog inj durupeig dubol, “Ak man onj murou murou lulunjad lo yanjak ta ago man tia ya.”
- 62 Agog inj banid nam Sakaraia toutou dupanig, nanuk yanjan ipate wo dusumiani a. 63 Ago tag Sakaraia banin nam toutou igane dugo tafel (slet) dupanig, fo nanuk yanjan igire: “Inj yanjan Jon.” Agog inj fidian durut sajan a. 64 Gamu nam Sakaraia awan ipuk go fun iganeg injinjen dugo,

Anut yanjan yabisa ya. 65 Agog ab susumeik an aban ago dileg, durut saian a. Ru an Judea ilon lo panu panu tamolpein fidian dulon go, kubol en ninen o dinjenen se ya. 66 Tamolpein a fidian ru a dulon an ilod weiweig nug dusumiani, “Ak dugo, nanuk an san madok murnap dugo wak i?” Inj kuai tem dile yak Anut anen tuon dabai nanuk an da ya.

### *Sakaraia san bar*

- 67 Awan Urgan Jon taman Sakaraia ilon injanefuteg, inj profet ru en ibol a,
- 68 “Id Tubun en per tupani wa, inj mi Isrel san Anut.  
Inj ipalug injan tamolpein yil go idad injal a.
- 69 Inj tamol dabai ak ta, id patud ipasi san igane ilasa ya.  
Tamol en man, injan urat tamol Dawid san dar lo ilasa ya.
- 70 Wagam na mok injan profet gun adi awad lo ru en ibol:
- 71 Inj idsad ager banid lo ipasad injiliad a.  
Agod tamol a id lo siai digane dan tuod lo dam ipasad injiliad a.
- 72 Inj idsad tubud baged ilo mujanek ikubiai pidinai a.  
Ago dugo injan kontrak gun an ninen o ilon isou a.
- 73 Inj idsad tubud baged Abraham ru promis en irupeig ibol:
- 74 Id ager tuod lo ipasad pe id ilo urer tiap, injan urat tigane wa.
- 75 Id saen fidian tan e lo tumado den lo,  
inj naon na kagin gun ak lo, agod kagin itaot ak lo dam ago tigane wa.
- 76 O naj nanug, onj Anut lak na geig ak san profet dubol a.  
Man dugo, onj umug pe Tubun en san dal kubune pani wa.
- 77 Injanen tamolpein patu pasek ka dinjane wan, onj manjan en pidinai a,  
Anut injaned aupasek isuas pidinai dan lo patud ipasi san dulon fufei a.

78 Idsad Anut inanen ilo mujanek lo ago igane ya.

Injan mujanek lo, in Nanun ad isuda dak igo won kumaen panu nap idsad na ipalu wa.

79 Agop inanen lilaman tamolpein a tidom tubun lo dumado dan, agod matej san mirau lo dumado dan dam, tinid isapudade wa.

Agop maror san dal ikubiai panad pe fo tator a.”

80 Nanuk an itibusig inanen njetun lo dabai inaneg imado se ya. Aria, in aben kawan ak lo imado yaug, injan saen fog Isrel tamolpein malah lo kuai te ilasa ya.

## 2

### *Maria Jesus igansi a*

#### *Mat 1:18-25*

1 Saen an lo Rom gabman gurman Kaisa Ogastas kubiaen ta igane ya. Tamolpein a tan fidian lo Rom gabman paen na dumado dan, yanadi buk lo digire wo ibol. 2 (Yanja kubunek en malmalan a, saen Kwirinias in Siria san gurman imado yan lo ilasa ya.) 3 Agog tamolpein fidian insigned fun panu lo yanad dukubune wo diau a.

4 An ninen o Josef dam Galili distrik lo panu ta yanjan Nasaret ibiseig, Judea na panu ta yanjan Betlehem dubol dan te yau a. Aben an Kin Dawid san panu fun. Josef in Dawid malan kubulan, amaiak ninen o in ante yau a. 5 Josef in Maria nien dupani ak ninen o inaneg ida diau a. Saen an lo Maria in luan anda la ya. 6 Betlehem na mi dumado dugo, Maria nanuk igansi san saen idu ya. 7 Agog nanuk matu tamol ak igansig, yamel nam ibuluwig, makau ab lo makau sad anan nuaen san kunup\* lo iganeg yen a. Man dugo, lou ab lo dusumiai ak man aben fidian awan isa la ya.

*Enjel sipsip titianek tamol adi sad na ilasa ya*

\* 2:7: Daeg tubun ak

8 Tidom lo panu gigin te sipsip sad titianek tamol kuai te sipsip kagin dupidinai dugo, 9 Anut san enjel ta sad na ilasa ya. Anut san lilaman aban isapudade yan dileg direr dugo dusuruwor saian geig a. 10 Ak gug enjel an irupidaig ibol, “Arer amoi. Nai ru uyan ak njurupaian o npalu ya. Tamolpein fidian mitep ilodi uyanan geig a. 11 Tidom nek en lo Dawid san panu lo anjam patu pasek tamol ilasa ya. In man Kristus, anjanem Tubun a. 12 In ale san kob igo ya, au gup nanuk an yamel nam dubuluwig, makau sad anan nuaen kunup lo yen dop ale wa.”

13 Ago ibol man, gamu nam Anut san yu doup enjel adi malan wei mi kuai disig, enjel malan te yan ida Anut per dupani se ya. Ago dugo igo dubol, 14 “Aben lak na geig ak lo, Anut girager anda yanjan mabisa da.

Ago dugo tan na, tamolpein ensauta a Anut ilon ipidinai dan, inanen maror ipidinai a.”

### *Sipsip titianek Jesus dile wo diau a*

15 Saen enjel fidian mi dumul go kumaen panu na diau man, sipsip sad titianek tamol an sed nug durupe, “Betlehem na taup, mel e ninen o Tubun en irupaiad en tile wa.”

16 Agog ririan diaug, Josef in Maria da dil dugo, nanuk an dam makau sad anan nuaen kunup lo yen dugo dile ya. 17 In nanuk dile la gug, ru a nanuk an ninen o enjel irupidai an dijaneg panu susumeik an lo tamolpein durupidai se ya. 18 Ago dugo fidian a ru an dulon man, durut saian go ilod weiwei se ya. 19 Gug Maria ru an fidian ilon lo igane ya, ago gug saen wei mi mel an fidian ilon isoug kankan igane se ya. 20 Agog sipsip titianek tamol an dumul go sipsip sad na diau se yan, Anut yanjan diabisa dugo per dupani a. Man dugo, nek enjel irupidai ak ago, mel a fidian ilasa yan, agod ru a fidian dulon an dam, itaot ilasa dugo dile ya.

### *Jesus yañan digane ya*

<sup>21</sup> Nanuk ilasag nal 8 yau dugo, nanuk tinin sunulon dututeg, yañan Jesus dubol. Maria gamugo luan anda dugo yañak an enel ipalug Maria irupei ak fom dupate ya.

### *Simion in Ana da Jesus tempel lo dile ya*

<sup>22</sup> Moses san kubiaen ago ibol, pein enti nanuk igansip nal 40 yau dop in fon ikok ilasa da wa. Aria, Maria malan iganeg nal 40 yau itout go, Josef Maria da Jesus diñaneg Jerusalem na diau a. Ante in Jesus diñanep Tubun en dupani wo diau a. <sup>23</sup> Man dugo, Tubun en san kubiaen lo ru igo digire ya, “Nanuk matu ak fidian man inaned tinad tamad diñal diaup Tubun en dupani wa, an lo dop saen fidian Tubun en wagen lo gun dutor a.” <sup>24</sup> Kubiaen an ibol, “muluk uraru, tia tap, anakanak nanun uraru muluk on ak Anut yai gane pani wa.” Aria, Josef in Maria da kubiaen an dirig yai niganag naok an digane ya.

<sup>25</sup> Aria, tamol ta Jerusalem na imado yan yañan Simion. In tamol itaot, agod Anut awan paen na imado ya. Anut Isrel tamolpein ibinawai san saen ilasa wo, malan iganeg imado se ya. In lo dam Urgun imado ya. <sup>26</sup> Gubak mi Awan Urgun irupeig ilon ak, in gamugo imat dop Anut anen Kristus ile wa. <sup>27</sup> Aria, gamu Awan Urgun iduduwig an lo tempel san ar lo iladu ya. Saen an lo Josef, Maria da Jesus diabig ru kagin a kubiaen irupidai an duri dupani wo dupalu ya. <sup>28</sup> Agog Simion Jesus ileg sinjiren na yaug ilatig Anut per ipanig igo ibol,

<sup>29</sup> “Tubun en, onane promis ru gubak mi ubol paiag an gamu nunon gane ya.

Ago yak ninen o rupaiag pe nai onane urat tamol tan en njibiseip, maror lo mi nja a.

<sup>30</sup> Man dugo, njaiseg malag nam onane patun pasek tamol njile ya.

<sup>31</sup> Tamolpein fidian malad lo on tamol en gane ilasa ya.

<sup>32</sup> In sul on ilasap imado dop gob adi ru in ninen o dulon pe ilod ilalan a, agod in lo onane Isrel tamolpein yañak tubun ak diñane wa.”

<sup>33</sup> Nanuk an tinan taman ru e Simion ibol en dulon go durut saian a. <sup>34</sup> Agog Simion bar ipidinaig Maria irupeig ibol, “Anut gubak mi ilon igo yen a, nanuk en Isrel tamolpein lulunad lo, wei mi dudu diau dop, aenta wei mi dam ibiassa wa. Agod tamolpein wei mi nanuk an dile saian dop in ninen o ru saian ak amad da wa. <sup>35</sup> In tamolpein sad kankan imianuk an kuai te iganep fidian dile wa. Agod sabiri ta luon ak onane njutu isue wa.”

<sup>36</sup> Aria, profet pein ta, yañan Ana, in dam tempel lo imado ya. In Fanuel nanun pein, Asa san gugoi lo ilasa ya. In mel saiak geig a. Ananar 7 tamol ida dumado yau gug tamol imat a. <sup>37</sup> Agog pein suos imado yaug san ananar 84. In tempel san tumanek aben ta ibisei na da. Tidom ad Anut yañan yabisa dugo igudani da. Saen aenta anan geg iganep gudanek mi igane da. <sup>38</sup> Aria, Simion pein tamol an ru irupidai dugo, saen nek an lo Ana ipalug, in dam Anut yañan yabisag, nanuk an ninen o Jerusalem tamolpein ensauta a Anut ibinawai o malad diganeg dumado se yan irupidai a.

### *Josef Maria da Nasaret na dumul diau a*

<sup>39</sup> Jesus tinan taman mel fidian Anut san kubiaen ibol ago mi digane itout go fon dumul, Galili provins lo insiganed panu Nasaret na diau a. <sup>40</sup> Agog nanuk italbusig tubun go, tinin dam dabai dugo kankan milaen ak in lo awan isa geig a. Ago dugo Anut ilon tubun mi ipani na ya.

### *Jesus in pinein foun tempel lo yau a*

<sup>41</sup> Jesus tinan taman in ananar fidian, saen Pasova san ad nanek ilasa dan lo, Jerusalem na tumanek tubun an lo diau na ya. <sup>42</sup> Aria, Jesus san

anañar 12 dugo diñaneg Jerusalem na diaug inaned kagin yen ago mi duri a. <sup>43</sup> Murnag Pasova ad nanek itout go fon dumul inşigned na diau se ya. Jesus in Jerusalem na imado yan, inanen tinan taman ta duloñ na ya. <sup>44</sup> In ilod lo Jesus tamolpein aenta luluñad lo dadi diau dak dubol. An niñen o adian kisaek dutor se ya. Agog gurai idu yan, turad muroud luluñad lo Jesus abañan diabi a. <sup>45</sup> Gug kitek dile man tia tag Jerusalem na abañ diabi wo dumul a. <sup>46</sup> Nal utol abañan diabi ak gug, in ta dile na ya. Ago gug tempel lo diladug dile ya. In Juda sad girek mañau luluñad lo imasig, ru a dubol na yan ilon dugo, isumianai se ya. <sup>47</sup> Ago dugo fidian inşan niñen, mañau, agod ru naon a irupidai an duloñ go, durut saian geig a. <sup>48</sup> Tinan taman abañ ago dile man dam durut saian go tinan irupeig ibol, “Bai, oñ ata wo mañ ago giniama yak i? Nai oñ tama da iloma muruan kasik dugo, oñ abañ mabi se ya.”

<sup>49</sup> Ago tag Jesus ibol go isumianai, “An ata wo nai abañag abi se yak i? Nai tamag san ab lo nımado dak, an añ ta aloñ na yak i?” <sup>50</sup> Ak man ru e irupidai den fun mok ta duloñ na ya.

<sup>51</sup> Agog Jesus tinan taman dida dumul Nasaret na diaug, pempem awad paen na mi imado se ya. Ak man tinan melmel fidian a ilasa na yan, ilon lo iganeg yen go kankan igane se ya. <sup>52</sup> Agog Jesus inanen tinin, agod inanen kankan ilon san dam italbusig tubun a. Anut, agod tamolpein dam in dipitiani na ya.

### 3

*Jon Suguek san in dal ikubune ya  
Mat 3:1-12; Mak 1:1-8; Jon 1:19-28*

<sup>1</sup> Taibirias Kaisa anañar 15 Rom gabman kagin ipani dugo, Pontias Pailat Judea kagin ipani se ya. Ago dugo Herod Galili san tamol tubun geig, in tein Filip dam nek ago mi Iturea in Trakonaitis ida kagin ipidina dugo, Laisenias provins Abilene

kagin ipani se ya. <sup>2</sup> Ago dugo Anas, Kaiafas da man pris gurman malan te ya. Saen an lo Anut anen ru Sakaraia nanun Jon, aben kawan tamol tia yak lo imado dugo san na yaug ilasa ya. <sup>3</sup> Agog Jon you Jordan giranen na aben fidian san tamolpein Anut san ru irupidai dugo itor se ya. Inşan ru malan te man igo ibol, “Tamolpein ananem aupasek patum apanip, ilom abileksap, apalup suguek anane wa. Ago tap Anut ananem aupasek isuas panañ a. Suguek man ananem ilom abilisa yan san kob.” <sup>4</sup> Nek imug profet Aisaia san buk lo girek ibol ago mi gamu ilasa ya. Girek ago ibol, “Tan kawan ak ate wagin ta ilasag ibol,

‘Tubun en inanen dal akubunep itaot yen a.

<sup>5</sup> Tan ilokan an fidian atutumip awan isa wa.

Did tutubun an, agod bubun fidian agilep tan na idu wa.

Dal ikael ak aganep itaot a.

Dal gubog ak atutumip uyan da wa.

<sup>6</sup> Ago dop tamolpein fidian in patu pasek tamol a Anut idinip ipalu wan dile wa.’ ”

<sup>7</sup> Agog tamolpein wei kasik Jon san na suguek diñane wo dupalu dugo Jon naod ifuteg ipidai, “An mot nanun moroun! Enti Anut san tiñae saian mitep ilasa wan niñen o ru kagin ipanañ dugo asol dak i? <sup>8</sup> An ilom ibilisa dak iri panim, kagin an san nuñon mok agane ilasa wa. An siñanem ilom lo igo ta abol na wa, ‘Abraham man mañ tamama ya, an mañ o idaisuda ya.’ Man dugo, nai en nırupaian itaot da, Anut ilon ibol tap man, pat e dien den ka in al pe ibilisap Abraham nanun muroun mok oñ dilasa wa. <sup>9</sup> Pilagis ai dabin lo yen la ya. Ai fidian a nuñod uyan uyan ta ifu na dan, Anut itarep yabi yaup inanai yau a.”

<sup>10</sup> Tamolpein ru an duloñ tag dusumiani, “Mañ dugo migane wak i?”

<sup>11</sup> Agog ru naon irupidaig ibol, “Ta in kulos uraru tap, neinta kulos aman



tia yan ipani wa. Nek ago mi, ta in anan anda tap, in dam ago mi igane wa.”

<sup>12</sup> Agog takis nlanjal tamol dam suguek diñane wo dupalug Jon dusumiani, “Girek manau, man dam dugo migane wak i?”

<sup>13</sup> Agog Jon irupidaig ibol, “An tamolpein arawai dop sad moni subunan kawan ak da ta anane na wa. Gabman sen ibol ago mi itaot anane wa.”

<sup>14</sup> Ago dugo yu tamol aenta dam dusumiani, “Man dam, en dugo migane wak i?”

Agog ru naon irupidaig ibol, “An tamolpein afu dan lo banid na moni ta anane na wa. An ru sewak lo dam insad moni ta anane na wa. Ananem urat naon dupanan dan mi an o idaisuda wak ninen ilom maror anda amado wa.”

<sup>15</sup> Tamolpein fidian mala nouk lo Kristus dititiani se ya, an ninen o bused ilon lo Jon in Kristus mok ago dubol dugo ilod weiwei se ya. <sup>16</sup> Ago tag Jon irupidai, “Nai you lo mi an nusuguan da. Ak man tamol a nai patug fo ipalu dan insan dabai naisag dabai irinani geig a. Nai man tamol kawan a, amaiak ninen o insan sendal san kam nupasi san o yanag tia ya. Gug tamol en man Awan Urgun lo isuguan a, agod Urgun an san yai nam ifulan a. <sup>17</sup> In banin lo kon gilek lo idirai san biouy yabig imado da. Aben ante urat a igane wan ikubineg ante itur da. Uyan ak senamo idirai dop, metmet adi yabi yau o da. Ago dop kon anan ab lo itumani wa. Ak man metmet adi man yai lo yabi yau a. Agod tamol ta yai an igane imat san tia ya.”

<sup>18</sup> Dal wei kasik lo Jon tamolpein bused yabisa san ru ibol dop lo Anut anen ru uyan ak ipidinai a. <sup>19</sup> Gug Jon gabman gurman Herod san naok naok saian an ifulale yaug, tein san pein inane an lo isuda tag, Herod tinan saian go Jon subanek lo igane

ya. <sup>20</sup> Ago igane an lo insiganen muruan a imug igane se yan muruan taidam ibate ya.

*Jon Jesus isugui a*  
*Mat 3:13-17; Mak 1:9-11*

<sup>21</sup> Aria, Jon subanek lo gamugo digane dugo mel en ilasa ya. Nal ta tamolpein fidian suguek diñane dugo Jesus dam ipalug suguek inane ya. Suguek inane itout go Anut igudani se ya. Saen nek an lo kumaen panu san dalawan ipasig yen dugo, <sup>22</sup> Anut san Ur muluk on idug, in kabunan fufo imasi a. Agog kumaen panu lo wagin ta idug, igo ibol “On naineg Nanug, naineg bubeg mok, on nibe wo nai ilog tubun mi uyanan da.”

*Jesus anen tubun bagen*  
*Mat 1:1-17*

<sup>23</sup> Jesus san ananar 30 dugo, urat fun igane ya. Tamolpein ilod lo in Josef nanun ago dubol se ya. Aria, yanak e irig ipalu den in Josef san tubun bagen a. <sup>24-38</sup> Eli, Matat, Livai, Melki, Janai, Josef, Matatias, Amos, Nahum, Esli, Nagai, Maat, Matatias, Semein, Josek, Joda, Joanan, Resa, Serababel, Sialtiel, Neri, Melki, Adi, Kosam, Elmadam, Er, Josua, Eliesa, Jorim, Matat, Livai, Simion, Juda, Josef, Jonam, Eliakim, Melea, Mena, Matata, Natan, Dawid, Jese, Obed, Boas, Sala, Nason, Aminadab, Admin, Arni, Esron, Peres, Juda, Jakob, Aisak, Abraham, Tera, Nahor, Serug, Reu, Peleg, Eber, Sela, Kainan, Arfaksad, Sem, Noa, Lamek, Metusela, Enok, Jared, Mahalelel, Kainan, Enos, Set. Set man Adam nanun, agod Adam in Anut nanun.

## 4

*Satan Jesus ikubiani a*  
*Mat 4:4-11; Mak 1:12-13*

<sup>1</sup> Jesus Urgun buben inane futege, you Jordan ibisei a. Agog Urgun iduduwig, tan kawan ak ate yau a.

<sup>2</sup> Nal 40 anan tia imado dugo Satan Jesus naon ikubiani se ya. Saen an lo in anan ta yani na ya, an ninen o saen an itout man imatigen saian.

<sup>3</sup> Satan igo irupeig ibol, “Onj Anut Nanun tap, ubol dop pat en bret onj ibilisa wa.”

<sup>4</sup> Jesus ru naon irupeig, “Girek e buk lo yen den igo ibol, tamol bret lo mi ta kumaen imado na da.”

<sup>5</sup> Agog afon Satan Jesus inaneg did lak na yak kabunan fufo igunig itur dugo tan en san aban fidian ikubiai pani kisaek onj a. <sup>6</sup> Agog irupeig ibol, “Inaned dabai a ule dan, agod mel a girager anda yak fidian ule dan dam njasag. Ak ninen o tamol enti nupani wo ilog ibol tap, ka nupani wa. <sup>7</sup> An ninen o onj turu soluwig, ubou ag ule tap, naj dabai nupanop, mel fidian ule dan onj kagin pani wa.”

<sup>8</sup> Ak man Jesus ru naon irupeig ibol, “Girek ta buk lo igo ibol, ‘Onj Tubun en onjane Anut mi ubou an ule wa. Injen mi ninen o bigabeg urat gane wa.’ ”

<sup>9</sup> Agog fon Satan inaneg Jerusalem na diaug, lak na tempel san nudun fufo igunig itur go irupeig, “Onj Anut nanun tap, sokalik pe, tan na udu. <sup>10</sup> Man dugo, girek ta buk lo igo ibol, ‘Injanen enel irupidai dop kagin dupano wa.

<sup>11</sup> Banid nam disawo wa, kabelan pat onj nie ifini banau.’ ”

<sup>12</sup> Ago tag Jesus ibol, “Girek ta buk lo dam igo ibol, onj mel ta gane tap lo Tubun en onjane Anut an bitinaek lo ta gane na wa.”

<sup>13</sup> Satan Jesus kubianek funfun lo igane tia tag ibiseig yau. Nal ta dop fon ile wa.

*Nasaret na Jesus dile saian a*

*Mat 4:12-17; 13:53-58; Mak 1:14-15; 6:1-6*

<sup>14</sup> Agog Jesus Urgun san dabai lo fon imul go Galili na yau. Agog yanjan panu panu fidian lo yau se ya. <sup>15</sup> In panu panu sad ubou ab lo ipitenanai dugo tamolpein fidian yanjan diabisa se ya.

<sup>16-17</sup> Agog Jesus Nasaret na yau a. Wagam nanuk lo aben ante italbusi a. Insignan kagin iri panig, Juda sad ubou leil nal Sabat dubol dan lo yang Nasaret adi sad ubou ab lo iladu ya. Agog Anut san ru isuti wo imasa yan,

profet Aisaia san buk dupani a. Buk roun ifulaleg, ru en ileg isuti:

<sup>18</sup> “Tubun en san Ur naj lo imado da. Man dugo, naj tamolpein kawan filiad tia yan, ru uyanan ak nurupidaip dulong o ipilianag a.

In naj idinag go nupalu man, tamolpein ru igo nurupidai a: a Satan isubanai an naj ka nupasaip kuai te dilasa wa, a malad itapul idu yan fon aban ka dile wa, a tamolpein sen ak banid lo muruan dile dan, naj insad muruan nigane itout a.

<sup>19</sup> Agod naj malak malak igo nurupidaip dulong ak, anajar nek en Tubun ak inanen ilo panek ikubiai pidinai o da.”

<sup>20</sup> Agog Jesus buk ifutanig, biabi nilanal tamol ipani gug imasi a. Tamolpein fidian ubou ab lo dumado dan malad ti ibol go Jesus dile se ya.

<sup>21</sup> Agog fun iganeg irupidai, “Ru nek e kududom ilonj en gamu geig nunon ilasa ya.”

<sup>22</sup> Agog in fidian dupitiani se ya, insan ru dulong go in njenj lo tamol ikawil an ak ago dubol go, durut saian dugo nug dusumiani se ya, “Dugo, an Josef nanun i?”

<sup>23</sup> Agog Jesus irupidai, “Nai mel en ninen o ilo uraru amag tia ya, an ru fanan en naj arupaiaig o da, ‘Dokta, onse ikubinio gup! Kulob girager funfun a onj Kaperniam na gane yan san ru malonj a, gamu kulob naon kisaek onsigane fun panu lo dam gane wa.’ ”

<sup>24</sup> Agog fon ru igo irupidai, “Nai rumok nurupaianj da, profet man insiganen fun panu lo tamolpein in dumoi da. <sup>25</sup> Mel en rumok a, profet Elaija san nal lo Isrel pein wei mi suos dumado ya. Saen an lo man daded tubun a. Anajar utol kalam 6 ui tia ya. Ago dugo kadag tubun aben fidian yabig yen se ya. <sup>26</sup> Ak man Anut Elaija idinig Isrel pein suos ta san na yau man tia ya. Tia, in idinig gob adi sad taun Saidon lubanek lo,

panu Sarefat san pein suos ta san na yau a. <sup>27</sup> Agod profet Elaija san saen lo dam Isrel tamolpein wei kasik lepra amad da ya. Gug kisaek ta igane uyan man tia ya. Tia, gob adi a tan Siria lo dumado dan luluᅇad lo tamol kisaek yaᅇan Neman, Elaija nek an mi ikubune uyan a.”

<sup>28</sup> Tamolpein fidian ubou ab an lo ru en duloᅇ go tiᅇaed tubun mi saian a. <sup>29</sup> Ago tag dumasag, Jesus diᅇaneg, aen damon fo dibilip idu wo tan bubun fo disuda diau a. <sup>30</sup> Gug banid lo ikisaluk ilasag, tumanek malan an titiᅇae mi imul go ilon ibol ak lo yau a.

*Jesus tamol ta tinin lo ur saian ikudi a*

*Mak 1:21-28*

<sup>31</sup> Jesus Galili Provins lo panu Kaperniam na yau a. Atna Sabat nal lo yaug tamolpein iᅇsad ubou ab lo maᅇau ipiteᅇanai se ya. <sup>32</sup> Iᅇanen ru duloᅇ man, tamol tubun yaᅇan anda yak oᅇ ipiteᅇanai se yaᅇan niᅇen o durut saian a.

<sup>33</sup> Aria, ubou ab an lo tamol ta ur saian anda yak awan tubun mi iwagiᅇ go ibol, <sup>34</sup> “Oᅇ Jesus Nasaret tamol, maᅇ dugo giniama wo palu yak i? Nag oᅇ maᅇ daoᅇ panama wo palu boi a? ᅇai oᅇ ᅇaloᅇ a. Oᅇ Anut san tamol gun a!”

<sup>35</sup> Ak man Jesus ur saian an ipeig ibol, “Awa itaup, tamol an biseip lasa.” Agog ur saian tamol an tamolpein malad lo ibili idug, tamol an ibiseig ilasa ya. Gug ur saian tamol an tinin malan ta isue na ya.

<sup>36</sup> Agog tamolpein fidian durut saian go, iᅇsed diᅇiᅇeᅇ dugo dubol, “Enso ru ta dabai anda ibol dugo ur saian saian awan duloᅇ dugo dilasa diau di?” <sup>37</sup> An lo Jesus san yaᅇan ifurak go panu panu yau.

*Jesus Pita raon ikubune ya*

*Mat 8:14-17; Mak 1:29-34*

<sup>38</sup> Jesus ubou ab an ibiseig, Saimon san ab lo yau a. Saimon raon subam ifinig, tinin wananan tubun kasik ak niᅇen o, Jesus ibinawi wo dusumiani a. <sup>39</sup> Ago tag giraᅇen na yaug, iyep

go ru dabai nam subam an ikudi a. Gamu nam subam an ibiseig, pein an imasa kisaek oᅇ go anaᅇ ikubune pidinai a.

<sup>40</sup> Gurai idu yaᅇ, tamolpein iᅇsad panu lo subam amad da yak diᅇal go, Jesus san na dupalu se ya. Agog iᅇ banin tinid fo iganeg, fidian uyadi isusa ya. <sup>41</sup> Ur saian saian dam tamolpein wei kasik dibisawai dugo duwagiᅇ, “Oᅇ Anut Nanun.” Ago tag Jesus nao futek ru nam ipidai dugo awad lo diᅇiᅇeᅇ san ipadau a, man dugo, iᅇ Kristus duloᅇ a.

*Jesus panu panu lo ru ibol se ya*

*Mak 1:35-39*

<sup>42</sup> Tidom lom mok Jesus panu an ibiseig, aben ta yoitout ak lo yau a. Ak man tamolpein Jesus niᅇen o abaᅇ dile se ya. Saen iᅇ dile man, kabelan ibisawaip yau banau dupurani wo digane se ya. <sup>43</sup> Ak man iᅇ irupidai, “ᅇai ru uyanan e Anut san kagiᅇ panek niᅇen o yaᅇ, panu aenta lo dam ᅇufulale wa. Urat nek an niᅇen Anut idinag go ᅇupalu ya.” <sup>44</sup> Agog Judea ilon lo panu panu yaug iᅇaned ubou ab lo Anut ru ifulale na ya.

## 5

*Jesus megeloum iᅇal o fun iganeg igiai a*

*Mat 4:18-22; Mak 1:16-20*

<sup>1</sup> Nal ta Jesus Genesaret san you saltek aen te itur dugo tamolpein wei kasik Anut san ru duloᅇ o dususag, nug tinin fo dutur se ya. <sup>2</sup> Agog iᅇ malan yau nag, wog urarum loᅇ ate dien dugo yil a. Wog muroudi man loᅇ na dob dufulanai se ya. <sup>3</sup> Agog Jesus idug, wog ta lo isuda ya. An Saimon san wog. Agog Jesus Saimon irupeᅇ, “Wog kitek usoup tilasa.” Jesus wog fo imasig imado dugo tamolpein Anut san ru ipiteᅇanai se ya.

<sup>4</sup> Ipiteᅇanaig itout man Saimon irupeᅇ, “Wog ᅇanep lasa waup, bet ak lo gup tura murou dadi dob arae.”

<sup>5</sup> Ago tag Saimon ru naon irupeᅇ, “Tubun en, tidom milaen maᅇ urat wagai mok migane se ya, ak gug iy

ta kisaek miñane man tia ya. Ak man gamu oñ ubol ak niñen o awa mabip dob ka mirae wa.”

<sup>6-7</sup> Agog dob diraeg, iy wei kasik mok dob lo dusuda ya. Agog dob itout o igane tag, turad muroud wog neinta lo yan dibinawai o banid nam toutou diganeg dupalu ya. Agog wog urarum iy didiri awad isag disarir o dutoñ. <sup>8</sup> Saimon Pita abañ ago ile tag Jesus naon na turun isaluwig ibol, “O Tubun en, ñai tamol saiag. Oñ ñai bisawag pe wau.” <sup>9</sup> Iy wei mok diñane an Pita turan dida dileg, durut saian ak niñen o Pita ru an ibol a. <sup>10</sup> Saimon turan muroun, Sebedi nanun urarum, Jems inñ Jon da dam durut saian a.

Agog Jesus Saimon irupeï, “Urer umoi. Oñ gamu agod nal murnai san fidian oñ tamolpein dideg diau dan ago mok uñal a.” <sup>11</sup> Agog wog urarum durau isudag melmel fidian diabi idug yen dugo Jesus ñien aban duri diau na ya.

*Jesus tamol lepra aman da yak ikubune ya*

*Mat 8:2-4; Mak 1:40-45*

<sup>12</sup> Jesus panu tubun ak ta lo imado dugo, tamol ta tinin lepra yafutani an ipalu ya. Inñ Jesus ileg ñien fo turun isaluwi idug, imosiaig ibol, “O Tubun en, oñ ilo ibol tap, ñai binawag pe fon tinig uyan ilasa da wa.”

<sup>13</sup> Jesus ru an ilon go banin iwateg isupuri dugo irupeï, “Ubol agom ñai ilog ago yen da, oñ uya lasa.” Agog tamol an tinin uyan ilasa kisaek oñ a. <sup>14</sup> Ago dugo Jesus ru dabai nam irupeig ibol, “Kulob ilasa yen niñen o aenta ta rupidai na wa. Tia, itaot waup, tini Juda sad pris mi kubiaip ile dop, mudan a Moses san kubiaen lo ibol dan ñanep Anut yai gane pani. An lo dop tamolpein dulon ak oñane subam itout a.”

<sup>15</sup> Jesus kulob igane yan san ru panu panu yaug, tamol wei kasik inñsan ru dulon o dususa se ya. Subam amad da yak ikubuniaï o dam dupalu se ya. <sup>16</sup> Ak man Jesus saen wei mi

ibisawaig, aben yoitout ak ate yaug igudani se ya.

*Jesus tamol ta ñien banin tubabun ak ikubune ya*

*Mat 9:1-8; Mak 2:1-12*

<sup>17</sup> Jesus nal ta tamolpein ipiteñanai dugo, Farisi inñ kubiaen san girek mañau Judea provins lo, Galili Provins lo panu kititik an fidian, agod Jerusalem na yan dam dida dumado ya. Anut san dabai Jesus san kubunek urat igane yan lo yen a. <sup>18</sup> Agog tamol ta ñien banin fidian tubabun ak kapal anda Jesus san na disinig dupalu ya. Ab lo diladu wo digane ak man tamolpein wei kasik, an lo man diladu san ta isuda na ya. <sup>19</sup> Ago tag ab aten lak na yak fo disida ya. Agog ab aten an diabigigeg dugo kapal an duyuweg, Jesus tamolpein lulonad lo imado dugo naon na idu ya.

<sup>20</sup> Jesus inñsad ilo rumok ile tag tamol an irupeï, “O turag, ñai oñane aupasek fidian ñupasi yau la ya.”

<sup>21</sup> Ago tag kubiaen san girek mañau, inñ Farisi dadi kankan diñaneg ilod lo mi igo dusumiaen, “Tamol en so tamol ta yak i? Ru a ibol dan man Anut kukokan igane da. Tamol ta muruan pasek san dabai anda man tia ya, Anut mi inñ dabai anda ya.”

<sup>22</sup> Gug Jesus inñsad ilo girek fidian ilon pasi ak niñen o ru naon igo ibol irupidai, “Anñ ata wo kankan ago agane dak i? <sup>23</sup> Ata mel pasauman ak i? Aria, ñai igo ñabol, ‘Oñane aupasek ñupasi yau wo?’ Tia, ‘Masap kapal wabisap utor o?’ <sup>24</sup> Gug kulob e ñigane en lo ñai, Tamol Nanun, tan en lo Anut wagen lo aupasek ka ñupasi yau amaiak alon o ...” saen ago ibol man, tamol a ñien banin itubabun an irupeï, “Oñ masa utur pe oñane kapal ñanep onñsigane na wau.” <sup>25</sup> Agog tamol an naod na imasa itur go, inñsan kapal isinig, Anut yanñan yabisa dugo, siganen ab lo yau a. <sup>26</sup> Tamolpein fidian durut saian geig go Anut yanñan dia-bisa ya. Ilod irut dugo tinid inñanefuteg



igo dubol, “Gamu man kulob senamo geig mok mile ya.”

*Jesus Livai iwagi a*

*Mat 9:9-13; Mak 2:13-17*

<sup>27</sup> Ago gug Jesus ab an ibiseig yaug, takis nilanjat tamol, yanjan Livai, urat ab lo imado dugo ile ya. Agog Jesus irupe, “Nieg aban uri.” <sup>28</sup> Ago tag Livai mel fidian yabidug dien dugo, Jesus njen aban iri a.

<sup>29</sup> Livai Jesus njen o soubul tubun ak injan ab lo igane ya. Doup lulunad lo takis nilanjat tamol wei kasik agod tamol aenta dam dususag, dida ananj diani se ya. <sup>30</sup> An njen o Farisi, in Farisi sad kubiaen san girek manau dida Jesus san megeloum naod na dununur go dusumianai, “En ata wo anjam girek manau takis nilanjat, agod aupasek tamolpein dida sisem ananj diani dak i?”

<sup>31</sup> Ago tag Jesus ru naon irupidaig ibol, “Tamolpein a uyadi ak dokta san na ta diau na wa, tia, tamolpein subam anda yak mi diau a. <sup>32</sup> Man dugo, nai tamolpein a itaot adi dubol dak ngiaip dupalu san njen o ta nupalu na ya, tia, aupasek tamol adi mi ngiai o nupalu ya.”

*Kagin imug ak, foun ak da*

*Mat 9:14-17; Mak 2:18-22*

<sup>33</sup> Tamolpein aenta Jesus igo dubol durupe, “Jon san urat pinein nal kadi ananj geg diganep, gudanek mi digane da. Farisi sad megeloum dam ago digane da. Gug onsa megeloum man diani dulok on da.”

<sup>34</sup> Ago tag Jesus ru fanan en irupidai, “Ak dugo, tamol ta pein inane dop, turan muroun aenta dupalup, dida dumado dop ananj o wali inane wak i? Tia geig a. In youd isap, dida ilo uyan lo mi dumado wa. <sup>35</sup> Gug murnap saen idu gup, tamol an dupasi wa. Nal an lo, in ananj wali digane wa.”

<sup>36</sup> Agog Jesus ru fanan taidam irupidaig ibol, “Tamol ta in yamel kilaken foun ak ta irasirep ate kulos wagam ak san mutunuk ta iwei na da. Tamol ago igane tap, in yamel kilaken foun

an daon ipani wa. Taida mi, yamel kilaken foun an in kulos wagam an ida naod kisaek tia ya. <sup>37</sup> Agod tamol ta in wain foun ak inane, bilelek sunulon wagam ak lo ta iwali na da. In ago igane tap, wain foun an bilelek sunulon wagam an ikafut yaup ipuk pe, ikulmaek, tan na idup, bilelek sunulon dam daon ipani wa. <sup>38</sup> Wain foun ak tap, bilelek sunulon foun ak lo iwali wa. <sup>39</sup> Agod tamol wain wagam ak iluk dan wain foun ak imoi da. Ago dop ibol a, ‘Wagam en mi uyan a.’”

## 6

*Jesus man ubou nal yanjan Sabat dubol dan san muroun*

*Mat 12:1-8; Mak 2:23-28*

<sup>1</sup> Ubou nal ta lo Jesus kon san abi ilon lo itor se ya. Ago dugo injan megeloum dimatigen, an njen o in kon nunon aenta dufunig banid nam dufufari yau dugo nunon diani se ya. <sup>2</sup> Ak man Farisi aenta dubol, “Enta wo an urat a Sabat nal lo tigane san njen o idsad kubiaen ipadau amaiak agane dak i?”

<sup>3</sup> Ago man Jesus ru naon irupidaig igo ibol, “Nag mel e Dawid igane yen ta asuti na ak i? In inane turan muroun dida kadag san saen lo ananj o dumat go, <sup>4</sup> Dawid Anut san ab lo iladug, bret a Anut naon na didirig dien an isinig, inane yu tamol adi dida diani a. Bret an tamolpein fidian lo geg a, nek Anut san pris mi diani wa.” <sup>5</sup> Agog irupidai, “Tamol Nanun man injan Sabat nal an muroun.”

*Jesus Sabat nal lo tamol banin saian ak ikubune ya*

*Mat 12:9-14; Mak 3:1-6*

<sup>6</sup> Juda sad nal gun Sabat nal taidam lo Jesus ubou ab ta lo iladug, tamolpein Anut san ru ipitenanai se ya. Tamol ta banin saian ak dam saen an lo imado ya. Banin won ak ikurjak a. <sup>7</sup> Kubiaen san girek manau in Farisi dida malad ti ibol dugo, Jesus leil dupani se ya. Jesus Sabat nal lo tamol ta ikubune dop dile wo malad digane da, man dugo, dal aban dilep lo Jesus

ru dupani wo ilod ibol se ya. <sup>8</sup> Gug Jesus inşad ilodi an ilon tag, tamol banin saian an irupei, “On masap, titiŋae mi utur.” Ago tag imasag yaug titiŋae mi malad lo itur se ya. <sup>9</sup> Agog Jesus girek maŋau in Farisi dida isumianai, “Idsad kubiaen dugo ibol i? Id ubou nal lo kagin uyan ak tigane wo? Tia, kagin saian ak tigane wak i? Tamol ta tibinawi wo? Tia, ta daon tupani wak i?” <sup>10</sup> Agog Jesus tamol an fidian yil ilubanai ak gug ru naon tia tag, tamol an irupei, “Bani wate.” Tamol an ago iganeg, banin gamu nam uyan ilasa ya.

<sup>11</sup> Ak man in tiŋaed tubun mi saian go, enso muruan ta Jesus dupani san niŋen nug lo diŋiŋen se ya.

*Jesus aposel 12 ipilianai a*

*Mat 10:1-4; Mak 3:13-19*

<sup>12</sup> Murnag nal ta lo Jesus igudani wo did fo yau a. Tidom milaen igudani dugo yaug salso idu. <sup>13</sup> Tidom lom inanen megeloum igiaig dupalu ya, agog 12 ipilianaig yaŋad aposel\* ibol a. <sup>14</sup> In yaŋadi igo iri a: Saimon yaŋan neinta Pita ibol, in tein Andru, Jems in Jon da, Filip in Batolomiu da, <sup>15</sup> Matyu in Tomas da, Jems, Alfias nanun, Saimon, yaŋan neinta “Rom sad ager tamol” dubol da, <sup>16</sup> Judas, Jems nanun, agod Judas Iskeriot. Mitep tamol an Jesus ager banid lo igane wa.

*Jesus in tamolpein wei mi ikubuniaig uyadi a*

*Mat 4:23-25; Mak 3:7-12*

<sup>17</sup> Murnag Jesus inşan megeloum dida dudug, tan aten fo dutur se ya. Tamolpein wei mi dususag Jesus fun na dutur dulubani a. Agog tamolpein malan tubun, Judea provins lo, Jerusalem na, gob sad taun uraru Taia in Saidon da sad lon na yan dam dususag dutumani a. <sup>18</sup> Jesus san ru dulon dop, subam ad da yak dam ikubuniaig o dupalu ya. Tamolpein ur saian ad da yan ikubuniaig se ya. <sup>19</sup> Dabai inşan na ipalug tamolpein ikubuniaig uyadi an lo, tamolpein

wei kasik tinin dusupurip uyad dilasa wo siŋiren na dupalu se ya.

*Bar in muruan da*

*Mat 5:1-12*

<sup>20</sup> Jesus inanen megeloum lo leil igane dugo ibol,

“An a mel amam tiag amado dan, bar ananeg amado da.

Man dugo, Anut san kagin panek man ananem mok a.

<sup>21</sup> An a gamu amatigen dan, bar ananeg amado da.

Man dugo, murnap an luam ipuk a.

An a gamu tinaŋ abi dan, bar ananeg amado da.

Man dugo, murnap an asel a.

<sup>22</sup> Saen Tamol Nanun niŋen o dilian saian dop,

dukudaŋ dop, kukok am digane dop, ananem yaŋam saian ago

dubol dan niŋen o diabianaŋ dan,

an bar ananeg amado da.”

<sup>23</sup> “Saen an lo yousai lo asokalik dop ilo uyan am da amado, man dugo, ananem naon a Anut ikubune lag kumaen panu na yen dan man tubun geig a. Nek muruan naon kisaek mi inaned tubud baged profet adi a imug dumado yan dupidinai se ya.”

<sup>24</sup> “Gug an filiam am da yan kagin agane wa.

Man dugo, tan en lo mi madok uyan ak anane ya, murnai san tia ya.

<sup>25</sup> An gamu luam ipuk dan kagin agane wa.

Man dugo, an murnap amatigen geig a.

An gamu asel dan kagin agane wa.

Man dugo, murnap an ilom ipapao dop tinaŋ aru agane wa.

<sup>26</sup> An a tamolpein yaŋam diabisa dan kagin agane wa.

Man dugo, in tubud baged wagam profet sewak adi niŋedi wo ago mok digane na ya.”

*Ager ilod tupidinai san kagin*

*Mat 5:38-48; 7:12*

\* **6:13:** Yaŋak an fun: Anut awan ŋanep wau.

<sup>27</sup> “An a n̄aisag ru alon dan n̄ai igo n̄urupaian da. An̄anem ager nin̄edi wo amat a. Ta ilian saian tap, an̄ in̄ ale uyan dop kagin uyan ak mi in̄ o agane wa. <sup>28</sup> Ta imisilanan tap, bar uyan ak mi apani wa. Ta naom ifute tap, in̄ nin̄en o Anut agudani wa. <sup>29</sup> Ta kudan̄am igufute tap, abilisap aenta dam ka igufute wa. Ta an̄sam madid san kulos milaen ak in̄ane tap, alefuni dop siot dam ka in̄ane wa. <sup>30</sup> Ta an̄sam mel ta wo igod tap, apani. Go ta an̄sam mel in̄ane tap, mel an̄ ipanan̄ imul o ta agudani na wa. <sup>31</sup> Kagin uyan ak an̄ lo digane wo amat dan, ago mi in̄ lo agane wa.”

<sup>32</sup> “Ak dugo, tamolpein a on̄ nin̄e wo ilod dupano dan mi ilo pidinai tap, Anut naon uyan ak ta ipano wak i? Tia geig a. Man dugo, aupasek tamol adi dam kagin nek ago mi digane na ya. <sup>33</sup> Tia dugo, tamolpein a on̄ dibi-nawo dak mi binawai tap, an lo dugo won̄ naon ule wak i? Tamol saiadi ak dam ago digane da. <sup>34</sup> Tia dugo, on̄ tamolpein a mel naon dupano wak alon dan mi mel pidinai tap, an lo dugo won̄ naon ule wak i? Tamol saiadi ak dam nug mel dupani dop, naon dam ago mi diñane da. <sup>35</sup> Gidad. An̄anem ager ilom ipidinaip, kagin uyan ak mi in̄ lo agane wa. Ta mel apani tap, naon ipanan̄ o ta abol na wa. Ago agane tap, murnap naon tubun ak an̄ane dop, Anut lak na yan nanun mok amado wa. Man dugo, Anut sen tamolpein a ilo uyan ru ta dupani na dan, agod a in̄sed mi wo ilo sou digane dan dam, ilon ipidinai da. <sup>36</sup> Ago yak nin̄en o nek ibol Bai Anut an̄ ilon imun̄anan̄ dak ago mi, an̄ dam tamolpein aenta ilom imun̄anai a.”

### *Aenta abitiniaai san kagin*

#### *Mat 7:1-6*

<sup>37</sup> “On̄ tamolpein aenta bitinaek lo ta giniai na wa, an lo dop Anut dam on̄ bitinaek lo ta iginio na wa. On̄ muruan nin̄en o tamolpein aenta biai dudu umoi, an lo dop Anut dam ta ibio udu na wa. Tia, in̄sad aupasek ilo in̄aon̄ a, an lo dop Anut dam on̄ane

aupasek ilon in̄aon̄ a. <sup>38</sup> Tamolpein mel pidinai tap, Anut dam nek ago mi ipano wa. Tubun mi pidinai tap, Anut dam tubun mi ipanop, awan isa wa. Tou sapta a pidinai dan, tou naon kisaek mi n̄ane wa.”

<sup>39</sup> Agog Jesus ru fan̄an en ibol, “Tamol ta malan tia yak, mala tia neinta ka dal ikubiai pani wak i? Tia geig. Urarum gubog lo diau dudu wa. <sup>40</sup> Talpein a man̄au in̄ane dan, in̄san girek man̄au ta irin̄ani na da. Ak man saen man̄au in̄ane itout dop man̄au in̄ lo awan isa man, in̄san girek man̄au igo ilasap imado wa.”

<sup>41</sup> “Dugo won̄ go metmet samun ta tei malan lo ule gug on̄sigane mala lo ai lapan yen an ta kubiani na yak i? <sup>42</sup> En dugo won̄ tei rupeip ubol, ‘Gane dop metmet samun an mala lo yak n̄upasi yau,’ dugo on̄sigane mala lo ai an nal fidian mi ago yen di? On̄ bale uraru ama, imug mi sigane mala lo ai lapan an pasi gup, lo aban̄ ka ule uyanan dop, lo tei malan lo metmet samun an pasi yau a.”

### *Ai in̄anen nun̄on da sad ru fan̄an*

#### *Mat 7:16-18; 12:33-35*

<sup>43</sup> “Ai uyan ak in̄ nun̄on ta ifu saian na da. Nek ago mi ai saian ak dam nun̄on ta ifu uyan na da. <sup>44</sup> Ai fidian nun̄od lo mi talon da. An ai uyan dugo an ai saian ak tabol da. Tamolpein ai gurab nun̄on yuk dudurun anda yak fo ta diñane na da. Wain nun̄on dam ai saian dudurun anda yak fo ta diñane na da. <sup>45</sup> Tamol uyan ak in̄ mel uyan uyan ak tinin ilon lo itumanai an lo kagin uyan uyan ak mi in̄al dop an idirai dilasa wa. Ak man tamol saian ak in̄ mel saiak saiak tinin ilon lo itumanai an lo kagin saian saian ak mi in̄al dop an idirai dilasa wa. Man dugo, kagin saian ak boi, uyan ak boi, tamol ilon in̄anefute yan in̄anep awan lo ibol ilasa wa.”

### *Ab bek kankan milaen ak anda, agod ab bek kankan an tia ya*

#### *Mat 7:24-27*

<sup>46</sup> “An̄ ata wo n̄ai nin̄eg o ‘O Tubun en, O Tubun en’ abol dugug n̄ai awag

ta abi na di? <sup>47</sup> Tamol enti n̄aisag na ipalug awag ilon go awag kagin ipani dan in fun igo: <sup>48</sup> in nek ibol manau tamol ab yabi wo dugo bag san gib kuror mi yabig, pat nam bag fun isue sakar ak igo won a. Agog saen ui tubun ak isi dugo, lom dam idug tim ifureg ab an ifuni bo man, ab an ibili idu san tia ya. Man dugo, ab an pat nam yabi an lo itur sakar a. <sup>49</sup> Ak man talpein ru e n̄abol den ilon gug awag kagin ta ipani na dan, in man nek ibol n̄ineo tamol igo ya, inanen ab yabi wo dugo gib ta yabi nag, lul fufo mi yabi ak igo won a. Agod saen ui isig lom tubun ak idu dugo tim dam ifureg, ab an ibili idug iratitale yau a. Agod ab an san pitin̄inek man saian geig a.”

## 7

*Rom san yu gurman Jesus ilon lo rumok a*

*Mat 8:5-13*

<sup>1</sup> Jesus ru en tamolpein irupidai itout go, imasag, Kaperniam na yau a. <sup>2</sup> Atna Rom san yu gurman ta san urat pinein subam saiak ta in̄aneg imat o sumeik a. Urat pinein an nin̄en o tubun mi imat da. <sup>3</sup> Agog Rom san yu gurman Jesus imado dan ilon tag, in Juda matu gurman aenta idinaig diau a. Jesus durupeip ipalup, inanen urat pinein ikubunep uyan o ibol. <sup>4</sup> Ago tag in Jesus san na diaug, maeg nam dumosiaig durupeip, “On mel en gane pani san in idaisuda ya. <sup>5</sup> Man dugo, in idsad Juda dar nin̄edi wo imat da, agod man̄sama ubou ab dam isuse panama ya.” <sup>6</sup> Ago tag Jesus awad yabig dida diau a.

Diaug ab fun na sumeik dugo Rom yu gurman an turan idinaig, dupalug, in awan aban Jesus durupeip, “O Tubun en, turen̄ ifuno umoi. N̄aisag ab lo ladu san n̄ai ta idaisuda na ya. <sup>7</sup> Agod on̄sa na n̄upalu san o dam yan̄ag tia ya. Ru mi ubol dop lo n̄aisag urat pinein uyan isusa da wa. <sup>8</sup> Man dugo, nek on̄se on̄ n̄ai dam tamol aenta waged lo urat n̄igane da, agod n̄aisag yu tamol adi paeg na dumado da. Saen n̄ai yu tamol ta

‘wau’ n̄abol tap, in yau a. Tia, tamol ta ‘palu’ n̄abol dop, in ipalu wa. Tia, n̄aisag biabi n̄ilanj̄al n̄jurupeip ‘en gane’ n̄abol dop, in igane wa.”

<sup>9</sup> Jesus ru an ilon man, irut saian geig a. Agog idansag tamolpein a n̄ien aban diri se yan irupidai, “Rumok geig n̄urupaian̄ da, tamol ilo rumok naok igo yak ta Isrel ilon lo n̄ile man tia ya.”

<sup>10</sup> Agog yu gurman inanen turan dumul go ab lo diau man, urat pinein an uyan isusag imado dugo dile ya.

*Jesus pinein imat ak ta ifufunig kumaen imasa ya*

<sup>11</sup> Murnag Jesus panu ta yan̄an Nein dubol dan te yau a. In̄san megeloum, agod tamolpein wei mi mok dam dadi diau a. <sup>12</sup> Panu an san dalawan sumeik dupani dugo, tubabun ta disinig dupalu se ya. Tamol imat an in̄pein suos ta nanun, nek ago kisaek o lian a. Panu an san tamolpein wei mi dam pein suos an dida dupalu se ya. <sup>13</sup> Saen Tubun en pein an ile man, ilon tubun mi imun̄ani tag irupeip, “Tata umoi.” <sup>14</sup> Ago dugo Jesus yaug, kapal tubabun anda yan yabi man, tamol kapal disini an dupartuanig dutur. Agog Jesus tubabun an irupeip, “Pinein en, n̄ai n̄urupaio da, on̄ masa!” <sup>15</sup> Agog tamol imat an fon kumaen imasag fun iganeg in̄in̄en se ya. Jesus pinein an in̄aneg tinan ipani a.

<sup>16</sup> Agog tamolpein fidian tubun mi durut go, Anut yan̄an diabisag, dubol, “Profet tubun ak ta id lulun̄ad lo ilasa ya.” In̄ dubol, “Anut inanen tamolpein yil o ipalu ya.” <sup>17</sup> Kulob e Jesus igane yen san ru Judea ilon lo ifurak go, aben an sad panu panu lo yaug fidian dulon a.

*Jon Suguek san Jesus nin̄en o ilon weiwei a*

*Mat 11:2-19*

<sup>18</sup> Jon san megeloum kulob fidian Jesus igane se yan dile tag, Jon san na diaug durupeig ilon a. <sup>19</sup> Ago man Jon megeloum nun̄od urarum igiaig



irupidai, “Aup, Tubun en igo asumiani wa. Tamol a ipalu san ninen o man malama migane dan, onj tamol nek amaiak i? Tia, manj tamol sen ta ipalu san ninen o mala nouk mumado wak i?”

<sup>20</sup> Ru sinek tamol an Jesus san na dilasag Jon wagen lo ago dubol dusumiani, “Tamol a ipalu san ninen o man mala nouk mumado dan, onj tamol nek amaiak i? Tia, manj tamol sen ak ipalu san ninen o mala nouk mumado wak i?”

<sup>21</sup> Saen nek an lo, Jesus subam adi wei mi ikubuniai dugo, a ur saian ad da yak ur saian ikudai diau dugo, a malad itapul ak idiraig fon abanj dile se ya. Ago dugo ru sinek tamol adi kulob an fidian dile se ya. <sup>22</sup> Agog Jesus ru naon irupidai, “Amul aup mel dugo ale dugo, ru alonj na yan dam Jon arupeip ilonj a: malad itau ak afon abanj dile dugo, njed saian ak afon turenj diabi dugo, a tinid lepra amad da yan tinid sinjakaan dilasa ya. Kududod itau ak afon ru dulonj dugo, a dumat ak kumaen dumasag dumado dugo, agod tamolpein mel amad tia yak bilalunj uyanan ak njufulale pidinai dugo dulonj da. <sup>23</sup> Agod talpein a njai o ilon ta saian na yan, inj Anut san bar injane wa.”

<sup>24</sup> Jon san megeloum dumul diau dugug, Jesus Jon ninen o tamolpein irupidai o fun iganeg igo ibol, “Saen anj aben kawan talpein tia yak ate au an, anj ata mel mok ale wo au ak i? Nag anj tim ifurep war iwi yau imul dop ale wo au boi ak i? <sup>25</sup> Tia tap, ata wo au ak i? Nag anj tamol ta tinin kulob naon lak na geig ak idiri amaiak ale wo au ak i? Tia, tamol a biouj naok ago yak didiri duman, inj kinj sad ab lo mi dumado da. <sup>26</sup> Ak ninen o ata mel mok ale wo au ak i? Nag profet ale wo boi i? Awo, njai nek amaiak ninen o njurupaianj da, profet en man rumok inj profet a, ak gug inj urat subanjan taidam da imado da, <sup>27</sup> tamol nek emaiak ninen o girek e Anut san ru lo digire idugyen den, igo

ibol,

‘Ule, njaisag ru sinek tamol njidinip, onj nao na imug pe yau a.

An lo onj sa dal ikubune wa.’

<sup>28</sup> Nai rumok njurupaianj da, tamol a pein tinj aed lo dilasa yan lulunjad lo tamol ta kisaek Jon Suguek san irinjani man tia ya. Ago bo man, tamol ta Anut san kagin panek aben ilon lo yanjan tiag, aenta fidian paed na imado dan, inj Jon Suguek san irinjani geig a.”

<sup>29</sup> (Saen tamolpein kawan ak fidian, agod takis njilanjal tamol dam, ru a Jesus ibol an dulonj man, Anut san dal an mi dal rumok ak ninen o awok dupani a. Man dugo, tamolpein nek an Jon san suguek dinjane ya. <sup>30</sup> Gug Farisi inj kubiaenj san girek manjau dadi, dal uyan a Anut ikubiai pidinai an diabiani a. An ninen o suguek an ta dinjane na ya.)

<sup>31</sup> Agog Jesus fon ibol, “Saen en san tamolpein inj naok dugo wonj ak i? <sup>32</sup> Inj nek ibol nanuk kiti-tik dadenj aben na dumasig dumado dugo nanuk aenta igo dubol digiai da, ‘Manj anj atari wo dum muwi se ya, ak man anj ta atari na ya.

Agod materj saen an san bar mabi se ya,

gug anj ilom saian dugo atata man amoi a.’

<sup>33</sup> Man dugo, Jon ipalug ananj tubun ak ta yani na dugo, you sakar ak dam ta iluk na ya, an ninen o ago dubol, ‘inj ur saiak aman da ya.’ <sup>34</sup> Ago dugo Tamol Nanun dam ipalug ananj tubun ak yani dugo you sakar ak dam iluk da, an ninen o ago dubol, ‘Ale wo, tamol en tunjalek tamol, agod lukluk san tamol. Ago dugo inj mi takis njilanjal, agod aupasek adi dam sad turadi!’ <sup>35</sup> Ak man, kankan a milaen mok amaiak, injanen kagin naok naok an lo mi tamolpein malad lo man itaot geig an ikubiai pidinai a.”

*Jesus Farisi tamol ta san ab lo yau a*

<sup>36</sup> Farisi ta yanjan Saimon dubol dan Jesus ida ananj diani wo iwagi tag

inſan ab lo yaug, anañ diani wo dumasi a. <sup>37</sup> Panu an san aupasek pein ta Jesus Farisi dida dumado dan ilon tag gurenj, butol ta pat siñaokan ak nam digane yak, isinig san na ipalu ya. <sup>38</sup> Pein an ab lo iladug, Jesus patun fo itur go itata dugo, malan turon Jesus nien fo idu se yan, gurman roun nam nien isasi se ya. Nien dam musuk ipanig, gurenj fo ikulmaek a.

<sup>39</sup> Agog Farisi tamol an ile dugo, ilon lo mi ibol, “Tamol en profet ak tap man pein en fun ilon a. Pein en aupasek tinan.”

<sup>40</sup> Ago dugo Jesus Farisi an irupeig ibol, “Saimon, n̄ai ru ta n̄urupaio wo da.”

Ago tag Saimon awan yabig ibol, “Girek mañau, ubol pe.”

<sup>41</sup> Agog Jesus ibol, “Tamol uraru moni tamol ta san na gubun digane ya. Ta san gubun tinin lo yen dan man 100 kina. Ago dugo ta san gubun 10 kina. <sup>42</sup> Murnag moni tamol an inſad gubun dupani wo irupidai a, gug uraru an sad gubun dusupasi san ta idaisuda na ya. An ninen o ilon imuñanaig sad gubun an ikubuneg itout a. On̄ dugo ilo isou di? Tamol dugon, moni tamol an ninen o, nen tubun mi imat aki?”

<sup>43</sup> Saimon ru naon irupei, “N̄ai n̄abol, enti a inſan muruan nen tubun an, nek ama ya.”

Agog Jesus irupei, “On̄ane kubianek an itaot a.”

<sup>44</sup> Agog Jesus idanſag, naon pein an ipanig Saimon irupei, “Dugo, on̄ kulob e pein en igane yen ule yak i? N̄ai on̄sa ab lo n̄iladu gug on̄ you ta panag go lo n̄ieg n̄ifulani man tia ya. Gug in̄ malan turon nam n̄ieg ifulani dugo, gurman roun nam isasi panag a. <sup>45</sup> On̄ musuk ta panag man tia ya, ak gug pein en saen n̄ai n̄iladu yan fun iganeg ipalug n̄ieg musuk ipani se ya. <sup>46</sup> On̄ n̄ai gurmag fo gurenj ta kulmaek na ya. Gug pein en n̄ai n̄ieg fo gurenj mumalun uyanan ak ikulmaek idu ya. <sup>47</sup> Ago yan ninen o n̄ai n̄urupaio da. Pein en san aupasek wei mi bo man,

n̄ai aupasek an fidian n̄usuas pani la ya, man dugo, n̄ai nineg o tubun mi imat da. Ak man tamol ta inſan aupasek wei an tia n̄usuas pani tap, inſan ilo uyan man n̄ai o dam tusan mi a.”

<sup>48</sup> Agog Jesus pein en irupei, “On̄ane aupasek fidian n̄usuas pano ya.”

<sup>49</sup> Tamol aenta anañ diani wo dumasi an inſed nug durupeig dubol, “En dugo, tamol en in̄ mi ibol go, sen ilon nam aupasek ka ipare idu wak i?”

<sup>50</sup> Gug Jesus pein an irupei, “On̄ane ilo rumok patu ipasi a. On̄ maror lo mi wau.”

## 8

### *Pein malan ta Jesus nien aban duri se ya*

<sup>1</sup> Murnag Jesus panu panu lo, agod taun tubun ak lo Anut san kagin panek san ru ibol ilasa dugo itor se ya. Inſan megeloum 12 an dam dida turenj diabi se ya. <sup>2</sup> Ago dugo pein aenta, inug subam ad da yak, ur saian tinid lo ipasi an dam nien fo dida diau se ya. Lulunad lo Magdala pein ta yañan Maria. (Inug tinin lo Jesus ur saian 7 ikudai a.) <sup>3</sup> Ta man Joana, Kusa iwon. Kusa man King Herod san ab titianek tamol. Ta man Susana. In̄ pein aenta wei mi dam Jesus, inſan megeloum dida inſigned melmel lo dibinawai dugo dutor se ya.

### *Anañ kubulan san ru fañan Mat 13:1-9; Mak 4:1-9*

<sup>4</sup> Panu panu tamolpein Jesus san na dupalug, dutumani dugo Jesus ru fañan en irupidai, <sup>5</sup> “Saen ta lo tamol ta ai patun isinig abi lo ipae o yau a. In̄ yaug siñanen abi lo man ai patun banin igane anuag tan fufo iratitaleg idu se ya. Saen iratitale man, ai patun aenta dal fufo dudug tamolpein dupalug dupartitale dugo, anakanak dam dupalug diani itout a. <sup>6</sup> Agog ai patun aenta tan sagargar anda yak fufo idu ya. Saen ai patun an balud isa yak man, ririan dubun a, man dugo, tan an you an tia ya. <sup>7</sup> Ai patun aenta ud saiak lulunad lo

dudu ya, agog sisem disa diau dugo ud saian an ai uyan ak yafutanai an lo dumat a. <sup>8</sup> Gug ai patun aenta tan uyan ak lo dudu yan disa uyan go tet mi nuḡod ifu uyan a, sad sutek 100 igo ya.”

Agog Jesus ru an ibol itout man, iwagiḡ go igo ibol, “Tamol oḡ kududo ama da tap, ru an uloḡ uyanan a.”

*Jesus ru faḡan lo mi iḡiḡeḡ san fun  
Mat 13:10-17; Mak 4:10-12*

<sup>9</sup> Saen Jesus san megeloum ru en fun niḡen o dusumiani man, <sup>10</sup> igo ibol irupidai, “Anut iḡsan kagin panek aben san melmel imianuk an san maḡau ipanaḡ a. Ak man tamolpein aenta ru faḡan fun tia yak mi duloḡ da. An lo man, ‘Iḡ leil digane bo man, ilod ta itarpasi na da.

Agod kududod nam duloḡ bo man, fun mok ta diḡane na da.’ ”

*Jesus ru faḡan an fun ifulale ya  
Mat 13:18-23; Mak 4:13-20*

<sup>11</sup> “Ru faḡan en san fun igo ya: ananḡ kubulan man Anut san ru. <sup>12</sup> Ananḡ kubulan dal te idu yan man nek ibol tamol ru duloḡ gug Satan ru bubed lo ipasi dak igo woḡ a. Ago dop ḡai o ilod lo ta rumok na dop lo Anut patud ipasi san tia ya. <sup>13</sup> Ananḡ kubulan tan sagargar anda yak fo idu yan man nek ibol tamol ru duloḡ dugo yousai lo ru an diḡaneg ilod lo rumok a. Ak man tamol amaiak nek ibol ai dabid dabai an tia yak igo woḡ, saen katukan mi ilod lo rumok a. Man dugo, kubianek ipalu san saen lo iḡaned ilo rumok dibisei kisaek oḡ a. <sup>14</sup> Ananḡ kubulan ud saian ak ilon lo dudu yan man nek ibol tamolpein ru rumok an duloḡ pe ilod lo rumok kisaek oḡ dak igo ya. Ak man iḡ tan en san madok niḡen o ilo sou gidigidad mi digane da, agod iḡ melmel wei mi amad da wo dumat da, an lo iḡsad kagin uraru an Anut san ru iḡ lo yan ituani da. Amaiak niḡen o nuḡod ta ifu na da. <sup>15</sup> Agod ananḡ kubulan tan uyan ak lo idu yan man nek ibol tamol ru duloḡ dugo, iḡ tamol mok

san kagin lo ru an diabi dabaig, kagin dupani yaug, gidad saen muruan dile bo man sad kagin an nuḡon ifu da.”

*Lam san ru faḡan  
Mak 4:21-25*

<sup>16</sup> “Tamol ta iḡ lam isulanip, bod boi, tia, sareg boi paen na ta igane na da. Tia, iḡ pempem lak na isunaniḡ, tamolpein a diladu dan ka dile wa. <sup>17</sup> Nek ago mi en ata mel imianuk yen dan murnap kuai isi wa. Agod mel a tamolpein naod na dimianig yen dan, kuai te ilasap id fidian tile wa. <sup>18</sup> Ago yak niḡen o ru e aḡ aloḡ den kagin apani wa. Ata wo? Talpein enti iḡ mel ta da yan, Anut subuḡan taidam ipani wa. Ak man, enti iḡ tinin lo mel ta tia ya, ak gug gidad iḡ mel anda yak ibol da, ago bo man Anut iḡsan melmel an fidian banin lo ipasi yaup itout a.”

*Jesus tinan iḡ tein da Jesus dile wo diau a*

*Mat 12:46-50; Mak 3:31-35*

<sup>19</sup> Jesus tein muroun iḡ tinad da dile wo diau a. Ak man tamolpein wei kasik go dile san tia ya. <sup>20</sup> Ago dugo tamol ta ipalug Jesus irupeḡ, “Oḡ tina iḡ tei murou dida dilio wo dupalu yak ab patun fo dutur da.”

<sup>21</sup> Agog Jesus awan yabig ibol, “Tamolpein a Anut san ru duloḡ go kagin dupani dan, iḡ ḡai tinag di ḡai teig a.”

*Jesus tim tamun da ipidaig dutokubola*

*Mat 8:23-27; Mak 4:35-41*

<sup>22</sup> Nal ta Jesus iḡsan megeloum dida you saltek ak lo wog fo disida wo dugo irupidai, “Id gamu you aen ate tau a.” Agog wog dusoug diau a. <sup>23</sup> Agog diyawai dugo dal na Jesus malan iyof go yen a. Agog tim tubun nuḡon ifureg, wog ilon lo you idug, isarir idu wo sumeik dugo, <sup>24</sup> megeloum Jesus san na diaug dufufunig durupeḡ, “Tubun en, id tadeḡ tau o sumeik da.”

Agog Jesus imasag, tim tamun da ipidai, “Atokabol.” Agog gamu nam malin ibalsi a. <sup>25</sup> Ago dugo Jesus

megeloum ipidai, “Anjanem ilo rumok dugo i?”

Inj direr dugo durut saian man sed nug durupe, “Enso tamol ta, tim tamun da awan dulon go dutokubol aki?”

*Jesus tamol ur saian anda yak ikubuneya*

*Mat 8:28-34; Mak 5:1-20*

<sup>26</sup> Murnag diyawai go you awan aen ate Gerasin sad tan lo diau a. <sup>27</sup> Jesus wog ibiseig idu yan, tamol ta panu an san ipalu ya, inj ur saian anda ya. Saen milaen mok tamol an kulos ta idiri na ya. Agog panu na dam ta imado se na ya. Tia, inj tamol disiria ai ak sad mutou fom imado se ya. <sup>28</sup> Saen inj Jesus ile yan awan tubun mi isasaig Jesus nien fun na yau idug ibol, “Jesus, Anut lak na yak nanun, on mel ta nai lo i? Nai on o namosiai da, madai tubun ak panag umoi!” <sup>29</sup> Jesus gubak mi ur saiak tinin lo ilasa wo ru dabai nam irupe ai, an ninen o ur saiak an ago ibol a. (Saen wei kasik ur saian an yabig tinin itirni se ya. An lo sein nam, agod kam dabai geig nam nien banin dubahanig imado dugo, titianek tamol dam tawan dutur se ya. Ak man saen fidian sein kam dam iburti idug isol go ur saiak ilon ibol dak lo tan yoitout ate yau na ya.)

<sup>30</sup> Aria, Jesus tamol an isumiani, “On yanja enti?”

Agog irupe, “Nai yanag Wei Kasik” Man dugo, gubak mi ur saiak wei mi tinin ilon lo diladug dumado se ya. <sup>31</sup> Agog ur saian adi saen wei mi Jesus dugudanig dubol, “On diramap gib kuror fun tia ak lo madu wo ago rupaiama umoi.”

<sup>32</sup> Aria, ante man bor malan tubun ak wei mi bubun an giranen na dupan di dutur se ya. Ago dugo ur saian adi an bor tinid lo diladu wo Jesus dugudani se ya. Ago man Jesus awok ibol go diau a. <sup>33</sup> Agog ur saian adi tamol an dibiseig, bor tinid lo diladu ya. Agog bor malan tubun an fidian mi ilod imasa saian go dumaspalu

dudug, damab aen te dusokalik man, you awad lo yang dumat a.

<sup>34</sup> Bor an sad titianek tamol aban ago dile tag disol go diaug panu tubun ak lo, panu kitiktik lo tamolpein an fidian durupidai se ya. <sup>35</sup> Tamolpein ru dulon go, inj dam aban dile wo diau a. Dupalug, Jesus nien fun na tamol imug ur saian anda yan imasig, kulos idirig imado dugo dile ya. Inj itokubol go, kankan fidian uyan ak lo mi imado dugo dileg, durut saian a. <sup>36</sup> Aenta malad nam aban dile yan, tamolpein naod na Jesus tamol an dugo won ikubuneya yan dubol se ya. <sup>37</sup> Agog Gerasin tamolpein tubun mi direr tag Jesus imul yau wo dusumiani a. Ago tag Jesus wog lo isudag imul yau o da.

<sup>38</sup> Tamol a tinin lo ur saian ikudai an, Jesus ida diau o dabai igane yak man Jesus geg iganeg ibol, <sup>39</sup> “Umul waup, onsigane panu na, Anut ikubunio an ninen o ru ubol dop dulon a.” Agog tamol an imul yang, panu ilon lo Jesus inj ikubuneya yan san ru ibol dugo dulon se ya.

*Kubakan ta imat ak inj pein ta subam anda yak da*

*Mat 9:18-26; Mak 5:21-43*

<sup>40</sup> Saen Jesus imul man, tamolpein malan tubun you aen ate malan digane yan duyunani a. <sup>41</sup> Ago dugo tamol ta yanjan Jairas ipalu ya. Inj ubou ab san gurman ta. Inj nanun pein kisaek o lian, san anajar 12 an imat o sumeik ak ninen o, inj Jesus nien fun na yau idug, ida inisan ab lo diau wo isumiani a.

<sup>42</sup> Jesus yau dugo tamolpein dupalug dubuluwi nunon. <sup>43</sup> Lulunad lo pein ta anajar 12 siganen dar tinin ilon lo yak ilasa se ya. Inisan moni samukan fidian dokta tinid lo ibiseigug ta kisaek pein en ikubuneya yan man tia geig a. <sup>44</sup> Doup lulunad lo mi Jesus patun fo ipalug san kulos bitinen te isupuri a. Agog gamu nam dar an igos a. <sup>45</sup> Ago tag Jesus isumianaig ibol, “Enti nai isupurag aki?”

Fidian tia dubol go Pita ibol, “Tubun en, tamolpein wei kasik



dubuluwo dugo tinid nam on dupuno da!”

<sup>46</sup> Ak man Jesus ibol, “Talpein ta isupurag a, man dugo, naineg dabai aenta ibisawag dugo nai tinig lo nukubiani a.” <sup>47</sup> Pein an kuai tem ilon go, imunamuk pe imado san tia ya. Agog tubun mi isuruwor dugo, ipalug Jesus nien fun na isaluwi idug, tamolpein malad lo fun dugog Jesus isupurig, inisan subam an itout an ibol a. <sup>48</sup> Agog Jesus irupei, “O nanug pein, onsigane ilo rumok nai lo yan ikubunio ya. Maror lo wau.”

<sup>49</sup> Jesus ago ibol dugo, tamol ta Jairas san ab lo yak ipalug, Jairas igo irupei, “On nanu pein imat la ya. Gidad on girek manau muruan taidam ta pani na wa. Ak ninen o ulefuni dop yau a.”

<sup>50</sup> Jesus ago ilon tag Jairas irupei, “Urut umoi. Ilo lo rumok dop, nanu pein fon kumaen ilasa da wa.”

<sup>51</sup> Saen ab lo ilasa yan Jesus tamolpein aenta ab lo diladu man imoi. In Pita, Jon, Jems agod nanuk tinan taman mi dida diladu ya. <sup>52</sup> Tamolpein fidian ab lo yan nanuk ninen o ilod saian dugo tina aru digane se ya. Agog Jesus irupidai, “Atata amoi. Nanuk en ta imat pasi na ya. In nion yabi da.”

<sup>53</sup> Ago ibol dugo disel go awan kukokan digane se ya. Man dugo, in dulon, nanuk an imat mok a. <sup>54</sup> Gug Jesus nanuk banin te yabig ibol, “O nanug, masa!” <sup>55</sup> Agog nanuk anen kumaen san ur imul ipalug fon kumaen imasa kisaek on a. Agog Jesus ibol dugo anan dupani a. <sup>56</sup> Nanuk tinan taman kulob ago dileg, durut saian geig a. Ak man Jesus kudod yabig ibol, “Kulob ale yan tamolpein aenta naod na ta mok abol na wa.”

## 9

*Jesus megeloum 12 idinaig bilalun diau a*

*Mat 10:1-15; Mak 6:7-13*

<sup>1</sup> Jesus inisan megeloum 12 an itumanaig, ur saian dukudai dop subam dukubiniai san dabai ipidinai

a. <sup>2</sup> Agog idinaig diaup, Anut san kagin panek ninen o dubol ilasa dop subam adi dukubiniai o ibol a. <sup>3</sup> Ago dugo Jesus irupidai, “An turen lo, makud, badam, nion san bioun, anan, agod moni ta mok asini na wa. Siot subunan dam ta asini na wa. <sup>4</sup> Ab dugon lo digian tap, nek ante mi amado nap panu an abisei a. <sup>5</sup> Panu ta lo tamolpein an o ta dumat na tap, panu an abisei wo dop, niem san gufgaf apilti pidinai a. Agop lo dulon ak, in Anut san kagin panek dumoi a.” <sup>6</sup> Agog megeloum diaug, panu panu bilalun uyan ak dubol ilasa dugo, subam adi dam dukubiniai se ya.

*Herod isumiaen, Jesus in enti mok?*  
*Mat 14:1-2; Mak 6:14-16*

<sup>7</sup> Herod Galili provins san gurman tubun an melmel fidian ilasa na yan ilon go ilon weiwei geig a. Man dugo, tamolpein aenta dubol, “Jon suguek san in fon kumaen imasa da ya.” <sup>8</sup> Aenta dubol, “Elaija boi, tia, profet wagam san ta fon kumaen imasa boi.” <sup>9</sup> Ago gug Herod ibol, “Nai Jon buron nitarti a. Ak gug tamol e melmel emaiak iganeg ru an nalon den, in enti?” Ago dugo in Jesus ile wo yaes tubun mi ifuni se ya.

*Jesus tamolpein 5,000 ifutuwai a*  
*2Kin 4:42-44; Mat 14:13-21; Mak 6:30-44; Jon 6:1-13*

<sup>10</sup> Inanen megeloum dumul dupalug Jesus naon na melmel fidian digane yan dubol idu ya. Agog megeloum an in al go pasak nam panu ta yanan Betsaida dubol dan ate diau a. <sup>11</sup> Ak man tamolpein malan tubun mi Jesus dugo yau wo igane dan dulon tag, nien aban duri se ya. Ago tag igiaig dupalug, Anut san kagin panek ru ifulale pidinai dugo, aenta subam ad da yan ikubuniai se ya.

<sup>12</sup> Gurai idu dugo megeloum 12 Jesus san na diaug, durupei, “On tamolpein dinaip, panu susumeik an lo, gidigheid diaup, sed ninedi wo anan o, nion aben o aban dile wa. Man dugo, aben en yoitout a.”

<sup>13</sup> Ak man Jesus ru naon irupidai, “Ansem ka afutuwai a.”

Ago tag durupei, “Man anan tia ya. En iy uraru, agod bret kafen mi dien da. Dugo, man maup, doup tubun en ninedi wo anan taida madad o?”  
<sup>14</sup> (Doup tubun dumado yan tamol kitek faiv tausen igo won a.)

Agog Jesus megeloum irupidai, “Tamolpein arupidaip, nunod fifti malan kisaek kisaek lo mi dumado wa.”

<sup>15</sup> Agog megeloum adi Jesus ibol ago diganeg, tamolpein durupidai dugo dumasi a. <sup>16</sup> Agog Jesus iy uraru, bret kafen an inaneg, malan lak na isudag, Anut ilo uyan ipani gug bret yafuteg, megeloum ipidinaig duwae se ya. <sup>17</sup> Tamolpein fidian bret iy da dianig, luad ipuk go megeloum anan wadan dutumanig sareg 12 digane anuai a.

*Pita, Jesus in Kristus an kuai te ibol a*

*Mat 16:13-20; Mak 8:27-30*

<sup>18</sup> Nal ta Jesus sen kisaek igudanig imado dugo, inanen megeloum dam susumeik dumado dugo isumianai, “Tamolpein naj o enti dubol dak i?”

<sup>19</sup> Agog ru naon durupeig dubol, “Aenta on suguek tamol Jon dubol da. Aenta dubol, on Elaija boi, tia, profet aenta wagam mi dumat na yan ta fon kumaen imasa ago dubol da.”

<sup>20</sup> Ago dugo megeloum isumianai, “Gug ansem mi naj enti mok abol di?” Agog Pita ru naon igo irupei, “On Anut anen Kristus.”

*Jesus murnap imat gup imasa da wak ninen o ibol a*

*Mat 16:21-28; Mak 8:31-9:1*

<sup>21</sup> Agog Jesus megeloum kududod yabig, ru dabai nam irupidaig ibol, “Tamolpein gidigheid naod na ru an ta abol na wa.” <sup>22</sup> Ru awan ibateg ibol, “Tamol Nanun muruan tubun ak wei mi ile wa. Pris gurman adi, Isrel matu gurman dida, agod kubiaen san girek manau dam patud dupanip dile saian a. Agop dufuni imat a. Nal utol gib lo yen gup, fon kumaen imasa da wa.”

<sup>23</sup> Agog fidian irupidai, “Ta in naj iganurag o tap, insiganen ilo ibol patun ipanip, dal fidian lo siganen aigim isinip, njeg aban iri wa. <sup>24</sup> Ta insinan tinin mi kagin ipani dan, ideg yau a. Gug ta naj ninjeg o siganen madok tan en lo yan ibisei dan, patu pasek inane wa. <sup>25</sup> Talpein ta tan en san madok lo malan imug dop, an lo tan en san filian fidian an san muroun ilasa wak gug, nutun ideg yau, tia, daon inane tap, an dugo won, sen ninen o nunon uyan ak igane ilasa wak i? Man tia geig a. <sup>26</sup> Tamol Nanun insan lilaman lo, Bai san lilaman lo, enel gun adi sad lilaman lo ipalu wa. Ta in naisag ru yanag da o miai ifuni tap, saen Tamol Nanun imul dop, in dam tamol an ninen o miai ifuni wa. <sup>27</sup> Naj rumok nurupaian da. Gamu an aenta e atur den gamugo amat dop, Anut san kagin panek ale wa.”

*Jesus naon tinin ibilisa ya*

*Mat 17:1-8; Mak 9:2-8*

<sup>28</sup> Jesus ru an ibol go nal 8 yau dugo Pita, Jon, Jems ago injal go did fo igudani wo dusuda ya. <sup>29</sup> Jesus igudani dugo naon ibilisag, insan kulos dam ibilisag milkouk kasik. <sup>30-31</sup> Ago dugo tamol uraru girager amad da dilasa ya. Tamol uraru an man Moses in Elaija da ya. Jesus mitep mater a Anut ilon yen dan lo Jerusalem na ile wan ninen o, Moses in Elaija da Jesus dida dinjen se ya. <sup>32</sup> Pita turan muroun dida malad muruan se ya, ak gug malad ipuk go dumado dugo Jesus girager anda dile ya. Agod tamol uraru dam dutur dugo dil a. <sup>33</sup> Moses in Elaija da fun diganeg diau dugo, Pita kankan an tia igo ibol, “Tubun en, uyanan geig a. Man lalai utol mabi wa. Onane kisaek. Elaija an kisaek. Agod Moses an kisaek.”

<sup>34</sup> Ago ibol dugo timtaen ipalug, yafutanai dugo megeloum utol an direr saian mok a. <sup>35</sup> Agog awan ta timtaen lo iwagin go ibol, “En najneg nanug, najneg Pilianek Tamol. Awan alon a.” <sup>36</sup> Saen awan itau man Jesus

sen kisaek itur dugo dile ya. Saen an megeloum aban ago dile yan tamolpein naod na ta dubol na ya. Tia, in sed ilod lo mi dutueg yen a.

*Jesus pinein ta tinin lo ur saian ikudig yau a*

*Mat 17:14-20; Mak 9:14-29*

<sup>37</sup> Murnag did dibiseig dudu dugo, tamolpein malan tubun ak ante dumado yan Jesus dile dugo san na dupalu ya. <sup>38</sup> Doup an luluᅇad lo tamol ta iwagin go ibol, "Girek maᅇau, ᅇaineg nanug e ule den niᅇen o ilo isou. Nai nanug en igo kisaek o lian a. <sup>39</sup> Ur saian ta pempem yabi dop isasai da. Iganep bururau ifuni dop subulbal awan lo ilasa da. Nek ago mi pempem madai ipani dugo, daon dam ipani da. <sup>40</sup> Onsa megeloum ur saian an dukudi wo ᅇusumianai gug in digane san tia ya."

<sup>41</sup> Jesus ru naon irupeig ibol, "O an saen en san tamolpein, an ilo rumok amam tia ya, agod an ilom gidigidad amado da. Nal sapta ᅇai an da tumado wak i? Nal sapta muruan a apanag on dan ᅇisini wak i? Nanuk an igo anane apalu."

<sup>42</sup> Nanuk ipalu dugo ur saian an nanuk itarfuni ibili idug, idududuruk dugo yen se ya. Gug Jesus ur saian an naon ifute ipeig pinein an ikubune ya. Agog pinein an inaneᅇeg taman ipani a. <sup>43</sup> Tamolpein fidian Anut san dabai an dileg, durut saian a.

*Jesus aᅇon inanen mateᅇ niᅇen o ibol a*

*Mat 17:22-23; Mak 9:30-32*

Saen tamolpein an Jesus kulob fidian e igane yen niᅇen o ilod weiwei man, Jesus in san megeloum igo irupidai, <sup>44</sup> "Ru en alon dop ilom isou uyanan. Tamol Nanun ager adibanid lo digane wa." <sup>45</sup> Ak man megeloum ru an fun ta dulon na ya. Anut ru an fun mok imiani a, agod dulon san tia ya. Taida mi, megeloum adi Jesus ᅇiᅇen en isafulale pidinai o dusumiani san man direr a.

*Enti in tubun a*

*Mat 18:1-5; Mak 9:33-40*

<sup>46</sup> Megeloum in sed mi nug dupeig dubol, "Id luluᅇad lo enti malan te yak i?" <sup>47</sup> Jesus in sad kankan ilon go nanuk nanun ta inaneᅇeg giranen na igunig <sup>48</sup> megeloum irupidai, "Talpein enti ᅇai yanag lo nanuk igo yan inane wo iyuᅇani tap, ᅇai dam in jiliag o iyuᅇanag da. Agod talpein a ᅇai in jiliag dan, Enti a ᅇai idinag go ᅇupalu yan dam inane da. Man dugo, talpein a an luluᅇam lo sen yabi idup murna geig an, in mi malan te ya."

<sup>49</sup> Jon Jesus irupeig, "Tubun en, maᅇ tamol ta on yan a lo ur saian ikudai dugo mile ya. Tamol an maᅇsama tia ya, an niᅇen o imoi o murupeig a."

<sup>50</sup> Agog Jesus irupeig, "Ago igane dop apadau amoi. Man dugo, ta an sam ager tia yan in id sad urat kisaek a."

*Sameria aenta Jesus dumoi a*

<sup>51</sup> Jesus Anut san panu lo yau san saen sumeik dugo, in naon Jerusalem na ipanig tureᅇ yabi se ya. In ru sinek tamol aenta idinaig dumug go <sup>52</sup> Sameria na panu ta lo dumado san aben dukubune dop ipalu wo diau a. <sup>53</sup> Panu ta lo diladu yak gug, tamolpein panu an san diᅇililai o dumoi. Man dugo, tamolpein dulon ak, Jesus Jerusalem na yau da. <sup>54</sup> Saen Jems in Jon da aban ago dile tag Jesus durupeig, "Tubun en, ubol tap, mabol dop keit lo yai idup, panu en imarip inani yau a." <sup>55</sup> Ak man Jesus idan sag ru dabai nam ipidai a. <sup>56</sup> Ago tag panu sen ta lo diau a.

*Jesus ᅇien aban diri san muruan*

*Mat 8:19-22*

<sup>57</sup> Dal na diau dugo, tamol ta Jesus irupeig, "On dugo wau dan ᅇai dam ante tau a."

<sup>58</sup> Ago tag Jesus ru naon irupeig, "Goun kasik in gib ad da ya. Anakanak in wur ad da ya. Gug Tamol Nanun man, in kabuᅇan igansip yaes ibal san aben tia ya."

<sup>59</sup> Agog Jesus tamol sen ak ta irupeig, "ᅇieg aban uri."

Gug tamol an ibol, “Tubun en, umoi dop njaup, tamag njsare gup.”

<sup>60</sup> Ago tag Jesus ru naon irupeig ibol, “Tamolpein a in sed njudi lo dumat la yan bisawai dop, insigned tubabun an ka disiriai idu wa. On waup, Anut san kagin panek ninen tamolpein naod na ubol ilasa dop du lon a.”

<sup>61</sup> Agog tamol taidam irupeig, “Tubun en, nai dam nje aban niri wa. Ak man umoi dop, njaup, tinag tamag teig taog banid nabi gup.”

<sup>62</sup> Ago tag Jesus tamol an irupeig, “Tamol ta urat igane dugo pempem patun na idansa idanla won dan, in Anut san kagin panek san urat igane san ta idaisuda na ya.”

## 10

*Jesus urat tamol 72 ipilianaig diau a*

<sup>1</sup> Murnag Jesus urat tamol 72, panu panu lo diau o nuḡod uraru uraru ipilianaig, dumug diau se ya. <sup>2</sup> In gamugo turenḡ diabi dugo, ru kagin igo ibol irupidai, “Anan nuḡon tubun mok ifu a. Gug urat tamol wei an tia ya. Ak ninen o abi taman agud uani dop urat tamol taidam idinaip an da aup, anan nuḡon atumani wa. <sup>3</sup> Ago yak ninen o au. Gamu nḡidinan den man nek ibol sipsip nanudi goun kasik ak luluḡad lo diau dak igo won a. <sup>4</sup> Moni, badam, sendal ta asini na wa. Saen dal ari dan lo, enti ta naom na ilasa dop an pasak ta agane na wa.”

<sup>5</sup> “Ab ta ilon lo aladu wo dop, abol, ‘Maror am da amado.’ <sup>6</sup> Tamol maror san ak imado tap, ananem maror in lo yen a. Tia tap, ananem maror imul pe muroum sam na ipalu wa. <sup>7</sup> Ab dugon lo aladu dan, nek ante mi amado wa. Anan you dupanan dop ani aluk a. Man ata wo, urat tamol man inaned naon dinane san idaisuda ya. Ab sensen lo ta au na wa.

<sup>8</sup> “Agod panu ta ilo uyan lo mi dinḡilan tap, anan digane panan dan ani wa. <sup>9</sup> In sad subam adi akubuniaid dop, panu an san tamolpein dam

arupidai, ‘Anut san kagin panek sumeik ipanan la ya.’ <sup>10</sup> Gug panu ta ate alasap, in an lo uyan tia tap, panu titinagem mi alasap, abol, <sup>11</sup> ‘Ananem panu san gufgaf njiema fo isuda yen, gamu muroum sam na mipitili idu da. Alon ak, Anut san kagin panek sumeik ipanan la yak man an amoi da.’ <sup>12</sup> Nai nḡurupaian da, murnap nal wadan lo dop, rumok, Sodom adi fon mi muruan tubun mi dile wa. Gug muruan a panu an san tamolpein murnap dile wan, Sodom sad muruan an irinani geig a.”

*Jesus panu aenta sad tamolpein ilod lo tarumok nayan ru lo ibiai dudu ya*

*Mat 11:20-24*

<sup>13</sup> “O Korasin san tamolpein, muruan tubun geig ale wa; O Betsaida san tamolpein, an dam muruan tubun geig ale wa. Man dugo, kulob girager a nai an luluḡam lo nḡigane dan, wagam Tair in Saidon da luluḡad lo nḡigane tap, taun an san tamolpein wagam mi ilod ibilisa wa. Ago dop mugun san kulos didirip, yai san utut fo dumasip dumado wa. <sup>14</sup> Ago man saen Anut san bitinaek san nal ipalu wan lo, ansam aupasek naon Anut ipanan an senamo geig a. Muruan an Tair in Saidon da sad muruan an irinani geig a. <sup>15</sup> Agod an Kaperniam tamolpein, sem yanam abisap keit lo isuda wak i? Tia mok, Anut in sen inḡilian pe au adup tan ilon lo aben yanam Ades dubol dan lo idiran pe amado wa.”

<sup>16</sup> Agog Jesus in san urat tamol 72 fon irupidai, “Ta an awam ilon dan, nai dam awag ilon da. Go ta an imoi dan, nai dam imoi a. Go ta nai imoi dan, Enti a nai idinag go nḡupalu yan dam imoi a.” Agog diau a.

*Anut inanen mel imianuk fidian tamol yanad tia yan ikubiai pidinai a*

<sup>17</sup> Murnag tamol 72 an Jesus san na dumul dupalug, uyad isusag dubol, “Tubun en. Nek ur saiak saiak on yan mupate dan lo awama paen na dumado dugo awama diabi da!”



<sup>18</sup> Agog Jesus ru naon irupidai, “Nai gubak mi Satan nile dugo, nek ibol lak na weil irafule yak igo won, keit ibiseig idu ya. <sup>19</sup> Alon, nai an dabai nupanan la ya. Ak ninen o an mot, lualiu da ka aparfufarai a. Ananem ager Satan san dabai fidian an ka abi idu wa, agod mel ta malam isue san tia ya. <sup>20</sup> Gug an ur saian saian awam diabi dan ninen o ta uyam isusa na wa. Tia. Anut ananem yanam kumaen panu na igireg yen dan mi ninen o uyam isusa wa.”

*Jesus youn isag Anut per ipani a  
Mat 11:25-27; 13:16-17*

<sup>21</sup> Saen an lo Jesus Urgun lo ilon imasag yousai tubun geig ak lo Anut irupe, “O Bai, tan keit da sad Tubun a, nai ilo uyan ru nupano da. Man dugo, mel en fidian tamolpein a kankan ad milaen an, agod a dulon dubol dan dam, minami pidinai a. Ak man on mel an fidian tamol a yanad tia yan kubiai pidinai a. O Bai, awo, ago gane san an onane ilo, an ninen o nai youg isa dugo ilo uyan nupano da.”

<sup>22</sup> “Nai Tamag iginiag go mel fidian sad tamad nilasag numado da. Tamol ta in Anut Nanun ta ilon na ya, nek Taman in sen mi a. Agod tamol ta in nai Tamag ta ilon na ya, nek naiseg mi, agod tamol nek amaiak Nanun in sinan ilobol lo mi Taman ikubiai pani wa.”

<sup>23</sup> Agog Jesus idansag, megeloum pasak nam irupidaig ibol, “Mel gamu ale dan ninen o ilom uyan. <sup>24</sup> Man dugo, profet adi agod kin adi wei kasik, mel e gamu an ale den dile wo mok dumat se ya, ak man in ta dile na ya. Agod ru e gamu an alon den dulon o mok dumat se ya, ak man ta dulon na ya.”

*Sameria tamol inanen ager ibinawi a*

*Luk 18:18-30*

<sup>25</sup> Kubiaen san girek manau ta imasag Jesus ibitinae wo isumiani, “Girek manau, nai dugo niganep kumaen njane wak i?”

<sup>26</sup> Ago tag Jesus isumianig ibol, “Moses san kubiaen lo dugo digire yak i? Ata ru suti ak i?”

<sup>27</sup> In ru naon igo irupe, “On gidad Tubun en onane Anut ninen o umat a, on bube fidian lo, nutu fidian lo, onane ilo sou fidian lo, agod onane dabai fidian lo ago gane wa. Agod, nek onse nne wo umat dak ago mi tamolpein aenta dam njedi wo umat a.”

<sup>28</sup> Agog Jesus tamol an irupe, “Onane ru naon itaot a. Nek ago mi gane tap, kumaen pempem san nane wa.”

<sup>29</sup> Ak man kubiaen san girek manau an, tamolpein aenta malad lo inanen nao lalek an uyanan ilasa wo ilon ibol a. Ago yan ninen o in Jesus igo isumiani, “Tamol ninen ubol an enti mok i?”

<sup>30</sup> Ago tag Jesus ru naon igo irupeig ibol, “Tamol ta in Jerusalem ibiseig Jeriko na yau dugo dal na gumagam tamol adi diabi a. Agog bioun tinin fo yan dirasireg digam go, dufunig imat go tubabun yen dugo diau a. <sup>31</sup> Saen nek an lo pris ta dal an mi irig ipalu ya. Saen ipalu man tamol an imat go tubabun dal te yen dugo ile tag, dal gin irig irinanig yau a. <sup>32</sup> Livai san gugoi lo tamol taidam ipalug tamol an dal na yen dugo ile man, in dam dal senamo inane yau a. <sup>33</sup> Agog Sameria tamol ta dal an inane yau nag tamol an ile, ago man ilon tubun mi imunani a. <sup>34</sup> Ago tag wain in guren da marasin on inane nam tinin baob ifulanig ifou. Agog tamol an in sinanen donki fo igane isudag, inane lou ab ta lo diaug kaginan igane ya. <sup>35</sup> Tidom lom mig kina uraru ab an san titianek tamol ipani dugo irupe, ‘Kaginan gane. Murnap namul dop, melmel sapita in tinin lo bisei an naon nai on nupano wa.’ ”

<sup>36</sup> “On dugo ubol di? Tamol utol an lulanad lo enti inanen turan o imat ak i?”

<sup>37</sup> Ago tag kubiaen san girek manau an ibol, “Tamol a ilon imunani ama ya.”

Ago dugo Jesus irupeig ibol, “On dam waup, nek ago mi gane wa.”

*Jesus Marta in Maria da sad nayau a*

<sup>38</sup> Jesus inanen megeloum dida di-aug panu ta ate dilasa ya. Atna pein ta yanjan Marta dubol dan Jesus iwagig inſan ab lo diau a. <sup>39</sup> Marta tein ta yanjan Maria, in Tubun en njen fun na imasig imado dugo, inſan ru ibol dugo ilon se ya. <sup>40</sup> Ago dugo Marta mi sen kisaek anan biabi an iganeg yaug, ilon saian tag ipalug Jesus irupeig ibol, “Tubun en. Nai teig en ibisawag go seg mi urat en fidian njigane dan njen dugo kankan gane dak i? Peip, ibunawag.”

<sup>41</sup> Ago man Tubun en ru naon irupe, “O Marta! On mel wei mi ninedi wo ilo weiwei dugo ilo muruan da. <sup>42</sup> Gug on mel kisaek malan te yak njen o kankan ta gane na da. Maria mel an ipilianig inane ya. Talpein ta mel an banin lo ipasi san tia ya.”

## 11

*Jesus megeloum gadin digane wo ipitenanai a*

*Mat 6:9-13; 7:7-11*

<sup>1</sup> Saen ta Jesus aben ta lo iguduanig itout an megeloum ta ipalug isumiani, “Tubun en, Jon inſan megeloum gudanek ipitenanai ak ago mi man dam pitenanama.”

<sup>2</sup> Ago tag Jesus irupidaig ibol, “An agudani wo tap, igo agod a: ‘Mananema Bai, onane yanja gun. Onane kagin panek ipalu.

<sup>3</sup> Nal anak anak san anan panama.

<sup>4</sup> Mananema aupasek ilo inanon.

Man dugo, aupasek a aenta man lo digane dan iloma inanon da.

Bitinaek lo naoma ta urae na wa.’”

<sup>5</sup> Agog Jesus gudanek ipitenanai yaug, ru mitilaen en irupidai, “Gamu tura ta san ab lo waup, tidom lak dalawan tutip, anan ta ipano wo gudanip ubol. <sup>6</sup> ‘Turag ta gamu nam najsag na ipalu yak man nai anan amag tia ya.’

<sup>7</sup> “Ago dop tura ab ilon lo ru naon irupaio, ‘Nion saen go maen dak njen o lein panama umoi. Dalawan itau a, pein nanuk fidian dien la ya. Nai nmasap mel ta njupano san tia ya.’ <sup>8</sup> Gug nai njurupaian da, gidad, onsa tura bo man anan ta ipano na wa. Gug on gidad miai ifuno bo man maeg ganep sumiani on tap, melmel fidian njen o ilo ibol dan ipano wa.”

<sup>9</sup> “Ago yak njen nai njurupaian da: Agudani dop, ipanan a. Aban abi dop, ale wa. Dalawan atuti dop, ipasi panan a. <sup>10</sup> Fidian dugudani dan dinane wa. Ta aban yabi dan ile wa. Ta dalawan ituti dan Anut ipasi pani wa.”

<sup>11</sup> “Dugo, an nanuk tamadi, nanum ta iy o igod dop, aben lo mot apandi? <sup>12</sup> Tia. Kurek patun o ibol dop lualiu apandi? An dam tia ya. <sup>13</sup> An bo saiami a, ak gug nanum melmel ninedi wo dugod tap, mel uyan ak apidinai da. Nek ago mi Bai Anut dam tamol enti Urgun inane wo igod tap ipani wa.”

*Tamolpein Jesus Belsebul san dabai lo urat igane dak ago dubol a*

*Mat 12:22-30; Mak 3:22-27*

<sup>14</sup> Nal ta Jesus tamol ta, ur saiak igane awan itau ak tinin lo ikudi a. Agog tamol an awan ipuk go ininon a. Ago man tamolpein wei mi ate dutur dan fidian durut saian a. <sup>15</sup> Ak man aenta dubol, “Ur sisaiak sad gorman yanjan Belsebul tabol damaiak san dabai lo mi in ur sisaiak ikudai diau da.” <sup>16</sup> Ago dugo aenta Jesus naon dukubiani wo kulob girager ta igane dop, dile wo dusumiani. An lo dop dulon ak, Anut sen idinig ipalu ya.

<sup>17</sup> Gug Jesus inſad ilod ilon la yak njen o irupidai, “Panu ta nug ditarpalep malan uraru dilasap, inſed ilod lo mi nug dufuni tap, in saen milaen ta dumado na wa. Gugoi ta ditarpalep sensen dutur o digane tap, inſad gugoi an yau idu wa. <sup>18</sup> Ago yak njen o Satan inſen lo tarpalek igane dop, dugo won pe inſan kagin panek aben an dabai yen yau ak i? Nai

an nabol dan man fun, n̄ai Belsebul dabai ipanag ak lo ur sisaiak n̄jukudai diau dak abol da. <sup>19</sup> Gug an rumok tap, an̄siganem megeloum adi, enti san dabai nam ur saiak dukudai diau dak i? Fun amaiak nin̄en o an̄siganem megeloum in̄sed mi, saen Anut san bitinaek nal ilasa dop, kubianek tamol oŋ dilasap bitinaek lo didiraŋ a. <sup>20</sup> Ak man n̄ai Anut banin nam ur sisaiak n̄jukudai diau dak ago tap, an̄ gidad alon̄ uyanan a, Anut san kagin panek an sin̄irem na ipalu la ya.”

<sup>21</sup> “Tamol ta dabai ak ager san biouŋ tinin fo idirip ate in̄anen ab melmel da kagin ipidinai tap, in̄anen melmel an fidian itaot mi dien a. <sup>22</sup> Gug tamol ta nen dabai ak ipalup, yu in̄ lo iganep itout tap, in̄san ager san biouŋ biouŋ a ate in̄anen tini ganei igane se yan fidian igam pe isini yau a, agop in̄san furan fidian dam in̄anep iwae yau a.

<sup>23</sup> “Talpein enti in̄ n̄ai ta iganurag na dan, in̄ patun ipanag da. Agod talpein a n̄ai da sisem anaŋ mutumani san urat ta migane na dan, n̄aisag urat iratitale da.”

*Ur saiak dukudig yau an imul ipalu ya*

*Mat 12:43-45*

<sup>24</sup> “Saen ur saiak ta tamol tinin lo yak dukudip yau tap, aben igosan ak ate gidigidad ila iso wa. Ante aben ta yaes ibal san ile wo aban̄ yabi wa, ak man aben an ta ile na wa. Ago dop ilon lo ibol, ‘N̄ai gidad n̄amul pe ab gubak mi ate n̄umado amaiak lo n̄au a.’ <sup>25</sup> In̄ imasap yau ak man, ab an kawan di ilon dam diriani dugo mel fidian dukubuneg itaot dien dan ile wa. <sup>26</sup> Amaiak nin̄en o in̄ imul yaup, ur saiadi geig ak 7 taidam in̄jal a. Ur an kulob sisaiak digane san man in̄ dirin̄ani geig a. In̄ sisem ab an lo diladup dumado wa. Gubak mi tamol an san madok saian a, ak man gamu gup san madok saian geig a.”

<sup>27</sup> Jesus ru ago ibol dugo, pein ta tamolpein luluŋad lo imasag iwagin go ibol, “Pein a iginiosig su ipano yan bar in̄aneg imado da.”

<sup>28</sup> Gug Jesus awan yabig ibol, “Tia. Enti Anut san ru ilon̄ dugo kagin ipani dan mi bar in̄aneg imado da.”

*Tamolpein kulob girager dile wo dusumiani a*

*Mat 12:38-42*

<sup>29</sup> Tamolpein wei mi dususa se ya, ago dugo Jesus irupidai, “Saen gamu en san tamolpein man saiadi geig. In̄ kulob girager ta kob igo won̄ dile wo dusumianag da. Ak man Anut kulob girager ta tamolpein an ta ipidinai na wa, nek kob kisaek an mi ka dile wa, kob an man profet Jona san a. <sup>30</sup> Man dugo, nek ibol Ninive adi malad lo Jona kob oŋ ilasag imado yak igo won̄, n̄aiseg tamolpein saen en san in̄anen malan lo kob naon nek ago n̄ilasap n̄umado wa. <sup>31</sup> Kwin a saut lo ilasa yan man, an̄ gamu saen en san tamolpein dida Anut san bitinaek nal lo sisem amasap, kot lo atur a. Ago dop kwin an an̄ nin̄emi wo ru ibol ilasa dop boum ipanaŋ a. Man ata wo? Kwin an in̄ tan asau mok imado bo man, Solomon san kankan milaen amaiak ibol ilasa dop ilon̄ o ipalu ya. Ago yak gug tamol ta dam in̄ ente imado da, tamol an man Solomon irin̄ani geig a. <sup>32</sup> Ninive san tamolpein man an̄ gamu saen en san tamolpein dida Anut san bitinaek nal lo sisem amasap, kot lo atur a. Ago dop Ninive adi an̄ nin̄emi wo ru dubol ilasa dop boum dupanaŋ a. Man ata wo? Ninive adi Jona san ru ibol ilasa yan dulon̄ go an lo ilod ibilisa ya; ak man tamol ta in̄ Jona irin̄ani geig an gamu imado da.

*Tinid san lilaman*

*Mat 5:14-16; 6:22-23*

<sup>33</sup> Tamol ta in̄ lam ibanip ta imianip yen na da. Agod sareg paen na ta iganep yen na da. Tia, in̄ kuai te isun̄anip iyuk yen da. Ago dop tamolpein a ab lo diladu dan lilaman dile wa. <sup>34</sup> On̄ane mala man tini san lilaman. Saen on̄ane mala uyan tap, tini fidian geig an ilalaŋ da awan isa wa. Ak man saen oŋ mala saian tap, tini fidian geig an tidom tubun da

awan isa wa. <sup>35</sup> Ago yak ninen o kagin agane. Kabelan lilaman a on lo yan tidom tubun on banau. <sup>36</sup> Amaiak ninen o ananem tinim fidian an ilalan dugo gigin ta lo tidom tubun ta yen na tap, aria, lilaman a an lo yen dan awan isa wa, nek ibol lam ided dan on tini fidian ilalan da.”

*Misilanek ru siks*  
*Mat 23:1-36; Mak 12:38-40*

<sup>37</sup> Saen Jesus inijen go itout an Farisi ta iwagig inisan ab lo anan diani wo diau a. <sup>38</sup> Jesus Juda kagin irinanig, banin ta ifulani na dugo anan diani wo dumasia a. Farisi an Jesus ago ileg, irut saian. <sup>39</sup> Ago tag Tubun en Farisi an irupe, “An Farisi man gab daeg da tinid patud fo yak mi afulanai da. Gug ilom lo man mala sek, agod kagin saiak saiak mi awan isa ya. <sup>40</sup> An Farisi njeo tinami. Anut tinim igane dugo ilom dam igane ya. An lo ata wo ilom ta akubune na dak i? <sup>41</sup> Melmel a anjam gab daeg lo yan bigabeg adi apidinaip lo sed ibunawai tap, an tinim fidian Anut malan lo ikokan imado wa.”

<sup>42</sup> “O Farisi, muruan tubun geig ak ale wa! Man dugo, ananem abi san anan melmel kititik an fidian atumanip, malan 10 ilasa gup malan kisaek atarpalep Anut apani da. Gug an Anut san kubiaen malan te yak arinani da. An tamolpein kot lo ta atarpasai uyanan na dak, agod Anut ninen o dam ta amat na da. Kagin malan te yak agane wa, agod kubiaen san ru kagin kititik dam ta abisei na wa.”

<sup>43</sup> “O Farisi, muruan tubun geig ak ale wa! Man dugo, an ubou ab lo tamolpein malad lo kapal malan te yak fo amado wo agane da. Agod an tamolpein malak malak yanjam dia-bisa wo agane da.”

<sup>44</sup> “An kagin agane! An man ibol tubabun gib lo imianuk yen dugo tamolpein ta dulon na dugo fufo diau dumul dugo sed nun ipidinai dak igo won a, ago man in an sinirem na dupalu yan lo Anut malan lo nun anda dilasag dumado da.”

<sup>45</sup> Agog kubiaen san girek manau ta Jesus irupe, “Girek manau, on ago ubol dan man dam paiama da.”

<sup>46</sup> Agog Jesus ru naon irupe, “O kubiaen san girek manau, an dam muruan tubun geig ak ale wa! Man dugo, an tamolpein kubiaen fidian kagin dupani wo abol da. An lo tamolpein muruan tubun kasik apidinai da. Gug injad muruan lo an banim ilap kitek ta abinawai na da.”

<sup>47</sup> “Rumok an muruan tubun geig ak anane wa! An profet adi dumat la yan sad mutou damag sinjakan apani da, ak gug profet nek an ananem tubum bagem dufu dumat a. <sup>48</sup> Kagin e agane den lo ansem kot ipanan da, man dugo, kagin a gubak mi digane na yan ninen o awok apidinai da. In profet adi dufu dumat se ya, agod an sad mutou akubune da. <sup>49</sup> Amaiak ninen o In a tinin ilon lo Anut anen kankan milaen ak yen dan, igo ibol go irupaian, nai profet adi agod aposel adi nidinaip dupalu dop anjam na dilasa wa. Ago bo man an aenta afu dumat a, aenkadi muruan funfun dupidinai se ya. <sup>50</sup> Fun an ninen o, profet fidian ager adi banid lo maten dile yan, kagin amaiak san ai wadan Anut ansem mi ipanan a. An man anjanem muruan mi a. <sup>51</sup> An lo Abel imat ak san saen log ipalug kin Joas san saen lo, Sakaraia in Berekaia nanun tempel san galun gun ak, alta da titinae mi tubum bagemi dufunig imat a, kagin an san ai wadan an tamolpein gamu dumado den sad na ilasap disini wa.”

<sup>52</sup> “O kubiaen san girek manau, muruan tubun geig ale wa! An tamolpein manau dinane san ki an banid lo apasi yau a. An tamolpein a manau san ab lo diladu wo ilod ibol dan sad dal afutani da, agod ansem ta aladu na ya.”

<sup>53</sup> Jesus aben an ibisei dugo Farisi in kubiaen san girek manau dida tinjed tubun mi saian se ya. Ago man Jesus yau dugo Farisi adi sumiaek funfun lo dusue se ya, ago dugo aten dusue dop melmel wei mi ninedi



wo inijen dop duloŋ o digane se ya.  
<sup>54</sup> Jesus ifurfi dop lo ru dupani wo  
malad digane se ya.

## 12

*Kagin sewak ak niŋen o kagin  
agane wa*

*Mat 10:26-27; 16:6; Mak 8:15*

<sup>1</sup> Tamolpein wei kasik dutumanig,  
aben tia dugo nug tinin fo dutur se ya.  
Ago dugo Jesus imug megeloum ru  
kagin igo irupidai, “Farisi sad kagin  
sewak an niŋen kagin agane wa. In  
bale uraru tinadi, awad ru ibol dugup  
nuŋon ta digane na da. <sup>2</sup> Kagin fidian  
imianuk yen dan kuai isi wa. Kisaek  
ta imianuk yen san tia ya. <sup>3</sup> Ago  
yak niŋen o ru ta tidom tubun lo an  
anijen dan ad lo tamolpein duloŋ a.  
Ru dugon nug kududon lo kisikisik  
ab san galuŋ imianuk an lo abol dan,  
malak malak lo dam duloŋ a.

*Anut mi niŋen o tarer a*

*Mat 10:28-31*

<sup>4</sup> “Turag muroug, ru ŋurupaian da.  
An tamolpein tinim dufuni imat an  
niŋen o arut amoi. Tinim mi ka du-  
funi imat a, ago gup nen dufuni san  
tia ya. <sup>5</sup> Ŋai tamol niŋen o arer san  
ŋurupaian da. Anut mi niŋen o arer  
a. In tamol tinin ifuni imat pe ŋutun  
dam ka ibal yai lo yau a. Awo, rumok  
ŋurupaian da, in mi niŋen o arer a!”

<sup>6</sup> “Toea uraru nam kuseŋ 5 didad  
da. Gug Anut kuseŋ an kisaek ta ilon  
iŋaon san tia ya. <sup>7</sup> Ago yak niŋen  
o arer amoi. Man dugo, Anut an o  
ilon isou da. Anut malan lo talpein  
san naon lak na geig, an kuseŋ wei  
kasik sad daden naon irinani geig a.  
Rumok, nek ananem gurmam roun  
sapita yan isutig ilon da.”

*Jesus yan an malak malak apate wo  
ta arer na wa*

<sup>8</sup> “Ŋai an ŋurupaian da. Talpein ta  
tamol naod na in ŋaisag ago ibol tap,  
ŋai dam Anut san eŋel naod na ŋatur  
pe ŋabol ak in ŋaisag a. <sup>9</sup> Ak man  
talpein ta tamol naod na in ŋaisag tia  
yak ago ibol tap, ŋai dam Anut san

eŋel naod na in ŋaisag tia yak ago  
ŋabol a. <sup>10</sup> Agod talpein ta in Tamol  
Nanun niŋen o ru saiak ibol dan, Anut  
aupasek an ka isuas yau a. Ak gug  
talpein ta in Awan Urgan niŋen o ru  
saiak ibol dan, Anut talpein an san  
muruan ta isuas yau na wa.”

<sup>11</sup> “Saen diŋilian pe Juda sad tu-  
manek ab lo tamol tutubun naod na  
atur o, tia gabman gurman naod na  
atur dop, dugo won sem ibalgiranan  
pe anijen an niŋen ilom ta weiwei na  
wa. <sup>12</sup> Saen nek an lo man Urgan in  
ru abol ilasa san an ikubiai panan a.”

*Ŋiŋeo tamol a filian andayan san ru  
fanan*

<sup>13</sup> Tamol ta tamolpein luluŋad lo  
Jesus irupeig ibol, “Girek maŋau, ŋai  
teig matu an rupeip, bai san filian an  
yabitip, anen anen atem misini wa.”

<sup>14</sup> Ago tag Jesus ru naon irupeig  
ibol, “O turag, enti ŋai an filiam  
ŋitarpale wo ipilianagi?” <sup>15</sup> Agog Jesus  
irupidai, “Kagin agane. An tamol sen  
ak san filian niŋen o malam ta isi na  
wa, kagin naok ago yan fidian niŋen  
o sen alasa wa. Man dugo, tamol san  
madok uyan man tan san filian lo ta  
yen na da.”

<sup>16</sup> Ago tag Jesus ru mitilaen en irup-  
idaig ibol, “Filian tamol ta in tan mu-  
nan uyanan ak lo anan ipaeg isa uyan  
a. <sup>17</sup> Agog inŋen kankan ago igane,  
‘Ŋai darem\* fidian lo anan ŋidiri san  
ta idaisuda na ya. Ak niŋen o dugo  
ŋigane wak i?’ <sup>18</sup> Agog ibol, ‘Ŋai darem  
ŋusubarap, foun tutubun ak ŋususe  
idu wa. Ante anan, melmel aenta  
ŋidiri wa. <sup>19</sup> Agop ŋai melmel uyan ak  
wei mi amag da wa. Ananar wei mi  
yen da, an yaes ŋabal san idaisuda ya.  
Ago yak niŋen o ŋani ŋaluk dop, seg  
malag ŋupare won dop ŋumado wa.’ ”

<sup>20</sup> “Gug Anut ibol, ‘On ŋiŋeo! Gamu  
tidom dop on umat a. Ago dop enti  
onŋa filia an inane wak i?’ ”

<sup>21</sup> “Tamolpein ensauta a tan en lo  
inaned filian bageu san tubun mi du-  
tumani wo dumat da, ago gug Anut

\* 12:17: Badbad

malan lo man in filiad tia ya, kagin nek ago mi in lo ilasa wa.”

*Ilom weiwei amoi*

*Mat 6:25-34*

<sup>22</sup> Agog Jesus megeloum irupidai, “Ak ninen o anjam madok ninen o ilom ta muruan na wa. Mel ani wan ninen o, mel aluk san agod biouj tinim san an ninedi wo ilom ta muruan na wa. <sup>23</sup> Man dugo, anaj an mel tusan dugo ntumi an mel tubun a. Taida mi, biouj tinim san an mel tusan dugo tinimi mok an mel tubun a. <sup>24</sup> Anakanak ninen kankan agane, in anaj ta dupae na da, in anaj disinip anaj ab lo ta dutumani na da, ak man Anut inaned anaj ipidinai da. Ak dugo, Anut malan lo anakanak mel tusan dugo an mel tubun geig ak i? <sup>25</sup> Agod enti ta anj lulunjam lo, ilo wei lo iganep injan san san madok san saen kitek an isupasi wak i? <sup>26</sup> Ago yak ninen o mel nanun an agane san tia tap, ata wo melmel an aenta fidian ninedi wo ilom weiwei dak i?

<sup>27</sup> “Garanj san kakak dugo wonj disa dak ilom isou a. Kakak an urat ta digane na dak, agod inaned biouj dam ta diwei na da. Ak man naj nrupaianj da, gidad Solomon damag sinjakaan ak dupani bo man, injan leil man kakak an san leil igo tia ya. <sup>28</sup> Aria, Anut garanj san kakak san leil iganep sinjakaan ago dilasa dop, gidad gamu kumaedi dumado gup gabulop yai lo diabiau o tap, o anj tamol ilo rumok amam tusan a, ak dugo, anj dam biouj tinim fo ta idiri na wak i? <sup>29</sup> Amaiak ninen o ilom muruan pe ‘ata tani wak i?’ tia, ‘ata taluk ak i?’ ago ta abol na wa. Ilom weiwei amoi. <sup>30</sup> Man dugo, tan en san tamolpein fidian mel an fidian abanan diabi dutor da. Agod anjanem Tamami mel fidian a ninen o anj katukami dan ilonj fufei da. <sup>31</sup> Gug imug mi man, Anut san kagin panek an anjanem madok lo malan te mok agane tap, melmel en fidian dam anjane wa.”

*Anut san panu lo mel uyan ak ule san dal*

*Mat 6:19-21*

<sup>32</sup> “O njaisag sipsip malan wei tia yan, arer amoi. Anjanem Tamam inanen ilo uyan lo inanen kagin panek ipanaj a. <sup>33</sup> Ago yak ninen o anjanem filiami an adad yaup, moni anjanep, tamolpein a melmel ad tia yan abinawai. Dal an lo Anut urat naon injanen panu lo idirip, pempem yen a. Darir, gumagam tamol adi dida dusubari san tia ya. <sup>34</sup> Aben dugon lo anjam urat naon yen dan anjam ilo girek fidian dam nek atna mi yen a.”

*Kagin aganep amado*

*Mat 24:45-51; Mak 13:32-37*

<sup>35</sup> “Malam kumaen amado wa. Tinim akubunep, lam asulanip ided dop, tawanj aganep amado wa. <sup>36</sup> Urat pinein inaned tirnek tamol soubul lo yau ak imul o malan digane wa. Ago tap, inaned tirnek tamol imul ipalup, dalawan ititi dop ka dupasi kisaek onj a. Tamol nek ago alasap amado wa. <sup>37</sup> Pinein malad kumaen dumado dan in o ru tia ya. Pinein an irupidaip, dumasi dop, injan anaj ipidinai a. <sup>38</sup> Gidad, tidom lak boi, tia, salso idu wo sumeik dugo ipalu tap, pinein malad kumaen dumado dan uyad isusa wa. <sup>39</sup> Gug anj mel en ninen o ilo sou agane. Ab taman in saen dugon lo gumagam tamol tidom lo ab igilep ilon lo iladu wan ilonj tap, inj ta yen na wa. Tia, tawanj igane uyanan pe gumagam isadu san dal ifou wa. <sup>40</sup> Ago yak ninen o anj dam malam ipuk pe abanj ale wa. Man dugo, saen anj Tamol Nanun ipalu san an ta akubiani na dop, saen nek en lo inj imul ipalu wa.”

*Urat tamol uyan ak, in saian ak da*

<sup>41</sup> Jesus ru ibol itout an Pita isumiani, “Tubun en. Onj ru en manj mi rupaiama di? Tia, tamolpein fidian rupidai di?”

<sup>42</sup> Ago tag Tubun en ru naon igo irupej, “Ab taman ta injan urat pinein a manau amad da, agod awan diri dupani dan, kob ipidinaig an lo in injanen urat pinein aenta itirnai a, agod anaj diani san saen ante mi anaj ipidinai da. Ak dugo, anj lulunjam lo, enti in

urat pinein naok igo yak i? <sup>43</sup> Saen ab muroun ipalup urat pinein an inſan urat igane uyanan dan ile tap, in lo uyan a. <sup>44</sup> Nai rumok nŕurupaian da. Tamol tubun en inanen urat pinein emaiak kob ipanip, an lo inanen biouŕ fidian kaginad igane wa. <sup>45</sup> Ak man urat pinein an tamol saian tap, ilon lo igo ibol, ‘Naisag tamol tubun en ta ipalu kisaek oŕ na da.’ An niŕen o fun iganep urat pinein aenta, tamol in pein da, ifu isusap, lukluk tamol dida anaŕ diani dop, you sakar ak duluk o kagin naok ago igane wa. <sup>46</sup> Urat pinein an san gurman nal agod auwa dam ta ilon na dop ipalu wa. An lo dop tamol tubun en ipalu saltik oŕ pe urat pinein an ibaltiti idu wa. Ago dop awa parsisalek tamol adi luluŕad lo iganep dida dumado wa.”

<sup>47</sup> “Urat pinein inanen tubun ak ilon ilon gug ta iri ipani na tap, muruan tubun mi ile wa. <sup>48</sup> Gug ta inanen tubun ak ilon ta ilon na dugo igane saian tap, tamol an bu kabelan mi inane wa. Enti a Anut maŕau tubun mi ipani dan, Anut isumiani dak, inanen urat lo nuŕon tubun mi dam igane wa. Agod enti a Anut binawek nen tubun mi ipani dan, nuŕon dam nen tubun mi igane wo tinin igane pani da.”

*Jesus niŕen o tamolpein tarpalek malan uraru*  
*Mat 10:34-36*

<sup>49</sup> Agog Jesus ibol, “Nai tan na yai nŕigane wo nŕupalu ya. An niŕen o nŕisag ilog man yai an gubak mi ided la yak man uyanan a. <sup>50</sup> Gug muruan tubun nŕisini wak naog na yen da. An niŕen o nŕisag ilo muruan an yen dop yaup, muruan an itout a. <sup>51</sup> Ak dugo, nŕai maror tan en lo nŕigane ilasa san nŕupalu yak ago ilom isou dak i? Tia geig a, nŕai nŕurupaian da, maror tia, tia, biatitek mi a. <sup>52</sup> Saen gamu en go yau dan, nŕai o ab aenta lo tarpalek yen a. Nuŕod kafenda tap, utol nŕai aneg dudu wa, ago dop uraru nŕai o ru sen dubol a. <sup>53</sup> Nanuk tamadi dumasap, nanud lo siai digane wa. Nanuk dam

tamadi lo siai digane wa. Tinadi dumasap, nanud pein lo siai digane wa. Nanud pein dam tinadi lo siai digane wa. Nanuk iwod dumasap, nanuk tinad dida siai digane wa. Ago dop nanuk tinad dam raod lo siai digane wa.”

*Jesus san ager adi aban dugo dile dan dulon uyan san ta idaisuda na ya*  
*Mat 16:2-3*

<sup>54</sup> Agog Jesus tamolpein malan tubun an fon irupidai, “Saen ad idu yau dak ate timtaen bilkas ale dop abol da, ‘Ui idu wa.’ Ago dop ui idu da. <sup>55</sup> Saen tim tubun mi ifure dop, an alon, ad idu wa. Agop ad idu da. <sup>56</sup> An sewak tamol. An aban lak na yak ale dop fun alon da. Tan na dam aban ale dop, fun alon da. Ak man ata wo melmel gamu ilasa dan fun ta alon na dak i?”

*Ririan ru akubune wa*  
*Mat 5:25-26*

<sup>57</sup> “An ata wo kagin itaot agane san dal ta akubiani fufei na di? <sup>58</sup> Tamol ta in oŕ inŕilio kot lo au dop dal na oŕ in da ririan ru akubune wa. Kabelan inŕiliop, bitinaek tamol naon na alasap ai katuk banid lo iginiop dusubano banau. <sup>59</sup> Nai nŕurupaio da. Dusubano dan lasa san tia geig. Mado nap oŕane muruan naon an niŕen o, moni samukan fidian udad itout gup, lasa wa.”

## 13

*Tamol ilon ta ibilisa na dan, in ideg yau a*

<sup>1</sup> Saen an lo tamolpein dupalug Jesus durupe, “Juda tamolpein aenta Galili na dumado dan Jerusalem na tempel lo dupalug, Anut yai digane pani dugo gabman gurman, Pailat, tamolpein an ifu dumat dugo, inŕsad dar tinid lo ilasa se yan mudan a yai digane dan da ikubuli a.” <sup>2</sup> Ago tag Jesus isumianai, “Ak dugo, in dal an lo dumat an niŕen o an ilom lo abol, inŕsad kagin saiak Galili tamolpein aenta sad kagin saiak irinani ak ago abol di? <sup>3</sup> Tia geig. Gug nŕai nŕurupaian da. Ananem saian an fidian patum

ta apani na wak an rumok tap, an dam nek ago mi adeg au a. <sup>4</sup> Dugo, tamolpein 18 Siloam na ab lak na geig an yau idug ifu dumat an, ilom lo inşad kagin saiak an Jerusalem tamolpein aenta sad kagin saiak an irinani abol di? <sup>5</sup> Tia geig a. Gug njai njurupaian da. Anjanem kagin saiak patum apani. Tia tap, an ago mi adeg au a.”

*Gurab nunjon tia yak san ru fañan*

<sup>6</sup> Agog Jesus ru fañan en irupidai, “Tamol ta inşan abi lo ai gurab ta ipae ya. Nal ta yaug, gurab patun aban ile tia tag, <sup>7</sup> inşan abi titianek tamol irupe, ‘Nai anajar utol gurab an patun ta nile man tia ya. Ak ninen o tare. Etna itur dop, tan bulbal injanep itout banau.’ <sup>8</sup> Ak man abi titianek tamol irupe, ‘Tubun en. Gidad, umoi dop, anajar kisaek taida itur dop tile gup. Njai dabin tan nupanip afon tile wa. <sup>9</sup> Agop, anajar naod na yan nunjon ifu uyan tap, itur a. Gug tia tap, titare wa.’”

*Jesus pein ta Sabat nal lo iganeg uyan a*

<sup>10</sup> Sabat nal ta Jesus Juda ubou ab ta lo ru ipitejanai se ya. <sup>11</sup> Saen an lo pein ta itaror on itor dak an dam imado ya. In gubak mi ur saian tinin lo iladug yen dugo subam an injaneg anajar 18 yau la ya. Saen fidian ifotsa san ta idaisuda na ya. <sup>12</sup> Jesus pein an ile tag iwagig, ipalug irupe, “Onane subam gamu njigane itout a.” <sup>13</sup> Ago dugo banin tinin fo iganeg, gamu nam ifotsag, Anut yanjan yabisa ya.

<sup>14</sup> Jesus Sabat nal lo pein an iganeg uyan ak ninen o, ubou ab an san titianek tamol tinjen saian. Ago tag in tamolpein ipidaig ibol, “Nal 6 an urat san. Ago yak ninen on enti saia tap nal 6 an ilon lo palup, ikubunio. Gug Sabat nal lo man tia ya.”

<sup>15</sup> Ago tag Tubun en tamolpein fidian ubou ab an lo yan ru naon igo irupidaig ibol, “An balem uraru tinami a! An Sabat nal lo, anjanem makau boi, tia, donki kam burod lo

yan apasip, anjal pe da aup you ta apidinai da. An ta rumok na i?

<sup>16</sup> Nek ago mi, gamu pein en, Abraham malan kubulan, in anajar 18 Satan banin lo imado se ya. Dugo, nal gun en lo Satan banin lo tupasi tap, dugo ilom isou di? An saian ak i?”

<sup>17</sup> Inşan ru naon an iganeg, tamol a fidian sumianek dupani an miai ifu ya. Gug tamolpein aenta man Jesus kulob funfun igane na yan ninen o ilod tubun mi uyan se ya.

*Ai patun kitiktikan san ru fañan*

*Mat 13:31-32; Mak 4:30-32*

<sup>18</sup> Agog Jesus fon irupidai, “Anut san kagin panek man dugo won ak i? Njai ata mel lo tou njigane wak i?”

<sup>19</sup> In ibol ai patun kitiktikan yanjan masted dubol dak on a. An tamol ta injanep, injanen abi lo ipaep, ipuk pe, isap, ai tubun ak on ilasa wa. Ago dop anakanak raen fo wur dufuni wa.”

*Yis san ru fañan*

*Mat 13:33*

<sup>20</sup> Agog Jesus afon isumianai, “En ata mel njai Anut san kagin panek da tou njigane wak i? <sup>21</sup> In ibol yis on. Pein ta yis injanep, plaua daeg tubun ak lo yan ida ikubulip, yen dop plaua ikafut yaup tubun a.”

*Dalawan ipipiani an*

*Mat 7:13-14,21-23*

<sup>22</sup> Jesus Jerusalem na yau dugo, dal na panu tutubun ak, agod kitiktik ak dam lo, Anut san ru ipitejanai dugo yau se ya. <sup>23</sup> Ago dugo tamol ta Jesus isumianig ibol, “Tubun en, dugo, Anut tamol wei an tia patud ipasi wak i?”

<sup>24</sup> Ago tag Jesus irupidaig ibol, “Dalawan man ipipiani an. An dalawan ipipiani an lo aladu wo maeg agane wa. Man ata wo? Njai njurupaian da, tamolpein wei mok Anut san kagin panek aben lo diladu wo ilod ibol da, ago bo man diladu san tia ya. <sup>25</sup> Man dugo, ab taman dalawan ifutanip, an lo aenta asupakuk dop, patun fo atur a. Dalawan atitip, awagin a, ‘Tubun en, on dalawan pasi panama.’



“Gup in ru naon igo irupaian a, ‘An dugon te alasa yan naj ta nalon na ya.’

<sup>26</sup> “Ago dop arupeip abol a, ‘On man da sisem tani taluk na ya. Man sama panu lo dam pitejanama na ya.’

<sup>27</sup> “Ago gup irupaian, ‘Nai fon nurupaian da, an dugon te alasa yan naj ta nalon na ya. An aupasek tinami, sen alasa.’

<sup>28</sup> “Aben an ate an atata dop lomi agurmi wa, man dugo, Abraham, Aisak, Jekop, profet adi fidian dam Anut san kagin panek aben lo dumado dop eil a, ak man diabianan pe patun fo alasan amado wa. <sup>29</sup> Tamolpein wei kasik ad isuda dak lo, ad idiau dak lo, not lo, saut lo dam an fidian dususap, Anut san kagin panek aben lo diladup anan diani wo dumasip dumado wa. <sup>30</sup> Alon uyan, aenta gamu murna yan murnap dumug a, ago dop aenta gamu malan te yan murnap murna geig dumado wa.”

*Jesus Jerusalem ninen o itata ya*  
*Mat 23:37-39*

<sup>31</sup> Saen an lo mi Farisi aenta dupalug, Jesus durupeip, “On gidad, gamu aben en biseip sen lasa. Man dugo, Herod on ifuno umat o ilon yen da.” <sup>32</sup> Ago tag Jesus ru naon irupidai, “Aup, goun kasik an arupeip, ‘Nai saen gamu, gabulo an man ur saiak saiak nukudai diau dop, tamolpein subam ad da yan nukubunia a. Salsop naisag urat wadan nufutani wa. <sup>33</sup> Ago yak ninen naj gamu, gabulo, salso man turen mi naj wa. Man dugo, aben a ate profet ta dufuni imat an man Jerusalem mi a, an ninen o panu sen ta lo dufuni imat banau.’ ”

<sup>34</sup> “O Jerusalem. On profet adi ufu dumat na ya. Anut tamol onsa na iginiai dupalu dan dam pat nam ufu da. Nal wei kasik ibol kurek ta nanun subarin paen na kagin ipidinai dak ago mi naj kagin nupanan o njigane gug an naj amoi a! <sup>35</sup> Ago yak ninen o Anut ansam tempel ibiseig kawan yen da. Agod naj nurupaian da, an naj fon ta aliag na dop yaup an saen igo

abol, ‘Tamol e Anut yan an lo ipalu den Anut anen bar tinin lo yen da.’ ”

## 14

*Jesus tamol ta tinin ikafut ak ikubuneya*

<sup>1</sup> Sabat nal ta lo Jesus Farisi gurman ta san ab lo anan yani wo yau a. In fidian Jesus kulob dugo igane dop dile wo malad ti ibol go leil dupanig lo ru dupani san ago digane se ya.

<sup>2</sup> Agog tamol ta njen banin ikafut ak Jesus sinjiren na ipalu ya. <sup>3</sup> Jesus tamol an ile tag kubiaen san girek manau, in Farisi dida isumianai, “Idsad kubiaen dugo ibol ak i? Sabat nal lo subam adi ka tukubunia ak i? Tia yak i?” <sup>4</sup> Ak man in fidian ru ta dubol man tia ya. Ago tag Jesus tamol an inane ikubuneg itout go idinig yau a.

<sup>5</sup> Agog Jesus fon isumianai, “An lunjam lo tamol ta nanun boi, tia, in san makau boi, you san gib lo idu yau tap, mel en Sabat nal lo ilasa yan ninen o, ririan yaup irae isudap inane wak i?” <sup>6</sup> Ak man ta kisaek ru naon ipei man tia ya.

<sup>7</sup> Jesus Farisi an san ab lo imado dugo, tamolpein dupalug kapal malan te yak atem dumasi wo digane dugo yil. Ago tag ru fanan en ibol, <sup>8</sup> “Tamol ta nug nanek san soubul lo igiop wau tap, imug mi kapal malan te yak fo masi umoi. Kabelan tamol ta on irinano yak dam iwagip ipalu banau. <sup>9</sup> Agop soubul taman an ipalup irupaio, ‘On gidad masa dop, in aben en lo imasi wa.’ Agop on miai tubun mi ifuno dop, masap waup, kapal wadan na yan fo masi wa. <sup>10</sup> Tia. Saen tamol ta soubul lo igio tap, waup, imug mi gidad kapal wadan na yan fo masi wa. Ago dop soubul taman onsa na ipalup, irupaio igo ibol, ‘Turag, on masap palup aben uyan en lo masi wa.’ Ago tap on tamolpein dumado dan malad lo on yan ama da wa. <sup>11</sup> Man dugo, tamol ta in sen yabisa dan, Anut in yabi idup tamol yan tia yak imado wa. Agod ta in sen yabi idu dan Anut in yabisap yan anda imado wa.”

<sup>12</sup> Agog Jesus soubul taman irupeï, “Saen soubul gane tap, oñane tura, murou, ab susumeik, filiad anda yak mi giai umoi. Man dugo, in murna dop soubul naon digane panop, an lo inaned gubun dupano wa. <sup>13</sup> Tia, saen oñ anan ta wabi wo tap, bigabeg adi, dutor san tia yan, a ñiedi tubabunan, agod malad tia an dam, gidad soubul lo giai dupalu wa. <sup>14</sup> Ago tap oñ bar uyan ama da wa. Man dugo, in naon fon oñ dupano san tia ya. Gug mitep saen tamol itaot adi kumaen dumasa dop, Anut kulob a gane yan naon ipano wa.”

*Soubul tubun ak san ru fanan*

*Mat 22:1-10*

<sup>15</sup> Agog tamol ta in dam ante anan diani ak ru an ilon tag Jesus irupeig ibol, “Talpein in mitep Anut san kagin panek aben lo soubul tubun an lo dumado yan bar inaned imado da.”

<sup>16</sup> Ago tag Jesus tamol an irupeig ibol, “Tamol ta in soubul tubun ak iganeg, tamolpein wei mok dupalu wo igiai a. <sup>17</sup> Murnag biabi fidian itout dugo inanen urat pinein idinig yaug, tamolpein igiai an irupidai, ‘Apalu, biabi fidian itout la ya.’ <sup>18</sup> Agog anen anen fun diganeg soubul lo ta diau na wan ninen o urat pinein an durupeï a. Tamol malan malan an ibol, ‘Ñai tan kilaken ta ñadad ak ñaup ñile wa. An ninen o gidad, ñai ilo isou umoi.’ <sup>19</sup> Tinin te yan ibol, ‘Ñai urat san makau 10 ñadad a. An lo ñaup ñibitinaï o da. Ulon de? Gidad, ñai ilo isou umoi.’ <sup>20</sup> Ago dugo neinta dam ibol, ‘Ñai nor na geig pein ñinane ya. Ago yan lo ñai gamu ñau san tia ya.’”

<sup>21</sup> “Ago tag urat pinein an fon imul yaug ru fidian inanen tubun an naon na ibol. Insan tubun en ru an ilon go tinan saian tag, urat tamol an fon idini dugo igo irupeig ibol, ‘Ririan waup, panu ilon lo saiak saiak adi, bigabeg adi, ñied banid imat, malad tia yak, an unal pe dadi apalu.’”

<sup>22</sup> “Agog urat pinein an imul ipalug ibol, ‘Oñane ru ubol an ago mi ñigane

ya. Tamol ñañal ak gug aben aenta wei mi kawan dien da.’”

<sup>23</sup> “Ago tag tamol tubun an urat pinein afon idini dugo irupeig ibol, ‘Waup, dal garan lo, abi dal lo tamolpein man sodudunaip unal pe dida apalu wa. Agop ñaisag ab awan isa wa.’ <sup>24</sup> Ñai ñurupaio da, tamol a malmalan ñigiai ak gug in dumoi an, ñaisag anan en awad kitek issue ile san tia ya.”

*Jesus ganuri san muruan*

*Mat 10:37-38*

<sup>25</sup> Tamolpein wei kasik Jesus ñien fo diau dugo idan sag irupidai, <sup>26</sup> “Talpein ta ñai iganurag o da, ak gug in tinan, taman, iwon nanun, tein muroun, lun muroun fidian ta patun ipidinai na dop, in sen o kankan igane tap, talpein naok an ñaisag megeloum ilasa san tia ya. <sup>27</sup> Ta in sinanen aigim isinip, ñieg aban ta iri na tap, in ñaisag megeloum oñ ilasa san ta idaisuda na ya.

<sup>28</sup> “Tamol ta in ab lak na nunon yabi wo imat tap, in imasip, ilon igire wa. Bor sapita issue wak, agod moni sapita ibiseip ab an yabi itout an ilon isou uyan gup, ab an yabi wa. <sup>29</sup> Gug ago ta igane na tap, ab tubun an fun mi igane gup ta yabi itout na wa. Ago dop aenta ab an dile dop, kukok an diganep <sup>30</sup> dubol a, ‘Tamol en urat fun igane gug igane itout san ta idaisuda na ya.’

<sup>31</sup> “Nek ago mi kin ta yaup, tan sen ak ta san kin da nug dufuni wo tap, in imasap ilon igire uyanan a, man dugo, insan yu tamol 10 tausen mi, gug neinta san man 20 tausen. Ak dugo, insan 10 tausen neinta san 20 tausen dirinanai san idaisuda yak i? Ilon ago igire wa. <sup>32</sup> Aria, in ta idaisuda na tap, tamol idinaip diaup, kin neinta an dal na mi ida ru dukubunep, ilod kisaek, agop nug ta dufuni na wa. <sup>33</sup> Nek ago mi, talpein ta in ñai iganurag o imat tap, tan en san filian fidian patun ipani gup, in ñai iganurag a. Tia tap, ñaisag megeloum ilasa san tia ya.

*Beig san ru fañan*  
*Mat 5:13; Mak 9:50*

<sup>34</sup> “Beig man mel uyan a. Gug saen inñsan bulbal an itout dan dal ta lo fon tiganep, bulbal san tia ya. Inñsan urat dam fidian itout a. <sup>35</sup> Ago dop tibiliau da. Tamol oñ kududo ama da tap, ru an uloñ uyanan a.”

## 15

*Sipsip ideg yau ak san ru fañan*  
*Mat 18:12-14*

<sup>1</sup> Nal ta takis ñilañal adi inñ aupasek tamol adi dida Jesus san ru duloñ o dususa ya. <sup>2</sup> Agog Farisi adi, inñ kubi-aenñ san girek mañau dida Jesus patun fo disidag dubol, “Tamol an aupasek adi dida nug turan diganeg dida anañ kisaek mi diani da.”

<sup>3</sup> Ago tag Jesus ru fañan en ibol irupidai, <sup>4</sup> “Tamol ta inñsan sipsip 100 gug luloñad lo kisaek ideg yau tap, an ninen o dugo igane wak i? Inñ sipsip 99 an itumanaip dumado dop yaup, kisaek an abañan yabip itor nap ile mok a. <sup>5</sup> Saen sipsip an ile dan ilon uyanan pe, inñanep paon fo ibili isudap, isinip, panu na yau a. <sup>6</sup> Agop inñanen turan muroun, ab susumeik an igiaip dupalup, agop irupidai, ‘Ñai ilog tubun mi uyan da. Man dugo, ñaisag sipsip kisaek ideg yau gug fon ñile ya. Ak ninen o apalup yousai tigane.’ <sup>7</sup> Nek ago mi lak na Anut san eñel adi dam tamol ta Anut san kagin imoi ak fon ibileksa dop, inñ o ilod tubun mi uyan da. Ak man 99 a itaot la yak dubol go dumado dan inñ o eñel adi uyasusai ta digane na da.

*Moni patun ideg yau ak san ru fañan*

<sup>8</sup> “Nek ago mi pein ta inñ moni patun 10 gug kisaek ideg yau dop ninen o dugo igane wak i? Inñ lam ibanip, ab ilon irianip, abañ yabip yau na gup ile wa. <sup>9</sup> Saen ile dan turan muroun, agod ab susumeik an igiaip, dutumanip, irupidai, ‘Moni patun a ideg yau an fon ñile ak ninen o ilog tubun mi uyanan a. Ago yak ninen añ ñai da sisem ilod uyanan a.’ <sup>10</sup> Ñai añ

ñurupaianñ da, nek ago mi Bai Anut san eñel adi aupasek tamol ta kisaek ilon ibilisa tap, an ninen o ago mi uyad tubun mi isusa wa.”

*Taman ta nanun ideg yau ak san ru fañan*

<sup>11</sup> Jesus ru awan ibateg ibol, “Tamol ta nanun uraru a. <sup>12</sup> Nanun bakan an taman irupeig ibol, ‘Bai, oñane filia ñai teig da wabitip ñaineg ñutug gamu en panag.’ Ago tag taman inñanen filian an yabitig nanun uraru mi anen anen ipidinañ a.

<sup>13</sup> “Murnag nanuk bakan ak inñanen filian an idad yaug, san moni an isinig panu ta asau ak lo yau. Atna uyasusai kagin lo moni isini an isuwari yau. <sup>14</sup> Inñ melmel fidian isini an igane itout a, ago gug kadag tubun ak tan an lo idu ya. Ak man tinin lo melmel an fidian itout go muruan tubun mi isini se ya. <sup>15</sup> Ago tag yaug, panu an san tamol ta san na urat igane wo isumiani. Tamol an yabig idinig yaug bor sad ar lo inñanen bor kaginad igane dugo imado se ya. <sup>16</sup> Ago dop bor sad anañ samsamun ta yani wo yaes isofutani gug talpein ta mel yani san ta ipani man tia ya.

<sup>17</sup> “Saen tinin imadan man, ilon ipastig ilon lo igo ibol, ‘Ñai tamag san urat pinein bo inñ anañ idaisuda mi diani dugo dumado da. Ak man ñai ente kadag ibiag dugo matenñ ñile wo sumeik da! <sup>18</sup> Ñai ñumasap bai san na ñaup ñabol a: O bai, ñai oñ Anut da naom na ñigane saian a. <sup>19</sup> Ago yan lo ñai oñ nanu ubol san ninen o ñai ta idaisuda na ya. An ninen o ñai oñsa urat pinein luloñad lo oñsa urat pinein kisaek ago giniag pe ñilasa wa.’ <sup>20</sup> Agog imasag, imul go taman san na yau a.

“Asau mi ipalu dugo taman malan yaug ile ya. Agog inñanen nanun ilon imunani saian geig tag, imaspalug yaug, nanun yabig musuk ipanig ida ditata se ya.

<sup>21</sup> Agog nanun irupeig ibol, ‘O bai, ñai oñ Anut da naom na ñigane saian a. Ago yan lo ñai oñ nanu ubol san ninen o ta idaisuda na ya.’

<sup>22</sup> “Gug inanen taman urat pinein idinaig ibol, ‘Ririan aup, kulos mi-laen sijaokan an anjanep asini apalup, agane pani. Ariy dam tuon lo agane. Sendal dam adiri pani. <sup>23</sup> Agod aup, makau nanun tinin italbusi uyan an afuni. Agop id anan tabip tani dop, ilod uyan dop mugurun tigane wa. <sup>24</sup> Man dugo, naj nanug en imat nabol ak gug gamu afon kumaen imado da. Gubak mi ideg yau nabol ak gug gamu afon nileg njanane ya.’ Agog mugurun tubun ak fun digane ya.

<sup>25</sup> “Agog nanuk matu an abi lo itor nag imul ipalug, ab sumeik ipani dugo in sad uyasusai an lilijan ilon a. <sup>26</sup> Ago tag urat pinein ta iwagig isumiani, ‘An ata digane dak i?’ <sup>27</sup> Agog urat pinein an ru naon irupe, ‘Onj tei itor ak gamu ipalu ya. Muruan ta ile man tia yak ninen o anj tamam makau nanun tinin italbusi uyan an ifuni a.’

<sup>28</sup> “Nanuk matu an ago ilon go tijaen saian tag ab ilon lo iladu san imoi a. Ago tag taman ilasag inanen nanun matu ak ab lo iladu wo ilon inane wo igane se ya. <sup>29</sup> Ak man nanun an taman irupe, ‘Ananar wei kasik naj onsa urat pinein igo wonj urat nigane na ya. Agod naj onj awa kitek njarsisali man tia ya. Ak gug onj sipsip nanun ta, njaineg turag muroug dida uyama isusa wo panag man tia ya. <sup>30</sup> Gug onj nanu an onsa filia pani an jeit pein adi tinid lo ibidani dugo itor nag, gamu imul an, onj makau nanun tinin italbusig uyan an in ninen o funi a.’

<sup>31</sup> “Ago tag taman ibol, ‘Nanug, onj naj da nal pempem tumado da. Agod njaisag mel fidian man onsa. <sup>32</sup> Ak man gidad gamu ilod uyan dop mugurun tigane wa. Man dugo, onj tei en imat nabol gug, gamu fon imado da. Inj ideg yau gug fon imul ipalu ya.’ ”

## 16

*Titianek tamol kankan anda yak san ru fanan*

<sup>1</sup> Jesus inanen megeloum irupidai, “Filian tamol ta inj urat titianek tamol

aman da ya. Agog tamol aenta dupalug, filian tamol an durupe, ‘Onsa titianek tamol an onjane filia ibidani da.’ <sup>2</sup> Ago tag iwagig isumiani, ‘Nai onj nijn wo ru tim njalon a. Onj dugo gane dak i? Onj masip, urat gane yan girep panag dop urat bisei. Onj afon urat titianek tamol mado san tia ya.’

<sup>3</sup> “Agog titianek tamol ilon igireg ibol, ‘Naisag tubun en gamu njaisag urat lo ikudag o da. Dugo njigane wak i? Naj tan njitare san dabai amag tia. Agod naj njagod o dam miai ifunag da. <sup>4</sup> Ak man dugo njigane wan gamu njalon a. Ago tap mitep urat lo ikudag dop, turag muroug wei mi duyunanag dop insad ab lo digiag pe njau a.’

<sup>5</sup> “Ago tag inj tamolpein fidian a insan gurman san na gubun digane yan kisaek kisaek mi igiai a. Tamol malmalan an isumiani, ‘Onj njaisag gurman an tinin lo gubun sapita gane yak i?’

<sup>6</sup> “Agog ru naon irupe, ‘Wan handet dram oliv gurenj.’

“Ago tag titianek tamol an ibol, ‘Ririan masip, wan handet suas pe fifti mi gire.’

<sup>7</sup> “Agog neinta isumiani, ‘Onj gubun sapita gane yak i?’

“Agog ibol, ‘Wan tausen bek wit.’

“Ago ibol tag irupe, ‘Masip, girek an suas pe 8 handet gire.’

<sup>8</sup> “Aria, insan gurman kulob a igane yan san ru ilon go ipitiani a, man dugo, urat titianek tamol an kankan anda ya. Tan en san tamolpein siganed madok an kagin dupani uyanan san ninen o kankan ad da ya, agod insad kankan an, tamolpein a ilalan san an sad kankan irinani da. <sup>9</sup> Naj njurupaian da. Ansam moni nam tamolpein abinawai. Agop an lo inj anj turam dilasa wa. An lo dop saen ansam moni biabi aman tia man, kumaen panu lo aladup ante tamolpein an duyunanaj pe malam dupare wa.

<sup>10</sup> “Talpein enti mel nanun ak lo kagin uyan an mi igane dan, mel tubun ak lo dam ago mi igane wa. Nek ago



mi, talpein enti mel kititik lo iraeek tap, mel tutubun ak lo dam ago mi igane wa. <sup>11</sup> Ago yak ninjen o, on tan en san filian o raek kagin gane yak ago tap, saen kumaen panu san filian mok a diwae dan, on niñe wo ilod isou wak i? Tia geig, on bani kawan mado wa. <sup>12</sup> Agod tan en lo on tamol sen ak san filian kagin pani wo bani lo digane yak gug, on kaginan ta gane uyan na yak ago tap, onane filia kumaen panu lo yan bani lo diganep kagin pani wak i? Tia geig a.

<sup>13</sup> “Tamol ta in gurman uraru an mi nal kisaek lo mi awad yabi san tia ya. In ago igane wo igane tap, in kisaek o lian ninjen o imat dop, turan ile saian a. Tia dop, kisaek o lian ilon ipani dop, turan patun ipani wa. Nek ago mi on Anut moni da sisem uri san tia ya.”

<sup>14</sup> Farisi adi ru an fidian dulon go Jesus kukok an digane dugo nao futek ru tinin lo digane se ya. Man dugo, moni ninjen o tubun mi dumat a. <sup>15</sup> Agog Jesus irupidaig ibol, “An tamolpein malad lo sem itulan da, ak gug Anut ananem ilom ilon uyanan da. Mel a tamol malad lo naon lak na geig ak anda yan, nek mel an Anut malan lo iganan geig ak ibol da.”

#### *Pitejanek subujan taida*

*Mat 11:12-13; Mat 5:31-32; Mak 10:11-12*

<sup>16</sup> “Moses san kubiaen in profet adi sad ru da yen go ipalug Jon san lo ya. Saen an log ipalug gamu saen en lo man, Anut san kagin panek aben san ru dufulale da. Ago dugo tamolpein wei kasik Anut san kagin panek aben ilon lo diladu wo wagai digane da. <sup>17</sup> Keit tan da ditout diau san man pasauman geig a, ak gug girek kitekan san boi ta Moses san kubiaen lo yan ideg yau san ta pasauman na ya. Rumok, ideg yau san tia geig a.

<sup>18</sup> “Tamol ta in iwon ikudip pein foun ak inane tap, jeit igane da. Ago dop tamol sen ta pein a iwon ikudi an inane tap, in dam jeit igane da.

#### *Filian tamol in Lasarus da*

<sup>19</sup> “Tamol ta in filian anda yak pempem bioun sisiaok ak mi idirip imado se ya. Anan dam uyan uyan ak mi yani se ya In mel ta lo katukan man tia ya. <sup>20</sup> Ago dugo bigabeg tamol ta yanjan Lasarus dam imado. In tinin baob yafutani a. <sup>21</sup> Pempem disini diaug, filian tamol an san ab naon na dibilisig, imado dugo anan samsamuk filian tamol san badim fo yan idu dan yani wo ilon tubun mi ibol se ya. Ago dugo goun dupalug, in san baob an dipile se ya.

<sup>22</sup> “Tamol uraru an ago digane yau nag, bigabeg tamol an imat go, Anut san enel dijaneg diaug, Abraham giranen na digane ya. Agog filian tamol an dam imat go disare ya. <sup>23</sup> In Ades lo imado dugo, madai tubun mok ifuni se ya. Agog malan isudag, asau mi Lasarus Abraham giranen na imado dugo ile ya. <sup>24</sup> Ago tag filian tamol Abraham iwagig go ibol, ‘Bai Abraham, ilo imujanag. Lasarus dinip, banin kikoun you lo isaminip, isini ipalup baleg fo iganep ibubarum. Man dugo, nai yai en lo madai tubun mi nisini dugo nisagai da.’

<sup>25</sup> “Ago tag Abraham ru naon irupepei, ‘Nanug, ilo isou. Saen on tan na kumae mado dugo, on onsa mel uyan uyan ak nane na ya, ago dugo Lasarus mel saian saian ak mi inane na ya. Gug gamu in ilon pasa ibol dugo on madai tubun geig ak sini da. <sup>26</sup> An mi tia, Anut on nai da titinaem dog kuror ak iganeg yen da. An lo tamolpein etna dumado dan dog an dupilalip onsa na diau san tia ya, nek ago mi tamolpein a on dida amado dan dog an dupilalip naisag na dupalu san dam tia ya.’

<sup>27</sup> “Ago tag filian tamol an ru naon irupeig ibol, ‘Mago tap, Lasarus dinip, nai tamag san ab lo yaup, <sup>28</sup> teig 5 ante dumado dan ru kagin irupidai a. Kabelan in dam aben ente tamolpein madai tubun geig dile wan ate dupalu banau.’

<sup>29</sup> “Ak man Abraham ru naon irupeig igo ibol, ‘Tia. Onj tei murou man inj Moses san kubiaen, agod profet adi sad ru ka dusuti wa, an inj o idaisuda ya. Ru an ka dulonj dop kagin digane wa.’

<sup>30</sup> “Agog filian tamol an ibol, ‘Tia. Bai Abraham, an man ta idaisuda na ya. Ulonj, tamol ta imat ak fon kumaen imasap yaup, naj teig muroug an irupidai tap, an lo ilod ibilisa wa.’

<sup>31</sup> “Ak man Abraham irupeig ibol, ‘Inj Moses profet dida sad awad ta diabi na yak tap, gidad tamol ta maten lo yak fon imasa dap, ilod injanep ilod ibilisa wo ru kagin irupidai bo man, inj awan ta diabi na wa.’ ”

## 17

*Aupasek kagin, ilo rumok kagin, agod awabek kagin*

*Mat 18:6-7,21-22; Mak 9:42*

<sup>1</sup> Agog Jesus injanen megeloum irupidaig ibol, “Kubianek funfun ilasa wa, dilasa san dal tufutani san tia ya. Gug tamol enti inj turan ta naon iraep, kagin saian lo idu tap, inj muruan tubun mi ile wa. <sup>2</sup> Gidad, inj pat tinan ta buron lo disisi idup, beig lo dibili idup isarir o man uyanan mok a. An tia tap, muruan nen tubun geig ak ile wa. <sup>3</sup> Ago yak ninjen o kagin agane, sem tinim atirni uyanan a!

“Onj tei ta onj lo aupasek igane tap, kududon wabi. Agop ibileksa tap, injanen aupasek an pare idu pani. <sup>4</sup> Gidad, ad kisaek ilon lo saen 7 onj lo igane saian gug saen anen anen lo mi imul go, nao na ilon ibileksa yak ibol da, an ago tap, saen nek an lo mi injanen muruan an pare idu wa.”

<sup>5</sup> Agog aposel adi Tubun en durupe, “Mañsama ilo rumok an ganep dabal.”

<sup>6</sup> Ago tag ru naon irupidaig ibol, “Masted patun man kitiktik an gug isap ai tubun ak ilasa da. Ago yak ninjen o anjam ilo rumok masted patun igo wonj tap, gidad ai e leil apani den tubun a, ago bo man ka arupe, ‘Onj se ibilanop, waup, beig lo udup utur,’ ago dop awam yabi wa.

<sup>7</sup> “Anj luluñam lo tamol ta kisaek san urat pinein abi lo itor boi, tia, sipsip ititianai boi, ab lo imul ipalu dop, inj imug o mi ananj yani wo ta irupe, na wa. <sup>8</sup> Tia, injanen tubun ak san ananj imug ikubunep ipanip, yani gup, murna dop injanen ananj yani wa. <sup>9</sup> Urat pinein ago igane dop, injanen tubun an ilo uyan ru ta irupe, na wa. Tia. Man dugo, urat pinein an injanen tubun ak idini ak fom igane da. <sup>10</sup> Anj dam nek ago mi a. Saen anj urat fidian naj anj nupananj an aganep itout dop abol, ‘Mañ urat pinein kawan a. Mañanema tamol tubun ak mi awan mabi da, mel ta per panek miñane san ta migane na da.’ ”

*Jesus lepra tamol 10 ikubuniaia*

<sup>11</sup> Jesus Jerusalem na yau dugo dal a iri dan Sameria inj Galili da dien dugo titiñam yau a. <sup>12</sup> Panu ta ate iladu dugo, tamol 10 lepra amad da yak dal na dile ya. Inj kitek asau mi dutur dugo, <sup>13</sup> duwagin, “Jesus, Tubun ak, ilo imuñanama.”

<sup>14</sup> Jesus yil tag irupidai, “Aup, tinim Juda sad pris adi akubiaip dile.” Agog dal na diau dugo tinidi afon ilasa uyanan da ya. <sup>15</sup> Inj luluñad lo tamol ta kisaek inj tinin ago ile tag, idanjasag imul Jesus san na yau dugo, awan tubun mi Anut yanjan yabisa se ya. <sup>16</sup> Agog yang Jesus naon na turun isaluwig, ilo uyan ipani a. Tamol an Sameria tamol. <sup>17</sup> Jesus ago ile tag ibol, “Tamol 10 nukubuniaig uyadi an, kisaek imul a, ago dugo, 9 an dugon te diau ak i? <sup>18</sup> Ata wo tamol nukubuniaig uyad isusa yan, Anut per dupani wo ta dumul dupalu na dugo, nek tamol gol en mi imul ak i?” <sup>19</sup> Agog Jesus tamol an irupe, “Masap wau. Onjane ilo rumok ikubunio ya.”

*Dal dugon lo Anut san kagin panek ipalu wa*

*Mat 24:23-28,37-41; Mak 13:14-23*

<sup>20</sup> Farisi aenta Jesus dusumiani, “Sanjtap Anut san kagin panek ipalu wak i?” Ago tag Jesus ru naon irupidai, “Anut san kagin panek ipalu dan, an talpein ta ile ilonj na wa,

man dugo, kob ta inſan kagin panek sumeik ipalu dan san an imug ta ilasap ale na wa. <sup>21</sup> Talpein ta imasap igo ta ibol na wa, ‘Anut san kagin panek ente ya.’ Tia, ‘Anut san kagin panek onte ya.’ Man dugo, Anut san kagin panek an lulunam lo yen da.”

<sup>22</sup> Agog Jesus megeloum irupidai, “Murnap an Tamol Nanun kitek ale wo ilom ibol ak gup ale san tia wa.

<sup>23</sup> Aenta durupaian, ‘Tamol Nanun obo ya.’ Tia, ‘Inj ebe ya.’ Gug inſad ru an ilom lo rumok pe abanan abi amoi.

<sup>24</sup> Saen Tamol Nanun imul dan, inſan leil man nek ibol weil irakulawi dan, san lilaman aben o ad ilasa dak atep, aben o ad idiau dak ate yau dak igo won a. <sup>25</sup> Gug malmalan muruan wei mi isinip saen e lo tumado den san tamolpein patud dupani gup.

<sup>26</sup> “Kagin a Noa san saen lo tamolpein digane se yan, kagin nek amaiak mi Tamol Nanun imul san saen lo dam digane yau a. <sup>27</sup> Saen lom tubun ak ta ilasa na dugo, inj anan diani dugo, you dam duluk dugo, nug diſane dugo, pein niedi dupidinai dugo, yaug saen Noa wog tubun ak lo iladu ya. Agog lom tubun ak ilasag tamolpein an fidian daon ipidinai a.

<sup>28</sup> “Lot san saen lo dam ago mi digane se ya. Tamolpein diani duluk on dugo, didad diſane on, ab diabi on, anan dupae on dugo dumado se ya.

<sup>29</sup> Ak gug nal nek a lo Lot Sodom ibisei an, keit lo yak yai pat salfa ided dak da idug Sodom adi fidian ifu dumat a.

<sup>30</sup> “Tamol Nanun kuai isi wo dop nek ago mi digane wa. <sup>31</sup> Saen an lo dop tamol ta ab patun fo itor ak imul ab ilon lo iladup, inanen biouj isini wo ta igane na wa. Nek ago mi, tamol ta abi lo yak fon imul pe, ab lo yaup mel ta inane wo ta igane na wa. <sup>32</sup> Lot iwon igane yak ilom isou. <sup>33</sup> Talpein ta inſen tinin o mi ilon isou tap, ideg yau a. Gug talpein ta siganen madok tan en lo ibisei dan, ta ideg yau na wa, tia, kumaen imado wa. <sup>34</sup> Nai nurupaian da. Nal an lo, tidom pe talpein uraru galun kisaek lo dien a, gug kisaek Tubun en inane

dop, kisaek yen a. <sup>35</sup> Nek ago mi pein uraru sisem urat digane wa. Gamu nam kisaek inane dop, kisaek imado wa. <sup>36</sup> Nek ago mi tamol uraru abi lo dutor a. Kisaek inane dop, kisaek imado wa.”

<sup>37</sup> Ru an dulon go Jesus san megeloum dusumiani, “Tubun en. Kulob en dugot na ilasa wak i?”

Agog Jesus ru naon irupidai, “Aben ate tubabun yen dan, antem bog dutumani wa.”

## 18

### *GudaneK san ru fanan*

<sup>1</sup> Jesus megeloum dugudani on dop dumado wa, ago dop ilod ta isali na wo ru fanan ta irupidai a.

<sup>2</sup> Inj ibol, “Panu ta lo tulek tamol ta imado dugo Anut ninen o ta irer na da. Tamol dam ninedi wo ta irut na da. <sup>3</sup> Aria, pein suos ak ta panu an lo imado ya. Inj pempem tulek tamol an san na yaup, inj ibinawip, inanen ager kot lo digane wo iduduwig, ibol: ‘Tamol ta nai iginiag saian. Agog kot lo ngane wo dak ninen o on nai binawag.’

<sup>4</sup> “Gug tulek tamol an saen kitek milaen mi pein suos an awan yabi an imoi. Agog yau na gug ilon lo ibol, ‘Rumok, nai Anut, inj tamolpein dam ninedi wo ta narut na da. <sup>5</sup> Gug suos en nai aeg itog on dak ninen o gidad inanen kot lo nubinawi wa. Tia tap, igo igane on dop, nai tuog imad a.’ ”

<sup>6</sup> Agog Jesus ru awan ibateg ibol, “Ru a tulek tamol saian ak ibol an alon pe apupi ale wa. <sup>7</sup> An ilom dugo isou dak i? Ak dugo, Anut san pilianek tamolpein a tidom ad duwagin dugo ibinawai o dusumiani dan, ibinawai o saen milaen imoi ak i? <sup>8</sup> Nai nurupaian da. Inj ririan ibinawaip inaned muruan ikubune wa. An lo inj talpein a muruan an ipidinai an naon ipani wa. Ak man dugo, saen Tamol Nanun imul dop, tan en lo ilo rumok adi wei mi yil ak i?”

*Farisi inj takis nilanal tamol da sad ru fanan*

<sup>9</sup> Jesus afon ru fañan ta, tamolpein ensauta a inñsed mi itaot dubol, sed yañad diabisa dugo tamolpein aenta metmet warou dubol dan igo ibol go irupidai, <sup>10</sup> “Tamol uraru dugudani wo Juda sad ubou ab tubun ak lo diau a. Kisaek man Farisi. Neinta man takis ñilañal tamol. <sup>11</sup> Farisi an imasag inñsen niñen o mi ilon lo igo igudani se ya, ‘O Anut, ilog uyan da. Man dugo, ñai tamol aenta digane saian dan ago tia ya. Ñai takis ñilañal tamol igo tia ya. Ñai ilosek ag tia. Ñai ta ñiraek na da. Ñai jeit ta ñabi na da. Ñai tamol nuñog mi a. <sup>12</sup> Ubou kisaek ilon lo nal uraru anañ geg ñiganep ñugudani da. Filiag an fidian ñtumanip, malan 10 gup, malan kisaek ñupano da.’ ”

<sup>13</sup> “Gug takis ñilañal tamol man, sen iparyanig, itakok go naon yabisag lak na abañ ile man irer. Inañen aupasek niñen o ilon muruan go sen titiren ifunig ibol, ‘O Anut, ñai aupasek tamol. Ak niñen o ilo imuñanag.’ ”

<sup>14</sup> “Ñai ñurupaian da. Anut malan lo man takis ñilañal tamol en mi tamol itaot an. Ak gug Farisi man Anut malan lo ta itaot na ya. Man dugo, tamol ta inñsen yañan yabisa tap, Anut inñ yabi idu wa. Gug talpein a inñsen yabi idu dan, Anut inñ yabisa wa.”

*Jesus nanuk kitiktik igiaig inñsan na dupalu ya*

*Mat 19:13-15; Mak 10:13-16*

<sup>15</sup> Tamolpein aenta nanuk kitiktik diñal go Jesus banin lo didirai o dupalu se ya. Agog megeloum adi dil tag ru dabai nam dupudai a. <sup>16</sup> Ak man Jesus nanuk kitiktik igiaig, inñsan na dupalug ibol, “Nanuk kitiktik akudai amoi. Abisawaip, ñaisag na dupalu. Man dugo, Anut san kagin panek man tamolpein ilod nanuk igo yak sadi a. <sup>17</sup> Ñai rumok ñurupaian da. Talpein gidad Anut san kagin panek nanuk nanun igo woñ inñane wa. Tia dop, inñsan kagin panek lo iladu san tia geig a.”

*Filian tamol ta*

*Mat 19:16-30; Mak 10:17-31*

<sup>18</sup> Juda tamol gurman ta Jesus isumiani, “Girek mañau uyanan en. Ñai dugo ñiganep kumaen pempem san ñinane wak i?”

<sup>19</sup> Ago tag Jesus ru naon irupeig igo isumiani, “Ata wo ñai uyag ubol dak i? Talpein ta uyan man tia ya, nek Anut mi inñsen kisaek uyan a. <sup>20</sup> Oñ kubaen fidian ulon; tamol sen ak iwon ugam pe ida jeit ta agane na wak, tamol ta funi imat na wak, gumagam ta gane na wak, kot lo supalek ru ta ubol na wak, tina tama awad paen na mado wa.”

<sup>21</sup> Agog tamol an ibol, “Ñai nanuk log ipalug gamu en, kubaen an fidian ñuri ñupani na ya.”

<sup>22</sup> Jesus ru an ilon tag irupeig, “Oñ mel kisaek lo mi katuk ama ya. Oñsa filia fidian udad yau dop, moni an ñanep, bigabeg adi pidinai a. Ago tap oñ Anut san kumaen panu lo filia ama da wa. Ago gane gup, ñai ñjeg abag uri wa.”

<sup>23</sup> Tamol ru an ilon man ilon tubun mi muruan. Man dugo, inñ filian tamol tubun geig a.

<sup>24</sup> Jesus tamol an leil ipani dugo ibol, “Tamol filian anda man Anut san kagin panek lo iladu san man muruan geig a. <sup>25</sup> Alon ak, tamol filian anda yak Anut san kagin panek aben lo ka iladu wan, rumok tap, aria, kamel dam si gubaran lo yau san man pasauman geig a.”

<sup>26</sup> Tamolpein a Jesus ru ibol dugo dulon dan dusumiani, “Mago tap, ensauta mok mi Anut patud ipasip, kumaen pempem yen dan diñane wak i?”

<sup>27</sup> Ago tag Jesus ibol, “Mel a tamol digane san tia yan, Anut igane san ilon a.”

<sup>28</sup> Agog Pita ibol, “Mañ oñ ñie aban muri wo mañanema ab, panu agod mel fidian mubusei a.”

<sup>29</sup> Ago tag Jesus igo ibol go irupidai, “Ñai rumok ñurupaian da. Talpein ta Anut san kagin panek niñen o inñan ab, iwon nanun, tein taon, agod tinan taman ibisawai tap, <sup>30</sup> saen e gamu yen dan lo Anut naon uyan a ipani



wan tubun kasik a. Agod saen foun ak a murnap ilasa wan lo kumaen pempen yen dan injane wa.”

*Jesus injanen materj ninjen o ibol utol a*

*Mat 20:17-19; Mak 10:32-34*

<sup>31</sup> Jesus megeloum 12 an injal go gigin na diaug, ago ibol irupidai, “Jerusalem na tau da. Ru fidian a profet adi gubak mi Tamol Nanun ninjen o digire yan nunon ilasa wa. <sup>32</sup>Inj gob adi banid lo digane wa. Agop kukok an diganep, naon dufute dupei dop, tinin fo dulusu isudap, rasau nam dufuni nap, aigim fo dubalip imat a. <sup>33</sup>Ago digane wak man, nal utol itout gup, Anut ifufunip afon kumaen imasa da wa.”

<sup>34</sup> Gug injanen megeloum ru a ibol an fun ta duloj na ya. Ru an fun mok mianuk lo yen. Ago dugo Jesus ata ninjen o ibol an fun mok dijaonj a.

*Jesus tamol malan itau ak ikubune ya*

*Mat 20:29-34; Mak 10:46-52*

<sup>35</sup> Jesus Jeriko sumeik ipani dugo, tamol ta malan itau ak dal gigin te igod dugo imado. <sup>36</sup>Saen tamolpein dirinjani dugo sad lilijan ilonj man, isumianai, “An ata mel ilasa dak i?”

<sup>37</sup> Ago dugo durupe, “Jesus, Nasaret tamol, amaiak yau da.”

<sup>38</sup> Ago tag tamol an iwagin, “O Jesus, Dawid Nanun, ilo imuñanag!”

<sup>39</sup> Agog tamolpein a Jesus naon na imug diau dan dububunjanig durupe, “Awa itaup tokubol pe mado!” Ago tag tamol an nen maeg nam iwagin dugo isasai, “O Dawid Nanun, ilo imuñanag!”

<sup>40</sup> Ago tag Jesus ipartuanig mala itau an diñane dupalu wo irupidai. Saen tamol an sinjiren na ipalu man, Jesus isumiani, <sup>41</sup>“Dugo njiginio wo ilo ibol di?”

“O Tubun en, ñai abanj ñile wo ilog ibol da.”

<sup>42</sup> Ago tag Jesus ibol, “Abanj ule. Onjane ilo rumok ikubunio ya.” <sup>43</sup>Ago ibol dugo tamol an abanj ile kisaek onj a. Agog Jesus njien aban iri dugo Anut yanjan yabisag yau a. Saen tamolpein

an fidian ago dile man, inj dam Anut yanjan diabisa ya.

## 19

*Jesus inj Sakias da*

<sup>1</sup> Jesus Jeriko taun ilon lo iladug yau dugo, <sup>2</sup> takis njilanj tamol gurman ta filian anda yak ante imado. Inj yanjan Sakias. <sup>3</sup> Tamol an Jesus naon tinin ile wo yaes tubun mi ifuni. Inj tamol katukan, agod tamolpein wei kasik an lo inj Jesus ile san tia ya. <sup>4</sup> Ago tag imaspalug, inug yaug ai gurab ta yanjan sikamor dubol dan isag, Jesus ile wo malan idu dugo imado, man dugo, Jesus dal an irig ipalu se ya.

<sup>5</sup> Saen Jesus ai an fun na ilasa man, malan isudag Sakias ile tag irupe, “Sakias, ririan udu. Ñai gamu onj da onsa ab lo tumado wa.” <sup>6</sup> Ago tag Sakias ririan idug ilon uyan isag Jesus malan ipareg, injaneg injan ab lo diau.

<sup>7</sup> Tamolpein ago dile yan fidian ilod saian go fun diganeg durunjur go dubol, “Inj aupasek tamol san ab lo ida diau a.”

<sup>8</sup> Ak man ab log Sakias imasag Tubun en irupe, “Tubun en, ulon. Naisag filiang njitarpalep, wadan tamolpein mel ad tia yak njupidinai a. Taida mi, tamol njirawai dugo sad na njagam na yan, injaned melmel njagam na yan naon ago mi njutumanip, malan iwoiwo njupidinai a.”

<sup>9</sup> Ago tag Jesus ibol, “Gamu ab en san muroun Anut san patu pasek injane ya. Man dugo, tamol en dam Abraham malan kubulan ta. <sup>10</sup> Tamol Nanun tamolpein dideg diau la yan abanjad ilep patud ipasip injal o ipalu ya.”

*Moni san ru fañan*

*Mat 25:14-30*

<sup>11</sup> Jesus Jerusalem sumeik ipani dugo, tamolpein ilod lo Anut san kagin panek kuai isi wo sumeik ago dubol. Jesus injad kinj ilasa wo dak ilod isou se ya, ak man inj kinj ilasa wak san saen gamugo an ninjen o ru fañan en ibol irupidai, <sup>12</sup> “Tamol ta yanjan anda yak kinj ilasa wo panu

asau ak lo yau. Onte in kin digane gup fon imul pe sen naon na ipalu wa. <sup>13</sup> Yau o dugo inanen urat pinein 10 igiaig dupalug, 20 kina anen anen ipidinai dugo irupidai, 'Moni en ananep urat apani yau dop nai namul a.'

<sup>14</sup> "Gug tamolpein a murnap in san kagin panek paen na dumado wan, in dile saian go dumado ya. Ago yak ninen o tamol an yau dugo patun fo ru digane yaug dubol, 'Man tamol en man sama kin ilasa wo man mamoi a.'

<sup>15</sup> "Ago bo man tamol an kin ilasa ya, agog fon imul in sinanen na yau. Gamu nam urat pinein a moni ipidinai an igiaig naon na dupalu ya. Moni subunan taidam sapita dinane yan ilon o isumianai.

<sup>16</sup> "Urat pinein a malmalan ipalu yan ibol, 'Tubun en, on nai 20 kina panag an lo didaen urat niganeg, onane 200 kina subunan taidam ninane ya.'

<sup>17</sup> "Kin an irupeig ibol, 'On urat tamol uyanan mok a, onane urat kagin pani uyanan a. On biabi kitik e bani lo niganeg emaiak kagin pani uyanan a, amaiak ninen o taun 10 bani lo nidi da, gamu in sad tirnek tamol lasa wa.'

<sup>18</sup> "Agog urat pinein neinta ipalug ibol, 'Tubun en, on nai 20 kina panag an lo didaen urat niganeg, onane 100 kina subunan taidam ninane ya.'

<sup>19</sup> "Agog inanen tamol tubun en pinein an irupeig ibol, 'On taun 5 bani lo nidi da, gamu in sad tirnek tamol lasa wa.'

<sup>20</sup> "Agog pinein tinin te ipalug ibol, 'Tubun en, onane 20 kina ebo ya. Nai yamel kilaken lo naminamig yen a.'

<sup>21</sup> Nai on o narer. Man dugo, on tamol silei a. On abi san urat tamol sad silali naon nane da.'

<sup>22</sup> "Agog tag ru naon irupeig ibol, 'On urat pinein saia geig a. Nai on sigane ru ubol an nam nukubianop nile wa. On ulon ak, nai abi san urat tamol sad silali naon ninane da. <sup>23</sup> Fun an ninen o naineg moni an moni ab san urat tamol pani ak man, in ka urat ipani

wa, an lo saen nai namul dop moni an san tim an da ninane wa. Ata wo on ago ta gane na yak i?'

<sup>24</sup> "Agog kin an idansag tamol a siniren na dutur dan irupidai, 'Tamol en san na 20 kina ananep urat pinein a 200 kina aman da yan apani.'

<sup>25</sup> "Agog tamol a ru an dulon an durupe, 'Tubun en, tamol an moni idaisuda mi yabi da, 200 kina aman da la ya!'

<sup>26</sup> "Ak gug kin an ru naon igo ibol go irupidai, 'Talpein enti in da yan, nai suguan taidam nupanip an lo in idaisuda wa. Ak man, enti in tinin lo tia agod, gidad in kitek da bo man, in san melmel an banin lo dupasi itout a. <sup>27</sup> Aria, naisag ager adi ensauta a nai in sad kin nilasa san o dumoi an, anjal dida apalup, nai naog na afup dumat a.'

*Jesus kin igo won Jerusalem na iladuya*

*Mat 21:1-11; Mak 11:1-11; Jon 12:12-19*

<sup>28</sup> Jesus ru an ibol itout go imug Jerusalem na yau. <sup>29</sup> Did Oliv fo itor go panu uraru yanjadi Betfage in Betani da sumeik dugo, inanen megeloum nunod urarum idinaig naon na dumug diau a. Ago dugo ru kagin igo irupidai, <sup>30</sup> "An nunom urarum panu o tile dan ante au a. Aup donki nanun ta dususeg itur dak ante ale wa, talpein ta gubak mi fufo imasi man tia ya. Donki nanun an kam apasip ananep naisag na apalu. <sup>31</sup> Tamol ta ru aman da dop, an igo arupe, 'Tubun ak urat ipani wo da.'

<sup>32</sup> Agog diaug melmel fidian Jesus ibol ago mi dile ya. <sup>33</sup> Saen donki nanun an san kam dusupasi dugo, muroun ipalug isumianai, "Ata wo donki nanun en apasi dak i?"

<sup>34</sup> Ago dugo ru naon durupe, "Tubun ak urat ipani wo da."

<sup>35</sup> Agog donki nanun an dinane, Jesus san na dupalu ya. Agog donki nanun an patun fufo kulos duruwarig, Jesus dubunawig fo isudag imasig diau a. <sup>36</sup> Jesus dal

na yau dugo tamolpein malan tubun geig an inſigned kulos milae milae ak dupasi dugo dal te duruwari se ya.

<sup>37</sup> Saen Jesus Jerusalem sumeik ipani dugo Did Oliv fo dal nok idu an lo inanen megeloum malan tubun, fun diganeg yousai lo Anut yan an di abisa dugo muguruŋ dupani se ya. Man dugo, in kulob girager wei kasik a Jesus gubak mi igane se yan dile ya.

<sup>38</sup> In igo dubol,

“Kin e Anut yan an lo ipalu den bar inane ya!

Kumaen panu na maror yen. O Anut per lak na geig ak per mupano da!”

<sup>39</sup> Agog tamolpein an luluŋad lo Farisi aenta dutor dan ru an duloŋ dugo dumasa saian go Jesus dupei, “Girek maŋau, oŋsa megeloum pidaip awad itau!”

<sup>40</sup> Gug Jesus ru naon igo irupidai, “Nai nŋurupaian da. In dutokubol san tia ya. In awad itau tap, pat e dien dan naod dijanep per dupanag a!”

### *Jesus Jerusalem ninen o itata ya*

<sup>41</sup> Saen Jesus Jerusalem sumeik ipanig ile man, ilon tubun mi muruan go malan turon idug, <sup>42</sup> igo ibol, “On saen en lo mi maror san dal ulon ak man, muruan a oŋsa na ipalu dan ta ilasa na wa. Ak man gamu dal an imianuk go on ule san tia ya. <sup>43</sup> On saen ipalu wa. Ager adi dubuluwop on girane ananae mi lo dupalup, tan dufutip on sa sep giranen na dutumanip lo diladu san dal digane wa. Gigin fidian lo dupalup dubuluwop dupino wa. <sup>44</sup> In dufunop daon dupano wa, agod tamolpein a on sa sep ilon lo dumado dan dufu yaup fidian dumat a. On sa pat ta kisaek o lian pat sen ak tinin fufo na ta yen na wa, tia, on sa pat fidian dugufututep diabibol tan na dudu wa. Fun dugo, on saen a ate Anut nai tinig lo on sa na ipalu yan ta ule ulon na ya.”

*Jesus tempel lo daden tamol irubai a*

*Mat 21:12-17; Mak 11:15-19; Jon 2:13-22*

<sup>45</sup> Jesus tempel san ar ilon lo iladug, aben ante didaen tamol fidian iku daig patun fo dilasa ya. <sup>46</sup> In igo ipidai, “Anut san buk lo ru en digire ya, ‘Naineg ab man gudanek san ago dubol a,’ ak man an agane ilasag ‘gumagam adi sad mianuk ab’ igo agane da.”

<sup>47</sup> Nal fidian Jesus tempel san ar lo iladug tamolpein maŋau ipitejanai se ya. Ago dugo pris gurman adi, kubiaen san girek maŋau, agod tamolpein sad gurman dufuni imat o dal aban diabi wo digane se ya. <sup>48</sup> Ak man in dufuni imat san dal ta dile man tia ya. Man dugo, tamolpein fidian in san ru duloŋ o tubun mi dumat. In san ru samukan ta irinani san man dumoi.

## 20

### *Jesus san urat ninen o dusumiani a* *Mat 21:23-27; Mak 11:27-33*

<sup>1</sup> Nal ta Jesus tempel lo tamolpein naod na Anut san ru ifulale dugo maŋau ipitejanai se ya. Agog pris gurman adi, kubiaen san girek maŋau, agod matu gurman aenta dida dupalug Jesus dusumianig dubol, <sup>2</sup> “On rupaiama. On enti san dabai lo melmel en gane dak i? Enti mok dabai en ipanog ate urat en gane dak i?”

<sup>3</sup> In ru naon igo irupidai, “Nai dam mel ta ninen o nŋusumianaŋ o da. Arupaiaŋ, <sup>4</sup> Jon san suguek man, dugon te kagin an inane yak i? An kumaen panu san mel, tia, tamol sad mi ak i?”

<sup>5</sup> Agog in sed nug lo igo dinen se ya. “En kumaen panu san mel, ago tabol tap, in igo ibol isumianad a, ‘En ata wo an in ninen o ilom ta rumok na yak i?’ <sup>6</sup> Ak gug ‘En man tamol sad mel mi a,’ ago tabol tap, tamolpein malan tubun en pat nam dufunad a. Man dugo, in sad ilo sou lo man Jon mi in profet, ago dubol da.”

<sup>7</sup> Ago yak ninen o Jesus ru naon durupeig dubol, “Enti mok dabai an ipani an maŋ ta malon na ya.”

<sup>8</sup> Ago tag Jesus ibol, “Ago yak ninen o nai dam enti mok dabai en

ipanag go ate melmel e njigane den, ta njurupaian na wa.”

*Abi san kagin panek adi sad ru fanan*

*Mat 21:33-46; Mak 12:1-12*

<sup>9</sup> Agog Jesus awan ibateg tamolpein ru fanan en irupidai, “Tamol ta abi yabig lo ai wain patun ipae. Agog tamol an inſan fun panu ibiseig asau mi yau o tag, abi an tamol sen ak ta banid lo kagin dupani wo igane ya. Agog panu ibiseig yang saen milaen mok itor na ya. <sup>10</sup> Agog saen wain nuſon disini wo dugo, abi taman inſan urat pinein ta inſinanen panu fun lo idinig yang, inſanen nſutun dupanip isini ipalu wo ibol. Ak man abi titianek adi inſan urat pinein dufunig banin kawan didinig imul yau. <sup>11</sup> Ago tag urat pinein sen ta idinig yau. Agog urat pinein an dam dufunig isudag miai dupani nag banin kawan didinig imul yau. <sup>12</sup> Ago tag afon urat pinein ta idinig yau, gug urat pinein an dam madai dupanig dubal abi patun fo ilasa ya.

<sup>13</sup> “Ago tag abi taman igo ibol, ‘Dugo njigane wak i? Gidad nſaisiganeg nanug mok ninen o tubun mi nſamat dan nſidinip yau a. Nap in awan diabi ak boi.’

<sup>14</sup> “Ak man saen abi titianek adi inſanen nanun dile tag dubol, ‘An abi taman amaiak nanun ak ninen tufuni imat dop, inſan furan id tiſane wa!’

<sup>15</sup> Ago tag diabig, ar patun fo dubal ilasag, dufunig imat a.

“Ago yan lo abi taman an, titianek tamol adi an dugo mok iginiai ak i?

<sup>16</sup> Abi taman sen yaup tamol an ifu dumat dop, abi an tamol sen ak banid lo iganep kagin dupani wa.”

Tamolpein a ru an dulong an dubol, “Ago tia!”

<sup>17</sup> Agog Jesus malan ti ibol go tamolpein an leil ipidinai dugo isumianai, “Ru e Anut san buk lo digire en fun dugo won ak i?

‘Pat nek a ab bek tamol adi dumoi dan,

nek amaiak ab tinin fidian yabi sakar da.’

<sup>18</sup> Talpein ta in pat en fo na yau idu dop man, sen ifuni ititale wa. Ak gug talpein ta pat en kabunan fufo idu tap, ifufari idu wa.”

<sup>19</sup> Saen pris tutubu agod Farisi adi, Jesus ru fanan a ibol se yan dulong man, Jesus ririan diabi wo maeg diganeg dal aban dile se ya. Man dugo, in dulong uyanan ak Jesus inanen ru lo in isiai se ya. Ak man tamolpein malan tubun ak ninedi wo direr a, an lo ta diabi na ya.

*Kaisa san takis njilanj*

*Mat 22:15-22; Mak 12:13-17*

<sup>20</sup> Ago tag in nal fidian Jesus leil dupani uyanan se ya. In leil tamol ta didinaig Jesus san na dupalu. In tamol nuſon manon, ak gug Jesus san ru lo diabi wo malad digane se ya. In nudun dusuep sumianek dupanip, ru ta ibol saian dop gabman banin lo digane wo dal an digane.

<sup>21</sup> Agog leil tamol an Jesus dusumiani, “Girek manau, man malon, onsa ru ubol dugo pitejanama dan fidian rumok a. On tamol yanad anda yak ninedi wo ta urut na da. Tia, on Anut san dal mi tamolpein fidian manau pitejanai da. Gidad yanad da yak, agod yanad tia yak dam mi a. <sup>22</sup> Ak dugo, Kaisa takis moni tupani wan uyan ak i? Tia, saian ak i? On dugo ilo isou dak i?”

<sup>23</sup> Gug Jesus in dirawi wo digane dan ilon tag irupidai, <sup>24</sup> “Moni patun ta akubiaip njile gup. Mitilaen agod yanak e fufo digire yan enti san ak i?”

<sup>25</sup> Agog in dubol, “Kaisa san.”

An ninen o irupidai, “Mago tap, mel a Kaisa san an Kaisa apani. Agod mel a Anut san an Anut apani.”

<sup>26</sup> In malak malak mel ta lo dirawi dop diabi san tia ya. Inſan ru naon ago dulong go durut saian tag awad itau.

*Sadyusi Jesus diabi wo bitinaek lo digane ya*

*Mat 22:23-33; Mak 12:18-27*

<sup>27</sup> Sadyusi aenta Jesus san na dupalu. (Inſad ilo rumok lo ago dubol da: Tamolpein dumat dop, fon nſutud



kumaen dumasa san tia ya.) <sup>28</sup> In Jesus ago dusumiani, “Girek manau, Moses wagam mi kubiaen igo igire panad a, ‘Tamol ta in iwon da gug nanuk ad tia dumado yau nap, tamol ak imat. Ago tap tamol an tein bakan ak fon pein an inane, tein matu an inisan nanuk idirsi wa.’ <sup>29</sup> Aria, id luljad lo tamol ta in nanun 7. Matu ak pein inane gug nanuk ad tia dumado dugo tamol an imat. <sup>30</sup> Ago tag tein bakan an fon tein san pein an inane gug tamol an dam imat. <sup>31</sup> Tein a tinin te yan dam nek ago mi a. Agog tamol 7 an tet mi nanuk tiag, dumat pasik. <sup>32</sup> Murnag pein an dam imat. Tamol 7 an ago mi tet mi pein kisaek an mi dijane ya. <sup>33</sup> Ak ninen o, dugo, mitep saen tamolpein fidian dumat an kumaed dumasa dop, pein an tamol dugon mi ida dumado wak i?”

<sup>34</sup> Ago tag Jesus ru naon irupidai, “Pein tamol saen en san nug dijane da, agod tamol adi njedi dupidinai da. <sup>35</sup> Ak gug tamolpein ensauta a Anut malan lo saen murna san ak lo diladu san, agod matej lo fon kumaen dumasa san, in idaisuda yan, aben ante nug ta dijane na wa, ago dop tamol adi pein njedi ta dupidinai na wa. <sup>36</sup> In ibol enjel adi on, an lo fon dumat san tia ya. In Anut nanun muroun. Man dugo, in matej log fon kumaen dumasag dumado da. <sup>37</sup> Moses dam kuai tem ikubiai pana, tamolpein a dumat an fon kumaen dumasa da wa. Man ata wo? Ai nanunan yai inani an san sai lo, Moses Anut ninen o igo ibol, ‘Abraham, Aisak, Jakob sad Anut.’ <sup>38</sup> Anut man in tamol a matej lo dumado dan sad Anut tia ya. Tia, in man tamol kumaed dumado dak sadi a. Man ata wo? In malan lo tamolpein fidian kumaed dumado da.”

<sup>39</sup> Ago dugo kubiaen san girek manau aenta Jesus ibol ago dulong go durupeig dubol, “Ru naon uyanan mok, girek manau!” <sup>40</sup> An lo gug Jesus sumiaen subujan taidam dusumiani wan ninen o direr se ya.

*Kristus in enti nanun ak i?*

*Mat 22:41-46; Mak 12:35-37*

<sup>41</sup> Agog Jesus isumianai, “En dugo won go tamolpein Kristus in Dawid nanun dubol dak i? <sup>42</sup> Dawid in sen Isrel bar san buk lo igo ibol, ‘Tubun en naisag Tubun ak igo irupe, ‘On naj tuog won ak ate masip yaup,

<sup>43</sup> murna gup naj onsa ager adi njidiraip, on nie pae na dumado dop nie nam partuanai a.”’

<sup>44</sup> Dawid in sen mi in Tubun ak ago ibol tap, en dugo won pe in Dawid nanun ak i?”

*Kubiaen san girek manau sad aupasek*

*Mat 23:1-36; Mak 12:38-40; Luk 11:37-54*

<sup>45</sup> Tamolpein fidian dulong dugo, Jesus inisan megeloum ru kagin igo irupidaig ibol, <sup>46</sup> “Kubiaen san girek manau njedi wo kagin agane. In kulos milmilae ak didiri duman, tamol dil o digane da. Didaen aben lo tamolpein ‘adian’ dupidinai ak ninen o tubun mi dumat da. In ubou ab lo kalik malan te yak ninen o dumat da, agod soubul lo dam nek ago mi a. <sup>47</sup> In pein suos sad ab digam da, agod gudanek milaen kasik, tamolpein diliai o digane da. Amaiak ninen o tamol naok ago yan naon a dijane wan nen tubun mi ilasa wa.”

## 21

*Pein suos san lou panek tusan*

*Mak 12:41-44*

<sup>1</sup> Jesus tempello imado dugo malan yaug, tamol filiad anda yak tempel ilon lo kolekta san kunup lo moni digane dugo yil a. <sup>2</sup> Agog pein suos bioun tia yak in dam ipalug pat bras uraru mi kunup lo ibal a. Moni an naon man tusan mok. <sup>3</sup> Ago tag Jesus ibol, “Nai rumok njurupaian da. Pein suos an moni kolekta igane yan kolekta a tamol filiad anda yak digane yan fidian irinani a. <sup>4</sup> Man dugo, fidian in filiad anda yak gug kabelan mi kolekta digane dugo inaned

fidian mi yen da. Gug pein suos an sen aben ipitig fidian kolekta lo igane ya.”

*Saen e lo tumado den itout san kob  
Mat 24:1-14; Mak 13:1-13*

<sup>5</sup> Inanen megeloum aenta tempel san pat uyan uyan ak, agod melmel Anut lou dupani na yan nam damag dupani an niñen o diñiñeñ tag Jesus ibol, <sup>6</sup> “Mel fidian ale dan man, saen ipalu dop, lo pat ta pat sen ta tinin fufo ta yen na wa. Tempel san pat fidian dugufututep diabibol tan na dudu wa.”

<sup>7</sup> Ago tag dusumiani, “Girek mañau, saen dugon lo dop mel an ilasa wak i? Mitep ata kob mile dop ate malon ak saen an ipalu wo sumeik di?”

<sup>8</sup> In ru naon irupidaig ibol, “An kagin agane. In an dirawan banau. Man dugo, mitep tamol wei mok ñai yanag lo dupalup dubol, ‘Ñai tamol nek ama ya,’ ago dop dam dubol, ‘Saen a ate ipalu wan sumeik ipanad da.’ Ago dop inşad sewak an ta ari na wa. <sup>9</sup> An yu ager alon ak, agod ru tim yu ager sensen yau on an dam alon a. An arer amoi. Man dugo, mel naok an imug ilasa wa, ak gug nal wadan san saen man gamugo da.”

<sup>10</sup> Go in afon ru ibateg ibol, “Tamol malan ta yu diabisa dop, tamol malan ta yu naon inşad na digane imul a. Ago dop kin ta inşan tamolpein dida yu diabisap, kin sen ak ta inanen tamolpein dida nug dufuni wa. <sup>11</sup> Aben sensen lo man, kanaurig tutubu yak wei mi ilasa dop, kadag tubun mi idu wa. Subam tubun mi aben sensen lo ilasa wa. Ago dop kulob arer san wei mi dilasap, keit lo kob tutubu yak dilasa dop diganep arer a.

<sup>12</sup> “Ak man melmel an fidian gamugo ilasa dop, ñai niñeg o an dibian pe, madai in muruan da dupanan a. Ñai yanag o Juda sad ubou ab lo Juda gurman adi naod na diñilian aup, kot dupanan dop subanek ab lo diginian a. Kin in gabman gurman aenta naod na dam kot lo atur a. <sup>13</sup> Saen an lo dop inaned naod na ananem ilo rumok ñai lo abol

ilasa wa. <sup>14</sup> Saen gamugo naod na alasa dop, ata ru arupidaip an lo sem ipiranan san niñen o ilom ta weiwei na wa. <sup>15</sup> Man dugo, ñai an ru abol san kankan milaen ak ñupanan a. An lo dop anşam ager adi in ru abol an in naon dubol san tia wa, ago dop in dam an awam lo dupirgini san tia wa. <sup>16</sup> Tinam tamam, teim taom, ananem dar, agod turam muroum dam ager adi banid lo diginian pe, an aenta dufunan amat a. <sup>17</sup> Tamolpein fidian ñai yanag o an dilian saian dop an lo siai digane wa. <sup>18</sup> Ak gug gurmam roun ta kisaek ideg yau san tia ya. <sup>19</sup> Tia, an atur dabai dop muruan fidian asini dan lo mi, kumaen pempem yen yau san anane wa.”

*Mitep Jerusalem daon dupani wa  
Mat 24:15-21; Mak 13:14-19*

<sup>20</sup> “Mitep yu tamol adi dutumanip Jerusalem ditiliani dop eil a. Ago ale dop alon ak, Jerusalem daon dupani san saen sumeik da. <sup>21</sup> Saen an lo dop, tamolpein Judea na dumado dan disol pe, diaup, did lulanad lo sed imianai a. Ago dop, tamolpein a Jerusalem ilon lo dumado dan ririan patun fo dilasap dusol diau a, agod a Jerusalem patun fo dumado dan in afon ilon lo ta mok diladu na wa. <sup>22</sup> Man dugo, nal nek an lo, Anut Jerusalem tamolpein sad aupasek naon ipidinai a. An lo dop ai wadan a Anut san buk lo digire yan fidian nuñon ilasa wa. <sup>23</sup> O kabel, nal en san pein luam anda yak, agod an pein ananem nanuk su apidinai dan dam, ñai ilog tubun mi imunan an da! Muruan tubun geig tan en lo ilasa dop, tamolpein ente dumado den Anut san tinæ mumarek dile wa. <sup>24</sup> Aenta ager adi sabiri nam dufu dumat a. Aenta inşad ager adi diñal pe, subanek tamol dilasap tan asau mi sensen lo diaup ante dumado wa. Agop gob adi Jerusalem diñanep dipartitale dop yaup nal a lo gob adi sad saen itout san nal an idaisuda wa.

*Jesus imul san nal**Mat 24:29-31; Mak 13:24-27*

<sup>25</sup> “Saen wadan sumeik dop, ad, kalam, patui lo kob funfun ilasa wa. Tan na tamolpein fidian tubun kasik direr dop ilod weiwei a. Man dugo, beig ibalsini dop tamun dam san liliñan tubun kasik a. <sup>26</sup> Tamolpein fidian ata mel mok tan en lo ilasa wo sumeik dan niñen o yaes tubun mi ifu dop, tinid irer dop, rirek lo malad itilianip dudu wa. Man dugo, Anut mel fidian keit lo yak imiriranai a. <sup>27</sup> Saen an lo dop, in fidian Tamol Nanun keit lo timtaen titiñaem kuai te ilasa dop, dabai agod girager tubun geig ak da ipalu dan, dile wa. <sup>28</sup> Saen melmel an ago fun diganep dilasa dop, amasap mala nouk lo malam lak na isuda wa. Man dugo, Anut inilian san saen sumeik mok ipalu da.”

*Gurab san ru fañan**Mat 24:32-35; Mak 13:28-31*

<sup>29</sup> Agog Jesus ru fañan en irupidai, <sup>30</sup> “Ai gurab in ai aenta dam ilom isou. Saen ai roud wagam ak idu dop, foun ak ifurñani dan ale dop, alon ak, ui san saen sumeik a. <sup>31</sup> Nek ago mi melmel an dilasap eil dop alon ak, Anut san kagin panek ipalu o da.

<sup>32</sup> “Nai rumok ñurupaian da, warou gamu en san tamolpein gamugo itout yau dop melmel en fidian dilasa wa. <sup>33</sup> Rumok geig, keit in tan da murnap itout a, ak gug ñaisag ru man ta itout na wa.

<sup>34</sup> “Ago yak niñen o kagin agane! Tamol Nanun ipalu wak san nal ta alon na ya. Ak niñen o soubul san kankan tubun mi agane amoi. You sakar ak tubun mi aluk amoi. Agod tan en san mala bulbal lo mi amado amoi. Kabelan añaon dop nal an idu kisaek on banau. <sup>35</sup> Nal an tamolpein a fidian tan tilianek aten fo dumado dan lo ilasa wa, in diñaon dop nal an idu wa, ago dop nal an san muruan niñen o disol diau san tia ya. <sup>36</sup> Ago yak niñen o an pempem nal an atiani dop aban ale wo uyanan a. Ago dop an pempem Anut agudani dop lo, muruan a fidian dilasa wan niñen o

ka asol aup, Tamol Nanun naon na atur a.”

<sup>37</sup> Nal anen anen atem Jesus tempel san ar ilon lo tamolpein mañau ipiteñanai se ya, agog gurai idug bubun a Did Oliv dubol dan fo yaug ante ñion yabi se ya. <sup>38</sup> Tamolpein fidian tidom lom mok inñsan ru dulon o tempel lo diau na ya.

**22**

*Judas Jesus ager banid lo igane ya*  
*Mat 26:1-5,14-16; Mak 14:1-2,10-11; Jon 11:45-53*

<sup>1</sup> Bret yis an tia yak san soubul, yañan Pasova, san saen sumeik. <sup>2</sup> Saen an lo pris gurman adi in kubi-aen san girek mañau dida tamolpein niñedi wo direr ak niñen o pasak nam Jesus dufunip imat o palan an dumari a. <sup>3</sup> Agog Judas yañan neinta Iskeriot dubol dan, Satan ilon lo idu ya. In dam Jesus san megeloum 12 amaiak sad kisaek ta. <sup>4</sup> Agog Judas yaug, pris gurman adi in tempel san titianek tamol sad gurman adi dida diñiñen go dal dugon lo Jesus banid lo igane wan ibol dulon. <sup>5</sup> Agog pris gurman adi ilod tubun mi uyan go Judas moni dupani wak dubol. <sup>6</sup> Judas awad yabi tag tamolpein malad patun fo Jesus ager banid lo igane san dal aban yabi se ya.

*Jesus inanen megeloum dida Pasova san anan diani a*

*Mat 26:17-25; Mak 14:12-21; Jon 13:21-30*

<sup>7</sup> Bret yis an tia yak diani san saen idu dugo, sipsip nanun Pasova san saen lo diani san dufu idu. <sup>8</sup> Agog Jesus Pita in Jon da idinaig, ru kagin en irupidai, “Aup, idsad Pasova san anan akubune.”

<sup>9</sup> Ago tag dusumiani, “Dugot na mok anan mukubune wo ubol di?”

<sup>10</sup> Agog in irupidai, “Saen an Jerusalem ilon lo aladu dop, tamol ta you isiri ak isini yau dan ale wa. Nien aban arip, ab dugon lo isuda tap, <sup>11</sup> ab an taman asumianip arupe: ‘Girek mañau igo ibol, galun dugon

lo n̄aineg megeloum dida man̄sama Pasova anan̄ an mani wak i? <sup>12</sup> Ago dop galuñ tubun ak ta lak na yak ikubiai panan̄ a. An̄ atna melmel fidian akubune.”

<sup>13</sup> Tamol uraru an diaug, mel fidian Jesus ibol ago mi dile ya. Ago tag galuñ ante Pasova san anan̄ dukubune se ya.

*Jesus in̄ bret wain da in̄aneg megeloum ipidinai a*

*Mat 26:26-30; Mak 14:22-26; 1Kor 11:23-25*

<sup>14</sup> Anan̄ diani san saen idu dugo Jesus tebol sin̄iren na in̄anen megeloum dida dumasi. <sup>15</sup> Agog irupidai, “N̄ai gamugo muruan n̄isini dop an̄ da Pasova san anan̄ en tani wo ilog tubun mi yen da. <sup>16</sup> Man dugo, n̄ai n̄urupaian̄ da, n̄ai fon an̄ da Pasova ta tani na dop yaup, Anut san kagin panek aben lo, mel a Pasova naon in̄ane wan san nuñon ilasa wa.”

<sup>17</sup> Agog Jesus gab wain anda yan in̄aneg, Anut ilo uyan ipanig ibol, “En an̄anep an̄sem nug lo awae. <sup>18</sup> Man dugo n̄ai n̄urupaian̄ da, n̄ai fon ai wain nuñon san you man ta n̄aluk na dop yaup, Anut san kagin panek ipalu gup, fon n̄aluk da wa.”

<sup>19</sup> Ago ibol itout go bret in̄aneg, Anut ilo uyan ipanig yafuteg, ipidinai dugo ibol, “Bret en n̄aineg tinig, n̄ai an̄ niñemi wo n̄iganeg idu ya. An̄ ago agane dop n̄ai ilom isou.” <sup>20</sup> Nek ago mi anan̄ diani itout go, gab in̄ane yabig igo ibol, “Gab en man kontrak foun n̄aisag dar lo ya. Dar en an̄ niñemi wo n̄aineg tinig lo yak ilasa wa. <sup>21</sup> Gug alon̄. An̄ luluñam lo tamol ta n̄ai ager banid lo iginiag an banin, n̄ai banig da tebol en fo dien da. <sup>22</sup> Tamol Nanun imat a, nek ibol Anut mi in̄ niñen o ibol ak ago mi in̄ lo ilasa wa. Ak gug tamol enti a Tamol Nanun iganep in̄anen ager adi sad tuod lo ilasa wan, rumok in̄ muruan tubun kasik ak ile wa!”

<sup>23</sup> Agog in̄sed nug dusumiani, “Enti mok ago Jesus lo igane wak i?”

*Enti in̄ malan te ya*

*Mat 20:25-27; Mak 10:42-44*

<sup>24</sup> Agog megeloum in̄sed in̄sed mi enti mitep in̄ yan̄an malan te yen ak niñen o nug diabi didiri se ya. <sup>25</sup> Jesus ago ilon̄ tag irupidai, “Gob adi luluñad lo in̄aned kin̄ adi sed idiraip lak na mok disuda dop tamolpein ditirnai o digane wa. Agod tamolpein sad tamol tutubu yan, in̄sed tamolpein sad binawek tamol ago dubol da. <sup>26</sup> Gug an̄ man dal ago tia ya. N̄ai n̄urupaian̄ da, luluñam lo ta in̄ tubun imado wak tap, sen irae imul pe murna imado wa. Ago dugo ta in̄ gurman imado tap, in̄ ibol urat pinein on̄ ilasa wa. <sup>27</sup> Ago yak niñen o enti in̄ tubun ak i? Tamol a tebol sin̄iren na imasig anan̄ yani dan, agod biabi n̄ilañal tamol enti tamol an anan̄ ipani dan, luluñad lo enti malan te imado di? An̄ alon̄ ak, tamol a tebol sin̄iren na imasig anan̄ yani dan malan te ya. Aria, n̄ai an̄ luluñam lo n̄upalug biabi n̄ilañal tamol igo won̄ n̄ilasag n̄umado da. N̄ai mi an̄anem tutuñanek tamol n̄umado da. <sup>28</sup> An̄ n̄ai ta abisawag na ya, tia, muruan a fidian n̄isini se yan lo an̄ n̄ai da sisem tatur kisaek a. <sup>29</sup> Ago tag nek ibol n̄aineg Tamag in̄san tamolpein n̄itirnai san dabai ipanag ak igo, n̄ai dam dabai n̄upanan̄ a, an lo dop n̄aisag tamolpein atirnai a. <sup>30</sup> Ago dop n̄aineg kagin panek aben lo, an̄ n̄ai da n̄aineg badim fo tumasip tani taluk a. Ago dop an̄ anen anen tulek tamol alasap, kin̄ san kalik fo amasip, Isrel sad gugoi 12 an akubianaip eil a.”

*Jesus Pita in̄ niñen o itot ak o ibol a*

*Mat 26:31-35; Mak 14:27-31; Jon 13:36-38*

<sup>31</sup> Agog Jesus Pita irupeï, “O Saimon, Satan an̄ fidian ikibianañ ile wo Anut isumiani la ya, agod Anut awok ipani a. Satan ilon man nek ibol wit dufufarig lo dukubiani uyanan dak igo an̄ fidian naom ikubiani ile wo ibol. <sup>32</sup> Gug Saimon, n̄aisag gadin̄ lo on̄ane ilo rumok ta idu geig na wak ago Bai n̄usumiani a. Saen n̄aisag na



umul dop, onjane tei inaned ilo rumok an dabai pani wa.”

<sup>33</sup> Agog Pita ibol, “Tubun en, naj ta nasuk namul na wa, tia, naj onj da sisem subanek ab lo taup, sisem tamat a.”

<sup>34</sup> Ago tag Jesus ru naon igo irupei, “O Pita, naj rumok njurupaio da, gamu tidom nek en lo kurek ta ibob na dop, saen utol onj naj ta ulonj na yak ubol a.”

<sup>35</sup> Agog Jesus isumianai, “Saen naj njidinarj go, moni san badam, kitouk, sendal tia au dugo, mel ta lo katuk ami ak i?”

Inj ru naon durupei, “Man tia ya.”

<sup>36</sup> Agog Jesus irupidaig ibol, “Ak gug gamu man, anj moni san badam am da tap, asini wa. Kitouk dam nek ago mi. Agod anj sabiri am tia tap, anjanem kulos didaen lo adirip moni anjanep ate sabiri adad a. <sup>37</sup> Man dugo, ru e profet ta naj ninjeg o ago igire yen nunjon ilasa wa,

‘Tamolpein tamol an dijaneg tamol a digane saian dan lulujad lo digane ya. Nek ago mi tile ya.’ Rumok nunjon, ru a naj ninjeg o profet adi digire yan fidian gamu nunjon ilasa wo da.”

<sup>38</sup> Agog megeloum durupeig dubol, “Ule, Tubun en, sabiri uraru ebo ya.”

Inj ru naon irupidai, “An nek idaisuda mi a.”

### *Jesus Did Oliv fo igudani a*

*Mat 26:36-46; Mak 14:32-42*

<sup>39</sup> Agog Jesus Jerusalem ibiseig, Did Oliv fo yau na yak ago mi fon yau dugo inanen megeloum njen fo diau a.

<sup>40</sup> Saen aben ante dilasa man, Jesus megeloum irupidai, “Anj Anut agudani dop, kubianek lo ta adu na wak o asumiani.” <sup>41</sup> Agog Jesus ibisawaig kitek asau mi yau gug turun isaluwig igudani, <sup>42</sup> “O njaineg Bai, ilo ibol tap, gab en naj banig lo pasi wa. Ak gug onj naj ilog ta uri na wa, tia, onjsigane ilo mi uri wa.” <sup>43</sup> Agog enjel ta lak na idug Jesus dabai ipani. <sup>44</sup> Ilon muruan an lo tubun mok igudani dugo injan silali an dar onj naon tinin fo ilasag tan na idu se ya.

<sup>45</sup> Igudanig itout man imasag, imul yaug injan megeloum dien dugo yil. Megeloum an ilod tubun kasik muruan an lo tinid tuon tia ya. <sup>46</sup> Ago tag irupidaig isumianai, “Anj ata wo aen di? Amasap, agudani dop, kubianek lo ta adu na wak ninjen o Anut asumiani.”

### *Jesus diabi a*

*Mat 26:47-56; Mak 14:43-50; Jon 18:3-11*

<sup>47</sup> Jesus ago ibol se man, tamol malan tubun ak dupalug naon na dilasa. Megeloum 12 an lulujad lo ta yanjan Judas, inj malan an imug go ipalu ya. Inj ilon yen dak Jesus musuk ipani wa. Ago tag yaug, <sup>48</sup> Jesus san na ilasa yak gug Jesus irupei, “Judas, onj musuk lo Tamol Nanun ager banid lo gane wo di?”

<sup>49</sup> Agog megeloum a Jesus dida diau an, kagin dugo ilasa wo ago dile tag Jesus dusumiani, “Tubun en, ilo dugo ibol da, manjsama sabiri nam mafu wak i?” <sup>50</sup> Agog lulujad lo tamol kisaek sabiri ifug pris gurman san biabi njalan pinein kududon won ak isubari.

<sup>51</sup> Ak man Jesus ibol, “Kagin an fon ta gane na wa.” Agog inj tamol an kududon isupurig, kududon uyan isusa da ya.

<sup>52</sup> Agog Jesus pris gurman adi, tempel san titianek tamol sad gurman, agod matu gurman aenta dida Jesus diabi wo dupalu yan isumianai, “Enta wo anj sabiri inj ai tok da asinag aliag pe abiag o apalu yak i? Ak dugo, naj wagai adi dida gabman mabi idu san gurman igo wonj anj ago ilom isou di? <sup>53</sup> Nal fidian naj tempel aben lo njumasi dugo tamolpein njipitenjanai se ya, ak gug naj ta abiag na ya. Gug gamu en tidom tubun ak lo man anjan saen a, man dugo, tidom tubun san tuon man Satan.”

### *Pita Jesus ilonj gug ninjen o itot a*

*Mat 26:57-58,69-75; Mak 14:53-54,66-72; Jon 18:12-18,25-27*

<sup>54</sup> Agog Jesus diabig, pris malan te yak san ab lo dijan diau dugo Pita njied fo ipare murna dugo yau. <sup>55</sup> Yai

ab naon na dutunig, tamol tinid isue dugo Pita dam yaug dida dumado se ya.

<sup>56</sup> Ago dugo urat pein ta ipalug, malan ti ibol go, Pita yai san lilaman lo imasig imado dan ile dugo ibol, "Tamol an dam Jesus da dutor na ya."

<sup>57</sup> Agog Pita itot go ibol, "O pein, ñai in ta ñalon na ya."

<sup>58</sup> Kitek taidag tamol ta Pita ile tag ibol, "On dam in sad kisaek a."

Gug Pita irupeig ibol, "O tamol, ñai man tia mok a!"

<sup>59</sup> Murnag auwa kisaek igo dumado gug tamol taidam imasag ibol, "Rumok, tamol en in da dutor na ya. In dam Galili tamol a."

<sup>60</sup> Ago dugo Pita ru naon irupeig, "O tamol, ñai on ata ninen o ubol dan ta ñalon na ya!" Ago ibol dugo awan fo kurek ibob. <sup>61</sup> Jesus idansag, malan ti ibol go Pita ile. Agog Pita gamu nam Jesus san ru imug ibol an ilon isou, "Gamu kurek gamugo ibob dop, on saen utol ñai ninen o utot a." <sup>62</sup> Agog Pita ilon itaug, kuai te ilasag tina tubun mi igane se ya.

*Jesus kukok an digane dugo dufuni a*

*Mat 26:67-68; Mak 14:65*

<sup>63</sup> Tamol a Jesus diabi an kukok an digane dugo dufuni se ya. <sup>64</sup> Malan yamel nam dufoug, dufuni dugo dusumiani, "On gamu profet ru ubol a, tamol e ifuno den enti ak i?" <sup>65</sup> Ago dugo nao futek ru aenta wei mi nam dupei se ya.

*Jesus dijaneg Juda kaunsil naod na kot dupani a*

*Mat 26:59-66; Mak 14:55-64; Jon 18:19-24*

<sup>66</sup> Salso idug Juda sad gurman adi, kubiaen san girek manau adi, agod pris gurman adi dida dutumanig Jesus dititianig dumado se ya. Agog Jesus dijaneg kaunsil an naod na dugunig itur a. <sup>67</sup> Ago dugo durupeig dubol, "Ubol! On Kristus i? Rupa iamap malon a."

Jesus ru naon irupidai, "Ñai nurupaian tap, an ilom lo ta rumok na

wa. <sup>68</sup> Agod sumianek nupanan tap, an ru naon ta arupaian na wa. <sup>69</sup> Gug saen gamu yau den, Tamol Nanun Anut a dabai fidian anda yan banin won ak lo imado wa."

<sup>70</sup> Ago tag dusumiani, "Ak dugo, on Anut nanun ak ubol di?"

In ru naon irupidaig ibol, "Awo, nek ansem abol la ya."

<sup>71</sup> Agog dubol, "Gidad, tamol taidam, tamol en san kagin ninen o dubol ilasa san id ta tigi ai na wa. Insen awan lo in san muruan ibol go talon la ya."

## 23

*Jesus Pailat naon na kot dupani a*  
*Mat 27:1-2,11-14; Mak 15:1-5; Jon 18:28-38*

<sup>1</sup> Agog kaunsil an fidian dumasag, Jesus dijaneg, gabman gurman Pailat dubol dan san na diau a. <sup>2</sup> Pailat naon na dilasag kot diganeg, ru dusue ti ibol go dubol, "Man tamol en Isrel tamolpein ikubulai tag mabi a. Kaisa san takis ta didad na wak ibol. In man Juda sad Kristus ibol, an ninen o in mi kin ibol da."

<sup>3</sup> Ago tag Pailat Jesus isumiani, "On Juda sad kin ak i?"

Agog Jesus ibol, "Awo, nek onse ubol la ya."

<sup>4</sup> Ago tag Pailat pris gurman adi, tamolpein malan tubun ak dida irupidai, "Ñai tamol en san muruan ta lo naon nupani san ñile man tia ya."

<sup>5</sup> Ago bo man tamolpein ru dabai kasik dubol, "In tamolpein ipitenanai dugo bused yabisap gabman da ager dumado wo igane da. Galili na fun iganeg, ipalug gamu etna ilasa ya."

<sup>6</sup> Pailat ru an ilon tag isumianai, "En in Galili tamol i?" <sup>7</sup> Jesus Galili tamol an ilon tag, idinai dugo dijaneg kin Herod san na diau. Man dugo, Herod in Galili kagin ipani da, an lo Jesus Herod paen na imado. Herod saen nek an lo Jerusalem na imado se ya. <sup>8</sup> Saen Herod Jesus ile man ilon tubun mi uyanan a. Man dugo, saen milaen in Jesus ile san ninen

o ilon yen. In ilon man Jesus kulob girager ta igane dop ile wo ibol. <sup>9</sup> Aria, Herod sumianek funfun ipani se ya, ak gug Jesus ru naon irupeiman man tia ya. <sup>10</sup> Go pris gurman in kubiaen san girek manau dida Herod naon na insad ru sewak an dusue ti ibol go Jesus maeg nam kot dupani se ya. <sup>11</sup> Agog Herod agod insan yu tamol dida Jesus kukokan digane se ya. Kin dututunanig yamel ta kin sadi on ak tinin fo diganeg Pailat san na fon dinane diau a. <sup>12</sup> Imug Pailat in Herod da siai lo dumado na ya. Ak man nal nek an lo in nug turan dilasa ya.

*Pailat Jesus aigim fo dubali wo ibol a*  
*Mat 27:15-26; Mak 15:6-15; Jon 18:39-19:16*

<sup>13</sup> Pailat pris gurman, agod Juda tamolpein sad gurman adi dida igiaig dutumanig <sup>14</sup> igo ibol irupidai, "An tamol en anane apalug abol, in tamolpein bubed yabisap gabman ida ager dumado wo igane da. An naom na tamol en nibitinaeg nile ak gug, muruan a ninen o abol dan fun ta nile man tia ya. <sup>15</sup> Herod dam nek ago mi ibitinae ile tag, fon iganeg idsad na ipalu ya. Tamol en mel ta igane saian pe lo mater ile san tia ya. <sup>16</sup> Ago yak ninen o bu mi inane gup nibiseip yau a."\*

<sup>18</sup> Agog in fidian awad kisaek lo mi disasaig dubol, "Tamol an funi imat. Barabas pasi panamap mansama na imul!" <sup>19</sup> (Barabas man in gabman san ager. In Jerusalem ilon lo ager yabisag an lo tamol ta ifuni imat a. An ninen o diabig subanek ab lo diganeg imado.)

<sup>20</sup> Pailat san ilon man, Jesus ibiseip yau o ibol da, ago tag tamolpein malan tubun an fon isumianai a. <sup>21</sup> Ak man in fon duwagin imul go dubol, "Aigim fo bali wa! Aigim fo bali wa!"

<sup>22</sup> Ago tag Pailat afon ibol, "In ata muruan ta igane yak ninen imat o abol di? Nai insan muruan ta nile man

tia ya. Ago yak ninen o nabol dop bu mi inane nibiseip yau a."

<sup>23</sup> Ago bo man in tubun mi disasaig, Jesus aigim fo ibali wak dubol. Agog insad sisein an Pailat san ru yabi idu.

<sup>24</sup> Ago tag Pailat inane ru dubol an awad yabig awok ipidinai a. <sup>25</sup> Inane ilod ibol ago mi tamol in gabman lo ager imadog tamol ta ifuni imat an subanek lo ipasi a. Agog ilod ibol dan ago mi digane wo Jesus banid lo igane ya.

*Jesus aigim fo dubali a*  
*Mat 27:32-44; Mak 15:21-32; Jon 19:17-27*

<sup>26</sup> Agog Jesus dinane diau dugo dal na Sairini tamol ta yan an Saimon in Jerusalem na iladu wo dugo diabig Jesus san aigim an dupanig isinig njen fo yau.

<sup>27</sup> Tamolpein wei nunon Jesus njen aban diri dugo, lulunad lo pein aenta Jesus ninen o tubun mi ditata dugo tina aru digane se ya. <sup>28</sup> Ago tag Jesus idansag irupidai, "An Jerusalem pein, nai ninen o atata amoi. Tia, ansem ninemi wo mi tina aru agane wa, agod ananem nanuk ninedi wo dam mi a. <sup>29</sup> Man dugo, mitep muruan tubun mok ipalu dop tamolpein dubol a, 'Pein niganig, pein nanuk ad tia yan, agod pein a imug nanuk su ta dupidinai na yan dam gamu ilod uyanan a.' <sup>30</sup> Saen an lo tamolpein dubol a,

'Did adup, afunama mamat. Bubun adup, atuanama!'

<sup>31</sup> Tamol gamu ai kumaen ak lo igo digane da. Ago tap, saen ai ikurnjak geig ak lo, ata mel ilasa wak i?"

<sup>32-33</sup> Tamol saidi ak uraru dam Jesus ida dinjal go diaug aben ta, yan an Kabunja Tatu san aben dubol dak, ate dilasa ya. Aben ante Jesus tamol uraru an dida aigim fo dubalai a. Neinta tuon won ak lo dugo, neinta tuon nas ak lo ya. <sup>34</sup> Agog Jesus ibol, "Bai, insad aupasek en pare idu, man dugo, mel e digane den dina on ak lo digane da." Agog insan kulos

\* **23:16:** Boi 17 Grik lo tia ya.

duburoug, sed nug lo duwaeg lo satu dukok a.

<sup>35</sup> Tamolpein leil digane dugo dutur a, ago dugo Juda sad gurman adi Jesus kukokan digane dugo dubol, “Inj aenta patud ipasi na ya. Ago yak niñen o, inj tamol a Anut ipiliani an, Anut san Kristus, an rumok tap, ka sen patun ipasi dop tile.”

<sup>36</sup> Yu tamol a dititiani dan sinjiren na dupalug kukokan digane se ya. Inj wain gigen geig ak wain uyan ak da dukubulig diabisag dubol, “Uluk. <sup>37</sup> Onj rumok Juda sad kinj tap, se ibinawo!”

<sup>38</sup> Ru ta ai lapan fo digireg aigim kabuñan fufo na dubali a. Ru en san sutek lo man igo ya, “En Juda sad Kinj.”

<sup>39</sup> Agog tamol saiadi an kisaek imasag Jesus naon ifute ipeig ibol, “Onj Kristus. Ago tap, onse ibinawo dop, manj dam binawama!”

<sup>40</sup> Ak man turan imasag irupej, “Dugo, onj Anut niñen o ta urer na di? Id utol muruan naon kisaek mi tisini da. <sup>41</sup> Id man bo tisini wak fom tisini da. Man dugo, idsad kagin naok naok fom ai wadan en dupanad a. Gug tamol en man kulob ta igane saian man tia ya.”

<sup>42</sup> Agog tamol an Jesus irupej, “Jesus, saen onj kinj lasa dop, ñai ilo isou.”

<sup>43</sup> Jesus ru naon irupej, “Ñai rumok ñurupaio da, gamu en onj ñai da Paradais lo sisem tumado wa.”

### *Jesus imat a*

*Mat 27:45-56; Mak 15:33-41; Jon 19:28-30*

<sup>44</sup> Saen an ad isudag 12 klok igo wonj dugo, abanj tidom tubun go tan fidian yafutanig yen dugo yaug 3 klok gurai isi a. <sup>45</sup> Man dugo, saen an lo ad ta ided na ya. Agog yamel tubun tempel lo iyuk yen an, imasireig uraru dilasa ya.† <sup>46</sup> Agog Jesus awan tubun mi iwagin go ibol, “Bai, ñaineg ñjutug onj bani lo ñigane da.” Ago ibol go imat. <sup>47</sup> Agog Rom yu tamol sad gurman inj abanj ago ileg, Anut yañan yabisag

ibol, “Rumok geig. Tamol en man muruan ta tinin lo tia ya. Inj itaot a.”

<sup>48</sup> Saen tamolpein a gubak mi abanj dile wo dutumani an Jesus imat dugo dile man, ilo muruan lo sed titired dufunig‡ aben an dibiseig diau a. <sup>49</sup> Gug tamolpein fidian a Jesus dulon an, pein a Galili nag ñien fo dupalu yan dam, duparianig asau mi dutur a. Dugo dugo ilasa yan dile wo malad digane ya.

### *Jesus mutou lo digane ya*

*Mat 27:57-61; Mak 15:42-47; Jon 19:38-42*

<sup>50-51</sup> Tamol ta yañan Josef, inj Juda panu ta Arimatia dubol dan san tamol. Inj tamol uyan, agod itaot. Inj Anut san kagin panek ipalu wo malan igane se ya. Inj Juda sad kaunsil lo imado gug kaunsil dida Jesus san matej o ilod ta kisaek na ya, agod awok ta ipidinai na ya. <sup>52</sup> Tamol an Pailat san na yaug, Jesus san sisanun inañep mutou lo igane wo isumiani. <sup>53</sup> Pailat awok ipani tag Jesus san tinin tubabun aigim fo yak ipasig, yamel milkouk ak nam ifoug, gib ta pat tubun ak ilon dupasi an lo igane ya. Gib an imug tamol ta ate disare man tia ya. <sup>54</sup> Nal an Soubul Kubunek San dubol a. Sabat nal fun igane wo da.§

<sup>55</sup> Pein Galili nag Jesus ñien fo dupalu yan Josef dida diaug, gib a lo Jesus san sisanun dugo dugo wonj iganeg yen an dam dile ya. <sup>56</sup> Agog dumul, inñsiganed na diaug, gurenj mumalun uyan ak Jesus tinin diabi wo dukubune idu. Sabat nal ilasa tag kubiaen ibol ak fom diganeg, yaes dubal.

## 24

### *Jesus fon kumaen imasa da ya*

*Mat 28:1-10; Mak 16:1-8; Jon 20:1-10*

<sup>1</sup> Aria, ubou san nal Sabat dubol dan\* itout go nal patun fo, ubou

† **23:45:** Kulob an fun man igo ya: Jesus san matej an log dalawan ipasig, gamu id fidian Anut san na tau san dal yen da. ‡ **23:48:** An man ilo muruan san kob § **23:54:** Juda sad ilo sou lo, gurai idug ad idiau itout man, an nal foun ak ilasa la yan san kob. \* **24:1:** Sarere † **24:1:** Sande



turan san nal malmalan,† tidom lom geig, pein gureŋ mumalun uyan uyan ak fidian dukubune yan disinig, mutou fun na diau a. <sup>2</sup> Mutou fun na dilasag, pat tubun a ate mutou awan dufutani an awan dubuli yau la yan dile ya. <sup>3</sup> Ago tag gib ilon lo diladu yak gug Jesus san sisanun ta dile na ya. <sup>4</sup> Agog kankan ifu dugo dutur ibol ak, tamol ta urarum, inŋsad kulos weil irafule dan san lilaman igo woŋ ak, giraneŋ na dilasag dutur dugo dil a. <sup>5</sup> Pein an tubun kasik direr go naod itakok tan na idu ya. Agog tamol uraru an durupidai, “An ata wo tamol dumat ak lulunad lo tamol kumaen ak abanjan abi dak i?” <sup>6</sup> In etna tia. In kumaen imasa ya. Ilo sou agane, gubak mi saen an in da Galili na amado yan igo irupaian go ibol, <sup>7</sup> “Tamol Nanun aupasek tamol banid lo diganep, aigim fo dubali wa. Agop nal utol yen gup, fon kumaen imasa da wa.” <sup>8</sup> Ago dubol dugo pein an Jesus san ru ilod isou.

<sup>9</sup> Ago tag mutou dibiseig dumul diaug, megeloum 11, agod tamolpein aenta dida dumado dan dam durupidai a. <sup>10</sup> Pein a diau an: panu Magdala san Maria, Joana, agod Jems tinan Maria. In pein aenta dam dida diau ak ru an aposel adi naod na dubol. <sup>11</sup> Ak man aposel adi sad ilo sou lo man, ru a pein an durupidai an njeo mi a, an ninen o ilod lo ta rumok na ya. <sup>12</sup> Gug Pita imasag, imaspalug, mutou fun na yaug, iyep pat gubaran ilon lo yau ya. Ak man yamel a ate Jesus san sisanun dufou an mi yen dugo ile tag, kankan gidigheid inane dugo fon imul ab lo yau a.

*Tamol uraru Jesus dal a Emeas na yau dan te dile ya*

*Mak 16:12-13*

<sup>13</sup> Nal kisaek an lo mi lulunad lo tamol uraru in panu ta Emeas dubol dak lo diau se ya. (Jerusalem biseip, 11 kilomita wau gup, Emeas na lasa wa.) <sup>14</sup> Dal na melmel a fidian ilasa na yan nug lo dukubiai dugo diau se ya. <sup>15</sup> Inŋsed dinjeŋ di diau dugo Jesus inŋsen ilasag, luad isag, dida sisem

diau a. <sup>16</sup> Tamol uraru an Jesus dile bo man, Anut malad yafutani an lo in tamol sen ak ta dubol a. <sup>17</sup> Agog Jesus isumianai, “An so ru ta abol dugo au di?”

Ru an dulon go dupartuanig ilom muruan ad da dutur a. <sup>18</sup> Tamol ta yanjan Kleopas imasag isumiani, “Nag onse kisaek Jerusalem na nor warim kulob ilasa na yan ta ulon na boi i?”

<sup>19</sup> Ago dugo Jesus isumianai, “So mel ta?”

In ru naon durupe, “Muruan nek a Nasaret tamol yanjan Jesus dubol dan lo ilasa amaiak ninen o mabol da. Tamol an in profet. Inŋsan njeŋ, urat dam dabai anda igane se ya. Anut, in tamolpein dida dupitiani na ya. <sup>20</sup> Maŋsama pris gurman adi agod id-sad gurman fidian dida dubol dugo, Rom san gabman gurman banin lo digane ya. Agog tamol an kot ipanig aigim fo dubalig imat a. <sup>21</sup> Maŋ iloma lo, Anut tamol an Isrel adi patud ipasi wo ipiliani a. Ago igane wo maŋ tinim migane pani na ya, gug gamu tia ya. Taida mi, gamu muruan an ilasa gug nal utol yau la ya. <sup>22</sup> An mi tia, maŋsama pein lulunad lo aenta tidom lom mutou fun na diau a. <sup>23</sup> Mutou fun na dilasag tubabun gib lo ta dile na ya. Ago tag maŋsama na dumul go igo durupaiaama, malad njutun dile dugo enel uraru dil go enel an durupidaig dubol, ‘Jesus kumaen imasa la ya.’ <sup>24</sup> Ago tag maŋ lulunam lo tamol aenta mutou fo diaug pein adi durupaiaama yak ago mi dile ya. Ak man tubabun ta dile na ya.”

<sup>25</sup> Agog Jesus irupidai, “An ilom tia. Ata wo profet adi ru dubol na yan ilom lo ta rumok na yak i?”

<sup>26</sup> Profet adi kuai tem dubol, Kristus mitep muruan isini gup, inanen girager agod yanjan tubun ak inane wa.”

<sup>27</sup> Agog inŋsen ninen o girek lo Moses in profet adi dida ninen o dubol na yan fun ifulale ya.

<sup>28</sup> Agog dupalug, Emeas sumeik dugo, Jesus itaot yau wo igane tag <sup>29</sup> diabituanig durupe, “Ad idu la yak

ninjen o umoip, taen.” Ago tag dida ab lo disida ya.

<sup>30</sup> Anaj diani wo dumasid dugo Jesus bret inaneg, Anut ilo uyan ipanig, yafuteg, ipidinai dugo malad ipuk go <sup>31</sup> in dulon man, tamol en nek Jesus sen a. Agog Jesus gamu nam malad lo tia yau. <sup>32</sup> Agog tamol uraru an nug ru durupeig dubol, “Onj ilo isou, gubak mi saen Jesus id da dal na turenj tabi dugo ru fidian girek lo yan fun ifulale panad se yan, inisan ru bubed lo nek ibol yai inani dak igo wonj a.”

<sup>33</sup> Agog dumasag fon Jerusalem na ririan dumul go diau. Jerusalem na megeloum 11 an in turad aenta dida dutumanig dumado dugo dil a. <sup>34</sup> Agog in tamol uraru an durupidai, “Rumok geig. Tubun en fon kumaen imasa ya! Saimon Pita sen malan lo mok ile ya.” <sup>35</sup> Ago tag tamol uraru an dam dal na abanj dugo dile yan dubol, “Manj dam dal na mile yak man in ta malon na ya. Gug saen bret yafuteg ipanama ante dugo in malon a.”

*Jesus megeloum naod na ilasa ya*  
*Mat 28:16-20; Mak 16:14-18; Jon 20:19-23; Apo 1:6-8*

<sup>36</sup> Tamol uraru an ago dininjen dugo Jesus lulunad lo ilasag ibol, “An maror amado.”

<sup>37</sup> Agog durut go direr saian. In ilod lo tamol nutun ta naod na ilasa dubol a. <sup>38</sup> Agog isumianai, “Anj ata wo arer dak i? Anj ata ninjen o ilom weiwei di?” <sup>39</sup> Malam ipalup, njeg banig ale. En man njaiseg. Abiag pe aliag! Tamol nutun man tinid tatu an tia ya. Gug njai man tinig tatu amag da ya.”

<sup>40</sup> Ago ibol go njen banin ikibiai dugo dile ya. <sup>41</sup> In ilod uyan ak man ilod lo kitek ta rumok na ya. Man dugo, durut saian dugo in ilod weiwei, an lo ilod lo rumok san ta pasauman na ya. Ago tag isumianai, “Anj etna mel nuaen san ta yen di?” <sup>42</sup> Agog iy gisek ak dupanig, <sup>43</sup> naod nam inaneg yani dugo dile ya.

<sup>44</sup> Agog irupidai, “Imug njurupaian ak ilom isou. Wagam Moses san kubiaen lo, profet adi sad girek lo, agod

Isrel sad kanam buk lo dam, melmel fidian njai o digire na yan nunjon ilasa wa.”

<sup>45</sup> Agog insad kankan isofulaleg, an lo Anut san ru girek lo yen dan fun mok dulonj fufei a. <sup>46</sup> Agog irupidai, “Ru a buk lo digire yan igo ibol: Kristus mitep muruan isinip, imat pe, nal utol gib lo yen gup, fon kumaen imasa da wa. <sup>47</sup> In yanjan lo Anut tamolpein ilod ibilisa dop, inaned muruan ipasi pidinai an san ru, Jerusalem na fun igane gup, panu panu lo yau a. <sup>48</sup> Anj melmel ilasa dugo ale na yan abol dop, dulonj a. <sup>49</sup> Bai mel ipananj o ibol an njau gup, njidinip ipalu wa. Ago yak ninjen o Jerusalem na malam aganep amado dop yaup, dabai a lak na yak ipalu wan idup an tinim inanfute wa.”

*Jesus lak na isuda yau a*  
*Mak 16:19-20; Apo 1:9-11*

<sup>50</sup> Agog Jesus injal go diaug, Betani na dilasa ya. Atnag banin yabisag, bar ipidinai a. <sup>51</sup> Agog ibisawaig, Taman inaneg sinjiren na yau a. <sup>52</sup> Tamol a leil digane dan Jesus ubou an dile gug yousai tubun geig ak lo mi dumul go Jerusalem na diau a. <sup>53</sup> Ante saen wei mi tempel lo Anut per dupani dugo dumado na ya.

## Jon

<sup>1</sup> Fun lo mok Anut mel fidian ta idiri na dugo, Ru in yen la ya. In Anut da dumado ya, agod Ru mi insen Anut. <sup>2-3</sup> In Anut ida dumadog, in lo mel fidian dilasag dien da. Ta in dal sen ta lo ilasa man tia geig a. <sup>4</sup> In lo kumaen yen da, an lo mel fidian kumaen dinane ya, agod kumaen an tamolpein lo lilaman igane ilasa da. <sup>5</sup> Lilaman an tidom tubun lo ided da, agod tidom tubun an lilaman ituani san tia ya.

<sup>6-7</sup> Aria, Anut tamol ta iganeg imug ilasa ya. In yan Jon dubol da. In ipalug, lilaman san ru fun an tamolpein fidian ikubiai ipidinaip, dulong pe, ilod lo rumok san. <sup>8</sup> Ak man Jon insen lilaman amaiak tia ya. In lilaman an ninen ru an ibol ilasa dop dulong o ipalu ya. <sup>9</sup> Lilaman a lilaman mok an, tan na idup tamolpein fidian lilaman ipidinai o ipalu ya.

<sup>10</sup> In lo mel fidian dilasa ya, agod in tan en lo kuai isig imado la yak bo man, tamolpein dinan geig a. <sup>11</sup> In sinanen tan lo ipalu ya, ago gug muroun muroun an in dinane man dumoi. <sup>12</sup> Ak man tamolpein a in dinane yan, agod in yan tubun ak ilod lo rumok an fidian, Anut nanun dilasa san dabai in ipidinai a. <sup>13</sup> In tinad tamad sad dar lo, tia, tan san kagin lo, tia, tinid san kagin lo, Anut nanun muroun dilasa man tia ya. Tia, Anut sen iginiaig, inanen nanun muroun dilasa ya. <sup>14</sup> Ru an tamol nunon ilasag kuai isi a. Agog in man lulunama lo ida mumado na ya. Rumok, Bai Anut inanen Nanun kisaek o lian idinig ipalu ya, ago dugo Nanun an san girager tubun ak mile ya. Ilo panek in ru rumok da in tinin inane fute ya.

<sup>15</sup> Aria, Jon malak malak in ninen o igo ibol iwagin, "Tamol emaiak ninen o nai nurupaian go alon na ya. Tamol a nai patug fo ipalu dan, nai irinanag dugo naisag malan te yak imado da.

Man ata wo, wagam mi nai ta nilasa na yan in imado la ya." <sup>16</sup> Insan ilo munanek tubun mok in lo awan isa ya, an lo binawek wei mi an inanen banin dibiseig id fidian tinane na ya. <sup>17</sup> Man dugo, Anut id Moses banin lo kubiaen ipanad a, gug ilo panek in ru rumok da man, Jesus Kristus lo mi ipanad a. <sup>18</sup> Tamol ta Anut kitek ile man tia geig a. Gug Anut a kisaek o lian an, Taman giranen na imado na ya, in tan na ipalug Taman ikubiai panad go talon a.

*Jon Suguek san, ru kuai te ifulale ya  
Mat 3:1-12; Mak 1:1-8; Luk 3:1-18*

<sup>19</sup> Jon ru e Jesus ninen o ibol ilasa yen man igo ya. Saen Juda gurman adi a Jerusalem na dumado dan pris aenta, Liwai adi da didinaig Jerusalem dubuseig diaug, Jon fun dulong o dusumianig dubol, "On enti i?" <sup>20</sup> Agog Jon ru kuai tem irupidaig dulong a, in enti mok an ta itot na ya. In igo ibol, "Nai man Kristus tia ya." <sup>21</sup> Ago tag in dusumianig dubol, "Ak on enti i? On dag profet Elaija wagam na yak fon palu boi?" Ak man in ibol, "Man tia." An ninen o in fon dusumiani, "On dag profet a Anut ninen o ibol amaiak boi?" Gug in ibol, "Tia ya." <sup>22</sup> An ninen o in dusumiani, "Ago tap, ubol pe malon, on enti mok i? Man tamol didinamag mupalu yan ata ru ta murupidaip dulong ak i? On onse nibe wo dugo ubol dak i?" <sup>23</sup> Ago gug Jon profet Aisaia awan aban inane igo ibol, "Nai man tamol ta aben kawan ak ate iwagin emaiak san awan nisaiag nuwagin da, "Tubun en inanen dal akubune apani!" "

<sup>24</sup> Farisi adi lulunad lo tamol aenta imug didinaig dupalu dugo, tamolpein dida dutur a. <sup>25</sup> In dam Jon dusumianig dubol, "On Kristus, tia, Elaija, tia, Profet mititiani den dam tia yak ubol dan, ago tap, ata wo tamolpein suguek pidinai dak i?" <sup>26</sup> Jon awad yabig igo ibol, "Nai tamolpein you lo mi nusuguai da. Gug tamol ta an lulunam lo itor dak an ta alon na da. <sup>27</sup> Tamol an in nai patug fo

ipalu da, gug in̄ ñai irin̄anag a. Ñai seg iliag dak man, ñai in̄san sendal ñupasi san ta idaisuda na ya.”<sup>28</sup> Saen an lo Jon panu Betani na imado dugo, you Jordan aen ate in̄anen suguek urat igane se ya. Panu ante kulob an fidian ilasa ya.

### *Jesus man Anut san Sipsip Nanun*

<sup>29</sup> Agog dien dumasag nal tinin te yan, Jesus imasag Jon san na ipalu dugo, Jon malan yaug ile, agog ibol, “Ale dak, an Anut san sipsip nanun ipalu da. In̄ ipalu dan lo, tan en san tamolpein sad kagin saiak fidian iragali pidinai a.”<sup>30</sup> Ñai gubak mi tamol nek amaiak nin̄en o ñabol a. “Tamol ta in̄ ñai patug fo ipalu dan in̄ ñai irin̄anag go ñaisag tamol malan te yak imado da. Man ata wo, wagam mi ñai ta ñilasa na yan in̄ imado la ya.”<sup>31</sup> Ñaiseg man gubak mi in̄ tamol dugo yan ta ñalon̄ na ya. Ago yak man ñai ñupalug, tamol amaiak Isrel tamolpein ñukubiai pidinaip dile dulong o, you nam ñusuguai se ya.”

<sup>32</sup> Agog Jon mel a ile yan nin̄en igo ibol, “Ñai Urgun kumaen panu ibiseig idu dugo ñile ya. In̄san leil man nek ibol muluk on̄ idug Jesus gumuran fo imado dugo ñile ya.”<sup>33</sup> Ñaiseg man imug in̄ tamol dugo yan ta ñalon̄ na ya. Gug Anut enti tamolpein you nam ñusuguai o idinag go ñupalu yan, in̄sen irupaiag go ibol, “On̄ Urgun ule dop idup, tamol ta tinin fo imado wa. Tamol nek an in̄ tamolpein Urgun lo isuguai a.”<sup>34</sup> Ñai ñile ñalon̄ la ya, an lo ñai in̄ nin̄en o ru ñabol ilasa da, tamol en in̄ Anut Nanun mok a.”

### *Jesus megeloum malan malan in̄jal a*

*Mat 4:18-22; Mak 1:16-20; Luk 5:2-11*

<sup>35-36</sup> Nal tinin te yan lo, Jon san megeloum uraru in̄ dida dutur dugo malad yaug, Jesus yau dugo dile. Jon Jesus ile tag megeloum irupudai, “Ale dak, on̄ Anut san sipsip nanun, tamolpein ibinawai o ipalu ya.”

<sup>37</sup> Megeloum uraru an ru ago dulong tag, diaug, Jesus ñien aban diri se ya.

<sup>38</sup> Agog Jesus idan̄sag, uraru an yil tag irupudai, “An̄ ata mel o aban̄ abi di?” Agog uraru an awan diabig dubol, “Rabbi (en fun man girek man̄au) on̄ ab dugon te mado di?”<sup>39</sup> Agog Jesus awad yabig ibol, “An̄ apalup ale.” Ago tag in̄ dida diaug, ab a ate imado dan dile ya. Nal an gurai idu ya, ago tag in̄ dida atna dumado yaug tidom idu ya.

<sup>40</sup> Megeloum uraru Jon awan dulong go Jesus da diau an, neinta yan̄an Andru, Saimon tein. <sup>41</sup> In̄ Jesus ibiseig ririan yaug tein Saimon aban̄an yabig, ileg irupeï, “Man̄ Mesias mile la ya.” (Yan̄ak Mesias fun man Kristus.)<sup>42</sup> Agog tein Saimon in̄aneg, ida dumul Jesus san na dupalu. Jesus malan ti ibol Saimon ileg irupeï, “On̄ Saimon, Jon nanun. Gamu ñai on̄ yan̄a sen ta Sifas ñupate da.” (Grik ru lo Sifas fun man Pita dubol da, an “pat” igo won̄ a.)

### *Jesus Filip in̄ Nataniel da isu a*

<sup>43</sup> Dien dumasag, Jesus distrik Galili na yau o ilo sou igane ya. In̄ Filip ileg irupeï, “On̄ ñai da tau a.”<sup>44</sup> Filip in̄ panu Betsaida dubol dan san tamol, an in̄ Andru Pita da sad panu kisaek a.<sup>45</sup> Filip Nataniel aban̄an yabig ileg irupeï, “Man̄ tamol a Moses in̄ profet dida nin̄en o dubol dugo, girek lo digire emaiak mile la ya. In̄ Nasaret tamol, yan̄an Jesus, Josef nanun.”<sup>46</sup> Agog Nataniel ibol, “Mel uyan ak ta Nasaret na ka ilasa wak i?” Gug Filip ibol, “On̄se palup ule.”

<sup>47</sup> Agog diau dugo, Jesus Nataniel in̄san na ipalu dugo ile tag, in̄ nin̄en o igo ibol, “Ale, an Isrel tamol mok. In̄ ilon lo kagin sewak ak ta yen man tia geig a.”<sup>48</sup> Ago tag Nataniel isumianig ibol, “On̄ dugudo won̄ ñai fug ulon̄ i?” Agog Jesus awan yabig igo ibol, “Filip on̄ gamugo igio dugo, on̄se gurab dabin fo mado dugo ñilio ya.”<sup>49</sup> Ago tag Nataniel irupeï, “Girek Man̄au, on̄ Anut Nanun mok a, on̄ Isrel sad Kin̄.”

<sup>50</sup> Agog Jesus ibol, “Ñai on̄ gurab dabin fo mado dugo, ñilio ñabol an



ninjen o onj ilo lo rumok i? Ulonj ak, murnap onj mel tubun geig ak mel en irinjani an ule ulonj a.”<sup>51</sup> Jesus fon irupudai, “Nai rumok nunjon mi njurupaianj da. Murna dop Anut kumaen panu awan ipasip, anj malam yaup, Anut san enjel adi Tamol Nanun san na dusuda dudu dop eil a.”

## 2

### *Jesus you ibileksag wain ilasa ya*

<sup>1-2</sup> Nal uraru yau gug, panu Kana Galili distrik lo ante nug njanek san soubul digane. Jesus tinan ab an lo imado dugo, Jesus san megeloum dadi digiaig dupalug, nug njanek san soubul an lo dumado ya.<sup>3</sup> Nug njanek san soubul an diani diluk yaug you wain itout. Ago tag Jesus tinan imasag nanun irupeig ibol, “Injad you wain itout a.”

<sup>4</sup> Ago tag Jesus tinan irupeig ibol, “Nei, ata wo onsa tini ganei naj lo gane dak i? Naisag saen gamugo da.”

<sup>5</sup> Aria, tinan yaug urat pinein irupudai, “Urat biabi fidian irupaianj dop, awan ari apani.”<sup>6</sup> Ab an lo bod tubun tubun ak 6 dutur dan ate you disirip, Juda sad kagin lo mi njied banid dufulani da. Bod kisaek kisaek an ate you 90 lita boi, tia, 140 lita boi, ago lo you disiraip dien da.<sup>7</sup> Aria, Jesus urat pinein sad na yaug irupudai, “Bod an ate you asiri idup awad isa wa.” Ago tag inj ibol ak atem ago digane ya.<sup>8</sup> Agog Jesus irupudaig ibol, “You an ta awalip asini aup, soubul san gurman apani.” Ago tag inj you an disinig diaug dupani a.

<sup>9-10</sup> Agog soubul gurman an you a ibileksag wain mok ilasa yan iluk ile ya. Ak man kulob an fun ta ilonj na ya. Urat pinein a you disiri an inj dulonj ak man ta durupeil onj na ya. An ninjen tamol an nug njanek san pinein an iwagig ipalug irupeil, “Idsad tamol kagin man igodo ya. Wain uyanan mok ak imug doup tupidinaip duluk itout gup, murna wain kitek saian an tupidinaip diluk da. Dugodog onj ago ta

gane na i? Onj wain uyan ak ilo isig yen gug gamu sini palu ya.”

<sup>11</sup> Kulob girager en Jesus san urat malan malan Galili distrik lo Kana panu na igane ilasa ya. An lo injan yanak tubun ak san dabai inj lo yen dan kuai isig, injan megeloum dileg, inj o ilod lo rumok a.<sup>12</sup> Soubul an itout gug Jesus imasag, tinan, tein muroun, injan megeloum isug, dida panu Kaperniam na dudug, ante kitek dida dumado ya.

### *Jesus Tempel lo yau a*

*Mat 21:12-13; Mak 11:15-17; Luk 19:45-46*

<sup>13</sup> Aria, Juda sad tumanek tubun ak, Pasova dubol dan san saen sumeik tag, Jesus imasag Jerusalem na yau a.<sup>14</sup> Inj yaug tempel san tumanek aben ilon lo iladug, makau, sipsip, anakanak a didaen lo digane yau imul se yan yil a. Aenta badim fo moni patun dibileksa dibilekla dugo yil a.<sup>15</sup> Ago tag Jesus rasau ipideg sen nam tamolpein fidian ifu ikudai dugo, makau, sipsip dam ikudai kuai te dilasa ya. Agog tebol an moni aman da ikulmaek idug, moni iratitaleg ifurak yau a.<sup>16</sup> Ago gug tamol anakanak didad se yan irupudai, “Anjanem mel en fidian asup alasa. Anj najneg Bai san ab en anjanep daden aben igo ta agane na wa.”

<sup>17</sup> An ninjen o injanen megeloum ru ta Anut san buk lo digireg yen dak ilod isou. Ru an igo ibol, “Nai onjane ab ilog njupani mok da, an ninjen o naj ilog saian dugo bubeg wananan geig da, an lo kankan an naj ilog yabi sakar dugo iduduwig da.”

<sup>18</sup> Jesus ago igane dugo Juda gurman dileg, dumoi go dubol, “Onj ata kulob girager ta ganep manj milep malonj ak, onj en so dabai ta lo igo gane dak i?”<sup>19</sup> Ago tag Jesus awad yabig igo ibol, “Nai ubou ab en njititale gup, nal utol lo mi fon njususe da wa.”

<sup>20</sup> Agog Juda adi Jesus durupeil, “Ab en anajar 46 lo diabig itout a. Gug gamu onj en nal utol lo mi wabisa da wo ubol dak i?”<sup>21</sup> Ak man Jesus ubou ab ninjen ibol an, fun man injan tinin

ninjen o ibol a. <sup>22</sup> Ago yak ninjen o saen Anut Jesus materŋ lo ifufunig fon kumaen imasa yan lo, injanen megeloum dileg ru a wagam mi Jesus inŋsen ibol an ilod isou. Agog ru girek a Anut san buk lo yen dan, agod ru a Jesus ibol an dam, ilod lo rumok a.

<sup>23</sup> Jesus tumanek tubun Pasova dubol dan san saen lo, Jerusalem na imado dugo, doup tubun an injanen kulob girager igane yan dile tag, inŋ o ilod lo rumok a. <sup>24</sup> Ak man Jesus inŋsen injanen tini ganei tamolpein an lo ta igane na ya, man dugo, inŋ tamolpein an fidian ilod ilonŋ fufei a. <sup>25</sup> Tamol ta kankan naok dugo yak a tamolpein bubed lo yen dan ninjen, Jesus ilonŋ o kuai te ibol ilasa san urat aman tia ya. Man dugo, Jesus sen, kankan a fidian tamolpein ilod lo dien dan ilonŋ pasik a.

### 3

#### *Jesus Nikodemus ida dininŋen a*

<sup>1</sup> Farisi sad tamol tubun ak ta yaŋan Nikodemus. Inŋ Juda adi sad gurman ta, agod Juda sad kaunsil malan te yak lo yaŋan yen da. <sup>2</sup> Tamol an tidom ta lo Jesus san na yaug, irupeŋ, “Girek Maŋau, maŋ malonŋ ak Anut onŋ idinog maŋsama na girek maŋau igo palu ya. Man dugo, tamol enti a Anut ida dumado dan mi, kulob tubun tubun a onŋ gane dan inŋ ka igane wa. Inŋ Anut san tia dop man, urat a gane dan igane san tia ya.”

<sup>3</sup> Jesus awan yabig igo ibol, “Nai rumok nuŋon mi nŋrupaio da. Isop tamol ta foun ta ilasa na tap, Anut san kagin panek aben ile san tia geig a.”

<sup>4</sup> Ago tag Nikodemus awan yabig ibol, “Dugo wonŋ pe tamol inŋ tinin tamol igane la yak afon foun ilasa da wak i? Nag fon tinan tiŋaen lo ka iladup, nanuk igo wonŋ tinan igansi wak i?”

<sup>5</sup> Jesus ru naon irupeig ibol, “Nai rumok nŋrupaio da. Isop tamol ta you inŋ Urgun da lo kumaen foun ak ta inŋane na tap, Anut san kumaen panu ilon lo ta iladu na wa. <sup>6</sup> Mel tinik lo ilasa man tinik san mel mi a, nek ago mi, mel a Urgun igane ilasa dan

inŋ ur san mel a. <sup>7</sup> Gug onŋ foun lasa wo nŋabol dan ninjen o onŋ masa saian umoi. <sup>8</sup> Tim man inŋsen injanen ilon ibol ak lo yau imul da. Ago dop tim an liliŋan mi ulonŋ da. Gug inŋ dugon te ipalug dugon te yau dan, onŋ ta ulonŋ na ya. Tamol a Urgun iganep, foun ilasa dan nek ago mi a.”

<sup>9</sup> Nikodemus isumianig ibol, “En dugo wonŋ mok ilasa wak i?” <sup>10</sup> Agog Jesus awan yabig ibol, “Onŋ man Isrel luluŋad lo inŋsad girek maŋau mado ya, ago gug, ata wo mel an fun ta ulonŋ na ubol di? <sup>11</sup> Rumok nuŋon mi nŋrupaio da. Maŋ mel a malonŋ an ninjen o mi ru mabol da, agod maŋ mel a maŋsema malama nam mile yan mi tamolpein naod na mabol ilasa da, ago bo man anŋ tamolpein maŋanema ru anŋane wan amoi da. <sup>12</sup> Nai tan san kagin ninjen o imug mi nŋrupaiaŋ a, ak gug anŋ ilom lo ta rumok na ya. An ninjen o, dugo, nai fon kumaen panu san melmel an niŋedi wo nŋrupaiaŋ dop man, an dugo wonŋ pe anŋ ilom lo rumok ak i? Man tia geig a. <sup>13</sup> Tan en san tamol ta kumaen panu lo iladu man tia ya. Tamol Nanun inŋ mi aben an lo iladu ya. Man dugo, injanen fun panu man tan en san tia ya, tia, gubak mi inŋ Anut da dumado gug, kumaen panu ibiseig idug tan na ilasa ya. <sup>14-15</sup> Wagam Moses Isrel adi dida aben kawan ak ate dumado dugo mot dilasag, tamolpein diratai se ya. Ago yak ninjen o Moses ai igunig, mot mitilaen ta yabisag isuŋani a. Talpein mot mitilaen ile dan, imat san tia ya, tia, kumaen imado ya. Nek ago mi Tamol Nanun diabisap dusuŋani wa. An ninjen o tamolpein a fidian nai o ilod lo rumok dan, inŋ kumaen pempem san dinŋane wa.

<sup>16</sup> “Anut inŋ tan en san tamolpein niŋedi wo imat, an ninjen o injanen Nanun kisaek o lian an ipanad a. An lo tamolpein inŋ o ilod lo rumok tap, ta dideg diau na wa. Tia, inŋ kumaen pempem yen san dinŋane wa. <sup>17</sup> Man dugo, Anut injanen Nanun tan na iganeg ipalu yan, inŋ tamolpein

bitinaek lo idiraip naon muruan ipidinai wo ta ipalu na ya. Man tia. In ipalu yan lo tamolpein patud ipasi dop, pitiñnek aben lo ta diau na wa. <sup>18</sup> Enti in o ilon lo rumok dop man, Bitinaek Tamol in muruan ta ipani na wa. Gug enti in o ilon lo rumok tia yan in ideg yau san dal lo imado la ya. Man ata wo, in Anut Nanun kisaek o lian an niñen o ilon lo ta rumok na ya. <sup>19</sup> Bitinaek Tamol yil saian man fun igo ya. Lilaman tan na idu la ya, ago gug tamolpein lilaman an patud dupani dugo, tidom tubun lo dumado wo dumat da. Man dugo, in kagin saiak saiak mi digane wo dumat da. <sup>20</sup> Tamolpein kagin saiak digane dan in lilaman dumoi go san ager dumado da. In lilaman lo dupalu san dumoi, man dugo, kabelan inaned kirem saian an kuai te ilasa banau. <sup>21</sup> Gug talpein a in kagin rumok ak igane dan in lilaman lo ipalu dop lo inñsan urat uyan ak walal te ilasa wa. Ago dop tamolpein a talpein an leil dupani dan, in dile duloñ ak, talpein an Anut san dabai lo inñsan urat fidian igane da.”

#### *Jon Suguek san in Jesus fun kuai ipani a*

<sup>22</sup> Aria, murnag Jesus megeloum dida dumasag, Jerusalem dubuseig, Judea aen ate diaug, ante dida kitek dumado dugo tamolpein suguek ipidinai. <sup>23</sup> Ago dugo Jon dam sasau Aion dubol dak ate, aben Salim sumeik an, ante imado dugo tamolpein inñsan na dupalug you lo isuguai se ya. Man dugo, you kuror ak aben ante dien da. <sup>24</sup> Saen an lo man gurman Herod in Jon subanek lo gamugo igane ya. <sup>25</sup> Aria, Juda tamol ta ipalug, Jon san megeloum dida Juda sad you sugug kagin niñen o fun diganeg nug dupei. <sup>26</sup> Ago tag Jon san megeloum diaug durupeig dubol, “Girek mañau ule, tamol a gubak mi oñ in da you Jordan aen ate amado dugo, in niñen o ru fulale amaiak, in tamolpein suguek ipidinai dugo fidian inñsan na mi diau da.”

<sup>27</sup> Agog Jon ru naon igo irupidai, “Uyan, talpein ta inñsinan dabai lo mel ta inñane san tia ya. Tia, in binawek Anut kumaen panu lo iganeg idu an mi ka inñane wa. <sup>28</sup> Ansem gubak mi ñai ru kuai te ñabol ilasa dugo alon la ya. Ñai Kristus tia ya. Ago yak man ñai Anut sen idinag go Kristus naon na ñanug ñupalu ya. <sup>29</sup> Tamol ta in pein da nug diñane tap, pein an tamol an san. Go tamol sen ak turan an patun fo sumeik itur dan inñsan turan an awan ilon, an niñen o ilon uyanan geig a. Ñai man Kristus san turan, tamolpein inñsan na diau dan ñeil dop, ilog uyanan geig da. <sup>30</sup> Ago yak niñen o in yanñan tubun mi imasap yau dop, ñai yanñag ka idu wa.”

<sup>31</sup> Tamol in lak nag idu yan in yanñan tubun geig a, mel fidian in paen na dumado da. Tan en san tamol man in tan en san ru mi ka ibol ilasa wa. Gug tamol a kumaen panu log idu yan man fidian iriñanai a. <sup>32</sup> In mel a fidian yil an, agod mel a fidian kududon ilon an dam, tamolpein naod na ibol ilasa da. Ak gug inñsan ru tamolpein an fidian iriñanai yau oñ dugo, duloñ o dumoi. <sup>33</sup> Gug talpein enti ru an inñaneg yabi sakar dan, kulob an lo ikubiai tile yak inñsan ilo rumok igo ya, “Anut san ru an ru rumok.” <sup>34</sup> Man dugo, Tamol a Anut idinag idu yan, in awan Anut san awan aban mi inñen da. Ata wo? Anut in Ur kabelan ka Tamol an ta ipani na da, tia, inñsan Ur tubun mi in lo awan isa wa. <sup>35</sup> Bai inñanen Nanun o tubun mi imat go, mel fidian in banin lo idiri a. <sup>36</sup> Ta in Anut nanun ilon lo rumok tap, in kumaen pempem yen san inñane la ya. Gug in a Anut Nanun patun ipani dan, in kumaen pempem yen san ta ile na wa. Man ata wo? Anut san tinñae saiak in lo yen da.

## 4

### *Jesus Sameria pein ida diñiñen a*

<sup>1-3</sup> Jesus tamolpein wei mi inñsan na dupalug inñanen megeloum dilasa gug isuguai a. Tamolpein a Jesus isuguai se yan san sutek man Jon san iriñani

a. (Jesus inſen tamolpein ta isuguai na ya. Tia, inſanen megeloum mi urat an digane ya.) Farisi adi Jesus dugo igane yan duloſ, an niſen o ta inſ Jesus irupeſ iloſ. Ago tag inſ Judea ibiſeiſ fon imul Galili na yau o turenſ yabi a.

<sup>4</sup> Dal an Sameria dumado dak titiſaem idug yau a. <sup>5</sup> Inſ yaug Sameria sad panu ta, yanſan Sikar dubol dan ate ilaſa ya. Abaſan an tubud baged Jakob nanun Joſef tan ipani an ſiſiren na ſumeikan a.

<sup>6-8</sup> Aria, Jesus turenſ yabiſ yau do nad ad titiſaem mi an inſ urei ifuni gug, you gib an fun na ilaſa ya. Gib an Jakob ſan you gib dubol da. Inſ yaes ibal o imasiſ imado ya. Gug inſanen megeloum man inſ anaſ didad o panu na diau la ya, agod Jesus mi inſen kiſaek imado. Agog Sameria pein ta you gib an ſiri wo idu nad Jesus ile ya. Jesus inſ you o imat ſaian tag, pein an irupeſ, “You kitek ſirip panag ſaluk.”

<sup>9</sup> Juda inſ Sameria da man nug lo ſiai dumado da, agod inſ nug ſan anaſ ta diani na da. An niſen o pein an imaſa ſaian go irupeſ, “Onſ ata wo ſai onſ you ſupanop, uluk o ubol di? Onſ Juda, agod ſai man Same-ria.” <sup>10</sup> Jesus pein an ru naon irupeſ ibol, “Onſ talpein e, ‘you panag ſaluk’ ago ibol an, agod Anut ſan lou panek an dam uloſ uyan ak man, onſ inſ ſumiani dop, you kumaen ſan an ipanop uluk a.” <sup>11</sup> Ago tag pein an Jesus irupeſ, “Tamol tubun en, onſ you kapen ama tia ya. Agod you gib en kuror kaſik a. Ago yak niſen o you a kumaen ſan an onſ dugon te ſane wak i? <sup>12</sup> Idsad tubud baged Jakob inſ you gib en yabiſ manſ ipanama ya. Inſen you en iluk na ya, inſanen nanun muroun dam, makau, ſiſip dam you en diluk na ya. Ak nag onſ inſ riſani ubol di?”

<sup>13</sup> Ago tag Jesus pein en awan yabiſ ibol, “Ta inſ you en iluk tap, inſ fon you o imat da wa. <sup>14</sup> Gug ta inſ you a ſai ſapani wan iluk tap, inſ aſon you o ta imat na wa. Rumok, you a ſai ſapani wan, inſ ilon lo pempem ibanaſ ilaſa

dop, kumaen pempem yen ſan ipani wa.” <sup>15</sup> Ago tag pein an ibol, “Tubun en, onſ you an ſai panag. Agop ſai fon you o ſamat dop, you ſiri wo ta ſupalu na wa.”

<sup>16</sup> Jesus awan yabiſ irupeſ, “Onſ waup, onſane iwo ſane gup, fon ente ida apalu.” <sup>17</sup> Agog pein an ru naon irupeſ ibol, “ſai iwog tia ya.” Ak man Jesus ibol, “Onſ iwo tia ubol dan rumok a. <sup>18</sup> Onſ wagam tamol faiv unſ la ya. Gug gamu tamol a inſ onſ ida amado dan man inſ onſa iwo tia ya, an niſen onſa ru ubol an ru rumok geig a.”

<sup>19</sup> Pein an ago iloſ man, imaſa ſaian go Jesus irupeſ, “O tamol tubun en, ſai ilog iſafulale ya. Onſ Anut ſan profet. <sup>20</sup> Dugudo, manſ tubum murouma inſ did en fo dutumanig, Anut ubou an dile na ya. Gug anſ Juda man Jeruſalem na mi aup, ante Anut ubou an ale wo aſue ti abol da.”

<sup>21</sup> Ago tag Jesus irupeſ, “O pein, ru e ſurupaio den ilo lo rumok pe wabi. Nal ta idu dop, ate Bai Anut ſan ubou leil an did en fo, agod Jeruſalem lo dam, ta agane na wa. <sup>22</sup> Anſ Sameria adi Anut a niſen o ubou ale dan ta aloſ uyan na ya. Gug manſ Juda man inſ maloſ uyanan a. Man ata wo? Anut tamolpein inſal pe patu paſek ipidinaſ ſan dal man Juda sad dar lo ilaſa ya. <sup>23</sup> Gug nal ta idu wo yan gamu nek e ilaſa la ya, ante man tamolpein enſauta a kaſin nuſon ak lo mi Anut ſan ubou an dile dan, Urgun lo, agod ru rumok ak da, inſ niſen o ubou dile wa. Man dugo, Anut enſauta a ubou naok ago digane dan mi yil o abanaſad yabi da. <sup>24</sup> Anut man inſ Ur a. Fun an niſen o, tamolpein enſauta a inſ kaſin nuſon ak lo mi ubou an dile dan man, inſ Urgun lo, agod ru rumok da, inſan ubou an dile wa.”

<sup>25</sup> Ago tag pein an Jesus irupeſ, “ſai ſalonoſ ak, Meſias ipalu da. Inſ id ibi- nawad ſan Anut ipiliani a. Inſ ipalu gup, mel fidian kuai te igane ilaſa dop tile taloſ a.” <sup>26</sup> Agog Jesus pein



an irupeï, “An bo n̄aiseg, nek e oŋ da tiŋineŋ da.”

### *Jesus san megeloum dumul dupalu ya*

<sup>27</sup> Jesus pein ida diŋineŋ di dumado dugo iŋanen megeloum dupalug dilasa ya. Ago dile man iŋ durut saian geig a. Gug iŋ luluŋad lo tamol ta kisaek Jesus isumianig, “Oŋ ata ipano wo ida an̄ineŋ i?” tia, “Oŋ ata wo ida an̄ineŋ i?” ago dubol man tia ya.

<sup>28</sup> Agog pein an you kapen igansig you fun na yen dugo, imul panu na yang tamolpein irupudai, <sup>29</sup> “Apalup, tamol ta iŋ n̄ai kulob n̄igane na yan fug fidian ifulale idu pasik an ale. Dag iŋ Kristus boi?” <sup>30</sup> Ago tag fidian panu dubuseig, Jesus dile wo you fu na diau.

<sup>31</sup> Agog Jesus san megeloum iŋ durupeï, “Tubun ak, oŋ gidad nuai a.” <sup>32</sup> Gug iŋ awad yabig ibol, “N̄ai anan̄ sen ta amag da yak, an n̄ani san an an̄ ta aloŋ na ya.” <sup>33</sup> An niŋen o iŋanen megeloum nug durupeig dubol, “Dag tamol ta anan̄ isini ipalug ipanig yani la boi?”

<sup>34</sup> Gug Jesus irupidaig ibol, “N̄aisag anan̄ man igo ya, n̄ai Bai idinag go n̄upalu yan iŋanen awan n̄uri n̄upanip, iŋanen urat n̄iganep itout pasik a, an mi n̄aisag mel tubun a. <sup>35</sup> An igo abol, ‘Kalam iwoiwo yau gup man anan̄ ibes idu wa.’ Gug n̄ai rumok n̄urupaian̄ da, malam yaup aban̄ ale, an̄ gidad anan̄ ale alubani. Nuŋon tales san saen idaisudag yen da. <sup>36</sup> Tamol iŋ anan̄ nuŋon urat an igane dan, iŋ naon uyanan̄ iŋane wa. Iŋ tamolpein itumanaip, kumaen pempem yen san diŋane wa. Urat an fun igane la ya. Ago dop tamol anan̄ piapae san, nuŋon iles san an ida sisem sed iyuŋanai a. <sup>37</sup> Fun an lo, ru a tamolpein diŋineŋ na yan nuŋon ilasa ya, ‘Tamol ta kisaek anan̄ ipae da, ak gug tamol sen ak anan̄ iles da.’ <sup>38</sup> N̄ai an̄ abi a ante anan̄ ta apae na yan lo, anan̄ ales san urat agane wo n̄idinan̄ go au a. Tamolpein aenta abi an lo

urat tubun mi digane la ya. An̄ iŋsad silali naon an̄ane ya.”

### *Sameria wei mi ilod lo rumok a*

<sup>39</sup> Sameria panu an san tamolpein wei mi iŋ pein an san ru duloŋ go, Jesus lo ilod rumok a. Man dugo, pein an ibol, “N̄ai gubak mi kagin dugo n̄igane na yan fidian irupaiag a.”

<sup>40</sup> An lo saen Sameria adi Jesus san na dupalu dugo, iŋ kitek dida dumado wo dusumiani a. Ago tag nal uraru ante dida dumado ya. <sup>41</sup> Gug gamu tamolpein nen wei geig iŋ Jesus sen awan lo ru duloŋ ak niŋen o ilod lo rumok a.

<sup>42</sup> Iŋ fidian mi pein an durupeï, “Gamu en maŋ oŋsa ru mi maloŋ ak o iloma lo ta rumok na ya. Tia, maŋsema Jesus sen awan lo ru maloŋ ak o iloma lo rumok geig a. Agod maŋ maloŋ ak, nek tamol emaiak, rumok nuŋon mi, iŋ tan en san tamolpein fidian sad patu pasek tamol.”

### *Jesus kiŋ san urat tamol nanun ikubuneya*

<sup>43</sup> Nal uraru an itout go, Jesus Sameria adi ibisawaig imul Galili na yau. <sup>44</sup> Gubak mi Jesus iŋsen igo ibol ilasag ibol, “Anut san profet iŋsinan panu fun lo man yaŋan tia ya.”

<sup>45</sup> Aria, saen iŋ Galili na ilasa dugo, tamolpein dileg duyun̄ani a. Man fun dugo, iŋ dam Jerusalem na nal tubun an lo, kulob kulob a ante igane yan dile yak niŋen o, ago malan dupare ya.

<sup>46-47</sup> Agog Jesus fon Kana panu na ilasa ya. Panu ante imug you ibilisag wain ilasa ya. Ante imado dugo, kiŋ san urat tamol gurman ta nanun Kaperniam na imado yan, subam ifuni saian. Iŋ Jesus Galili distrik lo imado yan ilon̄ tag, imasag ririan Jesus san na yau. Iŋ yang, iŋanen nanun imat o itor dan, Jesus ikubunep uyan ilasa wo imosiai a.

<sup>48</sup> Agog Jesus irupeï, “An̄ tamolpein pempem kulob ta girager aman da yak, agod kulob a urer san dam ale wo ilom ibol da. Tia dop, an̄ ilom lo ta rumok na wa.”

49-50 Ago dugo kinj san urat gurman an fon in igudanig ibol, "O Tubun ak, on palu kisaek on. Kabelan naineg nanuk imat banau."

Jesus awan yabig ibol, "On wau, onane nanu uyan imado wa." Aria, tamol gurman an Jesus san ru ilon lo rumok go yau. <sup>51</sup> In yau on dugo, inanen urat pinein dal na naon ditareg durupe, "Onane nanu uyan ilasag imado da." <sup>52</sup> Ago dubol tag, in isumianai, "Ad mitilaen dugo won dugo tinin kitek uyan i?" In awan diabig dubol, "Nor ad isakek o itor dugo, tinin ibubarum a." <sup>53</sup> Ago tag taman fon ilon isoug, nor nek ad ago Jesus irupeig, inanen nanuk uyan imado dak ibol a. Agog in Jesus ninen o ilon lo rumok dugo, inanen muroun muroun dam fidian ilod lo rumok a.

<sup>54</sup> Jesus in Judea ibiseig Galili na ipalu gug, kulob girager en igane ya. Kulob en Jesus san urat girager tinin te yak Galili distrik lo igane ilasa ya.

## 5

### *Jesus tamol ta you Betesda ante ikubune ya*

<sup>1</sup> Murnag Juda adi sad tumanek nal tubun ak ta ilasa wo dugo, Jesus dam Jerusalem na yau. <sup>2</sup> Jerusalem man pat nam ar dufou dulubani a. Ar san dalawan wei mi dien da. Dalawan ta "sipsip sad dalawan" dubol dan te you saltek ta yen da, Hibu ru lo yanjan Betesda dubol da. You an aen te lalai miriau faiv ate dien da. <sup>3-4</sup> Lalai miriau an ate man tamolpein subam funfun amad da yak ate dumado da. Aenta malad tia yak, aenta njed saian ak, aenta njed banid tubabun ak, ante enel ta ipalup, you lo idup you ila iso dop, dile wo mala nouk dumado da. Gug enti in imug you lo idu dan inanen subam itout a. <sup>5</sup> Aria, tamol ta in miriau ante anajar 38 subam inaneg imado ya, in itor san tia, ago yen on se ya. <sup>6</sup> Jesus tamol an ile dugo, in saen milaen mok subam anda yen na yan durupe a. Ago tag

Jesus isumianig ibol, "Dugo, on tini uyan o ilo ibol di?"

<sup>7</sup> Ago dugo subam tamol an Jesus awan yabig ibol, "Awo. Tamol tubun en, ulon, saen you ila iso dop, nai tamol ta ibinawag pe, you lo ibilag njadu san tia ya. Naisag nibitinae njadu wak, gug aenta mi in nai dirinanag pe dunug dudu da."

<sup>8</sup> Ago tag Jesus irupe, "Masa utur pe, onane gadab an wabisa sinip wau." <sup>9</sup> Jesus ago ibol an ririan tamol an tinin uyan ilasa, agog imasa itur go inanen gadab an yabisa isinig yau.

Kulob an man Juda sad ubou nal lo ilasa ya.\* <sup>10</sup> Ago yak ninen o Juda adi tamol a tinin uyan an dupeig dubol, "Gamun man yaes bilabal san nal, onsigane gadab sinip utur san man geg mok a."

<sup>11</sup> Ago tag in ru naon igo ibol irupudai, "Tamol a nai ikubuniag an in sen nai irupaiag go naisag gadab ninaneg nau da."

<sup>12</sup> Ago tag fon dusumiani, "Tamol enti on ago gane wo irupaio i?" <sup>13</sup> Ak man tamol uyan ilasa an in tamol a in ikubune yan ta ilon na ya. Man dugo, tamolpein doup tubun mok an lo Jesus lulujad lo yau imianuk a.

<sup>14</sup> Murnag Jesus tamol an tempel ilon lo ile tag irupeig ibol, "Ulon, gamu on uya la ya. On fon kagin saian ak ta gane na wa. Kabelan muruan nen tubun geig ak ta on lo ilasa banau." <sup>15</sup> Agog tamol an yaug, Juda gurman adi irupudai dulon, "Tamol a nai ikubuniag go uyag an man yanjan Jesus."

### *Anut Nanun lo id kumaen tinane wa*

<sup>16</sup> An ninen o Juda adi Jesus yaes bilabal nal lo urat igane an ninen o tinjed saian go fun diganeg muruan dupani se ya. <sup>17</sup> Ago tag Jesus irupudai, "Naisag Tamag in nal fidian urat igane yau da, an ninen o nai dam nek ago nigane da." <sup>18</sup> Ru an ninen o Juda adi tinjed saian go, Jesus dufuni imat o maeg tubun mi digane na ya. An

\* 5:9 Judah sad ubou nal an Sarere, nal an Sabat dubol da.

sabat nal ipilali ak ninen o mi in̄ ago ta digane na ya, tia, Anut in̄ taman mok ibol ak, ru naok an lo in̄sen Anut da tou kisaek mi ibol da, an lo tin̄aed tubun mi saian a.

<sup>19</sup> Jesus irupidaig ibol, “N̄ai rumok nuñon mi n̄urupaian̄ da, Nanuk man in̄ sen ilon nam mel ta igane san tia ya. Tia, in̄ Bai san banin leil ipani dugo, kagin naok dugo yak igane dan ago mi in̄ dam igane wa. Man dugo, urat dugo Bai igane dan mi Nanun dam igane da. <sup>20</sup> Taman in̄ Nanun o imat go, urat fidian igane dan ikubiai panig ile ilon̄ a. Awo, an̄ amasa saian san urat tutubun geig ak taida n̄igane wo ikubiai panag a. An urat e gamu igane den irin̄ani geig dop arut saian a. <sup>21</sup> Ata wo? Taman in̄ tamol dumat ak fon iburousap kumaen ipidinai san ilon̄ a. Nek ago mi Nanun dam in̄ sen ilon ibol ak atem, enti kumaen ipani wan ago igane wa. <sup>22</sup> Taida mi, Taman in̄ tamolpein ta bitinaek lo ta idirai na da. Tia, urat an man Nanun mi banin lo igane pasi a. <sup>23</sup> Taman ilon man, nek ibol tamolpein Taman yañan disini dak igo won̄, in̄ fidian Nanun dam yañan disini wa. Talpein enti a Nanun yañan ta isini na dan man, Taman a Nanun iganeg ipalu yan dam yañan ta isini na da.

<sup>24</sup> “N̄ai rumok nuñon mi n̄urupaian̄ da. Talpein enti in̄ n̄aisag ru ilon̄ dugo, Anut n̄ai idinag go n̄upalu yan ilon lo rumok dan, Anut ru ibol pe talpein an ideg yau ak ta mok igane na wa. Tia, talpein an kumaen pempem san in̄ane la ya, in̄ mater̄ san dal ibisei lag, gamu kumaen san dal lo itor da. <sup>25</sup> N̄ai rumok nuñon mi n̄urupaian̄ da, nal ta idu wo igo yan gamu nek e ilasa la ya. Nal an lo tamolpein gamu mater̄ san dal lo dutor dan Anut Nanun awan dulon̄ a, ago dop a in̄ awan dulon̄ dan, kumaen pempem san diñane wa. <sup>26</sup> Bai in̄ kumaen san taman imado dak ago mi Nanun dam in̄ kumaen an ipani a, an ninen o in̄ dam kumaen san fun imado da. <sup>27</sup> Agod in̄ Nanun tamolpein bitinaek lo idirai san dabai ipani a, man dugo,

in̄ Tamol Nanun a.

<sup>28</sup> “An̄ mel an ninen o arut saian amoi, man dugo, nal idu dan te dop, tamolpein a fidian sad mutou lo dien dan in̄san awan dulon̄ a, <sup>29</sup> agop in̄sinad mutou awan dibiseip dilasa wa. Tamolpein ensauta a kagin uyan ak digane na yan dumasap kumaen pempem san diñane wa, ago dop a in̄ kagin saiak saiak digane na yan dumasap Anut ibitini ai gup dideg diau a. <sup>30</sup> N̄ai seg ilog nam mel ta n̄igane san man dabai amag tia ya. N̄ai bitinaek n̄igane den man Bai sen irupaiaig ago mi n̄in̄ane da, an ninen o n̄aisag bitinaek man uyan a. Man ata wo, n̄aiseg ilog n̄urig, urat ta n̄igane na da, tia, a in̄ n̄ai idinag go n̄upalu amaiak ilon mi n̄iri wo yaes isofutanag da.

#### *Tamolaenta Jesus fun ninen o dubol*

<sup>31</sup> “N̄aiseg nin̄eg o mi ru n̄abol dop man, idsad kubiaen̄ ibol ago tamol kisaek san ru an dabai aman tia ya. <sup>32</sup> Ak man talpein sen ak n̄aisag ru dabai ipani da, agod n̄ai n̄alon̄ ak in̄ n̄ai nin̄eg ru ibol dan in̄san ru man rumok a.

<sup>33</sup> “An̄ gubak mi tamol adinaig suguek san Jon san na diaug, n̄ai nin̄eg o mi ru rumok ak kuai tem ibol dugo dulon̄ a. <sup>34</sup> Gug tamol ta n̄aisag ru en dabai ipani wo ru ta n̄abol na da, tia, an̄ n̄ai o ilom lo rumok pe, Anut patum ipasi wo ru en n̄abol da. <sup>35</sup> Jon man in̄ sul igo won̄ ided dugo tamolpein lilaman ipidinai a. In̄ imado an lo saen katukan mi an̄ ilo uyan am da in̄san lilaman lo amado ator na ya.

<sup>36</sup> “Ak man mel ta ibalsin̄anag go n̄ai nin̄eg ibol ilasa dan, Jon san ru irin̄ani a. Urat e n̄igane den, urat nek emaiak n̄igane itout o Bai banig lo iganeg n̄igane da. Urat nek en n̄ai nin̄eg o ikubiai panan̄ dak, Bai in̄sen n̄ai idinag go n̄upalu ya. <sup>37</sup> Agod Bai a n̄ai idinag go n̄upalu yan in̄sen, ru rumok n̄ai nin̄eg o ibol a. Ago gug an̄ kududom in̄ awan kitek dulon̄ man tia, agod tinin san leil an dam ale man tia ya. <sup>38</sup> In̄anen ru dam an̄ lo tia ya. Man dugo, Bai n̄ai idinag go n̄upalu ya,

ago gug naj o ilom lo ta rumok na ya. <sup>39</sup> An ru a Anut san buk lo yen dan lo aban tubun mi ale da, man dugo, an ilom igo isou da, ru an lo kumaen pempem san anane wak abol da. Ak man ru nek emaiak naj ninjeg o mi ibol na ya. <sup>40</sup> Ago bo man, an njasag na apalup, kumaen an anane wo man amoi da.

<sup>41</sup> “Gidad tamolpein naj yanag di-abisa wo digane bo man, insad per panek ta njane na wa. <sup>42</sup> Ak man naj an njalon fufei, ansam kagin man sen a. Agod naj njalon ak, an ilom lo man Anut o ta amat na da. <sup>43</sup> Naj Tamag san yanag lo njupalu ya. Ago gug an naj ta anjiliag na ya. Gug tamol sen ak insen yanag lo ipalu dop man, an in ayunani wa. <sup>44</sup> An Anut mi sen kisaek san na yanag tubun anane san amoi da, ago gug ansem nug teim taom lo mi yanag tubun ak anane wo agane da. An ago agane tap, dugo won naj ninjeg o ilom lo rumok ak i?”

<sup>45</sup> “Ago yan ninjen o kabelan an ilom lo naj Bai naon na an ru lo njidiran ak abol banau. Tia, tamol enti a an ru lo idiran amaiak Moses mi a. An ilom lo in murnap ibinawan o abol, agod in lo mi ananem tini gane agane da. Ago bo man, in ru lo idiran a. <sup>46</sup> An Moses san ru ilom lo ta rumok na ya. An ru an ilom lo rumok nunon ak man, an gamu ananem ilo rumok naj lo agane wa. Man dugo, Moses naj ninjeg o ru igire ya. <sup>47</sup> Gug an insan ru igire yan ilom lo ta rumok na ya, an ninjen o, en dugo won pe an njasag ru ilom lo rumok ak i?”

## 6

*Jesus faiv tausen tamolpein anan ipidinai a*

*Mat 14:13-21; Mak 6:30-44; Luk 9:10-17*

<sup>1</sup> Murnag Jesus anen megeloum dida dumasag wog dinaneg, you Galili awan aen ate diau. You an yanag neinta Taiberias dubol da. <sup>2</sup> Tamolpein wei mi Jesus njen aban fo diau, man dugo, in tamolpein subam

amadi da yak ibinawaig uyadi dugo kulob girager dile amaiak njen o in njen fo diau na ya. <sup>3</sup> Jesus inanen megeloum dida diaug tan bubun fo disida diaug, ante dumasig dumado. <sup>4</sup> Nal an man Juda sad nal tubun, tumanek tubun san nal Pasova dubol dan san saen sumeikan a.

<sup>5</sup> Agog Jesus malan ila iso ak man tamolpein wei mi insan na dupalu dugo yil a. Ago tag in Filip irupe, “Id dugon te anan ta tadad pe, tamolpein en diani wak i?” <sup>6</sup> In ilon lo, mel dugo igane wo man yen la ya, ago gug Filip ikubiani wo ago isumiani a.

<sup>7</sup> Aria, Filip imasa saian go ru naon igo ibol, “Id gidad pat tubun mi lo anan tadad bo man, tamolpein en kitek kitek dianip ta idaisuda na wa.”

<sup>8</sup> Agog megeloum ta Andru, Saimon Pita tein, amaiak Jesus irupe, <sup>9</sup> “Pinein nanun ta ente imado da, in bret bali faiv, agod iy uraru aman da ya. Ago yak man, dugo won pe ate tamolpein warou tubun en tufutaip idaisuda wak i?”

<sup>10</sup> Gafurfur\* uyanan ante yen da, an ninjen o Jesus megeloum irupidaig ibol, “Tamolpein arupidaip ante dumasi.” Ago ibol go in gafurfur fo dumasi a. Tamol mi sad sutek man faiv tausen igo ya. <sup>11</sup> Agog Jesus bret inaneg, Anut ilo uyan ru ipani gug, an fidian iwae pidinaig diani a. Iy dam nek ago mi iganeg, inaned ilod ibol ak ate mi diani a.

<sup>12</sup> Diani itout an inanen megeloum irupidai, “An anan samsamun yen dan atumani. Kabelan anan samun ta kawan tibidani banau.” <sup>13</sup> Ago tag anan samsamun dutumanig, sareg 12 tutubu yak ditane idug, awad isa ya.

<sup>14</sup> An ninjen o tamolpein kulob girager dabai an dileg, agog nug lo dinjen go dubol, “Rumok nunon, an ilom dugo isou dak i? En man tag Profet a Anut gubak mi ibol amaiak tan na ipalu wo tamol nek ema ya.”

<sup>15</sup> Gug Jesus ilon ak, in dupalup, dabai nam diabip, dinane diaup insad kin

\* **6:10:** Kurkur



digane ilasa wo da. An ninen o in tamolpein an ilod lo sen ipasig did giranjen na yaug imado se ya.

*Jesus you aten fufo yau a*

*Mat 14:22-33; Mak 6:45-52*

<sup>16</sup> Gurai idu dugo, Jesus san megeloum you tilianek Galili lo na dudu ya. <sup>17</sup> Inj loŋ na diau a, ak man Jesus inŋad na ta ilasa na ya. Ago tag in wog lo dusudag, Kaperniam na dumul diau wo loŋ dibiseig, you titiŋaem dututeg diyawai a. Saen diyawai dugo tidom idu yak man, Jesus nen gamugo loŋ na ta idu na ya. <sup>18</sup> Saen an lo tim tubun ak ifure dugo, tamun dam tubun mok imasa ya. <sup>19</sup> An lo in wog lo dufulanig diaug kitekan asau mi, 5 kilomita ago dugo, Jesus you aten fufo na wog naon ipanig ipalu dugo dile ya. An ninen o direr saian geig a. <sup>20</sup> Ago dugo in irupidai, “An arer amoi, ŋaiseg ŋupalu da.” <sup>21</sup> Agog sad rurek itout go ilod pasai ibol an lo in wog lo isuda wo ilod uyan a. Agog milaen tiag wog an panu diau dan ate yaug isasau a.

<sup>22</sup> Salso idug tamolpein you awan aen ate dumado yan ilod igireg igo ilod isou: Nor na man wog taida man tia ya. Wog kisaek an lo Jesus ta isuda na ya, tia, inŋsan megeloum mi dusudag diau a. <sup>23</sup> Inj ilod ago isou dugo, wog aenta taun yaŋan Taiberias dubol dan ateg dupalu dugo dil a. Wog an aben a ate Tubun ak bret in iy da Anut ilo uyan ru ipanig diani an, sinjiren na disasau a. <sup>24</sup> Tamolpein Jesus inŋanen megeloum dida aben ante abanad diabi se yak man, naod ta dile na ya. Saen ago dulon man, wog an lo dusudag Kaperniam na Jesus dile wo abanjen diabig diau a.

*Jesus in anan kumaen san*

<sup>25</sup> Inj diaug you awan aen ate Jesus dile gug dusumianig dubol, “Girek maŋau, on nal saŋepta ente palu yak i?” <sup>26</sup> Jesus awad yabig irupudai, “ŋai rumok nuŋon mi ŋurupaian da, an kulob girager ale yan ninen o ŋai ta abanag abig apalu na ya. Tia. An

anan anig luam ipuk amaiak ninen o mi ŋai abanag abig apalu ya. <sup>27</sup> An anan a saen katukan lo mi saian dan anane san urat an ta agane na wa. Tia. An anan a kumaen ipanan pe pempem yau san an mi anane wo urat wagai agane. Anan an Tamol Nanun ipanan a. Anut tamol emaiak ilon ipani dugo, kob igo tinin lo iganeg yen da.”

<sup>28</sup> Agog in dusumianig dubol, “Ak maŋ en dugo miganep Anut san urat migane wak i?”

<sup>29</sup> Ago tag Jesus awad yabig ibol, “Anut san ilo sou lo urat agane man igo ya, tamol emaiak in iganeg ipalu yan mi an in o ilom lo rumok a.”

<sup>30</sup> Ago tag in dusumiani, “On enso kulob girager ta ganep, an lo maŋ mile dop iloma lo rumok ak i? On dugo gane wak i? <sup>31</sup> Wagam id tubud baged tan kawan ak ate anan mana diani na ya. An ninen o ru ta Anut san buk lo igo ibol, ‘In kumaen panu san anan ipidinaig diani a.’ ”

<sup>32</sup> Jesus irupudaig ibol, “ŋai rumok nuŋon mi ŋurupaian da. Anan a Moses ipanan an man kumaen panu san anan tia ya. Tia. Anan e gamu ŋaineg Tamag an ipanan den, nek an kumaen panu san anan mok a. <sup>33</sup> Man dugo, Anut san anan mok man, nek anan a kumaen panu ibiseig idug, tan en san tamolpein kumaen mok ipidinai dan nek ama ya.”

<sup>34</sup> Ago tag in Jesus durupe, “Tubun ak, on gidad nal pempem anan an maŋ panama dop mani wa.”

<sup>35</sup> Agog Jesus irupudaig ibol, “ŋaiseg mi anan kumaen san. Ta in ŋaisag na ipalu tap, in fon imatigen san tia ya. Ta in ŋai o ilon lo rumok tap, in you o ilon igos san tia ya. <sup>36</sup> Ago yak man ŋai an ŋurupaian la ya, an ŋai aliag la yak gug, an ŋai o ilom lo ta rumok na ya. <sup>37</sup> Tamolpein fidian ensauta a Bai ipanag dan, in ŋaisag na dupalu wa. Ago dop ensauta a ŋaisag na dupalup dida mumado wan, ŋai in ŋukudai diau san tia geig a. <sup>38</sup> Man dugo, ŋai kumaen panu ŋubuseig ŋadu yen seg ilog nam kulob ŋigane wo

ta n̄adu na ya. Tia. Bai a n̄ai idinag go n̄upalu yan mi, in̄anen ilobol n̄uri n̄upani wo n̄adu ya. <sup>39</sup> Agod Bai a n̄ai idinag go n̄upalu yan in̄san ilon man, tamolpein e n̄ai ipanag en lulun̄ad lo talpein kisaek ideg yau o man imoi a. Tia, an fidian nal wadan lo dop, n̄ufufunaip kumaen dumasa wak ilon ago yen da. <sup>40</sup> N̄ai Tamag san ilon man igo ya. Ta Anut Nanun ilep, in̄ o ilon lo rumok an, in̄ kumaen pempem yen yau san an in̄ane wa. Agod n̄ai nal wadan lo n̄uburousap, fon kumaedi dumado wa.”

<sup>41</sup> Saen Jesus, in̄sen anan̄ lak na yak ibiseig idu yen ago ibol dugo, Juda adi in̄ tin̄aed saian go in̄ nin̄en o dujn̄ur se ya. <sup>42</sup> Ago dugo in̄ dubol, “En dugudo i? Tamol an man Jesus, Josef nanun, id in̄san tinan taman dam talon̄ a. Ago gug en dugog in̄ kumaen panu ibiseig tan na idu ibol di?”

<sup>43</sup> Ago tag Jesus ru naon irupudaig ibol, “An̄ an̄sem nug ilon lo mi an̄urn̄ur amoi. <sup>44</sup> Talpein ta in̄sen ilon nam n̄aisag na ipalu san tia ya, tia, Bai sen n̄ai idinag go n̄upalu yan mi talpein an iduduwi dop n̄aisag na ipalu wa. Agop nal wadan idu dan lo dop, n̄ai in̄ n̄ufufunip kumaen imasa da wa. <sup>45</sup> Profet adi sad ru girek lo igo digire ya, ‘Anut sen tamolpein fidian man̄au ipiten̄anai a.’ Tamol a Bai san ru dulon̄ go in̄ awan lo man̄au dijn̄ane dan fidian, n̄aisag na dupalu wa. <sup>46</sup> Talpein ta Bai ile man tia ya. Tia, enti in̄ Anut san nag ipalu yan mi malan nam Bai ile ya. <sup>47</sup> Rumok nuñon mi n̄ai n̄urupaian̄ da, talpein in̄ n̄ai o ilon lo rumok an, in̄ kumaen pempem san in̄ane la ya. <sup>48</sup> N̄ai mi anan̄ kumaen pempem san. <sup>49</sup> Wagam mok an̄ tubum bagem tan kawan ak ate dator dugo, anan̄ mana diani na ya, ago bo man in̄ fidian maten̄ dile ya. <sup>50</sup> Gug ente anan̄ a kumaen panu ibiseig idu yan yen da, ago dugo talpein enti a anan̄ an yani dan maten̄ ta ile na wa. <sup>51</sup> N̄aiseg mi, n̄ai anan̄ kumaen anda yak a kumaen panu ibiseig tan na idu ya. Talpein ta anan̄ emaiak

yani dop man, in̄ maten̄ ta ile na wa, tia, in̄ pempem mi kumaen imado wa. Anan̄ en n̄aiseg tinig, tan en san tamolpein kumaen pempem san dijn̄ane wo n̄ipidinai a.”

<sup>52</sup> Ago tag Juda adi in̄sed nug dupei dugo dubol, “En dugo won̄ pe tamol en in̄sen tinin ipanad pe tani wak i?”

<sup>53</sup> Ago dugo Jesus irupudaig ibol, “Rumok nuñon mi n̄ai n̄urupaian̄ da. An̄ Tamol Nanun san tinin, in̄anen dar ani aluk a. Tia tap, Anut san kumaen an̄ lo ta yen na wa. <sup>54</sup> Talpein in̄ n̄aisag tinig yani dugo, dar ag iluk dan, in̄ kumaen pempem san in̄ane la ya, ago dop nal wadan lo dop, n̄ai in̄ n̄ufufunip n̄abisa wa. <sup>55</sup> Man dugo, n̄aisag tinig man anan̄ mok, agod n̄aisag dar man you mok a. <sup>56</sup> Talpein in̄ n̄ai tinig yani dugo, dar ag dam iluk dan, in̄ n̄ai lo imado dugo, n̄ai in̄ lo n̄umado da. <sup>57</sup> Bai kumaen imado dan in̄ n̄ai idinag go n̄upalu ya, agod n̄ai Bai san wagen lo kumaen n̄umado da. Nek ago mi, talpein in̄ n̄ai iniag dan, n̄aisag wageg lo kumaen in̄ane wa. <sup>58</sup> Anan̄ a kumaen panu log idu yan nek ama ya. An̄ tubum bagem mana diani nag murna in̄ dumat a. Ak gug talpein enti a, anan̄ e nin̄en o n̄abol den yani dan man, in̄ kumaen pempem imado wa.” <sup>59</sup> Ru an, saen Jesus Kaperniam na ubou ab ilon lo imado dugo, ipiten̄anai a.

#### *Kumaen san ru*

<sup>60</sup> Ganurek tamol adi wei mi ru an dulon̄ go igo dubol, “Ru en muruan kasik a, enti ru an ka in̄ane wak i?”

<sup>61</sup> Gug Jesus in̄ ilon̄ ak, in̄san ganurek tamol adi ru an nin̄en o dujn̄ur se ya. Ago tag irupudaig ibol, “Ru an ilom muruan ipani ak i? <sup>62</sup> Ak dugo, mitep an̄ Tamol Nanun ale dop, lak na aben gubak mi imado ante isuda yau dop, an nin̄en o dugo abol ak i? <sup>63</sup> Urgun mi in̄ tamol kumaen ipani da, tinid man in̄ kitek ibinawad san tia ya. Ru e n̄ai n̄urupaian̄ den, in̄ ur agod in̄ kumaen a. <sup>64</sup> Ago gug an̄ lulun̄am lo tamolpein aenta in̄ ilod lo ta rumok na ya.” Ago

ibol san fun man, in imug mi talpein dugon ilod lo ta rumok na dop, tamol enti in ager banid lo igane man, in ilon uyanan a. <sup>65</sup> In ru ibateg ibol, “Nek fun amaiak ninen o, nai imug mi an igo nurupaian; Talpein sen ilon nam naisag na ipalu san tia ya, tia, naineg Bai tamol an idaisuda mi igane ilasa gup ka ipalu wa.”

<sup>66</sup> Jesus ru en ifulale itout go, in san ganurek tamol adi wei mi in dibiseig dumul diaug, in afon nien aban ta diri na ya.

<sup>67</sup> Ago tag Jesus inanen megeloum 12 an isumianai, “Tag an dam nai abisawag pe au wo ilom yen di?” <sup>68</sup> Saimon Pita awan yabig ibol, “O Tubun ak, man enti san na mau wo ubol di? Onane ru mi in kumaen pempem san aman da ya. <sup>69</sup> Man malon uyan go iloma lo rumok ak, on mi Anut anen Tamol Gun a.”

<sup>70</sup> Jesus ru naon irupidaig ibol, “Nai an 12 nitarpasan a, ago gug an lulanam lo ta kisaek man in Satan san.”

<sup>71</sup> In san ru lo, Judas, Saimon Iskeriot nanun an isue ya. Tamol an Jesus san megeloum 12 an lulanad lo yak gug, mitep in Jesus ager banid lo igane wa.

## 7

### *Jesus tein muroun in ninen o ilod ta rumok na ya*

<sup>1</sup> Murnag Jesus in sen ilon dugo yen dak irig, Galili distrik lo mi itor se ya. Man dugo, Juda adi in dufuni imat o digane se ya, an lo in Judea distrik lo yau man imoi a. <sup>2</sup> Agog Juda sad Lalai san tumanek tubun ak san nal ilasa san saen sumeik a. (Soubul saen an ubou kisaek yen a.) <sup>3</sup> Ago tag Jesus tein muroun bube suek ru durupeig dubol, “On gidad e utor den umoip, masap distrik Judea na wau. Ago tap man onsa megeloum aenta onsa urat dabai tutubun gane dan dile wa. <sup>4</sup> Talpein ta in malak malak yanak tubun ak inane wo tap, in mianuk lo urat dabai tutubun ak igane san tia ya. On kulob igo yak gane wo tap, waup, tamolpein fidian malad lo gane wa.” <sup>5</sup> Inanen tein muroun mok

dam in o ilod ta rumok na ya, fun an lo ago dubol a.

<sup>6</sup> An ninen o Jesus irupudaig ibol, “Naisag nal gamugo da, gug saen fidian an ilom ibol ago mi agane wa. <sup>7</sup> Man dugo, tan en san tamolpein fidian man an sam ager tia ya, tia, in naisag ager mi a. Man ata wo? Nai inaned saian kuai tem nabol ilasad amaiak naon nisini da. <sup>8</sup> An tumanek nal tubun an lo aladu au, gug nai man tia wa. Man dugo, naisag nal mok gamugo ilasa da.” <sup>9</sup> In ago ibol irupudaig Galili na mi imado se ya.

### *Jesus yaug, lalai san nal tubun ak ile ya*

<sup>10</sup> Aria, Jesus tein muroun imug dusuda diau dugug, in sen murna imianuk on yaug aban ile dugo itor se ya. <sup>11</sup> Aria, tumanek tubun an ilon lo, Juda gurman adi Jesus abanan diabi dugo, ninen o dusumiaig dubol, “Tamol an dugon te imado dak i?”

<sup>12</sup> Tamolpein an lulanad lo Jesus ninen o gidigidad dinin in ila iso se ya. Aenta dubol, “In tamol uyan a.” Gug aenta dubol, “Tia, in tamolpein fidian irawai da.” <sup>13</sup> Ak man talpein ta in ninen o ru kuai tem ibol ilasa man tia ya. Man dugo, in Juda gurman adi ninedi wo direr a.

<sup>14</sup> Aria, dumado yaug tumanek san saen titinae gug, Jesus in tempel ilon lo iladug tamolpein manau ipitenanai a. <sup>15</sup> An ninen o Juda adi durut saian go dubol, “Tamol en manau ta dipitenani na ya. Ago gug en dugon te manau igo yan inane yak i?”

<sup>16</sup> Ago tag Jesus in ru naon igo ibol irupudai, “Nai ru e nabol nurupaian den man naisag ru tia ya. Tia, en Anut nai idinag go nupalu yen in san ru nabol alon da. <sup>17</sup> Ak talpein ta in Anut ilon yen dan ago iganuri wo imat tap, naisag pitenanek en Bai san ilon boi, tia, naisag ilog boi, an ka walal te ile ilon a. <sup>18</sup> Talpein in sinanen ilo sou lo in in dan man, in sen yan mi yabisa wo urat igane da. Gug talpein in tamol sen ak idinig ipalu yan mi yan yabisa wo urat igane

tap, talpein an san ru an rumok mi a. Ru sewak ta in lo yen man tia ya. <sup>19</sup> Wagam mi Moses an kubiaen ipanan a. Ago gug an lulanam lo talpein ta kubiaen en iri ipani man tia ya. Ak en ata wo naj afunag namat o agane di?”

<sup>20</sup> An ninen o tumanek san doup adi ru naon igo dubol, “Onse ur saiak ama da ya. Enti on ifuno umat o igane dak i?”

<sup>21</sup> Jesus awad yabig ibol, “Nai gubak mi kulob girager kisaek nigane yak gug, an an ninen o ilom weiwei da.

<sup>22</sup> Aria, ilom isou o uyanan. Moses san kubiaen lo ru en yen da, (gug Moses an kulob en ta ipanan na ya, tia, an tubum bagem dupanan a.) Ru an igo ya, saen pein ta nanuk igansip nal 8 yau gup, nanuk an tinin sunulon atute wa. An kubiaen an ari wo nanuk sunulon atute san nal an sabat nal dop man, kubiaen an apilali san tia ya. Ak man, nal an lo dam tini sunulon tutek san urat agane da.

<sup>23</sup> Aria, an sabat nal lo tini sunulon tutek san urat agane tap, en ata wo naj tamol tinin fidian mi sabat nal lo nukubune yan ninen o ilom naj o saian dak i? <sup>24</sup> An kankan tia yak lo bitinaek ta agane na wa, tia, an ilom igire na gup, kankan itaot an lo bitinaek agane.”

### *Jesus in Kristus i?*

<sup>25</sup> Jerusalem tamolpein aenkadi in ago igane dugo dile yan ninen o sed nug dusumianig dubol, “Ak dugo, tamol a idsad gurman adi dufuni imat o digane dan nek on i? <sup>26</sup> Ak ale, in malak malak ru kuai tem ibol ilasa da. Gug gurman ta awan ipuk go ru ta ipani na da. Dag in ilod lo dulon uyan ak insen Kristus i? <sup>27</sup> Ak man id tamol en san fun panu talon a, gug saen Kristus ipalu man, in dugon te ipalu yan id talon san tia ya.”

<sup>28</sup> Agog Jesus nek ate tempel ilon lo mi imado se man, tamolpein manau ipitenanai dugo, iwagin go ibol, “Awo, an naj alon a, agod naj dugon teg nupalu yan dam alon abol da. Ago

gug an naj anaon geig a. Naiseg ilog nam ente ta nupalu na ya. Tia, Enti a naj idinag go nupalu yan mi naisag fug mok a, ak man an in ta alon na ya.

<sup>29</sup> Gug naj mi in nalon a, man dugo, naj insan na nilasa ya, agod in naj idinag go nupalu ya.”

<sup>30</sup> Ru an dulon tag in Jesus dusbani wo dal aban dile se ya. Gug tamol ta in tinin ta diabi na ya, man dugo, insan saen gamugo da. <sup>31</sup> Tamolpein wei mi in ninen o ilod lo rumok go ago dubol, “Tamol en tag Kristus e. Ata wo? Tamol sen ak san kulob dabai tutubun igane dan tamol en san urat irinani wak i? Tia geig a.”

<sup>32</sup> Tamolpein kisik kisik nam Jesus ninen o dinijen dugo, Farisi adi ago dulon tag, pris gurman adi in Farisi an dida tempel san titianek adi didinaig, Jesus dusbani wo diau.

<sup>33</sup> Ago dugo Jesus ibol, “Nai saen katukan mi an da tumado wa, ago gup Enti a idinag go nupalu yan san na nau a. <sup>34</sup> An naj abanag abi wa, ak man ta aliag na wa. Agod aben a naj ate nau dan an ate au san tia ya.”

<sup>35</sup> Ago tag Juda adi insed mi dinijen go dubol, “Tamol en dugon te yau dop, id abanan tile tia wak ninen o ibol di? Dugo, in dap idsad sawar aenta Grik lulanad lo dumadod, amaiak sad na yaup ipitenanai dop, abanan tile tia wak ninen o ibol di?”

<sup>36</sup> Ago dugo insan awan aban igo ya, ‘an naj abanag abi wa, ak man ta aliag na wa, agod aben naj ate nau dan an ate au san tia ya.’ Ru en fun dugo yak i?”

<sup>37</sup> Tumanek digane yan san wadan futanek nal tubun ak lo, Jesus imasa itur go awan tubun mi iwagin go ibol, “Talpein ta in you wo imat tap, in naisag na ipalup you ka iluk a. <sup>38</sup> Anut san ru gireklo igo ibol, talpein naj o ilon rumok tap, ‘you kumaen san amaiak talpein an buben ilon lo ibanai ilasa yau dop yen a.’ ” <sup>39</sup> Jesus Awan Urgun ninen o tou an yabig ru ibol a. Talpein ensauta a Jesus o ilod lo rumok an murnap Awan Urgun dinane wa. Nal an lo man Jesus lak



na yanak tubun ak inane wo gamugo isuda yau da, ago yan lo Awan Urgun dam gamugo idu da.

<sup>40</sup> Tamolpein aenta ru an dulon go igo dubol, “Rumok, tamol nek en profet tubun a Anut igane ipalu wo ibol ama ya.”

<sup>41</sup> Ago dugo aenta igo dubol, “En mi Kristus.”

Gug aenta dubol, “En dugo won pe Kristus in Galili na ilasa wak i? Tia geig a! <sup>42</sup> Man dugo, ru ta Anut san buk lo igo ibol, Kristus in Kin Dawid malan kubulan. Agod in panu Betlehem na, Dawid san fun panu lo ilasa wa.” <sup>43</sup> Jesus ninen o tamolpein sed itarpaleg malan wei mi dilasa ya. <sup>44</sup> Aenta Jesus dusbani wo digane, ago gug tinin ta kitek diabi man tia ya.

*Juda sad gurman adi Jesus ninen o ilod ta rumok na ya.*

<sup>45</sup> Agog tempel titianek adi dumul pris gurman in Farisi adi dida sad na diau, agog gurman in dusbani dig dubol. “An dugog tamol an abig, ananeg ta apalu na yak i?” <sup>46</sup> Gug tempel titianek igo dubol, “Gubak mi tamol ta ru ago ibol ilasa dop talon man tia geig a.” <sup>47</sup> Ago tag Farisi adi igo dupidai, “Dugudo? An dam irawan go in ninen o ilom rumok di? <sup>48</sup> Dugo, man gurman lulunama lo, tia, Farisi adi lulunad lo ta kisaek tamol en ninen o ilon rumok ak ale i? Man tia geig a. <sup>49</sup> Tamolpein kawan kawan, idsad kubiaen ta dulon uyan na den mi, tamol an ninen o ilod rumok da. Fun amaiak ninen o in fidian Anut san misilane paen na dumado da.”

<sup>50</sup> Ago dugo Farisi sad gurman ta yanjan Nikodemus, in gubak mi Jesus san na yau amaiak imasag igo ibol, <sup>51</sup> “Idsad kubiaen, dugo ibol i? Id sen kawan tamol ta ru lo ka tigane wak i? Id in awan talon dop, dugo dugo igane yan kuai tupani gup, tibitinae a.”

<sup>52</sup> In awan diabig igo dubol dupei, “Nag on dam Galili tamol i? On ru Anut san buk lo yan sutip ule gup

ulon a, profet ta Galili na ilasa san man tia geig a.” <sup>53</sup> Ago gug in dufurak go ab anen anen ate diau a.

## 8

### *Pein ta jeit kagin igane ya*

<sup>1</sup> Agog Jesus imasag, Did Oliv fo isida yau a. <sup>2</sup> Tidom lom mok in imul fon tempel lo yau dugo, doup tubun ante dumado yan dupalug dulubani a. Ago tag in imasig Anut san ru ipitenjanai a. <sup>3</sup> Ago dugo kubiaen tamol in Farisi adi dida, pein ta jeit kagin igane dugo dile tag diabig, dinane dupalu ya. Agog malak malak titinaem dugunig ago itur dugo, Jesus dusbani dig dubol, <sup>4</sup> “Girek manau, pein en iwon anda ak gug, tamol sen ak da jeit diabi dugo meil a. <sup>5</sup> Aria ulon, Moses san kubiaen lo, ru kagin dabai ak igo irupaiad a, pein ta kagin ago igane tappat nam afuni imat a. On an ninen o dugo ubol ak i?” <sup>6</sup> Gug an man sen kawan in dukubianip, ru sukurun ta ibol saian dop, ate dusbani wo ago digane ya.

Gug Jesus itakoksig, banin kikoun nam tan aten fufo igire ya. <sup>7</sup> In afon mi dusbani on tag, ifotsag igo ibol irupudai, “An lulunam lo enti aupasek aman tia yan, in malan imug pe pat inane, pein en tinin fufo ibal a.” <sup>8</sup> Ago ibol itout an fon itakoksig, tan aten fufo igire se ya. <sup>9</sup> Aria, talpein ru an dulon man kankan dinaneg kisaek kisaek mi ditapas diau se ya. Busumadi ak imug gug, aenta dam ago mi digane yau nad, Jesus mi in pein an da nunod uraru mi dumado ya.

<sup>10</sup> Agog Jesus ifotsag imasa itur gug pein an isumbani, “O pein, en dugon te diau ak i? Dugo, tamol ta kisaek ru lo ta ibio udu na yak i?”

<sup>11</sup> Ago dugo pein an ibol, “O Tubun ak, tamol ta ru lo ibiag ndu man tia ya.”

Ago tag Jesus irupe, “Nai dam nibio udu san tia ya. Waup, afon aupasek ta gane na wa.”

*Jesus in tan en san lilaman*

<sup>12</sup> Tamolpein fon Jesus san na dupalu tag, in irupidaig ibol, "Nai tan en san lilaman. Tamol enti a nai nieg aban iri dan, in tidom tubun lo ta itor na wa. Tia, in kumaen san lilaman anda itor a."

<sup>13</sup> Ago tag Farisi adi in Jesus durupe, "On onse niye wo mi ru ubol da, fun an niyen o idsad kubiaen ibol man onane ru an dabai an tia ya. On ru kawan ubol da."

<sup>14</sup> Jesus awad yabig igo ibol, "Rumok, gidad naiseg niyeg o mi nabol ak gug, naisag ru en ru rumok. Man dugo, nai dugot nag npalu yan nalon a, agod fon dugon te nau an dam nalon a. Gug an man nai dugot nag npalu yan ta alon na ya, ago dugo nai dugon te nau o dan, an dam an ta alon na ya. <sup>15</sup> An tan en san kagin lo mi tamolpein kubianek lo adirai da, gug nai talpein kisaek kubianek lo ta njigane na da. <sup>16</sup> Ak gug, nai bitinaek njigane tap, man naisag bitinaek itaot mok a. Man dugo, nai seg kisaek bitinaek ta njigane na da, tia, Bai in nai idinag go npalu yan, in ilon njiganurig in nai da sisem iloma kisaek gup, bitinaek njigane da. <sup>17</sup> Ansam kubiaen lo igo digire ya, tamol uraru ru kisaek mi dubol tap, insad ru an rumok di dabai geig a. <sup>18</sup> Nai naiseg niyeg o nabol da, agod Bai dam nai idinag go npalu yan, in naisag ru dabai ipani da."

<sup>19</sup> Ago tag in dusumiani, "Onane tama dugon te imado di?"

Agog Jesus awad yabig ibol, "An nai ta alon na ya, naineg Tamag dam ta alon na ya. An nai alon ak man, naineg Tamag dam alon a." <sup>20</sup> Saen a ru ibol an man, tempel ilon lo moni san kunup yen dak giranen na imado dugo, tamolpein manau ipitenanai se ya. Gug talpein ta yabip isubani wo igane man tia ya. Man dugo, insan imat san nal gamugo da.

*Jesus yau dan ate in dupalu san tia ya*

<sup>21</sup> Jesus fon irupidai, "Nai npubisawan pe nau dop an abanag abi wa, ago gup

ta aliag na wa. An ananem aupasek Anut ta isuas na dop, ansam aupasek ilom lo yen dan ida amat a. Aben ate nai nau dan an ate au san tia ya."

<sup>22</sup> Ago dugo Juda adi igo dubol, "In ibol ak, in ate yau dan id ate tau san tia ya. Dugo, dag in sen ifuni imat o ago ibol di?"

<sup>23</sup> Gug Jesus ru awan ibateg igo irupudai, "An man aben a paen na amaiak san apalu ya, gug nai man lak na amaiak san npalu ya. An tan en san, gug nai tan en san tia ya. <sup>24</sup> An niyen o nai nurupaian la ya, ansam aupasek ilom lo yen dan ida amat a. Man dugo, rumok nunon, 'Naiseg Nai Numado Dan'\* an gidad ilom lo rumok a. Tia dop, ansam aupasek ilom lo yen dan ida amat pe an lo adeg au a."

<sup>25</sup> In dusumianig dubol, "On enti mok i?"

Ago tag Jesus awad yabig ibol, "Nai nek en, seg niyeg o gubak mi nurupaian go alon la ya. <sup>26</sup> Saen nai an kot lo nidiran dop, ru wei mi npunan a. Ak man nai seg ilog nam ago njigane san tia ya. Tia, Enti a nai idinag go npalu yan, insan kagin rumok geig a, in naisag ru dabai ipani wa. Nai tan en lo numado dugo, ru a in ibol dugo nalon ak ago mi tan en san tamolpein nurupidaip dulon a."

<sup>27</sup> In Taman niyen o irupudai dan ta dulon uyan na ya. <sup>28</sup> Ago tag Jesus ibol, "Murnap an Tamol Nanun abisa dop, an lo gup an ilom isafulale wak, 'Naiseg, Nai Numado Dan' nek ema ya. Nai mel ta seg ilog nam njigane san tia ya, tia, nai ru nabol den man Bai mi nai ikubiai panag a, ru nek an mi nurupaian go alon da. <sup>29</sup> Enti a nai idinag go npalu yan in sen mi nai ida mumado da, agod in nai ibisawag go seg ta numado na da. Man dugo, in ilon yen dan ago mi nuri npuni da."

<sup>30</sup> In ago ibol dugo, tamolpein wei mi inaned ilo rumok in lo digane ya.

*Abraham malan kubulan*

<sup>31</sup> Aria, Jesus Juda tamolpein a in o ilod lo rumok an irupidaig ibol,

\* **8:24:** Yanak an Anut in sen niyen o Moses naon na ibol ilasa ya.

“Anj naineg ru abi sakar tap, anj naineg megeloum mok a. <sup>32</sup> Agop anj ru rumok an alonj a. An lo ru rumok san dabai lo anj urat bigabeg igo wonj amado san tia ya.”

<sup>33</sup> Ago tag inj ru naon igo durupei, “Manj Abraham malan kubulan mok a, manj urat bigabeg adi igo wonj talpein ta paen na ta mumado na ya. Man ata wo manj talpein an paen na ta mumado na wak, ago ubol di?”

<sup>34</sup> Jesus awad yabig igo ibol, “Rumok nunjon mi jurupaianj da. Tamolpein a aupasek digane dan inj aupasek san urat bigabeg dumado da. <sup>35</sup> Urat bigabeg adi man inj tamad san warou lo aben amad tia ya. Gug nanuk man inj taman da pempem dumado da, man dugo, taman san dar lo ilasa ya. <sup>36</sup> Ago yak ninen o Nanuk inj aupasek san dabai anj ibianj adu dan tuon lo ipasanj tap, anj bigabeg adi igo wonj ta amado na wa, tia, nanuk mok igo wonj ator a. <sup>37</sup> Nai njalonj ak, anj Abraham malan kubulan. Ago bo man anj nai afunag njamat san dal ale wo malam agane da. Man dugo, anj ilom lo njaisag ru en aben ta ate ka yen san tia ya. <sup>38</sup> Nai mel a fidian Bai naon na njumado dugo njile yan mi njurupidai alonj da. Gug anj ru dugo anjanem tamam irupaianj go alonj ak, nek an mi ari da.”

### *Satan malan kubulan*

<sup>39</sup> Inj Jesus awan diabig dubol, “Abraham mi manjsama tamama.”

Gug Jesus igo ibol, “Anj Abraham nanun muroun mok ak man, kagin naok a Abraham igane na yan anj atutunani wa. <sup>40</sup> Nai ru rumok Anut san na njiane an mi jurupaianj alonj da. Ago bo man anj nai afunag njamat o agane da. Abraham kagin naok ago yan ta igane na ya. <sup>41</sup> Tia, anj kagin a gamu agane dan man, anjanem taman mok san kagin mi atutunani da.”

Agog inj dumasa saian geig go durupei, “Manj jeit kagin lo ta milasa na ya. Tia, manj tamama man Anut mi sen kisaek a.”

<sup>42</sup> Jesus awad yabig ibol, “Isop Anut inj anjanem Tamami an rumok tap, anj nai ninjeg o amat a. Man ata wo? Nai Anut san nag njupalu ya. Nai njaisag ilo sou lo mi ta njupalu na ya. Tia, Bai nai idinag go njupalu ya. <sup>43</sup> Ata wo anj ru e njabol den ninjen o ilom itarpasi san ta idaisuda na yak i? Fun igo ya, anj njaisag ru njabol den alonj san kududom itau aman a. <sup>44</sup> Anjanem tamam Satan, anj inanen nanun muroun mok a. An lo anj ilom man, inanen ilobol mi aganuri wa. Fun mok lo ipalug gamu en, inanen kulob mok man, inj tamol ifu dumat na ya. Inj tinin lo ru rumok ta yen na ya, ago tag ru rumok ak ta yabig iri na da. Saen inj ru sewak ibol dan, inanen muroun ru ibol da. Man dugo, inj sewak tinan, agod inj sewak fidian an sad tamad mok imado da. <sup>45</sup> Gug nai ru rumok ak mi jurupaianj da, fun an ninjen o anj nai ninjeg o ilom ta rumok na ya! <sup>46</sup> Anj lulunjam lo tamol ta kisaek, nai aupasek njigane yak ninjen o ilog isue san idaisuda yak i? Man tia geig a. Ago tag, nai ru rumok njurupaianj alonj da. Ak dugo, en ata wo ru e njabol den ilom lo ta rumok na dak i? <sup>47</sup> Ta inj Anut san tap, Anut awan ilonj dop iri wa. Anj Anut awan ta alonj na dan fun man, anj Anut san tia ya.”

### *Abraham ta ilasa na dugo Jesus imado ya*

<sup>48</sup> Juda adi tinjaed saian dugo awan diabig igo dubol, “Onj Sameria tamol, agod onj ur saiak ama da ya! Ago mabol an ta rumok na yak i?”

<sup>49</sup> Jesus ibol, “Nai ur saian amag tia ya. Nai naineg Tamag yanjan mi njabisa da, ago dugo anj nai yanag abi idu da. <sup>50</sup> Nai seg yanag njabisa wo urat ta njigane na da. Tia, Tamol sen ak nai yanag yabisa wo urat igane da, agod injen mi inj Bitinaek Tamol a. <sup>51</sup> Nai ru rumok njurupaianj da, talpein enti a nai awag iri ipani dan, inj materj ta ile na wa.”

<sup>52</sup> Juda adi ago dulonj go awad ipuk go dubol, “Manj gamu malonj uyan ak, onj ur saian ama da ya. Abraham imat

la yak, profet adi dam wagam mi dumat la ya. Ago bo man onj talpein onjane awa iri ipani dan matenj ile san tia ubol da. <sup>53</sup> Dag onj idsad tubud baged Abraham rinjani ak ubol di? Inj matenj ile ya. Agod profet adi dam matenj dile ya. Ak dugo, onjane ilo sou lo, onj enso tamol i?”

<sup>54</sup> Jesus ru naon igo ibol, “Naiseg yanag njabisa dop man, njai yanag an kawan a. Gug njaisag Bai, inj anjanem Anut abol dan, inj njai yanag yabisa da. <sup>55</sup> Anj inj ta alonj na yak bo man njai inj njalonj a. Ak njai inj ta njalonj na yak njabol ak man, njai sewak tamol, nek anj igo mi a. Gug rumok, njai inj njalonj a, ago dugo inj awan kagin njupani da. <sup>56</sup> Anjanem tubum bagem Abraham njaisag dal ile wo ilo sou igane dugo youn isusa ya. Aria, inj njaisag nal ile man ilon uyanan a.”

<sup>57</sup> Ago tag Juda adi durupeig dubol, “Ak dugo, onjsa ananjar gamugo 50 yabi bo man onj Abraham ule ubol di?”

<sup>58</sup> Jesus ru naon irupidaig ibol, “Njai rumok nunon mi njurupaianj da. Saen Abraham gamugo ilasa dugo Naiseg, Njai Numado Ya.” <sup>59</sup> Inj ago ibol an pat duburoug sen nam dufuni wo digane ya, ak man Jesus mianuk lo lulunjad lo itapas go sen tinin imianig tempel patun fo yau a.

## 9

### *Jesus tamol malan itau ak ikubunya*

<sup>1</sup> Jesus turenj yabig yau dugo, tamol ta malan itau ak ile ya. Inj tinan tinjane lo mi mala tia igansi a.

<sup>2</sup> Jesus sinanen megeloum dusumianig dubol, “Girek manjau, enti san ai wadan njinen o nanuk an malan itau aman tinan igansi ak i? Injsinanen ai wadan i? Tia, tinan taman sadi ak i?”

<sup>3</sup> Ago gug Jesus awad yabig ibol, “Tamol en san ai wadan tia ya, tinan taman dam sad ai wadan tia ya. Kulob en igo ilasa yan, ate murnap Anut injanen urat san dabai tamol en tinin lo tamolpein ikubiaip dile wa.

<sup>4</sup> Gamu ad aman tumado den lo, id

Enti a njai idinag go njupalu yan injsan urat tigane wa. Mitep tidom idu dop man, talpein ta urat igane san tia ya.

<sup>5</sup> An njinen o saen njai tan ente njumado den lo, njai tan en san tamolpein lila-man njupidinai da.”

<sup>6</sup> Inj ago ibol go, ilusu tan fo idug, tan da ikubulig injaneg, tamol malan ate ibubuni a. <sup>7</sup> Agog irupej, “Onj waup, you saltek Siloam lo mala fulani wa.” (Siloam yanjan fun man: inj idinig yau a.) Ago tag yang malan ifulanig, malan uyan go abanj ile gug sinan ab lo yau a.

<sup>8</sup> Aria, muroun susumeik an, agod tamolpein a inj wagam mi dile dulon na yan durut saian go nug dusumianig igo dubol, “Dugo, tamol en wagam mi malan itau imado dugo moni o igod se ama i?” <sup>9</sup> Ago dugo aenta igo dubol, “Nek tamol ama ya.” Ak man aenkadi dubol, “Man tia ya, tamol en naon nek ago mi a, gug en man tamol sen ta ya.”

Ago dugo tamol an igo ibol, “Tia, en njaiseg.”

<sup>10</sup> Ago tag dusumiani, “Onj dugo ganeg mala uyan ak i?” <sup>11</sup> Inj awad yabig ibol, “Tamol a Jesus dubol damaiak gigeo injaneg malag ibubunig ago ibol irupaiag, ‘Onj waup, you saltek Siloam lo mala fulani.’ Ago tag njai njaug malag njufulani man, njai abanj njile ya.” <sup>12</sup> Agog inj dusumiani, “Tamol an dugo mi ak i?”

Ago dugo inj ibol, “Njai ta njalonj na ya.”

<sup>13</sup> Agog tamol a wagam malan itau an dijaneg, dida Farisi adi sad na diau a. <sup>14</sup> Gug nal a lo Jesus tamol malan iganeg uyan an man Sabat nal lo ya. <sup>15</sup> An njinen o Farisi adi inj dugo iganeg lo abanj iled amaiak njinen o dusumiani a. Ago tag inj ibol, “Tamol an gigeo injaneg malag ate ibubuni a, ago gug idinag go njaug you malag njufulani an lo njai malag ipuk go abanj njile da.”

<sup>16</sup> Ago tag Farisi aenta igo dubol, “Tamol an inj Anut san nag ta ipalu na ya, man dugo, inj Sabat nal san kubiaenj ta iri na da.” Gug aenta dubol,



“En dugo won pe tamol aupasek anda yak kulob girager igo yak ka igane wak i?” Nek an log nug ditarpaleg malan uraru dilasa ya. <sup>17</sup> Agog fon tamol an dusumiani dag dubol, “Tamol a on mala ikubuneg uyan an ninen o dugo ilo isou di?”

Agog tamol an awad yabig ibol, “In profet a.”

<sup>18</sup> Juda adi tamol a imug malan itau an ninen o nen ilod ta rumok geig na ya. Ago tag in san tinan taman digiaig dupalug dusumianai, <sup>19</sup> “Dugo, en ananem nanum mi ak i? Dugo, in malan itau man tinan igansi ak i? Agog gamu en dugo iganeg aban ka ile di?”

<sup>20</sup> Agog tinan taman ru naon durupidaig dubol, “Man malon ak en mananema nanuk a. Saen tinan igansi man malan tia imado ya, an dam malon a. <sup>21</sup> Ak gug in dugo iganeg lo aban ka ile yan man man ta malon na ya. In tamol igane la ya, an ninen o in sen asumiani dop, sen fun ibol alon a.” <sup>22</sup> Tinan taman in Juda adi ninedi wo direr, an ninen o in ru ago dubol a. Man ata wo? Juda gurman adi imug dutumanig ru igo dufuni a, talpein ta Jesus ninen o Kristus ibol dop man, in dukudip, midaen patun fo ilasa wa. <sup>23</sup> Kagin nek an ninen o tinan taman in ago dubol, “In tamol igane la ya, an ninen o in sen asumiani.”

<sup>24</sup> Ago tag tamol imug malan itau an afon mi duwagig durupe, “On Anut yan an mi wabisa. Man dugo, man malon ak, Jesus man aupasek tamol a.”

<sup>25</sup> Tamol imug malan tia an awad yabig ibol, “In aupasek tamol boi, tia, tamol uyan boi, an nai ta nalon na ya. Mel kisaek nai nalon ak man, wagam nai malag itau gug, gamu nai aban ka nile da!”

<sup>26</sup> Agog in dusumianig dubol, “In on lo dugo igane yak i? En dugo won mala igane ipuk ak i?”

<sup>27</sup> In ibol, “Nai gubak mi nurupaian la ya, gug an alon an amoi. An ata wo alon da wo asumianag di? Dag an

dam in san megeloum alasa wo abol duboi i?”

<sup>28</sup> Ago tag in naon dufute dupeig dubol, “On se mi in san megeloum, man man Moses san megeloum a! <sup>29</sup> Man malon ak Anut sen in Moses da dinjen a. Gug tamol a Jesus dubol dan in dugon teg ipalu yan fun ta malon na ya.”

<sup>30</sup> Tamol an awad yabig ibol, “An ru naon senamo geig anjen da! En dugo won go an in dugon teg ipalu yan fun ta alon na yak i? Tamol an nai malag ikubuneg gamu aban nile da. <sup>31</sup> Id talon ak, Anut tamol aupasek amad da yak awad ta ilon na da. In talpein a in awan iri dugo, ubou an ile dan mi awan ilon da. <sup>32</sup> Talpein ta ago malan itau man tinan igansip, tamol sen ak malan ikubune yak, id kududod kulob naok ago yan imug ilasa dop talon man tia ya. <sup>33</sup> Tamol en Anut san nag ta ipalu na yak man, in urat naok igo yak igane san tia ya.”

<sup>34</sup> Ru an ninen o Juda gurman adi tinjed saian go dupei, “Onane tina iginiosi dugo, aupasek on tini in anefute la ya! Ago tag, ata wo on man pitenanama wo gane di?” Ago dubol go kuai te dubal ilasa yau a.

#### *Nutudi malad itau a*

<sup>35</sup> Jesus tamol an kuai te dubal ilasa yan san ru ilon a. An lo aban an yabi yang ile tag irupe, “On Tamol Nanun en ilo lo rumok i?”

<sup>36</sup> Agog tamol an ibol, “O Tubun en, Tamol Nanun en enti i? Ubol nalon pe, nai in o ilog lo rumok a.” <sup>37</sup> Jesus ibol, “On in ule la ya. Nek gamu on in da anjen da.”

<sup>38</sup> Ago dugo tamol an naon na turun isaluwig igo ibol, “O Tubun en, nai ilog lo rumok a.” Agog ubou an ile ya.

<sup>39</sup> Jesus ibol, “Nai tan ente tamolpein nitarpalaip malan uraru dilasa wo nupalu ya. An ninen o mala itau adi aban dile wa, ago dop talpein aban diled dubol dan man, malad itau dilasa wa.”

<sup>40</sup> Farisi adi aenta in da dumado yan, ru an dulon go igo dubol, “Man dam malama itau ak ago ubol di?”

<sup>41</sup> Jesus ibol, “An malam tia yak man, aupasek amam tia wa. Ak man an malam ipuk ak abol dan lo anjam aupasek yen da.”

## 10

### *Sipsip sad ar san ru fañan*

<sup>1</sup> Jesus ago ibol, “Ñai rumok nuñon mi ñurupaian da. Tamol enti in sipsip sad ar san dalawan lo iladu an imoi, ago gug yang ar awan sen ak fo isudag, ilon lo iladu dan man, in gumagam tamol mala suek igane wo ipalu da. <sup>2</sup> Gug tamol a in dalawan lo mok iladu dan, in sipsip sad titianek tamol mok. <sup>3</sup> Dalawan san titianek tamol in tamol en dalawan ipasi pani da. Ago dugo sipsip dam inaned tamad awan dulon da. Agop saen in yanad atem ipatep, igiai tap, in awan dulon pe, ñien aban fo kuai te dilasa wa. <sup>4</sup> Aria, saen in kuai te dilasa itout dop, in tamad imug yau dop, ñien aban fo diau a, man dugo, in tamad awan dulon uyanan a. <sup>5</sup> In tamol sen ak ta diganurip diau san man tia geig a. In awan ta dulon uyan na yak ninen o direr pe dusol diau a.” <sup>6</sup> Jesus ru fañan an ago ibol irupudai a, ago gug inñan ru an fun ta dulon na ya.

### *Jesus inñen sipsip sad titianek tamol mok a*

<sup>7</sup> An ninen o Jesus fon igo ibol, “Ñai ru rumok ñurupaian da. Ñaiseg mi, ñai sipsip sad ar san dalawan. <sup>8</sup> Tamol fidian a ñai gamugo ñupalu dugo, in imug dupalu na yan, in gumagam tamol. An ninen o sipsip in awad ta dulon na ya. <sup>9</sup> Ñai mi dalawan. Ta in ñai lo iladu dan, in patu pasek inañep imado uyan a. In ñai lo iladu ilasa dop, anañ yani uyan a. <sup>10</sup> Gumagam tamol man in igam o, sipsip ifu dumat o, mala suek kagin mi igane wo ipalu da. Gug ñai man ñaineg sipsip kumaen ñupidinaip, kumaen an ago in lo awan isap, yen san ninen o ñupalu ya.”

### *Jesus in sipsip sad titianek uyanan a*

<sup>11</sup> “Ñai sipsip sad titianek uyanan mok a. Titianek tamol uyanan mok man, inñinan tinin inañen sipsip ninedi wo igane idug imat a. <sup>12</sup> Tamol in urat naon inane wo mi, urat igane dan man, in titianek tamol mok tia ya. In sipsip sad tamadi dam tia ya. Ago yak ninen o goun kasik ipalu dop, in irer pe sipsip ibisawai yau a. Ago dop goun kasik an sipsip ifu iratitalaip, dufurak diau a. <sup>13</sup> Fun dugo isol yau ak i? In nek tamol ta moni nam diabi dan mi a, tamol naok ago yak sipsip o ta ilon isou na da.

<sup>14</sup> Ñai sipsip sad titianek tamol uyan a. Ñaineg sipsip ñalon do, in ñai dulon a, <sup>15</sup> nek ibol Bai ñai ilon dugo, ñai in ñalon ago mi a. Ñaiseg tinig en sipsip ninedi wo ñubusei idu wa. <sup>16</sup> Ñai sipsip malan taida mi sad tamad, in ar en san tia ya. Sipsip an dam ñañal ñupalup ar en lo diladu wa. In dam ñai awag dulon a, ago dop man sipsip malan kisaek ak, agod inaned titianek tamol dam kisaek a. <sup>17</sup> Bai ñai nineg o imat mok dan san fun man, ñaiseg tinig ñibisei wak gup, fon ñinane da wa. <sup>18</sup> Tamol ta in ñai iginiag ñamat san man tia ya. Tia, ñaineg ilog ibol ak atem ñaiseg tinig ñibisei pidinai a, ago gup fon ñinane da wan san dabai ñai tuog lo yen da. Bai sen ñai ago ñigane wo ibol a.”

<sup>19</sup> Juda adi ru an dulon go fon ditarpaleg malan uraru dilasa ya. <sup>20</sup> Tamolpein wei mi igo dubol, “Ur saiak in lo imado dugo, burau ifunig ru ñineo ibol da. Ata wo inñan ru talon dak i?”

<sup>21</sup> Gug aenta igo dubol, “Ru naok ago yan, tamol enti in lo ur saiak yen dan awan lo ta ilasa na da. Ak dugo, ur saiak ta tamol malad itau ak ikubuniaip fon abañ dile san idaisuda yak i?”

### *Juda adi Jesus ninen o ilodi ta rumok naya*

<sup>22</sup> Tempel ab awan pasek san ilo isou nal tubun ak Jerusalem na ilasa ya. Nal an madid san saen lo ilasa ya. <sup>23</sup> Nal an lo Jesus tempel san tumanek aben lo, Solomon san Madok

Aben dubol dan te itor a. <sup>24</sup> Ago dugo Juda adi dufutani dulubanig igo dubol, “Nal sanjeptap onj enti mok an kuai tem ubol dop malonj ak i? Onj Kristus dop man, kuai tem ubol dop malonj.”

<sup>25</sup> Jesus awad yabig igo ibol, “Nai anj nurupaianj la ya, ago gug anj ilom lo ta rumok na ya. Nai urat girager a fidian Bai yanjan lo njigane se yan, amaiak nai fug mok kuai te igane ilasa dugo ale ya. <sup>26</sup> Gug anj anjanem ilo rumok nai lo ta agane na yan san fun man, anj naisag sipsip tia ya. <sup>27</sup> Naisag sipsip nai awag dulonj dak, nai inj njalonj a, agod inj nai njieg aban diri da. <sup>28</sup> Nai kumaen pempem san njupidinai a, an njinen o inj pempem ta dideg diau na wa. Tamol ta naisag sipsip nai banig lo ipasaip diau san tia geig a. <sup>29</sup> Nai Tamag enti a sipsip an ipanag dan injen mel aenta fidian irinjanai geig a. An lo tamol ta njaineg sipsip nai Tamag banin lo ipasaip diau san dam tia ya. <sup>30</sup> Nai Tamag da fuma kisaek a.”

<sup>31</sup> Ago tag Juda adi fon pat duburoug, dufuni imat o da. <sup>32</sup> Ak man Jesus irupudaig ibol, “Nai Tamag wagen lo kulob girager tubun geig ak wei mi njukubiaig ale ya. Kulob girager an lulunjad lo kulob dugo yak njinen o amoi dop, an lo pat nam nai afunag o abol di?” <sup>33</sup> Juda adi ru naon igo dubol durupej, “Manj onj kulob girager ak gane yan ta njinen o mufuno wo iloma ago ta yen na da. Tia, fun man onj tamol kawan gug onj onje Anut ubol da! An njinen onj Anut yanjan wabi idu da.”

<sup>34</sup> Jesus ru naon irupudaig ibol, “Alonj, anjam kubiaenjen yan dan lo Anut san ru ta igo ibol, ‘Nai igo njabol, ansem tubud a.’ <sup>35</sup> Alonj, Anut injan ru girek an lo, tamolpein a injan kubiaenjen dinane yan, irupudaig igo ibol, ‘ansem kisaek kisaek tubud a.’ Gug tamolpein an dam tamol kawan mi a. Aria, Anut san ru a ru girek lo yen dan nunon an tia kawan yen san tia ya. <sup>36</sup> Ago yak njinen o, ‘Nai Anut Nanun’ ago njabol tap, en ata wo nai

Anut yanjan njabi idu dak ago abol di? Anjam ilo saiak fun tia ya. Ata wo nai tamol kawan ak ago ilom isou di? Anut sen nai ipilianag go tan na iginiag njadu yan anj ta alonj na yak i? <sup>37</sup> Urat a njaineg Bai igane dan nai dam urat kisaek mi njigane da. Isop an rumok tia tap, anj naisag ru an ilom lo ta rumok na wa. <sup>38</sup> Ak man rumok, nai injanen urat njigane da. An njinen o gidad, anj naisag ru ilom lo ta rumok na yak abol bo man, kulob girager njigane dugo, ale yan fidian an njinen o, anj nai o ilom rumok a. An lo dop anj ilo girek aganep, alonj uyan ak igo, Bai nai lo imado dak, nai Bai lo njumado da.” <sup>39</sup> Inj ago ibol tag Juda adi fon diabi wo digane, ak man inj banid lo ikisaluk ilasag yau a.

<sup>40</sup> Jesus fon you Jordan lo yaug, ituteg, aen ate aben a wagam Jon tamolpein isuguai na yan ante ilasag imado se ya. <sup>41</sup> Ante tamolpein wei mi injan na diaug igo dubol, “Rumok, Jon inj kulob girager ta kisaek igane man tia ya. Ago gug Jon tamol en njinen ru fidian ibol na yan man ru rumok a.” <sup>42</sup> An njinen o saen Jesus aben ante imado yan, tamolpein wei mi inj njinen o ilod lo rumok a.

## 11

### *Lasarus imat a*

<sup>1</sup> Tamol ta yanjan Lasarus, inj subam aman da ya. Injan lun man Maria inj Marta da, inj man panu Betani san tamol. <sup>2</sup> Maria nek amaiak murnap Jesus njien gurenj yamisip, gumuran roun sen nam isasi wa. <sup>3</sup> Man njinen o lun uraru an Jesus san na ru digane yau a. Agog ago dubol durupej, “Tubun en, tamol e onj njinen o umat den inj subam ifuni a.”

<sup>4</sup> Jesus an ilonj go ibol, “Subam an man tamol an igane imat mok san tia ya. Tia, an man Anut san girager tubun ak tamolpein ikubiai dilep ate yanjan diabisa san. Nek kulob an lo Anut Nanun dam yanjan tubun ak injane wa.” <sup>5</sup> Jesus man Marta, tein Maria, lud Lasarus da ninjedi wo tubun mi imat da. <sup>6</sup> Aria,

in̄ Lasarus subam ifuni dak san ru an ilon̄ ak man, panu ante nal uraru taida imado ya.

<sup>7</sup> Murnag megeloum adi ago irupudai, “Id Judea distrik lo fon tamul tau a.” <sup>8</sup> Megeloum durupeig dubol, “Girek mañau, nor wari na geig Juda adi on̄ lo pat dubal o digane ya. Gug on̄ fon ante umul wau o ubol di?”

<sup>9</sup> Jesus awad yabig, ru tuanek igo ibol irupudai, “Ilalan̄ san saen an yaup gurai isi dop, an nal kisaek igo ya. Tidom idu san gamugo da. Ta in̄ ad lo itor dan, in̄ tan en san ilalan̄ an ile dop, in̄ n̄ien isuep, yau idu san tia ya. <sup>10</sup> Ago gug ta in̄ tidom lo itor dan, in̄ lo ilalan̄ tia yak nin̄en o n̄ien isuep, yau idu wa.”

<sup>11</sup> Jesus fon mi igo ibol irupudai, “Idsad turad Lasarus yen padal a. Gug n̄ai n̄aup, n̄ufufunip imasa wa.”

<sup>12</sup> Ru an dulon̄ tag megeloum durupeig dubol, “Tubun en, in̄ yen dan ubol man, fon ka imasa dap uyan a.”

<sup>13</sup> Jesus Lasarus imat la yak nin̄en o ibol da. Gug megeloum adi Lasarus yen padal dak nin̄en o Jesus ibol ago dubol a.

<sup>14</sup> Ago yak nin̄en o Jesus kuai te ibol irupudai, “Lasarus imat la ya. <sup>15</sup> Gug n̄ai ante ta n̄umado na yan nin̄en o ilog uyan. Man dugo, en an̄ ibinawan̄ dop n̄ai nin̄eg o ilom lo rumok a. An nin̄en o in̄san na taup tile wa.”

<sup>16</sup> Agog Tomas, in̄ yan̄an neinta Didimas dubol dan, in̄ megeloum aenta irupudai, “Gidad taup, id Jesus da sisem tamat a.”

*Jesus in̄sen tamolpein a kumaen dumasa wak sad tamadi*

<sup>17</sup> Jesus yaug ilasa dugo, in̄ Lasarus nal iwoiwo gib lo yen an san ru ilon̄ a. <sup>18</sup> Panu Betani man kitek Jerusalem sumeikan a, kilomita utol igo won̄ yen da. <sup>19</sup> Juda tamolpein wei mi Marta Maria da ludi imat ak nin̄en o dabai dupidinai o dususa ya. <sup>20</sup> Saen Jesus ipalu dan Marta ago ilon̄ tag, imasag dal na ile wo yau dugo, Maria in̄ ab lo imado se ya.

<sup>21</sup> Marta Jesus irupei, “O Tubun ak, on̄ ente mado yak man, n̄aineg lug en imat san tia ya. <sup>22</sup> Ago bo man n̄ai n̄alon̄ ak, on̄ mel ta nin̄en o Anut gudani dop man, en fidian ka ipano wa.”

<sup>23</sup> Jesus Marta irupeig ibol, “On̄ane lu fon kumaen imasa da wa.”

<sup>24</sup> Marta awan yabig ibol, “Rumok, n̄ai n̄alon̄ la ya, nal wadan lo gup Anut tamolpein fidian ifufunaip dumasa wa. An nin̄en o nal an lo dop n̄ai lug dam fon imasa da wa.”

<sup>25</sup> Agog Jesus igo ibol irupei, “N̄ai mi, n̄ai tamol fon imasa da wan san taman, n̄ai mi kumaen san taman. Gidad talpein enti a n̄ai o ilon lo rumok dan imat bo man, in̄ kumaen imasap imado wa. <sup>26</sup> Agod dam, talpein enti a gamugo imat dugo n̄ai o ilon lo rumok dan, in̄ pempem maten̄ ta ile na wa. On̄ an o ilo rumok ak i?” <sup>27</sup> Marta irupei, “Awo, Tubun en. N̄aisag ilo rumok nek igo, on̄ Kristus, on̄ Anut Nanun. On̄ tamol nek emaiak tan ente palu wo Anut ibol a.”

<sup>28</sup> Marta ago ibol go yaug, tein Maria yabig irae ipalug, kisik kisik nam kududon lo in̄in̄en̄ go ibol, “Girek mañau ipalug, imado da. In̄ on̄ ilio wo ibol a.” <sup>29</sup> Maria ru an ilon̄ tag, ririan imasag, Jesus san na yau a. <sup>30</sup> Jesus panu ante gamugo ilasa ya, tia, aben a imug mi Marta da dutumani ante mi imado ya. <sup>31</sup> Tamolpein a Maria da ab lo ditatad dumado se yan, Maria imasa kisaek on̄ go kuai te ilasa dugo dile tag, fidian dumasag patun fo dilasa ya. Agog dubol mutou fo itata wo yau dak ago ilod isou a.

<sup>32</sup> Maria Jesus aben a ate imado se yan ate yaug ile man, n̄ien fun na yau idug irupei, “Tubun en, on̄ ente mado yak man, n̄aineg lug en ta imat na wa.”

<sup>33</sup> Tamolpein dupalu yan Maria dida ditata dugo Jesus yil a. An nin̄en o ilon itau idug maten̄ nin̄en o ilon idu geig go ilon tubun mi muruan a. <sup>34</sup> Ago dugo isumianai, “An̄ Lasarus dugon te aganeg yen dak i?”



Agog durupeï, “Tubun en, palup ule.”

<sup>35</sup> Agog Jesus tinaŋ ifunig malan turon idu ya.

<sup>36</sup> Ago dugo tamolpein dubol, “Ale, Jesus tamol an niŋen o tubun mi imat a.” <sup>37</sup> Ago gug aenta igo dubol, “Tamol nek en tamol malan itau ak ikubuneg malan fon ipuk a. Gug ata wo in tamol en san mateŋ an yabituani san ta idaisuda na yak i?”

### *Lasarus fon kumaen imasa ya*

<sup>38</sup> Aria, Jesus fon ilon itau idug mutou fun na yau. Mutou an in pat gubaran tubun ak ilon lo diganeg, pat sen ak nam awan dibaltuani a. <sup>39</sup> Jesus ibol, “Pat en apasi.”

Marta, tamol a imat amaiak lun, igo ibol Jesus irupeï, “Tubun en, in imat go nal iwoiwo yau la ya. Ago yak niŋen o mumalun iwen saian da.”

<sup>40</sup> Ak man Jesus irupeï, “Imug mi ŋai oŋ ŋurupaio la ya, oŋ ilo lo rumok dop man, oŋ Anut san dabai girager anda yan ule wa.”

<sup>41</sup> Ago tag pat dupasig Jesus malan lak na yabisag, aban ile dugo ibol, “Bai, oŋ ŋaisag gudanek ulon la yak niŋen o per ŋupano da. <sup>42</sup> ŋai ŋalon ak, oŋ nal fidian ŋaisag gudanek ulon da. Gug ŋai ru en fon ŋabol pe, tamolpein e ditur den dulon dop, oŋse ŋai dinag go ŋupalu yen ilod lo rumok a.”

<sup>43</sup> Ru ago ibol go awan tubun mi iwagin, “O Lasarus, masap, kuai te lasa!” <sup>44</sup> Ago tag tamol a imat la yan imasag, ŋien banin naon da yamel nam dubuluwi an ago tinin fo yen dugo, isinig kuai te ilasa ya. Ago dugo Jesus irupidaig ibol, “Yamel agali idu dop yau.”

### *Juda sad gurman adi Jesus palan an dumari a*

*Mat 26:1-5; Mak 14:1-2; Luk 22:1-2*

<sup>45</sup> An niŋen o Juda wei mi Maria dile wo dupalu yan, Jesus kulob girager igane yan dileg, an lo Jesus niŋen o ilod rumok a. <sup>46</sup> Ago gug aenta man Farisi adi sad na diaug, Jesus kulob igane yan naod na dubol ilasa ya. <sup>47</sup> Ago tag pris gurman adi, Farisi adi

dida kaunsil digiaig dutumanig igo dubol, “Id dugo tigane wak i? Tamol an kulob girager wei mi igane da. <sup>48</sup> Id in tilefuni dop man, in ago mi igane yaup tamolpein fidian in niŋen o ilod rumok a. Agop Rom adi dupalup, idsad tempel dipitiŋini wa. Agop id diabituanad dop in sed mi sed ipilianaip Juda sad tamol gurman igo dumado wa.”

<sup>49</sup> Ak man in lulunad lo ananar en san pris malan te yak ta imado ya, in yan Kaiafas amaiak igo ibol, “An ilo girek amam tia geig a! <sup>50</sup> Gidad, tamol kisaek an mi imat dop, tamolpein fidian muruan diŋane san tia ya, an uyanan a. Kabelan id fidian tadeŋ tau banau.”

<sup>51</sup> Gug Kaiafas in sinanen ilo sou lo mi ago ta ibol na ya. Tia, in ananar en san pris malan te ya, an lo in profet ru igo won Jesus imat pe Juda tamolpein fidian abed inane wan niŋen o ibol a. <sup>52</sup> Gug in Juda adi mi wo ta ibol na ya, tia, in Anut san tamolpein aben gidigheid dumado dan niŋedi wo dam ibol a. Jesus itumanaip Anut san nanun muroun igo kisaek mi dumado wa, fun naok ago yan Kaiafas san ru ilon lo yen da. <sup>53</sup> Aria, nal a ipalu dan lo, Jesus palan an dumarig dufunip imat o dal aban dile se ya.

<sup>54</sup> Fun an niŋen o Jesus afon malak malak Judea distrik ilon lo ta itor ila iso na ya. Tia, in ibisawaig yaug, tan kawan ak giranen na panu nanun ta yan Efraim dubol dan te inanen megeloum dida dumado na ya.

<sup>55</sup> Aria, Juda sad nal tubun ak Pasova tumanek dubol dan sumeik a. An niŋen o panu sensen an san doup wei mi dupalug Jerusalem na dutumani a. Man dugo, in sed ikubuni-aip Anut malan lo in ikok dilasa san niŋen o ago digane ya. <sup>56</sup> In Jesus abanan diabig tempel lo dutur dugo, nug dusumiani se ya, “An ilom dugo isou da, in ipalup, tumanek tubun en ile wak i? Tia, tia yak i?” <sup>57</sup> Ago dugo gurman adi Farisi dida awad kisaek mi dutumanig, tamolpein fidian ru kagin durupidai. Ta in Jesus dugon

te imado dan ile ilon tap, gidad, kuai te ibol ilasa dop, diaup diabip, diñane dupalu wa.

## 12

*Maria Jesus gurenj nam njen yamisi*  
a

*Mat 26:6-13; Mak 14:3-9*

<sup>1</sup> Nal 6 itout dop, tumanek ta tubun Pasova dubol dan san nal idu wa. Gug nal an gamugo dugo Jesus Betani panu na yau a. An Lasarus tamol a mutou lo ifufunig imasa yak san panu. <sup>2</sup> In panu ante ananj diabig, Jesus dida diani a. Ago dugo Marta man in ananj isire idug iwae ipidinai a. Lasarus man tamol dida dumasig, Jesus dida ananj diani se ya. <sup>3</sup> Ago dugo Maria in gurenj uyanan geig, naon lak na geig ak inanege, ate Jesus njen yamisig, in sinanen gumuran roun nam isasi a. Ago dugo gurenj an san mumalun ab an inane fute ya.

<sup>4</sup> Megeloum ta, Judas Iskeriot tamol a murnap in Jesus ager banid lo igane wan, ago ile tag igo ibol, <sup>5</sup> “Dugo, id gurenj an didaen tamol tupidinaip, naon pat tubun mok ak\* tiñanep bigabeg adi ka tupidinaip a. Ata wo id ago ta tigane na yak i?” <sup>6</sup> Ago man in ru a ibol an bigabeg adi ninedi wo ilon ta isou dugo ibol na ya. Tia, in gumagam tamol, ago tag in Jesus megeloum dida sad moni badam ititiani pidinaip dugo, ante moni aenta in sen njen o igam na ya.

<sup>7</sup> Man njen o Jesus ibol, “Amoi dop, gidad, pein en ka alefuni on a, man dugo, in nai disiriag san nal njen o ago igane da. <sup>8</sup> Bigabeg adi an dida pempem amado da, gug nai man tia ya.”

<sup>9</sup> Jesus panu ante imado dugo, Juda doup tubun an dulon tag, in san na dupalu ya. Gug in Jesus mi dile wo ta dupalu na ya. Tia, Jesus Lasarus mutou lo ifufunig imasa amaiak ida dil o dupalu ya. <sup>10</sup> Ago tag Juda sad pris gurman adi in Lasarus dam du funip imat san palan an dumari se

ya. <sup>11</sup> Ata wo? Lasarus njen o, Juda wei kasik pris awad diparsisali dugo dibisawaig, Jesus diganuri wo diau dugo, in njen o ilod rumok a.

*Jesus in Kinj igo wonj Jerusalem na iladu ya*

*Mat 21:1-11; Mak 11:1-11; Luk 19:28-40*

<sup>12</sup> Nal tinin te dugo tamolpein doup tubun a dilasag tumanek nal tubun ak dile wo Jerusalem na dutumani an, in Jesus Betani ibiseig Jerusalem na ipalu dan dulon. <sup>13</sup> An njen o diaug, pator raen dulusunig, dal na dile wo diau. Agog in duyunani dugo igo dubol duwagin,

“Hosana, per mupano da!

Tamol Anut yan an lo ipalu den bar inane ya!

O Isrel sad Kinj, on bar nane ya!”

<sup>14</sup> Jesus imug donki nanun ta ileg, fugo isudag imadog ipalu ya. An njen o ru a profet ta igire yan nunon ilasa ya.

<sup>15</sup> “O Saion san tamolpein, an arer man amoi.

Ale, ananem Kinj gamu an sam na ipalu da.

Donki foun ak fufo na imasig imado dugo ipalu da.”

<sup>16</sup> Imug mi megeloum adi girek an fun ta dulon na ya. Murnag, Jesus lak na yaug yanak tubun ak inane dugug, ru Anut san buk lo, mel en agod muruan dugo dugo Jesus dupani an njen o, dusutig kankan ipidinai a. Saen ru an dusuti an lo, dulon uyan ak, ru kulob a fidian gubak mi dile yan njen Anut san buk lo yen la ya, ago dugo nunon ilasa yan in sed malan nam dile ya.

<sup>17</sup> Nal an tamolpein doup wei mi Jesus dida dumado dugo, in Lasarus mutou lo ifufunig fon kumaen imasa yan dile ya. Gamu tamolpein an Jesus kulob igane yan njen o ru duwaeg yaug fidian dulon a. <sup>18</sup> Tamolpein Jesus kulob a igane yan san ru dulon tag, diaug dal na dile ya. <sup>19</sup> Man njen o Farisi adi in sed mi diñin in go dubol, “Ale. Idsad palan marek san

\* 12:5: An nek ibol tamol kisaek san urat naon ananj kisaek inane dak igo wonj a.



ago dugo ilodi nam manau dinane  
san dam tia ya,  
taida mi, in didansa san tia ya,  
tia dop, in ilod ibilisa tap didansa dop  
nai nukubuniai a.”

<sup>41</sup> Aisaia ago ibol an san fun igo ya. In Kristus san girager tubun geig ak ile dugo, in ninen o ibol ilasa na ya.

<sup>42</sup> Ak man gurman aenkadi in o ilod rumok a. Ak gug Farisi ninedi wo direr go inaned ilo rumok dimiani dugo, kuai te ta digane ilasa na ya. Juda adi dukudaip in sad ubou ab patun fo dilasa wak ninen o direr a. <sup>43</sup> Man dugo, in tamol dipitianai o dumat geig da, gug Anut ipitianai o man dumoi da.

<sup>44</sup> Agog Jesus isasai go awan tubun mi iwagin, “Tamol ta nai o ilon rumok dan, nai nineg o mi ilon ta rumok na da. Tia, Bai a nai idinag go nupalu yan dam ninen o ilon rumok da. <sup>45</sup> Nek ago mi, ta nai iliag dan, in nai mi ta iliag na da. Tia, in Bai a nai idinag go nupalu yan dam ile da. <sup>46</sup> Nai tan ente sul igo won nupalu ya. Man ninen o tamolpein ensauta nai o ilod rumok an, tidom tubun lo ta dumado na wa.

<sup>47</sup> “Ak man, ta naisag ru ilon gug ta iri ipani na man, nai tamol an bitinaek lo ta nigane na wa. Man dugo, nai ago nigane wo ta nupalu na ya. Tia, nai tan en san tamolpein patud nupasi wo nupalu ya. <sup>48</sup> Ta in nai imoi dugo naineg ru ta inane na dan, ru e nabol den man in san bitinaek tamol on imado wa. Man dugo, ru e nabol en, saen wadan lo gup, ru an mi in ibitinae dop yabi idu wa. <sup>49</sup> Man dugo, naiseg ilog nam ru ta nabol na da. Tia, Bai nai idinag go nupalu yan in sen ru kagin igo ipanag a, ata ru nabol ilasa wak, agod dal dugon lo tamolpein naod na ninen an dam irupaiag go nalon a. <sup>50</sup> Nai nalon ak, talpein enti Bai san ru kagin ilon dop iri dan, kumaen pempem yen san inane wa. Amaiak ninen o, ru dugo dugo nabol ilasa dan, ru nek en Bai imug mi ago nabol o ru kagin ipanag a.”

\* **13:5:** Urat bigabeg mi urat naok ago yak digane ya.

## 13

### *Jesus megeloum niedi ifulani a*

<sup>1</sup> Pasova ad nanek tumanek gamugo ilasa dugo, Jesus tan en ibiseip Taman san na yau san saen sumeik an ilon a. Inanen tamolpein tan en lo dumado den ilon ipidinai a. An ninen o gamu in san ilo panek tubun a in ninedi wo yan ikubiaip dile san ago ilon yen da.

<sup>2</sup> Jesus megeloum dida anan diani wo dumasig dumado ya. Ago dugo Satan imug mi Judas, Saimon Iskeriot nanun amaiak, Jesus in san ager banid lo igane wo ilon ibali a. <sup>3</sup> Aria, Jesus ilon ak, Taman mel fidian in tuon lo idiri a, agod Anut sen idinig ipalu gug, fon imul Anut san na yau o an dam ilon a. <sup>4</sup> Ago tag, in anan gigin na igane dugo, imasag madid san kulos itabug go, yamel ta inane luan ate ipulau a. <sup>5</sup> Agog you daeg lo ikulmaek go fun iganeg megeloum niedi ifulani a.\* Agog yamel ipulau an ate niedi isasi a.

<sup>6</sup> Aria, in Saimon Pita san na ipalu dugo, Pita ilon weiwei dugo isumiani, “Tubun en, on nai ngeg fulani wo di?”

<sup>7</sup> Jesus awan yabig ibol, “Nai mel gamu nigane den on fun ta ulon na ya, ak gug murna gup on ulon fufei wa.”

<sup>8</sup> Gug Pita ibol, “Tia, on nai ngeg fulani san man namoi geig a.”

Jesus ru naon irupe, “Gidad nai nfulano wa, tia dop, on nai muroug lulunad lo mado san tia ya.”

<sup>9</sup> Ago tag Pita irupe, “Tubun en, mago tap, nai neig mi ta fulani na wa, tia, banig gumurag da sisem fulanai.”

<sup>10</sup> Jesus ru naon irupe, “Tamol enti sen tinin fidian isug la yan man, tinin ikok a. An ninen o nien mi ifulani wa. An ilom tinim fidian nai lo ikok alasa la ya. Gug an lulunam lo tamol kisaek imado duman ta ikokan na ya.” <sup>11</sup> Jesus tamol enti ager banid lo igane wan ilon la ya. Fun an ninen o, “an lulunam lo tamol kisaek imado duman ta ikokan na yan” ago ibol a.



12 Aria, Jesus n̄iedi ifulanig itout go, in̄anen kulos fon iganeg imasig, isumianai, “Kulob a an̄ lo n̄igane yan fun alon̄ i? 13 An̄ n̄ai Girek Man̄au, agod Tamol Tubun ak abol da. Man an̄ abol mok da, man dugo, n̄ai tamol naok nek ama ya. 14 Aria, n̄ai nek an̄anem Tubun ak, Girek Man̄au igo dam n̄umado bo man, n̄ai an̄ n̄iem n̄ufulani a. An̄ nin̄en o an̄ dam an̄sem nugnug lo n̄iem afulani wa. 15 N̄ai man an̄sam mitilaen igo won̄, n̄ai n̄igane ago mi an̄sem nugnug lo ago agane wa. 16 N̄ai rumok n̄urupaian̄ da, urat pinein ta in̄anen tamol tubun ak ta irin̄ani na wa. Nek ago mi tamol enti urat lo yau dan, in̄san tamol tubun ak a idinig yau an ta irin̄ani na wa. 17 Aria, an̄ gamu mel an fidian alon̄ a. An̄ kagin naok ago yan ari dop man, Anut san bar an̄ane wa.

18 “Ak man, ru an an̄ fidian mi nin̄emi wo ta n̄abol na da. Tia, n̄ai tamol ensauta a n̄upilianai an n̄alon̄ a. N̄ai ru ago n̄abol, an lo Anut san ru in̄anen buk lo yen dan nun̄on ilasa dop ale wa. Ru an ibol, ‘Tamol ta in̄ n̄ai da sisem munuai dan, in̄ n̄ai iparfunag o n̄ien gumin yabisa ya.’ 19 Gamu, saen kulob an gamugo ilasa dugo, n̄ai an kulob an murnap ilasa wan n̄urupaian̄ da. Man ata wo? Saen kubol an ilasa dop, N̄aiseg, N̄ai N̄umado Dan† an̄ ilom lo rumok a. 20 N̄ai ru rumok n̄urupaian̄ da, n̄ai urat tamol adi n̄idiraig diau a. Talpein enti a n̄aisag urat tamol in̄ane dan, n̄ai in̄iliag da. Ago dugo talpein enti n̄ai in̄iliag dan, in̄ Bai enti a n̄ai idinag go n̄upalu yan dam in̄ane da.”

*Jesus Judas san aupasek kuai te igane ya*

*Mat 26:20-25; Mak 14:17-21; Luk 22:21-23*

21 Jesus ru ago ibol itout dugo, ilon tubun kasik muruan idug, ru kuai te igo ibol, “Rumok nun̄on mi n̄urupaian̄ da. An̄ lulun̄am lo ta kisaek man in̄ n̄ai ager tamol banid lo iginiag n̄iladu wa.”

22 In̄ ago ibol dugo, in̄anen megeloum Jesus ru an lo enti isue dan din̄aon̄ geig a, an nin̄en o sed nug dile yau imul dugo awad itau dumado ya. 23 Megeloum a Jesus nin̄en o tubun mi imat dan, in̄ giran̄en na ida sisem dumado, ago dugo 24 Saimon Pita naon itad panig igo irupei, “Jesus sumiani dop enti nin̄en o ibol dan, ibol pe talon̄.”

25 Agog megeloum an tinin Jesus titiren fo isapek go isumiani, “Tubun en, enti nin̄en o ubol di?”

26 Jesus ru naon irupei, “N̄ai bret tuor lo n̄isominip, n̄upani dop, an̄ alon̄ ak, nek tamol ama ya.” Jesus ago iganeg Judas, Saimon Iskeriot nanun, bret an ipani a. 27 Judas bret an in̄ane dugo, Satan ilon lo iladu kisaek on̄ a.

Jesus irupeig ibol, “Mel a gane wo ilo ibol dan gane kisaek on̄.” 28 Gug megeloum aenta dida anan̄ diani dan, ru a ibol an san fun mok ta dulon̄ na ya. 29 Judas man in̄ moni san badam kagin ipani na yan nin̄en o, Jesus irupeip soubul tubun an san melmel ta idad o boi, tia, bigabeg adi ibinawai o boi, ago ilod isou a. 30 Aria, Judas anan̄ an in̄aneg imasag, ririan kuai fo ilasag yau a. Saen an tidom idu la ya.

### *Kubiaen̄ foun ak*

31 Judas yau la gug, Jesus igo ibol, “Gamu en Tamol Nanun in̄ yan̄ak tubun ak in̄ane san nal idu ya. An lo dop, Anut dam n̄ai lo yan̄ak tubun ak in̄ane wa. 32 Aria, Anut n̄ai lo yan̄ak tubun mi in̄ane dop man, n̄ai in̄sen lo yan̄ak tubun ak n̄in̄ane wa. Kulob an in̄ ago igane saltik on̄ a. 33 O nanug muroug, n̄ai an̄ da saen katukan mi tumado wa. Ago gup an̄ n̄ai aban̄ag abi wak gug ta aliag na wa. Nek ibol n̄ai Juda adi gubak mi n̄urupidai ak igo won̄, n̄ai gamu an̄ dam n̄urupaian̄ da, aben n̄ai n̄au dan ante an̄ au san tia ya.

34 “N̄ai gamu kubiaen̄ foun ak n̄upanan̄ da. Kubiaen̄ foun ak igo ya: an̄ nug nin̄en o amat mok a. Nek ibol n̄ai an̄ o n̄amat dak ago mi an̄sem nug

† 13:19: Jesus ru fan̄an an lo in̄ Anut an ipitejanai da.

nijnen o amat mok a. <sup>35</sup> Anj ansem nug nijemi wo amat dop man, an lo anj njasag megeloum mok amado dan tamolpein fidian duloŋ a.”

*Jesus Pita inj njen o itot ak o ibol a*  
*Mat 26:31-35; Mak 14:27-31; Luk 22:31-34*

<sup>36</sup> Saimon Pita Jesus isumiani, “Tubun en, onj dugon te wau wo ubol di?”

Jesus ru naon irupeig ibol, “Gam aben dugon te nai nau dan, ante onj palu san tia ya, gug murna dop man, onj ka palu wa.”

<sup>37</sup> Pita fon isumiani, “Tubun en, ata wo nai onj da sisem tau san tia ubol di? Gidad, naineg kumaen onj niŋe wo ka njobiseip, njobinawo wa.”

<sup>38</sup> Ago tag Jesus igo irupei, “O Pita, onjane kumaen nai o bisei wo ubol dan, an rumok i? Nai rumok njurupaio da, onj nai ulonj an utot saen utol dop, kurek ibob a.”

## 14

*Jesus inŋsen mi tamolpein Bai san na diau san dal*

<sup>1</sup> “Anj ilom muruan dop kankan wei mi ta agane na wa. Anj anjanem tini ganei Anut lo agane ago mi nai dam lo ago agane wa. <sup>2-3</sup> Naineg Bai san ab lo man, galunj wei mi dien da. Nai njaup anjanem abem nukubune wa. Agod saen nai anjanem abem nukubune itout dop, nai namul nupalup niŋilianj pe taup nai da sisem tumado wa. An njen o aben dugon te nai numado dan, anj dam ante amado wa. Ak mel an ago tia dop, nai kuai tem ka njurupaianj alonj a. <sup>4</sup> Aben nai nau dan san dal an alonj la ya.”

<sup>5</sup> Agog Tomas irupei, “Tubun en, onj aben dugon te wau den manj ta malonj na ya. An njen o dal an dugo man malonj ak i? Tia geig a.”

<sup>6</sup> Jesus awan yabig ibol, “Nai mi dal, nai mi ru rumok san fun, agod nai mi kumaen san fun. Dal sen ta lo Bai san na au san tia ya. Nek nai lo mi a. <sup>7</sup> Anj nai alonj dop man, njasag Bai dam alonj a. Nek gamu tumado yau den lo, anj nai Tamag o anjaonj dan ago ilom isou

man amoi, man dugo, inj alonj agod ale la ya.”

<sup>8</sup> Filip irupei, “Tubun en, onj Bai kubiai panama. An mi manj o idaisuda ya.”

<sup>9</sup> Jesus ru naon irupei, “Filip, nal milaen mi nai anj da tumado ya. Ak dugo, en dugo wonj go nai enti mok an ta ulonj na i? Ta inj nai iliag an inj Bai dam ile ya. An lo, enta wo nai Bai nukubiai pananj o ubol di? <sup>10</sup> Nag nai Bai lo numado den, ago mi Bai inj nai lo imado da, an ilo lo ta rumok na di? Ru e nai njurupaianj den njaiseg ilog nam ta nabol na da. Tia, Bai inj nai lo imado den injanen urat nai lo igane ilasa da. An njen o inj nai lo urat igane dugo, inŋsan ru nai nabol ilasa da. <sup>11</sup> Anj gidad, nai Bai lo numado dugo, Bai nai lo imado den, an ilom lo rumok a. Tia dop, nai kulob girager a fidian njigane na yan aleg kankan ipananj gup, an mi anjanem ilo rumok ka igane ilasa wa. <sup>12</sup> Nai rumok njurupaianj da, ta nai o ilon lo rumok dop man, inj urat fidian nai njigane yan inj dam nek ago mi ka igane wa. Agod kulob naok inj iganed an man melmel e nai njigane den irinjanj wa. Man dugo, nai Bai san na nau da. <sup>13</sup> Anj mel ta njen o nai yanag lo agudani tap, nai mel an njigane pananj a. An njen o Nanun urat dugo dugo igane dan lo, tamolpein Bai yanjan tubun mi diabisa wa. <sup>14</sup> Ata mel anjane wo ilom ibol dan, nai yanag lo ka asumiaenj a, ago dop nai njigane pananj a.”

*Jesus Urgun ipalu san ru an ibol a*

<sup>15</sup> “Anj nai niŋeg o amat mok tap, anj naineg ru kagin ari apani uyanan a. <sup>16</sup> Agod nai Bai nugudani dop, inj Binawek sen ta ipananj pe, anj da pempem amado wa. <sup>17</sup> Inj Awan Urgun, inj ru rumok ak san mi a. Tan en san tamolpein inj diŋane san tia ya. Man ata wo? Inj dile san tia ya, ago dugo inj njen o diŋaonj. Ak man, anj inj alonj la ya, man dugo, inj gamu anj da amado dak, murnap anj bubem ilon lo ilasap ante pempem imado wa. <sup>18</sup> Nai anj njobisawanj pe, tinam tamam

tia yak igo wonj ta amado na wa. Tia ya, naj anjam na nupalup tumado wa. <sup>19</sup> Saen kitekan mip, tan en san tamolpein fon naj ta diliag na wa. Gug an naj aliag a. Naj kumaen numado dak ninen o, an dam kumaen amado wa. <sup>20</sup> Nal an lo gup, naj Bai lo numado dan, an naj lo amado dan, naj an lo numado dan alon uyanan a. <sup>21</sup> Talpein enti a naj awag ilon dugo iri dan, nek amaiak mi naj o imat mok da. Ta in naj o imat dan man, Bai dam in o imat da. Ago dop naj dam in o namat dop, naj seg nukubiaip ile wa.”

<sup>22</sup> Agog Judas en turanein, Iskeriot tia yan, in Jesus irupein, “Tubun en, on ata wo man lo mi kuai te lasa dop, tan en san tamolpein lo tia wo ubol di?”

<sup>23</sup> Jesus ru naon irupein, “Talpein a naj nineg o imat dan, naisag pitenanek fidian iri dop paed na imado wa. Ago dop Bai in o imat pe, naj Bai da sisem in giranen na mupalup, in da nal fidian mi mumado wa. <sup>24</sup> Gug ta naj o ta imat na dop, in naisag ru dam iri dop paen na ta imado na wa. Ru e an kududom alon den man naisag tia ya. Tia, Bai in naj idinag go nupalu yan in san ru nabol da.

<sup>25</sup> “Gamun naj an da tumado dan lo, ru an fidian nabol ilasa dugo alon da. <sup>26</sup> Gug Urgun, in anjam binawek mok a, Bai in naj yanag lo idinip ipalu wa. In mel fidian ninedi wo manau ipitenanan a, ago dop iginian pe ru fidian imug nabol go alon na yan ilom isou a. <sup>27</sup> Naj an nubusawan o dak ninen o, naisag ilo maror nupanan pe ida amado wa. Ilo maror a nupanan dan man, tan en san tamolpein ka dupanan ak igo tia ya, tan en san ilo maror man ririan itout yau a, gug naisag man yen yau san mi a. Man ninen o, an ta ilom weiwei dop arer na wa.

<sup>28</sup> “Nai ru nabol en alon la ya: ‘gamun nubusawan pe nau gup, anjam na fon namul nupalu wa.’ An naj o amat ak man, naj Bai san na nau dak ninen o uyam isusa wa. Man dugo, Bai san yanjan naisag yanag irinani a. <sup>29</sup> Alon ak, naj Bai san na nau san saen

gamugo dugo, an nurupaian la ya. Nai ago nigane yan san fun igo: murnap mel an ilasa dop, an naj o ilom rumok a. <sup>30</sup> Nai ru taida milaen mi nurupaian san tia ya, man dugo, tan en san gurman Satan ipalu wo iton da. In naj ibiag nado san man dabai aman tia geig a. <sup>31</sup> Nai ilog man igo ya. Nai tan en san tamolpein fidian nukubiaip dile dop dulon uyanan ak igo, naj Bai o namat a, ago dugo ata ru Bai irupaian an mi niri uyanan da.

Aria, amasap tau.”

## 15

### *Jesus in ai wain mok*

<sup>1</sup> Jesus irupudaig ibol, “Nai man ai wain mok. Naineg Bai man abi wain san muroun. <sup>2</sup> Nai raeg aenta nunod tia tap, abi muroun itartitip yabi yau a. Raen nunon anda yan ikubunep, didilan itute yau dop, ilunanip, ate nunon wei mi ifu dop yen a. <sup>3</sup> Ago gug ru naj nurupaian la yan lo an ipargalan go an ikok alasa ya. <sup>4</sup> Nai lo amado wa. Nai dam an lo numado wa. Ai raen a luan te ta isatuani na yak man, nunon ifu san tia ya. Nek ago mi, an dam naj lo amado wa, tia dop man, nunom ifu san tia geig a.

<sup>5</sup> “Nai man ai wain. An man ai wain raen. Ta naj lo imado tap, naj in lo numado dop, ate nunon ifu fufei wa. An naj lo tia yak man, ansem mel ta agane ilasa san dam tia geig a. <sup>6</sup> Talpein ta in naj lo ta imado na dan, in ai raenibun ak igo ya. Ai raen ago man ditartitip, yai lo diabi yaup inani fufari yau a. <sup>7</sup> Gug an naj lo amado dop, naisag ru an lo yen dop man, anjanem ilom ibol ak ago mi mel ninen o asumianag dop, naj nupanan a. <sup>8</sup> Aria, an nunom wei mi afu yak man, ansem ibilan kuai tem alasag naisag megeloum mok amado da, nek an lo Bai yanjan tubun geig ilasa wa.

<sup>9</sup> “Bai in naj ilon ipanag dak, ago mi naj an ilog nupanan da. An naisag ilo panek lo mi amado wo ilog yen da. <sup>10</sup> Nai Bai san ru kagin nuri nupani ak ninen o, in san ilo panek lo numado da.

Nek ago mi an n̄aisag ru kagin an ari apani dop man, an n̄aisag ilo panek lo mi amado wa. <sup>11</sup> Ru ago n̄urupaian dan an alon dop, n̄aisag uyasusai an ilom lo yen o n̄abol da. Agop an̄sam uyasusai an ilom lo anuap ida amado wa. <sup>12</sup> N̄aisag ru kubiaen man igo ya, n̄ai ilog n̄upanan ak ago mi an nug ilon apani wa. <sup>13</sup> Talpein enti a in turan ninen o in̄san kumaen imoi ibiseig imat tap, in kagin fidian nug ninen o tamat san irin̄ani a. Kagin an ilo panek san nuon mok a. <sup>14</sup> Aria, an n̄ai ru kagin n̄urupaian an ari apani dop man, an n̄aisag turag muroug mok a. <sup>15</sup> Urat pinein man in in̄anen tamol tubun ak mel igane dan man in ta ilon na da. Ago yak ninen o n̄ai fon an urat pinein igo n̄abol san tia ya. Man ata wo? N̄ai ru fidian Bai awan lo n̄alon en an n̄abol alon pasik la ya, an lo an n̄ai fug fidian alon a. Ago yak ninen o an n̄ai turag muroug n̄abol da. <sup>16</sup> An imug n̄ai ta apilianag na ya. Man tia. N̄ai an n̄ipilianan go n̄aisag ak n̄abol la ya. Ago yan lo aup urat nuon agane ilasa san ago kob n̄upanan a. Ago dop an̄anem urat an nuon yen yau a. An lo mel ta wo n̄ai yanag lo Bai asumiani dop man, in ka ipanan a. <sup>17</sup> N̄aisag kubiaen n̄urupaian duman nek en, an nug ninen o amat mok a.

*Tan san tamolpein Jesus san megeloum lo ager dumado da*

<sup>18</sup> “Tan san tamolpein an o ager dumado dop man, n̄ai o ilom isou. N̄ai nin̄eg o imug mi ago digane ya. <sup>19</sup> An tan en san tamolpein sad muroudi dop man, an nin̄emi wo dumat pe, an in̄sadi ak dubol a. Ak man an tan en san tamolpein mok tia ya, tia, n̄ai an n̄ipilianan go an n̄aisag a. Fun amaiak ninen o tan en san tamolpein an lo siai digane wa. <sup>20</sup> An gidad n̄aisag ru imug n̄urupaian en ilom isou, urat pinein ta in̄anen tamol tubun ak ta irin̄ani na wa. In n̄ai diginiag saian tap, nek ago mi an lo dam ago digane wa. Ak dugo, in n̄aisag piten̄anek diri aki? Tia geig a. Nek ago mi, piten̄anek

a an apidinai an dam ta diri na wa. <sup>21</sup> N̄ai nin̄eg o an dilian saian pe kagin naok ago yak an lo digane wa. Man ata wo? Bai n̄ai idinag go n̄upalu yan, in ta dulon na ya. <sup>22</sup> N̄ai n̄upalug, n̄urupidaig, in̄sad aupasek kuai n̄upani dugo dile ya. N̄ai ta n̄upalu na yak man, in aupasek amad da yan dulon san tia ya. Gug n̄ai n̄upalug, in̄aned saian kuai te n̄urupidaig dulon ak ninen o, gamu sad aupasek an dimiani san tia geig a. <sup>23</sup> Ta in n̄ai lo siai igane dan man, in Bai lo dam siai igane da. <sup>24</sup> In lulunad lo n̄ai kulob girager tubun geig ak n̄igane na ya. Tamol sen ta gubak mi ilasag kulob naok ago yan ta igane man tia ya. N̄ai ago ta n̄igane na yak man, Anut malan lo in aupasek amad tia wa. Ak gug, gamu in kulob girager an fidian dile la gug, n̄ai lo, agod n̄ai Tamag lo dam, siai digane dugo sama ager dumado da. <sup>25</sup> In̄sad kagin, ru ta in̄sad kubiaen lo digireg yen an iganeg nuon ilasa ya. Ru an igo ya, ‘In sen kawan mok n̄ai lo siai digane ya.’

<sup>26</sup> “Gug n̄ai Binawek Tamol n̄iganep idu wa. In Awan Urgun, ago dugo in dam ru rumok ak san fun. In Bai san na ilasap, an̄sam na ipalu wa. Agop in n̄ai fug kuai te ibol dop alon a. <sup>27</sup> Gug an dam n̄ai fug tamolpein naod na afulalep dulon a. Man dugo, saen n̄ai urat fun n̄iganeg ipalug gamu en, an n̄ai da sisem tumado na ya.

## 16

<sup>1</sup> “Muruan ipalu dop, an̄anem ilo rumok an abisei banau o ru en n̄urupaian da. <sup>2</sup> Murnap Juda adi sad midaen lo au dop, an dukudan a. Rumok, nal idu dop, an dufunan amat a, nek dal an lo in Anut san urat dibinawi mok dak ago dubol a. <sup>3</sup> Gug in man n̄ai Bai da ta dulon na yak ninen o ago digane wa. <sup>4</sup> N̄ai ager nin̄edi wo ru kagin en n̄urupaian alon a, an ninen o murnap an lo dugo digane dop, ru en ilom isou wa. Inug man n̄ai ru en ta n̄abol go alon na ya, man dugo, n̄ai an da tumado na ya.



### *Urgun san urat*

<sup>5</sup> “Ak man gamu gup naj njobisawan pe, Bai idinag go npalu yan san na namul nau a. Gug anjam ta kisaek naj dugo te nau o dan ninen o ta isumi-anag na da. <sup>6</sup> Gug gamu ‘naj njobisawan pe nau o’ nrupaian den ninen o an ilom isasau idu da. <sup>7</sup> Nai rumok nrupaian da, naj an njobisawan pe nau o dan, an o uyanan a. Nai gidad nau a. Ta nau na tap, an Ur Binawek San an ta anane na wa. Ak man naj nau dop man, Ur Binawek San an niganep, anjam na ipalup, ida amado wa. <sup>8</sup> Urgun ipalu dop, tamolpein ilod isafulep, kagin saiak san fun, agod kagin itaot ak san fun dam dumunani fufei wa. Agod murnap Anut naon na ditur pe bitinaek lo idirai an san fun dam injed ilod lo dukubiani wa. <sup>9</sup> Inaned kagin saiak san fun man in naj lo ilod ta rumok na ya. <sup>10</sup> Nai Bai san na nau dop, afon naj ta aliag na wa. An lo tan en san tamolpein dulon ak naj Bai san geig a. Dal an lo Urgun in naisag kagin itaot an fidian ikubiai pidinaip, dulon uyanan a. <sup>11</sup> Tan en san tamolpein sad ilo sou lo dubol, Anut naj bitinaek lo iginiag pe ifunag njamat ak ago dubol da. Ak man an ta rumok na yan Urgun ikubiai dile wa. Anut naj bitinaek lo ta iginiag na wa, tia, naisag maten lo, Anut tan en san gurman Satan bitinaek lo iganeg yabi idu geig a. An Anut san bitinaek san fun.

<sup>12</sup> “Nai ru wei mi amag da ya, ak man an ilom itau dak ninen o, gamu nrupaian pe alon san tia ya. <sup>13</sup> Gug murnap Urgun ru rumok ak san ipalu dop man, kagin rumok ak mi fidian ikubiai panan a. In sen ilon nam ru ta ibol na wa. Tia, Anut ibol go ilon an mi irupaian pe alon a. Mel murnap ilasa san dam ibol ilasa dop alon a. <sup>14</sup> In naj yanag yabisa wa, man dugo, in naisag mel inane dan anjam na ibol ilasa dop alon a. <sup>15</sup> Bai san mel fidian an dam naisag a. Man ninen o naj imug nrupaian, Urgun mi naisag mel an inane ibol dop alon a.”

### *Muruan ibilisap, ilo uyan ilasa wa*

<sup>16</sup> “Saen katukan an naj ta aliag na wa. Agop fon saen katukan mi gup, naj aliag da wa.” <sup>17</sup> Insan megeloum aenta injed mi dinjen go igo dubol, “Ru e ‘saen katukan an naj ta aliag na wa, agop fon saen katukan mi gup, naj aliag da wan’ fun dugo yak i?” <sup>18</sup> Injed nug dusumiani on go igo dubol, “‘saen katukan’, ru en fun talon uyan san tia ya.”

<sup>19</sup> Jesus ilon ak, in ru an ninen o dusumiani wo ilod ibol dan, ninen o irupudaig ibol, “An nag naj ru a nabol an ninen o ilom weiwei di? <sup>20</sup> Rumok geig, an nrupaian da, mitep an tinan aru agane wa. Gup tamolpein tan en san man in uya susai digane wa. Rumok, an ilo muruan tubun kasik da amado da, ak man anjam ilo muruan an ibilisap ilo uyan ipanan dop, uyam isusa wa. <sup>21</sup> Pein in nanuk igansi wo tinin lo ikubiani dop, in ilon muruan tubun kasik aman da imado da. Agop nanuk igansip uyan dop, insan madai an ninen o ilon ta isou na wa. Man dugo, nanuk tan en lo ilasa yak ninen o ilon isou dop, uyan isusa geig a. <sup>22</sup> Nek ago mi, gamu an ilom muruan da. Gug naj fon namul npalup aliag dop, afon ilom uyan da wa. Ta anjam uyasusai an ipasip isini yau san tia ya. <sup>23</sup> Nal an lo dop, an fon naj mel ta wo asumianag san man tia wa. Nai rumok nrupaian da, an mel ta ninen o naj yanag lo Bai asumiani dop, man in ka ipanan a. <sup>24</sup> Gug an gubak mi ipalug gamu en dam an mel ta wo naj yanag lo Bai asumiani man tia ya. Gamu gup an naj yanag lo asumiani wa. Ago agane dop man, in mel an ka ipanan a. An lo an ilom uyanan pe, uyasusai lo mi amado wa.”

### *Jesus tan en san dabai yabi idu ya*

<sup>25</sup> “Nai ru fanan mi nabol dugo alon na ya. Gug murna dop man, fon ta nimianip nrupaian na wa. Tia, naj Bai ninen o kuai te nabol dop alon a. <sup>26</sup> Ago dop nal an lo, naj yanag lo Bai asumiani wa. Ananem awam aban an

anj ninjemi wo Bai nsumiani wa, ago naj ta nrupaian na da. <sup>27</sup>Tia, Bai insen anj ninjemi wo imat da. Amaiak ninjen o insen anj awam ilonj a. Man dugo, anj naj o amat go Bai san na numadog njupalu yan, ilom lo rumok a. <sup>28</sup>Gubak mi naj Bai da sisem mumado ya. Gug naj inj njubuseig, tan na ndadu ya. Gamu fon tan en njubuseip, Bai san na namul nusuda nau a.”

<sup>29</sup>Agog injanen megeloum igo dubol, “Gamu en onj ru fanan ta ubol na da, tia, kuai te mi ubol ilasa da. <sup>30</sup>Gamu en manj malonj fufei ak, onj mel fidian ulonj pasik a. An ninjen o ta inj onj isumiano wo mala igane san tia ya. An lo onj Anut san nag palu yan manj iloma lo rumok a.”

<sup>31</sup>Jesus awad yabig ibol, “Gamu en anj ilom rumok geig ak abol di? <sup>32</sup>Alonj ak, nal ta sumeik la ya, nal an lo anj fidian abisawag pe, ansiganem na afufurak au dop naiseg kisaek numado wa. Gug naiseg kisaek tia ya, tia, Bai inj naj da mumado da. <sup>33</sup>Anj naj lo amado dop, naisag ilo maror anj da amado san ninjen o ru an nrupaianj a. Tan en san tamolpein anj muruan dupananj ak gug, anj ta arut arer na wa. Tia, anj ilom abisa, man dugo, naj yu njigane itout go, an lo tan en san tamolpein fidian sad dabai nabi idu la ya.”

## 17

### *Jesus insen ninjen o Bai igudani a*

<sup>1</sup>Jesus ru an ibol itout dugo malan lak na isidag, ibol, “Bai, naisag nal idu la ya. Onj nanu yanjak tubun ak panip, injanen bunun kuai te gane ilasa wa, an lo Nanu dam onj yanjak tubun ak ipanop, onjane bunu kuai te igane ilasa wa. <sup>2</sup>Man dugo, naj dabai panag la yen ate tamolpein fidian naj tuog paen na dumado wa. Tamolpein a onj naj panag an, inj kumaen pempem yen yau san njupidinai a. <sup>3</sup>Kumaen pempem yen yau san man nek en. Inj onj Anut kisaek o lian dulonj a, agod inj naj Jesus Kristus onj dinag go njupalu yan dam dulonj a. <sup>4</sup>Nai urat fidian

onj panag go njigane wo ubol en njigane itout a. An lo onj yanja tan en lo njabisa ya. <sup>5</sup>O Bai, wagam onj tan ta gane na dugo, onj naj da girager ilalanj aman an lo tumado ya. Naj onjsa na namul njupalu gup, girager an fon panag da wa.

### *Jesus megeloum ninjedi wo igudani*

<sup>6</sup>“Nai onjsa fu mok, tamolpein a tan en lo sikatai go naj panag en njukubiaig dile ya. Inj onjsa la ya, an ninjen o naj panag a. Agog onjsa ru an dam kagin dupani da. <sup>7</sup>Gamu inj dulonj uyanan ak, mel fidian onj naj panag an onjsa na ipalu ya. <sup>8</sup>Ru fidian naj panag an inj njupidinaig, dinjane ya. An lo inj dulonj fufei mok, naj onjsa nag njupalu ya, ago dugo onj naj dinag go njupalu yan dam ilod lo rumok a. <sup>9</sup>Tamolpein nek an ninjedi wo gadinj njigane da. Tan en san tamolpein fidian ninjedi wo ta nsumiano na da. Tia, tamolpein ensauta a onj naj panag an mi ninjedi wo numosiai da. Man dugo, inj onjane mok a. <sup>10</sup>Tamolpein a fidian naisag man onjsa ya, agod onjsa man naisag a. Inj lo naj yanjak tubun ak njijane ya. <sup>11</sup>Nai tan en njibiseip, onjsa na njupalu wo da. Gug inj ete tan na dumado wa. O Bai, onj gun ak, onjane yanja dabai, nek naj panag en, an lo idaned tamolpein kaginad gane dop, inj kisaek mi dumado wa, nek naj onj da tumado dak ago mi a. <sup>12</sup>Saen naj dida mumado se man, onjsa dabai panag an lo mi kaginad njigane na ya. Dumui igo wonj naj inj njibalgiranai na yan lo, ta kisaek ideg yau man tia ya. Gug tamol a pitinjinek san inj mi ideg yau a. Inj ru ta onjane buk lo yen dan nunjon ilasa wo ideg yau a.

<sup>13</sup>“Gamu naj onjsa na njupalu wo da. Nai tan na numado dugo, ru en fidian njabol dulonj dop, naisag uyasusai inj ilod anuai a. <sup>14</sup>Nai onjane ru njupidinaig dinjane ya. Ago dugo tan en san tamolpein inj lo siai digane da. Man dugo, inj tan en san tia ya, nek ibol naj dam tan en san tia ago mi a. <sup>15</sup>Nai inj tan en lo pasai diau o ta nsumiano na da. Tia, ago dumado wa. Gug naj

igo ngudano da, saen in ente dumado dop on bargiranai a. An lo Satan ipalu dop man, daon ipidinai san tia wa. <sup>16</sup> Nai tan en san tia ya, nek ago mi, in dam tan en san tia ya. <sup>17</sup> Onsa ru mi ru rumok. Onsa ru lo diraip gun dilasa. <sup>18</sup> Nek ibol on nai dinag go tan en lo nilasa yan ago mi, nai dam in njidiraig tan en san tamolpein lulunad lo diau a. <sup>19</sup> Nai in nibinawai o seg tinig njipiranig, an lo gun numado dop onane ilobol mi niri wa. Agop in dam gun dilasap, sed tinid dipirani dop onane ilobol diri mok a.

### *Jesus ilo rumok adi aenta ninedi wo igudani a*

<sup>20</sup> “Nai megeloum en ninedi wo mi ta ngudano na da. Tia, mitep njidinaip, naisag ru dufulelep tamolpein aenta dulon pe, ilod lo nai o rumok a. Tamolpein an ninedi wo dam ngudano da. <sup>21</sup> Nai ilog man, in fidian ilod kisaek mi dumado wa. On nai lo mado dak, agod nai dam on lo numado da, nek ago mi in dam id da sisem tumado wo ngudano da. Ago tap, tamolpein tan en san on nai dinag go npalu yan ilod lo rumok a. <sup>22</sup> Onsa yana dabai da nai panag an in npudinai la ya. Agop in ilod kisaek dumado wak, nek ibol on nai da tumado dak ago mi in dam dumado wa. <sup>23</sup> Nai in lo numado dop, on nai lo mado wa. An lo nek ibol id ilod kisaek mi ak igo won, in dam ilod kisaek mok o namat da. Agop tamolpein tan en san on nai dinag go npalu yan dulon a. Ago dop on naisag tamolpein ninedi wo umat dan, nai o umat dak ago mi gane yan, an dam tan en san tamolpein dulon a.

<sup>24</sup> “O Bai, nai ilog man igo ya, aben a ante nai numado wan, ante dam tamolpein a on murnap panag an nai dida mumado wa. Ago dop ante in naineg girager dam dile wo nusumiano da. Tan en tia lo on nai o umat go girager en panag a. Girager an in fidian dile wo ilog tubun mi ibol da.

<sup>25</sup> “O Bai, on itaota mok, gidad tan en san tamolpein on dulon man tia

ya, ago gug nai on nalon a. Ago dugo naisag adi on nai dinag go npalu yan dulon a. <sup>26</sup> Nai onane fu kuai te in lo njigane ilasa la yan, nek ago mi njigane yau on a. An lo dop onsa ilo panek nai panag an in bubed lo dirip yen a, agod nai dam in lo numado wa.”

## 18

### *Ager adi Jesus diabi a*

*Mat 26:47-56; Mak 14:43-50; Luk 22:47-53*

<sup>1</sup> Jesus igudani itout go megeloum dida diaug, dog Kidron dututeg, aen ate abi oliv lo sasau ate dilasa ya.

<sup>2</sup> Aria, Judas, palan niganag tamol an, in sasau ante dumado se yan ilon a. Man dugo, Jesus inanen megeloum dida pempem sasau an ate dutumani da. <sup>3</sup> Judas imug mi pris gurman adi agod Farisi adi sad na yang, tempel titianek aenkadi agod yu tamol adi dam inal o yau a. Agog in malan imug dugo fidian njen aban dirig yu, dumui, agod sul ago duburoug dida diau a. Agog aben a ate Jesus inanen megeloum dida dumado dan te dilasa ya.

<sup>4</sup> Jesus mel fidian in lo ilasa wo dan ilon an lo, naod na isuk sinired na ilag irupudai, “An enti abanan abi di?”

<sup>5</sup> In dubol, “Man Jesus, Nasaret tamol amaiak abanan mabi da.”

Agog Jesus ibol, “Nai nek ebe.”

Judas in ager adi Jesus ikubiai pidinai an dida ditur a. <sup>6</sup> Saen Jesus “nai nek ebe” ago ibol an, in dusuk dumul go tan na diau dudu ya.

<sup>7</sup> Agog Jesus fon isumianai, “An enti abanan abi dak i?”

In ru naon durupe, “Jesus, Nasaret tamol ama ya.”

<sup>8</sup> Agog Jesus irupudai, “Nai nurupaian la ya, nai nek ebo. Nai abanag abi wo tap, naineg megeloum en abisawaip diau.” <sup>9</sup> Ru gubak mi ago ibol, “Tamolpein a on nai panag an lulunad lo talpein kisaek ideg yau man tia ya.” Aria, gamu ru an nunon kuai te ilasa ya.

<sup>10</sup> Agog Saimon Pita aban ago ileg, tinaen saian go sabiri igursig, pris

malan te yan san urat pinein ifunig, kududon won ak isubari idu ya. Pinein an yañan Malkus. <sup>11</sup> Gug Jesus ru dabai nam Pita irupe, “Onjane sabiri aben lo usoudu. Ak dugo, ñai gab lo ñaluk o Bai ipanag en lo ñaluk san tia ubol di?”

*Jesus diabig pris malan te yañan Anas an san na diau a*

<sup>12</sup> Agog yu tamol adi, injsad gurman, tempel san titianek dida Jesus diabig, rasau nam dusubanig, <sup>13</sup> dida Anas san na diau a. Anas man Kaiafas niten. Kaiafas in anañar en san pris malan te yak imado ya. <sup>14</sup> Kaiafas in sen in Juda adi ago ibol irupudai la ya, “Gidad, tamol kisaek an mi imat dop, an lo tamolpein fidian muruan diñane san tia ya, ago man uyanan a.”

*Pita in Jesus ta ilon na ibol a*

*Mat 26:69-70; Mak 14:66-68; Luk 22:55-57*

<sup>15</sup> Jesus diñaneg diau dugo Saimon Pita in Jesus san megeloum taida Jesus patun fo diau a. Pris malan te yan megeloum an nug dulon ak ninen o megeloum an Jesus ida sisem ar ilon lo diladu ya. <sup>16</sup> Gug Pita in kitek asau mi ar awan te itur dugo malan igane se ya. Ago dugo megeloum a pris gurman ilon uyan an imul go ar awan te yaug, ar awan titianek pein an irupeip Saimon Pita inane iladu wo ago isumiani a. Ago tag pein an yaug Pita idinig, ar ilon lo iladu ya. <sup>17</sup> Ago gug pein an Pita irupe, “Onj man dag tamol emaiak san megeloum ta i?”

Ago dugo Pita ibol, “Ñai man tia ya.”

<sup>18</sup> Abañ madid tubun tinan ak ninen o pris malan te yak san urat pinein adi in tempel titianek adi dida, yai dutuni ak san midiger an tinid issue dugo, Pita dam yai an fun na tinin issue dugo dida dumado se ya.

*Pris malan te yan Jesus isumiani a*

*Mat 26:59-66; Mak 14:55-64; Luk 22:66-71*

<sup>19</sup> Ago dugo pris malan te yan Jesus san megeloum ninedi wo isumiani dugo, rupiteñanek tamolpein ipidinai na yan dam ninen o isumiani se ya.

<sup>20</sup> Agog Jesus ru naon igo ibol, “Ñai ru fidian tamolpein kuai te mi ñurupidaig dulon na ya. Nal wei mi Juda sad tumanek aben lo, tempello dam, ante mañau ñpiteñanai se ya. Ru ta mi-anuk lo ñabol man tia ya. <sup>21</sup> Fun an ninen o ata wo ñai sumianag dak i? Tamolpein ensauta a ñai awag dulon an sumianai gup, ñai awag aban dubol dugup ulon a.”

<sup>22</sup> Jesus ago ibol dugo, tempel titianek ta giranen na itur an Jesus kudan an igufuteg ipei, “Dugo, onj pris gurman malan te yan ru naon ago rupei an uyan ak i?” <sup>23</sup> Jesus awan yabig ibol, “Dugo, ñai ru saian ñabol ak i? Ago tap, tamolpein en fidian rupidaip dulon. Gug ñai ru rumok ak mi ñurupei ak man, ata wo onj ñai funag ak i?” <sup>24</sup> Agog Jesus banin dusubanig, diñaneg pris malan te yak neinta, Kaiafas dubol dan san na diau a.

*Pita fon Jesus ta ilon na yak ago ibol a*

*Mat 26:71-75; Mak 14:69-72; Luk 22:58-62*

<sup>25</sup> Saimon Pita yai tinin issued itur dugo, talpein ta dusumiani, “Onj dam tamol emaiak san megeloum ta boi i?” Pita itot go igo ibol, “Ñai man tia ya.” <sup>26</sup> Pris malan te yak san urat pinein ta inanen turan Pita kududon isubari an imasag, Pita irupe, “Dugo, onj nek emaiak in da ai oliv abi lo amado dugo ñilian ak i?” <sup>27</sup> Agog Pita fon itot an, kurek ibob kisaek onj.

*Jesus diñaneg, Pailat san na diau a*

*Mat 27:1-2,11-14; Mak 15:1-5; Luk 23:1-5*

<sup>28</sup> Tidom lom mikinik anda Jesus diñaneg Kaiafas san ab dubuseig, dida gabman gurman malan te yak, yañan Pailat dubol dan, in san gabman san ab lo diau a. Pailat man in Juda tia, in Rom tamol. An ninen o Juda adi ago dubol, “Kabelan in san ab lo tisidap mel ta tabi dop, Anut malan lo sed nun ipanad pe, an lo idsad tumanek Pasova en lo anañ tani san tia banau.” <sup>29</sup> Ago tag in ab patun fo dutur dugo, Pailat kuai fo ilasag,



isumianai, “An̄ ata wo tamol an ru lo agane di?”

<sup>30</sup> Agog in̄ ru naon igo dubol, “Tamol en kulob saian ak ta, ta igane na yak man, man̄ on̄sa na miñane mupalu san tia ya.”

<sup>31</sup> Agog Pailat irupudaig ibol, “An̄ an̄ane aup, an̄siganem kubiaen̄ lo asumianip ale.”

Gug Juda adi in̄ durupeï, “An̄sam kubiaen̄ lo man, man̄ tamol mafu dumat san niñen o geg apanama da.”

<sup>32</sup> Mel e ilasa yen, wagam Jesus in̄sen dal dugo won̄ lo imat ak niñen o ibol an, gamu nuñon kuai te ilasa ya.

<sup>33</sup> Aria, Pailat fon in̄san ab lo iladug, Jesus iwagig isumiani, “Ak dugo, on̄ Juda sad kin̄ ak i?”

<sup>34</sup> Agog Jesus ru naon irupeig ibol, “An̄ dag on̄sigane ilo sou lo ubol di? Tia, tamol ta ibol ulon̄ go ate ubol di?”

<sup>35</sup> Pailat awan yabig ibol, “On̄ ñai Juda ubol di? On̄sigane warou adi in̄ pris gurman adi dida dibiog, ñai banig lo diginio ya. On̄ muruan naon dugo gane yak i?”

<sup>36</sup> Jesus ru naon irupeï, “Rumok, ñai kin̄ ñumado da, ago gug ñai tan en san tia ya. Ñai tan en san kin̄ dop man, gamu ñaisag turag muroug dumasap, ager diganep, Juda adi ñai dibiag san tia wa.”

<sup>37</sup> Ago tag Pailat irupeï, “Dugo, on̄se on̄ kin̄ ta ago ubol di?”

Jesus ru naon irupeï, “On̄se nek a ubol da. Ñai kin̄ ta, ñai tan en lo ru rumok ak ñabol ilasa wo ñupalu ya. An lo ta in̄ ru rumok san man, in̄ ñaisag ru ilon̄ dop ru an̄ iganuri wa.”

*Pailat Jesus aigim fo dubali wo ibol a*

*Mat 27:15-31; Mak 15:6-20; Luk 23:13-25*

<sup>38</sup> Pailat awan yabig isumiani, “Ru rumok en ata mel ak i?” Agog fon ab patun fo ilasag, Juda adi naod na itur dugo irupidai, “Ñai in̄ lo saian ta ñile man tia ya, an lo an̄ ru apani san man fun an tia ya. <sup>39</sup> Gug Pasova tumanek san nal lo, an̄siganem kagin anan̄ar kisaek lo agane dan, tamol kisaek subanek lo ñupasip ñupanan̄ a.

Ago yak niñen o an̄ Juda sam kin̄ en ñupasip ñupanan̄ o abol di?”

<sup>40</sup> In̄ fon disasaig igo duwagin̄, “In̄ tia ya, gidad Barabas mi pasi panama!” Barabas in̄ ager san tamol, imug Juda adi aenta Rom gabman diabi idu wo yu diabisa ya, ago dugo in̄ lulun̄ad lo Barabas imado ya.

## 19

<sup>1</sup> Ago man Pailat ibol dugo, in̄san yu tamol adi Jesus diñaneg lubum nam dufuni a. <sup>2</sup> Yu tamol adi mel bukorkor igo dudurun anda yak ditiladeg, kabuñan fo disisi idu dugo, yamel daran ak nam tinin dubuluwi a. <sup>3</sup> Agog Jesus siñiren na diau dumul dugo, kukokan diganeg naon dufuteg dupeig dubol, “Per o, Juda sad kin̄!” In̄ ago dubol dugo in̄ naon dufuni se ya.

<sup>4</sup> Ago gug Pailat fon naod na kuai te ilasag, ibol irupudai, “Ale, ñai in̄san saian ta lo muruan isini san ñile man tia geig a. An niñen o naom na kuai te ñigane ilasa da.” <sup>5</sup> Jesus gumuran fo kam dudurun anda gubak mi ditilade yan disisi idug, yamel daran ak tinin fufo yen dugo, kuai te ilasa ya. Agog Pailat ibol, “Ale, tamol en nek ebo ya!”

<sup>6</sup> Ago gug pris gurman adi in̄ tempel san titianek adi da Jesus dileg duwagin̄ go dubol, “Aigim fo abali mok abali!”

Gug Pailat ru naon irupidai, “Ñai in̄ lo saian ta ñile man tia geig a. Ago yak niñen o an̄sem an̄ane aup, aigim fo abali.”

<sup>7</sup> Ago tag Juda adi igo dubol, “Mañsama kubiaen̄ ta yen dan lo man, in̄ imat mok a. Man dugo, in̄ Anut Nanun mok ago ibol a.”

<sup>8</sup> Pailat ru ago ilon̄ go, ilon tubun mi irer se ya. <sup>9</sup> Ago tag Pailat in̄ fon Jesus ida ab lo diladug isumiani, “On̄ sauta mok a? On̄se fu ubol pe ñalon̄.” Gug Jesus ru naon ta irupeï man tia ya. <sup>10</sup> Agog Pailat ibol, “On̄ ata wo ñai awag ta wabi na dak i? Ulon̄, ñai dabai ag da ya. Ñupaso wo ñabol tap, ñupaso wa. Tia, aigim fo ñie bani

ñubali wo ñabol tap, ñubali wa. On ñaisag fug ta ulon na yak i?”

<sup>11</sup> Jesus ru naon igo ibol, “Anut dabai ipanog lo on ka ñai bilag ñadu san. Tia dop, on mel ta saian ak giniag san dabai ama tia ya. Fun amaiak niñen o, tamol a ñai on tuo lo iginiag an, inñan aupasek onsa aupasek en iriñani a.”

<sup>12</sup> Pailat ru an ago ilon tag, irut irer saian geig go, Jesus ipasi wo dal an aban yabi se ya. Gug Juda adi disasai duwagin dugo dubol, “On tamol en pasip yau tap man, on Kaisa turan tia geig a. Tamol ta inñen kin ak ibol dan man, Kaisa naon dal ifou da.” <sup>13</sup> Pailat sisein tubun mi ago ilon tag, iladug, Jesus kuai te iganeg ilasa. In ru tulek tamol\* san badim fo imasi a. Aben an yanñan Pat Aten dubol da, Hibru ru lo Gabata dubol da. <sup>14</sup> Gamu man tumanek tubun san anan kubunek nal idu wo da.

Ad titiñae mi dugo Pailat Juda adi igo ibol irupidai, “Ale, anñanem kin nek ebo ya!”

<sup>15</sup> Gug Juda adi igo dubol duwagin, “Ganep ideg yau! Ganep ideg yau! Aigim fo bali!”

Ago tag Pailat isumianai, “An ñai anñanem kin aigim fo ñibali wo abol di?”

Agog pris gurman adi ru naon igo dubol, “Mañ kin taida man tia geig a. Kaisa sen kisaek o lian mi a!” <sup>16</sup> Pailat ru ago ilon tag, Jesus aigim fo dubali wo ipidinai a.

### *Jesus aigim fo dubali a*

*Mat 27:32-44; Mak 15:21-32; Luk 23:26-43*

<sup>17</sup> Agog Pailat san yu gurman adi Jesus diñaneg, inñinanen aigim isinig, dida Jerusalem dibiseig diaug, aen ate tan biñabon ta, yanñan “kabuñan kapen san aben” dubol dan ate dilasa. Hibru ru lo yanñan Golgota dubol da. <sup>18</sup> Aben ante Jesus aigim fo dubali a. Nal an lo tamol uraru an dam in Jesus ida sisem dubalai a. Uraru an giranñen ananaem dubalai idu dugo, Jesus in titiñae mi dubali a.

<sup>19</sup> Aria, Pailat ai lapan fo girek ta ago ibol igire, “Jesus Nasaret tamol, inñ Juda sad kin.” Girek an aigim gurmuran fo dubali a. <sup>20</sup> In Hibru, Latin, Grik ru lo igire ya. Aben a Jesus ate dubali an man Jerusalem giranñen na ya, an niñen o Juda wei mi girek an dusuti se ya. <sup>21</sup> Man niñen o Juda sad pris gurmadi Pailat igo durupe, “On Juda sad kin ago ubol gire umoi. Tia, ‘tamol en inñen ñai Juda sad kin ibol’ ago mi gire.” <sup>22</sup> Gug Pailat ru naon igo ibol, “Mel ñai ñigire yan ñai ñigire ya. Nek ago mi yen a.”

<sup>23</sup> Yu tamol Jesus aigim fo dubali la gug, tinin fufo inñanen yamel kulos an digalai idug, anen anen duburoug malan iwoiwo didiri a. Kulos ta fidian mi, awan ta duwei na ya, <sup>24</sup> an niñen o ago dubol, “Id en ta tisire na wa. Tia, en yen dop, id ate satu takok dop, ta inñ isinani tap inñane wa.” Yu tamol kulob a digane yan gubak mi ru girek lo yen amaiak nuñon digane ilasa ya. Girek ago ibol,

“Inñ ñaisag kulos duwaeg disini gug, kulos ta awan fidian man ate satu dukok a.” An lo yu tamol adi ago digane ya.

<sup>25</sup> Jesus tinan, inñanen tein, Maria Klopas iwon, Maria Magdala san pein, pein iwoiwo yan inñ Jesus san aigim fun na sumeik mi dutur a. <sup>26</sup> Aria, Jesus tinan ile, megeloum a inñ o imat dan tinan da sisem dutur dugo yil tag, tinan irupe, “Nei, onñane nanukule!” <sup>27</sup> Agog fon megeloum an irupe, “Ule, an onñane tina.” Ago tag nek nal antem megeloum an tinan Maria inñaneg ida sen nuab lo diaug, kaginan igane se ya.

### *Jesus imat a*

*Mat 27:45-56; Mak 15:33-41; Luk 23:44-49*

<sup>28</sup> Aria, Jesus inñan urat fidian iganeg itout an ilon go, Anut anen ru girek ta wagam yen an nuñon ilasa wo igo ibol, “Ñai you o ñamat da.” <sup>29</sup> You kapen ta wain gigen aman da yak lo yen a. Ago tag mel ta beig san titalin ago yak diñaneg,

\* 19:13: Jas

wain gigen an lo disominig, ai ate dufoug, duwate isidag, Jesus awan lo diganeg, isupupi. <sup>30</sup> In an itunali gug igo ibol, "Itout a." Ago ibol go gumuran imagor paon fo idu dugo ntun ibiseig ilasa ya.

<sup>31</sup> Nal a Jesus imat o man, soubul dukubune san melmel digane se ya. Sabat nal idu wo sumeik dan in nal tubun mok a. Ago tag Juda adi tamol utol an susanudi aigim fo dien san dumoi. Man ninen o diaug, Pailat igo dusumiani, "Onj ubol pe yu tamol aenta dinaip, njied dubalsisinip, ririan dumat dop, susanudi ka dupasai idu wa." <sup>32</sup> In awok ibol tag, diaug, tamol uraru Jesus giranen na dubalai an mi njied dubalsisinig dumat a. <sup>33</sup> Ago gug Jesus dile yak man, in imat la yan ninen o dumoig, njen ta dubalsisini na ya. <sup>34</sup> Gug yu tamol kisaek yu inaneg, yaug, isou isidag, Jesus giranen isowae dugo, you dar da sisem dudu kisaek onj a. <sup>35</sup> Talpein enti, in san leil lo melmel e ilasa yen fidian ninedi wo kuai te ibol ilasa yen, in san ru an rumok geig a. In ru rumok mi ininjen da, ago dugo in ru rumok ak mi ininjen dan ilon da. Ru e igire den, an Jesus o ilom lo rumok san ninen o igire da. <sup>36</sup> Mel e gamu ilasa den man wagam Anut girek lo ibol ak ago mi nunon igane ya. Ru an igo ya, "In san tatu ta kisaek dubalsini man tia ya." <sup>37</sup> Agod ru taidam igo ya, "Tamol a yu nam disowae an leil dupani wa."

*Jesus san sisanun pat gubaran lo digane a*

*Mat 27:57-61; Mak 15:42-47; Luk 23:50-56*

<sup>38</sup> Gurai idu dugo Josef, Arimatea panu san tamol an Pailat san na yaug, Jesus san sisanun inane wo isumiani. Josef dam in Jesus ilon lo rumok a. Ak man Juda ninedi wo irer an ninen o ilon lo mi imianuk onj itor se ya. Pailat awok ibol tag, Josef imul yaug sisanun an inane ya. <sup>39</sup> Nikodemus, in wagam tidom ta lo Jesus san na yau amaiak, gamu gurenj mumalun

uyanan ak isinig ipalu ya. An san muruan kitek 30 kilogrem igo wonj a. <sup>40</sup> Juda sad kagin lo Jesus tinin gurenj nam diamisig, yamel dam gurenj dia-big, ate sisanun dubuluwig, dufoug, disare wo disini diau a. <sup>41</sup> Aben a Jesus aigim fo dubali an, giranen na sasau aben ta sumeik yen da. An ate pat gubaran dukubuneg yen da, pat gubaran an gamugo tamol ta ate disare ya. <sup>42</sup> Nal an Juda adi sad tumanek tubun ak melmel dukubune san nal sumeik a. An ninen o tamol uraru an Jesus sisanun aben ante digane ya, man dugo, mutou an sumeikan yen a.

## 20

*Jesus fon kumaen imasa da ya*

*Mat 28:1-8; Mak 16:1-8; Luk 24:1-12*

<sup>1</sup> Sabat nal\* itout go urat nal malan te an lo† Maria, Magdala pein an abanj mikinik anda mutou fun na yau. In yaug pat gib awan ate dubalfutani an, itubuluk gigin na yaug yen dugo ile ya. <sup>2</sup> Ago tag in imaspalug, megeloum uraru, ta Saimon Pita, ta a Jesus ninen o imat an, sad na yaug irupudai, "Idsad Tubun en diraneg diau a. Dugon te digane man manj ta malon na ya, mutou an kawan yen da."

<sup>3</sup> Ago tag Pita in megeloum an da aben an dubuseig, dumaspalug, mutou fun na diau a. <sup>4</sup> Uraru an sisem dumaspalug, diau ak gug, megeloum an in Pita naon yabi irinjanig, in inug mutou fun na ilasag, <sup>5</sup> gib lo iyep ak man yamel kilaken linen nam diwei an mi yen dugo ile ya. Gug in mutou ilon lo ta iladu na ya. <sup>6</sup> Saimon Pita murna ipalu ilasag, pat gubaran ilon lo iladug, yamel kilaken a linen nam diweig ate Jesus dubuluwi an mi ile ya. <sup>7</sup> Ago dugo yamel milaen ate kabunan dutuani an dam kitek asau mi yen dugo ile ya. Yamel an dulumu ak sen kisaek yen dugo, linen kilaken man kitek asau mi yen dugo ile ya. <sup>8</sup> Agog megeloum

\* 20:1: Sarere † 20:1: Sande

a imug yaug ilasa yan, in dam pat gubaran ilon lo iladug, aban nek ago mi ileg, ilon lo rumok a. <sup>9</sup> Nal an lo man insinan megeloum Jesus mateñ lo imasa san ru Anut san buk lo yen an gamugo dulon a.

*Jesus Maria Magdala pein an naon na ilasa ya*

*Mat 28:9-10; Mak 16:9-11*

<sup>10</sup> Agog megeloum uraru an dumul go aben dumado dan ante diau a. <sup>11</sup> Maria fon imul go mutou awan te itatad itur gug, itakoksig gib lo iyep go, <sup>12</sup> enel uraru kulos milkouk geig ak amad da sisanun yen ak aben na dumado dugo yil. Neinta njen na imado dugo, neinta gumuran na imado dugo ile.

<sup>13</sup> Uraru en Maria durupe, "Nei, on ata wo tata di?"

In irupidaig ibol, "Naisag Tubun en digam go dugon te digane yak man nai ta nalon na ya." <sup>14</sup> In ago ibol go idansa man, Jesus itur dugo ile. Gug in Jesus sen itur dan ta ilon na ya.

<sup>15</sup> Jesus irupe, "Nei, on ata wo tata di? Enti abanan wabi di?"

Maria ilon lo tamol en sasau an san titianek tamol ta ibol go isumiani, "Tubun en, on nane dugon te sini wau an, rupaiag pe, nup niane wa."

<sup>16</sup> Jesus awan yabig ibol, "Maria."

Maria idansag, Hibru ru lo iwagin go ibol, "Rabboni!" (Ru an fun man: girek manau.)

<sup>17</sup> Maria Jesus yabi wo igane dugo in imoig ibol, "On nai biag umoi, man dugo, nai Bai san na gamugo nau da. Ak man on waup, teig taog nai ago nabol ak ubol rupudai, 'Nai lak na Bai san na namul nau o da. Naineg Tamag en ansam Tamami, naineg Anut en, an dam sam Anut, amaiak san na namul nau o da.' "

<sup>18</sup> Man njen o Maria Magdala pein an yaug, megeloum irupudai, "Tubun en nile la ya!" Agog Jesus san awan aban an dam irupudaig dulon a.

*Jesus megeloum naod na ilasa ya*  
*Mat 28:16-20; Mak 16:14-18; Luk 24:36-49*

<sup>19</sup> Nal nek a ubou guraian megeloum in Juda niñedi wo direr go, ab lo dumado dan dalawan fidian dufutanai idug, ilon lo mi dumado dugo, Jesus lulunad lo ilasag, itur dugo igo ibol irupudai, "An maror am da amado wa." <sup>20</sup> In ago ibol dugo, banin giranen dam ikubiai pidina a. Agog megeloum inaned Tubun en dile yak njen o uyasusai tubun mi digane ya.

<sup>21</sup> Jesus fon irupudai, "An maror am da amado! Bai nai idinag go tan na nupalu ya, nek ago mi nai an nidiran pe, urat lo au a." <sup>22</sup> In ago ibol dugo, ur iwi pidinaig, igo ibol, "Nai Urgun nupanan da. <sup>23</sup> An tamolpein inaned aupasek apare idu dop man, Anut dam aupasek an ipare idu wa. Ak gug an inaned aupasek ta apare idu na dop man, Anut dam ta ipare idu na wa."

*Tomas Jesus ile ya*

<sup>24</sup> Aria, nal a Jesus megeloum sad na ipalu yan Tomas, in yan neinta Didimas, in dida ta dumado na ya. <sup>25</sup> Murna gug Tomas ipalu dugo megeloum aenta durupe, "Man Tubun en mile la ya." Gug Tomas igo ibol irupudai, "Nai ilog lo ta rumok na ya. Naisag banin bitaten nilep, banig yaup, giranen dam yu aben nusuep nile gup man, nai ilog lo rumok a."

<sup>26</sup> Murnag nal 8 yau gug, megeloum Tomas dida sisem ab lo dumado yan, dalawan dufutanai pasi ak gug Jesus fon ipalug, lulunad lo itur go ibol, "An maror am da amado wa." <sup>27</sup> Agog in Tomas irupe, "Onane bani wate ipalup, banig aten wabi ule. Ago dop bani wate ipalup giraneg dam suep ule. On ilo uraru mado umoi. Ilo kisaek nai o mi ilo lo rumok a."

<sup>28</sup> Ago man Tomas ru naon igo ibol, "On naineg Tubun en, naineg Anut mok a!"

<sup>29</sup> Agog Jesus irupe, "On nai liag an njen o ilo lo rumok a. Gug ta in nai ta diliag na gug, nai o ilod lo rumok an, bar inane imado da."

*Girek en san fun*



<sup>30</sup> Jesus in kulob girager aenta wei mi megeloum naod na igane idu se yan, girek en lo ta yen na da. <sup>31</sup> Ago gug girek e yen la yen an ale dop, an lo Jesus in Kristus, Anut Nanun, an mi an ilom lo rumok o ngire ya. Agop an in o ilom rumok an lo, in yan an lo kumaen pempem yen san anane wa.

## 21

### *Jesus megeloum 7 naod na ilasa ya*

<sup>1</sup> Kitek murnag Jesus fon inanen megeloum adi aenta naod na kuai isi dugo dile ya. Mel an igo ilasa ya. <sup>2</sup> Jesus san megeloum aenta, sed naod na Galili distrik lo dumul diau a. In yanadi en: Saimon Pita, Tomas, yan an neinta Didimas, Nataniel in distrik Galili san panu Kana tamol, Sebedi nanun uraru, megeloum uraru taida mi sisem you saltek Tiberias san lon ante dumado ya. <sup>3</sup> Lon na dumado dugo Pita irupidai, “Nai iy o nau wo da.” Ago tag aenta durupe, “Id sisem tau a.” In diaug, wog lo dusuda gug, tidom an lo iy ta kisaek dijane man tia geig a.

<sup>4</sup> Salso idug ad isida wo itor dugo, megeloum adi wog lo urat digane se yan, tamol ta lon na itur dugo dile. Ago gug tamol an Jesus boi, an ta ilod isou na ya.

<sup>5</sup> Agog Jesus igiai, “O turag muroug, an iy amam da i?”

In awan diabig dubol, “Man iy tia ya.”

<sup>6</sup> In fon igiaig ibol, “An iy dob an wog giranen won ak lo abili idup, iy anane wa.” Ago tag in ibol ak atem ago digane ya. Agog dob an iy awan isag, muruan kasik, diraep isuda san tia ya.

<sup>7</sup> Agog megeloum kisaek a Jesus ninen o imat dan, in Pita irupe, “An idsad Tubun ak in sen.” Ago dugo Pita ru a “idsad Tubun ak” ago ilon tag, urat kulos igali idug yen an fon kulos uyan ak idirig, you lo isokalik idug, Jesus san na yau. <sup>8</sup> Gug megeloum aenta in wog lo dumado yan dufulanig, dob iy aman da yan diraeg lon

na dupalu se ya. In lon na asau mi dumado man tia ya, tia, in kitek 100 mita igo ya. <sup>9</sup> In dupalug, lon na dusuda man, in iy anan bret da yai fo dien dugo dil a.

<sup>10</sup> Agog Jesus irupudaig ibol, “Iy gamu anane yen ta igo asini apalu.”

<sup>11</sup> Ago tag Saimon Pita wog lo isudag, iy dob iraeg ibili lon na isuda ya. Iy tutubu yak wei mok dob lo disudag anuai an, sad sutek lo 153 igo ya, ago gug dob kitek imasirei man tia ya. <sup>12</sup> Agog Jesus irupudai, “Apalup anan ani.” Megeloum ta “on enti?” ago ibol isumiani wak man ninen o direr a. Man dugo, in fidian tamol an Jesus in sen an dulon uyan a. <sup>13</sup> Agog Jesus ipalug, anan bret in aneg, iwaeg ipidinai dugo iy dam ago mi igane ya. <sup>14</sup> Aria, Jesus mutou lo imasag inanen megeloum dile man saen uraru ya, ago mi gamu en saen taidam fon lon na dile ya.

### *Jesus san sipsip Pita ifutuwai o ibol a*

<sup>15</sup> Dunuai itout gug Jesus Saimon Pita irupe, “Saimon, Jon nanun, on nai nineg o umat den, melmel aenta e ninedi wo umat den irinanai geig i?”

Agog Pita ibol, “Tubun en, on ulon ak, nai on o nmat mok a.”

Agog Jesus ibol, “On naineg sipsip nanudi futuwai panag.”

<sup>16</sup> Agog Jesus fon ibol, “Saimon, Jon nanun, on nai nineg o umat mok di?”

Pita ibol, “Tubun en, on ulon ak, nai on o nmat da.”

Agog Jesus fon ibol, “On naineg sipsip kaginad gane.”

<sup>17</sup> Agog Jesus fon irupeig ibol, “Saimon, Jon nanun, on nai nineg o umat di?”

Pita Jesus isumiani utol ak ninen o ilon tubun mi muruan go igo irupe, “Tubun en, on mel fidian ulon pasi a, an lo on ulon uyan ak, nai on o nmat da.”

Agog Jesus irupe, “On naineg sipsip futuwai. <sup>18</sup> Nai ru rumok nurupaio da. Imug on utor na man, let onse lua te fou ya. Agop dugon te wau o ilo ibol an ante mi wau da. Ak man murnap

onj tamol saiak gane gup, bani wate dop, tamol sen ak ta onj lua te let ifou panop, aben onj ate wau o ilo imoi an, ante diñilio wau a.” <sup>19</sup> Jesus ru a Pita irupei an man, murnap Pita dal dugo wonj lo imat pe Anut yañan yabisa san, ikubiai pani amaiak niñen o ibol a. Ru ibol itout go fon irupei, “Onj palup, ñieg aban uri wa!”

<sup>20</sup> Agog Pita idañsag, megeloum a Jesus niñen o imat dan, patun fo ipalu dugo ile. Megeloum nek emaiak gubak mi Pasova tumanek san anañ diani san nal lo, Jesus ida sisem dunuai dan, inj Jesus titiren fo isapek go isumianig ibol, “Tubun en, enti mok onj ager banid lo ibilo lasa wak i?” <sup>21</sup> Pita ile dugo Jesus irupei, “Tubun en, tamol en niñen o dugudo wak i?”

<sup>22</sup> Jesus awan yabig irupei, “Isop inj imado yaup saen ñai fon ñupalu wak ago ilog yen tap, an onja mel ak i? Onj masap ñai ganurag a!” <sup>23</sup> Ago tag ru an ifurak go megeloum fidian lo yaug, dulonj gug Jesus ru ibol an awan dusizeg, “Megeloum an ta imat na wak ago Jesus ibol an,” ago dubol a. Ak gug Jesus ago ibol man tia ya. Inj nek igo ibol, “Isop inj imado yaup saen ñai fon ñupalu wak ago ilog yen tap, an onja mel ak i?”

<sup>24</sup> Megeloum nek emaiak mel an fidian ile ilonj go, gamu ru en igire da. Agod id talonj uyan ak ru e igireg ifulale yen ru rumok a.

### *Ru wadan*

<sup>25</sup> Aria, Jesus kulob aenta wei mi igane idu ya, ago gug fidian girek en lo tia ya. Man dugo, ñaisag ilo sou igo ya, ru an fidian digire wo tap man, girek a digire yan fidian tan en lo didirip aben mi tia wak ago ilog isou da.

## Aposel

### *Jesus Urgun igane ipalu wo ibol a*

<sup>1</sup> O Tiofilas, n̄aisag buk malmalan n̄gire man, memel fidian Jesus fun igane dugo tamolpein ipiten̄anai na yan ninen o n̄gireg yaug, <sup>2</sup> saen ibisawamag Anut giran̄en na yau an san n̄in̄ej itout a. Gamugo imat dugo Urgun san dabai lo aposel ipilianai an ru kagin irupidaig duloŋ a. <sup>3</sup> Agog in̄sen mateŋ lo idug, fon kumaen imasag nal 40 ilon lo saen wei mi tamol amaiak naod na ilasa se ya. Saen an lo in̄ kumaen imado amaiak dal wei mi lo kuai te ikubiai dile ya, an lo in̄ ilod lo rumok a. Ago dugo Anut san kagin panek\* ninen o dam irupidaig duloŋ a. <sup>4</sup> Nal ta in̄ in̄anen megeloum dida dutumanig anan̄ diani dugo, ru kagin en irupidai, “Jerusalem ta abisei na wa, tia, lou panek a n̄aineg Bai an̄ anane wan in̄san promis ipan̄an̄ an ilasa wo malam agane gup an̄ane wa. An̄ gubak mi ru promis an̄ ninen o n̄ai n̄abol ilasa se yan aloŋ la ya. <sup>5</sup> Jon you nam fulanek ipidinai se ya. Gug nal wei tia dop, an̄ Awan Urgun nam fulanek an̄ane wa. Agop Urgun san dabai an̄ da wa.”

### *Anut Jesus in̄aneg, lak na yau a Mak 16:19-20; Luk 24:50-53*

<sup>6</sup> Nal ta saen in̄ Jesus dida dutumani man, aposel adi dusumianig dubol, “Tubun en, dugo, on̄ gamu en maŋ Isrel tamolpein fon tumanama wak i? Ago dop maŋsiganema kin̄ kagin ipanama wak boi, nek ibol wagam Dawid san saen lo igane yak igo woŋ a.”

<sup>7</sup> Ago tag awad yabig ibol, “Mel ilasa wak san saen, agod ata nal mok ate mel an̄ ilasa wan Bai in̄sen ilon nam igansi la ya, ak gug an̄sem mel an̄ san saen aloŋ san ninen o ilon ta yen na da. <sup>8</sup> Gug saen Urgun an̄ tinim fo idu dan, an̄ dabai an̄ane dop Jerusalem, Judea, Sameria na, agod

tan titin wadan fidian lo dam an̄anem maŋau n̄ai nin̄eg o an tamolpein naod na abol ilasa wa.”

<sup>9</sup> Ago ibol go itout an aposel malad lo mi tan ibiseig, isidag, timtaen lo imianuk dugo dile san tia ya.

<sup>10</sup> Jesus ibisawai dugo malad ti ibol go isudag keit lo aban̄ dile man, tamol uraru biouŋ milkouk didiri ak dilasa kisaek on̄ go, giran̄ed na dutur dugo dil a. <sup>11</sup> Agog dubol, “An̄ Galili tamol, ata wo ente atur dugo malam keit lo isida dak i? An̄ Jesus ibisawan̄ go kumaen panu na yau an̄ ale ya. Jesus nek emaiak yau ago mi dal nek kisaek an̄ mitep afon lo imul ipalu dop ale wa.”

### *Mataias Judas aben in̄ane wo dupiliani a*

<sup>12</sup> Agog aposel adi Did Oliv dibiseig, dumul Jerusalem na diau. Dal an kilomita kisaek igo woŋ. <sup>13</sup> Jerusalem na dilasag, ab a lo dumado dan san galuŋ ta lak na yak lo disida ya. Tamol saen an lo ante dumado se yak yaŋadi:

Pita, Jon, Jems in̄ Andru da, Filip in̄ Tomas da, Bartolomiu in̄ Matyu da, Jems Alfeus nanun, Saimon, tamol a Rom gabman paen na imado wo imoi dan, agod Judas Jems nanun. <sup>14</sup> Tamol an̄ pempem dugdani wo dutumani se ya. Jesus tinan Maria, in̄ pein aenkadi, agod Jesus tein muroun dam dida dutumani a.

<sup>15</sup> Nal ta saen an lo ilo rumok adi dutumanig, nuŋod 120 igo woŋ dugo, Pita imasag <sup>16</sup> ibol, “Teig muroug, ru en aloŋ, wagam Urgun Dawid awan lo Judas ninen o ibol ak nuŋon ilasa ya. Judas Jesus san ager in̄al go, dal ikubiai dileg dida diaug Jesus diabi a. <sup>17</sup> Judas dam in̄ aposel urat igane wo Jesus ipiliani a, in̄ dam nek id igo mi a.”

<sup>18</sup> (In̄siganen sewak naon moni dupani an̄ nam tan kilaken ta idad in̄ane ya. Atna yau idug, luan ipuk go tin̄aen igulani idu ya. <sup>19</sup> Agog ru en Jerusalem ilon lo tamolpein fidian duloŋ tag, in̄ tan an̄ muroud ru lo

\* 1:3: Kingdom

Akeldama dubol da. Yanak an fun: dar san tan.)

<sup>20</sup> “Isrel sad bar san buk lo ru igo digireg yen da, ‘Insan ab an tubabun a.

Talpein ta ifun san tia ya.’

Bar neinta buk an lo yen dan dam igo ibol:

‘Tamol sen ta aben inane, insan urat awan igane wa.’

<sup>21</sup> “Ago yak ninen o tamol ta tipilianip Judas aben inane wa. Tamol a saen fidian id Jesus da tator dugo in dam dida tator na yan mi titarpasaip lulanad lo tamol kisaek tipiliani wa.

<sup>22</sup> Agop id tamol dugon fun lo Jon fulanek igane dugo ida tator go ipalug saen Jesus ibisawad an mi ka tipiliani wa. An lo saen id Jesus fon kumaen imasa dugo tile yan san ru tamolpein turupidai dan, tamol a tupiliani dan luad isap, urat an id sisem tigane wa.”

<sup>23</sup> Agog tamolpein a dutumanig dumado dan in tamol uraru yanad dupate ya. Ta Josef, tamol an Barsabas dubol da. Ago dugo yan aneinta Jastas. Agod ta man yan Mataias. <sup>24-25</sup> Uraru an ninedi wo gadin lo Jesus igo dusumiani, “Tubun en, on tamolpein fidian ilod ulon. Ago yak ninen o tamol uraru en dugon Judas aben inane aposel urat igane wo pilianip kubiai panama. Man dugo, Judas aben a insan mok an lo yau wo insan aposel urat ibisei a, agog gamu insan urat an awan kawan yen da.”

<sup>26</sup> Dugudani itout, agog pat kititik fo Mataias Josef da yanadi digire ya. Pat an disinig gab lo didiri. Ago gug gab an dukudumsig, pat fo Mataias yan an inug idu ya. Ago tag Mataias aposel 11 an luad te diganeg, dida urat digane ya.

## 2

### *Urgun idu ya*

<sup>1</sup> Pentikos nal idu, agog ilo rumok adi fidian dupalug, kisaek mi dutumanig dumado dugo, <sup>2</sup> liliyan ta nek ibol tim tubun geig ifure dak igo won ab lo dumado dan ilon lo isaldug ilon igane itau. <sup>3</sup> Agog mel ta yai balen

wei mi igo won dufurak diaug tamol a dumado yan gurnad fo ided ided yau dugo dile ya. <sup>4</sup> Tamolpein fidian Urgun ilod inane futeg an lo Urgun dabai ipidinai an fom in anen anen tamolpein sen ak sad muroud ru funfun lo dinin se ya.

<sup>5</sup> Aria, saen an lo Juda tamolpein gob sad tan fidian lo dumado dugo, ante Anut ubou an dile na yan tan an fidian dibiseig Pasova tumanek san anan diani wo Jerusalem na diaug dilasag dumado se ya. <sup>6</sup> Saen liliyan an dulon man, Juda tamolpein wei mi dususag dutumani a. Fidian dupalu yan anen anen insigane muroud ru lo aposel adi dinin dugo dulon se ya, ago man in fidian durut saian geig a. <sup>7-8</sup> Ago dugo dumasa saian go sed nug dusumiani, “Tamol dinin dan fidian Galili tamol ak gug, en dugo won dugo id fidian idsad muroud ru anen anen talon dak i? <sup>9-11</sup> Id fidian tan asau ak sensen lo tupalu ya. Gug Anut mel tutubun igane yak id anen anen idsigane muroud ru lo dubol dugo talon da. Id aenkadi Patia, Media, Ilam na, agod aenkadi Mesopotemia, Judea, Kapadosia na tupalu ya. Aenkadi Pontas, Esia na, agod aenkadi Frisia, Pamfilia na dupalu ya. Aenkadi Igipta na, agod Libia san tan kilaken aenta Sairini giran na, agod aenkadi Rom na dupalu ya. Aenkadi Juda mok, go aenkadi man Juda tia gug Juda sad ubou lo diau da. Agod aenkadi Krit na, aenkadi Arebia na dupalu ya. Id a fidian tupalu yan idsed awad anen anen talon da.” <sup>12</sup> In fidian dumasa saian go ilod weiwei geig se ya, ago dugo sed nug dusumiani, “Kulob en san fun mok dugo mok ak i?”

<sup>13</sup> Gug aenkadi aposel adi kukok ad diganeg dubol, “Tamol en nag wain tubun mi duluk boi.”

### *Pita tamolpein malan tubun ak ru irupidai a*

<sup>14</sup> Ago dugo Pita aposel 11 dida dumado yak imasag, awan tubun mi awad yabig ibol, “An Juda tamolpein,



agod an fidian Jerusalem na amado dan, kudom agure uyanan pe, mel en fun nfulale dop alon a. <sup>15</sup> Tamol emaiak wain duluk abol den ta duluk na ya. Tia, gamu man 9 klok tidom lo mi a. <sup>16</sup> Ak ninen o kankan agane. Aban e ale den wagam profet Joel igo ibol:

<sup>17</sup> “Anut ibol, ‘Saen wadan ipalu wo sumeik dop,  
nai naineg Urgun tamolpein fidian sad tinid fo nuwali idup dijanane wa.

Nanuk tamol ak, in nanuk pein ak dam profet ru dubol ilasa wa.

Ananem pinein foudi ak malad nutun dile wa.

Ananem tamol busumadi ak nion lo nionamin dijanane wa.

<sup>18</sup> Saen an lo dop naisag urat pein, urat tamol dam, tinid fo

naineg Ur nuwali idup dijanane wa.

An lo dop in dam profet ru dubol ilasa wa.

<sup>19</sup> Nai keit lo kulob girager naon sensen njigane wan nukubiai ale wa.

Ago dop tan na dam kulob tubun sensen ak kob igo won njigane dop ale wa.

An man dar, yai, agod yaikas malan bilkas nunon ak ilasa wa.

<sup>20</sup> Ad insan naon ibilisap tidom on ilasa dop,

kalam dam malan ibilisap, daran pe dar on ilasa dugup,

Tubun en san nal tubun ak girager anda idu wa.

<sup>21</sup> Ago dop tamolpein ensauta a gadin lo Tubun en ibinawai o duwagin dan,

in tamolpein an fidian patud ipasi wa.’

<sup>22</sup> “O Isrel tamolpein, kudom agure! Anut an naom na ikubiaig ale yak, in Nasaret tamol Jesus an uyan ipani a. An dugo won i? Anut sen kulob girager agod urat dababai funfun kob igo won tamol an lo idiri dugo ale na ya. Melmel an an lulunam lo tamol an tuon lo dilasa dugo an an fidian alon a. <sup>23</sup> Wagam mok Anut

ilon uyanan ak, Jesus an banim lo yau a. Ansem tamol saiadi ak dida atumanaig an insad binawek da Jesus aigim fo abali a. An an mitep ago agane wo yan Anut wagam mi lon uyanan a, man dugo, in lon nek ago yen a. <sup>24</sup> Gug maten Jesus yabituanisan tia tag Anut in ifufunig, fon kumaen imasag maten san madai tuon lo ipasi a. <sup>25</sup> Wagam mi Dawid sen dam Jesus ninen o igo ibol,

‘Tubun ak pempem mi nai naog na itur da, an nai njile da.

In nai sinjireg na imado dugo dabai ipanag dan lo,

tamolpein nai dimiriranag santia ya.

<sup>26</sup> Ak ninen o nai ilog tubun mi uyan dugo nai awag, ru ilo uyan san ibol ilasa da.

Nai tinig dam on binawag an mala nouk lo mi ititiano imado da.

<sup>27</sup> Man dugo, on naisag nutug Ades lo biseip ante ta yen na wa.

On onane Tamol Gun ak ulefuni dop ta igan na wa.

<sup>28</sup> On nai kumaen san dal kubiai panag a.

On nai da tumado wak lo nai uyasusai dam panag pe tinig inane fute wa.’ ”

<sup>29</sup> “O teig muroug, an alon ak ru e nurupaian den ru rumok, id tubud baged Dawid imat go disare ya. Agod insan mutou yen dan pempem tile da. <sup>30</sup> Gug Dawid man profet ta. An ninen o in lon ak, Anut ru lak na geig nam promis ipani an lo, mitep insan malan kubulan ta kin iganep, insan aben inane wa. <sup>31</sup> Anut mitep dugo igane wan Dawid lon tag, Kristus mitep fon kumaen imasa wak ninen o ibol. Fun an lo dam ibol, Anut Kristus Ades lo ibiseig ta imado na ya, ago dugo tinin dam ta igan na ya.

<sup>32</sup> Anut Tubun ak Jesus nek amaiak maten lo ifufunig, kumaen imasa da ya. Agod mel an man fidian sema malama lo mile ya. <sup>33</sup> Anut Jesus inane yan tubun geig anda giranen won ak lo imado da. Anut gubak mi

inanen Awan Urgun Jesus ipani wo promis ru ipani a. Aria, gamu promis an nunjon ilasag Urgun inane ya. Ago dugo Jesus sen Urgun an man tinima fo iwali idu ya, ago dugo an mel en ale dugo kududom ilon a. <sup>34</sup> An alon ak Dawid in sen kumaen panu na ta isuda na ya. Ago bo man in igo ibol, “Tubud niasag Tubun en irupe:

giraneg won ak lo masip, mado dugup,

<sup>35</sup> onsa ager adi on nje paen na njidirai a.”

<sup>36</sup> “Ago yak ninen o tamolpein fidian Isrel ilon lo yak kuai tem nurupaian da, ru rumok e nurupaian den an ilom lo rumok o yan amoi san fun man tia ya. Jesus nek a afunig aigim fo abali an, Anut ipilianig in Kristus agod Tubun ak dam igane ilasa ya.”

<sup>37</sup> Saen tamolpein ago dulon dugo, ru an bubed isue saian geig a, ago tag Pita aposel aenkadi dida dusumianaig dubol, “O teim taoma, man dugo mok migane wak i?”

<sup>38</sup> Agog Pita awad yabig ibol, “Fid-ian ananem aupasek anen anen patum apanip, apalup Jesus Kristus yan an lo suguek anane wa. Ago tap Anut ananem aupasek fidian ipare idup Awan Urgun ipan an a. Urgun man in san lou panek, an kawan naon an tia anane wa. <sup>39</sup> Promis e Urgun ninen o yan man an samsi, ananem malam kubulam sadi, agod tamolpein asau asau fidian insad dam mi a. Awo, tamolpein a fidian idsad Tubud Anut igiai an promis an san nunjon dinane wa.”

<sup>40</sup> Pita ru tubun mok ibol go ru kagin wei mi irupidai se ya. In ilod dibilisa wo dabai geig iganeg ibol, “An sem patum apasi. Kabelan tamol saiadi Jesus dufuni ak sad naon panek ipalu dan an dam anane banau.” <sup>41</sup> Agog tamolpein wei mi Pita san ru ilod lo rumok go suguek dinane se ya. Nal an lo tamolpein 3 tausen igo won ilo rumok adi luad disa ya.

*Kris sad naok naok*

<sup>42</sup> Kris foudi an aposel adi sad ru dulon o diau se ya. Jesus ilod isou san ninen o kisaek mi dutumanig, dumado dugo, an an dam kisaek mi diani dop dugudani se ya. <sup>43</sup> Aposel adi Anut san dabai lo kulob girager funfun digane se ya. Ago dugo tamolpein fidian durut saian geig a. <sup>44</sup> Ilo rumok adi fidian sad kankan kisaek mi a. Ta mel dugon tia dugo ta aman da man, turan mel lo katuk an ibinawi se ya. <sup>45</sup> Aenta inaned tan kilaken, melmel aenta dam didaen lo didirig, san moni dinaneg, tamolpein melmel lo katuk adi an dipidinaig sed ibinawai a. <sup>46</sup> In fidian ilod kisaek mi nal fidian gudanek digane wo tempel lo dutumani se ya. In signed ab ate tet mi dutumanig yousai lo agod ilod kisaek lo dam an an diani se ya. <sup>47</sup> Anut yan an diabisa dugo tamolpein ilo rumok adi sad kagin dileg yan ad diabisa se ya. Agog Tubun en nal pempem tamolpein a patu pasek ipidinai dan ilo rumok adi luad te idirai se ya.

### 3

*Pita tamol njen itubabun ak ikubuneya*

<sup>1</sup> Nal ta Pita Jon da 3 klok guraian gudanek san saen ninen o tempel lo diau a. <sup>2</sup> Tempel sumeik dupani dugo tamol ta tinan tinaen lo mi njen saian ak disini diaug, tempel dalawan yan an “Dalawan Sinaokan” dubol dan, ate digansig imado dugo dile ya. Tamol an pempem ago disini diaup imado dop, tamolpein tempel lo diau dumul dan moni o igudanai da. <sup>3</sup> Tamol an Pita in Jon da diladu wo dugo yil tag moni ta amad da tap dupani wo igudanai a. <sup>4</sup> Ago tag urarum malad ti ibol go dile dugo Pita irupe, “Mala ipalup, liama!” <sup>5</sup> Agog tamol an ilon lo Pita Jon da mel ta dupani wo digane dak ago ibol tag, malan yang yil a.

<sup>6</sup> Agog Pita ibol, “Nai pat silva gol da amag tia ya. Gug mel a nai amag

da yan gamu nupano wa. Jesus Kristus Nasaret tamol an yanjan lo masap wau.”

<sup>7</sup> Agog Pita tamol an banin won ak lo yabig, imasa itur o ibinawi a. Saen inj ago igane yan tamol an njen aten, njen nudun an fidian dabai kisaek onj a. <sup>8</sup> Agog tamol an isokalik go, fun iganeg itor ila iso se ya. Agog itor dugo isokalik onj go, Anut yanjan yabisag Pita Jon da dida tempel ilon lo diladu ya.

<sup>9</sup> Agog tamolpein fidian tempel lo dumado yan inj itor dugo Anut yanjan yabisa dugo dile ya. <sup>10</sup> Inj dile dulong ak, tamol an imug tempel san dalawan sinjakaan ante imado na yan nek ama ya. Inj itor uyanan an njen o dirut saian a.

*Pita tempel lo tamolpein ru irupidai a*

<sup>11</sup> Tempel ilon lo aben ta Solomon san Madok Aben dubol dan ate tamol an Pita Jon da ibiaig, dida ditur se ya. Tamolpein fidian mel a tamol an lo ilasa yan njen o dumas saian go insad na dumaspalug diau a. <sup>12</sup> Saen Pita ago yil tag irupidaig ibol, “O Isrel tamol adi, anj ata wo kulob en aleg amasa saian i? Ata wo ago aliama dak i? Nag anj ilom lo mansiganema dabai lo, tia, mansiganema Anut kagin lo tamol en njen mukubune abol dak i? <sup>13</sup> Tia, Abraham, Aisak, Jakob insad Anut, id baged muroud sad Anut, injanen urat tamol Jesus yanjak tubun geig ak ipani a. Gug anj tamol an gurman adi banid lo dufuni imat o agane ya. Pailat ipasi wo ibol gug anj amoig Pailat naon na patum apani a. <sup>14</sup> Inj bo tamol gun agod itaot ak gug anj inj amoi a. Anj tamol ta talpein ifuni imat ak Pailat ipasip ipanaj o asumiani a. <sup>15</sup> Anj tamol a id kumaed tumado san fun amaiak afunig imat a. Ak gug Anut materj an lo ifufunig, afon kumaen imasa da ya. Agog kulob an manj malama nam mile ya. <sup>16</sup> Ilo rumok Jesus yanjan lo yan mi tamol e alonj uyanan dugo leil apani den njen dabai ilasa ya. Jesus yanjan lo, agod ilo rumok a inj id ilod lo igane ilasa dan lo

dam, kubunek en injane ya, ago dugo njen gamu dabai pasik an anj fidian ale a.”

<sup>17</sup> “O teig muroug naj njalonj ak, kulob a anj ansam gurman adi dida Jesus lo agane yan, anj fidian anjan an lo ago agane ya. <sup>18</sup> Anut profet adi awad lo wagam ibol, injanen Kristus muruan isini wo ibol. Ak njenen o dal an lo injanen ru ibol ak nunjon ilasa ya. <sup>19</sup> Ago yak njenen o anjanem kagin saiak saiak patum apanip, ilom ibileksap, Anut naom apani. Ago tap anjanem aupasek fidian ipare idu wa, an lo dop ilo maror agod yaes bilabal san saen Tubun en iganep anj o ilasa wa. <sup>20</sup> An mi tia ya, Anut Kristus e anj o ipiliani en idinip ipalu wa, nek Jesus ema ya. <sup>21</sup> Inj kumaen panu na imado dop yaup, Anut mel fidian ibilisap foun ak dilasa san saen ilasa wa. Anut ago igane wo wagam mok injanen profet gun adi awad lo ibol a. <sup>22</sup> Man dugo, Moses igo ibol, ‘Anut anjanem Tubun en, nek naj idinag go njupalu yak ago mi profet ta ansiganem dar lo yak igane ilasap idinip ipalu wa. Ru fidian irupaianj dan kagin apani wa. <sup>23</sup> Talpein ta inj profet an awan ilonj o imoi dan, Anut talpein an insan tamolpein lo ikudip pitinjinek saian geig ak ipani wa.’

<sup>24</sup> “Rumok, Samuel sen dam agod profet aenkadi njen aban duri an fidian ru gamu saen en san dubol ilasa na ya. <sup>25</sup> Anj man profet adi an sad malad kubuladi, an lo promis a Anut profet an sad awad lo ibol an, agod kontrak a anjanem tubum bagem ipidinai an san nunjon dam anjanemi a. Anut ru en wagam Abraham irupeig ibol, ‘Onjane mala kubulan lo tan en san tamolpein fidian bar dijane wa.’ <sup>26</sup> Saen Anut injanen urat tamol tan en lo igane ilasa man, imug mi ansam na igane ipalu ya. Inj bar ipanaj o ipalu ya, ago dugo bar an igo ya, inj idiranj pe anj anen anen sem adansap anjanem kagin saiak saiak patum apani wa.”

*Pita in Jon da Kaunsil naod na dutur a*

<sup>1</sup> Saen Pita in Jon da tempel lo tamolpein ru durupidai dugo, pris adi, tempel titianek tamol sad gurman, in pris warou a Sadyusi dubol dan aenta dida sad na dupalu ya. <sup>2</sup> In tiñaed saian geig a. Man dugo, Pita Jon da Jesus imat gug fon kumaen imasa yak san ru tamolpein naod na durupidai duloŋ se ya. In maŋau ago dupiteŋanai dan lo tamolpein duloŋ ak, Jesus lo tamol dumat dak, fon ka dumasa wa. <sup>3</sup> Ago tag duburou gug abaŋ tidom idu la yak niŋen o subanek ab lo didirai a. In ilod lo man aposel adi ante dien pe tidom lom mi gup kot dupidinai a. <sup>4</sup> Gug tamolpein a inŋsad ru duloŋ an luluŋad lo wei mi ilod lo rumok a. Tamolpein an ilo rumok adi luad disag, tamol itumanaig sad sutek faiv tausen igo woŋ a.

<sup>5</sup> Tidomig Juda sad tirnek tamol adi, matu gurman adi, agod kubiaen san girek maŋau adi dam Jerusalem na dutumani a. <sup>6</sup> Pris gurman Anas, agod Kaiafas, Jon, Aleksandra, agod tamol aenta pris gurman san gugoi lo yan dam dida dutumani a. <sup>7</sup> Agog aposel adi digiaig dupalug, naod na dutur dugug dusumianai, “An dabai dugomaiak lo, tia, yaŋak dugomaiak lo aŋaneg, tamol en akubuneg uyan aki?”

<sup>8</sup> Ago dugo Urgun Pita ilon inaneŋfuteŋ awad yabi, <sup>9</sup> “An gurman, aŋ ilo muŋanek san kulob ta lo tamol niŋen itubabun ak uyan ilasa yan niŋen sumiaek lo adirama tap, agod en dugo woŋ dugo kubunekiŋane yan dam maŋ asumianama tap, <sup>10</sup> aria, ru en aloŋ uyanan. Kulob en Nasaret tamol Jesus Kristus inanen yaŋan san dabai lo ilasa ya. Tamol amaiak aŋ aigim fo abalig afuni imat ak gug, Anut mateŋ lo ifufunig fon kumaen imasa da ya. In lo mi tamol e aŋ naom na itur den kubunekiŋane dugo kulob an san nuŋon ale ya. <sup>11</sup> Jesus nek amaiak niŋen o Anut ru igo ibol,

‘Pat nek a ab bek tamol adi dumoi dan, nek amaiak ab tinin fidian yabi sakar da.’

<sup>12</sup> In mi lo patu pasek ale wa. Man dugo, tan en fidian lo man Anut yaŋak sen ak ta lo id tamolpein fidian patu pasek ka tiŋane wan ta ipanad na ya, tia, nek Jesus yaŋan lo mi a.”

<sup>13</sup> Kaunsil adi dile yak, Pita Jon da malak malak ru dabai anda nam durupidai a, uraru an tamol kawan, in skul ta digane na ya. An ago dile man durut saian geig a. Agog an kankan ipidinai ak, tamol uraru an gubak mi Jesus da dumado dutor an dile duloŋ a. <sup>14</sup> Ak man ru ta dubol san tia ya. Man dugo, Pita Jon da tamol dukubune yan siŋired na mi itur dugo leil dupani da. <sup>15</sup> Ago tag kaunsil adi tamol utol an didinaig, tumaneŋ aben dubiseig patun fo dilasa gug inŋsed mi pasak nam diŋiŋeŋ se ya. <sup>16</sup> Inŋsed mi nug dusumiani, “Id tamol uraru en dugo tiginiai ak i? Id kubol ilasa yan sewak tabol san tia ya, man dugo, tamolpein fidian Jerusalem na dumado dan kulob girager e tamol uraru en digane yen duloŋ la ya. Id tatot san tia ya. <sup>17</sup> Id mel en tabituani wa, kabelan ru en yaup tubun banau. Ago yak niŋen o tamol uraru en kudod tabi uyanan a. In afon talpein ta naon na Jesus yaŋan ta dupate na wak niŋen o ru kagin turupidai a.”

<sup>18</sup> Agog Pita Jon da digiaig, diladug ru dabai nam durupidai, “An afon Jesus yaŋan lo tamolpein ru ta arupidai na wak, agod yaŋan an lo dam maŋau ta mok apiteŋanai na wa.”

<sup>19</sup> Gug Pita Jon da awad diabig dubol, “Ansem mi mel en abitinaep ale wa. Dugon Anut malan lo uyan ak i? Dugo, aŋanem awam kagin mupani wak i? Tia, Anut awan kagin mupani wak i? <sup>20</sup> Man dugo, maŋ mel sema malama lo mile yak kudoma lo malon ak niŋen o awama itau san tia ya.”

<sup>21-22</sup> Tamol niŋen imat gug Pita Jon da dukubune yan inŋsan anaŋar 40 iriŋani tag tamolpein fidian melmel ilasa yan niŋen Anut yaŋan diabisa se



ya. An lo Juda sad kaunsil dal ta dilep lo bu dupidinai san tia ya. Ago tag ru kagin dabai geig mi dupidinaig, dubusawaig diau a.

*Ilo rumok adi dabai dirjane wo dugudani a*

<sup>23</sup> Saen dubusawaig dilasa yan Pita Jon da dumul turad muroud sad na diau a. Agog pris gurman, in gurman aenta, ru dubol an awad aban durupidaig dulonj a. <sup>24</sup> Ru an dulonj tag fidian Anut igo dugudani, "Tubun en, onj mi tan, you, beig, keit, agod mel mel fidian lo dien dan san Taman. <sup>25</sup> Urgan lo onse manj tubum bagem Dawid onjane urat pinein awan lo ubol dugo gamu nunjon mile da.

'Ata wo tan fidian sad tamolpein tinjaed saian di?

Ata wo tamolpein an palanj dumari gug nunjon tia yak i?

<sup>26</sup> Tan en san kinj fidian yu digane wo tawanj dumado da, ago dugo tirnek tamol fidian dutumanig,

Tubun en injanen Pilianek Tamol da ager digane wo digane da.'

<sup>27</sup> Rumok, ru amaiak ente Jerusalem na nunjon ilasa ya. Herod in Pontius Pailat da, tamolpein Juda tia yan agod Juda tamolpein aben ente dumado dan dida dutumanig, onjane urat tamol gun ak Jesus onse piliani an, palanj an dumari se ya. <sup>28</sup> Tamol adi an onse wagam mi onjane ilobol inj dabai da lo ilasa wo ubol an, ago mi digane ya. <sup>29</sup> Aria, Tubun en, gamu ru saiak tinid dumisilani san dupaiama an onjane kududo ilonj la ya. An ilo sou gane dop onjane urat tamol adi dabai panamap manj rurek tia yan lo onjane ru mabol ilasa wa. <sup>30</sup> Onj onjane tuo watep onjane urat tamol gun ak Jesus yanjan lo, tamolpein subam ad da yak kubuniaip, kulob girager dirip dilasap, kulob dababai tamolpein dil pe durut saian an dam gane wa."

<sup>31</sup> Gudane itout go ab a lo dutumani an ibuk ila iso ya. Ago dugo Urgan fidian bubed ilon awan isag,

Anut san ru tamolpein naod na dubol ilasa wo tinid ta irer na ya.

*Ilo rumok adi melmel fidian lo nug dubunawi se ya*

<sup>32</sup> Ilo rumok adi fidian injad kankan agod injad ilod dam kisaek mi a. Ta injan biounj biounj an injanen mi ago ibol man tia ya. Tia, fidian melmel nug duwae dupani se ya. <sup>33</sup> Ago dugo ru dabai tubun anda yak lo, aposel adi Tubun ak Jesus kumaen imasa yak san bilalunj dubal ilasa se ya. Agod Anut san ilo panek tubun mi an inj fidian tinid fo iwali idu ya. <sup>34</sup> Inj lulunjad lo talpein ta mel ta lo katukan ta imado na ya. Man ata wo? Nal kadi lo, talpein ensauta a ab ad da boi, tia, tan kilaken ad da yak ta, an didaenj lo diganeg san moni dirjaneg, disini dupalu ya. <sup>35</sup> Agog moni an aposel adi njed fun na didirsi a, ago dugo aposel adi ditarpaleg talpein enti mel ta lo katuk adi an dubinawai se ya.

<sup>36</sup> Saen an lo inj lulunjad lo tamol ta yanjan Josef imado da. Inj Livai san gugoi lo ilasa ya, gug injanen tinan man nui yanjan Saiprus dubol dan ante igansi a. Aposel adi yanjan neinta dupanig Barnabas dubol da. (Yanjan an fun man, Ilo Yabisa San Tamol.) <sup>37</sup> Aria, injan tan kilaken idad go moni an injaneg isini yaug aposel adi njed fun na igansi a.

## 5

*Ananias inj Safaira da*

<sup>1-2</sup> Tamol ta yanjan Ananias, iwon yanjan Safaira. Inj tan kilaken idad yau dugo san moni aenta injan yabi a. Pein inj tamol da awad kisaek. Agog aposel adi njed fun na moni aenta idirsi dugo irawaig igo ibol, "Moni fidian nek ebo ya." <sup>3</sup> Ago tag Pita Ananias irupeig ibol, "Ananias, ata wo Satan ulefuni dugo ilo iduduwig, sewak ganeg Urgan naon kubiani ak i? Tan a udad yau an san moni wadan wabi da. <sup>4</sup> Saen tan gamugo udad yau man onj muroun mado ya. San moni njane yan man onse ilo nam gane wo

ago ka gane wa, an ta rumok na i? An lo mel dugon kankan ipano yan lo kagin saian igo gane yak i? On tamol adi ta rawai na ya. Tia, on Anut rawi wo gane ya.”

<sup>5</sup> Saen Ananias ru an ilon man gamu nam yau idug imat a. Tamolpein fidian ru an dulon go tubun mi durut direr a. <sup>6</sup> Agog pinein dupalug, in san sisanun yamel nam dubuluwig dijaneg kuai te dilasag di- aug disare ya.

<sup>7</sup> Murnag, ad mitilaen kitek 3 auwa igo yan, iwon pein ak ipalug iladu ya. Muruan ilasa man ta ilon na ya.

<sup>8</sup> Agog Pita isumianig ibol, “Ak dugo, on onane iwo da tan adad yau ak naon emaiak anane yak i?”

Ago dugo awan yabig ibol, “Awo, moni minane yak nek ago mi ipanan a.”

<sup>9</sup> Pita imasag Safaira irupe, “On iwo da ilom kisaek go Tubun en san Ur naon akubianig ale wo agane ya. Dugo, an ilom isou ak ago ka aganep muruan ta ale na wak abol i? Ulon, pinein a on iwo disare yak sad njed awan dalawan te ilasa da, gamu on dam dijiop kuai te alasap au a.”

<sup>10</sup> Agog gamu nam pein an dam Pita naon na yau idug imat a. Ago dugo pinein diladug in san sisanun dile tag dijaneg diaug iwon tamol ak giranen na disare ya. <sup>11</sup> Ilo rumok adi fidian, tamolpein aenkadi dam, ru an dulon go tubun kasik direr a.

*Aposel adi tamolpein wei mi dukubunia a*

<sup>12</sup> Aposel adi kulob girager wei kasik tamolpein lulu ad lo digane se ya. Ago dugo ilo rumok adi Solomon san Madok Aben ilon lo dutumani na ya. <sup>13</sup> Tamolpein patun fo yak ilo rumok adi yanadi diabisa yak gug, diaup dida dutumanai san ninen o fidian direr pasik a. <sup>14</sup> Ago bo man tamolpein wei mi ilod dibilisag, Tubun en ilod lo rumok go ilo rumok adi luad disa se ya. <sup>15</sup> Aposel adi kulob girager dabai anda digane se yan lo, tamolpein muroud muroud subam ad da yan dal gigin te dijal

dususap dien se ya. Aenkadi kapal fo, aenkadi gadab fo dien se ya. Agop saen Pita ipalup irinanai dop san tirarou ituanai dop lo uyadi wo dubol. <sup>16</sup> Jerusalem gigin na panu dien dan san tamolpein wei kasik dilasa ya. Inaned samun subam adi da yan, ur saian amad da yan dijal dupalug, an fidian uyadi.

*Gurman adi aposel muruan dupid- inai a*

<sup>17</sup> Juda sad pris malan te ak, Sadyusi a giranen na dumado dan dida, an fidian aposel adi sad urat dile tag, turak susai tijaed inane fute ya. <sup>18</sup> An lo in aposel adi duburoug, subanek ab lo didirai a. <sup>19</sup> Ak man tidom lo Tubun en san enel ipalug subanek ab san dalawan ipasig, aposel adi inal go patun fo dilasa ya. <sup>20</sup> Agog irupidaig ibol, “Aup, tempel san tumanek aben lo atur dop, kagin foun emaiak san ru fidian tamolpein arupidaip dulon a.”

<sup>21</sup> Agog aposel adi enel awan durig, salsog in tempel lo diladug fun diganeg tamolpein ru durupidai dulon se ya.

Nek nal an lo mi pris malan te yak, turadi dida Juda gurman fidian adi digiaig, Juda sad Kaunsil tumanek tubun ak diabi a. Agog subanek ab lo aposel adi dijal pe dupalu wo tempel san titianek tamol didinaig diau a. <sup>22</sup> Gug saen subanek ab lo dilasa man, aposel adi naod tia tag dumul diaug, kaunsil adi durupidai, <sup>23</sup> “Saen subanek ab lo milasa man dalawan fidian itau. Titianek tamol tawan dutur ak gug, saen dalawan mupasi man tamol an ta meil na ya.”

<sup>24</sup> Pris gurman adi, in tempel titianek tamol adi sad gurman dida ru an dulon go dumasa saian. Mel an kankan ipidinaig ilod weiwei se ya, so muruan ilasa wo dak ninen o ilod isou se ya.

<sup>25</sup> Agog tamol ta ipalug irupidai, “An tamol a subanek ab lo adirai an tempel san tumanek aben lo dutur dugo tamolpein manau dipiterjanai da.”

<sup>26</sup> Ago tag tempel titianek tamol sad gurman inanen tempel san aikatuk adi dida diaug, aposel adi diñal go Juda sad Kaunsil sad na diau a. Saen aposel adi diñal man pasak nam diñal a. Kabelan silei nam mi dop, tamolpein tiñaed saian pe pat nam dufu banau.

<sup>27</sup> Aposel adi diñal go dupalug kaunsil naod na dugunaig dutur a. Ago dugug pris malan te yak sumianek ipidinai, <sup>28</sup> “Man geg sakar geig mupanañ a. Anj afon tamol an yañan lo ru ta abol ilasa na wo mabol a. Gug gamu an Jerusalem ilon lo anjam piteñanek an mi abisa aguni da. Agop tamol a imat an inanen mateñ san ai wadan man buroma fo agane wo agane da.”

<sup>29</sup> Ago tag Pita aposel aenkadi dida pris malan te yan awan diabig dubol, “Man tamol awad kagin mupani san tia ya, tia, Anut awan mi muri mupani wa. <sup>30</sup> Anj Jesus aigim fo abalig afuni imat ak gug, id tubud baged sad Anut mateñ lo ifufunig kumaen imasa da ya. <sup>31</sup> Anut inane giranjen won ak lo imado da. Agod dabai ipanig, idsad gurman, idsad patun pasek tamol dam imado da. Anut saen ipanad dan lo, id Isrel tamolpein naod Jesus tupanip ilod ibileksap, an lo idaned aupasek ipare idu panad a. <sup>32</sup> Man inñan mateñ, imasa yan malama lo mile ya. Ago yak niñen ru an tamolpein naod na mabol da. Ur-gun dam inanen urat lo melmel en fidian niñen o ibol da. Ago dugo Anut Ur-gun nek an tamolpein a fidian inñan awan kagin dupani dan ipidinai a.”

<sup>33</sup> Juda Kaunsil adi ru an duloñ go tiñaed tubun mi saian tag, aposel adi dufu dumat o ilod tubun mi ibol a. <sup>34</sup> Gug Farisi ta yañan Gameliel, in kubiaen san girek manau ta, agod tamolpein fidian in yañan diabisa yan, in imasag itur dugo aposel adi tumanek dibiseip patun fo dilasa wo ibol a.

<sup>35</sup> Agog kaunsil irupidaig igo ibol, “O Isrel tamol, an tamol en afu dumat o agane dan kagin agane. <sup>36</sup> Wari

na geig tamol ta Teudas inñen tubun o igane. Agog sawar kitek 4 handet igo won niñen fo dutor. Gug dufuni imat dugo inñan sawar an dititalaig dufurak diau dugo, ager yabisa yan nuñon tia ya. <sup>37</sup> An tinin te, yañan kubunek san saen lo, Galili tamol ta yañan Judas, tamol aenkadi inñal go urat pinein on niñen fo dutor. Gug in dam dufuni imat. Agog inñan sawar an dititalaig dufurak diau a. <sup>38</sup> Ago yak niñen o niñurupaian da, tamol en abusawaip ka diau a. Kubol a digane dan tamol sad kankan lo tap man, milaen tiap itout a. <sup>39</sup> Ak gug an Anut san man, an tamol emaiak abituanai san ta idaisuda na wa. An lo dop abituanai o agane tap, an Anut da nug abi dak ago sem ilian a!”

<sup>40</sup> Kaunsil adi inñan ru duloñ go ilod inane ya. Ago tag aposel adi digiaig diladug bu mi dupidinai a. Agog Jesus yañan fon ta dupate na wo geg sakar geig digane ya. Ago gug dubusawaig diau a. <sup>41</sup> Aposel adi ilod uyan dugo kaunsil sad tumanek ab dibiseig dilasa ya. Ata wo, in Jesus yañan o tamolpein naod na muruan disini wo Anut ipilianai a. <sup>42</sup> Nal pempem tempel san tumanek aben lo, ab ab lo dam, bilaluñ uyan ak tamolpein dupiteñanai se ya. Bilaluñ uyan ak lo Jesus mi in Kristus an tamolpein durupidaig duloñ a.

## 6

### *Tamol 7 aposel dubunawai o dipilianai a*

<sup>1</sup> Murnag ilo rumok adi wei mi dilasa se yan, luluñad lo tamolpein malan uraru dumado ya. Saen an lo, Juda tamolpein a Grik ru dubol dan, in Juda tamolpein a Hibru ru dubol dan dida nug lo muruan ilasa ya. Man dugo, Juda Grik ru diñinjen dan igo dubol, nal anek anek lo aposel adi anañ ditarpaleg duwae dak gug inñan pein suos ilod ta isou na da.

<sup>2</sup> Ago tag aposel 12 an ilo rumok adi fidian digiaig dutumanaig durupidai, “Man anañ waek san urat migane dop lo Anut san ru mufulale wan

mibisei dop, an uyan tia ya. <sup>3</sup> Ago yak niñen o teid taod, tamol 7 luluñam lo Urgun amad da yak, kankan milaen ak, agod yañad uyan ak mi apilianaip urat an banid lo tigane wa. <sup>4</sup> Gug mañ gudanek mi, agod ru fulalek san urat dam mi leil mupani wa.”

<sup>5</sup> Tamolpein fidian ru an duloñ go aposel sad kankan niñen o ilod uyanan a. An lo tamol ta yañan Stiven dipiliani a. In ilon rumok dabai, agod Awan Urgun ilon inañefute ya. Ta yañan Filip, ta Prokoras, ta Naikena, ta Taimon, ta Parmenas, agod Antiok tamol ta yañan Nikolas, in Juda tia yak gug Juda ubou lo yau da. <sup>6</sup> Ilo rumok adi tamol 7 an aposel naod na didirai ilasa ya. Agog aposel adi in o Anut dugudanig banid gurnad fo digane ya.

<sup>7</sup> Agog Anut san ru ifurak go, tamolpein wei mi duloñ a. Jerusalem na ilo rumok adi dilasag wei kasik a. Agog pris adi wei mi dam ilod lo rumok go, ilo rumok san dal duri dupani a.

#### *Juda sad gurman Stiven diabi a*

<sup>8</sup> Aria, Stiven man Anut san ilo panek, inñsan dabai dam in lo yen a. An lo in tamolpein luluñad lo kulob girager funfun agod mel tutubun durut saian san dam wei mi igane ilasa se ya. <sup>9</sup> Gug Juda tamol aenkadi Stiven lo siai digane. Tamol an ubou ab yañan “Tamol kawan dumado dak” dubol dan sad tamol. Tamol an inñsad panu Sairini, in Aleksandria da. Agod Silisia in Esia da provins uraru an sad tamol dam Stiven lo ager diabisa ya. Tamol amaiak fun diganeg Stiven lo ru nam yu digane ya. <sup>10</sup> Gug Stiven san kankan milaen geig dugo Urgun san dabai lo dam inñen a, an lo inñanen ru niñen o in dutur dabai san ta idaisuda na ya.

<sup>11</sup> Ago tag tamol aenkadi pasak nam diñal go, ru sewak igo dubol ilasa wo durupidai a. “Stiven in Moses Anut da lo misilanek ru ibol dugo mañ awan malon a,” ago dubol o durupidai a.

<sup>12</sup> Agog tamol an diaug ru sewak an lo tamolpein, matu gurman adi, agod kubiaen san girek mañau dam ilod dusueg an lo tiñaed saian geig a. Agog tamolpein an dupalug Stiven diabig, Kaunsil sad na diñane diau a. <sup>13</sup> Kaunsil malad lo itur dugo, tamol Stiven tinin lo dusupale san digiaig, diladug ru sewak igo dubol, “Tamol en idsad tempel gun an, Moses san kubiaen da niñedi wo ru saian pem-pem ibol da. <sup>14</sup> Mañ malon dugo ibol, Nasaret tamol a Jesus dubol dan tempel iratitale dop, Moses san kubiaen id ipanad an dam ibileksa dop idirad pe tamol kagin senamo ak turi wa.”

<sup>15</sup> Ru an dubol dugo Kaunsil dumado yan malad ti ibol go Stiven leil dupani dugo, inñanen naon enel ta naon igo won dile ya.

## 7

### *Stiven Kaunsil ru irupidai a*

<sup>1</sup> Juda Kaunsil ru an fidian duloñ go itout gug pris malan te an Stiven isumiani, “Dugo, ru a dupano dan fidian rumok ak i?”

<sup>2</sup> Ago tag Stiven ru naon irupidaig igo ibol, “Teig taog, tamag muroug, kududom agure! Id tubud baged Abraham wagam geig Mesopotemia na imado dugo, saen an lo in gamugo Haran na yau dugo, Anut lilaman anda yan naon na ilasa ya. <sup>3</sup> Agog irupe, ‘Tan en biseip, onane murou murou dam busawaip tan nñukubiai pano wan lo wau.’ <sup>4</sup> Agog Kaldia tan ibiseig yaug taun a Haran dubol dan te imasi a. Murnag Abraham taman imat dugo Anut idinig tan e lo amado den ente ipalug, imasi a. <sup>5</sup> Saen an lo Anut tan en samun kabelan ta Abraham sen tinin o ipani man tia ya. Gug Anut mitep tan en Abraham in malan kubulan dida ipidinaip sed niñedi wo ibol a. Gug Abraham saen an lo nanuk tia imado dugo Anut promis an ipani a. <sup>6</sup> Anut igo ibol, ‘On mala kubulan mitep tan sen ak lo tamolpein gol ak igo won ante dumado wa. Ante dam in urat bigabeg adi dilasa wa. Agop anañar 4 handet lo tan



an san tamolpein saian dupidinaip muruan wei mi disini wa. <sup>7</sup> Gug n̄ai tamolpein a muruan ago dupidinaid an naon muruan geig ak n̄upidinaid a. Ago dugup oñane mala kubulan tan an dibiseip, tan en lo n̄ai ubou ag dile wa.’ <sup>8</sup> Agog Anut Abraham kontrak ipani a, kontrak an san kobman, nanuk tamol ak tinid suñulon dutute wa. Murnag Abraham iwon in̄ Aisak igansig ubou kisaek yau dugo Abraham tinin suñulon itute ya. Murnag, Aisak san nanun Jakob ilasa ya. Ago mi Jakob san nanuk 12 dilasa ya. In̄ idsad tubud baged.”

<sup>9</sup> “Josef tein muroun Josef nin̄en o turak dususa ya. In̄ dile saian an lo Igipta na urat bigabeg imado wo diñaneg didaen̄ lo digane yau a. Ak man Anut Josef da dumado na ya. <sup>10</sup> In̄san muruan fidian lo ibinawig patun ipasi a. Anut Josef kankan milaen mi ipani an lo Farou Igipta sad kin̄ Josef ipitianig ilon ipani a. Agog Farou Josef tamol tubun iganeg Igipta tan, in̄san ab lo melmel fidian dam kagin ipani na ya.

<sup>11</sup> “Murnag Igipta tan yaug Kenan na geg an kadag tubun ak idug, tamolpein fidian muruan disini se ya. Id baged muroud anan̄ dile wo aban̄ diabi se ak gug anan̄ tia ya. <sup>12</sup> Gug saen Jakob Igipta na anan̄ yen dan san ru tim ilon̄ man, nanun muroun, id baged muroud, idinaig malmalan geig in̄ atna diau a. <sup>13</sup> Murna anan̄ itout go fon dumul Igipta na diau gug, Josef tein muroun naod na sen fun ifulaleg, Farou dam saen an lo Josef tinan taman, tein muroun nin̄edi wo ru ilon̄ a. <sup>14</sup> Agog Josef taman san na ru igane yaug, in̄anen samun fidian in̄al pe dupalup Igipta na dumado wo ibol. Fidian dupalu yak sad sutek 75. <sup>15</sup> Agog Jakob imasag Igipta na yau a. Atna mi dumado dugo Jakob id baged muroud 12 an dam dumat a. <sup>16</sup> In̄sad sisanun disini diaug Sekem na tan kilaken ta wagam Abraham Hamor sad gugoi banid lo idad in̄ane yan lo disiriaid a.

<sup>17</sup> “Anut Abraham promis a gubak mi ipani an nun̄on ilasa wo sumeik dugo, idsad tamolpein Igipta na dumado yan igileg wei kasik a. <sup>18</sup> Saen an lo kin̄ foun ta ilasag imado dugo Igipta kagin ipani na ya. Ak gug kin̄ an Josef nin̄en in̄aon̄ geig a. <sup>19</sup> Idsad tubud baged irawai ifu dugo, muruan tubun mi ipidinaid se ya. In̄ isodudunaig an lo in̄aned nanuk foudi ak kuai tem didiraig, dumat a.

<sup>20</sup> “Saen an lo Moses ilasa ya. Anut malan lo nanuk an siñaokan mok a. Kalam utol tinan taman dida dumado dugo kagin dupani a. <sup>21</sup> Gug saen kuai te digane man, Farou nanun pein n̄ilanj̄al an in̄aneg, in̄sinan nanuk oñ kagin ipani na ya. <sup>22</sup> Moses Igipta sad man̄au fidian mi in̄aneg, tamol tubun ak ilasa ya. In̄san ru bilabol dabai dugo, urat dugon igane yan dam dabai anda ya.

<sup>23</sup> “Moses san anan̄ar 40 dugo, nal ta ilon man tein taon Isrel tamolpein yil o ibol go yau. <sup>24</sup> Yau dugo naon fo na Igipta tamol ta Isrel tamol ta tinin ifini saian dugo ile ya. Ago tag Isrel tamol an ibinawig, naon ifulig Igipta tamol an ifuni imat a. <sup>25</sup> In̄san ilon man, Isrel tamolpein Anut in̄ ibinawai o idinig ipalu yan dulon̄ ak ibol, ak gug tamolpein an ta dulon̄ na ya. <sup>26</sup> Nal tinin te man, Isrel tamol uraru nug dufuni dugo yil tag, maror igansi wo yaug irupidai, ‘Alon̄, an̄ nug tein taon, en ata wo nug tinin malan asue wo agane dak i?’

<sup>27</sup> “Gug neinta wagai fun igane yan, Moses isopasig gigin na yaug ipei, ‘Enti oñ man̄ kagin panama dop ru tulek tamol mado wo ibol i?’ <sup>28</sup> Ak dugo, nor Igipta tamol funi imat ago mi n̄ai dam funag n̄amat o gane dak i?’ <sup>29</sup> Moses ru an ilon̄ tag isol go yaug Midian tan lo tamol gol ak oñ imado na ya. Atna imado dugo nanuk tamol ak uraru dilasa ya.

<sup>30</sup> “Afon anan̄ar 40 yaug itout gug, Anut san en̄el Moses naon na ilasa ya. Did Sinai giran̄en na tan kawan ak lo ai nanunan ta yai ided go inani dak oñ ile ya. <sup>31</sup> Moses aban̄ ago

ileg imasa saian tag, yaup sumeikan pe ile uyan o ibol go yau a. Saen yaug sumeik ipani man, Anut awan ilon, <sup>32</sup> 'Nai on bage murou Abraham, Aisak, Jakob sad Anut.' Moses ru an ilon man irer dugo tubun mi isuruwor se ya. Irut irer an ninen o aban ile man imoig, malan ikilakil a. <sup>33</sup> Agog Anut ibol, 'Onsa sendal pasi. Man dugo, tan fo utur dan gun a. <sup>34</sup> Nai aban nile yak naisag tamolpein Igipta na muruan saian geig ak disini da. Injad ilo tinar dam nalon go njobunawai o njobalu ya. Ak ninen o nai on njidinop afon Igipta na umul wau da wa.' "

<sup>35</sup> Stiven inijen dag ibol, "Moses nek amaiak Isrel tamolpein gubak mi ninen o dumoi go dubol, 'Enti on mansam gurman iginio yak i? Enti on mansama tulek tamol iginio yak i?' Anut sen mok Moses injad gurman, agod injad patu pasek tamol dam idinig yau a. Anut enel yai balen lo yan awan lo ago igane ya. <sup>36</sup> Moses nek an tamolpein injal go Igipta dibisei a. Igipta na, agod Beig Daran lo, Anut san dabai lo kulob girager funfun naod na igane se ya. Anajar 40 tan kawan ak lo dam ago igane se ya. <sup>37</sup> Moses injen geig Isrel tamolpein irupidai, 'Anut nai idinag go njobalu yak ago mi profet ta idinip ipalu wa. Tamol an mitep ansiganem dar lo ilasa wa.' <sup>38</sup> Saen Isrel tamolpein tan kawan ak lo dutumani an, Moses dam dida dutumani a. Inj idsad tubud baged dida dumado ya. Agog Moses did Sinai fo isidag, enel da dinijen a. Agog Anut ru kumaen san an ipani a, agog Moses afon ru an id ipanad a.

<sup>39</sup> "Gug idsad baged muroud Moses awan dumoig, inj Igipta na dumul diau wo ilod tubun mi ibol a. <sup>40</sup> Ago tag Aron durupe, 'On man tubud diri panamap, dumug dop muraep mau a. Tamol Moses dubol dan injiliad go Igipta tibiseig tupalu yan, ata injane dugo ta ipalu na da, an ta talon na ya.' <sup>41</sup> Inj atna makau mitilaen diganeg yai digane pani dugo, mel a sed

banid nam digane yak ninen mugurun tubun ak digane ya. <sup>42</sup> Ago tag Anut patun ipidinaig, an lo inaned ilod ibol ago patui keit lo yan yanad diabisa se ya. Kulob digane an profet sad girek lo wagam profet ta ru naon kisaek igire a:

'O Isrel tamolpein, dugo, anajar 40 tan kawan ak lo, ansam lou panek apanag, agod makau afup nai yai agane panag se yak i? Tia geig a.

<sup>43</sup> Ab sel asini ator se yan ansam tubud Molok san asini se ya.

Ago dugo ansam tubud Refan san mitilaen patui an asini ator se ya.

Mitilaen an yanad lo ubou ale wo asuwi idu ya.

Ago yak ninen o nai njukudan pe aup, asau mi Babilon aen ate geig amado wa.'

<sup>44</sup> "Id baged muroud Anut san ab sel a inj dida dumado yan ikubiai pidinai an diabi dugo, tan kawan ak ate da disini dutor na ya. Ab sel an nek Anut Moses ikubiaig ile yak ago mi dususe ya, Moses dugon ile yan fom ab sel an diabi a. <sup>45</sup> Murnag ab sel an id baged muroud inj tamad banid lo dinaneg, Josua dida diaug yu diabisag tamolpein sen ak sad tan lo dukudaig diau a. Agog injad tan banid na dinane ya. Ab sel an ago yen dugo yaug Dawid san saen idu ya. <sup>46</sup> Dawid iganeg Anut inj o ilon uyan geig a. Agog Dawid igudanig, Jakob san Anut ab ta ilon lo imado san yabi pani wo isumiani a. <sup>47</sup> Gug Dawid ab an ta yabi na ya. Solomon inj ab an yabi a.

<sup>48</sup> "Gug Anut a lak na geig an, inj ab a tamol banid nam diabi ak lo ta imado na da. Wagam mi profet adi sad girek lo ta igo ibol,

<sup>49</sup> 'Tubun en ibol, keit man naisag kalik kin san a, agod tan man nai njieg aten yen san aben.

Enso ab abi panag ak i?

Aben dugon lo yaes nabal ak i?

<sup>50</sup> Ak dugo, mel an fidian n̄ai banig nam n̄igane ya, an ta rumok na i?" "

<sup>51</sup> Agog Stiven Juda Kaunsil ipidai, "An̄ gurmam sakar geig. Ilom gob. Anut san ru ibol dan kududom itau geig a. An̄ nek ibol an̄anem tubum bagem igo won̄ a, man dugo, in̄ dam Awan Urgun pempem diabiani na ya. <sup>52</sup> Arupaiaḡ, dugo, gubak mi profet ta imado dugo an̄anem tubum bagem profet an̄ tinin ta dumisilani na yak i? In̄ profet adi ensauta a malad milaedi go Tamol Itaotan in̄san palu yan nin̄en profet ru dubol ilasa yan dufu dumat a. Agod an̄ gamu tamol amaiak in̄ bo an̄anem turam mok ak gug ager banid lo aganeg sisem afuni imat a. <sup>53</sup> An̄ nek en, Anut san kubiaen̄ eḡel sad banid lo an̄ane yak gug kagin ta apani na ya."

### *Stiven pat nam dufuni imat a*

<sup>54</sup> Saen kaunsil adi ru an̄ dulon̄ man, tin̄aed tubun mi imumari dugo Stiven gamad dirati pani se ya. <sup>55</sup> Gug Stiven tinin Urgun in̄anefuteg malan keit lo isidag, Anut san girager ile ya. Ago dugo Jesus Anut giran̄en won̄ ak lo itur dugo ileg ibol, <sup>56</sup> "Ale. N̄ai keit awan ipasig Tamol Nanun Anut giran̄en won̄ ak lo itur dugo n̄ile da."

<sup>57</sup> Fidian disasaitout go kududod diafutani a. Agog fidian mi dumas-palug, <sup>58</sup> Stiven diabig Jerusalem gigin na dirae dilasag, fun diganeg pat nam dufuni a. Tamol pat dubal san in̄ biouḡ dupasig pinein ta Sol dubol dak kagin ipidinai o n̄ien fun na didirsi a. <sup>59</sup> Pat nam dufuni dugo, Stiven Tubun en igudani, "O Tubun en Jesus, n̄aineg n̄utug n̄ane!" <sup>60</sup> Agog yau idug fon igudanig igo iwagin̄, "Tubun en, in̄aned aupasek en san pani naon an̄ lo fuli san man umoi." Ago ibol go imat a.

## 8

### *Sol ilo rumok adi misilaneḡ ipidinai a*

<sup>1-2</sup> Sol ante imado dugo Stiven san mateḡ ileg, ilon uyan. Ilo rumok

tamol aenkadi Stiven disareḡ, ilod tubun mi saian go awad tubun mi ditata se ya. Nek saen an lo mi Jerusalem na ilo rumok adi fun diganeg, Jesus yan̄an o muruan tubun mi disini se ya. Agog dufufurak go aenkadi Juda na aenkadi Sameria na diaug dumado ya. Ak man aposel adi Jerusalem na dumado ya. <sup>3</sup> Gug Sol man midaen̄ ititale wo yaes ifuni a. Ab ab idu isida dugo Kris tamolpein in̄al go iraug subanek ab lo idirai se ya.

### *Filip Sameria na Anut san ru ifulale ya*

<sup>4</sup> Ilo rumok adi a dufufurak go gidigheid diau na yan, aben dugo ate diau an Anut san ru dufulale se ya. <sup>5</sup> Filip Sameria na yaug, taun tubun ak ta ilon lo iladug ante sad naod na ru Kristus nin̄en o ibol ilasa se ya. <sup>6</sup> Saen tamolpein doup tubun in̄san ru dulon̄ dugo, kulob girager igane yan dile man, in̄san ru fidian dulon̄ uyan o kududod dugure ya. <sup>7</sup> Ur saian awad tubun mi disasai dugo, tamol tinid lo yak dubiseig dilasa ya. Tamolpein n̄ied itubabun, agod a dutor saian saian dan wei mi uyad isusa ya. <sup>8</sup> Ago man taun an̄ ilon lo yousai yen go tubun kasik.

<sup>9</sup> Aria, taun an lo kiai tamol ta yan̄an Saimon imado ya. In̄san sewak an lo nal kitek milaen mi Sameria tamolpein iginiaig dumasa saian. In̄sen mi in̄ tamol tubun ak se pitianoḡ san ru ago ibol. <sup>10</sup> Agod taun an sad tamolpein fidian, a yan̄ad ad da yan, agod a yan̄ad tia yan dam, kududod dugure ya. Ago dugo dubol, "Tamol en man, tubud san dabai a yan̄an Dabai Tubun Ak dubol dan, tamol emaiak in̄sen." <sup>11</sup> Nal milaen mok in̄san nawir an lo irawaig, tamolpein fidian in̄ awan paen na dumado dugo durut saian geig a. <sup>12</sup> Gug saen pein, tamol dam Filip awan lo bilalun̄ uyan ak san ru Anut san kagin panek nin̄en o, agod Jesus Kristus yan̄an nin̄en o dam dulon̄ man, in̄ ilod lo rumok a. Agog suguek diḡane ya, tamol in̄ pein da mi a. <sup>13</sup> Saimon sen dam ilon

lo rumok go suguek inane ya. Agog Filip nien fo itor dugo kulob girager funfun Filip igane dugo ileg ninen o irut saian geig a.

<sup>14</sup> Saen aposel adi Jerusalem na dumado yan Sameria tamolpein Anut san ru diñane yak dulon tag, Pita Jon da didinaig, inşad na diau a. <sup>15</sup> Sameria na dilasag, tamolpein Urgun diñane san ninen Anut dugudani a. <sup>16</sup> Man dugo, Urgun fufod na gamugo idu ya, tia, Tubun en Jesus yañan lo suguek diñane yan mi a. <sup>17</sup> Agog Pita Jon da tamolpein gurmad fo banid digane dugug, Urgun diñane ya.

<sup>18</sup> Agog Saimon tamolpein Urgun aposel adi banid lo diñane dugo ile tag, moni inañeg, Pita Jon da sad na yaug ibol, <sup>19</sup> “Dabai an n̄ai dam apanag. Agop tamol dugon banig gurman fo n̄igane dan Urgun inane wa.”

<sup>20</sup> Ak man Pita ru naon igo ibol go irupeı, “Onane moni an n̄anep, ida udeg wau. Ata wo? On ilo lo man lou panek e Anut ipanad den moni nam udad n̄ane wak ubol da. <sup>21</sup> On mañsama urat boi en lo on yaña tia ya. Man dugo, on ilo man Anut malan lo ta itaot na ya. <sup>22</sup> Ago yak ninen onsa kankan saian an umoi kisaek on. Ago dop Tubun en onsa kankan saian gane yan ipasi wo gudani wa. Nap ilo sou naok ago bube ilon lo gane dan an bo subam an ipare idu pano wak boi. <sup>23</sup> Man dugo, n̄ai n̄ilio dak, mala sek agod turak susai dam mi on tini inañefute dugo, aupasek san subanek tamol mado da.”

<sup>24</sup> An lo Saimon in Pita Jon da ru naon igo irupidai, “Gidad, an n̄ai nineg o Tubun en agudani. Agop an lo muruan abol dan n̄ai fo na ta ilasa na wa.”

<sup>25</sup> Aria, Pita Jon da Tubun en dugo won ibinawai an tamolpein durupidai dulon go inşan ru dam dubol ilasa se ya. Saen urat an digane itout man, dumul go Jerusalem na diau a. Diau dumul dugo dal dal na, Sameria panu

wei mi lo dam Anut san ru dufulale se ya.

*Filip Itiopia tamol ta isugui a.*

<sup>26</sup> Tubun en san enel ta Filip irupeı, “Masap dal Jerusalem nag Gasa na idu yau an n̄anep wau.” (Dal an tan kawan ak lo yen da.) <sup>27</sup> Ago tag Filip enel ibol ago mi igane. Dal na yau dugo Itiopia sad tamol gurman ta ile, tamol an inanen nabun dusukali a. Tamol an Itiopia Kwin yañan Kandesi san moni kagin ipani da. In Jerusalem na ubou ile wo yau ak <sup>28</sup> fon imul sen fun panu lo yau da. Karis fo profet Aisaia san ru isuti dugo yau. <sup>29</sup> Agog Urgun Filip irupeı, “Waup karis an sumeik ida au.”

<sup>30</sup> Ago tag Filip imaspalu on yaug sumeik dugo, profet Aisaia san ru isuti dugo ilon tag isumiani, “Dugo, ru suti dan fun kitek ulon di?”

<sup>31</sup> In ibol, “En dugop n̄ai ru en fun n̄alon ak i? Rumok talpein ta fun ifulale ak man nap ka n̄alon a.” Agog Filip iwagig isidag siniren na imasi a.

<sup>32</sup> Ru girek boi emaiak isuti, “In man sipsip dufuni wo diñane diau dak igo won.

In nek ibol sipsip nanun fufulun dutute dop awan itau itur dak igo won.

An lo awan kitek ipuk man tia ya.

<sup>33</sup> In miai tubun mok dupanig, in o ru itaot dubol man tia ya. Kot aen kisaek mi digane.

Enti tamol an san malan kubulan ninedi wo ru ta ka inñen ak i? Talpein ta kisaek tia ya.

Man dugo, inşan madok tan en lo digane itout go lak na yau a.”

<sup>34</sup> Itiopia tamol gurman an Filip isumiani, “Profet in enti ninen o ibol dan, gidad ubol pe n̄alon. Inşen ninen o ibol, tia, talpein sen ta ninen o ibol i?” <sup>35</sup> Ago dugug Filip girek nek en lo fun iganeg bilalun uyan ak Jesus ninen o yan ibol idug ilon a.

<sup>36</sup> Ru ifulale dugo dupalug you ta fun na dilasag, tamol gurman Filip irupeı, “You ebe ya. Dugo, mel ta isubanag pe suguek n̄igane wan tia



i?”\* <sup>38</sup> Ago man gurman an ibol dugo inſan urat pinein karis yabituani a. Agog in Filip da you lo dudug Filip tamol an isugui a. <sup>39</sup> Saen you dibiseig dilasa yan Tubun en san Ur Filip inane yau. Tamol gurman an Filip ta ile na gug ilon youn isag inſiganen na yau a. <sup>40</sup> Agog Filip Asdod† na kuai isi a. Agog turen yabig panu panu lo Jesus san bilalun uyan ak ibol ilasa dugo itor nag Sisaria na ilasa ya.

## 9

*Sol ilon ibileksag Jesus ninen o ilon lo rumok a*

*Apo 22:3-16; 26:9-18*

<sup>1-2</sup> Saen an lo Sol in Tubun en san tamolpein ifu dumat o urer ipidinai dugo ibol itor se ya. Agog pris malan te ak san na yaug, girek ta igire pani wo isumiani a. Girek an Juda ubou ab sad gurman adi Damaskus na yan ikubiai pidinai dop, tamol ta boi, tia pein ta boi, ilo rumok kagin a “Dal En” dubol\* dugo diri dan abanad ile tap, ibiap isubanaip, dida Jerusalem na diau a.

<sup>3</sup> Damaskus na yau wo dal inaneug yaug sumeik dugo gamu nam keit lo lilaman ta irakilawig, aban isapudadeg Sol ibuluwi a. <sup>4</sup> Agog yau idug tan na yen dugo awan ta iwagin dugo ilon, “O Sol! Sol! Ata wo nai malag sue dak i?”

<sup>5</sup> Ago tag Sol isumiani, “Tubun en on enti?”

Ago dugo awan an ibol, “Nai Jesus nek a malag sued ama ya. <sup>6</sup> Aria, masap waup Damaskus na ladu. Ago gup dugo gane wan dubol ulon a.”

<sup>7</sup> Tamol adi a Sol dida turen diabi dan dupartuanig ru ta dubol san tia ya. Awan ininon se yan bo dulon gug talpein nunon dile man tia ya. <sup>8</sup> Sol imasag malan ipuk gug aban ile san tia ya. Ago tag banin diabig dinaneug Damaskus na diau a. <sup>9</sup> Nal utol aban

ile san tia ya. Agog anan dam, you dam tia imado ya.

<sup>10</sup> Ilo rumok tamol ta yan Ananias Damaskus na imado se yan, malan nutun lo Tubun ak irupe, “Ananias.” Agog Ananias ibol, “Tubun en, nai ebo ya.”

<sup>11-12</sup> Agog Tubun en irupe, “Masap, waup, ‘Dal itaot’ dubol dan ate Judas san ab lo Tarsus tamol ta yan Sol dubol dak ninen o sumiai. In man igudani dugo malan nutun lo mel ta igo ile ya, tamol ta yan Ananias ipalug gurman fo banin igane dugo aban fon ile da yak ago non lo ile ya.”

<sup>13</sup> Ananias ru naon irupe, “O Tubun en, tamolpein wei mi tamol an ninen o dubol dugo nalon a. Kagin saiak saiak funfun onane tamolpein Jerusalem na yan lo igane yak san ru durupaig dugo nalon a. <sup>14</sup> Gamu pris gurman adi awok dubol go ete Damaskus na ipalug, talpein enti on yan lo ubou dile dan ibiap inal diau o ipalu ya.”

<sup>15</sup> Gug Tubun en Ananias irupe, “Wau! Man dugo, nai tamol an urat ag igane wo nipiliani a. In tinin lo tamolpein Juda tia yan, inaned kin dida, Isrel tamolpein dam naod na nai yanag kuai te irupidaip ru nai ninen o dulon a. <sup>16</sup> Agod in nai yanag o muruan tubun mi isini wan nai nukubiai pani wa.”

<sup>17</sup> Agog Ananias yaug ab lo iladug, Sol gurman fo banin iganeug ibol, “O teig Sol, Tubun ak sen idinag go nupalu ya. Jesus sen nek ete Damaskus na palu dugo dal na naon na ilasa amaiak, on afon aban ule dop Urgun on tini inaneug wo idinag go nupalu ya.” <sup>18</sup> Ago ibol ak gamu nam mel ta nek ibol iy tubulan igo won Sol malan lo yak ditapas tan na dudu ya. Agog malan ipuk go aban fon ile ya. Ago man imasa itur go suguek inane

\* **8:36:** Boi 37 Grik lo tia ya. Baibel aenta lo boi 37 igo ya. Ago tag Filip awan yabig ibol, On ilo lo rumok mok tap, on ka suguek nane wa. Agog tamol gurman an ibol, “Nai Jesus Kristus in Anut nanun an ilog lo rumok.” † **8:40:** Grik ru lo taun an yan Asotus \* **9:1-2:** Imug tamolpein man ilo rumok adi sad kagin an ninen o yan Dal En dubol se ya; murna gug yanak an Kris dubol da.

ya. <sup>19</sup> Agog anan yanig tinin fon dabai da ya.

### *Sol Damaskus na Anut san ru ifulale da*

Sol nal aenta Kris tamolpein dida Damaskus na dumado se ya. <sup>20</sup> Agog imasag itaot Juda sad ubou ab fidian lo yaug, Jesus san ru ifulale dugo ibol, “Jesus in Anut Nanun.” <sup>21</sup> Tamolpein fidian a in awan dulong se yan durut saian geig go sed nug dusumiani dugo igo dubol se, “Dugo, tamol an in sen Jerusalem na tamolpein Jesus ya nan dupate dugo ifu dumat na yak nek emaiak i? Go in e ipalu yan tamolpein iburoup, in al pris gurman adi sad na diau wo ipalu yak i?” <sup>22</sup> Gug Sol san ru fulalek dabai geig ak ninen o, Jesus in Kristus an tamolpein fidian kuai te ikubiai pidinai a. An lo Juda tamolpein Damaskus na dumado dan durut saian dugo awan diabi san muruadi.

<sup>23</sup> Murnag saen kitek milaen mi yau dugo, Juda adi Damaskus na yan Sol dufuni wo dutumanig pala an dumari. <sup>24</sup> Ak man tamol ta pasak nam irupeil on a. Tidom ad panu san dalawan te ager adi tawan digane se ya. Sol ipalu dop diabip dufuni imat san mi a. <sup>25</sup> Gug nal ta tidom lo Sol san megeloum adi dinaneg, diaug sep fog udou lo duyuweg, patun fo idu ya.

### *Sol Jerusalem na imul yau a*

<sup>26</sup> Sol Jerusalem na yaug ilo rumok adi luad isa wo igane yak gug, in Sol gamu Tubun en san megeloum mok an ilod ta rumok na yan lo ilod weiwei a. In fidian in ninen o tubun mi direr a. <sup>27</sup> Ak man Barnabas Sol in aneg aposel adi sad na diau a. Agog Sol Tubun en Damaskus dal na ile yan, Tubun en ru irupeil an dam irupidai dulong a. Agog Damaskus na Anut ru ifulale wo ta isuksuk na yan dam ibol idug dulong a. <sup>28</sup> Atnag Sol aposel adi dida dumado dugo, Jerusalem ilon lo Tubun en san ru ifulale dugo itor se ya. Ilon fidian an ru ifulale dugo tinin ta irer na ya. <sup>29</sup> Sol in Juda tamolpein Grik ru dubol dan dida dinaneg dugo

nug aen ditog na ya. An ninen o dufuni imat o dal aban dile se ya. <sup>30</sup> Agog saen ilo rumok adi ru an dulong tag, Sol dinaneg Sisaria na diaug Tarsus na didinig yau a.

<sup>31</sup> Saen an lo Kris midaen Judea na, Sameria na, agod Galili na yan an fidian maror lo mi dumado na ya. Awan Urgun midaen dabai ipidinai dugo ilod yabisa se ya. In san dabai lo midaen ilasag, tubun kasik. Agod Tubun en ninen direr dugo in san ilobol lo mi dumado dutor se ya.

### *Ainias in Dorkas da*

<sup>32</sup> Pita panu panu itor nag, nal ta Lida na Tubun en san tamolpein ate dumado dan yil o yau. <sup>33</sup> Aben an ate yau nag tamol ta nien banin dumat ak ile ya. Tamol an ya nan Ainias. In ananar 8 nion aben ta ibisei na ya. <sup>34</sup> Pita tamol an irupeil, “Ainias, Jesus Kristus on ikubunio wo da. Masap, onane nion aben kubune.” Ainias ru an ilon go gamu nam imasag itur a. <sup>35</sup> Saen tamolpein Lida na, Saron na dumado dan Ainias dileg Tubun en ninen o ilod lo rumok a.

<sup>36</sup> Jopa na pein ta ya nan Tabita, in Kris pein ta. (Grik ru lo ya nan Dorkas). In san saen tubun mi man binawek urat mi igane da. Agod tamolpein filiad tia yak ibinawai se ya. <sup>37</sup> Saen an lo subam in aneg imat, agog tinin dufulanig galun lak na yak lo diganeg yen. <sup>38</sup> Jopa nap Lida na wau man asau tia ya. Ago yak ninen o saen ilo rumok adi Jopa na yan Pita Lida na imado dak dulong tag, tamol uraru ru en disinig Pita san na diaug ilon dinaneg dugo durupeil, “Gidad mansama na ririan palu.”

<sup>39</sup> Ago tag Pita tamol uraru an dida diau a. Saen dilasa yan Pita dinaneg galun lak na yan lo diau a. Ante man pein suos Pita dutur dulubanig ditata dugo, Tabita gamugo imat dugo bioung iwei na yan dukubiai pani a.

<sup>40</sup> Agog Pita fidian idinaig patun fo dilasa dugug turun isaluwig igudani gug, idan sag naon Dorkas san sisanun ipani dugo irupeil, “Tabita,

masa!” Ago ibol dugo Tabita malan ipuk go Pita ileg imasa ya. <sup>41</sup> Pita banin iwate dugo yabig imasa itur a. Agog Kris tamolpein in Kris suos dida igiaig, Tabita kumaen imado yan ikubiai dugo dile ya. <sup>42</sup> Ru an Jopa na ifurak go, tamolpein wei kasik Tubun en ninjen o ilod lo rumok a. <sup>43</sup> Agog Pita Jopa na saen milaen mi tamol ta yañan Saimon ida dumado se ya. Tamol an makau sunulon, melmel funfun sunulod ikubune dop igane igos da.

## 10

### *Konilias Pita iwagi a*

<sup>1</sup> Sisaria na tamol ta yañan Konilias, in Rom sad yu gurman tubun a.\* Inñsan doup ititianai dan yañad “Italian Sawar”. <sup>2</sup> In, inñanen samun fidian dida Anut yañan lo ubou dile da. Juda tamolpein filiad tia yan ibunawai sinjakaan dop, pempem Anut igudani se ya. <sup>3</sup> Nal ta 3 klok guraian gudanek san saen lo malan n̄tun ta ile ya. Malan n̄tun an lo Anut san en̄el ta ipalug irupeï, “Konilias!”

<sup>4</sup> Konilias irer an lo malan ti ibol go en̄el an leil ipani dugo isumiani, “Tubun en. En dugo ya?”

Agog en̄el awan yabig ibol, “Anut on̄ane gudanek ilon̄ a. Agod on̄ane binawek urat gane dan ileg, on̄ o ilon isou da. <sup>5</sup> Ago yak ninjen o tamol ta dinaip Jopa na diaup, tamol ta yañan Saimon Pita diñanep dida dupalu wa. <sup>6</sup> In tamol ta yañan Saimon ida lon̄ aen te dumado da. Tamol an melmel funfun sunulod ikubune dop igane igos da.”

<sup>7</sup> En̄el Konilias ibisei yau dugo, Konilias yu tamol kisaek, agod inñsan ab san urat pinein uraru dida igiaig dupalu ya. Yu tamol an dam Anut yañan isini san tamol, agod in Konilias san biabi n̄ilanjal. <sup>8</sup> Agog melmel ilasa yan naod na ibol idug, idinaig Jopa na diau a.

<sup>9</sup> Salsog dal na diau dugo, ad titiñaem itur an Pita igudani wo ab

san fun̄ ilabakan an fo isida ya.†

<sup>10</sup> Imatigen saian go anañ yani wo ilon tinin fidian ibol. Anañ dineid dumado dugo Pita malan n̄tun ta ile ya. <sup>11</sup> Malan isidag keit awan ipasig mel ta yamel on̄ ak gigin iwoiwo atem diabi dugo duyuweg tan na idu dugo ile ya. <sup>12</sup> Yamel an fo bor, anakanak, mot, mudan naon funfun yil a. <sup>13</sup> Agog awan ta iwagin̄ go ibol, “Pita, masap mel an ufu idup wani.”

<sup>14</sup> Ak man Pita ibol, “Tubun en, tia geig. Juda kagin lo mel ta nun dubol dan n̄ai gubak mi n̄ani man tia geig a.”

<sup>15</sup> Ago tag awan an fon ibol, “Mel dugon Anut ikokan ibol ak, on̄ waliñ ganep, nun ta ubol na wa.”

<sup>16</sup> Mel naon kisaek an mi ilasa utol gug, fon melmel an yamel anda imul keit lo yau a.

<sup>17</sup> Pita malan n̄tun ile amaiak san fun kankan an igane dugo, Konilias tamol idinaig diau an Pita ab lo imado dan dulon̄ tag dupalug ab awan te dutur a. <sup>18</sup> Ab muroun duwagin̄ go dubol, “Tamol ta etna yañan Saimon Pita imado di?”

<sup>19</sup> Pita malan n̄tun amaiak kankan an iganed imado dugo Urgun irupeï, “Ulon̄, tamol utol on̄ abañja diabi da. <sup>20</sup> An lo udup, dida au. Ilo weiwei umoi. Man dugo, n̄aiseg n̄idinaig, on̄sa na dupalu ya.”

<sup>21</sup> Ago tag Pita idug irupidai, “Tamol abañale dan n̄ai nek en. An̄ ata wo apalu yak i?”

<sup>22</sup> Ago tag ru naon durupeï, “Yu gurman tubun ak Konilias idinamag mupalu ya. In tamol itaot mok, Anut yañan lo ubou ile da. Juda tamolpein dam tamol an yañan disini da. Anut san en̄el gun ak ta ipalug on̄ igiop inñsan ab lo waup n̄ije dop ilon̄ o ago en̄el an irupeï a.” <sup>23</sup> Ago tag Pita tamol utol an igiaig diladug atna dida dien a.

*Anut ilo rumok san dalawan Juda tia yak ate diladu wo ipasi a*

Tidom lom mi, Jopa na ilo rumok adi aenta Pita luan disag, tamol utol

\* **10:1:** In keptan, 600 yu tamol ititianai a † **10:9:** Inñsad ab fidian sad fun̄ man ilabakan. In pempem ate disida da.

an dida diau a. <sup>24</sup>Tidom kisaek dal na dien gug Sisaria na dilasa ya. Konilias inanen samun, turan muroun dam igiaig dupalu yan fidian Pita malan diganed dumado se ya. <sup>25</sup>Pita ab lo iladu wo dugo Konilias yaug Pita naon na tubud igo won turun isaluwi pani a. <sup>26</sup>Gug Pita banin idug yabisag irupei, “Masa, najai man tamol nek on igo ya.”

<sup>27</sup>Pita Konilias ru irupei dugo ida ab lo diladug, tamolpein wei mi dumado dugo yil a. <sup>28</sup>Agog Pita irupidai, “Anj alon ak. Juda sad kubiaen ibol ak, Juda tamolpein diaup tamolpein Juda tia yan dida ta mok dutumani na wa. Ak man Anut igo ikubiai panag, najai tamol ta nun ak ta njabol na wa. Ikok tia yak dam ta njabol na wa. <sup>29</sup>Ago yak ninen o saen najai ninjeg o ru gane man ta njamoi na ya. Ata wo mok najai ninjeg o ru gane yak i?”

<sup>30</sup>Ago dugo Konilias ibol, “Nal utol yau la ya. Gamu saen nek igo 3 klok guraian naisiganeg ab lo njugudani dugo, gamu nam tamol kulos malan milkouk geig ak idirig naog na itur a. <sup>31</sup>Agog irupaiag, ‘Konilias, Anut onjane gudanek ilonj a. Agod binawek urat gane dan ile dugo onj ilon isou da. <sup>32</sup>Talpein ta dinaip Jopa na diaup, tamol ta yanjan Saimon Pita ninen o dusumiai. Inj Saimon sen ak san ab lo imado da. Saimon an melmel sunjulod ikubunep igane igos da. Inj lonj aen te imado da.’ <sup>33</sup>Ago yak ninen o gamu nam onj palu wo ru njigane ya. Agog onj gane fufeig palu ya. Gamu man fidian Anut malan lo mumado da. Ak ninen o Tubun en ru dugon rupaiama malonj o ibol man, ubol dop malonj o tinima migane da.”

#### *Pita Konilias san ab samun ru irupidai a*

<sup>34</sup>Agog Pita injan ninjen fun iganeg ibol, “Gamu gug njalonj la ya. Rumok, Anut san kagin panek tamol fidian lo man naon kisaek mi a. <sup>35</sup>Enti a Anut ninen o imat dugo, injan ilobol fom imado itor dak, gidad naon tinin sen ak an fidian injal a. <sup>36</sup>Bilalun uyan ak Anut man Isrel tamolpein

ipinama yan alonj la ya. Bilalun an man inj Jesus Kristus ipilianig, tinin log id Anut da maror tumado da. Ago dugo Jesus inj tamolpein fidian sad Tubun a. <sup>37</sup>Anj kulob Isrel tan lo ilasa yan alonj a. Jon suguek iganeg itout go, Galili na mel an fun ilasa ya. <sup>38</sup>Jesus Nasaret tamol Anut ipilianig, inj fo Urgun dabai da iganeg idu yan anj alonj a. Inj panu panu itor dugo binawek igane dugo, talpein enti ta ur saian sad gurman paen na dumado dan ikubuniai se ya. Man dugo, Anut inj da dumado na ya.

<sup>39</sup>“Inj binawek urat Juda sad tan lo, agod Jerusalem na dam igane se yan man malama lo mile ya. Agog aigim fo dibalig dufuni imat a. <sup>40</sup>Gug nal utol itout an, Anut maten lo ifunig kumaen imasag, man malama lo ilasag mile ya. <sup>41</sup>Tamolpein fidian ta dile na ya. Anut man mitep fun mifulale san ipilianama yan mi mile ya. Man nek kumaen imasa yan inj da mani maluk na ya. <sup>42</sup>Agog Jesus sen ru dabai nam irupaiamag injan ru tamolpein naod na mifulale wa, ago gug idinamag mau a. Man tamolpein murupidaip, injan man tamol a tamolpein dumat la yan, agod a dumado dan dam, injad bitinaek tamol imado dak ago murupidaip dulonj an ru kagin irupaiama ya. <sup>43</sup>Profet fidian inj ninen o igo dubol ilasa, ‘Tamolpein a fidian inj o ilod rumok dan, injanen yanjan lo Anut injad aupasek ipare idu pidinai a.’ ”

#### *Tamolpein Juda tia yan Urgun dinjane ya*

<sup>44</sup>Saen Pita injinjen dugo, awan fom tamolpein a ru dulonj dan Anut injanen Urgun iwali idug fidian dinjane ya. <sup>45</sup>Ilo rumok adi a tini sunjulon tutek san mulonj lo dudu yan Jopa na Pita luan disag dupalu yan, durut saian geig a. Man dugo, ilo panek kawan ak onj Anut injanen Awan Urgun tamolpein Juda tia yan dam ipidinai a. <sup>46</sup>Ata wo? Muroun ru funfun lo Anut yanjan diabisa dugo dulonj se ya. Ago dugug Pita imasag



ibol, <sup>47</sup> “Tamolpein en id Urgun tinjane ago mi in dam dijane ya. An ninen o, dugo, suguek dijane an ninen o talpein ta yabituana i san ninen ka ru ibol ak i?” <sup>48</sup> Agog Pita tamolpein an Jesus Kristus yanjan lo suguek dijane wo ru dabai nam irupidai a. Agog nal aenta in dida dumado wo dusumiani tag atna dida dumado ya.

## 11

*Pita melmel fidian ilasa yak san ru, a tini sunjalon tutek dijane yan irupidai dulong a*

<sup>1</sup> Tamolpein Juda tia yan Anut san ru dijane yan san ru, aposel adi in ilo rumok adi Judea na dumado yan dam irupidai dulong a. <sup>2</sup> Ago yak ninen o saen Pita Jerusalem na ipalu man, Juda ilo rumok adi tinid sunjalon dutute an Pita ai dupanig <sup>3</sup> dupei, “On tamolpein tinid sunjalon ta dutute na yan dida atumanig, anan dam ani a.”

<sup>4</sup> Ago tag Pita malan ntun ile yak san ru ibol idu, <sup>5</sup> “Nal ta Jopa na ngudani dugo, malag ntun en njile ya. Keit lo mel ta yamel on gigin iwoiwo ate mi diabi dugug, duyuweg, naog na mok idu ya. <sup>6</sup> Yamel an fo man mudan naon funfun. Bor, mot, agod anakanak naon funfun dien a. <sup>7</sup> Agog awan ta irupaiag go ibol, ‘Pita, masap, melmel an ufu idup wani.’ ”

<sup>8</sup> “Ago tag naj nabol, ‘Tubun en, tia geig. Mel dugon Juda sad kagin lo nun man naj gubak mi ta mok nani na ya.’ ”

<sup>9</sup> “Ago dugo awan keit lo yan fon ibol, ‘Mel dugon Anut ikok ibol dak, on wali ganep, nun ta ubol na wa.’

<sup>10</sup> Mel naon kisaek an mi ilasa utol gug, fidian mi imul keit lo isida yau a.”

<sup>11</sup> “Ago ibol gug tamol utol Sisaria nag Konilias naisag na idinaig dupalu yan ab naj lo nmado yan san awan te dutur a. <sup>12</sup> Urgun naj ilog weiwei namoip, ririan in dida mau wo ibol a. Ago tag Jopa na ilo rumok tamol 6 luag disag dida Sisaria na mau a. Agog fidian Konilias san ab lo miladu ya. <sup>13</sup> Agog Konilias irupaiamag Anut

san enel insiganen ab lo ilasag in da durupe i an san ru ibol dugo malon a. Enel an irupeig igo ibol, ‘Talpein ta dinaip Jopa na diaup, tamol yanjan Saimon Pita ninen o dusumiai. <sup>14</sup> Tamol a bilalun irupaio wan lo on agod onane samun fidian dam patu pasek dijane wa.’

<sup>15</sup> “Nai fun njiganeg ru nrupidai man, nek ibol fun mok lo Awan Urgun id tinid fo idug tinjane yak igo won, ago mi in tinid fo dam idug dijane ya. <sup>16</sup> Ago dugug Tubun en ru ibol ak ilog isou, ‘Jon you nam suguek ipanaj a, gug an Urgun nam suguek anane wa.’

<sup>17</sup> Agod an kuai tem talon, Anut id Jesus Kristus ilod lo rumok go Urgun ipanad, ago mi tamolpein Juda tia yan ipidinai a. Nai tamol naok dugo yak pe, Anut ata ilon ibol an ntute wak i?”

<sup>18</sup> Saen ru an dulong man, in ru taidam ad tia ya, tia, Anut yanjan diabisa dugo dubol, “An rumok tap, Anut ilon yen man tamolpein Juda tia yan ilod ibileksap, kumaen pempem yen san dijane wan san dal in o dam ikasap yen da.”

*Antiok na midaen foun ak ilasa ya*

<sup>19</sup> Saen Stiven imat an mala suek tubun kasik ilasag, ilo rumok adi dufufurak go aenkadi Saipras na, aenkadi Fonisia na, aenkadi Antiok na, diau dugo in Juda tamolpein mi Jesus san ru durupidai se ya. <sup>20</sup> Ak man Saipras in Sairini da sad ilo rumok tamol aenkadi diaug, Antiok na tamolpein Juda tia yan Jesus Tubun en san ru dufulale dugo dulong se ya. <sup>21</sup> Tubun en san dabai in lo yen ak ninen o tamolpein wei kasik ilod dibilisag, Tubun en ilod lo rumok a.

<sup>22</sup> Ru an yang Jerusalem na midaen dulong tag Barnabas didinig, Antiok na yau a. <sup>23</sup> Saen Antiok na ilasag Anut san ilo panek kulob funfun midaen an lo igane dan ileg, ilon tubun mi uyanan a. Ago tag tan suek ru irupidai, “Pempem Tubun en awan kagin apani dop, ta mok abisei na wa. Gidad, muruan saian ak

gup ilom tinim fidian in apani wa.”  
<sup>24</sup> Barnabas in tamol uyanan mok. In ilon Urgan agod ilo rumok inane fute g an lo in san urat lo tamolpein wei mi ilod ibileksag Tubun en san na diaug inanen tamolpein dilasa ya.

<sup>25</sup> Agog Barnabas Tarsus na Sol abanjan yabi wo yau a. <sup>26</sup> Saen in Sol ile man, inane g ida Antiok na dumul a. Ananar kisaek midaen an lo tamolpein doup tubun dida dutumani dugo manau dipitenanai se ya. Antiok na ilo rumok adi yanak Kris an malmalan mok dijaney ya.

<sup>27</sup> Saen an lo Tubun en san profet aenkadi Jerusalem dibiseig Antiok na diau a. <sup>28</sup> Profet ta yanjan Agabas lulunad lo imasag, mitep tan fidian lo kadag tubun idu wak ninen Urgan ikubiai pani dugo ibol a. (Murnag Klodias Rom sad Kaisa imado dugo Agabas awan aban an nunon ilasa ya.) <sup>29</sup> An lo man ilo rumok adi inaned turad Judea na yan dubunawai o dubol a. <sup>30</sup> Agog inaned filiad iri panim moni diganeg Barnabas Sol da moni dupidinaig disini diaug Jerusalem na ubou san gurman banid lo digane ya.

## 12

### *Herod Jems ifuni imat dugo Pita subanek lo iganey ya*

<sup>1</sup> Saen nek an lo mi Herod fun iganeg midaen ilon lo tamolpein malad isue. <sup>2</sup> In ibol dugo Jon tein Jems sabiri nam dufuni imat a. <sup>3</sup> Saen ago igane dugo Juda tamolpein ilod uyanan ago ile tag, afon ibol dugo Pita diabi a. (Juda sad soubul gun bret yis an tia ak diani san saen lo Pita diabi.) <sup>4</sup> Pita diabig, subanek ab lo diganeg, yu tamol adi tawan an dumado se ya. Yu tamol malan iwoiwo, go malan kisaek kisaek san tamol dam iwoiwo. Malan ta tawan an dumado nap, diau dop, fon malan ta dupalu se ya. Herod in Juda sad nal gun tubun ak Pasova dubol dan saen an itout gup, Herod Pita malak malak lo kot ipani wo ilon ago isou a.

<sup>5</sup> Pita subanek ab lo imado dugo, Kris midaen Anut Pita ibinawi wo gadin dabai kasik digane se ya.

### *Anut Pita subanek lo ipasi a*

<sup>6</sup> Tidom a san salso lo Herod Pita kot ipani san saen ilasa ya. Pita banin neinta lo sein dususeg diaug, yu tamol banin aenta ida dususe kisaek a. Banin aenta man dijaneg sein nam yu tamol neinta dususe ago mi digane ya. Ago dugo in sen man titinjem yen. Yu tamol aenkadi man subanek ab san dalawan te tawan dutur go dumado se ya. <sup>7</sup> Aria tidom lak geig Tubun en san enel ante itur dugo, san lilaman subanek ab an ilon igane ilalan a. Agog enel Pita giranen ifunig malan ipuk gug irupei, “Masa kisaek on!” Enel ago ibol dugo, Pita banin nudun te sein dien an sed ditapas dudu ya.

<sup>8</sup> Ago dugo enel Pita irupei, “Onsa kulos sendal dam diri.” Pita nek ago mi igane dugo enel ibol, “Onane madiid san kulos nanep se ibuluwo gup, njeg aban uri.” <sup>9</sup> Agog Pita enel an njen aban irig subanek ab san galun dibiseig kuai te dilasa ya. Mel e ilasa den Pita san ilo sou lo man mel nunon tia ya, in malan nutun mi ile dak ago ibol a. <sup>10</sup> Ago dugo Pita enel da dupalug, yu gurman tawan aben malan te itur dan dirinani a. Agog tinin te itur an san aben dam dirinani a. Wadan geig subanek ab san dalawan tubun ain nam digane yan fun na dilasa ya. Dalawan sen ilon nam itapas, agog patun fo dilasa ya. Agog taun an sandal an dirig kitek taida dilag asau gug enel Pita ibisei a.

<sup>11</sup> Ago dugo Pita ilon ipasti gug kankan inane g ibol. “Gamugug njalon ak, mel naj lo ilasa man rumok a. Tubun en in san enel idinig, ipalug naj ibinawag go Herod tuon lo, agod Juda sad daon panek ilod isou dan lo ipasag a.”

<sup>12</sup> Mel ilasa yan kankan an kitek igane gug, Jon yanjan neinta Mak dubol dan tinan Maria san ab lo yau a. Ab an lo Kris tamolpein wei kasik

dususag dugudani dugo dumado se ya. <sup>13</sup> Pita dalawan ititi dugo, urat pein ta yañan Roda, talpein dalawan ititi dak naon ile wo ipalu ya. <sup>14</sup> Saen Pita kulagun ilon go ilon tubun mok uyanan. Agog dalawan ipasi san ilon injaon. Pein an imaspalu yaug, tamolpein dugudanid dumado dan naod na Pita ab patun fo itur dan niñen o ibol a. <sup>15</sup> Ak man in ilod lo ta rumok na tag dupei, “On nag niñeo ifuno boi.” Ago bo man pein an kawan ininon on tag dubol, “An man Pita san mitilaen boi.”

<sup>16</sup> Saen dininon se yan Pita dalawan nek ago mi ititi se ya. Ago yau na gug dalawan dupasi. Agog saen Pita dile man durut saian geig a. <sup>17</sup> Agog lein tubun mi digane tag, awad itau wo banin nam toutou igane ya. Awad itau dugug, Tubun en in subanek ab lo inaneg ilasa yan fun ifulale dugo dulon a. Agog irupidai, “Ru en Jems in ilo rumok adi dida arupidai dulon.” Ago ibol go itout an ibisawaig, aben sen ta lo yau a.

<sup>18</sup> Salso idug yu gurman a tawan dutur an luluñad lo lein tubun geig ak ilasa ya. Pita dugo yau an ta dulon na ya. <sup>19</sup> Herod ibol dugo abañan diabi ak gug tinin kitek dilet man tia geig a. Ago tag in yu tamol adi tawan dutur se yan isumianai uyanan. Ak man tia tag, ibol dugo yu tamol an dufu dumat a. Agog Herod Judea ibiseig, Sisaria na yaug, atna kitek imado ya.

### *Herod san matej*

<sup>20</sup> Herod Taia Saidon da sad tamolpein niñedi wo tinan saian. Ago tag Taia Saidon da sad tamolpein dutumanig Herod dilep dusumiani wo diau a. Malan malan mok in Blastus, Herod san ab san titianek, ilon dinane wo diau a. Agop in naod inane Herod isumiani san a. Ago diganeg, in dida ilod kisaek. An lo diaug, Herod in dida maror dumado wo dusumiani a. Man dugo, in Herod san tan lo anan dinane yan lo inñan binawek o tinid digane ya.

<sup>21</sup> Blastus Herod san na yaug, nal igane wak niñen isumiani. Agog Herod nal igane yak fom inñan kin kulos iganeg, kin san kalik fufo imasig, tamolpein ru irupidai a. <sup>22</sup> Tamolpein inñan ru dulon dugo disasaig dubol, “En tamol san kulagun tia ya. Tia, en tubud ta ininon da.” <sup>23</sup> Agog gamu nam Tubun en san enel ta Herod ifunig ibili idu ya. Man dugo, in tamol mi ibol ak imoi. Tia, awan itaug Anut yañan yabisa san imoi a. Agog kulilid inñan tinan dianig imat a.

<sup>24</sup> Gug Anut san ru itabisig, ifurak go aben fidian lo yau a.

<sup>25</sup> Barnabas Sol da Jerusalem na ubou san gurman banid lo moni digane yan san urat digane itout gug, dumul go Antiok na diau a. Saen dumul an Jon yañan neinta Mak dubol dan dinaneg dida diau a.

## 13

### *Urgun Barnabas in Sol da ipilianaignidinaig diau a*

<sup>1</sup> Antiok na midan ilon lo profet adi, agod girek manau adi dumado dan yanadi igo ya: Barnabas, Simion a yañan neinta Niger\* dubol da. Lusias in Sairini tamol. Manain man in Herod da dilasag ditalbusi kisaek. Agod Sol sen dam mi a. <sup>2</sup> Saen Tubun en yañan lo anan geg diganeg dugudani dugo Urgun irupidai, “Nai urat ta amag da yak niñen Sol Barnabas da apilianai apanag.” <sup>3</sup> Anan geg diganeg dugudani na yan itout gug Barnabas in Sol da gurnad fo banid diganeg bilalun urat banid lo digane gug didinaig diau a.

### *Barnabas Sol da Saipras na diau a*

<sup>4</sup> Barnabas in Sol da Urgun idinaig Selusia na diaug wog dinaneg Saipras nui lo diau a. <sup>5</sup> Atna taun ta yañan Salamis dubol dak lo Juda sad ubou ab fidian lo Anut san ru dufulale se ya. Jon yañan neinta Mak, inñad urat an lo ibinawai se ya.

\* **13:1:** Niger san fun man bilkas.

<sup>6</sup> Nui an lo panu panu atem ru dufulale dugo diau nag taun Pefos na dilasa ya. Atna Juda tamol ta yañan Bar-Jisas, in yañan neinta Grik lo Elimas dubol dan, imado se ya. In kiai tamol, agod profet sewak dam mi a. <sup>7</sup> Tamol an in nui an san kiap da nug turan. Kiap an yañan Segius Polas, in tamol kankan anda ya. Tamol gurman an Barnabas in Sol da Anut san ru dufulale pani dop ilon o imat tag igiaig in san na diau a. <sup>8</sup> Ak man kiai tamol Elimas in an imoi. (In yañan fun man: kiai tamol.) In tamol gurman Barnabas in Sol da sad ru ilon san imoi o igane dugo, Jesus o ilon ta rumok na yan ilon inane wo maeg igane ya. <sup>9</sup> Agog Sol yañan neinta Pol, Urgun buben inane futege malan ti ibol go Elimas ileg, irupe, <sup>10</sup> “On Satan san nanun, agod melmel dugon uyanan ak sad ager! On tini man ru sewak agod sewak kagin naon fidian inane fute ya. On pempem Tubun en san ru rumok an bilisap sewak on gane da. <sup>11</sup> Gamu Tubun en san tuon on tini fo iganep ule wa. On mala itaup ad san lilaman ta ule na wa. Agop on ago mado dop saen ipano yak fo gup aban fon ule wa.”

Gamu na mi Elimas kakao malan yafutanig, malan tidom tubun go tamol ta ile nag banin te yabi wo idab idab itor se ya. <sup>12</sup> Tamol gurman mel ilasa yan ileg, Tubun en ilon lo rumok. Man dugo, Tubun en san ru ilon go buben imasag irut saian a.

### *Pisidia provins san taun tubun Antiok ante diau a*

<sup>13</sup> Pol turan dida Pafos nag diyawaig, Pamfilia distrik na taun ta yañan Pega ante dilasa ya. Nek ate gug Jon Mak ibisawaig imul Jerusalem na yau a. <sup>14</sup> Pega dubuseig Pisidia na taun ta yañan Antiok na diau a. Agog saen Sabat nal idug Juda sad ubou ab ta lo diladu ya. <sup>15</sup> Ante talpein ta malmalan ru kitek Moses san kubiaen isutig tinin te profet adi sad girek ta dusuti a. An itout gug

ubou gurman adi Pol in Barnabas da sad na ru digane yaug dubol, “An teik adi, an ru amam da dop man, tamolpein tan suek ru kitek arupidai o iloma ibol da.”

<sup>16</sup> Ago tag Pol imasag, tamolpein malad lo banin yabisag, ru fun iganeg irupidai, “Isrel tamolpein, agod an aenkadi da Anut yañan abisa dan, kududom apanag! <sup>17</sup> Isrel tamolpein sad Anut, id tubud baged ipilianai go, saen Igipta na subanek lo dumado dugo, iganeg malad kubulad wei mok igileg dilasa ya, ago dugo filiad tubun mi diñane ya. Anut in siganen dabai tutubun ak lo injal go Igipta dibiseig dilasag diau a. <sup>18</sup> Agog ananar 40 tan kawan ak lo diau dugo, insad kagin sisiaik ile yak bo man sen yabituani dugo bu ta ipidinai na ya. <sup>19</sup> Kenan tan lo tamolpein malan 7 dumado yan iratitalaig tan an inane inane tamolpein ipidinaig an taman dumado ya.

<sup>20</sup> “Agog ananar 450 itout dugo tamol tulek gurman† ipidinai a. Tulek tamol adi an paed na mi dumado dugo, yaug, profet Samuel san saen lo ilasa ya. <sup>21</sup> Agog Samuel in kin ta ipilianip ipidinai o dusumiani a. Ago tag Anut Samuel lo tamol ta Benjamin san gugoi lo Kis nanun yañan Sol dubol dan, ipidinai a. Agog ananar 40 inaned kin imado ya. <sup>22</sup> Agog Anut Sol ipasi yau dugo inane aben lo Dawid kin igane ya. Anut Dawid ninen o igo ibol, ‘Nai Dawid, Jesi nanun inane nao lalek nukubiani uyanan a, inane buben nek ibol naisag on, an lo nai ilog ibol dak ago mi igane wa.’

<sup>23</sup> “Wagam mi mok Anut idsad tubud baged promis ipidinai ak inaned malad kubuladi lo patu pasek tamol ta ilasa wa. An lo gamu inane promis ru an nunon ilasa ya, Anut Jesus idinig Isrel sad patu pasek tamol ilasa wo ipalu ya. <sup>24</sup> Jesus urat gamugo fun igane dugo, Jon Isrel tamolpein naod na ru igo irupidaig ibol, ‘Ananem aupasek patum apanip, ilom abileksap, apalup suguek anane.’

† 13:20: Jas



<sup>25</sup> Saen Jon inanan urat wadan ifutani wo sumeik dugo isumianai, 'Anj n̄ai enti abol dak i? N̄ai man tamol a malan agane dan tia ya. Tia, tamol an n̄ai n̄ieg aban fo ipalu da. N̄ai in̄san sendal san kam n̄upasi san ta idaisuda na ya.'

<sup>26</sup> "O teig muroug, Abraham malan kubulan, agod anj tamolpein aenta Anut yan̄an abisa dan kudom agure. Patu pasek san ru man Anut idsad na iganeg ipalu ya. <sup>27</sup> Tamolpein Jerusalem na dumado dan, in̄aned gurman dida Jesus in̄ patu pasek tamol an ta dile dulon̄ na ya. An bo saen Jesus daon̄ dupani wo dubol man, in̄ profet sad awad aban Sabat nal fidian lo dusuti dan nūon diganeg ilasa ya. <sup>28</sup> In̄ bo san muruan ta dile nag lo dufuni imat san tia yak gug, Pailat Jesus ifuni imat o dusumiani a. <sup>29</sup> Agog saen ru Anut san buk lo melmel a in̄ nin̄en o ibol an fidian digane itout man, aigim fo yak dupasig gib lo digane ya. <sup>30</sup> Ak gug Anut Jesus mater̄ lo ifufunig afon kumaen imasa da ya. <sup>31</sup> Agog nal wei kasik Jesus tamolpein Galili nag n̄ien fo Jerusalem na dupalu yan naod na ilasa dugo dile ya. Tamolpein an gamu Isrel tamolpein naod na Jesus rumok dile yan nin̄en dubol ilasa dugo in̄san ru durupidai dulon̄ da.

<sup>32</sup> "Promis a Anut idsad tubud baged ipidinai an nūon ilasa ya, an nin̄en o man̄ gamu bilalun̄ an misini mupalug murupaian̄ dugo alon̄ da.

<sup>33</sup> Promis an san nūon ta dile na ya, tia, Anut iganeg Jesus mater̄ lo imasag kumaen imado dan lo mi, id in̄aned malad kubuladi an nin̄ed o mi promis ru an nūon ilasa dugo tile ya. Ru ta Isrel sad bar yabek namba uraru lo yan igo ibol,

'On̄ n̄aineg Nanug mok;  
Gamu saen en n̄ai on̄ Tama n̄umado wa.'

<sup>34</sup> Agog Anut mater̄ lo ifufunip, fon kumaen imasap, fon imat pe igan san tia yak nin̄en ru en ibol,

'N̄ai an̄ bar gun ak n̄upanan̄ a. Nek imug n̄ai Dawid promis ru

n̄upani ak ago mi n̄upano mok a.'

<sup>35</sup> Ago man bar yabek sen ak san boi ta lo dam igo ibol,

'On̄ on̄ane Tamol Gun ak ulefuni dop gib lo igan san tia ya.'

<sup>36</sup> "Dawid in̄san saen san tamolpein lulūad lo Anut ilon̄ yen ak fom urat igane se ya, agog saen in̄san urat igane itout man, imat a. Agog in̄anen bagen muroun sin̄ired na disareg, in̄san sisanun igan a. <sup>37</sup> Ak gug tamol a Anut mater̄ lo ifufunig kumaen imasa yan, tan ilon̄ lo igan man tia ya.

<sup>38</sup> "Teig taog, n̄ai ilog ibol dak an fidian mel en alon̄ uyanan a. Jesus nek emaiak lo Anut ka an̄anem aupasek fidian ipare idu wa, ru amaiak gamu murupaian̄ dugo alon̄ da. <sup>39</sup> An̄ Moses san kubiaen̄ lo itaot alasa san tia ya. Gug Jesus lo man, talpein in̄ o ilon̄ lo rumok dan Anut malan lo itaot ilasa wa. Melmel a kubiaen̄ mi igane san ta idaisuda na yan, an fidian Jesus mi ka igane wa. <sup>40</sup> Ago yak nin̄en o kagin agane. Profet adi ru dubol an an̄ lo ilasa banau. In̄ igo dubol,

<sup>41</sup> 'An̄ ru kukok agane dan, ale.

Ilom weiwei dop arut pe adeg au. Ata wo? N̄ai kulob ta an̄sam saen lo n̄igane wan nin̄en, gidad enti ta mel an nin̄en durupaian̄ an bo man, an̄ pempem ilom lo ta rumok na wa.' "

<sup>42</sup> Saen Pol Barnabas da Juda sad ubou ab an dubusei dugo, tamolpein Sabat nal naod na yan lop fon dupalup ru naon ago mi ak dubol dop dulon̄ o dusumianai a. <sup>43</sup> Agog gurman adi tamolpein tumanek dibiseip diau o dubol dugo, Juda tamolpein, in̄ a ta Juda na yak gug Juda sad ubou lo diau dan dam, Pol in̄ Barnabas da n̄ied fo diau a. Ago dugo uraru an tamolpein tan suek ru durupidaig dubol, "An̄ Anut san ilo mūjanek ipanan̄ dan lo atutou yau on̄ a."

<sup>44</sup> Ubou kisaek yaug Sabat nal idu yan lo tamolpein kitek wei mi geig taun an lo dumado dan, Tubun en

san ru duloŋ o dususag dutumani an malan tubun geig a. <sup>45</sup> Agog saen Juda adi abanŋ ago dile man, turak tubun mi dususag ru saian geig ak nam ru dugon Pol ibol ilasa dan lo dipirgini se ya.

<sup>46</sup> Ago man Pol inŋ Barnabas da ta dusuksuk nag ru naon igo durupidai, “Anut inŋsan ru malmalan anŋ murupai-anŋ alonŋ o ru kagin irupaiama ya, gug anŋsam leil lo man anŋ ibol tamolpein kumaen pempem yen dan diŋane san ta idaisuda na yak igo woŋ a. Anŋ Anut san ru amoi an niŋen o, manŋ gamu miriŋananŋ pe Juda tia yak sad na mau a. <sup>47</sup> Man dugo, Tubun en sen ru kagin irupaiama ru en ipanama, ‘Ŋai ŋiginiog onŋ Juda tia yan sad sul mado wa.

An lo dop ŋaisag patu pasek sini waup,

tamolpein a tan titin wadan fidian lo dumado dan diŋane wa.’”

<sup>48</sup> Saen tamolpein Juda tia yan ru an duloŋ man, ilod tubun mi uyanan go, inŋ bubed lo Anut san ru lak na geig disini a. Agod tamolpein a Anut gubak mi kumaen pempem san diŋane wo ipilianai amaiak fidian ilod lo rumok a.

<sup>49</sup> Tubun en san ru taun an san panu susumeik an lo ifufurak go yau a. <sup>50</sup> Ak man Juda tamolpein dumasaŋ, taun an san tamol gurman ated dusue ya. Inŋ pein yanŋad anda yak Anut ubou an dile dan dam ated dusue ya. An lo Pol inŋ Barnabas da muruan inŋ madai da dupidinaig dukudaig, aben an dibisei a. <sup>51</sup> Tamolpein an Anut san kagin panek ru duloŋ o dumoi an niŋen o, aposel adi ŋied fo gufgaf an dipilti idug, Aikoniam na diau a. <sup>52</sup> Antiok na ilo rumok adi yousai agod Urgun da tinid inŋanefuteg dumado ya.

## 14

### *Pol inŋ Barnabas da Aikonium na ru dufulale ya*

\* **14:11:** Grik inŋsad tubud sewak wei mi. Tubud an sad gurman yanŋan Seus. Agod inŋsan awan ŋilanj man Hemis.

<sup>1</sup> Kagin naon kisaek an ago mi Aikoniam na ilasa ya. Pol inŋ Barnabas da Juda ubou ab lo ru dufulale uyanan mok an lo Juda adi agod Juda tia yan dam wei mi ilod lo rumok a. <sup>2</sup> Gug Juda aenta Anut san ru duloŋ o dumoi, agog tamolpein Juda tia yan ated dusueŋ, inŋsad kankan dukubulig an lo Pol inŋ Barnabas da dil saiadi. <sup>3</sup> Gug Pol inŋ Barnabas da atna saen kitek milaen mi dumado ya. Inŋ ta direr na ya, tia, Tubun en san ru inŋanen ilo panek san an dubol ilasa dugo, Tubun en inŋsen dabai a ipidinai an lo tamolpein ikubiai dileg inŋanen ru an rumok a. Man dugo, aposel uraru an inŋsan dabai nek amaiak lo kulob girager funfun digane se ya. <sup>4</sup> Taun an san tamolpein ditarpaleg malan uraru. Aenkadi Juda dida dutur, go aenkadi man Pol inŋ Barnabas dida dutur a. <sup>5</sup> Tamolpein Juda tia an inŋaned gurman dida, agod a Juda yan inŋaned gurman dam dida Pol inŋ Barnabas da daonŋ dipidinaip pat nam dufup dumat o palaŋ ad dumari se ya. <sup>6</sup> Saen aposel ru an duloŋ tag, dusol go distrik Likonia na taun uraru Lистра inŋ Derbe da, agod panu susumeik an lo dam diau a. <sup>7</sup> Ante Jesus san bilaluŋ uyan an san fun dufulale se ya.

### *Pol taun Lистра Derbe da lo imado ya*

<sup>8</sup> Lистра na tamol ta imado. Inŋ tinan tiŋaen lo mi ŋien imat, agod itor san tia ya. <sup>9</sup> Saen Pol ru ifulale dan inŋ dam doup luluŋad lo imado dugo kududon igure se ya. Pol tamol an malan ti ibol go, ilon lo rumok ile yak niŋen o ilonŋ ak, Anut tamol an ka ibinawi wa. <sup>10</sup> Ago tag Pol awan tubun mi irupe, “Masap! Itaot utur!” Agog tamol an gamu nam imasaŋ itur go itor ila iso se ya.

<sup>11</sup> Saen tamolpein Pol ago igane yan dile man, inŋsiganed Likonia muroun ru lo duwagiŋ go dubol, “Tubud adi dibilisag, tamol onŋ go idsad na dupalu ya.”\* <sup>12</sup> Barnabas

man Seus dubol go Pol man Hemis dubol. Ata wo? Pol man ru bilabal san tamol malan te ya. <sup>13</sup> Seus san tempel taun an san ar patun fo yen da. Seus san pris makau tamol ak injal go mor dam isinig, tan san dalawan in tamolpein dida aposel yai digane pidinai o ante dupalu ya.

<sup>14</sup> Saen Pol in Barnabas da tamolpein kulob dugdugo digane dan dulon ak man, in kagin an dumoi tag in sed tinid fo bioun an dirasisire idug, dumaspalug, doup lulanad lo diladug disasaig dubol, <sup>15</sup> “An ata wo igo agane dak i? Man dam tamol nek an igo mi a. Man bilalun uyan ak ta Jesus ninen o misini mupalu da. Mansama ru an alon dop kagin sewak agane dan patum apanip, Anut kumaen imado dan mi ubou an ale wa. In keit, tan, beig igane ya. Agod melmel fidian tan fo na, agod beig ilon lo yan fidian idiri a. <sup>16</sup> Imug mi man in tamolpein yilfu dugo inaned ilobol mi digane na ya. <sup>17</sup> Gug in pempem mel sisiñaok igane ilasa na yan lo in sen fun ikubiai ale se ya. In ui iganep, keit lop idu da. Nal fom anan iganep ilasa da. Anan ipanan dugo ilo uyan dam ipanan da.” <sup>18</sup> Pol in Barnabas da ru ago dubol gug tamolpein man yai digane mok o yaes ifu da, an ninen o diabituanai o muruan geig a.

<sup>19</sup> Agog Juda aenkadi Antiok Pisidia provins atna yan, Aikoniam na yan dam dupalug, doup ilod dijaneg, Pol pat nam dufuni a. Agog diraeg, taun san ar patun fo dilasag, dibal yau a, agog diau a. Ilod lo man imat ak dubol a. <sup>20</sup> Gug saen ilo rumok adi dupalug fun na dutur dulubani dugo, Pol imasag fon imul taun ilon lo iladu ya. Dien dumasag, tidom lom mi in Barnabas da Listra dibiseig Derbe na diau a.

### *Pol Barnabas da taun Antiok a Siria na yan ante dumul a*

<sup>21</sup> Pol in Barnabas da Derbe na Jesus san bilalun uyan ak dubol ilasag, tamolpein wei mi ilod dibilisag, Jesus san megeloum dilasa ya. Agog uraru an dumul go, Listra nag, Aikoniam

nag, Antiok o Pisidia na yan lo dilasa ya. <sup>22</sup> Atna ilo rumok adi inaned ilo rumok diabi sakar o tan suek ru durupidai, agog ru en dam durupidai, “Id muruan tubun mi tisini gup, Anut san kagin panek lo tiladu wa.” <sup>23</sup> Midaen kisaek kisaek lo, tamol a Tubun en ninen o ilodi rumok dan lulanad lo Pol in Barnabas da matu aenkadi dipilianai pidinai a. Agog ninjed dugudani wo anan geg diganeg, dugudanig, Tubun en banin lo didirai diau a. <sup>24</sup> Agog dibisawaig Pisidia provins na ditilianig itout go Pamfilia provins na diau a. <sup>25</sup> Taun Perga na Anut san ru dufulale itout go lon na diaug taun Atalia na dilasa ya. <sup>26</sup> Murnag wog dijaneg Antiok a provins Siria lo yan ante dumul diau a. Aben ante gubak mi Anut san urat banid lo digane dugo in san ilo panek paen na urat digane wo idiraig dutor nag, gamu wadan dufutani a.

<sup>27</sup> Antiok na dilasag ilo rumok adi dutumanaig, Anut urat in lo igane na yan san ru durupidaig dulon a. Agog Anut tamolpein Juda tia yan ilod lo rumok san dal ipasi an dam dubol dulon a. <sup>28</sup> Agog saen milaen mi ante ilo rumok adi dida dumado se ya.

## 15

### *Aposel gurman dida Jerusalem na dutumani a*

<sup>1</sup> Tamol aenkadi Judea na yak Antiok na diaug, fun diganeg ilo rumok adi dipitejanai dugo dubol, “An Moses san kubiaen ibol dak fo mi tinim surulon atute wa. Tia dop, Anut an patum ta ipasi na wa.” <sup>2</sup> Pol in Barnabas da ru an ninen o dida tubun mi nug diabi se ya. Ago tag ilo rumok adi Antiok na yan ru kagin igo durupidaig dubol, “Pol Barnabas da, aenta dam dida diaup, Jerusalem na aposel in matu gurman adi dida muruan an ninen o dukubiai a.”

<sup>3</sup> Agog midaen didinaig, Jerusalem na diau. Fonisia in Sameria da sad dal im turen diabi dugo, tamolpein Juda tia yan ilod lo rumok go ilod dibilisa yan san sae dusue se ya.

Ilo rumok adi fidian ru duloŋ an ilod tubun mi uyanan a. <sup>4</sup> Saen Jerusalem na dilasa yan aposel adi, matu adi, agod midaeŋ fidian dupalug duyunaŋai se ya. Agog Anut iŋ lo dugo igane na yan naod na dubol ilasa dugo duloŋ a.

<sup>5</sup> Gug ilo rumok aenta iŋ dida ilod ta kisaek na ya. Tamol an imug man iŋ Farisi a. Iŋ ilo rumok adi luloŋad lo malan kisaek dumado na ya. Tamol emaiak dumasag igo dubol, “Arupidai duloŋ pe, tinid sunulon dutute dop Moses san kubiaeŋ ibol dan ago mi duri dupani. Kagin an ta dirinaŋi na wa.”

<sup>6</sup> Ago tag aposel adi iŋ matu dida dutumanig muruan an niŋen o diŋiŋeŋ a. <sup>7</sup> Niŋeŋ diganeŋ yaug milaen dugo Pita imasag ibol, “Teig muroug, aŋ aloŋ a. Malan malan mok Anut aŋ luloŋam lo ŋai ipilianag a. Agop tamolpein Juda tia yan ŋai awag lo Jesus san bilaluŋ uyanan an duloŋ pe, ilod dibilisap, ilod lo rumok a. <sup>8</sup> Ago dugo Anut a idsad bubed ilon dan iŋsan rumok Juda tia yak lo dal igo ikubiai dugo mile ya, id gubak mi Urgun ipanad ago mi tamolpein Juda tia yan dam ipidinai a. <sup>9</sup> Id Juda, agod a Juda tia yan iŋ malan lo id sensen man tia ya. Iŋ o ilod rumok an lo bubed ifulanaig ikok dilasag nek id ago mi a. <sup>10</sup> Ago yak niŋen o aŋ ata wo dal en lo Anut naon akubiani wo agane dak i? Aŋ gamu ilo rumok adi Moses san kubiaeŋ burod fo agane isuda wo agane da. Gug wagam id baged muroud, agod gamu idsed dam muruan an tisini san ta idaisuda na ya. <sup>11</sup> Ak man id igo ilod lo rumok, nek ibol Tubun en san ilo panek an lo patud ipasi wak igo won, iŋ dam ago mi patu pasek diŋane wa.”

<sup>12</sup> Doup tumanek lo yan fidian awad itaug dumado dugo Pol iŋ Barnabas da tamolpein Juda tia yan luloŋad lo Anut iŋ lo kulob girager dugo igane na yan niŋen durupidaig duloŋ a. <sup>13</sup> Inaned ru dubol itout man Jems imasag ibol, “Teig taog, kudu-dom agure! <sup>14</sup> Anut imug mi Juda

tia yan sad na ilasag luloŋad lo tamolpein aenta iŋal pe inanen yaŋan disini wo sad na yau a, an san ru Saimon irupaiad la ya. <sup>15</sup> Agod ru a Saimon ibol an profet adi sad awad aban da awad dutumani kisaek a. Insad ru igo ya,

<sup>16</sup> “Tubun en ibol, mel en itout gup ŋai ŋamul da wa.

Agop Dawid san ab yau idu yan fon ŋabisa da wa.

Ab saian an ŋabisap, afon ŋususep uyan ilasa da wa.

<sup>17</sup> Ago yak niŋen o tamolpein aenta fidian Tubun en abanaŋ diabi wa.

Agod Juda tia yan fidian a ŋai yaŋag tinid fo yen dan dam ago digane wa.’

<sup>18</sup> Tubun en mel an fidian, fun log ipalug gamu kuai tem tamolpein duloŋ san ak idirig, ago ibol ilasa ya.”

<sup>19</sup> Agog Jems fon ibol, “Ŋaisiganeg kankan lo yak ŋabol da. Id tamolpein Juda tia yan dibilisap naod Anut dupani dop muruan ta tupidinai na wa.

<sup>20</sup> Tia, girek ta tigirep ru igo turupidai a. Iŋ mel dugon tubud sewak yai digane pani dan diani dop lo sed ilod nun dupani wo dumoi a. Jeit kagin ta digane na wa. Mel a buron dususe gug tinin ilon lo san dar yen dan mudan ta diani na wa. Agod san dar dam ta diani na wa. <sup>21</sup> Id ru kagin taida turupidai san urat tia ya. Man dugo, wagam id baged sad saen log ipalug gamu, Moses san kubiaeŋ Sabat nal anen anen Juda sad ubou ab fidian lo dusuti da. Ago dugo iŋsan ru panu fidian lo dufulale da.”

### *Insad girek digire yan san ru*

<sup>22</sup> Agog aposel, agod matu adi dida midaeŋ fidian dutumanaig, awad kisaek gug tamol ta dipilianaip Pol iŋ Barnabas da dida Antiok na diau wo dubol a. Agog Sailas, iŋ Judas yaŋan neinta Basabas dubol dan dipilianai a. Tamol uraru an ilo rumok adi luloŋad lo yaŋad ad da ya. <sup>23</sup> Girek a digireg disini diau o dupidinai an san ru igo ibol:



“Anj ilo rumok Juda tia yan, Antiok na Siria na agod Silisia na amado dan, manj anjanem teim taom, aposel agod matu adi dam manjanema ilo uyan anjsam na migane ipalu da.

24 Manj malonj ak manjsama tamol aenkadi anjsam na diaug ru dubol an lo anj ilo wei dupananj dugo anjanem kankan dukubuli a. Manj inj ago digane wo ru kagin ta murupidai na ya.

25 Ago tag manj fidian mutumanig iloma kisaek go tamol aenkadi mipilianaig midinaig anjsam na dupalu da. Idaned turad mok Barnabas inj Pol da dida dupalu da.

26 Tamol uraru an idsad Tubun ak Jesus Kristus yanjan disini wo saen wei mi sed tinid dibisei se ya.

27 Aria, manj Judas inj Sailas da mipilianaig dida dupalu wa. Tamol uraru en ru a migire yan sed awad nam durupaianj dop alonj a.

28 Manjsama ilo sou lo, agod Urgun san ilo sou lo dam, mel en mi uyanan a. Manj inj da sisem murupaianj dak, anj muruan ta fon kubiaenj en subujanj tinim fo ta migane isuda na wa. Kagin nek en mi agane wa.

29 Ananj tubud sewak dupani ak ta ani na wa. Dar ani amoi. Mel ta buron dususeg san dar tinin ilon lo yen dan ta ani na wa. Jeit ta agane na wa. Kagin naok ago yan lo tinim apirani tap, nek an agane uyanan a. Nek a.”

30 Midaenj girek an banid lo diganeg didinaig Antiok na diau a. Antiok na dilasa gug ilo rumok adi fidian dutumanai gug girek an dupidinai a.

31 Agog an san ru dusuti a. Dusuti man, san tan suek ru dulonj dugo yousai tubun mi digane ya. 32 Judas inj Sailas da sisem sad teid taodi ru wei mi nam tan suek ru dupidinaig

dabai dupidinai a. Man dugo, tamol uraru en dam Anut san profet mi a. 33 Antiok na kitek dumado gug ilo rumok adi maror lo mi didinaig dumul go, siganed na diau a.\* 35 Ak man Pol inj Barnabas da Antiok na dumado dugo, ante tamol aenkadi wei mi dida Tubun en san ru dufulale dugo tamolpein manjau dipitejanai se ya.

### *Pol inj Barnabas da ilod ta kisaek na yan lo sensen diau a*

36 Murnag Pol Barnabas irupei, “Id taup, teid taod Kris a panu panu imug taug Tubun en san ru turupidai se yan ate tau a. Inj dugo dumado dan teil a.” 37 Barnabas awok ibol ak gug Jon a yanjan neinta Mak dubol dan dida diau o ilon ibol a. 38 Ak man Pol Jon dijanep ida diau san an ta uyan na yak ago ilo sou igane ya. Man dugo, gubak mi inj Pamfilia na urat digane dugo, Jon dida urat digane yau o imoig ibisawaig imul yau a. 39 Ago man ilod ta kisaek na yan lo ru dabai nam nug aen dutog se ya. An lo sensen diau a. Barnabas Jon yanjan neinta Mak injaneg ida wog dijaneg Saipras nui na diau a. 40 Gug Pol Sailas injaneg, ilo rumok adi dutumanig Tubun en san ilo panek lo kagin ipidinai o dugudani gug, urarum didinaig diau a. 41 Agog inj Siria nag Silisia na midaenj fidian dabai dupidinai dugo diau se ya.

## 16

### *Timoti, Pol inj Sailas da luad isag dida diau a*

1 Pol turenj ibateg Derbi na agod Listra na yau a. Atna ilo rumok pinein ta yanjan Timoti imado se ya. Inj tinan Juda. Agod inj dam ilo rumok peinta. Gug taman man inj Grik tamol.

2 Listra inj Aikoniam da sad ilo rumok adi fidian Timoti dupitiani da. 3 Pol inj Timoti injanep ida diau o ilon yen tag ibol dugo Timoti tinin sunjulon dutute ya. Man dugo, Juda panu fidian

\* 15:33: Boi 34 an Grik lo tia ya. v 34 Ak man Sailas gidad injsan ilo sou lo aben an ta ibisei na man uyanan a.

lo dumado dan dulong, Timoti taman man in Grik tamol. <sup>4</sup> Saen panu fidian lo diau se yan kubiaen aposel adi in matu dida Jerusalem na digane yan ilo rumok adi dupidinaig, kubiaen an mi duri dupani wo dubol a. <sup>5</sup> Ago yan lo midaen inaned ilo rumok dabai dupanig, midaen fidian nal ate mi tubun ilasa se ya.

*Pol malan n̄tun lo Masedonia tamol ta ile ya*

<sup>6</sup> Urgun in Esia san tan fidian lo Anut san ru dubol ilasa wo man geg ipidinai a. Ago tag in Frisia na, agod Galesia na mi turen diabi na ya. <sup>7</sup> Saen Misia provins san tom fo dilasag Bitinia provins lo diladu wo digane gug Jesus san Ur awok ta ipidinai na ya. <sup>8</sup> Ago tag Misia na diau on go, Troas na dilasa ya. <sup>9</sup> Atna tidom lo Pol malan n̄tun lo Masedonia tamol ta itur dugo iwagi dan ileg igo irupe, "Ete Masedonia na palup man binawama." <sup>10</sup> Saen Pol mitilaen an ago ile man, gamu nam man ru kagin irupaiamag Masedonia na mau san aban mukubune ya.\* Man dugo, mitilaen an man kankan ipanama yak, Anut man atna maup bilalun uyanan an tamolpein sad na mufulale wo igiama ya.

*Filipai na pein ta yan an Lidia in ilon lo rumok a*

<sup>11</sup> Troas na wog minaneg tim idudunamag itaot geig Samotres na mau a. Agog maen, mumasag, Niapolis na mau. <sup>12</sup> Atnag niema nam maug, Filipai na milasa ya. Masedonia distrik lo Filipai in taun malan te ya. Taun an Rom gabman inane ya. Man atna kitek dam mumado ya.

<sup>13</sup> Sabat nal lo taun mubiseig, you ta aen te mau. Iloma lo Juda sad gudanek aben ta ate mile wak mabol. Agog mumasig, pein ante dutumani ak Anut san ru murupidai se ya. <sup>14</sup> Pein a ru dulong na yan lulunad lo kisaek ta yan an Lidia. In Taiataira pein. In yamel daran naon lak na

geig ak in san na didad da. Pein an in Juda tia yak gug in Anut o ubou ile da. Saen Pol ru ibol dugo Tubun en iganeg buben isofulale dugo inanen ru inane uyanan go ilon lo rumok a. <sup>15</sup> Agog Lidia inanen ab samun dida fidian suguek dinane gug isumianama, "Ananem ilom lo nai akubianag ak Tubun en san ru niganuri dan ilom ago isou tap, apalup naisag ab lo tumado wa." Ago dugo Lidia dabai igane on tag ida mau a.

*Pol in Sailas da dusubana a*

<sup>16</sup> Nal ta man gudanek aben lo mau dugo, dal na urat bigabeg pein ta ipalug iliama ya. In ur ta kiai panek san aman da ya. Ur saian an mel murnap ilasa wan pein an awan lo ibol ilasa da. Dal an lo pein an moni tubun mi inanen tirnek tamol adi inane pidinai da. <sup>17</sup> Pein an man Pol da niema aban irig isasai dugo, igo ibol se, "Tamol en in Anut lak na geig ak san urat tamol. In dal dugo lo patu pasek anane san ak dubol ilasa da." <sup>18</sup> Nal wei kasik ago iginiamag, Pol tinan saian tag nal ta idansag, ur saian an ipei, "Nai on n̄rupaio da, Jesus Kristus yan an lo pein an biseip lasa wau." Ago dugo gamu nam ur saiak pein an ibiseig ilasa kisaek on a.

<sup>19</sup> Urat bigabeg pein an san tirnek tamol adi moni dinane san dal itau an dile tag, Pol in Sailas da duburoug, diriaig didaen aben lo kot dupidinai o diau a. Ante gurman adi naod na dugunai a. <sup>20</sup> Agog in Rom san tulek tamol an naod na ru dupidinaig dubol, "Tamol en Juda tamol. In idsad taun lo muruan digane da. <sup>21</sup> In kagin idsad kubiaen lo geg an tamolpein dipitenanai da. Id Rom tamolpein insad kagin dubol dan tinane dop tiri san tia ya."

<sup>22</sup> Agog doup tubun an dumasag, Pol in Sailas da dufu wo fun digane. Tulek tamol an Pol in Sailas da tinid fo kulos disire idug, bu dupidinai o dubol. <sup>23-24</sup> Agog dufu saian go subanek ab lo didirai a. Tamol a subanek

\* **16:10:** Ete Troas na Luk in san luad isag dida diau a.

ab ititiani dan isubanai sakar o durupei tag, ibilai galuŋ ilon lo geig ak lo diladug, ai lapan uraru muruadi ak nam niedi ipini a.

<sup>25</sup> Tidom luak igo wonŋ Pol inŋ Sailas da Anut dugudani dugo bar diabi se ya. Ago dugo subanek tamol fidian awad duloŋ se ya. <sup>26</sup> Agog gamu nam kanaurig tubun ak ilasag subanek ab san fun an iguri dugo, dalawan fidian awad itapas a. Agog n̄ied banid lo sein a ate dsubanai an sed itapas diau a. <sup>27</sup> Subanek ab san titianek yen nag imasa yan, dalawan awad itapas ak ileg, subanek tamol fidian dusol diau ibol go, in̄siganen sabiri igursig, nam sen ifuni imat o sumeik a. <sup>28</sup> Ago dugo Pol awan tubun mi iwagiŋ go ibol, “Se ifuno umoi. Maŋ tet mi mumado da.”

<sup>29</sup> Subanek ab san titianek lam disini dupalu wo iwagiŋ. Agog isuruwor oŋ imaspalug iladug, Pol Sailas da n̄ied fun na turun isaluwig idu ya. <sup>30</sup> Agog in̄al go patun fo dilasag isumianai, “Nai dugo n̄iganep lo patu pasek n̄inane wak i?”

<sup>31</sup> Agog ru naon durupei, “Oŋ Tubun en Jesus niŋen o ilo rumok tap patu ipasi wa. Oŋane ab samun dam patud ipasi wa.” <sup>32</sup> Agog Tubun en san ru in̄anen ab samun dida naod na dufulale ya. <sup>33</sup> Tidom an lo mi subanek ab san titianek Pol inŋ Sailas da dufunai na yan sad baob ifulanig ifou pidinai. In̄anen samun fidian dida ilod lo rumok go suguek diŋane ya. <sup>34</sup> Agog Pol inŋ Sailas da in̄al go ab lo disidag anan̄ ipidinaig diani. Titianek an in̄anen samun dida ilod tubun mi uyan a. Man dugo, inŋ gamu Anut ilod lo rumok.

<sup>35</sup> Tidom lom mi tulek tamol adi in̄sad aikatuk adi didinaig diaug subanek ab san titianek igo durupei, “Tamol uraru an pasaip diau a.”

<sup>36</sup> Ago tag titianek tamol an Pol irupei, “Gurman adi oŋ Sailas da n̄busawan̄ pe alasa wo uyan dubol a. Ago yak niŋen o an̄ maror lo mi au a.”

<sup>37</sup> Gug Pol aikatuk an irupidai, “Maŋ mel ta migane saian man tia ya.

Agod mel an fun niŋen o ta dusumianama na ya. Maŋ bo dam Rom tamol gug kawan geig malak malak bu nam dufunama ya. Agog subanek ab lo diginiama gug, gamu fon pasak nam didinamap mau o digane dak i? Maŋ ta mok mau na wa! Gurman adi in̄sed mok dupalup, dupasamap milasa gup mau a.”

<sup>38</sup> Ago tag aikatuk adi diaug, gurman adi naod na Pol awan aban dubol ilasa ya. Saen gurman adi Pol Sailas da inŋ Rom tamol an duloŋ man direr saian geig a. Man dugo, kabelan inŋ dam naon diŋane banau. <sup>39</sup> Ago tag diaug, Pol inŋ Sailas da naod na inŋ digane saian ak niŋen o in̄aned muruan ilod in̄aon̄ o dugudani a. Agog diŋal go subanek aben dubuseig dilasag, panu dubuseip diau o dusumianai da. <sup>40</sup> Ago tag Pol inŋ Sailas da Lidia san ab lo diau a. Atna ilo rumok adi dumado dugo, tan suek ru durupidaig dubusawaig diau a.

## 17

### *Pol Tesalonaika na Anut san ru ifulale ya*

<sup>1</sup> Pol in̄san urat kisaek ak dida turen̄ diabig diaug, Amfipolis nag, Apolonia nag, Tesalonaika na dilasa ya. Atna Juda sad ubou ab ta yen da. <sup>2</sup> Pol in̄san kagin mi irig ubou ab an lo iladug Sabat nal utol tet mi tamolpein dida ru Kristus niŋen o Anut san buk lo yen dan niŋen o ru dabai lo dida diŋin̄en se ya. <sup>3</sup> In̄ mel en ifulale pidinai a, Kristus muruan madai da isinip imat gup fon kumaen imasa da wan an urat anda ya, ago dugo ru ta Anut san buk lo yen dan lo Kristus mel an yabi-rin̄ani san tia geig ak niŋen o kuai te ikubiai pidinai o maeg igane se ya. Ago dugo igo irupidai, “Jesus nek e niŋen o n̄abol ilasa den in̄sen mi Kristus.” <sup>4</sup> Juda aenkadi ru a Pol ibol ilasa se yan rumok dupanig Pol inŋ Sailas da luad disa ya. Ago dugo Grik tamol aenkadi Anut o ubou dile dan, agod pein yanad anda yak aenkadi dam nek ago mi digane na ya.

<sup>5</sup> Ak man Juda aenkadi Pol san urat dileg, turak dususa se ya. Ago tag tamol saiadi a taun san tumanek aben lo kawan dumado dan diñal go dutumanai a. Agog in tamolpein taun a lo dumado dan fidian bubed diabisag, Jeson san ab digileg, Pol in Sailas da abañad diabi se ya. In sad ilo sou lo man diliaip duburoup, tamolpein malan tubun an sad na diñal diau o digane. <sup>6</sup> Ak man ta dil na tag Jeson in ilo rumok aenkadi dida diñal go taun an san gurman adi sad na diau. Agog duwagin go dubol, “Tamol en kubulek tubun kasik digane dugo dutor nag, gamu idsad taun lo dam dupalu ya. <sup>7</sup> Agog Jeson tamol an injal go in san ab lo dida dumado da. In fidian Kaisa san kubiaen igane yan dipilali dugo, kin neinta imado dak ago dubol a. Kin an yan Jesus dubol da.” <sup>8</sup> Saen ru an dubol man tamolpein malan tubun an, in taun san gurman dam fidian tinjad saian dugo ta dumado wo uyan se na ya. <sup>9</sup> Ago tag gurman adi moni sapita Jeson ipidinai dop diñane wo ida ru dufuni a. Aria, ru a dufuni an ilon lo, Jeson afon tamolpein muruan ipidinai tap, moni an ta inane da na wa. Agog Jeson moni an inane ipidinai gug, ka diau ak ago dubol tag, Jeson tein taon Kris an injal go dida diau a.

#### *Beria na tamolpein wei mi Jesus o ilod rumok a*

<sup>10</sup> Saen tidom idu dugo, ilo rumok adi Pol in Sailas da didinaig, Beria na diau. Diaug dilasa man Juda sad ubou ab ta lo diladu ya. <sup>11</sup> Juda adi ete dumado den a Tesalonaika na dumado dan ago tia ya, tia, in kankan uyanan ad da ya. Ago yan lo Pol san ru diñane wo yaes ifu se ya. Agod nal pempem ru a Anut san buk lo yan dusuti dugo Pol san ru ifulale se yan ida dibitinae dile se ya. <sup>12</sup> Amaiak ninen o Juda wei kasik ilod lo rumok a. Grik pein kitek wei mi yanad ad da yak, in Grik tamol dida ilod lo rumok a.

<sup>13</sup> Saen Juda adi Tesalonaika na yan Pol Beria na Anut san ru ifulale dan

dulon tag dupalug, tamolpein ated dusue dugo tinjad saian se ya. <sup>14</sup> Ago tag gamu nam ilo rumok adi Pol didinig, lon na yau a. Gug Sailas in Timoti da man Beria na dumado se ya. <sup>15</sup> Tamol a Pol diñane ida diau man diaug, Atens na geg gug tamol an afon idinaig Sailas in Timoti da ririan in luan disa wo ru igane sad na yau a. Agog saen ru diñane man Beria dibisei kisaek on go in san na dupalu ya.

#### *Pol Atens na ru ifulale ya*

<sup>16</sup> Saen Pol Atens na Sailas in Timoti da malad igane dugo, taun an ilon lo tubud sewak an mitilaedi wei mi yil dugo, ilon imasag ilon muruan geig a. <sup>17</sup> Ago tag ubou ab lo Juda tamolpein, agod tamolpein Juda tia gug Anut ubou an dile dan Anut san ru irupidai dugo, dida tubun mi diñane ila iso se ya. Nal pempem ensauta dadeñ aben lo dumado tap, tamolpein an dam ru irupidai dop dida diñane se ya. <sup>18</sup> Ago dugo manau tamol malan uraru dida diñane dugo nug aen ditog. Malan ta yanad Epikurian, malan neinta yanad Stoik. Malan uraru an lulunad lo aenkadi igo dubol, “Ak dugo, awa you manau an tia amaiak dugo ibol o maeg igane dak i?” Ago dugo aenta dubol, “In tag tubud gol ak ninedi wo ru ifulale dak boi a.” In ago dubol dan fun man, Pol in Jesus agod in san mater lo kumaen imasa amaiak san ru ifulale se ya. <sup>19</sup> Aria, Atens ilon lo bubun ta yan Ariopagus dubol da. Aben ante taun an sad kaun sil dutumani da. Agog diñane Ariopagus tumanek aben ate diñane diaug durupe, “Onsa piteñane foun an naoma na ubol ilasa dop ka malon ak i? <sup>20</sup> Onsa piteñane senamo geig ak kududoma lo ililanan da. Ago yak ninen o melmel an sad fun malon mok o iloma yen da.” <sup>21</sup> Atens tamolpein, agod gol tamolpein aenkadi dupalug dumado dan in melmel foun ilasa dan ninen o mi nug naon na dubol dopulon o dumat da. Inaned saen tubun mi ago digane da.



<sup>22</sup> Ariopagas gurman a dutumani an naod na Pol imasa itur go ibol, “An Atens tamol kududom agure. Naisag leil lo man, ananem kagin fidian lo tubud adi ubou ad ale wo yaes isofutanana da. <sup>23</sup> Man dugo, saen najai anjam taun ilon lo njitiliani njator se man, malag yaug melmel a lo ubou amad ale dan nejil a. Ago dugo alta ta fufogirek ta igo digire yak njile ya. Girek an igo ya, ‘Alta en tubud enti id ta talon na yak san a.’ Aria, gamu tubud a ta alon nag ubou an ale dan, gamu anjam na njabol ilasa wo da. <sup>24</sup> Anut a tan in keit da iganeg mel fidian ilon lo dam idiri an, insen keit agod tan da sad Tubun ak imado da. Agod in tempel tamolpein banid nam dufou yak lo ta imado na da. <sup>25</sup> Agod in mel o katukan dop tamol banid nam ta dibinawi na da. Man dugo, insen amaiak tamolpein fidian kumaen di ur, agod mel fidian dam ipidinai da. <sup>26</sup> Tamol kisaek mi igane gug lo tamol naok funfun ilasag, tan fidian lo dumado da. Gamugo iginiai dugo, insen mi tamolpein warou anen anen saen dumado wak ibalsi pidinai a. Agog tan geg ak anen anen ate mi itarpale pidinai a. <sup>27</sup> In ago igane yan lo, tamolpein fidian Anut abanan diabi wa. In tag mala nouk lo didabdab gup dile wak boi ago digane wo idirai a. Ago bo man Anut man id anen anen sad na asau mi ta imado na da. <sup>28</sup> Man dugo, talpein ta igo ibol,

‘In lo man, id kumaen tumado dugo tala taso da,  
agod in lo dam idsad madok san fun yen da.’ Taida mi, ananem profet aenkadi dam igo dubol,  
‘Rumok, id man inanen malan kubulan.’

<sup>29</sup> Id Anut malan kubulan, ago yak njinen o Tubud a rumok an nek ibol mel ta silva, gol pat da nam tamol digane yak on ago ta ilod isou na wa. Mitilaedi an fidian man tamol banid kulob an lo siganed manjau lo mel an banid nam didirai ilasa ya. <sup>30</sup> Id fidian tinjon dugo kagin ago tigane na yan san saen lo Anut iliad funad

se ya. Gug gamu man Anut ru dabai nam tamolpein fidian irupidai dop, ilod ibileksap inaned kagin saiak an patud dupani wa. <sup>31</sup> Man ata wo? Nal ta lo in kagin itaot ak lo mi tamolpein tan tilianek lo dumado dan bitinaek lo idirai an ibalsi la ya. Tamol a in wagen lo bitinaek urat an igane wan ipiliani la ya. In ru e rumok an tamolpein fidian kuai te ikubiaig dile yan sandal man nek igo ya, tamol a mater lo ifufunig afon kumaen imasa da ama ya.”

<sup>32</sup> Saen tamol adi a Ariopagus na yan Pol tamol ta mater lo kumaen imasa da yak san ru ibol dugo dulon man, aenkadi kukok an digane se ya, ak man aenkadi dubol, “Man ru e mel an njinen o ubol den afon nal tap malon a.” <sup>33</sup> Agog Pol tumanek an ibiseig yau a. <sup>34</sup> Gug tamol aenkadi inanen ru ilod lo rumok an lo luan disa ya. Lulunjad lo tamol ta yanjan Daionisias in Ariopagus kaunsil ta. Agod pein ta yanjan Damaris, ago dugo tamolpein aenta dida ilod lo rumok a.

## 18

### *Pol Korint na Anut san ru ifulale ya*

<sup>1</sup> Pol Atens ibiseig Korint na yau a. <sup>2</sup> Atna Juda tamol ta yanjan Akwila ile ya. Tamol an Pontas tamol. In iwon Prisila da wari na geig Itali dibiseig Korint na dupalu ya. Man dugo, Kaisa a yanjan Klodias dubol dan, Juda fidian a Rom na dumado dan Rom dibisei wo ru dabai nam ru kagin ago irupidai a. Ago tag Pol Akwila iwon da yil o sad na yau a. <sup>3</sup> Pol man ab sel ak san niganag tamol. Akwila iwon Prisila dam in da urat kisaek a. Fun an lo Pol in dida dumado dugo sisem ab sel diweig didaen lo didiri dugo moni dinane se ya. <sup>4</sup> Ago dugo Pol in Sabat nal anen anen ate mi Juda sad ubou ab lo tamolpein a ate dumado dan dida dinjen dugo nug aen ditog se ya. An lo Juda aenkadi agod Grik tamolpein dam ilod inaneg Jesus o ilod rumok a.

<sup>5</sup> Saen Sailas in Timoti da Masedonia na dupalug Korint na dilasa man, Pol inſan ab sel iwei se yan ibiseig saen tubun mi Tubun en san ru ifulale se ya. In Juda tamolpein mi naod na Kristus man inſen Jesus an irupidai dulon se ya. <sup>6</sup> Gug saen in Pol san naon diabi dugo nao futek ru dupani se man, ilon imoi ak ninen o inſan kulos fo gufgaf dien an igigiani idu ya. Agog patun ipidinai ak san ru en igo irupidai, “An adeg au tap, an aſanem mel mi a, nſaisag wadan tia ya. Ak ninen o gamu saen e yau den, nſai tamolpein Juda tia yan sad na nſau a.”

<sup>7</sup> Agog ibisawaig, tamol ta yanſan Titius Jastus san ab lo yaug ida dumado na ya. In Juda tia gug Anut ubou an ile da. Inſan ab Juda sad ubou ab giranen na itur da. <sup>8</sup> Aria, ubou ab an san gurman yanſan Krispas dubol dan Tubun en ninen o ilon rumok a, agod inanen samun fidian dam ilod lo rumok a. Korint tamolpein wei mi Pol awan dulon go ilod lo rumok gug suguek diſane ya.

<sup>9</sup> Nal ta tidom lo Pol malan nſutun ile dugo Tubun en irupe, “On ta urer na wa. Tia, ubol ilasa dop awa ta mok itau na wa. <sup>10</sup> Man dugo, nſai on da tumado da. Talpein ta on ifunop saian ipano san tia ya. Ete mado, man dugo, tamolpein wei mi taun en lo dumado dan nſaisag tamolpein.” <sup>11</sup> Ago tag Pol atna anaſar kiſaek wadan da imado dugo, taun an san tamolpein ilod lo Anut san ru ipiteſanai se ya.

<sup>12</sup> Ak man saen Rom gurman ta yanſan Galio dubol dan, Akaia provins san tirnek tamol ilasa man, Juda adi dutumanig kankan kiſaek ad da yak lo, Pol kot dupani wo diabig, diſane diaug gabman san kot naon na dugunig <sup>13</sup> dubol, “Tamol en kubiaen iriſani da. Ata wo? In tamolpein dal senamo yak lo Anut ninen o ubou digane wo ilod inane wo maeg igane da. Gug dal an kubiaen ta iri na da.”

<sup>14</sup> Pol awan ipuk go ininſen o igane ibol ak Galio imasag Juda adi irupidai, “Muruan gamu en kagin saiak san, tia, mala suek saian geig ak san

ago tap, an Juda awam nſalon san an dal ag da wa. <sup>15</sup> Ak man gamu an aſumianag dak, nſai ru ta, yanſak, agod aſanem kubiaen dam mel naok an mi nſibitinae wo abol da. Nſai ru naok ago yak ta nſibitinaep nſukubune na wa. Ago yak ninen o aſsem muroum mi ale gup akubune wa.” <sup>16</sup> Ago ibol dugo ikudaig kot aben dubiseig, patun fo dilasa ya. <sup>17</sup> Juda tamolpein an fidian in ubou ab san gurman ta yanſan Sostenis dubol dan diabig, kot malan lo malak malak dufuni se ya. Ak man Galio ka yilfu on a.

#### *Pol Korint ibiseig Antiok na yau a*

<sup>18</sup> Pol nal wei mi ilo rumok adi dida Korint na dumado gug wog inane gwila iwon Prisila da dida Siria na diau a. Wog gamugo inane dugo Senkria na gurman roun ibol dugo dutute ya. Man dugo, inug mi Anut malan lo promis ru ibol an nunon igane yak ninen o inſan promis an igane itout a. <sup>19</sup> Diaug, Efesus na dilasag, atna Pol Akwila in Prisila da ibisawaig, ubou ab lo iladug, Juda dida Kristus ninen o ru lo nug aen ditog se ya. <sup>20</sup> Atna saen milaen mi dida dumado wo dusumiani ak man in imoi. <sup>21</sup> Gug saen yau o dugo irupidai, “Anut nſamul o ibol tap, nſai aſsam na nſamul da wa.” Agog Efesus ibiseig iyawai a.

<sup>22</sup> Agog Sisaria na ilasag, Jerusalem na isida yau. Atna midaen ilo uyan ru irupidai gug Antiok na yau. <sup>23</sup> Antiok na kitek imado gug yaug Galesia ilon lo iladug, Frisia na dam ilo rumok adi fidian dabai ipidinai dugo yau on se ya.

#### *Juda tamol yanſan Apolos Anut san ru ifulale ya*

<sup>24</sup> Saen Pol yau imul dugo Juda tamol ta yanſan Apolos, tinan Aleksandria na igansi ak in Efesus na ipalu ya. In ru bilabal nimaſau man uyanan geig. Agod Anut san ru girek lo yen dan ilon siſaokan. <sup>25</sup> In Tubun en san ru dupiteſani siſaokan. Agog buben imasag, Jesus san ru itaot mi ifulale dugo tamolpein ipiteſanai.

Gug in Jon san suguek an mi ilon.  
<sup>26</sup> Aria, saen Efesus na ilasa man, Juda sad ubou ab lo ru dabai anda ifulale dugo Akwila in Prisila da dulon a. Ago tag dijaneg, insigane ab lo diaug, Anut san dal taidam itaot dukubiai panig ilon a. <sup>27</sup> Agog Apolos Akaia provins na yau o ibol tag, Efesus na ilo rumok adi ilon dabai dupanig dubunawig, girek ta digireg Kris tamolpein ate yak durupidai, "Tamol en anjam na ipalu tap, ayunani wa." Saen Akaia na ilasa man, tamolpein a Anut san ilo munane log Jesus o ilod rumok an ibinawai sinjakan a. <sup>28</sup> Man dugo, insan ru dabai anda ibol se yan lo malak malak ru lo nug aen ditog dugo in Juda ibiai dudu ya. Ago dugo ru Anut san buk lo yen dan isuti se yan lo ikubiai pidinai ak, Jesus man injen Kristus.

## 19

### *Pol Efesus na Anut san ru ifulale ya*

<sup>1</sup> Saen Apolos Korint na imado dugo, dal ta did fufo mi yau ak Pol irig Efesus na yau. Atna ilo rumok aenkadi dumado dugo yil tag <sup>2</sup> isumianai, "Saen an ilom lo rumok an Urgun anane yak i?"

Ago dugo in dubol, "Man ru ta Urgun ninen o kitek malon man tia ya."

<sup>3</sup> Agog fon isumianai, "Ak dugo, an suguek naon dugo yak anane yak i?"

Agog awan diabig, dubol "Man Jon san suguek minane ya."

<sup>4</sup> Ago tag Pol irupidai, "Jon san suguek man tamolpein inane aupasek patud dupani ak san a. In Isrel tamolpein irupidai, 'Tamol a nai nieg aban fo ipalu dan ilom lo rumok a. Tamol an Jesus.' "

<sup>5</sup> Ru an dulon go Tubun en Jesus yan lo suguek dijaneg ya. <sup>6</sup> Agog saen Pol banin gurma fo igane man, Urgun in tinid fufo idu ya, ago dugo muroun ru sensen ak lo dijaneg dugo, profet ru dam dubol ilasa se ya. <sup>7</sup> Tamol an nunod 12 igo won.

<sup>8</sup> Kalam utol Pol Juda sad ubou ab lo yau imul dugo Juda tamolpein

Anut san ru dabai anda irupidai se ya. Agog ru lo dam dida nug aen ditog dugo Anut san kagin panek san fun ifulale ilasa se ya. Ago dop dulon pe ilod lo rumok o ago igane se ya. <sup>9</sup> Ak man aenkadi kabunad sakar kasik an lo ru an ilod lo ta rumok na ya. Taida mi in midaneg malad lo Kris adi sad ilo rumok yan "Dal En" dubol dan ninen o ru saian dubol ilasa da. Ago tag Pol megeloum foun ak injal go, nal pempem Tiranias san galun tubun ak lo dutumani dugo, a Juda tia yan dam dida Jesus ninen o dijaneg ila iso se ya. <sup>10</sup> Anajar uraru nek ago mi igane dugo, Esia distrik lo Juda tamolpein, agod a Juda tia yan dam fidian Tubun en san ru dulon a.

<sup>11</sup> Anut kulob girager funfun Pol banin lo igane ilasa ya. <sup>12</sup> Insan silali isuas san yamel boi, urat san yamel an tamolpein subam amad da yan sad na dijaneg diaup tinid fo digane dop subam ibisawai se ya. Ur sisaiak amad da yan dam nek ago mi digane se ya.

<sup>13</sup> Juda aenkadi a ur saiak dukudai diau dugo dutor dan, Jesus yan lo ur sisaiak an dibilitaep dukudai o ilo sou ago digane. Agog ur saiak tamol tinid lo dumado dan igo dupidai, "Jesus yan a Pol ifulale dan lo alasap au kisaek on o man murupian da." <sup>14</sup> Juda pris gurman ta yan Skeva in nanun 7 kubol an digane dugo dutor a. <sup>15</sup> Gug saen ta tamol ta ur saian anda yak durupeidugo, ur saian awad yabig ibol, "Nai Jesus nalon. Agod Pol dam nalon. Gug an en sauta yak i?"

<sup>16</sup> Ago ibol ak tamol ur saian aman da yan imasag, maeg igane ifu saian. Tinid daon ipanig sad kulos irasisare idu ya. Agog Skeva nanun 7 an dar ad da nunod kawan ab lo dilasag dumasalu on go dusol diau a.

<sup>17</sup> Agog Efesus na Juda tamolpein, agod Juda tia yan fidian ru an dulon go tubun kasik direr. Agog Jesus Tubun en yan man lak na geig diabisa. <sup>18</sup> Ilo rumok adi wei kasik dupalug, malak malak mel digane

saian man kuai tem dufulale se ya. <sup>19</sup> Wei tinan buk lo nawir san maŋau diŋane yan inŋsad buk disini dupalug dutumanig, tamolpein fidian malad lo dumari inani yau a. Buk an fidian san naod dutumanig, fifti tausen kina (K50,000) igo ilasa ya. <sup>20</sup> Kulob funfun dabai anda dilasa yan lo, Tubun en san ru nek ago mi ilasag yaug tubun geig dugo, ifufurak go aben fidian lo yau a.

*Efesus tamolpein tiŋae saiak dia-bisa ya*

<sup>21</sup> Murnag mel fidian ilasag itout an, Pol yaup Masedonia nap Akaia na gup Jerusalem na yau o Urgan kankan ipanig ibol, “Aben an fidian ate ŋau itout gup, Rom na dam ŋau a.” <sup>22</sup> Ago tag inŋsan binawek uraru Timoti in Irastas da idinaig, Masedonia na diau. Agog inŋsen man saen kitek milaen mi Esia provins lo imado ya.

<sup>23</sup> Saen nek an lo mi muruan tubun ak “Dal En” ninen o Efesus na ilasa ya. <sup>24</sup> Tamol ta, yaŋan Demitrias, in silva nam melmel igane da. In silva nam tubud pein ta yaŋan Artemis san tempel mitilaen wei mi igane idu ya. Agod inŋsan bisnis an lo moni tubun mi irae dugo, inanen urat tamol dam urat an lo moni tim an tubun mi diŋane da. <sup>25</sup> Ago tag inanen urat pinein agod aenkadi inŋsad urat naon kisaek an dam igiaig itumanaig irupidai, “An tamol gamu atumani an alon ak, idsad moni man urat nek en lo tile da. <sup>26</sup> Agod gamu tamol a Pol dubol dan kulob igane dak ansem dam ale alon a. In ibol, tubud a tamol banid nam digane yan tubud tia ya. Ru an lo Pol tamolpein wei kasik naod yabitig ilod ibilisa ya. Tamolpein fidian Efesus na, agod wei mi Esia provins ilon lo dam, ru an dulon la ya. <sup>27</sup> Agod muruan tubun ak yen da. Idsad bisnis yen yaŋak saian ak inane wa. Muruan an mi tia. Taidam tubud pein Artemis san tempel mel kawan dubol dop inŋsan yaŋan tubun an fon diabi idu wa. Tubud pein an Esia provins lo,

agod tan titin fidian en lo tamolpein ago mi ubou an dile da.”

<sup>28</sup> Doup tubun ru an dulon man tiŋaed tubun mi saian tag disasai dugo dubol, “Efesus san Atemis in tubun a.” <sup>29</sup> Sisein an taun ilon inane. Ago dugo doup a taun lo yan Masedonia tamol uraru Pol dida diau an duburoug, tamolpein fidian sad tumanek aben lo diau a. Tamol uraru an Gaias in Aristakus da. <sup>30</sup> Pol inŋsen ilo rumok tamolpein an ibisawaip, doup tubun an malad lo yaup, ru irupidai o igane yak man, ilo rumok adi diabituan a. <sup>31</sup> Provins san tamol gurman aenta, in Pol turan muroun, an dam ru kagin diganeg Pol san na yau. Kabelan tumanek aben lo doup malad lo ilasa banau o dumoi a.

<sup>32</sup> Agog saen an tumanek lo doup lein tubun kasik digane se ya. Ago dugo tamolpein inŋneo lo ru naon sensen disasai ilasa se ya. Man dugo, tamolpein wei kasik tumanek an fun ta dulon na ya. <sup>33</sup> Juda adi tamol ta yaŋan Aleksanda dubol dan doup malad lo dusoduduni ilasa ya. Agog tamolpein aenta doup ilon lo tamol an dududuwig targiranek ru ibol ilasa wo durupe se ya. Agog in targiranek ru tamolpein irupidai o banin nam touad touad igane se ya. <sup>34</sup> Ak man saen in Juda tamol ago dile tag, 2 auwa igo won ru naon kisaek an mi disasai dugo dubol se, “Efesus san Artemis in tubun a!”

<sup>35</sup> Ago digane yau nag panu san pepa kubunek tamol ta tamolpein sad sisein yabi idug irupidai, “Efesus tamolpein alon! Tamolpein fidian dulon ak, an tubud e Artemis dubol den san tempel, agod pat a gun ak keit log idu yan dam kagin apidina da. <sup>36</sup> Agod talpein ta in an ta ilon na yak ago ibol san tia ya. Ago yak ninen o kute abol. Burau kagin ta mok agane na wa. <sup>37</sup> An tamol en kawan geig anjal go apalu ya. In mel ta tempel ilon lo yak ta digam na ya. Agod idsad tubud Artemis ninen o ru saian dam ta dubol na ya. <sup>38</sup> Ago yak ninen o Demitrias inanen urat pinein



dida talpein enti ta niñen o ru amad da tap, gurman dumado da. Agod kot dam inanen saen fom pempem ilasa da. Kot lo gup in ka nug dupei ila iso wa. <sup>39</sup> Aria, an ru taida mi amam da tap, idsad tamolpein sad tumanek tubun ak lo aup, kubiaen san dal itaot ak fo mi muruan an akubune wa. <sup>40</sup> Man dugo, lein en agane itout a, tia dop Rom gabman ilon pe, id aban daon tupani dan, ru ago ipanad dop isusad a. Man dugo, dusumianad tap, id malan kisaek tutumani ak san fun uyan an tabol san tia ya.” <sup>41</sup> Ru an ibol itout go idinaig dufurak diau a.

## 20

### *Pol Masedonia nag Gris na imul a*

<sup>1</sup> Murnag lein an fidian itout go Pol ilo rumok adi igiaig, tan suek ru irupidai gug ibisawaig, Masedonia na yau. <sup>2</sup> In gigin an fidian lo yaug, Tubun ak san ru wei mi lo tamolpein tan suek ipidinai dugo itor nag Gris na ilasa ya. <sup>3</sup> Atna kalam utol imado se ya. Agog iyawai Siria na yau o aban ikubune yak man, Juda dufuni imat o palan an dumari an ilon tag, imul go Masedonia na yau. <sup>4</sup> Tamol a Pol ida turen diabi dan sad yanadi igo ya: Beria tamol ta yan an Sopater in Pirus nanun. Tesalonaika tamol uraru Aristakus in Sekundus da. Derbi na man Gaias sen kisaek. Agod Timoti, ago dugo Esia provins lo tamol uraru Tikikas in Trofimas da ago fidian mi diau a. <sup>5</sup> Tamol an fidian imug diaug, Troas na malama digane se ya. <sup>6</sup> Bret yis an tia yak san soubul itout gug man wog minaneg, Filipai mubusei a. Nal 5 itout gug Troas na luad masag, ubou kisaek atna mumado ya. <sup>7</sup> Man Sande\* guraian Tubun en san anan mani wo mutumani a. Pol in salso salso yau ak niñen o tamolpein ru irupidai on go yaug tidom luak. <sup>8</sup> Galun lak na geig ak lo mumado yan te man lam wei mi dusulanai idug galun ilon lo dided se ya. <sup>9</sup> Pinein ta yan an Yutikas in ab san

gigin fo imasi a. Ago dugo Pol saen milaen kasik inin se yan lo, pinein an malan iyof go itarsuni dugo imado nag, yen padal dugo tan na yau idu ya. Ago ibol ak dudug imat an diabisa ya. <sup>10</sup> Ak man Pol idug, tinin fo ibilani idug, yabig ibol, “Arer amoi. En nutun ta ibisei na ya.” <sup>11</sup> Agog Pol imul ab lo isidag bret yafuteg diani a. Pol nek ago mi inin dugo yaug salso idu gug ibisawai a. <sup>12</sup> Pinein an kumaen imado dugo dinaneg insiganen ab lo diaug ilod tubun mi uyanan a.

### *Pol Efesus ibisawai o dugo in san ru wadan irupidai a*

<sup>13</sup> Man Pol mibiseig imug wog lo misidag miyawaig Asos na mau. Man dugo, Pol in man da ru mufuni an lo, in nien nam yau dop Asos na gup minane wo ibol a. <sup>14</sup> Saen Asos na milasag mile man minaneg Mitilini na mau a. <sup>15</sup> Atnag fon miyawai dag salsog nui Kaios ate milasa ya. Agog nal kisaek itout go nui Semos na misasau a. Salso idug afon miyawai dag Mailitas san lon na miladu ya. <sup>16</sup> Pol Esia Provins lo saen ibidani man imoi tag, Efesus mirinani wo ilon yen a. Man dugo, idaisuda tap, in ririan Jerusalem na Pentikos saen fo mok ilasa wo ilon ago yen a.

<sup>17</sup> Pol Mailitas na imado dugo Efesus na ru iganeg, midaen san matu adi dupalup dutumani wo ibol a. <sup>18</sup> Dilasag dutumani gug irupidai, “An alon ak, saen malmalan nai Esia provins lo nilasag, naisag madok saen fidian nai an da tumado na yan ale alon. <sup>19</sup> An alon ak, naiseg ibiag nadu dugo, Tubun en san urat malag turon ag da, muruan ag da urat an ngane se ya. Juda adi dam dutumanig nai malag dusue wo dinin se ya, an lo muruan in madai da dupanag an dam nisini se ya. An dam alon uyanan a. <sup>20</sup> Agod alon ak, nai mel ta idunag san ak nabol ilasa san niñen o ta nusuksuk na ya. Tia, nai malak malak lo, agod ansiganem ab lo ru nufulale dugo npitenan se ya. <sup>21</sup> Juda igom

\* **20:7:** Nal an man ubou san nal malmalan.

Juda tia yan ru dabai anda n̄rupidai se ya. Ilod dibilisap, naod Anut dupanip, idsad Tubun en Jesus ninen o ilod rumok o n̄abol dugo duloŋ a.

<sup>22</sup> “Aria, Urgan n̄ai isubanag go Jerusalem na n̄au o ibol a. Gug ante ata n̄ai o ilasa wan ta n̄aloŋ na ya. <sup>23</sup> Mel kisaek en n̄aloŋ la ya, taun fidian ate n̄ilasa dan te Urgan irupaiaŋ ak Jerusalem na madai agod muruan wei mi malag igane da. <sup>24</sup> N̄aisag ilo sou lo n̄aisiganeg madok an mel tubun tia ya, agod n̄aiseŋ tinig o kankan ta n̄igane na da. Tia, n̄ai Jesus Tubun en urat ipanag an n̄igane itout o yaes ifunag da. Urat an man, n̄ai Anut san ilo panek tubun mi tamolpein fidian nin̄edi wo yen dan n̄ifulale san ama ya.

<sup>25</sup> “N̄ai aŋ fidian luluŋam lo n̄ator dugo Anut san kagin panek san ru n̄ifulale na ya. Gug n̄ai n̄aloŋ ak, mitep aŋ fon n̄ai naog ta ale na wa. <sup>26</sup> Ago yak ninen o n̄ai gamu n̄rupaiaŋ da. Aŋ en ta adeg au tap an n̄aisag ai wadan tia ya. <sup>27</sup> Man dugo, Anut san ilon fidian n̄ai irupaiaŋ go n̄aloŋ an fidian n̄rupaiaŋ o an ninen o ta n̄asuksuk na ya. <sup>28</sup> Sem kagin ipanaŋ dop Urgan sipsip malan tubun banim lo igane yan dam kagin apidinai uyanan a. Sipsip an Anut in̄anen Nanun san dar lo in̄al a. Aŋ Tubun en san midaeŋ sad titianek adi ak ninen o afutai o uyanan a. <sup>29</sup> N̄ai n̄aloŋ ak, saen n̄ai n̄ubusawaŋ dop tamolpein goun kasik igo woŋ ak dupalup, sipsip an ilod ta isou na wa. <sup>30</sup> Agod aŋ luluŋam lo tamol aenkadi dilasap siganed ru sewak lo ru rumok an dukubuli dop senamo geig ilasa wa, an lo dop ilo rumok adi dirawai dop n̄ied abad diri wa. <sup>31</sup> Ago yak ninen o kagin agane dop ilom isou. Anaŋar utol malag turon anda tidom ad aŋ kagin agane san ru kagin n̄rupaiaŋ na ya.

<sup>32</sup> “Gamu Anut banin lo n̄idiraŋ da. Agod in̄san ilo muŋanek san ru aloŋ an ibunawaŋ pe, aŋanem ilo rumok dabai ipani wa. Ru an dam iganep aŋ tamolpein a Anut idiraig gun dilasa yan dida Anut san wasar an sisem

mi aŋane san idaisuda geig a. <sup>33</sup> N̄ai talpein ta san silva boi, tia gol boi, tia tinin san biouŋ boi, banin na n̄igane wo malag ta isi na ya. <sup>34</sup> Aŋ fidian aloŋ ak, n̄aiseŋ banig en nam urat n̄igane dugo, mel lo n̄ai turag dida katuk amama yak sema ibunawama se ya. <sup>35</sup> Mel fidian n̄ai n̄igane se yan lo n̄ukubiai panaŋ, ago mi aŋ urat wagai agane dop lo talpein ta in̄ dabai ad tia yak abinawai a. Jesus, idsad Tubun en, ru ibol ak ilom isou. ‘Talpein mel pani dan san ilo uyan man oŋse mel n̄ane dak san ilo uyan irin̄ani a.’ ”

<sup>36</sup> Saen Pol ru ibol itout man, turun isaluwig fidian dida dugudani a. <sup>37</sup> Tamolpein fidian ditatag, tinin diamisi dugo musuk dupani se ya. <sup>38</sup> In̄ afon naon dile san tia ibol ak ninen o ru an ilo sou man diganeg, ilod tubun mi saian. Agog fidian din̄aneg, wog lo diaug, iyawai yau a.

## 21

### *Pol Jerusalem na yau a*

<sup>1</sup> Maŋ Efesus tamolpein banid mabig, mubusawaig, itaot miyawaig, nui Kos na ate mau. Ate maen mumasa gug, nui Rodes na madu ya. Atna gug Patara na mau a. <sup>2</sup> Patara na wog ta Fonisia na yau o igane dugo mile tag fo misidag miyawaig mau a. <sup>3-4</sup> Maug malama yaug Saipras mile dugug wog naon n̄as lo dibilisag, Siria na mau a. Agog Taia sad loŋ na misasau a. Atna wog biouŋ kadi ipasi wo tag ilo rumok adi aban̄ad mabig aenkadi meil go dida ubou kisaek mumado se ya. Urgan ilo rumok adi Pol Jerusalem na muruan ile wo ikibiai pidinai ak ninen o Pol Jerusalem na ta yau na wo durupei a. <sup>5</sup> Gug mau san saen idu ya. Agog in̄ fidian in̄aned pein nanuk dida din̄iliamag Taia mubiseig loŋ na madug, maŋ fidian lul fo turuma misaluwig mugudani. <sup>6</sup> Agog maŋ banid mabig wog lo misida dugo in̄ fon dumul siganed ab lo diau a.

<sup>7</sup> Maŋ fon miyawaig Taia mubiseig maug, Tolemes na madu ya. Atna

ilo rumok adi aenkadi meil go banid mabig, dida nal kisaek mumado ya. <sup>8</sup> Salsog Tolemes mibiseig, Sisaria na mau a. Atna Anut san ru bilabal tamol ta yañan Filip dubol dak san ab lo maug ida mumado ya. Tamol <sup>7</sup> a Jerusalem na dipilianai an Filip dam luluñad lo imado ya. <sup>9</sup> Inj nanun pein iwoiwo iwod tia dumado dan profet ru dubol ilasa da. <sup>10</sup> Mañ nal aenta atna mumado dugo, Judea na profet ta Agabus dubol dan ipalu ya. <sup>11</sup> Inj mañsama na ipalug, Pol san let injaneg sen njen banin isubanig ibol, “Urgun igo ibol, ‘Let en muroun mitep Jerusalem na Juda adi nek igo dsubanip, tamolpein Juda tia yan banid lo digane wa.’”

<sup>12</sup> Mañ ru an malon go ilo rumok adi ate dumado dan dida Pol Jerusalem na ta yau na wan ilon miñane wo maeg migane ya. <sup>13</sup> Gug Pol awama yabig ibol, “Anj ata wo anjam tinan en lo naji ilo muruan apanag dak i? Naji dibiag pe dsubanag ak njenen o ta njarer na da. An mi tia ya. Naji Tubun en Jesus yañan lo ka dufunag njamat a.”

<sup>14</sup> Mañ ilon miñane sisi tia tag mabol, “Gidad, Tubun en ilon ibol dak ago mi igane.”

<sup>15</sup> Atna kitek mumado gug aban mukubuneg Jerusalem na mau a. <sup>16</sup> Sisaria na ilo rumok adi aenkadi dam dida maug, tamol ida mumado wak san ab lo diñiliana ya. Tamol an yañan Nason. Inj Saipras tamol, agod Kris tamolpein imug mi ilod lo rumok ak luluñad lo inj tamol kisaek ta.

### *Pol Jems ile wo yau a*

<sup>17</sup> Saen mañ Jerusalem na milasa man ilo rumok adi ilo uyan lo diñiliana ya. <sup>18</sup> Agog maen go tidomi Pol da Jems mile wo mau a. Jerusalem midaen san matu fidian saen an malama digane se ya. <sup>19</sup> Agog Pol ilo uyan ru irupidai, ago gug Anut inj lo tamolpein Juda tia yan luluñad lo urat igane na yan ibol dugo dulon se ya.

<sup>20</sup> Matu adi ru an dulon go Anut yañan diabisa ya. Ago gug Pol durupe, “Onj ulon ak, Juda wei kasik ilod lo rumok a. Agod inj fidian Moses san kubiaen bubeð ntuði fidian lo duri dupani da. <sup>21</sup> Gug talpein ta ru en onj niñe wo durupidai dugo dulon a. Onj Juda tamolpein gigin aenkadi lo dumado dan Moses san kubiaen dumoi o piteñanai da. Ago dugo injaned nanuk tamol ak dam tinid sunulon dutute dumoi o ubol da, agod Juda sad tamol kagin dam ta digane na wo ubol da. <sup>22</sup> Ak niñen o dugo tigane wak i? Onj palu yan san ru ifufurak yau dan lo milaen tiap ru an dulon mok a. <sup>23</sup> Mañsama ru en ulon pe uri. Tamol iwoiwo gamu etna dumado dan, promis ta ru dabai anda yak lo Anut dupani an paen na dumado da. <sup>24</sup> Inj promis an digane itout san saen gamu ya. Ago yak niñen o dida aup, promis digane itout dan san midaen lo aladup, malak malak lo dida gun alasa wa. Ago dop injsad promis itout san naon sapta dubol dop udad pidinai a. Ago dop inj ka gurnad didawi yau a.\* An lo dop tamolpein onsa ru fidian dulon na yan rumok tia yak dubol a. Man dugo, onse dam onj Moses san kubiaen kagin pani da. <sup>25</sup> Gug ilo rumok tamolpein adi inj a Juda tia an, mañ ru kagin igo migireg murupidai a. Inj anan a tamolpein tubud sewak adi dupidinai dan ta diani na wa. Dar dam geg. Agod mel burod dususe yak sad dar ta ilasa na yan dam ta diani na wa. Agod jeit kagin dam ta digane na wo mabol a.”

<sup>26</sup> Ago tag dien dumasag Pol tamol an injal go Anut malan lo sed idiraig gun dilasa ya. Murnag Pol tempel lo iladug, injsad midaen an itout san nal kob ipani wo pris ta irupe, a. Nal 7 itout gup, inj anen anen Anut yai digane pani o dam irupe, a.

### *Juda adi Pol dsubani a*

<sup>27</sup> Nal 7 an itout o sumeik dugo Juda aenkadi Esia provins lo yan Pol tempel lo dile ya. Agog tamolpein

\* **21:24:** Gurma dawek man promis itout amaiak san kob a.

fidian ated dusueg Pol diabig, <sup>28</sup> awad tubun mi disasai dugo dubol, “Isrel tamol! Abunawama! Tamol nek en aben fidian lo itor dugo tamolpein Juda adi dil saiadi wo ipitejanai se ya. Ago dugo Moses san kubiaen nujon tia yak ago ibol dugo, tempel dam ta gun na yak ibol se ya. Agod gamu en tamol Juda tia yak injal go tempel lo diladug, aben gun en nun dupani a.”

<sup>29</sup> Man dugo, Efasas tamol Trofimas in Pol da Jerusalem ilon lo dutor dugo dil an ninen o ilod lo Pol tamol an injaneg ida tempel lo diladu yak, ago ilo sou digane se ya.

<sup>30</sup> Agog unjaon tubun kasik Jerusalem ilon lo ilasag tamolpein dumaspalug, Pol tempel san tumane aben lo imado dugo diraeg, patun fo dilasa ibol ak tempel san dalawan dufutanai a. <sup>31</sup> Doup tubun an Pol dufuni imat o digane dugo, Rom san yu tamol adi sad gurman tubun an ru inane, “Jerusalem ilon lo tamolpein fidian silei digane da.”

<sup>32</sup> Gamu nam gurman tubun an yu gurman in paen na yan injal, yu tamol aenta dam injal go doup tubun an sad na dumaspalug diau. Saen tamolpein Rom san yu gurman tubun an yu tamol adi dida dupalu dugo dil tag Pol dufuni an dumoig dibisei a. <sup>33</sup> Yu tamol sad gurman tubun an Pol san na yang yabig ibol dugo sein uraru nam dusbani a. Agog tamolpein isumianai, “En so tamol ta i? Agod in dugo igane ak i?” <sup>34</sup> Ago dugo tamolpein ru naon gidigheid dubol dugo unjaon tubun kasik yen. An lo yu tamol sad tubun an ru fun ta ilon na ya. Ago tag Pol dijanep yu tamol sad njon ab sakar ak lo digane wo ibol. <sup>35-36</sup> Agog yu tamol adi Pol dijaneg diaug, tet fun te gug diabisag, lak na disini a. Man dugo, tamolpein malan tubun Pol adi njied fo dupalu dan dufuni imat o dutur. Ago dugo disasaig dubol, “Afuni imat!”

### *Pol doup malad lo sen ipirani a*

<sup>37</sup> Pol ab an lo dijaneg diladu wo digane dugo, yu tamol sad gurman

irupei, “Dugo, naj ka on ru ta nurupaia wak i?”

Agog yu tamol sad gurman Pol irupei, “On Grik ru ulon ak i? <sup>38</sup> Naj nabol on Igipta tamol ta imug doup tubun injal go gabman ida ager dumado wo igane amaiak nabol a. Agog tamol fo tausen banid yu dumui anda injal go tan kawan ak lo diau a.”

<sup>39</sup> Ago dugo Pol awan yabig ibol, “Nai man Juda tamol, Silisia na taun yanjan Tarsus dubol dak lo njilasa ya. Nai taun yanjan anda yak san tamol. Ak dugo, naj tamolpein ru ka nurupidai ak i?”

<sup>40</sup> Yu gurman an uyan ak ibol tag Pol tet fo imasa itur go tamolpein awad itau wo banin nam toutou igane ya. Aban fidian yang malin idu dugo Pol Hibru lo tamolpein ru irupidai.

## 22

<sup>1</sup> “Naisag teig muroug, tamag muroug, kududom agurep, naisag ru itargiranag san naom na njinen dop alon.”

<sup>2</sup> Saen Pol Hibru lo ru irupidai dugo dulon man, aban fidian kute ibol a. Agog Pol ibol, <sup>3</sup> “Nai man Juda tamol, Silisia na taun yanjan Tarsus dubol dak lo njilasa ya. Gug etna Jerusalem na tamol njigane ya. Gamaliel in naisag girek manau. Nai idsad tubud baged sad kubiaen njuri njupani san ru dabai geig njalon se ya. An Anut awan ari apani dak ago mi naj dam awan njuri njupani da. <sup>4</sup> Nai nabol dugo, tamol Jesus o ilod rumok an mala suek njupidinai dugo, aenkadi duburoug subanek ab lo didirai a. Agod aenta dufu dumat na ya. <sup>5</sup> Pris malan te yak, in kaunsil fidian dida ru rumok nabol dan dulon a. Ak ninen o ka dubol dop alon a. In naj girek dupanag go idsad Juda tamolpein Damaskus na dumado dan sad na njisini nau. Girek an tamolpein njuburoup sein nam dusbanaip, njanal pe, Jerusalem na mupalup muruan disini san ibol a.”



*Pol Kris ilasa yak ninjen o ibol a  
Apo 9:1-18; 26:9-18*

<sup>6</sup> “Gug nal ta ad titinae Damaskus sumeik nupani dugo, lilaman ta malan geig ak irakilawi. <sup>7</sup> Agog tan na n̄au n̄adug, awan ta iwagin̄ go ibol, ‘Sol, Sol! Ata wo n̄ai malag sue dak i?’

<sup>8</sup> “Agog n̄ai n̄usumiaen̄, ‘Tubun en, on̄ enti?’ ”

“Agog awag yabig ibol, ‘N̄ai Jesus, Nasaret tamol amaiaak malag sue da.’

<sup>9</sup> Tamol n̄ai dida mau an lilaman dile gug awak a n̄ai da min̄in̄en̄ an awan ta dulon̄ na ya.”

<sup>10</sup> “Agog n̄usumiani, ‘Tubun en, dugo n̄igane wak i?’ ”

“Agog Tubun en irupaiag, ‘Masap, Damaskus na wau gup, Tubun en san ilon on̄ lo dugo isou dan fidian durupaio ulon̄ a.’ <sup>11</sup> Lilaman an malan kasik an lo n̄ai malag tidom tubun, agog aban̄ n̄ile san tia ya. Ago tag turag muroug dida mau an banig te diabig dida Damaskus na mau a.”

<sup>12</sup> “Agog tamol ta yan̄an Ananias, in̄ pempem Anut san ubou ile da. In̄ idsad kubiaen̄ kagin̄ ipani da. Juda tamolpein Damaskus na dumado dan in̄ Ananias yan̄an diabisa da. <sup>13</sup> In̄ n̄aisag na ipalug, sin̄ireg na itur dugug ibol, ‘O teig Sol, mala ipuk pe aban̄ ule.’ Ago ibol ak nek saen an lo mi malag ipuk go in̄ n̄ile ya. <sup>14</sup> Agog irupaiag, ‘Id tubud baged sad Anut on̄ in̄san ilon ulon̄ o ipiliano ya. Ago dugo in̄anen Tamol Itaotan an ule san, agod in̄anen awan ulon̄ o dam ipiliano ya.

<sup>15</sup> Man dugo, melmel a ule ulon̄ na yan, in̄ patun fo utur dop tamolpein fidian ta dulon̄ na yan rupidai dulon̄ a. <sup>16</sup> Ago yak nin̄en ata wo mala gane dak i? Masap, suguek n̄anep, in̄anen yan̄an lo gudani dop, on̄ane aupasek ipasi yau a.’ ”

<sup>17</sup> “Agog n̄ai n̄amul Jerusalem na n̄aug, tempel lo n̄ugudani dugo, malag n̄utun n̄ile ya. <sup>18</sup> Malag n̄utun lo Tubun en n̄aisag na in̄in̄en̄ dugo n̄ile ya. Agog ibol, ‘Ririan Jerusalem bisei. Man dugo, tamolpein etna n̄ai nin̄eg o ubol ilasa dan uyan ta dupani na wa.’ ”

<sup>19</sup> “Ago tag n̄ai awan n̄abig n̄abol, ‘Tubun en, in̄ dulon̄ ak, n̄ai ubou ab fidian ilon lo n̄iladu n̄ilasa dugo, tamolpein on̄ o ilod rumok se yan n̄ibiaig n̄afu idu na ya. <sup>20</sup> Agod saen Stiven pat nam dufuni imat man, n̄ai in̄ sin̄ired na n̄atur dugo uyan n̄upidinai a, ago dugo a dufuni se yan sad kulos kagin̄ n̄upani se ya.’ <sup>21</sup> Gug Tubun en irupaiag, ‘Wau. N̄ai n̄idinop, asau geig tamolpein a Juda tia yan sad na wau a.’ ”

*Pol Rom tamol ta*

<sup>22</sup> Tamolpein fidian Pol san ru an dulon̄ yau nag, ru ta a tamolpein Juda tia yan nin̄edi wo ibol an dulon̄ go ilod imoi geig a. An lo afon awad tubun mi disasai dugo dubol, “Agane imat. Tamol naon ago man imado san ta idaisuda na ya.” <sup>23-24</sup> Tamolpein fidian disasaig, in̄sad kulos dubal dugo gufgaf dam disinig lak na dubal isida se ya. Ago tag Rom san yu gurman an ibol dugo Pol dijaneg, yu tamol sad n̄ion̄ ab ilon lo diladu ya. Yu gurman an in̄san yu tamol irupidaig, Pol rasau nam dufuni dop ata mel nin̄en o doup disasai se yan fun ibol ilasa dop ilon̄ o ago igane ya. <sup>25</sup> Gug dirae didarig bu dupani wo digane dugo, Pol yu gurman ta sin̄iren na itur dan isumiani, “Dugo, kubiaen̄ dugo ibol dak i? Rom tamol ta kot lo sumianek gamugo pani dop ka funi wak i?”

<sup>26</sup> Yu gurman ru an ilon̄ tag Rom san yu gurman tubun an san na yaug isumiani, “On̄ dugo gane wo dak i? Tamol an in̄ Rom tamol.”

<sup>27</sup> Ago tag yu gurman tubun an Pol san na yaug isumiani, “Rupaiag n̄alon̄. On̄ Rom tamol ak i?”

Agog Pol ibol, “Awo.”

<sup>28</sup> Rom san yu gurman tubun an irupe, “Moni naon lak na yak nam Rom gabman n̄upani dugo ate Rom tamol igo n̄ilasa ya.”

Agog Pol ibol, “N̄ai tinag tamag in̄ Rom tamolpein, ago yak nin̄en o n̄ai dam mi Rom tamol.”

<sup>29</sup> Ago ibol ak yu tamol a Pol bu dupani wo dutur an gamu nam dusuk-suk diau a. Rom san yu gurman

tubun an dam irer saian. Man dugo, Pol Rom tamol ak gug sumianek tia ka ibol dugo sein nam dusubani an ilo sou man inane ya.

*Pol Juda sad kaunsil malad lo itur a*

<sup>30</sup> Yu gurman tubun an ata mel ninen o Juda tamolpein Pol dufuni imat o disasai na yan fun aban ile wo igane. Ago tag tidom lom mi ibol dugo pris gurman adi in kaunsil dida dutumani a. Agog Pol banin na sein digane yan dupasig, dinane diaug naod na dugunig itur a.

## 23

<sup>1</sup> Agog Pol Juda kaunsil yil dugo ibol, “Teig taog, niasag madok ipalug gamu saen en, Anut malan lo malak malak ka nabol a, naineg kankan mel saian ak ta ngane yak ninen o ilog ta isue na dugo miai dam ta ifunag na da.” <sup>2</sup> Pris malan te yak, yan Ananias, ru an ilon go tamol a Pol sinjiren na dutur an kudanan dugufute wo irupidai a. <sup>3</sup> Ago dugo Pol ibol, “Anut dam on ifuno wa. Ata wo? On nek ibol mutou pen milkouk ak nam bala dupani dugo ilon man saianan ak igo won. On ete masi dugo nai kubiaen iri panim kot panag o igo gug onse dam kubiaen pilalig, nai kudanan dugufute wo ubol dak i?”

<sup>4</sup> Agog tamol Pol sinjiren na dutur an durupe, “On Anut san pris malan te yak ru saian ak nam pei dak i?”

<sup>5</sup> Ago tag Pol ibol, “Teig taog, nai in pris malan te yan ta nalon na ya. Anut san ru girek lo yan ago ibol, ‘Onane gurman adi ninedi wo ru saian ak ta ubol na wa.’ ”

<sup>6</sup> Pol tamol dutumani an aenkadi Farisi dugo aenkadi Sadyusi ilon tag, awan tubun mi kaunsil irupidai, “Teig taog! Nai Farisi, agod nai tamag in dam Farisi. Nai gamu kot lo natur den san fun man, nai tamol dumat ak kumaen dumasa da wan ninen o ilog lo rumok go, mel an ilasa wak o mala nouk numado da.”

<sup>7</sup> Saen in ru an ibol go dulon an Farisi in Sadyusi dida nug diabi se

ya. Agog in nug ditarpaleg malan uraru dilasa ya. <sup>8</sup> Man dugo, Sadyusi in dubol, tamol dumat ak kumaen dumasa san tia ya. Agod id fidian nutud tia yak dubol da. Agod enel dam ta dumado dak dubol da. Gug Farisi adi man in mel utol an rumok ak dubol da. <sup>9</sup> Agog nug tubun mi dububunani dugo kubiaen san girek manau aenkadi Farisi patud fo dutur dan dumasag, ru dabai anda dubol, “Id tamol en mel igane saian ak ta fun tile san tia ya. Nag ur uyan ak boi, tia enel ta boi, awan lo ilon go ago ininjen da!”

<sup>10</sup> Ninen yaug dabai dugo Rom san gurman tubun an ago ileg ilon idu ya. Kabelan Pol daon dupani banau. Ago tag insan yu tamol idinaig, doup lulunad lo dudug, afon Pol dinane diaug insad njon ab lo digane iladu ya.

<sup>11</sup> Tidom an lo Tubun en Pol giranen na itur dugo irupe, “Dabai nane! On Jerusalem na nai ninjeg o ubol ago mi Rom na dam nek ago mi ubol a.”

*Pol dufuni imat o palan an dumari a*

<sup>12</sup> Salso idug Juda aenta dutumanig Pol dufuni imat o awad dutumani a. Agog Anut malan lo ru lak na geig ak lo sed isubanai a. In anan you da lo sed geg ipidinai dumado dop, saen Pol dufuni imat mok gup, anan diani wa. An lo subanek ru an paen na sed idirai a. <sup>13</sup> Tamol kitek 40 irinani ago kulob an digane ya. <sup>14</sup> Agog pris gurman adi in matu dida sad na diaug durupidai, “Mansema anan you da lo geg ipanama dugo Anut yan mupateg lo mananema ru dabai mupani a. Man Pol mufuni imat mok gup anan mani dop you maluk a. <sup>15</sup> Ago yak ninen o an kaunsil dida ru aganep Rom san gurman tubun an san na yau. An imug irawip, Pol igane ipalu dop an kitek taidam asumianip ru ibol an san fun alon o uyan ak ago arupe. Gug man man dal te tawan mumado wa. Pol ente ta ilasa na dop dal na mufuni imat a.”

<sup>16</sup> Ak man Pol nigainab injsad ru an ilonj tag yaug, yu tamol sad njonj ab an ilon lo iladug, Pol njonj an irupeil ilonj. <sup>17</sup> Ago tag Pol injsad yu gurman ta iwagig irupeil, "Pinein en njanep ida anjsam tubun en san na au. In ru aman da yak ibol ilonj o da."

<sup>18</sup> Ago tag yu tamol sad gurman pinein an injaneg injsad tubun en san na diaug ibol, "Subanek tamol Pol amaiak igiag go pinein en onsa na njanane njupalu ya. Man dugo, in ru aman da yak ibol ulonj o da."

<sup>19</sup> Ago tag yu tamol sad gurman tubun en pinein an injaneg gigin na diaug isumiani, "Onj so ru ta ama da i?"

<sup>20</sup> Agog pinein an ibol, "Juda gurman adi dutumanig awad kisaek go dubol. Gabulop diraek pe kaunsil adi Pol dusumianip ru fun dulonj uyan o dupalup dusumiano wa. <sup>21</sup> Gup awad wabi umoi. Man dugo, tamol 40 dimianuk ak dumado da. In geg dabai ak lo dumado da. Sad geg san fun man igo ya, Pol dufuni imat mok gup in ananj diani dop you duluk a. In fidian abanj dukubune yak tawanj dumado da. Onj mi dugo ubol ak o mala digane da."

<sup>22</sup> Agog yu gurman tubun en pinein an irupeil, "Waup, ru njai naog na ubol an gidigheid ta mok ubol na wa." Agog pinein an idinig yau.

### *Pol dupasig Sisaria na yu tamol dida diau a*

<sup>23</sup> Agog yu tamol sad gurman tubun en yu gurman uraru in paen na yan igiaig dupalug irupidai, "Yu tamol 200 sabiri ad da yak anjal pe, 70 taidam hos san, agod 200 yu amad da yak dam anjal pe, 9 kilok tidom Sisaria na Pol da au. <sup>24</sup> Pol njinen o hos taida akubuniaip, anjal pe, provins san gurman Filiks san na au. Pol kagin apani uyanan dop anjane au a." <sup>25</sup> Agog yu gurman sad tubun en Filiks san na girek igo igire,

<sup>26</sup> "O tamol tubun, Filiks. Adian. Njai Klodias Lisias onsa na girek en njigire da. <sup>27</sup> Juda adi tamol en diabig

dufuni imat o digane se ya. Ak man saen njai in Rom tamol ago njile njalonj tag, njaisag yu tamol dida maug patu pasek mupani a. <sup>28</sup> Njai ata mel njinen o in ru dupani se yan fun mok njalonj o ilog ibol tag, njinaneg, Juda sad kaunsil sad na mau. <sup>29</sup> Ago gug ru fun njile yak man, in mel ta igane saian pe njinen o dufuni imat san njile man tia ya. Mel ta njinen o subanek lo migane san dam ta njile na ya. Mel njinen o ru dupani se man injsigane kubiaen njinen o mi ru dupani se ya. <sup>30</sup> Agog saen Juda aenkadi dufuni imat o palanj an dumari dan san ru njanane tag, onsa na njidinig ipalu da. Tamol a in kot an digane dan, dupalup onj nao na gup, kot digane wo njabol njurupidai a."

<sup>31</sup> Yu tamol injaned tubun en ibol ago mi digane ya. Tidom nek an lo mi Pol dijaneg diaug, Antipatris na dilasa ya. <sup>32</sup> Tidom lom mi yu tamol njied nam mi an dumul abed na dupalu dugo, yu tamol adi hos fo yan Pol dijaneg diau a. <sup>33</sup> Pol dijaneg Sisaria na dilasag, Rom san gurman tubun an girek dupani dugo, Pol dam banin lo digane ya. <sup>34</sup> Gurman tubun en girek an isutig, Pol so distrik ta lo ipalu amaiak ilonj o isumiani a. Agog Pol Silisia distrik lo ipalu yan ilonj tag ibol, <sup>35</sup> "Saen tamol onj kot a digane yan dupalup dilasa dop, onsa kot njalonj a." Agog Pol gabman Herod san ab san galun lo bitinaek diganed amaiak lo imado dop tawanj an dumado wo Filiks ibol a.

## 24

### *Filiks Pol san kot ilonj a*

<sup>1</sup> Murnag nal 5 itout go pris malan te yanjan Ananaias, in matu aenkadi dida, agod tamol ta Tertulus dubol dak ida Sisaria na diaug, Filiks naon na Pol kot an digane ya. Tertulus in njinen san kamanj tamol, ago yan lo Juda awad injaneg kot lo injinen o dipiliani a. <sup>2</sup> Agog Filiks Pol iwagig ipalu gug, Tertulus fun iganeg Pol njinen ipanig ibol,

“O Filiks, tamol tubun en! Onsa kankan milaen an lo saen milaen mok mañ maror lo mi mumado da. Agod kagin foudi a panañ an lo gamu mañsama tan lo melmel wei mi kubuneg dilasa uyanan a. <sup>3</sup>Mañ aben fidian lo mel an niñen o mamat da. Agod niñe wo iloma tubun kasik uyan dugo onjane binawek miñane dan dam niñen o iloma uyanan da. <sup>4</sup>Nai onjane saen ta njobidani na wa. Ago yak niñen o nsumiano da, gidad, ilo panamap tamol en sad awad niñane la ya, ago yak niñen o sad ru katukan en njobol dop ulonj. <sup>5</sup>Mañ tamol en mile yak in fun saian. Juda tamolpein aben fidian dumado dan silei digane wo ated isue da. Agod in biatitek ta yanad Nasarin dubol dan in sad gurman ta. <sup>6</sup>In dam tempel lo iladug Anut malan lo nun ipani wo igane dugo ante mabi a. Agog mañsiganema kubiaen iri panim muruan en mukubune wo migane se ya. <sup>7</sup>Ak man yu tamol sad gurman tubun ak Lisias dubol dan ipalug silei nam banima na inane ya. <sup>8</sup>Agog Lisias irupaiama, tamol en onj nao na kot an migane wo ibol. Onse tamol en sumiani gup, mel fidian niñen o mabol dan ulonj a.”

<sup>9</sup>Agog Juda fidian awad dutumanig, Tertulus san ru dabai dupani se ya.

*Pol Filiks naon na sen ipirani a.*

<sup>10</sup>Agog Rom gurman Pol ininjen o tuad ipani tag Pol ru fun iganeg ibol,

“Nai nalonj ak, onj saen milaen mok tamolpein en sad ru tulek mado yak niñen o nai onj nao na njobol dop seg ipiranag o ilog uyan da. <sup>11</sup>Isop onj sumianai gup ka ulonj a, nal 12 gamugo yau dugo, nai Jerusalem na Anut yai nigane pani wo nisida njobol a. <sup>12</sup>Juda adi nai tempel lo tamolpein dida nug aen matog dugo ta diliag na ya. In sad ubou ab fidian lo, agod Jerusalem na dam tamolpein ated njobueg unjaoñ ilasa wo ago nigane ta dubol na wa. <sup>13</sup>Agod gamu ru e onj nao na nai dupanag den dabai dupani san in dal ad tia ya. <sup>14</sup>Gug

mel en niñen o nai malak malak njobol ilasa san an niñen o miai ta ifunag na da. Naisiganeg ubou leil Anut njobani duman, ilo rumok san dal e ‘Dal En’ dubol demaiak iri panim, tubum bagemas sad Anut ubou an mi njobol da. Juda adi ilo rumok san ‘Dal En’ in biatitek dubol da. Gug naisag ilo sou lo man an biatitek tia ya. Nai ru kagin fidian Moses san kubiaen lo, agod ru fidian profet adi digire yan dam fidian niñen o ilog rumok da. <sup>15</sup>Nai Anut niñen o mala nouk njobumado dak ago mi Juda adi e dutur den in sad mala nouk dam naon kisaek mi a. Mala nouk nek en lo, mitep nal ta ilasa dop lo tamolpein itaot ak, agod a ta itaot na yan dam fidian mater lo dumasa da wa. <sup>16</sup>Ago yan lo nai pempem igo maeg nigane da, mel ta Anut in tamol dida nigane pidinai an niñen o naisag kankan muruan ta ipanag na da.

<sup>17</sup>“Nai wagam mi Jerusalem njobiseig njobol se ya. Anajar kitek wei mi ibisawag gug, afon njobum o dugo, moni a Juda tia yan dutumanig dupanag go nisinig njobupalu ya. Moni an lo Juda adi mel ta lo katukadi dop lo njobinawai san an nisinig Jerusalem na njobupalu ya. <sup>18</sup>Saen an lo, nai midaen lo ikok njobilasa la gug tempel lo njobol dop diliag a. Ago dugo nai atna dop ta dida mumado man tia, agod leiñ dam tia ya. <sup>19</sup>Gug Juda aenkadi Esia provins lo yan saen an dumado dugo nai niñen o ilod saian a. Ak niñen o naisag muruan ta dile tap in sed dupalup onj nao na kot digane wa. <sup>20</sup>Tia tap, tamol amaiak sumianai dop, saen nai Juda kaunsil naod na njobol dop dugo naisag muruan dile tap, dubol dop ulonj. <sup>21</sup>Nek mel kisaek en mi kaunsil naod na njobol dop dugo njobol, ‘Nai gamu kot lo njobol den san fun man, nai tamol dumat ak kumaen dumasa da wan niñen o ilog lo rumok a.’ Naisag muruan tag nek an mi a.”

<sup>22</sup>Ago ibol ak, Filiks in Kris sad ilo rumok san dal an ilonj ak niñen o kot an ituteg, irupidai, “Yu tamol sad gurman tubun Lisias ipalu gup, an sam kot en san nunon njobol alonj a.”



<sup>23</sup> Agog Filiks yu gurman irupeig tamol dititianig dumado dan diñane di-  
aup, aben nam digane wo ibol. Sub-  
anek kadi diginiaí dak ago ta digane  
na ya. In turan muroun man ka du-  
palup dile dop mel niñen o katukan  
dop lo ka dubinawi wak ago ibol irup-  
idai a.

*Pol Filiks iwon Drusila da naod na  
inñeñ a*

<sup>24</sup> Nal milaen tiag Filiks iwon  
Drusila da dupalu ya. In Juda  
pein. Agog ru igane dugo Pol diñane  
dupalug ilo rumok Jesus lo yan niñen  
o inñeñ se ya. <sup>25</sup> Pol in Filiks agod  
Drusila ago niñeñ en igo diñeñ se  
ya, kagin itaot, tinid ditirni san kagin,  
agod Anut san bitinaek murna ipalu  
wan, fidian niñen o dukubiai ila iso  
se ya. Pol mel an niñen o inñeñ dugo,  
Filiks irer tag Pol irupeí, “Niñeñ gamu  
san nek gane ya. Ka wau a. Nai saen  
kawan ak ta da dop ñigio da wa.”  
<sup>26</sup> Saen an lo Filiks inñan ilo sou lo Pol  
inñeñ moni ta ipani wak ibol. Ago yan lo  
pempem iwagi dop ida diñeñ se ya.

<sup>27</sup> Anañar uraru itout gug Pokias  
Festus, Filiks aben inñane ya. Filiks  
Juda tamolpein ilod uyan san niñen  
o Pol ipasi an imoig, subanek lo mi  
imado se ya.

## 25

*Pol Festus naon na itur a*

<sup>1</sup> Festus Filiks aben inñaneg nal utol  
yau, agog Sisaria ibiseig Jerusalem na  
yau. <sup>2-3</sup> Atna pris gurman adi, inñeñ  
gurman aenkadi dida Festus nao na Pol  
kot an digane. Inñeñ Festus ilon diñane,  
agop inñaned ilod ibol dak ago iganep  
Pol Sisaria ibiseip Jerusalem na yau o  
dubol. Man dugo, inñeñ gubak tam palañ  
an dumari la ya. Dal na dop dufuni  
imat o dubol. <sup>4</sup> Agog Festus awad  
yabig ibol, “Pol inñeñ Sisaria na subanek  
lo imado da. Agod nai dam nek atna  
ñau o sumeik da. <sup>5</sup> Ago yak niñen o  
añanem gurman nai dida maup, tamol  
an mel ta igane saian tap, dubol dop  
ñalon.”

<sup>6</sup> Festus nal 8 boi tia 10 boi, atna  
imado gug imul Sisaria na yau a. Yen

imasag tidomi kot dulon dak aben lo  
imasi gug, Pol diñane dupalu wo ibol.  
<sup>7</sup> Saen Pol ipalu yan Juda Jerusalem  
nag dupalu yan dutur dulubanig mu-  
ruan tubun kasik igane ago dubol.  
Gug inñsad ru an dabai dupani san dal  
tia ya.

<sup>8</sup> Ago dugo Pol sen ipiranig ibol,  
“Nai Juda sad kubiaen, tempel san  
kubiaen ta ñupilali man tia ya. Kaisa  
dam lo ñigane saian man tia ya.”

<sup>9</sup> Festus inñeñ Juda adi binawek kitek  
ipidinai o imat an lo Pol isumianig  
ibol, “Onñ Jerusalem na waup, ru  
dubol na yan iri panim onñsa kot ñalon  
o umat di?”

<sup>10</sup> Ago dugo Pol ibol, “Nai Kaisa san  
kot lo ñatur da. Ete mi ñaisag kot ulon  
a. Nai Juda dugo ta ñiginiai saian man  
tia yan onñse ulon la ya. <sup>11</sup> An lo nai mel  
ta ñigane saian agop ñamat o kubiaen  
ibol tap, nai ñasol o dal ta abañ ñabi na  
da. Ak man inñsad ru nai niñeg o dubol  
dan, fidian sewak tap, talpein ta nai inñeñ  
banid lo iginiag san tia ya. Nai Kaisa  
ñuwagip ñaisag kot ilon a.”

<sup>12</sup> Agog Festus inñan kaunsil adi  
dida diñeñ gug Pol ru naon irupeig  
ibol, “Onñ Kaisa onñsa kot ilon o wagi ak  
niñen o inñsan na wau a.”

*Festus Pol niñen o kinñeñ Agripa naon  
na inñeñ a*

<sup>13</sup> Murnag Kinñeñ Agripa inñeñ Bernaisi  
da Sisaria na Festus duyuni wo  
dupalu ya. <sup>14</sup> Atna kitek dumado  
yak niñen o Festus Pol niñen o Kinñeñ  
Agripa naon na ibol, “Filiks tamol ta  
etna subanek lo igane yak imado da.

<sup>15</sup> Agog saen nai Jerusalem na ñaug,  
Juda sad pris gurman adi, agod gur-  
man aenta dida dupalug, nai tamol  
an igane saian ak san fun ñabol pe  
ñabi idu kisaek onñ o dusumianag a.

<sup>16</sup> Gug nai ru naon igo ñurupidai. Manñ  
Rom sama kagin man, subanek tamol  
ta inñeñ tamol a kot lo diabi an da nug  
naon dupanip ta diñeñ na dan daonñ  
mupani san an manñsam kagin tia ya.  
Manñ saen mupani dop, inñsan muruan  
an niñen o ru dupani dan ilon pe,  
sen ipirani na gup, dal dugo kot iri

dan ate mi mupani wa. <sup>17</sup> Amaiak ninen o saen etna dupalu man, naj saen ta njibidani na ya. Maen mumasag kot dulong dak aben lo numasig, tamol an dinane dupalu wo njurupidai a. <sup>18</sup> Tamol a inj kot an digane yan dumasa dutur ak man, naj muruan tubun geig ak ninen kot an digane wak njabol gug ago ta digane na ya. <sup>19</sup> Insigned ubou ninen o, agod tamol ta yanan Jesus dubol dak mi ninen o nug diabi se ya. Tamol an imat gug Pol man inj imasag kumaen imado dak ago ibol da. <sup>20</sup> Nai muruan naok ago yak njukubune san dal ta njile man tia tag, Pol Jerusalem na dinane diaup ru dubol an fom kot dupani wo ago njusumiani a. <sup>21</sup> Ak man Pol Kaisa insen san kot ilonj o subanek lo mi imado yau o ago isumianag a. Ago tag diti-tiani dumado yau nap naj dal ta njile gup njidinip Kaisa san na yau ak njabol a.”

<sup>22</sup> Agog Agripa Festus irupei, “Naiseg mok tamol an injinenj dop nalonj o ilog ibol da.”

Agog Festus awan yabig ibol, “Gabulo gup awan ulonj a.”

### *Pol kinj Agripa naon na itur a*

<sup>23</sup> Dien dumasag Agripa inj Bernaisi da yousai lo mugurunj mi dupalug, yu gurman, inj taun san tamol tutubun an dida tumanek ab lo diladu ya. Agog Festus tamol idinaig Pol dinaneg diladu ya. <sup>24</sup> Agog Festus imasag ibol, “Kinj Agripa, agod an fidian gamu etna amado dan, tamol en ale, Juda tamolpein etna dumado dan, agod Jerusalem na yan tamol en ninen o naj naog na kot digane ya. Inj disa-saig dubol, ‘Tamol en fon ta imado na wa.’ <sup>25</sup> Gug inj mel ta igane saian pe ninen o imat san njile man tia ya. Agod insen dam Kaisa insan kot ilonj o ibol ak ninen o naj njiganep yau o njabol a. <sup>26</sup> Ak man naj ru ta insan muruan ninen o itaot njigirep Kaisa njupani san tia ya. Ago yak ninen o naj onj Bernaisi da naom na njigane ipalu ya. Onj kinj Agripa nao na itur dop onj naj da sisem tusumianip, insen

ninen o injinenj dop talonj a. An lo insan muruan dugo yan tile talonj gup, naj an njigirep Kaisa san na njigane yau a. <sup>27</sup> Man dugo, naj ata wo kawan geig subanek tamol ta mel igane saian an fun ta njifulale uyan na gup njidinip yau ak i? Naj an njukubiani dak man uyan tia ya.”

## 26

### *Pol Agripa naon na sen ipiranig ru ibola*

#### *Apo 9:1-18; 22:3-16*

<sup>1</sup> Agog Agripa Pol irupei, “Gamu onse ninje wo ru ka ubol a.”

Ago tag Pol banin yabisag, ru en ibol, <sup>2</sup> “O Kinj Agripa, naj ilog tubun mi uyan da. Man dugo, naj gamu onj nao na ru fidian Juda naj ninjeg o dubol na yan ninen seg ipiranag a. <sup>3</sup> Onj dam Juda adi sad kagin, agod sad ae tutog dam fidian ulonj sinjaokan a. Ago yak ninen o kagin panag dop, najisag ru ulonj.

<sup>4</sup> “Juda fidian naj pineinag lo numado njator na yan dulong. Fun lo Isrel ilon lo, agod Jerusalem na numado njator na yan, saen milaen naj fug dulong uyanan a. <sup>5</sup> Saen milaen mok inj dulong uyanan ak, manjsama midaen Farisi dubol dan san geggeg wei kasik an ilon lo numado dugo sad kagin fidian an njiri na ya. Tag an dubol ilasa wo dumoi boi. <sup>6</sup> Agog gamu etna sumianek lo njatur dan fun man, naj Anut manjsama tubum bagem a promis ipidina i amaiak ilog lo rumok go san nujon njile wo mala nouk numado dak ninen o ete njatur da. <sup>7</sup> Isrel san gugoi 12 an promis nek amaiak nujon ilasap dile wo tidom ad Anut o ubou dile da. O tamol tubun en, naj promis an san nujon njile wo mala nouk numado dak, Juda adi dam nek ago mi digane da, ak gug kagin nek amaiak ninen o naj njigane saian dak ago dubol da! <sup>8</sup> Anj fidian, ata wo Anut tamol maten lo ifufunaip kumaen dumasa da wan, ida ta isuda na yak ago ilom isou dak i?

<sup>9</sup> “Naiseg dam ilog lo dal fidian lo njiganep Jesus Nasaret tamol an yanan

nabi idu wak nabol a. <sup>10</sup> Nai Jerusalem na ago niganse se ya. Nai pris gurman adi awok dupanag go Tubun en san tamolpein wei kasik subanek ab lo njidirai se ya. Dufu dumat o dubol dop, nai dam awok nupidinai se ya. <sup>11</sup> Nal wei kasik ubou ab fidian lo nabol dop bu dupidinai se ya. Ago dugo nai in Jesus yan malan dusue wo maeg niganse dugo nududuwai se ya. An mi tia, tijaeg tubun kasik wananan anda, nibiaip daon nupidinai wo abanad nile se ya, Isrel ilon lo agod taun gol ak lo dam mi a.

<sup>12</sup> “Nai nek urat an ninen o Damaskus na pris gurman adi awok dupanag go nau a. <sup>13</sup> O tamol tubun en, dal na ad titijaem itur dugo nai lilaman ta tubun geig ad san mididan irinjani ak tamol dida mau an tinima fo isapudade ya. <sup>14</sup> Man fidian mau madug, nai awan ta Hibru lo irupaia, ‘Sol! Sol! Ata wo nai malag sue dak i? Mel en ilo isou. Makau titianek yu luon geig ak nam makau imaspalu wo isue dop, makau an madai ikubianip nien ipar imul da, ago dop yu an nien isue ilon lo yaup madai tubun geig ak ikubiani da. On nek ibol makau amaiak on a. Saen on naisag tamolpein malad sue dugo, kagin saiak a gane dan san miai isio gug, on pare imul san on o muruan geig a.’

<sup>15</sup> “Ago dugo nai nusumiani, ‘Tubun en, on enti?’ ”

“Ago tag Tubun en awag yabig ibol, ‘Nai Jesus nek e malag sued ama ya. <sup>16</sup> On masap utur. Nai onsa na nilasa yan on naisag urat tamol mado wo npiliano ya. On mel gamu ule yan, agod a mitep nukubiai pano wan dam aenta naod na ubol dop dulon a. <sup>17</sup> Saen onsigane tamolpein daon dupano wo digane dop, nai banidi lo npaso wa. Nai Juda tia yak sad na njidnop wau o da, an ninen o in banid lo dam nibinawo wa. <sup>18</sup> On in malad wafutep, tidom tubun lo yak lilaman lo dupalu wa. Satan san tuon lo yak Anut san na diau a. Agop insad ilo rumok nai lo inaned aupasek isasi

pidinai a, agod tamolpein a Anut itaot idirai dilasa yan lulunad lo aben ta dinjane wa.’ ”

### *Pol insan urat san sae isue ya*

<sup>19</sup> “Ago yan lo, Kin Agripa, tamol awan a mala nutun leil an lo nalon amaiak ta nparsisali na ya. <sup>20</sup> Malmalan mok Damaskus na ru nfulale se ya. Murnag Jerusalem nag, Judea sad gigin fidian log, Juda tia yak lo dam naug, ru nfulale se ya. In bubed dibilisap, inaned saian patud dupanip, naodi Anut dupanip kagin saiak patud dupani an nunon kuai te digane ilasa wak san ru nfulale se ya. <sup>21</sup> Fun amaiak ninen o nai tempel lo numado dugo Juda adi dibiag go dufunag namat o digane ya. <sup>22</sup> Fun lo ipalug gamu en, binawek a Anut san na ipalu yan nai da yen da. Ago yak ninen o gamu gidad an yanam tubun ak boi, yanam tia yak boi, nai ete naom na nabol natur dugo, Moses in profet dida mel ilasa wak ninen o dubol na yan mi gamu nabol da: <sup>23</sup> Kristus in muruan isinip imat mok a. Agop in tamol malmalan mok mater lo kumaen imasa da wa. An lo dop in Juda adi agod Juda tia yak dida dal dugon lo Anut san patu pasek dinjane wan ikubiaip dile wa. An insad leil lo man nek ibol sul san lilaman ak on a.”

<sup>24</sup> Pol sen ipirani san ru ago ibol dugo, Festus awan tubun mi isasaibol, “Pol! Burau ifuno da. Onsa ulon an tubun kasik an lo yaug burau ipano ya.”

<sup>25</sup> Agop Pol awan yabig ibol, “O tubun en Festus, nai burau ta ifunag na da. Ru a nabol ilasa dan, an rumok agod kankan milaen ak san a. <sup>26</sup> Kin Agripa, in mel amaiak fidian ilon sinjakaan ak ninen o nai nalon ak in naon na seg ipiranag dop njinjen o ta narer na wa. Nai ilog isou ak, dugo ilasa yan fidian lulunad lo mel ta kisaek man, kin Agripa mel an ninen o ta inajon na ya. Man dugo, mel an fidian mianuk lo dilasa man tia ya. <sup>27</sup> O Kin Agripa, on profet adi sad

girek ilo lo rumok ak i? Nai nalon ak, on ilo lo rumok a.”

<sup>28</sup> Agog Agripa Pol irupei, “Dugo, on gamu saen katukan en lo mi nai giniag pe Kris nilasa wak ubol di?”

<sup>29</sup> Agog Pol ru naon irupei, “Nal katukan boi, tia, milaen mi boi, on agod aenta gamu ru alon dan an fidian Jesus ilom lo rumok o nugudani da. An nai igo numado dan igo won an dam amado wo ilog ibol da. Gug mel kisaek sein nam nai dusubanag pe an lo yen man namoi.”

<sup>30</sup> Agog kin, in gurman tubun Festus da, Bernaisi, agod tamolpein fidian dumado yan dumasag, dilasa ya.

<sup>31</sup> Agog nug naon na dubol, “Tamol en mel ta igane saian pe ninen o imat san tia ya, subanek ab lo imado san dam ta igane na da.”

<sup>32</sup> Agog Agripa Festus irupei, “Tamol en in san kot Kaisa ilon o ibol a. Ago ta ibol na yak man subanek lo tupasi wa.”

## 27

### *Pol wog fo dinjane Rom na diau a*

<sup>1</sup> In awad kisaek go man Itali na mau o dubol tag, Pol in subanek aenkadi dida Rom yu gurman ta doup “Kaisar san sawar” dubol dak san gurman, yan an Julius, banin lo didirai a. <sup>2</sup> Agog man Adramitium na wog ta fo misida ya. Wog an Esia provins lo panu lon na dien dan lo idu dop yau san. Agog miyawai a. Masedonia na taun ta yan an Tesalonaika dubol dan san tamol, yan an Aristakus, dam ida mau a. <sup>3</sup> Nal tinin te Saidon na misasau a. Julius in Pol lo uyan, ago yak ninen o Pol yaug turan yil dugo mel lo katukan ak dupani a. <sup>4</sup> Agog milasag mau dugo tim imasa tag Saipras nui giranen na tim an tia yak lo mi mau a, man dugo, tim naoma yabi se ya. <sup>5</sup> Silisia in Pamfilia da sad lon mubiseig Lisia na taun yan an Maira dubol dak lo milasag misasau a. <sup>6</sup> Agog atna yu gurman an wog sen ak aban an yabi a. Agog wog ta Aleksandria na yak Itali

na yau dak ile tag, iginiamag wog an lo musuda ya.

<sup>7</sup> Tim naoma yabi a, ago yak ninen o nal aenta man pasak nam mau se ya. Agog Naidas panu sumeik mupani dugo, mile tag maeg migane gug atna ta madu na ya. Tim san dabai tubun kasik, agog naon fom mau san tia tag, Krit nui giranen malin ak lo maug Salmone damon mirinani a. <sup>8</sup> Maeg miganeg lon im mau nag taun ta Lasia dubol dak giranen na ilon ta yan an Ilon Malin dubol dan lo miladu ya.

<sup>9</sup> Man atna saen milaen mok mumado yaug wein mabi san muruan. Man dugo, Juda sad an an wali san nal itout la ya, agod saen an lo beig saian da. Ago tag Pol tamol ru kagin en irupidai, <sup>10</sup> “Tamol alon, idsad turen etnap tau dan man muruan geig a. Naisag ilog lo nukubiani nile yak, id tau on dop man, muruan wei mi ilasa wa, wog san bioung dideg diau a, wog daon in anep tamol aenta dam dumat a.” <sup>11</sup> Ak man yu gurman in keptan agod wog muroun da sad ru ilon lo rumok a. Agod Pol san ru man ninen o kankan ta igane na ya. <sup>12</sup> Madid saen dop ilon lo mumado san madok ta uyan na yak ninen o tamol wei kasik mau an awad kisaek dop, milasap fon miyawaip Finiks na madu wo ilod ibol a. Krit na ilon an tim naon fo ta yen na da. Agod madid saen dop ate ka mumado wa.

### *Dal na beig tubun kasik ifu ya*

<sup>13</sup> Agog karag ifure gug dabai an tia tag in ilod lo ilon a ilod isou an lo ka mau ak dubol. Ago tag an ga dirae isidag Krit san lon aen mi murig mau se ya. <sup>14</sup> Saen milaen tiag tim dabai yarti dubol dan nui log mayau itor pani a. <sup>15</sup> Tim ipalu yan wog in aneg, wog dutuli san ta isida na tag, tim naon mi dirig diau se ya. <sup>16</sup> Man nui nanun Koda dubol dan giranen aen ate muri dugo, dingi mabisa wo wagai miganeg, mirae isidag miyati a. <sup>17</sup> Agog wog rasau nam tinin du fou sakar. Kabelan Libia san lon na gugor atna yak fo wog isida banau o,



lai dupasi dugo tim mi wog idudunig mau a. <sup>18</sup> Beig saian geig an nek ago mi yen tag, salsog wog tinin san biouñ aenkadi diabi beig lo idu ya. <sup>19</sup> Maen mumasag nek ago mi tag, wog san biouñ biouñ aenkadi in sed banid nam dupasig diabiau a. <sup>20</sup> Nal kitek wei mi, ad, patui ta meil na ya. Agog tim nek yen ago mi yen dugo, man binawek mile san ilo isou migane yan fon iloma in aon a. In dideg diau o ilod isou se ya.

<sup>21</sup> Tamol dida mau an nal wei mok anan tia dumado tag, Pol imasag naod na itur dugo ibol, "An nai awag amoi ak ninen o Krit tibiseig, tiyawai tupalug, biouñ biouñ tititale da. Ago tia ak man, biouñ tititale yan tia wa. <sup>22</sup> Ak man nai an ilom kisaek mi wo nsumianan da. Sem dabai ipanan. Man dugo, id en kisaek ta imat san tia wa. Wog mi gup man saian a. <sup>23</sup> Tidom na naisag Anut ninen o in ubou nile dan san enel ta naisag na ipalug ibol, <sup>24</sup> 'Pol, on urer umoi! On Kaisar naon na utur o Anut ilon ago yen. Insan ilo munanek lo tamol dida au dan kisaek ta ideg yau san tia ya.' <sup>25</sup> Ago yak ninen o sem dabai panan. Man dugo, nai Anut o ilog lo rumok, agod nai ru nalon an ago mi iri panim ilasa wa. <sup>26</sup> Gug id man taup nui ta fo tisida wa."

<sup>27</sup> Agog ubou uraru itout go tidom an lo beig tubun, yan an Edria, an lo tim injiliamag mau. Tidom luak igo won wein tamol adi tan sumeik mupani dak dubol a. <sup>28</sup> Ago tag mel muruan ak kam fo dususeg beig lo diganeg idu yang, beig san kuror 35 mita igo won dile ya. Kitekan maug, fon ago mi digane man beig san kuror 25 mita. <sup>29</sup> Kabelan wog pat fo isidap ipuk banau an ga iwoiwo patun na dubal agog salso idu wo dumosiai dop insad tubud ilon o dubol. <sup>30</sup> Agog wog san wein tamol adi wog dubiseip dusol o digane yak ninen o in wog san dingi beig lo digane idu ya. In diraek go wog nudun fo an ga\* ta dususe wo digane da. <sup>31</sup> Ak man Pol

yu gurman an irupej, "Wog san wein tamol adi wog fo dumado wa. Tia tap, an adeg au a." <sup>32</sup> Ago tag yu tamol adi dingi san kam dututeg ifot yau a.

<sup>33</sup> Salso idu wo sumeik dugo, Pol tamol anan diani wo isumianai, "An nal 14 malam aganeg anan ta ani man tia ya. <sup>34</sup> Ago yak ninen o anan ani wo nurupaian da. An tinim dabai ipani wa. Man dugo, an lulum lo tamol ta kisaek insan gumuran san roun kitek ta mok ideg yau na wa." <sup>35</sup> Pol in ru an ibol itout gug bret kisaek in aneg fidian malad lo Anut ilo uyan ipanig yafuteg insen fun iganeg yani a. <sup>36</sup> Fidian ago dile tag sed dabai ipidinaig bret dinaneg diani a. <sup>37</sup> Man wog fo mau an nunoma 276. <sup>38</sup> Saen tamol fidian anan dianig, luad ipuk go, wog pasauman o diganeg, wit diabi beig lo idiau a.

### *Wog gurgor fo isida ya*

<sup>39</sup> Salso idu an wein tamol adi lon ta dileg dinan. Gug ilon ta lul anda yak dile tag wog dinane diaup lul an fo isasau wo dubol. <sup>40</sup> Ago tag an ga san kam dututeg, an ga nunon beig lo yen. Agog ulum san fei andam san kam dupasi a. Agog wog nudun fo lai an diraeg, tim wog idudunip, lon na yau wo digane se ya. <sup>41</sup> Ak man wog gurgor fo isidag iririd yen se ya. Agog nudun man isasau dugo wadan man tamun ipalug igile ifurak idiri yau se ya.

<sup>42</sup> Ago dugo yu tamol adi subanek an fidian dufu dumat o dubol. Kabelan dulog lon na diaup dusol banau. <sup>43</sup> Ak man yu tamol sad gurman Pol imat man imoi tag, subanek adi ta dufu dumat na wo ibol a. Tamol dulog san idaisuda man imug dusukalik beig lo dudup, dulog lon na disila diau o ibol a. <sup>44</sup> Gug aenta dulog san tia man, wog san abau an disinip fo dulog disila diau o ibol a. Ago miganeg fidian lon na itaot misida ya.

\* 27:30: Pitiau

## 28

*Nui yaŋan Molta dubol dak fo misidaya*

<sup>1</sup> Maŋ fidian itaot loŋ na misida gug nui an yaŋan Molta dubol go malon. <sup>2</sup> Nui an san tamolpein maŋ lo uyanan mok a. Ui idug aban madid tag yai dutuni panamag, tinima isue ya. <sup>3</sup> Agog Pol ai itueg yai fo idiri wo igane dugo, mot ta yai inani guguleg ilasag Pol banin te iratig banin ipulŋani a. <sup>4</sup> Nui an san tamolpein Pol banin te mot iyuk dugo dileg, sed nug durupei, “Tag tamol en tamol ifu dumat da. In beig lo ta imat na gug, naon panek san tubud gamu naon ipani da.” <sup>5</sup> Gug Pol mot an ikupari yaug yai lo idu ya. Mot an Pol tinin ta igane saian man tia ya. <sup>6</sup> Agog fidian dutur an Pol tinin isusanip yau idup imat dop dile wak dubol go tinid digane se ya. Ak man saen milaen mok mel ta ilasa dop dile wak dubol gug, mel ta ilasa man tia tag, kankan dibilisag dubol, “En man tubud ta boi.”

<sup>7</sup> Aben mumado yan giranen na man tamol ta yaŋan Pablius in nui an san gurman ak inŋan tan atna yen. In maŋ lo uyanan a. Agog injiliamag nal utol atna kagin ipanamag ida mumado se ya. <sup>8</sup> Pablius taman man ifuruk da, agod tinin wananan tubun kasik go yen da. Ago tag Pol inŋan galuŋ lo iladug Anut igudanig, banin tinin fo igane yan subam ibisei a. <sup>9</sup> Tamolpein fidian mel ilasa yan du- lon tag, subam adi nui lo yan fidian dupalug iginiaig uyadi. <sup>10</sup> In melmel wei kasik maŋ dupanama ya. Agog miyawai san saen dugo wein mabi san biabi wog lo didiri a.

*Molta mubiseig Rom na mau a*

<sup>11</sup> Kalam utol atna mumado dugo Aleksandria sad wog ta nudun fo tubud urarum nug tein, ta yaŋan Kastor, neinta yaŋan Poluks dubol dak sad mitilaed yen dak fo misidag mau a. Wog an madid saen lo nui an lo yen. <sup>12</sup> Agog maug, taun yaŋan

Sairakyus na milasag, nal utol mumado se ya. <sup>13</sup> Taun an mubiseig miyawaig, panu ta yaŋan Regium na madu ya. Maen mumasag tidom lom mi karag fun iganeg ipalu dugo, nal uraru lo mi panu yaŋan Putioli dubol dak lo milasa ya. <sup>14</sup> Agog atna ilo rumok adi aenkadi meil go dida ubou kisaek mumado wo dusumianama ya. Ago tag dida mumado gug Rom na mau a. <sup>15</sup> Ilo rumok adi Rom na yan yaŋama du lon go Apias Didaen Aben geg an diliama wo dupalu ya. Ago dugo aenta Lou Ab Utol geg an dam diliama wo dupalu ya. Saen Pol ilo rumok adi yil go Anut ilo uyan ru ipanig, inŋen dam sen dabai ipani a. <sup>16</sup> Saen maŋ Rom na milasa man, Pol inŋen kisaek mi, yu tamol kisaek ititianip ida dumado wo dubol a.

*Pol Juda adi Rom na yan itumanai a*

<sup>17</sup> Murnag nal utol itout go Juda atna dumado dan sad gurman dutu- mani wo Pol ru iganeg sad na yau. Saen dupalug dutumani dugo irup- idai, “O teig taog, ŋai bo idsad tamolpein, tamol kagin id tubud baged dupanad an kisaek ta ŋigane saian man tia ak gug, Jerusalem na dibiag go subanek diginiag a. Agog Rom banid lo diginiag a. <sup>18</sup> In ŋai dusum- ianag ak man mel ta ŋigane saian ak ninen o ŋamat san dile man tia ya. Ago yak ninen o dupasag o dubol a. <sup>19</sup> Ak man Juda adi in an dumoi tag, ŋai dabai nam Kaisa ŋaisag kot ilon o ŋabol. Gug ŋai Juda tamolpein mel digane saian ak ninen o Kaisa naon na ŋabol san ta amag da man tia ya. <sup>20</sup> Ago yak ninen o ŋai an da tinin o ŋigian a. ŋai tamol a Isrel tamolpein ninen o tinid digane dan ilog lo rumok an lo gamu ŋai sein ag da ŋumado da.”

<sup>21</sup> Agog in durupei, “Maŋ Judea na on nibe wo girek ta minane man tia ya. Agod Juda taidam dupalup on nibe wo ru ta dubol saian dop malon man tia ya. <sup>22</sup> Ak man biatitek en ninen o onane ilo sou minane malon o iloma tubun mi ibol da. Man dugo,

manj malonj ak, tamolpein aben fidian lo dumado dan biatitek emaiak ninjen o ru saian mi dubol da.”

<sup>23</sup> Ago tag Pol dida nal diganeg tamolpein wei kasik mok saen an aben Pol imado dak ate dilasa ya. Agog Anut san kagin panek san ru tidomi fun iganeg yaug, tidom idug naod na ifulale pidinai se ya. Inj Moses san kubiaen, agod profet sad girek lo dam ru boi sensen ak injal go, Jesus ilod lo rumok anen ru irupidai se ya. <sup>24</sup> Aenta injsan ru an dulonj go ilod lo rumok a, ago dugo aenta man ilod ta rumok na ya. <sup>25</sup> Ago tag fidian ru naon sensen dubol se man ab dibisei a. Gug diau o dugo Pol ru wadan en ibol, “Urgun profet Aisaia awan lo rumok geig anj tubum bagem ibol igo irupidai,

<sup>26</sup> ‘Waup, tamolpein en igo rupidai: Saen anj ru alonj man, ka alonj onj se ya, ak man san fun ta anjane na ya, agod saen abanj ale man, malami ka yau onj se ya, ak man ilom ta itarpasi na ya.

<sup>27</sup> Man dugo, tamolpein en sad bubedi dabai geig dilasa ya, inj kududodi ta dulonj uyan na ya, agod maladi ikilakil pasi a. Tia tap, maladi nam inj ka abanj dile wak, kududodi nam ka dulonj ak, agod ilodi nam manjau ka dinjane wa. Ago dop an lo ilod ibilisa dop didansap njasag na dupalu dop njukubuniaia.’ ”

<sup>28</sup> “Ago yak ninjen o anj alonj. Anut injsan patu pasek san ru iganeg tamolpein Juda tia yan sad na yau da. Inj ru an dulonj pe ninjen o kududod dugure wa!” <sup>29</sup> [Saen Pol ru an ibol go itout an Juda injsed injsed mi nug dupeig dufurak go diau a.]\*

<sup>30</sup> Ananjur uraru Pol sen ab ta idad go lo imado se ya. Ab an lo imado dugo tamolpein fidian dile wo dupalu se yan ilo uyan lo injal dugo imado se ya. <sup>31</sup> Inj Anut san kagin

panek ninjen o ru ifulale dugo, Tubun en Jesus ninjen o tamolpein manjau ipitenjanai se ya. Ru fidian ta yabituaniman tia ya. Agod Rom gabman an ninjen o ta ipadau na ya.

\* **28:29:** Boi 29 Grik lo tia ya.

## Rom

<sup>1</sup> Njai Pol, Jesus Kristus san urat tamol, anŝam na girek en nġiganeg ipalu ya. Anut sen nġai ipilianag a, an lo inŝan aposel nġilasa ya. Ago dop an lo nġai Anut san bilaluŋ uyanan an nġabol ilasa wa. <sup>2</sup> Inġ gubak mi inŝan profet awad lo promis id ipanad ak igo, murnap bilaluŋ uyanan en ilasa wa, agod profet an bilaluŋ en niŋen o inġaned girek gun ak lo digire ya. <sup>3</sup> Bilaluŋ uyanan en man inġanen Nanun idsad Tubun ak ilasa wan niŋen o ibol. Nanun emaiak tinin lo man bagen Dawid san dar lo ilasa ya. <sup>4</sup> Gug Awan Urgun inġ tamol an san dabai tutubu yan ikubiai panad a, man dugo, mateŋ lo imasag kumaen imado yan tile ya. Ago man Urgun kulob an lo inġ niŋen o igo ibol, tamol en Anut Nanun mok a. Inġ Jesus Kristus, idsad Tubun a. <sup>5</sup> Inġ lo mi Anut maŋ ilon imuŋanama ya, agod maŋ yaŋak aposel an ipanama ya. Maŋ urat migane yan lo, tamolpein Juda tia yak fidian luluŋad lo tamolpein aenta migiaip, an lo Jesus niŋen o ilod rumok pe inġanen awan paen na dumado wa. Maŋ ago migane wo ipilianama ya. <sup>6</sup> Agod anġ dam tamolpein ensauta a Anut igiaig inġanen tamolpein dilasa yan luluŋad lo amado ya.

<sup>7</sup> Aria, nġai anġ Rom tamolpein sam na girek en nġigane ipalu da. Anut an niŋemi wo tubun mi imat da, agog inŝan tamolpein gun ak amado wo igianġ a. Anut idsad Tamad, agod Jesus Kristus idsad Tubun en, inġ mi inŝad ilo panek agod inŝad maror anġ lo pempem yen a.

### *Pol Rom tamolpein yil o imat a*

<sup>8</sup> Mel malmalan nġurupaianġ man igo ya. Saen anġ fidian niŋemi wo ilog isou dop man nġai Jesus Kristus lo Anut ilo uyan nġupani da. Man dugo, tan fufulek fidian en san tamolpein inġ anŝam ilo rumok Jesus lo yan niŋen o diŋiŋenġ da. <sup>9</sup> Man dugo, Anut e

nġai ilog fidian lo inġanen Nanun san bilaluŋ uyan ak lo biabi nġigane den, patug fo itur dugo nġaisag niŋenġ isatuani da, nġaisag gudanek lo pempem anġ ilog isou dop niŋemi wo nġugudani da. <sup>10</sup> Aria, nġai gamu igo nġusumiani dak, inġ dalawan ta ipasi panag dop anŝam na nġupalu wa. Saen wei mi nġai ago nġusumiani se ya, gug dal ta ikubiai panag man tia ya. Nap inġ ilon ibol tap, gamu nġai ka anŝam na nġupalu wa.

<sup>11</sup> Njai nġilianġ o ilog tubun mi ibol da. Man ata wo? Njai ilog lo Urgun san bar uyan ak ta ka nġupanaŋ pe lo anġanem ilo rumok iganep dabai a. <sup>12</sup> An mi tia ya, tia, nug san ilo rumok lo nug ilon tabisa wa. Anŝam lo nġai dabai niŋane dop, nġaisag lo anġ dam dabai anġane wa. <sup>13</sup> Teig taog, anġ mel en niŋen o anġaonġ banau. Saen wei mi nġai anŝam na nġupalu wo nġigane se ya, ak man mel ta pempem nġaisag dal ifutani dugo ipalu na ya. Nġaisag urat nuŋon an dam luluŋam lo ifu o ilog ibol da, nek ibol nġaisag urat nuŋon Juda tia yak aenta luluŋad lo ifu la yak ago mi a.

<sup>14</sup> Tamolpein wei mi sad gubun nġai tinig lo yen da, an niŋen o gubun an nġusupasip itout a. Grik adi, tamolpein asau adi, tamolpein maŋau ad da yak, tamolpein maŋau ad tia yak lo ago nġigane wa. <sup>15</sup> Fun an lo na nġaisag ilog tinig fidian anġ tamolpein Rom na amado dan dam bilaluŋ uyanan en nġufulalep aloŋ o ilog ibol da.

<sup>16</sup> Njai bilaluŋ uyanan e nġabol ilasa den niŋen o miai ta ifunag na da. Man dugo, Anut san dabai an lo yen da, an lo tamolpein fidian ilod lo rumok dan patud ipasi wa. Malmalan Juda adi, ago gup murna gob adi wa. <sup>17</sup> An niŋen bilaluŋ uyanan en lo, Anut inŝen dal foun ak ta tamolpein inġ malan lo itaot dumado wak san igane ilasa ya. Dal an san fun, agod dal an san wadan man ilo rumok lo mi a. Nek ibol ru ta Anut san buk lo digire yan ibol, "Talpein enti inġ Anut malan lo itaot ak, inġanen ilo rumok lo mi kumaen imado wa."



*Tan en san tamolpein fidian Anut san tinjæ mumarek paen na dumado da*

<sup>18</sup> Anut inſan tinjæ mumarek id kuai te ikubiai tile da. Anut inſanen tinjæ mumarek an lo tamolpein in patud dupanig kagin saiak saiak digane dan naon ipidinai da. Man dugo, inſaned kagin saiak saiak digane dan lo ru rumok ak diabi idu da. <sup>19</sup> Anut in enso Anut ta, inſen fun tan en san tamolpein malad lo ta imiani na ya, tia, inſen mi inſanen bunun aenta kuai tem iganeg dile duloŋ a. <sup>20</sup> Fun lo mok Anut tan en iganeg yen ipalug gamu saen en lo man, inſan bunun imianuk yen an walal te igane ilasa ya. An igo ya, in Anut mok a, agod inſan dabai pempem yen yau da. Mel uraru en kuai te tamolpein ka dile duloŋ a, inſan dabai, agod inſan mel idiri an lo banin mitilaen ka dile wa. Ago bo man in Anut dumoi a. Fun amaiak ninen o in Anut malan lo sed idiraip itaot dilasa wo digane san dal ta yen na da.

<sup>21</sup> In Anut duloŋ uyanan ak bo man yaŋan diabisa man dumoi da, agod in ilo uyan dupani man dam dumoi da. Ago man inſad ilo sou an nuŋon an tia ya, ago dugo inſad kankan kawan ilasa ya, an lo tinid ilon lo tidom tubun an inſad ilo burau ituani a. <sup>22</sup> Ago dugo tamolpein an igo dubol, “Maŋ kankan milaen amama da ya.” Ago digane dugo, sed ilod ibali dugo sed buraurau ipidinai se ya. <sup>23</sup> Man ata wo? In Anut kumaen pempem imado dan san girager diŋane dugo, aben lo tan en san ai mitilaedi digane idu ya. Melmel nek ibol tamol, anakanak, mel mudan, agod mel mot igo yak, sad mitilaedi dusuwig ubou ad dile na ya.

<sup>24</sup> Fun an ninen o Anut yabianai a. Ago man tamolpein an nun kagin funfun a digane wo bubedi tubun mi imasa se yan, nek ago mi digane na ya. In ilod imasag jeit digane dugo nug tinin lo kagin miai ak digane se ya. <sup>25</sup> In ru rumok Anut ninen o yan diŋaneg patud na digane ya, ago dugo

aben lo inſiganed ru sewak an diganeg duri dupani na ya. An lo Anut inſen mok mi yaŋan diabisa wak dumoi, melmel tan san Anut sen banin nam idiri amaiak ubou amad dile dugo yaŋad diabisa na ya. Ak man Anut mi in mel niganag tamol, amaiak ninen o inſanen yaŋan mi id pempem tabisa wa. Rumok.

<sup>26</sup> Aria, Anut inſaned kagin sisaiak ile yan ninen o, afon yabianai da ya. Ago man tamolpein an ilo masai sen-amo geig ak miai san an duri dupani na ya. Pein tamol da nug iwon igo dien dan tia, in kulob Anut imoi amaiak mi diganeg inſed pein pein mi nug iwon igo digane na ya. <sup>27</sup> Agod an mi tia ya. Tia, tamol dam in iwod pein dadi dien man dumoi, agog in bubed imasag tamol tamol mi nug iwon igo dien dugo, kagin miai tubun ak mi digane na ya. An ninen o Anut nun kagin an san naon atem itaot ipidinai a, ago dop inſed tinid lo mi ai wadan an dukubiani wa.

<sup>28</sup> Taida mi, inſad ilo sou lo, in Anut duloŋ man mel kawan ak dubol a, an lo inſad maŋau Anut ninen o yan diabi sakar o dumoi dugo, banid lo ilasag ideg yau a. Fun an ninen o Anut afon yabianai da ya. Ago man inſad ilo sou saian geig an digane ilasag, an lo fun diganeg kagin sisaiak ak sensen an mi digane se ya. <sup>29</sup> Tamolpein an inſad ilod tinid lo kagin saiak saiak en awan isa ya. Mala sek kagin, kagin saian geig ak, tura susak kagin, tamol dufuni imat ak san kagin, nug paek kagin, sewak kagin, siai kagin, ŋurŋur kagin, <sup>30</sup> uf kagin, Anut dile saian san kagin, silei kagin, ŋai-ŋai kagin agod se pitiano i kagin. In kulob saiak digane wo dal aban dile da, in tinad tamad awad kagin ta dupani na da. <sup>31</sup> In ŋiŋeo kagin digane dak, inſiganed ru ta diganuri na dak, in inſaned muroud niŋedi wo ta dumat na dak, agod ilo muŋanek amad tia ya. <sup>32</sup> Tamolpein an Anut san kubiaen igane yan duloŋ uyanan a, kubiaen an lo ibol ak talpein kulob ago igane dan mateŋ ile wa. Rumok, in kubiaen

an dulon gug dumoi, kagin uyan tia yan mi digane yau da. Agod an mi tia, tamolpein kagin ago digane dan dile dugo dupitianai da.

## 2

### *Anut san bitinaek man itaot a*

<sup>1</sup> Onj enti talpein sen ak kagin sisa-  
iak igane dan bitinaek lo ganeg in lo  
ru sue dan, dugo, onj Anut malan lo  
kagin a gane dan fun an tia ya. Tia  
geig a, man dugo, onj talpein sen ak  
ta lo ru sue yak gug, kagin sisa-  
iak a talpein a igane dan onj dam kagin  
naon kisaek ago gane da. Amaiak  
niñen o onse bitinaek lo iginio dugo se  
ibio udu wau da. <sup>2</sup> Id talon ak Anut in  
tamolpein kagin saiak saiak digane  
dan sad aupasek naon ipidinai a. Ago  
dop in bitinaek ago igane dan itaot  
fom igane da. <sup>3</sup> Ago man onj Anut  
san bitinaek an lo usol ak i? Man  
tia ya. Onj tamol kawan ak mi a, ago  
gug tamol aenta bitinaek lo dirai da.  
Ago dugo onse mi in sad kagin sisa-  
iak tutunan da. Fun an lo, onj ilo isou dak  
Anut san bitinaek onj irinano wak i?  
An tia geig a! <sup>4</sup> Anut onj ilon imunan  
dugo saen milaen mi onj kagin uyan  
uyan ak gane wo mala igane da, agod  
in sen yabituani dop muruan ririan  
ta ipano na da. Dugo, onj ilo lo mel  
an nunon tia yak ubol dugo ule saian  
di? Anut onj ilon imunan san fun  
man, in anen ilo munanek kagin an lo  
iduduwo dop ilo bileksa wan ta ulon  
na i?

<sup>5</sup> Ak man onj bube sakar tinan a,  
agod onjane aupasek an lo ilo bileksa  
man umoi da. Kagin an naon man,  
onse Anut san tinan mumarek an se  
itumani pano da. Agod nal idu dan te  
dop Anut san bitinaek itaot ak malak  
malak ikubiaip tile wa, saen an lo  
dop in san tinan mumarek an onj tini  
fo iwali idu wa. <sup>6</sup> Talpein anen anen  
atem dugo dugo digane yan fom,  
Anut in aned urat naon atem atem  
ipidinai a. <sup>7</sup> Tamolpein aenta in aned  
kagin naok naok uyan ak digane yau  
dan lo, girager tubun ak, yanjak tubun  
ak, agod mater dile san tia yan dinane

wo aban dile da. Anut tamol naok  
ago yak kumaen pempem yen yau  
san an ipidinai a. <sup>8</sup> Gug tamolpein  
aenta man, in sed titired dufuni dugo  
in sed uyan dumado wo digane da,  
ago dugo ru rumok an dumoi dugo  
kagin saiak saiak mi duri da. Anut  
tamolpein naok ago yan niñedi wo  
tinan saian geig dop, ibitinaip in san  
ilo mumarek tinid fo iwali idu wa.  
<sup>9</sup> Saen an lo, tamolpein fidian kagin  
saiak digane dan, muruan agod ilodi  
tinan anda dam ifu a, malmalan Juda  
adi lo ilasa gup, afon Juda tia yak adi  
lo dam ilasa wa. <sup>10</sup> Ak gug tamolpein  
a fidian kagin uyan uyan ak digane  
dan, girager, yanjak tubun ak, agod  
ilo maror dam dinane wa, malmalan  
Juda adi lo ilasa gup, afon Juda tia  
yak adi lo dam ilasa wa. <sup>11</sup> Man dugo,  
gidad talpein ta Juda sad dar lo ilasa  
yan, tia, dar sen ak lo ilasa yan, Anut  
kagin kisaek mi lo in fidian ibitinaip  
in aned naon itaot atem atem ipidinai  
a.

<sup>12</sup> Tamolpein a fidian Moses san  
kubian amad tia aupasek digane na  
yan, in kubian amad tia dideg diau  
a. Nek ago mi, tamolpein a fidian  
Moses san kubian amad da yak gug  
aupasek digane dan, gidad in kubi-  
an amad da yak bo man in dam  
dideg diau a. <sup>13</sup> Man dugo, tamolpein  
a kududod nam kubian san ru kagin  
dulon ak gug awan ta diabi na dan,  
Anut malan lo in ta itaot na ya. Tia,  
tamolpein a kubian awan diabi dan  
mi niñedi wo Anut ibol ak, in itaotan  
a. <sup>14</sup> Saen tamolpein Moses san ku-  
bian ta dinane na dugo, in signed  
ilo sou lo mi, kubian an kagin itaot  
ak niñen ibol ago digane tap, gidad  
kubian ta dinane na yak gug, ku-  
bian ibol ago digane da. Rumok,  
in Moses san kubian amad tia ya,  
ago bo man in sed kubian amad da  
ya, ago dugo in signed kubian an  
diri da. <sup>15</sup> In sad kagin naok naok lo  
talon ak, Moses san kubian in anen  
ru kagin funfun an bubed lo digire  
yak yen da. An lo in signed ilo sou  
naon sensen an lo ru kagin irupidai

da, saen ta muruan ipidinai dak, saen ta isatuanai da. <sup>16</sup> Awo, nal ta ilasa dop tamolpein a kubiaen dulon gug patud dupani dan, agod tamolpein a kubiaen diganuri dan, in sisem Anut naon na bitinaek lo ditur a. Bilalun uyan ak a nai nabol ilasa dan lo ibol ak igo, nal an lo dop Anut tamolpein sad kankan mianuk an fidian Jesus Kristus lo kuai te idiri ilasap ibitinae a.

*Juda adi in kubiaen ad da yak gug dupilali na ya*

<sup>17</sup> Gug on, on Juda tamol ubol tap, agod kubiaen mi uri pani tap, agod on Anut ulon ubol go se ipitiano tap, <sup>18</sup> on in san ilobol ulon ubol tap, mel uyan uyan kubiaen ipitenano dan ninen awok pidinai tap, <sup>19</sup> on on se isisinanop on mala tiai adi titianai dak ubol tap, agod on tamolpein tidom tubun dumado dan lilaman pidinai dak ubol tap, <sup>20</sup> on tamol burau ak sad ulumbek tamol ubol, agod on nanuk sad girek manau mado dak ubol tap, agod on kubiaen ilon lo mi manau mok ak in ru rumok da yen dugo ule ulon ak ubol tap, <sup>21</sup> aria, on aenta pitenanai da, gug on se ipitenano di? On gumagam kagin dumoi o ubol da, ak dugo, on se ta ugam na di? <sup>22</sup> On aenta jeit kagin digane dumoi o rup- idai da, ak dugo, on se jeit ta gane na di? On tubud sewak ai mitilaen man umoi da, ak dugo, on gob sad ubou ab lo mel uyan uyan ak ta ugam na di? <sup>23</sup> On Anut san kubiaen ninen o ru tubun mi ubol da. Gug on kubiaen an pilalig an lo Anut miai pani da. Dugo, an ta rumok na i? <sup>24</sup> Nek ru girek lo ibol ago, "Ansam kagin sisaiak ninen o gob adi lulunad lo tamolpein Anut yan an ninen o nao futek ru dininjen da."

<sup>25</sup> Saen on kubiaen kagin pani yau dan, on tini sunulon dutute san kagin an nunon anda ya. Gug saen on kubiaen pilali man, on sa tini sunulon tutek an mel kawan igo ilasa ya. <sup>26</sup> Nek ago mi, talpein ta gidad tinin sunulon ta dutute na bo man kubiaen ibol ago igane dan man, en dugo, in tinin

sunulon dutute yak ago Anut ilon ta isou na wak i? Rumok geig, Anut san leil lo talpein an man nek ibol tamol tinin sunulon dutute yak igo won a. <sup>27</sup> Amaiak ninen o tamol a tinin sunulon ta dutute na bo man kubiaen kagin ipani dan, in on kot ipano dop ibio udu wa. Ata wo? On kubiaen muroun mado dugo, tini sunulon tutek san kagin in san muroun dam mado da, ak gug kubiaen nek an pilali da.

<sup>28</sup> Kagin an ipalug wadan lo enti in Juda tamol mok tabol ak i? Tamol a tini sunulon tutek san mulun yabi dan, kagin an lo mi in Juda tamol mok ilasa san ta idaisuda na ya. Agod tini sunulon tutek mok man, mel ta tamol banid nam digane san dam tia ya. <sup>29</sup> Tia, tamol ta Juda mok imado man an njetun san, agod tini sunulon tutek mok man, an bubed ilon san mel, an dam ur san mel, gug an kubiaen san mel tia ya. Tamol naok ago yak in Anut san na yanak tubun ak inane wo ilon ibol da, tamol sad na man tia ya.

### 3

*Anut san bitinaek an itaot a*

<sup>1</sup> Aria, dal dugon lo Juda in tamolpein aenta dirinani i? En ata mel uyan tini sunulon tutek dinane dan lo ilasa i? <sup>2</sup> Awo, in Juda dilasa yan lo man in sad binawek wei mi a. Mel malan malan man igo ya, Anut inanen awan aban an kagin dupani uyan o banid lo igane ya.

<sup>3</sup> Gug Juda adi aenta ilod ta rumok na yak ninen o dugo yak i? Dugo, in ilod ta rumok na yan lo Anut in sinanen ru iganuri dan nunon tia yak igane ilasa wak i? <sup>4</sup> Man tia mok a. Gidad tamol adi fidian sewak bo man Anut man ago tia ya, tia, in pem- pem rumok a. Ru ta Anut san buk lo igo ibol,

"Saen on ru ubol ilasa dop, tamolpein fidian kuai tem dile wak onane ru an itaot a, ago dop on bitinaek lo udu bo man, bitinaek an on rinani wa."

<sup>5</sup> An niñen o idsad kagin a ta itaot na yan lo, Anut inanen kagin itaot ak kuai te igane ilasa da. An lo dop, id dugo tabol ak i? Dugo, Anut inanen tiñae mumarek id tinid fo igane dan ta itaot na i? (Ru e ñabol den niñen o, tan en san tamol adi sad ilo sou ñirig sumiaek ago ñigane da.) <sup>6</sup> Man tia geig a! Uloñ. Anut inñen ta itaot na tap, en dugo woñ pe inñ tan en san tamolpein fidian bitinaek lo idirai san idaisuda wak i? <sup>7</sup> Gug talpein ta ru naon en ka irupaiag, “Ñaisag kagin sewak lo Anut san kagin rumok ak igane kuai te ilasap an lo inñsan girager an awana da. An rumok tap, ata wo Anut kot ipanag dop ñaisag aupasek an niñen o ñai ibiag ñadu wak i?” <sup>8</sup> Id talpein naok an san ru ta tiganuri na wa, kabelan inñ afon ru igo ibol banau, “Id kagin saian ak tiganep, an lo nuñon uyan ak ka ilasa wa.” Man ru naok ago yan mabol ilasa dak ago tamolpein aenta dubol da. Ago yan lo manñ niñema wo uf digane dugo, yanama dipitiñini da. Anut tamolpein a manñ niñema wo ago dubol dan, kot ipidinaip ibiai idu saian geig a, man dugo, inñ ago diñane san idaisuda geig a.

#### *Talpein ta itaot man tia ya*

<sup>9</sup> En dugo, id Juda adi tamolpein aenta a Juda tia yan tiriñanai ak i? Man tia geig a. Ñai gubak mi ñukubiaig ale la ya, Juda tamolpein agod a Juda tia yan dam aupasek san dabai paen na tumado da. <sup>10</sup> Ru ta Anut san buk lo igo ibol, “Tamolpein fidian ta itaot na ya, ta kisaek dam tia ya.

<sup>11</sup> Talpein ta kankan milaen aman da man tia ya, agod talpein ta Anut abañan ta yabi na da.

<sup>12</sup> Tamol fidian mi Anut patud dupanig, inñ fidian sisem tamol mok tia ago dilasa ya.

Inñ luluñad lo tamol ta kisaek kagin uyan ak ta igane na da.

Rumok, ta kisaek tia ya.”

<sup>13</sup> “Inñsad awadi man matenñ san,

agod inñ baled fo ru raek saian geig ak ikirir da.”

“Inñaned awad aban farid lo ilasa dan nek ibol mot wagai ak san awan uran igo woñ a.”

<sup>14</sup> “Inñaned awad man misilaneñ ru inñ ru saiak siai lo ilasa dan da awan isa ya.”

<sup>15</sup> “Inñ bani malak kagin lo, tamolpein tinid dipitiñini dak, dufu dumat da.

<sup>16</sup> Inñ dutor dugo inñsad ñiek aban fo man, madok pitiñineñ, agod ilo tinañ madai da ago ilasa yau dop diau da.

<sup>17</sup> Inñ maror san dal, kagin an ta duloñ na ya.”

<sup>18</sup> “Agod Anut niñen o durut direr san tinid ta ilonñ na ya.”

<sup>19</sup> Aria, id talonñ ak, Moses san kubiaenñ dugo ibol dan, ru kagin an tamolpein a kubiaenñ an paen na dumado dan mi irupidai duloñ a. Awo, Juda adi inñ Juda tia yak adi da aupasek paen na dumado da. An lo dop saen Anut ru ipidinañ dop sed ibargiranai san ta idaisuda na ya, tia, tan en san tamolpein fidian Anut san bitinaek lo dutur dop ru naon durupeñ a. <sup>20</sup> Amaiak niñen o talpein ta kubiaenñ an iri pani dan lo Anut malan lo itaot ta ilasa na wa. Tia, id kubiaenñ an lo mi dop idsiganeñ aupasek tile talonñ a.

#### *Ilo rumok lo id itaot tilasa wa*

<sup>21</sup> Ak gug, gamu Anut inñ malan lo itaot idirad san dal foun ak iganeñ walal te ilasag yen da, ago dugo id an tile talonñ a. Id itaot tilasa san dal an kubiaenñ san dabai lo ilasa man tia ya. Gug Moses san kubiaenñ inñ profet adi da awad kisaek go mel an niñen dubol ilasa ya. <sup>22</sup> Id itaot tilasa man Anut idsad ilo rumok Jesus Kristus lo ipanad a. Id fidian Jesus Kristus ilod lo rumok dan, an tiñane wa. Id fidian, Juda adi, agod Juda tia yak dam naon kisaek mi a, <sup>23</sup> man dugo, id fidian aupasek tigane na ya. Ago dugo idsad nao lalek man Anut anen nao lalek ago tia ya, tia, id fidian ta idaisuda na ya. <sup>24</sup> Ak gug Anut inñanen ilo panek lo sen kawan naon tia idirad go itaot



tilasa ya. Inj Jesus Kristus idinig id idad injiliad o ipalu ya. <sup>25</sup> Anut, Jesus Kristus nek ibol mel ta injsan tinjæ saiak igane itout san igo won, id naod na ikubiaig tile ya. Id inj ninjen o ilod rumok dan lo, Anut san tinjæ saiak Kristus san dar lo ikubune itout an, san nunjon id tinjane wa. Inj ago igane yak lo kagin itaot an ikubiaig id fidian tile ya. Man dugo, Anut sen itaot ago mi ipiranig tamolpein gubak mi dumado dan sad aupasek ile bo man naon ta ipidinai se na ya. <sup>26</sup> Fun inj ago igane man, saen gamu en lo injsen bitinaek lo kagin itaot ak mi igane dan id ikubiaip tile wa, agod inj talpein a Jesus o ilon rumok dan itaot igane ilasa wa.

<sup>27</sup> Dugo, id an lo ka sed ipitianad ak i? Kagin naok ago man fun tia ya. Ata wo? Id Moses san kubiaen kagin tupani dak lo yak i? Tia geig a. Id Jesus ninjen o ilod lo rumok da, nek fun an mi a. <sup>28</sup> Man dugo, id igo tabol, tamol ta injsan ilo rumok an lo mi Anut iganep itaot ilasa wa, kubiaen san nouk nouk ago kagin igane dan lo tia ya. <sup>29</sup> Dugo, Anut inj Juda mi sad Anut i? Ago dugo, Juda tia yak sad Anut tia i? Tia, inj Juda tia yak sad Anut dam mi a. <sup>30</sup> Man ata wo? Anut injsen kisaek mi a, fun an ninjen o injsen tamolpein fidian sad Anut. Amaiak ninjen o dal kisaek lo mi inj tamolpein itaot idirai dilasa da, gidad inj tini sunjulon tutek amad da yan, tia, tini sunjulon tutek amad tia yan, Anut inj fidian anen anen atem inaned ilo rumok Jesus lo yan itaot idirai dilasa wa. <sup>31</sup> Ago man id ilo rumok san dal an mi turi wo tabol da. An fun man dugo? Moses san kubiaen tabianip nunjon tia ilasa wak ago tabol di? Man tia geig a! Tia, idsad njen en lo kubiaen an tibalsinjani da.

## 4

### *Abraham inj ilon lo rumok an lo itaot ilasa ya*

<sup>1</sup> Amaiak ninjen o Abraham man inj man Juda sama tubum bagem, tamol

amaiak ninjen o id dugo tabol ak i? Inj mel a ninjen o imug mabol ilasa se yan dugon kuai ipani ak i? <sup>2</sup> Abraham kubiaen ibol ago mi iganeg an lo Anut malan lo itaot ilasa yan rumok tap, inj ka sen ipitiani wa, gug Anut naon na man ago igane san tia ya. <sup>3</sup> Ru Anut san buk lo dugo ibol i? “Abraham Anut san ru ninjen o ilon rumok a, fun an lo Anut Abraham inj tamol itaot ak ago ibol a.”

<sup>4</sup> Saen talpein urat igane dugo injsan urat naon dupani an ninjen lou kawan ak ago ta tabol na da. Tia, injsan gubun\* urat muroun tinid lo amaiak mi dukubune wa. <sup>5</sup> Ago gug tamol enti inj urat ta igane na dan inj Anut san ru mi ilon lo rumok tap, Anut injsan ilo rumok ilep malan lo itaot ak ibol a. Man dugo, Anut sen tamol saiadi ak idiraip itaot dilasa wak san Anut. <sup>6</sup> Kinj Dawid dam inj mel naon kisaek an mi ninjen o ibol a. Dawid inj tamol a injsan urat naon Anut ipani man tia yak gug, Anut iganeg itaot ilasa yan ninjen o bar igire ya. Inj tamol an san ilo uyan ninjen o igo ibol, <sup>7</sup> “Tamolpein ensauta a Anut injsad aupasek ipare idu dugo, injsad muruan ituani an, ilod uyanan a.

<sup>8</sup> Talpein enti Anut injsan aupasek ilon ta isou na dan, inj bar uyanan injane ya.”

<sup>9</sup> Dugo, ilo uyan san bar uyanan an tamol tinid sunjulon dutute yan injsad mi ak i? Tia, tamol tinid sunjulon ta dutute na yan dam sadi a. Man dugo, man Anut injsen Abraham itaotan ibol an ninjen o mabol da. Anut ago igane man lou kawan ak onj pani a. <sup>10</sup> Saen dugon lo inj ago igane i? Inj tinin sunjulon dutute gug ago igane i? Tia, tinin sunjulon gamugo dutute dugo ago igane yak i? Kulob an tinin sunjulon dutute gug lo ta ilasa na ya, tia, kulob an o gubak mi yen la ya. <sup>11</sup> Inj tinin sunjulon gamugo dutute bo man, inj ilon lo rumok ak lo inj tamol itaotan ak imado ya. Amaiak lo inj tinin sunjulon dutute yan san kob

\* 4:4: Pani

inane ya, Anut in tamol itaotan ibol an lo kob an kuai isi a. Dal an lo tamolpein fidian a ilod lo rumok gug tinid sujulon ta dutute na yan gidad, Abraham Anut in idiraig itaot dilasa yan, insad tamad imado ya. <sup>12</sup> Nek ago mi, in dam tamol a tinid sujulon dutute yan tamad imado da. Gug in tini sujulon tutek mi ta diñane na da, tia, in Abraham san ilo rumok naok igo yan dam diganuri da. Abraham gamugo tinin sujulon dutute dugo, Anut san ru in ilon lo rumok a, ilo rumok naon kisaek an mi in dam da ya.

<sup>13</sup> Kubiaen lo Abraham inanen malan kubulan dadi Anut san promis ta diñane na ya. Promis an Anut tan en, agod fidian tan ilon lo dien dan dam, ipidinai ak ibol a. Ak gug Abraham san saen lo kubiaen an ta yen na ya, ago yan lo in kubiaen an iganuri san tia ya, amaiak ninen o dal an lo promis inane san tia ya. Tia, in ilo rumok anda yak lo itaot ilasa ya, kagin an ninen o mi Anut promis an ipani a. <sup>14</sup> Man dugo, tamolpein a kubiaen diganuri dan mi melmel an diñane dop man, ilo rumok an dabai an tia ya, agod promis an nujon tia wa. <sup>15</sup> Man ata wo? Kubiaen in Anut san tinjae mumarek isini ipalu da. Ak gug, kubiaen tia dop man tamol kubiaen ipilali ak ninen o tabol san tia ya.

<sup>16</sup> Fun an ninen o promis an ilo rumok lo mi ipalu ya. Ilo panek in promis an san fun, man dugo, Anut sinan ilo panek lo mi Abraham promis an irupei a. Fun an lo promis an san nujon ilasag Abraham san malan kubulan fidian diñane ya. An tamolpein a kubiaen duganuri dan mi tia ya, tia, a in Abraham san ilo rumok lo dutor dan dam promis an diñane ya. Ata wo? Abraham in id tamolpein naok naok fidian sad ilo rumok tamad a. <sup>17</sup> Nek ru ta Anut san buk lo yen dan ago ibol, “Nai on tan titin wei mi san tamolpein insad tamadi npiliano ya.” Ago man in Anut malan lo idsad tamad imado da. Man

dugo, in Anut ilon lo rumok a. Anut an enti mok aki? Enti a tamol imat ak kumaen ipidinai dan, agod melmel ta dilasa na yan yanad ipate dugo ago dilasa yan, nek Anut an mi ninen o Abraham ilon rumok a.

<sup>18</sup> Abraham in ilon lo rumok a, gidad malan iganeg mel an nujon tia yak igo bo man, in mala nouk imado se ya. An ninen o in tan titin wei mi sad tamad ilasa ya, in o ago ilasa wan ninen o Anut gubak mi igo irupe, “Onane mala kubulan sad sutek man lon na lul igo won dilasap ago dumado yau a.” <sup>19</sup> In muruan en ileg ikubiani a, insan tinin san dabai itout o sumeik da, ago bo man insan ilo rumok ibisei san tia ya. Insan ananar 100 sumeik da, agod Sara san nanuk tanen dam ikukuik a. <sup>20</sup> Ago bo man in Anut san promis ta ibisei nag ilon dam weiwei man tia ya. Tia, insan ilo rumok isudag dabai geig an lo dabai ipani dugo Anut yanjan yabisa se ya. <sup>21</sup> Man dugo, insan ilo rumok tubun an lo in ilon ta weiwei na ya, tia, Anut in dabai anda an lo mel ibol an ago ka igane wak, nek ago ilon isou se ya. <sup>22</sup> Fun an lo “Anut Abraham in tamol itaotan ak ibol a.” <sup>23</sup> Ru e, “Anut Abraham in tamol itaotan ak ibol an” Abraham ninen o mi ta digire na ya. <sup>24</sup> Tia, id dam nined o digire ya. Man dugo, id dam Anut binawek kawan an ipanad pe lo id tamolpein itaotan ak ibol a. Id Anut e idsad Tubun ak Jesus matej lo ifufunig kumaen imasa yen ninen o ilod rumok a, fun an lo in binawek kawan ak ipanad pe itaot tumado wa. <sup>25</sup> Anut in Jesus ibiseig idsad aupasek isuas o matej lo igane yau a, agod id iginiad itaot tilasa wo Jesus matej lo ifufuni yabisag afon kumaen imado da.

## 5

*Kristus id patud ipasig gamu youd isa da*

<sup>1</sup> Fun an ninen o, Anut idsad ilo rumok amaiak lo itaot idirad tilasa ya. Amaiak ninen o id idsad Tubun ak Jesus Kristus lo id Anut da ilo maror

lo tumado da. <sup>2</sup> Jesus inſen mi idsad dal an lo, id Anut anen ilo panek san ar ilon lo tiladu ya, agod dugo ilo panek an lo tatur da. Agod id Anut da sisem inſan girager an lo tumado wak niſen o mala nouk tumado dugo uyasuai tigane da. <sup>3</sup> Agod an mi tia, muruan tinid fo ipalu bo man uyasuai tigane da. An lo id talon ak, muruan tisini den inſan wadan man, id dabai ipanad pe tatur sakar a. <sup>4</sup> Aria, tatur sakar san kagin san wadan man, id ilod lo bunud uyanan igane ilasa wa. Agod bunud uyanan san wadan man, mala nouk tumado san kagin igane ilasa da. <sup>5</sup> Agod id mala nouk tumado dan san kagin an nuſon da ya, kagin an niſen o id ilod ta muruan na da. Tia geig a. Man dugo, Anut Awan Urgan id ipanad an lo inſanen ilo panek id bubed lo ikulmaek la ya.

<sup>6</sup> Saen id dabai amad tiag, sed ibinawad san tia yan lo Anut ibinawad a. Nal nek an lo Kristus tamolpein Anut awan duparsisali an ibinawai san niſedi wo materj ile ya. <sup>7</sup> Talpein ta inſ tamol itaot ak aben inſanep imat san niſen o irer mok a. Saen wei mi tamol ta ago igane dop tile man tia ya. Ak gug, nap talpein ta tamol uyan mok ak mi aben inſanep ka imat san niſen o irer san tia yak boi. <sup>8</sup> Ak man Anut anen ilo panek tubun ak dal en lo ikubiai tile da. Saen id aupasek san dal turi dugo Kristus id niſed o materj ile ya.

<sup>9</sup> Gamu inſan dar lo id itaot idirad tilasa ya. Amaiak niſen o rumok, murnap Kristus inſen id patud ipasi dop, Anut tinſae mumarek an lo ta ifunad na wa. <sup>10</sup> Saen id Anut san ager tumado dugo inſanen Nanun san materj lo id Anut san turan muroun tilasa ya. An rumok tap, sapita taida dop inſ gamu kumaen imado dan lo id ibinawad pe patud ipasi wa. <sup>11</sup> An mi tia ya, idsad Tubun ak Jesus Kristus lo, id Anut da tutumani an niſen o yousai tigane da. Man dugo, gamu Kristus lo id Anut da titinſae mi siai yen an ipasi panad go Anut san turan

muroun tilasag tumado da.

*Id Adam lo tamat ak gug Kristus lo kumaen tinſane ya*

<sup>12</sup> Aria, ru en alon uyan. Tamol kisaek lo aupasek tan ente isadu ya. Agod inſan aupasek an materj dam isinig ipalu ya. Dal an lo materj an tamolpein fidian lo yau a. Man dugo, tamolpein fidian tamol kisaek an dututanig au dupas a. <sup>13</sup> Rumok, Anut san kubiaen Moses gamugo ipani dugo, saen an lo tamolpein au dupas na ya. Ak man saen kubiaen tia dop, aupasek niſen o Anut talpein ta tinin ta isupale na wa. <sup>14</sup> Ak gug gidad, Adam san saen lo yaug Moses san saen lo man materj mi ititianad na ya. Nek ago mi, tamolpein a inſad aupasek Adam san aupasek igo mi tia yan, materj dam ititianai na ya. Aria, alon uyan, Adam man inſ Tamol a murnap ilasa wan san mitilaen igo won a.

<sup>15</sup> Ak man, Adam san aupasek, Anut san ilo muſanek da sad nuſon naon kisaek tia ya. Tia, tamol kisaek an san aupasek amaiak lo tamolpein wei mi dumat na ya. Gug Anut san ilo muſanek man tubun di tubun geig a. Anut san ilo muſanek an lo mi binawek kawan ipanad man, nek tamol kisaek Jesus Kristus mi a. Binawek an san nuſon man Anut san ilo muſanek tamolpein wei mi dinſane se ya. <sup>16</sup> Agod nſai fon igo nſabol, Anut san binawek kawan an, tamol kisaek san aupasek an da, nuſon naon kisaek ta digane ilasa na ya. Tia, tamol kisaek an san aupasek an lo Anut anen bitinaek ilasag, tamolpein fidian ibiai dudu ya. Ak gug, gidad aupasek wei mi ilasa bo man, ilo muſanek kawan an id Anut malan lo itaot idirad a, an niſen o id aupasek san naon muruan ipanad san tia ya. <sup>17</sup> Aria, tamol kisaek an san aupasek lo, materj tamolpein fidian sad gurman imado tap, rumok geig, tamol kisaek nek Jesus Kristus lo mi, tamolpein a Anut san ilo

muñanek tubun ak diñane, agod binawek kawan a Anut malan lo itaot idirai san diñane yan dam lo, kumaen panu na Kristus paen na gurman dumado wa.

<sup>18</sup> Aria, aupasek kisaek an naon Anut tamolpein fidian bitinaek lo ibiai dudu ya. Nek ago mi, tamol kisaek san kulob itaot an san nuñon igo ya, Anut malan lo itaot idirai san dal in lo ilasa da. Amaiak lo tamolpein fidian mi kumaen dumado san ka diñane wa. <sup>19</sup> Ago mi, tamol kisaek awa parsisalek igane yan lo, tamolpein fidian aupasek digane yau on se ya. Nek ago mi, tamol kisaek awa biek uyanan igane an naon, tamolpein wei mi ibinawaip, murnap Anut malan lo itaot idirai dilasa wa.

<sup>20</sup> Anut kubiaen Moses ipani an dugo wak i? In kubiaen a ipani man fun, aupasek naok wei mi kuai te ilasa wa. Ak gug, saen aupasek tubun ilasa dugo, nek saen an lo mi ilo muñanek dam ilasag tubun geig go aupasek san dabai irinani a. <sup>21</sup> Ago man, nek ibol aupasek itirnad go mateñ igane ilasa yak igo won, gamu id Anut malan lo itaot tumado dan lo, inñsan ilo muñanek ibuluwad pe itirnad dop kumaen yen yau san an idsad Tubun ak Jesus Kristus lo tinane wa.

## 6

*An aupasek patum apani dop afon ta itirnan na wa*

<sup>1</sup> Ago yak ninen o id dugo ilod isou dak i? Dugo, id kagin saian an fon mi tigane yau dop lo Anut inñanen ilo muñanek an nal pempem mi ka ikubiai panad ak i? <sup>2</sup> Ago tia mok! Dugo, id Kristus da mateñ lo aupasek san dabai tirinani dop man, aupasek ka tigane yau on aki? Man tia ya. <sup>3</sup> Dugo, on en ilo inañon i? Id fidian Jesus Kristus yan lo suguek tinane yan, nek suguek an lo mi id in da sisem tamat a. <sup>4</sup> Fun amaiak ninen o idsad suguek an lo id in da mateñ san gib lo disiriad a. Amaiak lo nek ibol Kristus Taman san girager tuon lo yabisag imasa yak

igo won, nek ago mi id dam kumaen foun amad da tator a.

<sup>5</sup> Man dugo, inñsan mateñ naon kisaek an lo id in da tutumani tap, inñsan kumaen naok a foun inñane yan lo id in da tutumani mok a. <sup>6</sup> Agod id en dam talon a. Saen Kristus aigim fo iyuk an idsad bunud wagam an aigim fo da dutumanig dubali a. Dal an lo idsad tinid aupasek aman da yan ipitininig, an lo aupasek san urat pinein tumado yau san tia ya. <sup>7</sup> Man ata wo? Talpein enti imat la yan aupasek san dabai in yabitanip yen yau san tia ya.

<sup>8</sup> Aria, id Kristus da tamat tap, id ilod lo rumok pe in da sisem kumaen tumado wa. <sup>9</sup> Man ata wo? Id talon ak saen Kristus mutou lo imasa yan, fon imat san man tia ya. Mateñ fon in tinin itirni san dam tia ya. <sup>10</sup> Mateñ a ile yan ninen o ñabol da. Id fidian aupasek tigane na yan ninen o mateñ an ile ya. An ninen o in imat kisaek o lian an lo aupasek san dabai igane itout a. An lo tamolpein fidian ibinawai o ago igane ya. Gug gamu in kumaen imado da, agod Anut san ilobol lo mi iri wo ago imado da.

<sup>11</sup> Nek ago mi, ansem ninemi wo ilo sou igo agane wa. Aupasek fon an ilom ta inñane na wa, man dugo, an nek ibol tamol imat la yak igo won a. Ak gug Anut ninen o, ansem nek igo ilian a, Jesus Kristus lo Anut san ilobol ari wo kumaen amado dak abol a. <sup>12</sup> Amaiak ninen o, aupasek abiani ilasa yau dop anañem tinim apirani wa. Ago tap, saen an tinim imasa bo man, an tinimi san ilobol awan abi san tia ya. <sup>13</sup> Anañem ñiem banim nek ibol kagin saiak digane dak san biouñ igo won, aupasek igane wo ta apani na wa. Tia, ansem tamol mutou lo dumasag kumaen dumado dak igo won, anañem tinim fidian mi kagin uyan digane dak san biouñ igo won, Anut apani wa. <sup>14</sup> An kubiaen paen na ta amado na da, tia, an ilo muñanek paen na amado da. An lo afon aupasek anñsam titianek tamol ta imado na wa.



*Id kagin itaot ak san urat bigabeg tilasa wa*

<sup>15</sup> An ago tap, en dugo wak i? Rumok, id man kubiaen paen na ta tumado na da, ago gug Anut san ilo mujanek paen na tumado da. Amaiak ninen o dugo, id aupasek an nek ago mi ka tigane yau ak i? Man tia geig a! <sup>16</sup> Ansem talpein ta tuon lo sem injilian pe aup bigabeg igo inisan awan ari tap, tamol e inisan awan alon den inisan bigabeg igo mok amado wa. Amaiak ninen o, ansem aupasek tuon lo idiran au tap, an nujon man mater mi a. Aria, ansem injilian pe awa biek kagin san tuon lo au tap, an nujon man Anut malan lo itaot idiran a. <sup>17</sup> Gug Anut ilo uyan tupani da. Man dugo, an wagam aupasek san bigabeg amado ya, gug gamu pitenanek a imug alon an bubem nutum fidian lo ananeg ari dugo paen na amado yau on a. <sup>18</sup> Agod an aupasek lo Kristus injilian go kuai te idiran a. An lo an kagin itaot agane san bigabeg adi alasa ya.

<sup>19</sup> Nai naisag ru lo, an ilom tia yak ninen o tamol kagin nurig nabol da. An wagam ananem tinim san biabi anen anen, aupasek san bigabeg igo aganeg dilasa ya. Ago yan lo an kagin sisaiak nun anda yak agane se ya. Nek ago mi gamu ananem tinim san biabi anen anen aganep, kagin itaot ak san urat bigabeg alasa dop gun amado wa. <sup>20</sup> Saen an aupasek san bigabeg ago ator se man, kagin itaot an an ibiatuanan san tia ya. <sup>21</sup> Gug an melmel a ninedi wo gamu miai ifunan dan nujon dugo anane yak i? Mel an san wadan man mater mi a. <sup>22</sup> Gug gamu Kristus an aupasek lo ipasan go Anut san bigabeg alasa ya. An san nujon man in an gun idiran alasa ya. Agod an san nujon man kumaen pempem yen san mi a. <sup>23</sup> Aupasek san ai wadan man mater mi a. Gug Anut san binawek kawan ipanad dan man id Jesus Kristus idsad Tubun ak da tutumanip, in lo kumaen pempem tumado wa.

## 7

*Moses san kubiaen san ru fanan*

<sup>1</sup> O nai teig taog, kududom agure. Gamu an tamolpein a Moses san kubiaen alon an, nai ru en nurupaian dop alon a. An mel en ta alon na yak i? Talpein ta Moses san kubiaen paen na imado dan, kubiaen an isubani da, ak man saen in tan en lo imado den lo mi a. <sup>2</sup> Pein iwon anda yak lo ilom isou, saen iwon tamol ak ta imat na dop man, in sisem kubiaen itumanaig dumado da. Gug tamol an imat dop, an lo kubiaen a pein isubanig iwon da dumado yan itufalak a. <sup>3</sup> An lo, iwon tamol an malan kumaen imado dugo, tamol sen ak ta ida ditor tap man, in jeit pein ak ago dubol a. Gug iwon tamol an imat pasik dop, kubiaen a lo in imado yan itufalak a. Saen an lo tamol ta inane dop man, in jeit san pein tia ya.

<sup>4</sup> Amaiak lo an dugo wak i? Nai teig taog, Jesus Kristus tinin lo, an dam Moses san kubiaen paen na amado yan atufalak pe mel sen ta san muroun amado wa. Anut tamol ta mater lo ifufunig yabisa ya, an lo id Anut damon lo ai patun igo ilo rumok tamolpein foun ak igo won tidirai dilasap nuod ifu wa. Aria, id tamol an muroun mi tumado wa. <sup>5</sup> Saen id tamolpein tan en san igo tumado yan, aupasek san subam saiak id tinid ilon lo imado ya. Moses san kubiaen subam an igane ilasag dabai ipani a. Subam an id tinid san samun luluad lo dabai igane da, an lo nujon a iganeg ilasa yan man mater san mel mi a. <sup>6</sup> Ak gug gamu kubiaen an lo id isubanad san tia ya. Kubiaen a gubak mi isubanad na yan gamu ta ibiatuanad na da, man dugo, id tamol dumat la yak igo won tumado da. Ata wo, id talon ak tamol a imat la yan kubiaen kagin ipani san tia ya. Ago dop an lo id ru girek wagam ak paen na Anut san urat ta tigane na wa, tia, Awan Urgan san kumaen foun ak lo urat tigane wa.

*Id aupasek da nug tabi tidiri da*

<sup>7</sup> An ninjen o id dugo tabol a, Moses san kubiaen an aupasek ak i? Tia geig a! Kubiaen tia yak man, nai aupasek ta nalon na wa. Kubiaen ago ibol, "On mala ta isi na wa." Kubiaen ago ta ibol na tap, en dugo won nai mala isek fun nalon ak i? <sup>8</sup> Alon ak, saen kubiaen tia yak man, aupasek an susanun igo dabai itaot pe kawan yen a. Ak dugo, aupasek malan kumaen imado tap, aupasek an kubiaen lo dal ileg, nai ilog lo mala isek san kagin wei mi ifufunaig dumasa da. <sup>9</sup> Saen nai nanuk on nator na man, nai kubiaen amag tia yak igo kumaeg nator a. Gug saen kubiaen ipalu yan lo man, aupasek an kumaen imasag, an lo nai nmat a. <sup>10</sup> Kubiaen a nai kumaen ipanag ago ilog isou se yan, nai mel en kuai nupani ak, kubiaen nek an maten ipanag a. <sup>11</sup> Man dugo, aupasek in kubiaen an lo dal ileg lo nai irawag a, ago dugo kubiaen nek an nai ifunag nmat a. <sup>12</sup> An ninjen o Moses san kubiaen gun mok a. Agod an san pitenanek funfun an dam gun, itaot, agod uyanan mok a.

<sup>13</sup> Rumok, kubiaen uyanan a. An ninjen o kubiaen uyanan an lo naisag maten igane ilasa wak i? Tia geig a. Rumok, kubiaen man mel uyanan mi a, ak man aupasek in mi kubiaen an lo maten nai tinig lo igane ilasa da. Amaiak lo nai nile nalon ak aupasek man aupasek mi a. Agod kubiaen lo aupasek nai malag lo man saian di saian geig a.

#### *Aupasek idsad madok itirni da*

<sup>14</sup> Aria, id fidian talon ak kubiaen man in Anut san a. Gug nai man tinig tan en san mi a. An lo aupasek nai ilog tinig bigabeg igo won idad a, agog aupasek san bigabeg igo numado nator da. <sup>15</sup> Nai dugo nigane duman, fun ta nalon uyan na ya. Kagin aenta nai namoi dan, gidad, an fidian nigane da. Nai aupasek san ager numado bo man nai aupasek nigane yau on da. <sup>16</sup> Aria, mel a namoi an nai nigane tap, nai ilog lo mel dugo uyan ak ninjen o nabol dan, agod mel dugo kubiaen ibol dan,

an mel kisaek mi a. Amaiak ninjen o nai nalon ak kubiaen man uyan a. <sup>17</sup> An lo gug, naiseg mi fon ta nigane na da, tia, aupasek nai bubeg lo amaiak isubanag go ilon dugo ibol an mi njuri da. <sup>18</sup> Agod nai nalon ak, nai ilog lo mel uyan ak ta yen man tia ya. (Nek naisag tan en san tinig ninjen o mi nabol da.) Nai mel uyan ak nigane wo ilog ibol dan naisag ilo sou lo yen da, ago gug dugo won mel an nigane san dal nile man tia ya. <sup>19</sup> Nai mel uyan ak nigane wo ilog ibol dan nai ta nigane na da. Tia, kagin saiak nigane wo ilog ta ibol na dan mi nigane yau da. <sup>20</sup> Amaiak ninjen o nai mel namoi ak nigane tap, naiseg ilog nam ta nigane na da, tia, aupasek a ilog lo yen dan, nai ilog iduduwi dan lo, nai aupasek ago nigane yau dop na wa.

<sup>21</sup> An lo nai tinig ilon lo kubiaen en nile nalon da, saen nai mel uyan ak ta nigane wo ilog ibol dop, kagin saiak dam nai isaurag da. <sup>22</sup> Rumok, nai bubeg ilon lo man, Anut san kubiaen o ilog bulbal da. <sup>23</sup> Ak gug, nai kubiaen naon sen ak tinig ilon lo dabai igane dan nile nalon da. Kubiaen an in naisag ilobol san kubiaen da nug dufuni da. An lo dop aupasek san kubiaen e tinig ilon lo dabai igane den nai isubanag da. <sup>24</sup> O kabel, nai muruan sinek tamol mi a! Enti tinig maten san en lo nai patug ipasi wak i? <sup>25</sup> Jesus Kristus idsad Tubun ak lo nai Anut ilo uyan nupani da, man dugo, Anut in sen nai patug ipasi wa. Aria, nai naisag ilobol lo Anut san kubiaen ninjen o dabai nigane da, ago gug naiseg tinig lo man aupasek san kubiaen ninjen o mi dabai nigane da.

## 8

#### *Awan Urgun lo id kumaen tumado da*

<sup>1</sup> Amaiak ninjen o gamu tamolpein Jesus Kristus lo dumado den, Anut aupasek san naon muruan ta ipidinai na da. <sup>2</sup> Man dugo, id tamolpein Jesus Kristus da tumado den kubiaen foun en paen na tumado da. Kubiaen en

man kumaen san Ur igane ya. Aria, kubiaen en id aupasek materj da sad kubiaen lo isubanad an kuai fo idirad tilasa ya. <sup>3</sup> Mel a Moses san kubiaen igane san ta idaisuda na yan, Anut inſen mi igane ya. Man dugo, id tinid aupasek aman da yan lo kubiaen an dabai aman tia ya. Amaiak ninjen o, Anut inſanen Nanun idinig ipalu yan lo, tan en san aupasek a tinid lo yen an ipare idu ya. Fun an ninjen o, inſan tinin man nek ibol idsad tinid tan en san igo mi a, agod inſen tinin nek ibol mel mudan ak Anut o dufuni imat pe an lo aupasek dusuas ak igo woŋ ilasa ya. <sup>4</sup> Anut ago igane yan lo kubiaen san piterjanek itaot an fidian id lo awan isag yen da. Man dugo, id tinid san ilobol lo ta tator na da, tia, Ur san ilobol lo mi tator da.

<sup>5</sup> En sauta inſaned ilod ibol dak lo dumado dan, inſ inſaned tinidi san biouŋ o ilo sou digane da. Gug en sauta Ur san ilobol duri dan, Ur san biouŋ o mi ilo sou digane da. <sup>6</sup> Talpein ta sen tinin o mi ilon isou dan, inſ materj lo idu wa. Gug talpein ta Ur san ilo sou iri dan, inſ kumaen ilo maror da inſane wa. <sup>7</sup> Man dugo, ta san kankan inſ tinin o mi ilon isou dan man Anut o ager imado da. Agod kankan naok an sen yabi idup Anut san kubiaen paen na imado san man tia ya. Rumok, inſ ago igane san man ta idaisuda na ya. <sup>8</sup> Agod en sauta inſad bunud wagam ak lo dutor dan Anut ilo uyan dupani san ta idaisuda na ya.

<sup>9</sup> Ak man Anut san Ur oŋ tini ilon lo imado mok tap, oŋane bunu wagam ak ta ititiano na da, tia, Ur mi ititiano da. Agod talpein ta inſ Kristus san Ur aman tia tap, inſ Kristus san tia ya. <sup>10</sup> Ak gug, Kristus oŋ lo imado tap, gidad aupasek lo oŋ tini imat la bo man, oŋ itaot lasa yan lo oŋane ur kumaen imado da. <sup>11</sup> Agod enti inſ Jesus mutou lo ifufunig imasa yan san Ur oŋ lo yen tap, inſan Ur oŋ lo imado dan lo oŋ tini materj san mi an dam inſ kumaen ipani wa.

*Urgun iganeg id Anut nanun*

\* 8:12: Pani

*muroun tilasa ya*

<sup>12</sup> Amaiak ninjen o, ŋai teig taog, rumok, id gubun\* ad da ya. Gug id gubun an tukubune wo tap, id bunud wagam an san kagin ta tiri na wa. <sup>13</sup> Man dugo, oŋ bunu wagam ak san kagin lo mado tap man, oŋ umat a. Ak man Ur san dabai lo oŋ bunu wagam ak san kagin funi imat tap, oŋ kumaen mado wa. <sup>14</sup> Man ata wo, tamolpein ensauta Anut san Ur ititianai dan, inſ Anut nanun muroun mok a. <sup>15</sup> Ur e oŋ ŋane yen man oŋ bigabeg igo lasa san ur tia ya. An lo oŋ rurek ta ipano dop usuk umul na wa. Tia, oŋ Anut nanun lasa san Ur ŋane ya. Agod Ur oŋ ilo iduduwi dugo igo ubol da, "O Bai, ŋaineg Bai." <sup>16</sup> Amaiak lo Anut san Ur inſen mi idsad ur da ibateg, ru an awad kisaek lo id Anut nanun muroun tabol da. <sup>17</sup> Aria, id Anut nanun muroun tumado tap, filian tinjane san tamolpein tumado wa. Awo, id Kristus da madai tisini tap, id inſ da Anut san filian tinjane wa. Man dugo, id Kristus da madai tisini dan lo Anut mi id Kristus da girager ipanad a.

*Anut nanun muroun inſanen girager murnai san diŋane wa*

<sup>18</sup> Ŋaisag ilo sou lo, ŋai girager a murnap Anut igane kuai te ilasa panad an, inſ saen en san madai tisini dan da, ŋutumanaip ŋukubianai tap, madai tisini dan mel kabelan igo woŋ a. <sup>19</sup> Man dugo, melmel fidian Anut igane yan Anut inſan nanun muroun kuai te idiraip dilasa dop dile wo malad diganeg diyep di dumado da. <sup>20</sup> Anut melmel fidian idirai an inſad turenŋ lo dal e nuŋon tia yen mi duri wo ipidinai a. An man inſad ilobol san mel tia ya. Tia, Anut inſen ilon ibol ak igo ya, inſad turenŋ man nuŋon tia yak ilasa wa. An lo ago igane ilasa ya. Ak gug kulob a igane yan mala nouk lo mi inſ ago igane ya. <sup>21</sup> Ata wo, Anut san ilo girek lo, melmel fidian igane yan digan o isubanaig dumado da. Ak gug saen isuda wan lo

dop, inſen mi subanek an igane itout dop melmel fidian an patun fo idiraip foun dilasa wa, agod inanen nanun muroun sad turen girager aman da diſane wa.

<sup>22</sup> Id talon ak, saen gubak mi Anut melmel fidian idirai man yaes isofutanaig madai amad da ya. Nek ibol pein nanuk igansi wo dop madai ile dak igo won ipalug gamu da mi a. <sup>23</sup> Gug melmel fidian en mi tia ya, tia, id dam Awan Urgun san urat nuſon malan te ya. Id dam an lo madai tile dugo tumado da. An lo Anut inſen id inanen nanun muroun idirad tilasa wo mala nouk tumado da. Saen an lo dop Anut idsad tinid en ibilisap naon sen geig tilasa wa. <sup>24</sup> Man dugo, Anut id patud ipasi san fun man, id mel a niſen o ilod yen dan mi lo ago tumado yau a. Id mel a niſen o ilod yen dan tile yak tap, ata wo mel an niſen o ilod isou dak i? Dugo, talpein ta mel a ile la yan niſen o ka ilon yen ak i? Man tia geig a. <sup>25</sup> Gug id mel a ta tile na dan niſen o ilod yen dop man, sed isatuanad pe, id mel an niſen o mala nouk tumado wa.

<sup>26</sup> Nek ago mi, id dabai amad tia yan niſen o, Awan Urgun ibinawad da. Id dugo won Anut o tugudani san ta talon uyan na ya, an lo id gudanek san dal tabiriſani da. Gug Awan Urgun inſen mi id bubed ilon lo mosiai dabai ak amad da yan waged lo Anut isumiani da. <sup>27</sup> Enti in tamolpein bubedi lo aban ile dan in Awan Urgun san ilo girek dam ilon a. Ata wo, Awan Urgun dam inanen tamolpein gun ak niſedi wo Anut isumiani da, man dugo, in ago igane dan lo Anut san ilobol anua da.

### *Murnap id Anut Nanun igo tilasa wa*

<sup>28</sup> Id talon ak, tamolpein ensauta a Anut niſen o dumat dan, ensauta a Anut yanad ipateg, igiaig inſan ilo girek san dal duri wo dan niſedi wo gidad, mel dugo ilasa bo man, urat igane pidinai uyanan da. <sup>29</sup> Id gamugo tilasa dugo Anut gubak mi

id ilon go ipilianad a, an lo id bunud nek ibol inſan Nanun san bunun igo mi tilasa wa. Ago dop an lo in tein muroun wei mi lulanad lo inaned teid matu ak igo imado wa. <sup>30</sup> Amaiak niſen o talpein ensauta a Anut ipilianai an yanad ipateg igiai da. An lo ensauta a yanad ipateg igiai an dam in itaot idirai da. An lo ensauta a itaot idirai an dam in inanen bunun girager aman da yan ipidinai a.

<sup>31</sup> Amaiak niſen o id mel an niſen o dugo tabol ak i? Anut id turad igo imado tap, enti id iliad saian ak i?

<sup>32</sup> Anut inanen Nanun ta ipirani na ya, tia, id fidian niſed o ibiseig imat a. An niſen o inanen Nanun lo binawek kawan ak igo won melmel fidian dien dan id ipanad an rumok ak i? <sup>33</sup> Enti Anut naon na itur pe, ensauta a Anut ipilianai an niſedi wo, inſad muruan isini ipalup ibol ilasa wak i? Talpein ta ago igane san tia ya, man dugo, Anut inſen mi ensauta inanen an itaot idirai la ya. <sup>34</sup> Enti imisilanad ak i? Jesus Kristus imat pasik a, in mutou lo imasag Anut tuon won ak ate itur go id niſed o igudani da. An lo id imisilanad ak i? Tia geig a! <sup>35</sup> Enti Kristus inanen ilo panek lo ibiatad ak i? Ata mel Kristus san ilo panek an lo ka ipasad ak i? Muruan boi, tia, ilo madai lo boi, kudi dak lo boi, kadag† lo boi, nuſon kawan imado dak lo boi, saian sumeik ipani dan lo agod sabiri lo boi i? Tia ya. <sup>36</sup> Girek igo yen da, “Onſe niſe wo nal fidian dufunamag go mamat da.

Man bilelek dufu dumat o dufutanai ak igo won diliama da.”

<sup>37</sup> Tia, inſen lo inanen ilon id ipanad a, an lo melmel en fidian lo id nek ibol enti yu lo isiſani ak san tamol igo won tilasag malan te agod malan te geig a. <sup>38</sup> Amaiak niſen o ilog lo rumok a, mater tia, kumaed tumado dan tia, enel adi tia, ur dabai amad da yak tia, mel gamu ilasa den tia, mel murnap ilasa dan tia, ur saiadi ak tia, <sup>39</sup> mel lak na yak tia, mel tan ilon lo geig ak tia, melmel fidian a Anut idirai an

† 8:35: Futol



lulunad lo mel ta dam tia, amaiak lo, Anut san ilo panek Jesus Kristus id-sad Tubun ak lo, ipanad dan ibiatad san tia ya.

## 9

### *Anut kin igo won sen ilon nam pilianek igane da*

<sup>1</sup> Aria, Kristus malan lo naj ru rumok nabol da, naj ta njiraek na da. Agod Awan Urgan lo najneg kankan dam naj ibalsinaganag go njalon ak, naj ru e njurupaian den rumok a. <sup>2-3</sup> Naj ilo muruan tubun mi ifunag da, agod madai tubun mi ilog lo yen dan itout san tia ya. Man dugo, naj teig muroug Isrel adi, naisag dar kisaek an inj Kristus patud dupani a, agod inj Anut Kristus iganeg ipalu yan ilod lo ta rumok na ya. An ninen inj ninedi wo Anut naj Kristus sinjire na yabianag pe daon ipanag a, ago dop an lo ibinawaip ilod lo rumok tap, Anut naj lo ka ago igane wa. Naj ilog nek ago ibol da. <sup>4</sup> Inj Isrel tamolpein, fun an ninen bar tutubun ak wei mi man insadi a. Inj Anut insan nanuk njalanal igo injal a, agod insan girager ipidinai a. Kontrak fidian an insadi a, agod Anut Moses kubiaen ipani an dam insadi a. Inj Anut ubou an dile san dal dulon ak, agod Anut san promis an fidian insadi a. <sup>5</sup> Insad dar igileg lo tamol yanad tutubun ak dilasa ya, agod Kristus dam insad dar igileg ipalu yan lo ilasa ya. (An rumok, inj tinin tan emaiak san ninen nabol da.) Ak man Kristus san mel taidam igo ya, insen Anut. Ago yak ninen o inj mel fidian fufo na ya, an lo tamolpein inj pempem yanjan lak na diabisa isuda yau da. Rumok.

<sup>6</sup> Ak dugo, Anut inj Abraham ru a irupei an nunon ta ilasa na yak i? Tia ya, man dugo, Anut Isrel ninedi wo ilo sou igane dan id tamol ilo sou tiganed ago tia ya. An fun igo ya, tamol ta inj Isrel gugoi lo ipalu tap, an dugo, an inj Anut malan lo Isrel tamol mok i? Tia ya. <sup>7</sup> Ago dugo tamolpein an igo dubol, “Man Abraham nanun muroun mok a,” dugo,

an fidian Anut malan lo Abraham nanun muroun dumado di? Tia ya. Alon, Anut san buk lo ru igo tusuti da, Anut Abraham irupeig ibol, “Aisak nanun muroun amaiak tamolpein dil pe onsa nanu murou ago dubol a.” <sup>8</sup> Anut ru mianuk a ibol irupei an fun igo ya. Anut nanun muroun mok man Abraham san dar lo ta dilasa na ya, tia, Anut san nanun muroun mok man, nanuk a ru promis inj Abraham irupei an iri panim dilasa dak ama ya. <sup>9</sup> Man dugo, insan nanun ninen o Anut Abraham promis ipani man igo ya, “Anajar naod na yan te dop naj njamul onsa na njupalu wa, ante gup Sara nanuk igansi wa.”

<sup>10</sup> Agod an mi tia ya, tia, Esau inj Jakob da sad am ipitenanad ak Anut san pilianek mel tubun mok a, ak man tamol sad ilo girek man mel kawan ak on a. Aria, saen man tubuma Aisak iwon Rebeka da dien an Rebeka nanuk babagaru idirsi a. <sup>11-12</sup> Nanuk babagaru an dilasag injaned kagin naok naok gamugo dile dugo Anut Rebeka irupeig ibol, “Nanuk matu ak san dar dilasa dan mitep nanuk bakan ak san dar dilasa dan paed na dumado wa.” Anut ago igane yan lo injanen ilo sou nunon igane ilasa ya. An Anut sen pilianek igane ya, an tamol insad naok naok lo tia ya. Man dugo, insen mi tamolpein a insan wagin dulon an, amaiak ipilianai o ilon ibol a. <sup>13</sup> Fun an ninen Anut profet awan lo ago ibol, “Nai Jakob ilog ipani do Esau man njamoi geig a.”

<sup>14</sup> Aria, id an ninen dugo ilod isou wak i? Dugo, Anut sen ilon nam tamolpein ipilianai dan igane saian di? Tia geig a. <sup>15</sup> Man dugo, Anut Moses igo irupeig ibol,

“Nai seg ilog nam talpein ilog njupani wak,  
agod naj seg ilog nam talpein ilog imujanani wa.”

<sup>16</sup> An ninen gamu id mel en lo na Anut san dal talon a. Ak talpein ta ilon ago ibol, “Nai seg ipilianag ak Anut injiliag pe injanen urat njigane wa.” Anut

in pilianek ago ta igane na da. Tia, talpein ta ilon ibol, “Nai Anut san a, man dugo, nai urat wagai njigane da.” Inj dam Anut ta ipiliani na ya. Ak man Anut inj talpein ipiliani da, an inşinan ilo muñanek lo mi ago igane da. <sup>17</sup> Agod Anut inşen ilon ibol ak fom tamol ipitiñinai an ipilianai da. An id talon a, man dugo, Anut ru girek lo na Igipta sad kiñ Farou niñen igo ibol, “Onj bube sakar go silei gane an niñen nai onj npilianog kiñ lasa ya. Nai ago njiginio yan lo onj naisag ager mado wa. An san fun igo ya, nai onj muruan nupano dop lo tamolpein malad ipalup naisag tuog dabai tubun an dile wa. Ago dop naisag yanag an tamolpein e sumeik dumado den, agod a asau mi dumado dan diñinon ila isop yau a.” <sup>18</sup> An niñen o id talon ak, Anut inşen ilon nam tamolpein aenta inşan ilo muñanek ikubiai dile wak, agod tamolpein aenta bube sakar ipidinai dop silei digane da.

<sup>19</sup> Gug onj dap igo rupaiag ak boi, “Enti Anut inşen ilon ibol ak iri panim mel dugon igane wo dan yabiani san idaisuda yak i? Ago tap, ata wo inj ru lo id isiad di?” <sup>20</sup> Aria, naisag ru naon igo njurupaio. Onj enti, onj Anut ru naon ka rupei aki? Onj man Anut sen iginio ya. Dugo, onj Anut riñanig lak na yak niñen o ka igo ubol, “Oi, onj ata wo nai tamol naok igo yak giniag ak i?” Onj ru ago ka ubol rupei ak i? <sup>21</sup> Ulon uyan, saen talpein ta katik\* lo bod urat igane tap, inj inşinanen manau lo mi mel idiri ilasa da. Katik malan kisaek itumani an lo, bod sensen idiri wa. Bod kisaek san leil lo man girager uyanan mok a. Ago dugo bod neinta man nek ibol bod gidad onj a. An niñen dugo, bod an imasap ibol, “Oi, onj ago giniag umoi,” ago ka ibol ak i?

<sup>22</sup> Saen tamol bod idiri dop, aenta a saiadi man imoip yabi yau a. Ago dop aenta uyadi an mi kagin ipidinai a. Ilo sou an man mitilaen Anut Isrel tamolpein lo ago igane da. Saen milaen mok Anut Isrel tamolpein ilod

ibileksa wo malan igane ya, ak man inşan ilo muñanek san nuñon tia ya. An niñen o gamu inj ipitiñinai o ilo sou igane da. Inj Isrel tamolpein niñedi wo tiñae saian an tamolpein aenta ikubiai dile wak, agop inşan tuon dabai an kuai tem ikubiai dile wa. <sup>23-24</sup> Ak man bod aenta inj Anut san ilo muñanek an dukubiani wak, agod inj mel uyanan Anut ipidinai an dulon uyan a. Bod naok an man id tamolpein a Anut sen igiad ama ya, agod wagam mi inşanen girager uyanan amaiak tiñane wo ipilianad a. Aenta Juda dugo aenta Juda tia ya. <sup>25</sup> Nek ibol Anut profet Hosea san ru girek lo na ago ibol,

“Tamolpein a gubak mi ‘naisag tia yak’ njabol na yan, gamu ‘naisag tamolpein’ ago njurupidai a, agod tamolpein gubak mi niñedi wo ta njamat na yan, gamu ‘anj tamolpein niñemi wo njamat dak’ ago njurupidai a.”

<sup>26</sup> Agod fon ru girek lo,

“Anut tamolpein ta igo irupidai ‘anj naisag tamolpein tia ya,’ ago gug aben kisaek nek atna mi fon irupidai ‘anj Anut kumaen imado damaiak nanun muroun a’ inj awan ago dulon a. Mitep mel an ago ilasa wa.”

<sup>27</sup> Ak man profet Aisaia Isrel tamolpein niñedi wo iwagin go ibol, “Gidad Isrel tamolpein igilep lonj na lul igo wei mi wak, gug man Anut san pitininek saen lo wei an tia dumado yan mi patud ipasi wa.

<sup>28</sup> Man dugo, Tubun en inşen ibol ago igane wa, inj tan en san tamolpein fidian ipitiñinai a, agod inj ririan, itaot mi atem ago igane wa.”

<sup>29</sup> Agod Aisaia fon saen murna ipalu dan niñen o igo ibol,

“Isop Tubun en did panu san yu gurman nanuk tata ibisawaip ta dumado na yak man,

\* 9:21: Foi

id fidian taun Sodom in Gomora da sad tamolpein igo mi wa.”

*Isrel adi kubiaen lo itaot dilasa man tia ya*

<sup>30</sup> Aria, an ninen dugo ilod isou wak i? Id talon ak gob adi in gidad Anut malan lo ikok dumado wo urat ta digane na ya, ago bo man in dal an dile ya. Man dugo, in ilod lo rumok an ninen o Anut in itaot iginiai a.

<sup>31</sup> Ak man Isrel tamolpein kubiaen diganuri wo urat wagai mok digane na ya. Man dugo, in ilod lo dal uyan man kubiaen lo mi yen dak ago dubol a. In urat wagai digane bo man in itaot ta dilasa na ya. <sup>32</sup> An ata wo ago i? Fun man in Anut malan lo itaot dilasa san dal an ilo rumok san dal tia yak dubol. Tia, in ilod lo urat wagai kubiaen diganuri dan lo, Anut injiliaip itaot dumado wak ago dubol. An ninen o pat ta insad dal te yen an njied isueg diau dudu ya. <sup>33</sup> Aisaia san girek igo yen da,

“Ale, naj Saion lo pat njied isuep, diau dudu san njiansi wa.

Ak man talpein enti pat en ilon lo rumok dop man miai ta ifuni na wa.”

## 10

*Isrel adi Anut san kagin ninen o ta dulon uyan na ya*

<sup>1</sup> O naj teig taog, rumok nabol da, naj Anut Juda adi daon ipidinai o man namoi geig da. Agod saen naj Anut san na njugudani dan in patud ipasi wo njusumiani da. <sup>2</sup> Naj insad kagin njile uyan a, an lo in njinedi wo kuai te ago nabol ilasa da, in Anut ninen o man urat wagai digane na ya. Ak man melmel a digane yau dan, in ata mel Anut ilon ibol dan ago mi ta digane na da. Man dugo, insad dulon anen man katuk aman a. <sup>3</sup> In Anut san buben itaot ak id ilod lo igane yan ta dulon na ya. Insigned dulon san mi duri wo ilod yen da, amaiak lo insed mi itaot dilasa wo dabai digane se ya. Ago gug in Anut san buben itaot ak ipidinai o dumoi na ya. <sup>4</sup> Moses san kubiaen fidian san wadan futanek man Kristus

mi a, an in ta dulon na ya. Man dugo, talpein enti Anut o ilon lo rumok, an mi in Anut malan lo itaot ilasa wa.

<sup>5</sup> Kubiaen a tamol ilon lo kagin itaot ak igane ilasa dan ninen o Moses ago ibol, “Talpein kubiaen an iri dop in kumaen imado wa.” <sup>6</sup> Gug ilo rumok a kagin itaot id ilod lo igane ilasa dan ninen o girek ago ibol, “On bube lo igo ta ubol na wa. Enti did panu lo yau ak i?” (an lo in Kristus tan na igane idu wa), <sup>7</sup> “tia, enti gib fun tia yak lo idu wak i?” (an lo tamolpein dumat ak sad na Kristus injanep kuai te sisem dilasa wa). <sup>8</sup> Gug girek an dugo ibol i? “Ru en on sinjire na yen da, nek on awa lo, bube lo dam mi a.” Ru nek an on ilo lo rumok san amaiak mi man mufulale da. <sup>9</sup> Ru en igo ya. Jesus in Tubun a, isop onse malak malak lo ago ubol ilasa dop, Anut Jesus maten lo ifufunig fon imasa yan ilo lo rumok tap, on patu ipasi wa. <sup>10</sup> Man dugo, on bube lo in ninen o ilo lo rumok, ago dop Anut malan lo on tamol itaot ago iginio wa. Agod on awa lo Jesus in Tubun ak malak malak ubol ilasa wa, an lo in on patu ipasi a. <sup>11</sup> Ru girek ago ibol, “Ta in ninen o ilon lo rumok dop miai ta dupani na wa.” <sup>12</sup> Juda adi Juda tia yak da lulunad lo biatitek tia ya. Tubun ak kisaek mi in fidian sad Tubun a. An fidian mi in duwagin dan bar uyan ak wei mi ipidinai dan itout san tia ya. <sup>13</sup> Man dugo, ru girek ago ibol, “Enti Tamol Tubun ak yanjan lo igudani dan, Anut patun ipasi wa.”

<sup>14</sup> Ago man, tamolpein a Tamol Tubun ak ta dulon na dugo in o ilod ta rumok na yan, en dugo won pe in lo gudanek ka digane wak i? Ago man, Tamol a ninen o ru ta dulon na yan, en dugo won pe in o ka ilod rumok ak i? Ago man, talpein ta ipalug Kristus ninen o ta irupidai na yak ago tap, en dugo won pe in Kristus ninen o ru dulon ak i? <sup>15</sup> Agod taida mi, talpein ta, aenta ta didinaig diau na yak ago tap, en dugo won pe tamolpein an naod na Kristus san ru dufufale pidinai ak i? Nek ibol ru e digire en ibol ago, “Tamolpein a bilalun uyan ak disini

dupalu dan, inaned njedi turenj diabi dan sinjakaan mok a.”

*Isrel adi wei mi bilalun uyan ak dulon o dumoi a*

<sup>16</sup> Gug Isrel aenta Kristus san bilalun uyan an ta duri dupani na ya. Aisaia ago ibol, “O Tubun en, enti ru e murupeig ilon en ilon lo rumok ak i?” <sup>17</sup> An lo ilo rumok man, Anut san ru a talon amaiak lo ilasa da. Agod ru a talon dan tamolpein Kristus ninen o dubol dan awad lo ilasa da. <sup>18</sup> Gug naj ago njabol a. Dugog inj ta dulon na i? Man tia ya. Ru e girek lo yen, “Inaned ru dubol dan, aben fidian lo yau a.

Inaned ru an tan yaug titin itout ak lo ilasa ya.”

<sup>19</sup> Naj afon ago nusumianaŋ, dugo, Isrel tamolpein ta dulon uyan na i? Man tia ya. Man dugo, malan malan Moses Anut san awak aban igo ibol, “Nai an njidiraŋ pe tamolpein a dar ta kisaek nag tan gidigheid lo dumado dan eil saiadi dop ninedi wo turak asusa wa.

Nai warou kisaek san tamolpein kankan tia yak ninedi wo an tinjae saiak njupanaŋ a.”

<sup>20</sup> Agog tinin te Aisaia igo ibol san ninen o ta irer na ya,

“Tamolpein a naj abanag ta diabi na yak man diliag a.

A naj nineg o ta dusumiaen na yan naod na njaseg kuai te ibilag njilasa ya.”

<sup>21</sup> Ak man inj Isrel tamolpein ninedi wo ago ibol,

“Nai nal fidian njumasa njatur go banig njuwateg inj njuyunanai wo malag njigane da.

Gug tamolpein an silei tinadi a, naj awag ta diabi na ya. Ad milaen njatur dugo, ru kagin a njurupidai se yan ninen o pirginek ru dupanag na ya.”

## 11

*Isrel adi lulunad lo warou kitekan mi inŋsan binawek diŋane ya*

<sup>1</sup> Aria, en dugo, Anut inanen tamolpein yabianai geig di? Tia ya. Naj dam Isrel tamol a, ak man inj naj ta yabianag na ya. Naj Abraham san dar lo njilasa ya, agod naj Benjamin san gugoi lo njumado da. <sup>2</sup> Anut inanen tamolpein inj gamugo dilasa dugo ipilianai la yan yabianai san tia ya. Ru girek e Elaija ninen o ibol den ta alon na yak i? Inj Anut Isrel yabianai san ninedi wo dugo wonj imosiai dan an ta alon na yak i? <sup>3</sup> “O Tubun en, onjane profet adi dufu dumat a, onjane alta fidian durube idu ya. Gamu njaseg mi njumado da, ago yan lo naj dam dufunag njamat o digane dugo dutor da.”

<sup>4</sup> Ak man Anut ru naon dugo wonj irupeig ibol ak i? “Tamol seven tausen dumado da, inj tubud sewak a Baal dubol dan naon na ditakoksi man tia ya. Tamol an naj njanjal go njaineg ak dumado da.” <sup>5</sup> Gamu nek ago mi gugoi wadan tusan a Anut inŋsan ilo munjanek lo ipilianai an gamu dumado da. <sup>6</sup> Anut inanen ilo munjanek lo san pilianek igane ilasag yen da, kubiaenj turi tupani san urat lo igane ilasa man tia ya. Gug an tia tap, inŋsan ilo munjanek an nunon tia wa.

<sup>7</sup> An ninen dugo? Isrel tamolpein mel a wagai diganeg dile yan ta diŋane na ya. Gug tamolpein a Anut ipilianai an mi mel an diŋane ya. Gug wadan a dumado yan fidian inaned bubed pat igo sakar kasik ilasa ya.

<sup>8</sup> Nek ago mi ru girek lo ibol,

“Anut inj diŋaon san ur ipidinai a.

Inj malad ipidinai bo man mel ta dile san tia ya.

Inj kududod ipidinai bo man dulon san an dam tia ya.

Inj ago digane ipalug gamu dam nek ago mi digane da.”

<sup>9</sup> Agod Dawid ibol,

“O Anut, onj inj ninedi wo igo gane wa. Inŋsad kubiaenj san soubul an ibol dob igo wonj,

agod ibol suwanok igo wonj onj gane ilasa wa.

An nek ibol mel ta njied isubanip diau dudu san igo wonj gane ilasa,



agod nek ibol naon muruan tubun ak dile igo won, ago gane wa.

<sup>10</sup> Malad tidom tubun yafutanip in aban ta dile na wa.

Saen fidian in uyud tuon iluwi dop dutor a.

On muruan naok an ago pidinai a.”

### *Anut Juda tia yak injal imul a*

<sup>11</sup> Dugo, in njied dusueg diau dudu yan fon dumasa san tia i? Man tia geig a. Tia, in aupasek digane yan lo Anut gob adi patud ipasi san dal igane ilasa ya. Anut gob adi lo ago igane yan Isrel tamolpein tinjae fufaik ipidinai a. <sup>12</sup> Amaiak ninen o, insad aupasek an man tan en san tamolpein sad filian, agod insad kagin naok an man gob adi sad bar uyanan a. An ago tap, en dugo, saen in Anut san ar lo diladu san an man uyanan geig a.

<sup>13</sup> Aria, gamu naj an tamolpein Juda tia yan njurupaian da. Anut naj aposel ipilianag a, agog idinag go an gob adi sam na njupalu ya. An ninen o saen naj ru njufulale dan, naisag urat san nujon ilasa yan ninen o njabol ilasa ya. <sup>14</sup> Naj ago njigane dop lo naisag dar kisaek san tamolpein adi tinjae fufaik digane wa. Dal an lo dop nap aenta patud njupasi wa. <sup>15</sup> Juda adi, Anut yabianai ak san nujon man Anut tan en san tamolpein sad turad ilasa ya. An ago tap, saen Anut Juda adi njiedi wo ilon ipidinai da wa, en dugo? An san fun igo ya, tamolpein maten lo fon dumasap kumaen dutor a. <sup>16</sup> Aria, anan malan malan an gun dop man anan wadan yen dan fidian gun a. Nek ago mi, ai dabin an gun dop man, ai raen an fidian dam gun a.

<sup>17</sup> Ai a panu san an man ru mitilaen Isrel tamolpein lo yau a, ago dugo oliv ai garan san an man an tamolpein Isrel tia amaiak san ru mitilaen igo ya. Anut igo igane ya. In ai oliv panu san an raed aenta ituteg yabi yau a. Ago dugo yang garan san ai oliv didilad ituteg inane ipalug oliv

panu san raed itute yau amaiak abed lo ibate idu ya. Agog an lo ai panu san an san toub bulbal uyan ak ai garan san raed an dinjane dugo disa uyanan a. <sup>18</sup> Ak man an tamolpein Juda tia yan Anut ai raen a itute yau an ninen o sem yanjam ta abisa na wa. An ai raen ansem ninemi wo ru tutubun mi abol tap en ilom isou. An ai dabin ta asini na da, tia, ai dabin an an isina da. <sup>19</sup> Ago man on ta naj igo rupaiag, “Anut ai raen aenta itute diau dop naj abed na isatuanag a.” <sup>20</sup> Awo, an rumok a. Gug in ilod lo ta rumok na yan ninen o ai raen an isalsuni a. Agod an ilom lo rumok an lo mi dabal am da atur da. Fun an ninen o an sesunoi kagin ta agane na wa, tia, Anut ninen o arer dop amado wa. <sup>21</sup> Man dugo, Anut in ai oliv panu san an raen isalsuni san ta geg igane na tap, nek ago mi an garan san ai raen in o ilom lo ta rumok na dop man, in an dam isalsunan a.

<sup>22</sup> Amaiak lo an Anut san ilo munanek, ilo wananan da ilom isou. Tamolpein a diau dudu yan Anut san ilo wananan dukubiani a, ak man an man insan ilo panek an mi akubiani wa. An insan ilo munanek san dal mi ari au a, ago ta agane na tap, an dam ago itartitan pe ibian au a. <sup>23</sup> Agod aenta ilod lo ta rumok na yak san dal lo pempem dumado san tia tap, in fon injal pe insinan raen fo isatuanai da wa. Man dugo, Anut fon ai raen an abek nam isatuanai san idaisida ya. <sup>24</sup> Ale. Ai oliv garan san an raen injanep, ai oliv panu san raen aben na pasauman igane san man tia ya, ago bo man an da ka isatuani a. Mago tap, Anut pasauman mok in ai oliv panu san raed an insed abed nam isatuanai da wo igane wa.

### *Saen ipalu dan ate Anut Isrel adi fidian patud ipasi wa*

<sup>25</sup> O teig taog, naj ilog igo ya, an Anut anen ilo girek mianuk yen en ninen anjan san tia ya, kabelan ansem yanjam asini banau. Aenta Isrel lulunad lo bubedi sakar ilasa ya. Ago

mi dumado yaup murna gup gob adi a Anut ipilianai an fidian inſan ar lo diladu wa. <sup>26</sup> Ago dop nal an lo Anut Isrel adi fidian patud ipasi wa. Ru girek lo en igo ya,

“Patun pasek tamol panu tubun ak Saion lo ilasa wa.

Inj Anut patud dupani san kagin Jakob san dar ilod lo yen dan ipasi yau a.

<sup>27</sup> Saen an lo űai inſad aupasek űusuas yau dop

kontrak an űupidinai a.”

<sup>28</sup> Anut inj Juda tamolpein niűedi wo dal uraru en ilon isou da. Ru uyanan e mufulale den niűen o, inj Anut o ager dumado da, ago mi inj niűedi wo ilon isou da. Agod an lo inſan bar uyanan anſam na ipalu ya. Gug Anut talpein ipilianai ak niűen o, inj Juda adi ilon ipidinai da, ago mi inj niűedi wo dam ilon isou da. Man ata wo? Inj wagam mi mok tamadi niűedi wo imat a. <sup>29</sup> Man dugo, Anut san waginj agod inſan lou kawan ipanad an ipasi san tia ya. <sup>30</sup> Wagam an Anut awan aparsisali na ya, ago gug Juda adi sad awa parsisalek an nuűon gamu Anut inſanen ilo muűanek an ipanaj da. <sup>31</sup> Nek ago mi Juda adi dam awa parsisalek dumado dan ilasa ya. Agod gamu an Anut san ilo muűanek anane yan niűen o inj dam inſan ilo muűanek diűane wa. <sup>32</sup> Man dugo, Anut inj tamolpein fidian awa parsisalek kagin paen na dumado yan ago igane ilasa ya, ago dop an lo inj tamolpein fidian ilo muűanek ka ipidinai a.

### *Pol Anut yaűan yabisa da*

<sup>33</sup> O rumok nuűon, Anut san filian, maűau, ilo safulalek an tubun geig a.

Inſanen bitinaek id abanjan tilep talon san tia ya.

Agod inſan kagin naok naok id tile talon san ta idaisuda na ya.

<sup>34</sup> “Enti Anut san ilo girek igane dan ilon i?

Enti inj maűau ka ipiteűani wak i?”

<sup>35</sup> “Dugo, enti imug mi mel ta Anut ipanip, an lo Anut inſan gubun\* an ka ikubune wak i?”

<sup>36</sup> Man dugo, inſan na dupalu dan, inj tuon lo, inſen niűen o dam mi mel en fidian dilasag dien da.

Inj saen pempem mi girager aman da imado wa.

Rumok.

## 12

### *On Anut urat ipano wo tap banin lo se iginio wau*

<sup>1</sup> Fun an niűen o űai teig taog, Anut anen ilo muűanek tubun an niűen o űai igo űurupaian da. Ananem tinim kumaem anda yak ananep, lou panek igo won, Anut inſan urat ipanaj san niűen banin lo sem idiranj a. Inj malan lo kagin naok an gun a, agod kagin an inj uyan ipani da. Man ata wo? Kagin nek an, an inſanen biabi niűanjal agane wo ago ilon yen da. An ago agane tap, inſan ubou leil mok agane da. <sup>2</sup> Agod an tan en san tamolpein sad ilo sou man ta atutuűani na wa. Tia, ilom bubem awan apasip, Anut an ilom ibilisa dop ananem ilo sou foun ak ka ilasa wa. Amaiak niűen o Anut dugo ilon ibol dan an alon uyanan a. Anut san ilobol an mel uyanan a, an dam itaot geig, agod inſan ilobol an an ilo uyan ipanaj da.

<sup>3</sup> Aria, Anut san ilo muűanek ipanag an lo űai an fidian kisaek kisaek niűemi wo igo űabol. Onse mel aenta uyan ak gane amaiak niűen o se ta ibiosa na wa. Tia, onane nouk nouk niűen o ilo isou uyanan a. Man dugo, Anut ilo rumok an yabitig id ilo rumok adi anek anek iwae ipanad a, aenta tubun mi ipidinai a, aenta tubun an tia ipidinai a. Amaiak niűen o onse mi bitinaek lo gane wa, kabelan on kawan se ibiosa banau.

<sup>4</sup> Alon uyan. Idsad tinid kisaek gug, ilon lo man tinid boi wei mi dien da. Tinid boi an inſad urat kisaek tia ya. Tia, inſad urat naon sensen dien da. <sup>5</sup> Nek ago mi, id ilo rumok adi man wei mi bo man Kristus tinin

\* 11:35: Pani

lo tutumanig tinik kisaek tilasa ya. Agod id kisaek kisaek idsad tinid man aenta sad tinid san boi tumado da. <sup>6</sup> Anut inſan ilo muſanek naon sensen ipanad a, amaiak niſen o bar uyanan ak urat tigane san dam sensen ipanad da. Talpein aenta profet urat san dabai diſane ya, amaiak lo Anut ilo rumok ipidinai ak diri dan lo, inſan ru dubol ilasa wa. <sup>7</sup> Tamolpein aenta binawek uyanan digane san dabai diſane ya. An niſen o tamolpein aenta dubinawai mok a. Aenta girek maſau urat digane wo igiai a. An lo man inſ girek maſau urat mi digane wa. <sup>8</sup> Ta inſ ru kagin ibol ilasa san urat ipani tap, inſ nek ago mi igane wa. Ta inſ tamolpein aenta ibalsinanai san dabai inſane tap, ilon kisaek mi urat an igane wa. Ta inſ urat ititiani san tap, maeg igane wa. Ta inſ ilo muſanek san inſane tap, inſ ilo uyan lo ago igane wa.

### *An Kris adi aſanem tureſ kagin apani*

<sup>9</sup> Aria, oſ tamolpein aenta binawaip ilo pidinai ak tap, nek ago mi ilo pidinai mok a. Kagin saiak saiak patu pani dop, kagin uyan ak mi gane wa. <sup>10</sup> Anſem nug teim taom igo woſ nug niſen amat a. Anſem nugnug lo teim taom yaſad asini san kagin niſen o oſ maeg ganep tei riſani wa. <sup>11</sup> Urat lo dabai gane, yalis umoi. Oſane ilo lo Awan Urgan awan isag mado da, an lo oſ tini fidian ilalaſ anda yak ided oſ da. Tubun en san urat gane wo ilo pani wa. <sup>12</sup> Oſane mala nouk mado dan lo utur dop you isa wa. Muruan lo dop utur sakar a. Pempem Anut gudani dop mado wa. <sup>13</sup> Oſ tei tao aenta ilod lo rumok ak inſ mel ta o dumat tap, oſ aenta dida melmel lo ibinawai san atumanip apidinai a. Oſ talpein asau mi ipalu yak kagin pani uyan san dal mi urip, kaginan gane wa.

<sup>14</sup> Saen tamolpein dufunop muruan dupano wo dukudo tap, oſ Anut naon muruan ipidinai o ta sumiani

na wa, tia, inſ bar uyan ak ipidinai o mi sumiani wa. <sup>15</sup> Tamolpein ilod uyan tap, oſ dam inſ dadi sisem you-sai agane wa. Agod tamolpein ilod saian pe tinaſ digane tap, oſ dam dadi sisem tinaſ gane wa. <sup>16</sup> An nugnug lo ilom kisaek mi amado wa. Anſem yaſam lak na abisa amoi. Tia, anſ tamol kawan, yaſad tia yak dam turad mok amado wa. Anſem maſau tutubu amam da yak ta abol na wa.

<sup>17</sup> Talpein muruan ipano tap, naon muruan pani umoi. Tia, oſ tamolpein sad leil lo kagin a uyanan mok ilo isou dan mi gane wa. <sup>18</sup> Dal yen tap, oſ tamolpein fidian dadi ilo maror lo mi amado wa. Inſ oſ o ager dumado yau tap, gidad mel an inſad mi a. <sup>19</sup> Turag muroug, saen tamolpein dibian adu tap, anſ pani naon afuli wo ago ta agane na wa. Tia, Anut anen tinſae saiak an mi aben apani dop inſen mi pani an naon ka ifuli wa. Man dugo, ru girek lo ago ibol, “Tubun ak igo ibol, talpein enti igane saian ak naon panek man, ſai mi a, ſaiseg mi inſan pani an naon ſufuli wa.” <sup>20</sup> Ak gug, “Oſsa ager an imatigen tap, ananſ panip yani wa.

Inſ you o imat tap, you panip iluk a.

Kagin amaiak lo man nek ibol oſ yai midiger gumuran fo kulmaek igo woſ gane da.”\*

<sup>21</sup> Kagin saian an oſ ta ibio sakar na wa, tia, kagin uyan ak lo kagin saian an san dabai wabi idu wa.

## 13

### *An gabman gurman fidian paed na amado wa*

<sup>1</sup> Anſ fidian aſanem gabman san gurman anſ ditirnan dan awad paen na amado wa. Man dugo, Anut mi inſ titianek tamolpein fidian idirai san fun mok a, agod gurman a id ditirnad dan man Anut sen ipilianai a. <sup>2</sup> Amaiak lo, talpein inſ titianek tamol awad iparsisali tap, inſ tamolpein a

\* **12:20:** Dal an lo oſ inſanen tinſae saiak wabi idug, ilon ibileksa dan pani da.

Anut ipilianai an awad iparsisali da. Agod tamolpein fidian kagin a duri dan Anut inşad muruan an naon ipidinai a. <sup>3</sup> Gurman adi inş tamolpein kagin uyan ak mi digane dan rurek ta dupidinai na wa. Tia, tamolpein a kagin saian ak digane dan mi rurek dupidinai a. Onş tan gurman nişen o urer umoi ak i? Ago tap, kagin uyan ak mi gane dop, an lo tan gurman an onş ilio uyan a. <sup>4</sup> Man dugo, inş man Anut san urat pinein, onş mado uyan san kagin ipano da. Ak man onş kagin saian ak gane tap, urut dop urer saian geig a. Kabelan inş sabiri kawan yabi dak ago ilo isou banau. Inş Anut san urat pinein, amaiak tuon lo talpein ta kagin saian ak igane dan, Anut san tinşae saiak ile wa. <sup>5</sup> Fun an nişen o, onşane gurman adi awad paen na mado wa. Dal an lo Anut tinşae saian san kagin rişani wa. Fun an nişen o mi tia, tia, onşane kankan uyan ak a ru kagin ipano dan nişen o awa parsisalek ta gane na wa.

<sup>6</sup> Nek fun an lo anş gabman san takis dam abal a. Man dugo, gabman san urat pinein adi man dam Anut san urat pinein mi a, agod inş pempem tamolpein sad madok uyan dumado san kagin digane da. <sup>7</sup> Amaiak nişen o anş anşanem gubun\* naok ago yak fidian akubune wa. Saen gabman takis abal o ibol tap, ago agane wa. Takis naon sen ak abal o dubol tap, an dam abal a. Tamolpein awad ari apani wo dubol tap, anş nek ago agane wa. Tamolpein dititianaş dan yanşad asini wo dubol tap, an dam nek ago mi agane wa.

*Kristus san nal sumeik an nişen o aenta nişedi wo amat a*

<sup>8</sup> Onş talpein ta san gubun tini lo ta yen na wa, tia, nug nişen o amat san gubun mi tini lo yen a. Man dugo, talpein ta inş turan ilon ipani dan, kagin an lo kubiaenş an fidian ituanai idu da. <sup>9</sup> Moses kubiaenş igo ibol, “Onş jeit ta gane na wak, onş tamol ta funip imat na wak, onş aenta sad melmel

ta ugam na wak, onş tamolpein aenta sad melmel nişen o mala ta isi na wa,” agod kubiaenş aenta dam ru girek en lo yen da. Gug kubiaenş kisaek en kubiaenş an fidian ituanai idu ya, nek “Onş se ilo ipano dak ago mi tura ilo pani wa.” <sup>10</sup> Talpein ta inş tamol ta ilon ipani dan, inş lo kagin saian ak ta igane na da. Amaiak nişen o ilo panek san nuşon man nek ibol kubiaenş an fidian iganuri dak igo woş a.

<sup>11</sup> Agod taida mi anş en alonş ak, saen iparsikawad ak nişen o nişonş abi-seip amasa wa. Man dugo, gamu en patud ipasi san id sumeik ipanad la ya. <sup>12</sup> Tidom tubun ibisawad dugo ilalaş sumeik ipanad a. Id tidom san kagin ta tigane na wa. An nişen o lilaman san yu mi tuburoup tawaş tigane wa. <sup>13</sup> Anş ad aman ator dak ago turenş uyanan ator a. Ayu aluk pe abaş daonş ta agane na wa. Jeit lo, melmel saian ak lo bubem imasa san lo, wagai lo dabai agane san lo mi tia. <sup>14</sup> Tia, anş Jesus Kristus anşanep kulos igo agane wa. Agod mel ta aganep anşanam tinim san ilobol afu-tip idaisuda wo ago ta agane na wa.

## 14

*Onşane tei san ilo rumok dabai tia yan ta pitinşini na wa*

<sup>1</sup> Aria, saen talpein ta san ilo rumok dabai tia yan anşsam tumanek lo ipalu tap, anş ilo uyan lo mi anşane. Ak man anş inşsinan ilo sou an nişen inş da nug apei wo agane man amoi a. <sup>2</sup> Naiş ago şabol dan fun igo ya. Ilo rumok adi aenta mel an uyan dubol da, ago dugo aenta mel an saian dubol da. Talpein ta inş ilon lo anaş nuaenş mudan nuaenş an mel uyan ak ago ibol da. Ago dugo talpein san ilo rumok dabai tia yan, inş Juda sad kubiaenş ilon isou dan lo mudan yani san lo muruan ifuni da. Fun an nişen inş pinapaş mi yani wak ago ilon isou da. <sup>3</sup> Talpein a mel mudan yani dan inş talpein mel mudan ta yani na dan nişen o ta imisilani na wa. Nek ago mi

\* 13:7: Pani



talpein a mel mudan ta yani na dan in talpein mel mudan yani dan ta ile saian na wa. Man dugo, Anut talpein an inane la ya. <sup>4</sup> On enti, go on talpein sen ak san urat pinein wabi idu wo gane di? In sen mi inanen tubun ak naon na itur boi, tia, yau idu boi. Gug en rumok geig a, in man itur mok a. Man dugo, inanen tamol tubun ak lo itur san dabai idaisida ya.

<sup>5</sup> Aria, talpein ta in nal aenta gun mok ak ago ilon isou da, ago yan lo in Juda sad nal gun an sad kubiaen iganuri san kagin ipani da. Gug talpein sen ak in nal an fidian naon kisaek ak ago ilon isou da. Tamol an in sed anen anen atem kagin ago digane dan dibitinaep dile wa. <sup>6</sup> Talpein ta in nal gun an san kubiaen iganuri dan, in Tubun ak yan an yabisa wo ago igane da. Nek ago mi talpein a mudan fidian ka yani wo ibol dan, in dam Tubun ak yan an yabisa wo ago igane da. Man dugo, in mudan a yani dan ninen o Anut ilo uyan ru irupeida. Ago dugo talpein a mudan imoidan, in dam Tubun ak yan an yabisa wo ilon isou da. Agod in dam Anut ilo uyan ru irupeida. <sup>7</sup> Talpein ta in sen kisaek imado san tia ya. Agod in sen kisaek imat san tia ya. <sup>8</sup> Tia, id kumaen tumado tap, Anut o kumaen tumado wa. Agod id tamat tap, Anut o dam tamat a. Amaiak ninen o, id kumaen tumado boi, tia tamat boi, id Anut san mi a.

<sup>9</sup> Fun nek amaiak ninen Kristus imat go fon kumaen imasa da ya. In ago igane yan lo in tamolpein dumat ak, agod tamolpein kumaen dumado dak dam sad Tubun ak imado da. <sup>10</sup> On ata wo onane tei bitinaek lo gane dak i? Agod fon, on ata wo onane tei misilani dak i? Alo on uyan, id fidian Anut anen bitinaek san kalik naon na tatur a. <sup>11</sup> Man dugo, ru igo yen da, “Nai kumaeg numado dan rumok tap, naisag ru en nunon ilasa wa.

Tubun en igo ibol da. Tamolpein fidian nai naog na ditakoksi wa.

Agod tamolpein an fidian Anut naon na inaned muruan dubol

ilasa wa.”

<sup>12</sup> An lo id anek anek mel dugo tigane na yan fidian Anut naon na walal te tidiri ilasa wa.

*Onane kagin lo tei Kris ak aupasek lo yau idu wo ta gane na wa*

<sup>13</sup> An ninen id fon nug ta tibitinae na wa. Tia, id igo ilod isou wa, tuparsisi san mel ta teid san dal te ta tigane na wa, agod suwanok dam teid san dal te ta tigane na wa. <sup>14</sup> Rumok ak, Anut malan lo anan mudan an fidian ikok mok a. An nai nalon uyan a, agod nai Jesus Kristus lo numado da, an lo in nai ateg isueg naisag ilo sou an itaot a. Ak man talpein anan ta boi, mudan ta boi in yani san an ta ikok na yak ago ilon isou tap, aria in ninen o mi mel an ta mok ikok na ya. <sup>15</sup> On onane tei mel ta wani dan ninen o ilon muruan tap, an ninen o on ilo panek san dal uri san tia ya. Mel a ta wani na wan umoi tap, an uyanan a. Kabelan tamol a in ninen o Kristus imat an, on mel dugo wani dan lo, on tamol an daon pani banau. <sup>16</sup> On mel uyan ak ta wo ilo lo rumok a, gug tamolpein aenta mel an ninen o ru saiak dubol tap, an lo on ilo sou saian ak gane ilasa man umoi a. <sup>17</sup> Man dugo, saen Anut in sen mi idsad Tubun ak imado man, tani taluk san ninen o mi tia ya. Tia, id Urgun lo kagin itaot, ilo maror, uyasusai amad da tator a. Kagin nek an mi malan te ya. <sup>18</sup> Fun an ninen tamol enti kagin naok an lo Kristus san urat igane dan Anut ilo uyan ipani a. Agod tamolpein sad leil lo tamol an uyanan a.

<sup>19</sup> Amaiak ninen o, id maror san kagin tigane ilasap, agod id nug dabai tupanip, kagin an mi turip tator a.

<sup>20</sup> On anan ninen o mi, Anut san urat an, ilo rumok adi ilod lo yan ta pitinini na wa. Rumok, melmel fidian tani san a Anut malan lo yan ikok mok a, id an ka tani wa. Ak gug on mel ta wani dop lo tamol sen ak aupasek lo yau idu tap, on au upas da. <sup>21</sup> Ago yak ninen o, on mudan wani ak lo boi, tia, you sakar uluk ak lo boi, tia, mel dugo gane dak lo boi, kabelan

onjane tei aupasek lo ganep yau idu banau. Tia, onj kagin ago ta gane na tap, kagin naok an mi uyanan a.

<sup>22</sup> Onj melmel dugon ilo lo rumok an mi onj Anut da luluñam lo yen da. Talpein ta san ilo rumok an man onja mel tia ya. Saen talpein injanen kagin naok uyanan a ilo lo rumok an bitinaek lo igane dop, mel ta saian ak ta ile na tap, inj ilon uyanan mok a.

<sup>23</sup> Ago gug, talpein ilon uraru dugo yani tap, Anut san bitinaek lo yau idu wa. Man dugo, injanen kagin an ilo rumok lo ilasa man tia ya. Mel ta injanen ilo rumok an lo ta ilasa na dan, nek an mi aupasek mok a.

## 15

*Kristus ilon ipanan ak igo mi anj dam nug ilon apani wa*

<sup>1</sup> Id a ilod lo rumok dabai an, id tamolpein a sad ilo rumok dabai tia yan tibinawaip sad muruan dida tisini wa. Idsed ninjed o mi tamat dop aenta tabianai man kagin uyanan tia ya. <sup>2</sup> Id anen anen atem turad muroud ilo uyanan tupidinai a, ago dop inj dal uyanan ak lo mi dutor a. An lo insad ilo rumok an dabai anda ilasa wa. <sup>3</sup> Agod Kristus insinanen ilo ibol an ta iri na da. Tia, inj muruan dam isini da. Ru girek lo na igo ibol, “O Anut, tamolpein a dupaio saian an insad tinjae saiak an naj nisini a.” <sup>4</sup> Ru fidian a nal gubak mi Anut san tamolpein digire yan, an id ipiteñanad san ninjen digire ya. Id muruan lo tatur sakar dan lo, agod ru girek san dabai panek ru lo, id mel a ninjen o mala nouk tumado dan nunjon ago ilasa wa.

<sup>5</sup> Naj anj ninjemi wo Anut igo nugudani a. Anut inj dabai panek ru san fun, agod inj muruan lo tatur sakar san fun, inj ka ibinawan pe ansem nugug lo ilom kisaek mi amado wa. Anj Jesus Kristus atutunani dan lo kagin amaiak mi ago agane yau a. <sup>6</sup> Dal an lo saen anj Anut ubou an ale dan, anj fidian awam kisaek mi Anut, Jesus Kristus idsad Tubun en Taman, amaiak yanjan abisa da.

<sup>7</sup> Fun amaiak ninjen o anj nug ninjen amat mok a, nek ibol Kristus sen anj injilian uyanan ak igo wonj a. Ago dop anj ago agane dan lo Anut yanjan abisa wa. <sup>8</sup> Naj ago nurupaian dan san fun igo ya. Kristus inj Juda adi sad urat pinein onj ilasa ya, an lo Anut ikubiai tile yak insan ru an ru rumok a. Ago dop ru a Anut Juda sad tubud bagedi ibol ipidinai an nunjon kuai isi wa. <sup>9</sup> Inj ago igane yan lo Anut san ilo munjanek an tamolpein Juda tia yak ipidinai, an lo inj dam Anut yanjan diabisa wa. Nek a girek lo ibol ago,

“Fun an ninjen naj onj gob adi luluñad lo yanja nabisa wak, naj bar naji dop onj yanja nabisap lak na isida yau a.”

<sup>10</sup> Agod ru girek en fon ago ibol, “O anj Juda tia yan, anj Anut san tamolpein dadi yousai agane.”

<sup>11</sup> Agod fon, “O anj Juda tia yan fidian, Tubun en yanjan abisa, anj tan titin an fidian san tamolpein bar abi dop per apani.”

<sup>12</sup> Agod fon, Aisaia ago ibol, “Tamol Jesi dubol dan dabin lo didilan ta isa wa, agop inj isap tan titin fidian sad tamolpein kagin ipidinai a. Juda tia yan inj tinid digane panip dumado wa.”

<sup>13</sup> Aria, naj anj fidian ninjemi wo Anut igo nusumiani a. Inj mi, madok uyanan a ninjen o mala nouk amado dan san fun, anj ilom lo rumok an lo yousai tubun, agod ilo maror mok an anj bubem lo idaisuda yak, ago ka igane ilasa wa. Ago dop an lo na anj Urgun san dabai lo tubun mi mala nouk amado dan lo atur a.

*Anut Pol ipilianig gob adi ibinawai o ru sinek tamol ilasa ya*

<sup>14</sup> Naj teig taog, aenta anj ninjemi wo naj durupaia g a, nek ago mi najisag ilog dam ru kisaek an mi ago irupaia g da. Ru an igo ya. Anj kagin uyanan ak tinim lo yen an awan isa ya. Anj manjau amam da ya, an ninjen anj ansem nug

ka apitenjani wa, ago dop an nugnug lo anjam ilo sou katukan an akubune wa. <sup>15</sup> Gug njaisag girek en lo, naj ru kagin aenta njurupaian an kuai te njabol ilasap alon an ninen ta njarer na ya. An lo naj anjanem ilo sou njabisa dop ate an mel gubak mi alon la yan ilom isou da wa. Naj Anut san ilo munjanek lo yanak ipanag amaiak lo ago njigane ya. <sup>16</sup> In naj Jesus Kristus san urat pinein ipilianag go Juda tamolpein tia amaiak njibinawai o njupalu ya. Agod njaisag urat en igo ya, naj pris igo won Anut san bilalun uyanan an njufulale wa, ago dop an lo naj tamolpein Juda tia yan njanal pe lou kawan igo won Anut tuon lo njidirai a. Agod Anut naj tuog lo injal pe Awan Urgun san dabai lo tamolpein e gun idiraig dilasa yen Anut uyan ipidinai a.

<sup>17</sup> Amaiak ninen o, naj Jesus Kristus lo Anut san urat uyan ak wei mi njigane ilasa ya. Amaiak lo Anut naon na njaiseg ka ipitianag a. <sup>18</sup> Naj mel dugon Kristus njaisag urat lo ta igane na yan ninen o njabol ilasa wo njarer da. Tia, naj gob adi dal an njukubiai dilep Anut awan duri dupani san amaiak mi ninen o ka njabol ilasa wa. Mel ta njaisag ru lo, njaisag urat lo, <sup>19</sup> njaisag kulob girager in urat tutubun da njigane dan lo, agod Awan Urgun san dabai lo, amaiak mi ninen njabol ilasap alon a. Amaiak lo naj aben fidian lo njau a, Jerusalem na fun njigane gug njau nag njaisag turenj wadan Ilirikam\* na njilasa ya. Naj Jesus Kristus san bilalun uyanan amaiak panu fidian san tamolpein njurupidai dulonj a, mel ta naj njumiani man tia ya. <sup>20</sup> Naj panu fidian a Kristus yanjan dulonj san tia yan lo njaup ate in yanjan njufulale wo ilog ibol da. Njaiseg ilog pempem yen dan ago mi a. Naj ago njigane dan fun dugo, naj talpein sen ak san kadanj iguni la yak fo na ab njususe man njamoi a. <sup>21</sup> Tia, nek ru girek lo ibol ago,

“Tamolpein a in ninen o ta durupidai dulonj na yan in dile dulonj a.

Agod tamolpein a insan ru ta du-

lonj na yan, in ilod isafulale wa.”

### *Pol Rom na yau o ilon yen da*

<sup>22</sup> Naj anjam na ta njupalu na man fun naj panu aenta lo urat wei mi njigane na ya, agod an naj anjam na njupalu san dal itute ya. <sup>23</sup> Gug gamu panu an fidian lo man naj abeg tia ya, amaiak ninen naj ante ru njufulale na yan gamu itout a. Anajar wei kasik naj anjam na njupalu wo ilog yen a, <sup>24</sup> agod gamu njupalu wo ago njigane da. Naj Spein na njau ru njufulale wo njigane da. An ninen saen naj anjam gigin lo njupalu dan, naj saen katukan mi an njilianj o ilog isou da. Naj an da tumado wo ilog uyanan da, murna gup an naj Spein na njau an ninen asatunag dop dabai ka apanag a. <sup>25</sup> Ak man malan malan man naj Jerusalem na njau ilo rumok adi atna dumado dan njubinawai o ilog yen da. <sup>26</sup> Midaen fidian a Akaia na Masedonia na dumado dan ilo sou diganeg, moni dutumanig ilo rumok adi filiad tia a Jerusalem na dumado dan sad na digane yau a. <sup>27</sup> An man insiganed ilo girek mi a. An uyan mok a, ago gug mel en dam rumok a, Juda adi in insad pani naon ta gob adi tinid lo yen da. Man dugo, Juda ilo rumok adi in mel uyanan njutun san a Jesus Kristus lo amaiak in dupidinai a. Ago yak ninen tamolpein Juda tia yan melmel tinid san an ate inaned pani naon dukubune wa, an lo inaned muruan aenta dupasi yau a. <sup>28</sup> Aria, naj inaned ru nunjon digane yan njinane njau banid lo njigane gup fon anjam na njupalu da wa, ago gup Spein na njau a. <sup>29</sup> Taida mi, naj ago njalonj ak saen naj anjam na njupalu dan, naj Kristus san bar naj lo awan isa yan anjam na njupalu dop da njisini njupalu wa.

<sup>30</sup> Naj teig taog, naj abinawag o njusumiananj da. An Jesus Kristus san a, nek naj igo mi a, agod Awan Urgun san ilo panek an dam bubem lo igane ya. Fun an ninen, saen naj

\* 15:19: Albania

nugudani dan an̄ n̄ai awag abatep gudane k tubun ak tigane wa. Agod an̄ Anut asumiani on̄ dop n̄ai ibinawag a.

<sup>31</sup> Juda ilod lo rumok tia yak a Judea na dumado dan in̄ n̄ai dufunag o digane da. An̄ niñen o Anut asumiani dop n̄ai in̄ banid lo ipasag in̄ jiliag a. N̄ai in̄ anen tamolpein Jerusalem na yan luluñad lo urat n̄igane wan dam niñen asumiani dop urat an̄ niñen ilo uyan ipidinai a. <sup>32</sup> Ago dop Anut ilon ibol tap, n̄ai ilo uyan amag da ago an̄ sam na n̄upalu pe an̄ n̄ai da ilod kisaek sisem yaes tabal uyan a. <sup>33</sup> Ilo maror san Anut an̄ fidian da ka amado wa. Rumok.

## 16

*Pol ilo uyan ru tamolpein wei mi ipidinai a*

<sup>1</sup> Aria, gamu n̄ai ru wadan taida n̄urupaian̄ o da. Id lud Fibe in̄ Rom na ipalu wa, ago yak niñen o an̄ in̄ kagin apani uyanan o n̄ai ilog ibol da. In̄ pein gurman, agod in̄ Kenkria taun san midaen̄ an̄ luluñad lo urat igane da. <sup>2</sup> In̄ dam Tubun en san ilo rumok pein, ago yak niñen an̄ ilo uyan lo mi an̄ anep kagin apani wa. Ilo rumok adi dal naon an̄ dirip dutor ak man uyanan a. Pein an̄ mel ta lo katukan dop abinawi. Man dugo, in̄ tamolpein wei mi ibinawai na ya, agod n̄ai dam ibinawag a.

<sup>3</sup> Akwila iwon Prisila da ilo uyan n̄upidinai, in̄ n̄ai dibinawag go Jesus Kristus san urat migane ya. <sup>4</sup> Agog saen Juda n̄ai dufunag o digane yan in̄ n̄ai dubalgiranag a, in̄ n̄ai abeg diñaneg dumat o ta direr na ya. An̄ niñen n̄aineg ilo uyan in̄ n̄upidinai da, agod n̄ai mi tia ya, tia, tamolpein Juda tia yan sad midaen̄ in̄ dam in̄ aned urat uyanan an̄ niñen ilo uyan dupidinai a.

<sup>5</sup> Agod fon ilo uyan midaen̄ a in̄ sad ab lo dutumani dan sad na migane yau a. N̄aineg turag Epenetus n̄aisag ilo uyan in̄ apani, in̄ tamol malan malan Esia ilon lo in̄ Kristus niñen ilon lo rumok a.

<sup>6</sup> Maria ilo uyan apani, in̄ an̄ niñemi wo urat wagai tubun mokigane se ya.

<sup>7</sup> Andronikas in̄ iwon Junia da ilo uyan apidinai. In̄ n̄ai turag muroug Juda, agod in̄ n̄ai da sisem dusub-anama ya. In̄ dam yanad aposel, agod in̄ Kristus malan malan dulon̄ gug n̄ai murna n̄alon̄ a.

<sup>8</sup> Ilo uyan Ampliatus apani, Tubun en san kagin lo in̄ n̄aisag turag uyanan a.

<sup>9</sup> Ilo uyan Urbanas apani, in̄ man da sisem Kristus urat an̄ migane da, agod n̄aineg turag Stakis dam ilo uyan apani.

<sup>10</sup> Apeles ilo uyan apani, in̄ san urat uyanan an̄ Kristus ileg ilon uyan a.

Ilo uyan ilo rumok adi Aristobulas san samun lo yan apidinai.

<sup>11</sup> Herodian ilo uyan apani, in̄ n̄ai turag, in̄ dam Juda.

Ilo rumok adi Nakisus san samun luluñad lo dumado dan ilo uyan apidinai, in̄ dam Tubun ak san.

<sup>12</sup> Trifena in̄ Trifosa da ilo uyan apidinai, pein uraru an̄ Tubun en niñen o urat wagai digane da. Persis ilo uyan apani, pein an̄ mananema luma, in̄ niñen tubun mi mamat da, in̄ dam Tubun en niñen o urat wagai igane da.

<sup>13</sup> Rufus ilo uyan apani, Anut an̄ luluñam lo yan an̄ tubun ak ago ipiliani a. In̄ tinan dam ilo uyan apani, in̄ dam n̄aisag tinag on̄ a.

<sup>14</sup> Asinkritas in̄ Flegon, agod Hemes, Patrobas, Hermas agod ilo rumok adi aenta in̄ dadi dutumani dan ilo uyan apidinai.

<sup>15</sup> Filologas in̄ iwon Julia da ilo uyan apidinai, agod Nerias in̄ lun da dam, agod Olimp as in̄ ilo rumok adi fidian dida dumado dan an̄ dam ilo uyan apidinai.

<sup>16</sup> An̄ sem nug ilo uyan apani. Kristus san midaen̄ aben e lo dumado den fidian an̄ sam na ilo uyan digane ipalu ya.

*Tamolpein a an̄ luluñam lo biatitek digane ilasa dan leil apidinai o uyanan a*

<sup>17</sup> Teig taog, tawan̄ agane wo n̄ai n̄urupaian̄ da. Tamol a an̄ luluñam lo



biatitek in muruan da digane ilasa dan, an ninedi wo kagin agane. In sad ru an naon sen geig a, ibol an ru rumok ak alon ago tia ya. Fun amaiak ninen an sen alasa wo nurupaian da. <sup>18</sup> Man dugo, tamolpein naok an man Kristus Tubun en san urat ta dubinawi na da, tia, in in sed tinid dufutuwi san urat tamol dumado da. In sinad ru sewak, ru bulbal an lo tamolpein ta dulon uyan na yan dirawai da. <sup>19</sup> Tamolpein fidian an sam awa yabek uyanan an dulon a, an ninen o nai an ninemi wo youg isa da. Gug nai ilog ibol dak an kagin uyan ak mi ninen manau amam da, agod kagin saian ak ninen an aon mok ak man uyan a.

<sup>20</sup> Ago dop Anut, ilo maror taman an, in milaen tiap Satan an niem paen na iganep iparfufari wa.

Jesus Kristus idsad Tubun en san ilo munanek an da amado.

*Tamol aenta ilo uyan ru diganeg  
Rom sad na yau a*

<sup>21</sup> Timoti, naisag urat kisaek an, ilo uyan ipanan da. Nek ago mi nai turag muroug, Lusias in Jason da agod Sospata da dam ilo uyan dupanan da.

<sup>22</sup> Nai Tertias, naisag banig nam Pol san girek en nigire ya. Nai dam Anut yan an lo an ilo uyan nupanan da.

<sup>23-24</sup> Gaias dam ilo uyan ipanan. In man da mumado ya, man kagin am igane uyanan a. Agod fon midaen a in san ab lo dumado yan an sam na ilo uyan digane ipalu ya.

Erastas ilo uyan ipanan. In taun Korint san moni kagin ipani da. Agod Kuatus ilo rumok tamol an dam ilo uyan ipanan a.

*Pol Anut yan an yabisa san ru wadan*

<sup>25</sup> Aria, gamu id Anut yan an tabisa dop ubou an tile wa. In naisag bilalun uyan ak Jesus Kristus ninen nifulale dan lo, an dabai ipanan pe lo atur sakar san idaisida ya. O gubak mi Anut san bilalun en imianig imianuk yen a, ak man id talon an ninen kuai te igane ilasa ya. <sup>26</sup> Agod gamu profet adi sad girek lo ru en kuai isi

a. Ago dop an lo tan titin fidian san tamolpein ru e dulon en Anut sen ago digane wo in ru kagin ibol ilasa ya. Anut, kumaen pempem imado dan, ago ibol ilasa an lo tamolpein ilo rumok san dal turi tupani dan, in san awa yabek tamolpein tilasa wa. <sup>27</sup> An ninen in yan an tabisa. In mi Anut, in mi manau tamol a. Jesus Kristus yan an lo mi, in mi yan an tubun ak pempem in ane wa. Rumok.

## 1 Korint

<sup>1-2</sup> Anut ilon yen ak ago, ηai Pol, Jesus Kristus san aposel ηilasa wo igiag a. ηai, agod idsad teid Sostenis dam girek en an Anut san Kris midaen a Korint na amado dan sam na miganeg ipalu ya. Anut an igian go Jesus Kristus da itumanan go inanen tamolpein gun ak alasa ya. An agod tamolpein a tan fidian lo dumado dugo, idsad Tubun ak Jesus Kristus yanjan lo dugudani dan dida, an sam na girek en miganeg ipalu ya. Kristus man inaned Tubun ak, agod idsad mi a.

<sup>3</sup> Anut idsad Tamad agod Tubun ak Jesus Kristus, inaned ilo panek agod ilo maror da ka dupanan a.

*Pol Korint adi ninjedi wo Anut ilo uyan ru ipani a*

<sup>4</sup> ηai an ninemi wo nal fidian Anut ilo uyan ηupani da, fun dugo, Jesus Kristus log Anut ilon ipanan a. <sup>5</sup> Kristus lo man Anut in dal fidian lo binawek funfun an ipanan a, an lo binawek ru afulale san, agod binawek manau amam da yak san dam aburoug binawek uraru an an ilom lo inane fute ya. <sup>6</sup> Man dugo, ru a man Kristus ninen o an lulunam lo mufulale se yan nunon igane dugo ale ya. <sup>7</sup> Fun an ninen o idsad Tubun ak Jesus Kristus, fon kuai isi da wan ninen o an malam agane dugo, Urgun binawek ipanad dan lo ta katuk am da, tia geig a. <sup>8</sup> In an dabai ipanan pe atur sakar yaup saen wadan idu wa, an lo idsad Tubun ak Jesus Kristus san nal idu wan lo in an mel ta ninen o ru ta ipanan na wa. <sup>9</sup> Anut pempem inanen ru iganuri da. In an igian go inanen Nanun, Jesus Kristus idsad Tubun ak da atumanig nug turan igo won ator da. Amaiak ninen o in dugo ibol dan ate mi ago igane wa.

*Korint midaen ilon lo biatitek yen da*

<sup>10</sup> ηai teig taog, idsad Tubun en Jesus Kristus yanjan lo ηusumianan da,

an fidian mi ilom kisaek dop an lulunam lo biatitek ta yen na wa. ηai ilog ibol dak, an fidian mi ilom atumani, agod ananem ilo sou dam kisaek a. <sup>11</sup> Man dugo, Kloe san tamolpein ηaisag na dupalug, an lulunam lo nug paek kagin yen dan dubol go ηalon a. <sup>12</sup> ηai ago ηabol an san fun man igo ya. An lulunam lo ta ibol, "ηai Pol san," ta ibol, "ηai Apolos san," ta ibol, "ηai Sifas san," agog ta ibol, "ηai Kristus san."

<sup>13</sup> Ak dugo, Kristus tinin gilefutek go sensen dien di? Tia, ηai Pol, an ninemi wo aigim fo ηamat i? Tia, ηai yanag lo suguek dupanan i? <sup>14</sup> ηai Anut ilo uyan ηupani da, man dugo, ηai tamolpein tata ηufulanai man tia ya, nek Krispas in Gaias da mi a. <sup>15</sup> An lo man talpein ta ηai yanag lo ηusugui ak ago ibol san tia ya. <sup>16</sup> Rumok, ηai Stefanas san warou inanen ab lo dumado dan ηusuguai a, ak gug an patun fo taidam ηusuguai ak ago ilog isou man tia ya. <sup>17</sup> Man dugo, ηai tamolpein ηusuguai o Kristus idinag go ta ηupalu na ya. Tia, in ηai bilalun uyan ak ηabol ilasa wo idinag go ηupalu ya. Agod ru a ηabol ilasa na yan tamol sad kankan milaen ak lo ta ilasa na ya, agod kududod lo ru bulbal ak ηai dida ta minin na ya. Ata wo? Ru a Kristus san aigim ninen o tabol ilasa dan man dabai anda ya, kabelan ru sen ak ηabol ilasa dan lo aigim san dabai an nunon igane ilasa san tia banau.

*Kristus in man Anut san dabai agod kankan milaen a*

<sup>18</sup> Man dugo, tamolpein ensauta a dideg diau dan in ilod lo man, aigim san ninen an ru ninen igo won a. Ak man tamolpein ensauta a Anut patud ipasi wo urat igane dan, insad ilo sou lo man, aigim san ninen an Anut san dabai mok. Agod id man nek tamolpein ama ya. <sup>19</sup> Ata wo? Awak aban ta Anut san buk lo yak igo ibol, "ηai tamol a sad kankan milaen an inaned manau daon ηupani wa,

agod kaman tamol adi sad kankan uyanan an n̄ai sen gigin na njigane wa.”

<sup>20</sup> Tamol kankan milae an ak dugon te imado di? Kubiaen tamol dugon te imado di? Tan en san kaman tamol ru uyan ak in̄ijen dan dugon te imado dak i? Tamol naok amaiak in̄ ka dubunawad ak i? An fidian tia ya, man dugo, Anut in̄ tan en san tamolpein in̄aned kankan milmilae an, ru burau ak igo won̄ iganeg ilasa ya. <sup>21</sup> Man dugo, Anut in̄sinan kankan milae an lo in̄anen ilo girek igo ya. Tan en san tamolpein in̄siganed kankan milmilae an lo Anut dulon̄ san tia ya. Tia, Anut ilon̄ igo ibol dak man, ru burau a man̄ mabol ilasa na yan lo mi, tamolpein ensauta a ru an ilod lo rumok an, patud ipasi a. <sup>22</sup> Juda adi kulob girager dile wo ilod ibol da, agod Juda tia yak adi man, kankan milae an aban̄ an diabi da. <sup>23</sup> Ak gug ru e man̄ mufulale den man, Kristus aigim fo imat ak san ru. Ru en Juda adi ilod lo rumok san dal ifutani da, agod Juda tia yak adi ilod lo man, ru an ru burau ago dubol da. <sup>24</sup> Ak man tamolpein ensauta a Anut igiai an, gidad in̄ Juda adi, tia, in̄ Juda tia yak adi, in̄ dulon̄ ak, Kristus man Anut san dabai, agod kankan milae an dam Anut san mi a. <sup>25</sup> Man dugo, Anut san ilo sou burau man, tamolpein sad kankan milae an irin̄ani a. Agod mel dabai an tia yak Anut igane dan, tamol sad dabai irin̄ani a.

<sup>26</sup> Teig taog, an̄sam wagin̄ Anut ipanan̄ an nin̄en o ilom isou. Tan en san tamolpein malad lo man, an̄ lulan̄am lo man̄au tutubu amad da yan wei an tia ya. Tamol tutubu yak dilasag dumado dan dam wei an tia ya. Agod tamol yan̄ad an da yak sad gugoi lo in̄ nun̄od wei an tia dilasa ya. <sup>27</sup> Ak gug Anut tamolpein a aenta sad leil lo nin̄eo dubol dan ipilianaig, ate talpein a kankan milmilae an miai ipidinai a. Nek ago mi, in̄ tamolpein dabai ad tia yak ipilianaig, ate tamolpein dabai ad da yan miai ipidinai a. <sup>28</sup> Taida mi, melmel a tan en

lo yan̄ad tia yan, melmel a tamolpein patud dupidinai dak, agod melmel nek a ta dien na dan dam ipilianaig, an lo melmel a in̄ dien mok dan mel kawan ak igo won̄ idiraig dilasa ya. <sup>29</sup> An lo man, talpein ta Anut naon na sen yan̄an yabisa san tia ya. <sup>30</sup> Anut in̄sen mi, an̄anem madok Jesus Kristus lo yan san fun mok a. Anut lou wei mi Kristus ipanig ate id ibinawad a. Kristus lo mi id kankan milae an amad da tilasag tumado da. Tamol a id idad go in̄iliad an man Kristus mi a. In̄ lo yak nin̄en o Anut malan lo id itaot, agod gun tilasag tumado da. <sup>31</sup> Fun an nin̄en o ru ta digire yan ago ibol da, “Talpein enti kagin ta nin̄en o sen yan̄an yabisa wo igane tap, gidad imoip, in̄ Anut mi yan̄an yabisa wa.”

## 2

### *Pol Kristus nin̄en o mi ibol ilasa ya*

<sup>1</sup> Teig taog, saen n̄ai an̄sam na n̄upalug Anut san ru n̄fulale panan̄ man, n̄ai kudodom lo ru bulbal ak lo ta nin̄ijen na ya, agod ru kankan milae an lo ilasa na yan lo ilom ta nin̄ane na ya. <sup>2</sup> Man fun dugo, n̄ai ilo sou igo njigane ya, saen n̄ai lulan̄am lo n̄umado man, n̄ai ru an fidian patug fo njigane ya. Ru Kristus nin̄en o, agod in̄sen aigim fo imat an dam, ru nek an mi n̄abol dugo alon̄ a. <sup>3</sup> N̄ai an̄ lulan̄am lo n̄umado dugo tinig dabai an tia ya. An mi tia, n̄ai n̄arer dugo tubun mi n̄usuruwor se yan dam ale ya. <sup>4</sup> Taida mi, n̄aisag ru agod bilalun̄ n̄abol panan̄ an man, ilom nin̄ane san kankan milae an ak ate ta n̄abol go alon̄ na ya. Tia, an̄sem ale alon̄ ak, n̄aisag nin̄en an Awan Urgun san dabai lo ilasa ya, man dugo, Awan Urgun in̄anen dabai kuai tem ikubiaig ale ya. <sup>5</sup> N̄ai ago njigane yan fun man, an̄anem ilo rumok san fun mok an tamol adi sad kankan milae an lo ta yen na wa. Tia, ilo rumok an Anut san dabai lo mi yen a.

*Kankan milae an Urgun san na ipalu yan san ru*

<sup>6</sup> Ak man tamolpein a Anut ninjen o inaned manau milaen an luluᅇad lo man, rumok, ru a miᅇinjen dan kankan milaen ak lo ilasa da, amaiak dile duloᅇ da. Ak gug kankan an man, saen e gamu tumado den san kankan milaen ak tia geig a, agod tan en san gurman adi sad kankan milaen ak, an dam tia ya. Man dugo, Anut injen gurman adi saen gamu tumado den san igane itout o urat igane da. <sup>7</sup> Ak man kankan milaen a man kuai te migane ilasa dan man, gubak mi mianuk lo yen na ya. Kankan milaen an Anut wagam mok, saen tan en gamugo ilasa yan, inᅇsinan ilo sou lo imiani a, agog saen milaen mok ante yen na ya. Man dugo, Anut fun lo mok tan gamugo ilasa dugo ilon igo yen a, mitep kankan milaen an id ipanad dop lo girager amad da tilasap tumado wa. <sup>8</sup> Kankan milaen naon en man tan en san gurman adi duloᅇ san tia ya. Injen kankan milaen an duloᅇ mok tap, kumaen panu san Tubun ak a girager anda yan, aigim fo ta dubali na wa. <sup>9</sup> Ak man ru ta gubak mi digire yan igo ibol a, “Melmel a tamol malad nam ta dile na yan,  
kududod ta ilon na yan,  
kitek ilo girek aman ta digane na yan,  
melmel an Anut ikubune lag dien da, an lo dop tamolpein a injen ninjen o dumat dan ipidinai a.”

<sup>10</sup> Ak man melmel nek an Anut inᅇsen Awan Urgan lo kuai te idirig tile ya.

Awan Urgan injen mel fidian ikubiani da, an lo inᅇsad bunun mok ilon uyanan a. Injen Anut san ilo girek nek a ilon lo kuror geig dien dan dam ikubiani fufei da. <sup>11</sup> Ak dugo, tamolpein luluᅇad lo enti injen talpein ta san ilo sou mok ka ilon ak i? Tia, talpein an inᅇsinan ur mi a. Nek ago mi, talpein ta Anut san kankan ilon san tia ya, tia, Anut sinan Ur mi inᅇsan kankan ka ilon a. <sup>12</sup> Aria, ur ta tan en san id ta tinjane na ya, tia, Ur a Anut san na ipalu yan mi id tinjane ya. Anut Ur an ipanad a, an lo dop id ka

binawek funfun a injen kawan ipanad amaiak talon uyanan a. <sup>13</sup> Binawek wei mi amaiak ninjen o man gamu miᅇinjen da. Ru a tamol sad kankan milaen ak ipiteᅇanama dan lo man ta miᅇinjen na da. Tia, ru a Awan Urgan ipiteᅇanama dan lo mi miᅇinjen da. An lo manau nuᅇon a Anut kuai te igane ilasa panama yan, man ru Urgan ipanama yan nam san fun mok mufulale da. <sup>14</sup> Talpein a Urgan ilon lo tia yan, manau nuᅇon a Anut san Ur san na ipalu dan ta injane na da, man dugo, injen ilon lo manau an ru burau igo woᅇ ak ibol da. An lo man manau nuᅇon an ilon san tia ya. Man ata wo? Manau an san fun mok ninjen o ilon itarpasi san dabai man, Awan Urgan lo mi ilasa da. <sup>15</sup> Ak man talpein enti injen Anut san Urgan aman da yan, injen melmel fidian ikubianip, an lo inaned fudi mok dam ka ilon uyanan a. Ak gug tamol sen ta Urgan ilon lo tia yan, talpein naok an ikubiani san ta idaisuda na ya. <sup>16</sup> Man dugo, profet Aisaia ago ibol,

“Ak dugo, enti Anut ilon ilon pe an lo injen ka manau ipiteᅇani wak i?”

Ak gug id Kristus anen manau amad da ya, an ninjen o nek ibol Kristus ilon isou dak igo woᅇ id dam ago ilod isou da.

### 3

#### *Biatitek midaen ilod lo yan san ru*

<sup>1</sup> Teig taog, saen ᅇai malmalan anᅇsam na ᅇpulu yan, tamolpein Urgan san ak igo anjen da tinjnen san tia ya. Tia, anjen tan en san tamolpein igo woᅇ, nek ago mi ᅇai anjen da tinjnen se ya. Man dugo, gidad anjen Kristus lo amado bo man, anjen nek ibol nanuk adi a inaned tinadi gamu geig didiraisi ak igo woᅇ a. <sup>2</sup> Fun an lo ᅇai gubak mi su mi ᅇupanaᅇ aluk se ya, ananjen dabai ak ta ᅇupanaᅇ na ya. Ata wo, anjen ananjen dabai ak ani san saen gamugo ilasa da. Agod ᅇai ᅇiliaᅇ ak man ananjen saen gamugo da. <sup>3</sup> Ananjen kagin ta abileksa na da, tia, anjen tan en san tamolpein dida sam kagin naon kisaek



a. Man dugo, an lulunam lo turak susak kagin, agod nug paek kagin yen da. Kagin naok ago yan man tan en san mi a. Amaiak ninen o an tan en san tamolpein sad kagin naok an mi agane da. <sup>4</sup> Man dugo, saen tamol ta an lulunam lo ibol, "Nai Pol san," ago dop ta ibol, "Nai Apolos san," an lo man sama leil lo man an nek ibol tan en san tamolpein atutuñanai on da.

<sup>5</sup> An dugo ilom isou di? Apolos in yanak anda yak i? Tia, nai Pol yanag anda yak i? Man Anut san urat tamol mi a. In man anen anen mananema urat ipanama ya, agod urat a migane yan lo an Kristus o ilom rumok a. <sup>6</sup> Nai ai patun nupae dugo Apolos you ipani da, ago gug Anut in sen mi kagin an igane dugo isag tubun a. <sup>7</sup> Amaiak ninen o talpein enti ai patun ipae dan yan an tia ya, agod talpein enti ai patun you ipani dan, in dam yan an tia ya, ago gug talpein enti a ai patun kagin an iganeg isa dan, nek in mi yan an da ya, agod an nek Anut mi a. <sup>8</sup> Tamol ai patun ipae dan, in tamol ai patun you ipani dan da, ilod kisaek a. An ninen o urat dugo dugo in anen anen digane yan, atem Anut urat an naon ipidinai a. <sup>9</sup> Man dugo, man man Anut san urat kisaek. An man Anut san abi, agod an man in san ab.

#### *Midaen san urat tamol in ab bek igo won a*

<sup>10</sup> Ilo panek e Anut nai ipanag en lo man, nai nek ibol ab bek tamol ikawil amag ak igo won bag nugunaig dutur da. Agog tamol sen ak bag an fufo ab yabi da. Ak man ab bek tamol anek anek dugo won ab a diabi dan ninen o in gidad kagin digane uyan a. <sup>11</sup> Man dugo, talpein ta bag tamol sen ta iguni san tia ya. Tia, bag tamol nai nguni lag itur da. Bag tamol an man Jesus Kristus mi a. <sup>12</sup> Talpein ta bag an fufo na gol nam, tia, silva nam, tia, pat naon lak na geig ak nam, tia, ai nam, tia, gafurfur igosan nam, tia, ai roun nam ate ab yabi tap, <sup>13</sup> urat dugo man igane yan san bunun mok kuai isi wa. Man dugo, nal a ate

Jesus imul ipalu wan ilasa wa, an lo dop urat naok dugo yak talpein an igane yan lilaman lo ilasa wa. Urat an san bunun mok an yai lo walal te ilasa wa. Yai an tamol anen anen sad urat ibitinae a, an uyan boi, tia, saian boi, kuai te ilasa dop tile wa. <sup>14</sup> Aria, talpein enti in anen ab isuse yan yai an lo itur sakar tap, Anut talpein an in anen urat naon itaot mok an ipani wa. <sup>15</sup> Ak gug talpein ta in anen ab yai lo inani yau tap, in anen urat igane yan naon ta in ane na wa. Ago bo man, talpein an in sen ta ideg na wa, tia geig a. Man dugo, Anut patun ipasi wa, nek ibol tamol ta tamol sen ak yai lo ideg o dan yabip yai lo ipasi wak igo won a.

#### *An man Anut san ubou ab*

<sup>16</sup> An ananem tinim man Anut san tempel, agod in anen Ur ilom lo imado dan, an ta alon na yak i? <sup>17</sup> Talpein ta Anut san tempel malan isue tap, Anut talpein an malan isue wa. Man dugo, ab Anut lo imado dan man gun geig a, agod ab an nek an sem mi a.

#### *An tamol ninedi wo se pitiano i kagin agane amoi*

<sup>18</sup> An sem ta irawan na wa. An lulunam lo tamol ta, tan en san tamolpein dugo won ilod isou dak iri panim, in kankan milaen ak aman da ago ilon isou tap, in gidad in anen ilo sou ibilisa wa. In tan en san tamolpein sad leil lo tamol burau ak igo won ilasa wa. An lo dop in kankan milaen ak aman da ilasap imado wa. <sup>19</sup> Man dugo, Anut san leil lo man, tan en san tamolpein sad kankan milaen an nino igo won a. Ru ta Anut san buk lo naisag ninen ibalsinani da, ru an igo ibol, "Tamolpein in siganed rawek kagin lo mi diau disasag Anut ibiai a." <sup>20</sup> Agod fon Anut san girek ibol, "Tubun en ilon da, tamolpein kankan milaen ak amad da yan sad ilo sou man, ilo sou kawan a." <sup>21</sup> Fun an ninen o an fon tamol adi ninedi wo se pitiano i kagin ta agane na wa. Tia geig a. Mel fidian man an sami la ya. <sup>22</sup> An ninen o man, Pol, Apolos agod

Pita, in̄ dam nek an̄sami a. Tan en, tia, kumaen in̄ mater̄ da, an dam an̄sami a. Ago mi saen e lo gamu tumado den, agod saen a murnap ilasa wan dam an̄sami a. Rumok nun̄on, mel nek en fidian an̄sam mi a. <sup>23</sup> An lo an̄sem man Kristus san, agod Kristus dam Anut san.

## 4

### *Kristus san aposel adi*

<sup>1</sup> Amaiak nīnen o an̄ man̄ igo aliama wa. Man̄ Kristus san urat tamol mi a, agod ru a gubak mi an Anut ilon lo imianuk a, gug gamu kuai te ilasa amaiak tamolpein murupidai dulon̄ san urat man̄ banima lo iganeg, kaginan migane da. <sup>2</sup> Aria, an̄ alon̄ ak, saen urat taman ta in̄anen urat tamol adi urat amaiak banid lo igane man, urat tamol an urat taman san leil lo urat an nīnen o ta diyalis na wa, tia, in̄ urat an kagin dupani uyanan a. <sup>3</sup> An̄ n̄aisag urat apipi ale tap, n̄ai ilog ta weiwei na wa. Agod tan en san tamolpein in̄aned kot lo diginiag pe dibitiniag tap, an dam mel kawan a, agod an lo n̄ai ilog ta weiwei na da. Rumok, n̄ai dam seg ta ibitiniag na da. <sup>4</sup> N̄aisag urat walal te ya, agod urat n̄igane yan nīnen o n̄aineg kankan muruan ta ipanag na da. Ago bo man n̄ai muruan amag tia yak ago ka n̄abol san tia ya. Tia, Tubun en mi n̄aineg urat ibitinaep ile wa. <sup>5</sup> Amaiak nīnen o, saen gamugo dop an̄ imug mel ta bitinaek lo ta agane na wa. Tia, Tubun en imul ipalu san saen ilasa wan nīnen o atitiani gup a. In̄ melmel a gamu mianuk lo dien dugo tidom tubun ituanai dan, in̄anep idiraip kuai te ilalan̄ lo dilasa wa, agod tamolpein sad ilo sou sed ilod lo dimianig yen dan dam in̄anep walal te igane wa. Saen an lo man, Anut mi tamol fidian anen anen in̄sad urat dugo digane na yak atem ipitianai a.

<sup>6</sup> N̄ai teig taog, n̄ai melmel e nīnen o ru nīnīnen den lo n̄ai Apolos da mitilaen igo won̄ aliama wa. An lo man n̄ai Apolos da sama bunuma ale dan lo man̄au an̄anep an lo, ru e tamolpein

dubol den san fun mok alon̄ a. “Gidad ru dugo digire yan amaiak an̄ ta abirin̄ani na wa.” An̄ ago agane tap, aria, an̄ urat tamol ta yan̄an abisa wak gug urat tamol sen ak ta yan̄an abi idu wo ago agane dan amoi. <sup>7</sup> Man dugo, on̄ tamol, on̄ pein, en ata wo on̄ talpein sen ak rin̄ani dak ago ilo isou di? Ata mel mok e gamu on̄ tuo lo yen den, emaiak on̄ gubak mi lou panek igo won̄ ta n̄ane na yak i? Aria, on̄ mel an lou panek igo won̄ n̄ane tap, ata wo on̄ se ipitiano da, nek ibol on̄sigane dabai nam n̄ane yak igo won̄ i?

<sup>8</sup> Nag an̄ Korint tamolpein, an̄ mel fidian an̄al go idaisuda la yak boi! Nag binawek funfun a Urgan ipan̄an dan ilom in̄anefute la yak boi! An̄ kin̄ adi igo won̄ alasa la ya, agod an man man̄sama binawek lo tia yak boi! N̄ai ilog ibol dak an̄ kin̄ adi igo won̄ alasa yan rumok a. Man dugo, an lo dop man̄ an̄ da sisem kin̄ adi igo won̄ ka tumado wa. <sup>9</sup> Ata wo n̄ai ago n̄abol ak i? N̄aisag leil lo man, man̄ aposel adi nek ibol yu tamol a gugurut nam mater̄ dile san kob dīnane yak ago mi mumado da. An̄ alon̄ ak tamol in̄ yu digane itout pe dumul dop, in̄sad ager dīnal pe patud na dirau on̄ dida diau dop lo tamolpein dal awan ananaem dutur dan ka dil a. Agop wagai lo nug dufuni san aben ante dilasap in̄sed nug dufuni dop dumat a. Ru mitilaen an man̄ aposel dam tou amam yabi da. Man̄ nek mel ta senamo geig ak walal isip, an lo melmel fidian diliama san ago milasa ya, en̄el sad leil lo, agod tamol malad lo dam mi a. <sup>10</sup> Man̄ aposel adi Kristus wagen lo burau tamol milasag mumado da, ak gug an̄sem mi Kristus lo amado dugo kankan milaen am da ya! Man̄ tamol dabai am tia yak, gug an̄ man dabai tinami a! An̄ yan̄am diabisa da, ago gug man̄ yan̄ama diabi idu da! <sup>11</sup> Man̄sama madok fun lo mumadog ipalug gamu mumado den man igo ya. Man̄ anan̄ o mamat dak, you o dam mamat da, agod man̄sama bioūn dam imasisire yau a. Man̄ panu panu mator dugo saian dupanamag

tinima dam dusue ditare na ya, agod aben ta ate yaes mabal san sasau ta yen man tia ya. <sup>12</sup> Manşema banima nam urat wagai migane da. Saen tamolpein dumisilanama dan, mañ bar uyan ak mi mupidinai se ya. Saen muruan dupanama dan, muruan an misinip matur sakar se ya. <sup>13</sup> Saen mañ niñema wo uf digane dan, mañ ilo panek ru lo mi ru naon murupidai da. Mañ nek ibol tan en san nun samuk samuk igo ya, tia, ibol sas bod tinin te isuda yak igo ya. Tan en san tamolpein malad lo mañ gubak mi ago mumado se ya, agod gamu man inşad ilo sou kisaek mi a.

<sup>14</sup> Nai ru en ago niñire an lo an miai nupanañ o tia, tia, nai kududom nabi dugo ru kagin nupanañ da, nek ibol an niñeg nanug muroug adi igo won a. <sup>15</sup> Gidad an Kristus lo yan titianek tamol wei mi amam da ya, ago bo man, an tamam wei an tia ya. Man dugo, ru uyanan a nupupaian go alon an lo man, nai ananem tamam Kristus lo yak igo njilasag numado da. <sup>16</sup> Fun an niñen o an nududuwan da, ago dop an nai atutuñanag pe, anşam tutuñanek tamol igo won asodudunag njilasa wa. Naisag kagin naok naok an anek anek atem agam agane wa. <sup>17</sup> An niñen o Timoti njidinig anşam na ipalu da, Kristus lo in njaisag nanug igo won niñen o nıamat da. In Tubun en san urat niñen o ilon dabai mok a. In ka ibinawan dop, imug nai luluñam lo numado dugo, kagin naok naok a Kristus lo njigane na yan ilom isou da wa. Kagin a njigane na yan, in ru a aben fidian sad Kris midaen kisaek kisaek atem nupiteñanai na yan da, naon kisaek mi a.

<sup>18</sup> An aenta man sem isodudunan alasa dugo ru kawan tubun mi aninjen da, man dugo, an ilom lo nai anşam na ta nupalu na wak ago abol da. <sup>19</sup> Ak gug Tubun en ilon ago yen tap, nai gugurut nam anşam na nupalu wa. Saen an lo, talpein a niñen tutubun mi digane dan njukubianai neil a. An mi tia, inşad dabai mok Anut san na diñane boi an dam njile wa.

<sup>20</sup> Man dugo Anut san kagin panek ilon lo man, niñen tutubu yan in mel malan te yak tia ya, tia, mel malan te man Anut san dabai, tamol tinin lo mi yen da. <sup>21</sup> Dal dugon lo nai anşam na nupalu wo an ilom ibol di? Ak dugo, bu niñanep da nupalu wak i? Tia, nai nupalup ilo panek kagin, agod mos kagin dam njukubiaip ale wo ilom abol di?

## 5

### *Teim a jeit igane dan anşam midaen lo akudi*

<sup>1</sup> An luluñam lo aenta ru disinig njaisag na dupalug igo durupaiağ, jeit kagin naok saian geig ak yen da. Agod gob adi luluñad lo jeit kagin naok igo yak ta yen man tia ya. Ru nabol den fun igo ya, an luluñam lo tamol ta in inşinan taman san iwon foun amaiak inaneg ida dien da. <sup>2</sup> An an alon bo man, an sem ipitianağ da! Gidad an ilom tubun mi ipapaop amado wa. Ago dop tamol a kagin ago igane dan akudip midaen patun fo agane ilasap imado wa. <sup>3</sup> Gidad nai an sinjirem na tia yak gug njaisag ur an da amado da. Agod nai tamol a kagin ago yak igane yan njukubiani la ya, nek ibol nai an da tumado dak igo won a. <sup>4</sup> Nai ru kagin igo nupanağ da. Saen an Tubun ak Jesus yan an lo apalu atumani dop nai niñeg ur lo an da tumado dop, agod Tubun ak Jesus san dabai an an luluñam lo imado man, <sup>5</sup> tamol an Satan tuon lo aganep an lo inanen tinin aupasek anda yak pitininek inane wa. Ago dop an lo Tubun en imul ipalu san nal lo tamol an san ur patun ipasi wa.

### *An aup aupasek adi ta aganurai na wa*

<sup>6</sup> An sesunoi kagin agane dan man ta uyan na ya. Yis kabelan in flawa tubun ak da you da atumanip yis an ifurak yau san urat yaup iganep anan an fidian ikafut a, dugo, an ta alon na i? <sup>7</sup> An niñen o an gidad yis wagam ak abal yau a, an lo dop an nek ibol anan yis aman tia yak igo won alasa wa. An nek ibol anan naok ago yak igo

wonj an rumok a. Man dugo, Kristus man Anut yai digane pani an lo imat la ya, injsen mi idsad Pasova san sipsip nanun id tani san mi a. <sup>8</sup> Amaiak ninjen o Pasova san soubul id kagin tupani wa. Ak man id yis wagam ak ta tani na wa, tia, yis an man ru mitilaen igo wonj a, an siai kagin agod kagin saian geig ak dam mi a. Id soubul an san ananj yis aman tia yan tani wa, ananj an man, ru a ilon lo rawek ta yen na dan, agod kagin a idsad ilo rumok igane ilasa dan mi a.

<sup>9</sup> Naisag girek imug en lo naj an igo nrupaijan da. Anj tamolpein jeit kagin tinadi ak sijired na ta amado ator na wa. <sup>10</sup> Nai tamolpein tan en lo sad madok saian ak ninjedi wo ta njabol na da. Tia, naj tamolpein naok igo amaiak ninjedi wo ilog isou da: tamolpein jeit kagin digane dak, a aenta sad melmel ninjedi wo injaned kankan mala sek mi awan isa dak, a tamol gol ak dufup sad melmel digam dak, agod a tubud sewak yanjad lo ubou dile da. Anj tamolpein naok ago yak abisawaip asau mi aup amado tap, an tan en abisei pasik a. <sup>11</sup> Nai gamu girek njigire en lo dugo ilog isou dan kuai tem njabol o da. Tamol ta inj igo ibol, inj ilo rumok tamol, ago gug inj jeit san kagin igane da, tia dop, inj tamol malan sakar tinan, tia dop, inj tamol tubud sewak ninjedi wo ubou ile dan, tia dop, inj lukluk san tamol, tia dop, inj gumagam san, anj tamol naok ago yak ta aganuri na wak, agod dida amasip ananj ta ani na wa.

<sup>12-13</sup> Anj dugo ilom isou di? Naisag urat en lo tamolpein a Kris midaen patun fo dumado dan kibianek lo njidirai ak i? Tia geig a. Anut mi tamolpein naok an ikubianaip yil a. Ak man anj Kris midaen, anjsam urat man tamolpein anjsiganem midaen ilon lo an mi akubianaip eil a. Anj Anut san girek ibol ago agane, “Tamol anj lulujam lo igane saian dan, akudip yau a.”

## 6

*Tein injanen tein kot lo igane yan*

*ninjen Pol ipidai da*

<sup>1</sup> Kagin e anj lulujam lo yen den uyan tia ya. Saen anjsam midaen ilon lo talpein ta mel ta ninjen o injanen turan ile saian dan, injaneg ida diaug midaen naod na muruan an ta dukubune na ya. Tia, inj turan an injaneg kot lo yaug gob adi banid lo iganeg kot dupani a. Kagin naok an saian geig a. <sup>2</sup> Id gun adi man, mur-nap tan en san tamolpein bitinaek lo tidirai a, an ta alon na i? Anj tan en san tamolpein akubianaip eil a. Fun an ninjen o, enta wo anj lulujam lo mel tusan ak akubianip nek muruan an akubune san, anj ta idaisuda na yak i? <sup>3</sup> Id enjel adi dam bitinaek lo tidirai an anj ta alon na i? An ninjen o sapta taida dop id Kris idsad manjau idaisuda wa, an lo idsad muruan tan en san man gamu ka tukubune wak i? <sup>4</sup> An ninjen o naj igo nrupaijan, gidad tamol midaen ilon lo yanjad tia yak, anjsam muruan tan en san ka bitinaek lo diganep dukubune wa. <sup>5</sup> Nai ago njabol an lo miai ka njupananj a. Ak dugo, anj lulujam lo tamol ta injanen kankan milaen ak idaisuda yan alep, lo inj muruan a dugo ilasa dan ka ikubune san tia, an rumok ak i? <sup>6</sup> Tamol naok ago yan anjane amoi a, tia, anjsam kagin igo ya. Tein Kris ak ta injanen tein injaneg yaug kot lo igane da. An mi tia, ilod lo ta rumok na yan naod na anj ago agane da!

<sup>7</sup> Anj lulujam lo tein ta injanen tein kot lo igane dan ninjen o, kagin en kuai tem ikubiai ale da, Satan anj ibianj adu geig a. Dugo, onj umoi dop onjane tei muruan ipano tap, an saian ak i? Dugo, onj ule funip onjane tei onjsa melmel igam o irawo tap, an saian ak i? <sup>8</sup> Ak gug anj ago agane man amoi da. Tia, ansem tamolpein aenta arawaig injsad melmel agam o agane da, agod dal sen ak lo dam agane saian da. An mi tia, kagin en anjanem teim Kris ak lo dam agane da!

<sup>9</sup> Tamolpein kagin sisaiak digane dan Anut san kagin panek aben lo diladu san tia ya, an ta alon na yak i? Mel en ninjen o anj sem ta irawanj



na wa. Tamolpein naok igo man kumaen panu diñane san tia ya: tamolpein jeit digane dan, tubud aenta ubou ad dile dan, a talpein sen ak iwon ida dien dan, tamol in tamol mi nug iwon on digane dan, <sup>10</sup> tia, gumagam adi, gidiged adi, lukluk tamol adi, a uf digane dan, agod a rawek lo gumagam kagin digane da. Tamolpein fidian a kagin ago digane dan, Anut san kagin panek diñanep paen na dumado san tia geig a. <sup>11</sup> Agod an aenta tamolpein naok ago yak amado se ya. Ak man an suguek ananeg, Anut idiran go tamolpein gun ak alasa ya. Agod idsad Tubun ak Jesus Kristus yan an lo, agod idsad Anut inanen Ur lo dam, an Anut malan lo man itaotam alasag amado da.

#### *Jeit kagin ninjen asol au a*

<sup>12</sup> An igo abol da, “Kagin dugon ninjen o nmat dan ago ka njigane wa.” An rumok, ak man kagin fidian ta dubunawan na wa. Nai dam njijen ago ka njabol a, mel dugo njigane wo ilog ibol dan ka njigane wa. Ak man nai njijen naok en ta njiganuri na wa, man dugo, kagin ta a saian an nai itir-nag man njamoi a. <sup>13</sup> An abol, “Anan man tijaed san, ago dugo tijaed man anan san.” Gug nai njurupaian da, Anut murnap tijaed in anan da sisem daon ipidinai a. Kabelan an jeit kagin an mel tusan nek ibol anan ani dak igo won ilom isou banau. Man dugo, Anut idaned tinid man jeit kagin san, ilon ago ta yen na ya, tia, idaned tinid san biabi man, id Tubun ak san urat tiganeg tumado da. Ago dugo Tubun en idaned tinid kaginad iganeg imado da. <sup>14</sup> Anut inanen dabai lo Tubun en mater lo ifufunig kumaen imasag imado da. Nek ago mi id dam ifufunad pe kumaed tumasap tumado wa. <sup>15</sup> An tinimi anen anen man Kristus tinin san boi kisaek kisaek a, an ta alon na yak i? Ago tap, nai Kristus tinin san boi ta kisaek njinanep jeit pein da njutumani wak i? Man tia geig a! <sup>16</sup> Tamol a jeit pein da dien dan, inaned tinidi an

dutumanig kisaek a, an ta alon na yak i? Man dugo, Anut san ru lo igo ibol, “Tamol in pein da dutumanip tinid kisaek ilasap dumado wa.” <sup>17</sup> Ak man talpein a Tubun en da dutumani dan, inanen njutun ilon lo man in Tubun en da bubed kisaek ilasag dumado da.

<sup>18</sup> Fun an ninjen o jeit kagin amoip asol au a. Ata wo? Aupasek naok aenta fidian a talpein igane dan man talpein an tinin patun fo dien da, an lo aupasek an inanen tinin ta issue na da. Ak man in a jeit igane dan inanen tinin malan issue da. <sup>19</sup> Ananem tinimi an man Awan Urgun san aben gun a, an ta alon na yak i? Anut inanen Ur iganeg ipalug an ilom lo imado da, an ninjen o an tinimi an an sam tia ya. <sup>20</sup> Anut nanun san mater lo idad inilian an naon tubun mok a, an ninjen o an tinimi san kagin naok naok atem, Anut yan an abisap lak na geig asini wa.

## 7

### *Nug iwon nanek san pitejanek ru*

<sup>1</sup> Girek naisag na aganeg ipalu yan lo, nai an mel ta lo ru kagin njupanan o abol a. Malmalan mok ago abol, tamol in pein ta inane nap kawan imado wa, an uyan ak i? Aria, nai ru naon igo njurupaian da. Rumok, tamol in pein inane wo imoi dop man an uyan a. <sup>2</sup> Ak man gamu an sam taun lo jeit kagin ilasag tubun a, an lo tamolpein wei mi kagin an lo diau dudu da. An ninjen o gidad tamol in iwon anda wak, agod pein dam in tamol anda wa. <sup>3</sup> Tamol in iwon da sisem dien dan uyan a. Tamol tinin an in san pein ipani wak, nek ago mi pein tinin dam in san tamol ipani wa. <sup>4</sup> Man dugo, pein in sen tinin in san mi man tia ya, tia, inanen tinin iwon tamol ak san. Nek ago mi tamol dam inanen tinin in san mi tia ya, tia, inanen tinin iwon pein ak san. <sup>5</sup> On iwo da aen o ta umoi na wa. Ak man saen on gudanek gane san saen ta piliani tap, an uyan ak on iwo da awam kisaek gup ago agane wa, ak man an saen katukan mi wa. Aria,

saen isuda dop man fon atumani da wa. Man dugo, kabelan onjane tini masak itirno dop lo Satan dal gane panip onj ilo injanep jeit gane banau. <sup>6</sup> Onj pein njane wak naj ru dabai nam ago ta njurupaio na da. Tia, ak man onj ilo man, pein njane wo ibol, naj awok njupano wa. <sup>7</sup> Naj iwog tia ya, ago yak ninjen o tamolpein ilod lo rumok dan, naj njumado dak agom dumado wo njamat da. Ak man fidian dal an lo ago dumado dan muruan mok a. Tamol kisaek kisaek, pein kisaek kisaek atem Anut dabai anen anen ipidinai da, talpein ta binawek naok ta injane dugo talpein sen ta binawek sen ak dam injane da.

<sup>8</sup> Aria, anj tamolpein a iwom tia yan, agod pein suos adi dam, sam na ru kagin en njurupaianj da. Anj nek naj igo kawan amado dop man, an uyanan a. <sup>9</sup> Ak man inj siganed ilodi ka ditirni san ta idaisuda na dop, gidad iwodi dusu wa. Kabelan inj tinid tubun mok imasa banau.

<sup>10</sup> Anj tamolpein iwom da yan ru kagin en njurupaianj da. (Ru kagin en njaisag tia ya, tia, Tubun en ru en o wagam mi ibol ilasa la ya.) Pein ta iwon tamol ak ta mok ibisei na wa. <sup>11</sup> Ak man pein an iwon tamol ak ibisei tap man, inj kawan imado yau a. Tia dop, fon imul yaup iwon tamol ak da dumado da wa. Ru kagin taidam igo njurupaianj da, tamol dam iwon pein ak ta mok ibisei na wa.

<sup>12</sup> Aria, naj anj aenta ru kagin igo njurupaianj da. (Tubun en igo ta ibol na ya, an ninjen o njaiseg igo njurupaianj da.) Tamol Kris ak ta injanen iwon ilon rumok an tia, gug inj tamol da dumado wo ilon ibol tap, gidad pein an gob imado da, tamol an pein ta ibisei na wa. <sup>13</sup> Nek ago mi pein Kris ak ta tamol gob ak da dumado da, agog inj pein da sisem dumado wo imat tap, pein an tamol ta ibisei na wa. <sup>14</sup> Man dugo, Anut malan lo pein e ilon lo rumok den gun imado da, agod an injanen iwon tamol ak ilon lo rumok tia yan ituani da, ata wo, tamol an injanen iwon pein ak

ilon rumok anda yan ida dutumani a. Nek ago mi, pein a ilon lo rumok tia yan, injanen iwon tamol ak san ilo rumok an lo man, gun ilasag imado da. Ak kagin en igo tia tap, anj pein tamol naom ago yan anjanem nanuk adi inj gob sad nanuk adi igo wonj dumado da. Ak man rumok, anjanem nanuk adi ikok dumado dugo Anut anen muroun muroun dida dutumanig gun dumado da.

<sup>15</sup> Ak man onjane iwo ilon lo rumok tia yan ibisawo tap, gidad ulefunip inj ka yau a. Saen kagin naok ago ilasa dan man, onj tamol onj pein ilo rumok a da yan ta isubano na da. Man dugo, Anut anj maror lo mi amado wo igianj a. <sup>16</sup> Ak dugo, onj pein onjane iwon tamol ak binawip inj dam ilo rumok tamol ilasa wak boi, tia wak boi, an ulonj ak i? Agod onj tamol onjane iwon pein ak binawip lo gob sad kagin ibiseip Kristus o ilon rumok ak boi, an ulonj ak i?

<sup>17</sup> Ak man gidad, anj anen anen madok naon dugo yak a Anut ipilianig ipananj an, ate nek ago amado yau a. Man dugo, Anut anj anen anen madok naok anen anen atem anjane wo igianj la ya. Ru kagin a naj midaenj fidian ilod lo njigansi dan man nek an mi a. <sup>18</sup> Ak dugo, tamol ta saen Anut iwagi dan injanen tinin sunjulon dutute la yak tap, an gidad imoip ago ka yen a. Tia, Anut tamol ta iwagi gug tinin sunjulon ta dutute na tap, inj tinin sunjulon dutute wo isumianai man imoi a. <sup>19</sup> Tini sunjulon tutek an mel kawan a, tini sunjulon tutek tia yak dam mel kawan a. Onj Anut san ru kagin fidian uri pani san man mel malan te ya. <sup>20</sup> Aria, naj fon njurupaianj da, saen Anut anj igianj man, anj anen anen madok naon dugo yan ate amado dan, anj anen anen nek ago amado yau a. <sup>21</sup> Saen Anut igianj an anj bigabeg amado dugo igianj i? Ak man gidad, an ninjen o ilom weiwei amoi. Anj Anut dal ikubiai pananj dop anj tamol bigabeg tia yak igo alasa wak tap, dal an ago ka agane wa. <sup>22</sup> Man dugo, tamol a bigabeg

urat iganeg imado dugo Tubun ak iwagi an man, in Tubun en san tamol kawan igo imado itor da. Nek ago mi, tamol a kawan imado itor dugo Kristus iwagi an man, in Kristus san tamol bigabeg urat igane san a. <sup>23</sup> Anut an idad inilian a, an naon man lak na geig a. An lo an Kristus san mi a, an ninen o kabelan tamol sen ak san bigabeg igo alasa banau. <sup>24</sup> Aria, onane madok kagin naok naok dugo won lo mado utor dugo Anut igio yan, nek ago mi mado utor yau dop, Anut da nug turan igo won ago ka amado ator a.

*Talpein a nug iwon nanek tia yan ru kagin irupidai a*

<sup>25</sup> Nai gamu ansam sumianek tamolpein iwod tia yak lo agane dan naon ka nurupaian a. Tubun en ru kagin en nurupaian o ta ibol na ya. Tia, en naiseg ilog nam nurupaian da. An niasag ru kagin ka anane wa, man dugo, Tubun en in nai ilon imunanag go manau uyanan ipanag en lo nubunawan a. <sup>26</sup> Saen gamu lo tumado den muruan wei mi id sijired na ipalu yan ninen o, nai ilo sou igo ngane da, on iwo tia mado tap, an uyan a. <sup>27</sup> On iwo nane la i? Ago tap, kudi dop iwo tia mado wo gane umoi. Tia, on iwo tia mado di? Ago tap, on iwo ta nane wo aban ule umoi. <sup>28</sup> Ak man on kawan madop iwo nane tap, an aupasek tia ya. Agod kubakan ta iwon inane tap, an dam aupasek tia ya. Gug tan en lo tamolpein a iwodi dinane dan muruan wei mi dile wa, an ninen o nai ilog ibol dak man, muruan naok an an irinanan a.

<sup>29</sup> Teig taog, nai igo ilog isou da. Tan en san saen katukan mi a. An ninen o gamu agod nal murna san fidian, tamol ensauta a iwod da yan, nek ibol tamol a iwod tiag dumado dak igo won, ago dumado wa. <sup>30</sup> A tina aru digane dan, nek ibol tamolpein a tina aru ta digane na dak igo won, ago dumado wa. A ilo uyan lo dumado dan, nek ibol in ilod muruan dak igo won ago dumado wa. A mel

ta didad dinane dan, nek ibol mel an insad tia yan ninen o in diabi yau san tia yak igo won, ago dumado wa. <sup>31</sup> Agod a tan en san melmel urat dupidinai dan, nek ibol tamolpein a tan en san mala bulbal inaned bubed ta isubani na dak igo won, ago dumado wa. Man ata wo? Tan e gamu tile den fidian itout o sumeik da.

<sup>32</sup> Nai an ilo weiwei amam da amado wo ilog ta ibol na da. Tamol a iwon tia yan in Tubun ak san urat kagin ipani da, agod dal dugon lo in ka Tubun en ilo uyan ipani san ninen o mi ilon isou da. <sup>33</sup> Ak man tamol iwon anda man, tan en san kagin naon irae da, an ninen o dal dugon lo inanen iwon ilo uyan ipani san ninen o ilon isou da. <sup>34</sup> Fun an ninen o inanen ilo sou lo gilek yen da. Pein ta a iwon an tia yak ta, tia, kubakan a Tubun ak san urat kagin ipani san saen anda yak ta boi, kob ate yau o ilon ibol dak igo ya, in tinin nutun fidian lo inanen Tubun ak san ilobol iganuri wo ilon tubun mi yen da. Ak man pein a iwon anda yan inanen ilo sou an senamo ya, dal dugon lo inanen tamol ka ilo uyan ipani wo yaes ifuni da. <sup>35</sup> Nai an nsubanan o ilog ta yen na da, tia, nubunawan o ru ago nurupaian da. Nai ilog man, an kagin uyan ak lo amado dop, ananem tini ganei Tubun en lo man nek itaot yen a.

<sup>36</sup> Aria, tamol enti kubakan ta njen dupani an, gamugo inane dak gug, inanen ilo sou lo kagin a kubakan an lo igane dan ta uyan na dugo, kubakan an in tamol inane wak san saen kitekan irinani la ya, ago dugo tamol an ilon lo ikubiani ak man, kubakan an inane wak ago ilon isou tap, aria, ilon dugo ibol dan ago ka igane wa. In au ta ipas na da, uraru an ka nug dinanep nug iwon dumado wa. <sup>37</sup> Ak man tamol an tamolpein sen ak ta disoduduni na dugo, inanen ilo sou dabaig, inanen ilo masak dam itirni fufei da, agod kubakan an ta inane na wak gug inanen nie panek pein igo won imado yau o ilon ibol tap, an dam uyanan a. <sup>38</sup> Amaiak

ninjen o tamol enti kubakan njen dupani an inanen iwon igo inane dan, kagin uyanan igane da. Ak man tamol enti kubakan an iwon igo inane wo imoi dan, in dam kagin nen uyanan ak igane da.

<sup>39</sup> Pein a tamol anda yan, Anut san kubiaen isubanig, saen inanen tamol gamugo imat dugo, insan tamol ibiseip tamol foun ak ta inane na wa. Ak man saen dumado yau nap tamol ak imat tap, pein an in ilon yen dan ago mi tamol foun ak ka inane wa. Ak man in tamol enti a Kristus san an mi ka inane wa. <sup>40</sup> Ago gug nai igo ilog isou da. Pein an imoi kawan imado tap man, nen ilon uyanan a. Taida mi, nai igo ilog isou da, nai dam Anut anen Awan Ur amag da ya, an ninjen o in nai ulum ag yabi dugo nai ru kagin en nurupaian a.

## 8

### *Mudan a tubud sewak yai digane pidinai dan san ru*

<sup>1</sup> Aria, nai gamu mudan a tamolpein tubud sewak adi yai digane pidinai dan ninjen o nabol alon a. An igo abol da, "Id fidian manau amad da ya." Awo, id fidian talon man ru an ru rumok a. Aria, talpein a manau anda yan sen ipitiani wa. Ak man talpein a Anut anen tamolpein ninedi wo ilon ipidinai dan, inaned ilo rumok dabai ipani wa. <sup>2</sup> Tamol a inanen manau ninjen o ikawil an ago ibol dan, njen naok an lo mel en kuai tem ilasag yen dugo tile da, inanen manau gamugo tubun a. An lo man manau naok a tamol an yabi wo Anut ilon ibol dan, an in ilon lo man katukan go ago yen da. <sup>3</sup> Ak man tamol a Anut ilon ipani dan, in tamol an ilon fufei da.

<sup>4</sup> An gubak mi mudan a tubud sewak sad ai pat mitilaedi yai digane pidinai an ka ani san ninjen o asumi-anag a, aria, gamu ru naon nurupaian da. Rumok, id fidian talon uyan ak, tubud ai pat mitilaedi man tan en lo mel nunon an tia ya. Taida mi id talon ak, Anut kisaek o lian in mi rumok imado da. <sup>5</sup> Mel wei mi a

tamolpein "tubud" dubol dan, tan na boi, tia keit lo boi dumado dak ago tan en san tamolpein ilod lo rumok da. (Rumok, tamolpein mel wei mi "tubud" dubol da, ago dugo in mel wei mi dam "tubun ak" dubol dak ago talon a.) <sup>6</sup> Ak man gidad, id Kris adi talon man, Anut mok imado dan in kisaek o lian a. In mi id Tamad, in mi mel fidian idiri a, agod id ilo uyan tupani wo kumaed dumado da. Taida mi, idsad Tubun ak kisaek mi a, an man Jesus Kristus. Inanen tuon lo mel fidian dilasag dumado da, inanen dabai lo dam id tumado yau da.

<sup>7</sup> Ak man manau naok e ninjen o nabol den, Kris fidian ilod lo ta yen na da. Man dugo, Kris aenta ilod isou yau dak man, tubud ai pat mitilaedi in mel rumok ak mi a, ata wo, gubak mi in gob adi sad tamol kagin diri se ya. Amaiak ninjen o saen mudan a tubud sewak ai pat mitilaedi yai digane pidinai an diani man, "mudan en tubud aenta san," ago ilod isou da. Ilod itarpasi man tia ya, an lo inaned kankan ilon lo kagin uyan ak, kagin saian ak dibiatai o muruan geig a, an ninjen o inaned kankan nun anda ilasag yen dan ago dukubiani da. <sup>8</sup> Ak man anan dugon tani dan ninjen o Anut ta ipitianad na wa. Id ta tani na tap, mel uyan ak ta irinanad man tia ya, nek ago mi, id tani tap, mel uyan ak taidam tinane san tia ya.

<sup>9</sup> An ansem pilianek agane san idaisuda ya, ak man kagin agane wa, kabelan pilianek agane dan, tamol a ilod itarpasi an tia yan sad ilo rumok an apitini banau. <sup>10</sup> Ak dugo, talpein ta ilon ta itarpasi na yan, on a manau lak na geig ama da yan, tubud ai pat mitilaedi san tempel ilon lo masig mudan wani dugo ilio yak man, in dugo ilon isou wak i? Kagin e on gane den lo talpein an ilon yabisap, an lo in dam mudan a tubud sewak yai digane dupani dan yani wa. <sup>11</sup> Agop onane tei e ilon ta itarpasi na yan, onane manau lak na geig ak lo on tei an pitini da, ak man Kristus talpein nek emaiak



dam ibinawi wo imat a. <sup>12</sup> Dal an lo oñane tei ilon ta itarpasi na yan san kankan malan sue da. Saen oñ muruan naok e pani den, aupasek gane da, agod Kristus lo dam aupasek gane da. <sup>13</sup> An ninen o anañ ta e ñani den teig iganep aupasek lo yau idu tap, gidad an mudan boi, tia, anañ sen ak boi, ñai anañ naok an ñani ñamoi a. Man dugo, ñai ilog igo yen da, kagin e ñigane den lo talpein sen ak ta yau idu na wa.

## 9

### *Binawek naok dugo aposel adi diñane san in idaisuda ya*

<sup>1</sup> Ak dugo, ñai seg ilog nam ñator san tia i? Dugo, ñai aposel tia yak i? Dugo, ñaiseg malag nam idsad Tubun ak Jesus ta ñile na yak i? Ak dugo, an ilo rumok adi ñaisag urat wagai Tubun en ninen o ñigane na yan nuñon ansem mi yak, an ta ale na i? <sup>2</sup> An aloñ uyanan ak, mel an fidian rumok a. Gidad tamolpein sen ak sad ilo sou lo ñai aposel tia ago dubol da, an man ago abol san tia geig a. Man dugo, Tubun ak ipilianag go ñai aposel ta ñilasag ñumado yan san kob man, nek ansem mi a.

<sup>3</sup> Tamolpein a ñai bitinaek lo diginiag o ilod ibol dan, gamu ru naon igo lo seg itargiranag san ñurupidai da. <sup>4</sup> Man aposel iloma ibol tap, an man pat apanamap ate madad pe mani maluk dop mumado wo malama ka migane wa. Binawek naok a miñane san man idaisuda ya. <sup>5</sup> Nek ago mi, man iwoma ilod lo rumok an ka mañal pe dadi mator dop urat migane wa. Aposel aenta ago digane da, Pita ago igane dak, agod Jesus sen tein muroun dam ago digane da. Ak dugo, man mi ago migane san ta idaisuda na i? <sup>6</sup> Tia dugo, ñai Banabas da, nek ibol aposel aenta igo wonñ tia ya, manñema mi banima nam urat migane wak ago abol di?

<sup>7</sup> Ak dugo, yu tamol ta inñ wagai san urat igane dan, inñsinan moni sen ipani dak i? Ak dugo, enti inñanen abi lo ai patun ipae da, ago gup anañ a

yani wan imoi ak i? Ak dugo, enti bilelek kagin ipidinai dan, bilelek an sad su iluk san imoi ak i? <sup>8</sup> Ak dugo, dag ru milaen mi e ñabol den, tan en san tamolpein inñaned kankan lo ilasag inñinñ dak ago ilom isou dak i? Ak man Moses san kubiaen an lo ru naok kisaek ibol da. <sup>9</sup> Kubiaen an lo ru emaiak e digireg yen da, “Saen makau wit fufo ila iso dop metmet ikak yau o ipartitale dop, oñ makau awan ta wafutani na wa.” Ak dugo, Anut ru an nam makau mi ninen o kagin ipani dak ago ilom isou di? <sup>10</sup> Dugo, id ibinawad o inñ ru an irupaiad da, an rumok ak i? Awo, inñ id ninñed o ilon isou se ya, an lo Moses kankan ipanig inñ kubiaen lo ru an igire ya. Fun ata wo Anut ago ilon isou se yak i? Talpein enti anañ ipae dan, agod talpein enti anañ nuñon ituteg inñane dan, inñ sisem anañ naon a murnap diñane san ninen o malad digane da, an mi ka diñane wa. <sup>11</sup> Man anñ luluñam lo kumaen panu san ai patun wei mok mupae se ya, an rumok tap, dugo, anñ kulob an naon, tan en san melmel lo abinawama wo malama migane dan ninen muruan ifunañ di? <sup>12</sup> Tamol aenta anñ luluñam lo inñsad urat ninen o naon diñane san idaisuda tap, binawek naon kisaek miñane san ninen manñ idaisuda geig a! Ru e ñurupaianñ den, rumok i? Tia i? Anñ akubianip ale wa.

Ak man manñ gubak mi anñ binawek naok an apanama wo ta musumi-anañ na ya. Rumok, binawek an apanama san dabai manñ da ya, gug miñane man mamoi a. Ata wo? Manñ iloma man, manñsema mi muruan fidian misini wa, an lo dop Kristus anen bilaluñ uyan ak tamolpein murupidaip duloñ san dal ta mufou na wa. <sup>13</sup> Tamol ensauta a tempel ilon lo urat digane dan, inñsad anañ man, anañ a tamolpein disinig Anut dupani wo tempel lo dupalu dan aenta diñane da, an ta aloñ na i? Agod a alta fo mudan dumari idu dan, inñ mudan an aenta sed ninñedi wo ka disinip diani wa. <sup>14</sup> Dal nek ago mi, Tubun en ru

dabai anda yak nam igo irupaiad a, tamolpein a bilalun uyan ak dufulale dan, inaned urat naon man tamolpein a dibinawai dan dupidinai a.

<sup>15</sup> Ak man naineg urat naon ninjane man namoi da. Taida mi, naisag ru e njigire yen igo asuti dop an lo naineg urat naon apanag o ta njigire na da. Tia, kagin e njigane den, emaiak ninjen o naj ka seg ipitianag a, an ninjen o talpein ta kagin an ipasi yau o man, naj ilog tubun geig imoi da. Man dugo, urat naon ago apanag o tap, gidad naj namat gup. <sup>16</sup> Ak man gidad, naj ru Kristus ninjen o yan tamolpein nurupidaip dulon gup, naj sen ka seg ipitianag san man tia geig a. Ata wo? Jesus sen naj ago njigane wo irupaiag a. Inj awan naji wa, tia tap, muruan tubun geig ninjane wa! <sup>17</sup> Naj seg ilog nam inanen ru najol ilasa dak ago tap, rumok, naisag urat naon naisag na ipalup ninjane wa. Gug seg ilog nam urat an ta njigane na da. Tia, dugo mok njigane dak i? Mala nouk a saen Kristus urat en banig lo igane dugo, tinin ilon lo yen dan mi, nunon igane wo naj ago njigane da. <sup>18</sup> Ago yan lo naisag urat naon ata mel i? Saen naj Kristus ninjen o tamolpein naod na nfulale dan, naon tia kawan njupidinaip inj ka dulon a, nek an mi a. An lo dop naj ka dabai a lo naisag urat naon ninjane wan, sen gigin na njiganep ago ka yen a.

### *Pol man tamolpein fidian sad urat bigabeg a*

<sup>19</sup> Naj tamol ta san urat bigabeg tia ya, an lo seg ilog nam njator dugo kawan njumado da. Ago bo man naj seg iginiag tamolpein fidian sad urat bigabeg njilasag njumado da. Ata wo? Idaisuda tap, tamolpein wei geig ilod njiganep najal pe Kristus san na mau a. <sup>20</sup> Juda adi malad lo naj Juda tamol igo won njilasag njumado ya, ata wo, Juda aenta Kristus o ka najal a. Naj Moses san kubiaen paen na ta njumado na da, ago bo man tamolpein a Moses san kubiaen paen na dumado dan

najal san ninjen o, seg iginiag go kubiaen paen na njumado dak igo njilasa ya. <sup>21</sup> Nek ago mi, saen naj gob adi dadi mumado dan, nek ibol tamol ta Moses san kubiaen inj lo tiag imado dak igo won, ago naj njumado da. Ago dop an lo naj gob aenta ka najal a. (Ak man naj Anut san kubiaen ag tia yak ago ta njumado na da, tia, kubiaen a naj paen na njumado dan man Kristus awan aban mi a.) <sup>22</sup> Agod tamolpein a inaned ilo rumok dabai an tia yan malad lo, naj tamol naok ago yak tamolpein amaiak aenta najal o njilasag njumado ya. Tamolpein naok sen ak fidian malad lo man, naj inaned kagin anek anek njagam njigane ya. Man ata wo? Idaisuda tap, dal fidian njibitinaep an lo tamolpein an aenta patud njupasi wa. <sup>23</sup> Kagin en fidian bilalun uyan ak fajan lo njigane da, ata wo, murnap bar a fidian bilalun uyan amaiak idiraip dilasa wan lo njututou wo ilog ago yen da.

### *An naon uyan ak anjane wo tinim afunip amaspalu wa*

<sup>24</sup> Alon, kukok tubun ak idu dop lo tamol fidian dumaspalu wa, ago gup tamol kisaek mi inj imug yaup geg fo isudap naon mel injane wa. Nek ago mi ananem madok tan na yak lo, an fidian tinim afunip ago ka amaspalu wa, ago dop man an anek anek atem Anut naon ipanaj a. <sup>25</sup> Saen tamolpein kukok an lo naon dinjane wo ilod yen tap, inj pitejanek wagai diganep lo tinid sakar ak, aria, an lo injed tinid dam kagin dupani uyanan dop, tubun mi dumaspalu wa. Ago dop inj geg fo disudap naon dinjane wa. Ak man naon an man, ai rouk igo kabunad fo dukudi wa, agod an milaen tiap ikurnjak yau a. Ak man id Kris adi idjed tinid pitejanek uyanan tupani wa, ago dop id naon ta a pempem ikurnjak yau san tia yan tinjane wa. <sup>26</sup> Naj naiseg tinig pitejanek uyanan njupani da. An lo naj najalon uyan ak, naj tamol imaspalug dal yapitilig yau dak igo won tia ya, tia, naj nek ibol tamol ta nug dufuni

dugo, banin kawan ifu yau na yak ago dam tia ya. <sup>27</sup> Tia, ñai seg tinig en ñufuni da, an lo dop tinig en dabai ka ñupani wa. Ñai tinig en nek ibol ñaisag urat pinein igo won, ñai ilog ibol dan ago tinig awa yabek igane wa. Kabelan ñai tamolpein aenta Anut san ru ñufulep dulon gup, kukok tubun an san taman ipaiag pe ikudag ñau dop ñaine naon ñijane san tia banau.

## 10

### *Bitinaek funfun niñen o kagin agane*

<sup>1</sup> Teig taog, ñai ilog ibol dak an mel en ilom isou a. Saen manjanema tubum bagem fidian wagam tan kawan ak ate dutor dila duso se man, timtaen kisaek itunaig ibargiranai se ya, agod in fidian Anut injal go, beig igileg awan sensen yen dugo, titinjaem dudug diau a. <sup>2</sup> Fun an niñen o idsad ilo sou man, nek ibol id Kris suguek tinaneg Kristus da tutumanig tumado dak igo won, tubum bagema timtaen an lo, agod beig lo dam, suguek diñane dugo, Moses da dutumanig dumado na ya. <sup>3</sup> Saen an lo in fidian sisem kumaen panu san anan diani dugo, <sup>4</sup> kumaen panu san you dam duluk se ya. Man dugo, in fidian pat tubun ak a kumaen panu lo yak ipalu yan, dida turenj diabi na ya. Ago dugo you a pat an lo ibanai na yan lo duluk se ya. Agod pat an man nek Kristus. <sup>5</sup> Ago bo man, Anut tamolpein an wei mi niñedi wo ta imat se na ya. Ago tag tan kawan ak ate dumat na yan, inaned kisedi an gidigheid dien se ya.

<sup>6</sup> Kulob en wagam mi mok ilasa bo man, tinanou igo Anut isurnai dilasa panad dugo, id teil pe tarer a. Anut ilon man, id nek ibol in digane yak igo won tia ya, id ilod imasap kagin saiak tigane san niñen o ilod bulbal an, dal nek an lo yabitanad a. <sup>7</sup> Tamolpein an aenta tubud sewak mitilaedi a ai pat nam digane yan naod na ubou dile se ya, gug an ago ta agane na wa. An niñen o ru ta Anut san buk lo igo ibol, “Tamolpein dumasig diani duluk na gug, dumasa dutur go

gidigheid dukok ila iso da.” <sup>8</sup> Agod jeit kagin agane amoi. Saen an lo tamolpein aenta ago diganeg, nal an lo mi Anut tamolpein 23,000 ifug dumat a. <sup>9</sup> Agod dam, id Anut tusoduduni dop, inanen dabai nam mel ilod ibol ak ago igane panad o ta tigane na wa. Tamolpein an aenta Anut ago dibitinae dugo, mot wagai ak idirai dilasag dirataig dumat a. <sup>10</sup> Taida mi, an anurnur dan amoi. Tamolpein an aenta dunurnur se ya, an lo dugo enel ta daon panek san ak idug tamolpein amaiak ifug dumat a.

<sup>11</sup> Mel en fidian tamolpein an fo dilasa san fun man, tinanou naok naok amaiak id tile dop kagin tigane wa. Ru kulob a fidian niñedi wo yan buk lo wagam mi digire ya. Ata wo? Mel saiak saiak a dilasag muruan dupidinai na yan, id tusutip tile dop, kankan uyan ak dupanad a. Saen e gamu tumado den lo man, saen a lo mel fidian diau dutout an sumeik a. An niñen id kagin saiak ago yak tigane man Anut imoi a. <sup>12</sup> Ago yan lo, on utur sakar dan ago ilo isou dop man, kagin gane wa, kabelan on udup udeg wau banau. <sup>13</sup> On lo bitinaek fidian ilasa dan senamo geig man tia ya, tia, bitinaek naon kisaek an mi dam tamolpein fidian lo ilasa da. Anut kagin ipano wa. On bitinaek dugo on lo ilasa dan ka sini san idaisuda wa. Man dugo, onane dabai dugo won ate bitinaek naok an sayani san ilon uyanan da, an niñen o in bitinaek ta onane dabai an irinani san amaiak on lo ilasa wo yabituani wa. Agod saen bitinaek ta on lo ipalu tap, dal ta lo on usol wau o ikubiai pano wa, an lo dop bitinaek an lo utur sakar pe mado wa.

### *Anut mi ubou an ale dop tubud aenta patum apidinai*

<sup>14</sup> Ñai turag muroug, fun an niñen o an tubud ai pat mitilaedi ubou ad ale amoi. <sup>15</sup> An tamolpein kankan am da ya. An niñen o ansem mi ru e ñurupaian den ka akubianip ale wa. <sup>16</sup> Saen id pasa tinane dan, gab a tinanep niñen o Anut ilo uyan san bar

tupani gup lo taluk dan man, idsad lukluk lo Kristus san dar an lo tututou da. Agod bret a tafutep tani dan man, idsad nuaen lo Kristus tinin an lo tututou da. <sup>17</sup> Bret a tafutep tani dan kisaek a. Gidad id wei mi bo man, id tinid fidian Kristus tinin da tutu-manig tinid kisaek tilasag tumado ya, man dugo, bret kisaek o lian an id fidian sisem tani da.

<sup>18</sup> An fon Isrel tamolpein sad kagin ilom isou. In Anut anan yai digane pani an wadan ka diani wa. Saen in ago digane dop, in sed tinidi an alta amaiak san Anut da dutumanip kisaek dilasa wa. An alon la yak an rumok a. <sup>19</sup> Ak dugo, anan a tubud ai pat mitilaedi yai digane pidinai dan, in mel tubun ak ago nabol dak i? Tia dugo, ai pat tubud mitilaedi man, in mel rumok ak ago nabol di? Tia geig a. <sup>20</sup> Ak man an gidad mel en alon uyanan a. Saen gob adi in tubud ai pat mitilaedi an yai digane pidinai dan, Anut insad ubou ta inane na da, tia, ur saiak saiak amaiak mi ubou an diane da. Amaiak ninen o tubud ai pat mitilaedi sad ubou leil ninen o sen alasa wa. Ananem tinimi ur sisaiak dida atumanip kisaek mi alasa man nai namoi geig a. <sup>21</sup> An Tubun ak san gab lo, agod ur sisaiak sad gab lo dam aluk dop, muruan ta arinani san tia ya. Nek ago mi, an Tubun ak san tebol fo, agod ur sisaiak sad tebol fo dam atutou dop, muruan ta arinani wak, an dam ago agane san tia ya. <sup>22</sup> Ak dugo, idsad kagin nam Anut tiganep ilon imasap turak susak igane wak i? Tia dugo, idaned tuod inanen tuon irinani dak i?

*Kagin fidian agane dan, Anut ilo uyan apani wo ago agane wa*

<sup>23</sup> An imug igo abol, "Mel dugo ninen o namat dan ago ka ngane wa." Awo, an rumok a, ak man mel a fidian nai ka ngane wan lulunad lo mel wei mi lou amad tia ya. Rumok, an ilom ibol dak ago ka agane wa, ak man kagin an aenta ananem ilo rumok dabai ipani san tia ya. <sup>24</sup> An ninen o ru en aganuri wa. Talpein inanen madok

mi uyan ilasa wo urat ta igane na wa. Tia, tamolpein aenta ilo uyan ipidinai o urat igane wa.

<sup>25</sup> Aria, mudan a didaen aben na diganeg yen dan ninen o igo nabol da, an ka adad pe ani wa. Ilom ta weiwei na dop kankan saian ak fidian mudan an ninen o abal yau a. Gidad mudan naok an didaen tamol dugot na diane yan, fun alon o asumianai san urat ta ipanan na wa. <sup>26</sup> Man dugo, tan en Tubun ak san, agod mel tan en lo yen den dam fidian in san mi a.

<sup>27</sup> An ninen talpein ta igiop in san ab lo anan wani wo wau dop, awan wabi wo ilo ibol tap, on gidad in san anan a ikubuneg nao na igansi an ka wani wa. On anan an ninen ilo ta weiwei dop, an tubud sewak adi sadi ak ubol pe, fun ulon o sumiaek ta gane na wa. <sup>28</sup> Ak man saen talpein ta ibol, "Mudan en tubud sewak adi yai digane pidinai a," ago ibol tap, an wani umoi. Agop an lo on talpein an binawi dop inanen kankan dam ta kubuli na wa. <sup>29</sup> Onane kankan kubuli wo ago nabol man tia ya. On ulon la yak, mudan an muruan ipano san tia ya. Nai mudan naok en nani san ninen o igo ilog isou da: ata wo tamol sen ak kankan saian anda yan, nai isubanag pe ilog ibol dak ago ngane san tia yak i? <sup>30</sup> Saen nai nunuaen dan, bubeg lo Anut o ilo uyan ru nupani da, an ninen o nai kankan uyan ak amag da anan an nani da. Aria, ata wo talpein ta, mel a ninen o nai Anut ilo uyan ru nupani dan ninen o ufigane panag dak i? Kagin naok an fun an tia ya.

<sup>31</sup> Ago yak ninen o, on anan wani boi, tia, you uluk boi, tia, dugo dugo gane dan, aenta malad lo Anut inanen girager ganep tubun mi ilasa wo kagin an fidian gane wa. <sup>32</sup> Gidad tamolpein ta in Juda boi, tia, Juda tia boi, tia, Anut anen midaen, on mel ta ganep an lo in lulunad lo talpein kisaek ta yau idu na wa. <sup>33</sup> Kulob fidian a ngane dan lo, tamolpein fidian ilo uyan nupidinai o nibitinae da. Man dugo, naineg kumaen tan en san an



kagin nupani wo urat wagai ta niganane na da, tia, niasag urat funfun lo wagai niganep tamolpein fidian njobinawai o njobitinae da.

## 11

<sup>1</sup> An ninen o nai Kristus san kagin nagan njanane ya. Nek ago mi an dam niasag kagin agam anjane wa.

### *Kagin uyan ak ubou leil lo ya*

<sup>2</sup> Nai an njobitiana an da, man dugo, niasag kagin naok naok fidian an pempem ilom isou da, agod pitejanek funfun a gubak mi an banim lo njobiri an anjal go, gamu dam abiai dabai dugo, ari apuni uyanan da.

<sup>3</sup> Nai ilog ibol dak mel en alon uyanan a. Tamol fidian sad gurman man Kristus, pein san gurman man inanen tamol, agod Kristus san gurman man Anut. <sup>4</sup> An ninen o saen tamol ta in kabunan ituani imado dugo gudanek igane dan, kagin an lo in san tamol gurman Kristus miai ipani da. Nek ago mi in kabunan ituani imado dugo profet ru ibol ilasa dak tap, dal an lo dam Kristus miai ipani da. <sup>5</sup> Agod saen pein ta in kabunan kawan\* gudanek igane da, tia, kabunan kawan profet ru ibol ilasa dak tap, in iwon tamol ak miai ipani da. Ago igane tap man pein an nek ibol gurman roun didawi yaup an lo miai dupani wak igo won a.† <sup>6</sup> An ninen o pein ta kabunan ituani imoi tap, gidad inanen gurman roun an itute yau a. Ak man pein an gurman idawi yau an miai ifuni tap, an ninen o gidad in kabunan ituani wa. <sup>7</sup> Tamol in kabunan ta ituani na wa. Man dugo, in Anut san nao nanek tamol, agod Anut san girager ikubiai ilasa da. Ago gug pein man iwon tamol ak san girager an ikubiai ilasa da. <sup>8</sup> Man dugo, Anut pein inanege ate tamol ta igane na ya. Tia, in tamol tinin inanege

ate pein igane ya. <sup>9</sup> Agod fon, in tamol inanege pein san binawek imado wo ago ta igane na ya. Tia, in pein inanege tamol san binawek igo imado da. <sup>10</sup> Pein in iwon tamol ak paen na imado da, an ninen in kabunan ituani ate ikubiai dile wak in iwon tamol ak paen na imado da. Kagin ago igane dop, an lo enel adi dam ilo uyan ipidina a.

<sup>11</sup> Ak man saen id Tubun ak san dal tiri dan, pein sen kisaek mi ta itor imado na da, nek ago mi tamol dam sen kisaek mi ta itor imado na da. Tia, pein in tamol da sisem nug dubunawip dumado wa. <sup>12</sup> Man dugo, wagam mok pein in tamol tinin aenta lo ilasa ya. Ak man gamu tamol in pein tinin lo ilasa da. Agod pein in tamol da sisem Anut banin lo dilasag dumado da, man dugo, in mel fidian idirai a. <sup>13</sup> An ansem mel en abitinaep ale wa. Ak dugo, pein ta kabunan kawan malak malak Anut igudani tap, an uyan ak i? <sup>14</sup> Tamolpein aenta kagin a ilod lo uyan dubol dan, an dam ago ipitejanad da. Man dugo, inanege ilo sou lo, tamol ta gurman roun milaen mi tap, an in sen miai ipani da. <sup>15</sup> Ak man saen pein gurman roun milaen mi idu yau dop man, an mel ta sinjokan san mi a. Man dugo, inanen gurman roun man, kabunan ituani wo Anut inanege ipani a. <sup>16</sup> Ak man an lulunan lo talpein ta ru kagin e nurupaian den ninen man da nug mupei tap, gidad talpein an mel en ilon uyan a, man kagin naon senamo ak ta mabi na da. Agod Anut san midan aenta fidian dam ago mi digane da.

*Tubun ak san anan tani san ru  
Mat 26:26-29; Mak 14:22-25; Luk 22:14-20*

<sup>17</sup> Gamu nai ru kagin taidam nurupaian o da. Ak man ananem kagin naok naok a ninedi wo nabol dan ninen o nai njobitiana an san tia ya.

\* **11:5:** Grik sad tamol kagin lo man, pein iwod ad da yan yamel misilas san ak ate kabunad dutuani gup, malak malak lo dutor a. † **11:5:** Grik sad tamol kagin lo man, pein iwon an da yak jeit kagin igane dan, in gurman roun didawi yau a, an lo dop pein an malak malak miai dupani wa.

Man dugo, saen an atumani man ananem kagin saiak saiak a agane dan, kagin uyan ak agane dan irinani da. <sup>18</sup> Malmalan talpein ru naok igo irupaiag go nalon a. Saen an midaen fidian mi apalu atumani dan, an lulum lo gilek sensen dien da. An nag kitek rumok ago ilog rumok da. <sup>19</sup> Mel en nai ninen o ta ilog uraru na ya, pempem Anut san midaen lulum lo gilek aenta dilasap yen a. Man dugo, kagin naok en lo kuai tem tile wak, enti an lulum lo Anut ipitianai da, agod enti dam ninen o ilon saian da. <sup>20</sup> Kulob a ninen o nabol dan igo ya. Saen an Tubun ak san anan ani wo apalug atumani man, anan a ani dan Tubun ak san anan mok tia ya. <sup>21</sup> Man dugo, tamolpein a gamugo dupalu yan an aenta ta atitianai na da, tia, an anen anen ansganem anan silei nam anig itout a. Talpein ta anan tia imado yan imatigen a, ago dop aenta lukluk tinadi a. <sup>22</sup> Ak dugo, an ansganem ab lo ani aluk dop amado san tia i? Tia dugo, an Anut san midaen an mel kawan ak ilom isou di? Tia dugo, talpein a anan ad tia yan miai apidinai o ilom ibol di? Nai ansganem kagin ninen o dugo nabol o? Dugo, an nupitianaan o? Tia geig a!

*Jesus in bret agod wain da inane megeloum ipidinai a*

<sup>23</sup> Dugo dugo tiganep, pasa tani taluk san dal man nurupaian la ya, Tubun ak sen kagin an ikubiai panag a. Tubun ak Jesus, tidom a lo ager banid lo digane yan, bret inane yabig, <sup>24</sup> Anut ilo uyan ru ipani la gug, yafuteg igo ibol, "Bret en naineg tinig, nai an ninemi wo niganeg idu ya. An igo agane dop nai ilom isou." <sup>25</sup> Nek ago mi, anan diani itout gug gab inane yabig igo ibol, "Gab en man kontrak foun naisag dar lo ya. Saen en aluk dop nai ilom isou." <sup>26</sup> Man dugo, saen dugo dugo an bret en ani dop, gab en lo aluk dop, an Tubun ak san mater ninen abol ilasa dop yaup saen in imul ipalu wa.

<sup>27</sup> An ninen o man, talpein a kankan tia yak igo bret yani, tia, gab lo iluk dan, Tubun ak tinin, inanen dar an dam ninedi wo aupasek igane da. <sup>28</sup> Fun an ninen o talpein sen ikubiani ile la gup, murna bret yanip gab lo iluk a. <sup>29</sup> Man dugo, talpein ta imug ilon igirep Tubun ak tinin ta ile ilon na tap, yani iluk dan lo inen tinin fo muruan tubun ak igane isuda wa. <sup>30</sup> An ninen o an lulum lo tamolpein aenta dabai amad tia ya, aenta subam ifu da, agod aenta dumat la ya. <sup>31</sup> Ak man id imug sed ikubianad tile tap, Kristus bitinaek lo ta idirad na wa. <sup>32</sup> Gug an mel en alon uyan a. Rumok, idsad Tubun ak bitinaek lo idirad dugo bu ipanad da. Ak man in id kududod yabi wo ago igane da, an lo dop saen in tan en san tamolpein daon ipidinai dan te id in dida itumanad pe sisem ipitininan san tia ya.

<sup>33</sup> Nai teig taog, fun an ninen o kagin igo ari wa. Saen an anan ani wo apalup atumani man, gidad nug atitianip sisem anan ani wa. <sup>34</sup> Talpein ta imatigen saian tap, gidad imug inenan ab lo anan yani gup ipalu wa. An lo dop ananem tumanek san nunon man, Anut ibitininan pe muruan ipanan san tia wa.

Aria, saen nai ansganem na nupalu man ru kagin aenta dam nurupaian a.

## 12

*Urgun lou panek iwae panad da*

<sup>1</sup> Nai teig taog, an Awan Urgun san binawek ipanad dan ninen o anan man nai ilog ta ibol na da. <sup>2</sup> An alon ak, saen an wagam gob amado yan, ananem tamol kagin wagam an naom diraeg an lo tubud sewak adi a awad tia yan sad ubou ale se ya. Ago yan lo ur saian saian an an dinilian go kagin uyan tia yan naon sensen dukubiai ale na ya. <sup>3</sup> Amaiak ninen o nai nurupaian da. Talpein ta Anut anen Urgun lo Jesus imisilani san tia ya. Nek ago mi, talpein a igo ibol dan, "Jesus in Tubun ak," tamol amaiak

Awan Urgan lo mi inijen da. Man dugo, ur saiak ta ago ibol ilasa san tia ya.

<sup>4</sup> Aria, Awan Urgan tamol anen anen atem lou panek naon sensen ipidinai da. Ak man Awan Urgan e binawek en iwae pidinai den man kisaek a. <sup>5</sup> Nek ago mi id anen anen atem dal wei mi sensen lo Tubun ak o urat ka tigane wa, ak man Tubun ak e inisan urat tigane den man kisaek a. <sup>6</sup> Taida mi, Anut tamolpein anen anen biabi binawek naon sensen ipidinai da, ak man Anut e tamolpein fidian ilod lo binawek en idirai dilasa den man kisaek a.

<sup>7</sup> Aria, Awan Urgan tuon man id tinid ilon lo walal isi dugo tile da. Ak man inijen id anen anen atem dabai naon senamo ak ipanad da, an lo man id anen anen dabai a tinjaneg tabi dan urat tupani wa, ago dop an lo id fidian sisem uyan tinjane wa. <sup>8</sup> Urgan san dabai log, talpein ta ru kankan milaen anda yak injane dugo, Urgan naon kisaek an lo mi, talpein sen ak ru manau anda yak injane da. <sup>9</sup> Ta Urgan anen dabai lo ilo rumok tubun ak injane dugo, ta Urgan kisaek mi lo subam adi ikubunia san dabai injane da. <sup>10</sup> Ta kulob girager naok naok igane san dabai injane dugo, ta profet ru ibol ilasa san dabai injane da. Ta ilon lo ur uyan ak ur saian ak itarpasai san dabai injane dugo, ta tamolpein sen ak sad muroud ru lo inijen san dabai injane da. Agod ta inijen muroun ru naok ago yan ilon dugo fun ibol ilasa san dabai injane da. <sup>11</sup> Lou panek emaiak fidian man Urgan kisaek mi ipanad da, agod en inisen ilon ibol dak ate mi tamol kisaek kisaek iwae pidinai da.

*Tinik kisaek mi, gug tinik san boi wei mi a*

<sup>12</sup> Tamol tinin kisaek a, ak man inisan njen, banin, tinin aenta dam fidian wei a. Agod tinin aenta an fidian dutumanig tinin kisaek mi ilasag yen da. Kristus dam nek ago ya. <sup>13</sup> Man dugo, id fidian Ur kisaek mi nam suguek tinjaneg, an lo tutumanig tinik

kisaek tilasag tumado da. Gidad id aenta Juda, tia, aenta Juda tia yak, aenta urat bigabeg adi, aenta kawan tumado tator da, Anut id fidian Urgan kisaek mi lo taluk o ipanad a.

<sup>14</sup> Aria, tinid boi kisaek man tia ya, tia, tinid man boi wei mi a. <sup>15</sup> Ak dugo, naji njieg igo ibol, "Nai banig tia ya, an njen o naji tinig en san boi tia ya," ago ibol tap, rumok, inijen an injanen boi mok tia i? <sup>16</sup> Tia dugo, kududo dam igo ibol, "Nai malag tia ya, an njen o naji tinig en san boi tia ya," ago ibol tap, rumok, inijen an injanen turan mok tia i? <sup>17</sup> Tia, tinik an fidian malak mi tap, an njen o dugo won ru ilon ak i? Tia, tinik an fidian kududok mi tap, dugo won mumalun iwen ilon ak i? <sup>18</sup> Ak man rumok, Anut injanen ilon yen ak iri panim, tinid san boi anen anen atem injaned abed kisaek kisaek ipidinaig dien yau a. <sup>19</sup> An njen o tinid an gigin kisaek mi yen tap, tinid an nunon tia ya. <sup>20</sup> Amaiak njen o tinid anen boi wei mi a, ak man fidian dutumanig tinid kisaek ilasag yen da.

<sup>21</sup> Malad inijen banid irupe, "Nai on njamoi a," ago ibol san tia ya. Nek ago mi kabunad dam inijen njied irupe, "Nai on njamoi a," ago ibol san tia ya. <sup>22</sup> Tia, tinid sad boi aenta a dabai an tia yak tabol dan, insad urat tubun geig a, an lo tinid boi boi an ta dien na tap, tinid an imat a. <sup>23</sup> Tinid aenta man tile uyan san tia ya, an njen o tamol inijen tinin an damag ipani da. Damag nam ibalfutani da, ago dop san leil man uyanan a. Agod tinid aenta man malak malak tile san tia ya, an njen o inijen imiani uyanan da. <sup>24</sup> Ak man talpein tinin a leil lo uyanan an inijen damag ta ipidinai na da. Man dugo, dal an lo Anut tinid sad boi fidian itumanai a, tinid sad boi a leil lo uyan tia yan, yanad tisini da. <sup>25</sup> Anut kulob ago igane yan lo, gilek ta tinid lo yan ta yen na wa, an lo dop tinid sad boi fidian nug kagin dupani uyan a. <sup>26</sup> Fun an njen o saen tinin aenta an kisaek madai ile tap, tinin aenta dam muruan naon kisaek an disini

wa. Agod fon talpein tinin ta kisaek niñen o ilon uyan tap, tinin aenta an fidian ilod uyan a.

<sup>27</sup> Aria, an fidian man Kristus tinin, agod inanen tinin san boi fidian man ansem mi a. <sup>28</sup> An lo man tamolpein fidian Kristus san midaen ilon lo mi urat digane wa. Agod Anut urat tamol naon sensen itarpasai da. Malan te mok in aposel adi ipilianai a, agod tinin te profet adi ipilianai a. Uraru an tinin te man girek manau adi, an patun fo man talpein a kulob girager urat digane dan, an patun fo talpein a subam dupasi yau san dabai ad da yan, talpein a tamolpein aenta dibinawai san dabai diñane yan, tulek tamol adi, tia, pein tulek san dabai diñane yan, agod murna geig man, talpein a tamolpein sen ak sad muroun ru ka diñinen a, ak man ru an fun ta dulon na wa. <sup>29</sup> Ak dugo, talpein Kris ak fidian aposel adi ak i? Tia, an fidian profet adi ak i? Tia, an fidian girek manau i? Tia, an fidian kulob girager ka digane wak i? <sup>30</sup> Tia dugo, an fidian subam digane itout san dabai diñane yak i? Tia, an fidian muroun ru sensen ak fun ta dulon na yan lo ka diñinen ak i? Tia, an fidian ru naok ago yan san fun ka dulon pe dubol ilasa wak i? Tia geig a. <sup>31</sup> Bar en fidian uyanan a, ago gug aenta uyanan geig a. An niñen o an tinim n̄utum lo bar a aenta dirinai dan anjal pe urat apidinai san niñen o yaes ifunan a.

### *Ilo panek an mel malan te ya*

Aria, nai gamu an kagin dugon in uyanan geig ak agane san nukubiaip ale wa.

## 13

<sup>1</sup> Nai tamol in enel da sad balek sensen lo niñen ka niñane wa, ak man nai ilo panek ag tia yak tap, nai nek ibol liliñan tubun ak tamolpein kududod lo uyan tia yak, tia, dou ta a tamol isue saian dugo liliñan kawan ilasa yau dak igo won a. <sup>2</sup> Nai profet ru ka n̄abol a, agod mel mianuk ak fidian

fud n̄alon uyan a, agod taida mi nai manau fidian amag da ya, agod n̄aisag ilo rumok lo mi n̄abol pe tan bubun ta isuk yaup asau mi itur a, ak man nai ilo panek amag tia yak tap, nai tamol kawan mi a. <sup>3</sup> Nai n̄aisag filiag an n̄uwaep tamolpein a melmel amad tia yak diñane wa, agod nai tinig en ager banid lo niñanep yai lo dimiriag a, ak man nai ilo panek amag tia tap, urat naon taidam niñane san tia ya.

<sup>4</sup> Ilo panek kagin in muruan fidian isini da, agod ilo panek kagin dam tamolpein fidian ilon imunanai da. Ilo panek kagin in malan ta isi na da, sen ta ipitiani na da, agod sen yan an ta yabisa na da. <sup>5</sup> Ilo panek kagin in kagin naok saian ak ta igane na da, in sen mi wo ilo sou ta igane na da, in ririan ilon imasap ta tiñan saian na wa, in muruan a tamolpein dupani an ta ilon isou na da. <sup>6</sup> Ilo panek kagin san leil lo man, kagin saiak an ta bulbal na ya, tia, ru a rumok an niñen o mi uyasusai iganep imado da. <sup>7</sup> Ilo panek kagin man pempem aenta ibargiranai dugo, pempem ilon lo rumok da, agod pempem mala nouk imado dugo, pempem muruan lo itur sakar da.

<sup>8</sup> Ilo panek kagin pempem yen da, itout yau san tia ya. Ak man tamolpein gamu profet ru dubol ilasa bo man, murnap profet ru an itout yau a. Gamu talpein aenta tamolpein sen ak sad muroun ru lo diñinen dak gug fun ta dulon na da, ak man murnap kagin an itout yau a. Agod gamu aenta Urgun san dabai lo in manau amad da ya, ak man murnap lou panek an itout yau a. <sup>9</sup> Man dugo, gamu idsad manau ta idaisuda na ya, an lo id talon ak man kitek uyan a. Taida mi, id profet ru mi kitek ka tabol ilasa wa. <sup>10</sup> Ak man murna dop saen nal a lo mel fidian itaotan dilasap yen dan ipalu man, kagin a kitek itaot an fidian ditout diau a. <sup>11</sup> Saen nai nanuk tusag man, nai nanuk igo won niñinen se ya. Agod nai nanuk igo won ilo sou niñane dugo ilog igire se ya. Ak man saen nai ta-



mol tubug man, ηai nanuk sad kagin ηigane se yan fidian patug ηupani a. <sup>12</sup> Gamu man id ka abanη kitek tile da, nek ibol tig siηaokan tia yak lo mitilaen kuai te ta tile na dak igo wonη a. Ak man murna dop id Anut da nug naon tupanip nug tile wa. Gamu ηai maηau kititik amag da ya, ak man murna dop ηaisag maηau Anut niηen o man idaisuda wa, nek ibol Anut sen ηai ilonη uyanan ak igo wonη a.

<sup>13</sup> Ago yak niηen o mel utol en dien diau da, ilo rumok, mala nouk, agod ilo panek. Ak gug mel utol en luluηad lo ilo panek mi inη malan te ya.

## 14

### *Profet ru inη balek sensen ak da*

<sup>1</sup> Anη ilo panek san dal mi ari apani wa. Ak man anη dam urat wagai agane dop Awan Urgun san dabai lo binawek sensen ipanaη an anηane wa. Ak man mel malan te man anη Anut asumiani dop, profet ru abol ilasa san dabai ka ipanaη a. <sup>2</sup> Man dugo, talpein ta tamolpein sen ak sad muroun ru lo inηinη dak gug, fun ta ilonη na dan, inη tamolpein aenta ta irupidai na da, tia, inη Anut mi irupeida. Rumok, tamolpein ru an fun ta dulonη na da, man dugo, inηanen ur nam melmel a mianuk lo dien dan mi ibol ilasa da. <sup>3</sup> Ak man, tamolpein ensauta a profet ru dubol ilasa dan, tamolpein aenta durupidai dulonη da, an lo dop dabai dupidinaip, ilod dia-bisa dop didiraip bubed maror anda dumado wa. <sup>4</sup> Talpein inη balek naon sen ak lo, ru fun ta ilonη na yak lo inηinη dan, inη mi sen ibinawi da. Ak man talpein a inηsinan muroun ru lo profet ru ibol ilasa dan, inη midaen an fidian ibinawai dugo inηaned dabai nen igane isuda yau da. <sup>5</sup> Rumok, anη anen anen balek ru sensen ak lo ka anηinη o ηai ilog ibol da. Ak man gidad, ηai ilog tubun geig ibol dak anη fidian ka profet ru abol ilasa wa. Talpein enti profet ru ibol ilasa dan, inη talpein a balek sensen ak ate inηinη dan irinηani da. Ak man talpein balek

sen ak lo inηinη dop fun dam ifu-lalep tamolpein kuai tem dulonη tap, inη talpein a profet ru ibol ilasa dan da naon kisaek a, man dugo, inη dam midaen fidian dabai ipidinaη da.

<sup>6</sup> Aria, teig taog, ηai anηsam na ηupalup balek ru sen ak lo mi niηinη dop alonη tap, kagin an dugo wonη ibinawaη ak i? Ak man ηai mel ta niηonamin lo Anut ikubiai panag an, tia, maηau foun ak ta, tia, profet ru ta, tia, ru ta maηau ipiteηanaη dan ηupanaη tap, kagin an mi nuηon anda ya. <sup>7</sup> Anη melmel e kumaed tia en, dum boi, tia, digadug boi, liliηan digane ilasa dan niηedi wo ilom isou wa. Talpein inη digadug ibali saian dop man digadug san liliηan talonη uyan san tia ya, ago dop liliηan an tamolpein ditari san unηaonη ipidinaη a. <sup>8</sup> Tia, talpein ta inη ager san dou bilalunη isue wa, ak man inη bilalunη isue saian tap, enti inη wagai yau san tawaη iganep imado wak i? <sup>9</sup> Nek ago mi, saen onη balek ru fun ta ulonη na yak lo niηinη tap, en dugo wonη tamolpein onηane ru a ubol ilasa dan fun dulonη ak i? Onηane ru an nuηon tia wa. <sup>10</sup> Rumok, tan en lo man muroun ru wei mi dien da, ak man muroun ru fidian an luluηad lo ta kisaek inη fun an tia yak ta yen na da. <sup>11</sup> Ago yan lo, gidad talpein ta muroun ru lo inηinη da, ak gug ru e ibol den fun ta niηane na tap, inηsan leil lo ηai nek ibol tamol gol ak igo ηumado da, agod inη dam ηaisag leil lo tamol gol ak igo wonη imado da. <sup>12</sup> Anηanem tumanek lo kagin naok ago yan dam yen da. Amaiak niηen o ηurupaiaη da, anη fidian ilom tinim imasag, Urgun san lou panek anηane wo ilom tubun mi ibol dan niηen o, lou panek a anηanem midaen dibinawaip dabai ad da dumado wan mi anηanep, tinim inηanefute wo maeg aganep anηane wa.

<sup>13</sup> Fun an niηen o talpein inηsan niηinη fun ta ilonη na yak lo inηinη tap, gidad inη Anut isumiani dop ru fun ilonη pe ibol ilasa san dabai an ipani wa. <sup>14</sup> Man dugo, ηai balek ru sen an fun ta ηalonη na yak lo ηugudani

tap, naineg n̄utug mi igudani da, ak gug n̄aineg kankan an nuñon an tia ya. <sup>15</sup> An niñen o en dugo tigane wak i? Saen ta man n̄aisinag ur san ilobol fom gudanek n̄igane wa. Agod saen ta man n̄aisinag ilo sou lo mi gudanek n̄igane wa. Nek ago mi, saen ta man n̄aisinag ur san ilobol fom bar n̄abi wa, agod saen ta man n̄aisinag ilo sou lo mi ru n̄aloñ ak lo bar n̄abi wa. <sup>16</sup> Ak dugo, oñ balek ru sen ak fun ta uloñ na yak lo Anut yañan wabisa dak tap, talpein a oñsa midaeñ lo gamugo iladu dan, oñsa gudanek an dugo ibinawi wak i? In oñsa gudanek ilon pe “rumok” ago ibol san tia ya, man dugo, gudanek a gane dan fun ilon san tia ya. <sup>17</sup> Rumok, dag oñ Anut yañan wabisap ilo uyan pani uyan da, ak man oñ talpein en ta binawi na da.

<sup>18</sup> N̄ai Anut ilo uyan ru n̄upani da, man dugo, dabai a Anut ipanag an lo n̄ai balek sen ak ate n̄iñiñeñ dan, dabai a an kagin kisaek an mi agane wo ipanañ an iriñani da. <sup>19</sup> Ak man gidad, saen n̄ai tumanek lo n̄umado tap, n̄aisag ru en tamolpein aenta ipiteñanai o n̄amat da. Fun an niñen o gidad n̄ai ru wei an tia tamolpein duloñ uyan san an mi n̄ufulale dop in duloñ a, kabelan balek ta lo n̄ai ru wei mi n̄iñiñeñ dop in diñaon banau.

<sup>20</sup> Teig taog, an nanuk igo woñ ilom ago isou yau dan amoi a. An nek ibol nanuk adi kagin saiak digane san ta duloñ uyan na yak igo, an dam kagin naok an lo uñaon am amado wa. Ananem kankan lo man, an nek tamol busumak igo woñ amado. <sup>21</sup> Aisaia san girek lo tamolpein a Anut awan duparsisali se yan niñedi wo irupaiad da. Anut igo ibol,

“Tamolpein balek sensen diñiñeñ dan lo,  
agod tamolpein gol ak awad lo dam,  
n̄aineg tamolpein ru n̄urupidai a.  
Ak man gidad n̄ai ago n̄igane bo man,  
in n̄ai awag ta diabi na wa.”

<sup>22</sup> An niñen o, balek sen ak tamolpein fun ta duloñ na yan lo diñiñeñ dan, Anut tuon kuai tem kob

ta ilo rumok adi kulob an ta ikubiai pidinai na da, tia, kulob an man tamolpein a ilod lo ta rumok na yan in̄sad mi a. Ak man, profet ru an ilo rumok an tia yak in̄sad man tia ya, tia, profet ru an ilo rumok adi in̄sad mi a. <sup>23</sup> Amaiak niñen o, saen midaeñ dutumani man, tamolpein ilod lo rumok tia yak boi, tia, tamolpein mañau tutubun tia yan boi, in tumanek lo diladu dugo, an̄sam balek lo ru fun ta duloñ na yak ate an̄iñeñ dop duloñ tap, in ilod lo an n̄iñeñ burau agane dak ago dubol a. <sup>24</sup> Ak man saen an fidian profet ru abol ilasa dugo talpein ta patun fo yak an̄sam tumanek lo ipalu tap, ru fidian e ilon den ilon isue dop in kuai tem ile wak in̄ aupasek tamol. <sup>25</sup> Agod mel a buben ilon lo imianuk an fidian dutufulal pe walal te dien dop ile wa. An niñen o in̄ yau idup Anut ubou an ile dop igo ibol, “Rumok, Anut an da amado da!”

<sup>26</sup> N̄ai teig taog, gamu an̄anem tumanek lo kagin uyanan agane san niñen igo n̄urupaian da. An̄ anek anek atem mel ka agane wa. Tamol ta in̄ bar in̄ane ipalu wa, tamol ta piteñanek ibol ilasa wa, tamol ta in̄ Anut san na ru ilon pe tamolpein irupidai duloñ a, tamol ta in̄ balek ru fun ta ilon na yan lo in̄iñeñ ilasa wa, agod tamol sen ak in̄san ru an fun ibileksa da wa. An̄ kagin nek an̄sam midaeñ dabai ipidinai o mi agane wa. <sup>27</sup> Saen an̄ luluñam lo tamolpein aenta ru fun ta duloñ na yak lo diñiñeñ tap man, gidad amoip talpein uraru boi, tia, utol boi, ago ka diñiñeñ a, subuñan taida man tia wa. Agod in̄ sisem ta diñiñeñ na wa, tia, ta imug in̄iñeñ yaup itout gup, tinin te ta ibol ilasap, ago iri iri wa. Taida mi, talpein sen ak in̄sad ru ibileksa san dam imado wa. <sup>28</sup> Ak man talpein ta in̄ atna ru ibileksa san tia tap, in̄ tumanek lo ta diñiñeñ na wa. In̄ Anut da ka diñiñeñ ak, agod nek in̄sed ilod lo mi diñiñeñ a.

<sup>29</sup> Aria, saen profet adi midaeñ durupidai dop man in̄ uraru boi, tia, utol boi ago diñiñeñ a. Ago dop

tamolpein aenta man kududod mi dugurep ru dubol ilasa dan dukubianip dile uyan a. <sup>30</sup> Ak man saen Anut n̄in̄eṅ ta tamol sinjire na yan ikubiai panip ibol ilasa tap, talpein a imug in̄in̄eṅ an imoip awan itau kisaek oṅ dop, tamol neinta an ka in̄in̄eṅ ilasa wa. <sup>31</sup> Man dugo, aṅ fidian ka profet ru abol ilasa wa, ak man kisaek imug in̄in̄eṅ itout gup, fon sen ta in̄in̄eṅ da wa. Dal en lo aṅanem tamolpein fidian piteṅanek uyanan diṅane dop, bubed yabisap dumado wa. <sup>32</sup> Kabelan aṅ ilom lo tamol Anut awan ilon dan ririan ru ibol ilasa dak ago abol banau, ago tia ya. Man dugo, Anut anen profet adi dabai ipidinai an lo in̄sed n̄utudi ka ditirni wa. An n̄in̄eṅ o in̄ Anut awan dulon an ilod lo yen yaup in̄aned saen ilasa dan te gup, ru an tumanek lo dubol ilasa wa. <sup>33</sup> Man dugo, Anut man in̄ sun̄uṅek san Anut tia ya, tia, in̄ maror san mi a.

<sup>34</sup> An̄sam tumanek lo pein n̄in̄eṅ ta digane na wa. Man dugo, kagin naok ago yak panu panu midaeṅ aenta lo ago digane yau da. Maṅ in̄ tumanek lo diṅin̄eṅ man mamoi a. An n̄in̄eṅ o nek ibol kubiaeṅ ibol ak ago, in̄ iwod tamol ak paed na mi dumado wa. <sup>35</sup> Agod in̄ mel ta n̄in̄eṅ o dumat pe dusumiai tap, in̄ dumul ab lo diau gup iwod tamol ak dusumianai dop ru an fun durupidaip dulon a. Man dugo, saen pein ta tumanek lo malak malak in̄in̄eṅ tap, in̄sen miai ipani da.

<sup>36</sup> Ak dugo, aṅanem tumanek in̄ aben a dugon te Anut san ru imug ilasa ya, an rumok ak i? Tia dugo, Anut san ru panu panu aenta lo ta yau na ya, tia, an̄sam na mi yau a, an rumok ak i? <sup>37</sup> Talpein ta in̄ ilon lo in̄sen profet ak ibol, tia, in̄ ilon lo Awan Urgun lo bar dabai ak in̄ane ibol tap, in̄ gidad mel en ile ilon pe ilon kisaek a, ru e n̄ai n̄igireg an̄sam na n̄iganep ipalu wo den man Tubun ak awan n̄igire da. <sup>38</sup> Ak man talpein an ru e n̄igire den n̄in̄eṅ o ikikai tap, an n̄in̄eṅ o saen in̄sen in̄in̄eṅ man aṅ kududom ta agure na wa.

<sup>39</sup> Aria, mel en n̄in̄eṅ o n̄ai ru wadan n̄urupaian̄ da. Aṅ ilom tinim imasap profet ru abol ilasa wan n̄in̄eṅ o tubun mi amat a. Agod tamolpein aenta balek ru fun ta dulon na dan lo diṅin̄eṅ san aṅ ta apadau na wa. <sup>40</sup> Ak man mel fidian agane dan aṅ kagin itaot agod kagin uyanan ak lo mi agane wa.

## 15

### *Kristus imat go fon kumaen imasa da ya*

<sup>1</sup> N̄ai teig taog, gamu n̄ai bilalun uyan ak e imug n̄abol alon en n̄in̄eṅ ilo sou n̄upanaṅ o n̄amat da. Bilalun uyan en aṅ banim afulaleg aṅane dugo bag an fufo aṅanem madok Kris ak aganeṅ dabai anda yen da. <sup>2</sup> Aṅ ru a gubak mi n̄fulale panaṅ an mi abi sakar tap, bilalun uyan en lo Anut patum ipasip in̄ilian̄ a. Aṅ ru an fidian abi yau dak i? Tia dop, aṅanem ilo rumok an kawan a.

<sup>3</sup> Mel fidian n̄ai kududog ilon an n̄aisag leil lo malan te ya, an n̄in̄eṅ o n̄ai mel tutubu yan fidian aṅ n̄urupaian̄ a. N̄ai igo n̄abol a. Ru ta Anut san buk lo yen dan iri panim, Kristus idsad aupasek isuas o imat a. <sup>4</sup> Agog in̄ disareg nal utol yau gug fon Anut mateṅ lo ifufuni yabisag kumaen ilasa da ya. Agod an dam ru ta Anut san buk lo yen dan iri panim nuṅon ilasa ya. <sup>5</sup> Agog malmalan Pita naon na walal isi a, agog tinin te megeloum 12 an naod na dam kuai tem ilasa ya. <sup>6</sup> Agog murna in̄ fon walal isig malak malak dile ya, atna ilo rumok adi in̄ dile yan sad sutek 500 irin̄ani a. Tamol a in̄ dile yan kisaek kisaek dumat la ya, ak man wei mi gamu dumado yau da. <sup>7</sup> Murnag Jems san na ilasa ya, agog fon aposel fidian sad na dam ilasa ya. <sup>8</sup> Agog murna geig man n̄aisag na ilasa ya. N̄ai man nek ibol nanuk foun gamugo dugo tinan ririan igansi ak igo won̄ a, ago bo man Jesus sen ikubiai n̄ile ya.

<sup>9</sup> Man dugo, naj Kristus san aposel aenta lulunad lo yanag tia ya, agod naj yanag aposel dubol dan ta idaisuda na ya. Man dugo, naj Anut anen tamolpein nusubanai o nukudai dugo muruan wei mi nupidinai se ya. <sup>10</sup> Ak man Anut san ilo mujanek log gamu naj inisan urat tamol mok numado da. Agod taida mi, inisan ilo mujanek naj ipanag an nunon ifu a, man dugo, naj urat wagai geig nigane se ya, an ninen o naisag urat wagai nigane dan aposel aenta fidian sad urat irinani a. Ak man naj seg kisaek urat ta nigane se na ya, tia, Anut in naj da ya, inanen ilo panek an naj urat nigane wo dabai ipanag se ya. <sup>11</sup> Aria, gidad naj ru nurupaian go alon se ya, tia, aposel aenta ru dubol go alon se ya, ru a man fidian murupaian go alon se yan naon kisaek mi ya, agod ru en ninen o mi an gubak mi ilom lo rumok a.

*Tamolpein afon kumaed dumasa wak san ru*

<sup>12</sup> Aria, man Kristus matej lo fon kumaen imasa da yan murupaian se yan rumok tap, en ata wo an lulunam lo tamolpein aenta, tamolpein a dumat la yan in fon kumaed dumasa san tia dubol dak i? <sup>13</sup> Kududom agure uyanan a. Tamolpein a dumat la yan fon kumaed dumasa san tia yak abol man, an ninen o Kristus dam kumaen ta imasa na ya. <sup>14</sup> Ago yak ninen o, Kristus fon kumaen ta imasa na yak man, mansama ru mifulale panaj se yan kawan a, agod ananem ilo rumok an dam kawan a. <sup>15</sup> An lo man, taida mi ru a gubak mi Anut ninen o mabol se yan ru sewak mi a. Fun an ninen o Anut malan lo man sewak tamol mi a, man dugo, man gubak mi malak malak ru igo mabol ilasa se ya, Anut mi Kristus matej lo ifufunig fon imasag gamu kumaen imado da. Gug tamolpein a dumat la yan fon kumaed dumasa san tia ya, an rumok tap, aria, Anut Kristus ta ifufunig fon kumaen imasa na ya. <sup>16</sup> Man dugo, nek ibol naj gubak mi nurupaian ak ago, Anut tamolpein dumat la yan, fon kumaed ta idirai

dilasa na dak man, in Kristus dam matej lo ta inane imul na ya. <sup>17</sup> Aria, Kristus fon ta kumaen imasa na yan lo man, ananem ilo rumok an kawan a, ago tag Anut ananem aupasek ta ipare idu na ya. An lo murnap an adeg au a. <sup>18</sup> Taida mi, tamolpein a Kristus ilod lo rumok go dumat la yan, in dam dideg diau a. <sup>19</sup> Fun an ninen o naj igo nurupaian da. Idsad mala nouk Kristus lo yan tan en lo mi ka ibinawad a, an rumok tap, man id buraurau geig a. An lo man tan en san tamolpein, rumok, tamolpein aenta ilod kitek imujanai a, ak man id ninen o mi ilod tubun geig imujanad a.

<sup>20</sup> Ak man Anut Kristus ifufunig yabisag fon kumaen imado dak, an ru rumok a. Kristus in malmalan matej lo kumaen imasa ya, kulob an lo idsad mala nouk an, tamolpein a gamu matej lo njon diabi dan murnap fon dumasap kumaed dumado wan, nunon ilasa wa. <sup>21</sup> Nek ibol tamol kisaek mi lo matej ilasa yak ago, tamol kisaek mi lo dam tamolpein a dumat la yan fon kumaed dumasa da wa. <sup>22</sup> Id fidian man Adam malan kubulan, an ninen o id fidian tamat a. Nek ago mi, tamolpein a fidian Kristus lo dumado dan, Anut murnap ifufunaip fon kumaed dumasa da wa. <sup>23</sup> Ak man id anen anen atem idsad saen lo mi a. Kristus sen malmalan imasa la ya, agog in patun fo, saen afon tan en lo imul ipalu dan, tamolpein a inisan an fidian fon kumaed dumasa da wa. <sup>24</sup> Murna gup saen wadan ipalu wa. Ak man saen an gamugo dop Kristus tamol gurman fidian, tamol yanad anda yak, agod dabai funfun an fidian in ibiai dudu dop in abed inane wa. Agod wadan geig man in inisan tamolpein injal pe Taman Anut banin lo idirai a, ago dop Kristus sen inaned gurman imado wa. <sup>25</sup> Man dugo, Kristus mi tan en lo kin imadop yaup, Anut Kristus san ager an fidian ibiai dudup Kristus



njen paen na\* dumado wa. <sup>26</sup> Ager wadan Anut yabi idu man maten.  
<sup>27</sup> Aria, rumok, Anut san ru igo ibol, “Anut mel fidian idiraig nanun njen paen na dien a.” Ak man ru an ago ibol bo man, id ilod itarpasi ak, ru an Anut enti mel fidian idiraig nanun njen paen na dien an dam ituani man tia ya. <sup>28</sup> Tia, saen Anut mel fidian Kristus paen na idiri itout gup man Kristus sen Taman Anut paen na imado wa. Saen an lo Anut injen mi malan te geig a, in mi mel fidian sad tamad imado wa.

<sup>29</sup> Aria, tamolpein dumat la yan fon kumaen ta dumasa na wa, an rumok tap, tamolpein a talpein dumat la yan fajan lo suguek dijanen dan, niñedi wo dugo tabol ak i? Tamolpein dumat la yak fon kumaen dumado san tia ya, an rumok tap, aria, ata wo tamolpein sen ak in fajan lo suguek dijanen dak i? <sup>30</sup> Agod an man aposel adi niñema wo ilom isou wa. Ata wo nal fidian lo mansema iginiama yai ided lo mau dak i? <sup>31</sup> Teig taog, nai idsad Tubun ak Jesus Kristus lo numado dugo an yanam nisini da. Aria, ru an ru rumok ago tap, ru en dam ru rumok a, nai nal fidian namat da. <sup>32</sup> Nai etna Efesas na tamol wei mi bor kasik igo won dida nug mabi se ya. An tan en san mel mi ago tap, an dugo won nai ibinawag ak i? Tamolpein dumat la yak fon kumaen ta dumasa na wa, an rumok tap, gidad nai ka Anut ilog injaon pe igo njabol a,

“Id gamu anan mi tani taluk dop tumado wa,

man dugo, gabulop id tamat a.”

<sup>33</sup> An sem irawan amoi, saen an tamolpein sad madok uyan tia yak dida ator tap, in ananem kagin uyan an dusunji wa. <sup>34</sup> Malam ipuk, ananem kankan akubunep afon aupasek ta agane na wa. Nai itaot nurupaian da, an aenta Anut anjaon da, an ananem miai.

*Murnap id tinid naon dugo tinjane*

*wak i?*

<sup>35</sup> Aria, tamol ta isumiaen pe ibol, “Tamolpein dal dugo won kumaed fon dumasa wak i? Agod tinid naon dugo yak dijanen ate dupalu wak i?”

<sup>36</sup> On tamol buraourau! On ulon ak, on mel patun pae dop man an ririan ta isa kisaek on na wa. Tia, mel patun an imat gup a. Ago dop mel patun igo won yen yau san tia ya, tia, mel patun an sen tinin ibilisa dop anan foun ak igo won isa wa. <sup>37</sup> Agod mel patun a on pae dan, murnap nunon ago mi nane san tia ya. Tia, on wit kubulan boi, tia, mel ta patun mi pae da. <sup>38</sup> Ago gug Anut injanen ilon gubak mi dugo yen ak lo mi, mel an patun iganep isa yaup tubun pe, inaned naod sensen atem itaot dilasa wa. Mel patun an tinid naon sensen ipidinai da. <sup>39</sup> Mudan fidian tan en lo yan naon kisaek man tia ya. Tamolpein tinid man senamo ya, bor goun sad tinid dam senamo ya, agod anakanak in iy da tinidi sensen a. <sup>40</sup> Mel a keit fufo dien dan tinid muroun anda ya, agod melmel a tan na dumado dan dam tinid muroun anda ya. Ak man mel tan na dumado dan sad girager naon kisaek a, agod mel lak na dien dan sad girager naon senamo ya. <sup>41</sup> Ad man inanen girager naon kisaek a, ago gug kalam inanen girager naon senamo ya, patui dam sad girager naon senamo ya. Agod patui anen anen sad girager an sensen a.

<sup>42</sup> Aria, saen tamolpein a dumat la yan fon kumaed dumasa wan, kulob naon nek ago yan ilasa wa. Tinid e imug tan na id tinjane emaiak tisarep igan a. Tinid foun ak a murnap tinjane wan in fon igan san tia ya. <sup>43</sup> Tinik tan en san inanen leil lo man sinjakaan tia ya, gug tinik murna san man sinjakaan geig a. Tinik tan en san in dabai an tia ya, gug tinik murna san man dabai anda wa. <sup>44</sup> Gamu id tinid man tan en san mi a, ak man saen fon kumaen tumasa da wan, id kumaen

\* **15:25:** Wagan na saen tamol gurman wagai lo inanen ager tamol aenta ibiai idu dop man, saen in sia kin fo imasi dan te, injan ager gurman an njen paen na imadog itokubol go ago yen a.

panu anen tinik tinjane wa.

Tan en san tinik yen da, an rumok tap, kumaen panu san tinik dam yen da. <sup>45</sup> Fun an ninjen o Anut san buk lo igo digire ya, “Tamol a imug mi ilasa yan, Adam, inj tamol kumaen ak ago ilasag imado se ya.” Ak man Adam a murna geig amaiak, sen tinin ibileksag ur ilasag imado dugo, kumaen yen yau san ipanad da. <sup>46</sup> Kumaen panu san tinik imug ipalu man tia ya, tia, tinik tan en san mi malmalan ilasa ya. Ago gup tinik kumaen panu san ka tinjane wa. <sup>47</sup> Tamol a malan te geig ilasa yan, inj tinin man tan gufgaf san mi a. Tamol a murna ilasa yan, inj tamol kumaen panu san mi a. <sup>48</sup> Tamolpein a gamu tan na dumado dan, nek ibol tamol a imug mi tan na ilasa yak igo wonj ago dumado da. Nek ago mi, tamolpein a murnap kumaen panu na dumado wan, nek ibol tamol a kumaen panu na ipalu la yak igo wonj, dilasap dumado wa. <sup>49</sup> Gamu id tinid san leil man nek ibol tamol a imug mi tan na ilasa yan san leil igo wonj a. Ak man murnap, tamol a kumaen panu na ipalu wan, injanen leil dugo yen dak ago, idaned leil foun an dam naon kisaek mi wa.

<sup>50</sup> Teig taog, naj nurupaianj da, tan en san tinid man Anut san kagin panek aben lo imado san tia ya, agod mel ta imat san, mel ta imat san tia yak injanep yabi san ta idaisuda na ya, tia geig a. <sup>51</sup> Kududom agurep naj ru mianuk ta nurupaianj o da. Id aenta ta tamat na wa, ak man id fidian tinid ibileksa wa. <sup>52</sup> Mala ipuk ikilakil dan lo, mel en ilasa kisaek onj a. Saen tour murna geig an ibob dop, mel an ilasa wa. Man dugo, tour ibob pe tamolpein a dumat la yan kumaen dumasa wa, agod injaned tinidi fon imat pe igan san tia ya. Ago dop id a tan na kumaen tumado dan tinid ibileksa kisaek onj a. <sup>53</sup> Man dugo, nek ibol id kulos foun ak tinjanep tidiri dak igo wonj, idsad tinid an ibileksap tinid foun ak imat pe igan san tia yan tinjane wa. Man dugo, mel a imat san an itout yau a, ago dop mel a itout yau

san tia yan ilasap pempem yen yau a. <sup>54</sup> Saen idsad tinid foun ak ago ilasa dop man, awak aban Anut san buk lo yen dan nunjon ilasa wa. “Anut yu igane itout a, kulob an san dabai man materj itunjali pasik a.” <sup>55</sup> An ninjen o id ka igo tabol,

“O materj, onj yu gane itout an san dabai dugon te yen dak i?”

O materj, onjane buroi an dugon te yen dak i?”

<sup>56</sup> Materj anen buroi man aupasek mi a, agod aupasek san dabai man Moses san kubiaenj lo yen da. <sup>57</sup> Ak man id Anut ilo uyan ru tupani wa! Man dugo, inj idsad Tubun ak Jesus Kristus lo idirad go yu tigane itout a, an lo man mel an fidian sad dabai tibiai dudu ya.

<sup>58</sup> Teig taog, fun an ninjen o anjanem ilo rumok lo atur sakar a. Mel ta idiranj pe ta asuk amul na wa. Anj pempem ansem ilom tinim fidian lo urat agane wo dan Tubun ak apani wa. Man dugo, anj alonj ak anjanem urat wagai agane dan nunjon ta ideg yau san tia ya.

## 16

### *Korint adi Jerusalem tamolpein o moni dutumani san ru*

<sup>1</sup> Gamu naj anj moni atumanip Anut anen tamolpein Judea na dumado dan abinawai san ninjen o nurupaianj da. Nek ibol naj midaenj Galesia tan lo dumado dan nurupidai ago mi anj dam ago agane wo nurupaianj da. <sup>2</sup> Ubou kisaek kisaek atem anjam urat naon moni an aenta sen gigin na adirip yen a. Tubun mi njane dop tubun mi pani wa, kabelan njane dop kabelan pani wa. Ago dop man saen naj njupalu dan te dop, anj fon moni o urat wagai ta agane na wa. <sup>3</sup> Agod taida mi, anj tamol aenta fudi alonj uyan ak apilianai a, agod saen naj anjam na njupalu dan te gup, anjam binawek moni agane yan disinip Jerusalem na diau a. Naj atna Korint na njupalu gup, tamol Jerusalem na diau an, girek banid te tiganep disini diaup, matu

gurman Jerusalem na yan, an̄sam binawek agane yan fun irupidaip du-  
lon̄ a. <sup>4</sup>Go n̄aiseg dam n̄au wo ilog ibol  
tap man tamol an̄ n̄ai luag disap mau  
a.

*Pol ru kagin funfun Korint adi irup-  
idai a*

<sup>5</sup>Nai Masedonia tan lo n̄aup n̄amul  
gup, afon an̄sam na n̄upalu wo ilog yen  
da. Nai Masedonia na saen milaen  
ta n̄umado na wa. <sup>6</sup>Agod saen n̄ai  
an̄sam na n̄upalu dan, n̄ai dap saen  
kitek milaen mi an̄ da tumado wa.  
Nai tim tubun ipalu dan san saen lo  
tumado yaup tim itout ak boi. An  
lo saen idaisudap n̄ai aben dugon te  
n̄au o n̄upiliani dan, binawek an̄ ta n̄ai  
onte n̄au san ka apanag a. <sup>7</sup>Nai gamu  
an̄sam na n̄upalup n̄iliaŋ o ilog ta ibol  
da, man dugo, n̄ai an̄ da saen katukan  
mi ka tumado wa. Ak man Tubun ak  
ilon ibol tap, murnap n̄ai an̄ da kitek  
saen milaen mi tumado wa. <sup>8</sup>Gug  
gamu man n̄ai igo Efesas na n̄umado  
yaup Judea lo Pentikos san tumanek  
nal ilasa wa. <sup>9</sup>Man dugo, Anut n̄ai  
dalawan ipasi panag an̄ lo, n̄ai in̄anen  
urat ka n̄igane uyanan mok a. Ago  
dugo ager tamol adi dam n̄aisag urat  
dututep itout o wagai digane da.

<sup>10</sup>Aria, saen Timoti an̄sam na ipalu  
tap, in̄ kagin apani uyan a, ago dop in̄  
ata mel ta lo katukan dop, an̄ niŋen  
ilon ta weiwei na wa. Man dugo, in̄  
dam Tubun ak san urat nek n̄ai n̄igane  
dak ago mi igane da. <sup>11</sup>An niŋen o  
an̄ lulun̄am lo talpein ta Timoti in̄ane  
wo ta imoi na wa. In̄ abinawi uyan  
ak, agop maror lo mi aganep n̄aisag na  
ipalu da wa. Man dugo, n̄ai in̄ malan  
n̄iganeg n̄umado da, agod in̄san urat  
kisaek adi in̄ luan disag dida dutor  
dan dam malad n̄iganeg n̄umado da.

<sup>12</sup>Aria, n̄ai gamu idsad teid Apolos  
niŋen n̄abol da. N̄ai in̄ an̄sam na tu-  
ran aenta luad isap dida dupalu wo  
n̄usumiani a, ak man in̄ imoi a. Mur-  
nap in̄sen nal ta kawan ak ile dugup  
ipalu wo ibol a.

<sup>13</sup>Tawan̄ aganep amado wa. Ago  
dop an̄anem ilo rumok Kristus lo yan  
mi lo atur sakar a. I lom dabai anda

amado dop dabai lo mi tamol mok  
amado wa. <sup>14</sup>Urat biabi fidian agane  
dan ilo panek lo mi agane wa.

<sup>15</sup>Aria, an̄ alon̄ ak tamolpein a  
Stefanas san ab lo dumado dan, in̄  
distrik Akaia ilon lo malmalan ilod  
lo rumok a. In̄ in̄sed ilod nam Anut  
san tamolpein dibinawaig urat di-  
gane da. <sup>16</sup>Teig taog, fun an̄ niŋen  
n̄ai n̄ududuwan̄ da, an̄ tamol naok ago  
yan awad paen na amado wa Nek  
ago mi an̄anem urat kisaek a fidian  
urat awan disini wo maeg digane  
dan dam awad paen na amado wa.  
<sup>17</sup>Gamu saen en̄ n̄ai ilog uyanan da,  
man dugo, Stefanas in̄ Fotunatas da  
agod Akaikas n̄aisag na dupalu ya.  
Gidad an̄ naom tia ya, an̄ lo in̄ naom  
diŋaneg n̄ai ilog diabisa ya. <sup>18</sup>Tamol  
en̄ n̄ai ilo maror dupanag a, agod an̄  
dam dal nek ago mi dibinawan̄ a. Fun  
an̄ niŋen o tamol naok ago yan, an̄  
yan̄ad lak na asini san idaisuda ya.

*Ru wadan*

<sup>19</sup>Aria, midaen̄ a distrik Esia ilon  
lo dumado dan fidian an̄ ilo uyan du-  
panan̄ da. Akwila in̄ Prisila da Tubun  
ak yan̄an lo an̄ dam ilo uyan dupan̄an̄  
da. Nek ago mi midaen̄ a in̄sad ab lo  
dutumanig dumado dan, an̄ ilo uyan  
dupan̄an̄ da. <sup>20</sup>Ilo rumok adi etna  
Efesas na dumado den, an̄ ilo uyan  
dupan̄an̄ da. Saen an̄ nug ale dop  
man, musuk gun ak nam nug ilo uyan  
apani wa.

<sup>21</sup>Nai Pol, gamu n̄aiseg banig nam  
ilo uyan ru en̄ n̄igireg an̄sam na  
n̄iganeg ipalu ya.

<sup>22</sup>An̄ lulun̄am lo talpein ta Tubun  
ak niŋen o ta imat na tap, Tubun en̄  
talpein an̄ tinin fo misilaneŋ iganep  
yen ak ago n̄abol da. O Tubun en̄, oŋ  
palu!

<sup>23</sup>Tubun en̄ Jesus in̄anen ilo panek  
an̄ da amado.

<sup>24</sup>Jesus Kristus yan̄an lo n̄aisag ilo  
panek an̄ fidian n̄upanan̄ da. Rumok.

## 2 Korint

<sup>1</sup> Njai Pol, naji Jesus Kristus san aposel, Anut ilon yen dan ago, id teid Timoti naji da girek en migire ya. Manj girek en anj Anut san midaen Korint na amado dan, agod tamolpein fidian a Anut idiraig gun dilasa yan Akaia provins ilon lo dumado dan dam, sam na girek en migane ipalu da. <sup>2</sup> Anut a idsad Tamad an, inj Jesus Kristus idsad Tubun en da inaned ilo panek maror da anj ka dupananj a.

### *Muruan saen lo Anut ilo maror ipanama da*

<sup>3-4</sup> Manj Anut, Jesus Kristus manjanema Tubun en Taman per mupani wa. Man ata wo, inj gidad manjsama madai funfun an lo ilo maror ipanama da. Inj ilo munjanek fidian san Taman, agod inj maror fidian san Anut, an ninen o manj muruan fidian mukubiani dan lo maror ipanama da. Nek fun amaiak ninen o ilo maror a manj Anut lo miñane amaiak ninen o, tamolpein a madai naok funfun disini dan ilo maror naon kisaek an mupidinai o manj idaisuda ya. <sup>5</sup> Man dugo, nek ibol manj Kristus da sisem inñsan madai tubun mi misini dan, nek ago mi manj inj da sisem inñsan ilo maror tubun mi miñane da. <sup>6</sup> Tamolpein manj ru anj lo mifulale dop an lo muruan dupanama tap, an ilasa san fun man, Anut ilo maror inj patun pasek da anj ipananj a. Agod Anut manj dam ilo maror ipanama tap, nek ago mi mel an ilo maror anj dam ipananj a. Saen anj madai a manj misini dan ago mi asini dop an lo atur sakar dan lo, ilo maror amaiak ale wa. <sup>7</sup> Manj ago agane wo iloma yen da, agod manjsama kankan mel an san anj lo dabai anda yen da. Man dugo, manj malonj ak nek ibol anj manj da sisem madai funfun tukubiani dak, nek ago mi ilo maror dam anj manj da sisem tukubiani wa.

<sup>8</sup> Teig taog, anj mel en ninen anjaon o man manj iloma ta ibol na da. Saen manj Esia provins lo mumado dugo muruan tubun mi misini se ya. Manj mukubiani ak ibol dibilama tan na madug duparfufaramag matur dabai san tia yak igo ya. An lo manj iloma lo gamu en mamat dak ago mabol a. <sup>9</sup> Rumok, manj iloma lo ibol tamol kot lo itur go mateñ ile wo dubol ak igo ya. Kagin an ilasa yan fun man, manjsama wagemo lo ta matur na wa, tia, Anut nek a talpein dummat ak ifufunaip dumasa den mi tinima mupani wa. <sup>10</sup> Inj mateñ saian geig ak sumeik mile wo dugo ipasama injilama ya, agod inj nek ago mi igane yau a. Man dugo, manj inj pempem patuma ipasi wo tinima inj mi mupani da. <sup>11</sup> An ninen anj dam anñsam gudanek lo manj abinawama wa. Anj wei mi anñsam gudanek an Anut ilonj dop an lo manj ibinawama wa. Ago dop tamolpein wei mi binawek uyanan Anut ipanama yan ninen o ilo uyan dupani wa.

### *Pol ilon san ilo girek ibileksa yak san fun*

<sup>12</sup> Manj malak malak ru en ka murupaianj a. Manj tan en lo, agod anj malam lo dam kagin uyan ak mi migane na ya. Manjsama ru man rumok ago mi manjsama kagin naok naok dam gun a, man dugo, Anut kagin mi muri mupani se ya. Manj tan en san manjau uyan uyan ak lo urat ta migane na ya, tia, manj nek Anut sinan manjau a ipanama yan lo mi urat migane se ya. <sup>13-14</sup> Girek e migireg anñsam na miganeg ipalu den ta imianuk na ya. Tia, girek an anj asutip kuai tem ka alonj uyan a. Anj gamu manj ta alonj uyan na ya, gug murna dop anj manj alonj uyan ak ago iloma ibol da. Ago dop saen Jesus idsad Tubun en imul ipalu wan ante dop anj manj yanama abisa wa, nek ibol manj dam anj yanam mabisa wak ago ya.

<sup>15-16</sup> Njai anj ninemi wo ilog lo rumok ak anj manj alonj uyan pe anjanem tini ganei manj lo agane wan ninen o, naji



ilog igo yen a. Nai an̄sam na n̄palu gup murna Masedonia na n̄au a, agod fon Masedonia n̄biseip an̄sam na n̄palu da wa. Ago dop man mañ an̄ da saen uraru tumado wan niñen ilom uyan dop nai adinag pe Judea na n̄au a. <sup>17</sup> Dugo, saen nai ilog ago yen dan lo, nai baleg uraru i? Tia, ibol tan en san tamolpein ilo sou digane dan ago, in̄ awok dubol gup fon tia dubol dan ago ilo girek n̄igane di? Tia geig a. <sup>18</sup> An̄ Anut in̄sinanen ru iganuri dak ago alon̄ tap, an̄ ru e murupaian̄ den ru rumok an̄ dam alon̄ a. Mañ “awok” in̄ “tia” da sisem ta mabol na wa. Mañ tamol naok ago yak tia ya. <sup>19</sup> Nai Sailas da, agod Timoti dam, mañ an̄ naom na Anut Nanun Jesus Kristus niñen o mabol ilasa ya. Ak dugo, Jesus Kristus in̄sen nek ibol tan en san tamolpein igo won̄ balen uraru lo ru ibol i? In̄ tamol balen uraru san tia ya, tia, in̄ saen fidian mel uyan ak niñen o mi awok ibol da. <sup>20</sup> Man dugo, Anut san awak aban a ipanad an̄ fidian Jesus Kristus lo nuñon dufug fidian idaisuda ya. An̄ fidian niñedi wo Jesus “Awo” ibol da. Fun amaiak niñen o saen id Anut tugudani dop Jesus yañan lo “Rumok” tabol da. Agod kagin an̄ lo id Anut yañan tabisa da. <sup>21</sup> Gug Anut in̄sen mi Kristus lo an̄ mañ da sisem itumanad go ilo rumok lo kisaek tilasa ya. Agod in̄ id ipilianad a. <sup>22</sup> In̄san Ur id ilod lo igane ya. Kulob naok en lo id in̄san mok ago kob ipanad a. Fun an̄ niñen o saen in̄san Ur id lo yen dan talon̄ uyan dop man, id talon̄ ak id in̄san mok a.

<sup>23</sup> Aria, nai Anut n̄uwagin̄ dop n̄aisag ru en ilon̄ pe isatuanag a. Nai Korint na ta n̄palu na yan san fun igo. Nai an̄sam naok naok aenta n̄ile yak ta itaot na ya, an̄ niñen saen ante n̄pupalup an̄ muruan n̄pupanañ man n̄amoi a. <sup>24</sup> Mañ gurman igo milasap an̄sam ilo rumok mititiani wo man mamoi a. Tia, mañ an̄ da sisem urat tigane dop an̄ lo an̄sam yousai ilom lo awan isa wa. An̄ Jesus ilom lo rumok an̄ lo atur sakar o iloma ago ibol da.

## 2

<sup>1</sup> Ak man nai ilo sou igo n̄igane ya, nai fon an̄sam na n̄pupalup an̄ lo madai n̄pupanañ o man n̄amoi a. <sup>2</sup> Nai ilo uyan lo mi an̄sam na n̄palu wo ilog ibol da. Ak nai ilo saiak n̄pupanañ tap, ante talpein ta nai ilo uyan ipanag san tia ya. <sup>3</sup> N̄aisag girek imug mi n̄igire yan lo, an̄ an̄anem madok akubune wo ago n̄igire ya. Fun man saen nai an̄sam na n̄palu wan lo, tamolpein a nai ilo uyan dupanag o ilog ibol dan in̄ nai ilo muruan an̄ fon ta dupanag na wa. An̄ niñen o nai ilo sou igo n̄igane ya. An̄ an̄anem madok akubunep itaot dop man, an̄ nai da sisem ilo uyan lo mi tumado wa. Agod nai n̄alon̄ ak an̄ n̄aisag ilo sou aganuri wa. <sup>4</sup> Nai an̄ niñemi wo ilog muruan ak, ilog saian go malag turon̄ idu dugo girek imug an̄ n̄igire ya. An̄ san fun man n̄aisag girek an̄ lo an̄ muruan n̄pupanañ o ta n̄igire na ya. Tia, n̄aisag ilo muñanek an̄ lo yen dan alon̄ uyan o ago n̄igane ya.

### *Pol midaen̄ aupasek adi ilod dupid-inai o ibol a*

<sup>5</sup> Dugo, ta an̄ luluñam lo imug mi muruan nai ipanag ak i? Rumok a, ago gug nai o mi tia ya, tia, o kabel, nai ago n̄urupaian̄ da, in̄ midaen̄ fidian o ilo muruan ipanañ a. <sup>6</sup> An̄ talpein an̄ muruan apani yau o ta agane na wa, man dugo, midaen̄ in̄ muruan dupani la yan idaisuda ya. <sup>7</sup> An̄ niñen o in̄san aupasek an̄ apare idu dop lo ilon̄ pasa ibol a. Kabelan̄ ilo muruan tubun kasik lo ilon̄ idu yaup malan̄ issue saian geig banau. <sup>8</sup> An̄ niñen an̄ igo agane wo n̄urupaian̄ da, an̄ fon ilom apani mok a. <sup>9</sup> Man dugo, nai an̄ n̄ukubianañ go n̄ilian̄ a, an̄ mel fidian lo nai awag aganuri boi, tia boi, ago n̄alon̄ a. Nai girek a imug mi n̄igire yan san fun ago ya. <sup>10</sup> Talpein a in̄san aupasek apare idu yan, nai dam in̄san muruan n̄upare idu wa. Agod muruan ta n̄upare idu na yak tap man, an̄ Kristus naon na an̄ n̄ibinawañ san o ago n̄igane ya. <sup>11</sup> Ago dop lo nai Satan naon dal n̄ufou wa, kabelan̄ in̄ dal ta kuai ipanip lo id irawad dop talpein an̄

tipitinini banau. Man dugo, id inſan ilo sou saiak mianuk an talon fufei a.

*Kontrak foun ak san urat tamol adi*

<sup>12</sup> Saen űai Troas na Kristus san bilalun űfulale wo űupalu yan, atna Tubun ak inſan bilalun ifurak pe yau san niűen dalawan ipasi panag dugo űile ya. <sup>13</sup> Ak man űai ilo maror amag tia ya. Man dugo, űai id teid Taitus niűen o abanjan űabi ak man atna ta űile na ya. An niűen o űai Troas tamolpein an űubisawaig Masedonia tan lo űau a.

<sup>14</sup> Maű Anut yanjan mabisa wa. Man dugo, pempem mi in Kristus lo imug yau da, agod maűsama ager fidian ibiai dudu yan niűen o maű yousai lo muri mupani da. Anut tamolpein maű lo ipiteűanai dan lo, inſad maűau Kristus niűen o amaiak ibol mumalun siűaokan ta bulbal ak igo woű igane ifurak pe gidigheid yau da. <sup>15</sup> Man dugo, gidad maű tamolpein a Anut patud ipasi dan lulunad lo matur boi, tia, ensauta a daon lo diau dan lulunad lo matur boi, Anut maű mumaluma iwen ilon a, man dugo, maűsama mumaluma man nek ibol Kristus mumalun igo woű a. <sup>16</sup> Tamolpein a daon lo diau dan maű mumaluma man ibol tamol imat la yak mumalun igo woű ago dubol da. Warou an mateű lo dudu diau a. Gug ensauta a patu pasek diűane dan maű mumaluma nek ibol mel kumaen mok ak san mumalun igo woű ago dubol da. Warou an kumaen yen yau san an diűane wa. Enti in urat naok ago yak igane san idaisuda i? <sup>17</sup> Maű man tamol aenta Anut san ru dufulale dop lo moni diűane wo digane dan ago tia ya. Ilo sou mianuk ago yak maű lo tia ya. Tia, maű tamol nuűon igo woű, Anut malan lo inſan ru mabol ilasa da. Urat an Kristus lo migane wo Anut ipilianama ya.

### 3

*Aposel adi man kontrak foun ak san urat tamol*

<sup>1</sup> Dugo, afon maű fun migane semama yanama mabisa wo migane di? Dugo, maű ta idaisuda na yak i? Ago yak niűen o an girek ta maű Anut san urat tamol mok ago ibol dan apanama wo iloma ibol di? Tia, dag talpein sen ak girek naok ago yak ta dupanan o iloma ibol di? <sup>2</sup> Tia, ansem mi man, maűanema girek ta kuai tem ibol da, an lo tamolpein an dilian dop dulon ak maű Anut san urat tamol mok a. Man dugo, girek an an bubem ilon lo Kristus igire idu la ya, an lo tamolpein fidian dusuti dop ananem nao lalek dile dulon a. <sup>3</sup> Aria, ananem kagin naok naok an tamolpein ikubiai dile ya, an Kristus san girek igane ipalu yak igo ya. An gau nam igire yak igo tia ya, tia, an Anut a kumaen imado dan san Awan Urgan nam igire ya. Pat fo na ta igire na ya, tia, an an ilom lo igire idu ya.

<sup>4</sup> Maű Kristus tinin log Anut tinima mupani da, an lo kagin an an lo ago ilasa wa. An ago amado san iloma dabai a. <sup>5</sup> Maűsema man ta idaisuda na ya, agod mel ta maű tamol sama dabai lo migane ilasa yak ago ta mabol na da. Tia, Anut sen dabai ipanama yan lo ago ka migane wa. Fun amaiak niűen o mi maű idaisuda ya. <sup>6</sup> Inſen maű ipilianama go inſan urat tamol igo milasag, kontrak foun amaiak san urat migane da. Kontrak wagam an pepa roun fo digire ya. Ak gug kontrak foun an pepa roun fo ta digire idu na ya. Tia, an man Urgan san urat a. Kubiaen a digire yan man in tamolpein ifu dumat da. Gug Urgan man in tamolpein kumaen ipidinai da.

<sup>7</sup> Saen Anut kubiaen Moses ipani man pat fo igire gug ipani a. Kulob an girager tubun ak da ipalu yan lo, girager an san lilaman, rurek san, an Moses naon fo na yen a. Lilaman an niűen o, gidad an kute ibol dak ago bo man, Isrel adi Moses naon dile san dumoi. Aria, kubiaen man girager da ipalu bo man, kubiaen an tamolpein ifu dumat na ya. Kubiaen san saen in man tamolpein dumat ak san saen

mi a. <sup>8</sup> Gug Awan Urgun ipalu la ya, amaiak ninjen o gamu en man Urgun san saen a, an lo kontrak foun ak san girager an lak na geig yau a. An ninjen o anj dugo ilom isou di? Dugo, kontrak wagam ak a tamolpein ifu dumat ak inſan girager an kontrak foun ak san girager irinani i? Man tia geig a. <sup>9</sup> Man dugo, kontrak wagam an tamolpein idiraig dideg diau a. Ago bo man inſan saen lo girager tubun yen na ya. Amaiak ninjen o kagin itaot ak san saen e gamu yen den lo, nal en san girager amaiak nal imug ak san girager irinani a, agod lak na geig yau a. <sup>10</sup> An ninjen o id tile yak, kontrak wagam ak girager aman da ya, ago gug gamu inſan girager an yau itout manonj a. Man ata wo? Kontrak foun ak san girager tubun geig an lo kontrak wagam an imiani da. <sup>11</sup> Man dugo, mel a kute ibol go itout yau amaiak girager da ipalu ya. An rumok tap, mel a pempem mi yen yau an, inſan girager man tubun kasik a.

<sup>12</sup> Amaiak ninjen o kontrak foun ak san girager pempem san ninjen o mala nouk tumado da, an ninjen o manj tamolpein malad lo matur dop ru mufulale wo ta marer na da. <sup>13</sup> Manj Moses igo tia ya. Tia, in yamel naon ibuluwig an lo dop Isrel tamolpein in naon fo girager a kute ibol dan ta dulonj na wa. <sup>14</sup> Yamel an man Isrel tamolpein sad mitilaen igo ya. Gubak mi man Isrel ilod pat igo ya, an ninjen o Anut san ru dinjane wo dumoi a. Agod inj gubak mi igom gamu dam naod kisaek mi a. Saen inj kontrak wagam an san ru dusuti tap, yamel naon kisaek an nam dulonj san kankan ibalfutani da. Inj gamugo yamel an dupasi a. Man dugo, saen inj Kristus dinjane dop yamel an Kristus ipasi yau a. <sup>15</sup> Awo, wagam mi agog ipalug gamu en, saen inj Moses san kubiaenj dusuti dop man yamel ta tarej igo wonj inſad ulonj an ibalfutani da, an lo ata mel rumok an dulonj san tia ya. <sup>16</sup> Ak man saen talpein ibileksap Tubun en san na yau dop

man, Tubun en yamel an ipasi yaup lo talpein an abanj ile wo uyanan a. <sup>17</sup> Aria, Tubun en inj Ur, agod aben a Tubun en san Ur yen dan te man inſan tamolpein bigabeg urat tia kawan dumado da. <sup>18</sup> Agod id ensauta a yamel malad ta ibalfutani na dan, id tig igo wonj Tubun en san girager id naod kapen fo yan isapudade dugo imul yau da. Ago dop girager ta san na tupalu dop girager subunjan taidam san na tau da, nek ago Tubun en idirad pe tibileksa yau onj da, an lo inſen igo mi ago tilasa wa. Man dugo, kulob en man Tubun ak enti a Ur an, inſan nag ipalu ya.

## 4

### *Melmel sinjaokan geig ak bod saiak lo dien da*

<sup>1</sup> Amaiak ninjen o manj urat e Anut san ilo munjanek lo mabi den ninjen o, iloma ta idu na da. <sup>2</sup> Manj kagin naok naok miai san an fidian gigin na midiri a. Manj raek kagin lo ta mator na da. Anut san ru dam mukubuli wo mamoi da. Tia, manj Anut malan lo tamolpein naod na ru rumok ak mi mabol ilasa da. Ago dop lo tamolpein fidian inj manj tamol naok dugo yak ninjema wo ilo sou digane dop an lo dilep Kristus san urat an itaot mi migane da. <sup>3</sup> Gug manjsama bilalunj imianuk tap, an tamolpein a dideg diau dan inſad ilo sou lo mi imianuk a. <sup>4</sup> Tamolpein an tan en san tubud Satan, inſad ilo sou yabi idu yan lo, tamol malad itau igo wonj dilasa ya. An ninjen o lilaman inſad na ipalu dan dile san tia ya. Lilaman an man Kristus san girager, an bilalunj uyanan ak ilon lo yen da. Agod Kristus man naon Anut naon igo ya, ago gug an dile san tia ya. <sup>5</sup> Manjsama ninjema wo ru ta mabol na da, tia, manj Jesus Kristus ninjen o mi mabol ilasa da. Agod bilalunj e mufulale den man, Jesus Kristus inſen mi idsad Tubun a. Agod Jesus ninjen o manj man anjanem urat tamol adi, nek an mi a. <sup>6</sup> Wagam Anut igo ibol, "Tidom tubun ilon lo lilaman ta ided a." Anut nek amaiak mi

mañ bubema ilon lo lilaman iganeg ided da. Lilaman an man, mañ Anut san girager niñen mañau am da ya. Agod girager an san lilaman Kristus sen naon fo na ided dugo mile ya.

<sup>7</sup> Rumok, filian siñaokan amaiak mañ mabi da, ak man in bod saiak ilon lo yen da. An Anut san ilo girek, an lo dop in mañ ikubiai panamap, dabai a tubun kasik an inñsan mi, mañsama tia wa. <sup>8</sup> Muruan naok sensen dupanama da, gug ta duparfufarama na da. Mel saian wei mi marer san mile da, gug iloma ta idu na da. <sup>9</sup> Mañsama ager dukudama da, gug Tubun en ta ibisawama na da. Mañ dufunama dibilama madu da, gug ta dipitiñinama na da. <sup>10</sup> Mañ saen fidian Jesus san mater an tinima lo misini mator da, ago dop man inñsan kumaen an mañ tinima lo tamolpein kuai tem dile wa. <sup>11</sup> Man dugo, saen fidian mañsama turen lo Jesus niñen o mater lo madu mau o dibilama se ya, an lo dop inñsan kumaen an mañ tinima tan en san lo kuai isi wa. <sup>12</sup> Amaiak niñen o, mater mañ lo urat igane dak, gug kumaen man an lo urat igane da.

<sup>13</sup> Tamol ta Isrel sad bar lo igo ibol, “Ñai ilog lo rumok a. Amaiak niñen o ñai ru ñabol ilasa ya.” Tamol a ñutun lo ilo rumok yen dan ago mi mañ dam iloma lo rumok an lo ru mabol ilasa ya. <sup>14</sup> Mañ malon ak Anut a in Jesus Tubun en ifufuni yabisag kumaen ipani an, inñsen mi mañ dam ibiamasap, Jesus da sisem inñliamap, an da sisem kumaen panu na tiladu dop, Anut naon na tatur a. <sup>15</sup> Amaiak niñen o muruan a fidian misini dan man an ibinawan o misini da. Agod saen Anut san ilo panek ifufurak yau dop tamolpein wei mi ilo panek an diñanep per dupani dop lo inñsan girager lak na geig isuda yau a.

*Aposel sad tinid man dabai itout, gug tinid ilon lo dabai foun ak diñane ya*

<sup>16</sup> Fun an niñen mañ iloma ta idu na da. Gidad mañ tinima tan san en dabai itout ak, gug tinima ñutun san

man nal kisaek kisaek atem dabai foun ak inñane ipalu da. <sup>17</sup> Man dugo, muruan e saen katukan mi yen san ak misini den man, girager tubun kasik bageu san ikubune panama da. Girager an pempem mi yen a, agod inñanen tubun an tou mupani san mañ ta idaisuda na wa. An niñen o muruan gamu misini den an mel kawan mok a. <sup>18</sup> Man ata wo? Mañ melmel a kuai isi la yak meil o malama ta yau na da. Tia, melmel a meil san tia yan amaiak niñedi wo mi iloma isou da. Man dugo, melmel e meil den man saen katukan mi dien a, ak gug melmel a meil san tia yan man pempem mi dien a.

## 5

*Pol tinik foun ak san ru fañan an ipidinai a*

<sup>1</sup> Mañ malon ak tan en san ab gamu lo mumado den saian tap, mañ ab sen ta Anut san na yak ka miñane wa. Ab an tamol banin nam ta igane na ya, tia, ab an Anut sen ikubune panama ya, agod kumaen panu lo pempem yen yau a. <sup>2</sup> Tan na mañ tinañ lo mi mumado da, an niñen mañ tinima foun a kumaen panu lo yen dan miñane wo yaes isofutanama da. An lo nek ibol kulos foun ak ituanama san igo won, mañsama tinik foun an miñanep ilon lo mumado wo yaes ifunama da. <sup>3</sup> Ago dop saen mañ mamat dop mañ ur tinin tia yak igo won ta mator na wa. Tia, mañ tinik foun ak kumaen panu san an mitabug pe lo mumado wa. <sup>4</sup> Saen mañ tan en san tinik lo mi mumado dop man, mañ tinañ migane dop iloma isasau a. Ata wo mañ ago migane di? Dugo, mañ mamat pe ur tinin aman tia yak igo won milasa wo iloma ibol di? Tia. Mañ mañsama tinik foun ak mitabug o iloma ibol da. Ago dop tan san tinik e imat san en itout yau dop lo, tinik a kumaen pempem san an, tan san en, aben inñane wa. <sup>5</sup> Mel e mañ miñane san man, Anut inñsen mi kubunek lo idirama la ya. Agod inñanen Ur an man, kumaen foun en san satuanek



igo ya. Ur a ipanama yan lo maŋ rumok malon ak mel en ilasa wa.

<sup>6</sup> An niŋen saen fidian maŋ sema iloma musatumani da. Agod maŋ malon ak saen maŋ tinik en lo mumado den maŋ Tubun en san na asau mi mumado da. <sup>7</sup> Man dugo, maŋ ilo rumok lo mi mator da. Maŋ mel mile malon ak lo ta mator na da. <sup>8</sup> Nai nabol, maŋ sema iloma musatumani da, ago gug maŋsema gidad, tinima mibiseip Tubun en san panu na ida mumado tap man, an uyanan geig a. <sup>9</sup> Kulob naok e maŋsama kob igo migane lo mau duman, maŋ Tubun ak ilo uyan mupani wa. Gidad maŋ tan en lo mumado boi, tia, kumaen panu lo mumado bo man, maŋ in ilo uyan mupani wa. <sup>10</sup> Man dugo, id fidian mi Kristus naon na bitinaek lo tatur a, ago dop id anen anen atem tan na tumado dugo kagin uyan saian tigane na yan atem naon tinjane wa.

### *Maŋ Anut san nao njanek tamolpein*

<sup>11</sup> Amaiak niŋen o maŋ maŋsama rurek Kristus lo malon uyanan an lo, tamolpein ilod miŋane da. Anut maŋ dugo yan ilon uyan a, agod nai ilog ibol dak an dam bubem lo maŋ dugo yan an alon uyan a. <sup>12</sup> An naom na fon sema kuai te idirama milasa wo ago ta migane na da, tia, an maŋsama yanama asini san fun alon o ru en mabol da. An lo man, an ka tamol a inŋigned yanad niŋen o mi ilod isou dugo inaned ilodi niŋen o ilo sou ta digane na dan, ru naon uyan ak apidinai a. <sup>13</sup> Ak dugo, maŋ niŋen burau ak ta miŋinen tap, an Anut o ago migane ya. Gug niŋen itaot ak miŋinen tap, an ibinawan san a. <sup>14</sup> Man dugo, Kristus san ilo panek amaiak maŋ ititianama da. Maŋsama ilo rumok man mel en rumok a, tamol kisaek mi tamolpein fidian sad abed inane wo imat a. Ago yan niŋen o tamolpein fidian sad madok wagam an lo dumat a. <sup>15</sup> Ago dop tamolpein ensauta a kumaen dumado dan fon sed niŋedi wo ta dutor na wa, tia, in Kristus a in

waged lo imat go fon kumaen imasa amaiak o mi dutor a.

<sup>16</sup> An niŋen o gamu saen e yau den, maŋ tamolpein tan en san ilo sou lo ago ta meil na da. Rumok, maŋ imug mi Kristus tan en san tamol igo won mile ya, ak man gamu man fon ago ta migane na da. <sup>17</sup> Fun an niŋen o talpein ta Kristus lo imado dak ago tap, Anut in talpein an igane foun ilasa ya. Kagin a wagam inŋan madok imug ak san an fidian ibisei a. Rumok nunon, inŋan kagin wagam ak ibisei yau itout go in foun ilasa ya. <sup>18</sup> Kulob an fidian sad fun man Anut mi a. Inŋen mi Kristus lo inŋan turan muroun idirad a. Agod Anut inŋen maŋ tamolpein maŋal dop inanen turan muroun midirai san urat migane wan, maŋ banima lo igane ya. <sup>19</sup> Nai igo nabol, Kristus lo Anut in tamolpein a tan titin fidian lo dumado dan, inŋan turan muroun idirai san niŋen o urat igane ya. Agod saen ago igane yan, inŋad aupasek fidian gigin na idiri dugo an niŋen ilon ta isou na ya. Agod in bilalun e id ka Anut turan muroun tilasa san en maŋ ipanama ya, ago dop maŋ awama lo an mabol ilasa wa. <sup>20</sup> An niŋen o maŋ Kristus wagen lo inŋan nao njanek tamol igo won mumado da. Maŋ awama lo Anut tamolpein ilod inane wo ru ibol da. Amaiak niŋen o maŋ Kristus wagen lo mududuwan dop, an Anut da nug turan mok alasa wa. <sup>21</sup> Kristus inŋen aupasek ta igane na yak bo man, Anut id abed lo igane in aupasek tamol igo won ilasa ya. Ago dop id Kristus da tutumani an lo Anut san kagin itaot mok an id njutud lo ilasa wa.

## **6**

<sup>1</sup> Amaiak niŋen o, maŋ Anut da sisem urat migane dan niŋen o igo mududuwan da, an Anut san ilo panek an mel kawan igo won ta anjane na wa. <sup>2</sup> Man dugo, Anut igo ibol, “Saen a uyanan an lo nai on awa nalon a, agod patu pasek san nal lo on njibinawo ya.”

Alon uyan, nal e gamu yen den man saen uyanan a, agod patu pasek san nal an man gamu en mi a.

### *Muruan funfun Pol isini se ya*

<sup>3</sup> Man talpein ta san dal mufou dop nien isuep yau idu man mamoi a, an lo aenta mansama urat ta dile saian na wa. <sup>4</sup> Tia, man Anut san urat tamol mok an mi dal funfun en igo mukubiaig dile ya. Muruan lo iloma ta isali na yan lo, madai lo, tinima san melmel ninen katuk ama yan lo, iloma irer dan lo, bu dupanama dan lo, <sup>5</sup> subanek lo, aban daon digane san saen lo dufutana-mag dububunanama yan lo, urat wagai lo, tawan miganeg mumado yan lo, anan o geg migane yan lo, <sup>6</sup> kagin ikokan lo, manau lo, mos kagin lo, ilo munanek lo, Awan Urgan lo, ilo panek mok ak lo, <sup>7</sup> ru rumok ak lo, Anut san dabai lo, kagin itaotan ibol wagai san mel banima won ak lo, nas ak lo dam, man Anut san urat tamol mok an kuai tem mukubiaig dile se ya. <sup>8</sup> Man dipitianama dak, dibiama madu da. Man yanama diabisa dak, man yanama dipitinini da. Man sewak tamol ago dubol da, ago gug man man tamol nunon mi a. <sup>9</sup> Man ta dulon na dak ago dubol da, ago gug man dulon uyanan da. Man mamat manon a, ago gug kumaen mumado yau on da. Man bu dupanama da, ago gug ta mamat na da. <sup>10</sup> Man iloma ipapao da, ago gug pempem yousai lo mi mumado da. Man filiana tia ya, ago gug man tamolpein wei mi midirai filian tamol dilasa da. Man mel amama tia ya, ago gug mel fidian mansama mi a.

<sup>11</sup> O Korint tamolpein, man bubema awan mupasi panan go ru kuai tem murupaian da. <sup>12</sup> Mansama ilo panek an o yen dan ta mabituanina da. Tia, ansem mi ansam ilomi man ninem o an abituani da. <sup>13</sup> An ninen o nai nek ibol tamol ta gamu nanuk irupidai dak igo won igo nabol da, an bubem awan apasip man ninema wo dam amat a.

### *Anut san ubou ab*

<sup>14</sup> An tamolpein ilo rumok tia yan dida ta atumanip, urat agane na wa. En dugo, kagin uyan ak saian ak da sisem nug ka diganuri wak i? En dugo won pe tidom in adian da ka dutumanip nug turan igo won dutor ak i? <sup>15</sup> En dugo won pe Kristus in Satan da ka dutumani wak i? En dugo won pe tamol ilon lo rumok ak in tamol ilon lo ta rumok na yak da awad kisaek ak i? <sup>16</sup> En dugo won pe Anut san ubou ab in ai pat sad mitilaedi da sisem ka dutumani wak i? Man dugo, id man Anut a kumaen imado dan san ubou ab. Anut sen igo ibol,

“Nai in dadi mumado wak, in lulunad lo nator a.

Nai man insad Anut, agod in man naisag tamolpein.”

<sup>17</sup> “An ninen o an tamolpein ilod rumok tia yan abisawaip sen alasa dop asau mi amado wa. Tubun en ago ibol a. Mel nun anda yak ta abi na wa, ago dop lo nai ninilian pe ilog nupanan a.

<sup>18</sup> Nai ananem Tamam numado dop an naineg nanug pein, nanug muroug amado wa. Tubun en in Dabai Geig ak ago ibol a.”

## 7

<sup>1</sup> O nai bubeg mok, id Anut san awak aban a tinane la yan ninen o, id tinid lo, nutud lo, mel a iganep nun tilasa dan tusuas yau a. Ago dop id-sad rurek Anut lo yan idirad pe idsad kagin gun ak itaotan ilasa wa.

### *Korint tamolpein ilod ibileksa yan ninen o Pol uyan isusa ya*

<sup>2</sup> An man ninema wo bubem awan apasi wa. Man talpein ta saian mupani man tia yak, man talpein ta malan musue man tia yak, man talpein ta mirawip insan mel magam man dam tia ya. <sup>3</sup> Nai ru ago nabol an lo, an ta saian nupanan na da. Tia, nai gubak mi an man mansama bubema buson ago nabol la ya. Gidad man

an da sisem tamat boi, tia, an da sisem kumaen tumado bo man, man an ninemi wo tubun mi mamat yau on da. <sup>4</sup> Nai an ninem o ilog tubun mi rumok da, aenta naod na nupitiana na ya, nai ilog an ninemi wo tubun mi ipasti da. Nai madai fidian lo an ninemi wo yousai ilog lo inane fute da.

<sup>5</sup> Saen man Masedonia na mupalu yan, mansama tinima en yaes ta ibal na ya. Aben fidian lo muruan ilasa se ya, tinima patun fo yak wagai mile se yak, agod tinima ilon lo yak rurek tubun mi yen se ya. <sup>6</sup> Ak man Anut a tamolpein ilod idu yak dabai ipidinai dan, in Taitus iganeg ipalu yan lo man bubema dabai ipani a. <sup>7</sup> An man Taitus ipalu dak lo mi tia ya, tia, an imug Taitus ilo maror apani an lo, in an ninemi wo ilon ipasti a. In ibol ak an nai aliag o ilom ibol da. Ananem ilo tinan, ananem ilo panek nai o dam ninen ibol dugo nalon a. An ninen o an sam kagin an lo nai ilog tubun mok uyanan a.

<sup>8</sup> Gidad naisag girek ngire yan ilo muruan ipanan ak, gug nai an ninen ilog ta saian na da. Rumok, nai imug ilog saian a, gug gamu man tia ya. Man ata wo? Nai kuai te nile yak naisag girek an an ilo papao ipanan a, gug man an saen katukan san mi a. <sup>9</sup> Ak man gamu nai ilog uyan da, nai an ilo papao nupanan ak o ilog ta uyan na da, tia, an fun man an ibinawan pe ilom abileksa wa. Anut sen ilo papao en an lo ago igane ilasa ya, an lo man an mel ta lo mala suek mupanan man tia ya. <sup>10</sup> Man dugo, ilo papao a Anut talpein ta ilon lo igane ilasa dan lo talpein an idudu wip ilon ibileksa wa. Agod an man ilo muruan tia ya. Ak gug ilo papao a tan en san an tamol ta ibinawi na da, tia, in dal saiak lo itor yaup maten ile wa. <sup>11</sup> Man dugo, an ale uyanan a, ilo papao e Anut an lo igane ilasa yen man kagin naok dugo yak ananem madok lo iganeg ilasa ya. An kagin uyanan lo atur ak, an yanami akubune wo ilom yen dan, ru dabai lo an “ago tia yak” abol dan, ilo urer ipanan dan, man o yaes

isofutanan dan, kagin uyan ak dabai lo agane dan, an ansem bu ipanan da. An dal fidian lo man akubiai panama yan lo man, kagin naok naok a agane yan man uyanan mi a. <sup>12</sup> An ninen o gidad nai girek a imug ngireg ngane ipalu yan man, talpein a saian igane yan ninen o ta ngire na ya, tia, talpein ta a muruan ile yan ninen o dam tia ya. Tia, girek ngire yan lo Anut malan lo ananem kagin uyan ak man ninema wo dabai lo agane dan kuai te ilasa dop ale wa. <sup>13</sup> Amaiak ninen o an sam kagin uyanan an lo man ilo maror apanama ya.

Man mi ilo maror lo ta mumado na ya, tia, saen Taitus san yousai mile yan mansama yousai lak na mok yau a. Man dugo, an insan ilo muruan a imug yen an ninen o aganeg ilon pasauman. <sup>14</sup> Man dugo, Taitus gamugo ilian dugo nai in naon na nupitiana a, an lo an ananem kagin lo miai ta apanag na ya. Mel fidian a murupaian an man ru rumok a, nek ago mi mansama se pitiano ru an ninemi wo Taitus naon na mabol an dam rumok a. <sup>15</sup> Taida mi, saen in ananem awa bek kagin agod arut arer san kagin lo in anane yan ninen ilon isou da, an o tubun mi imat da. <sup>16</sup> Nai yousai lo numado da, man dugo, an nai awag ari apani an nalon fufe a.

## 8

### *Korint adi Kris Judea na yan moni lo dubunawai a*

<sup>1</sup> Teig taog, man an dal dugo lo Anut san ilo panek an Masedonia midaen lulunad lo kuai isi ak alon o iloma ibol da. <sup>2</sup> Man dugo, in muruan tubun geig ak lo diladu yan man bubed ibitinae a. In bo filiad tia ya, ago gug insad yousai bubed lo yan tubun geig go in tamolpein aenta dibinawai o ilod yen a. <sup>3</sup> Nai malag lo nile yak ninen nurupaian da, in insed ilod nam moni sapta a urat aman tia yan dupani wo dutumani a. Agod moni nen isuk isuda geig dutumani a. Kulob an insinad ilod ibol ak fo mi digane ya. <sup>4</sup> Saen wei mi man dalawan mupasi

pidinai dop lo, in Jerusalem san Kris tamolpein dibinawai san urat awan ka digane wo, ilo panek lo manj sum-iaek dupanama ya. <sup>5</sup> Manj in ninjedi wo marut a, man dugo, injsinad ilo sou uyanan ak manjsama irinjani a. An lo malan malan injsed tinidi Tubun en dupani a, ago gug murna Anut ilon yen dan ate iri panim manj banima lo dupalu ya. <sup>6</sup> An ninjen o manj Taitus ru kagin igo murupe i a. Wagam in ilo panek urat an anj luluñam lo fun igane la yan ninjen o, gamu in dam anj luluñam lo ipalup urat awan an igane itout a. <sup>7</sup> Aria, anj mel fidian lo aenta arinjanai da, ilo rumok lo, njinen lo, manjau lo, kagin nuñon ak lo, agod manj o amat dan lo dam mi a. Fun an ninjen o kagin aganep ilo panek urat en lo dam anj aenta arinjanai a.

<sup>8</sup> Naj anj ago agane wo ru kagin ta nupanaj na da, tia, tamolpein aenta in binawek naon kisaek dupani wo ilod yen da, an ninjen o naj anjanem ilo panek kagin an mel mok boi, tia yak boi, ago nbitinae njile da. <sup>9</sup> Man dugo, anj Jesus Kristus idsad Tubun en san ilo panek kagin ale alonj la ya. Inj bo filian tamol a, ago gug man in anj ninjem o filian tia yak ago ilasa ya. Ago dop in filian tia yak ninjen o man anj filian tamolpein alasa wa.

<sup>10</sup> Anajar imug ante anj imug fun aganeg moni atumani a. An mi tia ya, tia, saen an lo dam kulob an agane wo anj ilom bubem fidian imasa ya. Aria, njaisag ru kagin nek igo ya, gamu en urat an agane itout a. Anj ago agane tap, an anj o nek uyanan a. <sup>11</sup> Anj imug mi urat en fun agane san ninjen ilom tubun mi imasa ya. Amaiak ninjen o anjanem ilo masak imug ak iri panim, gamu nek ago mi maeg agane dop urat an agane itout a. Gidad anj filian tubun ak amam tia bo man, anjsam filian a yen dan kabelan mi lo ka abinawai a. <sup>12</sup> Man dugo, anj abinawai o tawanj agane tap, Anut malan lo uyanan a. Ak dugo, tamol ta inj ka filian a ta yabi na dan ate mel ta injanep ipidinai ak i? Man tia ya. Filian nek a yabi dan lo mi ibinawai

o Anut uyan ipani wa. <sup>13</sup> Anj muruan tubun mi asini dop an lo tamolpein aenta anjsam filian lo dumado uyan o naj ago ta njabol na da. <sup>14</sup> Tia, igo njabol da. Gamu saen en lo anj mel amam da ya, an ninjen o anj teim taom katuk amadi an abinawai a. Ago dop man saen anj katuk amami dop in naon dibinawanj a. An lo man dal naon kisaek mi id fidian o ka yen da. <sup>15</sup> Ru e girek lo yen den igo ibol, "Talpein a ananj tubun mi itumani an ananj wadan ta yen man tia ya, ago dugo talpein a ananj kabelan itumani an in ananj lo ta katukan na ya."

*Pol tamol idinaig Korint na diau a*

<sup>16</sup> Naj Anut ilo uyan njupani da, man dugo, injsen Taitus ilon yabisa ya. Ago tag, nek ibol naj anj ninjemi wo ilo sou njigane dak igo wonj, ago mi inj dam anj ninjemi wo ilo sou igane da. <sup>17</sup> Inj anjsam na ipalu da wo musumianig an uyan ibol a. Ak man injsen dam urat en igane wo ilon tubun mi yen a, an ninjen injsen ilon ibol ago mi ipalup ilianj a. <sup>18</sup> Manj id teid ta mipiliani ak inj da dupalu wa. Inj man kamanj tamol, ubou ab fidian lo Anut san ru uyanan ifulale fufei da, an ninjen o yanjan diabisa da. <sup>19</sup> Agod an mi tia ya. Tia, inj midaenj fidian dipilianig manj da moni a ilo panek lo dutumani dan miñane mitiliani da. Urat migane dan lo Tubun en yanjan mabisa da, agod manjanema ilo muñanek kagin tamolpein malad lo kuai te migane ilasa da. <sup>20</sup> Manj tamolpein binawek tubun mi digane yak banima lo yen da. Moni an kagin mupani uyanan ak ninjen o talpein ta patuma fo uf igane man mamoi a. Fun amaiak ninjen o manj teima en miganeg Taitus ida dupalu wa. <sup>21</sup> Manj Tubun en malan lo kagin uyan ak mi migane wa, agod Tubun en malan lo mi tia. Tia, tamolpein malad lo dam ago migane wa.

<sup>22</sup> Agod manj teima taida midini ak inj dam dida dupalu da. Saen wei mi inj urat fidian lo mibitinaeg mile yak inj urat igane wo ilon tubun mi yen da. Inj binawek kagin e agane den



ilon uyanan a, agod inſan ilo rumok an o man tubun geig a. An niſen o gamu urat en igane wo ilon tubun mi yen da. <sup>23</sup> An Taitus alon la ya, in ſai turag, in ſai da urat naon kiſaek mi-gane dan lo an mubunawan da. Maſ teima uraru en man midaeſ nao ſilaſal tamol, inſad urat awan lo dam in girager Kristus dupani da. <sup>24</sup> Fun an niſen o midaeſ fidian naod na ananem ilo panek kagin an akubiaip dile wa. Taida mi, maſ gubak mi tamol en naod na an yaſam mabiſa ya. Aria, maſsama ru an niſemi wo nuſon ilaſa yan an gamu akubiaip tamol uraru en dile wa.

## 9

*Korint adi Anut san tamolpein niſedi wo binawek digane wa*

<sup>1</sup> Nai binawek e Jerusalem tamolpein o atumani den niſen ru milaen mi ta ſigire na wa. <sup>2</sup> Man dugo, ſai ſalon ak an urat en agane wo tawan amado da. An niſen o ſai Masedonia tamolpein naod na an yaſam ſabiſa da. Nai igo ſurupidai, “Ananar inug ante Akaia tamolpein binawek an digane wo tawan diganeg dumado na ya.” An niſen saen an dam binawek an agane wak ago dulon an, Masedonia wei mi ilod yabiſag in dam binawek an digane wo tawan dumado ya. <sup>3</sup> Ak man ſai teig taog ſidinaig dupalu dan in aban dukubiani dile dop, an lo maſ awama lo yaſam mabiſa dan ru kawan igo ta dile na wa. Nai tamol amaiak an urat en agane wo tawan aganeg amado dan ago ſurupidai a. Aria, nek ibol ſai ſabol ago mi an agane wa. <sup>4</sup> Kabelan Masedonia aenta ſai dadi mupalup an mala nouk ta agane na yak ago dilian dop, an lo maſ miai ifunama banau. Miai tubun mi an sem ipanan an niſen o, ru ta ſabol san tia ya. <sup>5</sup> An niſen o ſai teig muroug en ſidinaip dunug anſam na dupalu wo ago ilo sou ſigane ya. In an dibinawan pe binawek agane wo abol la yan, san melmel ſisem atumani wa. An lo saen ſai ſupalu

dop man tamolpein malad ipalup an ilo uyan lom binawek agane yan dile wa. Kabelan tamolpein an maſ anſam filiam atumani wo mududuwan dak ago dubol banau.

<sup>6</sup> An niſen an ilo isou agane uyan. Talpein anan kabelan ipae an nuſon kabelan inane wa, agod talpein anan tubun mi ipae an nuſon tubun mi inane wa. <sup>7</sup> An niſen o an fidian ilo sou agane wo uyan gup, mel dugon binawek agane man ago agane wa. Kabelan talpein ta ilon muruan anda mel igane banau. Tia, kabelan in mel igane wo diſiſanid ibol banau. Man ata wo? Anut in talpein a buben ſutun fidian lo mel ipani wo ilon yen dan niſen o imat da. <sup>8</sup> Anut in an mel naon dugon niſen amat dan fidian ka ipanan san idaiſuda ya, an lo an mel fidian idaiſuda wa. An niſen o saen fidian an mel amam da amado wa, an lo urat uyan ak fidian lo binawek tubun mi an ka agane wa. <sup>9</sup> Anut san ru girek lo ago ibol,

“Anut san talpein binawek wei mi iwae da,

inſan binawek dufurak go tamolpein filiad tia yan diſane ya;

inſan kagin itaotan ak pempem mi kuai tem yen yau a.”

<sup>10</sup> Anut in tamol anan ipae dan anan kubulan ipae wo ipani da, agod in dam anan taidam tamolpein diani wo ipidinai da. In iganep ananem kubulam wei mi igile wa. Ago dop lo ananem kagin itaotan an tubun geig a, nek ibol tamol anan ipaeg nuſon pempem ifu dak ago mi wa. <sup>11</sup> Anut dal fidian lo filian tubun mi ipanan a, ago dop man melmel fidian lo nek ibol Anut banin ibiſeid ago mi an dam banim abiſei wa. Ago dop tamolpein wei mi anſam binawek maſ banima lo diſane dan lo Anut ilo uyan tubun mi dupani wa.

<sup>12</sup> Man dugo, anſam binawek urat agane dan lo Anut anen tamolpein abinawai uyanan a. An mi tia ya, tia, ananem ilo muſanek kagin dile dan lo ilod yabiſap Anut ilo uyan tubun mi

dupani wa. <sup>13</sup> Ansam binawek urat Kris adi Jerusalem na dumado dan niñedi wo agane dan lo, tamolpein an dukubianan dilian a, agop in malad ipalup ansam kagin itaot an kuai te ilasa dop dile wa. An lo in dulon ak an bilalun a Kristus ninen ibol dan anane mok a, an lo inisan ru an aganuri da. Ansam binawek tubun mi in lo agod tamolpein sen ak lo agane yau dan lo in Anut yanjan diabisa wa. <sup>14</sup> An ninen in ilod bubed fidian an dupanan dop an ninemi wo Anut dugudani wa. Man dugo, in dulon ak Anut san ilo panek senamo geig ak an ilom lo awan isa ya.

<sup>15</sup> Id bubed ntud lo Anut ilo uyan tupani wa, man dugo, inisan lou a kawan ipanad an tubun geig a, an ninen o id tinijen san tia ya.

## 10

*Pol inisan aposel urat ninen o targirane ru ibol a*

<sup>1</sup> Tamol aenta nai ai dupanag go ago dubol, “Saen Pol id da tumado yan inisen yabi idu ya, gug saen id ibisawad go asau mi imado yan in ru dabai nam irupaiad da.” Ak gug nai Pol, nai nek ibol Kristus inisen yabi idug mos nam kulob igane ago won, nai an ru e mos nam nurupaian den alon uyan o nusumianan da. <sup>2</sup> Saen nai ansam na nupalu dop, aenta an lulunam lo dumado dan ru dabai nam nupidai o ago nai ilog ta yen na da. Amaiak ninen o an kagin agane wa, man dugo, nai tamol a in nai tan en san tamol sad ilo sou lo urat njiganed dubol dan ru dabai nam nurupidai dop dudu diau a. An ninen o nai igo nurupaian da, an ru naok ago nupanan o nai ta asodudunag na wa. <sup>3</sup> Man dugo, man bo tan en lo mumado mator da, ago gug man man tinima tan en san bunun lo ago wagai ta migane na da. <sup>4</sup> Man ata wo? Man yu dumui nam wagai migane dan tan en san tia ya. Tia, man sama yu san bioun man Anut lo mi dabai geig a, ago dop lo man ka ager sad abed dabai dabai ak murube wa. <sup>5</sup> Man tamolpein sad ilo

sou mibilai dudu da. Ilo sou a sed ibiaisa dop lak na isuda yau dan lo tamolpein Anut dulon san dal dufou dan fidian murube da. Agod man tamolpein sad ilo sou fidian mufutanig Kristus mi awan paen na midirai diau a. <sup>6</sup> Man an malam migane da. Malan malan an Kristus awan paen na amado mok tap, ansam awa yabek kagin an an idaisuda wa. Saen ante mi gup man tamolpein awa parisalek digane dan muruan mipidinai o tawan migane mumado wa.

<sup>7</sup> An mel nek a kuai te yan mi ale da. Tamol ta an lulunam lo in Kristus san tamol mok ibol tap, mel en ninen fon ilon isou uyan a. In Kristus san ibol tap man, man dam nek in ibol ago mi a. <sup>8</sup> Tubun en sen man an mupitinan o yanak ta ipanama na ya, tia, man an dabai mupanan o ago igane ya. Ago dop nai se pitiano ru an kitek tubun mi ninijen tap, ru an ninen o miai ta ifunag na wa. <sup>9</sup> Dugo, naisag girek e njigire den lo an rurek nupanan ak ago abol di? Tia mok a. Ilo sou ago agane dan nai namoi da. <sup>10</sup> Man dugo, tamolpein aenta ago dubol, “Pol san girek an ru dabai funfun lo igire ya, ago gug saen inisen ipalup id lulunad lo ru ifulale tap, inisan ru an dabai aman tia ya, agod inisan ninen man kawan a.” <sup>11</sup> Talpein ru ago dubol dan in ilo sou ta digane uyan na da. Man dugo, saen man asau mi mumado dan, kagin naok a dugo migane san ninen mansama girek lo mabol dan, saen man an da tumado wan kagin naon kisaek an mi migane wa.

<sup>12</sup> Tamol a ananem leil lo yanad aman da yan niñedi wo, man man tamol naok ago yak tia ya. Kabelan man yanak ago yak minane banau o marer da. In dag tamol tutubu boi, man dugo, sed ipitianai dugo sed yanad diabisa da. Ak gug nek in sed yanad diabisa ago mi, mansama yanama mabisa san tia ya. Tamol naok ago yak dugo won sed ikubianai di? In in sedi lo nug dukubiani dile da, in in sedi lo dam sed tou amad diabi

da. Talpein ago digane dan manau amad tia mok a. <sup>13</sup> Ak gug man tubun mi sema ipitianamap, lo tom a Anut man o igane yan ta mabi-rinani na wa. Tia, tom an ilon lo mi mumado yau a. Agod ansem tom a Anut igane panama yan patun fo ta amado na da, man dugo, Anut sen idiramag inisan urat migane wo ansam na mupalu ya. <sup>14</sup> Anut urat awan ipinama yan an dam ituana an a, an ninen saen man an lulunam lo ru mufulale yan tom a Anut ipinama yan ta mabi-rinani na ya. Tia, man mi malan mamug go bilalun uyanan a Kristus ninen ibol dan mufulale wo ansam na mupalu ya. <sup>15</sup> Man tamol aenta sad urat awan ninen o sema ta ipitianama na da. Man ata wo? Man mansigama ar ilon lo mi mumado dugo mator se ya. Ago gug man iloma igo yen da, saen ansam ilo rumok italbusi dan mansama urat awan a an lulunam lo yen dan dam itufalak pe yau a. <sup>16</sup> Man tan titin aenta an patum fo dien dan, ante dam bilalun uyanan Kristus lo yan ninen ka mabol ilasa wa. Man tamol sen ak san silali naon ninen o sema ta ipitianama na wa. Tia geig a. <sup>17</sup> “On talpein ta yan an wabisa wo ilo yen tap, Tubun ak mi yan an wabisa wa.” <sup>18</sup> Man dugo, talpein a sen ipitianip sen yan an mi yabisa dan, in Anut malan lo man yan an tia ya. Ak gug Anut talpein ta ipitiani wo tap, aria, talpein nek an mi yan an aman da ya.

## 11

### *Pol in aposel sewak dida*

<sup>1</sup> Ak dugo, nai gidad aliafunag dop ru burau ta kitek nabol ak i? (An nai aliafunag on dugo ago nigane la ya, ago yak ninen o nek ago mi nigane yau a.) <sup>2</sup> Anut turak isusa dan lo man, nai an ninemi wo dam turak nususa da. Man dugo, nek ibol nai pein baras ta inisan iwon nien nupani igo won, naiseg mi an Kristus san ak alasa wo npilianan a. <sup>3</sup> Nai ilog irer da, kabelan supalek ru lo wagam mi geig mot Ewe irawi igo won, ru sewak ta an ilo

burau ipanan banau. Man dugo, kabelan tamol tata an ilom dinane dop lo an ikok kagin agod rumok kagin dam a Kristus lo yen dan abiseip, ilo sou kawan ak ari apani wo man nai namoi geig da. <sup>4</sup> Man dugo, tamol ta an sam na dupalug Jesus sen ak ta san ru dufulale ya, ak gug Jesus an man Jesus e inisan ru man mufulale den ago tia ya. Agod insad ru lo an ur naon senamo ak anane ya, gug ur an in Urgun a imug mi anane yan da kisaek mi tia ya. Taida mi, bilalun naon senamo ak dupanan go anane ya, gug bilalun wagam a anane yan ago tia ya. Ak dugo, saen in kagin ago digane yan, an patum apidinai ak i? Man tia ya, an kududom agureg dagom lo in awad paen na sem idiran go amado ya. <sup>5</sup> Aposel adi nek a “apotel malan te yak” ago abol dan, naisag leil lo man in nai ta dirinanag na da. <sup>6</sup> Gidad, nai ninen lo ta uyan na ya, ago bo man, naisag manau Kristus lo man ta katukan na ya. Saen fidian mansama kagin naok naok dugo migane dan lo mansama manau an mukubiaig ale se ya.

<sup>7</sup> An alon ak, saen nai Anut san bilalun uyan ak an lulunam lo nufulale se yan lo, nai urat naon ta ninane na ya. Kagin an lo seg ibiag nado dugo an nibian sa ya. Ak dugo, kagin ago nigane yan lo aupasek nigane yak i? <sup>8</sup> Nai dam midaen aenta sad moni ngam a. Dal dugo ngam ak i? Saen nai an lulunam lo numado man, midaen aenta sad silali naon ninane se ya. Nai kagin an lo gumagam urat nigane se ya. An igo ya, nai midaen aenta insad moni digane ipalug ninane yan lo nai an nibinawan a. <sup>9</sup> Saen nai melmel tiag an lulunam lo tumado yan, nai talpein ta an lulunam lo muruan ta nupani man tia ya. Man dugo, nai teig taog Masedonia dubuseig Korint na dupalu yan in nai mel dugon lo katuk amag an lo dibinawag uyan a. Ata wo? Nai muruan nupanan o ilog ta yen na ya. Gamu naisag ilo sou an naon kisaek en mi, murnap dam nek ago mi wa. <sup>10</sup> Nai igo nabol, tan Akaia san

titin fidian lo man, talpein ta ηai urat naon ta ηijane na dop lo, seg yanag ηabisa dan niηen ηaisag dal ifutani san tia ya. Rumok nuηon, talpein ta ηaisag se pitianoι ru e ηabol den niηen o ηai awag igane itau tap man, Kristus san ru rumok an ηai lo ta yen na da! <sup>11</sup> Fun ata wo ηai urat naon ta ηijane man tia yak i? Ata wo, an niηem o ta ηamat na di? Tia geig. Anut inηen ilon uyan ak, ηai an niηemi wo tubun mi ηamat da.

<sup>12</sup> Tamol a sed yanad diabisa dan, inηad urat an nek ibol maηsama ago dubol da. Mel an ilasa san niηen o dal aban dile da. Ak gug ηai urat naon tia yak lo ago ηibinawan dan, dal an lo in naod ηufutani da. Agod ηai nek ago mi ηigane dop ηumado wa. <sup>13</sup> Tamol naok an man in aposel sewak adi, raek tinadi, agod urat tamol sewak a. Inηad naod tinid dibileksa dibilekla dan lo tamolpein dirawai dop in Kristus san aposel mok dubol da. <sup>14</sup> Gug an inηad kagin an niηen ta arut na wa. Man dugo, Satan sen dam ago naon tinin ibileksa ibileklap in ηeηel siηaokan ak lilaman lo ided dak igo won kuai isi da. <sup>15</sup> An niηen Satan san urat tamol inηad naod tinid dibileksa dibilekla dop in kagin itaot ak san urat tamol ago dubol tap, an niηen id ta tumasa saian na wa. Murna dop inηaned pani naon urat dugo digane yan atem itaot diηane wa.

*Pol madai isini ak niηen o se pitianoι ru ibol a*

<sup>16</sup> Nai fon ηabol dak, an ηai tamol burau ta abol na wa. Gug an ηai burau tamol abol tap, gidad aliafunag dop ru burau ηabol yau a, ago dop seg yanag kitek ka ηabisa wa. <sup>17</sup> Nai Tubun en san ilo sou lo niηeη ta ηigane na da. Tia, ηai tamol burau ak niηiηeη on go se pitianoι ru ηabol da. O kabel, ηai ηalon ak seg yanag ηabisa dan man ru niηeo mi a. <sup>18</sup> Ago gug tamolpein wei mi in tan san kagin mi diganurig niηen o sed yanad diabisa da, amaiak niηen o ηai dam ago ηiganep se

pitianoι ru ηurupaian alon a. <sup>19</sup> Man dugo, an ilo uyan lo eilafu dugo burau tamol sad ru niηeo dubol da. Man ata wo? Maηau man an Korint mi daeη tinim lo yen da! <sup>20</sup> Ak dugo, talpein ta an isubanan pe inηan urat agane boi, tia, anηanem filiam igane itout boi, tia, an irawan ifunan boi, tia, inηen mi yanηan anda yak ibol boi, tia, kudaηam igufte boi, an ago igane tap, gidad alefunip awan abol dop amado wa. <sup>21</sup> O kabel miai ifunag da. Man dugo, kagin naok an migane san maη dabal ama tia ya.

Ak man talpein ta sen ipitianip sen fun ifulale wo igane tap, ηai dam se pitianoι kagin lo seg fug ka ηufulale wa. Ak man gidad, ηai ηalon ak tamol burau igo won niηiηeη da. <sup>22</sup> Tamolpein an Hibru i? Aria, ηai dam Hibru tamol. In Isrel i? Aria, ηai dam Isrel san tamol. In Abraham san gugoi lo dupalu i? Aria, ηai dam inηan gugoi lo ηupalu ya. <sup>23</sup> In Kristus san urat tamol i? Aria, ηaisag binawek urat inηad iriηani a. (An lo, rumok, ηai tamol burau on niηiηeη da.) Saen wei mi ηai subanek ab lo dibilag ηiladug dufunag malag dusue se ya. Saen wei kasik dufunag se yan maten sumeik ηupani se ya. Naisag muruan a ηisini se yan aposel sewak adi sad muruan naon dugo yak fidian lo ηiriηanai a. <sup>24</sup> Juda adi saen 39 ηai rasau\* nam dufunag a, agod kagin naok an mi saen 5 ηai tinig lo digane ya. <sup>25</sup> Saen utol ηai bu nam dufunag a. Nal kisaek pat nam dubal funag o digane se ya. Nal utol wog lo ηator an wog isarir a, agog nal kisaek tidom kisaek ηai beig aten fo ηafot ηator a. <sup>26</sup> Saen wei mi ηai panu asau mi ηau se ya, ago dop you lo ηisarir o ηator se ya. Saen aenta gumagam tamol adi banig na biouη disini wo digane se ya. Naisinag turag muroug diginiag saian o digane se ya, gob adi dam diginiag saian o digane se ya. Panu tutubun ak lo ηumado dop muruan ηisini se ya, fon tan kawan ak lo ηumado dop dam muruan ago mi

\* 11:24: Lubum



ņisini se ya. Beig lo ņadeg o sumeik se ya. Teig muroug sewak adi dam banid lo ņamat o sumeik a. <sup>27</sup> Ғai urat naok funfun lo wagai mok ņigane se ya. Ғai saen wei mi tidom urat ņigane se yan malag ņioņ tia ya. Ғai tiņaeg anañ tia you o ņamat dop anañ ta ņiņane uyan se na ya. Ғai dog madid ate ņadu dop yamel kulos ta lo tinig ņutuani san dam tia ya. <sup>28</sup> Agod ņai muruan taidam tinig lo igo dilasa ya. Ғai saen wei mi midaeņ dugo kagin ņupidinai uyan san ilo sou tubun mi ņigane da, an lo dam muruan tubun mi ipanag oņ da. <sup>29</sup> Saen Kris ta iņsan dabai idu tap, ņai dam ņaisag dabai idu se ya. Talpein ta tinin lo Kris ta aupasek lo yau idu tap, talpein an niņen o ņai ilog tubun mi wananan anda ņumado se ya.

<sup>30</sup> Aria, aņ ņai asodudunag pe se pitianoı ru ņabol tap, ņai ru naok igo yak ņabol a. Kagin naok naok nek a ņai tamol dabai ag tia yak oņ kuai te igane ilasa dan mi, niņedi wo seg ipitianag a. <sup>31</sup> Anut iņ Jesus idsad Tubun en san Anut, agod iņsan Taman, iņ yaņan dam pempem per tupani wa. Anut en iloņ ak ņai ta ņiraek na da. <sup>32</sup> Damaskus na ņumado dugo Kiņ Are-tas san kiap iņ aikatuk idinaig taun san dalawan ate idiraig dutur se ya, an lo ņai diņiliag pe dusubanag o tawaņ digane ya. <sup>33</sup> Gug saen an ņai muroug adi udou lo ditiniag go, taun an san mutunuk ta lo duyuwag go ar patun fo ņadug, kiap an san ager adi ņiriņanaig ņasol go ņau a.

## 12

### *Anut Pol dal ikubiai pani a*

<sup>1</sup> O kabel, aņ ņai asodudunag dugo se pitianoı kagin ņigane yau da. Rumok, kagin naok en ibinawad san tia ya, ak gug gidad, ņaisag ņioņamin, agod ru mianuk Tubun en ikubiai ņile yan ņabol ilasa wa. <sup>2</sup> Ғai tamol ta Kristus lo imado dan ņaloņ a. Tamol en anaņar 14 yau la yan lo Anut iņaneg, did aben a malmalan an ibiseig, tinin te yan ibiseig, aben

a lak na geig ante yau a. Ak dugo, tinin aman da imado di? Tia, tinin ibisei i? An ta ņaloņ na ya. Anut mi iņ iloņ a. <sup>3</sup> Agod ņai ņaloņ ak Anut tamol en iņaneg kumaen panu lo yau a. Iņ tinin fidian mi yau boi, tia, ņutun mi yau boi, an ņai ta ņaloņ na ya. Anut mi iņ iloņ a. <sup>4</sup> Agod tamol an kumaen panu lo ru nek a iņ mi kududon iloņ go iņ mi ilon lo yen san iloņ a, ru an ibol san iņ ta iloņ na ya. Agod melmel a niņed ta ibol o Anut ibol an dam kududon iloņ a. <sup>5</sup> Ғai talpein en mi niņen o se pitianoı ru ka ņabol ilasa wa, ak gug ņaiseg niņeg o seg ta ipitianag na wa. Tia, ņai dabai amag tia yak niņen o mi seg yaņag ņabisa wa. <sup>6</sup> Ғai se pitianoı ru ņabol o ilog yen tap, ņai burau tamol tia ya, man dugo, ņai ru rumok ak mi ņabol da. Ak man ņai ago ņigane wo man ņamoi a. Man ata wo? Tamolpein iņ ņaisag naok naok dile wak, ņaisag ru ņufulale dan duloņ ak, ago dop an lo ilo sou itaot ņai lo digane wa. Kabelan iņ ņai tamol senamo geig ak ago dubol banau.

### *Mel ta si igo won Pol tinin isueg madai ipani na ya*

<sup>7</sup> Anut ņai ņioņamin lo mel uyan uyan ak wei mi ikubiaig ņile ya. Ago gug man ņai mel en ņile ņaloņ an niņen seg ipitianag o man iņ imoi a. Amaiak niņen o iņ mel ta nek ibol si oņ iganeg ipalug ņai tinig lo yen dugo madai ipanag da. Mel an man Satan san urat pinein, an lo ņai muruan ipanag da. Mel an ņai ibiag ņadu dop seg yaņag ņabisa ņamoi o igane da. <sup>8</sup> Saen utol Tubun en mel an ipasi yau wo ņusumiani a. <sup>9</sup> Gug iņ ņai igo irupaiağ, “Ғaisag ilo panek man oņ o idaisuda ya. Man dugo, ņaisag dabai en oņ dabai ama tia yak lo itaotan ilasa da.” Fun an niņen o ņai ilog uyanan dak, ņai tamol dabai amag tia yak igo ņumado da. Ago dop lo Kristus san dabai an mi ņai lo ka yen a. <sup>10</sup> Amaiak niņen o ņai Kristus wagen lo man, gidad ņai dabai amag tia yak, dububaņanag se yak, muruan

dupanag ak, tinig dipitiñini ak, saian funfun lo ñsida yak ago tap, ñai ilo uyan lo mi ñumado wa. Man dugo, saen ñai tinig dabai an tia dop, ante ñaisag dabai tubun kasik ilasa da.

*Pol inñsan ilo muruan Korint tamolpein niñedi wo ibol a*

<sup>11</sup> Ñai tamol burau ñiñiñeñ oñ da, man dugo, ansem ñai ago ñiñiñeñ o agane da. Ansem mok ñaisag naok naok uyan an abol ilasa wa, ago gug ago agane man amoi a. Fun an niñen ñai seg fug ñabol ilasa ya. Rumok, ñai tamol kawan a, ago gug anñsam “apospel malan te yan” ta inñ ñai diriñanag man tia ya. <sup>12</sup> Ata mel ñai anñ luluñam lo ñumado dugo ñigane na yan, inñ itaot ñai aposel rumok an ikubiai ale ya. Ñai muruan fidian lo ñatur sakar dugo ñaisag urat an lo kulob girager funfun, urat dabai dabai ak anñ luluñam lo ñigane ilasa na ya. An mi ñai Anut san urat mok ñigane dan ibol ilasa ya. <sup>13</sup> Kagin naok nek a anñ luluñam lo ñigane yan ago mi, midaeñ aenta lo dam ñigane ya. Mel kisaek mi anñ luluñam lo ta ñigane na ya. Ñai anñ anañ ata mel taida lo binawek apanag o ta ñududuwan na ya. Kagin an lo ñai au ñupas tap, gidad ñaisag aupasek an ilom inñaoñ a!

<sup>14</sup> Gamu en ñaisag nal utol fon anñsam na ñupalu da wo abanñ ñukubune da. An niñen saen en dam ñai anñ muruan ta ñupanañ na wa, man dugo, ñai anñsam biouñ ñisini wo ilog ta yen na da. Tia, ñai anñ mi ñiñilian a. Anñ alonñ ak nanuk inñ anañ o abanñ dilep tinad tamad ta dipidinai na da, tia, tinaran taman mi inñ anañ o abanñ dilep nanuk dipidinai da. <sup>15</sup> Ñai ilo uyan lo mi ñaisag mel fidian, ñaisag tinig dam, anñ ñutum ñibinawi wo ñupanañ a. En dugo, ñai ilog bubeg fidian anñ ñupanañ tap, an niñen o anñ ilom bubem kitek ka ñai apanag ak i? <sup>16</sup> Gug anñsam tamolpein aenta ñai niñeg igo dubol da, “Rumok, inñ mel kuai te inñane san tia ya, ago gug man id irawad dop mianuk lo mi mel inñane san man ilonñ uyanan a.”

<sup>17</sup> Ak dugo, ñai tamol a ñidinaig anñsam na dupalug dirawanñ dugo anñsam mel disinig ñaisag na dupalu yak i? Tia geig a. <sup>18</sup> Ñai Taitus ilo sou ñupanig anñsam na ipalu ya, ago dugo teima Kris ak ta ñipilianig ida dupalu ya. Ak dugo, Taitus irawanñ dugo anñanem melmel igam abol di? Man tia geig a, man dugo, inñ ñai da Ur kisaek lo mator dak, manñsama turenñ naon kisaek ak, manñ sisem nug ñien abanñ muri mau da.

<sup>19</sup> Ak dugo, anñ ilom lo manñ ru fidian e migire yen lo sema itargiranama wo migane dak ago abol di? Manñ ago ta migane na da. Tia, manñ Kristus san ak mumado da, agod manñ Anut malan lo ru fidian nek e mabol den man ibinawanñ pe atur sakar o mabol da. Anñ manñsama bubema mok. <sup>20</sup> Ñai ilog irer da. Kabelan ñai anñsam na ñupalu dop, ñaisag ilo sou lo anñ dugo amado dop ñilian o ilog ibol dan, ago ta ñilian banau. Agod fon, kabelan anñ dam ñai tamol naog dugo aliag o ilom ibol dan ago ta aliag banau. Kabelan kagin naok igo yak anñ luluñam lo yen banau. Nug paek kagin, turak susak kagin, tiñae saiak kagin, onñse mi wo ilo sou gane san kagin, pilapil ru kagin, uf kagin, kabuñña sakar kagin agod urat kubulek kagin. <sup>21</sup> Saen ñai anñsam na ñupalu dop Anut ñai anñ naom na mi ai ipanag an niñen ilog irer da. Kabelan tamolpein a gubak mi au dupas gug ilod ta dibileksa na yan, kagin saiak saiak lo, jeit kagin lo, kagin nun aman da yak lo, ditor yau na yan niñen patud ta dupani banau. Ñai kagin naok ago yak ñile tap man, ñai mi ai ifunag dop tinanñ ñigane wa.

## 13

*Pol Korint adi ru kagin irupidai a*

<sup>1</sup> Gamu ñaisag turenñ saen utol anñsam na ñupalu da wa. Saen anñ talpein ta ru apani wo dan, anñ imug mi tamol uraru boi, tia, tamol utol boi, inñsed malad lo talpein a muruan igane dugo dile yan anñal pe, balsiñanek ru dubol ilasap alonñ a. <sup>2</sup> Nek ibol ñai ñaisag turenñ saen

uraru tinin te yan lo an̄sam na n̄pulu ante ru kagin n̄rupaian̄ an igo won̄, gamu n̄ai fon an̄sam na n̄pulu da wo ru naon kisaek en fon n̄abol da. Saen n̄ai n̄amul dan, tamolpein a gubak mi aupasek digane na yan, fon gamu ago mi digane yau dan, patud n̄pasi san tia ya. Tia, bitinaek lo n̄diraip muruan tubun ak n̄pudinai a. <sup>3</sup> N̄ai ago n̄igane yan lo man, Kristus n̄ai ilog lo irupaiag dugo dal ikubiai panag dan ale alon̄ uyan mok a, man dugo, mel ta n̄ai yan̄ag anda yak ago ikubiai pan̄an̄ san ilom ibol da. Aria, kagin agane wa, saen n̄ai an̄sam na n̄pulu wan kulob dabai anda yak n̄igane wan kuai tem ale wa. Kristus an̄ luluñam lo dabai an ta tia na ya. Tia. An̄ luluñam lo man in̄ dabai geig a. <sup>4</sup> Rumok, wagam in̄ dabai aman tia an lo in̄ aigim fo dubali a, ago gug in̄ maten̄ lo imasag gamu Anut san dabai lo mi kumaen imado da. Nek ago mi mañ Kristus da tinima tan en san an dabai amam tia ya, ago gug man Anut san dabai lo mañ in̄ da sisem dabai amama da ya, an lo mañ in̄ da mumado dop an̄ mibinawan̄ a.

<sup>5</sup> An̄ an̄anem ilo rumok lo sem ibitinian̄ dop alon̄ a, an̄ ilo rumok san dal ari uyanan boi, tia boi, an alon̄ uyan a. An̄ sem ikubianan̄ dop ale wa. Jesus Kristus in̄ an̄ lo imado da, dugo, an ta alon̄ na i? Kabelan saen an̄ sem ibitinian̄ dop man, an̄ ta Kris mok na yan ale banau. An fun man Jesus an̄ lo ta imado na da! <sup>6</sup> N̄ai ilog yen dak man, saen mañsama kulob bitinaek lo adiri dop, an̄sam leil lo mañsama urat an̄ luluñam lo nuñon anda, an kuai te ale wa. <sup>7</sup> Mañ Anut mugudani da, ago dop man an̄ ibinawan̄ dop kagin saiak ta lo au adu san tia ya. An̄ mañ Kristus san urat tamol igo aliama wo ru igo ta mabol na da. Tia. Gidad mañ urat tamol sewak ak abol a, ago gug man mañsama ilo sou tubun man an̄ an̄anem kagin itaot ak mi agane wo mamat da. <sup>8</sup> Man dugo, mañ kagin ta lo ru rumok ak malan musue wo migane san tia ya. Tia, kagin a ru rumok ak ibalsin̄ani

san an mi mañ ka migane wa. <sup>9</sup> An n̄inen o an̄ dabai amam da amado dop mañ dabai amam tia tap, an uyan a. An n̄inen o an̄ an̄anem Kris kagin akubunep dabai ilasa san n̄inen o pempem Anut mugudani da. <sup>10</sup> N̄ai ru dabai en saen n̄ai an̄ giran̄em na ta n̄umado na dugo n̄igire ya. Man dugo, saen n̄ai an̄sam na n̄pulu dop, ru dabai nam n̄rupaian̄ dop an̄anem kagin n̄ukubune wo ilog ta yen na da. Tubun en sen mi n̄ai an̄anem ilo rumok dabai n̄upani san urat awan en ipanag a, in̄ n̄ai an̄ n̄bian̄ adu wo urat en ta ipanag na ya.

### *Pol san ilo uyan ru*

<sup>11</sup> Teig taog, gamu n̄ai ru wadan n̄ufutani dugo ilo uyan ru n̄rupaian̄ da. An̄anem kagin naok naok akubune wa. An̄ n̄aisag ru kagin alon̄ uyan a. An̄ ilom atumanip bubem kisaek amado, maror lo amado wa. Ago dop Anut a in̄ ilo panek san, maror san dam, in̄ an̄ da amado wa. <sup>12</sup> An̄ nugnug lo nug musuk gun ak apani dop nug ilo uyan apani wa. <sup>13</sup> Anut san tamolpein fidian etna dumado den an̄ ilo uyan ru durupaian̄ da. <sup>14</sup> Jesus Kristus idsad Tubun en san ilo maror, Anut san ilo panek, agod ilo tumanek e Awan Urgun lo yen den an̄ da amado. Rumok.

## Galesia

<sup>1</sup> Nai aposel Pol. Nai tamol adi ta didinag go nator na ya. Tamol ta nai bilalun urat lo ta iginiag na ya. Tia, urat en man Jesus Kristus, Bai Tubud enti a mutou lo ifufunig yabisa yan da, in sed nai banig lo digane ya. <sup>2</sup> Nai teig muroug Kris ak dadi fidian mumado dugo, nai girek en an tamolpein Galesia distrik san midaen fidian sam na niganeg ipalu da.

<sup>3</sup> Idsad Bai Anut, idaned Tubun ak Jesus Kristus da, in sad ilo panek agod ilo maror an lo yen o nugudani da. <sup>4</sup> Kristus idsad Tubun ak, idsad aupasek ipasi san ninen o, in anen kumaen an ibisei a. Kagin saiak saiak gamu tan en lo yen den, in san mater an lo id in iadiad go patud ipasi a. Saen in ago igane man, in Bai Anut san ilobol an iri pani a. <sup>5</sup> Ak ninen o id nal fidian lo Anut in anen yan an mi pempe tabisap yau a. Rumok.

### *Bilalun uyan ak man in kisaek mi a*

<sup>6</sup> Nai narut saian da, man dugo, an Anut enti a Kristus san ilo panek lo igian an patum apani kisaek on a. Agog an abileksag malam yang bilalun senamo geig an ale dugo an mi ari apani da. <sup>7</sup> Bilalun naon sen ak taida mi ak i? Tia geig a. Ak gug aenta e dumado den maeg diganep an ilom muruan dupanan a. Kristus in anen bilalun uyanan en naon sensen in dubulisa dibilila wo ilod ibol da. <sup>8</sup> Alon uyan a. Man boi, tia, enel adi kumaen panu lo yak ta boi, bilalun wagam man imug murupai an mirinanip, bilalun sen ak ta murupai an tap, aria, man mi misilane ru lo madup Ades lo mumado wa. <sup>9</sup> Aria, man ru a wagam murupai an nai gamu fon nurupai an da. Talpein ta bilalun naon sen ak ibol ilasag, bilalun a an anane la yan ida naon kisaek tia tap, Anut in imisilanip Ades lo yau a.

<sup>10</sup> Ru e gamu nai nabol den lo man, tamol adi nai ninen o ilod uyan panag dak ninen o ilod ninane di? Man tia ya, Anut mi nai ilo uyan ipanag o ilog ibol da. Gug an dag nai tamolpein ilod uyan o mi urat nigane dan ago ilom isou di? Alon uyanan. Nai kagin an ago mi nigane yau tap man, nai Kristus in anen urat tamol mok tia ya.

### *Pol san bilalun man Kristus awan lo mi ilasa ya*

<sup>11</sup> O teig adi, an mel en alon uyan o ilog yen da. Bilalun uyanan a nai imug mi nupitenanan se yan man, tamol adi sad bilalun tia ya. <sup>12</sup> Nai bilalun en tamol sen ak lo ta ninane na ya. Tamol ensauta adi dam nai ta dukubiai dupanag na ya. Tia, saen Jesus Kristus in sen tinin walal te ilasa dugo nile yan lo, bilalun ru en nai ikubiai ipanag a.

<sup>13</sup> Aria, Juda sad kagin a nai imug mi niri pani se yan ninen o man an alon la ya. Nai man Anut san midaen fidian sad tamolpein nuparfufai dudu san kagin lo nator sakar na ya. Ilo rumok tamolpein wei mok nai nipitininai se ya, an lo in anen midaen fidian daon nupidinai o wagai nigane se ya. <sup>14</sup> Naisag tamolpein lulunad lo Juda adi sad ubou leil kagin lo nai imug mi nau a, agod nai tamol wei mi in aned ananar naisag da naon kisaek mi an niri nanai a. Man dugo, naisag malag kubulan sad tamol kagin niri wo tubun mi ilog nupani na ya.

<sup>15</sup> Ak man, nai tinag gamugo iginiagsi dugo Anut nai kob ipanag la ya, agog murnag in san ilo panek lo dam nai igiag a. <sup>16</sup> Saen an lo Anut ilo uyan lom, in anen Nanun nai naog na kuai tem ikubiai panag a. Ago dop lo tamolpein Juda tia yan lulunad lo Kristus ninen o mi ru nifulale wa. Ak gug saen an lo nai tamol aenta tan en san dadi ta mukubiai na ya. <sup>17</sup> Agod nai gamugo dugo aposel adi a in imug dumado yan, neil san ninen o Jerusalem na ta nau na ya. Tia, nai Arabia adi sad tan an lo nau ante numado ya. Ago



gug murnag Damaskus na afon n̄amul n̄au a.

<sup>18</sup> Anteg anan̄ar utol yau gug, Jerusalem na Pita da mukubiai o n̄au a. Ante nal 15 mi in̄ da mumado ya. <sup>19</sup> Saen an lo n̄ai aposel aenta n̄eil man tia ya. Jems, Tubun ak san tein, nek in̄ mi n̄ile ya. <sup>20</sup> (An lo gamu ru e an̄ o n̄igire den, rumok mi, Anut naon na igo n̄abol da, n̄ai an̄ ru sewak ta n̄upan̄an̄ na da.) <sup>21</sup> Aria, n̄ai Siria distrik lo n̄adug, Silisia distrik lo dam n̄au a. <sup>22</sup> Saen an lo Kristus san midaen̄ adi Juda na dumado dan in̄ n̄ai naog ta dile na ya. <sup>23</sup> In̄ n̄aisag ru tim mi dulon̄ se ya, “Tamol a imug id ifunad tamat o igane se yan, gamu en ilo rumok san ru ibol ilasa da. An lo ilo rumok a imug malan issue san nin̄en o wagai igane na yan, gamu nek amaiak mi dabai ipani da.” <sup>24</sup> Fun an nin̄en o in̄ n̄ai nin̄eg o Anut yan̄an diabisa ya.

## 2

### *Aposel aenta Pol dadi ilod kisaek a*

<sup>1</sup> Murnag anan̄ar 14 yaug, Barnabas n̄in̄aneg fon Jerusalem na mamul a. Taitus dam ida mau a. <sup>2</sup> Man dugo, Anut in̄sen n̄ai Jerusalem na n̄au o ikubiai panag a, an nin̄en o n̄ai n̄aug atna n̄umado ya. Ante n̄ai ubou leil san tamol adi dadi mukubiai dugo, bilalun̄ uyanan a gob adi lulun̄ad lo n̄abol ilasa se yan naod na n̄ufulaleg dulon̄ a. (Gug mianuk lo mi tamol adi a yan̄ad tubun ak amad da yan dida bilalun̄ awan an san fun dam n̄ufulaleg dulon̄ a.) Kabelan n̄aisag piten̄anek dibitinae dop n̄ai naok naok aenta lo kawan n̄umaspalu se yak ago dubol banau. <sup>3</sup> Aria, Taitus in̄ n̄ai da mumado ya, in̄ Grik dar bo man, gurman adi Juda sad mulun̄ lo idu san nin̄en o n̄ai ta disadudunag na ya.

<sup>4</sup> Gug rumok, teid sewak adi in̄ dimianuk on̄ go, mañsama tumanek lo disadu ya. Id wagam kubiaen̄ san subanek lo tumado na ya, gug gamu patun fo tilasag tumado da. Fun man id Kristus da tutumani an lo mi a.

Tamol sewak adi mianuk lo disadu yan san fun man, idsad madok foun ak lo tator dan nin̄en o aban̄ dikibiani wa. In̄sad ilobol igo ya, id afon in̄sad subanek an lo tiladu san nin̄en o disadudunad a. <sup>5</sup> Ak man man̄ an̄ nin̄emi wo, in̄ awad paen na ta mumado na ya. Man tia geig a. Amaiak lo bilalun̄ san ru rumok an̄ lulun̄am lo itaot mok pempem yen a.

<sup>6</sup> Tamol adi a midaen̄ san leil lo yan̄ad anda yan, in̄ n̄aisag ru en awan ta dibate na ya, man dugo, n̄aisag piten̄anek fidian itaot a. (N̄aisag ilog lo man, rumok in̄ yan̄ad da i? Tia i? An man mel tusan a. Anut in̄ tamol yan̄ad amad da yak nin̄edi wo mi ilon ta isou na da.) Aria, tamol a yan̄ad amad da yan in̄sad ru ta n̄aisag ru ta fo dubate man tia ya. <sup>7</sup> Tia geig a. In̄ Anut in̄sen bilalun̄ uyanan n̄ufulale san urat banig lo igane yan dile uyanan a. Nek ibol Anut imug Pita ipilianig Juda tamolpein naod na bilalun̄ uyanan ibol ilasa yak igo won̄, n̄ai itarpasag go tamolpein Juda tia yan ru n̄abol dulon̄ san an dam dulon̄ uyanan a. <sup>8</sup> (Man dugo, Anut a Pita lo Juda tamolpein bilalun̄ uyanan dulon̄ o urat igane se amaiak n̄ai lo dam gob adi nin̄edi wo urat kisaek nek an igane se ya.) <sup>9</sup> Aria, saen Jems, Pita, Jon da n̄ai awag dulon̄ an, ilod isafulale man Anut n̄ai lo in̄san ilo panek iganeg in̄san urat n̄igane wo ipanag a. (Tamolpein aenta tamol utol an “midaen̄ san bag tamol” igo dubol da.) An nin̄en o n̄ai Barnabas da in̄ banid won ak duwate dugo banid mabi a. In̄ man̄ da nug tein taon igo won̄ din̄iliama ya, man̄ in̄ dida iloma kisaek go awama mutumanig igo mabol, man̄ uraru gob lulun̄ad lo bilalun̄ urat migane wa. Gug in̄ man̄ Juda tamolpein lulun̄ad lo bilalun̄ urat digane wak ago dubol a. <sup>10</sup> Ru kisaek mi igo durupaiamag dubol, man̄ tamolpein moni amad tia yan iloma isou wa. N̄ai kagin nek amaiak mi nin̄en o ilog tubun mi yen na ya.

*Pol Pita ibubun̄ani a*

<sup>11</sup> Ak man murnag saen Pita Antiok na ipalug ilasa man, ηai Kris midaen naod na malak malak ηububunani a. Man ata wo? Kagin a Antiok na igane se yan ta uyan na ya. <sup>12</sup> Man dugo, tamol aenta Jems san na yak gamugo dupalu dugo, Pita inη Kris tamolpein a Juda tia ak dida ananη diani se ya. Ak gug saen tamol an dilasa yan lo man, isuk imul go asau mi yau a, inη ibol dida nug turan tia yak ago igane ya. Man dugo, mulunη lo dudu yak san tamol niηedi wo irer a. <sup>13</sup> Agod Juda aenta a Kris dilasag Antiok na dumado dan inη Pita dida sewak kagin digane ya. An lo Barnabas dam inηsad kagin sewak an iri panig balek uraru san kagin lo idu ya.

<sup>14</sup> Gug saen ηai ηeil ak man inη bilalunη san ru rumok ta diganuri itaot na ya, amaiak niηen o ηai fidian naod na Pita igo ηurupeig ηabol a. “Onη Juda dar lo lasa bo man Juda sad kagin ta uri pani na da. Tia, onη gob adi sad kagin lo ago utor da. Ago tap, ata wo onη gob adi Juda sad kagin an diri dupani wo susunani dak i? <sup>15</sup> Onη ηai da Juda sad dar lo tilasa ya, id ‘aupasek san’, nek ibol gob adi igo wonη, id ago tia ya. <sup>16</sup> Id igo talonη la ya. Talpein ta Moses san kubiaenη iri ipani dan lo itaotan ilasa san tia ya, tia, Jesus Kristus lo ilon rumok dan inη itaotan ilasa wa. Aria, onη ηai da Anut malan lo itaotan tilasa san niηen o Jesus Kristus o ilod rumok a. An man kubiaenη san kagin naok naok a tigane dan lo man tia ya, man dugo, dal amaiak lo talpein itaotan ilasa san tia geig a.”

<sup>17</sup> “Aria, saen id Kristus lo itaot tilasa wo maeg tigane dugo, id aupasek san dal lo tator tau dan ago tile talonη man, onη dugo ilo isou di? An fun man dugo, Kristus inηsen id iduduwad go aupasek lo tiladu yak i? Man tia geig a! <sup>18</sup> Man dugo, ηai Moses san kubiaenη tiri tupani san kagin naok naok amaiak ηurube la ya. Aria, mel a ηurube la yak, an afon ηususe tap man, ηai kubiaenη pilalek tamol igo wonη ηilasa da wa. <sup>19</sup> Man dugo, kubiaenη an ifunag ηamat a, an lo na ηai afon

kubiaenη paen na ta ηumado na wa. Tia, gamu kubiaenη an san ar patun fo ηilasa yan niηen o, ηai Anut mi paen na ηumado da. <sup>20</sup> ηai aigim fo ηayuk go Kristus inη ηai da sisem mamat ak igo wonη a. Ago bo man, ηai kumaen ηumado da. Ak gug kumaen an ηaisag tia ya. Tia, Kristus inη ηai lo kumaen imado da. Ago yak niηen o madok e tan en lo yen den niηen o, Anut Nanun o ilog rumok san dal an lo mi ηiri ηupani da. Inη ilo panek ipanag a, agod sen tinin ibisei panag a. <sup>21</sup> Man niηen o, ηai Anut san ilo panek an mel kawan ak igo wonη ηigane ilasa man tia ya. Man dugo, Moses san kubiaenη an lo mi id itaotan tilasa tap man, Kristus imat an nuηon tia ya.”

### 3

*Ru kubiaenη uri panek san kagin, tia, ilo rumok san kagin?*

<sup>1</sup> O Galesia, bururau ami enti ηiηeo ipanη ak i? Manη Jesus Kristus nek mukubiai panη la ya. Anηsem malam mok lo aigim fo iyuk dugo ale yak igo wonη a. Enti iganeg anη ilom ibilisa yak i? <sup>2</sup> Mel kisaek en niηen o mi ηusumiananη da. Dal dugo yak lo anη Awan Urgun anηane yak i? Ru kubiaenη san dal lo i? Tia, bilalunη uyanan inηsan ru o anη ilom lo rumok ak san dal lo i? <sup>3</sup> Ak dugo, anη dag bururau igo yak i? Agog Urgun da fun agane gug tinik san kagin lo mi wadan afutani dak i? <sup>4</sup> Dag muruan imug mi anη lo ilasa yan, an anη sen ka asini ak i? ηai ilog ibol dak man, an sen ka ta asini na ya! <sup>5</sup> Anut inη Awan Urgun anη ipanη dugo kulob girager funfun dam anη lulunηam lo igane ya. Ata wo inη ago igane yak i? Dag inηsan ilo sou lo man anη ru kubiaenη ari apanid amaiak niηen o i? Tia, nag anη bilalunη uyanan en inηsan ru alonη go ilom lo rumok ak lo ago igane i?

<sup>6</sup> Ru e girek lo yen igo ibol a. “Abraham inη Anut san ru niηen o ilon rumok a. Ago yak niηen o Anut sen inη niηen o tamol itaotan ak ago ibol a.”

<sup>7</sup> Man niηen o anη igo alonη uyanan a,

tamolpein a ilo rumok amad da yan mi in Abraham nanun muroun mok a. <sup>8</sup> Ru e wagam mok Anut san girek ilon lo yen en igo ibol, "Onj tini lo gup tamolpein tan titin fidian lo dumado dan bar uyanan ak diñane wa." Ru an Anut sen Abraham ipani a. An alon ak, bilalun uyanan a gamu tabi dan san fun man, ru a Anut Abraham ipani an ilon lo yen a. An ninen o id igo talon ak, ru an mel e murnap ilasa san ninen o ibol man, Anut malan lo gob adi inaned ilo rumok lo idiraip itaotan dilasa wa. <sup>9</sup> Amaiak ninen o ensauta a ilo rumok amad da yan in Abraham da sisem bar diñane wa, man dugo, Abraham in ilo rumok tamol a.

<sup>10</sup> Fidian a kubiaen mi duri dupani dugo, an lo Anut patud ipasi wak o tini ganei digane dan, in misilane ru paen na dumado da. Man dugo, ru e girek lo yen den ibol, "Talpein ta mel fidian a kubiaen san buk lo yen dan lo ta itur sakar na tap, in misilane paen na imado wa." <sup>11</sup> Aria, girek lo ru e yen den igo ibol, "Talpein itaotan man sinanen ilo rumok lo kumaen imado wa." Amaiak ninen o id kuai tem tile talon ak, talpein ta Moses san kubiaen iri ipani dan lo, Anut malan lo in itaotan ilasa san tia ya. <sup>12</sup> Gug Kubiaen man ilo rumok san mel tia ya. Man ata wo? Anut san ru igo ibol a. "Talpein enti a kubiaen san kagin naok naok fidian igane mok dan, dal amaiaik lo mi kumaen inane wa." <sup>13</sup> Id fidian kubiaen san misilane paen na tumado dan, Kristus in jiliad go misilane an patun fo tilasa ya. Dugo wonj i? Insen man id nined o misilane paen na idug imado ya. Man dugo, ru e kubiaen ilon lo yen den igo ibol a. "Talpein a ai fo iyuk dan Anut san misilane paen na imado da." <sup>14</sup> Amaiak ninen o Kristus in Anut san misilane lo ipasad go patud ipasi a. An lo dop Jesus Kristus lo mi bar a Anut Abraham ipani an iganep gob adi diñane wa. Ago dop man id fidian, ilo rumok lo mi, nek ibol Anut san promis irupaiad ago wonj, id Awan

Urgun tinjane wa.

*Moses san kubiaen, agod Anut promis ru ipanad an da*

<sup>15</sup> O teig adi, nai gamu tou niganag lo piteñane a ñurupaian dan san awan ñubate wa. Tamol ta in mitep imat ak ninen o ilon isou tap, in melmel nanun muroun lo itarpasip ipidinai san ninen o, roun fo igire da. Aria, girek an igane itout gup girek an dabai anda yen da. Saen an lo gup, talpein ta girek an nunon tia yak ago igane ilasa san man tia ya. Agod in ru kitek ta girek an awan ibatep ipani san dam tia ya. <sup>16</sup> Aria, Anut in san promis ru an Abraham mi ipani wo man tia ya, tia, Abraham in anen kubulan da mi promis an ipidinai a. Alon uyan a. Anut Abraham in anen malan kubulan dadi promis an ipidinai o ago ta ibol na ya. Man dugo, Anut tamolpein wei mi ninedi wo ilon ta isou na da, tia, tamol kisaek murnap ilasa wan ninen o mi ilon isou da. Tamol an nek Kristus. <sup>17</sup> Naisag ru en san fun man igo ya. Anut in san promis Abraham ipani an lo, kontrak igane ya. An lo Kristus, gidad in gamugo ilasa bo man, kontrak an in dam inane yabi a. Aria, Abraham imat la gug, anajar 430 yaug Moses san kubiaen ilasa ya. Ak dugo, kubiaen a murna geig gug ilasa yan, promis a Anut wagam mi Abraham ipani an ipasig, itout go, an lo promis an nunon ta ilasa na wak i? Man tia geig a. <sup>18</sup> Ak dugo, melmel a promis an lo mitep tinjane wan, kubiaen tiganuri dan lom tinjane wak i? Ago tap man, promis a Anut Abraham ipani an nunon tia ya. Gug id talon ak, Abraham in Anut san promis an lo mi kontrak an inane ya. Ak dugo, Anut san promis a igane yan nunon tia yak i? Man tia geig a. Amaiak ninen o id talon ak, id melmel uyanan a mitep tinjane wan, kubiaen tiri tupani dan lo mi tinjane san tia ya.

<sup>19</sup> Ak ninen o ago tap, aria, ata wo Moses san kubiaen ilasa yak i? Anut kubiaen Moses ipani an fun man, tamolpein in inaned aupasek san kagin

naok naok an dile dulong a. Anut kubiaen igansig yen yaug saen idaisuda amaiak lo, Abraham san kubulan a ninen o Anut promis ibol pani an nunon ilasa ya. Taida mi, kubiaen enel adi lo ipalu yan, agod Moses, Anut san titinae tamol, amaiak san banin lo dam ipalu ya. <sup>20</sup> Aria, naj titinae tamol ta ninen o nabol da, amaiak ninen o ru fanan en naisag ru ilon lo yen da. Moses san kubiaen man Anut san promis a Abraham ipani an idaisuda san tia ya, man dugo, tamol ta banin, enel adi sad banid da kubiaen an diabig, aria, kubiaen an urat isini a. Ak gug Anut insen kisaek mi promis igane ya, an ninen o mel a Anut insen kisaek mi iganei dan, mel an titinae tamol dadi dutumanig diganei dan irinani a. Fun amaiak ninen o Anut san promis man mel malan te ya.

<sup>21</sup> Ak dugo, Moses san kubiaen man Anut san promis inanen ager i? Man tia ya. Man dugo, Anut in kubiaen naon senamo geig ak ta ipanad pe, an lo kubiaen an idirad pe kumaen tumado tap man, rumok nunon, kubiaen lo mi Anut malan lo id itaotan tilasa wa. Gug ru kubiaen naok ago yak ta yen man tia ya. <sup>22</sup> Amaiak ninen o Moses san kubiaen ta ibinawad na da. Tia, Anut san ru girek igo ibol, tamolpein fidian in aupasek san subanek lo mi dumado na ya. Anut mel an ile funi dugo ilasa ya. Ago pe tamolpein a Jesus Kristus o ilod rumok dan nek amaiak mi, mel a Anut san promis ru ilo rumok adi ipidinai an, mel an dinane mok a.

<sup>23</sup> Aria, saen ilo rumok san dal gamugo ilasa yan lo, kubiaen man id subanek lo idirad go tumado ya. Subanek an ilon lo mi tumado yaug Anut ilo rumok san dal iganeg kuai isi san saen ilasa ya. <sup>24</sup> Kubiaen man id-sad titianek tamol igo won a, kubiaen an kagin ipanad yaug saen Kristus tan na ipalu yan lo itout a. Gamu saen pempem mi id Anut malan lo itaotan tilasa san dal man igo ya, id-sad ilo rumok man Kristus lo mi a.

<sup>25</sup> Amaiak ninen o Kristus ipalu yan lo, id afon kubiaen a titianek igo won an paen na ta tumado na wa.

#### *An Anut san nanun muroun*

<sup>26</sup> Man dugo, an Jesus Kristus da atumani an lo an fidian Anut san nanun muroun mok a. Ananem ilo rumok in lo yan ninen o mi mel an ilasa ya. <sup>27</sup> Man ata wo? An ensauta a Kris adi sad fulanek lo Kristus da atumani an man, Kristus atabub ak igo ya. Nek ibol yamel ta ananem tinim abuluwi igo won a. <sup>28</sup> Fun amaiak ninen o gamu gup ta in Juda tamol, ta in Juda tia yak, enti in bigabeg urat san subanek lo imado dan, enti inanen ilobol lo mi itor dan, enti in tamol, enti in pein, yanak an ago ta tipate na wa. Yanak naok ago yan man mel kawan a. Man dugo, gamu an fidian mi man Jesus Kristus lo kisaek a. <sup>29</sup> Amaiak ninen o an Kristus san tap, an dam Abraham san malan kubulan mok a. An ninen o an Abraham san malan kubulan tap, Anut san promis ru a Abraham ipani an dam an sam mi a, ago dop inanen bar an dam anane mok a.

## 4

<sup>1</sup> Naisag ru naok man igo ya. Tamol ta nanuk lo mi taman aben inanep san melmel kagin ta ipani na da. Tia, in nanuk lo man nek ibol taman san urat pinein igo won a. Gidad melmel an fidian in muroun, ago bo man imado yaup inanen saen idaisuda gup, melmel an fidian in yan an paen na dien a. <sup>2</sup> Nal a taman ipate pani an gamugo ilasa dop, in tamolpein paed na imado wa, nanuk an taman in tamolpein ipilianaig an lo in nek ibol titianek tamol adi igo won nanuk an kagin dupani wa. Taman in titianek adi dida inaned waged lo mi nanuk an imado se ya.

<sup>3</sup> Id dam wagam ago ya. Saen id nanuk on man, id tan, ai, pat, did san tubud adi dabai amad tia yak paed na inaned urat pinein igo won tumado na ya. <sup>4</sup> Ak man nal a Anut ipateg ilasa yan ate inanen Nanun igane idu ya. In



pein ta tiñaen lo ilasa ya, Juda adi sad kubiaen an paen na dam imado wo ago ilasa ya. <sup>5</sup> Anut ago igane amaiak lo tamolpein a Moses san kubiaen paen na dumado dan injiliaip ipasai imul a. Anut injanen Nanun igane idu yan ninen o id fidian Anut san nanuk njilanj ka tilasa wa. <sup>6</sup> An Anut injanen nanun igo won amado da. Man ninen o Anut in Nanun san Awan Ur idinig ipalug, id bubed ilon lo iladu ya. Ago yan lo Awan Ur id ilod yabisa dop, Anut tiwagin pe, “O Bai,” ago tabol a. <sup>7</sup> Amaiak ninen o on urat pinein kawan igo tia ya, tia, on Anut san nanun mok a. Aria, on injanen nanun mok tap, Kristus lo gup melmel a fidian Anut injanen nanun muroun mok ipidinai an, on dam ipano wa.

#### *Pol Galesia ninedi wo ilon muruan a*

<sup>8</sup> Wagam an Anut mok ak ta alon na ya, saen an lo an ai, pat, tan sad tubud tusadi a anut mok tia yan mi paed na amado dugo, inaned urat pinein igo won biabi ad agane se ya. <sup>9</sup> Ak gug gamu an Anut alon a, tia gidad naj ka igo njabol a, gamu gug Anut an ilon a. An ninen o ata wo fon amul pe tamol kagin an paed na sem idiran au o di? An an dibinawan san tia ya, fun dugo, in nunon tia ya, agod dabai amad dam tia ya. Ak dugo, an afon inaned subanek ilon lo amado wan ninen o ilom ibol di? <sup>10</sup> Naj nje yak man, an nal fidian ansam ilo sou igo yen da. An nal tubun tubun ak mi ninen o mala nouk amado da. Kalam foun ak san nal, ubou tubun ak san nal, ananar foun ak san ubou idu yak san nal, nek an mi ari apani da. <sup>11</sup> Naj anjanem kagin naok an ninen o ilog saian da, kabelan najneg urat an lulunam lo njigane yan kawan banau.

<sup>12</sup> O teig taog, saen naj an lulunam lo njumado se yan, muruan ta apanag man tia ya. Tia, nek ibol an Juda sad kubiaen patun fo amado se yan ago won, naj dam, kubiaen patun fo njumado se ya. Amaiak ninen o, naj mel en ninen o njuguduanan da. Kubiaen a

naisag madok wagam ak itirni na yan njibisei la ya, an dam nek ago amado wo ilog ibol da.

<sup>13</sup> An ilom isou dak i? Naj turen naji wo dugo subam ta ifunag a, fun an ninen o naj imug mi ansam na njupalug bilalun uyanan san ru an naom na njufulale ya. <sup>14</sup> Agod subam a naj tinig lo ilasa yan muruan tubun geig an ipanan a. Ago bo man an naom sakar go aliag saian dop abianag man tia ya. Tia, an naj anjiliag ak nek ibol Anut san enel igo won a, tia, nek ibol Jesus Kristus injen mi ak ago anjiliag go kagin ag agane ya. <sup>15</sup> Ilo uyan an wagam an naj da nug lo tigane na yan dugot na yau ak i? An dag ideg yau boi. Rumok, naj an njemi wo ru en ka njabol a. Nal an lo mi dal ta yen tap, an ilo uyan tubun geig lo naj abinawag o sinjanem malami apasip apanag a. <sup>16</sup> Naj ru rumok ak mi njabol a. Nek amaiak lo, dugo, naj ansam ager igo won njilasa yak i?

<sup>17</sup> Teid sewak adi a wagam ninedi wo njurupaian an in an tubun mi dipitianan na ya. Ak gug in ilo sou uyan ak lo ago digane man tia ya. Tia, in mansama na an naom diabiani wo ilod ibol da. In ilod igo igire ya, an inaned ar lo asadu dop lo an in mi apitianai a. <sup>18</sup> Rumok, an naj apitianag o tap, kagin an saen fidian yen o man uyanan a, ak gug ilo sou uyan mok ak lo mi ago agane wa. Agod saen naj an da tumado dan mi ago agane boi tia, saen naj asau mi njumado dan dam ago agane wo ilog yen da. <sup>19</sup> O najneg nanug adi, naj fon madai njukubiani dak, nek ibol pein nanuk igansi wak san madai igo won, maeg njigane yau dop Kristus an bubem ilon lo fon ilasa wa. <sup>20</sup> O kabel, naj gamu an da tumado dop ru mos nam njurupaian o ilog ibol da. Ak gug tia ya, ru dabai mi njupanan da. Man ata wo? Naj an njemi wo ilog tinan anda njumado da.

#### *Hagar in Sara da sad ru fanan*

<sup>21</sup> Aria, an ensauta a Moses san kubiaen paen na amado wo ilom ibol dan, naj awag alon o kududom agure.

Ak dugo, an kubiaen an san fun mok alon uyan i? <sup>22</sup> Man dugo, kubiaen ilon lo id tusutig talon ak, Abraham in nanun tamol ak uraru a. Nanun a imug mi ilasa yan insan urat pein tijaen lo ilasa ya, agog nanun a murnag ilasa yan insinanen iwon mok tijaen lo ilasa ya. Iwon Sara an insan urat pein tia ya, tia, in kawan imado itor a. <sup>23</sup> Abraham insinanen ilo sou mi irig an lo urat pein an nanuk igansi. Ak man iwon mok man nanuk ago ta igansi na ya. Tia, in Anut san promis Abraham ipani an lo nanuk igansi a.

<sup>24</sup> Aria, pein uraru en sad am san tou igo ya. Pein uraru en man kontrak uraru Anut igane ilasa amaiak sad mitilaen. Kontrak malan malan an did Sinai san a. Nanuk fidian a kontrak an paen na dilasa yan man bigabeg urat san subanek lo dumado dutor da. Pein Hagar dubol dan kontrak an ate tou ipani a. <sup>25</sup> Aria, did Sinai an tan Arabia ilon lo yen da. Hagar in did an ate tou ipani a, agod in dam Jerusalem e gamu yen den ate tou ipani a. Man dugo, Jerusalem in nanun muroun dadi bigabeg urat san subanek lo dumado da. <sup>26</sup> Ak man Jerusalem lak na san man ago tia ya. Tia, tamolpein ate man bigabeg urat tia kawan dumado da. Id aben an san a. Sara aben an naon inane dan ninen o idsad tinad man Sara, Abraham iwon. Agod pein an kubiaen san subanek ilon lo ta imado na ya. <sup>27</sup> Girek lo igo ibol,

“O niganig pein enti nanuk ta gansi san tia yan, on uya isusa wa.  
On enti nanuk gansek san madai ta kubiani na dan, masap ilo uyan lo sasai a.  
Man dugo, on niganig pein bo man, onsa nanuk dusuti tap,  
on sa nanuk san sutek man, pein a iwon da yan inanen nanuk san sutek irinani geig a.”

<sup>28</sup> Aria, nai teig taog, an man ibol Abraham nanun Aisak igo won Anut san promis ru lo alasa ya. <sup>29</sup> Ak gug Abraham san saen lo, nanuk a Abraham sinanen ilo sou lo ilasa yan,

muruan tubun mok nanuk a Awan Urgun san dabai lo ilasa yan ipani a. Agog kagin an dam nek gamu ago mi yen da.

<sup>30</sup> Ak man girek lo ru ta muruan an ninen o dugo ibol ak i? An igo ibol, “On gidad urat pein in nanun da sisem kudai a. Man ata wo? Urat pein san nanuk taman san filian ta inane na wa, tia, iwon mok mi san nanun taman san filian an inane wa.” <sup>31</sup> Ak ninen o teig taog, id man urat pein an san nanun muroun tia ya, tia, id pein a bigabeg urat tia kawan imado dan san nanun muroun mok a.

## 5

### *Kristus lo dop idsiganed aupasek isubanad san tia ya*

<sup>1</sup> Kristus id a Juda sad kubiaen paen na tumado dan ipasad an lo, kubiaen an san subanek fon ta ibiad sakar na wa. Amaiak ninen o an ananem madok foun ak lo atur sakar a. An sem idiran pe fon kubiaen san subanek lo aladu wo ago ta agane na wa.

<sup>2</sup> Aria, nai Pol ru en itaot nurupaian da. An mulun lo adu tap, an Kristus nunon tia yak ago agane ilasa wa. <sup>3</sup> Nai fon nabol da wo da, talpein a mulun lo idu yan, ru kubiaen a Moses san kubiaen ilon lo dien dan, gidad wei geig bo man, an fidian iri ipani wa. In ru kubiaen tusan mok ak ta gigin na igane san tia geig a. <sup>4</sup> On enti Kubiaen lo itaotan lasa wo maeg gane dan, on Kristus san na se ipaso ya. Agod on Anut san ilo panek bisei pasik a. <sup>5</sup> Ak man id a Urgun lo tator dan, id itaot ad tilasa wo ilod yen da. Agod Kristus lo ilod rumok an lo, id itaot ad tilasa san an ninen o mala nouk tumado dan, nunon tile wa. <sup>6</sup> Man dugo, saen talpein ta in Kristus da dutumani dan, gidad mulun lo idu boi, tia, mulun lo ta idu bo man an mel kawan a. Mel kisaek nek en mi in tubun a, id ilo rumok amad da yan lo tamolpein aenta ilod tipidinai da.

<sup>7</sup> Teig taog, an imug mi man amas-palu uyanan se ya. Enti naom ifutanig, an lo gamu an fon ru rumok an ta ari na di? <sup>8</sup> Ilo njanek naok ago yan Anut a an igian an san na ipalu man tia ya. <sup>9</sup> Ilo isou, “Yis kitekan an flawa tubun ak da dukubulip, ifurak yaup iganep flawa fidian ikafut isuda wa.” <sup>10</sup> An njan da Tubun ak lo tutu-man an lo man, anjanem ilo sou mel an ninen o, nek ibol njanisag ago won yen yau ak ago nabol da. Gug talpein a iganeg an ilom ibalkaluk dan, gidad in tamol naok dugo yak, Anut bitinaek lo iganep ai wadan dugo igane amaiak naon ka isini wa.

<sup>11</sup> Teig taog, njan tamol tinid sunulon dutute ninen o nabol yau dop bunun an njan dabai njanpani tap, fun ata wo njan dumisilanag dak i? An ago tap man, aigim san muruan a Juda dukubiani dugo malad lo saian geig dan itout yau a. <sup>12</sup> Gidad, tamol ensauta a anjanem ilo sou dukubuli dan, injananed nabud dutartip dibiliau tap, an uyanan mok a. Njanisag ilo sou nek ago ya.

<sup>13</sup> Teig taog, Anut an Kubiaen san subanek patun fo alasap amado wak o igian a. Ago dop an kawan amado ator a. Ak gug an kawan amado dan ninen o, anjanem tinim san kagin saiak saiak an mi ari apani wo ago ta agane na wa. Tia, an ilo panek lo mi nug abinawi wa, an nek ibol urat pinein ago won ilo sou ago agane wa. <sup>14</sup> Man dugo, kubiaen san ru fidian man itumanig ru kisaek en lo mi ilasa ya. “On sijane tini ninen o umat ago mi, tamolpein aenta dam ninedi wo umat a.” <sup>15</sup> Ak man an goun kasik igo won alasap, aenta afunai dop aniai tap, kagin agane wa. Man dugo, an murnap nug afini dop nug daon apani dop ago amado wa.

### *Awan Urgan san ilobol lo mi ator a*

<sup>16</sup> Njan igo nurupaian da, Awan Urgan san ilobol lo mi ator a. An ago agane tap, tinim san ilo masai an ta ari apani na wa. <sup>17</sup> Man dugo, an sam tinim san ilo masai man Urgan san

ilobol in san ager a, agod Urgan san ilobol dam tinim san ilo masai san ager a. Uraru an nug dufuni won da. Awan Urgan ago igane yan fun man, onane tini san ilo masai an ilasa wo igane dop san dal ifutani pani wa. <sup>18</sup> Gug an Awan Urgan paen na amado tap, Moses san kubiaen ka irinanan a.

<sup>19</sup> Aria, kagin naok naok a tinik san ilobol lo dilasa yan kuai isi a. Jeit kagin, kagin ikokan tia yak, kagin funfun nun anda yak, <sup>20</sup> on tubud ai pat sad mitilaed ubou ad ule dak, nawir ganek, siai, nug funek, turak susai, tinjae saiak, onse mi wo ilo sou gane dak, ilo kisaek kagin umoi, ru rumok onsa doup lo mi yen dugo aenta sad na tia ubol dak, <sup>21</sup> aenta sad filian o mala isi dak, you sakar ak uluk dugo kukok nun anda yak funfun gane dak, agod kagin naok ago yak aenta dam fidian ago mi a. Njan ru dabai anda wagam njanapan la ya, agog gamu fon njanapan da, tamolpein kagin naok ago yak diri tap, in Anut san kagin panek ilon lo diladu san tia geig a.

<sup>22</sup> Ak man Awan Urgan san nunon man, ilo panek, yousai, maror, mos ganek, ilo munjanek, kagin uyanan ak gane dak, onane ru ganuri dak, <sup>23</sup> maror lo mado dak agod se tini titiani uyanan da. Kubiaen ta lo kagin naok ninen o geg ta igane na ya. <sup>24</sup> Agod tamolpein a Jesus Kristus san amaiak in sad kagin wagam ak fidian aigim fufo dubalig, an lo tinik san ilobol agod tinik san ilo masa an da sisem dumat a.

<sup>25</sup> Teig taog, id Awan Urgan lo tator tap man, injanen ilobol mi tiganuri wa. <sup>26</sup> Talpein ta id lulunad lo se pitianoi kagin ta igane na wa. Ansem lo nug ilo saian apani dop nug ta afuni na wa. Agod an nug san melmel o malam ta isi na wa.

## 6

### *Nug san muruan asini*

<sup>1</sup> Teig taog, saen tamol ta an sam midaen ilon lo aupasek igane dop

an mel an kuai apani tap, talpein a pempem Awan Urgun da ditor dan mos nam dibinawip Anut san dal iri da wa. Ansem dam kagin agane wa, kabelan mel an ilom injanep, an dam aupasek naok an lo adu banau. <sup>2</sup> Nug san muruan asini wa, ago dop man an Kristus san kubiaen ibol ago aganuri wa.

<sup>3</sup> Talpein a inſen yaſan anda ibol, gug Anut malan lo in yaſan tia ya, an lo inſen irawi da. <sup>4</sup> Ago gug onſigane urat bitinaek lo gane dop urat an naok dugo yak ka kubiani wa. Fun dugo, onſe ipitiano wo ilo ibol tap, se pitiano i kagin an san fun in tamol sen ak san silali naon lo se yaſa ta wabisa na wa. <sup>5</sup> Man dugo, id anen anen atem idsigane muruan tisini wa.

<sup>6</sup> Talpein a maſau inane dan, inſinanen mel uyan an fidian iwaep, girek maſau a maſau ipiteſani dan da sisem mel an diſane wa.

<sup>7</sup> Ak dugo, on Anut awan patu pani dop in naon muruan ta ipano na wak ago ubol di? Mel an niſen o se ta irawo na wa. Man dugo, talpein ta ai patun naok dugo yak ipae tap, in murnap ai patun naok an mi nuſon mok inane wa. <sup>8</sup> Saen talpein ta ai patun a sen tinin mi kagin ipani san an ipae tap, nuſon man inſinanen tinin ſutun da malan issue wa. Gug in ai patun a Urgun ilo uyan ipani san an ipae tap, nuſon man Urgun in kumaen pempem yen yau san an ipani wa. <sup>9</sup> Amaiak niſen o id kulob uyan uyan an mi tigane san kagin lo tatur sakar a. An ago tigane wo ilod ta isali na wa. Man dugo, murnap idaned naon tiſane san saen gamugo idu dop, id ilod ta idu yau na tap, idaned naon ſiſaok aman an tiſane wa. <sup>10</sup> An niſen o saen id mel uyan ak ta lo tamolpein aenta tibinawai o dal ta tile tap, ka ago tigane pidinai a. Rumok, tamolpein fidian tibinawai a, ago gug Kris adi tibinawai san man malan te ya.

*On talpein foun ak lasa wa.*

<sup>11</sup> Naisag girek en tintinan mi ſigire da, ante dop an alon ak girek en ſai sinag banig mok nam ſigireg anſam na ipalu ya. <sup>12</sup> Tamol ensauta a an muluſ lo adu wo disadudunan dan man inſed mi wo ilo sou digane da. In an niſemi wo ilod ta isou na da. Fun dugo, in Juda aenta muruan dupidinai o dumoi da. Kagin nek an inſad kulob san fun mok. Man ata wo? Juda wei mi Kristus san aigim inſan ager ago dumado dan lo, Juda a muluſ kagin dabai ta dupani na dan muruan dupidinai da. <sup>13</sup> Ago bo man, tamol a muluſ lo dudu yan inſed mi Kubiaen san ru an fidian ta diri dupani na da. In disadudunan dop muluſ lo adu san fun man, an inſad megeloum igo won alasa wa, ago dop Juda aenta malad lo sed ipitiani a.

<sup>14</sup> Ak man ſai seg ipitianag dop, nek ibol in sed ipitiani dak, ago ſigane man ſamoi da. Tia geig a. Kristus san aigim amaiak ſai niſen o mi seg ipitianag da. Man dugo, inſan aigim fo ſai ſamat la ya, ago dop tan en san mala bulbal ſai ilog inane san tia ya. Agod inſan aigim niſen o ſai ilo sou igo ſigane da, tan en san dal fidian an nek ibol mel ta imat la yak igo won a, agod ſai ſuri ſupani wo ſamoi da. <sup>15</sup> Gidad on muluſ lo udu boi, tia muluſ lo ta udu na boi, an mel kabel mi a. Mel kiſaek nek en mi tubun a, Anut mi titiani dop, inſen mi iganep on talpein foun ak lasa wa. <sup>16</sup> Tamolpein ensauta a inſad turen lo ſaisag piteſanek duri dupani dop lo dutor dan, Anut inſan maror agod inſan ilo muſanek dam, ipidinaip lo ago dumado wa. Tamolpein amaiak mi in Anut san Isrel mok.

<sup>17</sup> Saen gamu tumado yau den lo talpein ta ſai muruan ta ipanag na wa. Man dugo, ſai Jesus niſen o tini madai dupanag an san teb ſiſinig ſumado da.

<sup>18</sup> Teig taog, ſai Anut ſuſumiani dop Jesus Kristus idsad Tubun en inſan ilo panek an ſutumi ilon lo ka yen a. Rumok.



## Efesus

<sup>1</sup> Nai Pol, Anut ilon yen ak lo, in Jesus Kristus san aposel ago isikatag a. Nai an Kristus san tamolpein gun a Efesus taun lo amado dugo Kristus mi awan ari apani dan, an sam na girek en njigane ipalu da. <sup>2</sup> Bai Anut mi idsad Tamad, Tubun ak Jesus Kristus lo ilo panek an lo yen dop, ilo maror amam da ka amado wa.

*Urgun san na bar uyan uyan ipalu ya*

<sup>3</sup> Idsad Tubun ak Jesus Kristus in anen Taman, Anut mi in yan yan tabisa wa. Man dugo, id Kristus da tutumani kisaek ak ninen o, Awan Urgun san bar uyan uyan ak fidian a lak na yen dan ipanad go tuburu ya. <sup>4</sup> Saen Anut tan ta igane ilasa na dugo, id Kristus ida itumanad o kob ipanad a. An lo saen id in naon na tatur dan, id gun tumado dop, in malan lo man id ai wadan amad tiap itaot mi ago ka tumado wa. <sup>5</sup> Wagam mi mok, id ninjed o imat an lo, kob ipanad go njilanjil injiliad pe in san nanun muroun mok tilasa san man Jesus Kristus lo mi a. In anen ilon yen ak lo mi, id sinjiren na tau san ilo uyan lo ago igane ya.

<sup>6</sup> Ago dop id in san ilo panek sinjaokan geig an ninen o per tupani wa. Anut san Nanun man in san buben mok a. Aria, Nanun an lo ilo panek a ipanad an sen kawan naon tia ipanad a. <sup>7</sup> Kristus id da tutumani kisaek an ninen o, in anen dar lo in idad injiliad dugo idaned aupasek fidian ipare idu ya. An in san ilo panek tubun geig ak iri pani a. <sup>8</sup> Anut in anen ilo panek id ninjed o tubun geig ipanad a. An lo man au funfun agod ilo safulalek uyan uyan dam ipanad a.

<sup>9</sup> Mel an wagam mi Anut san ilo sou lo mi yen a. Ak man milaen mok in anen ilo sou an imianuk yen a. Aria, gamu gug in anen ilo sou imianuk an kuai tem igane ilasag id ilod isafulale ya. Kristus lo gup urat an yen a.

<sup>10</sup> In san ilo sou igo ya, in mel fidian un ad yabip yau gup, nal a kob ipani antep, mel an fidian Kristus lo mi itumani wa. Mel mel lak na, agod tan na dam, Kristus paen na mi dien a, agod in mel an fidian sad tamad imado wa.

<sup>11</sup> In lo dam Anut id ipilianad go id Kristus san mi a. Man dugo, Anut in mel dugo ilasa san ninen o ilo sou igane dan ago mok mi igane ilasa da. An ninen o Anut mel a id ninjed o ilasa wan wagam mi ilon yen ago mi igane ilasa ya. <sup>12</sup> Man Juda adi malmalan mi Kristus o iloma rumok a. Aria, Anut kob a ipanama yan san fun man, in san girager tubun geig an per mupani dop lo mator a. <sup>13</sup> In lo an dam, ru rumok a patum ipasi san bilalu uyanan alon dugo in o ilom rumok a, an lo in anen kob ane ya. Kob an man in san Awan Urgun nek a id ipanad o promis ru ibol a. <sup>14</sup> Awan Urgun man mel imug Anut ipanad a, amaiak lo id talon ak, mur nap id dam mel aenta fidian uyanan ak Anut bageu iganeg yen dan tinjane wa. An nek ago mi yen yau dop Anut mi mel mel an ipanad a. Fun an ninen o in san girager an tubun mok per tupani geig a.

*Pol Efesus ninjed wo Anut igudani da*

<sup>15-16</sup> Fun nek an ninen o nai Anut naon na an ninjemi wo ilo uyan ru njupani dan, ta njialis na da. An nek saen nai an Tubun ak Jesus Kristus lo ilom rumok an njalon ak, agod an anem ilo panek a Anut san tamolpein gun ak fidian lo agane dan dam ninen o njalon an, saen antem nai fun njigane ya. An lo nai pempem an ninjemi wo dam ilog isou dugo Anut njugudani won da. <sup>17</sup> Idsad Tubun ak Jesus Kristus san Anut, in nek a girager san Taman amaiak nai igo njugudani da. An anem man au in lo yan iganep, kankan milaen ak san ur, agod mel mel imianuk yen dan kuai ipani san ur dam an ipan an a. <sup>18</sup> Naisag gadi in lo Anut njusumianip an lilaman ipan an dop ilom isafulale

wa. Agod melmel a anjane wo igian go mala nouk amado dan san fun mok alon uyan a. Agod Kristus san filian a girager aman da yan inſan tamolpein gun ak ipidinai o promis ru ibol an dam alon uyan a. <sup>19</sup> Taida mi, inſan dabai tubun geig ak id ilo rumok tamolpein ilod lo urat igane dan, an dam alon uyanan o njai ilog ago yen da. Dabai an san tubun man tubun kasik id tou tigane san tia ya. Dabai a id lo yen dan nek dabai amaiak mi Kristus mateſ lo ifufuni imasa yan da naon kisaek a. <sup>20</sup> Dabai nek an mi Kristus injane isudag, kumaen panu lo kalik malan te yak ate, Anut giranjen won ak lo iganeg imasi a. <sup>21</sup> Kristus inſen man kinj adi, gabman san nao njane tamol adi, gurman fidian, ur fidian dabai amad da yan, tamol fidian a tamolpein malad lo in yanad amad da yan dam, an fidian irinjanai a. An saen gamu mi san tia ya, an saen murnap san dam mi a. <sup>22</sup> Anut in mel fidian Kristus paen na iganeg dien da. Agod ipilianig Kris midaen fidian tan en lo sad gurman igane ya. Ago yan lo binawek uyan uyan ak ipidinai a. <sup>23</sup> Kris tamolpein man Kristus inſen tinin. Ago yan lo Kristus inſan bunun inſen lo awan isag yen dan, Kris midaen fidian ilod lo kuai isip, an lo dop tamolpein fidian dile wa. Man dugo, Kristus inſen man mel fidian e tan en lo dumado den tinid inane futeſ imado da.

## 2

### *Kristus lo id kumaen tumado da*

<sup>1</sup> Gubak mi anj aupasek agane dugo kubiaen dam arinani se ya. Agog an lo njutum dam imat ak, ago mi amado na ya. Gug saen anj aupasek lo ator se yan lo in iganeg anj kumaen amado ya. <sup>2</sup> Nal an lo man anj tan en san kagin saiak lo amado se yak, ago mi ator na ya. Anj ur saian ak sad gurman, timtaen lo itilanig dabai anda itor dak san kagin ari apani se ya. Ur saiak an gamu en in tamolpein ensauta a awa parsisalek tinadi an, tinidi lo urat saian ak igane da. Man

dugo, in Anut awan ta diri na da. <sup>3</sup> Wagam id fidian dam nek in dida naon kisaek a, ago dugo ilo masai san kagin an mi tiri se ya. Idaned ilo ibol agod tinid san ilo masai dam lo tumado na yan, an ninen o idsad madok tan en lo man id Anut san tinj saiak paen na tumado da. An nek ibol tamolpein fidian tan en lo ditor dak, ago mi a. <sup>4-5</sup> Ak gug, Anut id Kristus da itumanad go kumaen pempem san ipanad a. Man dugo, Anut in ilo mujanek tinin lo man awan isa geig a, an lo in id o tubun mok imat an ninen o, gidad, idsad aupasek lo njutum imat yau bo man, kumaen ipanad go njutum kumaen dilasa ya. (Anut san ilo panek lo mi anj patum ipasi a.) <sup>6</sup> Agog Anut id enti a Kristus da tutumani an in da mateſ lo ifufunad go kumaen tilasa ya. Ago dugo in da sisem mi kumaen panu lo taug inanen badim fo tumasi a. <sup>7</sup> In ago igane yan san fun man, saen murna murna ilasa san an lo gup inſan ilo panek tubun geig an id naod na kuai tem igane ilasa dop pempem tile wa. <sup>8</sup> Man dugo, Anut san ilo panek lo mi patum ipasi san man anſam ilo rumok lo mi a. Mel an ansem ta agane na ya. Tia, Anut sen kawan geig anj ipanaj a. <sup>9</sup> An man anj urat agane yak san naon tia ya. Kabelan tamol ta an lo na sen yanjan yabisa banau. <sup>10</sup> Man dugo, id man Anut san banin aban a. In id Jesus Kristus lo idirad go foun tilasa ya. An fun man id kagin uyan uyan ak mi tigane wo wagam mi Anut ikubune panad an mi turi wa.

### *Id Kristus lo kisaek tilasa ya*

<sup>11-12</sup> Amaiak ninen o anj imug mi Kristus lo asau mi amado se yan ilom isou wa. Tamol a mulun san kulob dinjane yan, in anj ninemi wo tamol mulun san tia yak ago dubol da. Gidad ago durupaian bo man, kagin an tamol sad kagin sed tinid lo digane da, an man banid san mel mi a. Saen an lo man anj Isrel sad tumanek lo naom tareſ dufou se ya, agod Anut san promis ru Isrel adi ipidinai an

ninjen o anjaon a. Rumok, an mel uyan ak ta ninjen o mala naok aganeg ta amado na ya, tia, an sam madok tan en lo man, Anut tia yak igo won amado se ya, an ninjen o dam ilom isou wa. <sup>13</sup> Rumok, imug mi an asau mi amado se ya. Ago gug gamu man Kristus san dar lo an injilian go apalu ya. An Jesus Kristus ida atumanig, lo gamu en an Anut sumeikan mok sinjiren na amado da. <sup>14</sup> Man dugo, Kristus in sen man idsad ilo maror. An alon ak, tempel ilon lo tarej ta yen an lo gilek yen a, tarej an Juda adi senamo idirai dugo Juda tia yan dam senamo idirai a, an lo turen an san siai tumanek malan uraru an ilod lo yen a. Aria, gamu id ilod kisaek tilasa wo Kristus in siai an san tarej irube yaug itout a, ago yan lo tumanek uraru an iganeg afon kisaek tilasa ya. <sup>15</sup> In san maten lo Moses san ru kubiaen fidian agod ru kagin fidian ilon lo yen an dam ifini imat pasik a. An lo na Kristus in sen Juda tamol in Juda tia yak da inal go itumanaig, an lo tamol foun ak kisaek mi ilasa ya. Dal an lo maror igansi a. <sup>16</sup> Kristus tinin kisaek amaiak lo, tamol wagam an uraru mi itumanaig, Anut san turan mok on dilasa ya. An san dal man Kristus aigim fo imat amaiak lo mi a. Dal nek kisaek an lo mi siai a nug lo yen an, Kristus igane itout a. <sup>17</sup> In bilalun in aneg an a asau mi amado dan sam na ipalu ya, agod man Juda e sumsumeik mumado den dam mi a. Bilalun maror san an id fidian naod na ifulale ya. <sup>18</sup> Gamu in lo, id fidian geig Awan Urgun kisaek an lo mi dalawan ipasi panad dop Bai sinjiren na tilasa wa.

*Id Anut san ab gun ak igo won tumado da*

<sup>19</sup> Gamu en an tamolpein naom foun ak igo won ta amado na ya. Tia, an Anut san tamolpein gun ak dida naom kisaek mi a, agod an in san warou mok ilon lo dam amado da. <sup>20</sup> An Anut in anen ab igo won isuse da. Man aposel, profet dida man, Anut ab an san bag igo won igunama ya.

Jesus Kristus in sen man ab an san bag tamol. <sup>21</sup> Ab an san tatu fidian man Kristus lo mi isasau a. Ago dop ab isuse yan lo ab kisaek gun ak Anut ilon lo imado san ilasa wa. <sup>22</sup> Kristus lo dam, in injilian go an ab gun an da ibateg kisaek mi an ab an tinin aenta igo won amado da. Amaiak ninjen o gamu Awan Urgun in sen Anut naon in aneg ab ante imado da.

### 3

*Anut san ilo sou imianuk yen an kuai te ifulale ilasa ya*

<sup>1</sup> Fun an ninjen o, nai Pol, an tamolpein a Juda tia yan ninjem wo Kristus san subanek tamol numado da. Aria, Anut nugudani wo da, ak gug ru ta nurupaian o da. <sup>2</sup> An dag ru en alon boi. Anut in sen in anen ilo panek nai banig lo iganeg nuwae panan o urat nigane da. <sup>3</sup> Nai imug girek en nigireg lo nurupaian a, Anut sen in san ilo sou mianuk an, an nai irupaia g a. <sup>4</sup> Saen an ru en asuti dop, igo ale gup, Kristus san ru mianuk ak an nai nalon fufei a. <sup>5</sup> Saen imug imug ipalu se yan lo man, Anut in ru imianuk an tamolpein tan en san naod na kuai te ta igane ilasa na ya. Ak man gamu en Awan Ur lo yak ninjen, in man aposel in anen profet adi dam, in sen ru imianuk an fun ifulaleg kuai tem ilasa dugo dulon uyanan a. <sup>6</sup> Ru mianuk an man igo ya, an gob adi Juda tamolpein dida sisemi Anut san bar uyan uyan ak anane wa. An in dida atumani an lo tinim kisaek alasa ya. Agod melmel a Anut san promis lo tinane wo ibol an, id sisem tinane mok a. An bilalun uyanan Anut Kristus lo ipanad an lo ilasa ya.

<sup>7</sup> Bilalun uyanan en ninjen, Anut ipilianag go in san bilalun tamol nilasa ya. An in san ilo panek a sen kawan naon tia ninjane yan iri pani a. Rumok, in anen dabai tubun geig ak lo nai iginiag go tamol naok ago yak nilasa ya. <sup>8</sup> Gidad, nai Anut san tamolpein lulunad lo, tamol kawan ak igo won numado bo man, in nai ilon ipanag go urat emaiak ipanag a. Urat en man,

Kristus san bunun uyanan a talon san id ta idaisuda na yan ninen o, gob adi naod na kuai te nabol ilasa dop dulong a. <sup>9</sup> Anut san ilo sou saen milaen mok imianuk yen se ya. Ak gug Anut a mel fidian igane yan, inanen ilo sou an kuai tem ilasa wo ago ilon yen da. Ago dop tamolpein fidian inosan ilo sou imianuk an dile dulong a. Agod in urat an dam nai ipanag a. <sup>10</sup> Rumok geig, Anut in kulob a inosan tamolpein luluḡad lo igane ilasa yan lo, inanen manau funfun naon senamo geig an iganeg kuai isi a. Ago igane yan lo, ur sad gurman in ur fidian a dabai amada yan dida lak na ditilani dutor dan, Anut san manau tubun geig ak an ikubiai pidinai dop dile wa. <sup>11</sup> En man inosan ilo sou saen fidian san a. An lo man gamu Jesus Kristus idsad Tubun ak lo Anut san ilo sou an nunon ilasa ya. <sup>12</sup> Id Kristus o ilod rumok dop, id tarer san tia ya. Id an lo talon uyanan ak Kristus in mi idsad dal. In lo gup id Bai sirinen na tilasa wa. <sup>13</sup> Ago yak ninen nai gamu en nurupaian da, madai e an ninemi wo nisini den ninen o ilom muruan amoi. Man ata wo? Madai en man ananem girager tubun a.

*Pol Efesus tamolpein dutur sakar san ninedi wo igudani da*

<sup>14</sup> Fun an ninen o nai Bai naon na turug nusaluwu a. <sup>15</sup> In warou fidian lak na yak in tan na yak dida dumado dan sad Tamadi a. Man ninen mel fidian an inosan mi yanad ipidinai a. <sup>16</sup> Nai turug nusaluwu igo nugudani da, Anut inosan girager san binawek wei mi an an nutumi ilon lo ka igane wa. Ago dop an lo inosan Urgun idiran pe tamolpein nutum dabai tubun mi ak amam da ago amado wa. <sup>17</sup> Ago dop Kristus sen ananem ilo rumok an lo nutumi ilon lo ka imado wa. Nai igo dam nugudani da, ilo panek kagin an man ananem kagin naok naok fidian san fun mok a. <sup>18</sup> An lo an Anut san tamolpein fidian dida sisem, Kristus inanen ilo panek an alon uyanan san, an ikawilami wa. Ago dop man

an ka alon uyanan ak, Kristus ilon ipanag san kagin man tubun mok, yang milaen geig, isida yang lak na kasik, idu yau geig a. <sup>19</sup> Rumok, id inanen ilo panek an talon pasik anen ta idaisuda na ya. Gug gidad, nai ninemi wo Bai nugudani on da, an inosan ilo panek an alon uyanan a, ago dop man Anut san bunun uyanan fidian ilon lo awa na geig an, an lo dam ka awan isa wa.

<sup>20</sup> Anut in mel dugo onsa ilo sou lo yen dan, agod mel dugo ninen o sumiani dan dam, irinanip, suguan dam ka ipano wa. Insen mi inanen dabai id ilod lo urat igane dan lo, urat an fidian igane wo idaisuda geig a. <sup>21</sup> Ago yak ninen o, inosan tamolpein luluḡad lo, Kristus lo dam, Anut san girager kuai tem yen a, gamu yen ak, nal pempem nek agom yen yau a. Rumok.

## 4

*Id Kris fidian ilod kisaek a*

<sup>1</sup> Nai Pol, Tubun ak san subanek tamol, nai igo nurupaian da. Madok a Anut ninen o igian an ari apami wa. Ago dop kagin a inosan ninen o ilon yen dan lo mi itaot ator o ago ilom nabisa da. <sup>2</sup> An sem ibian adu dop tamolpein maror amami ak igo won amado wa. Saen an ilo muruan dupanan dop ninedi wo an ilom wananan amoi. An anen anen nug ilon apami wa, ago dop muruan a nugug lo akubiani dan, gidad asini wa. <sup>3</sup> Ananem ilo kisaek Awan Urgun lo yan, maror nek a ituanan iso yan lo mi maeg aganep kagin apami wa. <sup>4</sup> Id Kris adi tinid kisaek, agod Awan Urgun dam kisaek a. Nek ago mi, mala nouk kisaek nek a Anut ninen o igian ago mi a. <sup>5</sup> Tubun en man kisaek a. Ilo rumok san kagin dam kisaek a, Kris filanek dam kisaek a. <sup>6</sup> Anut dam kisaek mi a, id ilo rumok tamolpein fidian idsad Tamad a. In id fidian fufo lak na ya, agod id fidian anen anen ilod lo urat igane da. Agod in id fidian tinid lo imado da.



<sup>7</sup> Ak man Kristus ilo panek lo mi id anen anen inſan ilon yen ak iri panim, inſan lou funfun id ipanad a.

<sup>8</sup> Amaiak ninjen o Anut san ru buk lo yak igo ibol,

“Saen inſ lak na isuda yau man,

tamolpein a wei mi njed banid subanek lo yen se yan inſiliai go dida diau a.

Ago dugo inſan lou panek funfun an tan san tamolpein ipidinai a.”

<sup>9</sup> (“Inſ lak na isuda yau” ru an fun dugo yak i? An fun man inſ imug mi tan en lo ipalu idu ya. <sup>10</sup> Enti inſ a tan na idu yau amaiak, inſ mi did aben fidian dam irinſanaig isuda yau an lo, inſen mi mel fidian ilodi tinidi lo inſ mi awan isa wa.) <sup>11</sup> Inſan lou panek man igo ya. Ta aposel urat, ta profet urat, ta bilaluſ urat, ta matu urat, aenta girek maſau urat lo iginiaig dumado da. <sup>12</sup> Anut san tamolpein man Kristus tinin. Aria, lou funfun amaiak ipidinai an lo man, Anut san tamolpein urat digane san dal dukubune wa. An lo man, inſ anen anen Kristus san urat biabi ka digane wak, agod inſ Kristus san tinin dabai dupani wa. <sup>13</sup> Urat en ka yau won dop id fidian sad ilo rumok lo, agod idsad maſau a Anut Nanun ninjen o an lo dam, id tamolpein itumanad pe kisaek tilasa wa. An lo dop id Kristus san kagin lo busumak sad tou tinanep tumado wa. Aria, busumak adi sad bunun a tinane wo maeg tigane dan san tou man, bunun an fidian Kristus lo mi yen da.

<sup>14</sup> Wagam id nanuk on tumado na ya, id wog igo won beig san bururuk gidigidad iriad ila iso se ya. Gug id Kristus on tilasa wo dop, id afon nanuk on ta tumado na wa. Man dugo, imug mi kagin en id Kris tamolpein luluſad lo yen a. Tamol ta supalek ru nam pitenanek foun foun ak dupanad a. Pitenanek an Kris tamolpein iduduwai dugo ilo sou uyan ak san dal ifutani da. Tamol an dal funfun lo dirawai dugo dal saian ak lo didirai diau da. Teig taog, id fon

ago ta tilasa na wa. <sup>15</sup> Tia, id ilo panek san dal tiri dan lo ru rumok ak mi kuai tem tabol ilasa wa. Ago dop id nek ibol nanuk igo won titalbusi uyanan a. An lo dop kagin fidian lo titalbusip, id Kristus igo mi tilasa wa. Inſen mi idsad gurman. <sup>16</sup> Id Kris tamolpein man Kristus san tinin. Kristus itirnad dugo inanen tinin id dabai tupani da. Tinin san boi anen anen man tinin an da isatuanig yabig dabai go kisaek mi dipinig dien da. Tinin an san boi anen anen inſinaned urat kisaek kisaek atem digane da, an lo tinin fidian italbusip ilo panek lo dabai inſane da.

### *Ananem madok san dal*

<sup>17</sup> Tubun en lo nai ru kagin e nſurupaian den an ari apani wo tubun mok nududuwan da. An afon gob adi sad dal lo ta ator na wa. Man dugo, inſad ilo sou an kawan mok a. <sup>18</sup> Inſad dulon man tidom tubun yafutani a, agod Anut san madok ninjen o man inſ ibol tamol asau ak igo won a. Man dugo, diſaon go dumado da. Inſad ilod pat igo won dabai geig an lo Anut ta dulon na ya. <sup>19</sup> Kagin itaot ak ninjen o man kagin ta dupani na ya, an lo ilo masai san kagin an mi diri dupani da. Kagin fidian nun aman da yak lo diladu san ninjen o mi yaes isofutanai da. <sup>20</sup> Ak man an dal an lo Kristus ninjen o ta alon na ya! <sup>21</sup> An dag Jesus ninjen o dupitenanan dugo ru an kagin ta apani na ya. Taida mi, Jesus ilon lo mi ru rumok yen da. Aria, an rumok tap, nai gamu nſurupaian da, <sup>22</sup> an ilom wagam ak san turen an abisei wa. An ananem madok wagam ak san mel mi a. Ilo masai san kagin an ilom inſane dop, sem nudum asue dop lo mel fidian a saian ak an mi agane wa. Amaiak ninjen o gamu en an kagin wagam an akudip yau a. <sup>23</sup> Ago dop an lo an nſutum inſ ananem ilo sou fidian da ka foun dilasa wa. <sup>24</sup> Ananem ilom foun a Anut sen igane ilasa panan an mi ananep an tinim ilon lo agane wa. Ago dop ilom foun ak san bunun inſ Anut

san bunun da naon kisaek a, an lo an ilom ilon lo kagin itaot ak in kagin gun ak da awan isa wa.

<sup>25</sup> Amaiak ninen o an rawek kagin an amoi. An fidian ru rumok ak mi Kris aenta naod na arupidai dop dulong a. Man ata wo, id fidian tinik san boi anen anen amaiak san tinik kisaek ago tumado da. <sup>26</sup> An ka talpein ta ninen o ilom saian a. Ak gug kagin an ale funi dop aupasek lo ta idiran au na wa. Tia, kagin agane wa, saen ad gamugo idiau dop, anjanem ilo saian nug ninen o an akubunep itout a. <sup>27</sup> Agod an dal ta Satan ilom inane wo ta apani na wa. <sup>28</sup> Ta in gumagam tamol man fon ta igam na wa, tia, in urat igane wa. In urat uyan ak mi banin lo igane dop, an lo tamolpein a melmel lo katuk ad go dumado dan binawek ka ipidinai a. <sup>29</sup> An ru saiak binawek aman tia yan awam lo ilasa amoi. Tia, ru uyan ak mi abol ilasa wa, ru an ka tamolpein dulong dop lo dabai ipidinai a. Gidad muruan dugo dugo tamolpein dile dan, ru a ibinawai san an mi abol ilasa wa. Ago dop tamolpein a ru an dulong dan, an Anut san nao nanek igo won inisan ilo panek apidinai a. <sup>30</sup> An Anut san Awan Ur ilo muruan apani amoi. Awan Urgan in man Anut san kob an ilom ilon lo igane ya, amaiak lo Anut inanen tamolpein iniliai san nal an lo an dam sisem inilian a. <sup>31</sup> An ilom lo siai kagin, tiniae saian san kagin, nug abubunani adiri san kagin, uf ru san kagin, agod dumadam kagin dam, an fidian akudaip diau itout a. <sup>32</sup> An nug ninen o bubem kisaek ak lo, tini misek san kagin lo dam atur sakar a. Nek ibol Anut in Kristus log anjanem aupasek ipare idu yak ago mi, ansem dam nug ninen o ago agane dop ator a.

## 5

### *Lilaman lo tator da*

<sup>1</sup> Ago yak ninen an gidad kagin a Anut in sen igane yan mi ari apani wa, man dugo, an in sinanen nanun muroun mok amado da, agod in

tubun mi ilon ipanan da. <sup>2</sup> An aenta ilom apidinai san turen lo mi ator a, nek ago mi Kristus ilon ipanad an lo in sen tinin ibisei panad a. In man nek ibol bilelek a Anut dupani wo yai digane dop in san mumalun iwen sinakan pe lak na yaup Anut ilo uyan ipani san igo won a.

<sup>3</sup> Aria, an jeit kagin lo, kagin nun anda yak fidian an lo dam aladu amoi. Agod aenta sad melmel ninedi wo malam isi amoi. Aupasek naok ago yak man Anut san tamolpein lulunad lo yen san man aben tia ya. <sup>4</sup> An ru nun, ru njeo, ru kukok a ilo saian igane ilasa yan dam awam lo ta ilasa na wa, man dugo, kagin naok an uyan tia ya. Tia, an gidad Anut per apani wa. <sup>5</sup> An mel en alon uyan ak i? Tamolpein ensauta a jeit kagin digane dan, kagin naok naok nun anda yak digane dan, agod tan en san melmel ninedi wo yaes ifug ditor dan dam, Anut in Kristus da sad kumaen panu lo ta mok diladu na wa. (Talpein a tan en san melmel ninedi wo yaes ifuni dan, in talpein a tubud sewak sad ubou ad ile dan da naon kisaek mi a.) <sup>6</sup> Kagin agane wa, kabelan talpein ta ru kawan ak lo nudum dusue dop lo an kagin saiak agane banau. Kagin naok nek an lo dop Anut tinjen saian pe in ai wadan saian geig ak iganep awa parsisalek san tamolpein an sad tinid fo ikulmaek idu dop ka disini wa. <sup>7</sup> Ago yak ninen an tamol naok ago yan dadi nug turan on ta ator na wa. <sup>8</sup> Man ata wo? Imug mi an tidom tubun lo amado se ya. Gug gamu en Tubun ak an lilaman lo iginian a, an ninen o an lilaman san tamolpein igo mok ator a. <sup>9</sup> Man dugo, lilaman in nunon uyanan ak mi igane ilasa da, kagin uyan ak, kagin itaot ak, ru rumok ak mi tabol san kagin dam, an mi id tigane wa.

<sup>10</sup> Kagin uyan nek a an agane san ninen o Anut ilon uyan dan mi ale wo maeg agane wa. <sup>11</sup> Tidom tubun san kagin funfun lo sem ta iginian aladu na wa. Kagin naok an man in

nunon ifu uyan san tia ya. Tia, saen tamolpein kagin saiak digane dugo an ale tap, kuai tem abubunanai a. <sup>12</sup> Man dugo, kagin nek a mianuk lo digane dan man saian geig a. Rumok, talpein ta kagin an ninen o malak malak ibol tap, miai tubun mi ifuni wa. Ago bo man, in gidad malak malak ibol ilasa wa. <sup>13</sup> Sul man aban isapudade dop mel ta in sul san lilaman lo ilasa dan tamolpein dile wa. Amaiak ninen o mel saian ta lilaman lo kuai isip tamolpein dile dulon pe “an saian ak” ago dubol a. <sup>14</sup> Fun an ninen o ru e ilo rumok adi dubol den talon a,

“On tamol a wen dan, masa.

On mutou lo wen dan masa dop, Kristus in lilaman ipano wa.”

<sup>15</sup> Kagin agane dop ananem turen bitinaek lo aganep ale wa. An tamolpein kankan amad tia yak igo won turen abi amoi, tia, tamolpein kankan amad da yak igo won ago mi ator a. <sup>16</sup> Saen abidani amoi. Saen gamu e Anut ipanan dak lo, kagin uyan uyan ak mi agane wa, man dugo, saen gamu e id lo tumado den man saen saian a. <sup>17</sup> Fun an ninen o an nino kagin lo atur dan amoi. Tia, akubianip ale, Tubun ak san ilobol an man ata mel ak i? An ale alon dop ari apani wa. <sup>18</sup> Agod an tubun mi aluk dop, aburaurau banau, man dugo, kagin naon nek an an muruan ipanan a. Tia, Awan Urgan an mi an tinimi ilon lo awan isa wa. <sup>19</sup> Ago dop an ru girek Isrel bar san buk lo yen dan lo, ubou san bar lo, Urgan san bar lo dam nug lo anin a. Ananem tinim ntum fidian lo Anut ilo uyan apani wo bar abi wa. <sup>20</sup> Agod nal fidian lo, mel fidian ninedi wo dam, an idaned Tubun ak Jesus Kristus yan an lo, Bai Anut per apani dop ilo uyan apani wa.

#### *Pein iwon tamol da*

<sup>21</sup> An anen anen nug awan paen na amado wa. An kagin ago agane san fun man, Kristus yan lak na mok asini wo ago ilom yen a. <sup>22</sup> On pein,

onane tamol paen na mado wa, nek ibol on dam Tubun ak paen na mado dak igo won a. <sup>23</sup> Man ata wo? Iwon pein in san gurman man iwon tamol a, nek ibol Kristus in man inanen tamolpein fidian sad gurman igo won a. In san tamolpein man in san tinin, agod in man inanen tamolpein sad patu pasek tamol. <sup>24</sup> Amaiak ninen o, nek ibol Anut san tamolpein in Kristus awan paen na dumado dak ago won, on pein mel fidian lo onsigane tamol san awan paen na mi mado wa. <sup>25</sup> Aria on tamol, onane pein ilo pani wa, nek ibol Kristus in san tamolpein ilon ipidinai dugo sen tinin ibisei pidinaig maten lo idu yak ago ya. <sup>26</sup> Ago yan lo inanen ru nam, nek ibol you igo won, in san tamolpein ifulanaig an lo gun idirai dilasa ya. <sup>27</sup> In ago igane yan lo dop inanen tamolpein siniren na girager amad da dupalup naon na dutur a. Girager an tinin tubulak tia yak, mel ta saian nek ago tia yak dam ago mi wa. Tamolpein an man gun ak, agod nun tia yak nek ago mi dumado wa. <sup>28</sup> Ak ninen o an tamol dam, nek ibol sem tinimi kagin apani dak igo won, an sinanem iwom ilom apidinai a. Ta in san iwon pein ilon ipani dan, in sen tinin ilon ipani da. <sup>29</sup> Id talon ak, tamol ta in sen tinin lo ager ta igane na da. Tia, in sen tinin anan ipani dugo kagin ipani uyanan da, nek ibol Kristus in sen inanen tamolpein kagin ad igane dak ago won a. <sup>30</sup> Man ata wo, id anen anen man Kristus san nien banin malan, mel ago yak in san a. <sup>31</sup> Anut san ru girek lo yan igo ibol. “Tamol in tinan taman ibisawaip iwon dam nug dipinip ductor a. An lo uraru an tinid kisaek ak igo won dilasa wa.” <sup>32</sup> Ru an ilon lo ru fanan tubun mi yen dak talon san ta pasauman na ya. Gug niasag ilo sou lo, ru an Kristus in sinanen tamolpein da ninedi wo ibol a. <sup>33</sup> Gug gidad, an tamol anen anen ananem iwomi ninedi wo amat a, nek ibol ansem ninemi wo amat dak ago won a. Pein dam ananem tamol kagin ad agane dop paed na amado wa.

## 6

### *Nanuk tinan taman da*

<sup>1</sup> Nanuk, an aņanem tinam tamami awad mi ari apani wa. An Tubun ak san a, an niņen o kagin an ago agane wa. Man ata wo? Kagin an uyanan mok a. <sup>2-3</sup> Ru kubiaen ta promis aman da yak Moses san girek lo yen da. Ru kubiaen an man, kubiaen a malan te amaiak ilon lo promis yen da. Ru kubiaen an igo ibol a, "On onane tina tama sad yanadi lak na mok sini wa. Ago gane tap man, on madok uyan ak nanep, saen milaen tan en lo mado wa." <sup>4</sup> Bai adi, an aņanem nanuk abiai dudu saian geig san kagin lo, ilo saian apidinai man amoi. Tia, an gidad piteņanek uyanan a Tubun ak san dal iri pani dan mi apidinai a, agod in sed tinid diabi idu dop lo Tubun ak san awan paen na dumado san, an dam akubiai pidinai dop duloņ a.

### *Urat bigabeg inaned tirnek tamol dadi sad ru*

<sup>5</sup> Urat bigabeg adi an aņanem titianek tamol tan en san awad mi ari apani wa. An niņedi wo dam arer a. An pempem aņanem urat niņen o ilo sou kisaek a maeg apani dan lo urat ago mi agane wa, nek ibol an Kristus niņen o mi urat agane dan igo woņ a. <sup>6</sup> An saen in sad leil lo amado dan lo mi, ilod anane wo sad awad ari apani man amoi. Tia, an Kristus san urat tamol igo woņ urat a dupanaņ an agane wa, man dugo, Anut niņemi wo ilon ibol man an tinim bubem fidian lo ago agane wa. <sup>7</sup> An ilo uyan lo urat agane pidinai a, urat a agane dan tamol gidad san tia ya, urat an man Kristus san a. <sup>8</sup> Man dugo an aloņ uyan ak, talpein ta in mel ta uyanan ak igane tap, in san urat naon man mel ta uyanan ak naon kisaek Anut banin lo ipalu dan an mi inane wa. Gidad in bigabeg boi, tia, in sinanen ilobol lo itor san tamol boi, uraru an sad urat naon man kisaek a. <sup>9</sup> An titianek tamol, aņanem bigabeg adi kagin uyan ak mi in lo agane wa. Ilo rer san kagin in lo agane amoi.

Tubun ak in lak na imado da, in an sam Tubun a, agod in dam in sad Tubun a. Agod in san leil lo man, id fidian tou kisaek mi a.

### *Kris adi in yu tamol igo woņ dumado wa*

<sup>10</sup> Aria, nai gamu ru wadan nrupaian da. An Tubun ak san dabai sakar geig ak lo atur sakar a. <sup>11</sup> Biouņ a yu tigane san an fidian Anut id ipanad la ya. An mi an tinim lo asisi isap Satan san rawek kagin fidian abiani dop wagai aganep atur sakar a. <sup>12</sup> Man dugo, id tamolpein niņedi wo ager ta tigane na da, tia, ur gurman adi, ur tirnek adi, ur dabai amad da a tidom tubun gamu yen dan lo, tan en san tamolpein ditirnai dak, ur sisaiak kagin saian geig ak san, agod lak na dumado dutor dan dam, amaiak niņedi wo ager tigane da. <sup>13</sup> Ago yak niņen o Anut an yu agane san biouņ fidian ipanaņ an aburou, saen saian ipalu dop, an nek an lo dabai pe atur dop yu agane wa. Saen yu itout dop, nek ago an dabai amam da atur a. <sup>14</sup> An kam lapik galim te afouti wa. Lapik an man ru rumok igo ya. Aenta man, titirem te siot kapa ak agane wa. Siot kapa an man kagin itaotan ak igo woņ a. <sup>15</sup> Niemi te sendal agane wa. Sendal uraru an san fun, an ilom tinim imasap maror san bilaluņ uyanan an asini ator san ak igo ya. <sup>16</sup> Kagin fidian an, sad malan te man ilo rumok mi a. Nek an mi dumui igo woņ, abi sakar pe Satan in san yu malan yai balen anda yak isou ipanaņ dop atartitanip asoufunip imat a. <sup>17</sup> Taidam, patu pasek a Anut ipanaņ an kitikat sakar ak igo woņ aņanep kabuņam fufo agane wa. Agod sabiri a Awan Urgan san an dam abi wa. An man Anut san ru. <sup>18</sup> An saen fidian lo, gidad mel dugo ilasa yan, Awan Urgan san dabai lo agudani wa. Man niņen o nal fidian malam ipuk pe ta ayalis na wa, ago dop Anut san tamolpein fidian niņedi wo agudani wa.



<sup>19</sup> An gudaneke lo mi Anut asumiani dop n̄ai binawek ipanag a. N̄ai ilog igo yen da, an agudani dop, Anut in̄anen ru n̄ai awag lo igansi wa. Ago dop n̄ai n̄arer se yan n̄ibiseip, an lo Anut san bilaluŋ uyanan a imug mi imianuk go in̄ lo yen gug gamu kuai isi an mi n̄abol ilasa wa. <sup>20</sup> In̄san bilaluŋ niŋen o n̄ai man Anut san nao n̄anek tamol, funatek lo n̄umado da. An gudaneke lo Anut asumiani dop in̄ dabai ipanag dop tamolpein naod na ru dabai mok n̄abol a, man dugo, kagin an n̄igane wan Anut malan lo man uyanan a.

*Ru wadan*

<sup>21</sup> Tikikus urat e n̄igane den, agod muruan dugo ifunag den niŋen o an irupaian dop alon a. In̄ Anut san urat lo man n̄aisag urat kisaek a, agod n̄aisag bubeg mok a. <sup>22</sup> Amaiak niŋen o man mel dugo dugo mile dan niŋen o alon uyan o n̄ai Tikikus n̄igane siŋirem na ipalu da. An lo an ilom dabai ipani wa.

<sup>23</sup> O teig taog, n̄ai nek e Anut n̄ugudani den, in̄san maror ipanag a, agod ilo panek in̄ ilo rumok da sisem, Bai Anut san na ipalug, Jesus Kristus san na dam ipalu yan dupanag a. <sup>24</sup> Anut ka in̄san ilo panek an iwali idu dop, tamolpein ensauta a in̄sad ilo panek imat san tia yak Jesus Kristus dupani dan ituanai dop in̄ lo yen a. Rumok.

## Filipai

<sup>1</sup> Nai Pol, Timoti da, maŋ Jesus Kristus san urat tamol. Anŋ tamolpein gun ak Jesus Kristus lo yan Filipai na amado dan, agod anŋ matu pastor inŋ diken dam maŋ anŋsam na girek en migane ipalu da. <sup>2</sup> Bai Anut inŋ Jesus Kristus idsad Tubun en da, anŋ ka ilod ipanaŋ pe ilo maror dupanaŋ a.

### *Ilo panek ru inŋ gudanek da*

<sup>3</sup> Saen fidian ŋai anŋ ilog isou dop ŋaisag Anut ilo uyan ru ŋupani da. <sup>4</sup> ŋaisag gudanek fidian ŋigane dan lo Anut anŋ fidian ibinawaŋ o ŋusumiani da, agod anŋ ŋai uyasusai lo mi ago ŋigane da. <sup>5</sup> Nai anŋ ilog uyan panaŋ da. Man dugo, nal malan te maŋ anŋ luluŋam lo urat fun migane ipalug gamu en, anŋ maŋ da sisem urat kisaek, bilaluŋ uyan ak Jesus Kristus niŋen o tabol ilasa dugo tamolpein duloŋ da. <sup>6</sup> Agod ŋai mel en ŋaloŋ uyan ak, Enti a anŋ lo urat uyanan mok fun igane yan, urat an igane yaup nal a Jesus Kristus imul ipalu wan te gup itout a.

<sup>7</sup> Nai anŋ niŋemi wo ago ilog isou dan uyan a. Man dugo, anŋ man ŋaisag bubeg buson mok a. Gidad ŋai subanek lo ŋumado boi, tia, ŋai bilaluŋ uyan ak dabai ŋupani boi, tia, ŋai kulob dabai ate bilaluŋ uyan ak ŋabol ilasa dan, an ru rumok ago ŋukubiai dile boi, anŋ fidian dam Anut san ilo panek e ŋai ipanag den lo atutoug amado da. <sup>8</sup> Anut inŋ ŋai anŋ niŋian o ilog tubun mi ibol dan ilonŋ a. Ilo panek a Jesus Kristus anŋ lo igane dan, anŋ ŋai ilog lo igane ate ŋai anŋ fidian niŋemi wo tubun geig ŋamat da.

<sup>9</sup> Agod ŋai igo ŋugudani da, anŋ anŋsem nug ilon apanip an lo dop anŋanem ilo panek isudap tubun a. An lo dop anŋ anŋanem maŋau lo, agod anŋanem ilo tarpasek lo dam, amug alasap mel an uraru mi ilom lo awan isa wa. <sup>10</sup> An lo anŋ kagin naok naok a Anut malan lo uyanan mok an niŋedi wo ilom itarpasi san anŋ idaisuda geig a.

An mi tia, anŋ bubem itaot, aenta anŋ niŋemi wo ru tia, ago amado yaup Kristus san nal ilasa wa. <sup>11</sup> Agod kagin itaotan san nuŋon wei mi Jesus Kristus lo ilasa dan, anŋ tinim lo idaisuda wa. An lo tamolpein inŋ Anut yaŋan girager aman da yak diabisa dop ilo uyan dupani wa.

<sup>12</sup> Teig taog, anŋ aloŋ uyan o ŋai ilog ibol da, muruan ta ŋai tinig fo digane ya, ago bo man muruan nek an bilaluŋ uyan en ifufurak yau san dal ipasi a. <sup>13</sup> Rumok, inŋ ŋai subanek lo diginiag a, gug kagin an lo tamolpein fidian Rom na dumado dan inŋ duloŋ ak ŋai Kristus san urat ŋigane damaiak naon ŋisini da. Agod tamol adi Kaisa san ab dititiani dan, an dam fidian duloŋ a. <sup>14</sup> Agod an mi tia ya. Tia, ŋai teig taog Tubun en lo dumado dan wei mi dam, ŋai sein nam dsubanag go ŋumado dan lo, inŋaned ilo rumok dabai ipanig direr san tia ya, an lo Anut anen ru dabai nam dufulale da.

<sup>15</sup> Rumok, aenta inŋ Kristus san ru dufulale dan fun man, inŋ ŋai niŋeg o turak dususa da, agod sed yaŋad disini da. Gug aenta man inŋ ilo sou uyan ak lo mi ago digane da. <sup>16</sup> Tamolpein e ilo panek lo digane den ŋai niŋeg o duloŋ a, ŋai subanek lo ŋumado man fun, ŋai bilaluŋ uyan an dabai ka ŋupani wa. <sup>17</sup> Gug aenta a Kristus san ru dufulale dan man inŋsed yaŋad diabisa san urat mi digane da. Inŋsad ilo sou itaot tia ya. Nai subanek lo ŋumado dan niŋen o inŋsad ru fulalek an lo ŋai tinig te muruan taida digane isuda san kulob mi digane da. <sup>18</sup> Amaiak niŋen o dugo wak i? En mi, gidad inŋ ilod lo ilo sou mianuk ak yen boi, tia, ilo sou uyan mok an lo mi dubol ilasa boi, ŋai ilog tubun mi igo ibol da, dal fidian lo Kristus san fun dufulalep tamolpein ka duloŋ a. Kulob nek en ilasa se yan niŋen o ŋai youg isa da.

Awo, yousai pempem ago yen a. <sup>19</sup> Man dugo, ŋai ŋaloŋ ak, anŋsam gudanek lo, agod binawek a Jesus Kristus anen Ur ipanag dan lo dam, mel saian en ŋai lo ilasa yen daon

ta ipanag na wa, tia, nai patu pasek nijnane wa. <sup>20</sup> Nai tini ganei tubun mi njigane da, agod nai ilog lo igo yen da, dal fidian lo nai miai ta nijnane na wa. Tia, nai ilog dabai go pem-pem ago njigane se yak ago mi, gamu en dam Kristus inanen yanjan naisag tinig lo imasap yau dop tamolpein fidian ka dile wa, kumaen lo boi, tia, maten lo boi. <sup>21</sup> Man dugo, najneg ilo sou lo man, nai kumaeg numado tap, Kristus in malan te ya, ak man nai nhamat tap, an nai tan en lo kumaeg numado dan irinjani geig a. <sup>22</sup> Nai tinig lo kumaeg numado wo tap, nai Anut inanen urat nunon anda yak njigane wa. Ata mel mok npiliani wo yan nai ta njalon na ya. <sup>23</sup> Mel uraru an nai dupinag go numado da. Nai bubeg ibol, nai tan njubiseip Kristus da mumado wa. An ilasa tap, an mel aenta fidian irinjanaip uyanan mok a. <sup>24</sup> Gug nai tinig lo tan na numado dop man, nai an ka njubinawan a, agod naisag ilo sou lo an an o uyanan a. <sup>25</sup> Fun an ninen o nai ta nhamat na wan ilog lo rumok da. An lo igo njalon ak, nai numado dop, an njubinawan pe, ilom lo rumok amam da uyasusai san dal ari dop na wa, an lo mel ta an ibiatuanan san tia ya. <sup>26</sup> Agop nai fon mi an sinjirem na njau dop an lo, an nai aliag pe anjanem yousai Jesus Kristus lo yan isudap an lo awan isa wa.

<sup>27</sup> Muruan dugo ilasa tap, an anjanem turen kagin apani uyanan a, kagin naok a bilalun uyan ak Kristus ninen o yanjan tubun ak ipani san idaisuda yan, kagin amaiak mi agane wa. An lo dop gidad, nai ansam na npupalup njilian ak boi, tia, nai naog tia dop awam njalon bo man, an njinemi wo nai njalon ak, an ilom kisaek mi lo atur sakar da. Ilom kankan kisaek lo atumanip dabai agane wa, an lo ilo rumok a bilalun uyan ak igane ilasa dan tamolpein bubed lo ilasap yen a. <sup>28</sup> Agod dal ta lo ager adi urer ta dupanan na wa. Kagin a agane dan lo mel en kuai te ilasa ya: Anut murnap ipitijnai ak ago ikubiai dile da, gug anjanem kagin an njinemi wo

ago ta ibol na da, tia, Anut an patum ipasi wan ago ibol go alon da. <sup>29</sup> Man dugo, Anut bar uyan ak ta ipanan a. An man an Kristus o ilom lo rumok a. An mi tia, an dam in damon lo madai asini wa, bar an dam ipanan a. <sup>30</sup> Fun an ninen o, ager a gubak mi nai lo ilasa dugo ale ya, agod ager an gamugo itout an san ru dam alon a, aria, ager naon kisaek an mi an lo dam ilasag yen da.

## 2

### *Kristus senyabi idu yak ago mi sem ibian adu*

<sup>1</sup> Dugo, Kristus an lo imado dan dabai ipanan i? Dugo, in san ilo panek an maror ipanan i? Dugo, Awan Urgun an lo yen dan akubiani dop in da sisem ator di? Dugo, an tamol aenta njinedi wo amat dop ilom imunanai di? <sup>2</sup> Mel an njinedi wo an awok abol tap, nai mel taida agane wo nhamat da. An ilom kisaek dop, nug ninen o tubun mi amat a. Ago dop bubem atumanip ur kisaek lo, agod kankan kisaek lo mi urat agane wa. An ago agane dop lo naisag yousai an aganep tubun geig ilasa wa. <sup>3</sup> An yanjan tubun ak anane wo nai-nai kagin ta agane na wa, agod taida mi, an kulob fun tia yak lo sem yanjan ta abisa na wa. Mel ta agane wo dan san fun, sesunoi kagin an lo ilasa wo dan gidad amoi. Tia, an sem ibian adup aenta an dirinanan ak ago eil a. <sup>4</sup> An ansiganem madok mi kagin apani wo ago ta agane na wa. Tia, an aenta dam sad madok kagin apani wa.

<sup>5</sup> An igo agane wa. Jesus Kristus ilo sou dugo igane dak, an dam nek ago mi ilo sou agane wa.

<sup>6</sup> In sen man Anut mok igo imado dugo, in Anut da tou kisaek dumado na ya. Ago bo man yanjan lak na geig an yabi sakar o kankan ta igane na ya. <sup>7</sup> Tia, in sen yabi idug biabi njilanal tamol igo ilasa ya. In tamol kawan tan en san igo ipalu ya. <sup>8</sup> In tan san tamol mok imado ya, an lo in sen yabi idu geig a. In Anut awan iri panig mel fidian ibol ago mi igane

ya, in̄ ago igane yaug aigim fo dubalig mater̄ ile ya. <sup>9</sup> Fun an nin̄en o Anut in̄ yabisag lak na geig isuda ya, agog yan̄ak tubun geig an yan̄ak aenta fidian irin̄anai an ipani a. <sup>10</sup> An nin̄en o saen yan̄ak Jesus dupate dop man, mel fidian turud disaluwi wa, did lo, tan na agod tan paen na dam ago digane wa. <sup>11</sup> Ago dop awak fidian kuai tem Jesus Kristus in̄ Tubun ak ago dubol ilasa wa. An lo man kulob en Bai Anut yan̄ak tubun ak ipani wa.

*An̄ patui ago aban̄ isapudade wa*

<sup>12</sup> Nai turag muroug, fun an nin̄en o, an̄ man nai malag lo n̄aineg awag pempem aganuri da. Nek ago mi gamu dam gidad nai naog tia bo man, kagin naok naok a Anut an̄ lo iganeg dilasa yan, nen maeg mi lo ari yau o ago agane wa. Arut bubuli dan lo ago agane, man dugo, kagin naok an man, patu pasek a Anut ipan̄an̄ dan san nun̄on mok a. <sup>13</sup> Man dugo, Anut in̄sen mi an̄ bubem lo urat igane da, ago dop an lo mel dugon in̄ ilon ibol dan ago an̄ dam ilom ibol a, an lo dop in̄ ilon dugo yen dan aganurip kagin an mi agane wa.

<sup>14</sup> An̄sam madok ilon lo urat biabi fidian agane dop an̄sem nugnug lo an̄urn̄ur dop nug apei amoi. <sup>15</sup> Ago agane tap man aenta an̄anem kagin dile yan lo in̄ ru amad tia wa, agod an̄ ilom lo sun̄ūjek tia, ago ka amado wa. An̄ Anut nanun muroun teb amam tia yak igo, tamolpein a in̄sad turen̄ gidigidad dutor dugo sad ilod ikubili an lulūnad lo atur da. An̄ man ibol patui igo tan en lo aban̄ asapudade dak igo won̄ amado da, <sup>16</sup> ago dugo an̄ tamolpein naod na, ru a kumaen ka ipidinai an dīnanep diabi wo abal ilasa dugo dile da. An lo dop Kristus san nal idu dan te nai se pitianōi ru igo ka n̄abol a, n̄aisag maspalu yan, agod n̄aisag urat dam nun̄on igane ya. <sup>17</sup> Urat e an̄anem ilo rumok lo ilasag Anut agane pani dan ibol alta igo won̄ a. Agod n̄aisag dar man ibol wain alta fo duwatik ak igo ya.\* In̄ n̄aisag dar

an alta fo duwatik idu tap, gidad, nai an nin̄en o ilog uyan a, agod nai an̄ da sisem uyasusai lo mi tumado wa. <sup>18</sup> Agod nai ilog ibol dak an̄ dam ilo uyan lo mi nai da sisem uyasusai lo mi tumado wa.

*Timoti in̄ Epafrodaitas da n̄aisag urat kisaek*

<sup>19</sup> Jesus Tubun en ilon ibol tap, nai Timoti an̄sam na ririan n̄igane ipalu wa. In̄ an̄sam awam aban an in̄ane imul a, ago dop an lo nai ilog yabisa wa. <sup>20</sup> Etna talpein ta in̄ igo mi ak n̄ile man tia ya. In̄ sen kisaek kagin nun̄on ak lo an̄ nin̄emi wo ilo sou igane da. <sup>21</sup> Tamol aenta man sed ibinawai o mi dumat da, agod in̄ Jesus Kristus dibinawi man in̄ dumoi da. <sup>22</sup> Gug an̄ alon̄ ak Timoti in̄sen ikubiai tile yak in̄ tamol uyan a. Man dugo, in̄ nek ibol awa yabek nanuk ta taman da urat digane dak igo won̄, nai sin̄ireg na bilalūn̄ uyan ak san urat an mi-gane se ya. <sup>23</sup> Fun an nin̄en o milaen tiap an̄sam na n̄igane ipalu wa. Ak man gamu nai dugo diginiag ak boi, an malag n̄iganep n̄ile gup a. <sup>24</sup> Nai ilog ibol dak, Tubun en sen nai ilog lo kankan igo ipanag dak, milaen tiap n̄aiseg an̄sam na n̄upalu wa.

<sup>25</sup> Ak man gidad nai teig Epafrodaitas, an̄sam na ririan n̄igane imul ak man uyan a. In̄ n̄aisag urat kisaek, agod in̄ nai da sisem yu tamol. In̄ dam an̄sam urat pinein igo adinig nai ibinawag o ipalu ya. <sup>26</sup> In̄ an̄ fidian ilian̄ o ilon tubun mi yen da. Agod in̄ subam ifuni an san ru alon̄ a, an lo an̄ nin̄emi wo ilon saian a. <sup>27</sup> Rumok, in̄ subam dabai ak in̄aneg imat sikalik a. Ak man Anut ilon imun̄anig ibinawi a. Anut nai dam ilon ipanag a, man dugo, in̄ ta dugo imat mok ak man nai ilo muruan gubak mi an da itumanip muruan tubun mok n̄isini wa. <sup>28</sup> Fun an nin̄en o, nai n̄idinip an̄sam na ipalu wo ilog tubun mi yen da. An nin̄en o saen in̄ ale dop an̄ ilom uyan a, ago dop man nai an nin̄en o ilog tubun mi ta muruan na wa. <sup>29</sup> Ak nin̄en o saen

\* **2:17:** An in̄anen mater̄ san mitilaen mi a.



in an sam na ipalu dop, an yousai lo mi ananep ayunan. Tamol naok ago yak yan an abisa wa. <sup>30</sup> Man dugo, in Kristus san urat igane an lo imat sikalik a. In an naomi inaneg nai ibinawag o igane yau an lo in san kumaen ibisei sikalik a.

### 3

#### *Tinid sunulon dutute yak san kagin ibinawad san tia ya*

<sup>1</sup> Nai teig taog, naisag ru wadan igo ya. Tubun ak lo uyam isusa wa. Ru nek en mi ilo sou ipanan san nigire wo ilog ta isali na da. Agod nek an dag ibunawan a. <sup>2</sup> Tamol goun kasik on kagin saiak digane dugo tinid sunulon ditute dan, ninedi wo kagin agane wa. <sup>3</sup> Man dugo, tamol a tinidi sunulon tutek mok san, an man Juda adi tia ya, tia, an id ilo rumok adi idsed mi a. Id man Awan Urgan lo Anut san ubou tile da, agod Jesus Kristus ninen o sed ipitianad da. Ago dugo id idsad tini ganei an mel ta idsed tinid san lo ta tigane na da. <sup>4</sup> Nai naisag tini ganei an tinig sunulon dutute yan san kagin fo ta nigane na da. Ak man nai tinig san mel ibinawag a, ilog ago ka isou wa, man dugo, fun wei kasik dien da. Amaiak ninen o, tamol sen ak ta inanen tinin san mel ninen o sen yan an yabisa tap, nai dam nek ago mi ka nigane wa, agod nai in nirinani geig a. Man dugo, kududom agure: <sup>5</sup> Nai tinag iginiagsig nal eit (8) numadog tinig sunulon dutute ya. Nai Isrel tamolpein sad dar lo nilasa ya, Benjamin san gugoi lo, agod nai Hibru tamol mok Hibru sad dar lo nilasa ya. Kubiaen ninen o nai Farisi numado da. <sup>6</sup> Nai ilog dabai aman da yak ninen o, nai ilo rumok adi sad midaen lo muruan tubun ak nupidinaise ya. Agod kagin itaot ak kubiaen lo ilasa dan ninen o, aenta nai ninen o ru amad tia ya.

<sup>7</sup> Ak man nai Kristus nalon uyan san ninen o gamu naineg urat naon dugo ninane yan igo njile dak man, mel an kawan ak igo nai ilog isou da.

<sup>8</sup> Rumok, nai malag lo urat naon an

fidian man mel ideg ak igo won nabol da. Man dugo, nai Jesus Kristus naineg Tubun en nalon uyanan mok ak, an san nunon man mel a fidian nunod tia yan irinanai pasik a. In o nai mel fidian dideg diau an neil a, agod mel an metmet igo nabol da, ago dop an lo nai Kristus ninanep nabi wa. <sup>9</sup> An lo nai in lo numado dak ago dile wa. Nai naisag fug itaot man kubiaen wagen lo tia ya, tia, nai Kristus ilog lo rumok an wagen lo mi a. Anut in sen mi idsad ilo rumok an lo ilod itaot igane ilasa da. <sup>10</sup> Nai melmel an nunod tia yak metmet igo nabol da, ago dop an lo nai in ka nalon uyan a, agod inanen imasa san dabai dam ka nalon a. Agod in muruan isini ak ago nai dam nisnip, an lo in imat ak ago nai dam mi wa. <sup>11</sup> An lo dop, nai idaisuda tap, nai dam in da mamat a. An lo dop idaisuda tap, nai tamolpein a maten lo dumasap fon kumaen dumado da wan dida mumasa da wa.

#### *Pol dabai nam imaspalug kob fo itaot yau da*

<sup>12</sup> Nai mel an fidian ta ninane na ya, agod nai tinig bubeg da gamugo itaot ilasa da. Ago gug kagin an nabi sakar o dabai nigane se ya, man dugo, fun amaiak ninen o Jesus Kristus nai ibiag sakar da. <sup>13</sup> Nai teig taog, nai mel en nigane itout ak ago ta nabol da. Ak man nai mel kisaek gamu nigane den man igo ya, naineg madok wagan a patug na yan ilog inanon pe mel a naog na yan mi leil nupani dop dabai niganep ninane wo nau da. <sup>14</sup> Nai maeg niganep Anut in Jesus Kristus lo igiag pe lak na nau naisag ilo uyan san kob an ninane wo numaspalu da.

<sup>15</sup> Tamolpein a id lulunad lo ilod lo rumok dabai an ilo sou ago digane wa. An aenta mel ta ninen o kankan sensen amam da ator tap, Anut inanen ilon yen dan kuai te igane ilasap ikubiai panan a. <sup>16</sup> Gug gidad, mel malan te yak man igo ya, id fidian mi kagin uyanan gubak mi tileg tinane yak, nek an mi tabi sakar pe tumado yau a.

### *Aigim san ager*

<sup>17</sup> Teig taog, an n̄aisag turen̄ atu-tujanip amado wa. Tamol a nek man igo dutor dan leil apidinai a, man dugo, in̄ aigim san ager ta dumado na da. <sup>18</sup> N̄ai imug mi n̄urupaian̄ ago mi fon gamu dam malag turon idu dugo n̄urupaian̄ da. Tamolpein wei mi in̄ ilod lo rumok ak dubol dan in̄aned kagin naok naok lo man Kristus anen aigim san ager dumado da. <sup>19</sup> In̄aned wadan man daon̄ mi a. In̄aned tubud man tin̄aed mi a. Kagin a nin̄en sed yan̄ad diabisa san nek an in̄aned miai mi a. In̄aned kankan lo tan en san melmel nin̄en o mi ilo sou digane da. <sup>20</sup> Gug id man kumaen panu san tamolpein mok a. Ante patud ipasi san Tubun ak Jesus Kristus imul ipalu o malan tigane da. <sup>21</sup> In̄ iganep idsad tinid tan en san dabai an tia yan ibileksap, in̄sinan tinin kumaen panu san girager aman da ago mi ak ipanad a. In̄ idaisuda dop mel fidian idiraig in̄ paen na dumado yan, an san dabai lo id tinid ibileksap girager panu san tinik tin̄ane wa.

## **4**

<sup>1</sup> An nin̄en o, n̄ai teig taog, dal amaiak lo an̄ gamu Tubun en lo atur sakar a. An̄ n̄aisag turag muroug, n̄ai an̄ nin̄emi wo n̄amat da, n̄ilian̄ o ilog yen da, an̄ n̄aisag yousai san fun, agod n̄aineḡ urat naon san nuḡon.

### *Ru kagin*

<sup>2</sup> N̄ai Yuodia in̄ Sintaki da nug asued amaiak amoi o n̄usumianan̄ da. An̄ ilom kisaek mi wa, man dugo, an̄ Tubun ak lo amado da. <sup>3</sup> Awo, on̄ dam, n̄aisag turag uyanan̄ urat sisem tigane da, n̄ai igo n̄usumiano, on̄ pein uraru an binawai a. Man dugo, n̄ai ru uyanan̄ n̄ufulale na yan lo, in̄ n̄ai dida nug mupinig urat migane se ya. Agod Klement in̄ n̄aisag urat kisaek aenta dida yan̄ad kumaen san buk lo yen la yan, urat nek ago mi nug mupinig migane se ya.

<sup>4</sup> An̄ Tubun ak lo pempem uyam isusa wa. N̄ai fon mi n̄abol da, uyam isusa! <sup>5</sup> An̄ kagin mos na mi agane dan

agane kuai te ilasap, tamol fidian ka dile wa. Tubun en in̄ sumeik ipanad la ya. <sup>6</sup> An̄ melmel o ilom ta gidigheid na wa, tia, mel fidian nin̄en o Anut mi asumiani wa. Mel fidian nin̄en gudanek agane dan, an̄anem ru an Anut arupeip ilon̄ a, agod ilo uyan ru dam arupei wa. <sup>7</sup> Agod Anut san maror a idsad man̄au fidian irin̄ani geig dan, an̄anem bubem kankan da Jesus Kristus lo dumui igo ibalḡiran̄an̄ a.

<sup>8</sup> Teig taog, ru wadan igo n̄urupaian̄ da. En ata mel rumok, uyanan̄, itaot ak, ikok, siḡaokan, kududod lo uyanan̄, kagin uyan ak aenta, mel aenta yan̄ad tabisa san, an nin̄en o mi an̄ ilom igire wa. <sup>9</sup> An̄ n̄aisag na man̄au an̄ane da, an̄ n̄aisag na mel asini da, an̄ n̄aisag ru alon̄ da, an̄ n̄aisag turen̄ dugo n̄ator dan ale da. Aria, an̄ dam nek ago agane wa, ago tap maror san Anut an̄ da amado wa.

### *Pol Filipai tamolpein ilo uyan ipidinai da*

<sup>10</sup> An̄ saen milaen mi yau itout dugug, gamu fon n̄ai o ilom isou da. An nin̄en o n̄ai Anut ilog tubun mi uyan n̄upani da. Rumok, an̄ pempem n̄ai abinawag o ilom yen da, gug saen milaen mok an̄ dal ta ale man tia ya.

<sup>11</sup> N̄ai mel ta lo katukag ak nin̄en o mel apanag o ta n̄an̄urn̄ur na da. Tia, n̄aisag abeg dugon lo n̄umado dan, n̄ai ilo uyan lo n̄umado da. <sup>12</sup> N̄ai mel tia kawan n̄umadog tinig ilon̄ a, agod n̄ai mel amag da n̄umado yak dam tinig ilon̄ a. Awo, n̄ai anan̄ amag da wak, tia, anan̄ amag tia wak, n̄ai n̄umatigen ak, tia, luag ipuk ak, melmel fidian lo n̄ai an kagin n̄upanig, n̄alon̄ uyan a. <sup>13</sup> Enti in̄ n̄ai dabai ipanag dan lo n̄ai mel fidian ka n̄igane san idaisuda ya.

<sup>14</sup> Gug, an̄ n̄ai da sisem n̄aisag muruan e tisini en lo, an̄ ilom apanag an uyanan̄ a. <sup>15</sup> Agod an̄ Filipai tamolpein an̄sem alon̄ ak, saen n̄ai fun n̄iganeg Tubud ru n̄ufulaleḡ Masedonia n̄ubiseig n̄au an midaen̄ taida n̄ai moni lo dibinawag man tia ya, tia, an̄sem mi n̄ai abinawag a. <sup>16</sup> Agod saen n̄ai Tesalonaika na n̄umado yan, an̄ moni

ņaisag na agane ipalu se ya. <sup>17</sup> Ņai ru igo űabol dop lo aņ moni taida apanag o ta űidalel na da. Tia, űai ru e űabol den lo aņanem kagin uyanan a nuņon ifu an lo, aņsam gubun űai tinig lo yen den ilasap tubun dop Anut ikubune wa. <sup>18</sup> Mel an agane ipalug Epafrodaitas iņaneg űai ipanag a, an lo gamu űai mel ta lo katuk amag san tia ya. Aņ lou kawan ak da aganeg ipalu yan lo űai idaisudag űumado da. Lou an Anut malan lo man uyanan a. An nek ibol yai mumalun uyanan ak, Anut ilo uyan ipani igo woņ da. <sup>19</sup> Agod űaineg Anut iņ aņ mel ta lo katukam mi dop iņsen mi idaisudap ipanaņ a. Iņsan filian girager panu lo yen dan Jesus Kristus banin lo binawek an aņane wa. <sup>20</sup> Id pempem idsad Tamad Anut mi yaņan tabisap lak na yau a. Rumok.

#### *Ru wadan*

<sup>21</sup> Aņ man gun adi fidian Jesus Kristus lo dumado dan ilo uyan apidinai a. Ņai teig taog, űai dida mumado den aņsam na ilo uyan ru en digane ipalu da. <sup>22</sup> Anut anen tamolpein gun ak etna Rom na dumado den aņsam na ilo uyan ru dupanaņ a, agod aenta a Kaisa san ab lo urat digane dan iņ dam malmalan mi ilo uyan ru dupanaņ da. <sup>23</sup> Tubun ak Jesus Kristus iņanen ilo panek aņanem ur da itumanip kisaek mi amado wa.

## Kolosi

<sup>1-2</sup> Njai Pol, Anut sen naj ipilianag go, Jesus Kristus san aposel njilasa ya. Naj an, Anut anen tamolpein a Kolosi na amado dan, sam na girek en njigane ipalu da. Id teid Timoti in naj da girek en migire da. An Kristus da atumanig lo gun alasa ya. Agod gamu Kristus mi awan ari apanig amado da. Naj igo njugudani dak, Anut idaned Tamad san ilo panek, agod ilo maror dam, an sam na ilasa dop yen a.

*Madok uyan an lo Anut ilo uyan tupani wa*

<sup>3</sup> Saen fidian man Anut idsad Tubun ak Jesus Kristus san Taman mugudani dan, gadin an lo an njemi wo musumiani da, agod ilo uyan ru mupani da. <sup>4</sup> Man dugo, man gubak mi ru en malon a, an Jesus Kristus o ilom rumok da, agod inanen tamolpein fidian ilom apidina da. <sup>5</sup> Ananem ilo rumok san naon, Anut ikibine la ya, agog kumaen panu lo iganeg yen da. An naon an anane wo mala nouk amado da. Mala nouk an lo, an tinim ilon lo ananem ilo rumok, agod tamolpein fidian njedi wo amat san kagin dilasag tubun a. Gubak mi ru rumok ak an sam na ipalug alon a. Ru rumok en man bilalun uyan ak a Anut san tamolpein dufulale da. Bilalun uyan an lo, ru mel uyan uyan ak a an o kumaen panu lo yen dan njen o alon a. <sup>6</sup> Tan fidian lo bilalun uyan en iganeg nunon ifu da, agod ru en ifufurak go panu panu lo yau da. Nek ago mi, an lulunam lo kagin naon kisaek an mi yen da, saen imug mi an ru an alon go, Anut san ilo panek an alon fufeig ipalug gamu en, ru an ifufurak go tamolpein wei mi sad na yau dugo nunon ifu da. <sup>7</sup> Epafra ru an alon uyanan san manau ipitejanan a. In man mansama urat kisaek, agod in njen o tubun mi mamat da. In man naoma inaneg Kristus san urat kagin ipani uyanan da. <sup>8</sup> Insen an,

Awan Urgan bubem yabisa dugo, lo tamolpein aenta njedi wo amat dan, ibol go malon a.

<sup>9</sup> Fun an njen o, saen man ru an njemi wo malon go ipalug gamu en, man an njemi wo Anut mugudani panan da. Mansama gadin lo Anut musumiani panan dak igo ya. An Anut ilon dugo ibol dan alon fufeig wa, agod Awan Urgan lo, an kankan milaen ak, agod manau dam an fidian tinim inane fute wa. <sup>10</sup> In an ibinawan pe, kagin uyan ak lo ator amado wa, an lo dop tamolpein ananem kagin dile dop igo dubol, "tamolpein an inaned Tubun ak san tamolpein dilasa san idaisuda mok a." Taida mi, dal fidian lo, Anut san ilo uyan an o tubun mi yen o, urat wagai agane wa. Urat uyan ak fidian lo nunon agane wa, agod nal fidian ananem manau Anut njen o yan isap tubun a. <sup>11</sup> Anut san dabai tubun geig a, an njen o man dam, in mugudani dop insan dabai tubun an fidian ipanan a, ago dop, an lo an dabai mok a. An lo dop muruan dugo yak fidian an lo dilasa bo man, an atur dabai pe, yaes ta ifunan na wa, agod yousai amam da, ilo uyan ru idaned Tamad apani wa. <sup>12</sup> In an idaisuda mi ipanan an lo man, an dam naon a inanen tamolpein gun ak murnap dinane wan lo atutou wa. Naon an gamu inanen kagin panek aben lilaman anda yak, ante yen da. Agod inanen patu pasek anane yan lo, naon an anane san an idaisuda mok a. <sup>13</sup> Man dugo, id gubak mi aben a Satan tidom tubun ak lo tamolpein a Anut san tia yak itirnai dan te tumado se ya. Ak man id Tamad patud ipasig injiliag go taug Nanun a njen o imat dan, inanen kagin panek aben lo tiladu ya. <sup>14</sup> Nanun an lo idad injiliad go, idsad aupasek fidian isuas panad a.

*Kristus in Anut anen tutunanek tamol mok a*

<sup>15</sup> Anut Nanun man Anut a id malad nam tile san tia yan san mitilaen imado da, inanen mitilaen nunon



mok a. Inj Anut anen nanun matu, agod mel fidian a Anut idiri an taman imado da. <sup>16</sup> Man dugo, Nanun banin log Anut mel fidian idirig dilasag dien da. Mel a kumaen panu lo yen dan, tan na dam yen dan, mel a malad nam teil san, agod mel a malad nam tile san tia yan dam fidian idiri a. Mel a malad nam tile san tia man, enjel adi, tubud adi, tan keit tuon adi, agod ur naon funfun dabai amad da ya. Awo, rumok, Anut inj Nanun banin lo mel fidian idiri a, agod inj ninen o mel an idiri a. <sup>17</sup> Mel fidian gamugo dilasa dugo, inj imug mi imado ya. Inj lo mel fidian injaned abek abek atem dumado dugo, nug lo dututou da. <sup>18</sup> Inj mi midaen gurman, agod midaen man inſan tinin. Inj mi mel fidian Anut idiraig dilasa yan sad malan te ya, inj imug mi mateſ lo kumaen imasa ya, an lo man inj mel fidian iriſanai geig go, lak na isuda yaug imasi a. An lo gamu inj mi mel fidian sad malan te ya. <sup>19</sup> Man dugo, Anut sen injanen bunun an fidian, Nanun aman da wo ilon yen a. <sup>20</sup> Nanun lo mi Anut mel a tan na dumado dan, agod a kumaen panu lo yan dam, fidian injiliaip injanen muroun muroun igo woſ ſinjren na dumul pe dupalu wa. An fidian inſan ager oſ ago mi dumado san tia ya, man dugo, injanen Nanun san dar aigim fo iwatik an lo maror iganeg ilasa ya.

<sup>21</sup> Anj imug Anut lo siai aganeg ator se ya, anj tamol asau ak igo woſ, Anut malan patun fo amado ator se ya. Anjanem kankan lo man, Anut san ager amado se ya, man dugo, anjanem kagin naok naok a agane se yan saian geig a. <sup>22</sup> Ak man Kristus tinin tan en san an imat a. An lo gamu Anut anj naom yabig inſan turan mok alasa ya. An lo dop inj injiliaſ pe inj naon na igunaſ dop, anj inj malan lo gun ak, nun amam tia yak, agod talpein kot ipanaſ san tia yak, ago atur a. <sup>23</sup> Ak man anj kulob ago ilasa wo urat amam da ya. Anj anjanem ilo rumok abituanip yau a. Nek ibol kadan

duguni dabai go ibuk ila iso san tia yak igo atur dabai a. Agod tamol ta anj naom yabip, anjanem mala nouk a bilaluſ uyan ak igane ilasa dan, ante asuk amul amoi. Bilaluſ uyan en gubak mi aloſ dugo, ru nek emaiak Anut san urat tamol adi aben fidian lo dubol ilasa se ya. Agod ſai Pol, bilaluſ uyan emaiak san urat tamol ſilasag ſumado da.

### *Urat a Pol Kristus san midaen niſedi wo igane se ya*

<sup>24</sup> ſai madaſ, agod muruan a anj niſemi wo ſisini se yan ninen o uyag isusa da, agod ſai tinig madaſ dupani dan lo, Kristus tinin madaſ dupani amaiak san wadan ſigane itout a. Kristus tinin man injanen midaen, agod midaen an ſibinawai wo, ilo uyan lo muruan an fidian ſisini da. <sup>25</sup> Anut ſai ipilianag go, injanen midaen en san urat tamol ſilasa ya. ſaisag urat man, Anut san ru an fidian anj ſurupaian pe aloſ a, ru ta kiſaek ſabituanſ san tia ya. <sup>26</sup> Idsad tubud baged gamugo dilasa dugo, Anut ru en imianig saen milaen mok imianuk an yen na ya. Ak man gamu Anut ru en injanen tamolpein gun ak kuai tem irupidaig duloſ a. <sup>27</sup> Ru mianuk en girager andag awan isa. Agod Anut ilon yen ak igo, ru mianuk en kuai ipanig injanen tamolpein gun ak banid lo igane ya, an lo tamolpein tan fidian lo dumado dan, duloſ uyan dop, ru en san girager tubun ak ka dile wa. Ru mianuk girager anda yak man nek en: Kristus anj tinim ilon lo imado da. Agod kulob an nuſon man, murnap anj kumaen a girager anda yan anane wa. An anj o ilasa wak ninen o mala nouk amado da.

<sup>28</sup> Maſ ru Kristus ninen o yan tamolpein murupidai duloſ da. Maſ tamolpein fidian ru kagin murupidai dugo, kankan milaen ak lo maſau mupiteſanai da. Maſ iloma man, tamolpein fidian miſiliaip, dida Anut naon na maup, itaot adi Kristus lo yak igo mugunaip dutur a. <sup>29</sup> ſai mel an ilasa san ninen o urat wagai ſigane

da. Dabai tubun geig ak a Kristus naj ilog lo igane ilasa dugo, ilog lo urat tubun mi isini dan, an nujon igane wo maeg njigane da.

## 2

### *Pol ilon man midaen Kristus dulon uyanan mok a*

<sup>1</sup> Nai an ninemi wo, tamolpein a taun Laodosia na dumado dan dam ninedi wo, agod a fidian naog ta dile na yan dam ninedi wo, nubunawan o maeg njigane dan, alon uyanan ak ago ilog ibol da. <sup>2</sup> Nai ilog man, naj an in dida ilom njabisap, ilom dabai amam da amado wa, agod ilo panek lo atumanip kisaek a. Ago dop an lo an in dida manau milaen mok an ilom lo ilasap yen a. An lo dop Anut san ru mianuk an alon pasik a. Ru mianuk a talon san uyanan man Kristus insen. <sup>3</sup> In tinin ilon lo, Anut gubak mi mel fidian naod lak na geig ak manau san, agod kankan milaen ak san dam, imianaig dimianuk go dien da. <sup>4</sup> Nai ru ago njurupian dan lo, talpein ta ilo njanek ru nam irawan san tia ya. <sup>5</sup> Man dugo, gidad an lulunam lo naj naog tia ya, ago bo man njaineg ur lo mi naj an da tumado da. Ago dugo ananem ilo rumok Kristus lo yan, an nug aganuri dugo atur dabai da, an naj njile dugo ilog bulbal da.

### *Id Kristus tiganuri dan lo id afon kubiaen san urat tamol tilasa san tia ya*

<sup>6</sup> Fun an ninen o, an Jesus Kristus ananeg ananem Tubun ak ilasa yan ninen o, in aganurip sisem ator a. <sup>7</sup> An aganep ananem dabim Kristus lo dudu diau geig a. Agod nek ibol ab ta diabig dabai anda itur dak ago won, an dam Kristus lo dabai amam da atur a. Nek ibol imug Epafras ipitejanan ak ago, ananem ilo rumok an dabai apani wa. Taida mi, an Anut ilo uyan ru apani san kagin an ilom lo awan isa wa.

<sup>8</sup> Kagin agane, kabelan talpein ta tamol sad manau lo inijen, ago dop ru bulbal inijen dan lo, ilom iniane

dop ru sewak an san subanek tamol alasa banau. Talpein kulob ago digane dan, in tubud baged sad na kagin dugo dinjane yan, agod tan en san tan tubud adi sad kagin digam an diri na ya. Ilo sou naok ago yan Kristus san tia ya.

<sup>9</sup> Man dugo, Anut san bunun fidian an Kristus tinin inanfute ya. <sup>10</sup> Agod inanen kumaen an ananeg, an ilom inanfute ya. Kristus mi malan te ya, in mi mel fidian sad gurman imado da, agod tubud sewak adi a tamolpein sad madok ditirni dan irinanai geig a. <sup>11</sup> Nek ibol Juda adi tinid sunulon tutek san mulun lo dudu dak igo won, an Kristus da atumanig kisaek alasa yan lo, ananem bunum wagam ak aupasek san an atuteg abibol yau a. Tinik sunulon tutek naok emaiak tamol banid nam ta digane na ya, tia, kulob an Kristus tuon lo mi ilasa da. <sup>12</sup> Saen an Kris lo suguek anane yan, an Kristus da sisem amat go tan lo disirian a. Agog Anut an Kristus da sisem ibian sag fon kumaem amasag amado da. An an Anut san dabai urat isini dan ninen ilom rumok an lo ago ilasa ya, man dugo, Anut Kristus maten lo yabisag in fon kumaen imasa da yan alon la ya.

<sup>13</sup> Gubak mi an gob mi a, an aupasek kagin lo ator dugo, Juda sad mulun lo adu man tia ya. An ninen o an njutumi imat ak igo amado ator se ya. Ak man saen Anut Kristus kumaen foun ak ipani man, kumaen foun ak ipanan go an lo ananem njutumi dam kumaen dilasa ya. Agod idaned aupasek fidian isuas yau a. <sup>14</sup> Gubak mi Moses san kubiaen an, ager igane panad go ibiad tadu se ya. Kubiaen an san ru kagin wei mi a, in nek ibol pepa roun ta an fufo gubun fidian a tinid lo dien dan digire yak igo won a, agod id gubun an fidian tukubune wo ta idaisuda na ya. Ak man Kristus gubun an fidian itute ya, in pepa roun an inaneg isini yaug, insan aigim fo ibali a. <sup>15</sup> Inanen maten aigim fo yan lo, tubud adi tuon anda

yak, agod ur saiak fidian a tamolpein ditirnai dan, inaned dabai igane itout a. Nek ibol yu gurman ta yu igane itout go, inſan ager ta dumat na yan banid ifoug, in patun fo malak malak iraug diau dak igo won, Kristus inſan mater lo yu iganeg itout go, mel fidian a dabai ad da yan ibiai dudu go, malak malak miai ipidinai a.

<sup>16</sup> Fun an ninen o talpein ta an kulob igo yak agane wo ibol da: an mel dugo ani aluk dan, soubul agane dan, kalam foun ilasa yak san mugurun agane dan, tia, Sabat nal ninen o yaes abal dan, ago ibol tap, an awan ta abi na wa. Talpein ta memel naok an ninedi wo an bitinaek lo idiran dop, an amoi a. <sup>17</sup> Kagin naok ago yak man, memel rumok a murnap dupalu an sad mitilaedi mi a, ak man mel a rumok an igo yen la ya, an Kristus sen. <sup>18</sup> Talpein enti sewak kagin lo sen yabi idu dugo, enel adi sad ubou leil igane dan ninen o kagin agane wa. Talpein naok an patum apani wa, kabelan ananem naon uyanan an irinanan banau. In njonamin lo manau senamo geig ak inane dak ago ibol da, an ninen o sen ipitiani da. In an naom iguri wo ru dabai anda ru kagin irupaian da, ak man ninen an fun an tia ya. Man dugo, inſan se pitiano kagin an lo mi inin da, agod inanen kankan an tan en san tamolpein dugo ilod isou dak ago mi iri da. <sup>19</sup> Talpein naok ago yan idaned gurman Kristus an yabipitili a. An ninen o in Kristus tinin ibiseig yaug patun fo ilasa ya. Kristus mi inſinanen tinin san gurman, agod tinin anen boi an fidian itirnai da. In lo, tinin san im, tinin san boi aenta fidian disatunaig nug diabi dan lo italbusi da, ago dop Anut ilon yen dak ago mi tinin fidian isap dabai a.

<sup>20</sup> An Kristus da sisem amat a, an lo man an ka tan en san tubud kititik abisawaip kawan ator a. Fun an ninen o, ata wo an tan en san tamol amado dak on, sem idiran go tan en san tamol kagin wei mok an paed na amado dak i? <sup>21</sup> Tamol kagin an igo

dubol, “An mel an ta abi na wa.” Tia dubol, “An anan an ta ani ale na wa.” Tia dubol, “An mel en ta asupuri na wa.” <sup>22</sup> Memel e ninedi wo nabol den, ata mel tani taluk o boi, an id ka saen kisaek mi urat tipidinai wa, ago gup dideg diau a. Mel geg niganag an nunon an tia ya, man dugo, ru kagin naok ago yak san fun mok man, ru kagin sensen ak agod pitenanek funfun a tan en san tamol mi durupaiad se ya. <sup>23</sup> Rumok, ru kagin naok ago yan tamolpein aenta sad leil lo kankan milaen ak anda yak manon a. Man dugo, ru kagin an diri dupani dan lo kagin naok igo dilasa da: in ubou leil digane wo sed isodudunai da, in sed ibiai dudu da, (ak man kagin an sewak a,) agod inſed tinid dufu da. Ak man kagin naok naok ago yan inaned tini masai diabituanisan in dabai ad tia ya.

### 3

#### *Idsad madok gun ak san kagin*

<sup>1</sup> An Kristus da sisem Anut ibiansa ya. An ninen o an ananem mala nouk an memel a lak na dien dan fo agane wa. Aben an ate Kristus in Anut banin won ak lo imado da. <sup>2</sup> Nal fidian pe an tan en san memel an mi ninedi wo ilo sou ta agane na wa, tia, kumaen panu san memel amaiak mi ilo sou an agane wa. <sup>3</sup> Man dugo, on umat la ya, agod gamu onane madok mok ak imianuk Kristus da dumado da, agod on an ule san tia ya, man dugo, Anut mi kagin an igane da. <sup>4</sup> Kristus inſen mi man onane madok mok a. Amaiak ninen o saen in fon tan na walal isi dan, on dam in da sisem girager amam da walal asi wa.

<sup>5</sup> An ninen o tan en san kulob saian saian agane dan asare. An jeit kagin ta agane na wak, ilo isou saian saian dam ta agane na wa. An pein ninedi wo malam ta isi na wak, an ilom tinim imasap ilo sou saian saian ta agane na wa. Agod ilo sek kagin ta gane na wa, man dugo, Anut malan lo kagin an man nek ibol an tubud sewak adi ubou ad ale dak igo won a.

<sup>6</sup>Tamolpein kagin naok naok ago yan digane dan lo man, Anut san tinæ mumarek ipalu da. <sup>7</sup>Gubak mi an dam, kagin naok naok ago yan lo ator dugo, ilo sou sisaiak ananem ulum yabi se ya. <sup>8</sup>Ak man kagin naok igo yak patum apani: wagai kagin, tinæ saiak kagin, nug ule saian san kagin, agod uf ru. An ru nun ak awam lo ta ilasa na wa. <sup>9</sup>An nug ta arawi na wa, man dugo, an ananem bunum wagam ak, agod kagin a bunum wagam ak igane se yan fidian apasi la ya, <sup>10</sup>agod ananem bunum foun ak anane ya. Anut gamu urat igane dan lo ilom ibileksap manau foun ak anane da. An lo Enti a an foun idiran alasa yan, an lo igo igane da, nek ibol in sen imado dak, an dam ago mi alasa da. <sup>11</sup>Fun an lo na id foud tilasa yan lulunad lo tarpalek man tia ya. Grik in Juda dadi, tamol a tinid sunulon dutute yan, a tinid sunulon ta dutute na yan, tamol asau ak, tia, tamol kasik yu gidigheid digane dak, tamol urat bigabeg ak, tia, tamol kawan imado dan, an fidian kisaek a. Gamu Kristus mi malan te ya, man dugo, in tamol naok an fidian ilod lo imado da.

<sup>12</sup>Fun an ninen o, an gamu Anut anen pilianek tamolpein a, an gun amado dugo in ninemi wo tubun mi imat da. An ninen o nek ibol tamol ta kulos in al go tinin fo idiri dak igo won, kagin en aburoup kulos on nam tinim abuluwi wa: ilo munanek, ilo panek, sem ibian adu san kagin, mos kagin, agod muruan asini san kagin. <sup>13</sup>Nug ale saian amoi dop, muruan dugo yak an nugnug lo yen dan, an anen anen apare idu dop, nek ibol Tubun en ananem aupasek isuas panan ak igo won, an dam nug san aupasek asuas a. <sup>14</sup>Agod kagin a kagin aenta fidian irinanai dan man, an nug ninen o amat a, nek an mi a. Nek ibol let ta, an sam kulos aenta ibiai sakar dak igo won, nug ninen o amat ak san kagin an, in kagin aenta fidian ifou dop an lo sisem urat disini uyanan a.

<sup>15</sup>Kristus san maror an an ulum

am yabi wa, ago dop an pilianek agane wo uyan a. Man dugo, Anut an igan go tinik kisaek mi ak alasa ya, an ninen o Anut an fidian maror lo amado wo irupaian a. <sup>16</sup>Ru a Kristus ninen o alon an ananep bubem ilon lo aganep idaisuda wa. An bubem lo ru an urat isini wa. Kankan milaen ak nam nug apitenani dop nug ru kagin arupei wa. Isrel kanam bar an abi, kanam bar aenta dam abi, Awan Urgan bar ikubiai panan an dam abi; ilom bubem tinim fidian lo Anut ninen bar abi wa. An ago agane dop Anut ilo uyan apani wa. <sup>17</sup>An ru dugo abol dan, kagin dugo agane dan dam, an fidian Tubun en Jesus yan an lo mi agane wa. In yan an lo mi Bai Anut ilo uyan ru arupei.

*Nug muroun sad ru kagin sensen ak*

<sup>18</sup>Pein, ananem tamol awad paen na amado wa, man dugo, kagin an mi Anut malan lo itaot a. <sup>19</sup>Tamol, ananem pein ninedi wo amat a, agod ru saian nam ta apidai na wa. <sup>20</sup>Nanuk, ananem tinam tamam mel dugo agane wo dubol tap, in awad kagin apani. Man dugo, kagin naok ago yan, agane dop lo Anut ilo uyan apani wa. <sup>21</sup>Tinan taman, an nanuk pempem muruan ta apidinai na wa, kabelan in ilod saian panan pe, kagin uyan ak digane wan dumoi banau. <sup>22</sup>Urat bigabeg adi, ananem tamam a kagin dupanan dan, mel ta dugo agane wo dubol tap, an pempem awad ari apani wa. In dilian o, tia, in ilod ananep dipitianan o ago agane amoi. Tia, in malad patun fo bo man, Anut o mi arer dop, tamol nunom ago won, insad urat itaot aganep ilasa wa. <sup>23</sup>An mel dugo agane dan, ilom nutum nunon amam da agane wa. Man dugo, an tamol sad urat ta agane na da, tia, an Tubun en san urat agane da. <sup>24</sup>Fun an ninen o, an mel en alon uyan ak, Tubun en an dam mel uyanan a Anut san tamolpein ipidinai o iganeg yen dan, ananem urat naon igo won ipanan a. Tamol nek a in san urat agane dan man



Tubun ak Kristus inſen mi. <sup>25</sup> Alon uyan ak, talpein enti igane saian dan, inſinan kagin saian an naon ka inſane wa. Gidad onj urat bigabeg, onj urat bigabeg taman, naon panek kagin a Anut igane dan kisaek a, man dugo, inſan leil lo man, id fidian tou kisaek mi a.

#### 4

<sup>1</sup> Onj urat bigabeg taman, anj kagin itaot ak lo, agod kagin uyan ak lo dam, ananem urat bigabeg adi kagin apidinai a. Man dugo, anj alon ak, anj dam tamam am da ya, inj kumaen panu na imado da.

#### *Ru kagin aenta*

<sup>2</sup> Anj saen pempem Anut agudani dop amado wa. Saen agudani dan, ilo sou agane uyan gup, Anut asumiani, agod pempem Anut ilo uyan apani wa. <sup>3</sup> Agod saen anj Anut agudani dop, manj o dam ilom isou panama wa. Anut asumiani dop, inanen ru mianuk Kristus ninjen o yan mabol ilasa san inj ka dalawan ipasi panama wa. Nai gubak mi ru mianuk an tamolpein nfulale pidinai se ya. Fun an ninjen o nai dusubanag go sein nam njieg banig dufoug subanek ab lo numado da. <sup>4</sup> Anut asumiani dop nai ibinawag pe inanen ru en fun kuai tem nabol ilasap, tamolpein dulonj uyan a. Ago njigane dop man uyan a. <sup>5</sup> Saen anj tamolpein ensauta a anſam midaen patun fo dumado dan luluſad lo amado man, anj ilo sou uyan ak mi ari apani dop, kagin itaot ak mi agane wa. Taida mi, Anut dal ta ikubiai ale dop, talpein aenta ananem ilo rumok ka afulale pidinai dop man, ananem ilo rumok afulale pidinai a. <sup>6</sup> Saen fidian anj ilo uyan san ru, agod ru kududod bulbal san an mi anjnen a. Ago dop lo talpein ta sumiaek igane tap, anj ilo sou uyan ak lo mi sumiaek awan abi dop, lo tamolpein fidian dulonj uyanan a.

*Pol turan muroun ilo uyan ru digane ipalu ya*

<sup>7</sup> Tikikas inj nai kulob dugo njigane na yan ka ibol alonj a. Inj manj teima Kristus lo yan ninjen o mamat da, Tubun en san urat lo inj nſisag urat kisaek, agod manj ka inj Tubun en san urat igane uyanan o tinima migane pani wa. <sup>8</sup> Nai inj anſam na njigane yau da. An fun man, inj manj dugo mumado den san fun fidian ibol alonj a, ago dop anj ilom pasai ibol a. <sup>9</sup> Onesimus inj da anſam na sisem diau da. Inj tamol Kris ak ilasa ya, agod manj ninjen o tubun mi mamat da. Gamu inj dam ananem midaen san tamol kisaek a. Inj urarum mel fidian etna ilasa dan ka dubol alonj a.

<sup>10</sup> Aristakas, inj dam subanek ab lo da mumado yan anſam na ilo uyan ru igane ipalu da. Mak dam anj ilo uyan ru irupaianj da, inj Barnabas nukol. Anj Mak ninjen o ru kagin anane la ya. Inj anſam na ipalu tap, ananep kagin apani wa. <sup>11</sup> Agod Jesus, inj yanjan aenta Jastas dubol dan dam anſam na ilo uyan ru igane ipalu da. Nſisag urat kisaek adi a Anut san kagin panek o urat digane dan, luluſad lo tamol utol en mi Juda tamol a. Inj nai dubunawag go ilog pasai ibol a. <sup>12</sup> Epafras, inj dam anſam tamol kisaek a, agod ilo uyan ru irupaianj da. Inj Jesus Kristus san urat tamol mok a. Inſan gadij lo anj njnemi wo urat wagai igane dugo, Anut igo isumiani da: Anut ilon dugo ibol dak alonj uyan pe, tinim njutum fidian lo ari apani wa, agod anj mel ta ninjen o, ta katuk amam na wa, an lo dop ananem ilo rumok Kristus lo yan dabai a. <sup>13</sup> Nai nſiseg njrupaianj da, inj anj ibinawanj o urat wagai igane da, agod ilo rumok adi Laodosia na yan, Hirapolis na yan dam njnedi wo urat wagai igane da. <sup>14</sup> Manſam turama mok, Luk, inj a dokta tamol amaiak, Dimas da anſam na ilo uyan ru digane ipalu da. <sup>15</sup> Nai naog ananep ilo uyan ru, ilo rumok adi Laodosia na dumado dan arupidai. Nimfa, agod midaen a inſan ab lo dutumani dan dam, nſisag ilo uyan ru arupidai.

<sup>16</sup> Girek en asutip ale gup murna Laodosia midaen sad na agane yaup, in dam dusuti dop dulon a. Nek ago mi an dam girek taida an Laodosia midaen sad nag ipalu yan asutip ale wa.

<sup>17</sup> Akipas arupe, “Tubun ak inanen urat gane wo dipiliano yan urat wagai ganep, gane yau itout a.”

<sup>18</sup> Nai Pol, naiseg banig mok nam ru wadan en ngire da. Nai ilo uyan ru nurupaian da. An nai subanek lo numado dan, ilom ta inaoan na wa. Nai ngudani da, Anut inanen ilo panek an da ka amado wa.

## 1 Tesalonaika

<sup>1</sup> Pol, Sailas agod Timoti ago girek migire yen an Kris midaen Tesalonaika na yan sam na yau da. An id Tamad Anut in Tubun ak Jesus da sisem amado da. Anut san ilo uyan maror da ka an yen yau a.

*Tesalonaika tamolpein sad ilo rumok aenta dabai ipidinai da*

<sup>2</sup> Pempem man an ninemi wo Anut ilo uyan mupani dak, saen fidian ibinawan o mugudani da. <sup>3</sup> Ansam ilo rumok an kagin uyan ak an lo igane ilasa da. An nug ninen o amat agog urat dabai mok nug abinawi san agane da. An dam ananem tini ganei idsad Tubun ak Jesus Kristus lo yan ninen o kagin an iginian go muruan naok fidian lo atur dabai da. Ago tag man ansam kagin an ninen o id Tamad Anut ru murupeyi wo iloma ta isali na da.

<sup>4</sup> Teig muroug, man malon ak, Anut buben ipanan go ipilianan a. <sup>5</sup> Man dugo, saen man ansam na mupalug malama mok nam aban mile ya, ru uyanan mufulale man ru kawan ago tia ya. Tia geig, man Anut san dabai an lo mile agog Awan Urgun dam an lulan log inisan ru ilom tubun mi issue ya. Man tamol dugo yak, agod an ninemi wo mansama kagin an lulan lo migane se yan an alon uyanan a. <sup>6</sup> An mansama kagin agod Tubun ak san kagin da agam go ari a. Gidad muruan tubun mok ansam na ilasa se yak man Awan Urgun an ibiansag an ilo uyan da isuda geig a. Kagin ago yan lo mansama bilalun anane ya. <sup>7</sup> Fidian ansam kagin dulon a. An lo ilo rumok tamolpein Masedonia nag Akaia na dam, gamu ananem kagin dututunani da. <sup>8</sup> An ru afulale yan lo, bilalun a Tubun ak ninen o yan, nek ibol dou san liliyan yau dak igo won ifufurak yau a. Ru an Masedonia nag Akaia na mi ta yau na ya, tia, aben fidian inane ya. An Anut ninen o ilom rumok dan fidian dulon pasik a. An

ninen o mansema ru ta an ninemi wo mabol san urat amama tia ya. <sup>9</sup> Tia, in sed mi ansam mala parek naok dugo yak apanama yan ninen dininon ilasa da. An bui adi sad tubudi lo adansag, Anut mi ilom apani a. An lo gamu Anut e rumok di kisaek o lian en paen na amado dugo, in san urat tamolpein mok alasa yak, an ninen o dininon da. <sup>10</sup> Ago dugo an, Anut san Nanun Jesus, kumaen panu ibiseip imul o dan ninen o malam aganeg amado den, an ninen o dam dininon da. In gubak mi imat go Anut maten aben lo ipasi inane ya. Anut san tinan mumarek murna ilasap lo tamolpein daon ipidinai a, ak man Jesus maten log imasa yan lo, id ilo rumok tamolpein daon an lo patud ipasi wa.

## 2

*Pol san urat Tesalonaika na ya*

<sup>1</sup> Teig muroug, ansem alon a, wagam ansam na mupalu man mansama urat kawan ta yau na ya. <sup>2</sup> Inug mi Filipai na man, man tinima malan dusueg ilo madai minane man an alon a. Ak man idsad Anut man bubema dabai ipani an lo, man dabai minaneg inisan bilalun uyan an ansam na mufulale se ya. Man ager tamol adi dida nug mabi midiri se yak man ninedi wo ta marer se na ya. <sup>3</sup> Man ansam na ru mininon den, man mufurfig ru mabol an ta muri na da. Taida mi, man kankan saian ak mianuk lo yen dan lo ta mabol na da, ago dugo an mirawan o ta migane na da. <sup>4</sup> Tia, nek ibol tamol a Anut inisan bilalun uyan ak banid lo igane wo awok ipidinai ak igo won, man tamol naok ago mi inisan ru mininon ilasa da. Man tamol ilod minane wo ta migane na da, tia, Anut ilo uyan mupani wo urat migane da. In mansama bubema ibitinae da, ago yak ninen o in lon uyan ak man sewak ru ta mabol na ya. <sup>5</sup> An alon ak, saen man an lulan lo mumado se yan, mansama ru lo an ilom ta minane na ya, tia geig a. Agod Anut

dam ilon ak, man mala bulbal san kagin miñaneg, man sama kagin uyan uyan ak paen na mumiani wo ago ta migane na ya. <sup>6</sup> Ago dugo, man tamol yanak tubun miñane san urat ta migane na ya. An malam lo, agod aenta malad lo dam tia ya.

Rumok, man Kristus san bilalun tamol mumado da. Ago yan lo man iloma ibol ak man, an man sama yanama asini wo musumianan dop sema ilobol lo muruan mupanan san ninen o man idaisuda ya. <sup>7</sup> Ak man saen man an da tumado se yan, man kagin mos anda migane se ya, nek ibol pein inanen nanuk kagin ipani dak igo won a. <sup>8</sup> Man an ninemi o mamat saian a, an ninen o man Anut san bilalun uyan ak mupanan o an iloma lo tubun mi bulbal a, an mi tia ya, tia, man sema tinima an lo mabituan san tia ya. Man ata wo? An man sama turama mok alasa ya. <sup>9</sup> Teig muroug, saen man Anut san bilalun uyan ak an lulunam lo mufulale se man, man urat dabai mok migane yan an ilom isou. Tidom ad urat migane se yan lo man muruan ta kisaek mupanan man tia ya. Man dugo, tamol ta man kagin ipanama san urat mupani san ninen o iloma ta ibol na ya.

<sup>10</sup> Saen man an ilo rumok adi lulunam lo mator dan man sama kagin gun, agod itaot, aupasek aman tia yak, an an ale ya. Anut dam ago mi a. <sup>11</sup> An alon a, man kagin dugo an kisaek kisaek lo migane dan, nek ibol nanuk adi tamad kagin ipidinai dak ago mi a. <sup>12</sup> Man tan suek ru mupanan dugo, ilo maror san ru murupaian se ya. Ago dugo ananem madok tan en lo man, Anut enti an igian go inanen girager alep in san kagin panek aben lo aladup fom idaisuda san ninen o musurnan se ya.

<sup>13</sup> Taida mi, man nal fidian Anut an ninemi wo ilo uyan ru mupani da. Ata wo? Gubak mi saen an Anut san ru man awama lo anane yan, ibol tamol sad ru on ta anane na ya, tia, ibol Anut sen awan igo won anane ya. Rumok, ru an Anut san, an lo an Anut san ru

igo won ru an anane ya. Ago dugo gamu ru an an ilo rumok adi bubem ilon lo urat igane da. <sup>14</sup> Teig muroug, an nek ibol Kris midaen Judea na dumado dak on alasa ya. In Kristus Jesus ninen o ilod rumok dugo in lo dumado da. Aria, nek ibol in Juda banid lo madai diñane na yak ago mi, an dam siñanem Tesalonaika tamolpein gob ak banid lo ago anane ya. <sup>15</sup> Juda tamolpein in wagam mi profet adi dufu dumat se ya, agog Tubun ak Jesus dam dufuni imat a, agog gamu man dam dukudamag mau a. In Anut tiniae saiak dupani on se ya, ago dugo in tamolpein fidian dil saian da. <sup>16</sup> Man dugo, in man sama dal dufutani wo maeg digane da, an lo man tamolpein Juda adi tia yak sad na ru mufulale san tia ya. In Anut gob adi patud ipasip in iliai san dumoi da. Dal an lo in pempem aupasek digane dugo sad aupasek tubun geig ilasa ya. Ak man gamu Anut sen yabituan san tiag an lo in san tiniae mumarek in sad na igane ilasa ya.

### *Pol fon Tesalonaika tamolpein yilo da*

<sup>17</sup> Teig muroug, saen katukan mi man an sam na dukudama, agog man nanuk tinan taman an tia yak mumado won se ya. Rumok man an naomi ta mile na ya, ak man bubema an lo yen da. An lo man urat dabai mok naom mile wo dal aban mabi da, ago dugo bubema tubun mok naom mile wo itata da. <sup>18</sup> Ago yan lo man an sam na mupalu wo migane se ya, nai Pol nal wei mok nibitinae se ya. Ak man Satan man naoma dal ifou se ya. <sup>19</sup> Murna gup, saen idsad Tubun ak Jesus tan na imul dop id naon na tatur an, man sama mala nouk dugo i? Ago dop man ata mel ninen o yousai migane wak i? Ago dop man sama urat naon miñane wan dugo i? An nek ansem mi a. <sup>20</sup> Rumok nunon, ansem mi man sama girager, agod man sama yousai dam mi a.

## 3

<sup>1</sup> An ninen o man malama taida



migane san tia ya. An lo maŋ uraru mi Atens na mumado wo iloma isou a. <sup>2</sup> Agog maŋ id teid Timoti mi midinig aŋsam na ipalu ya. In bilalun uyan ak Kristus niŋen o yan ibol ilasa san urat lo, in Anut san urat kisaek a. Ago yan lo maŋ miganeŋ, aŋanem ilo rumok lo dabai ipanaŋ o aŋsam na ipalu ya. <sup>3</sup> Maŋ iloma igo yen, inŋan tan suek ru lo, talpein ta aŋ luluŋam lo muruan madai da asini dan niŋen o ilon idu dop ta isuk imul na wa. Aŋ aloŋ uyanan la yak, Anut id muruan nek an tisini wo wagam mi ipilianad a. <sup>4</sup> Rumok gubak mi saen maŋ aŋ da tumado man, ru en murupaian se ya, murna gup tan en san tamolpein id tinid dusue dutare wa. Agog aŋsem malam nam ale dugo kagin an nek ago aŋsam na ilasa se ya. <sup>5</sup> Nai aŋ niŋemi wo ilo weiwei ag da ŋumado se ya. Kitek milaen go ŋai ilo maror amag tia ya, an lo Timoti ŋidinig aŋsam ilo rumok niŋen o yen dabai boi, tia boi, an kuai ipani wo aŋsam na ipalu ya. Naisag rirek man, ur saiak ilo ŋanek san ta ilom inaneŋ maŋsama urat an kawan a.

#### *Timoti san urat Pol Sailas da dabai ipidinai a*

<sup>6</sup> Aria Timoti, aŋ ibisawaŋ go gamu geig maŋsama na ilasag, agog ru uyanan ak irupaiama ya. Aŋanem ilom rumok, agod aŋ tamolpein niŋedi wo amat dan niŋen o ru irupaiamag malon a. Agog fon ibol, aŋ pempem maŋ niŋema wo ilom isou dak, niŋema wo bubem uyan da. Agog irupaiamag aŋ maŋ aliama wo amat da, nek ibol maŋ aŋ milian o mamat dak ago mi a. <sup>7</sup> Fun an lo, teig muroug, gidad maŋ muruan naok wei mi misini dan bo, saen aŋsam ilo rumok niŋen o ru malon man, bubema imasa, agog iloma maror anda mumado ya. <sup>8</sup> Amaiak niŋen o gamu maŋ ilo maror da ka mumado wa, man dugo, aŋ Tubun ak lo atur sakar da. <sup>9</sup> Maŋ aŋ niŋemi wo idsad Anut malan lo iloma uyan mok da. An niŋen o maŋ dugo migane wak

i? Ilo uyan dugo mok miganeŋ Anut naon mupani wak i? Maŋ ta idaisuda geig na ya. <sup>10</sup> Tidom ad maŋ urat dabai mok naom mile wo mumosiai on da. Ago dop aŋanem ilo rumok an mel ta lo katukan dop man, maŋ mel an ka mupanaŋ pe aŋanem ilo rumok idaisuda mi geig ilasa wa.

<sup>11</sup> Gamu ŋai idsad Bai Anut, idsad Tubun ak Jesus ida igo ŋusumianai da, dalawan dupasi gup aŋsam na mupalu wa. <sup>12</sup> Tubud en ilo muŋanek san kagin anua geig ak iganeŋ, aŋsam na isuda wa. Ago dop aŋ ka nug niŋen o amat dop teim taomi ilom apidinai ak, tamol fidian dam mi, nek ibol maŋ iloma mupanaŋ dak ago mi a. <sup>13</sup> Nai Anut ŋusumiani da, aŋ bubem ŋutum ka dabai inane wa. An lo dop, saen idsad Tubun ak Jesus, inanen gun adi dida dumul dupalup, aŋ idsad Bai Anut naon na atur an, aŋ gun amado dop in aŋ niŋemi wo ru aman tia wa. Mel an fidian Bai ŋugudani dak iganeŋ dilasa panaŋ a.

## 4

### *Kagin a Anut malan lo uyanan a*

<sup>1</sup> Teig muroug, gubak mi maŋ aŋ kagin dugo aganeŋ lo Anut ilo uyan apani wan niŋen o ru kagin murupaian la ya. Ago dugo aŋ maŋ awama abig gamu kagin an lo mi amado da. Gamu Tubun ak Jesus lo, maŋ aŋ musumianaŋ dugo mususunaŋ da, aŋ aganeŋ kagin nek an aŋ luluŋam lo dabai apanip tubun ilasa wa. <sup>2</sup> Aŋ ru kagin an fidian Tubun ak Jesus wagen lo mupanaŋ an aloŋ pasik a.

<sup>3</sup> Anut san ilon man igo ya, in iginian pe gun amado wak, aŋ jeit kagin patum apani wak, <sup>4</sup> aŋ kisaek kisaek dam aloŋ uyan pe tinimi atirni wa. Ago dop saen pein aŋal dop kagin gun ak mi ari wak, agod kagin naok a tamolpein uyan dubol dan dam ari wa. <sup>5</sup> Aŋ nek ibol gob adi bubed gidigidad imasa dop jeit digane wo ilod irae dak ago ta agane na wa. Tamolpein an Anut ta dulon na ya. <sup>6</sup> Jeit kagin niŋen o ŋabol da, on tei tao lo aupasek ta gane na wa. Nug ŋanek

lo, agod dam on tei san iwon ta ugam na wa. Ago dugo onane tei tinik san kagin lo dabai an tia yan ule dop man, gidad inſan madok pitiſini wo ta gane na wa. Maſ kagin naok ago yan fidian niſedi wo ru kagin igo murupaian la ya, Tubun en inſen tamolpein en-sauta a aupasek naok ago yan digane dan naon muruan geig ak ipidinai a. Ago yan lo afon murupaian da, kagin agane. <sup>7</sup> Man dugo, Anut id kagin dugo dugo nun ipanad dan tiri wo ta igiad na ya, tia, madok gun ak lo mi tumado tator o igiad a. <sup>8</sup> Ak niſen o tamol ta ru en patun ipani ak man, in tamol mi patun ta ipani na da. Tia, in Anut enti a Awan Urgan ipanaſ dan patun ipani da.

<sup>9</sup> An teim muroumi ilom apidinai san kagin niſen o man, ſai anſam na ru ta ſigire san tia, man dugo, Anut kagin an niſen o ipiteſanaſ la ya. <sup>10</sup> Rumok, an teim muroumi aben fidian Masedonia na yan ilom apidinai da. Ak man teig muroug, maſ ru dabai murupaian da, kagin ago agane dan niſen ilom ta isali na wa, tia, kagin an dabai apanip tubun geig a.

<sup>11</sup> Ilo isou dabai mok agane dop ate na pasak nam amado wa. Aenta sad niſen o kabuſam ta aduduni ator na wa. Siſanem banimi mok lo urat agane dop amado wa, nek gubak mi murupaian ago mi a. Urat tia kawan amado dop Tubun en imul san atitiani man kagin saian a. <sup>12</sup> Dal an lo tamolpein Kris tia yan anſam kagin uyan an dilep yaſam diabisa wa. Agod dam, an tamolpein aenta mel ta lo dibinawaſ o tinim apidinai san urat amam tia wa.

#### *Tubun en imul da wa*

<sup>13</sup> Aria teig muroug, an anaon man maſ mamoi a. Ilo rumok tamolpein dumat la yan, niſedi wo tamolpein ilo rumok ad tia yak igo woſ ilomi ta itata na wa. In tubun mok ditata da, man dugo, saen inſigned mok ta imat den afon naon ta dile na wak ago ilod isou da. Tamolpein an Tubun ak lo mala nouk amad tia ya. <sup>14</sup> Ak

man id Jesus imat go imasa da yan niſen o ilod rumok a, ago yak niſen o id talon a, Anut san dabai lo gup Kris tamolpein dumat la yan inſal pe Jesus da dumul da wa. <sup>15</sup> Maſ itaot Tubun ak awan lo malon agog gamu an murupaian da. Saen Tubun ak tan en lo imul dop id tamolpein kumaen tumado den, dumat la yan naod na id ta tamug na wa. <sup>16</sup> Tia, Tubun ak awan tubun mi ru kagin isasaip, enſel gurman dam iwagiſ dop, Anut san barag diwip tubun mi ibob gup, Tubun ak inſen kumaen panu ibiseip idu wa. Ago dop tamolpein en-sauta a Jesus lo ilod rumok go dumat la yan imug dimasa wa. <sup>17</sup> Saen an lo id inſan tamolpein kumaen tumado dan, Tubun en inſiad pe keit lo tamolpein imug dumat la yan dida tusudap, lak na Tubun en da timtaen titiſaem tutumani wa. An lo id Tubun en da pempem tumado wa. <sup>18</sup> Ak niſen o an teim muroumi ru en lo ilod dabai apani a.

## 5

### *Tubun ak imul ipalu wak o kagin tigane dop tumado wa*

<sup>1</sup> Teig muroug, saen dugo boi, nal dugo boi, mel en ilasa san, maſ girek ta migirep murupaian san tia ya. <sup>2</sup> Anſem alon la yak, Tubun ak san nal man id talon san tia ya, nek ibol gumagam tamol tidom ilasa dak ago mi nal an ilasa wa. <sup>3</sup> Saen ilasa dop tamolpein igo dubol a, "Gamu en maror san saen a. Id ka tumado uyan a. Ager ta tarer san tile dak tia geig a." Ak man saen an lo dop mel ta daon ipidinai san an inſad na ilasa kisaek on a. Nek ibol pein nanuk digansi wo madai diſane dak ago mi woſ a. An lo tamolpein in nal an san muruan dirinani san tia wa.

<sup>4</sup> Ak man teig muroug an tidom lo ta amado na da, an lo nal en anſam na gumagam on ta ilasa na wa, tia geig a. <sup>5</sup> An fidian tamol ilalaſ san agod ad san, id tidom, tidom tubun da san tia ya. <sup>6</sup> An niſen o kabelan taen banau,

ibol tamol aenta wonj. Gidad malad ipuk pe ilo isou amad da kagin tigane dop tumado wa. <sup>7</sup> Id talonj a, tamol njonj san tidom lo dien da, agod lukluk san tamol, inj tidom lo mi diluk da. <sup>8</sup> Akman id tamol ago tia ya. Tia, id ad san tamolpein tumado da. Ak ninjen o idsad madok an kagin tupani wa. Id ilo rumok tinjanep ilo munjanek da dumui onj tigane wa. Idsad titianek man, mala nouk a Anut injiliad san an yu san katkat kabunjad lo tukudi wak ago mi a. <sup>9</sup> Anut injsan tinjae mumarek tinjane wo ta ipilianad na ya. Tia, id ipilianad man, id idsad Tubun ak Jesus Kristus lo mi patu pasek tinjane wo ipilianad a. <sup>10</sup> Gubak mi inj imat go ate id ibinawad san. Ago yak ninjen o id kumaen tumado boi, tia tamat la tap, id inj da kumaen tumado wa. <sup>11</sup> Ago yak ninjen o anj kisaek kisaek an ru uyanan lo teim muroumi ru arupidai dop, nug buben dabai apani wa. Nek gamu agane dak ago mi a.

### *Ru wadan*

<sup>12</sup> Teig muroug, manj ru en murupaianj da. Anj tamol lulunjam lo urat digane den paed na amado wa. Ru kagin dupananj an ninjen yanjad abisa wak kududom dam agure wa. Man dugo, Tubun ak inj ipilianaig anjsam gurman dilasa ya. <sup>13</sup> Ago yak ninjen o ilom apidinai a, yanjad dam lak na mok abisa wa, fun dugo, urat a digane dan ninjen o ago agane wa. Anj dam anak anak atem maror nug lo apanip amado wa. <sup>14</sup> Teig muroug, saen tamol ta urat igane wo ilon isali tap, dal an saian ak ago ru kagin arupej wa. Tamol a buben irer dan dabai apani wa, agod tamol a injsan ilo rumok dabai amad tia yan abiai sakar a, kabelan dideg diau banau. Nug kagin apani wo ilom ta isali na wa. Manj kagin ago agane wo mususunananj da. <sup>15</sup> Nug ale wo uyanan a, saen tamol ta aenta lo muruan igane tap tamol muruan isini an naon ta igane na wa. Nug kagin apani wak ninjen o maeg agane wa,

agod tamolpein a ta Kris na yan dam kagin apidinai a.

<sup>16-17</sup> Anj pempem ilom uyan dop, pempem aguduani wa. <sup>18</sup> Anj ata mel uyan boi, saian boi, ilasa dop pempem Anut ilo uyan apani wa. Man dugo, anj Jesus Kristus san tamolpein tap ago agane wo Anut ilon ago ibol da.

<sup>19</sup> Anj Urgun san yai tinimi ilon lo ta agane imat na wa. <sup>20</sup> Profet ta inj Anut san awan injanep ninjen an ibol ilasa dop man, anj ru an ru kawan ak ago ilom ta isou na wa. <sup>21</sup> Tia, anj mel fidian abitinae gup, mel uyan ak mi abituani wa. <sup>22</sup> Agod kagin dugo dugo saian ak agane san man amoi a.

<sup>23</sup> Anut sen mi inj maror san fun. Injen mi iganep anj ka gun alasa pasik a. Agod inj ka anjsam ur, njutumi agod tinimi tan en san kagin ipidinai a. An lo saen Tubun en Jesus Kristus imul ipalu wak anj uyanan geig amado wak tinim aupasek an tia ya. <sup>24</sup> Anut anj igianj a, injen pempem mi siganen ru iganuri da, ago yan lo ru dugo ibol ak ago mi, mel an igane ilasa wa.

<sup>25</sup> Teig muroug anj Anut san na aguduani dop inj manj ibinawama wa. <sup>26</sup> Anj teim taom Kris ak fidian musuk gun ak apidinai a. <sup>27</sup> Nai ru dabai en Tubun en yanjan lo njabol da, girek en tumanek lo fidian naod na asuti ilasap dulonj a.

<sup>28</sup> Tubun en Jesus Kristus san ilo maror ka anj da amado wa.

## 2 Tesalonaika

<sup>1</sup> Nai Pol, Sailas agod Timoti, girek e migire yen an Kris midaen a Tesalonaika na yan anjam na migane ipalu da. An Anut idsad Tamad in Tubun ak Jesus Kristus da, sisem amado da. <sup>2</sup> Anut idsad Tamad agod Tubun ak Jesus Kristus da insad ilo panek agod ilo maror da dupanan a.

### *Jesus Kristus imul ipalu san ru*

<sup>3</sup> Nai teig taog, man pempem an ninemi wo Anut ilo uyan mupani da. Ago migane dan man uyan a, man dugo, anjam ilo rumok Anut lo man tubun mok ilasa da. Agog nug ninen o amat dan dam tubun geig ilasa on da. <sup>4</sup> An ninen o saen man Anut san Kris midaen lulunad lo mitililani an, an yanjam mabisa se ya. Ata wo? Fun anjam ilo rumok tubun geig, agod an Tubud san dal lo atur sakar on da. Aenta madai in misilane da dupanan pe lo au adu o da, ak man mel an an patum apani da.

<sup>5</sup> Kulob a kuai tem ikibiai panad dan man, Anut san bitinaek itaot mok a. Ru e nabol en fun man, muruan wei mi aleg, an lo Anut malan lo in awok ipanan dop, aben a Anut kagin ipanad san an lo aladu wa. An aben an san a, aben an lo au ak ninen o an madai gamu akubiani da. <sup>6</sup> Kagin a Anut an o igane yan nek itaot a. Man dugo, insan ilo sou lo tamolpein a gamu muruan dupanan dan mite gup naon muruan ipidinaip, an lo madai tubun ak dile wan itaot geig a. <sup>7</sup> Mel en dam in malan lo itaotan a. In an muruan a ale dan yaes ipanan a, ago dop an man da sisem yaes bilabal lo tiladu wa. Saen tap saen an ilasa wak i? Saen Jesus insen yai balen tubun ak aman da did panu ibisei dan lo, tinin walal te iganep ilasa wa, agod inanen enel adi dabdbai ak dida dumul dupalu wa. <sup>8</sup> Saen an lo, in inanen pani naon insen lo inawai geig ak da imul a. Ago dop tamolpein ensauta a Anut ta dulon

na, agod tamolpein ensauta a bilalun Tubun ak Jesus ninen o ilo rumok adi dufuleg dulon gug ta duri na yan dam, naon saian geig ak ifuli ipidina a. <sup>9</sup> Muruan mitep dile wan man, daon pempem yen yau san, amaiak lo dudu diau a. Naod dam ifutanip an lo Anut san madok an patun fo dilasa dop, insan dabai girager anda yan ta dile na wa. <sup>10</sup> Nal an lo, in imul ipalup insan tamolpein gun ak lulunad lo ilasa dop, yanak tubun a girager anda yan inane wa. An lo dop, tamolpein ensauta a ilod lo rumok an malad bulbal pe malad ti ibol pe dile wa. Agod an dam lulunad lo amado wa. Man dugo, saen man insan ru mabol ilasa se yan an ilom lo rumok a.

<sup>11</sup> Man mel an ninen o pempem an ninemi wo mansama gudanek igo migane da. Anut insen, an inanen wagin anane wo idaisuda an ninen o idiran alasa wa. Ago dop insan dabai lo, ilo isou dugo yak agane dan, agod urat a ilo rumok lo ilasa dan dam, an fidian aganep itout a. <sup>12</sup> Man ago mugudani dan lo tamolpein aenta an ninemi wo idsad Tubun ak Jesus yanjan diabisa wa, agod in lo yak ninen an dam yanjam diabisa wa. An lo ilasa san dal an man ilo panek a idsad Anut agod Tubun ak Jesus Kristus da dupanan dan, nek an mi a.

## 2

### *Kubian rijanek tamol*

<sup>1-2</sup> Teig taog, idsad Tubun ak Jesus Kristus imul ipalu san, agod id in da sisem tutumani san dam ninen o kudodom agure wa. Aenkadi Tubun ak san Nal ilasa la yan ninen ago dubol da. Profet ru ta boi, tia, mansama girek ta boi, tia, ru tim man awama lo ilasa ago dubol boi, gidad, ru naok ago yan alon tap, ilom lo ta rumok na wa. Gidad, man ru dabai ak lo igo murupian den alon a, ririan arut dop ananem kankan ta yau imul na wa. <sup>3</sup> Mel an ninen o tamol ta ale funi dop dal ta lo ta irawan na wa. Tia, nal an ta ilasa na dop, awa bitek



san nal imug mi ilasa wa, ago dop kubiaen riñanek tamol dam in walal te ilasa wa. Tamol an man daon san gib lo idu san mi a. <sup>4</sup> Tamol an tamolpein sad anut gidigheid adi fidian sad ager, agod melmel fidian a tubud igo won ubou ad dile dan sad ager tamol dam imado da. An lo inşen yan yan yabisa dop, inşanen madok aben a Anut san ubou ab lo yan inşanep, an fo imasip igo ibol a, “ñai mi Anut.” <sup>5</sup> An ilom inşan boi, saen ñai imug an da tumado na yan, ñai mel a niñen o ñurupaian se yan dag ilom inşan i? <sup>6</sup> Agod gamu en, mel a tamol an yabituani imul pe walal te ta ilasa na wan an alon uyan a. In ago imado yaup inşan saen fo gup kuai te ilasa wa. <sup>7</sup> Man dugo, kubiaen pilalek san dabai en mianuk lo mi tan en lo urat igane la ya. Ak gug, enti in an yabituani imul o ago igane yau dop man, Anut in talpein a dabai saian ak yabituani dan gin na iganep, an lo dabai saian an ibisei yau a. <sup>8</sup> Saen an lo mi kubiaen riñanek tamol an walal te ilasa wa. Ak gug, Tubun ak Jesus inşan Awan Ur nam tamol an mitep ibili idu wa, kumaen panu lo imul ipalu san lilaman girager an nam, daon ipani wa. <sup>9</sup> Kubiaen riñanek san tamol an Jesus gamugo imul ipalu dop ilasa wa. Tamol an Satan san tuon lo ipalu wa. Satan tamol an patun fo itur pe ibinawip, an lo dabai awan isa yan lo kulob girager sewak ak, agod kulob tini urer san dam tamolpein naod na idiri ilasa wa. Melmel an Satan san Ru Sewak ak san mi a. <sup>10</sup> Agod kagin itaot tia yan san rawek naok sensen ak lo, tamolpein a daon panek san dal diri dan irawai mok a. In daon panek dile mok a, man ata wo, ru rumok an niñen o dumat pe an lo Anut patud ipasi wak diñane san o dumoi da. <sup>11</sup> Nek fun an niñen o Anut in tubun mi ilod idudunip an lo inşad ilo sou an gidigheid dop Ru Sewak an niñen o ilod lo rumok a. <sup>12</sup> Agop an lo fidian a ru rumok ak ilod lo ta rumok nag, kagin saiak an dile dugo ilod siñaokan

go youd isa dan, bitinaek an lo dutur pe dudu diau geig a.

### *Atur sakar a*

<sup>13</sup> Teim taoma, man nal fidian an e Anut ilon ipan an den niñemi wo in ilo uyan mupani man uyanan a. Man dugo, fun lo mok Anut ipilian an a, ago tag Awan Urgun idiran go gun alasa dan lo, agod ru rumok a ilom lo rumok dan lo dam, patu pasek ale wa. <sup>14</sup> Kristus san ru anşam na mufulale amaiak lo, Anut an igian an lo patu pasek ipan an a. An lo idsad Tubun ak Jesus Kristus inşan girager amaiak an dam anşanep amado wa. <sup>15</sup> Teim taoma, fun an niñen o atur sakar a. Agod Kris kagin mipitenan an, awama lo alon se yan, agod a manşama girek lo asuti an dam mi abi sakar pe ari uyanan a.

<sup>16</sup> Anut idsad Bai niñed o imat dugo, inşan ilo panek lo maror bubed lo pempem yen yau san, agod mala nouk mel siñaokan san da ipanad a. Anut nek an idsad Tubun en Jesus Kristus inşen ida <sup>17</sup> maror bubem lo digane dop, dabai dupan an dan lo urat fidian uyan ak agane wak, agod niñen uyan uyan ak abol ilasa wan dam, an idaisuda geig a.

## 3

### *Agudani dop Anut ibinawama wa*

<sup>1</sup> Ru wadan, ñai teig taog, man niñema wo agudani wa. Ago dop Anut man ibinawamap inşan ru imaspalup aben fidian lo yau kisaek on a. Anut asumiani dop panu panu asau ak san tamolpein, luluñad lo inşanen ru tubun mi inşad leil lo ilasa wa, nek ibol anşem luluñam lo ilasa na yak ago mi a. <sup>2</sup> Agod taida mi, an agudani dop tamol saiadi, agod tamol a inşad kagin naok senamo geig ak dida, inşad tuod lo man patuma ipasi wa. Man dugo, tamol fidian in ilo rumok amad tia ya. <sup>3</sup> Alon ak, Tubun en in awa yabek tamol mi a. Amaiak niñen o in an isatuan an a. Agod inşen mi dumui igo, Satan muruan ipan an o igane dop, naon dal ifutani wa. <sup>4</sup> Agod Tubun

en an niñemi wo mel e rumok en mañ ikubiai panama ya. Ru kagin dugo gubak mi mupanañ an an agane da, agod murna dop nek ago mi agane yau a. <sup>5</sup> Nai Anut ñugudani dop Tubun en an dal ikubiai panañ a, an lo Anut san ilo panek ka bubem lo yen a, agod nek Kristus itur sakar na yak igo, an dam ka ago agane wa.

### *Ayalis dan niñen o kagin agane wa*

<sup>6</sup> Mañ teim taom, Tubun ak Jesus Kristus yañan lo mañ ru kagin en mupanañ da. Teid taod Kris adi ensauta a urat digane wo dumoi go, inñsad madok an san piteñanek mañ awama lo añane yan ta diri dupani na dan, an siñired na ta au na wa. Tamol naok ago yak dam dadi ta ator na wa. <sup>7</sup> Man dugo, an añsem mañsama kagin naok dugo woñ ari apani san alon uyanan a. An ilom isou, saen mañ an luluñam lo tumado se yan miyalis man tia ya. <sup>8</sup> Mañ aenta sad anañ mani se yan, pempem madad na ya. Rumok geig, mañ nal fidian tidom ad urat migane da. Fun dugo, mañ tamolpein aenta an luluñam lo dumado dan mañ kagin dupanama se yan lo muruan mupidinai man mamoi a. <sup>9</sup> Rumok geig, mañ tamol yañama tubun ak mi a. Amaiak niñen o iloma ibol tap man, mañ ka an musumianañ dop kagin apanama wa. Gug ago migane wan mamoi a. Man dugo, mañ añsam tinanou igo woñ mumado da, an lo añsem ale dop mañsama madok en mi ari wa. <sup>10</sup> Agod saen imug mi mañ an da tumado se yan mañ ru e dabai en mupanañ a. “Tamol ta urat igane wo imoi tap, aenta sad anañ ta yani na wa.”

<sup>11</sup> An niñen o mañ durupaiama ya, tamolpein kadi urat digane wo dumoi gurat ta digane na da. Kawan dutor dop tamolpein aenta sad muruan lo kabuñad mi disoduduni da. <sup>12</sup> Tubun ak Jesus Kristus yañan lo, mañ tamolpein naok ago yan dutokubol pe urat digane wo musuñanai dop ru dabai mupidinai

da. An lo inñ moni diñanep ate inñaned anañ ka didad a. <sup>13</sup> Agod an fidian niñemi wo man mañ igo mabol da. An kagin uyan ak agane wo ilom ta isali na wa.

<sup>14</sup> Aria, talpein ta ru kubiaen girek en lo migire idu yen ta ilon na tap, talpein an an ale wo uyan dop ida ta ator na wa. Man dugo, an ago agane dop man, inñ miai ifuni wa. <sup>15</sup> Ak man añsam ager tamol igo woñ ta agane na wa. Tia, ru dabai ak arupein dop ru kagin dam apani wa. Nek ibol añanem teim mok lo agane dak ago mi agane wa.

### *Ru wadan*

<sup>16</sup> Tubun ak inñsen maror san fun. Inñ nal fidian ka bubem lo maror ipanañ ak, dal funfun lo dam mi a. Anut ka an fidian da amado wa. <sup>17</sup> Nai Pol ru wadan ñaiseg banig mok nam ñigire ya. Nai girek fidian ñigire den lo ago ñigane da. Ata wo, ñai banig mok nam girek e ñigire den lo, tamolpein fidian dulon man, girek en ñaisag na mok ipalu ya.

<sup>18</sup> Idsad Tubun ak Jesus Kristus san ilo panek an fidian da amado.

## 1 Timoti

<sup>1</sup> Nai Pol, girek en njigire da. Anut sen idsad patud pasek, agod Jesus Kristus in ninen o mala nouk tumado da. In njai ru kagin dupanag go aposel njilasa ya. <sup>2</sup> O Timoti, onsa ilo rumok lo on njaisag nanuk mok a. Girek en onsa na njigane ipalu da. Ak ninen o Anut idsad Tamad, in Jesus Kristus da sad ilo panek, ilo munjanek, agod ilo maror an lo ka mado wa.

*Pitenjanek sewak ak ninen o kagin gane wa*

<sup>3</sup> Saen njai Masedonia na njau o ilog yen an, njai on njurupaiof Efesus na mado wo ilog yan a. Man dugo, tamolpein aenta pitenjanek sewak digane dan ru dabai nam padau dop dumoi a. <sup>4</sup> Rupidaip am wagam ak, agod tubud tamad yanad lo am dupas dan dumoi. Mel an lo ilo saian igane ilasa da. An man Anut san urat lo ibinawai san tia ya. Tia, Anut san urat man ilo rumok lo mi talon a. <sup>5</sup> Kubiaen ru an san fun man an ilom imasap ilo panek an lo ilasap yen a. Ilo panek a bube ikok lo, ilo sou muruan an tia yan lo, agod ilo rumok nunon ak lo ilasa dan ninen o njabol da. <sup>6</sup> Tamolpein aenta kagin uyan an patud dupani an lo kubiaek nunon tia yak digane dugo dal dufurfi da. <sup>7</sup> In Anut san ru kubiaen lo girek manau dumado wo ilod ibol da, gug insigned ru dubol dan fun ta dulon na ya. Agod mel a tamolpein dupitenjanai dan sakar diganeg rumok ak dubol da, ago gug in sed man ru an san fun ta dulon na ya.

<sup>8</sup> Aria, id ago talon ak, kubiaen in man uyan a. Ago yak ninen o id kagin tupani tap, an uyanan a. <sup>9</sup> Id ilod in aon banau, kubiaen niganag an tamolpein uyadi ak sadi tia ya. Tia, an man in tamolpein a kubiaen paen na tia yan, in a in aned gurman paed na tia yan, Anut kagin dumoi, aupasek san, gun tia yan, gob adi, in a tinad tamad dufu dumat dan, in a

maten digane ilasa dan, <sup>10</sup> a jeit kagin digane dan, tamol sed sed lo ulek kagin digane dan, a tamol digam pe urat pinein didirai dilasa dan, sewak adi, a tumanek lo dutot dan, agod kagin saian aenta a digane dan lo pitenjanek uyan ak san ager yen da. <sup>11</sup> Pitenjanek uyanan e ninen o njabol man, ru a njaisag bilalun uyan ak lo ibol an san dal iri a. Anut per panek san in bilalun girager anda yan njai kagin njupani wo banig lo igane ya.

*Anut in san ilo panek Pol ipani a*

<sup>12</sup> Nai Jesus Kristus idsad Tubun ak in mi per njupani da. Man dugo, in njai ikubianag go njaisag nao lalek an uyanan ile tag in san urat biabi ipanag a. <sup>13</sup> Inug mi man njai Jesus ninen o naon njufute na yak, njai in san tamolpein sad ager tamol njumadog njuparfutanai na yak, agod ru saian saian nam njupeig njumisilani na ya. Ak man Anut njai ilon imunjanag a. Man dugo, saen an lo njai ta njalon na dugo ilo rumok amag tia yan lo njai kagin ago njigane se ya. <sup>14</sup> Ago dugo idsad Tubun ak Jesus Kristus in san ilo munjanek njai ipanag a. Aria, ilo rumok agod ilo panek a Jesus Kristus in sen ilon lo yen dan ipanag go njai idaisuda geig a. <sup>15</sup> Njinen en rumok a, an lo tinane dop ilod lo rumok a. Jesus Kristus aupasek tamolpein patud ipasi wo tan en lo idu ya. Njaiseg man fidian njirinanaig saiag geig a. <sup>16</sup> Ak man njai in san ilo munjanek njinane san fun man igo ya. Jesus Kristus in iliad funad on dan san kagin in lo man tubun geig a. An ninen o njai lo imug in san ilo munjanek kuai tem ikubiai panag a, an lo tamolpein a ilodi rumok dan lo kumaen pempem san dinane wan, njai in sad tinanou igo won njilasa ya. <sup>17</sup> In man Kin pempem san. In man malad lo tile san tia yak, agod dam dimirirani san tia ya. In sen Anut rumok ak mi imado da. Ago yak ninen o pempem in yan tabisa dop tipitiani wa. Rumok.

<sup>18-19</sup> O nanug Timoti, gamu kubiaen njai njupano wo da. Kubiaen e

nupano den ru a gubak mi profet adi onse niñe wo dubol ilasa yan iri pani a. Wagai uyan ak gane wa, onjane ilo rumok an wabi sakar a, agod kagin miai an tia yak mi gane wa, fun dugo, onjane ilo sou mel ta niñen o bube ta issue na wa. Tamolpein aenta man saen inaned ilo sou bubedi issue dop, patud dupani da. Kagin an san nuñon man igo ya, inaned ilo rumok nek ibol wog gurgor fo dibili isuda yak igo won a. <sup>20</sup> Lulunad lo Himeneus in Aleksanda da kagin ago digane tag nusubanaig Satan banin lo ndirai diau a. An ago dop afon Anut o ta dubol saian na wa.

## 2

### *Ubou leil san kagin*

<sup>1</sup> Ago yak niñen o malmalan naj an nususunanan o da, an tamolpein fidian niñedi wo amosiai, gudanek, kagin panek aenta wo sumiaek, agod per panek an agane wa. <sup>2</sup> Gurman adi agod tamol malan te yak niñedi wo dam Anut agudani wa. An lo tamol naok an diliad funad on dop, idsad madok igo ilasa wa. Id tamol nuñon ak igo, maror kagin lo tumado wa. Agod tamolpein malad lo tok tabol tumado wa. Agod dam idsad madok an fidian lo Anut kagin mi tiri tupani wa. <sup>3</sup> Kagin an man uyanan a, an lo Anut idaned patud pasek in malan lo man uyanan agod bulbal mok a. <sup>4</sup> Ilon yen an lo in tamolpein fidian patud ipasi wa, agod ru rumok ak san manau dinanep in idaisuda wa. <sup>5</sup> Man dugo, Anut man insen kisaek mi a, agod tamol kisaek mi in Anut da, agod tamolpein da, sad tamol titinae yak igo imado da. Tamol an in Jesus Kristus mi a. <sup>6</sup> Insen tamolpein fidian o in tinin nam naon iganeg id idad an san ru Anut lo yen da, agod inanen saen fom ilasa ya. <sup>7</sup> Man niñen o naj bilalun tamol agod aposel iginiag a. An niñen o naj gob adi in ilo rumok nuñon mi dinane san niñen o insad girek manau nilasa ya. Naj ru rumok ak mi nabol da, naj seg tinig nam ta nusupale na da.

<sup>8</sup> Amaiak niñen o ubou leil san saen lo tamol a aben fidian lo dumado dan dumosiai o ilog ibol da. In nug lo tiniae saiak tia wak, agod nug paek dam ta digane na wa. Kagin naok an digane itout gup, in Anut naon na banid gun ak diabisap dumosiai o ago digane wa. <sup>9</sup> Aria, naj igo nabol da, pein man bioun nuñon mok ak mi didiri wa. Bioun mala sek san ta didiri na wa. Damag a se pitianoi san, kululoi, ariy, bioun naod lak tinan an fidian inaned ilo sou lo an mel tubun ak ago dubol a. <sup>10</sup> Man dugo, bioun dugon a pein adi Anut nanun igo won dutor o dubol dan iri panim, an mi didiri wa. <sup>11</sup> Pein man in saen manau dinane dop dutokubol pe tamol fidian paed na dumado wa. <sup>12</sup> Naj pein nejil fu dop tamol ta dipitenanai na wa. Anut wagen lo tamol naod ta dirinani na wa, tia, in dutokubol pe dumado wa. <sup>13</sup> Man dugo, Anut in Adam imug iwei a. Murna gug Ewa iwei a. <sup>14</sup> Adam man in imug rawek lo ta idu na ya. Tia, mot in pein irawig aupasek lo idu ya. <sup>15</sup> Gug pein in Jesus Kristus niñen o ilon lo rumok nuñon dop, nal fidian ilo panek lo, madok gun ak lo, agod kagin uyan ak lo imado tap, insan nigin lo Anut ibinawi wa.

## 3

### *Midaen sad gurman adi*

<sup>1</sup> Ru e dubol den rumok a. Ta in midaen gurman urat niñen o yaes ifuni tap, in urat uyanan ak mi igane wo imat da. <sup>2</sup> Midaen gurman man in tamol naok igo ya: aenta in niñen o ru dubol san tia ya, in iwon kisaek mi wak, in lukluk san tamol tia wak, insan kankan milaen mi wak, insan urat lo mel fidian ikubune wak, in kagin panek san tamol, agod girek manau uyanan a. <sup>3</sup> In you sakar ak niñen o tubun mi ta imat na wak, in banin wagai an tia wak, in mos kagin mi igane wak, in tamol maror, agod moni o yaes ta ifuni na wa. <sup>4</sup> In insinanen samun an injiliai dop itirnai uyanan a, agod nanun mroun injal



pe awan paen na dumado dop dal fidian lo in mi awan diri wa. <sup>5</sup> Man dugo, tamol a inanen samun inal pe itirnai uyanan an ta ilon na tap, in Anut san midaen dugo kagin ipani wak i? <sup>6</sup> Tamol an man in Kris foun ak tia ya. Kabelan in se pitiano i san kagin lo idu banau, ago tap, mitep naon a Satan inane wan ago mi in dam inane wa. <sup>7</sup> Agod ta dam, tamolpein a idsad ar patun fo dumado dan in tamol uyanan ak ago dubol a. An tia tap, in ninen o dubol saian dop Satan san dob lo idu wa.

#### *Midaen sad binawek adi*

<sup>8</sup> Tamol a ubou san binawek digane dan ninedi wo dikon tabol dan man, tamol nunon ak mi wa, awad ta raru na wak, lukluk tubun mi ta digane na wak, agod moni ninen o tubun mi ta dumat na wa. <sup>9</sup> In ilod lo inaned kankan ilok pe muruan ta yen man tia, kagin an lo gidad idaned ilo rumok, agod an san mel mianuk ak id talon uyan san ta pasauman na yan, an fidian diabi sakar dop kagin dupani wa. <sup>10</sup> In inug mi dibitina i pe bitinaek an lo disasau tap, an mi urat an ka digane wa. <sup>11</sup> Binawek pein adi in dam pein nunon ak mi wa, agod uf ta digane na wa. In sad kankan muruan aman tiap itaot mi wa, agod mel fidian lo rawek kagin ta digane na wa. <sup>12</sup> Midaen sad binawek tamol man in iwod kisaek o lian a, ago dop inaned pein nanuk, ditirnai uyanan a. <sup>13</sup> Binawek tamol ensauta a urat digane uyan dan, in midaen malad lo inaned yanad tubun yen da. Agod in Jesus Kristus ilod lo rumok an ninen dubol o man ta direr na da, kagin an lo in ta katukadi na ya.

<sup>14</sup> Nai onsa na kitek an tap nupalu wo ilog isou dugo girek en ngire da. <sup>15</sup> Ak gug nai nupalup njilio san nal ta ibalsini kisaek na tap, girek en lo dop on id Anut anen midaen ilon lo kagin dugo won lo tanal an san, on ulon a. Midaen an man in Anut a kumaen imado dak san, agod ru rumok ak san bag tamol igo won a. <sup>16</sup> Id mel en ninen o ilod kisaek ak,

idsad ilo rumok ilon lo mel tubun ak pasauman talon san tia yak yen da:

In tamol mok igo ilasag,  
Urgun in sen mi walal te tamol itaot ak ibol ilasag,  
enel adi dile dulon go,  
tan titin fidian lo dubol go yau,  
tan tilianek lo in o ilod lo rumok go,  
Anut in aneg in girager anda isida yau a.

## 4

#### *Pitejanek sewak*

<sup>1</sup> Urgun in kuai tem ibol dak man mitep tamolpein aenta in sad ilo rumok dibisei wa. Agop ru sewak ak sad ur an awad mi kagin dupani dop, ur saiak saiak sad pitejanek an ninen o mi kududod dugure wa. <sup>2</sup> Tamol naok ago yak in bale uraru san kagin lo ru sewak dubol da, man dugo, inaned kankan uyan ak malan dusue ya, nek ibol mumaned yai inanig ipitini igo won a. <sup>3</sup> In nug njanek san kagin man geg sakar digane da, agod anan naon aenta dam diani dumoi o durupidai da. Ak man Anut anan an fidian tani wo igane ya. Agod tamolpein a ilod lo rumok dop ru rumok dulon uyan dan, in Anut o ilo uyan san gudanek digane yan lo anan an ka diani wa. <sup>4</sup> Man dugo, melmel a fidian Anut igane yan man in uyanan a. Ago yak ninen o mel a fidian tinane dan ninen ilod uyan dop Anut naon na tugudani tap, dugo yak ta tamoi san man tia ya. <sup>5</sup> Man dugo, Anut san ru in gudanek da lo man anan an gun igane ya.

<sup>6</sup> Ak ninen o on mel an tei tao fidian naod na kubunep fulale dop man, on Jesus Kristus san urat tamol uyanan a. Amaiak lo ilo rumok san ru, agod pitejanek uyan a uri pani dan lo, nek ibol anan uyan ak igo won onse ntu futuwi da. <sup>7</sup> Ak gug am burau, nunon tia yak a pein busumak adi dupas dan umoi. Agod Anut kagin mi ninen o maeg gane. <sup>8</sup> Fidian talon ak tinid dabi tupani san urat man mel tubun a. Gug san binawek an man tubun

an tia ya. Ago gug Anut kagin ninjen o maeg gane dan man mel fidian lo ibinawo uyan geig da. An gamu tan en lo ibinawad ak, agod murnap kumaen panu lo dam mi wa. <sup>9</sup> Ru en rumok an lo an ananep abi sakar o uyanan a. <sup>10</sup> Id Anut tinid tigane pani dan lo tau tisasau a. In man tamolpein fidian sad patun pasek a. Agod ensauta a ilod lo rumok nek an mi a. Kagin nek an ninjen o urat wagai mok tigane dan man fun nek a.

<sup>11</sup> Melmel an pitejanai dop ru dabai lo kubiai pidinai. <sup>12</sup> On pinein damag ak ninjen o, on talpein ta ule funi dop ta ibio udu na wa. Tia, ru lo, onsa turen lo, ilo panek lo, ilo rumok lo, agod kagin ikok ak lo dam on inaned tinanou igo won mado wa. <sup>13</sup> On Anut san ru malak malak suti dan, agod ru fulale dan, girek manau urat an dam kagin panip yau dop nai on sinjire na npalu wa. <sup>14</sup> Saen profet adi ru a dubol an, agod midaen sad gurman adi banid on tini fo digane yan lo, urat san dabai Anut ipano yan on ilo lo yen da. An lo on ta yalis na wa. <sup>15</sup> Mel an kagin pani, an lo tini ntu fidian pani wa. Dal an lo onsa urat nunon ilasa yau on dan tamolpein fidian dile dulon a. <sup>16</sup> On se itirno dop onane pitejanek dam kagin pani wa. Mel uraru en wabi sakar a, man dugo, on ago gane tap, ensauta a onane ru dulon dan, onse dam dida patu pasek anane wa.

## 5

### *Pein suos in gurman adi da sad ru kagin*

<sup>1</sup> On tamol a onsa busumak adi an ta pidai na wa, tia, in on tama igo won dabai panek ru lo tan suek ru rupidai a. Agod tamol a onsa bakan ak on an, on tei murou igo won kaginad gane wa. <sup>2</sup> Agod pein busumadi man on tina igo won a. Agod pein baras adi man kagin uyan ak fidian lo mi lu murou igo won kaginad gane wa. <sup>3</sup> Pein suos a insad muroudi tia yan on kagin pidinai uyanan a, man

dugo, in suos pein mok a. <sup>4</sup> Gug pein suos ta in nanun boi, tia, tubun muroun boi, aman da tap, in muroun an inug mi kagin dupani wa. Ago tap, inaned tinad tamad tubudi an inaned kagin dupidinai an naon igo won a, man dugo, kagin an in Anut malan lo uyanan a. <sup>5</sup> Pein suos a suos mok imado dan in sen kisaek mok a. Suos naok an Anut lo inanen ilo rumok yau itutou da. In pempem imosiai dop imado da, tidom ad ago Anut san na mi igudani da. <sup>6</sup> Ak gug, pein suos a insen ninjen o mi ilon isou dop imado dan, kumaen imado bo man imat la ya. <sup>7</sup> Ru kagin ago rupidai a. An lo tamolpein aenta insad kagin ninjen o ru ta dupidinai wa. <sup>8</sup> Gug enti a in muroun kagin ta ipidinai na dan, in ilo rumok san dal ibisei a. Talpein naok an man saian mok a. Insan kagin man gob adi sad kagin saian an irinani geig a.

<sup>9</sup> En man pein suos sad tom. Pein suos a in ananar 60 irinani an, agod in tamol kisaek san iwon an, ninjen o on suos naok nek an mi in yanad gire wa. <sup>10</sup> Pein suos an in midaen malad lo yanak igo yak da wa. Wagam in urat uyan uyan ak igane se ya. In nanun muroun adi itirnai dugo, anan melmel tamol gol ak ipidinai na ya. In Kris adi njed ifulani dugo, tamolpein muruan amad da yak ibinawai se ya. On pein naok ago yak mi yanad gire wa.

<sup>11</sup> Gug pein suos tinid foun an gidad busawai. Man dugo, saen in Kristus patud dupani man, tamol foun ak dusu wo ilod imasa da. <sup>12</sup> Insad promis a imug mi Kristus dupani an gigin na digane ya, ago yan lo Anut san bitinaek an sed tinid lo digane da. <sup>13</sup> Kagin taidam igo digane da. In yalis san kagin amad da ya, an lo ab ab dudu disida on da. An mi tia, tia, tamolpein aenta insigned mel digane wo dubol dan, in ninjedi wo patud fo paek ru dubol saian da, agod ru a dubol san tia yan dam dubol da. <sup>14</sup> Amaiak ninjen o nai ilog ibol dak man, suos tinid foun ak in

tamol ka diñane wa, nanuk digansi dop, iñaned ab, iñaned abed ditirni wa. Agop idsad ager Satan dal ta lo ru saian ipidinai san ta ile na wa. <sup>15</sup> Ule, aenta dal uyan ak diapiltig, Satan san dal duri da. <sup>16</sup> Ilo rumok pein ta iñanen muroun adi luluñad lo pein suos aenta dumado tap, iñsen mi ibinawai a. An lo midaeñ iñ muruan ta ipani na wa. An lo dop pein suos adi mok, a muroudi tia yan mi kagin ipidinai a.

<sup>17</sup> Midaeñ gurman ensauta a midaeñ tirnek san urat digane uyanan dan, teil dop iñaned naon bugagaru diñane wo man uyan a. Tamol adi nek a iñ ru dufulale dan, agod girek mañau urat digane dan mi niñedi wo ñabol da. <sup>18</sup> Anut ru buk lo yen dak ago ibol, “Saen makau kon nuñon irni dop, awan fou umoi.” Nek ago mi, “Urat tamol man, iñanen urat naon iñane mok a.” <sup>19</sup> Tamol ta gurman a kagin saian igane yak ago ibol dan, niñen o kudo ta gure na wa. Ak gug talpein uraru, tia, tamol utol, nug dususuñani tap, iñsad ru an oñ ka uloñ a. <sup>20</sup> Matu gurman adi au dupas dan, fidian malad lo kuai te rupidai a. An lo dop gurman aenta iñ dam direr dop aupasek niñen o sen dilasa wa. <sup>21</sup> Uloñ, Anut, Jesus Kristus, agod eñel pilianek adi naod na ñai kubiaeñ en oñ ñupano da. Oñ kubiaeñ an fidian uri pani wa. Saen oñ kubiaeñ an uri dop, talpein enti niñen ilo ta isou na wa, tia, kagin kisaek mi tamolpein fidian pidinai a. <sup>22</sup> Oñ ririan mi tamol ta Anut urat igane wo bani tinin fo ta gane na wa. Moi dop iñsan madok bitinae ule gup a. Oñ talpein sen ak san aupasek ta lo ladu na wa. Oñse tini kagin panip, gun mado wa. <sup>23</sup> Taida mi, you kawan mi ta uluk na wa. Tia, wain kitek dam uluk dop, an lo oñsa tiñae ibinawi dop subam wei mi ifuno dan kute ibol a.

<sup>24</sup> Tamolpein aenta sad aupasek walal te yen da, agod aupasek an imug mi Anut san kot lo ilasa wa. Akman tamolpein aenta sad aupasek imianuk yen dan, murna dop walal

te ilasap tile wa. <sup>25</sup> Nek ago mi, kagin uyan uyan ak walal te dien da. Ago gug kagin uyan a gamu dimianuk dien dan, dimianuk dien san tia wa.

## 6

### *Urat bigabeg sad ru kagin*

<sup>1</sup> Ensauta a urat bigabeg dumado dan iñaned urat gurman awan kagin dupani uyanan a. An lo talpein ta Anut yañan, agod idsad piteñanek an niñen o ta ibol saian na wa. <sup>2</sup> Urat bigabeg adi a iñaned gurman ilo rumok amad da yan, iñ teid taod igo yak niñen o awad duparsisali san tia wa. Tia, urat lak na mok digane wa. Man dugo, gurman a iñsad urat san nuñon diñane dan iñ ilo rumok adi mok a, ago dop bigabeg adi an iñaned gurman o dumat a. Oñ kubiaeñ an piteñanai dop iñ an lo duri dupani wo duduwai a. <sup>3</sup> Talpein ta piteñanek sen ak tamolpein irupidai dop, ru uyan ak a idsad Tubun ak Jesus Kristus irupaiad an niñen o, agod piteñanek a Anut kagin iri pani dan niñen o dam, ilon ta kisaek na tap, <sup>4</sup> tamol an iñ se pitianoï san kagin tinin iñanefute ya. Iñ mel ta iloñ na ya. Iñsan kankan subam anda ya, sumiaek naon sensen ak, agod ru lo nug funek san kagin an niñen o tubun mi imat geig da. Kagin naok ago yak lo mala sek, nug funek, uf ru, turan niñen o ilo saiak san kagin an dilasa ya. <sup>5</sup> Iñsad ru bilabol an nuñon tia yak lo, tamol a iñ ilod iburkaruk idu dan, agod iñ lo ru rumok ta yen na dan, nal fidian nug dupei da. Tamol amaiak ilod lo, Anut kagin diri dan lo tan en san filian diñane san dal man nek amaiak ago dubol. <sup>6</sup> Gug id melmel a idsad madok san niñedi wo katuk ad tia yak, agod Anut kagin an tiri tupani dak ago tap, an nuñon uyanan ak tubun mi idsad madok lo igane ilasa wa. <sup>7</sup> Man dugo, tan en lo id mel ta tisinig tilasa man tia ya. Nek ago mi, tan en tibisei wo dop mel ta tisinip tau san tia wa. <sup>8</sup> Ak niñen o, id anañ biouñ amad da tap,

man igo tabol, an id o nek idaisuda ya. <sup>9</sup> Ak man talpein tan en san filian diñane wo ilod ibol dan, ilo ñanek san kagin, dob igo won, lo disidag diau dudu da. In ilod imasap kagin burau wei mi an digane da, an lo inşed tini madai sensen ak dupani da. Kagin an lo inşed malad dusuep daon panek lo diau dudu wa. <sup>10</sup> Man dugo, tamolpein moni ilod dupani san kagin man, kagin sisaiak wei mi sad fun. Ago man, aenta moni niñen o yaes ifu dan lo ilo rumok san dal dibiseig dideg diau a. Dal an lo nek ibol saen wei mi sabiri nam sed tinid dusue dak igo won, inñaned bube madai wei mi nam malan dusue da.

*Pol Timoti kubiaen san ru wadan ipani a*

<sup>11</sup> Ago gug, on man Anut san tamol mok a. An lo dop kagin an fidian on patu pani wa. Kagin itaot, Anut kagin, ilo rumok, ilo panek, utur sakar san kagin, agod mos san kagin, kagin naok an man onsa bube san kob uyanan a. <sup>12</sup> Idsad ilo rumok san wagai uyan ak gane wo uyanan. On kumaen pempem san ñane wo Anut igio ya, agod saen ilo rumok adi wei mi naod na onsa ilo rumok an ubol ilasa dugo dulon an san saen lo, on kumaen an ñane ya. Aria, kumaen an wabi sakar a. <sup>13</sup> Anut a mel fidian kumaen ipidinai dan naon na, agod Jesus Kristus a Pontius Pailat naon na itur dugo inşen niñen o ru rumok ibol ilasa yan naon na dam, <sup>14</sup> ñai ru dabai nam on kubiaen an kagin pani uyan mok o ñabol a. Kabelan mel ta nun anda yak ilasap an lo tamolpein malad lo kubiaen an saian dubol banau. On ago ganep yau dop idsad Tubun ak Jesus Kristus imul ipalu wa. <sup>15</sup> Kulob an man inñanen saen fo mok Anut kuai tem iganep ilasa wa. Inşen mi uyanan mok, idsad Gurman kisaek o lian a. In mi kiñ sad Kiñ, agod tamol tutubu yak sad Tubun a. <sup>16</sup> Inşen mi ta imat na wa, lilaman a siñiren na id tau san tia yan lo imado da, agod tamol ta in ile man tia ya, ta in ile san dam tia ya. Awo, yanjak

tubun ak in tupanip, tuon dabai ak pempem san dam in lo imado wa. Rumok

<sup>17</sup> On tamolpein a tan en san filian wei mi amad da yan ru kagin igo rupidai a, in aenta diriñanai ak ago dubol dan san kagin lo dumado dutor man tia wa. In tan en san filian niñen o dam tini ganei ta digane na wak ubol a, man ata wo, inşad filian an pasauman mok ka dideg diau a. Tia, in Anut mi tinid digane pani wak ubol. Man dugo, Anut melmel id malad lo bulbal mok an fidian ilo uyan san wei mi ipanad a, agod an id o idaisuda mi a. <sup>18</sup> In urat digane uyan ak ubol a. Inñaned filian mok man, tan en san bioun tia ya, tia, kagin naok naok uyan an digane san mi ak ago rupidai a, agod mel uyan uyan wei mi tamolpein a mel ta lo katuk amadi an dipidinai o tawan digane wa. <sup>19</sup> Dal an lo inñaned filiadi bageu san fod lo dutumanig yen da. An man nek ibol saen a sumeik ipani dan san kadañ dimirani san tia yak igo duguni a. Ago dop lo kumaen a kumaen nuñon mok an ka diabi wa.

<sup>20</sup> O Timoti, mel a gubak mi on bani lo ñigane yan kagin pani. Niñen a Anut kagin san ager imado dan, agod ilo sou a piteñanek itaot ak niñen o ipirgini dan man, yanñan “manñau” ago dubol dan niñen o on sen lasa wa, man dugo, inşad ru an sewak mi a. <sup>21</sup> Aenta in manñau sewak a lo leil dupani an lo ilod lo rumok san dal diabpilti a.

Anut san ilo panek an fidian da ka amado wa.



## 2 Timoti

<sup>1</sup> Nai Pol, Anut san ilobol lo Jesus Kristus san aposel njilasa ya. Anut in ru dabai anda ibol panad an man, kumaen a Jesus Kristus banin lo yen dan ipanad a. Agod kumaen an san ru inanen bilalun tamol igo ipilianag a. <sup>2</sup> Girek en on Timoti, njaineg nanug niñe wo njamat geig dan, onsa na njigane ipalu da. Ilo panek, ilo mujanek, agod ilo maror a Anut idsad Tamad, agod idsad Tubun ak Jesus Kristus da sad na ipalu yan on lo yen a.

### *Timoti itur sakar san tan suekr ru*

<sup>3</sup> Njaineg ilo sou muruan aman tia yan lo Anut ubou aman njile da, agod dal kisaek ago mi nai tubug muroug dam digane na ya. Ago dugo nai Anut ilo uyan njupani da, tidom ad pem-pem on o ilog isou dop Anut san na njugudani da. <sup>4</sup> Saen onsa mala turon idu yan o afon ilog isou dop njilio wo njamat da, an lo nai tubun mi youg isa wa. <sup>5</sup> Onane ilo rumok man rumok geig a, an njinen o fon ilog isou da. Ilo rumok an imug onane tubu pein Lois in lo yen a, agod tina Yunis da mi, agod nai ilog lo rumok ak, ago mi on lo dam gamu yen da. <sup>6</sup> Fun an njinen o, nai ilo njisafulale da. Nek ibol talpein yai iwip balen tubun mi ilasa dak igo won, lou panek a nai banig kabunja fo njidiri an lo Anut ipano yan mi dabai pani wa. <sup>7</sup> Man dugo, Anut id tarer kisaek on san ur ta ipanad na ya. Tia, dabai, ilo panek, agod sed ulum ad tabi uyanan san ur ipanad a.

<sup>8</sup> Amaiak njinen o, idsad Tubun ak san ru ubol ilasa wo miai ta ifuno na wa. Nai njineg o dam miai ta ifuno na wa, man dugo, nai subanek ab lo in-san subanek tamol on njumado da. Gug on luag usap bilalun ru san madai an tisini wa, an Anut san dabai lo ago tigane wa. <sup>9</sup> Insen patud ipasig madok gun ak lo tumado wo igiad a. An man id kagin uyanan tigane yan njinen o mi ta igiad na ya, tia, inanen

ilo sou agod inanen ilo panek mi irig ate igane ya. Ilo panek an id Jesus Kristus da tumado dan tinane san o wagam geig kob an ipanad a, saen nal malan malan gamugo ilasa yan lo in ago igane ya. <sup>10</sup> Ak gug gamu idsad patu pasek Jesus Kristus in kuai isi an lo ilo panek an ikubiai panad a. Insen amaiak mater ipitinjinig igane itout a. An lo bilalun ru lo kumaen a yen on dugo ta imat na dan walal te igane ilasa dugo tile ya. <sup>11</sup> Agod bilalun ru njabol ilasa san bilalun tamol, aposel, agod girek manjau ago ipilianag a. <sup>12</sup> Fun amaiak njinen o nai gamu muruan igo njisini dak gug an o miai ta ifunag na da. Man dugo, Talpein a njinen o nai ilog rumok dan njalon a. Agod nai dam njalon uyan en man, mel e nai in banin lo njigane yen, in ititiani uyanan san idaisuda ya. An lo nai ilog itarpasi sinjakaan a, an ta ideg yau na wa. Tia, an ago in lo yen dop imul san saen ilasa wa.

<sup>13</sup> Mel a nai awag lo ulon na yan, an pitejanek uyanan ak san mitilaen igo won kagin pani dop lo pitejanai a. Ilo rumok agod ilo panek a Kristus lo yen dan lo ago gane wa. <sup>14</sup> Awan Urgun id ilod lo imado dan san dabai lo, mel a on ilo lo igane yan kagin pani uyanan a.

<sup>15</sup> On ulon ak, talpein provins Esia lo yan patud dupanag go diau pasik a, Figelus in Hermogenes da dam lulunad lo nai dubusawag a.

<sup>16</sup> Nai Onesiforus inanen samun dida Anut ilon imujanai o ilog yen da. Man dugo, saen wei mi lo in nai bubeg pasai ibol san ipanag da, in nai sein nam dusubanag an ile gug, an njinen o miai ta ifuni na ya. <sup>17</sup> Tia, in Rom na imado se yan, nai iliag o urat dabai geig igane ya. Ago iganeg yang nai iliag a. <sup>18</sup> Amaiak njinen o, Tubun en imul ipalu san nal lo dop ilo mujanek ipani wo nai ilog ibol da. On ulon sinjakaan ak saen nai Efesus na njumado se yan, dal wei geig lo nai ibinawag na ya.

## 2

<sup>1</sup> O Timoti, ηai nanug, ilo panek e Jesus Kristus ipanad en lo utur sakar a. <sup>2</sup> Pitejanek funfun a tamolpein wei mi naod na ηabol ilasa dugo, oη dida alon na yan, sinip awa bek tamolpein banid lo diri dop, an lo aenta ate dipitejanai a. <sup>3</sup> Nek ibol Jesus Kristus ijanen yu tamol siηaokan ak igo won, oη luama usap sisem madai a dupanad na yan tisini wa. <sup>4</sup> Yu tamol ta tamol gidad sad madok lo ta iladu na wa, man dugo, iη ijanen urat mok igane dop lo ijanen gurman ilo uyan ipani wo ilon yen da. <sup>5</sup> Talpein imaspalu san tap, iη masapalu san kubiaen an iri ipani wa. Gug iη kubiaen an ipitiηini tap, gidad iη imug yau bo man kob an san naon iηane san tia ya. <sup>6</sup> Abi urat san tamol a anan ipae o wagai igane dan iη mi malan malan urat an san nuηon iηane wa. <sup>7</sup> Ru mitilaen utol a ηai ηurupaio an ilo isou uyanan a. Man dugo, melmel an san fun mok fidian man, Tubun en ibinawo dop lo ilo isofulale wa.

<sup>8</sup> Jesus Kristus iη Kiη Dawid san dar lo ilasa ya, agod materη lo imasa yan, ilo ta iηaon na wa. Naineg bilalun ηabol ilasa dan lo melmel an ηufulale da. <sup>9</sup> Nek fun an niηen o gamu ηai sein nam tamol saiag ak igo dusubanag a. Rumok, ηai sein nam dusubanag a, gug Anut san ru sein nam dusubani san tia ya. <sup>10</sup> Amaiak niηen o, muruan naok fidian an lo ηeil funai oη dugo ηumado se ya. Anut san tamolpein pilianek ak ηibinawai o ago ηigane da, an lo patu pasek a Jesus Kristus lo ipalu dan diηane dop, girager pempem yen san an dam diηane wa.

<sup>11</sup> Niηen en uyanan a, agod ka tinid tigane wa.

“Id iη da tamat tap,  
id dam iη da tumado wa.

<sup>12</sup> Id muruan lo tatur sakar tap,  
id dam iη da gurman igo won  
tamolpein titirnai a.

Id iη ta talon na yak tabol tap,  
iη dam id ta ilon na yak ibol a.

<sup>13</sup> Isop idsad ilo rumok ta turi na tap,

iηsan ilo rumok id o man yen oη da.

Man dugo, iηsan bunun mok an yabiani san tia ya.”

### *Urat tamol mok Anut uyan ipani a*

<sup>14</sup> Saen fidian lo oηane Kris midaen melmel en niηen o ilo sou pidinai a. Anut malan lo ru dabai geig ubol dop, iη ru naon sensen lo nug ta dufuni na wa. Kagin en talpein ta ibinawai san tia ya. Tia, ru lo nug diabi dan lo iηaned ilo rumok malan dusue da. <sup>15</sup> Oη Anut naon na utur pe tamol enti a uyan ipani dak igo won maeg gane wa. Onsigane urat niηen o miai ta ifuno na da, agod Anut san ru rumok a itaot pitejanai dan, oη urat tamol naok ago yak lasa wa. <sup>16</sup> Niηen e Anut san kagin ta iri na den niηen o sen lasa wa. Man dugo, tamolpein kagin a lo diladu dan ate naod iraepe, Anut san kagin uyan an dubuseip asau mi diau a. <sup>17</sup> Pitejanek ago yan, nek ibol baob gengen igo ilasap midaen luluηad lo mudadi yani yau a. Tamol uraru mel naok a dupitejanai dan Himeneus iη Filetus da ya. <sup>18</sup> Iη ru rumok ak san dal dibiseig asau mi diau a. An lo tamolpein aenta, Jesus imul ipalu san saen ilasa la yak ago dubol se yan lo, iηsad ilo rumok an malan dusue ya. <sup>19</sup> Ago bo man, Anut bag iguni an yau imul san tia ya. Agog fufo girek en igire ya, “Anut enti iηsan an ilon siηaokan a.” Agod fon, “Enti iη Tubun ak muroun ago ibol tap, kagin saiak saiak fidian patun ipani wa.”

<sup>20</sup> Tamol tubun ak san ab ilon lo, bod naon sensen ak daeg dida dien da. Aenta siηaokan geig a, gol silva da nam digane ya; gug aenta ta siηaok adi na ya, tan katic agod ai lapan nam digane ya. Siηaokan an tamolpein ate urat tubun ak digane wa. Aenta ta siηaokan na yan man metmet disini san mi a. <sup>21</sup> Aria, an niηen o talpein ta kagin saiak saiak a niηen o ηai imug ηabol an ibiseip ikok ilasa tap, iη urat tubun ak san daeg itaot igo imado wa. Iη ijanen Tubun ak san urat tamol mok, an lo binawek uyan mok

ak ipani da, agod urat fidian uyanan an lo kagin ipani wo tawan iganeg imado da.

<sup>22</sup> Amaiak ninen o pinein damag ak sad ilo masa yan fidian patu pani wa. En man onane kob nao na yen da: kagin itaot, ilo rumok, ilo panek, agod maror mi uri wa. On Kris aenta a ilod ikok dop lo Anut dugudani dan, dida atumani dop, an sisem kagin an mi ari wa. <sup>23</sup> Gug on tamolpein aenta sad kubiaek burau a njeo lo ilasa dan bisei wa. On ulon uyanan ak kubiaek naok an man tamolpein nug dupei san kagin an mi igane ilasa da. <sup>24</sup> Tubun ak san urat tamol man tamolpein aenta dida nug ta dupei na da. Tia, in tamolpein fidian ilon ipidinai da, tamolpein aenta ipitejanai san ilon uyanan ak, agod a muruan dupani dan dam ta yabianai na wa. <sup>25</sup> Tamolpein ta in awan lo pirginek ru\* dubol dan mos lo mi in kududod yabi wa. In ago igane yan ninen o nag Anut ibinawai dop lo ilod ibileksap, ru rumok ak san manau an ilod lo tubun geig ilasa dop dulon fufei wa. <sup>26</sup> An lo dam ilod ipastip kankan itaot ak dinane gup Satan san dob lo dusol pe dilasa wa. Man dugo, Satan insan ilobol diri wo isubanaig dumado na ya, kabelan in pempem ago dumado banau.

### 3

*Anut patud dupani an san kagin saen wadan lo ilasa wa*

<sup>1</sup> Ru en ulon o uyan a. Saen wadan lo nal saian geig ak ilasa wa. <sup>2</sup> Tamolpein sed ninedi wo, agod moni o dam dumat dan, sed ipitianai dan, sed yanad mi disini dan, aenta dimisilana dan, tinad tamad awad ta diri na dan, aenta sad binawek lo ilo uyan ta dupidinai na dan, gun tia yan, <sup>3</sup> ilo panek amad tia yan, aenta sad aupasek ta dupare idu na dan, uf tinadi an, sed ulum ad diabi san tia yan, madai panek san tamolpein, kagin uyan ak san ager adi, <sup>4</sup> inaned turadi ager banin lo didirai dan, silei tamol

dilasa kisaek on dan, in nai nai kagin lo man da isuda geig a. In Anut o ta dumat na da, tia, tan en san mala bulbal mi ninen o yaes ifunai da. <sup>5</sup> In Anut san kagin duri wo man malak malak patun fo dukubiai da, ak gug kulob naok a digane dan lo id walal te dukubiai panad dan man, inaned ilod lo kagin an san dabai ta yen na da. Tamolpein naok ago yak patu pidinai a.

<sup>6</sup> Tamol naok ago yak, pein bube dabai an tia yan, ilod dinane dop, sad ab lo diaup ditirnai da. Pein naok ago yak aupasek wei kasik disini da, nek ibol mel muruan geig ak disini dan igo won lo inaned bube masak saian an naod irae dop lo aupasek digane da. <sup>7</sup> Pein an pempem pitejanek dulon o digane da, ak gug ru rumok ak san manau mok an siniren na dupalu san man in ta idaisuda na ya. <sup>8</sup> Nek ibol Janes in Jambres da, Igipta nawir tamol adi, gubak mi in Moses san ru diabianig dumado yak igo won, tamol naok ago yan dam gamu Anut san ru rumok an diabianig dumado da. Aupasek insad kankan malan isue an lo Anut ibitinaig ile yak man, inaned ilo rumok an sewak mi a. <sup>9</sup> Gug kagin an diganep ta milaen mi yen na wa, man dugo, nek ibol wagam Janes in Jambres da sad na ilasa yak ago, in dam sad kagin burau an kuai isi dop fidian dile wa.

*Pol Timoti ru kagin ipani da*

<sup>10</sup> Gug on naisag pitejanek an fidian ulon sinakan a. Agod mel en dam ulon a, urat nigane dak sag turen lo, naisag madok san fun, naisag ilo rumok, muruan lo bube maror numado dak, naisag ilo panek, muruan lo natur sakar on dak, <sup>11</sup> muruan dupanag dop lo madai nisini da. Mel dugon Antiok na, Aikoniam na, agod Listra na, naog na ilasa yan ulon a, agod muruan naok dugon ante dam nile se yan ulon a. Ak man Jesus muruan fidian an lo nai patug ipasi a. <sup>12</sup> Rumok, ta in Jesus Kristus lo

\* 2:25: Awa sisalek ru

Anut san kagin iri wo ilon yen dan, tamolpein muruan funfun madai anda yak dupani wa. <sup>13</sup> Gug, tamol saiadi agod Kris sewak adi da inaned naok naok saian an ago mi digane diau on dop tubun geig a. In aenta dirawai dop sed dam irawai da. <sup>14</sup> Gug, on man mel a dipitejano yan, ninen o ilo lo rumok geig dop, ago mi gane yau a. A dipitejano yan ulon uyanan a, amaiak ninen o awad itaot ka uri wa. <sup>15</sup> An ninen o ilo isou, saen on pinein tusa madog ipalug gamu en girek gun a Anut ipanad an ulon la ya. Girek an ka ipitejanop lo Jesus Kristus o ilo rumok dan lo patu pasek an njanep idaisuda geig a. <sup>16</sup> Girek gun an fidian Anut san Awan Ur ilon lo yen da. Amaiak ninen o, dal wei mi lo ibinawad dan igo ya, mel a rumok an ikubiai panad san, kagin saiak tabi idu san, kududod tabi san, agod kagin a Anut malan lo itaot an ikubiai panad san mi a. <sup>17</sup> An lo Anut anen tamol an inisan manjau milaen geig a, urat uyan ak fidian igane wan san manjau in lo idaisuda ya.

#### 4

<sup>1</sup> O Timoti, Anut in Jesus Kristus da naod na, naj gamu ru dabai ak njupano da. Jesus Kristus man, in tamolpein kumaen dumado dak, agod dumat la yan da kubianek lo idirai a, agod tan en lo idsad Kin igo won imul ipalu wa. An ninen o naj itaot njurupaio da, <sup>2</sup> Anut san ru fulale wa, gidad saen saian ak lo, saen uyan ak lo dam, kagin an lo maeg ganep utur sakar a. Saen on tamolpein Anut san ru pitejanai dan lo, in sad kankan kubune dop, ru kagin pidinai dop, tan suek ru dam pidinai a. Gidad aenta muruan dupano bo man, on pitejanai san ninen o kabel ta ifuno na wa. <sup>3</sup> Man dugo, saen iparsikawad dan lo, tamolpein pitejanek itaot an dulon man dumoi a. Gug inaned tinid san kagin an duri dupani dop lo, girek manjau dutumanaip njin e dulon o kududod bulbal den durupidai a. <sup>4</sup> In ru rumok ninen o kududod dufutani da. An lo dal

dufurfip, dideg diau san am sewak mi duri wo kududod dugure da. <sup>5</sup> Gug on, mel dugo ilasa bo man ule dop tamol mok igo won utur sakar dop ta usuk umul na wa. Tutol urat gane dop, Anut urat a ipano yan fidian gane itout a.

<sup>6</sup> Man dugo, naj man wain igo won, alta fo Anut ilo uyan dupani wo dukulmaek o digane dak igo, tan en njubusei san saen sumeik ipanag la ya. <sup>7</sup> Id Kris sad turen man wagai uyanan ak igo won, an lo naj njalon ak wagai an njigane uyanan a. Naj njumaspalu uyanan go an njigane itout a. Naj idsad ilo rumok njabituani uyanan a. <sup>8</sup> Amaiak ninen o, kagin itaot an san naon Anut ikubuneg yen da, agod bitinaek san nal lo Tubun a bitinaek tamol itaot an naon ipanag a. Naj ninen o mi ago ta igane na da. Tia, tamolpein fidian Kristus kuai isi wo dumat dan anak anak atem naon kisaek ago mi ipidinai a.

#### *Pol aenta ninedi wo ibola*

<sup>9</sup> O Timoti, njaisag na palu kisaek on o maeg gane wa. <sup>10</sup> Man dugo, Dimas in tan en san mala bulbal buben ipanig lo naj ibisawag go Tesalonaika na yau a. Go Kresens Tubun ak san urat igane wo Galesia distrik lo yau, ago dugo Taitus dam in Dalmatia distrik na yau a. <sup>11</sup> Luk sen mi naj da mumado da. Saen on njaisag na palu wo dop, Mak njanep da apalu wa. Man dugo, in Tubun en san urat lo naj ibinawag uyanan da. <sup>12</sup> Naj Tikikus njidinig Efesus na yau a. <sup>13</sup> Saen on palu wo dop, tini wananan san kulos taun Troas na Karpus san na yan njanep sini palu wa. Ago mi buk dam sini wa, bilelek sunulon fo ru girek njigire yan sinip palu wa, an mel malan te yak ninen o ilo ta injon na wa.

<sup>14</sup> Aleksanda, bras nam melmel igane san tamol, muruan wei mi ipanag a. Muruan naok naj ipanag an ninen o, Tubun en naon itaot ipani wa. <sup>15</sup> In ninen o on se itirno uyan a, man dugo, in ru girek e mabol ilasa den san ager dababai ak imado da.



<sup>16</sup> Saen ηai inug Rom san gurman adi naod na bitinaek lo ηatur man, talpein ta ηai patug fo itur pe ru lo ibinawag man tia ya. Tia, in ηidiane ηai dubusawag go dusol diau a. An niηen o ηai Anut ηusumiani dop, kulob an niηen o ipidaip, diau dudu wo ago ta igane na wa. <sup>17</sup> Gug, Tubun en inηen ηai patug fo itur dugo dabai ipanag a. An lo ηai awag lo inηan ru kuai te ηabol ilasa pasik a, an lo gob adi fidiane inηanen ru ka duloη a. Agod in ηai patug ipasig maten ta ηile na ya. <sup>18</sup> Rumok, Tubun en ago mi muruan fidiane lo ηai patug ipasi wa, agod patug ipasip inηanen kagin panek san aben a lak na yen dan lo ηau a. Id in ηanηan pempem tabisa wa. Rumok.

*Ru wadan*

<sup>19</sup> Ilo uyan ru rupidai, Prisila in Akwila da, agod Onesiforus inηanen muroun adi dam mi wa. <sup>20</sup> Erastus ηai da ente tia ya, in ηubuseig Korint na imado da. Trofimus subam anda ya, an lo ηai in ηubuseig Miletus na imado da. <sup>21</sup> On ηadid san saen gamugo dop, etna palu wo dabai gane wa. Eubulus in Pudens da agod Linus, Klaudia, Kris aenta etna dumado dan dam on ilo uyan ru durupaio da.

<sup>22</sup> Tubun en onηane ηutu da amado. Inηanen ilo panek, an fidiane da amado.

## Taitus

<sup>1</sup> Njai Pol, Anut san urat tamol ipilianag go Jesus Kristus san aposel njilasa ya. Inſan pilianek tamolpein sad ilo rumok an ilasa wak, agod maſau a ru rumok san an lo id Anut san kagin turi tupanip tator o ipilianag a. <sup>2</sup> Ilo rumok maſau da yan sad fun man, kumaen pempem san tiſane wan san tini ganek an id ilod lo yen da. Anut inſ sewak tamol tia ya. Saen tan en gamugo ilasa dugo kumaen a ipanad an niſen o promis igane ya. <sup>3</sup> Agod saen a ipiliani an lo inſan ru an kuai isip yen a. An nſaisag ru fulalek lo ago igane ilasa ya. Anut idsad binawek tamol inſan ru kagin ibol an lo urat an nſai banig lo igane ya.

<sup>4</sup> O Taitus, oſ nſaisag nanug mok igo ya, oſsa ilo rumok maſsama da naon kisaek a. Bai Anut inſ Jesus Kristus idsad binawek an da inſad ilo panek, maror da dupanop oſ da amado wa.

### *Taitus Krit nui lo urat igane ya*

<sup>5</sup> Saen nſai Krit nui na oſ njibisawo man fun igo ya. Urat awan atna yan muruan anda ya, amaiak kubune itout o njibisawo ya. Ago dop imug njurupaio ago mi midaeſ ilon lo panu kisaek kisaek atem matu pilianai idu wa. <sup>6</sup> Aria, midaeſ ilon lo matu pilianai man tamol naok igo ya. Tamol inſ niſen o ru ta dubol na da, agod inſ iwon kisaek a. Inſan nanun muroun ilod lo rumok ak, agod inſ tinad tamad awad paen na mi dumado wa. Ago gug inſan nanuk silei tinadi dop man, inſ urat tamol ta imado na wa. Kabelan nanuk fud saian an lo tamad diabi idu banau. <sup>7</sup> Man dugo, midaeſ san kagin panek tamol man sad tureſ lo tamolpein inſ lo muruan ta dile na da. Man ata wo, inſ Anut san urat tamol. Fun an niſen o inſ kabuſan ta sakar na wak, tiſaen ta saian kisaek oſ na wak, inſ you sakar ak ta iluk na wak, agod wagai gidigheid ta igane na wa. Inſ dal saiak saiak lo filian

inſane wo ago ta igane na wa. <sup>8</sup> Tia, inſ kagin uyan ak mi igane wo imat ak, tamol asau ipalu dop kagin ipani uyanan a. Inſ tamol kankan uyanan anda wak, inſ tamol itaot ak, inſ tamol gun ak, agod inſen ulum an yabi dop sen tinin kagin ipani uyanan an ilon a. <sup>9</sup> Inſ ru uyanan a gubak mi dupiteſanad go ilod tupani dan mi yabituanani wa. An lo piteſanek a uyanan an san maſau ka ipiteſanai siſaokan a, agod tamolpein a inſan awan lo dipirgini dan inſan piteſanek uyanan an lo awad yafutani wa.

<sup>10</sup> Man dugo, id luluſad lo tamolpein wei mi naok igo ya, inſ silei digane dak, inſ ru kawan diſiſeſ da, agod sewak tinadi, nek a muluſ san doup ama ya. <sup>11</sup> Tamol naok ago yak oſ awad wafutani wo uyanan a. Man dugo, inſad niſeo lo piteſanek saian ak tamolpein dukubiai pidinai dop lo filian diſane wo ago digane da. An lo inſ tamolpein sad samun dukubulai da. <sup>12</sup> Inſiganed profet ta igo ibol, “Krit tamol man pempem sewak digane da, inſ bor goun saiad ak igo ya, agod dam tuſalek tinadi a.” <sup>13</sup> Agod ru an ru rumok a. Amaiak niſen o ru dabai anda nam pidai dop lo inſaned ilo rumok an dukubunep itaot a. <sup>14</sup> Kabelan inſ kududod dugure dop Juda adi sad am rumok tia yan diganuri boi, tia, tamol a ru rumok patud dupani dan sad ru kagin duri banau. <sup>15</sup> Tamol ikok ak inſan ilo sou lo mel an fidian ikok a. Ak man tamol a ilon lo ta ikok na yan, agod ilo rumok an tia yan, inſ lo mel fidian nun a. Tamol naok an inſan kankan, inſan maſau lo sen malan isue ya. <sup>16</sup> Inſ awad lo Anut dulon ago dubol da, ak man inſad kagin naok naok lo inſiganed ru an sewak ru mi kuai te id dukubiai panad da. Inſ saiad geig a. Awa parsisalek tinadi ak, agod inſ mel uyan ak ta digane ilasa san dam ta idaisuda na ya.

## 2

*Midaeſ ilon lo urat tamol urat*

### *uyan digane san ru kagin*

<sup>1</sup> Aria, Taitus, onj melmel uyan a pitenjanek itaot ak san dal lo uyan ipani dan mi pitenjanaip duloj a. <sup>2</sup> Tamol busumak rupidai duloj dop kagin uyan ak mi digane dop tamol mok onj dumado wa. Injed ulum ad diabi uyan ak, inj ilod lo rumok pe itaot ak, ilo panek amad da dumado wak, agod dam muruan funfun lo dutur sakar a.

<sup>3</sup> Nek ago mi pein busumak rupidai dop Anut naon na dumado dak igo wonj kagin uyan ak lo mi dumado dutor a. Inj uf ru ta dubol na wak, agod you sakar an ulum ad ta yabi na wa. Inj kagin uyan an mi tamolpein dupitenjanai a. <sup>4</sup> Ago dop pein kubakan njed murna an dile dop injaned tamol njedi wo dumat ak, injaned nanuk dam njedi wo dumat a. <sup>5</sup> Agod inj sed kagin ipidinai dop madok gun ak lo mi dumado wa. Inj pein uyadi, injaned ab kagin dupani uyan ak, agod injaned tamol awad paen na dumado wa. Ago dop kagin an lo talpein ta Anut anen ru yabi idu san tia ya.

<sup>6</sup> Nek ago mi tamol murna yak dam sed tinid kagin dupani uyan ak ninen o ru kagin pidinai a. <sup>7</sup> Onj onsa madok itaot an gane ilasa, an lo onse mok onjane tura murou mitilaen uyanan an kubiai dile dop inj dam ago digane wa. Anut anen ru ubol itaot dan ninen o kagin gane wa, ago dop ru saian ta awa lo ilasa san tia ya. <sup>8</sup> Onsa ru man tamolpein ibinawai san mi ubol ilasa wa, ago dop an lo pirginek tamolpein miai ifu wa. Inj mel saian ak ta dilep ate id Kris tamolpein dupaiad san tia ya.

<sup>9</sup> Urat bigabeg adi rupidai, injaned urat fidian digane dan lo, inj tamad awad paen na dumado dop lo ilo uyan dupidinai o maeg digane wa, ago dop tamad awad lo ta dipirgini na wa. <sup>10</sup> Injaned tamadi an san mel ta digam na wa. Tia, mel fidian lo inj awa yabek kagin mi digane da. An lo inj sad kagin naok naok a digane na

yan lo Anut idsad binawek an san pitenjanek bala dupani wa.

<sup>11</sup> Onj ago pitenjanai a, man dugo, Anut san ilo panek kuai tem tamolpein fidian malad lo igane ilasag dile ya. Insan ilo panek an lo idsad aupasek naon tisini wan lo ipasad injiliad a. <sup>12</sup> Insan ilo panek an lo manau ipitenjanad a, an lo kagin fidian a Anut kagin igo tia yan patud tupani da, agod tan san mala bulbal an fidian “tamoi ak” ago tabol a. Agod dam an iduduwad pe idsjaned ulum ad tabi uyan dop, idsad madok tan en lo tiganep itaot ilasa dop, Anut san kagin turi tupanip ago tator a. <sup>13</sup> Ago dugo mel uyanan a ilasa wan ninen o mala nouk tumado da, mel an man Tubud Jesus Kristus idsad Tubun, agod idsad Patu Pasek tamol, an injanen girager aman da tan en lo ilasa wa. <sup>14</sup> Injen id abed lo muruan isini a, an lo idsad aupasek fidian an san naon lo ipasad injiliad tamul a. Agod inj wagen lo idirad go ikok tilasag injan tamolpein mok tumado da. An ninen o urat uyan uyan ak mi tigane wo yaes isofutanad a.

<sup>15</sup> Aria, ru an tamolpein pitenjanaip duloj a. Tan suek ru pidinai ak, agod kudo bek ru lo dam pidai dop satuanai a. Talpein enti onj tamol kawan ak ago ibol dop dabai ganep awan wafutani wa.

## 3

### *Kagin uyan ak lo tatur sakar a*

<sup>1</sup> Onj tamolpein kankan igo pidinai a. Inj gabman san tamol gurman agod tamol yanad anda yak sad awad paen na dumado wa. Inj awa yabek tamolpein ago mi dumado dop, kagin naok naok uyanan mi digane wan san tawan diganep dumado wa. <sup>2</sup> Inj talpein ta patun fo uf ta digane na wak, dida nug ta dupei na wak, aenta njedi wo ilo sou digane wak, agod dam fidian malad lo inj sad kagin mos an digane ilasa dop dile wa.

<sup>3</sup> Imug id dam n̄neō tiganē na ya. Agog awa parsisalek san kagin lo tumado na ya. Ilo rawek san kagin an lo dal saian ak turi se ya. Ilo imasa san kagin, agod tinid tufutuwi san kagin, an sad urat pinein tumado se ya. Siai kagin lo tumado na ya, agod aenta siganed mel o teil saiadi se ya. Aenta id lo siai digane dugo id dam nug nug lo siai tiganē se ya. <sup>4</sup> Ak man saen Anut idsad binawek in̄san ilo panek agod ilo muñanek tan en lo kuai tem ilasa yan, <sup>5</sup> id patud ipasi a. Idsad kagin itaot ak ta tiganep lo na in̄ ago igane man tia ya. Tia, in̄siganen ilo muñanek lo na id in̄iliad a. In̄san Awan Urgan iganeg id foud tilasa woñ an man ibol ifulanad go ikok tilasa yak oñ a, dal amaiak lo patud ipasi a. <sup>6</sup> In̄ Jesus Kristus idsad binawek an lo Awan Urgan tubun mok id lo iwatik idu ya. <sup>7</sup> An lo in̄san ilo panek lo iganeg in̄ malan lo itaot tilasa ya. Ago dop an lo id in̄san nanuk mok igo woñ filian a ikubune panad la yan tin̄ane wa. Id kumaen pempem tumado san tin̄ane wan nin̄en o malan tiganē tumado da. <sup>8</sup> Ru an ru rumok a. Agod n̄aisag ilo sou lo ru an dabai nam ubol ilasa dop, tamolpein a Anut o ilod rumok an kagin diganep mel uyan uyan digane san o tinid dupani wa. Kagin naok ago yan uyanan a, agod an mi tamolpein fidian ilod lo nuñon iganep ilasa wa.

<sup>9</sup> Ae tugtog burau ak rin̄ani wa. Agod saruwak san kubiaek, sumiaek sensen dam patu pani wa. Ae tugtog Moses san kubiaen̄ nin̄en o yan fidian dam nek ago mi gane wa. Man dugo, kagin naok ago yan ilo rumok adi ibinawai san tia ya, agod nuñon tia ya. <sup>10</sup> Talpein ta midaen̄ luluñad lo gilek gidigidad igane tap, kudon wabi. Gug in̄ nek ago mi igane yau tap, fon kududon wabi da wa. Aria, in̄ imoi go kagin saian an mi igane yau tap, patu pani. <sup>11</sup> Man dugo, oñ ulon̄ ak tamol naok ago yak sen ikubulig saian idug in̄san aupasek tinin lo awan isa ya. An lo in̄sen yabi idu ya.

### *Ru wadan*

<sup>12</sup> Murnap n̄ai Atemas boi, tia, Tikikas boi oñsa na n̄igane ipalu wa. Saen in̄ ipalup ilasa tap, oñ maeg ganep dal ta ulep Gris san taun Nikapolis na wau a. Man dugo, n̄ai ilog ibol dak madid san saen lo n̄ai ante n̄umado wa. <sup>13</sup> Aria, oñ fon Senas kubiaen̄ san man̄au tamol in̄ Apolos da turen̄ fun digane wo dan o kagin pidinai a. In̄ mel ta lo katuk adi tap, oñ binawai a. <sup>14</sup> Oñ Kris tamolpein piteñanai dop kagin uyan ak wagai an digane wa. An lo saen talpein ta muruan ile tap, in̄ dibinawi uyan a. Kabelan in̄sad ilo rumok an nuñon an tia banau.

<sup>15</sup> Tamolpein fidian n̄ai dadi mumado dan oñsa na ilo uyan ru digane ipalu da. Oñ ilo rumok adi a nin̄ema wo dumat dan ilo uyan ru in̄sad na gane yau. Anut in̄anen ilo panek an fidian da ka amado wa.



## Filemon

<sup>1</sup> Njai Pol Jesus Kristus san subanek tamol girek en njigire da. Id teid Timoti dam naji da mumado da. Girek en manjanema bubema buson di urat kisaek Filemon, <sup>2</sup> agod midaen onsa ab lo dutumani na yan dam anjam na njigire da. Apfia idaned lud, agod Akipus in man da sisem Kristus san yu tamol igo won, girek en migane sam na ipalu da.

<sup>3</sup> Njaisag ilog lo Bai Anut agod Jesus Kristus Tubun en da insad ilo panek agod bube maror an dupanan o ibol da.

### *Pol san ilo uyan gadin*

<sup>4</sup> O teig Filemon, saen naji Anut nugudani dan lo, on o pempem ilog isou dop, Bai Anut ilo uyan nupani da. <sup>5</sup> Man dugo, onane ilo rumok Jesus Tubun ak lo yan, agod inanen tamolpein gun ak fidian ninedi wo umat dan dam, naji nalon a. <sup>6</sup> Njai Anut nusumianip, aenta naod na onane ilo rumok kuai tem ubol ilasa dan lo se dabai ipanop, an lo nunon uyan uyan ak a id o Kristus lo yen dan ulon uyanan a. <sup>7</sup> O teig, onsa ilo panek an naji ilo uyan tubun kasik, agod tan suek uyanan geig ipanag da. Man dugo, on Anut san gun adi binawaig lo ilod pasa ibol a.

### *Pol Filemon ilon inane wo ibol da*

<sup>8</sup> Amaiak ninen o naji Kristus lo yak seg isodudunag njilasa dop, mel a on gane san an itaot gane wo ka nusoduduno wa. Ago bo man ru kubi-aen naok ago yak njurupaio man namoi da. <sup>9</sup> Tia, on naji da nug ilon tupani da, fun an lo man on ilo njane wo ilog tubun mi yen da. Awo, naji Pol, tamol wagam ag njilasa ya, agod gamu dam Jesus Kristus san subanek tamol numado dan, <sup>10</sup> Onesimus,\* njaineg nanuk igo won, on in maror lo nane wo nugudano da. Saen naji sein nam dusubanag an lo, in Jesus Kristus ilon

lo rumok a, an lo in njaisiganeg nanuk mok igo ilasa ya. <sup>11</sup> Imug mi on mala lo in tamol lou aman tia yak igo imado se ya, ak gug gamu man on o, agod naji o dam, tamol lou aman da yak igo ilasa ya.

<sup>12</sup> Gidad njaineg bubeg fidian in lo yen dak bo man, gamu naji onsa na njidinig ipalu da. <sup>13</sup> Njai njabituanip, saen naji bilalun uyanan ak ninen subanek lo numado dan ninen o, in on wage lo ibinawag o ilog ibol da. Ago bo man, <sup>14</sup> mel ta a on uyan ta pani na yan njigane san o ilog ta ibol na ya. Ago dop man mel dugon uyan ak gane wo man, onse ilo nam gane wa. Ak gug kagin an ninen naji ta nusoduduno na wa.

<sup>15</sup> Nag saen katukan mi on ibisawog isol yau a, an san fun man, in imul gup pempem mi on da sisem amado wak boi. <sup>16</sup> Gubak mi in onsa bigabeg urat igane ya. Gug gamu tia ya, tia, gamu man onane tei mok Kristus lo yak igo on ka nane wa. Njai in o bubeg bulbal da, on dam rumok nek ago mi a, in tinin lo agod Tubun en lo dam ibinawo wa. <sup>17</sup> Amaiak ninen o, on naji onane tura igo won liag tap man, on naji njiliag ak ago mi Onesimus dam nane wa. <sup>18</sup> Mel ta lo muruan ipano boi, tia, onane gubun ta tinin lo yen tap, naji yanag paen na ganep, an lo gubun an naji tinig lo yen a. <sup>19</sup> Njai Pol ru en seg banig nam njigire dan lo igo nabol, njaiseg mi inanen gubun nukubunep itout a. Njaisag gubun a on tini lo yen dan man onse mi, kabelan on an ilo inon banau. <sup>20</sup> Awo teig, on Tubun ak san a, ak ninen o lou uyan ak ta panag o ilog ibol da. Agod Kristus ninen o dam on njaineg bubeg maror pani wo ilog yen da.

<sup>21</sup> Njai awag uri pani san o tinig nupano da. Ak ninen o girek en onsa na njigire den lo nalon ak, mel e ninen nusumiano den on itaot ganep subunan taidam gane panag a.

<sup>22</sup> Njai mel kisaek taidam ninen nusumiano da. Galun ta kubune panag

\* **1:10:** Grik ru lo, Onesimus yan san fun man: lou aman da yak.

a. Man dugo, ɲai ilog yen dak man, an gudanek wei mi agane dan lo, Anut anɲam gudanek awan yabi dop lo fon ɲamul pe naom na ɲilasa wa.

*Ru wadan*

<sup>23</sup> Epafraſ dam in ɲai da Jesus Kristus niɲen subanek ab lo mumado dan, inanen ilo uyan ru anɲam na iganeg ipalu ya. <sup>24</sup> Nek ago mi ɲaisag urat kisaek adi, Mak, Aristakus, Dimas, agod Luk, inaned ilo uyan dam dupanaɲ da.

<sup>25</sup> Tubun ak Jesus Kristus san ilo panek an ananem ɲutum fidian da itu-manip amado.

## Hibru

### *Anut Nanun san yanjan tubun a*

<sup>1</sup> Wagam na mok profet adi awad lo Anut id tubud baged ru irupidai se ya, saen wei mi agod dal sensen lo in ago igane ya. <sup>2</sup> Gug gamu nal wadan en lo man innsinan Nanun awan lo irupaiad a. Insen lo mok Anut mel fidian igane ya, agod Anut sen in murnap mel an fidian taman imado wo ipiliani a. <sup>3</sup> Insen in Anut san lil-aman in lo yen dan isapudadeg Anut san girager tubun an kuai te ikubiai tile ya. Insan bunun an nek Anut sinan bunun mok igo ya. Agod innsinan ru dabai an nam mel fidian igane ilasag yen yau da. In tamolpein sad aupasek isuas yau san dal ikubuneg itout a, ago gug in kumaen panu lo Anut lak na yak inanen banin won ak lo imasig imado ya.

### *Nanut san yanjak enjel sad yanjak irinani a*

<sup>4</sup> Anut yanjak Nanun ipani an uyanan mok a. Yanjak an enjel adi sad yanjak dam irinani a. Nek ago mi Anut Nanun ipilianig dabai tubun enjel sad dabai irinani ak ipani a. <sup>5</sup> Anut enjel ta irupeig ibol, “On naineg nanug, agod gamu nai onjane tama.” In ta ago ibol na ya. Agod fon enjel ta ninen ago ibol, “Nai innsan taman numado dop in naisag nanuk imado wa.” An dam ta ibol na ya. <sup>6</sup> Gug saen Anut Nanun matu an iganeg tan na ipalu an ninen o ago ibol, “Anut san enjel adi fidian in ninen o ubou an dile wa.” <sup>7</sup> Aria, enjel adi sed ninedi wo man Anut ibol, “Anut inanen enjel adi man tim igo won a, inanen urat pinein adi man yai balen imasa dak igo won a.” <sup>8</sup> Ak man Nanun ninen o ago ibol, “O Anut, onsa Kin san kalik an pempem yen yau san a.

Agod Kin san makud bani lo wabi dan an kagin itaot san makud igo won a.

<sup>9</sup> On kagin itaot ak ninen o mi umat da, agod kagin saian ak umoi geig da.

Fun amaiak ninen o Anut, in onjane Anut, onjane tura murou sad malan te iginio ya, agod yousai san guren an on tini fo ikulmaek idu ya.”

<sup>10</sup> Anut Nanun irupeig dag ibol, “O Tubun en, fun lo mok on tan en san kadaŋ guni a, mel fidian lak na yan dam onse bani lo diri a.

<sup>11</sup> Mel an fidian dideg diau a, gug on man mado wa, in yamel wagam ak itout yau igo won a.

<sup>12</sup> On nek ibol yamel dululumip diabi yau ak igo won mel fidian lak na yan, tan en lo dam ago gane wa.

Nek ibol yamel wagam ak dupasip foun ak digane dak igo won, on mel fidian bilisap foun ak dilasa wa.

Gug on man igo pempem mado wa, onsa anaŋar itout san tia ya.”

<sup>13</sup> En dugo, Anut enjel ta irupeig ago ibol, “On naisag aben malan te yak ate mado dop

nai onjane ager adi njidiraip paen na dumado wa,”

Anut ru ta ago ibol man tia ya. <sup>14</sup> Enjel adi an enso mel ta i? In man ur, amaiak Anut idinaig tamolpein a patud ipasi san amaiak dibinawai o dudu ya.

## 2

### *Anut injiliad an mel tubun a*

<sup>1</sup> Fun amaiak ninen o id ru rumok a talon an tabi sakar a, ago dop an lo na id tadeg tau san tia ya. <sup>2</sup> Tubud baged adi wagam enjel awad lo kubi-aen san ru dinjane ya. Ru dulon an yen sakar da, fun an ninen o talpein enti aupasek ta igane, tia, awa parsisalek ta igane tap, kulob an san naon atem itaot inane wa. <sup>3</sup> Fun amaiak ninen

o id patu pasek uyanan en patud tupani tap, en dugo woŋ id aupasek naon an tabi-riŋani wak i? Tubun en inŋsen malan malan mok patu pasek niŋen o ibol ilasa ya, agod a inŋ awan duloŋ an id dukubiai tile yak ru an ru rumok a. <sup>4</sup> Saen nek an lo mi Anut tamolpein a mel malad nam dile amaiak inŋsad ru an dabai ipani. Inŋ kulob girager agod urat dabai tutubun ak igane na ya, agod inŋsen ilon ibol ak lo mi Awan Urgun san dabai lo inŋ urat digane san bar funfun iwae pidinai a.

### *Jesus sen imug injiliad a*

<sup>5</sup> Man dugo, Anut inŋ eŋel adi tan foun murna ilasa wan kagin dupani wo ta ipilianai na ya. Tan amaiak niŋen o ŋai ru ŋabol da. <sup>6</sup> Gug Anut san girek ta lo ru en igo ibol,

“Tamol man nek mel kawan ak igo ya, amaiak niŋen o, ata wo inŋ o ilo isou di?

Tamol nanun man inŋ mel tubun tia ya, an niŋen o oŋ ata wo inŋ kagin pani uyan di?

<sup>7</sup> Oŋ saen katukan mi inŋ eŋel paed na gane ya, agog inŋ girager yaŋak tubun ak da pani a,

<sup>8</sup> agod mel fidian inŋ taman imado wo tuon lo diri a.”

Aria, saen Anut tamol igane yan, inŋ mel fidian sad taman imado wo ago ibol a, an lo inŋ mel ta ibiseip tamol san kagin panek patun fo yen man tia ya. Ak man gamu saen en lo man tamolpein mel fidian kagin dupani dop id tile man tia ya. <sup>9</sup> Gug id Jesus mi tile da, inŋ saen katukan mi Anut inŋ eŋel paed na imado wo igane ya. Agod ilo muŋanek Anut ipanad dan niŋen o inŋ tamolpein fidian abed inŋaneg mateŋ ile ya. Mateŋ an lo na inŋ madai ikubiani a, fun an niŋen o gamu id tile yak inŋ yaŋak tubun ak girager da inŋane ya.

<sup>10</sup> Nek uyan ak Anut inŋ mel fidian idirig ago dien diau dan, Jesus madai isini an lo inŋ inŋaneg itaot mok ilasa ya. Nek an lo inŋ nanuk wei mi inŋal ipalup inŋsan girager an lo inŋ da sisem dumado wa. Man ata wo? Jesus

sen inŋ patun pasek san fun. <sup>11</sup> Ta a tamolpein gun dilasa wo igane dan, agod tamolpein a gun dilasa yan, inŋ sisem fudi kisaek a. Fun amaiak niŋen o Jesus inŋ tein taon ibol san niŋen o miai ta ifuni da. <sup>12</sup> Inŋ Anut niŋen o ago ibol da,

“Ŋai oŋsa yaŋa an teig taog ŋurupidai duloŋ a,

inŋsad tumanek lo ŋai bar ŋabi dop oŋ yaŋa ŋabisa wa.”

<sup>13</sup> Inŋ dam ago ibol,

“Ŋai Anut tinig ŋupanig ŋumado da,”

agod inŋ fon ibol,

“Ŋai ebo Anut nanun muroun ipanag emaiak dida mumado da.”

<sup>14</sup> Inŋsan nanun muroun en man inŋ tan en san tamolpein mi, fun amaiak niŋen o nek inŋ dumado dan ago mi Jesus dam inŋsan tinin, tan en san tinik igo woŋ ilasa ya. Inŋ ago igane yan lo inŋsan mateŋ lo Satan mateŋ san dabai aman da yan ka ipitiŋini wa. <sup>15</sup> Dal emaiak lo inŋ tamolpein inŋaned mateŋ san rirek lo patud ipasig maror ipidinai a, inŋ fon mateŋ san rirek inŋaned madok lo kagin ipidinai yau san tia ya. <sup>16</sup> Id taloŋ ak mel an man rumok a, man dugo, inŋ eŋel ta ibinawai na ya, tia, inŋ Abraham san sawar ibinawai a. <sup>17</sup> Ago yak niŋen inŋanen kagin naok naok lo inŋ tein taon dumado dak ago mok ilasa wa. Ago dop an lo na inŋ inŋaned pris malan te yak ilasap ago imado wa. Inŋsan urat awan lo Anut ibinawi dan igo ya, inŋ awa yabek tamol agod ilo muŋanek tamol an lo inŋ tamolpein sad aupasek an niŋen Anut ilon igane ibubarum a. <sup>18</sup> Inŋsen aupasek san ate suek lo itur go madai ikubiani a, fun amaiak niŋen o inŋ gamu tamolpein a aupasek san ate suek dile dan ka ibinawai uyan a.

## 3

### *Jesus san yaŋak tubun an Moses yaŋan iriŋani a*

<sup>1</sup> An niŋen o anŋ ŋaineg teig taog gun ak, anŋ maŋ da Anut san wagiŋ an lo itumanad go tumado dan, anŋ Jesus niŋen o mi ilom isou a. Inŋ aposel agod



in pris malan te yak an ninjen o tabol ilasa da. <sup>2</sup> Inj Talpein a ipiliani an awan iri pani a, nek ibol Moses Anut awan kagin ipanig Anut san ab ilon lo urat igane igo ya. <sup>3</sup> Nek ibol tamol ab yabi an yanjan tubun dugo ab mok sen man yanjan tusan ak ago ya. <sup>4</sup> Rumok, ab fidian kisaek kisaek atem tamol diabi da, ak man Anut sen inj mel fidian idirai an irinjanai a. <sup>5</sup> Moses inj Anut anen ab san tamolpein fidian luluḡad lo urat pinein igo Anut awan iri panig urat igane ya. Nek mel amaiak saen murnap ilasa dan te dop ru a inj ninjen dubol an Moses dam gubak mi ninjen o ibol ilasa ya. <sup>6</sup> Ak man Kristus inj Anut Nanun mok imado ya, an lo inj Anut san ab lo tamolpein kagin ipidinai a. Id dabai amad da Anut anen ru tabol dan, id ilo uyan amad da mel a Anut ipanad ak ninjen o ilod yen dan tabi sakar tap, id Anut san ab mok a.

<sup>7</sup> Amaiak ninjen o nek ibol Awan Urgun gubak mi ibol ago, “Nek gamu en, anj injsan awan alon tap,

<sup>8</sup> anjanem bubem aganep sakar ilasa amoi.

Nek ibol wagam anj tubum bagem bitinaek san saen lo tan kawan ak ate Anut patud dupani ago mi,

anj kagin an ta agane na wa.

<sup>9</sup> Saen an lo inj njai tuog lo bitinaek an diganeg dukubianag se ya.

Ananjar 40 njasag urat dabai fidian njigane an dile bo man njai patud dupanag se ya.

<sup>10</sup> Fun amaiak ninjen njai inj ninjedi wo tinjaeg saian go ago njabol,

‘Injsad bubed lo inj pempem dal senamo diau da, agod inj njasag dal dugo wonj njanu dan ta dulon na ya.’

<sup>11</sup> Njasag tinjae saiak lo geg sakar ak njigane yan, ago njabol, ‘Rumok lak na, inj njasag yaes bilabal lo ta mok diladu na wa.’ ”

<sup>12</sup> An ninjen njai teig taog, kagin agane wa. Kabelan anj luluḡam lo ta inj buben ilo sou saian aman dap, ilon lo rumok tiap, Anut kumaen

pempem san an patun ipani banau.

<sup>13</sup> Tia, nal fidian anj tan suek ru nug arupe, nal “gamu” dubol dan lo anj ago agane wa. Kabelan aupasek san kagin irawanj dop anj luluḡam lo ta bubem afutani banau. <sup>14</sup> Ilo rumok malan malan an id fun tiganeg an tabi sakar pe yaup wadan na idu tap, an lo id Kristus da sisem tutumani wa. <sup>15</sup> Id talonj ak ru e Anut Dawid ipani yen yen geig da, an ago ibol,

“Nek gamu en, anj injsan awan alon tap,

anjanem bubem aganep sakar ilasa amoi.

Nek ibol wagam anj tubum bagem bitinaek san saen lo tan kawan ak ate Anut patud dupani ago mi,

anj kagin an ta agane na wa.”

<sup>16</sup> En sauta wagam Anut awan dulonj gug awa parsisalek digane i? An tamolpein wagam Moses injal go Igipta tan dibiseig diau ama ya. <sup>17</sup> En sauta ananjar 40 inj Anut tinjae saiak dupani se i? An tamolpein a aupasek diganeg dumat go sad susanud tan kawan ak ate dudu ama ya. <sup>18</sup> Agod en sauta ninjedi wo Anut rumok lak na yaes bilabal lo diladu san tia ago ibol irupidai i? An tamolpein a inj awan duparsisali ama ya. <sup>19</sup> An ninjen o id tile talonj ak inj diladu san tia ya, man dugo, inj ilod lo ta rumok na ya.

## 4

### *Anut san tamolpein injsan yaes bilabal lo diladu wa*

<sup>1</sup> Aria, id Anut san yaes bilabal lo tiladu san ru gubak mi yen la ya. Fun amaiak ninjen o id man tarut dop tarer a. Kabelan Anut anj aenta luluḡam lo ta bitinaek lo idiranj pe, anj injsan yaes bilabal lo aladu san arinjan banau. <sup>2</sup> Rumok, Anut ru id giraned na ipalu yan, nek gubak mi inj giraned na ipalu yak igo mi a. Gug ru a dulonj an ta ibinawai na ya. Man dugo, rumok inj ru an dulonj a, ago gug inj ilod lo ta rumok na dan lo ru an nujon ta ifu na ya. <sup>3</sup> Id ilod lo rumok

an mi yaes bilabal amaiak lo tiladu wa. Nek ibol in ibol ak igo,

“Naisag tinjæ saiak lo geg sakar ak njigane yan, ago njabol,

‘Rumok lak na, in njaisag yaes bilabal lo ta mok diladu na wa.’”

Saen Anut tan en igane yan lo inſan urat fidian igane itout a. An ninjen o id talon ak, Anut san yaes bilabal yen la ya. <sup>4</sup> Man dugo, girek ta lo in nal seven ninjen o igo ibol,

“Anut nal seven lo inſanen urat an fidian ninjedi wo yaes ibal a.”

<sup>5</sup> Agod fon girek kisaek en lo igo ibol, “in njaisag yaes bilabal lo ta mok diladu na wa.”

<sup>6</sup> Amaiak ninjen o id tile dak aenta diladu san dal ipasig yen da, ak man aenta a gubak mi Anut ru diſane yan diladu san dal diriſani da, man dugo, in awa parsisalek tinadi a. <sup>7</sup> Fun an ninjen o in fon mi nal itaot ipiliani a, “gamu en”, ata wo, Anut tan iganeg saen milaen mok gug Dawid awan lo igo ibol,

“Nek gamu en, an inſan awan alon tap,

anjanem bubem aganep sakar ilasa amoi.”

<sup>8</sup> Rumok, Josua in yaes ka ipidinai tap, Anut murnap fon mi nal sen ak ninjen o ibol san tia wa. <sup>9</sup> Fun amaiak ninjen o yaes bilabal bageu san Anut anen tamolpein ninjedi wo yen da, yaes bilabal an nal seven san igo ya.

<sup>10</sup> Man dugo, ensauta Anut san yaes bilabal lo diladu dan inſaned urat tan en lo digane yan dibisei da, nek ibol Anut inſen urat a igane dan ibisei ak igo mi a. <sup>11</sup> An ninjen o id yaes bilabal amaiak lo tiladu wo urat wagai tigane wa. Ago dop aenta luluſad lo awa parsisalek kagin naok an lo diau dudu banau.

<sup>12</sup> Anut san ru man kumaen a, agod dabai aman da ago yen da. Nek ibol bubarek kisaek malan uraru aman da yak igo won, an talpein tinin isuep iladu yau geig da, inſan njutun ur da ibiatai da, tatu batek dam titinjaem igilep sensen dilasa wa. Agod bubed san kankan in ilo girek da ka ikubiani san ilon da. <sup>13</sup> Agod in malan

lo talpein ta imianuk san tia ya. Tia, enti id ru naon tupani san in malan lo man, mel fidian walal te mi itufalak go dien da.

### *Jesus sen idsad pris malan te ya*

<sup>14</sup> Id pris malan te tutubun ak amad da ya, an ninjen o in lak na yaug, id Anut san na tau san dal yabirubeg iladu ya, an man nek Jesus, Anut inſanen Nanun. Amaiak ninjen o id ilo rumok san ru tabol ilasa san tabip sakar a. <sup>15</sup> Dugo, idaned pris malan te tubun ak idsad muruan funfun ninjen o ilo muſanek ipanad san ta idaisuda na yak i? Tia, in tamolnaok ago tia ya. Man dugo, bitinaek naon funfun id lo ipalu dan ago mi in lo dam yau da, ago gug in aupasek ta igane man tia ya. <sup>16</sup> An ninjen o id pempem Anut san kalik giranen na tau a, ante man Anut ilo panek iwae san aben mi a. Aben an lo saen muruan sumeik ipanad dan, ilo muſanek ka tinjane wa, agod inſan ilo panek id ibinawad san tile wa.

## 5

<sup>1</sup> Pris malan te yan kisaek kisaek tamol luluſad lo Anut ipiliani a. Agod inſan urat man, tamolpein waged lo lou kawan ak in mel mudan a yai lo dumari san da, inſad aupasek ipasi yau wo Anut ipani da. <sup>2</sup> In tamolpein a ilod tia yan, agod a dal diapitilip sen diau dan dam mos nam kagin ka ipidinai a, man dugo, in dam dabai aman tia yan lo yau idu da. <sup>3</sup> Fun amaiak ninjen o, in malan malan man inſinan aupasek isuas san ninjen o yai igane wa. Agop murna man tamolpein sad aupasek ninjen o dam yai ka igane wa.

<sup>4</sup> Pris malan te yak in yan and a ya, ago gug talpein ta sen ilon nam urat an inane san tia ya. Tia, Anut talpein an imug iwagin a, nek ibol wagam Moses tein Aron iwagig pris malan te ilasa yak igo mi a. <sup>5</sup> Nek ago mi Kristus dam in sen tinin nam pris malan te yak imado wo ta igane na ya. Tia, enti a in irupeig igo ibol, “On njaineg Nanuk,

agod gamu en n̄ai oñane Tama n̄umado da,”  
amaiak Kristus ipiliani a. <sup>6</sup> Agod girek ta lo fon igo ibol,  
“Oñ pris pempem san,  
oñ pris naok Melkisedek imado yak igo, oñ dam mado wa.”

<sup>7</sup> Saen Jesus tan na imado se yan, iñanen gudanek lo pempem imosiai dugo, awan tubun mi tinañ iganeg Anut o mater̄ san dabai lo ka patun ipasi wo igudani a. Agod iñ Anut awan kagin ipani uyan go sen yabi idu ya, an lo Anut iñsan gudanek ilon a. <sup>8</sup> Iñ man gidad Anut Nanun bo man, madai isini se yan lo awa yabek kagin ilon uyan a. <sup>9</sup> Agod saen iñ awa yabek kagin a lo itaot mok ilasa yan, iñ tamolpein ensauta awan kagin dupani dan niñedi wo patun pasek pempem san fun mok ilasa ya. <sup>10</sup> Agod Anut iñ pris malan te imado wo kob ipani a, nek ibol Melkisedek igo mi a.

### *Dutur sakar san ru kagin*

<sup>11</sup> Mel en niñen o mañ ru mubate wo iloma yen da, ak man mañ fun mabol ilasa wo kitek muruan a. Man dugo, añ alon pe añane kisaek san tia ya. <sup>12</sup> Añ girek mañau alasa san saen idaisuda ya. Ak man talpein ta fon piteñanek pasauman ak lo Anut ru ilon lo yen dan ikubiai panañ san niñen o añ katuk amami da. Añ anañ sakar ak ani san ta idaisuda ya, ago gug añ su mi aluk san niñen o katuk amami da. <sup>13</sup> Alon uyan, enti iñ su mi iluk o igane dan, iñ kagin itaot san ru niñen o iñaon da, man dugo, iñ nanuk mi a. <sup>14</sup> Ak man anañ sakar man tamol tutubui ak sadi a, en sauta a Anut ru pempem dusuti dan lo, mel uyan ak saian ak da niñen o ilod igire dugo dupiliani uyan san dulon da.

## 6

<sup>1</sup> Ago yak niñen o id tamug tilasap, piteñanek pasauman Kristus niñen o yan tibiseip yen dop, tusokalik pe tamol tutubu yak sad piteñanek lo tiladu wa. Id gamu piteñanek pasauman ak tibiseip bag foun ak tugunai wa, kabelan id bag wagam an

fon mi tugunai o tigane banau. Ru en igo ya, mater̄ san urat fidian lo id ilod ibileksap tadan̄sa san piteñanek, id Anut ilod lo rumok ak san piteñanek da, <sup>2</sup> agod fulanek funfun san, tinid fo banim agane san, dumat pe fon dumasa wak, agod Anut id bitinaek lo idirad pe pempem san pani naon ipanad san, an fidian niñedi wo ta tabol na wa. <sup>3</sup> Aria, id gamu en tamug tau a, agod Anut awok ibol tap man, id ka ago tigane wa.

<sup>4</sup> Ak dugo, tamolpein a iñ gubak mi Anut san lilaman iñsad turen̄ lo isapudade yan, agod kumaen panu san binawek kawan a igane ipalug dukubiani dile yan, agod nug dupinig Awan Urgun da dutor dan, <sup>5</sup> agod iñ Anut san ru a dukubianig dile yan uyanan, agod iñ madok a sumeik ipanad dan san dabai sensen dile dulon la bo man, <sup>6</sup> murnap Anut patud dupani tap, an dugo ilod isou wak i? Id talpein an ka tañal tamul pe ilod fon ibileksa san dal dile wak i? Man tia geig a! Man dugo, kulob en igo digane tap, an man iñ fon Jesus aigim fo dubali da wa, agod iñ tinin diabisa dop malak malak lo miai dupani wa.

<sup>7</sup> Tan en lo saen wei mi ui idu den san you iluk da, agod anañ uyanan ak tamolpein a anañ dupae dan niñedi wo igane ilasa tap, Anut san bar uyanan iñane wa. <sup>8</sup> Gug tan en iñ ai dudurun anda yak mi, kurkur saiak saiak mi disa tap man, tan an saian a, agod lou aman tia ya. Saen milaen tiap tan muroun bar saiak ipani dop ipitiñini wa. Tan en itout san man dumari wa.

<sup>9</sup> O mañsama adi, mañ ru an mabol bo man, mañ añ niñem o igo iloma lo rumok. Melmel patun pasek san uyanan ak mi an, añ o ilasa wa. <sup>10</sup> Man dugo, Anut iñ kagin itaot tia lo, añanem urat agod añanem ilo panek, saen iñ yañan lo añ gun adi kagin apidinai se yan, añ akubiai apidinai dan ile pilti san tia wa. Kagin uyanan an añ gamu nek ago mi agane da. <sup>11</sup> Mañsama iloma igo won a. Nek ibol kagin a añ lo atur sakar dan, nek ago

mi an ananem ilo rumok mel a ninen an tinim agane dan abi awan isap, an lo dam atur sakar a. An anek anek atem urat wagai agane dop amado yaup ananem saen wadan ilasa wa. <sup>12</sup> Dal amaiak lo an ta ayalis na wa. Tia, an dam tamolpein a Anut ilod lo rumok go, muruan lo dutur sakar dan lo, Anut san promis dijanane dan, inpsad kulob an an agam anane wa.

### *Anut san promis san nujon ilasa wa*

<sup>13</sup> Saen Anut Abraham promis ipani wo ilon yen, talpein ta inpsan yaan an, Anut yaan irinani dan imado man tia yan ninen o, Anut sen yaan lo rumok lak na ibol go <sup>14</sup> ago ibol, "Rumok geig, naj on bar uyanan nupano wa, onane mala kubalan wei mi niganep ilasa wa." <sup>15</sup> Abraham ru an ilon go sen dabai ipanig, mala nouk imado yaug saen milaen gug promis an san nujon inane ya.

<sup>16</sup> Rumok, tamol adi in talpein sen ak irinani dan yaan lo inaned ru dabai dupani wa. Agod saen in ru lo nug dufuni dan, kulob an lo ru digane itout a. <sup>17</sup> Ago yak ninen o tamolpein a Anut inpsan promis san nujon dijanane wan, inpsan ilobol ibileksa san tia yan, an kuai te ikubiai dile wo ilon yen da. Amaiak ninen o in ru rumok lak na ibol an lo inpsan promis ru dabai ipani a. <sup>18</sup> An lo na mel uraru a tibilsa san tia yan, agod an ninen o Anut sewak ipanad san ta isuda na yan, lo id tan suek tubun ak ipanad a, an lo id a aupasek ninen o tasol man, melmel a naod na iganeg ninedi wo mala naok tumado dan, tinanep tabi sakar on a. <sup>19</sup> Id Anut tinid tigane tupanid amaiak anga igo won nutud yabituani da. Tini ganek amaiak dabai aman da ya, an lo iganeg id dalawan san yamel an patun fo taug galun Gun Di, Gun Mok an ilon lo tiladu ya. <sup>20</sup> An lo Jesus id nined o imug mi iladu ya. In man pris gurman pempem san, naok Melkisedek igo won ilasa ya.

## 7

### *Melkisedek yaan tubun a*

<sup>1</sup> Melkisedek in taun Salem dubol dan san kin, agod in Anut Naon Tubun Lak Na yan san pris imado ya. Saen Abraham yu iganeg kin aenta ifu itout go imul an, Melkisedek Abraham ile wo yaug dal na nug dileg bar ipani a. <sup>2</sup> Agog Abraham mel fidian isini an itarpaleg malan 10 itumani, ago gug malan kisaek inane Melkisedek ipani. Aria, yaak Melkisedek man fun igo ya, "kagin itaot ak san kin," agod in mi Salem san kin, an san fun man "maror san kin." <sup>3</sup> In tinan taman tia, tubun bagen dam tia ya. Tinan igansi ak san nal, imat ak san nal dam ta talon a. Nek ibol Anut Nanun on imado ya, in pris pempem san imado da.

<sup>4</sup> An Melkisedek yaan tubun an ale. Abraham idsad tubud baged malan inug ak, yu san bioun isini an itarpaleg malan 10 gug malan kisaek inane Melkisedek ipani a. <sup>5</sup> Ru ta Moses san kubiaen ilon lo yen dan ago ibol, Livai san malan kubulan a pris urat dijanane yan tamolpein sad melmel aenta dijanane wa. Tamolpein an inpsad bioun ditarpalep malan 10 gug malan kisaek dipidinai a. Ago dugo gidad teid muroudi agod Abraham tubun muroun bo man dam mi a. <sup>6</sup> Ak man tamol Melkisedek an Livai san gugoi lo kisaek tia ya, ago yak bo man Abraham bioun itumanig malan 10 gug itarpaleg malan kisaek Melkisedek ipani a. Melkisedek bioun an inane tamol a Anut san promis yabi dan bar ipani a. <sup>7</sup> Id talon uyan ak tamol lak na yan bar tamol paen na yan ipani wa. <sup>8</sup> Amaiak ninen o dal ta igo ya, tamol e Livai san gugoi lo dilasa yan binawek dijanane bo man in dumat da. Ak man dal turan lo, tamol Melkisedek in dam binawek inane ya, gug girek en lo ibol in pempem imado yau on da. <sup>9</sup> Ru ta dam nap talpein ka igo ibol a, Livai inpsan, tamolpein sad binawek inane dan, gidad in gamugo ilasa bo man binawek Abraham banin lo



Melkisedek ipani a. <sup>10</sup> Man dugo, saen Abraham Melkisedek itumani ante man, Livai in bagen Abraham tinin lo imado se ya.

### *Jesus ibol Melkisedek on a*

<sup>11</sup> Aria, pris adi a Livai san gugoi lo dilasa yan sad urat man kubiaen a Anut tamolpein ipidinai an san fun. Tamolpein pris an sad urat an lo in itaot mok ak dilasa tap, anta wo pris foun ak ta ilasa wo Anut imat di? Pris naok Aron san ago tia ya, tia, Melkisedek san ago mi a. <sup>12</sup> Aria, pris san urat awan lo bileksak yen tap man kubiaen dam lo bileksak yen a. <sup>13</sup> Tamol a man ninen o mininen den man in gugoi senamo ak san a. Ak man talpein ta gugoi an san, pris sad urat alta fufo igane man tia ya. <sup>14</sup> Id kuai tem talon uyanan ak idsad Tubun en man in Juda san gugoi lo ilasa ya. Agod gugoi amaiak mi ninen o Moses pris ninedi wo ru ta ibol man tia ya.

<sup>15</sup> Mel man ninen o mininen den ru binawek lo kuai isi geig a. Alon uyan a. Gamu pris naok sen ak Melkisedek on ak ilasa ya. <sup>16</sup> In pris san kob inane ya, kubiaen ta gugoi dugon lo in ilasa yan lo kob ta inane na ya, tia, kumaen dipitini san tia yan san dabai lo mi a. <sup>17</sup> Man dugo, ru en girek lo in ninen o ago ibol,

“On pris pempem mado geig a, nek pris naok Melkisedek ago mi on dam ago wa.”

<sup>18</sup> Dal ta lo, kubiaen malan malan mi an Anut patun fo igane ya, man dugo, kubiaen an dabai an tia yak, agod nunon an dam tia ya. <sup>19</sup> (Man dugo, kubiaen an mel ta itaot mok ak igane ilasa san tia ya.) Dal turan lo, ilo rumok uyanan nunon anda yak ikubiai panad a, an lo Anut siniren na tau a.

<sup>20</sup> Saen Anut ago igane yan lo insinanen ru dabai ipani a. Pris an Livai san gugoi lo dilasa yan, talpein ta ru dabai ipani man tia yan lo gidad pris dilasa ya. <sup>21</sup> Ak man tamol a ninen o mabol la yan Anut insinanen

ru dabai ipani an lo pris ilasa ya. Man dugo, Anut irupeig igo ibol, “Tubud inanen ru dabai ipani la ya, agod in ilon ta ibilisa na wa. On pris pempem mado geig a.”

<sup>22</sup> Fun an ninen o Jesus man kontrak foun an san balsinanek, agod kontrak an kontrak wagam an irinani a.

<sup>23</sup> Pris wagam san an wei mi a, man dugo, maten yabitanai, an lo urat digane yau san tia ya. Fun an ninen o pris foun ak pris dumat ak sad abed dinane se ya. <sup>24</sup> Ak gug Jesus man pempem imado yau da. An ninen o pris san urat man nek ago mi igane yau on a. <sup>25</sup> Ago yak ninen o tamolpein a in lo Anut sumeik dupani dan patud ipasi pasik anen idaisuda ya. Man dugo, in pempem imado dan ninen in waged lo Anut igudani da.

<sup>26</sup> Pris gurman naok ago yak id lo uyan a. In saian aman tia ya, in gun, ikok, in tamolpein aupasek adi an sinired na dam tia ya, agod Anut yabisag kumaen panu lo lak na isuda geig a. <sup>27</sup> Nal wei mi pris aenkadi Anut yai digane pani da, malan malan insinad aupasek dusuas san yai digane gup tinin te man tamolpein sad yai digane da. Ak man Jesus man in ago tia ya, in insen tinin amaiak ibiseig nal kisaek tamolpein fidian ninedi wo aigim fo imat a. <sup>28</sup> Rumok, kubiaen in tamol dabai amad tia yak ipilianaip pris gurman dilasa wa. Ak man saen Anut in ru rumok lak na ibol an kubiaen an patun fo igane ya. An lo Anut ru rumok a ibol an lo, inanen Nanun ipilianig pris gurman ilasa ya. Agod Anut inanen Nanun iganeg itaot geig ilasa ya, nek ago mi pempem imado wa.

## 8

### *Jesus idsad pris malan te ya*

<sup>1</sup> Man ru mabol dan man mel malan te igo ya: rumok, id pris gurman uyanan ago yak amad da ya. In kumaen panu lo Tubun Geig ak san badim siniren na banin won ak lo imasig imado da. <sup>2</sup> Agod in Anut

san ubou ab rumok ak lo pris san urat igane da. Ubou ab an man tamol ta dususe na ya, tia, Anut sen mi isuse ya.

<sup>3</sup> Pris gurman fidian dipilianai dan in tamolpein aned ilo uyan anan Anut yan an lo mel an dupani da. Agod inaned aupasek dusuas yau san mel mudan man Anut yai digane pani da. Fun amaiak ninen o gamu pris foun ak dam mel ta naon ago mi Anut ipani wa. <sup>4</sup> Aria, in tan en san tamol tap man in ta pris ilasa na wa. Man dugo, pris wei mi tan en lo dumado la yan, Anut san kubiaen kagin dupani dop yai digane pani se ya. <sup>5</sup> Ubou ab a tamol, lo Anut urat digane dupani dan man kumaen panu anen ubou ab san mitilaen igo ya. Fun amaiak ninen Moses Anut san ubou ab isuse wo igane dugo, Anut irupeig igo ibol, “On n̄ai did fo na ru kagin n̄urupaio dugo ilo sou n̄ukubiai pano yan lo, mel fidian gane ilasap itaot a.” <sup>6</sup> Gug gamu pris san urat Anut Kristus banin lo igane yan man uyanan geig a. Man dugo, in kontrak uyanan ak san titin̄ae tamol igo ya, agod kontrak an kontrak wagam ak irin̄ani a. Ata wo, kontrak foun an san bag man Anut anen promis uyanan, an lo wagam an dam san nun̄on irin̄ani a.

<sup>7</sup> Kontrak wagam an lo muruan tia yak man kontrak foun ak ta ilasa san tia wa. <sup>8</sup> Man dugo, Anut tamolpein ilod lo saian ile ya, amaiak ninen o, “Tubun en ibol, alon ak, saen ipalu dan te dop n̄ai Isrel tamolpein in Juda tamolpein dadi kontrak foun ak mususe wa.

<sup>9</sup> Agod kontrak en man n̄ai Isrel tubud baged dadi mususe ago tia ya. Saen an lo man n̄ai banid te n̄ibiaig n̄ajal go Igipta tan mubiseig mupalu ya.

Man dugo, in n̄aisag kontrak an mi kagin dupanip ta diabi se na ya.

An ninen o n̄ai patug n̄ipidinai a. N̄ai Tubun en ago n̄abol a.

<sup>10</sup> Saen an ilasa dop, kontrak en n̄ai Isrel tamolpein lo n̄igane wa.

N̄aisag kubiaen an kabun̄ad lo n̄idiri wak, agod bubedi lo dam n̄igire wa.

N̄ai man inaned Anut, agod in n̄aineg tamolpein a.

<sup>11</sup> Nal en lo ta lulun̄ad lo turan boi, tia, tein boi, ipiten̄anip ibol,

‘Tubun en ulon̄,’ an ago ta ibol na wa. Man dugo, in fidian n̄ai dulon̄ uyanan a.

Tamol yan̄ad tia yan, agod tamol yan̄ad anda yan, dam fidian n̄ai dulon̄ a.

<sup>12</sup> Man dugo, n̄ai inaned aupasek an n̄upasi yau a,

agod n̄ai in̄sad muruan an ilog isou san tia ya.”

<sup>13</sup> Aria, Anut kontrak foun ta ninen o in̄inen dan fun man in̄san ilo sou lo kontrak malan malan an man wagam san a. Agod mel ta wagam an la yak, an saen katukan mi yen pe itout yau a.

## 9

### *Tan en san ubou ab lo ubou leil san kagin*

<sup>1</sup> Aria, kontrak malan malan an lo ubou leil san kubiaen yen a, ago dugo tan en san ubou ab ta dam yen a. <sup>2</sup> Ubou ab ta dususe ya. Galun̄ malmalan an lo lam ta, badim da, agod badim an fo bret Anut naon na didirig dien dan mi ante dien da. Galun̄ an Aben Gun ak ago dubol da. <sup>3</sup> Aria, galun̄ an patun fo man yamel dalawan te dususe ya. Yamel amaiak patun fo man galun̄ taida yen da, galun̄ an Gun Di, Gun Mok ago dubol da. <sup>4</sup> Galun̄ en ilon lo alta ta gol nam diganeg yen da. Alta an fo man pawra mumalun bulbal ak sen nam yai digane da. Agod kunup kontrak an dam gol nam dubuluwig yen da. Kunup kontrak an ilon lo, bod gol a mana aman da yan, Aron san makud a balun foun ak idiri an dam, agod Anut san kubiaen pat aten uyan ak uraru fo na igire an dam, kunup an ilon lo dien da. <sup>5</sup> Kunup

an fufo na Anut san ilo munjanek aben yen da, agod an gigin ananaem mi Girager san enjel uraru mi mitilaed dututanai an subarid duwate yaug Anut tamolpein inaned aupasek ipasi yau ak san aben amaiak dutuanig dutur da. Ak man gamu mel an man fun fidian mabol dop alon san tia ya.

<sup>6</sup> Mel an fidian ago digane itout a, ago gup murna pris adi galun malan te yan lo diladup inaned urat awan an digane yau on a. <sup>7</sup> Ak man pris gurman mi in galun tinin te an ilon lo iladu wa. In anajar kisaek ilon lo nal kisaek atem galun an ilon lo iladu da. In pempem dar inane iladup insinan aupasek agod tamolpein njeo lo kagin sisaiak digane na yan, dam fidian ipasi yau wo Anut ipani da. <sup>8-9</sup> Kulob en fidian lo ru fajan yen da. Mel an lo Awan Urgan kuai tem ikubiai tile ya, saen galun malan te urat anda ago itur se man, galun Gun di, Gun Mok san dalawan an itaug yen se ya. Man dugo, dalawan san yamel amaiak dal ifutani a. Galun malan te man kontrak wagam san saen, an naon inane ya. Ubou leil ab an ilon lo Anut ilo uyan mel dupani dop yai digane pani se ya, ak man mel an talpein njetun ibinawip ikok ilasa san tia ya. <sup>10</sup> Melmel an man sen kubiaen ibol ago anan nuaen, you lukluk agod fulanek funfun digane dop lo ikok dilasa san mi a. Kulob en man tinik fufo yak san mi a, ago digane yaup melmel foun ak dilasa wan san saen ilasa wa.

### *Kristus san dar*

<sup>11</sup> Ak man saen Kristus ilasa yan, in melmel uyan uyan a dilasa la yan, sad pris gurman on ago imado ya. Saen an lo in galun Gun Di, Gun Mok a uyanan geig agod itaot mok a tamol banid nam ta dususe na yan, ilon lo iladu ya. Galun an tan en san tia ya. <sup>12</sup> In nal kisaek o lian mi galun Gun Di, Gun Mok an ilon lo iladu ya, agod dar a inane ida iladu yan man bilelek boi, tia makau nanun ta boi san dar tia ya, tia, an insinanen dar mok a. An ninen o id injiliad tamul

pe insan na pempem tumado yau san dal ipasi a. <sup>13</sup> Dugo, pris adi bilelek sad dar, makau nanun tamol sad dar, agod makau nanun pein ak san tatu, an dijane go tamolpein a, Anut malan lo ilod ta ikok na yan, sad tinidi fufo dufurfi go gun dilasa ya, an lo tinidi ikok ilasa tap, <sup>14</sup> Kristus san dar sapta taida mip dabai ak i? Ur pempem san dabai lo, Kristus insen inanen tinin a muruan aman tia yan dufuni imat pe mel mudan yai lo digane yak igo won Anut ipani a. Kulob an lo insen mi idsad njetud ibinawig ikok tilasa ya, an lo idsad njetud lo kagin a sad nunon a lo mater tile dan ipasi yau a, an lo id Anut kumaen imado dak mi ubou an tile wa.

<sup>15</sup> Fun amaiak ninen o Kristus in kontrak foun en san tamol titinae ak igo imado da. An lo talpein ensauta a Anut ipilianai ak mi, in kumaen pempem san melmel dijane san ipilianai yan dan dijane wa. Man dugo, mater a ilasa amaiak lo, tamolpein kontrak a wagam paen na dumado dugo aupasek digane na yan patud ipasi a.

<sup>16</sup> Aria, mater kontrak san girek (pepa) ta yen tap, an man urat aman tia ya. Man dugo, tamolpein in girek muroun imat an dile dulon gup, girek an urat ka dupani wa. <sup>17</sup> Kontrak girek an mater san saen lo mi dabai anda. Man dugo, saen girek muroun malan kumaen lo imado se yan, girek an kawan igo ya. <sup>18</sup> Fun an lo na wagam mel mudan dufu na yan sad mater san dar amaiak kontrak wagam an dabai ipani na ya. <sup>19</sup> Saen Moses tamolpein naod na kubiaen an fidian ifulale idug itout an, in makau nanun bilelek da sad dar inane you da ibileksa ya. Ago gug yaug ai hisop raen ta kam daran ak bilelek fufulun sen nam dufou yan inane dar lo isamuni, ago gug inane ifurfi buk fo na isida gug fon tamolpein fidian sad na ifurfi yau a. <sup>20</sup> In ago irupidai, "Dar en kontrak dabai ipani san, nek emaiak ninen o Anut ru kagin ipanaj a." <sup>21</sup> Kulob nek a igane ago mi dar an

ifurfi ubou ab an fo isudag, ubou leil san mel an dam fidian fo ifurfi isuda ya. <sup>22</sup> Rumok, kubiaen paen na, mel wei mi dar nam ikok digane ilasa ya. Agod dar ta ikulmaek yau na yak man aupasek dam ta isuas yau na wa.

<sup>23</sup> An uyan ak kumaen panu san melmel anen mitilaedi an naok naok ago lo ikok dilasa da. Ak man kumaen panu san melmel injsedi, naok naok a aenta irinjanai dan nam ikok dilasa da. <sup>24</sup> Man dugo, Kristus in tamol banid nam galun gun mok dususe yak lo ta iladu na ya. An man galun mok ak san tutunanek mi a. Tia, kumaen panu mok lo iladu ya. Gamu ante id ninjed o Anut naon na imado da. <sup>25</sup> Taida mi, in saen wei mi injsen tinin ipani wo igane man tia ya, nek ibol pris gurman galun Gun Di, Gun Mok ak lo anajar kisaek kisaek lo dar a injsan tia yan da isinip iladu dan ago ta igane na ya. <sup>26</sup> Ago tap, saen Anut tan en igane ilasag ipalu an lo Kristus nal wei mi madai ile wa. In ago ta igane na ya, tia, nal kisaek o lian saen wadan lo ilasa ya. Injsinanen tinin ipidinai an lo aupasek ipasi yau san igane ya. <sup>27</sup> Anut ibol, tamolpein nal kisaek mi dumat a, ago gup Anut naon na bitinaek lo dutur a. <sup>28</sup> Nek ago mi, Kristus dam nal kisaek dufuni imat a, an lo tamolpein wei mi sad aupasek isini a. In ago igane dugup afon imul ipalu da wa. Aupasek isuas yau san ta imul ipalu da, tia, tamolpein a in o mala nouk dumado dan patud ipasi ipidinai o imul ipalu da wa.

## 10

*Yai niganag wagam man aupasek ipasi san tia ya*

<sup>1</sup> Kubiaen man mel uyan uyan murna dilasap dupalu wa, amaiak sad mitilaedi mi a. An man mel nunon tia ya. An lo tamolpein Anut anajar fidian yai naon kisaek anam digane pani dugo sinjiren na diau dan, kubiaen ikubuniaip itaot mok dilasa san tia ya. <sup>2</sup> Dugo, kubiaen tamolpein itaot mok idirai dilasa la tap, Anut

yai digane pani se yan afon digane da wak i? Man tia geig a. Fun an ninjen o, ubou leil san tamolpein saen kisaek atem ikok mok dilasa pasik tap, ilod lo aupasek ta afon dukubiani san tia ya. <sup>3</sup> Ak man tia, injsad yai niganag en man anajar fidian ago digane dop lo inaned aupasek an ilod isou da. <sup>4</sup> Man dugo, makau tamol ak in bilelek da sad dar man aupasek ipasi yau san tia ya.

<sup>5</sup> Fun an ninjen saen Kristus tan na ipalu yan Taman irupeig ago ibol, “In on yai digane dupano wo, agod lou kawan ak dupano wo do umoi a.

Ak man tinik ta on gubak mi kubuneg naji panag a.

<sup>6</sup> On tamolpein nao na dilasa san yai niganag,

agod aupasek isuas san mudan dam ninjed wo bube ta uyan na ya.

<sup>7</sup> Agog naji nabol, ‘O Anut mala ipalu, naji ebo ya,

nek ibol Anut san ru girek buk lo ninjed o ibol ago mi a,

naji man onane ilobol njigane wo njupalu ya.’ ”

<sup>8</sup> Aria, malan malan in ago ibol, “Tamolpein in on nibe wo yai niganag, lou kawan an, mudan tinid fidian dimari dan, agod aupasek san yai niganag digane dan ninjed wo fidian umoi da.” (Gug kubiaen ibol kagin naok an tamolpein ago digane wa.)

<sup>9</sup> In ru awan ibate dag ibol, “Naji ebo ya, naji man onane ilobol njigane wo njupalu ya.” An lo na in dal wagam an ipasi yau dugo dal foun ak aben lo igane ya. <sup>10</sup> Agod ilobol an lo, Jesus Kristus saen kisaek o lian injsen tinin dufuni imat san o Anut ipani a, an lo id gun tilasag tumado da.

<sup>11</sup> Nal kisaek kisaek atem pris dumasa dutur pe yai ganek aben na injsinad urat awan saen wei mi digane da. In mel mudan naon kisaek an mi nal pempem Anut yai digane pani da. Ak man yai ganek naok an tamolpein sad aupasek ipasi yau san tia ya. <sup>12</sup> Ak man Kristus nal kisaek mi lo sen tinin



Anut ipani a. Kulob an nuḡon pem-pem yen da. Saen kulob an igane itout man yaug Anut banin won ak lo imasig imado da. Man dugo, inṡan urat itout a. <sup>13</sup> Gamu inṡ mala naok imado yaup saen Anut inṡan ager adi dabai amad tia yan inṡal pe nṡien paen na idiraip dumado wa. <sup>14</sup> Man dugo, inṡ saen kisaek mi sen tinin Anut ipani an lo, tamolpein a gun idirai dilasa dan ikubuniaig itaot mok pempem san dilasa ya.

<sup>15</sup> Awan Urgun dam mel an niṡen o ikubiai ipanad go ago ibol,

<sup>16</sup> “Saen an ilasa dop, kontrak en nṡai Isrel tamolpein lo nṡigane wa.

Naisag kubiaenṡ an bubedi lo nṡidiri wak,

agod kabuṡad lo dam nṡigire wa.”

<sup>17</sup> Agog inṡ ru awan ibateg ibol,

“Nṡai inṡad aupasek agod inṡad kagin saiak saiak dam ilog isou san tia ya.”

<sup>18</sup> Amaiak niṡen o, saen kulob an Anut isuas yau tap, aben ante aupasek san yai niganag taida yen man tia wa.

### *Tatur dabai san ru kagin*

<sup>19</sup> Fun an lo na, teig taog, id Jesus san dar lo Anut san galuṡ Gun Di, Gun Mok an ilon lo tiladu wo tarer san tia ya. <sup>20</sup> Dal a tiladu san an foun, agod kumaen yen yau san a. Yamel an id tiladu san dal ifutani a, ak man Jesus lo yamel an isireig dalawan id ipasi panad a. Yamel an inṡsen tinin amaiak naon inṡane ya. <sup>21</sup> Agod id pris tubun malan te yak amad da ya, inṡ Anut anen tamolpein an fidian kagin ipidinai da. <sup>22</sup> Fun uraru an niṡen o id Anut siṡiren na ilod siṡaokan mi tau a. Agod idsad ilo rumok idaisuda amaiak niṡen o inṡiliad san o tinid tigane wa. Idsad ilo sou saian saian an tiṡanep inṡsan na tau, ago gup Kristus san dar ifurfip idsad ilo sou saian saian an isuas yau pasik a. Agod idsad tinid an you uyan ak lo ifulanip ikok ilasa wa. <sup>23</sup> Id Anut inṡiliad pe kumaen panu lo, inṡ da tumado wak san ilo rumok an niṡen tamolpein turupidai duloṡ dan ta tabip ila iso na wa, tia,

tabi sakar pe itaot yen a. Man dugo, Enti a ru ibol panad an, inṡanen promis ru nuḡon igane ilasa wa. <sup>24</sup> An niṡen id nug ilo sou tupanip nug tisuusṡani dop nug niṡen tamat dop urat uyan uyan ak tigane ilasa wa. <sup>25</sup> Aenta ubou leil san kagin sisem dutumani san o dumoi da, ago gug id kagin an ta tagam tiṡane na wa. Tia, aṡ tan suek ru nug apani wa, Tubun en imul ipalu san Nal sumeik ipanaṡ o ale dugo, kagin naok ago yan aṡ luluṡam lo agane ilasap tubun a.

<sup>26</sup> Id Kristus san ru rumok taloṡ la gug id aupasek tigane ilasa woṡ dan, id o mel uyan ak taida yen pe lo idaned aupasek ipasi yau san tia ya. <sup>27</sup> Tia, tarut tarer dop, lo malad tigane dop tumado wa, man dugo,

Anut san bitinaek agod yai wananan a inṡsan ager imiriaṡ inanai yau san idsad na dam ago ilasa wa. <sup>28</sup> Talpein enti Moses san kubiaenṡ patun ipani dugo tamol uraru boi, tia utol boi, inṡsan kagin an malad nam dile tap, tamolpein fidian dufuni imat a, agod inṡ ilo muṡanek ta dupani na wa.

<sup>29</sup> Amaiak niṡen o dugo, talpein Anut Nanun yaṡan ipare idu dop, kontrak san dar a iganeg gun ilasa yan mel kawan ago ile dop, ilo panek san Ur an awan nam saian ipani a, ago tap, muruan tubun geig ak sapta taida Anut ipani wak i? <sup>30</sup> Man dugo, id taloṡ uyan ak talpein a igo ibol, “Naon panek man nṡaineg a, nṡai gubun an nṡukubune wa.” Agod afon, “Tubun en inṡanen tamolpein bitinaek lo idirai a.” <sup>31</sup> Rumok, Anut kumaen pempem san banin lo tau tadu tap, an tarut tarer san mok a.

<sup>32</sup> Aṡ saen gubak mi lilaman aṡaneg, an lo atur sakar dugo muruan funfun tinim fo ipalu dugo asini na yan, aṡ ilom isou uyanan a. <sup>33</sup> Saen aenta lo aṡ malak malak dugunaṡ pe naom dufuteg dumisilanaṡ dop muruan dupanaṡ se ya. Agod saen aenta man aṡ aenkadi inṡ luad te dida atumanig, muruan nek ago mi saian geig ak dupidinai se yan, aṡ dida asini na ya. <sup>34</sup> Aṡ tamolpein a

subanek ab lo dumado dan sad na au dop ael se ya. Agod saen anjam filiam dusu diau dop an ilo uyan lo mi aelafu on se ya. Man dugo, an alon ak anjanem mel uyanan ak man kumaen panu lo yen da, an mi pempem yen a.

<sup>35</sup> Fun an ninen o anjanem tini ganek Kristus lo yan abal yau amoi. Man dugo, Anut mel an naon tubun ak ipanan a. <sup>36</sup> An atur sakar on amado dan uyan a. An lo na Anut san ilo ibol ari dop mel a in ipanan o ibol an anjane wa. <sup>37</sup> Man dugo, Anut ru igo ibol,

“Saen katukan en yau dop, talpein ipalu wo igo yan ipalu ririan a, agod in saen ibidani san tia ya.

<sup>38</sup> Gug njasag tamol itaot an ilo rumok lo mi imado wa, gug in isuk imul tap, njasag ntug lo in o man ilog ta uyan na wa.”

<sup>39</sup> Ak man id tamolpein a dusuk dumul pe daon dijane dan sad tia ya. Tia, id man tamolpein a ilo lo rumok, an lo inaned ntud dida kisaek mi dumadop lo daon ta dile na dan nek ama ya.

## 11

### *Ilo rumok lo mi a*

<sup>1</sup> Aria, ilo rumok man igo ya, mel a ninen o tinid tiganeg tumado dan id talon ak an ilasa wa, agod mel a ta tile na yan ninen o ilod rumok a. <sup>2</sup> Ilo rumok an lo tamol wagam dumado na yan malak malak lo Anut per ipidinai a.

<sup>3</sup> Ilo rumok lo mi, id talon ak Anut san wagin lo mel fidian idirai dilasa ya, an lo mel tile anen tia yan lo Anut iganeg idirai dilasa ya.

<sup>4</sup> Ilo rumok lo mi, Abel Anut yai uyanan igane pani, agog Kein san irinani a. Insan ilo rumok amaiak lo Anut in yan an yabisag tamol itaot ak ibol a. Anut insan yai ganek an uyan ipani an lo ikubiai panad, in tamol itaot a. Agod ilo rumok nek an mi lo, gidad in imat la bo man, gamu id ru irupaiad on da.

<sup>5</sup> Ilo rumok lo mi, Anut Inok tan en lo ipasig kumaen panu na inane

yau, an lo maten ta ile na ya. Agog Enok naon tan en lo ta dile na ya, man dugo, Anut inane yau a. Gamugo inane yau se man, Anut in o ilo uyan yen dan ago irupidai a. <sup>6</sup> Rumok, ilo rumok a tia man Anut ilo uyan pani san ta idaisuda na ya. Man dugo, talpein enti Anut siniren na yau o dop, malan malan mi Anut imado on dan o ilon rumok a, agod in sen amaiak talpein in o aban ile dan naon ipani wa.

<sup>7</sup> Ilo rumok lo mi, Noa Anut san ru kagin panek ilon a, an lo gidad mel an ta yil na ya, ak man Anut san awan aban an irig kagin ipani dugo wog tubun geig ak ifoug, ate inanen tamolpein ibinawai a. In ago igane an lo tan san tamolpein patud ipidinaig inaned aupasek iganeg walal te ilasa ya, agod ilo itaot an man ilo rumok igane ilasa dan anen muroun ilasa ya.

<sup>8</sup> Ilo rumok lo mi, Abraham Anut san wagin ilon go inanen panu ibiseig tan foun an san muroun ilasap imado wan ate Anut ikubiai panig yau a. In gidad tan an ta ilon na yak gug Anut awan irig ate yau a. <sup>9</sup> Ilo rumok lo mi, in tan a Anut ipani wo irupeite ante yaug san muroudi sinired na dida dumado ya, nek ibol tamol gol imado won a. Aisak in nanun Jakob da nek dal kisaek an mi lo Anut san promis dam diabi a. Agog in Aisak Jakob da sisem sel ab lo dumado na ya. <sup>10</sup> Man dugo, in ilo isou imug iganeg yau dan, taun tubun ak lo bag ila iso san tia yan te yau o da. Taun an san ab susek tamol man Anut mi a.

<sup>11</sup> Ilo rumok lo mi, Abraham gidad tubun bagen dilasa pasik go Sara dam niganig, ak man Anut Abraham nanuk foun ak taman ilasa san o dabi ipani a. Man dugo, Abraham san ilo rumok igo ya, enti a promis ipani an san ninen an kagin ipani wa. <sup>12</sup> Amaiak ninen o tamol a kisaek lo mi, amaiak imat o igane bo man, in tubun bagen dilasag ibol patui lak na teil dak igo, agod lon na lul igo won a. Ago man tusuti san tia ya.

13 Tamol en fidian ilo rumok lo dumado yang dumat a. Inj Anut anen promis ru irupidai an nunon ta diñane na ya. Tia, inj ibol asau mi dutur dugo malah yang dile dugo an ninen o ilodi uyanan ak igo ya. Agod tan en lo inj nek ibol tamol gol boi, tia, tamol naod senamo boi, igo wonj dubol dugo dumado na ya. 14 Tamolpein ru ago dubol man kuai tem dukubiai panad ak injsiganed panu foun ta ninen o abanj dile da. 15 Inj tan a dubusei la yan ninen o ilod isou ak man saen idaisuda yen dan lo inj ka dumul diau a. 16 Ak man tia, inj tan senamo ta a dibisei la yan irinani dan ninen o dumat da, an man kumaen panu san mi a. Amaiak ninen o Anut tamolpein a inj ninen o injsad Anut ago dubol dan, inj ninedi wo miai ta ifuni na da. Man dugo, injaned taun tubun ak ta ikubuneg yen da.

17 Ilo rumok lo mi, Anut Abraham bitinaek lo igane dugo Abraham Anut awan yabig, nanun Aisak yai igane pani a. Tamol en inj Anut san promis injane yak gug, inj nanun kisaek mok an Anut yai igane pani wo igane da. 18 Ak man nanuk an ninen o Anut Abraham irupeig ago ibol, "Nai Aisak kob nupani an lo inj tinin lo gup, onjane bage murou sad dar wei mi dilasa wa." 19 Abraham inj ilon lo Anut Aisak maten lo ifuni yabisa wak ago ibol a. Ago yak ninen o id mitilaen an ninen ago tabol, Abraham nanun Aisak maten lo injane da ya.

20 Ilo rumok lo mi, mel a murna dilasap diñane wan ninedi wo Aisak bar Jakob inj Esau da ipidinai a.

21 Ilo rumok lo mi, Jakob imat o dugo Josef nanun muroun kisaek kisaek bar ipidinai a. Insinanen makud fo kabunan isoluwig igudani a.

22 Ilo rumok lo mi, Josef san saen wadan sumeik ipani dugo Isrel tamolpein saen a inj Igipta tan dubuseip dilasa san ninen o injanen tatu an dugon te digane wak san ru kagin irupidai a.

23 Ilo rumok lo mi, Moses ilasag saen katuk imado gug tinan taman diñane diaug dimianig kalam utol imado ya. Man dugo, inj dile yak man malah lo uyanan mok a, agod kinj san ru dabai anda yan ninen o dam ta direr na ya.

24 Ilo rumok lo mi, Moses saen tamol igane man inj Farou nanun pein san nanuk ago dubol man imoi a. 25 Inj gidad Anut anen tamolpein dadi Igipta paed na muruan isini wo igane ya. Inj tan na saen katuk an mi aupasek igane dop sen ifutuwi man imoi a. 26 Inj misilane Kristus yanjan ninen o ile man Igipta sad bala filian an fidian irinani pasik an ibol a. Man dugo, injsan ilo isou imug yau an lo injsan urat naon ile ya. 27 Ilo rumok lo mi, kinj san tinj saiak o ta irer nag Igipta ibiseig yau. Man dugo, enti a id tile wan tia yan inj ile yak igo an lo itur sakar na ya. 28 Ilo rumok lo mi, inj Pasova nal an san kulob an yabituani dugo dar ifurfi a, an lo enjel ager san ta Isrel sad nanuk matu ak irinani dugo yang Igipta sadi an mi ifu dumat a.

29 Ilo rumok lo mi, Isrel adi beig daran ak titinjaem dudug ibol tan aten igos ak ate diau wonj a, ago gug Igipta adi nek dal kisaek an mi lo digane wo dugo disarir dudu diaug you duluk go dumat a.

30 Ilo rumok lo mi, Jeriko panu san ar pat nam dufou itilani an, nal 7 Isrel adi ditilianig ditor an lo ar an sen ibilani yau idu ya.

31 Ilo rumok lo mi, jeit pein Rahab, ilo maror lo abanj leil tamol adi uyan ipidinai an ninen o, panu an san awa parsisalek adi luad te ta dufuni imat na ya.

32 Agod gamu fon naj dugo nabol ak i? Nai Gidion, Barak, Samson, Jepta, Dawid, Samuel agod profet adi dam ninedi wo nabol san saen tia ya.

33 Tamolpein amaiak inj Anut ilod lo rumok a. An lo na inj kinj aenta dibiai dudu dak, aenta tamolpein kagin dipidinai dak, agod aenta inj Anut mel ipidinai o ibol an diñane da. Aenta injaned ilo rumok an lo na

in laion awad dufutani da. <sup>34</sup> Aenta yai balen tubun mi ided dan digane imat dak, aenta dusol dop sabiri nam dufu dumat san tia ya. Ilo rumok an lo, aenta in dabai amad tia bo man dabai dijanep, yu lo inaned ager aben senamo ak san an dibiai dudu se ya. <sup>35</sup> Pein inaned nanuk dumat an ilo rumok lo profet inaned nanuk an ifufunai dimasag dijanep ya. Aenta dufu malad dusue yan malak malak sed kuai te idirai dilasa man dumoi a, man dugo, mitep materj aben lo dumasa gup madok uyanan ak insad turenj tan en lo irinani an dile wa. <sup>36</sup> Aenta kukok ad digane dugo, aenta dusukutai dugo, aenta sein nam bandidi dususeg diriai subanek ab lo diau a. <sup>37</sup> Aenta pat nam dufu dumat dugo, aenta soa nam dututeg ananaem dilasa dugo, aenta bainat nam dufu dumat. Ilo rumok tamolpein an bilelek sunulon an tinid nam dubuluwig dutor da, in melmel ad tia agog tamolpein saian dupidinai dugo malad dusue na ya. <sup>38</sup> Ilo rumok tamolpein an aben igosan ak lo, did lo gidigheid dutor dugo, gib did fun te agod gib tan ilon lo an lo njonj diabi se ya. Tan en san tamolpein dida dumado san ta idaisuda na ya.

<sup>39</sup> Tamolpein an fidian inaned ilo rumok ninen o Anut per ipidinai a. Ago igane bo man insad kisaek ta Anut promis ru ibol an lo mel an ta inane man tia ya. <sup>40</sup> Man dugo, wagam mok Anut mel ta nen uyanan ak idsad saen an lo ilasa wan ile ya. An man tamolpein an id tia yak man itaot dilasa san tia ya, tia, in id da sisem itaot tilasa wa.

## 12

### *Anut inisan nanun muroun bu ipidinai da*

<sup>1</sup> Fun an ninen o ilo rumok tamolpein adi dumat la yan nek ibol doup malan tubun ak ta dilasap kukok dile dak ago id ditilianad dubulanad go dutur da. An lo id insad kagin dutur sakar san an tagam a. Fun an ninen o id muruan in aupasek

da tinid lo ibiagatad go yen dan fidian tabi yau a. Ago dop id ilod kisaek sed dabai ipanad pe dal an fo Anut tom idiri panad an lo mi tumaspalup taup tom wadan an fo tisida wa. <sup>2</sup> Id fidian malad yaup Jesus tile, in mi idsad ilo rumok fun a, agod murnap in mi idsad ilo rumok an iganep itaot mok ilasa wa. In aigim an san muruan ileg an patun ta ipani na ya. Tia, in murnap Anut ilo uyan tubun mi ipani wan ninen o aigim san miai an man mel kabelan igo wonj ile ya. Ago yak ninen o gamu in Anut banin won ak ate yanjak tubun ak inane imado da.

<sup>3</sup> Ilom isou uyanan, aupasek adi dumisilani dop muruan funfun tinin fo digane se ya, ago yak man in itur sakar a. An ninen o kabelan an ilom iyalis dop ilom idu banau.

<sup>4</sup> Rumok, ansam aupasek an da nug afuni da, ak man wagai agane dan lo ansam dar an gamugo ikulmaek da. <sup>5</sup> Agod en dugo, an Anut ru kagin a irupaian na yan lo inisan nanun muroun ago ibol an ilom inanon di?

“Nai nanug, Tubun en bu ipano dan kabelan mel kawan ubol banau,

agod an ninen o onj ilo idu umoi.

Man onj mel gane saian amaiak ninen o naon bu ipano da.

<sup>6</sup> Man dugo, Tubun en in talpein ninen o imat mok dan ru kagin irupeidak,

agod talpein a in nanun muroun igo wonj injal dan bu ipidinai da.”

<sup>7</sup> Kagin ipitejanan san ninen o muruan lo atur sakar a. In ago igane dan lo inisan nanun muroun igo wonj kagin ipanan da. En dugo, nanuk ta lulujad lo imado dan inisan taman bu ta ipani na i? Man tia geig a. <sup>8</sup> An ninen an Anut bu ta ipanan dop man, an inisan nanun muroun tia ya, tia, an man jeit kagin san nanuk mi igo wonj a. <sup>9</sup> Fon taida mi, id fidian tamad muroud bu dupanad da, agod id an ninen o ilod ta saian da. Tia, kulob amaiak ninen o id inaned awadi turi da. Ak an ago tap, id dam idsad ur san Tamad an awan paen na tumado dop an lo kumaen



tumado wa. <sup>10</sup> In sed ilod ibol ak lo saen katukan en lo mi bu dupanad da. Ak man Anut id ibinawad uyanan san ninen o mi bu ipanad da, man dugo, nek ibol in gun imado dak ago mi id dam gun tilasa wa. <sup>11</sup> Talpein bu inane dak saen an lo in madai ilon da, an man sinjakaan tia ya. Ak man mite dugup amaiak tamolpein an kagin a lo dal ipitejanai la yan ilod lo nunon igane ilasa da. Nunon an man ilod itaot a, agod ilo maror amad da wa.

<sup>12</sup> Amaiak ninen o an banimi imagor dan abisa wa, agod turumi dabai tia yan dabai apani wa. <sup>13</sup> Njemi aten san dal itaot an akubune wa. An lo an njemi akupakip on ator dan san batek an ta ifurati na wa, tia, njemi an uyan ilasa wa.

#### *An Anut awan ta aparsisali san ru kagin*

<sup>14</sup> An tamolpein fidian dadi ilom kisaek san maror lo mi amado ator, an ninen o dabai agane wa. Agod gun alasa wo an dam yaes ifunan a. Talpein enti ago ta igane na tap, Tubun en ile san tia wa. <sup>15</sup> Kagin agane, kabelan talpein ta an lulunam lo Anut anen ilo panek ipan an yabigule banau. Kabelan talpein ta, dulun gigen ak igo an lulunam lo isap, an lo talpein fidian bubed igane saian banau. <sup>16</sup> Talpein ta jeit kagin ta igane na wa. Tia, ta ibol Esau igane ago Anut awan ta iparsisali na wa. In anan kabelan a tein bakan ak san na inane yan ninen o inanen nanuk matu ak san bar ibidani yau a, kabelan an dam nek ago mi Anut patum apani banau. <sup>17</sup> Man dugo an alon ak, murna gug inanen matu san bar a ibidani yau an fon inane wo igane ya, ak man Anut patun ipani a. Ago dugo in tinan igane bo man ilon ibileksa san dal ta ile man tia ya.

<sup>18</sup> Ak man nek ibol Isrel sad tubud adi did Sinai na dile yak igo won mel naok en an ta sumeik apani na da: did a diabi dile o Anut naod ifutani an, yai balen tubun mi imasa dan, tidom tubun geig an, duwadau ifure dan, <sup>19</sup> tour ilinan dan, agod awak ta

man tamolpein a dulon an ru taida irupidai imoi o ago dumosiai an, mel naok ago yan sad na an ta apalu na da. <sup>20</sup> Man dugo, ru kubiaen a ibol ilasa yan kududod lo madai ipidinai saian mok a. Agod ibol, "Gidad mel mudan ta did en yabi ile tap, pat nam afunip imat a." <sup>21</sup> Rumok, aban a ile yan san naon man urer san mok igo ya, an lo Moses ago ibol, "Nai narut go narer saian mok da."

<sup>22</sup> Gug an did Saion fo na apalu ya, Anut kumaen imado dan san panu Jerusalem o keit lak na yen dan lo apalu ya, agod aben an lo man enel malan tubun pempem yousai lo mi dumado da. <sup>23</sup> An Anut san nanuk matu matu ak yanad buk lo igireg yen dan sad midaen ilon lo aladu ya. An Anut a tamolpein fidian sad bitinaek tamol an san na apalu ya, agod tamol itaot ak sad ur Anut idiraig itaot mok dilasa yan dam sad na apalu ya. <sup>24</sup> An dam Jesus san na apalu ya. In sen amaiak kontrak foun ak san titinae tamol igo ya. Abel san dar in naon panek o Anut iwagin a, ak man Jesus san dar a dufurfi an lo Anut san ilo panek o iwagin da, nek dar amaiak lo in san na apalu ya.

<sup>25</sup> Kagin agane, enti in ininjen dop awan ta aparsisali na wa. Tamol a tan en lo ru kagin irupidai dugo awan duparsisali na yan lo, muruan an dirinani man tia ya. Aria, Enti a kumaen panu lo imado dugo ru kagin irupaiad dan, id in san awan tiparsisali tap, tasol tau san tia geig a. <sup>26</sup> Saen Anut did Sinai fo idu yan lo in san wagin tan iganeg itugurer a. Ak man gamu in promis ru igo ibol, "Nai afon nal kisaek taida mi tan en njuguri wa, tan mi tia, tia, mel fidian lak na agod tan en dam sisem njuguri wa." <sup>27</sup> Ru a "afon nal kisaek taida mi" an fun man, mel a iguri an ipasai yau a. An man mel a fidian fun lo idirai dilasa yan itout yau pasik a. An lo melmel a talpein ta iguri san tia yan ibisawaip pempem dien a.

<sup>28</sup> Amaiak ninen o id aban a tamol ta iguri san tia yan ilon lo idsad kin

kagin ipanad dan tinjane ya. An ninjen o id ilod uyanan a. Agod id kagin tiganep tarut dop ubou a Anut ilo uyan tupani san an mi tile wa. <sup>29</sup> Man dugo, idsad Anut man ibol yai balen ided pe mel fidian inantiti yau dak igo ya.

## 13

### *Ru kagin san wadan*

<sup>1</sup> Anj kisaek kisaek pempem teim taom igo wonj nug ninjen o amat a.

<sup>2</sup> Anj tamolpein asau ak anjal anjam ab lo apalu san ta ilom injaonj na wa. Man dugo, wagam tamolpein ta kagin an digane dan lo enjel injsad ab lo kagin dupidinai uyanan gug ta dulonj na ya.

<sup>3</sup> Anj ilo rumok tamolpein a, subanek lo dumado dan ilom isou dop amado wa, nek ibol anj dam dadi subanek ab lo amado dak igo wonj a. Tamolpein a aenta saian dupidinai dan, an dam ilom isou wa, nek ibol ansem injsad muruan asini dak igo wonj ago abinawai a.

<sup>4</sup> Nug iwon njanek lulujam lo man gun ilasa wa, nug iwon njanek san badim an nun aman tia wa. Man dugo, Anut jeit adi inj talpein a nug iwon njanek malan dusue dam bitinaek lo idirai a. <sup>5</sup> Anjanem turenj lo moni ninjen o yaes ta ifunanj na wa. Anj mel dugon am da yan, nek an idaisuda yak igo ilom isou wa. Man dugo, Anut wagam ago ibol,

“Onj tini gane panag tap, njai onj patug ta njupano na wa, agod onj njibisawo san tia wa.”

<sup>6</sup> Fun amaiak ninjen o, ru e id tabol ilasa den man ru rumok a,

“Tubun en man njaisag binawek, an ninjen o mel ta wo njai ta njarer na wa.

Dugo, tamol ta mel ta lo dam njai ifunag san idaisuda yak i?”

<sup>7</sup> Anjanem gurman Anut anen ru durupaianj na yan ilom isou. Injsad kagin naok naok san nunjon uyanan kuai isi a, an mi ilom isou wa. Agod injsad ilo rumok anj dam anjanep abi wa. <sup>8</sup> Jesus Kristus ta ibiliso ibilila na wa. Tia,

wagam mi, gamu en, agod pempem mi dam nek ago mi imado yau a.

<sup>9</sup> Pitejanek funfun a, agod pitejanek naon sen ak san dam lo anj ilom injane dop adeg au banau, an amoi. Mel ta ilod dabai ipani san man Anut anen ilo panek mi a. Id ananj dugon tani san ru kubiaen funfun lo bubed dabai ipanad san tia ya, agod tamolpein a ananj san geg duri dupani dan, inj dam ibinawai san man tia ya. <sup>10</sup> Id ilo rumok tamolpein alta amad da ya, an fo man talpein a Juda sad ubou ab lo urat digane dan, ananj dijanep diani san man Anut kob ta ipidinai na ya.

<sup>11</sup> Man dugo, nek ibol mel mudan san dar pris gurman banin lo injaneg aupasek isuas yau o galun Gun Di, Gun Mok ak lo iladu yau a, ago gug injanen tinin panu patun fo dumari igo wonj, <sup>12</sup> nek ago mi Jesus dam, injsinanen dar nam tamolpein gun idirai dilasa wo panu san dalawan patun fo madai ile ya. <sup>13</sup> Amaiak ninjen o id dam panu en tibiseip kuai te tilasap misilane inj isini an id dam tisini wa. <sup>14</sup> Man dugo, tan en lo man id panu ta saen milaen mok yen dak tile man tia ya, an ninjen o id panu a pempem yen amaiak abanj an tile dop tumado da.

<sup>15</sup> Amaiak ninjen o Jesus lo, id pempem Anut per tupani wa, an idsad yai ganek Anut tupani dak igo ya. An man awad a injsan yanjan ninjen o tabol ilasa dan san nunjon rumok ak mi a. <sup>16</sup> Anj kulob uyan uyan a agane dan, agod tamolpein aenta abinawai o ilom ta injaonj na wa. Man ata wo, yai ganek naok ago yak Anut ninjen o imat mok da.

<sup>17</sup> Anjanem gurman awad paen na amado dop inj dubol ago agane. Inj anj njutumi kagin dupani da, ago dop murnap Anut inj urat dugon digane an naon sumiaek lo idiraip nunjon ile ilonj a. Anj inj awad paen na amado tap man, inj yousai lo mi urat digane wa. Kabelan anj muruan apidinai banau, man dugo, an ta ibinawanj na wa.

<sup>18</sup> An man ninema wo Bai Anut agudani wa. Man ata wo, man mukubiani dak mananem ilo girek an Anut malan lo itaot a, agod mel fidian lo kagin uyanan ak mi migane wak ago iloma lo yen da. <sup>19</sup> Nai an tubun mi ago agane wo nususanana da, an lo Anut ririan nai idinag pe ansam na nupalu da wa.

<sup>20</sup> Aria, maror san Anut amaiak, kontrak pempem san an san dar lo, bilelek sad titianek malan te yan, Jesus idsad Tubun en, matej lo ifufunig yabisa da yan, <sup>21</sup> yu san biouj uyan uyan ak urat lo dabai ipana san an fidian ipana a, an lo na inanen ilobol agane itaot a. Ago dop mel dugon insan malan lo ilo uyan ipani dan an ilom lo igane ilasa wa. An man Jesus Kristus san dabai lo igane ilasa wa, inanen yanjan dam id pempem tabisa wa.

<sup>22</sup> Teig taog, tok abol pe amado dop kudodom agurep ru kagin en alon uyan o nusumiana da, man dugo, ru en katukan mi njigire ya.

<sup>23</sup> Id teid Timoti subanek lo dupasi amaiak da alon o nabol da. An ninen o inj ipalu kisaek dop man ninanep da mupalup milian a.

<sup>24</sup> Mananema ilo uyan ru ananem gurman adi, ilo rumok adi aenta dam arupidai dop dulon a. Ago dugo tamol ensauta Itali na dupalu yan, dam inaned ilo uyan ru ansam na digane ipalu ya.

<sup>25</sup> Bai Anut anen ilo panek an da pempem amado wa. Rumok.

## Jems

<sup>1</sup> Nai Jems, Anut inanen urat tamol, agod Tubun en Jesus Kristus san dam mi a. Ilo uyan Anut san gugoi 12 tan gidigheid lo dumado den sad na girek en njigane yau da.

### *Kubianek id dabai ipanad da*

<sup>2</sup> O teig muroug, muruan naon dugo dugo yak asini dop ilom uyan onj a. <sup>3</sup> Man dugo, anj alonj ak saen anjam ilo rumok kubianek lo digane dan san nujon ilom lo igane ilasa dop lo atur sakar pe muruan asini san a. <sup>4</sup> Dabai agane dop anjam kagin uyanan an, nujon uyan uyan ak ilom lo igane ilasa wa, an lo anjam ilo rumok idaisuda geig a. Agop fun an lo anj itaot atur ak, Anut san kagin kisaek ta lo adu san tia geig a.

### *Tamol manau tia dop igudani wa*

<sup>5</sup> Anj lulunjam lo ta in manau uyan ak lo katukan tap, Anut isumiani dop in an ipani wa. Man dugo, Anut tamolpein fidian in dugudani den lo melmel uyanan ak ipidinai da. In dam tamolpein dusumiani dan ta ipidai na da. <sup>6</sup> Ak man in buben fidian Anut mi ipani dop igudani wa, man dugo, tamol buben raru raru den injan ilon nek ibol tim beig ifunip beig yau imul onj dak igo ya. <sup>7</sup> Tamol naok ago man Tubun en mel ipani wak ago ilon ta isou na wa. <sup>8</sup> In ilon gidigheid yau dak, injan kagin fidian dam lo, dal kisaek ta iri na da.

### *Tamol yanad tia, tamol filiad dayak sad ru kagin*

<sup>9</sup> Kris tamol ta in yanjan tia man ilon ka uyan a, man dugo, murnap Anut yabisap yanjak tubun ak ipani wa. <sup>10</sup> Kris tamol ta in melmel wei mi aman da man dam ka ilon uyan a, man dugo, murnap in nek ibol tamol yanjan tia yak ilasa wonj a. Anut in tamol filian anda yak aben tan en lo malan te yak ibisei san ago igane wa, nek ibol garan san ai bob an ilasad

itapas yau kisaek onj dak ago mi a. <sup>11</sup> Id talonj ak, ad tubun idu dan ad luon sakar ak ilasa da. Saen an ai rouk fidian imagar yau dop sad bob ad itapas yau pe leil lo dam uyan tia ya. Nek ago mi tamol in filian aman da yak injan urat fidian igane yan yabi idup yen dop ibisei yau a.

### *Kubianek san fun*

<sup>12</sup> Tamol in itur sakar pe, ate suek lo muruan isini tap in dam ka ilon uyan a. In ate suek an irinani pasik tap, Anut in murnap naon madok pem-pem san ipani wa, madok an kumaen panu lo yen da. Anut wagam ibol la ya, tamol in ilon ipani mok tap in kumaen imadop milaen a, an itout san tia ya.

<sup>13</sup> Tamol ta ate suek lo idu dop igo ta ibol na wa, "Anut ateg issue da." Man dugo, aupasek Anut lo ta ipalu na da, agod Anut dam in tamol aupasek lo ta idirai na da. <sup>14</sup> Tamol kisaek kisaek aupasek lo diau dudu dan san fun man, injaned ilo saiak an ilod injanep aupasek digane da. <sup>15</sup> Agop injan buben imasa yan yaup nujon aupasek ilasa da, aupasek an yaup tubun mi ilasa dop matenj ile wa.

<sup>16</sup> Ago yak ninen o, nai teig muroug, mel en ale dop ninen o sem ta irawan na wa. <sup>17</sup> Melmel fidian uyanan in kagin fidian itaot ak da sad fudi man lak na dien da, Tamad in an idirai idsad na dudu ya. Patui keit lo dided dumat da. Ak man id Tamad man ago tia ya, in lilaman san, agog dam ta ibilso ibilila na da. In lo man tidom tia, pem-pem itaot ago mi imado da. <sup>18</sup> Insen ilon ibol go, injan ru rumok an lo, id idiradsig inanen nanuk mok tilasa ya. Ago dugo Anut san melmel igane yan lulunad lo id imug tilasa ya. Nek ibol ai ta malan malan nujon ifu dak igo wonj a.

### *Ulonj dop gane*

<sup>19</sup> Nai teig muroug, anj ru kagin en alonj uyan. Anj fidian kudu-dom agurep ru alonj uyanan, ilo isou agane gup ru abol a, agod tinjaem dam ta saian kisaek onj na wa. <sup>20</sup> Fun



dugo, tamol san tin̄ae saiak an Anut san kagin uyan ta igane ilasa na da. <sup>21</sup> Ago yak nin̄en o an̄sam kagin saiak saiak fidian, an̄sam aupasek san naok naok fidian abiau dop sem ibian̄ adup Anut san ru a bubem lo yen den ilom isoup ari wa, man dugo, ru an in̄ dabai anda, an lo murnap mater̄ san saen lo n̄utum ka ibinawi wa.

<sup>22</sup> Ru an kawan ta alon̄ on̄ na wa, alon̄ dop nūon dam agane kisaek a. An̄ kawan alon̄ on̄ tap, sem irawan̄ da. <sup>23</sup> Tamol ru ilon̄ on̄ dop ta iri na tap, in̄sen naon̄ tig lo ile igo won̄ a. <sup>24</sup> In̄sen mitilaen ile wo uyan gup yau a. Ago gug in̄sen naon̄ dugo yan ilon̄ in̄aon̄ kisaek on̄ a. <sup>25</sup> Ak man kubiaen̄ Kristus awan lo ilasa yan itaotan geig, agod kubiaen̄ en subanek lo ipasad tilasag kawan tumado da. Enti kubiaen̄ an tig igo won̄ lo naon̄ ilep lo Kristus awan iri dop man, bar in̄ane wa. Gug in̄ kubiaen̄ an kawan ta iri na wa, tia, Kristus awan ilon̄ gup iri uyanan o maeg igane wa. In̄ Kristus awan ilon̄ pe ilon̄ in̄aon̄ kisaek on̄ san tia ya, tia, in̄ awan ilon̄ gup ilon̄ san nūon an itaot fo mi igane ilasa wa. Tamol naok an Anut san bar in̄ane wa.

<sup>26</sup> Tamol in̄ ilo isou lo in̄ Anut san tamol ibol dak pempem igudani dak man awan kagin ta ipani na dan in̄san ilo rumok an kawan a, an lo in̄sen irawi da. Agog in̄san ubou leil an dam kawan a. <sup>27</sup> Ubou san kagin ikok agod uyanan da Bai Anut malan lo man igo ya: nanuk bigabeg, pein suos, kaginad tigane dop in̄sad muruan lo tibinawai a, agod tan en san kagin tile dop bubed ta igane saian na wa.

## 2

*Id tamol yan̄an tia yan ta tabi idu na wa*

<sup>1</sup> Nai teig muroug an̄ idsad Tubun ak Jesus Kristus, kumaen panu san gurman an ilom lo rumok, ago tap man tamolpein yan̄ad anda yak mi kagin ta apidinai na wa, tia, tamol saiak saiak adi dam kagin apidinai a.

<sup>2</sup> Tamol ta damag uyan uyan ak idirip

an̄sam ubou ab lo ipalu dop, tamol ta bioun̄ saiak saiak ak idirip dam ipalu wa. <sup>3</sup> On̄ tamol bioun̄ uyan uyan ak idiri an kagin pani wo uyan pe in̄ rupei, “Aben uyanan en n̄anep masi,” ago dop tamol neinta an rupei, “Ago ila utur, tia dop igo tan na n̄ieg fun na masi.” <sup>4</sup> An̄ kagin ago agane tap, an̄ lulūam lo biatitek agane da. An̄ gurman on̄ alasag an̄siganem ilo saiak saiak lo abititai da.

<sup>5</sup> Alon̄, n̄ai teig muroug, Anut tamolpein yan̄ad tan en lo tia yan yan̄ad in̄ane wa, agod in̄ ilo rumok lo idaisuda yan ipilianai la ya, an lo Anut dam san madok aben lo filian fidian ipidinai a. Man dugo, fidian enti in̄ nin̄edi wo imat den, Anut promis ipidinai ak ago igane wa. <sup>6</sup> Ak man an̄ tamol melmel ad tia yan abiai dudu da. An̄ alon̄ ak tamol melmel wei mi ad da yan an̄ dibian̄ adu dop muruan dupan̄an da. In̄sed mi din̄ilian̄ pe gurman naod na atur a. <sup>7</sup> In̄sed mi Kristus san yan̄an uyanan ipan̄an go, lo digian̄ se yan lo, ru saiak saiak dubol ilasa da.

<sup>8</sup> Anut san girek lo kubiaen̄ malan te yen dan lo igo ibol, “On̄se nin̄e wo umat dak ago mi, tei murou sin̄ire na dam nin̄edi wo umat a.” On̄ an rumok uri tap, an nek uyanan mi a. <sup>9</sup> Go an̄ aenta ael saiadi dop, an̄ au apas da, an lo kubiaen̄ ibol ago an̄ kubiaen̄ malan asue ya. <sup>10</sup> Tamol ta kubiaen̄ fidian iri uyan dugo kisaek ipitin̄ini tap in̄ kubiaen̄ fidian ipitin̄ini mok a. <sup>11</sup> An san fun man igo won̄. Anut ibol, “Tamol ta sen turan san iwon da aupasek ta digane na wa.” Agog in̄ fon ibol da, “Tamol ta fini imat na wa.” On̄ kubiaen̄ kisaek an uri dop, turan ta lo tamol funi imat tap, on̄ kubiaen̄ fidian pitin̄ini a. Man dugo, Anut in̄sen kubiaen̄ an fidian ibol dilasa ya.

<sup>12</sup> An dugo an̄in̄en̄ dop kagin agane wak i? Alon̄ uyan, saen Anut id bitinaek lo idirad an, in̄ malan ipalug turad bubed tupidinai dop iliad o malan ipalu da. Nek fun an nin̄en o, on̄sa madok lo kagin ganep mado

tap, ilo panek san dal uri wa. <sup>13</sup> Saen Anut bitinaek lo idirad dop, talpein a aenta ilon ta imuḡanai na yan, Anut talpein an ilon ta imuḡani na wa. Ilo muḡanek an tubun kasik, an niḡen o oḡ Anut ibio udu wo umoi tap, aenta ilo imuḡanai mok a.

*Kagin naok naok en ilo rumok san nuḡon mok*

<sup>14</sup> Nai teig muroug, tamol ta iḡ ibol, ḡai ilog lo rumok a. Ago ibol ak gug, iḡsan ilo rumok an iḡanen naok naok lo yan nuḡon tia ya. Ak dugo, iḡsan ilo rumok nuḡon an tia yan ka ibinawi wak i? Man tia geig a. <sup>15</sup> Isop tei murou boi, lu murou boi, iḡ tinid san biouḡ, tia, agod ananḡ diani san dam tia tap man, <sup>16</sup> oḡ melmel ananḡ boi, biouḡ direk san boi, an iḡ lo tia yak ta pidinai na, ago gug rupidaig ubol, “Awo, an ilom maror anda amado. Ilom isoup kulos wananan san ak adiri gup, ananḡ tubun mok ani wa.” Kagin an ta uyan na, agod nuḡon an tia ya. <sup>17</sup> Nek ago mi, ilo rumok kawan yen dop iḡanen naok naok lo nuḡon tia tap, ilo rumok an imat a.

<sup>18</sup> Ak man tamol ta iḡ igo ibol, “Oḡ ilo rumok ama da, gug ḡai kagin naok naok uyan ak amag da ya.”

Naisag ru naon man igo, “Oḡsa ilo rumok a kagin naok naok an tia yan kubiai dop ḡile. Ago dop, ḡai kagin naok naok uyan ak ḡigane dan lo ḡaisag ilo rumok ḡukubiai dop ule wa.” <sup>19</sup> Oḡ Anut kisaek mok an niḡen o ilo rumok di? Uyan a, ak man an ta idaisuda na ya. Nek ago mi ur saiak saiak dam ilo rumok lo Anut kisaek dubol go dirut direr da.

<sup>20</sup> Oḡ burau tamol! Oḡ dag ḡai ḡukubiai dop ule o boi, ilo rumok naok an nuḡon tia kawan i? <sup>21</sup> Wagam en dugo woḡ Anut iḡ malan lo id tubud baged Abraham iganeg itaot ilasa yak i? Abraham iḡsiganen kagin naok naok lo iḡanen nanun ifuni imat pe utut fo imarip Anut ilo uyan ipani wo ago igane ya. <sup>22</sup> Oḡ ule, iḡsan ilo rumok iḡ kagin naok naok da sisem urat digane kisaek da. Iḡsan kagin

naok naok an lo iḡsan ilo rumok ilasa siḡaokan a. <sup>23</sup> Agog dal an lo ru a girek lo yen dan rumok ilasag ibol, “Abraham iḡ Anut mi ilon lo rumok a, agog iḡsan ilo rumok an Anut ileg ibol, iḡ tamol itaot a.” Ago yak niḡen o Anut ibol, “Abraham iḡ ḡaisag turag mok.” <sup>24</sup> Oḡ ule yak, an iḡsiganen kagin naok naok amaiak lo man iḡ Anut malan lo tamol itaot ilasa ya. An iḡsiganen ilo rumok lo mi tia ya.

<sup>25</sup> Nek ago mi dal san pein Rahab iḡ dam Anut malan lo iḡsiganen kagin naok naok lo itaot ilasa ya. Iḡsen mi ru sinek san tamol ilo uyan ipidinaig idinaig dal senamo lo dusol go diau a. <sup>26</sup> Ago yak niḡen o tinid ur an tia man imat a, nek ago mi, ilo rumok urat an tia yan dam imat a.

### 3

*Bale tirni wo uyan a*

<sup>1</sup> Nai teig muroug an wei mi girek maḡau ta alasa na wa. An alonḡ ak maḡ girek maḡau man aenta lulunad lo Anut san bitinaek dabai mok ak lo mumado wa. <sup>2</sup> Id fidian aupasek funfun tigane da. Tamol ta iḡ ḡiḡen lo aupasek ta igane na den, iḡ itaotan, agog iḡsen tinin fidian dam ka iturni wa.

<sup>3</sup> Saen id bafolo ḡudun lo kam nanun tiganep tirae tap, bafolo tinin fidian mi itilanip ḡied abad iri wa. <sup>4</sup> Tia dop, wog tubun ak ilom isou. Gidad tim tubun ak ifurep wog an ididip yau a, agod wog an dam tubun mok, gug fei nanunan an nam unbek tamol mi, iḡ ka wog dugo yau o imat dan igirip ago yau a. <sup>5</sup> Baled dam nek ago mi, sen ka nanunan a, ak man iḡ dabai a, iḡ ka melmel tutubun ak igane ilasa wa. Yai balen nanunan ak ka imasap dagui tubun ak igane inani yau a. <sup>6</sup> Id baled dam yai oḡ a, iḡ tinid san boi lulunad lo kagin sisaiak sad gurman imado da. Baled an kagin saiak saiak funfun igane ilasa da. Iḡ iganep tinid ilon fidian nun ipani da. Ago iganep tinid san kagin yai wananan oḡ a, agop idsad tureḡ ilasa

saian da. Agod Ades san yai amaiak baled lo yai igane ilasa da.

<sup>7</sup> Tamol in ka melmel funfun itir-nai a, agog wei mi kagin ipidinai la ya. Anakanak, bor kasik, goun kasik, kusen funfun agog beig lo fon da mi a. <sup>8</sup> Ak man tamol ta in sen balen itirni san tia ya. Balen yaes ta ibal na da, ru saiak saiak ibol yau won da. In san balen dam ibol mot wagai ak on, agod in san dabai tubun mok an lo tamol ka giniai dumat a.

<sup>9</sup> Id baled lo idsiganed Bai Tubud tabol dan yan an tabisa da, ago gug afon idsiganed teid taod tupudai saian da. Gug teid taod an Anut idirai dilasag ibol in sen ago mi won a. <sup>10</sup> Ru ilo uyan san in ru saiak saiak da sisem awak kisaek lo mi dilasa da. Nai teig taog, kagin an ta mok ilasa na wa. <sup>11</sup> Ka you ibanaip dal kisaek lo mi, gigen in bulbal da dilasa wak i? <sup>12</sup> Nek ago mi papai ka an ar lo ilasa wak i? Aria, ka woi lo fud ilasa wak i? Nek ago mi beig lo you mok tinane san tia ya.

#### *Manau uyan Anut san na idu ya*

<sup>13</sup> Enti an lulunam lo in kankan milaen anda, agod manau uyan anda yak i? Tamol ago tap, in san madok uyan ak lo sen ikubiai dop tile wa. In san kankan milaen an nunon tap, san nunon man mos kagin. Ago tap, mos kagin an lo urat sensen igane dop tile wa. <sup>14</sup> Ak man an turak lo aenta eil saian dugo, nai-nai kagin lo yanam tubun ilasa wo agane da. Aria, kagin an bubem in anefute tap, se pitianoi ru ta abol na wa. Kabelan sem irawan dop ru rumok san aben lo ru sewak agane banau. <sup>15</sup> Kankan milaen naok ago yan sewak a. An kumaen panu lo ta idu na ya. Tia, kankan an tan en san, an Urgun san tia, an ur saiak san mi a. <sup>16</sup> Man dugo, aben a ate turak susai agod nai-nai kagin dien dan, ante dam aban pitiniek san kagin, agod kagin sisaiak fidian dien da.

<sup>17</sup> Ak man kankan milaen a lak na yak idu yan man igo ya: in san ilo isou fidian man ikok, in tamol maror

igansi san, in tamol mos an, in ilon dabai an tia ya, ilo munanek tinan, in san kagin nunon uyan uyan ak mi, in kagin kisaek ak mi iwae dak, agod ru rumok san a. <sup>18</sup> Tamol a maror digansi dan, maror lo sad ai patun dupae yan, sad urat san nunon man in tamolpein didiraip Anut malan lo itaot dilasa wa.

## 4

### *Anut mi awan wabi wa*

<sup>1</sup> Fun ata mel ninen o an lulunam lo wagai agane dugo nug ape adiri di? Bube imasa san kagin an kisaek kisaek ilom lo yen da, agog an tinim ilon fidian lo wagai igane dugo mel ta ninen o amat den dam anane wo da. <sup>2</sup> An melmel ninedi wo malam isi dak ta anane na da. An tamol afu dumat agod in sad melmel apasi asini wo ilom tubun mok imasa da, gug ta anane na da. Ago agane dan fun dugo an Anut ta asumiani na da. <sup>3</sup> Agog saen an asumiani dubo man ta ipan an na wa, fun dugo an asumiani saian da. Melmel an siganem bubem lo aganep siganem tinim mi lo urat apani wo da.

<sup>4</sup> An Anut abisei ak ibol dal dal pein iwon ibisei ak igo won a. An ta alon na yak, an tan en ninen o amat tap, an Anut san ager. Agog tamol enti tan en san turan imado wo tap, in Anut patun ipanip Anut san ager igo won a. <sup>5</sup> Girek an sen kawan ago abol banau, Anut san ru rumok girek lo igo ibol, "Anut in tura susai kagin lo tamol sad ur ilod lo idiri an itargiranig imado da." <sup>6</sup> Ak man binawek Anut id ipanad an san dabai idsad aupasek san dabai irinani a. Ago yan lo girek an igo ibol, "Tamol sed yanad disini den Anut patun ipidinai a, gug tamol sed ibiai dudu den in ilon ipidinai a."

<sup>7</sup> Ago yak ninen o Anut paen na au a. Ago dop Satan patum apani wa. Ago tap in an ibisawan pe isol yau a. <sup>8</sup> Anut sinjiren na au dop in an sinjirem na ipalu wa. An aupasek tinami, banim afulani. An bubem raru raru amami, bubem akubune

pasik pe ikok yen a. <sup>9</sup> Ilom idup tinar aru agane wa. Anşiganem silen an abilisap tinar on a. Ilo uyan amoi dop ilo muruan agane ilasa wa. <sup>10</sup> An Anut naon na sem ibian adu wa, ago dop in an ibiansap lak na iginian a.

#### *Tei tao ta biai dudu na wa*

<sup>11</sup> Awo, nai teig muroug, nug patun fo anijen amoi. Tamol enti tein patun fo inijen dop tein bitinaek lo igane tap, an ta igane uyan na da. In kubi-aen patun fo inijen, agog inşen tamol gurman on ilasag, kubiaen bitinaek lo igane ya. On ago gane tap, on kubiaen paen na man tia ya. Kubiaen an on paen na yen o gane da. An lo on tamol kubiaen ta iri na dak igo won lasa ya. <sup>12</sup> Tamol kisaek o lian kubiaen ipanad dak ibitiniad a, Anut inşen mi a. Inşen mi dabai anda, an lo na kagin ipanad dak agod an dam lo malad isue wa. Ak man onsa ilo isou lo on tubu ubol di? On urat ta lo onsa tura murou bitinaek lo ta dirai na wa.

#### *Nijen lo se yanja ta wabisa na wa*

<sup>13</sup> Aria, naisag ru alon, an tamolpein igo anijen den, "Gamuboi gabulo boi panu ta tubun geig ak lo taup anajar kisaek tumado wa. Ate tumado dop moni san urat biabi tigane dop sed nined o moni wei mi tinane wa." <sup>14</sup> Ata wo an ago abol dak i? An gabulo san mel ilasa san an ta alon na ya. Anşam madok dugudo, an man nek ibol kakao ilasap kitekan ka yen dop itout yau kisaek on dak igo won a. <sup>15</sup> Tia, an igo mi abol a, "Anut inşen mi siganen ilo isou lo, man mumado dop en migane wo, tia, an migane wo, ago ibol dop migane wa" <sup>16</sup> Ak man an silei kagin lo sem mi abol da, agog yanam asini dugo tubun mi anijen da. An ago anijen dan saian geig a. <sup>17</sup> Tamol enti mel uyan ak igane san ilon, go ta igane na tap, kagin naon ago man aupasek anda ya.

## 5

#### *Filian tamol adi sad ru kagin*

<sup>1</sup> Agog gamu an tamolpein filiam amam da yan naisag ru alon. Madai

funfun tinim lo ilasa wan ninen o ilom saian dop malam turon idu dop asasai a. <sup>2</sup> Anşam filian fidian igan yau dop tinim san biou simirer di-an wa. <sup>3</sup> Agop anşam pat fidian dam teirteir lo isuda wa. Teirteir an an tamolpein fidian sam kagin saiak saiak ikubiai dop dile wa. Teirteir an anşam mudam mi yai inani won a. Fun dugo, tan en san nal wadan lo anşam filiami an atumani da. <sup>4</sup> An tamol a anşam abi urat digane dan arawaig tinid ta adad na ya. Agog sad padau dam ta alon na ya. Alon, saen dipadaug diwagin an asau mi geig yaug, Anut in enel sad Gurman an kududon lo ilasa ya. <sup>5</sup> Anşam madok tan en lo man melmel funfun amam da, anşam madok uyanan, agog an melmel naod lak lak ak idaisuda, agod an dugo agane wo man ka agane won da. An mater san nal in muruan san saen lo dam anşem ifutuwan dugo sem tinim bulbal apani uyan da. <sup>6</sup> An tamolpein uyadi ak bitinaek lo adirai dak muruan apidinai dop kadi dam afu dumat da, man dugo, in dabai ad tia yan lo anşam dabai an diabiani san tia ya. Ago yak ninen o muruan tubun ak anşam na ilasa wan ninen o asasai dop atata wa.

#### *Muruan lo atur sakar*

<sup>7</sup> Nai teig muroug, muruan lo atur sakar, ago mi yen yau dop Tubun en ipalu wa. An ale yak, tamol abi lo urat igane dak inşan abi ititianip imado yau dop anan ibes idu da. In saen milaen mok tok ibol imado dop ui san saen ititiani da. <sup>8</sup> An dam tok abol atur sakar a. Man dugo, Tubun en ipalu wo sumeik da. <sup>9</sup> Nai teig muroug, nug patun fo ta anurnur na wa, kabelan Anut an bitinaek lo idiran banau. Ale, Bitinaek Tamol sumeikan dalawan ate itur da.

<sup>10</sup> Nai teig muroug, Anut san profet ilom isou, in Tubun en yanjan lo dinijen da. In muruan in madai dam disini bo man dile dugo disini won se ya, ago yak ninen o an dam dal kisaek an ari wa. <sup>11</sup> Tamol a dutur sakar go muruan lo ta dibiakik na dan, id talon



ak, in̄ ilo uyan san tamolpein a. An̄ Job san madok itaot an̄ alon̄ a. Job saen in̄ madai ile dop muruan isini se man in̄ tok ibol imado se ya. Agod in̄san wadan a Anut in̄ niñen o igane ilasa yan dam alon̄ a. Job Tubun en̄ ilo panek agod ilo muñanek dam tinin in̄anefute yan ile ya.

<sup>12</sup> Ak man, ñai teig muroug, mel tubun geig man igo, an̄ Anut yañan lo boi, ta tan yañan lo boi, ta mel gidad gidad ta boi lo siñanem ru dabai ta apani na wa. An̄sam awok man nek mel nuñon niñen o gup awok abol a, ago dop tia man nek tia mok abol a. Kabelan Anut an̄ ibitianan̄ dop muruan ipanan̄ banau.

### *Ilo rumok san gudianek*

<sup>13</sup> An̄ ta luluñam lo muruan isini di? Ago tap in̄ Anut san na igudani wa. Dugo, an̄ ta luluñam lo ilon uyan di? Ago tap in̄ Anut yañan yabisa dop bar yabi wa. <sup>14</sup> Tamol ta luluñam lo subam ifuni di? Ago tap midan̄ sad matu igiaip, dupalup, niñen o dugudani dop Anut yañan lo gureñ tinin diamisi wa. <sup>15</sup> Fun an̄ lo gudanek ilo rumok san, an̄ tamol subam anda yan iganep uyan ilasa wa. Agod gubak mi aupasek igane yak tap, Anut tamol an̄ san aupasek ipasi yau pasik dop ilon ipani wa. <sup>16</sup> Ago yak niñen o nug naon na siñanem aupasek afulale dop nug niñen o agudani wa, ago dop an̄ lo Anut ikubunian̄ a. Tamol itaot aman ak san gudanek dabai tinan, agog dam ka urat dabai ak igane ilasa wa.

<sup>17</sup> Nek ibol Elaija on̄, Elaija man nek idsed on̄ a. In̄ Anut san na ui ta idu na wo igudani, agog nuñon ilasa ya. Ui tan na anan̄ar utol wadan da, ta isi na ya. <sup>18</sup> An̄ itout go fon igudani da, agog ui idu dag, tan na anan̄ nuñon idiri ilasa ya.

<sup>19-20</sup> Ñai teig muroug, tamol ta an̄ luluñam lo kagin rumok ak ibisei dop an̄sam ta in̄anep dal uyan ak lo imul ipalu tap, tamol uyan an̄ tein san ñutun mater̄ lo yak in̄ane imul a. Aria, kagin en̄ ilom isou wa, tamol enti

turan dal saian ak lo itor den ibinawi tap, tamol an̄ turan san ñutun ta imat na san ago igane ya, agog san aupasek fidian dam imiamai pasik a.

## 1 Pita

<sup>1</sup> Nai Pita, Jesus Kristus san aposel. An tamolpein Anut ipilianan go anjanem panu fun abiseig aug, Pontas na, Galesia, Kapadosia, Esia agod Bitinia na, aben a luluḡad lo tamol gol ak igo woḡ amado dan, anḡsam na girek en ḡgire da. <sup>2</sup> Bai Anut gubak mi an gamugo alasa yan san saen lo ilian ilon go ipilianan an lo Awan Urgun inḡsan urat lo an injanen tamolpein gun ak alasa ya. Agog an injanen tamolpein awa bek san ago mi amado ator a, agod Jesus Kristus injanen dar ikulmaek an lo anḡsam aupasek isuas panan a.

Anut inḡsan ilo panek, agod inḡsan ilo maror ipanan pe ilom lo italbusip tubun ilasa wan o ḡgudani da.

### *Id kumaen foun ak tile wa*

<sup>3</sup> Id Bai Anut, idsad Tubun en Jesus Kristus san Taman per tupani da. Man dugo, inḡsan ilo muḡanek tubun an lo, id ibol nanuk foun ak on tilasa ya. Ago yan lo id Anut tile san niḡen o patud isa wa, agod tini ganei en ibol mel kumaen imat san tia yak igo woḡ tabi sakar da. Mel en Jesus Kristus maten lo kumaen imasa yan lo ilasa ya. <sup>4</sup> Id nanuk foun tilasa yan lo Anut san mel uyan uyan ak lak na yen dan, inḡ ipilianad pe murna gup an fidian tinane wa. Melmel en ta idafur na wa, tamolpein sad aupasek iganep melmel an nun dilasa san tia ya, agod an sad leil siḡaokan an ta saian na wa. Melmel en murna san an Anut kumaen panu na an niḡemi wo kagin ipani da. <sup>5</sup> An ilom rumok ak lo, Anut san dabai an dumui on ibargiran an da, an lo patu pasek a saen wadan lo Anut iganep ilasa wan ale wa. Patu pasek an Anut ikubune lag yen da, ago yaup saen wadan a Anut ipate yan lo kuai isi wa. <sup>6</sup> Ak man gamu saen katukan en lo muruan sensen ak ale da, ago bo man arut amoi. Tia, uyam isusa wa, <sup>7</sup> man dugo, muruan asini dan lo fidian dile wak anjanem

ilo rumok Jesus Kristus lo yan rumok a. Anut malan lo anjanem ilo rumok an siḡaokan mok a, agod an gol san naon irinani da. Rumok, gol san naon an tubun kasik bo man, dibitinae san niḡen yai lo diganep dumari dop, siḡsak dupasip an lo injanen naon yaup lak na mok a. Ago bo man, murnap gol inḡ tan en da itout yau a. Nek ago mi, Anut anjanem ilo rumok ibitinae o ilian funan dugo muruan ale ya, bitinaek an lo Jesus Kristus kuai isi san saen lo an per, girager, agod yanak tubun ak anane wa. <sup>8</sup> An inḡ ta ale na ya, gug inḡ niḡen o amat da. Gamu dam an inḡ ale san tia bo man, inḡ o ilom lo rumok a. Agod an yousai anda mi ananefute da, an lo dop anjanem ilo uyan an tubun kasik an lo niḡen ta aninḡen san tia ya. <sup>9</sup> Agod anjanem ilo rumok san nuḡon man anḡsam ḡutumi Anut inḡiliai pe sasau lo idirai a.

<sup>10</sup> Profet adi saen ilo panek a Anut ipanan an niḡen dubol ilasa dan lo, patu pasek en san fun dile wo aban an diabi siḡaokan da. <sup>11</sup> Saen Kristus san Ur inḡ ilod lo imado dan Kristus san madai agod inḡsan yanak tubun ak mitep inane wan ikubiai pidinai dan, inḡ Anut dusumiani ak, mel dugon boi, tia, nal dugon boi, niḡen o Urgun inḡinḡen da. <sup>12</sup> Gug inḡ mel a diḡinḡen ilasa dan sed ibinawai san o ta diḡinḡen da, tia, an o dubol ilasa dan Anut ikubiai pidinai a. Melmel an san niḡen an alon la ya. Dugo woḡ ak i? Bilalun tamol an Urgun kumaen panu na Anut igane idu yan san dabai lo inḡsan ru uyanan an dufulale anḡsam na ilasa ya. Enel adi dam maladi lo melmel an san fun dile wo dumat geig da.

### *Gun amado*

<sup>13</sup> Ago yak niḡen o kabunam akubune uyanan pe urat niḡen o tawan agane dop, sem ulum am abi uyanan dop, ilo panek san binawek a saen Jesus Kristus kuai isip anḡsam na ipalu wan mi tinim agane pani wa. <sup>14</sup> An imug anan dugo amado se ya, ago dugo kagin naok naok a ilo masa igane ilasa se yan ari na ya, gug gamu

nek ibol nanuk awa bek san igo won, an kagin an fon mi ta atutuñani na wa. <sup>15</sup> Tia, nek ibol In a an igian an inñen gun imado dak igo won, anñem dam sam urat fidian lo gun amado wa. <sup>16</sup> Man dugo, Anut san girek ago ibol a, “Ñai gun ak niñen o, an dam gun amado.”

<sup>17</sup> Agod Anut a titiñae tamoligo won tamolpein kisaek kisaek sad urat bitinaek lo idiri dan niñen o an Bai abol tap, an saen tan en lo amado dan, ibol tamolpein asau ak igo won arer dop anñsam madok an kagin apani uyanan a. <sup>18</sup> An alon ak, Anut an tubumi sad kagin nuñon tia man dupanan an lo idad go ipasan inñilian a. Mel ta itout yau san ibol silva gol da igo won ak lo an ta idad go inñilian na ya. <sup>19</sup> Tia, Kristus man ibol sipsip nanun nun aman tia, agod baob aman dam tia yak igo won, inñsan dar naon lak na geig ak lo ipasan go inñilian a. <sup>20</sup> Tan en gamugo ilasa dugo Anut In ipiliani a, gug gamu saen en san wadan lo an niñemi wo Anut igane walal te ilasag ale ya. <sup>21</sup> Kristus lo an fun aganeg Anut a in mateñ lo ifufunig kumaen yabisag yanak tubun ak ipani an ilom lo rumok a, ago yan lo gamu anñanem ilo rumok agod anñanem tini ganei dam diaug Anut lo dututou da.

<sup>22</sup> An ru rumok ari apani na yan lo an gamu nñtumi adiraig gun dilasag, an lo anñanem Kris teim taom niñedi wo amat dan, an mi nuñon a. Amaiak niñen o an ilom nñtum rumok amam da nug niñen o amat a. <sup>23</sup> Man dugo, ai patun kitekan yen pe itout yau san an lo an foun ak igo won ta alasa na ya. Tia, ai patun a itout yau san tia yan lo tamolpein foun ak alasa ya. Ai patun an man Anut san ru kumaen ak, agod pempem yen yau san an mi a. <sup>24</sup> Man dugo, Anut san girek ago ibol,

“Tamolpein tinidi man ibol gafurfur on a,  
agod inñsad damag fidian an ibol boban on a.  
Gafurfur igos idu da, agod inñsan bob dam diau dudu da.

<sup>25</sup> Gug Tubun en san ru man pempem yen yau da.”

Ru nek an man bilaluñ uyanan ak anñsam na dufulale dugo alon a.

## 2

<sup>1</sup> Amaiak niñen o an ale saian san kagin fidian, rawek fidian, balek uraru san kagin, mala sek san tiñae saian, agod uf ru a fidian bubem lo ale dan, anñanep abiliau a. <sup>2</sup> An ibol nanuk foun ak igo won, su ta dukubuli na yan Urgun ipanan an aluk o amat geig a. An ago agane dop man ka atalbusi dop an lo sasau a Anut ipanad an anñane wa. <sup>3</sup> Man dugo, an Tubun en san bulbal akubianig ale alon la ya, in mi uyanan mok a.

### *Pat kumaen yen dak san niñen*

<sup>4</sup> Inñen mi pat kumaen yen da. Ago dugo tamolpein in diabiani ak gug Anut in ipiliani a, agod in malan lo pat an naon lak na geig a. An naon na au dan, <sup>5</sup> an dam pat kumaen yen san ago mi Anut itumanan dop inñsan nñtum san ab on isuse da. An lo an pris adi gun ak on alasa ya. Nek ibol pris wagam ak Anut yai dutuni pani na yak igo won, an dam yai atuni pani da. Gug kulob an man tan en san yai tuneke tia, tia, an nñtum san yai tuneke mi a, agod Kristus lo Anut in uyan ipanan da. <sup>6</sup> Ru girek lo ago ibol,  
“Ale, ñai pat ta Saion na nñguni a.

Sukurun yabituani san pat an pilianek la ya, agod naon lak na geig a,  
agod tamolpein in o ilod rumok dan, miai ta ifu na wa.”

<sup>7</sup> An tamolpein ilom lo rumok dan anñsam leil lo pat en naon lak na geig a. Gug aenkadi ilo rumok amad tia yan inñsad leil lo,

“Pat a ab susek tamol dibiti an mur-nag ab sukurun isinigitur a.”

<sup>8</sup> Agod afon,

“Pat an igane dop tamolpein ate nñjed dusue dak,  
agod igane dop ate diau dudu da.”

Man dugo, in Anut awan ta diri na da, an lo diau dudu da. In ago digane san Anut ipilianai a.

<sup>9</sup> Gug an man Anut san tamolpein in sen ipilianan a. An man Kin san pris adi, tamolpein gun ak sad midaen, agod Anut in muroun a. An sam urat man, in a an igian go tidom tubun an abiseig, in san lilaman sinjakaan ak lo aladu yan lo, in anen bunun uyanan an ninen abol ilasa wo ago igane ya. <sup>10</sup> Imug na man an tamolpein warou kisaek tia ya. Gug gamu an Anut san tamolpein alasag amado da. Imug an in san ilo munanek ta anane na ya. Gug gamu an in san ilo munanek anane ya.

<sup>11</sup> O turag muroug, an man ibol tamolpein panu sen ak san apalug tan en lo tamol gol ak on amado da. Amaiak ninen o, nai nususunan pe tinim san ilo masa ari apani wo amoi a. Man dugo, kagin saiak an nutum san ager imado da. <sup>12</sup> An gob adi lulunad lo ananem nao lalek pempem uyan an mi yen a. Gidad gamu an agane saian dak dubol a. Gug saen Anut idsad na ipalu wan te gup an sam kagin naok naok a dile la yan ninen o Anut yan an diabisa dop per dupani wa.

### *Gurman paed na amado*

<sup>13</sup> Tubun en yan an o tan en san gurman fidian paed na amado. Rom san kin in malan te yak ago abol a, agod paen na amado wa. <sup>14</sup> Agod gabman gurman dam paed na amado wa, man dugo, Anut in ipilianai man tamolpein a dugo digane saian dan bu dupidinai san urat digane da, ago dop a digane uyan dan in uyan dupidinai san urat dam digane da. <sup>15</sup> Man dugo, Anut san ilo ibol igo ya, an uyan agane dan lo tamol burau ak sad ru njeo dubol dan sad awad afutani da. <sup>16</sup> Tamol in sen kisaek imado dak igo won, an ago amado wa. Ak gug, an lo amianuk dop kagin saiak saiak ta agane na wa. Tia, nek Anut san urat tamol mok igo amado wa. <sup>17</sup> Tamolpein fidian yan ad asini wak, teim taom Kris adi ninedi wo dam

amat a. Anut ninen o arer dop, Rom san kin dam yan an abisa wa.

<sup>18</sup> An bigabeg man ananem titianek paed na mok, tok abol amado wa. Titianek tamol uyadi a kagin dupanan dan lo ago agane wa, a muruan dupanan dan lo dam nek ago mi agane wa. <sup>19</sup> Man dugo, tamol ta san kankan Anut lo yen dop, an lo madai muruan da isini san tia yak isini tap man, mel sinjakaan geig a. <sup>20</sup> Ak man on gane saian ak san bu nane dop lo utur sakar tap, an naon Anut dugo ipitiano wak i? Gug on uyan gane yak lo madai ule dop lo utur sakar tap man, Anut malan lo an ipitiano san mel igo won a. <sup>21</sup> Anut ago wo an igian a. Man dugo rumok, Kristus in sen an abemi lo muruan isini a. Saen tan ibisei an lo in san kagin naok naok man mitilaen igo won ibisei panad an lo tile dop nien aban turi wa.

<sup>22</sup> "In aupasek ta kisaek igane man tia ya.

Agod awan lo ru sewak ta ilasa man dam tia ya."

<sup>23</sup> Saen tamolpein in dimisilani se man in ru naon ta ipidai na ya. Saen in madai dupani an in naon igane wo ta ibol na ya. Tia, in sen Tamol a san bitinaek itaot mok an banin lo igane ya. <sup>24</sup> Kristus in sen tinin nam aigim fo idsad aupasek fidian isini a. Ago dop an lo id aupasek san dabai lo ipasad pe, idsad madok lo itaot tumado wa. In tinin dufunig ikafut idiri an lo ikubinian a. <sup>25</sup> Man dugo, an ibol sipsip dal dinan ak on adeg au a. Ak man gamu ananem Titianek san na amul apalu ya. In mi an sam Kagin Panek Tamol.

## 3

### *Nug iwon iwon sad ru*

<sup>1</sup> Nek imug bigabeg in aned gurman paed na dumado se ago mi, an pein dam iwom paed na amado wa. Aria, dal an lo aenkadi Anut san ru ta duri na tap, iwodi sad kagin naok naok an dile dop ate ilod dinane dop ilod dibileksa wa. An man ilo nane san



ru ta pein awad lo ta ilasa na ya.  
<sup>2</sup> Man dugo, an Anut ninen o arer dop an sam kagin gun ak lo amado dan in dile wa. <sup>3</sup> An tinim san damag patun fo yak asinip nam tinim bala apani wo kankan tubun mi ta agane na wa. Dar diturne idu, kululoi naon tubun agod biouŋ siŋaokan adiri dan an mel kawan a. <sup>4</sup> Tia, an sam bala man kagin dugon an ilom lo yen dan an mi a. An ilom man mosan, agod dagoman a. Bala naok ago yak man itout yau san tia ya, agod Anut malan lo an man naon lak na geig a. <sup>5</sup> Man dugo, wagam dal kisaek an lo mi pein gun ak Anut tinid dupanig dumado se yan in sed damag ipidinai siŋaokan a. Ago dugo iwodi awad paen na mok dumado na ya. <sup>6</sup> Nek ago mi Sara dam Abraham awan paen na imado dop ninen o in anen tubun ak ibol se ya. An uyan agane dop mel ta urer ipanaŋ san ninen o ta arer na tap, an in san nanun muroun alasa wa.

<sup>7</sup> Nek dal kisaek ago mi, an tamol iwom da sisem amado dan, pein in dabai tubun amad tia alon an ninen o yanadi abisa fufei wa. Man dugo, an sisem Anut san ilo muŋanek lo kumaen anane wa. An ago agane tap, an sam gudanek an kawan tia ya.

*Melmel uyan ak san madai anane wa*

<sup>8</sup> Naineŋ ru kagin wadan igo ya. An fidian kankan kisaek, agod nug ilon imuŋani wa. Nug tein taon igo won nug ninen o amat a. Nug ninen o bubem apasi wak, sem ibian adu dop aenta dirinaŋ ak ago ilom isou wa. <sup>9</sup> Ta diginiaŋ saian tap, naon dam ta aginiaŋ saian na wa. Ru saian nam dupaian tap, naon dam ta amisilanai na wa. Tia, an naon Anut bar uyan ak ipidinai o agudani wa. Man dugo, Anut ago wo an igian a. Agop an lo, bar uyan ak ka ipanaŋ a. <sup>10</sup> Man dugo, Anut san ru ago ibol a, “Talpein ta madok uyan ak lo imado wo imat, agod melmel uyan ak ile wo imat tap, ru saian ta ibol na wa,

agod awan lo dam ru rawek ak ta ilasa na wa.

<sup>11</sup> Kagin saiak patun ipanip kagin uyan ak mi igane wa.

Maror san dal o aban yabi dop an ile wo yaes isofutani wa.

<sup>12</sup> Man dugo, Tubun en malan yaug tamol itaot ak yil pasai da, agod in sad gudanek lo pempem kududon igure da.

Gug tamolpein a saian digane dan ninen o naon ikafut pidinai da.”

<sup>13</sup> Aria, an kagin uyan ak agane wo yaes isofutanaŋ dop, enti maeg iganep saian ipanaŋ ak i? Tia geig a. <sup>14</sup> Gug kagin itaot ak agane san o madai asini dan an rumok tap, gidad, an man bar naneŋ tamolpein mok a. A muruan dupanaŋ dan ninedi wo ta arer dop ilom ta muruan na wa. <sup>15</sup> Tia, nek an bubem lo Kristus aganep an sam Tubun ak on ale wa.

Ananem ilo rumok ninen o kankan anane fufei dop man, talpein ananem tini ganei Kristus lo yak a ilom lo yen dan san fun afulale wo isumianaŋ tap, ru ilo safulalek san ka apani wa. Gug pasak na mi agod urer amam da ago agane wa. <sup>16</sup> Ananem kagin naok naok atitiani uyan dop man ananem kankan muruan ta ipanaŋ na wa. An lo dop tamolpein a an kagin uyan uyan Kristus lo agane san ninen o dipirgini dop dimisilanaŋ dan miai ifunai a. <sup>17</sup> Man dugo, Anut ilon ibol tap an kagin uyan ak ninen o madai asini san man uyan a. Kabelan saian agane san ninen o muruan ale banau. <sup>18</sup> Man dugo rumok, Kristus in sen saen kisaek o lian aupasek ninen o mateŋ ile ya. In man tamol itaot ak igo won an tamolpein ta itaot na yan an sam abem inane ya, an lo an in jiliaŋ pe Anut san na au a. Tinin tan san en lo dufuni imat a, gug nŋutun lo Anut iganeg kumaen ilasa ya. <sup>19</sup> Ago dugo nŋutun yaug wagam san tamolpein a nŋutudi subanek lo dumado se yan naod na ru ifulale ya. <sup>20</sup> Tamolpein an wagam Anut awan diparsisali se ya. An Noa san saen

lo Anut ka yil fu on dugo yaug Noa wog tubun ak ifoug urat itout a. Nal an lo tamolpein wei tia, 8 mi, wog an ilon lo inal go, lom tubun ak san you lo patud ipasi a. <sup>21</sup> You an man Kris fulanek san mitilaen igo won a. Man dugo, gamu fulanek san you an id patud ipasig tumado da. Fulanek an tinid sad nun ta ifulani yau na da. Tia, fulanek tile dan lo Anut tuseumiani dak id ilod ikubunep kankan uyan ak ipanad a. Fulanek an nek Jesus Kristus matej lo kumaen imasa yan lo mi dabai inaneg an lo id patud ipasi da. <sup>22</sup> Inj kumaen panu na isidag Anut giranen won ak lo imado dugo enel adi, ur sensen sad gurman adi, agod mel dugon dabai amad da atna dumado dan, an fidian paen na dumado da.

#### 4

##### *Anut san ilobol paen na tumado da*

<sup>1</sup> Ago yak ninen o, Kristus tinin tan en san lo madai isini ak ninen o, an dam ilo isou kisaek an mi abi sakar a. Dal an lo madai asini san ninen o an sem dabai ipanaj a, man dugo, talpein enti tinin sen nam madai isini tap, aupasek san kagin an ibisei a. <sup>2</sup> Ago yak ninen o injsan madok tan en lo tamolpein sad ilobol an iri san ilon ta yen na da. Tia, Anut san ilobol an mi iri ipani wo ilon yen da. <sup>3</sup> Inug an saen tubun mi gob adi sad kagin diri wo dumat an an dam ago agane na ya. Agod an kagin an arig yaug idaisida ya. An se pitiano i kagin, ilo masa san kagin, jeit kagin, soubul gidigheid lo, lukluk san njatanat amado dugo, tubud sewak adi ubou ad tile san Anut geg igane yan ari apani se ya. <sup>4</sup> An gamu in luad asap kagin saiak saiak wei mi a digane dan lo dida asourubep, au o afon ta agane na dan ninen o durut saian geig a. An lo an dumisilanan da. <sup>5</sup> Gug Anut mi in tamolpein a kumaen dumado dugo a dumat la yan bitinaek lo idirai san tawan igane dan, naon na dutur dop in o ru naon dupani wa. <sup>6</sup> Nek fun amaiak ninen

o Kristus in tamolpein dumat la yan sad na yaug bilalun uyan ak san ru ifulale dugo dulon a. An lo gidad, in tinidi tan en san lo tamol sad bitinaek dile ya, ago bo man in njutud lo kumaen a Anut da yan, in dam kumaen an lo ka dumado wa.

<sup>7</sup> Mel fidian itout yau san saen sumeik ipanad da. Ago yak ninen an kabunjam ipasti dop sem ulum am abi o uyanan a. Ago dop man ka agudani uyan a. <sup>8</sup> Mel malan te man ilom njutumi fidian nug ninen o amat a. Man dugo, nug ninen o amat dan san kagin aupasek wei mi imianai idu ya. <sup>9</sup> Nug kagin apani uyan dop, an o ta anjurnur na wa. <sup>10</sup> Dabai dugo aenta abinawai san Anut an kisaek kisaek ipanaj an kagin apani wo uyanan a. Awa yabek tamolpein igo won Anut san ilo panek inanen dal kisaek kisaek atem urat apani wo uyanan a. <sup>11</sup> Ta in ru ifulale san manjau aman da tap, nek ibol Anut san ru mok mi ifulale dan igo ru ifulale wa. Ta in binawek urat igane tap, dabai a Anut ipani dan lo urat an igane wa. Ago dop urat fidian lo tamolpein ka Anut per dupani wa, an man Jesus Kristus lo mi a.

##### *On Kris ak ninen o muruan sini*

<sup>12</sup> O turag muroug, an bitinaek wananan geig ale dugo amasa saian an mel naok foun ilasa yak igo abol banau. <sup>13</sup> Tia, youm isa wa, man dugo, an Kristus da sisem mi muruan asini da. An lo saen Kristus san girager kuai isi wan ate dop ilom uyanan geig a. <sup>14</sup> An Kristus yanjan ninen o saian dupanan tap man an tamolpein Anut san bar anane ya, man dugo, Ur a Anut san agod girager san an an tinim lo yen da. <sup>15</sup> Kabelan ta an lulunjam lo tamol ifuni imat o boi, tia gumagam o boi, tia kagin saiak saiak funfun igane wo boi, tia, njen o kabunan isou imug dop, mel naok an fidian njedi wo madai isini banau. <sup>16</sup> Gug an Kris igo won muruan asini tap, miai ifunan amoi. Tia, an Anut yanjan abisa wa. Man dugo, in yanjan an tinim lo yen da. <sup>17</sup> Anut bitinaek

igane san saen ipalu la ya. Agod fun iganeg, ilo rumok tamolpein adi malan malan ibitiniyai da. Aria, id lo fun igane tap, tamolpein a Anut san bilaluŋ uyan ak ta diri na dan sad wadan an dugo woŋ ilasa wak i?

<sup>18</sup> Agod afon, Anut san ru igo ibol, “Tamol itaot ak patu pasek lo iladu san ta pasauman na yan rumok tap, tamolpein a au dupas dan ago Anut san kagin iŋ lo tia yan muruan dugo iŋsad na ilasa wak i?”

<sup>19</sup> Amaiak niŋen o, ensauta iŋ Anut san ilo ibol lo madai dile dan, sed idiraip Anut banin lo diau dop urat uyan ak mi digane yau a.

## 5

### *Gurman iŋ pinein da sad ru kagin*

<sup>1</sup> Nai matu gurman aŋ luluŋam lo dumado dan, ŋai dam nek iŋ ago mi ŋumado da. Nai dam Kristus madai isini an seg malag mok nam ŋile ya. Taida mi ŋaiseg dam iŋsan girager murnap kuai isi wan ŋai dam an lo ŋumado da. An lo igo ŋusumianaŋ o da. <sup>2</sup> Aŋ Anut san sipsip atirnai o ipanaŋ an atitianaŋ a. Gurman mok oŋ kagin apidinai a, aŋ talpein a dusou dudunaŋ dan niŋen o ago ta agane na wa, tia, an nek aŋanem ilobol lo mi a, nek ibol Anut aŋ o ilon yen dak ago mi a. Aŋ moni aŋane san o malam ta isi na da, ak man urat an agane wo bubem yen da. <sup>3</sup> Aŋ sipsip a Anut banim lo idirai an ŋai-ŋai kagin lo atirnai amoi. Gug aŋsam kagin an ibol mitilaen igo woŋ Anut san sipsip dile dop duri wa. <sup>4</sup> Agod saen sipsip titianek sad gurman ipalu dop, girager san lilit gumuran ta itout yau dan aŋanem urat naon oŋ aŋane wa.

<sup>5</sup> Aria, aŋ pinein dam tamol busumadi ak paed na amado wa. Aŋ fidian nug naon na sem ibiaŋ adu wa. Man dugo, Anut san ru ago ibol a, “Tamol sed yaŋad diabisa dan Anut naod yabi da.

Gug tamol sen yabi idu dan iŋsan ilo panek ipani da.”

<sup>6</sup> Ago yak niŋen o aŋ sem ibiaŋ adu dop Anut tuon dabai an paen na aladu wa. An lo murnap saen mok fo iŋ ka aŋ ibiaŋsa wa. <sup>7</sup> Aŋanem ilo muruan fidian banin lo agane wa. Man dugo, iŋ malan lo aŋ mel tubun an lo iŋ aŋ kagin ipanaŋ da.

<sup>8</sup> Malam ipuk pe tawaŋ agane dop, sem ulum am abi uyanan a. Man dugo, aŋanem ager Satan ibol laion imatigen ak ibob dugo tamol ta yani itout o aban isueg itor dak igo woŋ a. <sup>9</sup> Ago yak niŋen o aŋ naon abi dop aŋanem ilo rumok lo mi atur sakar a. Man dugo, aŋ aloŋ ak aŋanem teim taomi tan titin fidian lo muruan naon kisaek anami disini da.

<sup>10</sup> Agod Anut iŋ mi ilo panek fidian san muroun, iŋsen Kristus lo igiaŋ go iŋsan aben a girager anda pem-pem yen oŋ dan lo aladu wa. Saen katukan mi madai asini gup iŋsen mi aŋsam madok ikubunep lo atur sakar dop dabai ipanaŋ a. <sup>11</sup> Iŋ mi dabai pempem yen yau oŋ dan aman da ya. Rumok.

### *Ru wadan*

<sup>12</sup> Nai girek katukan en Sailas ibi-nawag go ŋigire ya. Iŋ niŋen o ŋai ilog rumok ak, iŋ Kris tamol mok a. Girek en lo ŋai aŋ tan suek ru ŋupanaŋ, agod ru e ŋurupaiaŋ den man Anut san ilo panek mok a. An lo atur sakar a.

<sup>13</sup> Midaen Anut ipilianai go Babilon na dumado dan iŋsad ilo uyan ru aŋsam na digane ipalu ya. Nai nanug Mak dam ago igane ya. <sup>14</sup> Kris kagin lo nug banin abi wa.

Aŋ fidian Kristus da amado dan ilo maror aŋ lo ka yen yau a.

## 2 Pita

<sup>1</sup> Njai Saimon Pita, Jesus Kristus san urat tamol agod naj inſan aposel. Tamolpein a inſad ilo rumok siſaokan, nek maſsama ago mi amaiak, inſad na girek en nſigane ipalu da. Ilo rumok e naj ninen o nabol den man Tubun en Jesus Kristus, idsad binawek, an inſan na diſane ya. In itaot mok an ninen o ilo rumok an ipidinai a. <sup>2</sup> Njai an ninemi wo Anut nſugudani dak, an ilom lo Anut in Jesus idsad Tubun en da alon uyanan, an lo inſan maror inſan ilo panek an bubem lo ka iganep awan isa wa.

*An a Anut ipilianan an dabai apani wa*

<sup>3</sup> Id in talon amaiak ninen o, Anut san dabai tubun ak Kristus lo yen dan ninen o, id an lo ibinawad go mel fidian kumaed san, agod id Anut san kagin tiri san dam ipanad a. Inſinanen yaſak tubun ak lo agod kagin uyanan ak lo melmel an tiſane san ninen o igiad a. <sup>4</sup> Agod inſan yaſak tubun ak, inſan kagin uyanan ak lo dam, inſan promis lak na igane idu yan ipanad a. Promis an id malad lo naon lak na geig di tubun a. Promis nek amaiak lo an tan en san nun panek ka ariſani wa, man dugo, ilo imasa san kagin an lo tamolpein nun ipidinai da, ak man gamu asol san dal ilasag yen da. Promis an lo dam, inſinanen bunun an ilom lo igane yan lo an dam nek ago amado da.

<sup>5</sup> Fun an ninen o an maeg aganep kagin uyan uyan en taida an lo aganep dilasa wa, agop ananem ilo rumok da abate wa. Malan malan ananem ilo rumok, an kagin uyanan ak da abate wa. Tinin te kagin uyanan ak, an Anut ulon san maſau da abate wa. <sup>6</sup> Agod tinin te Anut ulon uyan san maſau an sem ulum am abi uyan san kagin da abate wa. Tinin te sem ulum am abi uyan san kagin, an atur sakar san kagin da abate wa. Tinin te atur sakar san kagin an, Anut san kagin ari san da abate wa. <sup>7</sup> Agod

tinin te Anut san kagin ari san an, turam muroum ilom apidinai san kagin da abate wa. Agod wadan man turam muroum ilom apidinai san kagin an, aenta ninedi wo tubun mi amat dan san kagin da abate wa. <sup>8</sup> Man dugo, an Jesus Kristus idsad Tubun en alon uyanan dan san kagin naok igo yak an lo yen dop, in pempem an ilom lo italbusip tubun tap, an iganep anſam madok lo nunon ifu wa, agod anſam urat in ninen o agane dan mel kawan tia wa. <sup>9</sup> Ak man talpein ta kagin an inſan bunun lo tia tap, in ibol tamol mala tia yak igo ya, tia, ibol tamol malan asau mi aban ta ile na dak ago ya. Man dugo, talpein ago man inanen aupasek imug an Jesus ipasi yaug ikok ilasa yan ilon inaoſan a.

<sup>10</sup> Teig taog, fun amaiak ninen o Anut igian go tamolpein aenta lulunad lo ipilianan an, dabai apani wo urat wagai agane wa. An kagin an fidian ari uyanan tap, au adu san tia ya. <sup>11</sup> Ago dop saen an idsad Tubun en Jesus Kristus idsad patu pasek tamol san kagin panek aben an lo aladu wo dop man, malam dupare uyanan a.

*Profet ru, girek lo yen dan san ninen*

<sup>12</sup> Aria, gidad an mel fidian alon uyan go, gamu ru rumok en abig atur sakar dak bo man, naj ilog yen dak ago melmel an saen fidian fon nſurupaian da. <sup>13</sup> Man dugo, nſaisag ilog lo saen gamu naj tinig tan en lo nſumado den man gidad naj safulalek ru igo nſurupaian da, an uyanan a. Ago dop an dam mel en san ilo sou man mi agane wa. <sup>14</sup> Man ata wo? Naj nſalon ak, milaen tiap naj tinig gigin na nſigane wa. Jesus Kristus, idsad Tubun en mel an ikubiai nſile la ya. <sup>15</sup> An ninen o naj urat wagai nſiganep an lo saen naj tan en nſibisei dop man, an pempem mel an fidian ninedi wo ilom ka isou dop amado wa.

<sup>16</sup> Saen maſan imug anſam na mupalu yan, maſan Jesus Kristus idsad Tubun en san dabai mukubiai ale ya. Agod nal ta lo gup in fon dabai anda imul tan na ipalu wan ninen o mabol alon



a. Saen man mel a ninen o murupaian an dugo, manşiganema ilo sou lo ru sewak ak awan mubate dop lo mirawan o migane di? Tia geig a, man dugo, manşema malama nam inşan naon lilaman, inşan girager tubun an da isapudade dugo mile ya. <sup>17-18</sup> Man dugo, saen in Bai Anut lo yanak tubun ak girager da inşane yan, man in da did gun an fufo mumado ya, ago dugo in ninen o Anut awan keit lo iwagin dugo malon a. Awak an san lilişan inşan na ipalug yanşan yabisag yanak tubun ak ipani a. Inş ibol, "En man şaineş Nanug mok, şaineş bubeg mok, inş ninen o şai ilog tubun mi uyanan da." Awak a kumaen panu log ipalu yan manş malon a.

<sup>19</sup> Agod taida mi, gamu Anut profet adi sad ru an rumok dabai ipani panad a. Anş inşad awad kagin apani tap, an uyanan a. Man dugo, inşad ru an man nek ibol lam ta tidom tubun lo ided dugo abanş isapudade dak igo wonş a. Ago agane dop yaup salso idu wa, agod salso idu san boi tinan anş bubem lo isida wa. <sup>20</sup> Anş ru en alonş uyan, ru en tubun a. Ru fidian a girek lo profet awan lo ilasa dan man, profet an san ilo sou tia ya. <sup>21</sup> Man dugo, ru a profet sad awad lo ilasa dan san fun mok man, tamol san ilo sou igo tia ya. Tia, Urgun inşen profet adi ilod iduduwig ru a Anut san nag ipalu yan mi dubol ilasa ya.

## 2

### *Girek manşau sewak adi inşad kubulek*

<sup>1</sup> Wagam na profet sewak wei mi Isrel tamolpein luluşad lo dilasa ya. Nek ago mi girek manşau sewak ak wei mi anş luluşam lo dilasa wa. Inş piteşanek sewak a imianuk an mi dişanep midaenş luluşam lo diladup dupananş a, an lo anşam ilo rumok an dukubuli wa. Agod Tubun en inşen girek manşau sewak adi an idad inşiliai a, ago bo man inş patud dupani wa. Kagin an lo inş milaen tiap daonş dişane dop diau dudu wa. <sup>2</sup> Inş jeit kagin an ta saian na ago dubol a,

an lo ilo rumok tamolpein wei kasik kagin an diganuri wa. Fun an ninen o tamolpein aenta rumok san dal an saian dupani wa. <sup>3</sup> Tamol naok an inşad ilo sou moni ninen o man tubun kasik a, an lo ru sewak nam şudum dusue dop anşanem moni dişane wa. Anut inşad naok naok an wagam mi ile ya, agog inşaned muruan an ikubune pidinai la ya. Muruan an dal na ipalu da, ago dugo inşad daonş an dam sumeikan mi yen da.

<sup>4</sup> Alonş o uyanan a. Gubak mi enş aenta au dupas, ago gug Anut inşad aupasek an inşaneg gigin na ta igane na ya. Tia, inş enş an tan paen na gib ilon tidom tubun ak lo isubanaig idirai diau a. Ate dumado yaup bitinaek nal ilasa wa. <sup>5</sup> Agod taida mi, tamolpein a wagam na Anut san kagin ta duri dupani na yan sad aupasek lo ta yilfu onş na ya. Tia, fidian lom tubun geig ak inşal dugo Noa mi imado ya. Tamol kisaek an iwon agod muroun <sup>6</sup> an dida Anut nişedi wo ilon isou a. Man dugo, Noa inş kagin itaot ak san bulaluş tamol. <sup>6</sup> Agod taida mi, Anut Sodom inş Gumora da sad tamolpein fidian ifu yau a. Yai ui onş iwatik go inşad panu tubun an inani yau itout a, agod tamolpein dam fidian inanai pasik a. An lo inşad mitilaen an tamolpein fidian gamu Anut san kagin ta duri dupani na dan dile dop, inş lo dam kulob ago ilasa wa. <sup>7</sup> Agod taida mi, Lot inş tamol itaot a, agod Anut daonş an lo patun ipasi a. Inş tamolpein kagin saiak saiak digane dan ileş ilon tubun mi muruan a. <sup>8</sup> (Man dugo, tamol itaot a luluşad lo nal fidian imado dan, inş kubiaenş dipilali dan san kagin sensen an ile dugo inşad ru saiak saiak an dam ilonş se ya. Kagin ago an ilon imoi da.) <sup>9</sup> An rumok tap, Anut muruan funfun dugo yak lo tamolpein a Anut san kagin duri dupani dan patud ipasi san ilonş a. Nek ago mi inş tamolpein saiadi muruan lo idiraip dumado wan bu panek an paen na mi dumado dop yaup bitinaek nal ilasa san, an dam

ilonj a. <sup>10</sup> Lulunjad lo tamol a ilo masa san kagin diri dupanig lo sed nun ipidinai dugo, gurman awad paen na dumado wo dumoi na ya, tamol naok ago yak Tubun en niñedi wo tubun geig imoi a.

Tamol naok ago yak silei tinadi agod kabunjadi dababai a. Inj enjel adi kumaen panu lo dumado dan dumisilanai o ta direr na da. <sup>11</sup> Ago gug enjel Anut naon na dutur dan injsad dabai girek manjau sewak tinadi an irinjanai a, ago bo man inj tamol an bitinaek lo dumisilanai san ago ta didirai na da. <sup>12</sup> Tamol an melmel a ta dulonj na yan niñedi wo diñinjeñ saian da. Tamolpein naok ago man nek ibol bor goun onj, inj kankan amad tia ago dutor da, dilasa san fun man talpein duburou idup dufu dumat san ago mi a. Girek manjau sewak adi an nek ibol bor goun onj inj dam daonj diñane wa.

<sup>13</sup> Girek manjau sewak adi a muruan aenta dipidinai an lo inj dam naon dile wa. Adian inj tinid dugo urat dupani man ago digane da, an injsad yousai. Inj baob nun anda yak igo ya. Agod inj tamol uyadi onj anj dida ananj ani da. Gug gigin na man kagin saiak saiak an lo dumado da. <sup>14</sup> Inj jeit pein adi mi dil o dumat da. Aupasek o mi nal fidian yaes isofutanai da. Inj pein adi a ilod gidigidad an ilod diñanep jeit kagin san dal duri da. Inj mala sek lo man ibilem adi a, agod inj pitininek a Anut ipidinai an san nanuk adi mok a. <sup>15</sup> Inj dal itaot ak dubiseig sen diau geig a, agod inj Beor nanun Balaam gubak mi yau ago diau da. Inj kagin saiak saiak iganep naon moni injane wo mi imat da. <sup>16</sup> Ak man injsan aupasek san kudo bek ru an ilonj a. Man dugo, donki ininjeñ san tia gug tamol awan lo ininjeñ ilasag profet an san niñeo kagin an yabituani a.

<sup>17</sup> Tamol naok an sad kagin nuñon aman tia ya, nek ibol you igos yau ak onj, tia, inj ibol ui idu wo tim taen gigin na itumanig yen dugo tim iwi yaug ui tia yak igo ya. Anut injaned aben tidom tubun geig ak lo tan paen

na ikubuneg yen da. <sup>18</sup> Inj awad ru tutubun mi dubol da, ago gug injsad ru an nuñon aman tia ya. Injsad ru lo tamolpein a saen milaen tiag aupasek adi sad na dusol diau an ilod diñane da, an lo tinid imasa dop lo jeit kagin digane da, agod tinid san kagin saiak saiak aenta dam digane da. <sup>19</sup> Girek manjau sewak an mel ta isubanai san tia ago dutor san ru dubol pidinai a. Ago gug injsedi man kagin saian ak san bigabeg dumado da. Man dugo, mel dugon tamol yabituani dan, nek inj mel an san bigabeg imado da. <sup>20</sup> Man dugo, inj imug Jesus Kristus idsad Tubun en, agod idsad binawek an dulonj a, manjau an lo tan en san nun kagin san na dusol diau la ya. Ak man inj afon dumul kagin saian ak lo diladug isubanai tap, injsad wadan gamu en san man saian mok, agod injsad naon gubak mi an san irinjanai geig a. <sup>21</sup> Inj kagin itaot an san dal kitek ta dulonj na yak man, an uyan a. Man dugo, inj injsad Tubun en awan lo kubiaen gun ak ibol dulonj dugo diñane, ago gug an patud dupanip dal an dibisei tap, an saian geig a. <sup>22</sup> Ru mitilaen uraru en rumok inj niñedi wo ibol da, “goun ilu gug imul yaug injsinanen ulu an fon yani da,” taida mi, “bor you isug la gug fon yaug gigeo lo ibubulam da.”

### 3

#### *Tubun en imul ipalu san nal*

<sup>1</sup> Turag muroug, en njasag girek turanein njigireg anjsam na njigane ipalu ya. Nai girek uraru njigire en lo anjanem kankan itaot njufufunip ilo sou uyanan ak ipananj san a. <sup>2</sup> Kankan en igo ya. Ru a profet gun adi wagam mi dubol na yan, agod ru kubiaen a anjsam aposel adi awad lo anjsam bunawek Tubun en ibol pananj an dam ilom isou wa.

<sup>3</sup> Mel en inug alonj o njamat da. Nal wadan dilasa dan san saen lo dop tamolpein anjsam ilo rumok en kukok an digane san dilasa wa. Inj Tubun en san ru niñen o disel a, agod ilod imasap mel dugo digane wo ilod ibol

an mi duri da. <sup>4</sup> Inj igo dubol, “Inj imul ipalu san ibol pananj an san nunjon dugon te yen di? Man dugo, gubak mi mansama tamama dumat dugo ipalug gamu en mel fidian ta ibileksa na ya. Tia, fun lo ipalug gamu en nek ago mi yen yau da.” <sup>5</sup> Inj melmel a Anut wagam idirai an ilod injaon o digane ya. Melmel an man, Anut anen ru lo keit wagam mi ilasag yen da, agod injsan ru lo you injaneg nam tan igane ilasa ya. <sup>6</sup> Agod you an lo mi lom tubun ak ilasag tan fidian ituang saen an san tamolpein fidian itarmunaig ipitininai a. <sup>7</sup> Ak man ru an lo mi keit inj tan da gamu e dien den Anut gigin na idirai a. Ago dien yaup yai lo idiraip imiriai a. Nal a mel en ilasa wan man Anut san bitinaek nal, saen an lo Anut tamolpein a injanen kagin ta diganuri na yan ipitininai a.

<sup>8</sup> Ak man naj teig muroug, mel kisaek en ilom ta injaon na wa. Tubud malan lo nal kisaek man ibol ananj wan tausen ak igo ya, agod ananj wan tausen man ibol nal kisaek ak igo ya. <sup>9</sup> Aenkadi Tubun en mel igane wo ibol gug saen ibidani dak abol da, gug inj tinin saen bidanek an tia ya. Man dugo, inj mos nam ilianj da, ta anj lulunjam lo ideg yau man imoi a. An ninen o anj ilom abileksap inj o ilom rumok an ninen o saen ipananj da.

<sup>10</sup> Ak man Tubun en san nal man nek ibol gumagam tamol igo wonj ipalu wa. Nal an lo dop pitininek san lilijan tubun geig ak ta ilasa dop keit itout yau a. Agod yai lo mel fidian you onj ibilip itout yau a. Agod tan en inj tamolpein sad kagin naok naok an fidian da kuai te dilasa wa.

<sup>11</sup> Aria, Anut kagin an lo mel fidian ipitininai tap, anj tamolpein naok dugo wonj alasa wak i? Anj kagin gun ak mi agane wa, agod Anut san kagin ari apani dop amado wa. <sup>12</sup> Dal an lo Anut san nal tubun ak ipalu san ninen o mala nouk amado wa, ago dop anjsam kagin uyan ak lo nal an ilasa kisaek onj o agane da. Nal an lo Anut yai ituni dop keit inanip itout yau a, agod yai an mi tan en igane imatal pe

you onj ibilip itout yau a. <sup>13</sup> Ak man id a ilod lo rumok an promis a Anut ipanad an lo keit foun ak, tan foun ak dam tile wo mala nouk tumado da. Agod tan foun an ilon lo man kagin itaot ak mi ate yen yau a.

<sup>14</sup> Naj turag muroug, fun an ninen o saen Tubun en ipalu wo mala nouk amado dan, anj baob amam tia, nun amam tia yak, agod nugnug lo ilo maror amado dan lo dam, inj ago ilianj san ninen o urat wagai agane wa. <sup>15</sup> Agod idsad Tubun en mos kagin e ipananj den ninen o igo ilom isou, an inj patu pasek anjane san saen ipananj dak abol a. Idsad turad mok Pol dam inj Anut manjau ipani an lo girek naok en taida igireg ipananj a. <sup>16</sup> Injsan girek fidian lo ru naon nek ago mi igire idug ninen o mi ibol na ya. Injsan girek an lo mel aenta id talonj uyan san muruan kitek yen da. A ilod tia yan, ilod gidigheid ak injsed dideg diau san, ru an dukubuli da, nek ibol girek gun ak aenta lo dam digane dak ago mi a. An lo sed ipitininai da.

<sup>17</sup> Turag muroug, anj mel en alonj la ya, fun an ninen o anj kagin agane wa. Kabelan tamol saiadi ak sad aupasek an ilom injanep, anj atur sakar san abi dan banim ibisawaip au adu banau. <sup>18</sup> Gug anj idsad Tubun ak Jesus Kristus idsad patu pasek an san ilo panek, inj alonj uyan san anj da atabulsi wa. Id inj yanjan tabisa dan lo gamu girager anda imado da, ago mi yen yaup kumaen pempem san nal ilasa wa. Rumok.

## 1 Jon

### *Kumaen San Ru*

<sup>1</sup> Kumaen san ru a fun lo mok yen go ipalu yan, tamol mok igo ilasa ya. Inſen awan lo kumaen san ru ilasa dugo maŋ malon ak, malama lo mok mile yak, agod tinin dam ban-ima nam mabi ak, an mi maŋ niŋen o miŋiŋeŋ da. <sup>2</sup> Kumaen an inſen mi kuai tem ikubiai panama dugo mile ya. Rumok, kumaen pempem san an imug mi Bai da dumado na yan kuai isi a. Kumaen an maŋ malama nam mile tag gamu en maŋ an niŋen o mi mabol dop alon a. <sup>3</sup> Mel e maŋ mile dugo malon en murupaian da. An lo an maŋ da sisem idsad madok an kisaek mi yen yau a. Agod maŋsama madok man Bai da, agod inanen Nanun Jesus Kristus da mumado da. <sup>4</sup> Maŋ girek e migire panaŋ den lo idsad yousai awan isa wa.

### *Ilalaŋ lo tator san ru*

<sup>5</sup> Ru a in awan lo malon an mabol alon da. Anut mi in ilalaŋ. In lo tidom tubun ta yen man tia geig a. <sup>6</sup> Id igo tabol da, id in da madok kisaek mi tumado da, ak man id tidom tubun lo tator tap, ru raek tabol da, agod idsad madok an ru rumok san dal ta iri na da. <sup>7</sup> Gug in ilalaŋ lo itor dak ago mi id dam tator tap, id anek anek sisem ilod kisaek mi tumado wa. Agod inanen Nanun Jesus san dar an mi lo idsad aupasek fidian isasi panad go ikok tilasa ya. <sup>8</sup> Id aupasek amad tia yak tabol tap, sed ilod irawad da, agod ru a rumok an id ilod lo ta yen na da. <sup>9</sup> Ak man in awa urek san tamol, agod itaot geig a, amaiak niŋen o id idsad aupasek an kuai te tabol ilasa tap, idsad aupasek an fidian isasi yau dop, ilod lo kagin itaot tia yan fidian ipasi dop ikok tilasa wa. <sup>10</sup> Gug id aupasek ta tigane na yak tabol dop man, id in sewak tamol igo won tigane da, agod inanen ru an id ilod lo aben ta yen man tia ya.

## 2

### *Kristus idsad binawek*

<sup>1</sup> O ŋai nanug muroug, an au apas amoi o ru en ŋigire da. Gug ta in au ipas tap man, id binawek tamol amad da ya. Tamol an Jesus Kristus itaot mok a. In ibinawad san o Bai naon na itur da. <sup>2</sup> Idsad aupasek niŋen o Anut ilon wananan da. Ak man Kristus sen inſan mateŋ lo Anut ilon ago iganeg ibubarum a. Id niŋed o mi tia ya, tia, tamolpein a tan titin fidian lo dumado dugo in niŋen o ilod rumok tap, sad aupasek an dam isasi yau a. <sup>3</sup> Id inſan ru kubiaen ibol talon an mi turi tupani tap, dal an lo na id ka talon ak id rumok mi Anut talon a. <sup>4</sup> Gug ta in ibol, “Ŋai Anut ŋalon a,” ago gug inſan awan kagin ta ipani na dan, in sewak tamol, agod Anut san ru rumok ak in lo man tia ya. <sup>5-6</sup> Ak man talpein a Anut san ru a kagin ipani dan, rumok, in lo Anut san ilo panek italbusip tubun geig a. Ta in Anut da dumado dak ibol dan, dal kisaek a Jesus itor an lo mi in dam itor a. Dal an lo mi id talon ak, rumok, id Anut da tumado da.

<sup>7</sup> O turag muroug, gamu ru kubiaen e ŋigire den man foun tia ya. Tia, ru kubiaen en wagam a, nek a fun lo mok alon ama ya. Ru an man fun an alon la ya. <sup>8</sup> Ago bo man ru kubiaen en man ibol foun ak on a. Ru kubiaen an san nuŋon man Kristus lo tile da, agod an lo dam maŋ mile da. Man dugo, tudom tubun itout yau dugo ilalaŋ mok an kuai isi da. <sup>9</sup> Ago yak niŋen o talpein ta in ilalaŋ lo itor dak ibol gug turan ta ile saian tap, in tidom tubun lo mi imado da. <sup>10</sup> Talpein a in turan niŋen o imat dan in ilalaŋ lo imado da. An niŋen o mel saian ak ta lo yau idu san in tinin lo yen man tia ya. <sup>11</sup> Gug tamol ta turan ile saian dan in tudom tubun lo imado itor da. Ago yan lo malan tidom tubun dop dal injaon a.

<sup>12</sup> Nanug muroug, in yan an o, anŋsam aupasek ipare idu yak niŋen o ŋai anŋsam na girek en ŋigire da. <sup>13</sup> O tamag muroug, in fun lo imadog



ipalu yan alon uyan ak niñen o ñai anñsam na girek en ñigire da. O an pinein foumi, Satan san dabai abi idu yak niñen o ñai girek en ñigire panañ da. O nanug muroug, an Bai alon ak niñen o anñsam na girek en ñigire da. <sup>14</sup> O tamag muroug, an man in fun lo mok imadog ipalu yan alon uyanan ak niñen o ru en ñigire da. O an pinein foumi, girek en anñsam na ñigire den man fun igo ya, an dabai amam da, Anut san ru an lo yen da, agod Satan san dabai abi idu ya.

<sup>15</sup> An tan en san madok inñanen filian da niñen o yaes ifunañ amoi. Ta in tan en san madok niñen o imat tap, Bai niñen o imat dan, in lo man tia ya. <sup>16</sup> Man dugo, kagin fidian tan en lo yen dan igo ya, tinik san ilo imasa san kagin, mala sek san kagin, agod se pitianoï kagin tan en san tamolpein digane dan, fidian Bai san nag ta ipalu na da, tia, an tan en san mel mi a. <sup>17</sup> Tan en in tamolpein sad ilo masa da ditout diau da. Ak man talpein ta in Anut ilon ibol dak ago mi igane dop man, pempem imado yau a.

### *Kristus san ager*

<sup>18</sup> Nanug muroug, saen wadan ipalug sumeik da. Nek ibol an ru en dubol dugo alon na yak ago, Kristus san ager ipalu wo da, gamu en Kristus san ager wei kasik dilasa yan lo tile talon a. Amaiak niñen o id talon uyan ak saen wadan sumeik ipanad da. <sup>19</sup> Tamol malan an idsad doup lo dilasag diau a. In dubusawad man fun in id muroud tia ya. Aria id muroud ak man ta dubusawad na wa. Gug id dubusawad an lo kuai tem tile talon ak, an id muroud tia ya. <sup>20</sup> Ak man Urgun inñsan dabai an lo ikulmaek idug yen da, an lo an fidian Anut san ru rumok an alon a. <sup>21</sup> An ru rumok ta alon na yak niñen o ñai girek en ta ñigire na da. Tia, an ru rumok alon la ya, an niñen o anñsam na ñigire ipalu da. An alon ak ru sewak fidian an ru rumok ak muroun tia ya. <sup>22</sup> Ru sewak an enti awan lo ilasa dak i? Tamol a Jesus in Anut san

pilianek tamol yanak “Kristus” dubol dan niñen o “tia yak” ago ibol dan, tamol an Kristus san ager. Tamol naok ago yak in Bai Nanun da niñedi wo dam imoi a. <sup>23</sup> Ta in Nanun imoi dop man in Bai san tia ya. Gug ta in Nanun niñen o ilon rumok ak ago ibol tap, in Nanun san muroun mi tia ya, tia, Bai dam inñanen muroun a. <sup>24</sup> Ru a fun lo alon an ilom lo aganep yen a. Ago agane tap, an Nanun in Taman da urarum dadi amado wa. <sup>25</sup> Agod inñsan promis ipanad en igo ya, kumaen pempem yen yau san an ipanad a.

<sup>26</sup> Tamol dirawan o digane dak niñen o girek en ñigire panañ da. <sup>27</sup> Ak man Urgun san dabai ikulmaek idug anane yan, an lo yen da. An niñen o talpein mel foun ak ta ipiteñanan san tia ya. Man dugo, Urgun san dabai anane yan manau fidian ipiteñanan da. An man rumok a, ta sewak na ya, amaiak niñen o nek ibol an ipiteñanan igo won Kristus da amado wa.

### *Enti in Anut nanun muroun*

<sup>28</sup> O nanug muroug, an in da amado wa. Ago tap, saen in kuai te ilasa dop id in da tinin in o ta tarer na wak, agod miai ifunad dop tasuk tamul san dam tia ya. <sup>29</sup> In itaot geig ak an alon tap, mel en dam alon a, tamol a kagin uyan ak mi igane dan in Anut lo foun ilasa ya.

## 3

<sup>1</sup> Alon, Anut dugo mok id niñed o imat di? Inñsan ilo panek id niñed o man tubun geig a! Man dugo, id Anut nanun muroun ago ibol da. Id nek ago mi a. Tan en san tamolpein id ta dulon na yan fun man in Anut ta dulon na ya. <sup>2</sup> O turag muroug! Id gamu Anut nanun muroun tumado da. Gug id mitep dugo tilasa wan ta talon uyan na da. Gug id mel en talon ak, saen Kristus kuai isi dan, id tilasap in ago mi wa. Man dugo, in naon tinin tile ago mi tile wa. <sup>3</sup> Talpein mel an niñen o Kristus tinin igane pani dan

inſen iganeg gun ilasa ya, nek ibol Kristus inſen gun ago mi a.

<sup>4</sup> Ta inſ au ipas tap, inſ Anut san kubiaenſ ipilali a. Rumok, aupasek man igo ya, tamol kubiaenſ paen na ta imado na dak san kagin igo ya. <sup>5</sup> Anſ alonſ ak, Kristus tamolpein sad aupasek ipasi wo ipalu ya. Agod inſ lo aupasek ta ule san tia geig a. <sup>6</sup> Ago yak niſen o talpein enti Jesus Kristus da dumado dan au ta ipas na da. Gug ta inſ au ipas onſ dan, inſ Kristus ta ile na yak, agod dam ta ilonſ na ya. <sup>7</sup> O nanug muroug, mel en niſen o tamolpein eil afu dop dirawanſ banau! Ta inſ kagin itaot igane dan, inſ mi itaot a. Ibol Kristus itaot imado dak ago mi inſ dam imado da. <sup>8</sup> Talpein enti aupasek igane onſ dop man, inſ Satan san muroun mi a. Man dugo, Satan inſ fun lo mok go ipalu yan au ipas na ya. Ak man Anut Nanun kuai isi an fun man, Satan san banin aban isubari idu wo ipalu ya. <sup>9</sup> Tamol dugon Anut lo foun ilasa yan inſ au ta ipas na da, man dugo, Anut san bunun inſ ilon lo yen da. Rumok, inſ aupasek ta igane yau onſ na wa, man dugo, Anut lo foun ilasa ya. <sup>10</sup> Ru en tamol dugon Anut nanun ago dugo, tamol dugon Satan nanun, an fud ifulaleg kuai tem tile da. Talpein a kagin uyan ak ta igane na yan inſ Anut san muroun tia ya. Agod ta inſ tein niſen o ta imat na dan inſ dam Anut san muroun tia ya.

#### *Nug niſen o amat a*

<sup>11</sup> Ru en gubak mi mok go ipalu yan alonſ a, id nug niſen o tamat a. <sup>12</sup> Id Kein tutuſani tamoi a. Inſ man Satan san muroun mi a, an lo inſen tein Abel ifunig imat a. Ata wo ifuni ak i? An fun man inſan kagin naok naok saian a, gug tein san kagin fidian itaot, amaiak niſen o ifunig imat a. <sup>13</sup> Teig taog, amaiak niſen o tan en san tamolpein dilianſ saian geig dan, niſen o yaes ta ifunanſ na dop bubem ta irut na wa. <sup>14</sup> Id talonſ ak materſ san dal tibiseig, kumaen san dal lo tiladu ya. Id teid taod niſedi wo tamat an lo talonſ ak, an rumok a.

Agod ta inſ turan niſedi wo ta imat na dan materſ san tuon yabituani onſ da. <sup>15</sup> Talpein inſ turan ile saian tap, tamol an inſ tamol ifuni imat ak igo wonſ a. Agod anſ alonſ ak, talpein a tamol ifuni imat an kumaen pempem san an ilon lo yen man tia ya. <sup>16</sup> Kristus id o inſ tinin kumaen ak gigin na igane yan lo, id nug niſen o tamat san dal an ikubiai panad o igane ya. Fun an niſen o id dam turad muroud o ago mi tigane wa. <sup>17</sup> Talpein tan en san filian anda yan inſan turan mel ta lo katukan dugo ile gug ilon ifutani tap, ilo panek Anut san na ipalu dan inſ ilon lo yen dak i? Man tia geig a! <sup>18</sup> Nanug muroug, id nug niſen o tamat dan awad mi ru ibol da, gug an san nuſon tia yak ago ta tigane na wa. Tia, idsad kagin kagin lo dam ago tigane mok dop man, nuſon ilasa wa. <sup>19-20</sup> Dal an lo id talonſ ak id man ru rumok ak san muroun a. An niſen o saen id ilod ibiad tadu dan, Anut naon na id ilod san urer an ka kute ibol a. Man dugo, Anut inſen idsad ilod iriſani geig a, agod inſ mel fidian ilonſ uyanan a. <sup>21</sup> Turag muroug, id-siganed ilod ta ibiad tadu na tap, id Anut naon na tugudani wo sumeik ka tupani dop, an lo id ta tarer na wa. <sup>22</sup> Agod mel dugon niſen o tugudani dan, an mi ipanad a. Man dugo, inſan ru kubiaenſ kagin tupani dugo ilon ibol ak ago mi, id iri panim tigane da. <sup>23</sup> En man inſan ru kubiaenſ, id inſ Nanun Jesus Kristus inſan yanſan lo ilod lo rumok a, agod nug niſen o tamat a, nek ibol ru kubiaenſ ipanad ago mi tigane wa. <sup>24</sup> Talpein a fidian inſ Anut san ru kubiaenſ kagin dupani dan, inſ Anut da dumado da. Agod Anut dam inſ dida dumado da. Inſanen Urgun ipanad an lo id talonſ ak, inſ id da tumado da.

## 4

<sup>1</sup> Turag muroug, anſ ur fidian sad ru ilom lo ta rumok na wa. Tia, ur an sad ru abitinae ale gup a, kabelan ur an Anut san boi, tia, Satan san boi, anſ an ale alonſ uyan a. Man dugo,

profet sewak wei mi aben fidian lo dufufurak go diau a. <sup>2</sup> Ur a Jesus Kristus inj tamol mok onj tan na ipalu yak ago dubol dan, inj Anut san a. Dal an lo mi anj Anut san Ur ka ale alonj a. <sup>3</sup> Ak man ur a Jesus Kristus inj tamol mok onj ta ilasa na yak ago dubol dan, inj Anut san tia ya. Inj man tamol a injsan yanjak “Kristus san ager” dubol dan san ur mi a. Ur an ipalu wo ru an alonj se yan, gamu tan en lo imado la ya.

<sup>4</sup> O nanug muroug, anj Anut san muroun a, agod anj profet sewak adi arinjanai a. Man dugo, Ur anj lo yen dan injsan dabai man, ur a profet sewak adi lo yen dan san dabai irinjanai a. <sup>5</sup> Profet sewak adi inj tan en san muroun mi a, amaiak ninjen o ru a dubol dan, nek tan en san mi a. An lo dop tan en san tamolpein kukudod dugurep inj awad dulonj da. <sup>6</sup> Gug id man Anut san muroun a. Ago yak ninjen o talpein a Anut ilonj an, id awad ilonj da, ak man a inj Anut san muroun tia yan, id awad ta ilonj na da. Dal an lo dop ur dugon rumok san, agod ur dugon sewak san dam ka kuai tem tile talonj a.

#### *Anut imug id ninjed o imat a*

<sup>7</sup> O turag muroug, id nug ninjen o pempem tamat a, man dugo, Anut injsan bunun man ilo panek san fun mok a. Talpein a ilo panek aman da yan, inj Anut lo foun ilasa ya, agod inj Anut ilonj da. <sup>8</sup> Gug talpein a ilo panek an tia yan, inj Anut ilonj man tia ya. Man dugo, Anut man injsen ilo panek mok a. <sup>9</sup> Anut injsan ilo panek a id lulunjad lo kuai tem ikubiai panad an san dal igo ya. Injanen Nanun kisaek o lian amaiak tan en lo iganeg ipalu ya, an lo dop injsen tinin lo kumaen tumado san tinjane wa. <sup>10</sup> Ilo panek e naji ninjen o nabol den igo ya. Id malan malan Anut ninjen o ta tamat na ya, tia, inj imug id ninjed o imat a. Agod Taman san ilo wananan a idsad aupasek igane ilasa dan, Nanun injsen yabiani wo iganeg ipalu ya. <sup>11</sup> Turag muroug, Anut id ninjed o ago imat tap,

id dam nug ninjen o tamat a. <sup>12</sup> Tamol ta inj Anut ile man tia ya. Gug id nug ninjen o tamat tap, Anut id da tumado wa, an lo dop injsan ilo panek id lo yan italbusip nunjon ifu wa.

<sup>13</sup> Id igo talonj a, id inj da tumado da, agod inj dam id da tumado dan, rumok a. Man dugo, injanen Urgun titin aenta injaneg id ipanad a. <sup>14</sup> Agod id malad lo Anut injanen Nanun idinigtan en san tamolpein patud ipasi wo ipalu yan tile ya, agod an ninjen o tamolpein aenkadi tabol dulonj da. <sup>15</sup> Talpein a Jesus inj Anut Nanun mok ibol ilasa dan, Anut inj da dumado da, agod inj dam Anut da dumado da. <sup>16</sup> Dal an lo id Anut san ilo panek ipanad dan talonj a, agod id ilod lo rumok a. Anut inj mi ilo panek. Ago yak ninjen o talpein a ilo panek aman da yan, inj ilon lo Anut imado da, agod Anut ilon lo inj dam imado da. <sup>17</sup> Dal an lo ilo panek id lo yen dan italbusip itaot geig a. An lo dop bitinaek san nal lo id Anut naon na tatur san ninjen o ta tarer na wa. Man dugo, tan en lo id man, nek inj igo mi id dam ago mi a. <sup>18</sup> Ilo panek man tinin rurek an tia ya. Tia, ilo panek itaot geig an ilo irer ikudip patun fo ilasa da. Man dugo, ilo irer man naon panek san mel mi a, an lo dop talpein a irer dan, ilo panek san kagin lo tamol itaot mok ta ilasa na ya. <sup>19</sup> Id aenta ninjedi wo tamat san fun man inj imug id ninjed o imat a. <sup>20</sup> Talpein ta igo ibol, “Njai Anut ninjen o njamat da,” gug turan ta ile saian tap, inj sewak tamol. Man dugo, inj turan a ile yan ninjen o ta imat na tap, inj Anut a ta ile na dan ninjen o imat san tia geig a. <sup>21</sup> Agod taida mi, injsen ru kubiaen en ipanad a, ta inj Anut ninjen o imat dan turan dam ninjen o imat da.

## 5

### *Id Anut Nanun ninjen o ilod rumok a*

<sup>1</sup> Tamolpein ensauta a Jesus inj mi Kristus an ilod lo rumok tap, inj Anut nanun muroun. Agod tamolpein ensauta a taman ninjen o dumat dan, injanen nanun dam ninjen o dumat

da. <sup>2</sup> Id dal an lo Anut inanen nanun muroun niñedi wo tamat dan talon da, id Anut niñen o tamat dop inanen ru kubiaen dam turi tupani da. <sup>3</sup> Id Anut niñen o tamat dan nek ema ya, id inſan ru kubiaen turi tupani da. Agod inſan ru kubiaen turi san man pasauman a. <sup>4</sup> Man dugo, tamolpein a Anut lo dilasa yan fidian in tan en san kagin saian ak diabi idu da. Agod ata mel ta dabai aman da yak lo id tan en san dabai ka tabi idu wak i? Mel an man idsad ilo rumok mi a. <sup>5</sup> Enti tan en san dabai yabi idu san ilon i? Tamol a Jesus in Anut Nanun mok ak ilod lo rumok dan, nek ama ya.

<sup>6</sup> Tamol e niñen o tininjen den, Jesus Kristus, you san dal, agod dar san dal dam lo ipalu ya. Fulanek lo mi ta ipalu na ya, tia, inſan mater san dar lo dam ipalu ya. Agod Urgun sen ru an kuai tem igane ya. Man dugo, mel e uraru en, Urgun in ru rumok ak da, man sisem naod kisaek a. <sup>7-8</sup> Mel utol en Kristus niñen o kuai tem dubol ilasa da: Urgun, you, agod dar. An lo mel utol an dutumanig awad kisaek go ru an dubol ilasa da. <sup>9</sup> Ru ta tamol adi kuai tem digane ilasa yan id ilod lo rumok tap, id ru a Anut ibol go talon an dam ilod lo rumok a. Man dugo, Anut san ru an tamol sad ru irinani geig a. Agod Anut inſen ru e irupaiaed den, inſen mi inanen Nanun niñen o kuai tem ibol ilasa ya. <sup>10</sup> Talpein a Anut Nanun niñen o ilon rumok dan, in buben lo ru a Anut ibol ilasa dan yen da. Gug talpein in Anut san ru an ilon lo ta rumok na yan, in Anut sewak tamol igo won igane da. Man dugo, Anut inſen Nanun niñen o ru an ibol a, ak gug talpein an ilon lo ta rumok na ya. <sup>11</sup> Ru a Anut ibol ilasa yan san fun igo ya. Anut id kumaen pempem san ipanad a. Agod kumaen an inanen Nanun san banin lo yen da. <sup>12</sup> Talpein a Nanun yabituani dan, kumaen pempem san dam yabituani da. Gug ta in Nanun ta yabituani na dan, kumaen an in lo tia ya.

<sup>13</sup> An Anut Nanun yañan niñen o ilom lo rumok an, girek en ngire panan da. Agop an kumaen pempem san anane la yan alon a. <sup>14</sup> Id talon ak, saen id in o tini ganei tiganeg tumosiai dan, mel a niñen o in tustumiani dan inſan ilobol an iri pani tap, id awad ilon mok a. <sup>15</sup> Agod id mel dugon niñen o in tugudanip awad ilon dak rumok an talon tap, id mel en dam talon a, mel dugo yak niñen o tustumiani dan in ka ipanad a.

<sup>16</sup> Talpein ta inſan turan aupasek naok a nſutun igane imat san tia yak an igane on dugo ile tap, in niñen o Anut igudani dop, fon kumaen ipani da wa. Aupasek naok ago yak mi niñen o nabol da. Gug aupasek naon sen ak a nſtud ifu dumat ak san dam yen da. Agod nai aupasek naok ago yak niñen o an agudani wo ta nabol na da. <sup>17</sup> Kagin saiak saiak fidian an man aupasek a. Gug aupasek aenta a nſtud ifu dumat san tia yak an dam yen da.

<sup>18</sup> Id talon ak enti a Anut lo ilasa yan au ta ipas na da. Man dugo, Anut Nanun iparfutani da, an lo dop Satan yabi ile san tia ya. <sup>19</sup> Id mel en dam talon ak id Anut san muroun a, ak gug tamolpein a tan en san muroun mi dumado dan fidian, in man Satan tuon lo dumado da. <sup>20</sup> Id mel en dam talon ak, Anut Nanun ipalug, an lo id Tubud a in Tubud rumok ak talon san niñen o manau ipanad a. Rumok, id a Tubud rumok ak in da tumado dan, inſan Nanun Jesus Kristus dam ida tumado da. Kristus inſen mi man Anut rumok ak, agod in lo dam kumaen an pempem yen yau da.

<sup>21</sup> O nanug muroug, tubud sewak ak mitilaedi niñedi wo asau mi amado wa.



## 2 Jon

<sup>1</sup> Njai matu gurman, girek en njigireg pein ta pilianek ak inanen nanun, nanun pein dadi sad na njigane yau da. Idaned ilo rumok kisaek an lo mi naji ilog njupanaŋ da, agod an naji mi tia ya. Tia, aenta a ru rumok ak duloŋ dan in dam mi a. <sup>2</sup> Ru rumok an id ilod lo yen da, agod an ago id lo pempem yen yau a.

<sup>3</sup> Bai Anut, in Jesus Kristus Bai sen Nanun da, insad ilo panek, insad ilo mujanek agod insad maror id da tumado wa, an man ru rumok lo, agod id ninjed o dumat an lo dam mi wa.

<sup>4</sup> Njai ilog uyanan mok da, man dugo, onsa nanuk aenta ru rumok ak diganuri dan neil a, an nek ibol Bai sen ru kagin irupaiad ak igo woŋ ago digane da. <sup>5</sup> O pein, naji ru foun ak ta njigireg njurupaio na da, tia, ru en o fun lo mok giraŋe na yen an nek amaiak mi fon njurupaio da. Id kisaek kisaek nug ilon tupani san ninjen o njugudano da. <sup>6</sup> En man ilo panek, insan awak aban san ru kubiaen an mi turi wa. Agod en man insan ru kubiaen, nek kubaien a fun lo mok aloŋ an ago mi, an ilo panek san kagin an lo mi ator a. <sup>7</sup> Man dugo, sewak tamol wei mi dilasag panu panu lo dutor da. In Jesus Kristus tinin tamol mok igo woŋ ilasa yan uyan ta dupani na da. Tamol naok ago man in sewak tamol, agod Kristus san ager tamol ta igo ya. <sup>8</sup> Kagin agane wa. Mel a an lulunam lo dilasa san ninjen man urat wagai migane na yan ideg yau banau. Tia, mel an naon idaisudam anane wa. <sup>9</sup> Talpein a imaspalup imug yau dop, an lo pitenanek mok Kristus ninjen o yan lo ta itur sakar pe imado na tap, in Anut da tia ya. Gug talpein pitenanek an lo itur sakar pe imado dan in Bai da, agod inanen Nanun da mi a. <sup>10</sup> Ak talpein ta ansam na ipalu, ago gug in pitenanek ru en tia tap, an ananem ab lo imado wo ta ananep au na wa. Agod ilo uyan ru ta arupein

na wa. <sup>11</sup> Man dugo, talpein a tamol naok ago yak ilo uyan ru irupein dan, kulob an lo insan urat saian an in da sisem disini wa.

<sup>12</sup> Njai ru wei mi njigirep ansam na njigane ipalu wa. Ak man naji gau nam pepa roun lo njigirep njigane ipalu man namoi a. Ago gug naisag ilog yen dak, mitep naiseg nieg nam njupalup id sisem nug naon tupanip tinjen a. Ago dop man id sisem ilod uyanan mok a.

<sup>13</sup> Onane lu (pein) a Anut sen ipiliani an, insan nanun muroun onsa na ilo uyan ru en digane ipalu ya.

## 3 Jon

<sup>1</sup> Nai matu gurman, girek en ñigireg ñaineg turag mok Gaias, oñsa na ñigane ipalu ya. Idaned ilo rumok kisaek an lo mi ñurupaio da, ñai oñ ñiñe wo ñamat da.

<sup>2</sup> O turag, ñai ñalon ak igo ya, oñ oñane ñutu lo man mado uyanan da. Amaiak ñinen o, dal kisaek en lo mi ñai oñane tini subam tia itaot yen dop, oñsa tureñ lo muruan ama tia san ñinen o Anut ñugudani da. <sup>3</sup> Gubak mi teid taod ta dupalug oñ ru rumok ak lo mado dan, agod lo utor yau dan dubol ñalon go, ñai ilog uyanan mok da. <sup>4</sup> Nai nanug muroug ru rumok ak lo mi dumado dutor dan ñalon tap, an lo man ñaisag yousai tubun geig a, agod mel aenta san yousai fidian an iriñanai a.

<sup>5</sup> Turag uyanan, saen oñ Kris aenta binawai dan, agod tamol asau ak ñiñedi wo urat gane dan, oñ kagin uyan ak uri da. <sup>6</sup> Inñ midaeñ naod na oñane ilo panek an dupitiani da. Oñ tamol a urat lo diraig dumug diau dan, Anut san kagin ibol ak atem ago gane uyan da. <sup>7</sup> Inñ Anut yañan lo dumasag dutor da, agod gob adi banid lo mel ta diñane man tia ya. <sup>8</sup> Amaiak ñinen o id tamol naok ago yak tibinawai a, ago dop man id inñ da ru rumok ak san urat sisem ka tisini wa.

<sup>9</sup> Nai girek ta ñigireg Kris midaeñ lo ñigane yau a. Ago gug Diotrefes inñsen tinin isinip malan imug o igane dop ñaisag ru ilon san imoi da. <sup>10</sup> An ñinen saen ñai añsam na ñupalu tap, ñai inñsan naok naok en ñabol dop alon a. Inñ ñai patug fo uf igane dop ru saiak saiak ibol da. Agod kagin naok ago yak mi ta igane na da, tia, teid taod an inñal pe inñsan ab lo diau o man imoi. Agod aenta diñal pe inñsad ab lo diau wo digane bo man yabtuanai da, ago dop midaeñ ilon lo yan ikudaip patun fo dilasa da.

<sup>11</sup> Turag uyanan, kagin saian ak ta tutuñani na wa, tia, kagin uyan ak mi uri wa. Talpein a kagin uyan ak igane dan inñ Anut san, ago gug talpein a kagin saian ak igane dan Anut ta ile na ya. <sup>12</sup> Tamolpein wei mi Demitrius san kagin uyanan an ñinen diñiñeñ da. Agod ru rumok inñsen mi inñ ñinen o dam ru uyanan ak ibol ilasa da. Nai dam inñsan kagin uyanan ak ñinen o ñiñiñeñ da, an ñinen o ulon ak ñaineg ru en rumok a.

<sup>13</sup> Nai ru wei mi ñigirep añsam na ñigane ipalu wa, ago yak man ñai mel ate gau bilkas ak nam ñigirep ñigane ipalu man ñamoi a. <sup>14</sup> Ago gug ñaisag ilog yen dak, milaen tiap ñai oñ ñiliop id sisem nug naon tupanip tiñiñeñ a.

Maror oñ da amado. Turad muroud oñsa na ilo uyan ru digane ipalu ya. Oñ dam ñaineg turag muroug anen anen ilo uyan ru rupidaip dulon a.

## Jud

<sup>1</sup> Njai Jud, Jesus Kristus inanen urat pinein, njai Jems tein.

Anj ensauta a Anut igian an, Bai Anut anj ninemi wo imat mok go, Jesus Kristus injen anj kagin ipanan dan, ninemi wo njai girek en anjam na njiganeg ipalu da. <sup>2</sup> Anut inanen ilo mujanek, ilo maror agod tamolpein aenta ninedi wo amat san anj lo awan isap yen a.

*Tamol a Anut san kagin ta diri dupani na dan sad pitiñnek*

<sup>3</sup> Njai turag muroug, patu pasek e anj manj da sisem tabig tumado den san fun njigire wo njai yaes isofutanag da. Gug njai ilog isoug gamu ru senamo njigire wo da. Ilo rumok e id gun adi tabi den, Anut injen saen kisaek o lian id banid lo igane yan man id ta tibileksa na wa. Fun amaiak ninjen o, idsad ilo rumok abalgirani san ninjen wagai agane wo ru kagin njupananj da. <sup>4</sup> Man dugo, tamol aenta mianuk lo mi anj Kris adi luluñam lo disadu ya. Tamol amaiak Anut wagam mok, inanen girek lo, daonj panek diñane san o ipilianai a. Inj Anut san kagin ta diri dupani na dan, Anut san ilo mujanek dibilisag mel naon senamo geig ilasa ya. Inanen ilo mujanek ipanad dan san fun man, tinid san ilo masa mi ka turi tupani wak ago dubol da. Ak ninjen o inj jeit kagin digane dan Anut uyan ipidinai ak ago dubol da. Agod Jesus Kristus, Tubun en injen Kinj an inj dumoi da.

<sup>5</sup> Anj mel en alonj fufei la ya, Anut wagam Isrel injal go Igipta dubiseig diau a. Ago bo man murnag tamolpein sauta a ilod lo ta rumok na yan Anut ipitiñinai a. Ansem alonj la yak gug, kulob naok an anj fon mi ilom isafulale san njabol da. <sup>6</sup> Gubak mi enjel sauta, inaned urat malan te yan lo dumado san dumoi a. Anut urat an ipidinai a, ago gug digane san dumoi go aben an dubisei tag,

Anut sein nam isubanaig nal fidian tidom tubun lo ago dumado wo ibol a. Ante dumado dop yaup nal tubun ak san saen ilasa dop Anut bitinaek lo idirai a. <sup>7</sup> Nek ibol Sodom inj Gumora da, agod taun a panu uraru giraned na yan sad tamolpein, enjel adi a jeit kagin digane na yak ago mi inj dam ago digane ya. Pein inj tamol da sad ilo masa san kagin an dibiseig, tamol inj tamol da sad ilo masa san kagin diri se yan lo aupasek an dam digane ya. Amaiak ninjen o Anut aupasek an naon yai pempem yen yau san lo imiriaig inana pasik a, an man mitilaen ru kagin ipanad san igo ya.

<sup>8</sup> Dal naok an lo mi, tamol an dienamin dop lo sed irawaip tinid dukubuli da, gurman a Anut ipilianai an ninedi wo dumoi da, agod enjel girager amad da yan patud fo uf digane da. <sup>9</sup> Ak gug saen enjel gurman Maikel inj Satan da nug dupei, enti Moses san sisanun inane wa, inj se pitiano kagin lo sen yabisa o irer an lo injen ilon nam misilane ru lo ta yabi idu na ya, tia, inj igo ibol, "Tubun en injen imisilano wa, njai man tia ya." <sup>10</sup> Gug tamol an mel dugo ta dulonj na yan dumisilani da. Agod tinid san melmel a, ibol mel kasik ilod tia yak igo, inaned ilod iduduwai dop lo dulonj dak igo, tamol nek an dal kisaek an mi lo dulonj dugo digane da. Gug melmel nek a dulonj amaiak daonj ipidinaip ipitiñinai a. <sup>11</sup> Inj kagin digane wa! Man dugo, inj man Kein san njien aban duri da, moni diñane san man Balaam san aupasek lo diladu ya, agod nek ibol Kora wagam Anut awan lo ipirgini tag daonj tubun ak ipani a, nek ago mi tamol an dam daonj naon kisaek an mi diñane wa. <sup>12</sup> Anjam ilo panek san soubul lo inj man ibol lad luon kasik ak igo ya. Kabelan an fo Kris tamolpein diñaonj dop disida banau. Anut ilo sou an ta digane na dop sed ifutuwai da. Inj nek ibol tim ifurep, timtaen isini yau dak igo wonj a, gug ui ta isi na da. Inj ibol ai igo ya, nunjodi ifu san saen lo nunjon ta ifu na dak igo ya, ai an dam dubulani

a, fun an niŋen o iŋ saen uraru imat a. <sup>13</sup> Iŋ ibol beig bururuk anda yak igo ya, iŋsinaned kagin san miai an ibol beig ibalsunig sabalbal an ilasag kuai isi ak igo ya. Go iŋ man ibol patui keit lo gidigheid dutor dak igo mi a. Tidom tubun aben a lo na pempem dumado san an Anut ikubune pidinai la ya.

<sup>14</sup> Enok, iŋ Adam san dar lo ipalug bagen seven lo ilasa ya, iŋ tamol sa- iadi an niŋedi wo profet ru igo ibol, “Ale. Anut iŋanen eŋel gun ak tausen wei geig dida dupalu wa. <sup>15</sup> Amaiak lo, iŋ tamolpein fidian ru lo idiraip iŋaned naon ipidinai a. Iŋ tamolpein fidian a Anut san kagin ta duri du- pani na dan, kagin an lo kulob sa- iak saiak digane na yan niŋen boum ipidinai a. Agod aupasek adi a Anut san kagin ta duri dupani na dan, iŋ mi lo misilane ru fidian dusue se yan lo, iŋ dam naon boum ipidinai a.” <sup>16</sup> Tamolpein an ŋurŋur tinadi a, iŋ melmel fidian ilasa dan uyan ta du- pani na da. Inŋsad ilodi fidian man nek dal saian an mi duri wo digane da. Iŋ sed ipitianai dan lo awad tubun mi diŋiŋeŋ da. Agod aenta inŋsad dal an duri wo ilo ŋilaŋal ru dubol da.

#### *Aŋ ilo rumok abi sakar a*

<sup>17</sup> Ak gug ŋai turag muroug, ru imug Jesus Kristus iŋanen aposel adi dubol ilasa yan ilom isou wa. <sup>18</sup> Iŋ ago dubol dugo aloŋ a, “Saen wadan lo dop, tamol dilasap kukok amam digane wa. Tamol naok an inŋsad ilo masai Anut san kagin ta iri pani na da. Inŋsinaned ilo masai an mi duri da.” <sup>19</sup> Tamolpein nek amaiak iŋ Kris midaeŋ biatitek lo didirai da. Iŋ tan en san tamolpein sad kankan mi duri dupani na da. An lo Awan Urgun iŋ ilod lo tia ya.

<sup>20</sup> Ak man ŋai turag muroug, saen fidian aŋanem ilom bubem dabai pe, aŋanem ilo rumok gun geig an abi sakar. Agod saen fidian aŋ Awan Urgun san dabai lo agudani wa. <sup>21</sup> Aŋ sem ititianaeŋ o uyanan dop Anut san ilo panek ilon lo amado wa. Aŋ

ago agane dop mala nouk amadop, idsad Tubun ak Jesus Kristus iŋanen ilo muŋanek iganep kuai te ilasap, an lo inŋiliad pe kumaen pempem yen san lo tau a. <sup>22</sup> Ensauta a idsad ilo rumok niŋen ilod weiwei dan ilom imuŋanai a. <sup>23</sup> Tamolpein aenta yai lo dumado dan, abinawai dop aŋal saltik oŋ a. Aenta iŋaned ilo masa lo ilodi nun anda yan, ilom imuŋanai dop abinawai a. Gug niŋedi wo arer dop, sem kagin ipanaŋ o uyanan a, kabelan inŋsad dal an lo au banau.

<sup>24</sup> Anut aŋ ititianaeŋ siŋaokan dop, au adu san tia ya. Iŋ ka aŋ inŋilian pe aup youm isa dop, muruan tiap inŋsen naon na girager an lo atur a. <sup>25</sup> Anut kisaek en mi patud ipasi san, Jesus Kristus idsad Tubun ak lo yaŋan tabisa wa. Iŋ Kiŋ girager aman da, imug imado ya. Agod dabai tubun ak aman da ya. Iŋ melmel fidian sad gurman imado da. Iŋ gubak mi imado ipalug, gamu dam mi imado da. Saen murna dop, ago mi imado yau a. Rumok.



## Revelesen

### *Ru kagin*

<sup>1</sup> Gubak mi ru en mianuk lo yen a. Ago man Jesus Kristus inſen kuai te iganeg ilasa ya. Anut sen ru en Jesus ikubiai panig an lo in inanen urat tamol adi, memel murnap ririanan ilasa san, amaiak niſedi wo ikubiai pidinai dop duloſ a. Ago dugo Jesus ru en kuai ipani wo inanen eſel idinig, ru en isini ipalug ſai Jon, Jesus anen urat tamol ipanag a. <sup>2</sup> ſai Jon, mel fidian malag ſutun lo ſile amaiak, buk en lo ſigire ya. An man Anut san ru agod ru rumok Jesus Kristus ikubiai panag a. Aria, ſai igo ſabol da, ru en man rumok a. <sup>3</sup> Ru en man profet ru, Anut san nag ipalu ya. Talpein ta in ru en aenta luloſad lo isuti dan, in Anut san bar inane wa. Agod tamolpein a talpein an awan duloſ go duri dupani dan dam, Anut san bar diſane wa. Man dugo, Kristus san ru nuſon ifu san saen sumeik ipalu la ya.

### *Jon Kris midaeſ seven sad na ru igire ya*

<sup>4</sup> ſai Jon, ſai ru e ſigire yen man aſ Kris tamolpein nek a Kris midaeſ seven, tan Eſia lo amado dan aſſami a.

Anut gamu imado dak, gubak mi imado ya, agod murna dop ipalu wa. In ka ilon ipanaſ dop, ilo maror amado san ipanaſ a. Agod ur seven Anut san kalik naon na dumado dan, in dam ilo panek, agod ilo maror amado san ka dupanaſ a. <sup>5</sup> Nek ago mi, Jesus Kristus dam, ilon ipanaſ dop ilo maror amado san ka ipanaſ a. In Anut san ru itaot geig ibol ilasa da. In mi tamol malan te geig mutou\* lo imasa ya. Agod in dam kin adi e tan na dumado den sad Tubun a.

In id niſed o tubun mi imat da, agod inanen dar lo idsad aupasek fidian mi isasi panad an lo, muruan tiag kawan tumado da. <sup>6</sup> Agod in

itumanad go inſan kagin panek paen na tumado da. An lo man Kristus id idirad go inſan Taman Bai san pris adi igo woſ gamu tumado da. Aria, id saen fidian lo Jesus yaſan tabisap yau a. In mi saen pempem memel fidian itirnai san dabai aman da ya. Idsad per panek pempem nek ago yen yau a. Rumok.

<sup>7</sup> Ale. In keit lo timtaen titiſaem imado dugo ipalu da!

Ago dop tamolpein fidian mi inſed malad lo dile wa.

Tamolpein a gubak mi yu nam in dusue yan dam dile wa.

Gugoi fidian a tan titin fidian lo dumado dan, Kristus ipalu dop dilep,

an lo ilod tubun mi saian pe tinaſ tubun mi geig digane wa.

Nek a, rumok!

<sup>8</sup> Anut igo ibol, “ſai mi imug ſumado dak, agod ſai mi murna ſumado da. ſai gubak mi ſumado yak, ſai gamu ſumado da, agod murna dop ſupalu wa. ſai mi dabai fidian amag da ya.”

### *Jon in Kristus ile ya*

<sup>9</sup> ſai Jon, ſai aſanem teimi, ſai aſ da Jesus san warou lo tumado da, agod ſai aſ da tutumanig id sisem muruan da madai da tisini da. ſai aſ da Kristus san kagin panek lo tumado da, agod id fidian mi tatur dabai dugo muruan tisini na ya. ſai Anut san ru, agod ru rumok a Jesus ikubiai panad an dam ſabol ilasa na ya. An niſen o ſai dukudag go subanek tamol oſ ſaug, nui ta yaſan Patmos dubol dan te ſumado se ya. <sup>10</sup> Ubou nal ta lo,

Awan Urgun in ſaisag ilo sou itirni dugo, tamol ta awan dabai geig ak, nek ibol barag san lilaſan igo woſ, ſai patug na iwagin dugo ſaloſ a.

<sup>11</sup> Awan an irupaiag go ago ibol, “Mel fidian e ule den man, buk lo girep, Kris midaeſ seven an sad na ganep yau a. Oſ ka ganep Kris midaeſ o taun Efesus, Smerna, Pergamum, Taiaira, Sardis, Filadelfia, agod Laodisia na yau a.”

\* 1:5: Nitou

<sup>12</sup> Agog ηai tamol enti ηaisag na ininjen dan ηile wo ηadaηsa man, lam gol seven an dutur dugo ηeila. <sup>13</sup> Agod ηai tamol kisaek lam an luluηad lo itur dugo ηile ya. Inj nek ibol “tamol nanun on ηa.” Inj kulos milaen ak iganeg ηien ibuluwi a, agod inj let gol titire na igane ilubani a. <sup>14</sup> Gumuran roun man milkouk geig a, nek ibol sipsip fufulun on, tia, timtaen milkouk ak igo won ηa. Inηsan malan man nek ibol yai ided dak ago mi a. <sup>15</sup> Inηsan ηien man milkouk geig a, nek ibol bras yai tubun ak fo dumarig san ilalaη ad ided dak igo won ηa. Inj awan ηaloη ak san liliηan man, nek ibol dog kuror ak lo you isokalik dop san liliηan tubun geig ak igo mi a. <sup>16</sup> Inj patui seven banin won ak ate yabi da. Agod sabiri milaen di malan uraru luon geig a, inj awan lo yen dugo ipalug ilasa da. Agod inηsan naon man ilalaη geig a, nek ibol ad san ilalaη dabai ak ago mi a.

<sup>17</sup> ηai inj ηile dugo ηien fun na sumeik mi tamol imat ak igo won ηau ηadu ya. Ak man inj banin won ak iwateg ibiag dugo irupaiaη, “On ηa urer na wa. ηai malan te geig ηumado dak, agod murna geig ηumado da. <sup>18</sup> Agod ηai tamol kumaen san ηumado da. Gubak mi ηai ηamat la ya, ak gug ule, gamu ηai kumaen pem-pem ηumado da. ηai mateη san ki agod tamol dumat la yak sad abedi san ki dam ηabi da.

<sup>19</sup> “Ago yak ninen o on melmel e ule den, nek melmel gamu e yen den, agod melmel murnap dilasa wak dam, buk lo gire idu wa. <sup>20</sup> On gubak mi patui seven an banig won ak ate dien dugo wil la ya, agod lam gol seven an dam mi a. En man inj mel mianuk a, agod fun man igo ya: patui seven en man, Kris midaeη seven amaiak sad eηel adi, agod lam seven an man Kris midaeη seven amaiak inηsedi a.

## 2

*Ru Efesus Kris midaeη sad na yau a*

<sup>1</sup> “On ru ta girep taun Efesus na Kris midaeη sad eηel malan te yan san na yau a. Ru man igo ya.

Tamol enti patui seven banin won ak ate yabig, lam gol seven luluηad lo tureη yabi dan, ru en anηsam na iganeg ipalu da. <sup>2</sup> An η Kris midaeη, ηai anηanem kulob fidian, anηanem urat dabai ak, agod muruan lo atur sakar na yan ηaloη la ya. ηai ηaloη ak, tamol saiadi ak ninedi wo ayalis da, agod tamol ensauta a inηsed aposel ago dubol dak gug inj aposel tia yan, bitinaek lo adiraig an lo inj kuai te dilasa man inj sewak tamol adi mi a. <sup>3</sup> An muruan tubun mi dupanaη bo man atur dabai dugo, ηai yaηag ninen o madai wei mi asini na ya, agod an lo dam an ηa ayalis na ya.

<sup>4</sup> Ak gug ηai an ninemi wo ru igo yak amag da ya, saen an imug ilom rumok an lo an ηai o tubun mi amat se ya, ak gug gamu saen en lo man ηai o tubun mi ta amat na da. <sup>5</sup> An au adu geig an ninen o ilom isou wa. An gidad ilom ibilisa wa, agod kagin naok imug mi agane se yan ago mi fon agane wa. Ak gug an ago ta agane na dop man, ηai anηsam na ηupalup, lam a inηanen aben ate itur dan ηupasip ηabal yau a. <sup>6</sup> Ak man an kagin uyan ak kisaek amam da ya. An tamolpein warou a yaηad Nikolaitan dubol dan sad kagin ninen o ilom tubun mi saian da, an lo an ηai da inηaned kagin an ninen o ilod kisaek a.

<sup>7</sup> Aria, talpein enti kududon da dop man, inj gidad Awan Ur ru e Kris midaeη irupidai den ilon η uyanan a. Talpein enti yu igane itout dop, ηai dabai ηupanip an lo, kumaen san ai ate anaη inηanep yani wa. Ai an Anut san abi yaηan Paradais dubol dan, ante isa da.

*Ru Smerna Kris midaeη sad na yau a*

<sup>8</sup> “On ru ta girep taun Smerna na Kris midaeη sad eηel malan te yan san na yau a. Ru man igo ya.

Tamol enti gubak mi imado yak, agod murna dam imado wan, agod gubak mi imat ak, gug gamu kumaen

imado dan, ru en anŝam na iganeg ipalu da. <sup>9</sup> Njai anŝam na muruan di, madai dam ilasa yan naloŋ a. Agod naj naloŋ ak man, an filiam tiag amado da. Ago bo man an filiam amam da geig a. Taida mi, tamol aenta dam an niŋem o ufru dubol dan naloŋ a. Tamol an in Juda sadi ak ago dubol da, ak gug in Juda sad tia geig a. In Satan san midaeŋ mi a. <sup>10</sup> Saen kitekan dap an muruan asini wa, ak gug an niŋem o an gidad ilom ta irer na wa. Njai nŋurupaian da, Satan ago igane dop, in tamol aenta an luluŋam lo subanek lo idirai a, ago dop an lo an ikubianan a. Saen an lo dop an nal 10 muruan in madai da asini wa. Gidad oŋ dufuno umat a, oŋane ilo rumok naj lo yan wabi dabai dop yaup umat a. Ago dop man, kumaen pempem mi mado san kob nŋupano wa.

<sup>11</sup> Aria, talpein enti kududon da dop man, in gidad Awan Ur ru e Kris midaeŋ irupidai den ilon uyanan a. Talpein enti yu igane itout pe, in mateŋ murnai an irinani dop madai an ta ile na wa.

#### *Ru Pergamum Kris midaeŋ sad na yau a*

<sup>12</sup> “Oŋ ru ta girep taun Pergamum na Kris midaeŋ sad eŋel malan te yan san na yau a. Ru man igo ya.

Tamol enti sabiri milaen di malan uraru luon geig ak yabi dan, ru en anŝam na iganeg ipalu da. <sup>13</sup> Njai aben a an amado dan naloŋ uyanan a. Satan san kalik ante yen da. Ak gug an nŋaisag yaŋag abi dabai da, agod an naj niŋem o ilom lo rumok a, anŝam ilo rumok an tamolpein naod na ta atos na ya. Tamol Antipas amaiak nŋaisag a, anŝam panu nek a Satan imado dak ate inanen ilo rumok naj o ibol ilasag niŋem o dufunig imat a. Ak gug saen an lo dam an naj patum ta apanag na ya.

<sup>14</sup> Ak man naj an niŋemi wo ru aenta amag da ya. An Pergamum na amado dan luluŋam lo, tamolpein aenta in tamol a Balaam dubol dan san kagin diabi da. Balaam san kagin man igo ya. Gubak mi kagin sewak Balak

ikubiai panig, an lo Isrel tamolpein irawai dugo, aupasek lo diau dudu ya. An lo Balak Isrel adi iduduwaig, mudan a gob adi tubud sewak yai digane pidinai se yan diani dugo, jeit kagin dam digane se ya. <sup>15</sup> Nek ago mi, tamolpein naok ago yak ta an luluŋam lo dumado da, in warou a Nikolaitan dubol dan sad piteŋanek duri dupani da. <sup>16</sup> Ago yak niŋem o an ilom ibilisa wa. Tia dop, naj gugurut nam anŝam na nŋupalup, sabiri e awag lo yen den, ate tamolpein an nŋafu wa.

<sup>17</sup> Aria, talpein enti kududon da dop man, in gidad Awan Ur ru e Kris midaeŋ irupidai den ilon uyanan a. Talpein enti yu igane itout dop, naj mana a mianuk lo yen dan kitek in nŋupanip yani wa. Mana an Isrel adi tan kawan ak lo diani se ya, ak gug gamu mianuk lo yen da. Agod naj pat milkouk ak ta dam nŋupani wa. Njai pat ante yaŋak foun ak ta nŋigire wa, ak man yaŋak an tamol sen ak ta fun ilon san tia ya. Tia, talpein a pat inane dan mi yaŋak an fun ka ilon a.

#### *Ru Taiataira Kris midaeŋ sad na yau a*

<sup>18</sup> “Oŋ ru ta girep taun Taiataira na Kris midaeŋ sad eŋel malan te yan san na yau a. Ru man igo ya.

Ru en man Anut Nanun anŝam na iganeg ipalu da. In malan ided dak yai balen igo won a, agod niŋem dam ided da, nek ibol bras dusosisi uyanan ak igo won a. <sup>19</sup> Kulob fidian an agane dan, naj naloŋ la ya. Njai naloŋ ak, an tamolpein niŋedi wo tubun mi amat da. Agod an naj niŋem o ilom lo rumok da. An urat naon sensen ak lo aenta abinawai o agane da. An bo muruan wei mi an lo ilasa dugo atur dabai da. Agod naj naloŋ ak, kulob e gamu agane den, kulob a imug mi agane se yan irinani a.

<sup>20</sup> Ak man an niŋemi wo naj ru ta amag da ya. An pein Jesebel alefuni dugo in an da amado da. Pein an in profet ak ibol da. An lo in nŋaineg Kris tamol adi irawai dugo jeit kagin lo diau dudu da. Taida mi, in mudan a

tamol aenta tubud sewak adi yai digane pidinai dan ka diani wo manau ipitejanai da. <sup>21</sup> Inj ilon ibilisa wo naj ilog yen da, amaiak ninen o saen subunan taidam nupani a. Ak gug ilon ibilisap jeit kagin ibisei wo man imoi a. <sup>22</sup> An ninen o naj pein an subam lo njiganep, madai tubun ak injane wa. Ago dop tamol adi dida jeit digane na yan, pein an san kagin saiak ta dibiseip ilod ta ibilisa na tap, an ninen o naj muruan tubun ak, agod madai tubun mi nupidinai a. <sup>23</sup> Agod pein an injanen warou adi dam njafup dumat a. Ago dop an lo Kris midaen fidian duloj ak, naj man tamol ema ya: naj an ilom ilon lo, agod ananem kankan lo dam njukubanip ananem bunun mok mi njile uyanan a. An ninen o kulob dugo agane dan injan naon naj an kisaek kisaek nupana a. <sup>24</sup> Ak gug gamu an tamolpein aenta, Taiataira san Kris midaen lo amado dan, pein an san pitejanek ta ari apani na dugo, Satan san melmel imianuk geig go yen dan dam ta alon na dan, anjam na ru en njabol ilasa da. An muruan subunan taidam asini wo naj ta njududuwan na wa. <sup>25</sup> An melmel fidian nek a abi dan, gidad abi dabai dop na wa. Ago mi agane dop yaup saen naj njamul njupalu san ilasa wa.

<sup>26-27</sup> Talpein enti yu igane itout dop njaisag ilobol mi iri ipani dop yaup saen wadan idu wan, naj igo njurupei da. Bai wagen lo dabai njinaneg, an lo tamolpein njitirnai ak ago mi, talpein an naj dabai nupanip an lo inj dam tan en san tamolpein itirnai a. Anut san ru ago ibol,

‘Inj itirnai dabai dop kinj san makud ain nam ifu irubai a,  
nek ibol tamol bod igufutep kilaken kitiktik ilasa dak igo won ago igane wa.’

<sup>28</sup> Agod naj patui tidom lom mi mok ilasa dan nupani wa. <sup>29</sup> Aria, talpein enti kududon da dop man, inj gidad Awan Ur ru e Kris midaen irupidai den ilon uyanan a.

### 3

#### *Ru Sardis Kris midaen sad na yau a*

<sup>1</sup> “On ru ta girep taun Sardis na Kris midaen sad enjel malan te yan san na yau a. Ru man igo ya.

Tamol enti Anut san Ur seven aman da dugo patui seven dam iburou dan, ru en anjam na iganeg ipalu da. Naj an kulob fidian agane dan njalon la ya. Tamolpein an njinemi wo igo dubol da, ‘midaen en malad kumaen dumado da,’ ak gug an amat pasik a. <sup>2</sup> An gidad kumaemi amasa dop lo ananem kulob kisaek kisaek dumat o sumeik dan dabai apidinai a. Man dugo, ananem kulob fidian njukubanig njile la ya, an ninen o kulob amaiak njaisag Anut malan lo ta itaot na yak ago kuai nupani a. <sup>3</sup> Amaiak ninen o ru a gubak mi alon dugo anane yan, ilom isou wa. An ari apani dop ilom ibilisa wa. An njion mi abi dop ta amasa na tap, naj gumagam tamol igo won anjam na njupalu kisaek on a, ak gug saen dugon te naj njupalu san man an ta alon na wa. <sup>4</sup> Ak man ananem midaen Sardis na yan lulunad lo tamolpein kisaek kisaek injaned kulos nun ta dupani na ya. Tamolpein an inj kulos milkouk ak didirip naj dida mator a, man dugo, inj ago digane san man idaisuda ya.

<sup>5</sup> Talpein enti yu igane itout dop, inj dam ago mi kulos milkouk ak igane wa, agod naj kumaen san buk lo yanjan ta njusuas na wa. Tia, njaisag Bai naon na talpein an yanjan njabol ilasa wa, agod injan enjel adi naod na dam yanjan njupate wa. <sup>6</sup> Aria, talpein enti kududon da dop man, inj gidad Awan Ur ru e Kris midaen irupidai den ilon uyanan a.

#### *Ru Filadelfia Kris midaen sad na yau a*

<sup>7</sup> “On ru ta girep taun Filadelfia na Kris midaen sad enjel malan te yan san na yau a. Ru man igo ya.

Tamol enti a gun an, agod kagin rumok ak aman da yan, ru en anjam na iganeg ipalu da. Inj Dawid san ki yabi da, an ninen o dalawan dugon



ipasi man, talpein ta ifutani san tia ya, agod dalawan a ifutani dan dam talpein ta ipasi san tia geig a. <sup>8</sup> Nai kulob fidian a anj agane dan njalon la ya. An ninjen o ale, dalawan ta an naom na naj nupasig ikasap go yen da, amaiak tamol ta ifutani san tia ya. Ak man naj njalon ak igo ya. Anjanem dabai man tusan a, ago bo man an njaisag ru ari apani na ya, agod an tamolpein naod na naj yanag ta atos na ya. <sup>9</sup> Tamolpein a Satan san warou lo dilasa yan, inj Juda sad warou lo yak dubol da, ak gug an rumok tia ya, inj sewak tamol adi. Nai tamolpein an njiririaip anjam na dupalu dop njem fun na turud dusoluwi wa. Agop naj inj nsodudunaip insigane awad lo, naj an njemi wo tubun mi njamat ak ago dubol a. <sup>10</sup> Gubak mi naj ru en njurupaian a, an muruan fidian lo atur dabai a. An ru an ari apani na ya, an ninjen o naj an njubargiranan a. Kubianek saian geig ak ipalu da, an lo tamolpein aben titin fidian lo yan ikubianai wo ilasa wa. Ak gug saen an lo naj kagin njupanan dop muruan an irinanan a.

<sup>11</sup> Saen naj tan na njamul njupalu wan ipalu sumeik la ya. Melmel fidian an abi dan man, gidad abi dabaip yen a. Kabelan talpein ta anjanem urat naon igam banau. <sup>12</sup> Talpein enti yu igane itout dop, njaisag Anut san ubou ab lo inj bag tamol igo won njuguni wa. Ago dop inj Anut san ubou ab ibiseip kuai te ta ilasa na wa. Tia geig a. Agod naj njaisag Anut san yanak inj tinin fo njigire wa. Agod njaisag Anut san taun tubun ak man, Jerusalem foun a, amaiak san yanjan dam, agod njaisag yanag foun ak dam, inj tinin fo njigire wa. <sup>13</sup> Aria, talpein enti kududon da dop man, inj gidad Awan Ur ru e Kris midaen irupidai den ilon uyanan a.

### *Ru Laodisia Kris midaen sad na yau a*

<sup>14</sup> “On ru ta girep taun Laodisia na Kris midaen sad enel malan te yan san na yau a. Ru man igo ya.

Tamol enti yanjan ‘Rumok’ dubol dan ru en anjam na iganeg ipalu da. Inj mi ru rumok san tamol, pempem Anut san ru an itaot geig ibol ilasa da. Melmel a Anut igane yan tamol enti a yanjan ‘Rumok’ dubol dan mi sad Tirnek Tamol imado da. <sup>15</sup> An kagin fidian a agane dan naj njalon la ya. An ta bubarum na dak, agod an ta wananan na da. Njaisag ilog yen dak man, an wananan amado wa, tia dop, an bubarum mok amado wa. <sup>16</sup> Ak gug an wananan geig tia ya, agod an bubarum mok dam tia ya. An wananan tusan mi a. Ago yak ninjen o awag lo naj an njugulan an o da. <sup>17</sup> Man dugo, an igo abol da, man moni wei mi, agod bioun naok fidian dam amam da ya, an lo mel ta lo katuk am man tia ya. Gug njaisag leil lo man, an saiami geig a, tamol fidian an njemi wo ilod ka imunan an a, an filiam tia ya, agod malam itau di taem kawan amado dan, an an fidian ta ale alon na ya. <sup>18</sup> Amaiak ninjen o naj kankan emaiak njupanan o da. An njaisag na apalup melmel ibunawan san ka adad a. An gol yai lo dumarig itaotan ilasa yan adad dop man, an filiam mok amam da wa. Agod an kulos milkouk ak tinim atuani san adad dop man, tamol adi an taem kawan amado dan ta dile na wa, an lo miai ta ifunan na wa. Taida mi, an marasin malam te abubuni san adad dop man, aban ka ale wa.

<sup>19</sup> Tamolpein a naj ilog njupidinai dan man, naj ru lo kududod njabip bu dam njupidinaip lo injaned kagin naok naok njukubune wa. Amaiak ninjen o an ilom ibilisa dop njaisag dal ari apani san ninjen o dabai agane wa. <sup>20</sup> Alon ak, naj dalawan te njatur dugo njuwagin da. Ago dop talpein ta naj awag ilon pe dalawan ipasi tap, naj njiladup inj da mumado wa. Ante naj inj da anan mani wa.

<sup>21</sup> Talpein enti yu igane itout dop, naj inj dabai njupanip an lo inj naj da njaisag kalik fo mumasip mumado wa; nek ibol gubak mi naj dam yu njigane itout go, Bai san kalik fo njumasig inj

da mumado yak ago mi a. <sup>22</sup> Aria, talpein enti kududon da dop man, in gidad Awan Ur ru e Kris midaen irupidai den ilon uyanan a.”

#### 4

##### *Kumaen panu lo Sipsip Nanun san ubou leil*

<sup>1</sup> Murnag nai malag yau man, kumaen panu na dalawan ta ikasap lag yen dugo nile ya. Ago man tamol en gubak mi, barag igo won awan tubun mi ibob dugo nalon man, gamu igo ibol da, “On ente palup sida dop man, nai melmel murnap ilasa san nukubiaip ule wa.” <sup>2</sup> Agog Awan Urgan tuon aman da naisag na ilasag malag nutun ile kisaek on a. Malag yaug kumaen panu na kin san kalik ta itur dugo nile yan fufo, Tamol ta imasig imado dugo nile ya. <sup>3</sup> Tamol en insan rafulei man kadabog a, nek ibol pat ta yanjan jaspas dubol dan, agod san daran ak dam nek ibol pat ta yanjan konilian dubol dak igo won a. Galbaob kisaek kin san kalik ilubanig, insan rafulei man mum\* mok, nek ibol pat a yanjan emeral dubol dan igo won nile ya. <sup>4</sup> Kin san kalik fun te kalik aenta 24 dutur dulubani a. Matu gurman adi nuḡod 24 kalik an fufo dumasig dumado da. Matu gurman adi an man in kulos milkouk milmilae ak didiri dugo, kitikat gol lilit aman da yak kabunad fo didirig dumado da. <sup>5</sup> Kin san kalik fo na weil irafule dugo nile ya, agod liliḡan funfun dilasa dugo weil tubun mi ilinḡan dugo nalon a. Kalik malan te yan naon na man sul seven dided dugo dutur se ya. Sul seven an man Anut san Ur seven ama ya. <sup>6</sup> Agod kalik an naon na man, mel ta naisag leil lo nek ibol beig galas igo won, agod you malin malan sinjaokan ak igo won a.

Ago dugo melmel iwoiwo kumaedi dumado dan, in kin san kalik dububanig dutur da. In kalik a sukuran iwoiwo yan da dusatuanig dutur dugo kalik disasunani da. In sad maladi man wei mi geig, naod na patud

na tinid fidian inane fute ya. <sup>7</sup> Mel malan te kumaen imado dan man nek laion on a. Mel taida mi kumaen imado dan man, makau tamol ak on a. An tinin te taidam, kumaen imado dan man naon nek tamol on a. Agod mel a murna geig kumaen imado dan man, bog ta irou dak igo won a. <sup>8</sup> Melmel iwoiwo e kumaed dumado den, in anen anen subarid 6 amad da ya. Agod maladi man wei mi geig, tinid ibuluwi yaug, subarid paen na dam yen da. Ago dugo in ad tidom bar en pempem igo diabi da.

“Tubud Anut in dabai fidian aman da ya,

in gun di gun agod gun geig a.

In gubak mi imado yak, gamu imado da, murna dop man ipalu wa.”

In yaes bilabal amad tia ru en dubol da. <sup>9</sup> Melmel e kumaed dumado den, Tamol a kin san kalik fufo imasig kumaen pempem imado dan ninen o, saen pempem mi uyasusai digane da. An lo na yanjan diabisa dugo, ilo uyan dam dupani da. Agod nal fidian melmel iwoiwo kumaed dumado dan, ago mi digane da. <sup>10</sup> Saen ago digane dan lo, matu gurman nuḡod 24 yan, in Tamol e kin san kalik fo imado den naon na turud dusoluwi da. Agog in Tamol nek a pempem mi kumaen imado dan in ubou an dile da. Ago dugo insiganed kitikat gol aman da yan dupasi dugo, kin san kalik naon na sumeik mi diabibol idu dugo, bar igo diabi da.

<sup>11</sup> “Tubun ak, on man sama Anut, on girager ama da yak, on yanjalak na geig ak, agod on dabai ama da ya.

An lo tamolpein kagin amaiak ninen o per dupano wa, agod in ago digane san man on idaisuda mok a.

Man ata wo? On mel fidian onsigane ulon ak lo gane ya,

an lo mel fidian ganeg dilasa yan gamu on tuo lo mi dien da.”

\* 4:3: Grin

## 5

*Buk dufutani ak Sipsip Nanun awan ipasi a*

<sup>1</sup> Tamol en kin san kalik fo imasig imado dugo, tuon won ak ate buk ta yabi dugo nile ya. Buk en man nek ibol pepa milmilae ak dubuleg dufou yak igo won a. Pepa an man girek naon ananae mi dien da. Pepa an dulumu yang titin seven an lo, kendel san gurenj nam dufou dababai dugo kendel san gurenj seven an fidian mi tinid fo na kob ta digane ya. <sup>2</sup> Ago man naj enel ta dabai aman da geig ak, awan tubun mi igo isasaig iwagin dugo nile ya. “Tamol idaisuda yak enti, inj kendel san gurenj e lo buk dufoug yen den ka ifulalep ipasi wak i?” <sup>3</sup> Ak gug tamol ta inj ka buk en awan ipasip, ilon lo girek isuti san tia ya. Kumaen panu lo, tan na, agod tan paen na dam ate abanj an diabi se yak gug tamol ta idaisuda yak dile man tia ya. <sup>4</sup> Saen tamol ta inj buk en awan ipasip, ilon lo ru isuti san dile man tia dugo naj nile man, tinaj tubun mi njigane da. <sup>5</sup> Agog matu gurman ta igo irupaiag a, “Onj ta tata na wa. Ule, Laion e Juda san dar lo ilasag yen den man, kin Dawid san tubun muroun sad kubuladi, inj yu igane itout dugo injsan ager adi ibiai dudu ya. Ago yak ninjen o inj ka kendel san gurenj seven a ate buk dufutani an ipasip ifulale wa.”

<sup>6</sup> Agog naj Sipsip Nanun ta itur dugo nile ya. Injsan leil man dufunig imat ak igo won a. Inj kin san kalik titinjaem itur dugo, mel iwoiwo a kumaed dumado dan, agod matu gurman adi dulubanig dutur se ya. Injsan fai an seven, ago dugo malan dam seven. Malan seven nek an Anut san Ur seven ama ya. Malan seven an Anut idinaig tan titin fidian lo dufufurak go diau a. <sup>7</sup> Aria, Sipsip Nanun yang Tamol a kin san kalik fo imado dan banin won ak ate buk injane ya. <sup>8</sup> Saen buk an injane man, mel iwoiwo kumaedi dumado dan, agod matu gurman adi nunod 24 an

dam, Sipsip Nanun njen fun na diau dudu ya. Matu gurman adi anen anen inj mel ta gita igo won,\* agod gol daeg kisaek diabi se ya, ago dugo yakas mumalun uyanan ak daeg an fidian lo ilasa se ya. Yakas en man nek Anut san tamolpein sad gudanek amaiak touad yabi a. <sup>9</sup> Inj bar foun ak ta igo diabi da,

“Onj buk njanep kendel san gurenj ate buk dufutanig dufou yan fidian onj pasi san ulonj a.

Onj ago gane san man idaisuda geig a.

Ata wo, inj onj dufuno umat dugo, onjane dar lo tamolpein Anut tuon lo dirai san udad a.

Tamolpein aenta man, warou fidian lo yak, muroun ru fidian lo yak, tinik naon sensen lo yak, agod tan titin fidian lo yan onj udad unjal a.

<sup>10</sup> Onj inj tumanaig an lo Anut san kagin panek an paen na dumado da, ago dugo inj dam Anut san pris adi dilasa ya.

Agod inj tan na kin igo won dumadop tamolpein ante dumado dan ditirnai a.”

<sup>11</sup> Agog naj malag yang enel wei geig neil dugo sad awad njalonj a. Injsad sutek man milion milion geig agod tausen tausen geig a. Inj mel kumaedi dumado dak, matu gurman adi, agod kin san kalik dam dulubanig dutur se ya. <sup>12</sup> Inj awad tubun mi bar igo diabi se ya,

“Sipsip Nanun e dufuni imat en, inj dabai, filian, manjau, tuon dabai ak, yanjan lak na geig ak, girager agod per dam, amaiak fidian injane san idaisuda mok a.”

<sup>13</sup> Ago man naj melmel fidian Anut igane yak sad ru njalonj a, melmel nek a kumaen panu lo yak, tan na dumado dak, agod tan paen na dien dan, beig lo da mi a. Mel a fidian aben fidian lo dien dan, igo dubol dugo naj njalonj a.

\* 5:8: Harp

“Tamol e inſinan kin san kalik fo imado den, agod Sipsip Nanun dam,  
in sisem per panek, yanak lak na yak, girager, agod tuon dabai ak da nek ago mi pempem mi diſane wa.”

<sup>14</sup> An lo mel nuſod iwoiwo kumaedi dumado dan, igo dubol, “Rumok!” Ago dugo matu gurman adi turud du-soluwig, urarum naod na ubou dile se ya.

## 6

### *Sipsip Nanun kendel guren buk dufutani an yafuteg ipasi a*

<sup>1</sup> Nai leil niganeg Sipsip Nanun in kendel guren malan te yak yafute dugo nile ya. Agog mel iwoiwo kumaedi dumado dan, luluſad lo kisaek in ru ta ibol a. Inſan kulagun man weil ilin an on da, in igo ibol, “Palu!”

<sup>2</sup> An lo nai malag yau man, tamol ta in hos milkouk ak fufo imasig fui yabi dugo nile ya. In tamol yu iganeg itout ak san kitikat kisaek dupani a. In man tamol yu igane itout ak igo won a, aria, tan na ilasag yu iganep itout san ninen o yau dugo nile ya.

<sup>3</sup> Saen Sipsip Nanun kendel guren tinin te buk dufutani an yafute man, nai mel a tinin te kumaen imado dan igo ibol dugo nalon a, “Palu!” <sup>4</sup> Agog hos sen ta ilasa yak man daran a, nek ibol yai balen tubun ak igo won a. Tamol a fufo na imado dan dabai dupani a. Dabai an man, tamolpein tan en san inaned maror nugnug lo yan ipasi yau san, an lo tamolpein dumasap nugnug lo yu digane dop lo mateſ dile wa. An ninen o sabiri tubun ak ta dupani a.

<sup>5</sup> Saen Sipsip Nanun kendel guren utol buk dufutani an ipasi man, nai mel a tinin te kumaen imado dan igo ibol, dugo nalon a, “Palu!” Ante nai malag yau man, hos bilkas ak kisaek ilasa dugo nile ya. Tamol a fufo na imado dan in skel\* kisaek tuon lo yabi se ya. <sup>6</sup> Ago man nai mel iwoiwo

a kumaed dumado dan, luluſad lo liliſan ta nek ibol tamol awan lo ru ibol dak igo won nalon a. An lo man awak en igo ibol, “On waup anaſ kiskisaek daon pidinai a. Ago dop tamol ta nal kisaek urat igane yan san naon inaneſ ate wit bod nanun ak kisaek ka idad a, tia dop, bali bod kititik utol mi ka idad a. Ak man on ai oliv agod ai wain da daon ta pidinai na wa, an lo dop ai uraru an guren lo ta katuk amadi na wa.”

<sup>7</sup> Saen Sipsip Nanun kendel guren iwoiwo san buk awan dufutani an ipasi man, nai mel utol an tinin te kumaen imado dan igo ibol dugo nalon a, “Palu!” <sup>8</sup> Nai foun mi malag yau man, hos tinin mateſ san kitek milkouk ak ta ilasa dugo nile ya. Tamol a fufo na imado dan inſan yan an Mateſ, agod aben a yan an Ades dubol dan lo tamolpein dumat la yak dumado dan man, Mateſ patun fo iri ipalu se ya. Nuſod uraru an tamolpein warou iwoiwo lo ditarpalep, warou kisaek dufu dumat san dabai dupidinai a. Ago dop uraru an kadag† lo, subam naon funfun lo, sabiri nam tamolpein dufup dumat a, ago mi tan san bor gown kasik ak dam dufu dumat a.

<sup>9</sup> Saen Sipsip Nanun kendel guren kafenda ipasi man, nai tamolpein dumat ak ntuſudi alta paen na dumado dugo neil a. Gubak mi tamolpein nek an man, in Anut san ru diabi dabai dugo inſan ru itaot dubol ilasa na ya, an ninen o ager adi tuod lo mateſ dile na ya. <sup>10</sup> Tamolpein ntuſudi an awad tubun mi igo duwagin se ya, “O Tubun en, on Dababai a, on gun di rumok a. Saen sapta yau dop man, on tamolpein tan na dumado den kubianaip inaned ai wadan ninen o ilo sou gane wak i? Maſ iloma igo yen da, in dufunama mamat san naon on ririan ka pidinai a.” <sup>11</sup> An ninen o kulos milmilae milkouk ak, tamolpein kiskisaek dupidinai dugo, ru igo durupidai a. “An gidad yaes kitek abal gup, murna dop man ager adi ananem

\* **6:5:** Ru en man, muruan ibitinae san. † **6:8:** Futol



urat kisaek adi Kristus njen aban duri dan dufup dumat a, nek ibol ansem dufunan ak igo mi a. Aria, Anut tamolpein sapta maten dile san kob ipidinai la ya. An lo maten dinane yaup inaned sutek san kob idaisuda wa, ago dop Anut ananem ager adi yu digane yan naon ipidinai a.”

<sup>12</sup> Agog Sipsip Nanun kendel guren siks an ipasi dugo nile ya. Njai malag yau man, kanaurig tubun geig ak dam tan na ilasa dugo nile ya. An lo man ad bilkas, nek ibol tidom tubun ilasa won a. Kalam dam nek ibol dar igo won daran geig ilasa ya. <sup>13</sup> Agod keit san patui man, nek ibol tim tubun ak ifure dop gurab nunon ta ilubon na yak ikuparip tan na dudu dak igo won, nek ago mi patui an tan na dudu ya. <sup>14</sup> O lak na keit dam yau itout a, nek ibol taweg dulumu yaug dufou ak on a. An lo na did dam nui dam dusuk diaug insiganed abed dibiseig aben sensen lo diau a.

<sup>15</sup> An lo man tan san kin adi agod tamol yanad aman da yak, yu tamol adi sad gurman adi, moni tamol adi, tamol dababai ak, bigabeg adi, tamol kawan dumado dak, fidian mi geig dusol go diau a. Aenta pat tutubun a did lo yan patud fo dimianuk dugo, aenta pat guburan lo dimianuk a. <sup>16</sup> Agog in disasai dugo did in pat da digiaig igo dubol, “An gidad adup man atuanama dop, Tamol e insinan kin san kalik fo imado den, man mile san ninen o abtuanama wa, man dugo, inanen naon mile wo tubun mi marer da. Agod Sipsip Nanun man ninema wo tinjaen imumari da, amaiak man sinjirema na ta ilasa san ninen o adup atuanama wa. <sup>17</sup> Enta wo? Nunod uraru en sad nal tubun ak ilasa la ya, nal an lo man inaned tinjae mumarek tamolpein ifu wa. Amaiak ninen o enti in uraru an sad dabai yabiani dop imado uyan ak i? Tan en lo talpein man tia geig a!”

## 7

### *Isrel tamolpein 144 tausen kob dinane ya*

<sup>1</sup> Mel en fidian itout dugo, naj enjel iwoiwo tan titin iwoiwo ante dutur dan neil a. In tan titin iwoiwo yan san tim diabituan se yan lo tim ta ifure na ya. Tim an tan na, beig lo, agod ai fidian ta iwi na ya. <sup>2</sup> Ago man ad ilasa san banen lo enjel ta ilasag ipalu dugo nile ya. In banin lo tuod\* ta kin san kob aman da yak yabi se ya, an lo mel kob igane san man, Anut a pempem kumaen imado dan insan mi a. Enjel iwoiwo yan gubak mi Anut dabai ipidinaig, an lo murnap in tan beig da ka dupitininai a. Aria, enjel a imug nile yan awan tubun mi lo enjel iwoiwo yan igiai a. <sup>3</sup> In igo ibol, “An tan, beig, agod ai da, gugurut nam muruan ta apidinai na wa. Tia, man idsad Anut san kob, insan urat tamol adi naod kapen fo migane gup, melmel an malad ka asue wa.”

<sup>4</sup> Agog tamolpein sapta kob a dinane yan dubol dugo naj njalon a. Sutek an man tamolpein 144 tausen, sisem kob an dinane ya, tamolpein an Isrel san gugoi anen anen lulunad lo dilasa ya.

<sup>5</sup> Juda san gugoi lo 12 tausen kob dinane ya.

Ruben san gugoi lo 12 tausen,  
Gad san dam 12 tausen.

<sup>6</sup> Ago mi urig 12 tausen ta Aser san gugoi,

12 tausen ta Naftali san gugoi,  
12 tausen ta Manase san gugoi lo ya.

<sup>7</sup> Nek ago mi 12 tausen ta Simion san gugoi,

12 tausen ta Lewai san gugoi,  
12 tausen ta Isakar san gugoi lo ya.

<sup>8</sup> Nek ago mi 12 tausen ta Sebulon san gugoi,

12 tausen ta Josef san gugoi,  
12 tausen ta Benjamin san gugoi lo ya.

Tamolpein en in Anut san kob dinane ya.

*Tumanek tubun ak lo tamolpein kulos milkouk ak didiri da*

\* 7:2: Kin san mitilaen ai fo dusuwari ak

<sup>9</sup> An itout dugug ηai malag yau man, tumanek tubun mi geig kin san kalik, agod Sipsip Nanun dam, naod na ditilianig dutur se yan ηeil a. An lo man talpein ta isutai san ta ilon na ya. Tamolpein an man warou fidian lo, tinik naon sensen lo, muroun ru fidian lo yak dupalug dutumani a. In kulos milkouk milmilae ak didiri dugo, banid lo man pator roun duburou se ya. <sup>10</sup> In awad dabai geig igo duwagin se ya,

“Idsad patu pasek an man, Anut a inanen kalik fo imado dan, agod Sipsip Nanun dam, in nunod urarum patu pasek an san fun mok a.”

<sup>11</sup> Ago dugo enel fidian man, kin san kalik, gurman adi, agod mel iwoiwo a kumaed dumado dan dida dulubanaig dutur se yan, ditakoksig naod kapen tan dusueg Anut ubou an dile ya. <sup>12</sup> In igo dubol,

“Rumok geig, per, girager, manau, ilo uyan panek, yanak tubun, dabai tubun, agod tuon dabai geig ak dam, an fidian pempem mi man Anut san mi a. Rumok!”

<sup>13</sup> Agog gurman ta tamol gurman adi luluηad lo yak ηai igo isumianag a, “Tamolpein nek a kulos milmilae milkouk ak didiri an, en sauta yak i? In aben dugon te dupalu yak i?”

<sup>14</sup> Ago man ηai ru naon ηurupeig ηabol, “Tamol tubu, on mi ulon a.”

Agog in igo irupaiag a, “Tamolpein en man muruan tubun ak madai da lo, Anut irapasaig kuai te dilasa ya. In gubak mi Sipsip Nanun san dar lo inaned kulos dufulanig, kulos an milkouk geig ilasa ya. <sup>15</sup> Amaiak ninen o,

“In Anut san kalik naon na dutur da. Ad tidom in san ubou ab lo dumado dugo, Anut o biabi digane da.

Tamol a inanen kalik fo imado dan, in dida sumeikan dumado dop dumui igo won ηibalfutanai a.

<sup>16</sup> In fon kadag ta ibiai na wa, agod in kulagud ta igos na wa. Ad dam tinid ta inani na wak,

mel ta tinid iganep wananan geig san tia ya.

<sup>17</sup> Ata wo, Sipsip Nanun in kin san kalik titinae mi imado dan, insad titianek tamol imado wa.

In kumaen san you ibanai dan san aben ate diau san ninen o ulum ad yabi wa.

Agod Anut in sen mi inaned malad turon fidian mi isasi dop tinan fon digane san tia ya.”

## 8

### *Sipsip Nanun kendel guren seven an ipasi a*

<sup>1</sup> Saen Sipsip Nanun kendel guren seven a buk dufutani an ipasi yau man, kumaen panu lo mel ta liliηan igane san tia yak, agod ru taidam ilasa san tia ya. Ago mi yaug auwa wadan mi igo won a.

<sup>2</sup> An itout go ηai enel seven e Anut naon na pempem dutur den ηeil a, ago dugo barag seven dupidinai a.

<sup>3</sup> Agog enel sen ta ipalug alta fun na itur a. In paura san daeg gol yakas mumalun uyan geig igane ilasa dak yabi a. An lo man in paura naok an wei mi geig dupani dop, in ate Anut san tamolpein fidian sad gadin da itumani wa. Ante Anut san kalik naon na yai niganag san alta gol itur dak ate Anut yai digane dupani wa. <sup>4</sup> Aria, yakas an in san mumalun uyan ak in Anut san tamolpein sad gudanek da itumanig, enel e Anut naon na itur den, banin ibiseig lak na yau a. <sup>5</sup> Ago man enel an alta san yai in aneg, daeg an lo ikulmaek go inawai a. Agog in daeg an tan na ibildu ya. An lo man, saen wei mi keit iliηan se yak, liliηan funfun dilasa se yak, weil irafule dugo kanaurig dam ilasa ya.

### *Barag seven enel adi duwi a*

<sup>6</sup> Agog enel seven a barag seven duburou dan, in barag an duwi wo sed ikubianaig mala nouk dumado se ya.

<sup>7</sup> Agog enel malan te yak in san barag iwi dugo ui ais agod yai in dar da dilasag enel an iburoug tan

na isuwaraig dudu ya. Aria, tan en ai fidian da itarpaleg malan utol dilasag, luluᅇad lo malan kisaek muruan ipani wa. Ui ais agod yai dar anda dudug mel a utol amaiak malan kisaek dufuni a. An lo man tan ai fidian malan kisaek ilon lo yan yai inanai pasi a. Ago dugo gafurfur mum\* ak dam fidian mi yai inani yau a.

<sup>8</sup> Agog enel tinin te imado dan inᅇsan barag iwi dugo, mel ta did tubun ak inani dak igo woᅇ, dubuli beig lo idu ya. Aria, beig itarpaleg malan utol dilasag, luluᅇad lo malan kisaek muruan ipani a. Malan kisaek an lo man, beig dar igo woᅇ ilasa ya. <sup>9</sup> Mel beig lo kumaedi an dam, inᅇ warou ditarpaleg utol dugo, warou kisaek mi dumat pasik a. Nek ago mi, wog fidian beig aten fo weinᅇ diabi dan dam, warou ditarpaleg utol dugo warou kisaek mi daonᅇ inane ya.

<sup>10</sup> Agog enel uraru an tinid te imado dan, inᅇsan barag iwi dugo patui tubun ak kisaek, sul igo inani fufari ak, keit ibiseig yau idu ya. You bururuk yau dan fidian, warou ditarpaleg utol dugo, patui tubun an idug warou kisaek an mi ifuni a, nek ago mi, you gib lo ibanai dan fidian, warou ditarpaleg utol dugo, patui an you naok an dam ifuni a. <sup>11</sup> Patui en san yanᅇan man “Gigen Geig” ago dubol da. Inᅇ you warou kisaek fufo na idu dugo, you an gigen geig ak ago ilasa ya. You a duluk an lo tamolpein wei kasik mateᅇ dile ya.

<sup>12</sup> Agog enel a utol an tinid te imado dan, inᅇsan barag iwi dugo, mel ta ipalug, ad, kalam agod patui muruan ipidinai a. Nuᅇon igane ilasa man igo ya. Nal anen anen, saen lapan ad ided dak san lilaman ta ilasa na ya, agod saen lapan tidom san lo dam kalam san lilaman ta ilasa na ya. Patui lo dam nek ago mi a. Lilaman lapan fidian ditarpaleg utol dugo, lapan kisaek ta ilasa na ya, ad lo, tidom lo dam nek ago mi a.

<sup>13</sup> Nai malag yau dugo bog ta tubun ak keit titiᅇae mi irou dugo ᅇile ya. Inᅇ awan tubun mi igo iwaginᅇ se ya, “Muruan di muruan agod muruan tubun geig tamolpein a tan na dumado dan sad na ilasa wo da. Enᅇel wadan nuᅇod utol amaiak inᅇaned barag duwi wo da, saen barag an duwi dop muruan tubun geig ak ilasap tamolpein disini wa.”

## 9

<sup>1</sup> Agog enel a enel iwoiwo tinid te imado dan, inᅇsan barag iwi dugo patui ta ᅇile ya. Gubak mi keit ibiseig tan na yau idu ya. Inᅇ gib kuror geig fun tia yan san dalawan san ki dupani a. <sup>2</sup> Agog patui an gib kuror an awan ipasi a, agog yakas gib an lo ilasa yan, yai tubun ak san yakas igo woᅇ a. Agod yakas a gib lo ilasa yan, ad inᅇ keit da ibuluwaig ad inᅇ keit da tidom tubun dilasa ya. <sup>3</sup> Agog mel wei mi sad leil man makmaguk igo woᅇ, yakas en dibiseig tan fidian lo diau a. Inᅇ dabai a diᅇane yan man, nek ibol tan en san buramat ai sukulon lo dumado dan sad dabai igo woᅇ a. <sup>4</sup> An lo inᅇ makmaguk adi ru igo durupidai, “Anᅇ tan en san gufurfur, garanᅇ agod ai fidian dam daonᅇ ta mok apidinai na wa. Tia, anᅇ tamolpein nek a Anut san kob naod kapen fo tia yan mi madai apidinai a.” <sup>5</sup> Anut yilafu onᅇ dugo kalam kafenda lo tamolpein madai tubun geig ak dupidinai a. Ak gug dufu dumat san geg ipidinai a. Aria, madai dupidinai na yan man, nek madai a buramat uyun bitinᅇen si anda yak nam talpein isue dak igo mi a. <sup>6</sup> Saen en lo, tamolpein mateᅇ san dal abanᅇan diabi wa, gug ta dumat na wa. Inᅇ dumat o ilod tubun mi yen da, ak man mateᅇ tamolpein an ibisawaip isol yau a.

<sup>7</sup> Nai makmaguk en ᅇeil duman, inᅇ hos yu digane wo tawanᅇ digane woᅇ da. Inᅇsad kabuᅇad fufo mel ta gol kitikat igo woᅇ dien da. Naodi man tamol naod isiai a. <sup>8</sup> Inᅇsad gumurad roun dam, pein adi sad igo mi a.

\* 8:7: Grin

Agod inſad luod dam laion luodi igo wonſ a. <sup>9</sup> Nek ago mi inſad titiredi man, mel ta siot kapa igo yak nam dubuluwi a. Inſad subarid san liliſan man, hos adi karis wei mi diraug yu lo diau dak ago mi a. <sup>10</sup> Inſad uyudi man buramat igo wonſ a, agod uyudi bitijen san si marasin saian ak lo madai tamolpein dupidinai san yen da. Inſad uyudi dabai an ate kalam kafenda tamolpein madai tubun geig ak dupidinai a. Dabai naok ago yan uyudi lo mi yen da. <sup>11</sup> Kiſ ta kiſaek inſad gurman imado da. Kiſ an man eſel a giſ kuror ak itirni da. Hibru ru lo eſel an yaſan Abadon dubol da, agod Griſ ru lo dam yaſan Apolion dubol da, fun man “Daonſ Niganag Tamol.”

<sup>12</sup> Aria, muruan tubun geig ak malmalan itout a. Ak man muruan tubun geig ak taidam uraru mi dilasa wa.

<sup>13</sup> Agog eſel a eſel kafenda tinid te imado dan, inſan barag iwi dugo, ſai tamol ta san awan ſalonſ a. Alta gol a Anut naon na yen dan lo, mel ta nek ibol makau faian igo wonſ, alta san sukurun iwoiwo ante dugunig dien da. Aria, awak a ſai ſalonſ an fai an lo kuai te ilasa se ya. <sup>14</sup> Awak an eſel a barag yabi dan irupeig ibol, “Eſel iwoiwo amaiak you tubun ak yaſan Yufretis dubol dan, ate kam nam dusubanaig mala nouk dumado dan, gamu en ka bisawaip diau a.”

<sup>15</sup> Inſ ru an ilonſ go eſel iwoiwo yan ibisawaig, tamolpein warou ditarpalep utol dop warou kiſaek lo tamolpein fidian dufup dumat a. Eſel emaiak mi, Anut ru gubak mi igansig inſ auwa, nal, kalam agod ananſar nek en mi ate tamolpein dufu dumat san niſen o tawanſ dumado wo ago ibol a. <sup>16</sup> Tan na yu tamol adi a hos fufo na dumado dan, inſad sutek man 200 milion igo yak dubol dugo ſai ſalonſ a.

<sup>17</sup> Aria, ſai malag ſutun lo abanſ ſile dan lo man, hos emaiak, agod tamol adi fufo na dumado dan sad leil man igo ya. Tamol adi titired fo mel ta siot kapa igo wonſ ak didiri dan, sad

girager man daran, yedyed di kadabog a. Hos sad kabunſadi man laion kabunſadi igo wonſ a. Agod yai inſ yakas da, agod pat salfa inani dak san mumalun saian ak dam, hos adi an awad lo ilasag ifufurak go gidigheid diau a. <sup>18</sup> Tamolpein fidian tan en lo dumado den warou ditarpaleg utol go, warou kiſaek man, muruan a yai, yakas, agod pat salfa inani dan nek amaiak warou an dufunig inſanen tamolpein fidian dumat paſik a. <sup>19</sup> Hos adi sad dabai man, awad lo agod uyud lo dam yen da. Uyudi man mot igo wonſ a, inſ kabunſad da ya. An lo hos uyudi amaiak nam tamolpein tinidi tubun mi madai dupani da.

<sup>20</sup> Ak gug tamolpein aenta a muruan amaiak lo materſ ta dile na yan, inſed ilod lo mi tubud sewak adi, banid nam dututunſanai dan ta patud dupidinai na ya. Tia geig, kagin naok naok a gubak mi digane se yan dirigidia u a. Inſ bugai adi sad ubou leil digane se ya. Agod tubud sewak mitilaedi, tamol inſed banid nam gol silva bras pat agod ai nam digane yan lo dam gadinſ diganeg yau se ya. Tubud sewak mitilaedi an gidad abanſ ta dile na dugo, ru dam ta dulonſ na dak, agod inſ turenſ dam ta diabi na da. Ago bo man tamolpein an ilod ta ibilisa na ya. <sup>21</sup> Taida mi, tamolpein amaiak inſ, tamol dufu dumat san kagin, aenta lo nawir digane san kagin, inſaned jeit kagin, agod inſaned gumagam kagin dam, an niſedi wo ilod ibilisag kagin amaiak patud dupani man tia ya.

## 10

*Eſel ta buk nanun ak Jon yani wo ipani a*

<sup>1</sup> Agog eſel sen ta dabai geig ak kumaen panu nag idu dugo ſile ya. Inſ kabunſan fufo galbaob ilubanig yen dugo tinin dam keit san timtaen ibuluwi a. Naon san ilalanſ man ad igo wonſ a, nek ago mi ſien san leil man kadanſ uraru inani dak igo wonſ a. <sup>2</sup> Eſel en man buk kutusan ak kiſaek awan ikasap go yen dak yabi se ya.



Inj nien won ak beig fufo ipare dugo, nien n̄as ak tan ipare da. <sup>3</sup> Ago dugo inj awan tubun mi isasai da, nek ibol laion ibob igo wonj a. Inj ibob itout a, ago gug weil seven sad liliñan an dam in̄aned awad lo ru dubol ilasa ya. <sup>4</sup> Weil seven an sad liliñan itout a, ago gug n̄ai ru dubol en n̄igire wo da. Ak man awan kisaek kumaen panu na yak ipalug igo ibol dugo n̄ai n̄alonj a, “Onj ru e weil seven diliñan en on̄siga ilo girek lo tuelp yen a. In̄aned ru onj ta gire na wa.”

<sup>5</sup> Agog en̄el e tan beig da fufo itur den banin won ak kumaen panu san banen lo yabisa dugo n̄ai n̄ile ya. <sup>6</sup> Ago man inj Anut yanjan lo ru lak na geig ibol ilasa ya. Anut enti kumaen pem-pem mi imado dak, kumaen panu igane yak, mel fidian ate dumado dan dam igane yak, tan dam iganeg mel fidian ate dien dak, beig dam iganeg mel fidian dam lo dumado dan, in̄anen yanjan lo igo ibol, “Anut saen iriñani san tia ya.” <sup>7</sup> Tia, nek en̄el e en̄el sukunda tinid ate murna geig imado den, in̄san barag iwi dop san liliñan ilasa wan, kulob an san saen lo mi, Anut san ilo girek gubak mi mianuk lo yen se yan nuñon ilasa wa. Ilo girek nek amaiak mi imug in̄anen urat tamol profet adi irupidaig dulonj a.

<sup>8</sup> Agog awak a gubak mi kumaen panu nag ipalu dugo n̄alonj amaiak fon igo n̄ai irupaiag go ibol, “Onj waup en̄el a tan beig da fufo itur dugo, banin lo buk awan ikasap go yen dan, san na susap buk amaiak n̄ane wa.”

<sup>9</sup> Ago yak ninen o n̄ai en̄el an san na n̄aug n̄urupei, “Onj buk kutusan en n̄ai panag a.”

Ago man inj igo irupaiag a, “Onj n̄anep wani wa. Inj onj tin̄ae lo yu igane wa. Ak man on̄sa awa lo man guburur taen igo bulbal geig a.” <sup>10</sup> Inj ru ibol itout dugo, n̄ai buk kutusan an banin lo n̄in̄aneg n̄ani a. N̄ai awag lo man guburur taen igo bulbal a. Gug saen n̄ai n̄ani pasik an lo man tin̄aeg lo gigen ifunag a. <sup>11</sup> Agog inj igo n̄ai irupaiag a. “Onj gidad fon mi

tamolpein warou wei mi, tamolpein a tan tutubu yak san wei mi, muroun ru amad da yak wei mi, agod kin̄ adi wei mi dam, nin̄edi wo melmel dilasa san ninen o profet ru ubol ilasa wa.”

## 11

### *Profet uraru ru dubol ilasa ya*

<sup>1</sup> Agog n̄ai melmel touad n̄abi san ai tok dupanag an, nek ibol turenj san makud onj a. Agog awan ta igo irupaiag, “Onj masap Anut san tempel Jerusalem na yen da, agod alta tempel ilon lo yen dan dam, tou amad wabi wa. Tamolpein sapta ubou ab an ilon lo ubou dile dugo dumado dan dam onj sutai a. <sup>2</sup> Ak man onj aben e Anut san ubou ab in̄san ar patun fo ilubani yen man, tou aman ta wabi na wa. An onj gidad bisei a. Ata wo? Anut aben en man gob adi in̄sad tumanek san aben igo wonj ipidinai a. Gob adi dupalup Jerusalem dupartitale dop ate san tamolpein ditirnaip yaup kalam 42 itout a. (An man nal 1,260 igo ya.) <sup>3</sup> Agod n̄ai n̄aisag ru bilabal tamol, nuñod uraru an profet ru dubol ilasa san dabai n̄upidinai a. Ago dop inj mugunj san kulos didirip profet ru dufulale dop yaup nal 1,260 itout a.” <sup>4</sup> Tamol uraru en man inj ai oliv agod lam uraru nin̄edi wo Sekaraia in̄anen profet ru lo gubak mi ibol ilasa ya. Tamol uraru en tan titin fidian sad Tamol Tubun ak naon na dutur da. <sup>5</sup> Agod talpein ta tamol uraru an dibitiniap malad dusue wo tap man, yai uraru an awad lo ilasap, iwali dop sad ager adi inanai pasi wa. Dal nek amaiak lo talpein enti tamol uraru an ibitiniap muruan ipidinai o igane dan dufunip imat a. <sup>6</sup> Uraru en inj keit diabituanis san dabai amad da ya, an lo saen inj profet ru dubol ilasa dan lo, ui pem-pem ta idu na wa. Uraru an inj you fidian diganep, dar igo wonj ilasa san dabai amad da ya. Agod in̄siganed ilobol lo mi man, daonj panek agod subam naon funfun diganep, an lo tan en san tamolpein muruan di madai funfun ifu

wa. Uraru an inɗ dabai naok ago yan amad da ya.

<sup>7</sup> Saen nuɗod uraru an, profet ru dubol ilasa san urat digane itout dop man, mel kasik ak a gib kuror fun tia yak lo imado dan, inɗ gib an ibiseip kuai te isudap, uraru en lo yu igane wa. Inɗ uraru an ibiai dudu dop ifup dumat a. <sup>8</sup> Ago dop inɗsad tubabudi taun tubun ak san dal tubun ak ate dien a. Taun tubun an san yaɗan man, tou yabek ru lo Sodom inɗ Egipta da ago dubol da, taun tubun nek emaiak ate, Tubun en aigim fo dubali dugo dufunig imat a. <sup>9</sup> Tamolpein tinid naon sensen ak, warou wei mi ak, muroun ru lo diɗiɗeɗ na yak wei mi, agod tamolpein tan titin fidian lo dupalu yan, nal utol wadan da lo inɗ malad ti ibol pe, uraru an tubabudi leil dupidinaɗ a. Inɗ tamol aenta disiriaɗ san niɗen o dal dufou wa. <sup>10</sup> An lo tamolpein tan san, uraru dumat an sad mateɗ niɗen o muguɗuɗ digane wa. Inɗ soubul digane dop, lou kawan ak dam wei mi nugnug lo didiri ila iso wa. Man ata wo? Profet uraru an madai inɗ muruan da wei mi tamolpein tan na dumado den dupidinaɗ na ya.

<sup>11</sup> Ak man nal utol wadan da itout gug, Anut ur kumaen san an iganeg uraru an ilod lo iladu ya. Saen uraru an dumasag dutur se yan, tamolpein uraru an dil dugo direr saian geig dop sed ibibianai se ya. <sup>12</sup> Agog tamol uraru an talpein ta kumaen panu na awan tubun mi igiai dugo irupidaig ibol, “Anɗ igo asida!” Ago dugo inɗsad ager adi malad lo mi, tamol nuɗod uraru an, keit san timtaen ilon lo diladug, kumaen panu lo timtaen an da disuda diau a.

<sup>13</sup> Saen nek amaiak lo mi, kanaurig tubun ak ilasa dugo, taun tubun an titin kisaek daonɗ ipani a, ago gug titin 9 an yen a. An lo man seven tausen tamolpein kanaurig an lo dumat a. Gug tamolpein a dumado yan, tubun mi geig direr dugo, kumaen panu san Anut yaɗan diabisa se ya.

<sup>14</sup> Aria, muruan tubun geig ak

uraru itout a. Ak man saen kitekan mip, muruan wadan kisaek tubun geig ak ilasa wo sumeik da.

*Enɗel warou seven lo yan inɗsan barag iwi a*

<sup>15</sup> Agog enɗel e enɗel sukunda tinid ate murna geig imado den, inɗsan barag iwi dugo, kumaen panu lo awak tubun mi igo duwaginɗ dugo ɗai ɗalɗaɗ a.

“Anut tan titin fidian en sad kinɗ adi inɗaned kagin panek iganeg itout a, ago dugo Anut inɗanen Kristus da sad kagin panek ilasag abed inɗane ya.

An lo Tubun en inɗsen saen pem-pem kinɗ igo imado yau a.”

<sup>16</sup> Agog tamol gurman adi nuɗod 24 inɗsiganed kinɗ san kalik fufo Anut naon na dumado dan, turud dusoluwig naod itakok tan na idug Anut ubou an dile ya. <sup>17</sup> Inɗ ago dubol,

“O Tubun en, maɗ ilo uyan mupano da. Oɗ mi Anut, oɗ dabai fidian ama da ya.

Oɗ gamu mado dak, gubak mi geig mado ya.

Gamu oɗane dabai tubun geig ak ɗaneg, an lo fun ganeg oɗ Kinɗ igo woɗ mel fidian tirnai da.

<sup>18</sup> Gob adi tiɗaɗed imumari se yak gug, oɗane tiɗaɗe mumarek san saen man ilasag itout a.

Gamu man tamol adi dumat ak oɗane kot lo dilasa wa.

Oɗane urat tamol adi naon uyan ak pidinaɗ san saen man gamu.

Awo, oɗane profet adi, agod oɗane tamolpein fidian dida, tamolpein fidian a oɗane yaɗa lak na disini dan, a inɗ yaɗad aman da yan, agod a inɗ yaɗad tia yan dam, gamu oɗ naon uyan ak pidinaɗ a.

Ago dop oɗ tamolpein a tan en daonɗ dupani se yan, gamu daonɗ pidinaɗ a.”

<sup>19</sup> Agog Anut san ubou ab kumaen panu na yan, inɗsan dalawan dupasig ikasap go yen da. Ago man Anut san ubou ab lo kontrak san kunup kuai te yen dugo fidian leil dupani a. Saen an

lo weil irafuleg gidigheid yau dugo, liliñan tubun mi injur a, agod weil weiwei mi diliñan dugo, tan isuruwor dugo, ui ais da pat igo woñ tubun mi geig dudu ya.

## 12

### *Jon inj, mot a yanjan dragon dubol dan pein da yil a*

<sup>1</sup> Aria, mel ta naon sen geig ak keit lak na ilasa ya. Mel an man igo ya. Pein ta imado dan, inj ad kulos on igane dugo itur da. Kalam njen aten paen na yen dugo, patui 12 kitikat igo woñ kabuñan fufo dien da. <sup>2</sup> Pein en luan aman da ya. Agod nanuk igansi san madai inj lo ilasa ya. Inj nanuk igansi wo dugo, madai tubun geig ikubiani dan ninen o awan tubun mi isasai da. <sup>3</sup> Agog taida mi, mel ta naon sen geig ak keit lak na ilasa ya. An man mot daran di tubun geig a. Inj kabuñan seven, agod fai an 10, kabuñan fufo dilasag dien da. Inj kabuñan seven an fufo, kitikat ta kin san kitikat igo woñ dien da. <sup>4</sup> Inj keit san patui fidian itarpaleg warou utol dilasag, warou kisaek in sen uyun nam irianaig tan na dudu ya. Agod mot an yaug pein a nanuk igansi wo dan naon na itur se ya. In san ilon man, pein nanuk igansi wo ititiani da, agod saen nanuk ilasa dop ka yani wa. <sup>5</sup> Aria, pein nanuk tamol ak igansi a. Nanuk an murnap kin san tok ain yabip ate tamolpein fidian itirnai dabai a. Pein nanuk igansi la ya, ago man nanuk an ririan disinig, Anut san na diaug, Anut da in san kalik fo dumasig dumado ya. <sup>6</sup> Ago man pein an isol go, aben kawan ak ate yau a. Aben a pein ate imado san man Anut gubak mi ikubune la ya. Aria, aben an lo inj pein an anañ dupani dop kagin dupani yaup nal 1,260 itout a.

<sup>7</sup> Aria, gamu yu tubun ak kumaen panu na imasa ya. Isrel san enel gurman, yanjan Maikel dubol dan, inj injanen enel dida mot tubun en lo yu digane se ya. Ago dugo mot tubun

an injanen enel dida yu naon digane se ya. <sup>8</sup> Ak man inj yu diganep itout san dabai amad tia ya. Ago yak ninen o kumaen panu lo aben ta ate dumado san tia ya. <sup>9</sup> An lo man Maikel injanen enel dida mot emaiak san dabai kumaen panu lo yan diganep itout a. Mot en man, inj gubak mi yanjan Uf Ru San Ur, yanjan turan Satan dubol dak, ama ya. Inj tamolpein tan titin fidian lo yan irawai na ya. Aria, inj Satan diñaneg, injanen enel adi dida sisem dubilai tan na dudu ya.

<sup>10</sup> Agog kumaen panu lo tamol ta awan dabai geig igo iwagin dugo njaloñ a.

“Gamu mañsama Anut in san patu pasek, agod in san tuon dababai ak di kagin panek dam walal isi a,

agod Kristus san dabai dam ilasag kuai te yen da.

Man dugo, mot emaiak ad tidom Anut naon na itur dugo man teim taom uf ru lo idirai na ya, ak gug gamu tan na dubilig idu ya.

<sup>11</sup> Man teim taom man, Sipsip Nanun san dar nam, agod Anut san ru dufulale na yan lo dam, inj mot en lo yu diganep itout a.

In siganed madok ninen o tubun mi ta dumat na ya, tia geig a.

Amaiak ninen o saen materj sumeik ipidinai bo man, inj ta dusuk dumul na ya.

<sup>12</sup> Amaiak ninen o añ kumaen panu adi, añ warou fidian mi kumaen panu na amado dan, uyasusai agane wa.

Ak man añ a tan na agod beig lo amado dan, kagin agane wa.

Muruan tubun ak an sam na ilasa wo da. Satan an sam na idu la ya.

Inj ilon tubun mi imumari da, man dugo, inj ilon uyanan ak man, injanen saen katukan mi a.”

<sup>13</sup> Aria, saen mot an dubilig tan na idu dugo ile man, pein a nanuk tamol igansi amaiak yabi wo njen aban irig yau se ya. <sup>14</sup> Ak gug bog tubun ak subein uraru pein an dupanig, an lo in mot ibiseip iroup, yoitout imado wo aben kawan ak lo yau a. Aben ante kagin dupani uyanan pe, anan dupani yaup anajar utol wadan da itout a. <sup>15</sup> Aria, mot en awan lo you igulani a, you an lom tinan igo won imasag yaug, pein en njen aban iri se ya. Mot insan ilon man, you gidad pein inanep iriani yau dop ideg yau a. <sup>16</sup> Ak gug tan pein an ibinawi a. Tan awan isupanig mot you e igulani emaiak iluk a. <sup>17</sup> Agog mot in pein en lo ilo wananan tubun mok aman da ya. Amaiak njen o in yaug nanun aenta lo yu igane wo da. Tamolpein nek a Anut san ru kubiaen duri dupani dugo Jesus Kristus san ru rumok diabi dabai dan lo yu igane wo da. Ago dugo mot in lon na lul fufo na itur dugo njile ya.

## 13

### *Beig san mel kasik*

<sup>1</sup> Agog nai malag yau dugo mel kasik ak ta kabunan seven dugo fai aman 10 an beig lo yak ilasa dugo njile ya. Fai anen anen atem kitikat gol kisaek fufo na yen da. Kabunan anek anek ate dam, yajak ta Anut njen uf ru digireg yen da. <sup>2</sup> Nai mel kasik e njile man, nek ibol lepad\* igo won a. Insan njen man bear njen on a. Insan awan dam laion awan on a. Mot amaiak insinan dabai mel kasik en tan itirni san njen o ipani a. An lo man mel kasik an, mot an kin san kalik fufo imasi dugo, inanen tuon tubun geig dam inaneg lo tamolpein itirnai na ya. <sup>3</sup> Insan kabunan kisaek wagai lo mater san baob inane manon a, ak gug kabunan an dukubuneg afon uyan isusa ya. Tamolpein fidian tan tilianek lo yan mel kasik an njen o durut saian geig dugo tinid nutud fidian mi lo njen aban duri na ya. <sup>4</sup> Mot

en insinan dabai a lo tamolpein itirnai san an mel kasik an banin lo igane ya, an lo tamolpein fidian mot an ubou an dile na ya. Agod in mel kasik an dam ubou an dile na ya. Ago dugo in igo dubol, "Enti in mel kasik en igo mi ak i? Enti in lo ka yu igane wak i?"

<sup>5</sup> Agod mel kasik an awan lo ru inijen san dabai dupani a. An lo Anut imoig, mel kasik an Anut njen o ufru saian geig mok ibol ilasa se ya. Agod Anut dabai ipanig an lo tamolpein itirnai dop yaup kalam 42 itout a.

<sup>6</sup> Amaiak njen o mel kasik an awan isupanig, Anut njen o uf ru ibol se ya. In Anut yanjan njen o, agod Anut san aben ate imado dan, agod fidian a kumaen panu na dumado dan, nijedi wo nao futek ru saian geig ak ibol se ya. <sup>7</sup> Taida mi, Anut mel kasik en ilefunig inanen tamolpein lo yu igane dugo ibiai dudu geig a. Agod Anut mel kasik an ilefuni dugo tamolpein warou fidian, tan tutubu yak, muroun ru anen anen, agod tinik naon sensen ak fidian mi itirnai san dabai inane ya. <sup>8</sup> Tamolpein fidian tan en lo emaiak mel kasik en dugudanip ubou an dile wa. Ak man warou kisaek mi ago ta digane na wa. Warou an man, tamolpein fidian nek a, tan en gamugo ilasa dugo, Anut inaned yanjadi buk lo igire idu ya. An man Sipsip Nanun dufunig imat ak inanen kumaen san buk nek ama ya. Aria, tamolpein nek an mi mel kasik an san ubou ta dile na wa.

<sup>9</sup> Talpein ta in kududon aman da dop, in gidad ru en ilon sijaokan a.

<sup>10</sup> Anut talpein ta subanek lo yau wo kob ipani tap, aria, in gidad subanek lo yau a. Agod in talpein ta sabiri nam dufunip imat o kob ipani tap, aria, talpein an sabiri nam ka dufunip imat a.

Kagin en lo man, Anut san tamolpein gidad dumado dabai dop inaned ilo rumok diabi sakar dop dumado yau a.

*Mel kasik ak tan log ilasa ya*

\* 13:2: Pusi tutubu yak.



<sup>11</sup> Agog ηai mel kasik ak sen ta tan ilon lo yak imasag isuda dugo ηjile ya. Inſan kabuηan fufo man fai aman uraru dien da, nek ibol sip-sip nanunan ak san fai igo woη a. Agod inſan ru man mot tubun ak san ru igo mi a. <sup>12</sup> Mel kasik a imug ilasa yan malan lo man, mel kasik a murna ilasa yan, inη mel kasik a imug ilasa yan wagen lo, san dabai fidian tamolpein itirnai san inηane ya. Dabai inηane yan lo man, mel kasik a murna ilasa yan tamolpein e tan titin fidian lo dumado den idiraig, mel kasik a imug ilasa dugo inηanen mateη san baob dukubuneg uyan isusa amaiak, ubou an dile se ya. <sup>13</sup> Mel kasik murna ilasa yan kulob girager tubun ak iganeg ilasa se ya. Inη ago iganeg, tamolpein malad lo yai keit lo yan tan na idu ya. <sup>14</sup> Anut mel kasik emaiak ilefunig kulob girager naon sensen ak, mel kasik a imug ilasa yan malan lo igane se ya. An lo man mel kasik en inη tamolpein tan na dumado den irawai pasik a, an niηen o man tamolpein mel kasik a gubak mi sabiri nam dufuni an san mitilaen ditutuηanip duguni wo isodudunai a. <sup>15</sup> Agod Anut imoig mel kasik murna ilasa yan inſinan ur iwig lo mitilaen an kumaen ilasa ya. An lo man mitilaen an ru ka inηinη san ilon a, agod dugo tamolpein ensauta a mel kasik an san mitilaen ta ubou an dile na yan fidian idiraig mateη dile ya. <sup>16</sup> Taida mi, mel kasik a murna ilasa yan tamolpein fidian nek a yaηad amad da yan, yaηad tia yan dam, filiad amad da yak, tia yak dam, a kawan dumado dak agod a bigabeg urat digane dan, fidian mi idiraig kob ta naod kapen fo boi, tia dop, banid won ak ate diηane ya. <sup>17</sup> An lo man, talpein ta inη kob aman tia tap, aria, inη tamolpein aenta sad na melmel ta idad na wak, agod aenkadi inſan na dam melmel ta didad na wa. Kob an man mel kasik malan te yak san yaηan boi, tia dop, sutek amaiak lo mel kasik an yaηan tou aman yabi

dan, nek ama ya.

<sup>18</sup> Talpein ta inη mel en ilon o imat tap, gidad kankan milaen uyan geig ak aman da wa. Enti inη kankan milaen tubun ak aman da yan, mel kasik en san sutek kuai ka ipani wa. Sutek en man tamol ta inηanen yaηan san tou yabek, agod tamol an yaηan san sutek man 6 utol mi a. (666)

## 14

### *Sipsip Nanun tamolpein 144 tausen dida dutur go bar diabi da*

<sup>1</sup> Agog ηai malag yau man, Sipsip Nanun inη Did Saion fufo na itur dugo ηjile ya. Inη 144 tausen tamolpein dida dutur da, inηanen yaηan, agod Taman yaηan dam, tamolpein an naod kapen fo digireg yen da. <sup>2</sup> Ago dugo ηai ru awan ta kumaen panu lo ibol ilasa dugo ηalon a. An man nek ibol beig tubun ak imasa san liliηan boi, tia, weil san liliηan tubun ak igo woη a. Nek tamolpein wei mi mel ta gita igo yak\* dufuni dop san liliηan tubun mi ilasa dak igo woη a. <sup>3</sup> Tamolpein 144 tausen kiη san kalik naon na dutur se ya, agod mel iwoiwo kumaed dumado dan inη matu gurman adi dam, naod na dutur se ya. Inη bar foun ak diabi se ya, tamolpein aenta bar an diabi san maηau ta diηane na ya, 144 tausen amaiak mi bar an diabi san dulon a. Tamolpein amaiak mi tan en lo Anut idad inηal a. <sup>4</sup> Tamol emaiak pein adi dida sed nun ta ipidinai na ya. Tia, inη ikokan mi dumado da. Sipsip Nanun panu fidian lo dugon te yau dan, aria, tamol adi emaiak durig dida diau da. Anut warou nek emaiak, tan san tamolpein luluηad lo idad inηal a. Agop inη warou malan te Anut inηal an, inηanen warou lo, agod Sipsip Nanun san warou lo dam dumado wa. Nek ibol abi taman anaη malan te ilasa dak inηanep, Anut yai igane pani dak igo woη, tamol an Anut agod Sipsip Nanun da sad ilo rumok adi e tan en lo imug dilasa yen, nek ama ya. <sup>5</sup> Inη ru sewak ta dubol man tia ya. Tia,

\* 14:2: Harp

in mel ta niŋen o dam muruan amad tia ya.

*Enjel utol ru dubol ilasa ya*

<sup>6</sup> Agog ŋai enjel sen ta keit titiŋae mi irou dugo ŋile ya. In bilaluŋ uyanan pempem san isinig tamolpein tan na dumado den irupidai o da. Tamolpein tinid naod funfun lo, muroun ru naon sensen lo, warou fidian lo, agod aben fidian muroudi lo ibol ilasa wa. <sup>7</sup> In dabai geig igo iwagiŋ go irupidai, “An gidad Anut niŋen o arer a! In yaŋan abisa wa! Ata wo? In tamolpein bitinaek lo idirai san nal ilasa la ya. An Tamol e in keit, tan, beig di you gib lo ibanai dan dam idirai en, in lo mi agudani dop inanen ubou leil lo mi amado wa.”

<sup>8</sup> Agog enjel sen ta, in enjel imug ipalu yan irig ipalu da. Enjel murna yan igo ibol, “Taun tubun ak Babilon dubilig idu geig go digane itout a. Taun Babilon nek amaiak, in san jeit kagin dabai an niŋen o, tamolpein warou fidian duri dupani na ya. Nek ibol wain dabai ak ipidinaig duluk go burau geig dilasa yak igo woŋ a.”

<sup>9</sup> Enjel sen ta enjel uraru dupalu dugo patud fo ipalu yan, awan dabai geig iwagiŋ go ibol, “Talpein ta in mel kasik en in san mitilaen da sad ubou leil igane dop, agod in naon fo, tia, banin te, kob inane tap, <sup>10</sup> aria, in gidad wain naon sen ak ka iluk a. Wain en man Anut san ilo wananan agod Anut in wain en you da ta ibilisa dop, tia, wain an inanen ilo mumarek san gab lo iwali wa. Ago dop talpein en ka iluk a. Ago dugup enjel gun ak malad lo, Sipsip Nanun malan lo dam, talpein en in yai lo, agod pat salfa inani dak lo, madai inaneŋ ago imado yau a. <sup>11</sup> Ago dugo yai a madai tubun geig ipidinai dan san yakas pempem mi lak na isuda yau a. Tamolpein emaiak in mel kasik, in san mitilaen da sad ubou leil digane da, agod in san yaŋan san kob diŋane dop, ad lo tidom lo dam inaned madai niŋen o yaes bilabal amad tia wa.”

<sup>12</sup> Saen an lo tamolpein gun ak gidad dumado dabai a. Tamolpein a Anut

awan paen na dumado dugo inaned ilo rumok Jesus lo diabi sakar dan nek an mi a.

<sup>13</sup> Agog ŋai talpein ta kumaen panu lo igo iwagiŋ dugo awan ŋaloŋ a. “On ru igo gire wa. Gamu agod nal murna san dam fidian, tamolpein a Tubun en lo dumado dop dumat tap, in ka uyad isusa wa.”

Ago dugo Awan Urgan ru naon igo ibol, “Rumok geig, in ka uyasusai digane wa. Inanen urat dabai ak dibi-seip ka yaes dubal a. Man dugo, ata urat digane yan san nuŋon imug mi ilasa yan in dida kumaen panu lo diau a.”

*Tan en lo anan ŋilaŋal san nal idu ya*

<sup>14</sup> Aria, ŋai malag yau dugo, naog na timtaen milkouk ak kisaek ŋile ya. Ago dugo talpein ta tamol nanun igo woŋ an fufo na imasig imado se ya. In kitikat gol aman da yak kabuŋan fo yen dugo, banin lo man bubarek luon geig ak yabi se ya. <sup>15</sup> Ago man enjel sen ta Anut san ubou ab patun fo ilasa ya. In awan dabai geig talpein timtaen lo imado dan san na iwagiŋ go ibol, “Onane bubarek ŋanep anan tute idu wa. Anan tumanek san saen ilasa la ya, an niŋen o tan na anan fidian ibes pasik a.” <sup>16</sup> An lo man talpein a timtaen fo na imado dan, inanen bubarek yabig, tan na itakoksig abi lo anan ibes ak itute idug itumani dugo isini yau a.

<sup>17</sup> Agog enjel taidam bubarek luon geig ak yabi dan, kumaen panu lo Anut san ubou ab patun fo ilasa ya.

<sup>18</sup> Agog enjel sen ta alta ibiseig kuai te ilasa ya. In man alta san yai itirni san dabai aman da ya. In awan dabai geig enjel bubarek luon ak yabi dan iwagig ibol, “Onane bubarek ŋanep, wain patun abi a tan na yak lo yan tuteŋ tumanu wa. Man dugo, wain patun fidian duluboŋ la ya.” <sup>19</sup> An lo man enjel en inanen bubarek inaneŋ, tan na itakoksig, wain kutubuk itartiti idug itumanig dien da. Ago man in wain patun an, pat bod tubun ak ilon lo tamol wain patun ŋiedi nam

dupartitale wo isuwari idu ya. En man Anut san ilo mumarek itutuñani a. <sup>20</sup> Agog Jerusalem san ar patun fo, wain nunon bod lo dupartitale dugo dar bod an lo imaspalug kuai te ilasa ya. Ago dugo dar an imaspalu yau se ya, inñsan milaen man 300 kilomita igo won, tan fidian ituani a, agod inñsan kuror man mita kisaek wadan da igo won a.

## 15

### *Daeg seven ilod lo muruan murnai san dien da*

<sup>1</sup> Aria, ñai kulob naon senamo geig ak kumaen panu lo ilasa dugo ñile ya. Mel an man tubun a, an ninen o ñumasa saian go an lo dam ñarut saian geig da. Ñai enel seven dutur dugo banid lo muruan seven a murnap tamolpein daon dupidinai san duburou dan ñeil a. Agod saen kulob saiak saiak en itout dop, sen ta ilasa san tia ya, man dugo, muruan seven emaiak lo Anut san ilo mumarek itout pasik a. <sup>2</sup> Ñai mel ta nek ibol beig tubun ak galas on, yai lo dukubuli ak ñile won da. Tamolpein a yu digane itout an, gubak mi mel kasik ak, inñanen mitilaen agod yañan san sutek dam dibiai dudu yan dam ñeil a. Tamolpein amaiak in beig galas on an giranen na dutur dugo, in melmel gita igo won Anut ipidinai an duburou se ya. <sup>3</sup> Tamolpein an Anut san urat tamol Moses, agod Sipsip Nanun da sad bar diabi se ya. Bar an man igo ya.

“O Tubun en, on Anut, dabai fidian ama da ya.

Urat fidian on gane man tubun a.  
Man mile dugo, iloma weiwei da.

O Anut, on tamol warou fidian sad kin, onane kulob fidian itaot di rumok geig a.

<sup>4</sup> O Tubun en, enti on yaña ninen o ta irer na wak i?

Enti on yaña yabisa wo imoi ak i?  
Man dugo, on mi gun a.

Tamolpein tan titin fidian lo dumado dan dupalup on ubou ama dile wa.

Ata wo, onane kulob naok naok itaot mok an, gamu kuai tem walal isig, tamolpein fidian dile da.”

<sup>5</sup> Mel an itout go, kumaen panu lo kontrak san ab sel dalawan dupasig yen dan ñile ya. Ilon lo galun a yañan aben gun di gun geig ak dubol dan ñile ya. <sup>6</sup> Ago dugo enel seven e muruan seven daon panek san duburou dan galun an dibiseig kuai te dilasa ya. In kulos milkouk irafuleg ikokan geig ak dupulau a, agod let gol titired fo diganeg ilubani a. <sup>7</sup> Aria, mel iwoiwo a kumaed dumado dan, lulunad lo kisaek in gol daeg seven enel an ipidinai a. Anut e kumaen pem-pem imado yau den, inñsan ilo mumarek an daeg a seven an lo inawai a. <sup>8</sup> Ago dugo tempel san galun gun di gun geig ante man, Anut san girager di dabai tubun ak yakas igane ilasa dugo yakas an aben an lo awan isa ya. Talpein ta in galun gun an lo iladu san tia ya. Tia, in enel seven an malad digane dop muruan seven an san urat digane itout gup a.

## 16

### *Enel seven muruan daeg seven duwalig idu ya*

<sup>1</sup> Aria, ñai awan ta ubou ab san galun gun an lo ilasa dugo ñalon a. In awan dabai geig enel seven en igiai dugo ibol, “An aup, Anut san ilo mumarek daeg seven lo yan awali tan na idu wa.”

<sup>2</sup> Ago man enel malan te yan yaug inñsan daeg iwali tan na idu ya. Agog tamolpein mel kasik ak san kob dinane dugo inñsan mitilaen ubou an dile dan, baob saian geig ak wei mi sad na ilasa ya.

<sup>3</sup> An itout go enel neinta inñsan daeg iwalig beig lo idu ya. Ago man beig ibilisag, tamol dumat ak sad dar igo won ilasa ya. Ago man melmel fidian beig lo kumaed dumado dan dumat pasik a.

<sup>4</sup> Enjel a enjel uraru tinid te imado dan inj dam inſan daeg iwalig, you fidian dog lo yau dak lo, agod you fidian gib lo ibanai ilasa dan lo dam idu ya. You an fidian dubilisag dar igo wonj dilasa ya. <sup>5</sup> An lo naj enjel a tan san you fidian itirnai dan igo ibol dugo njalonj a.

“O Tubud Gun, onj gubak mi mado yak, agod gamu dam mado da. Naon saian geig amaiak onj tamolpein pidinai an itaot mok a.

<sup>6</sup> Tamol warou en onjane tamolpein agod profet adi dufu dumat dugo, inſad dar ikulmaek a.

Amaiak ninjen o onj talpein a sa- iadi amaiak dar en duluk o pid- inai a.

Dar e duluk den man, inſigned kagin saiak saiak san naon itaot ak diſane da.”

<sup>7</sup> Agog naj alta igo iwaginj dugo njalonj a.

“Awo Tubud Anut, onj dabai fidian ama da ya.

Tamolpein a sajadi an sad urat naon onj pidinai man rumok di itaot mok a.”

<sup>8</sup> Aria, enjel a enjel utol tinid te yan inſan daeg ad fufo ikulmaek a. An lo ad san wananan isida yan, tamolpein e tan na dumado den tinid inani sa- ian geig a. <sup>9</sup> Ad san yai tubun an man wananan geig a, an lo tamolpein fidian tinid inani se ya. Ago man tamolpein an Anut yanjan lo ru saiak saiak dubol se ya, man dugo, inj dulonj uyanan ak man, Anut mi muruan a dile dan itirni se ya. Ago bo man inj ilod dibilsag Anut yanjan ta diabisa na ya.

<sup>10</sup> Agog enjel a enjel iwoiwo tinid te yan inſan daeg ikulmaek go, mel kasik malan te yan san kalik fo idu ya, an man kinj san kalik. Ago dugo tamolpein a mel kasik san kagin panek paen na dumado dan, sad na tidom ilasag ituana a. Agod tamolpein an madai tubun geig ak lo inſed baled diani se ya. <sup>11</sup> Inſigned madai agod baob tinid fufo ilasa yan dam ninjen o inj kumaen panu san Anut naon

dufute dupei na ya. Ak gug inj ilod ta ibilisag, kagin saiak saiak digane na yan dam ta dubusei na ya.

<sup>12</sup> Agog enjel a enjel kafenda tinid te imado dan, inſan daeg you tubun ak Yufretis fufo iwalig idu yan lo, you an igos yau a. An lo kinj adi ad ilasa san banjen lo dupalu san dal ikubune ya. <sup>13</sup> Agog naj ur saiak saiak utol gurogurou igo wonj nejil a. Inj mot tubun ak awan lo, mel kasik ak awan lo, agod profet sewak awan lo dilasa ya. <sup>14</sup> Ur adi emaiak mi inj ur sajadi a. Inj kulob girager naon sensen digane wo, dufurak go tan fidian sad kinj sad na diau da. Inſad urat man, kinj fidian inaned yu tamol adi dutumanai o di- gane da, an lo dop Anut dabai fidian aman da tamolpein kot ipidinai san nal tubun ak lo, yu diabisa wa.

<sup>15</sup> Agog Jesus igo ibol dugo njalonj a, “Ale. Naj nek ibol gumagam tamol ipalu dak igo wonj, anſam na njupalu wa. Amaiak ninjen o talpein inj njonj ta yabi na dop, injanen kulos giranjen na idirig imado dan, ka uyan isusa wa. Nal a ilasa wan san saen lo, kabelan inj nunjon kawan itor dop tamolpein inſan miai dile banau.”

<sup>16</sup> Aria, ur saiak saiak kinj adi diſal dupalug aben ente dutumanai a. Aben en Hibiru ru lo Armagedon dubol da.

<sup>17</sup> Agog enjel a enjel sukun tinid te imado dan, inſan daeg keit lo iwalig idu ya. Ago dugo awak dabai geig inj galunj gun di gun geig ak Anut san ubou ab ilon lo yen dan lo ilasa dugo igo iwaginj, “En man itout a!” <sup>18</sup> Ago man weil wei mi irafule dugo, liliſan tubun mi duſur a, ago dugo weil diliſan ak, kanaurig tubun ak dam ilasa ya. Kanaurig an man tubun geig a, kanaurig naok igo yak ta, saen tamolpein imug tan na dumado ipalug gamu yen sad na ilasa man tia ya. <sup>19</sup> Aria, taun tubun ak itarpaleg lapan utol dilasa ya. Agod kanaurig amaiak tamolpein tinidi naon sensen ak sad taun tubun an fidian iratitale yau a. Agod Anut inj taun tubun ak Babilon ninjen o ilon isoug, an lo gab a ilon



lo wain awan isa yan inaneg Babilon ipani a. Wain an man inanen ilo mumarek tubun geig an tou ipani da. <sup>20</sup> Ago dugo nui fidian dusol go diau pasik a. Agod did fidian dam talpein ta yil san tia ya. <sup>21</sup> Ago dugo ais tubun ak dudu ya. Ais lapan kisaek kisaek sad muruan 50 kilogrem igo wonj a. Keit lo ais an tamolpein tinid fufo dudu dugo daonj tinan geig dupidinai a. Amaiak lo Anut o ru saiak saiak dubol se ya, man dugo, kulob an man ilo irer san geig a.

## 17

### *Jeit pein tubun an naon saian ak inane ya*

<sup>1</sup> Ago man enjel nunod seven daeg seven diabi dan lulunjad lo enjel kisaek naj Jon naisag na ipalug igo irupaiag a. “Onj palup, jeit pein a you wei mi fufo imasig imado dan, naon dugo wonj Anut ipani wan nukubiaip ule wa. <sup>2</sup> Tan san kinj adi pein en da jeit kagin saen wei mi digane na ya. Tamol tan en san fidian inj dam pein en da jeit kagin digane na ya. An lo man inj fidian inanen jeit kagin san wain dulok na yan lo burau dilasa ya.”

<sup>3</sup> Agog enjel e naj da mininjen den, njonjamin Urgun igane ilasa yan lo naj isinag go, inj da aben kawan talpein an tia yak ate mau a. Aben an lo naj pein kisaek mel kasik daran ak fufo imasig imado dugo njile ya. Mel kasik an yanjak wei mi tinin fo anua ya. Girek en lo yanjak en fidian man, Anut ninen o uf ru funfun agod ru saiak saiak dam dien da. Mel kasik an kabunan seven dugo fai aman 10 kabunan fufo dilasa ya. <sup>4</sup> Pein en kulos a igane yan daran a, agod sad girager daran an naok uraru a, man dugo, girager uraru an kinj san a. Inj gol damag naon funfun, agod kululoi naon lak na yak, damag naon uyanan pat nam digane yak dam aman da ya. Inj gab gol aman da banin lo yabi da. Agod kagin naon sensen Anut malan lo iganan geig ak, pein en san jeit kagin nun anda yak gab en lo awan isag yen da. <sup>5</sup> Agod pein en naon kapen

fo yanjak ta digireg yen da. Yanjak an man igo ya.

Ru mianuk an.  
Babilon tubun a.  
Jeit pein sad tinadi mok.  
Agod tan san kagin iganan fidian sad muroud imado da.

<sup>6</sup> Pein en Anut san tamolpein ifug dumat a, tamolpein nek Jesus yanjan ilod lo rumok go, injan yanjan dubol ilasa na ya. Pein en gubak mi insad dar iluk go, an lo nek ibol tamolpein ayu dulok pe burau digane dak igo wonj, ago burau imado dugo njile ya.

Saen naj ago njile dugo numasa saian go ilo sou wei mi njigane se ya. <sup>7</sup> Ago man enjel an igo irupaiag a, “Ata wonj masa saian ak i? Pein an, agod mel kasik ak isini dan, nek a fai aman seven dugo kabunan 10 aman da yan, sad fudi njupano wa. Mitilaen en fun imianuk a, gug naj ka njufulale pano wa. <sup>8</sup> Mel kasik en onj ule la ya, gubak mi imado yak, gamu fon ta imado na da. Ak man murnap inj gib e fun tia yen ibiseip isuda wak gug, ideg yau geig a. Tan san tamolpein inj mel kasik en dilep dumasa saian geig a. Nek tamolpein a inaned yanjadi Anut tan gamugo igane ilasa yan lo, kumaen san buk lo ta igire na yan, inj dumasa saian a. Man dugo, mel kasik en gubak mi imado yak gug, gamu ta imado na da, ago bo man murna dop kumaen fon imul da wa.”

<sup>9</sup> “Talpein inj kankan milaen aman da tap, inj ka mel en fun ilonj uyanan a. Kabunan seven en man, did seven emaiak fufo na pein a imasig imado dan ate tou ipani da. <sup>10</sup> Agod taida mi, kabunan seven en man kinj seven ate tou ipani da. Kafen ta gubak mi dumat la ya. Kisaek gamu imado da. Agod kisaek gamugo kinj ilasa da. Saen inj ilasa tap, inj saen kitekan mi kinj imado wa. <sup>11</sup> Agod mel kasik e gubak mi imado gug gamu tia yen man, kinj kisaek taida mi, gamu nunod seven an luad isa da, ak man inj kinj nunod seven an sad warou lo dam mi a. Agop inj ideg yau a.”

<sup>12</sup> “Agod fai 10 en onj gubak mi

mel kasik en kabunan fufo ilasa dugo ule man, in kin 10 ate tou dupidinai da. In gamugo kin sad dabai dinjane ya, ak gug murna dop kin sad dabai dinjanep auwa kisaek mi mel kasik ak dida tamolpein ditirnai a. <sup>13</sup> Kin adi en man insad kankan kisaek mi a. Insad dabai agod yanjad tubun ak da mel kasik an dupani wa. <sup>14</sup> Kin adi emaiak in mel kasik da Sipsip Nanun lo yu digane wa. Ak man Sipsip Nanun agod tamolpein a njen aban duri dupani dan sisem yu lo dirinainai geig a. Man dugo, Sipsip Nanun man tamol tutubu yak sad Tubun a, agod kin fidian sad Kin, agod tamolpein a in dida dumado dan man, Anut ipilianaig igiai a, agod in awan kagin dupani da.”

<sup>15</sup> Ago man enjel an foun mi igo irupaiag a, “On you wei mi a gubak mi jeit pein fufo na imasig imado dugo ule yan, in tamolpein fidian tamol sad warou adi, tinik naon sensen fidian, muroun ru fidian agod warou tutubu geig ak dutumanig dumado dan ate tou dupidinai da. <sup>16</sup> Mel kasik en, agod fai 10 e ule yen dam, in sisem jeit pein an lo siai digane wa. In pein an san biouj fidian dupasi idup nunon kawan ilasa wa. Agop insan tinin mudan diani dop yai lo dumarip inani yau a. <sup>17</sup> Man dugo, Anut insen mi kin en kankan ipidinaip, an lo kulob a gubak mi Anut ninen o ilon ibol amaiak ka digane ilasa wa. In ilo sou kisaek amad da wa. In kin dumado san dabai e dinjane yen, fidian mi mel kasik en dupani wa. In ago mi digane dop yaup ru a Anut gubak mi ibol an fidian nunon ilasa wa. <sup>18</sup> Pein gubak mi ule yan man, in taun tubun e tan en san kin fidian itirnai den ate tou ipani da.”

## 18

### *Babilon saian igane geig a*

<sup>1</sup> Murnag naj enjel sen ta kumaen panu ibiseig idu dugo njile ya. Insan dabai man dabai geig a, agod ilalan a insan nag irafule ilasa dan, tan ilalan

ipani sinjakaan a. <sup>2</sup> In awan dabai geig igo iwagin go ibol,

“Ale, taun Babilon tubun an dibildu ya, awo, Babilon dibili yau idu geig a.

Gamu in man bugai adi sad yaes bilabal aben ago ilasa ya, ur saiak saiak fidian sad wur igo ilasa ya,

agod anakanak di yok naok fidian nun amad da yan sad wur igo dam ilasa ya.

<sup>3</sup> Ata wo, tamolpein warou fidian in da inanen jeit kagin dabai ak san wain duluk a.

Tan san kin adi dam in da jeit kagin digane na ya.

Agod tan san daden tamol adi in Babilon san ilo masai dabai ak san kagin lo moni wei mi dinjane na ya,

an lo inanen jeit kagin an aenta sad irinainai geig an lo, tamol filiad tubun ak igo dilasa ya.”

<sup>4</sup> Agog naj kumaen panu lo Anut awan igo ilasag iwagin dugo njalon a.

“An njaineg tamolpein adi, an gidad aben an abiseip kuai te alasa wa.

Kabelan aupasek funfun a igane dan lo luan asa banau.

Agod kabelan an insan muruan funfun naj njupani wan ate dam atutou banau.

<sup>5</sup> Man dugo, insan aupasek itumanig malan tubun go kumaen panu lo isuda yau la ya.

Agod kagin saiak saiak igane na yan fidian ninen o Anut ilo sou igane da.

<sup>6</sup> In aenta ipidinai ak igo Anut dam naon in ipani wan man babagaru a.

Ayu naok dugo inanen gab lo yak Anut injanep, ikubulip, subunan taidam ililip, urarum iluk san ipani wa.

<sup>7</sup> Nek ibol in girager agod mel wei mi sinjakaan ak dam insen ipani se yak igo won,

madai tubun geig agod ilo papao a Anut ipani wan da tou kisaek a.

Inj buben ago ibol, ñai mi kwin, ñai pein suos tia ya,

amaiak ninjen o ñai tinañ aru ñigane san tia geig a.

<sup>8</sup> Amaiak ninjen o, nal kisaek ilon lo mi, naon dugo Anut ipani wan ile wa.

Naon an man mateñ, mala turon, agod kadag san saen tubun a.

Yai man Babilon inani yau pasik a.

Man dugo, Tubud Anut e naon ipani den, inj dabai tubun ak aman da ya.

<sup>9</sup> “Tan san kiñ adi e gubak mi inj da jeit kagin digane se yan, agod dida inanen ilo masai san kagin ate dututu se yan, yai a Babilon inani dan san yakas dile wa. Inj ago dile dan lo, taun an ninjen o tinañ aru digane dop ilo muruan amad da dumado wa.

<sup>10</sup> Inj madai saian ak inane dan dile dop ninjen o direr geig a. Inj asau mi dutur dop igo dubol,

‘Ilog imuñano, Babilon, ilog imuñano geig da.

Oñ tubu kasik agod taun dabai geig a.

Ak man auwa kisaek ilon lo mi oñane aupasek naon saian ak oñsa na ilasa ya!’

<sup>11</sup> “Dadenj tamol adi tan fidian san, Babilon ninjen o tinañ aru digane dop, ilo muruan amad da dumado wa. Ata wo, inaned biouñ didad san talpein tia ya. <sup>12</sup> Injad biouñ wog tubun ak lo digane yau man, gol, silva, pat uyanan ak, kululoi naod lak na geig ak, yamel milkouk siñaok amadi ak, yamel daran naon funfun agod yamel silika. Agod ai naon funfun sad mumaludi uyanan ak, agod melmel naon aenta elefan san buramat nam digane ya. Mel aenta digane man, ai naod tutubu yak lo, bras, ain, agod pat girager siñaokan ak nam digane ya. <sup>13</sup> Inaned biouñ aenta dam dien da. Sinamon ñesñes nuaen san, paura, yakas mumalun uyanan igane ilasa dak, gurenj naon funfun mumalun uyan ak, sanda uyan ak, wain, oliv gurenj, plaua uyan ak, agod

wit da, makau, sipsip, hos di hos karis da, agod tamol bigabeg adi dam mi a.

<sup>14</sup> “Tamol dadenj urat digane dan Babilon igo durupeï a. ‘Oñane urat san nuñon a oñ ñane wo ilo ibol na yan, an fidian oñ siñire na tia ya, asau mi geig dien da. Melmel uyadi didaen san naon tutubu yak, agod oñane biouñ bala siñaokan ak an fidian dideg la ya. Ago yak ninjen o oñ melmel en afon ule san tia geig a!’ <sup>15</sup> Tamol mel an lo dadenj digane na yan, inj taun an san moni wei mi diñane la ya. Inj taun an madai tubun mi inane dop dile wa, ago dop inj dam tubun mi direr a. Inj asau mi dutur pe tinañ aru digane dop, ilo muruan lo dumado wa. <sup>16</sup> Inj disasaip igo dubol a.

‘Iloma saian da, taun tubun an ninjen o iloma saian geig da.

Gubak mi inj kulos milkouk siñaok amadi ak, yamel daran ak naon funfun tinin fufo idiri na ya.

Inj gol di pat siñaokan, kululoi naon lak na geig ak ate bala yabi se ya.

<sup>17</sup> Auwa kisaek an ilon lo mi, moni en inj biouñ en da fidian mi ideg yau a.’

“Wog tubun ak wei mi sad unbiek adi, agod tamol fidian weinj diabi dan, weinj tamol wog lo urat digane dugo tan tutubu yak lo dutor dan, agod wog tubun amaiak sad tamadi fidian mi, dutur pe asau mi geig dumado wa. <sup>18</sup> Ago dop inj Babilon yai inani dak san yakas dile dop disasaip igo duwaginj a, ‘Taun dugomaiak inj taun tubun en da naon kisaek i?’

<sup>19</sup> Inj tan san gufgaf duburoup, sed kabuñad fo dusuwarip, tinañ aru digane dop ilo muruan amad da dumado wa. Ago dop inj igo duwaginj a, ‘Iloma imuñano, o oñ taun tubun ak iloma tubun mi imuñano da.

Wog tubun ak taman adi beig lo dutor dan, inj taun amaiak san moni tutubu yan lo moni tamol dilasa ya. Iloma imuñano da.

Auwa kisaek ilon lo mi saian gane geig a!

<sup>20</sup> “An kumaen panu san tamolpein, Babilon ninen o gidad uyasusai tubun mi agane wa!

O an gun adi, aposel adi agod profet adi uyam isusa wa.

Man dugo, Anut taun en san kagin ipupig ile yak ninen o naon saian ak ipani a.”

<sup>21</sup> Ru an itout go, enel dabai ak kisaek pat tubun ak ta ate wit dufari idu dak inane ya. In pat en yabisag beig lo ibildu ya. In igo ibol, “Kagin amaiak lo in Babilon tubun an dijanep dubildu dop in fon ta dile geig na wa.

<sup>22</sup> O Babilon, gita san liliñan, dum san liliñan, barag san agod dum wek naon funfun onsa ar lo fon ta ilasa na wa.

On lo tamol adi insad urat pinein adi urat dugomaiak digane san manau dupidinai man, fon ta ilasa na wa.

Pat wit ifufari san ibob dan, in fon on lo ta ilasa na wa.

<sup>23</sup> Lam san lilaman onsa na fon ta ilasa na wa.

Pein tamol nug iwon iwon awad onsa na fon ta dulon geig na wa.

Gubak mi onane daden tamol adi, in tamol tutubu geig tamolpein aenta malad lo dumado na ya.

On nawir naon funfun gane dugo, an lo on tamolpein warou fidian rawai na ya.

<sup>24</sup> Anut taun en ilon lo aban ile dugo dar tubun mi kuai ipani a.

Dar an man profet adi agod inanen tamolpein gun ak sadi a,

agod taun en ilon lo man tamolpein fidian a gubak mi dufu dumat ak sad dar ikulmaek idu yan dam ante yen da.”

## 19

*Tamolpein Babilon daon inane yan dile yak ninen o uyasusai digane ya*

<sup>1</sup> Mel en itout go, nai mel ta wagin tubun ak igo won kumaen panu san tamolpein warou tutubu yak dubol dugo nalon a.

“Aleluia,\* id Anut per tupani wa! Patud pasek, girager agod dabai da insan mi a.

<sup>2</sup> Man dugo, insan kot man rumok di itaot mok a.

In jeit pein tubun en, inanen jeit kagin lo, tamolpein tan san fidian mi inaned madok malan issue dugo nun dilasa yan, yabi idu ya. An lo naon itaot ak ipani a.

Pein en insan aupasek lo Anut san urat tamol di urat pein ifug dumat an lo aupasek amaiak gamu naon ipani a.”

<sup>3</sup> In fon mi igo duwagin a.

“Aleluia!

Taun tubun en yai inani da, amaiak san yakas pempem mi lak na isuda yau da.”

<sup>4</sup> Matu gurman adi 24 in mel iwoiwo kumaed dumado dan dam, Anut kin san kalik fufo imado dan, naon na turud dusoluwig in ubou an dile ya. In igo dubol a,

“Rumok. Aleluia, man Anut per tupani da!”

<sup>5</sup> Agog talpein ta awan kin san kalik lo ilasag igo iwagin go ibol,

“An idsad Anut san urat tamolpein, an Anut per apani wa.

An tamolpein kawan ak, agod tamolpein yanad anda yan, an fidian mi gamu Anut yan an abisa wa!”

<sup>6</sup> Agog nai liliñan tubun ak nek ibol tamolpein warou adi dutumanig dumado dugo sad ru ilasa dak igo won nalon a. An man nek ibol you wei mi sad liliñan ilasa da, tia, weil tubun mi ilinjan dak igo won a. In igo duwagin da,

“Aleluia, id Anut per tupani wa.

Ata wo, idsad Tubud Anut dababai fidian mi aman da yak, gamu kin rumok imado da.

<sup>7</sup> Gamu id ilod uyan pe yousai tubun mok tigane wa.

\* **19:1:** Hibru ru ‘aleluia’ san fun: Yawe per tupani.



Ata wo, Sipsip Nanun in iwon pein  
inane san nal idu ya,  
agod inisan pein sen bala ipanig  
malan igane da.

<sup>8</sup> Anut ilon ibol an lo man, kulos milk-  
ouk sinjaokan geig ak pein an  
inane idiri a.

Kulos en ikokan di lilaman geig  
a.”

(Kulos e milkouk sinjaokan en, in Anut  
san tamolpein sad kagin itaot digane  
na yan ate tou ipani a.)

<sup>9</sup> Agog enel an igo irupaia g a, “On ru  
igo gire wa. Talpein e Sipsip Nanun  
pein inane san anan tubun ak lo Anut  
igiaig dupalu yen, uyasusai digane  
wa.” In fon mi igo irupaia g, “Ru en  
man Anut san ru rumok a.”

<sup>10</sup> An lo gug nai enel en sinjiren na  
turug nusoluwig in ubou an nile wo da.  
Akman in igo irupaia g, “On gidad ago  
ta gane na wa. Nai man on tei murou  
nek a Jesus ninen o ru diabi dabai dan  
dida, id sisem urat kisaek a. On Anut  
mi ubou an ule wa! Man dugo, idsad  
ru Jesus ninen o tabol ilasa dan, nek  
an mi profet adi sad ru fun mok a.”

*Jon in tamol hos milkouk ak fo  
imado dugo ile ya*

<sup>11</sup> Nai kumaen panu awan ipasig,  
hos milkouk ak imado dugo nile ya.  
Tamol a yan an Uyan di Rumok dubol  
dan hos an fufo imasig imado se ya.  
In kagin itaot mok an lo mi tamolpein  
kot lo ibitini ai dak agod yu igane  
da. <sup>12</sup> Inanen malan man yai ided on  
da, agod in kin san kitikat wei mi  
kabunan fo dien da. In tinin fo yanak  
kisaek girek a, agod in sen kisaek mi  
yanak an ilon a, tamol aenta man tia  
ya. <sup>13</sup> In kulos igane dan gubak mi  
dar lo dusomini a. Agod in yan an  
igo dubol, Anut san Ru. <sup>14</sup> Kumaen  
panu san yu tamol adi, agod yu pein  
adi dam, in siganed hos milkouk ak  
fo dumasig nien aban dirig patun fo  
dida dupalu se ya. In kulos milkouk  
sinjaok amadi ikok geig ak didiri a.

<sup>15</sup> Sabiri kisaek luon geig ak ta tamol  
an awan lo ilasag gidigidad yau se  
ya. Sabiri an lo in tamolpein warou  
fidian ibiai dudu wa. In makud ain

yabip, an lo tamolpein warou fidian  
itirnai dabai a. In pat bod tubun ak  
lo wain patun ipipi wo ipartitale wa.  
Wain an man Anut dabai fidian aman  
da yan san tinjae mumarek tubun geig  
ak ate tou ipani da. <sup>16</sup> Inisan kulos  
milaen an fo, agod nien dam fo yanak  
en digire ya.

Kin fidian sad Kin,

agod tamol tutubu yak fidian sad  
Tamol Tubun a.

<sup>17</sup> Agog nai enel kisaek ad malan lo  
itur dugo nile ya. In awan dabai geig  
lo anakanak keit titinjam durou dan  
igiaig igo ibol, “An apalup atumanip,  
Anut san anan tubun en malan agane  
wa. <sup>18</sup> An kin adi sad tinidi, yu tamol  
sad yu gurman dababai ak, hos agod  
tamol hos fufo dumado dan, tinidi ka  
ani wa. An tamol fidian, tamol sen ka  
bigabeg dumado dan, tamol kawan  
dutor dan, tamol gidigidad ak, agod  
tamol yan ad aman da yak, sad tinid  
mudan ani wa.”

<sup>19</sup> Agog nai mel kasik en, agod tan  
san kin adi agod sad yu tamol dida  
dupalug dutumani dugo nile a. In  
dutumanig an lo Tamol e hos milk-  
ouk ak fufo imado den, inanen yu  
tamolpein dida in lo yu digane wo  
da. <sup>20</sup> Ak man Tamol e hos milk-  
ouk ak fufo imado den, mel kasik an  
yabig isubani a. Profet sewak an dam  
yabig isubani a. Profet sewak en mel  
kasik an naon na kulob girager wei  
mi idiri ilasa na ya, an lo tamolpein  
a mel kasik an san kob inane dugo,  
san mitilaen dam ubou an dile yan,  
irawai se ya. Agog mel kasik in profet  
sewak da, nunod uraru kumaed du-  
mado dugo, gib saltek tubun en lo pat  
salfa awan isag, inani dak lo diabibol  
dudu ya. <sup>21</sup> Ago dugo Tamol e hos  
fo imado den, inisan sabiri awan lo  
yen dan ate, mel kasik san yu tamol  
ifug dumat pasik a. Agog anakanak  
adi fidian yu tamol adi sad sisanun  
dianig, luad ikafut idu ya.

## 20

*Kristus anajar 1,000 tan na ta-  
molpein itirnai a*

<sup>1</sup> Ago man ñai enjel ta kumaen panu ibiseig tan na idu dugo ñile ya. In banin lo man gib kuror fun tia yak san ki yabi dugo sein tubun geig ak ta dam yabi a. <sup>2</sup> Enjel en tan na ilasa dugo mot tubun en yabi a. Mot en man wagam geig ak san, yañan Satan dubol da, yañan taidam Uf Ru San Ur ago dubol da. Aria, enjel en yabig sein nam isubanig, subanek lo anañar 1,000 ago imado wa. <sup>3</sup> Enjel en Satan ibal gib kuror fun tia yak lo idu ya. In gib en san dalawan ifutanig lok iganeg dabai geig dugo, Satan kuai te ilasa san tia geig a. An lo Satan fon tamolpein warou fidian dumado dan irawai san dal tia ya. Satan gidad malan igane dop, anañar 1,000 yau gup, dubuseip kuai te ilasap saen katukan mi gidigidad itor a.

<sup>4</sup> Ñai kalik wei mi ñeil a, in nek ibol kinj adi sad kalik igo woñ a. Ago dugo tamolpein kalik an fufo dumado dak ñutudi dam ñeil a. Anut in tuod lo tamolpein bitinaek lo didiri san dabai ipidinai a. Tamolpein en Jesus o ilod lo rumok, inñan ru diabi sakar dugo, dubol ilasa na ya. In dam mel kasik an, agod san mitilaen dam ta ubou an dile na ya, agod mel kasik an san kob man, in banid fo, tia, in naod kapen fo ta diñane na ya. Fun amaiak niñen o ager adi burodi dutute dugo dufu dumat na ya. Tamolpein emaiak fon kumaed dumasag kinj igo woñ Kristus da sisem anañar 1,000 dumado na ya.

<sup>5</sup> Aria, en man tamolpein mutou lo yak foun dumasag dak sad saen malan te ya. (Tamolpein aenta dumat la yan, in saen an lo kumaen ta dumasag na ya. Saen anañar 1,000 itout gup, tamolpein an kumaen dumasag wa.)

<sup>6</sup> Tamolpein malan te mutou lo foun dumasag dan, ka ilod uyanan pe uyasusai tubun mi digane wa. Mateñ murnai san man, tamolpein naok amaiak ibiai dudu san dabai an tia ya. Tia, in Anut Kristus da sad pris adi ago dumado wa. Ago dop in Kristus da anañar 1,000 en lo tan na tirnek tamol igo dumado yau a.

### *Anut Satan daonj ipani a*

<sup>7</sup> Aria, saen anañar 1,000 en itout dop, gib kuror fun tia yak ate Satan subanek lo imado dan awan dupasip subanek ibiseip ilasa wa. <sup>8</sup> Satan tamolpein a tan titin fidian lo dumado dan irawai o kuai te ilasa wa. Tamolpein an man Gok in Magok da sad warou adi. Satan itumanaip yu diabisa wa. Inñad yu tamol sad sutek man loñ na lul igo woñ a. <sup>9</sup> Yu tamol an tan titin fidian lo dupalup tan aten fo tureñ diabip, gun adi sad aben agod taun tubun ak e Anut niñen o imat den ate dilasap disalti wa. Ak man, yai kumaen panu lo yan idup, yu tamol adi an inana pasik a. <sup>10</sup> Agog Satan gubak mi rawek igane se yan diabip, yai saltek a pat salfa ided dan ilon lo dibili idu wa. Ante man mel kasik ak in profet sewak da gubak mi diabibol dudu la ya. Ago dop nuñod utol an ad tidom pempem mi madai dam muruan dam disini wa.

### *Kot tubun ak ilasa ya*

<sup>11</sup> Agog ñai kalik tubun milkouk ak, agod Enti in kalik fufo imado dan dam ñeil a. Tan keit da in naon na dien san ta idaisuda na ya, an niñen o dusol diaug itout yau a. <sup>12</sup> Ago dugo ñai tamolpein yañad aman da yak, tamolpein kawan a dam dumat la yan ñeil a. In kinj san kalik naon na dutur se ya. Kot san buk awad dupasi dugo, buk taidam awan dupasi a. An man kumaen san buk. Gubak mi kulob dugo dugo tamolpein digane na yan, an fidian buk lo digire ya. Aria, gamu Anut in buk an ilod lo ile dugo, ru dugo digireg yen den iri panim, ago mi tamolpein dumat la yan sad kagin naok naok atem, naon atem itaot mok ipidinai se ya. <sup>13</sup> Tamolpein ensauta beig lo dumat go ate dumado dan, in dumasag beig dubuseig kot lo diaug dutur se ya. Tamolpein ensauta a Mateñ in Ades da lo dien dan, in dam dumasag kot lo dutur se ya. Ago dugo Anut tamolpein an fidian mi sad kagin dugo dugo tan na digane na yan bitinaek lo idirai

dugo naon ipidinai a. <sup>14</sup> Agog Materj Ades da yai saltek an lo diabibol dudu ya. Yai saltek an man materj murnai a. <sup>15</sup> Tamolpein fidian yanad kumaen san buk ilon lo ta yen na tap, yai saltek lo diabibol dudu diau a.

## 21

### *Anut melmel fidian idiraig foun dilasa ya*

<sup>1</sup> Nai malag yang keit foun ak in tan foun ak da dien dugo neil a. Tan wagam ak in keit wagam ak da ditout diau la ya, agod beig dam itout yau dugo foun ak ta aben inane man tia ya. <sup>2</sup> Nai Anut san taun tubun ak nile dan man, Jerusalem foun a. Nai malag lo Jerusalem foun an Anut san kumaen panu ibiseig idu se ya. In san bala man uyanan geig a, nek ibol pein tamol inane wo damag dupani ak igo mi a. <sup>3</sup> Ago dugo kin san kalik fo na talpein ta awan dabai geig ak, igo iwagin dugo nalon a. "Alon ak, gamu Anut inanen tamolpein lulunad lo imado da. In dida sisem turen diabi wa. Tamolpein en man Anut san warou mok a. Anut in sen mi dida dumado wa. <sup>4</sup> In tamolpein an malad turon isasi pidinai dop fon ta dumat na wa. In ilo muruan dam tinan dam tia wa. In madai fon mi ta dile na wa. Man dugo, melmel wagam ak san man gamu itout geig a."

<sup>5</sup> Enti a kin san kalik fo imado dan igo ibol, "Alon ak, nai melmel fidian ndiraig foun ak dilasa wo da." In fon mi igo ibol, "On ru en gire wa. Ru en man rumok geig a. Tamol fidian ru en ka ilod lo rumok a."

<sup>6</sup> Agod in igo nai irupaiag a, "Melmel fidian dilasa la ya. Nai mi malan te numado dak, ago mi murna dam numado wa. Nai mi fun, agod nai mi wadan. Gidad talpein ta kulagun igos dop, nai you kumaen san e sen ibanai den ninanep, naon tia kawan nupanip iluk a. <sup>7</sup> Talpein enti yu igane itout dop mel en fidian insad tamad imado wa. Nai man inanen Anut, agod in dam naineg nanug mok a. <sup>8</sup> Ak man, talpein a direr dugo dusuk dumul

dan, talpein a inaned ilo rumok patud dupani dan, a kagin saian geig nun anda yak digane dan, talpein a dufu dumat dan, a jeit kagin digane dan, a nawir digane dan, a tubud sewak adi lo dugudani dugo sad ubou leil digane dan, agod tamolpein fidian ru sewak dubol dan, inaned aben man, yai saltek pat salfa lo ided dan ate dumado wa. En man materj murnai a."

### *Jon Jerusalem foun ak ile ya*

<sup>9</sup> Enel seven insad daeg lo muruan seven a tamolpein malad issue san awan isa yan diabi da. Aria in lulunad lo enel ta kisaek naisag na ipalug igo irupaiag, "On palup, nai nug nanek san pein nukubiaip ule wa, an man Sipsip Nanun san pein." <sup>10</sup> Ago dugo enel en, ninamin Urgan igane ilasa yan lo nai isinag go, in da did tubun lak na geig ak fo mau a. Ante man in taun tubun gun ak Jerusalem ikubiaig nai nile ya. An Anut san na kumaen panu ibiseig idu dugo leil nupani se ya. <sup>11</sup> Anut san lilaman girager tubun an naon senamo geig taun an lo irafule dugo aban kuai isi a. An nek ibol pat sinjakan yanjan jaspas naon lak na geig ak igo won a. Pat jaspas san lilaman man pat daran di kadabog, agod mum igo won ided da, sinjakan geig man nek galas on a. <sup>12</sup> Taun en man in san ar tubun di lak na geig a. In san dalawan 12 ar ate dien da. Enel 12 dalawan an sinjired na dutur se ya. Agod Isrel gugoi 12 sad yanadi dam dalawan ate digireg dien da. <sup>13</sup> Ar en san titin ad ilasa dak lo man, san dalawan utol a. In san titin not lo man dam dalawan utol, saut lo dam utol a. Ar titin ad idu yau dak lo an dam utol a. <sup>14</sup> Pat 12 taun en san fun dabai dupanig dien da. Sipsip Nanun san aposel 12 an yanadi dam pat en fo na digireg dien da.

<sup>15</sup> Agod enel e nai da mukubiai den, makud gol ta lo tou igane san aman da ya. In taun tubun en, agod in san ar, agod ar san dalawan dam touad igane wo da. <sup>16</sup> Taun tubun en san giranen iwoiwo yan san tou man naon

kisaek a. Inſan milaen inſan tubun dam tou naon kisaek mi a. Enjel makud an nam taun tou yabig, san tou man 12,000 kilomita igo woŋ a. Taun giranjen iwoiwo yan, san lak na dam fidian sad tou naon kisaek a. <sup>17</sup> In taun an san ar tou yabig, ar san bubanjan san tou man 144 mita igo woŋ a. <sup>18</sup> Taun an san ar man, Anut gubak mi pat siŋaokan daran di tinin mum ak nam igane ya. Taun inſen man Anut gol nam igane ya, siŋaokan geig di ibol galas oŋ a. <sup>19</sup> Taun an san ar fun man, Anut pat sensen naod lak na yak nam damag ipani a. Pat siŋaokan ar fun te man jaspa. Tinin te man pat yedyed ak yaŋan safaya. Ta man pat girager wei mi dukubuli dan yaŋan aget. Ta man pat mum ak yaŋan emeral. <sup>20</sup> Pat kafen ak san girager man daran di milkouk da, yaŋan onikis. Pat sukun an man daran, yaŋan konilian. Pat balab man kadabog, yaŋan krisolait. Pat mum ak ta man naon sen ak ibol beig oŋ yaŋan beril. Ta man pat kadabog ak yaŋan topas. Ta yaŋan krisopres, san girager kitek mum oŋ a. Ta yaŋan aiasin, san girager man daran di kadabog da dukubuli a. Ta yaŋan ametis, san girager man ibol daran di yedyed da dukubuli igo woŋ a. <sup>21</sup> Dalawan 12 en man, kululoi milkouk 12, sad naod man lak na geig a. Dalawan kisaek kisaek atem kululoi tubun ak kisaek kisaek nam digane ya. Taun san dal malan te yak gol nam digane ya, agod san leil man nek ibol galas oŋ a.

<sup>22</sup> Nai ubou ab ta taun en lo yen dak nile man tia ya. Tia, Tubud Anut in dabai fidian anda yan, Sipsip Nanun da inſed mi ubou ab san aben diŋane ya. <sup>23</sup> Taun en lo ad in kalam da lilaman digane san urat amad tia ya. Tia, Anut san ilalan tubun an mi lilaman ipani da. Agod inſan lam man Sipsip Nanun mi a. <sup>24</sup> Tamol warou fidian man taun en san lilaman lo dutor a. Ago dop tan san kin adi inaned filiadi an disinip inſan na dupalu wa. <sup>25</sup> Ad lo in ar san dalawan ta dufutani na wa. Tidom fon taun

an lo ta ilasa na wa, an lo man ar san dalawan pempem mi ikasap dien a. <sup>26</sup> Tamolpein warou fidian sad melmel girager amad da yak, agod mel uyanan dam disinip taun an lo diladu wa. <sup>27</sup> Mel ta nun anda yak taun an lo ta iladu na wa, tia geig a. Tamolpein a miai kagin, agod rawek kagin digane dan dam ta diladu na wa. Tia, tamolpein a inaned yaŋadi Sipsip Nanun inanen kumaen san buk lo digire yan mi ka diladu wa.

## 22

*You kumaen san agod ai kumaen san*

<sup>1</sup> Agog enjel en nai you tubun ak ta ikubiaig nile ya. You en kumaen san, inſan lilaman nek ibol galas oŋ a. You en Anut in Sipsip Nanun da sad kalik paen na ilasa dugo, <sup>2</sup> taun titinŋae mi yau da. You san awan gigin aenta lo agod aenta lo dam ai kumaen san dutor da. In anajar kisaek ilon lo saen 12 nuŋod dufu da, kalam kisaek kisaek ate mi. Ai roudi an tamolpein subam ad da yak ikubuniaian san. <sup>3</sup> Mel ta Anut san misilane ru paen na yen dan taun en ilon lo ta yen na wa. Anut in Sipsip Nanun da sad kalik kisaek an mi taun an lo yen a. Ago dop Anut san urat tamol, urat pein dam in lo ubou dile wa. <sup>4</sup> Tamolpein en Anut naon ka dile wa, agod in yaŋan man naod kapen fo igirep yen a. <sup>5</sup> Tidom fon ta ilasa na wa. Lam in ad da lilaman digane san urat amad tia wa. Tia, Anut inſen mi inſad lilaman. Agod inanen tamolpein an in kin agod kwin dilasap pempem mi ago dumado wa.

<sup>6</sup> Enjel e nai da mukubiai den igo irupaiag a, “Ru en fidian man rumok geig a, tamol fidian ru en ka ilod lo rumok a. Agod Anut Tubun ak in profet nitudi sad Anut, inanen enjel idinig urat tamol adi agod urat pein dam, mel fidian mitep ririan dilasa san ikubiai pidinai o ipalu ya.”

*Jesus ririan imul ipalu wa*



<sup>7</sup> Jesus ibol, “Alon uyan. Nai anjam na nupalu san saen sumeik la ya. Aria, talpein ta Anut san ru murnap ilasa san buk en lo yen den iri ipani dan, uyasusai ka igane wa, man dugo, in bar uyanan inane wa.”

<sup>8</sup> Nai Jon, nai ru en nalon dugo mel fidian dam malag nam nile ya. Agod saen nai nalon dugo nile yan man, nai enel emaiak mel e fidian ikubiag nile yen, nien fun na turug nusoluwig in lo ubou nile wo da. <sup>9</sup> Ak man in nai irupaiag, “On gidad ago ta gane na wa. Nai on da urat kisaek a. Taida mi, onane tei tao profet adi, agod tamolpein a buk en san ru diganuri dan man dida urat kisaek a. Anut mi ubou an ule wa!”

<sup>10</sup> In fon mi nai igo irupaiag a. “Profet ru buk en lo yen den, on ta pirani na wa. Tia geig, man dugo, ru en nunon ilasa san nal man ipalu sumeik a. <sup>11</sup> Saen katukan ak ninen o, talpein kagin saiak saiak digane dan in ago mi ka digane wa. Talpein kagin nun aman da yak digane dan, in dam ago mi digane yau a. Talpein kagin itaot digane dan, kagin nek ago mi ka digane yau a. Agod gun adi dam inaned kagin gun an mi ka digane yau a.”

<sup>12</sup> Jesus igo ibol, “Alon ak, nai nupalu san saen sumeik a. Nai tamol fidian inaned urat emaiak san naon nupidinai san nisinip nupalu wa. Nai tamol kisaek kisaek urat dugo dugo digane na yan atem itaot inaned urat naon nupidinai a. <sup>13</sup> Naiseg mi imug numado yak, agod wadan lo dam numado wa. Nai mi malan te numado dak, ago mi murna dam numado wa. Nai mi fun, agod nai mi wadan.

<sup>14</sup> “Tamolpein inaned kulos dufu-lani la yan, in uyasusai digane wa. In ai kumaen ipidinai san an ate

anan ka dinane wa. Agod in taun san dalawan lo ka diladu wa. <sup>15</sup> Ak man goun adi agod tamol adi a nawir digane dan, tamol jeit kagin digane dan, tamol dufu dumat dan, a tubud sewak lo ubou dile dan, tamol fidian a kagin sewak duri dupani dan, tamol naok amaiak taun san ar patun fo dumado wa.

<sup>16</sup> “Nai Jesus, nai gubak mi naisag enel nidinig anjam na yau a, an lo ru e an Kris midaen adi alon la yen irupaiag a. Nai man kin Dawid san ai dabin, agod in san malan kubulan. Nai man patui nek a salso idu dop ided dan nek ama ya.”

<sup>17</sup> Awan Ur in Sipsip Nanun san pein da Jesus durupeig ago dubol, “On palu.” Agod talpein enti buk en lo ru ilon dan in dam ka ibol, “On palu.” Talpein enti kulagun igos pe iluk o imat dop, in ka ipalup you kumaen san an naon tia kawan inane wa.

<sup>18</sup> Nai ru dabai nam tamolpein fidian a profet ru buk en lo dulon an nurupidai da. Talpein enti buk en lo ru sen ta ibate dop, aria, buk en lo mel saian geig Anut ninen o ibol en, Anut in sen mi ibatep talpein an san na ilasap isini wa. <sup>19</sup> Taida mi, talpein ta in profet ru aenta buk en lo yen den ipasi yau dop man, muruan naok en in isini wa. In ai kumaen an lo anan ta inane na wa. Agod Anut san taun ninen o buk en ibol dak, ilon lo ta imado na wa.

<sup>20</sup> Tamol mel en fidian ninedi wo ibol ilasa den, gamu igo ibol, “Rumok nunon, nai milaen tiap nupalu saltik on a.”

Rumok. O Tubun ak Jesus, on palu!

<sup>21</sup> Tubun ak Jesus inanen ilo panek an Anut anen tamolpein fidian mi ida ka amado wa. Rumok.